



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





Antony Expeille - Madrid . 1846. 10th

H

I

T

pléc
impe

**BIBLIOTHECA
HISPANA
VETUS.
TOMUS PRIMUS**

**Completens scriptores qui ab Octaviani Augusti
imperio usque ad annum M. floruerunt.**

THE UNIVERSITY OF CHICAGO

PHYSICS DEPARTMENT

CHICAGO, ILL.

SEPTEMBER 19, 1934

PROF. J. H. P. JOHNSON

BIBLIOTHECA HISPANA VETUS,

S I V E

Hispanorum, qui usquam unquamve scripto aliquid
consignaverunt, notitia.

*Complectens scriptores omnes qui ab Octaviani Augusti imperio
usque ad annum M. floruerunt.*

TOMUS PRIMUS.

A U C T O R E

D. NICOLAO ANTONIO HISPALENSI J.C.

Ordinis S. Jacobi equite, patriæ Ecclesiæ canonico, regionum negotiorum
in Urbe & Romana curia Procuratore generali,
demum Matriti Consiliario regio.

OPUS POSTUMUM:

Nunc primum prodit jussu & expensis

EMINENTISSIMI ET REVERENDISSIMI DOMINI

D. JOSEPHI SAENZ

CARDINALIS DE AGUIRRE.



ROMÆ, M. DC. XCVI.

Ex Typographia Antonii de Rubeis propè S. Sylvestrum de Capite in Via Vitis.

S U P E R I O R U M P E R M I S S U.

SANCTISSIMO D. N.
INNOCENTIO
DUODECIMO
PONT. MAX.



*B nobilitatem & modestiam,
Sublimi pariter & humili,
Excelso ac miti,
Forti & leni:
Magnanimo erga honores,
Sine ambitu, sine arte:*

Non


*Non quæritos, sed oblatos,
 Et decenter admissos:
 Vero Gregis Christi Pastori,
 Non tondenti oves,
 Sed pascenti:
 Non quærenti quæ sua sunt:
 Magnifico sine fastu,
 Liberali sine pompa,
 Benefico sine strepitu,
 Justo sine supercilio:
 Libero ab affectu carnis,
 Vacuo à philautia sanguinis,
 Quasi puro spiritui,
 Aut in Cælis nato:
 Pauperum Patri
 Piissimo ac suavissimo,
 Quorum plures chiliadas
 Nepotum loco habet:
 Zelatori invicto
 Decoris domûs Dei,
 Fidei, ac Religionis,
 Justitiæ & disciplinæ:
 Reddenti cuique suum,
 Benemeritis præmia,
 Sceleratis supplicia,
 Oppressis tutelam,
 Afflictis solatium,
 Egenis auxilium:
 Communi Patri,
 Omnibus omnia factò,*

Æqua-

*Æquânimo erga omnes ,
 Ad trutinam æquitatis :
 Arcui fœderis
 In hac bellorum procella ,
 Sive diluvio sanguinis
 Ubique ferè exundantis :
 Tribunalium directori ,
 Electori bonorum Judicum ,
 Non prece , non pretio ,
 Sed meritorum pondere :
 Parenti , institutori , auctori ,
 Lectissimorum Cardinalium ,
 Insignium pietate , justitiâ , & sapientiâ ,
 Abolito penitus nepotismo :
 Denique intra paucos annos Pontificatûs
 Plura & eximia operato ,
 Quæ multis retrò sæculis
 Potiùs optare quàm sperare licuerat :
 Tanto inquam Pontifici ,
 Maximo inter Catholicos ,
 Ipsis etiam Heterodoxis Magno ,*

HANC BIBLIOTHECAM VETEREM HISPANAM,
*Sive recensione Historiçã, Chronologicã, & Criticam,
 Auctorum octingentorum circiter Hispanorum ,
 Qui ab ineunte imperio Octaviani Augusti ,
 Usq; ad annum Christi millesimum quingentesimum
 Aliquid scripsisse inveniuntur variis linguis ,
 Præsertim Latinâ , Græcâ , Hebræicâ , Arabicâ ,
 aut quavis aliâ ,
 Nunquam hætenus editam .*

Opus Postumum magni viri D. NICOLAI ANTONII,
JOSEPHUS SAENZ CARDINALIS DE AGUIRRE,
Olim tit. S. Balbinæ, nunc S. Mariæ super Minervam,
Protektor regni Siciliae,
Post sacrorum pedum oscula,
DICAT CONSECRAT.



DE HISPANORUM DOCTRINA, BIBLIOTHECARUM UTILITATE, Et proposito hujus Operis AD LECTOREM PRÆFATIO.



CLARISSIMA toto orbe terrarum, ac per omnem ejus ætatem, regionum Europæarum princeps, mundi quæ ab oceano surgentis caput HISPANIA, peperisset utique sibi magnum satis decus atque ornamentum famæ non intermoriaturæ unquam, sed à præstantissimis quoque aliarum gentium populis invidendæ, si solum Reges optimos ac fortissimos duces, belli fulmina milites, atque omnium virtutum politicarum exempla posterorum memoriæ atque imitationi consignasset. Quinam etenim inter mortales omnia possumus? Divisit rerum supremus conditor dotes ac dona sua eo providentiæ ordine, ut unaquæque provincia aut natio præ aliis excelleret peculiari aliqua prærogativa, qua quidem id compensare posset in quo ab eis superabatur. Adeo ut principem quendam in cæteris locum non ea quidem obtinuisse dicenda sit, cui nihil prorsus, sed cui minùs earum rerum defuerit, quæ aut commendatione ipsius naturæ, aut communi hominum existimatione censentur, suisque possessoribus ad rectè beateque vivendum quasi manus & instrumenta sunt. Neque adhuc tamen (ut humana omnia fluxa & inconstantia ac vicissitudini sunt damnata) quæ semel alicui genti benigno summi bonorum largitoris influxu contingere, adeo ei coalescunt, & propria innataque reputari debent, ut non abscedere aliquando, locumque inde vertere, ac ne vestigia sui in eo solo, cui altissimis infixæ radicibus videbantur, impressa relinquere valeant. *Ita fato placet (ait Seneca^a) nullius rei eodem semper loco stare fortunam.* Hæc itaque mortali, seque ipsam per partes impellenti & exterminanti naturæ haud injuria imputare nos nulli non liquere poterit, qui vel simplici quadam injectione mentis ad historiarum speculum orbem terrarum in ejus partibus, populorumque orbis tempora in eorum evenibus (quantum ab illo, quod olim fuerant, mutata!) voluerit contemplari. Deplorabilia etenim hujus transformationis, atque eximie cujusque laudis ex alia in aliam gentem emigrationis documenta & exempla nullum non suppeditat ævum jam hodie exactum, nullum non ex his, quæ in posterum exigentur, suppeditabit. Sive id non tam naturæ, quàm numini ejus auctori magis certè adjudicamus, scelera nostra clade & ruina expianti, ut agnovit & Alexander

^a In Consol. ad Helviam matrem cap. 2.

Bibliotheca vetus Hispana Tom. I.

b

der

b Lib. 2.
cap. 5.

c De Pallio
cap. 2.

d Lib. 9.
cap. 15.

der ethnicus Rex apud Curtium^b : *Vices accipiunt melius acturi*, Christiano fermè ore proclamans. De imperio nunc non dicam, quod frequenter magis hoc fidere afflari solet, neque de temporum ea vicissitudine, quæ in res grassatur, Scio enim quantum ingeniosa illa Sibyllini carminis Tertulliano^c & Lactantio^d lecti paranomasia paucis verbis universitatem rerum inconstantiae suæ admoneat:

Εἴδῃ & Σάμος ἄμμος, ἐστὶ Δῆλος ἄδηλος,

Καὶ Ρώμη ῥύμη

Erit & Samos arena, & Delus ignota,

Et Roma vicus.

II. Religionem nunc, probitatem, fortitudinem, prudentiam, civilitatem, atque alias virtutes, quæ animo retinentur, longè discessisse ab iis regionibus, quæ magnum sibi exinde nomen præconiumque olim paraverant, ut alibi radices agerent, aliquando & ipsas revellendas, tot ferè nationes sunt expertæ, quot vitalem spiritum ex hoc reciprocante vices turbinum ac serenitatis aëre traxerunt. Operæ quidem magnum esset pretium ad cuiusque huc divertentis instructionem eas omnes dinumerare, quæ è fastigio in præcepta deturbatæ sunt, aut ex infimo in summum locum præcipuæ laudis exaltatæ, si non una sufficeret Græcia ante oculos posita: illa, inquam, Græcia, quâ nihil sapientius, nihil fortius, nihil politiae omnis, pulchritudinisque aut nitoris plenius sol unquam vidit, aut mens humana concipere & excogitare potuit. Quid eâ nunc indoctius, quid imbecillius, quid bonorum omnium indigentius, & commiseratione dignius universitas rerum continet? Asiam taceo & Ægyptum, olim doctissimas, piissimas, hodie sui immemores, & ruinas tantum. Hispaniæ verò sic benevolus fuit semper naturæ, sic beneficus gratiarum & gratuitorum omnium donorum auctor, ut quid aliis invideret gentibus, aut peregrè admiraretur, vix se circumspiciens alicubi deprehenderet. Fortitudinem, belli aviditatem, virium robur, impatientiam vitæ, cum esset mori honestum, inedia & laboris, æstus & frigoris patientiam, libertatis amorem innatum Romani & Græci scriptores passim Hispanis tribuunt. *Audacem, ferocissimam, jugique impatientem* Tibullus & Florus: item *bellatricem, viris armisque nobilem, seminarium hostilis* (nempe Carthaginensis) *exercitus* ibidem Florus: *pugnacissimam barbarorum* Thucydides: *animique prodigam* Silius: *impacatam* Virgilius: *in hostes crudelem, erga advenas humanam & hospitalem* Diodorus Siculus appellat gentem. Inhæserunt hæ virtutes nostris animis sic profundè, ut licet variaverit suas fortuna temporum vices, Romanis nulli diutiùs restiterint, aut Romanos sæpiùs vicerint, sub Gotthis non alii frequentius triumphaverint, iidem atrocissimam ab incurfione Mauro- rum calamitatem & (ut ita cum jurisconsultis loquar) vim divinam constantissimè ac fortissimè sustulerint, exarmaverint, tandemque dispulerint; cumque iis debellatis datum aliquando est cum Europæis aliis populis ad proelium componi, ab omnibus iis præcipuam quandam, nec antiquâ inferiorem, bellicæ virtutis laudem, quantumvis æmulis, aut ire sub juga nostra iussis, reportaverint. Lucii Marinæi Siculi de tempore suo loquentis verba subjungere non gravabor. *Tempore nostro* (ait) *Reges, externosque duces, omnesque principes videmus, qui bellæ gerenda parant, diligentissimè quærere Hispanorum exercitus, quod de illorum nec fide, nec fortitudine, nec constantia dubitent*. Ita olim factum, cum Romana gens maxima floreret disciplinæ militaris laude: Hispanis enim militibus supplevisse eam legionum numeros ex Adriano Spartiani observat Isaacus Casaubonus. Præterea justitiam eam sic semper excoluerunt majores nostri, & , quæ pars magna justitiæ est, erga Principes fidelitatem, quæ vel nunc, adversante nullo ex nationum descriptoribus atque censoribus, virtutes alias gentis splendidius multò lucere facit, & si quæ vitia sunt (non enim nobis adulamur) haberi foris domique indulgentiùs, labentiùsque naturæ mortalium non ægrè condonari. Justitiam Hispanorum & fortitudinem præ aliis dotibus, hoc est, virtutem belli, & sapientiam pacis, commendare opportunum iccirco atque æquum duximus, quia aliis & aliis è communione populorum intermissis innoxie aut profligatis virtutibus

tibus absque duobus istis nulla constare potest reipublicæ ratio, nullum, vel minimum, imperium coalescere ac perennare.

III. Magnam rem, inquam, præstitisset Hispania etiam si eorum tantum fructuum læta proventu, quos produxisset ei Martis campus, Jovisq; fovisset premium, de cætero bonis artibus & literarum studiis vale dicto, Minervam & Apollinem, tanquam aliarum gentium deos, haud aliquo esset obsequio cultuq; dignata. Sed cum Genius gentis ad maxima quæque adaptasset eorum indolem; sic statim ab eo tempore, quo barbara & (ut Justinus loquitur) propiora feris quam hominibus ingenia convictu Romanæ gentis exuere, civilem omnem, & eloquentiæ atque sapientiæ doctrinam ut indipiscerentur, ingenio & industria ducibus sic strenuè ac feliciter contenderunt, ut brevi etiam Romanæ urbi cunctarum disciplinarum præceptores inferre, victorisq; ac dominatoris populi non milite, non auro tantum copias, ærariumq; sed gymnasia ipsa, theatra, forum, atque senatum lectissimis undique Musarum Mercuriiq; sacerdotibus in dies magis ac magis locupletare possent. Quam verè & non adulatoriè Pacatus, tamen in *Panegyrico ad Theodosium Augustum*, natalis provinciæ laudibus aliis hanc etiam annumeravit, unde sapiens, disertaq; docta q; audiret Hispania! *Terris omnibus* (ille ait) *terra felicior, cui excolenda, atque adeo ditanda impensius quam ceteris gentibus, supremus ille rerum fabricator indulget.* Cui quidem uni (iterum ait) *quicquid ubique laudatur, assurgat. Hæc durissimos milites, hæc experientissimos duces, ac facundissimos oratores, hæc clarissimos vates parit: hæc judicum mater, hæc principum est.* Robur hæc verba, corporum & animorum præsentiam in bellatoribus, imperatorias artes in belli ducibus, eloquentiam atque justitiam in reipublicæ administratoribus, poëticiæ facultatis excellentiam in vatribus, tandemq; augustissimam in producendis optimis principibus felicitatem gentis significare posita sunt; de qua ultima, ne id habere insuper videar, repetere libet, quamvis nulli non visa, Claudiani carmina in *laude Serenæ Reginæ uxoris Stiliconis*:

*Quid dignum memorare tuis, Hispania, terris
Vox humana valet? primo levat aquore solem
India, tu fessos exacta luce jugales
Proluis, inque tuo respirant sidera fluctu.
Dives equis, frugum facilis, pretiosa metallis,
Principibus facunda piis.*

Et paullo post:

*Namque alie gentes, quas fœdere Roma recepit,
Aut armis domuit, varios aptantur in usus
Imperii, Phariæ segetes & Punica messis
Castrorum devota cibo, dat Gallia robur
Militis, Illyricis sudant equitatibus ale.
Sola novum Latii vœtigal Iberia rebus
Contulit Augustos. fruges, araria, miles
Undique conveniunt, totoque ex orbe leguntur:
Hæc generat qui cuncta regant.*

Quæ quidem urbi & imperio fructuosissima, propterea q; isto & aliis veterum testimoniis celebratissima Hispanæ (indolis dicam an fortunæ?) ubertas in nihilo defecta debilitatæ Imperatorum eminentissimorum editione, quorum in Romanis annalibus maxima laus est, in Gotthorum utique nostris Regibus ex barbarè fortibus ad summam æquitatem & humanitatem formatis, indeq; in Legionis, Castellæ, Aragoniæ, Portugalliæ, Navarræ Regibus, majorem partem excellentissimis, atque omni præconio majoribus, tot sæculis continuavit, immo felicitare nos & universum famâ sui complere orbem terrarum pergit.

IV. Sed ut ad literarum amorem paullisper intermissum revertar, Turdetanis meis ante alios Hispaniæ populos hanc laudem consignabat antiquitas. An de aliqua gente barbarorum (ut Græci non Græcos omnes appellare solebant) dictum usquam auditumve dignius quicquam eo quod ex Strabone subjungimus?

e Lib. 9. geograph.

mus? *Hi inter Hispania populos (ait ex Græco Latine loquens) sapientiâ præstantur excellere, & literarum studiis utuntur, & memoranda vetustatis volumina habent; poemata, leges quoque versibus conscriptas à sex annorum millibus, ut ajunt. Ceteri etiam Hispani usum habent literarum &c.* Asclepiadis item Myrliani, Græci (ut videtur) in iisdem Turdetanis ludimagistri, facta in eodem libro Strabonis mentio Græcas literas in pretio & in studio apud nos fuisse prodit manifestissime: uti & epitheton eruditionis genti nostræ sub Iberorum appellatione ab Horatio Flacco attributum eo versu ex *Ode ad Mæcenatem* ultima lib. 2. *Carminibus*:

— *Me peritus*

Discet Iber, Rhodanique potor.

qui tam aperti sensus est, ut mirari subeat interpretum de causa peritiæ Iberis adjudicatæ hallucinationes, poëtæ sententiam gentisq; honorem, nescio an satis candidè, aliò avertentium. Huc etiam referendum est, inventos in his partibus viros, qui Titi Livii Romanorum historicorum principis famâ commoti, ejus videndi causâ itinere in Italiam usque arrepto, non sibi & genti suæ minorem egregiæ indolis ac doctrinæ gloriam comparavere, quàm Liviana gloria est, hoc præcipuo inter alios existimationis tam longè lateq; dispersæ testimonio & confessione (quantumvis non ullo ejus divinorum monumentorum posterius fruerentur) clarissima nunquam non futura.

V. Si autem ad meliora sæcula & commutata cum Romanis morum civilium, optimarum disciplinarum, atque elegantissimæ linguæ bona jam accedamus, oratores, poëtæ, philosophos Romæ contulimus facundissimis, ingeniosissimis, sapientissimis eorum non inferiores; ut ostenderetur vinci armis ferè semper fuisse fortunæ donum, ingenio autem nullas injici manus, aut immitti jugum posse. Vix enim pacata fuit, & (ut ille ait) serâ catenâ vincita ab Augusto Hispania, cùm florere in urbe rerum domina, dicendiq; facultate coeperunt præesse victoribus magna illa literarum nomina Julius Hyginus, bibliothecæ ejusdem Augusti præfectus, Portius Latro declamatorum princeps, Moderatus Columella naturæ disertus illustrator, Sextilius Henna ingeniosus poëta, Quintilianus senex, junioris pater, & pro pluribus aliis Annææ domus, magnorum ingeniorum parens, quæ M. Senecam, qui Lucium ejus filium, quæ Lucanum, Lucii ex sorore nepotem (de quibus pauca dicere neque lubet, neque æquum est) Romanæ magnitudini verè æquales, declamatorem, philosophum, poëtam, vitæ, luci, atque famæ dedit, uti & Jun. Gallionem, quem Seneca ipse Rhetor Portio Latroni in utriusque eorum studio comparat. Quid nunc Quintilianum referam ex altero illo genitum, oratorum inclytum præceptorem, cenforemque, nisi quod in ea tempora inciderit, quæ nullum, aut non magnum, in republica gerenda, ut olim, locum iis concessere? Martialem, &, si placet, Silium quoque, Bilbili & Italicâ oriundos, quorum alteri severiores, alteri mansuetiores Musæ sic indulgenter arrisere, ut quem Punici belli egregio descriptori, aut morum urbanorum facetissimo atque argutissimo reprehensori conferre, opponereque valeat aut velit, vix habeat unum aut alterum illa eorum ætas? Pomponium Melam, pressum & elegantem geographiæ, si quis alius, auctorem? Adrianus item Augustus, Trajani successor & consobrinus, noster est. qua enim fronte audebit aliquis credulitatem suâ non addicere Cassio Dioni, Eutropio, Eusebio, Agellio, Aurelio Victori, Elio Spartiano, Cassiodoro, Latino Patato, aliis affirmatissime id scribentibus? Is autem cùm ejusdem Dionis verbis naturâ esset *amans literarum utriusque linguæ*, & Spartiani testimonio *poëmatum & literarum omnium studiosissimus, arithmetica, geometria, pictura peritissimus, oratione & versu promptissimus, & in omnibus artibus peritissimus*, Dione ipso referente in Joannis Xiphilini *Epitome*; multa, tam pedestri oratione quàm carmine, conscripta reliquit. Ex quibus metrici laudantur *Alexandreidos* libri apud Stephanum^f, pede liberi, opus *de Vita sua* Phlegonti liberti suppositum, *Catcriani* libri obscurissimi (de quo nomine arguantur plura viri eruditi) *Orationes*, quarum *pro Italicensibus* civibus suis unam Agellius laudat^g, *Sermonum* tandem libri, ut videtur, grammatici, quorum grammaticus Sosipater meminuit.

Nec

f In A's pæda & in Σάπνα.

g Lib. 16. cap. 13.

Nec sine idoneo testimonio Prisciani etiam Grammatici, Trajano ipsi, à quo Adrianus habuit imperium, *Dacicorum*, seu Dacicæ ejus expeditionis libros adjudicamus, quem & versibus pangendis delectatum, Plinius in *Epistolis* ^h non obscure significat.

h Lib. 5. ep. 1.

VI. Christiana verò fide imbuta Urbe & imperio, Sanctus Damasus Papa, & Hosius Cordubæ Episcopus, sic eruditionem sustentavere Hispanam, ut sua quoque, nec mediocris, laus, Paulo Orosio cesserit, Dextro atque Idacio historicis, Prudentio, Juvenco, Avieno, Matroniano, Dracontio poëtis, Gregorio Bætico, Paciano, Apringio, Juliano Pomerio, Justo Urgelirano, & ejus fratribus, Catholicæ veritatis vindicibus. Gotthorum gentem & imperium non diu post illustrare fulgentissima illa coeli nostri sidera, Leander & Isidorus Hispalenses, Fulgentius Carthaginis Ecclesiarum antistites, fratres, quorum opus tam verbo quam scriptis proculsum Gotthica fuit & Hispana gens è Cimmeriis Arianismi tenebris ad dias veræ fidei oras reducta, sibi quæ restaurata. Ildephonsum, Eugenium, alios, Toletanæ Sedis Episcopos æqualis cum superioribus magnitudinis astra satis splendore suo conspicua sunt, quin faculâ nostræ laudis indigeant. Neque enim Fastos nunc Scriptorum describimus, sed tantum perpetuam apud Hispanos literarum celebritatem atque existimationem fuisse rei causâ confirmamus.

VII. At nec ea quidem tota in præceps cum imperio ivit, quando Arabum Dynastis colla huic tam acerbæ poenæ ob insolentiam criminum impendi verè digna Deo visa subdidimus, captivorum quæ corporum animi calamitatis suæ consilii nihil minus quam à literarum fontibus, qui ubique exaruerant, solatium sibi aut rebus suis compendium aliquod providere cogitabant. Planè enim conservatæ sunt sub cineribus illis, in quos gloria gentis è fastigio suo deturbata, & barbarorum flammis extincta confederat, scintillæ quædam sacri sapientiæ ignis atque doctrinæ, unde inflammatos legimus, & ad fovendum, quasi Vestæ focum Romanæ olim virgines, literarum amorem erectos Beatum cum Eterio, Isidorum Pacensem, Eulogium martyrem, Alvarum Cordubensem, Bonitum, Prudentium Trecensem Episcopum, & alios, quorum eò major laus ac de civibus suis meritum fuit, quòd nullis Christianarum scholarum, nullis, aut valde paucis, exemplorum à viris excellentibus venientium subsidiis adjuti, & ad colenda studia invitati, verè uti flores in arido & horrenti spinarum campo, germinare, visi sunt.

VIII. Ueberior tamen proventus ille exstitit literarum & ingeniorum culturæ, qui in Arabum & Hebræorum Hispaniæ civium, ac proinde nequaquam ei poenitendorum, cecidit gremium. Credibile enim vix est quæ mentis contentione ac virtutis amore hoc genus hominum in bonas disciplinas, præcipue quæ sacrarum literarum explicationem, philosophicam ac medicam, & omnes liberales artes incubuerint; quorum doctissimis (si demas tamen superstitiones & aniles eorundem in religionis negotio fabulas) etiam Christianæ Academiæ diratæ sunt, fruentur quæ monumentis. Ferè enim quicquid in sacris libris elucubratum est eo tempore ex Hebræicis fontibus, quicquid in Medicinæ & Philosophiæ arcanis eruendis mens humana insumpsit laboris & vigiliarum, è finibus Hispaniæ, & ex scholis utriusque hujus gentis prodiisse, illorum nemo inficiabitur, qui earum bibliothecas sedulo excusserit, nos quæ aliquando, quum fidem integri hujus & absoluti operis liberare dabitur, ostendemus. Planè Hebræicæ Synagoge, tam apud Mauros quam apud Christianos frequentes, & inter Hebræos, ipsos cæterarum potiores & nobiliores existimatæ, celeberrimos illos protulere divinarum librorum veteris Testamenti enarratores, quorum testimoniis innituntur sæpè noviores & Christiani interpretes ad eruendos sanctæ linguæ sensus, enodandam Bibliorum phrasin, illustrandas Hebræicæ gentis antiquitates, nec semel etiam ad Christianam ex eorum fumo lucem proferendam & adversus ipsos confirmandam. Mosen intelligo Maïmonidem Cordubæ natum, qui ex sententiis hujus ætatis eruditorum, primus desinit inter Hebræos ineptire: qui paucos quosdam atque exiguos errores magnis ubique virtutibus & lætissimarum rerum præceptioni-

ptionibus compensat. Abrahamum Aben Ezra Toletanum Philosophum (Ariæ Montani verbis) ac Medicum eruditissimum , sacrorumque librorum suâ linguâ commentatorem illustrem . Davidem & Mosen fratres Kimkios , quorum ille auctor est celebratissimi & utilissimi *Michlol* operis , sive *Thesauri lingue sanctæ* , unde Pagninus majori ex parte suum confluxit , homo doctissimus , ac minimè supersticiosus ; quique Christianorum lectioni aptissimus existimatur ; alter verò in Grammaticis non contemnendam , nec Davidis fratre indignam auctoritatem apud eruditos sortitus est . Mosen Gerundensem quamplurium operum clarum scriptorem , Jonam Cordubensem Grammaticum perfectissimum , Judam Levitam , libri *Cozri* auctorem , Jacobum Badreschi , alterum inter Hebræos Cicero- nem , Ascherum item Levi , ac Judam Barcinonenses , Jonam Gerundensem , Meir Toletanum , Samuelem & Judam Aben Tibbon , Abrahamumque Aben Sahal , Hispalenses , & alios quamplures , quorum in *Bibliothecis* suis *Rabbinicis* Buxtorfius & Plantavitijs , in *Orientali* Joannes Henricus Hottingerus , & ante eos ex eadem gente David Gans & Zacutus Salmanticensis , hic in *Juchasin* libro , ille autem in *Chronologia* sua *Judaica* , meminerunt . Nec ullo tempore usque ad id , quo è finibus nostris abire jussa fuit ea gens , defuere homines eruditissimi , qui ex Hispano aëre suxerunt , quòd ingenio industriaque non vulgari ab studiis nomen sibi fecerint , quantumvis felicissimam mero fidei meridie nascendi sortem & exaggeratam doctrinæ laudem procuratæ cæcitatæ obstinatione magna ex parte corruerint . Unus enim ex his est , qui solumvertere , quàm in se revertere , ac superstitioni renunciare maluerunt , Isaacus Abrabanelius , si à natura cum expendas , ingeniosissimus ; si à studiis doctissimus ; si ab industria totus labor ; idem tamen Christiani nominis , si quis alius , infensissimus hostis , ac perversissimus veri calumniator . Quotidieque ex Hispanis Hebræis derivari , quamvis alibi gentium , ubi degere permittuntur , nati haud immemores suæ originis , immo ipsam in scriptis jactantes , monumēta sui vel theologica vel philosophica vel medica sermone etiam Hispaniæ vernaculo communicare amant posteris , nomenque suum (quod miserum infelicibus solatium est) oblivioni eripere .

IX. Nec minus quàm ex Hebræico surrexit læta ex Machometano agro seges virorum philosophiæ totius ac Mathesis cognitione , atque edita in vulgus doctrinâ præstantium ; quorum latent quamplures adhuc in Arabicis tenebris , atque interituris facilè chartis lucubrationes . Quò deveniens non possum non lacrymabile illud ante aliquot menses factum Laurentinæ regiæ bibliothecæ manu exaratæ incendium defflere cum iis omnibus , qui auro contrà habent charos hoc genus thesauros ; quo igne absumpta nobis peregrè degentibus referuntur major librorum Arabicorum pars , atque item Græcorum , quos ex omnibus antiquæ ac novæ Machometanorum ditionis angulis exquisita Philippi Magni Regis Hispaniarum II. Bibliothecæ , ac totius ædificii cum orbis terrarum & omnium ætatum maximis comparandi auctoris diligentia corraserat , eoque loci æternæ memoriæ dicaverat . Sed ut non sine aliqua mentione eorum , qui in Hispano solo Arabicas literas illustrare , hinc discedat calamus , Aben-Roe , sive Muhamedo Abulgail Cordubensi Aristotelis perpetuo interprete , viroque undique doctissimo , nullum potiorē Arabismus , quāqua versum patet , quem Græcis opponat philosophis , nominare unquam poterit . Aben Zoar Hispalensem , sive ex territorio hujus urbis , medicum præstantissimum Aben-Roës ipse discipulus summè laudavit . Aben Zoar ejus filius , quem Rasim vocant , Aben , sive Ibnu (*filium* Arabicè significat) Thophail Hispalensis præceptor Mosis Maïmonidis , & Aben-Rois , Abu Bahar Ibnu Chalfon Granatensis poëta , Ibnu Saigh è civitate Mariæ (Portum Sanctæ Mariæ intelligo) Ibnu El Beitar Malacitanus , Aben Madi , Aben Agatin , medici ferè omnes & philosophi inter suos clarissimi laudantur in *Prosopographia* Joannis Leonis Africani , & alibi : ut prætermittamus Aben Sinam (quem Avicenam vulgus vocat) falsò à quibusdam Hispaniæ adscriptum , immo Rasim medicorum operum celeberrimorum auctorem , qui peregrè , hoc est in Persia , natus , incolatu dumtaxat noster est . Verè enim Mauris partem illam Hispaniam meridiam tenentibus , quam Romanorum Bætica olim

olim continebat, his literis adhibita fuit eximia quædam industria; præcipuusque honor habitus, adeo ut Abu Nazari cujusdam *De studiis populi Andalusie*, hoc est Hispaniæ Arabicæ, magnum, & inventu rarum opus, Arabicis cæteris commentariis annumeretur. Quarum utriusque sectarum auctoribus commendandis aliquantò diligentior operam adhibere debuimus, ne ex vulgaribus Hispaniæ ac scriptorum ejus encomiastis, quibus Latini tantum, non alii ferè, noti sunt, profecisse videremur; prætereaque ut ejus partis, quæ ad perficiendam hanc Bibliothecam necessariò nunc desideranda est (ut paullo post dicemus) quasi aliud agentes nonnullum præberemus specimen.

X. At eo ipso tempore, quo infidelium populus philosophicâ omni florebat doctrinâ, sterilefcere visus est, fateor, Christianæ Hispaniæ campus, & inter armorum fragores ac belligerandi necessitatem, qua cuncti detinebantur & ab omni ferè alio munere avocabantur æquales tot sæculis majores nostri, Musarum harmonia & cultus mentis ingrata & importuna esse. Quis enim otio quietique, unde artes vigent, locus in castris & bello addicta gente? Nullæ tunc aliæ quàm armorum scholæ: non is qui arte loqui atque ingenio penetrare naturæ abdita; sed qui in proelio fortiùs hostem perere, civem servare nôsset, aliqua dignus laude habitus. Præ militari sordebant cæteræ omnes artes. Sic Roma fuit quum rudis adhuc & bellicosa erat. Nam & Suetonio attestante in libello *De claris Rhetoribus*, Senatus-consulto non uno cautum fuit, Rhetores & Philosophi ne in Urbe essent. Iccirco qui excoluissent sapientiæ studiis animum in ferrea illa hominum messe, quamdiu pro libertate belligeratum fuit, rarissimi apud nos aliquam sui memoriam ad posteros propagarunt. Profligato autem ab infidelibus metu, cumque jam non pro aris & focis tuendis, sed pro importunis, sæpeque recurrentibus hostibus vi subigendis ac debellandis arma tractarentur, venire ad partes & contubernio excipi coeperunt amor literarum & cultus, eloquentiæ studium, sacrorum librorum & humanarum disciplinarum cupiditas, præcipuè à tertio decimo salvi facti orbis sæculo, quo Ferdinandus hujus nominis III. Rex sanctissimus, atque jam hodie ex beneficio Clementis X. Pontificis nunc Maximi Christiano erga cœlites obsequio & ritu invocari permissus, Mauritanæ sæcis reliquias ad extremos Bæticæ provinciæ angulos Africæ propinquiores expulit; Jacobus item Aragonius hujus nominis I. non solum Valentino sibi cedere regno, sed & Balearibus coëgit insulis. Floruere isto sæculo Rodericus præsul Toletanus, Lucas Tudensis, Dominicus Prædicatorum auctor, Raymundus Penya-fortius, Raymundus alter Marini, Bernardus Compostellanus, Antonius Paduanus, Joannes Papa XX. Alphonfus Rex, cognomento *Sapiens*, Petrus Comes Portugalliæ, nec diu post Joannes Ægidius Zamorensis, Arnaldus Villa-novanus, Raymundus Lullus, Alphonfus Hispalensis præsul, Franciscus Ximen, Alvarus Pelagius, Joannes Segobiensis, Paullus & Alphosus Burgeses Episcopi, Joannes à Turre-cremata, Alphonfus de Madrigal Abulensis antistes, Joannes Episcopus Gerundensis, & alii satis magno numero, tam Latinorum, quàm vernaculorum operum scriptores.

XI. Attamen quandam adhuc rudem & nondum absolutam doctrinæ formâ hæc omnia præseferēbant sæcula, quousque sub Ferdinando & Elisabetha Catholicis Regibus, solida (si Portugalliam demas) dirioni eorum subjecta Hispania, mercatum peregrè ivimus quicquid disciplinarum, quicquid amœnitatis intra Italiæ & Galliæ gymnasia longè ab Hispaniæ finibus exfulabat; indeque jam apparere coepit non artibus ingenia, sed artium exercitationem præstantissimis Hispanorum ingeniis ad hoc tempus defuisse. Mirum etenim quàm brevi tempore quamque feliciter admissa semel aliena hæc merces dirare coeperit omnes hominum ordines, omnes scholarum coetus, Salmantinz ante aliquot sæcula, Complutensis à magno illo Toletano antistite & Purpurato Patre Francisco Ximeno nuper fundatæ, aliarumque. Et ut eximium quoddam sui specimen, quo ad literarum aspirare se obtinendum principatum non obscure testaretur, gens nostra faceret, ecce tibi ex ista ultimo loco nominata Academia curâ & industriâ doctissimorum hominum procurata, non alicujus veteris, quamvis ma-

ximi

ximi, sive Ecclesiastici sive profani scriptoris exstantia opera, sed integrum illud Bibliorum sacrosanctum systema quatuor repetitum linguis, Hebraicâ, Chaldaicâ, Græcâ & Latinâ, quo opere nil vidit illa ætas magis elaboratum, nil magis utile aut necessarium. Cujus quidem editionis forma, cum Francisci Cardinalis Ximenii, cujus sumptibus & auspiciis facta est, magna commendatione, etiam post emissas ex Antuerpiensi, Parisina, Londinensi urbibus alias, & quidem locupletiores editiones, absolutissimæ, cæterarumque principis & quasi matricis elogia jure optimo audit.

XII. Eodem ipso tempore in Academia Salmantina jacta illa sunt robustioris Theologiæ semina, quæ plusquam aliàs aut alibi gentium opimis fructibus non diu postea editis, & in perpetuum, si Deo placet, edendis, ingeniosissimam omnium gentem speculationique maximè deditam fecundavere. Ingentis enim famæ vir Franciscus de Victoria, non tam lucubrationibus editis, quamvis & hæc aliqua non magnæ molis, at magni pretii sint; sed doctrinæ theologicæ perfectissimæ in hanc Academiam & Hispaniam invectione, doctissimorumque theologorum educatione, quamdiu fuerit huic sacræ scientiæ honos inter mortales, vehementer laudabitur. A quibus ea in sublimem adeò locum evecta est, ut prorsus quæ alia præsumat natio hujus professionis lauream nobis eripere, his jure illa & meritò contribuenda sit, quibus Jovi fulmen aut clavam Herculi de manu auferre tentantibus insaniam opprobavit antiquitas. Sed bonum factum: quòd nulli adhuc in mentem venit, unde nos vindicandi ac stabiliendi Theologis nostris præcipuum locum cura sollicitet. Canus equidem, Sotus, Bannezius, San-Thomasius, Arauxius, Godojus, Prædicatorum; Molina, Suarezius, Vasquius, Valenzia, Ruizius, Granadus, Lugus, Jesuitarum, Castrius, Vega, Medina, Franciscanorum; Aragonius, Ponce-Leoniùs, Eremitarum; Cornejus, Carmeli sodales; ne alios aliorum ordinum nunc recenseam, non tam virorum quam propria sunt nomina scientiarum apicis sacræ Theologiæ.

1 In præfat.
Naturaliū ques-
tionum.

XIII. Jam si ad morum instructores, virtutumque enucleatores, quæ ad poenitentiae sacramentum pertinent, fructuosissimam ejusdem Theologiæ partem, quæque, ut Senecæ¹ verbis utar, *errores nostros discutit, & lumen admovent, quo discernantur ambigua vitæ*, oculos convertamus; omnes ferè hujusmodi commentariorum paginas complent Hispani, Martinus Navarrus, Sancius, Sotus iterum, Joannes Medina, Toletus & Lugo Cardinales, Corduba, Rodericus, Ledesma, Dicastillus, Azorius, Castro-Palaus, Trullenchiùs, Fagundez, Caramuelius, Escobariùs, Mendozius, Vibaldus, Martinez-Pradus, Leander, & alii innumeri.

XIV. At Bibliorum nostri interpretes, unaque concionatorum Evangelicorum ad formandas sacri hujus muneris actiones duces exterorum nullis palmam concedunt. Quinam enim in Genesim post Pererium, in Judith post Cerdam, in Jobum post Pinedam, in Cantica post Soto-majorem, in Proverbia post Salazarium, in Ezechielem post Pradum & Villalpandum, in Prophetas minores post Riberam, in Evangelia post Maldonatum, in quamplures simul libros post Ariam Montanum, Gasparem Sancium, Forerium, Oleastrum, Salmeronem, Malvendam, Cyprianum, elucubrantes, horum vestigia non relegunt, eruditionem non admirantur, sapientiæ non assurgunt? De sacris actionibus cum Italis nobis controversia est. Hi artificio prævalent, rhetoricantur, verbis gestuque, ac tota corporis conformatione & motu veterum oratorum imitatores videri volunt: nostrorum strictior, nec affectata est eloquentia, non eo agmentata domi oratione, aut verbis utuntur artificiosè respondentibus; sed naturali & quasi extemporali facundia, quicquid judicii, quicquid acuminis, quicquid eruditionis eliciendum est, rebus ipsis & argumentis persuadendis, confirmandis ex sacræ paginae ac Doctorum testimoniis ingeniosè ac prudenter impendunt. Eaque solertè inveniendi excogitandi acutè atque aptè in rem præsentem cogitatis utendi nota sic vulgo placere, ut etiam vernaculi sermonis conciones communiter apud Italos in ulnis gerantur, & propriæ horum linguæ interpretatione donentur. Nec paucos vidimus ex probatissimis, qui sic formam hanc nostram suam fecerunt, ut Italico sermone loquentes more concionarentur prorsus Hispano.

XV. In

XV. In dogmaticis seu polemicis scriptoribus aliis fortè nationibus herbam porrigimus. Extra enim positi controversiarum campum, nullisq̃ue domi hostibus, quibuscum disputando munus suum exercere debeant, compositi, cum larvis batuere aut ferire umbras velle sibi videntur, qui controversiarum, uti vocant, studia sectantur. Et tamen qui ad eas regiones delati sunt, ubi cominus elenchiticum hoc negotium geritur, aut cum Tridentum ad sancienda vera & configenda falsa dogmata undique terrarum Catholicus convenit populus, satis ostēderunt Hispani Theologi non sibi arma nec usum armorum deesse, ad componendum cum hoste gradum atque eum debellandū, etiam in Academicę Theologiæ, vel, ut ita dicam, umbratilis, hoplothea; nec in alium orbē se esse delatos crediderunt; sed quæ graviter in scholasticis velitationibus, eadem fortiter robusteque in veris argumentorum dimicationibus præstiterunt. Maldonatum, Turrianum, Valentiam, Petrum Sotum, Castrum, Viruēsium, Vegam, Perezium Ajalam, Paivam, Andradium, Orantium, Suarezium, nullus, cui Ecclesiæ decora huiusmodi comperta sunt, conferre optimo exterorum cuique dedignabitur.

XVI. Asceticis verò & spiritualibus librorum monumentis quantum Hispana virtus, religio, pietas, nec minùs ingenium atque eruditionis studium valeat, unus Granatensis Ludovicus documento esse poterit, in quo videtur mihi Deus eam sapientiæ atque eloquentiæ formam, quâ salutis negotium tractandum est, arduum illud æquè ac necessarium, familiareque imbecillitati humanæ reddendum, ostendere nobis & commendare voluisse. De quo viro & aliis qui hunc agrum coluere, ac præstantiorem (ut Philone¹ utar) medicinam vulgata ista, quæ medetur solis corporibus, sunt professi, doctissimisque ac piissimis & prudentissimis admonitionibus præluxere viam sapientiæ ingressuris ingressisque, tacere præstat quàm pauca loqui. Verè certatim ex Hispano in vernaculas ferè omnes piæ Europæ linguas translatum est quicquid eximius nuper memoratus ascetici operis princeps Ludovicus Granatensis, Alphonsus Madridius, Joannes Avila, Bætici dictus Apostolus, atque ejus alumnus Didacus Perez de Valdivia, Franciscus Arias, Ludovicus Pontanus, Alphonsus Roderici, Hieronymus Grærianus, Joannes Eusebius Nierembergii, Joannes Palafoxius, duoque illa ante alios terrestres cœli sidera, ut in empyrium nos operibus & scriptis manuducerent, orbi manifestata, Petrus de Alcantara, Theresiaque à Jesu, non minùs sanctitatis, quàm divinæ doctrinæ radiis fulgentissima, literis mandantes in aurea opera conjecerunt.

XVII. Præterea ethnicis in Ecclesiæ gremiū conducendis & reclinandis, quotquot per orientalem occidentalemque orbis plagas ea charitate, quâ major alia esse nequit, expeditionibus Apostolicis sacrorum Deo nostrorum hominum Redemptori eorum lucrificimus, majorem aliis nationibus, in quas non sic abundè benignitatem istam amplificandi regnum Dei providentia ejus effundere dignata est, curam & industriam impendimus. In quo mihi eadem providentia Dei videtur negatam Hispanis copiam contra standi hæreticos, quos à nostris finibus dudum expulimus, ac vigili oculo semper arcemus, omnino compescere voluisse adapertâ latiori hac viâ in publicum proficiendi, & fructuosè magis in eos populos, qui aures audiendi habent, nec eas surdarum aspidum more obturant, verba vitæ fundendi. Quo quidem beneficio præclariùsne aliquod in historiarum acta sua referre habent, quæ confidentiùs de se existimant, magnificosque titulos præcipuè inter Christianos notæ sibi arrogant, nationes aliæ? Hæc vera prorsus nota est electi ac dilecti præ aliis à Deo populi, quòd in novum orbem Fidei vexilla intulimus, & longè lateque fixa habemus, veteremque nondum adhuc satis cognitum, Sinas, & utramque Indiam, & Africę plagas verum adorare Deum fecimus. Oblatrent quamvis caninæ hostium linguæ Hispano-Indicam hanc expeditionem, & Casæ nostri ostentatis libellis, hujus elevare contendat meritum. Paucorum & iniquorum hominum auro inhiantium crudelitati tot religiosissimos opponimus duces, tot viros Apostolicos, qui sacro-profanum apud eas gentes auspice Deo imperium statuerunt, & quotidie magis ac magis sub iisdem legibus & disciplina dilatare satagunt. His charitatis

Bibliotheca vetus Hispana Tom.I.

c

fructi-

¹ Guido Card. Bentivoglius in vulg. quadā ad Tobia Matthai Anglum epistola.

Sono valenti huomini veramente gli Spagnoli nelle cose spirituali: e non sò come la lingua ancora possa cō se maggior peso con la sua gravità per imprimere le cose.

¹ In libello: *Quod omnis profus liber.*

fructibus falsa charitas ornare se atque induere spernit, aut potius nescit.

m Lib. 1. de
Oratore.

XVIII. Decursis sacris, gradu ad non sacra facto, quandoquidē philosophiæ, verè procreatrix illius, & quasi parentis omnium laudatarum artium (quomodo eam Cicero Tullius appellat^m) studiū ingenio totum constat contemplatione-
que, ingeniiq̃ue excellentiæ & excogitandi pervicaciæ dotes Hispanorum ani-
mis naturæ sic ordinata ratio benignè contulit, quid commendare opus erit pre-
tio nullo expressioris operæ philosophos nostros, qui hujus scientiæ penetratiliæ
& Aristotelis ejusdem coryphæi recessus omnes è meris tenebris, immisso dispu-
tationis lumine, si qui usquam alii, clarescere fecerunt, eminentissimumque
multiplicis genus disciplinæ commentariis famæ gentis & argumenti dignitati
ex æquo respondentibus, illustraverē. Nec tamen absque eorum aliqua men-
tione, qui primarum partium (absit verbo invidia) honestissimo in isto sunt
ordine, hinc dimittam lectorem nostrum discere avidum qualia Hispanorum
nomina, Italorum, Gallorum, Germanorum potioribus collata deturbare alios,
non ipsa deturbari gradu possint, Joannem Ludovicum Vivem, Petrum Joan-
nem Nuñezium, Sebastianum Foxium Morzillum, Joannem Genesium Se-
pulvedam, totius eruditionis Quatuor-viros, Petrum Ciruelum, Dominicum So-
tum, Franciscum Suarium, Gabrielem Vasquium, Petrum Fonsecam, Bene-
dictum Pererium, Gasparem Cardillum Villalpandum, Michaëlem de Palatiis,
Franciscum Vallesium, ut noviorum, nunc forsitan superstitum, verecundiæ par-
cam, ipsa eorum scripta satis superque harum literarum gnaris commendant.
Jam vero philosophiæ partem illam, quæ valetudinis tuendæ ac restaurandæ
munus continet, in medicorum nostrorum libris eo cultu ac dignitate haberi,
quæ saluberrimam decet artem, vel iis facile persuadebimus, qui appellationes
tantum hujus disciplinæ professorum notas habuerint, aut vel unius Francisci
Vallesii nuper laudati medicinæ veteris principibus ævo dumtaxat inferioris;
quo homine doctiorem alium, prudentiorem, eruditorem, ingeniosorem,
excoluit nunquam in gymnasio suo medicorum altrix olim Alexandria, vel re-
centiores fortitæ sunt scholæ. Quæ frequenti sequuntur agmine, quos verè ama-
vit ars hygiatica, Mercatus, Santa-cruzius, Lacuna, Vegæ duo, Christopho-
rus Thomasque Roderici, Garcia Carrerus, Antonius Ludovicus, Lemosius,
Zacutus & Amatus, Mena, Stephanus Rodericus Castrensis, Petrus Michaël
de Heredia, plures alii, quos Academiæ Salmantina, Complutensis, Valen-
tina, Conimbricensis, naturæ mystas & alexicacos educavere.

n Lib. 3. c. 24.

XIX. A philosophia Mathematicas artes non separabimus, quæ aliquam cum
ea societatem, auctore Lactantio, n habent. Hæ quidem in omni vitæ genere,
quo respublica vel juvatur vel ornatur, necessariæ sunt. Iccircò in unaquaque
harum disciplinarum adeò instruxit plures Hispania, ut nulli dubitemus cum
exterorum potissimis in comparisonem descendere. Arithmeticæ enim peritis-
simos habemus Hieronymum Muñoziū, Joannem Perezium Moyam, Joan-
nem Martinum Silicæum: in Geometria Didacum Perezium Mesam, Jacobum
Falconem, Andream Garciam de Cespedes, Petrum Nonnium: in Musica
pro multis Franciscum Salinam cecum, præter alios minorum gentium: in Astro-
nomia & ei subjectis Geographia & Nautica Antonium Naxaram, Petrum
Ciruelum, Petrum Nonnium jam laudatum, Petrum Medinam, Bartholo-
mæum Antistium, Rodericum Zamoranum, & plures alios. Bellicæ artis,
tormentariæ, equestrisq̃ue præcepta nobis egregiè tradiderunt alii magno nu-
mero, quos tibi, ne prolixitatis arguamur, index liber in fine secundæ partis
Bibliothecæ positus suppeditabit.

o Lib. 1. §. 1.
De just. & jur.

XX. Philosophiam consequitur, aut potius eā continetur, juris utriusque pru-
dentia; siquidem disertè Ulpianus alicubi ° se verum philosophum appellat,
legesq̃ue & earum doctrina ethices propriè aut politices praxis existimatur. In
qua quidem excellentissimis magnarum Academiarum Galliæ & Italiæ antecess-
soribus, experientissimis totius Europæ dicafteriorum senatoribus & advocatis,
ex quo datum Hispanis est togæ studia sectari & excolere, pares habemus juris
scientiæ magistros & scriptores, adeo ut in quacumque hujus studii formâ, quos
præ

præ nostris aliis habuisse vellemus, rarissimi, aut fortasse sit nullus. Ut enim ante quatuor sæcula reflorescentem in Italiæ gymnasiis, indeque trans Alpes & Pyrenæos derivatam sacri & profani juris peritiam commemorem, Azonis (quæ vulgaris fama est) discipulis, iisque, ut apparet, præstantissimis, debemus magnas illas divinarum atque humanarum omnium rerum tabulas auspiciis Ferdinandi III. sancti conceptas, Alphonfi X. Sapientis absolutas, quod Jus Alphonfinum, seu Septempartitum, à numero librorum seu partium, vulgò nuncupamus. Atque his quidem non tantum comprehensum fuit quicquid Romanæ urbis ditioni profanæ Imperatores prius, deindeque sacre Pontifices Juris & legum indixere, concordatis etiam aut decisis glossographorum illius temporis dissensionibus; sed & Hispani propria omnia moris & imperii, quæ per municipales urbium dispersa leges, aut memoriâ tantum & observatione judiciorum retenta, in unum colligi & coalescere Juris corpus regia auctoritate sancitum regni majestas exposcebat. Planeque hocce Jus nostrum, cuius æquali nulla alia orbis terrarum gens vernaculè utitur, iis valet, vigetque linguæ nostratis viribus, eo conceptum est decore simul ac dignitate verborum, ut quin auctoribus formatum fuerit natu Hispanis, quantumlibet alio sub cœlo doctis, persuaderi haud facile possim. At sicuti Decretorum Gratiano, sic Decretalium ordinatione Raymundo Catalano Prædicatorum ordinis Ecclesia universalis acceptam ferre debet. Quod viri sanctitate ac doctrina celebratissimi de hac parte canonici Juris meritum aurem mihi nunc vellit, ne prætermittam, priusquam ad alia, in memoriam adducere, quod si decretis utimur sanis & emendatis, si Juris civilis legibus integritati suæ restitutis, Antonii Augustini Cæsar-augustani factum id maximè fuit industriâ studioque, ut videamur planè absque suspitione invidiæ aliqua totius Juris quodammodo vel auctores vel restauratores existimari posse. Sed jam ut nostri propositi tempus persequamur, duobus ab hinc sæculis eos peperit sacerdotio & imperio Juris mystas Hispanum solum, educavere gymnasia, Patrum ordines per omnia ejus regna doctrinæ ad fastigium evexere, quos sequens ætas in lucubrationibus suis adhuc superstites, veluti jurisprudentiæ quædam numina contemplatur & colit. Quorum apicem si Didacum Covarrubiam Leyvam appellem, theoricis, practicis literis, bonarum artium studiis, facultateque dictionis æquè instructum, sibi que semper æqualem, nullique operis sui secundum: non ideo minùs summa quoque excipiendo & commendando exquisitæ doctrinæ laude contenderim Juris lumina Martinum Azpilcuetam Navarrum, Ludovicum Molinam, Gregorium Lopezium, Ferdinandum Vasquium, Franciscum Sarmientum, Emmanuelem Gostam, Hispaniæ Papinianum, Rodericum Suarezium, Antonium Goveanum (cui inter omnes Justinianæi Juris interpretes palmam deferebat Jacobus Cujacius) Petrum Barbosam, Franciscum Caldam Pereiram, Joannem Guterium, Antonium Padillam Menesium, proximioresque nostræ ætati Joannem Castillum, Joannem Solorzanum, Augustinum Barbosam, Joannem Baptistam Larream, Joannem Baptistam Valenzuelam, Franciscum Salgadum, Franciscum Amajam, Jacobum Cancerium, Joannem Petrum Fontanellam, præter alios innumeros. Quibus si specialem quandam Hieronymi à Bobadilla *Praxis* nostræ vulgaris *Prætorum* auctoris mentionem adjungam, ob insignem ejus in omni genere disciplinæ ac vernaculi sermonis, quo res doceri contentas ornatissimè persequutus fuit, præstantiam, jurisconsultorum nostrorum fumosas imagines cessabo jam orationis meæ virgâ contingere.

XXI. At humaniorum disciplinarum amœnitates, & philologiæ ac linguarum notitiam non ita largiter nostris hominibus concedet fortè aliquis? Nec refractarios nos habebit, si numerus, non conditio eorum spectetur, qui hujusmodi professione censerî dignosci que voluerunt. Fervidi enim & perspicacis ingenii vis, alta quæque petens, ad speculativas plerumque artes, aperiendumque mentis acie novas in penetralia totius philosophiæ, tam sacre quam naturalis, vias, ab studiis iis, quæ pertinaci lectione & observatione foventur, diligentiaque magis & industriâ, quam subtilitate & inventione constant, avocare & abstrahere so-

Bibliotheca vetus Hispana Tom. I.

c 2

let

p. Joannes Barclajus *Sacryci* par. 4. si-
ve *lone animo-
rum*, cap. 7.
Thomas Lan-
sius in *Consul-
de Principat-
Europæ, oratio-
ne contra Hi-
spaniam*, Geor-
gius Merula
Cosmographie
par. 1. lib. 2. cap.
8. Golnitzius in
*Compendio geo-
graphico* pag.
100. Georgius
Homius in *Or-
be politico* pag.
29. par. 4. Gra-
mondus *Hist. Gallie* lib. 1.
pag. 27.

let mortalium acutissimos. Hos quidem eorum gloria non multum pungit atque sollicitat, qui ad ista sola studia, veteris nempe ævi contemplationem, Græcorum & Latinorum rhetoricæ, poëticæ, aut historicæ artis monumentorum admirationem toti pallent & consenescent, spernentes quicquid ingeniosè magis quàm disertè conceptum feriat aceto lotas, ut loquuntur, legentium aures, quibusque nullus alius cōmendatione dignus videatur liber, nisi is qui turget undique ac distenditur dictis & factis veterum ethnicorum in textu ipso & per oram agglomeratis, aut ornamento verborum dictionisque lenocinio, quantumvis deficiatur re, speciem pulchri & accurati & quasi torno ducti præsefert. Nihilominus tamen in omnibus hujus studii partibus eminentissimos aliquos professores exterorum paucis comparandos dederunt literatorum choro erudita hæc duo, quæ percurrimus in præsentia, sæcula. Quo magis ostenderetur idonea & paria cuicumque disciplinæ ingenia præ aliis excellentiores quasque habuisse, laudemque nonnisi è summis & laudatissimis, sive temerè sive consilio, procurasse. Quod esto sine offensione eorum à me dictum, quos ingenuarum omnium artium, vereque humanarum exquisita cognitio, professioque utilissima, & vivos existimatione præcipua decoravit, & morti impenso clarissimam adhuc facit vivere famam, disertissimisque ac jucundissimis lucubrationibus sibi ipsis superesse. Nihil enim à me alienum magis esse noverunt omnes, quibuscum aliqua mihi consuetudo est, quàm nobilissimis eloquentiæ, poëseos, philologiæque, ac ornatissimis studiis non eam adjudicare laudem, quam docti omnes ac judicio pollentes consueverunt. Inter tamen ea, per quæ ad altiora aliâ dirigi viâ debet, & altiora ipsa, quo via connititur, hoc est, inter ancillas & reginas artes, interesse quicquam potioris atque luculentioris meriti prærogativa inclytum, nec ii diffitebuntur, quorum summa est in amoenitatum & elegantiarum hoc regno, cui plurimum ego deferò quidem, potentia & dignitas.

XXII. Ut enim à cognitione incipiamus linguarum, sanctæ, cæterarumque orientalium, ac deinde Græcæ, totius eruditionis thesauri, tandemque Latinæ, quâ explicare animi sensus in quacumque actione literarum universæ mos est Europæ, Hebræicarum rerum & idiomatis callentissimus fuit, si quis sub sole alius, Benedictus Arias Montanus, Bibliorum Antuerpiensis editionis verè Atlas, quæ sapientissimis idem lucubrationibus, fontibus impendens ipsis, explanavit. Alphonsum Complutensem medicum, Paullum Coronelum, Alphonsum Zamoram, ex Hebræis Christianos, magnus ille ac summis quibusque natus vir expediendis rebus Franciscus Ximenius Toletanus antistes procurandæ huic priori Complutensi eorundem sacrorum librorum editioni cum aliis Græcè doctissimis præfecit. His proximus Thomas Malvenda Dominicanus novam post plures alias translationem ad Ezechielem usque perduxit, eamque brevibus, sed utilissimis, commentariis illustriorem fecit. De Hieronymo Oleastro & Francisco Forerio, Dominicanis & ipsis, Ludovicoque à S. Francisco Minorum sodali, Hebræicè doctissimis, Lusitania gloriatur. Bartholomæus Valverdius Gandia sic in Hebræicis profecit, ut præter *Cantica* à se explicata ex fontibus ipsis hujus linguæ, translationem quoque Latinam fecerit *Commentarii Rabbi Davidis Kimkii* in quinquaginta priores *Psalms*, cujus nuper & post absolutam Bibliothecam exemplum vidimus MS. Romæ in Transpontinæ Virginis Deiparæ Carmelitarum monasterio, cum aliis ejusdem auctoris. Hic & Joannes Mariana non minus Castellam, quàm superiores Portugalliam, nobilitant. Reliquæ provinciæ non unum aut alterum ex provincialibus suis utilem huic studio dedisse operam, idque in Biblicorum librorum explanationibus ostendisse, non temerè affirmant. Bernardum Alderetum, quin suo appellemus nomine, cum de orientalium linguarum eruditione fit mentio, summum hujus viri atque excellentissimis operibus manifestatum orbi de his literis meritum omnino vetat. Isaacum Abrahanelium natione Hebræum, in Hispania natum, & ab Hispania cum gentilibus suis omnibus ejectum, eruditissimum, si errores demas sectæ suæ, hominem, Josephum Karo, & qui non dudum è vivis Amsterodami excessit, Menassen Ben Israël, Hispanæ originis, & hujus linguæ monumentis sat notum, in albo eorum

jure

jure ponimus, qui præstantes his duobus sæculis in Hebraïca fuere sanctorum librorum eruditione.

XXIII. Græcam verò in paucis familiarem habuere linguam fratres duo Vergaræ Joannes & Franciscus, quorum primus ejusdem nuper laudati Ximenii jussu nova interpretatione Aristotelis *Physicorum* octo, *De anima* tres, ac *De metaphysica* quatuordecim, qui etiam nunc manuscripti asservantur, libros, atque etiam eos, quos vocant *Sapientiales*, è Græca septuaginta seniorum versione Latinos fecit, qui Bibliorum in Complutensem editionem sunt missi: alter autem Franciscus de cunctis grammaticæ Græcæ partibus doctè scripsit, Arius Barbosa, Ferdinandus Pincianus, Joannes Genesius Sepulveda, Andreas Lacuna, Petrus Joannes Nunnesius, Franciscus Turrianus, Didacus Gratianus, Gundisalvus Perezus, Achilles Statius, Antonius Covarrubias, Mendozæ duo, Didacus Hurtadus, & Franciscus de Bobadilla Cardinalis, Gundisalvus Poncius-Leonius, Laurentius Baldus, Franciscus Sancius, Petrus de Valentia, Petrus Fonseca, Joannes Mariana, Vincentius Marinerius, & alii non infrequentes aut sine magna laude in hac arena sunt versati, atque eorum quidam Græcè doctissimis aliarum gentium compositi Athenas Hispanas Athenis ipsis Atticis, nedum aliis, haud invidere palam facere potuerunt.

XXIV. At jam inter Latine facundiæ principes, sive grammaticæ enucleatores, summum quemque locum nonne obtinere Antonius Nebrissensis, Joannes Ludovicus Vives, Hieronymus Osorius, Emmanuel Alvari, Genesius Sepulveda, & Franciscus Sancius, nuper laudati, Joannes Christophorus Calvetus, Petrus Joannes Perpinianus, Andreas Resendius, Joannes Ludovicus & Melchior Cerdæ, Alvarus Gomezius, Hieronymus Zurita, Hieronymus Blancas, Sebastianus Foxius Morzillus, Alphonsus Garfias Matamoros, Didacus Tevius, Bernardinus Gomezius Miedes, Franciscus Mendoza, Joannes Mariana, Andreas Pintus Ramirezius, Franciscus Mazedus, & quamplurimi, qui Latinis ad sacros libros, seu ad alias quascumque doctrinæ partes, commentariis manifestissima eloquentiæ suæ argumenta posteris reliquerunt? Limatum & acre in dijudicandis & perpurvandis ab errorum fermento prisce ævi auctoribus (cui studio primas doctus quisque in harum literarum concedit meritò) judicium desideras? Inclyta duo criticorum coelo lumina ministravit Hispania Ferdinandum Nonnium Pincianum, & Petrum Ciaconium Toletanum, quibus tertius accedit & alia omni doctrina clarissimus Antonius Augustinus, Achilles item Statius, & Hieronymus Zurita, quibus utique magnum Senecam, Plinium, Pomponium Melam, Pompejum Festum, Joannem Cassianum, Arnobium, Isidori *Origines*, Antonini *Itinerarium*, Gratiani *Decretorum* collectionem, Juris Cæsarei libros, bona ex parte meliores & saniores debemus. Nec præterire nunc possumus, etiamsi cum superioribus in hac laude conferre alios passim nolumus, Ludovicum Vivem, Joannem Ludovicum Cerdam, Martinum Antonium del Rio, Michaëlem Thomassium, Joannem Grialetum, Sancium Brocensem, Thomam Tamajum, Laurentium Ramirezium, Josephum Gonzalez de Salas, qui exponendis Latinorum veteribus libris commendabilem adhibuere operam, ac nomine Hispano verè dignam. Illustratores antiquitatum habemus eosdem, quos toties jure ac meritò appellamus, Petrum Ciaconium, Antonium Augustinum, Andreamque Resendium, quibus adjungi possunt Joannes Baptista Suarezius, Bernardus Aldererus, Martinus de Roa, Rodericus Carus, Franciscus Fernandez de Corduba, Joannes Ludovicus Cerda, Gaspar Barrerius, Ludovicus Nonnius, ut mittam nunc alios, qui peregrinis rebus insuper habitis, nostræ gentis & regnorum origines curiosè & cum judicio persequuti sunt, de quorum in re historica laude paullò inferiùs aliqua dicere animus est. Poëtarum Latinorum exquiris in albo Hispanos? Jure quidem. Vehementia quippe & poëtica nostrorum ingenia sunt, & coelestis illius quo carmina funduntur, influxûs capacissima. Unde suû nomen haud paucè intulerunt. Sufficit nunc memoria Arium Barbosam, Benedictum Ariam Montanum, Andream Resendium, Joannem Petreum, Joannem Ramirum, Alvarum utrumque Gomezium, Civita-regalensem & Castrium, Ludovicum Crucium, Emma-

Emmanuellem Pimentam, Ambrosium Moralem, Jacobum Falconem, Joannem Verzosam, Joannem Christophorum Calvetum Stellam, Ludovicum Tribaldum, Jacobum Salvatorem Solanium, Joannem Vilchium, præter alios innumeros Apollinea ista arte claros.

XXV. Res eò devenit ut eloquentia nostratis linguæ Castellane (ut Lusitanam nunc omittamus) tam pede libera quàm ligata numeris heroas suos in hoc theatrum producat. Et hi sunt quidem nobilitati ejus ac pulchritudini omnino pares. Regnant in sermone prosaico apud nos Ludovicus Granatensis, cui nullum alium antepoimus, Didacus Hurtadus Mendozius, Ludovicus Legionensis, Ferdinandus à Castello, Ferdinandus Perez de la Oliva, Florianus Docampus, Hieronymus Zurita, Ambrosius Morales, Josephus Seguntinus, Antonius Fuenmajor, Bartholomæus Leonardus de Argenfola, Joannes Mariana, Michaël de Cervantes, Antonius Perezus, Petrus Mexia, Stephanus Salazarius, Franciscus Quevedus, Martinus de Roa, Lupus Felix à Vega, Didacus de Saavedra Faxardus, Josephus Pellizerius, & plures alii perfecti, ut Vellejus loquitur Paterculus, prose eloquentiæ decora, disertissimarumque lucubrationum, tam intra verarum historiarum & proficuarum cujusque doctrinæ limites, quàm in fabulosis ad inventionibus & ingeniosis quibuscumque argumentis auctores. Quorum aliqui Ciceronianam & Livianam copiam, & verè lactea ubertate fluunt, alii pressam nervosamque eloquentiam quasi in pompa gradiuntur, alii masculam & severiorem, alii tersam ac dilutiorem amant dictionem, sermone alii rotundo & numeroso, alii interrupto & crebris sententiis fracto, benè & ornatè dicendi artem adepti esse videri volunt. Et cum diversæ sint in quavis lingua eloquentiæ facies, æqueque pulchræ ferè omnes, pluribus eorum hanc laudem, quam persequuti sunt, verè contigisse disertissimorum nostræ nationis hominum constans existimatio est. At Lusitani, quorum linguæ etiam inter Europæ vulgares, ut Castellane verè germanæ forori, aut potius veteri Castellæ idiomati, pretium & honorem suum non invidemus, tot habent elegantiarum suæ hujus linguæ admiratores & sectatores, ut Livios suos & Tacitos, Cicerones, Sallustiosque monstrare digito peregrinis, domique extollere laudibus ad cælum valeant.

XXVI. Poëtica superest facultas vulgarium poetarum extero cuique proprietatis ejus & elegantiarum non satis gnaro à nobis commendanda. Ea singularis est, & si adjunxissent vulgò nostri artem eruditionemque (ut exteri consueverunt) locupletissimæ inventionum naturæ, industriamque non in pangendo adhibuissent ac dedolando tantum carmine, sed in eo ad veterum imitationem tam Græci quàm Latini sermonis vatum conformando, doctrinaque multiplici, ut doctum non minùs sit quàm elegans, imbuendo, possideremus planè ante alias omnes gentes Musarum principatum. Sed dum ingenio ut plurimum contenti liberum frænare spiritum arte dedignantur, constareque sibi absolutam poëscos laudem absque sudore, qui necessariò impendendus est polymathiæ studiis, falsò existimant, culmen illud, quod unus ex his aut alter legitimis instructus præfidiis attigit, Parnassi tenere bicipitis vix potuere. Inde fit ut nec in dramaticis compositionibus ad imitandum naturam artémve ab Aristotele præscriptam sequendum ulla se obstrictos lege censeant; immo quòd infrequentes aut si qui usquam, successu ferè improspéro, ad poëma epicum ritè formandum sese accingant. Qui enim artem callent, & disciplinarum ornamento excoluere animum, ad alia quævis quàm ad Ixionis hanc rotam, & quamplurium annorum pensum, si cum aliis conferas infructuosum, herere amant; qui vero amant, necessariis sæpè subsidiis ad rem prosperè gerendam destituuntur. Quod genio imputamus gentis, apud quam non maximus honor iis habetur, qui poëtice tantum gloriæ cupiditate reliquis omnibus proficiendi in publicum artibus vale dixerunt. Poëtarum Hispanorum vulgus fugillare his & ineruditionis notare animus fuit, ut nunc eos meritis afficerem laudibus poëtas, qui non è vulgari fæce, sed è sublimi quoquo præcipue famæ & existimationis apice cum fastigatissimis etiam Italorum & eruditissimis metricæ artis principibus de palma non obscurè contendunt. Ut enim veteres Provincialis linguæ seu Valentiniæ poëtas nunc omittam,

in qui-

in quibus Ausias Marcus tot celebribus ætatis suæ verficatoribus lumina dicitur obstruxisse, Joannes de Mena Cordubensis Dantem Alligherium Petrarchamque sic feliciter fuit argumento eruditioneque imitatus, ut nisi ruditate suorum temporum velut quodam fuisset retardatus compede, resurgentem jam è busto ipso Cordubam admiraretur ab eo tempore cultissima & carminis studiosissima Italia. Cùm verò sermoni accesserunt nostro ineunte sæculo superiore major antiquis cultus viresque, & initiatus is fuit solido, quo nunc viget, robori, Joannes Boscanus Barcinonensis, & Gasias Lasus Toletanus eam sibi ad absolutam hujus operis laudem munire viam, ut ne vel carminis ullo genere aliis inferiores essent, hendecasyllabum primi ad nos perduxerint ceterorum potissimum, eoque uterque, ac præcipue Lasus, perillustre nomen inter sui sæculi vates sit promeritus, ac vel hodie in manibus omnium sit. Sed ne singulos inde stylo persequar, unum aut alterum, quin reliquis injurius esse videar, veluti nomina (ferè numina dixi) poeticæ ac divinæ artis quædam laudabo, quibus præ aliis omnibus (absit verbo invidia) carere nollemus. Lupus à Vega-Carpio portentosa illâ copiâ & facilitate versus ingenio & urbanitate plenos effundendi, quid natura possit, cùm lotam illam suam divinæ auræ particulam incubantem sibi patitur, adeò ostendit solus, ut tota quanta est antiquitas, nedum proximiora retrò sæcula, quem Lupo comparent, se non habere necessariò fateri debeant. Huic debetur prorsus comœdia Hispana, in qua compensatis nonnullis levioribus vitiis cum majoribus & pluribus virtutibus absque controversia regnamus. Quamvis enim alii magno numero vestigia ejus sequuti, ingeniosiores & pluribus partibus meliores ediderint compositiones, ut ferè superstruere inventis facile est, attamen nec his in mentem venit, ut derogare unquam se crediderint posse istius carminum dramaticorum principis famæ, nec inter tot ullus, nisi me judicium fallit, accesserit ad familiaris & verè comicæ dictionis germanam illam speciem & formam, quam ante alia Lupus observasse videtur & curæ habuisse. Aliâ prorsus viâ grassatum ad famam, arduâ scilicet pendentique, Ludovicum Gongoram fuisse, sublimitas illa & majestas carminis ostendit, totius eruditionis imbuti floribus, distincti luminibus, exemplar operis sui nostro sæculo monstratum posteris, admirandum potius quàm imitandum, quemque si genius accinxisset ad epicum fabricandum poemâ, hodie nec Helladi Homerum, nec Romæ Virgilium, nec Italiæ Torquatum invideremus. Eruditione omnino parem huic Bartholomæum Leonardum Argensolam, nec inferiorem laude credimus, Hispaniæ nostræ Horatium, puritatis & castitatis styli observantissimum, elegantiarum ac totius urbanitatis verè penu; cui non alium in his conferre laudibus facile possis, quàm Lupercium fratrem. Adeò similes inter se sunt, ut gemellam verè Musarum & Apollinis prolem in iis agnoscas, nec videaris tibi, cùm ad alterum accesseris, ab altero discessisse. Ingenio & affectibus, si quis alius, plenus est Villæ-medianæ Comes, quem in poetis Hispanis præcipuo loco habet, ut audio, Serenissima Suëcorum Regina foeminei sexus ornamentum decusque maximum, literarum & linguarum cognitione inclyta, quæ Romæ à multis annis majestatem & humanitatem eo fodere copulavit, ut nec regio culmini mores humanissimi, nec moribus majestas deroget; & hanc cæteramque ex aliis virtutibus laudem constantissima veræ & Catholicæ fidei, quam semel amplexata est, professio cumulatissimam præstent. Gregorium Ferdinandi à Velasco, Ludovicum Legionensem, Didacum Mendozam, Ferdinandum Herreram, Didacum Sylvam Salinarum Comitem, Franciscum Borgiam Schillacii Principem, Antonium Mendozam, Josephum Valdiviesum, Franciscum Quevedum, Hortensium Felicem Paravicinum, Bernardum Valbuenam, Anastasium Pantaleonem, Joannem de Xauregui, Franciscum Lopezum Zarate, Ludovicum Ulloam adhuc superstitem, ut credimus, præter recentiores alios,

Carmina qui scribunt Musis & Apolline multo,

atque eos etiam qui theatri actionum viâ prosperrimè ad famam grassati sunt, velut triarios & principes musicæ hujus & innocuæ aciei non temerè aut
incon-

inconsultò collocamus. Quibuscum & Lusitani, certi quidem nec Castellanis nec quibuscvis aliarum gentium cedere vatibus, Camoësiū illum in primis, dignum gente sua & Asiaticis gentis suæ expeditionibus poëtam, Franciscum Saa de Miranda, metricum Platonem, Franciscum Rodericum Lupum, Didacum Bernardum, Hieronymum Corte-realem, Gabrielem Pererium Castrium, aliof-
q Satyra 7. que, non quidem auxilia, sed verè Hispaniæ cives, Bibliothecæque nostræ decora conjungunt. Habuimus præcipuos ex eorum numero paucos è multis, quibus, ut Juvenale ^q utar,

*non est publica vena,
 Qui nihil expositum solent deducere, nec qui
 Communi feriunt carmen triviale moneta.*

eosque jam extra invidiæ jactum positos indicaturi, quorum maximè appareat compositionibus *naturam* sortitos fuisse nos (quod in poëtis exposcebat Dio Chrysostomus ^r) verè *numine afflatam*, sive *ingenium* ac *diviniorem mentem* atque *os magna sonans*, ut in *Epistolis* loquitur Plinius ^f.

^r Initio or. 53.
^f Lib. 9. ad Severum.

^r Lib. 11. de locis theol. c. 6.
^f Lex vtro secunda.

^u Cap. 6. §. 6.

^x Apud Photium Cod. 190.

XXVI. Nollem hic ad hujus apologiæ metam properans cum viris doctissimis controversiæ subire aleam, qui id genus librorum, quod nos *de cavallerias*, Itali *Romanzi* appellant, vereque nostri sunt originè (ut prætereamus nunc Heliodori *Theagenem*, Achillis Statii *Clitophontem*, Longi Sophistiæ *Daphnidem*, & antiquos è Græcia alios amatoriorum operum hujusmodi auctores) adeò improbant, ut inter damnanda & expianda igni scripta ferè constituent. Hos Melchior Canus, vir doctissimus, *inerudititas* fabulas vocat, ^t *nihilque omnino conferentes non solum ad rectè beateque vivendum, sed ne ad rectè quidem de rebus humanis sentiendum*. Lipsii, Posslevini, Nigroni conformia huic testimonia Besoldus congerit in tractatu *De educatione & studiis literarum* ^u. Nec nobis quidem eos probare animus est, qui inhonestos amores aut aniles ac nullius frugis aut ingenii continent fabulas. Scio enim quàm eliminari digna sint à Christianorum, præcipuè adolescentum, consuetudine illectamenta quæque vitiorum terendique otio temporis. Sed quid si periculo isto vacua horum lectio fuerit, & è contrario non ludatur in aliquo ex his libris opera? Nonne inter utiles fabulas, ut ferè apologi solent & symbola & fictitiæ quæque, sed doctæ historiæ, collocari poterunt? Annon prosopopœiæ istæ sunt, in quibus, uti in Xenophontis Cyro, Homeri Achille Ulysseque, Virgilii Ænea, Reges, heroës, fortes, prudentes, pii, magnanimi, ferè toti ex ingenio auctoris, quasi ex pictoris tabella, non quia tales olim essent, finguntur & colorantur; ita similiter in his nostris describuntur principes æquitatis & justitiæ vindices, tyrannidis & impotentiae debellatores, fortissimorumque patratores operum? Aut carmine talia fingere laude dignum, prosâ autem vituperio erit? Planè fortia & gigantea hæc animi & virium facinora, quæ suis fictitiis tribuunt heroibus, hujusmodi fabulatores, legentium corda sic vehementer incendere laudis cupiditate, quæ fortiter gestis debetur, solent, ut viris militiæ impendendis vice cotis esse possint (& cur non sint?) ad muniendum pectus fortitudine, expellendumque omnem vulneris & mortis metum. Nam & fama est Ferdinando Avalo Piscariæ Marchioni eos animos in adolescentiæ otio umbratilem hujus generis librorum lectionem fecisse, quibus postea in acie & campo fortissima & verè heroïca responderunt facta. Pompejus quoque Magnus appellatus (si Ptolemæo Ephestioni ^x credimus) quotiescumque in aliquam iret expeditionem bellicam, recitari faciebat sibi ex Homeri primo Iliadis libro res Agamemnonis fortiter gestas, quem ante alios æmulabatur, at quem ex poëtæ ingenio in talem evasisse virum non ignorabat. Equidem militares ejus ætatis, quâ primum apud nos coepit hæc formâ concipi & placere, animos Maurorum reliquiis compositos haud dubiè ad gloriam virtutemque his stimulis incitari oportuit. Vera enim an ficta sint quæ æmularis & imitari desideras, nihil interest, dummodo vel falsa veros ignes virtuti subjiciant, & tua te iis excitata imaginatio utiliter ludificetur. Jam quod ad alias partes historiæ attinet, si honestè amores, & cum decore tractentur, potiusque moderandis quàm effundendis huic & aliis animi affectionibus præscribuntur potiora legibus
 exem-

exempla, promiscuaque & necessaria utriusque sexus conversatio, atque alia vitæ civilis momenta juxta honestatis ac modestiæ regulas describuntur, nihil video cur inutiles & perniciosi, immo cur non utiles & appetendi hoc genus libri existimari debeant. In thesi hæc dicimus, non in hypothesi. Hos enim neque ita notos habemus, ut, quod de Amadisii priorum quatuor librorum auctore, aut fortè aliis nonnulli censent, calculo nostro laudare atque approbare possimus. Et ne aliter existimerur de hujusmodi inventionibus, quàm de fictitiis cæteris atque idealibus libris, unde ad honestè atque utiliter in unoquoque statu & vitæ conditione res gerendas possumus nobis documenta, atque ea quidem magis exemplis quàm præceptis insinuata, procudere. In quo ordine Antonii Guevaræ *Horologium Principum*, sive fabulosam Antonini Philosophi Vitam constituere possumus, sententiis pulcherrimis atque omnium virtutum præcipuis regulis ornatissimam.

XXVII. Multus jam sum in prima hujus Præfationis parte, cùm satis fuisset forsan ac opportuniùs ad ea, quæ de Hispanorum eruditione olim disseruit Andreas Garfias Matamoros, vir eloquentiâ & judicio clarus, nihil adjungere, aut saltem apologeticam ejus narrationem elegantissimam exhibere hic nostrarum nugarum loco. Sed planè is indicta reliquit multa, & sæculo integro nos posteriores sumus, quod quidem feracissimum literatorum hominum æquè ut superius fuit; præstatque nobis quodammodo propriis uti, quàm admoveere aliena, ne comparatione meliorum, fucata veluti lanæ ad purpuræ conspectum, nostra evanescant atque emorianur.

De Bibliothecarum utilitate, ac de hujus proposito & ratione.

I. **Q**UICQUID autem de literarum omni genere coævo Hispaniæ hucusque diximus, in eo consilii nostri hanc Bibliothecam stylo construendi tota ferè ratio aut saltem ejus pars continetur maxima. Nam uti solent locupletes aurifices, sive ad ostendendas divitias, sive ad alliciendos copiâ & varietate vœnalium emptores, aurea & argentea omnia, quæ habent, vasa densis alta lateque ordinibus pro tabernæ foribus collocare, è contrario autem, qui tenues sunt, ne ipsi prodant se, vix audent unum aut alterum signi gratiâ exponere, ita prorsus iis usovenit, qui divitias inopiamve in literarum hoc negotio vel jactare vel excusare habent. Singula quæque ab his, plura simul & coacervatim roganda ab illis & expectanda sunt. Planè hoc ultimum in proposito ac voto eorum est, qui scriptorum, illustriumve quorumcumque virorum nomina in album à se relata proponunt publico; ut scilicet, quæ per partes hætenus laudabantur, in unum collecta numero etiam & splendore mutuo magis clarescant. Sidera enim seorsum considerata singula seipsis collectim cum cætero astrorum conspectis agmine jucunda minùs & pulchra apparent. Floribus sigillatim ostensis ea prope modum gratia deest, quâ in hortorum areolis augentur, mutuò se conspicientes, aliique veluti æmulantes alios. Nec aliter quàm in surgente integra aut dejecta messe conspicitur agri ubertas. Mira enim inter se proportionem & mutuo amore composuit rerum summus artifex universi hujus, qui mente simul & oculis comprehenditur, partes, uti membra cujusque pulchri corporis, ut si separata considerentur, pulchra quidem, sed nondum perfecta sint quousque alia ex aliis, seu ex respectu ad universitatem, solidam atque absolutam numeris omnibus commendationem sortiantur. Atque adeo respicientium sese magni aut parvi cujusque corporis membrorum harmonia constat, ut nec quæ nobiliora sunt dedignentur ignobilioribus cohærere, immo singulis amor cæterorum sit insitus, & quasi videatur unicuique parri non aliam posse digniorem à se in hoc naturæ

theatro personam geri, quam quod pars sit & aliorum indigens, ut ex eorum nexu atque complexione totum emicet.

II. Sed nec in speciem ac decus tantum hæc apparari urbium, regnorum aut nationum sive ordinum clarissima in unoquoque genere ornamenta huiusmodi quisquam dixerit, cum non inferiore alio utilitatis commodo & in publicum beneficio impensus in his colligendis & exponendis censeatur labor, exactique labore dies compensentur. Plurimum namque interest, quisnam, qualiterque de quovis argumento scripserit, non ignorare; immo ad manum habere eos, qui vel assequi studio, vel consignare literis quicquam cupiunt. Alias enim andabatarum more cassis & cæcis ictibus decertare cum libris, ac pretiosissimam temporis jacturam facere habebit opus, qui hoc duce ad rem suam gerendam in studiorum campo destituetur. Nec enim annotare omnia sive comprehendere memoriâ possumus, quibus indigemus. Quædam ex necessitate examinanda sunt, in quibusdam compendium viæ quærendum. At utroque auxilii genere & necessarij & utilis carendum est ei, qui nescit quorum operâ sive ad ex tempore addiscendum, sive ad seriò & accuratè comprehendendum sermone id, quod impender animus, uti debeat. Præterea hac fultis ope contingere nequit, quod sæpè aliàs fit, ut operi se accingant quasi intraçtato & novo, in quo jam alijs industriam suâ fuerit expertus. Memini me, dum adolescens domi post Salmantina utriusque juris studia pro faciendo eorum fructu me continerem, cogitâsse de nominibus propriis Pandectarum tam Jurisconsultorum, quorum fragmentis hi constant, quam cæterorum utriusque sexus hominum in his laudatorum, in ordines suos redigendis, ut præstò esse possent inde proficere desiderantibus, nec priùs audivisse de absoluto hoc ab Antonio Augustino jam olim opere, quam ferè tertiam Digestorum partem inscius rei atque inanjs operæ securus percurrissem. Alios ne eadem frustretur ignorantia, Bibliothecis accepto ferendum est.

III. Et quid si magna eruditionis pars consistat in scriptorum cognitione ac eorum, quæ reliquere, sui monumentorum notitiâ & judicio. Prorsus ita est. Pondus & fidem rebus ipsis pariunt auctores conciliantque, nec parum interest utrùm à probis, aut aliqua dignitate conspicuis viris, ab æqualibusne an secus, quo item consilio, quo rerum statu queque scribatur res. Adeo magnum positum est ad doctrinam ipsam in docentis conditione atque auctoritate momentû. Uti enim ad eruendum causæ in foro agitæ verum non tam in testimonia ipsa, quam in testium fidem non lubricam, non vacillantem, & si quæ alia insimulare illos, dictæve eorum convellere possunt, à Judice inspicitur, ita prorsus in scribendi negotio, non quid traditum literis sit magis, quam à quibus & quo animo aut quo tempore sit literis traditum, prudentes rerum humanarum æstimatores, ne facilè decipiantur, advertere animo consueverunt. Ab rerum incertitudine obscuritateque id malum nobis dudum inhæsit, ut non à dictis, sed à dicentibus toti ferè pendeamus, ut etiam numerus auctorum præ rationibus & argumentis persèpè fiat. At non quomodocumque numerus; posthabentur enim plures minorum gentium, majorum paucis, hoc est fide dignioribus ii, quibus non temerè denegatur, aut non omnino habetur fides. Quare in dignoscendis atque examinandis his, quæ adeo scire nos oportet, impensa studia præcipuam quandam non vulgaris utilitatis laudem commerentur.

IV. Et quidem hæc magno cum scholasticæ rei compendio & fructu navata olim opera, cum videlicet librorum & literarum totam supellestem exarati dumtaxat manu servabant codices, non minùs hodie fructui & compendio est hoc tempore, quo typothetarum luce perfusæ omnes seu veterum seu noviorum cogitationes innumeris atque optimis omnium disciplinarum & artium monumentis studia clarescere fecerunt. Quare ista cura scriptores collectim laudandi, ac de scriptis eorum posteros monendi, nullo non orbis sæculo apud omnes gentes optimum quemque sollicitavit, exercuitque. Hos cum alijs in genere alio illustribus M. Terentius Varro eruditionis Romanæ parens, adjectis etiam imaginibus in literas retulit, uti & Cornelius Nepos; quales viri! quorum alter poë-
tas

ras quidem peculiari opere, alios in *Hebdomadis*, quarum Symmachus^y Ausoniusque^z meminere; alter historicos saltem in libro à se de his scripto, ad quem se in *Dionis* refert *vita*, celebraverunt. Instat quoque huic argumento Julius Hyginus conscripto *De vita & rebus gestis virorum illustrium* opere, quod Agellius^a & plures laudant; nisi steterit is intra decora reipublice tantum, nec extenderit se ad eruditionis famam claros, quod vix credo. Santram quoque cum superioribus laudat Sanctus Hieronymus^b, & Suëtonium Tranquillum *De viris illustribus*, *De grammaticis*, ac *De rhetoribus* scriptorem, uti ex Græcis Hermippum Smyræum, & Satyrum & Aristoxenum Peripateticos, Antigonumque Carystium. Item Damascius Syrus, Porphyrius, Diogenes Laërtius philosophos, Eunapius sophistas laudaverunt. De quibus dixisset jure Plinius^c quod Capitonis factum laudans usurpavit: *Redditus est L. Syllano debitus honos, cujus memoriae Capito prospexit, pariter & suæ: neque enim magis decorum & insigne est statuam in foro pop. Romani habere, quam ponere.*

y Libro 1.
epist. 2.
z In Mos-
sella.

a Libro 1.
cap. 14.

b In præfæ.
de Script. Ec-
clesiast.

c Libro 1.
epist. 17.

V. Quidnam verò de Christiana non meruit re S. Hieronymus commentario illo *De scriptoribus ecclesiasticis* exarato, ad quem ab omnibus, tanquam ad Sibyllæ folium, ut in proverbio est, olim hodieque provocatur? Cui sub quartum sæculum deficienti subsidiariam atque utilissimam succenturiavere operam alio & alio tempore Gennadius Massiliensis, Isidorus Hispalensis, Ildephonsus Tolletanus antistites, Honorius Augustoduni presbyter, Sigibertus Gemblacensis monachus, Joannes Trithemius, Guilielmus Eisengreinus, Robertus Cardinalis Bellarminus, Xystus Senensis, Antonius Possevinus, Aubertus Miræus, Philippus Labbeus, Andreas Saussajus, aliique. At qui promiscuè viros ex universa aut ex aliqua disciplina illustres doctrine famam, & scripta eorum accuratè, distincteque in literas retulerunt, elogiisve eorundem imagines ornaverunt, quantus his à bonis omnibus atque eruditis cujuscumque gentis plausus impartitur? Iccirco ad Conradi Gesneri Tigurini lucubrationes, qui primus *Universalem bibliothecam* librorum omnium antiqui & novioris ævi conficiendam in se suscepit, quamvis de auctoribus jejune satis egerit, recurrentibus frequenter universis literarum amantibus opitulandi curam habuerunt Conradus Lycosthenes, Josias Simlerus, Robertus Constantinus, Antonius Verderius, & Joannes Jacobus Frisius, sive compendiis, sive supplementis Gesneriani operis in publicum datis. Quanta verò elogiorum varietate & amoenitate pinacothecæ virorum scriptis clarorum ornandæ industriam suam contulere cum latinè Paullus Jovius, Raphaël Maffæus Volaterranus, Jacobus Philippus Thomasinus, Joannes Imperialis, Julius Cæsar Capacius, Joannes Vincentius de Rubeis sub Jani Nicii Eritræi Græco nomine, Marcus Zuerius Boxhornius & Nicolaus Reusnerus, Italianeque Hieronymus Ghilinus & Laurentius Crassus? Quibus adjungi debet Joannes Andreas Quenstedius, qui duplici volumine *De patriis*, ac *De obitu loco virorum doctrinam illustrium* egit. At qui non minùs condendis omnium scriptorum elogiis, quàm scriptis eorum cum cura & judicio colligendis enumerandisque animi & corporis vires mancipare voluerit, inventus est (nec mirum) usque ad hoc tempus nemo. Ferreis planè visceribus Nestoreos cum vivere oportuit annos, qui onus hoc laboris atque in rempublicam literariam officii refertissimum non frustra sibi suscipiendum putasset. Majoris operæ quàm ut unus aut alter negocium absolvat, *Bibliotheca universalis* est iis, quæ diximus, instrumentis fabricata. Qualem nempe in votis esse Theophili Spizelii eruditione viri præstantis ex eo apparet *Specimen novæ bibliothecæ universalis*, quod unà cum *Sacris bibliothecarum illustrium arcanis reiectis* Aug. Vindelicorum anno 1668. typis mandavit. Id tamen Specimen cognomina vel agnomina tantum comprehendit à syllaba A, B. incipientia. Neque enim, ut *Concordantias bibliorum Latinorum* quingenti ex familia Prædicatorum sodales, Hugonis Cardinalis ductu & auspiciis, confecisse dicuntur, numerus in opere hoc nostro perficiendo & grammaticale ingenium suffecerit. Pluribus, iisque eruditis, nulloque non doctrinæ genere imbutis, curam hanc imponendam fuisse, si rem seriò vellemus geri, minime dubium est. Sed quando aut cuinam eligendi atque adigendi tot simul

viros doctos, ut beneficio isto demereantur posteritatem, copia erit?

VI. Quare partibus exantlarum fuisse hunc laborem, siquidem universum exigi desiderandum potius quam sperandum est, viris reipublice literariae amantibus gratias habemus plurimas. Per quos nempe factum fuisse omnes vident & experiuntur, ut quidnam singulorum fuerit doctrina clarorum in literas meriti, quibusnam debeamus, quod de re quaque doceri ac docere possumus, non ignoremus. Nempe sacrorum scriptorum ac theologicæ totius disciplinæ auctorum cognitionem latere in tenebris haud ii permiscere, quibus curæ hujus meritum paullo ante consignavimus. In Juris arte quorumnam libris ea constet, quorumnam lucubrationibus illustretur, scire cupis? Presto sunt Marcus Mantua, Joannes Nevizanus, Ludovicus Gomezius, Joannes Fichardus, Joannes Baptista Zilletus, Bernardus Rutilius, Guido Pancirohus, Joannes Bertrandus, Valentinus Forsterus, Wolfgangus Freimonius, Joannes Lorichius Hadamarius carmine, atque omnium ultimus Nicolaus Henelius prosa & carmine. De philosophorum veterum sectis & scriptis sollicitus es? Israël Spachius, Paullus Bolduanus, iisque multo eruditiores Gerardus Joannes Vossius & Georgius Hornius presto sunt, quique *scriptores historię philosophicę* accuratè collegit atque illustravit Joannes Jonnius Holsatus. Medicę rei curiosi, quorum commentariis proficere, corporaque, vel sanari, vel ægra sanare possint, noscere amant? Habent, quos olim colligendi ejus artis professores exercuit cura, Gasparem Peucerum, Petrum Castellanum, Israël Spachium, Remaculum Fuschium, Symphorianum Campegius, Wolfgangum Justum, Othonem Brunsfeldium, postremumque variis recoctum editionibus Joannem Antonium Vanderlinden, qui tamen *De scriptis non de scriptoribus* Bibliothecam suam formavit. Astronomis aut cosmographis vacas? Collegit harum disciplinarum magistros Joannes Baptista Ricciolus in sua *Cosmographia restaurata*. Historiâ delectaris, atque aves scire unde res unquam atque usquam gestas fidelius noscas? Prestitit hoc eruditorum gemma Gerardus Joannes Vossius altero & altero *De historicis Græcis atque Latinis opere*, quę inter *χρεια* esse, nunquamque è manibus eorum, qui huic studio incumbunt, effluere debent. Ex quo quicquid habent Martinus Zeillerus & alii hauserunt. Paullus quoque Bolduanus & Stephanus Pretorius historicorum confecerunt Catalogos. De poetis tam Græcis quàm Latinis quicquid noscere opus est, Lilius Gregorius Giralduus vir doctissimus, Petrus Crinitus, Joannes Petrus Lotichius docuere; quibus si adjunxeris ejusdem Gerardi Joannis Vossii libros postumos *De veterum poetarum temporibus* ulteriorem aliam & extremam alterius manum vix desiderabis. Chimica etiam scripta omnia collegit Petrus Borellius medicus Gallus.

VII. His, ut singularum professionum eruditos collectim darent, industria placuit. Alii eos, qui in quoquo ordine aut conditione vitæ floruerunt, scriptores laudavere. *Summis Pontificibus* hoc officium exhibuit Ludovicus Jacobus à Sancto Carolo Carmelita, cui maximæ à viris doctis omnibus habendæ laudes sunt, non tantum propter hanc *Pontificiam bibliothecam* dudum editam, sed & propter complures alias, quas effectas & tantum non prælo paratas habere dicitur, *Cardinalium scilicet, Regum, sæminarum, Burgundicam, historiographorum Franciæ, typographorum scriptis clarorum, antiquarum editionum usque ad annum M. D. editionum omnium biblicorum aliasque. Cardinalium quoque scriptorum nomenclatores* dederunt Franciscus Maria Turrigius, & Henricus Ludovicus Castaneus Rupipozeus Gallus. Jam si religiosos ordines percurrere animi causâ velimus, habent *Benedictini* Joannem Trithemium & Arnoldum Uvionem; *Cistercienses* Chrysostomum Henriquez & Carolum Vischium; *Fulienſesque* separatim Carolum à Sancta Maria; *Canonici Regulares* Sancti Augustini Gabrielem Pennotum, Joannem Mauburnum, alios; *Carthusiani* Petrum Dorlandum, Theodorum Petreum; *Dominicani* Leandrum Albertum, Alphonsum Fernandez, Ambrosium Gozzeum, Antonium Senensem, Joannem Michaëlem Pium, Seraphinum Razzium, novamque affornat hujus amplissimi ordinis *Bibliothecâ* Michaël abbas Justinianus amicus noster, aliis hujusmodi jam notus libris.

Fran-

Franciscanos itidem Henricus Willotus, Ludovicus Rebolledus & Lucas Wadingus (cui *Supplementum* adungere habet Franciscus Haroldus *Annalium* idem *Franciscanorum* Wadingi continuator, atque eorum *Compendii* auctor, noster etiam in urbe amicus); *Augustinianos* Thomas Gratianus, Josephus Pamphilus, Thomas de Herrera, Philippus Elsius, Cornelius Curtius; *Carmelitas* Joannes Trithemius, Petrus Lucius, Emmanuel Romanus, Augustinus Bischarretus adhuc M.S. Marcus Antonius Alegrius Casanatenfis, Ludovicusque Jacobus à S. Carolo, quem nuper laudavimus, quique adhuc absolutiorem aliis omnibus futuram premit, in Bibliothecas retulerunt. *Jesuitæ*, ut sunt in rebus suis curiosi & industrii, post antiquam Petri Ribadeneiræ, recentiorum promoverunt Philippi Alegambe operam, quâ quid in hoc genere magis aptum & absolutum esse possit, meritò dubitabis.

VIII. Ultimam alii formam sequuti sunt scriptores laudandi ex sua quique gente aut provincia aut natali loco, quæ nobis placuit ex Hispanis nostris. Nec prius dicam de hujus operis consilio & adjumentis, quàm indicatis levi manu aliarum gentium & populorum similibus commentariis; quò magis appareat in re necessaria & Hispaniæ civibus valde honorifica haud operam nos lusisse. *Germaniæ scriptores* collegerunt in unum Joannes Trithemius, cui superstruxit Jacobus Wimpfelingus, Melchior item Adamus. Sed utinam gens amplissimæ tum ditioris tum per omnes ætates orbis famæ, quæ à duobus sæculis eruditione ante aliàs audit, bonarumque omnium disciplinarum studiis inclyta, verè antiquis Fidei orthodoxæ ac veris persuasionibus inventiones non prætulisset alterius sæculi Pseudo-Apostolorum. Haberet Christianus populus quos colligeret, admirareturque in gente ista tam eloquentiæ quàm omnimodæ doctrinæ flores, quin spinas vellendi, aut, ne his pungatur, præcavendi necessitate, uti passim inter pios fit, constringeretur. Habent similiter & *Angli* virorum literis illustrium suæ nationis laudatores Joannem Baleum, quamvis subleste fidei hominem, Joannem Lelandum juniorem, Joannem Pitseum; *Scoti* Thomam Dempsterum, cui tamen multæ aliàs lectionis viro Jacobus Usserius ^{e De Bibliis} Hiberniæ appellatus Primas, ^{taunic. Eccl. primordis cap. 13.} historiæ rerumque antiquarum peritissimus, librorum, qui nusquam scripti sunt, ex ejus otioso depromptorum cerebro recentionem ^{pag. 461.} imputare non dubitavit, quocum in re Philippus Labbeus consentit in *Bibliotheca bibliothecarum*. *Hibernis* monstraverunt sua literarum decora Fridericus Hibernus & Jacobus Wareus; *Polonis* Simon Starovolscius, *Danisque* Thomas Bartholinus. *Belgæ* in adornanda sibi hac Sparta nulla alia Europæ natione inferiorem consequuti sunt laudem. Justis enim & absolutis hujus argumenti operibus Belgas universos gaudere fecerunt Aubertus Miræus, Franciscus Suvertius, Valerius Andreas Taxander, & Guilielmus Gazetus Gallicè; *Flandros* autem separatim Antonius Sanderus, Dionysius Harduinus; *Hannonios* Philippus Brasseur; *Hollandos, Zelandos, Ultrajectinos* Pancratius Castricomius; *Frisios* tandem Ubbo Emmius & fortasse Martinus Hamcomius, qui de hujus provinciæ viris illustribus commentarium edidit. *Gallis* autem nondum, ut credo, ad hoc tempus contigit doctissimæ gentis scriptorum historicus ejus absolutionis, quam imus quæsitum. Antonius enim Verderius, qui uno ferè sæculo præcessit, Andreas Quercetanus historicorum, Franciscus Grudeus Crucimanius & Philibertus Marefcallus scriptorum vernaculæ linguæ nomenclatores, Scævola, seu Gaucherius Sanmarthanus virorum superioris sæculi doctrinâ illustrium encomiastes, citra universitatem generalis Bibliothecæ propriam constiterunt. Vixisset hujusmodi natus laboribus exhauriendis Labbeus; haberemus absolutissimam ejus gentis ad miraculum doctæ à *Chiliadibus historico-chrono-geographicis*, quas parabat, notitiam. Exstant nihilominus particulares singularium urbium *Bibliothecæ*, qualis est illa *Cabilonensium* Ludovici Jacobi à S. Carolo, & *poëtarum provincialium* Joannis Nostradami, aliorumque. Quid verò Italia scientiarum ac totius eruditionis fons & quasi mater? Planè ea nondum ausa est suas omnes colligere in unum & explicare simul merces, quamvis non ulla alia posset laudè magis atque magnificè. Vernacula enim dumtaxat scripta non alia, Italorum,

lorum, ante annos centum & viginti Antonius Franciscus Donius in *Bibliotheca* sua, Joannes verò Matthæus in *Peplo Italia* brevibus spatiis ultimorum trium seculorum viros illustres ante centum ferè annos exposuit publico. Neque in lucem adhuc emissas vidimus Angelici Apropii Vintimiliensis Eremitarum sodalis *Athenas Italicas*, cujus operis ab anno MDCXLVII. uti jam tunc ab eo parati, in *Parnasso Euganio* suo Jacobus Philippus Thomasinus, & nuper Raphaël Sopranius & Michaël Justinianus in *Bibliothecis* suis *Ligurum scriptorum* meminere. Desiderium interim plenè operè hi leniunt, qui occupatis nonnullis ejusdem partibus singularum quarundam urbium aut provinciarum decora doctrinè ista seorsum complexi sunt. Ut enim ab Alpibus & Italiæ principio ordiamur, *Pedemontanorum* & cum his *Sabaudorum* & *Nizzaorum* Franciscus Augustinus ab Ecclesia Saluziarum Episcopus & nuper Andreas Rossotus à Monte-regali Cisterciensium sodalis; *Ligurum* Raphaël Sopranus & Michaël Justinianus, *Mediolanensium* ut ajunt, Franciscus Bernardinus Petrarius & Salvator Vitalis, *Venetorum* Jacobus Albericus, *Patawinorum* Bernardinus Scardeonius, *Veronensium* Onuphrius Panvinus ac Torellus Sarayna, *Bergomatum* Donatus Calvus, *Ferrariensium* Augustinus Superbus, *Bononiensium* Bartholomæus Galeorus & Joannes Antonius Bumaldus, *Florentinorum* Michaël Pocciantius, *Umbrosum* Ludovicus Jacobillus, & in his *Persarum* Cæsar Alexius, *Panhormitanorumque* in Sicilia Franciscus Baromius Catalogos, sive separatim & ex proposito, sive in patriis historiis, ne hac parte sic nobili & magnifica deficerentur, confecere.

IX. Sed ut convertamus jam stylum in Bibliothecæ hujus argumentum Hispanos scriptores seu viros doctrinâ clârôs celebravit primus, quod sciam, Lucius Marinæus Siculus, deinde Alphonsus Garcias Matamoros Hispanensis, prior in *De laudibus Hispaniæ* libris, posterior in *De academiis, & doctis Hispaniæ viris*, sive pro asserenda Hispanorum eruditione narratione apologetica: neuter tamen ad Bibliothecæ formam scriptores omnes, sed paucissimos è tam fertili eorum messe, absque ulla expressiore librorum ab iis editorum mentione, in commentarium retulit. Vidit hunc defectum Andreas Schotus Anruerpiensis vir præstantis altero sæculo eruditionis, dum apud nos peregrinaretur, doluitque nostram vicem, & ne ultrà ignoraremus quos literarum omnium professores & magistros procreaverit omni tempore Hispania, & ob lucubrationes in publicum editas posteritati famæque tradiderit, subducto proprio, assumptoque Andreæ Peregrini nomine foras emisit *Bibliothecam* primus *Hispaniæ* tomis, dicis causâ, tribus Franco-furti apud Claudium Marrium & heredes Joannis Aubrii anno MDCVIII. Præcesserat quidem anno uno hanc Schoti prolem Valerii Andreæ Taxandri *Catalogus clarorum Hispaniæ scriptorum* ex Moguntino Balthasaris Lippii typographejo emissus. Qui, ut suspicor, idem ipse est Valerius Andreas Desselius *Belgica bibliotheca* auctor, quantumvis nec in *Catalogi* editione usus sit Desselii eâ notâ, nec in *Bibliotheca* fine, ubi operum à se confectorum habet mentionem, hujus *Catalogi* alia inter opera sua meminerit. Convenit quippe ultra nomen ipsum patria; *Desselius* enim pagus, à quo is appellari voluit, Brabantiae provinciæ est, quæ apud veteres *Texandria* sive *Taxandria*, de quo à geographis monemur, appellabatur. Deinde auctor *Bibliothecæ* fatetur se Antuerpiæ triennium totum Andreæ Schoto jam Jesuitæ à manibus ac studiis fuisse: at ipsum de Taxandro *Catalogi* confectore ex literis ejusdem Andreæ Schoti ad Joannem Marianam anno MDCIX. directis constat, cujus verba transcripsimus. *Misi & duplex exemplar per bibliopolas catalogi clarorum Hispaniæ scriptorum qui Latine disciplinas omnes illustrarunt, quem hic (Antuerpiæ) familiaris noster, me adjuvante, Valerius Andreas continuavit, rogatque majorem in modum, ut istic aliquot socii, qui bibliothecis nostris præsent, dignentur augere iis, quæ nondum absentes vidimus, idque seorsim in charta &c.* Ejus ergo *Bibliothecæ*, quam adhuc eo tempore premebat, atque aliâ quavis formâ, quàm alphabeticâ, digesserat, indicem sive compendiarium notitiam publicare cum decrevisset Schotus, sub amanuensis sui Valerii Andreæ nomine in publi-

publicum exire fecit, fortè ut Hispanos provocaret (quod Marianæ innuit) ad augendum Catalogum, seq̃ue de prætermisſis monendum, priuſquam Bibliothecam elabi è manibus permiſiſſet.

X. At utrumque, ſive idem diverſis ſub formis, ejuſdem ferè auctoris opus tam ab univerſalis Bibliothecæ diſtat propoſito, ut magis nequeat. Valerii quippe Andree *Catalogo* nuda tantum nomina, eaquæ ſæpiùs incorrecta eorum comprehenduntur, qui Latine apud nos ſcripſerunt, annotatis etiam libris qualiter potuit ab extero homine ac peregrè conſtituto. *Bibliotheca* etiã eo modo cõcepta eſt, ut quamvis ab tali, hoc eſt, ab eruditiffimo ſummèq; induſtriæ viro, emanans, elegantiquæ ſtylo ducta, vix poſſit aut ſui præſtare uſum proficere cupientibus, aut literarios nobiliſſimæ gentis pro ejus dignitate perfectos & abſolutos dare alijs factos. Ex tribus enim tomis ſeu diſiſionibus primus ad nos non pertinet, qui de *Hispania religione, Academiis, Bibliothecis, Episcopis, Conciliis, Regibus* tractat. Scriptores quippe tantum Bibliotheca perſequitur. Secundo *nomenclator* ſeu *elogia* continentur ſcriptorum veterum, recentiorumquæ juxta profeſſionum decem claſſes, ſcilicet primam *antiquarum* ſive ſacrorum ſive profanorum, reliquas recentiorum, nempe ſecundam *Dominicanorum* ſodalium, tertiam *Franciſcanorum*, quartam *Carmelitarum*, quintam *Auguſtinianorum*, ſextam *Jeſuitarum*, ſeptimam *Juriſconſultorum*, octavam *Medicorum*, nonam *Poëtarum* & *Fæminarum* eruditaram, decimam & ultimam *Hiſtoricorum*. De cæteris religioſis ordinibus altum ſilentium, qui ſummos etiam doctrinã viros Hispaniæ pepererunt. At nec ex aſſumptis omnes laudantur, ſed potiores tantum, facta quidem de libris aliqua mentione, ſed ea nec integra, nec annotatione loci, temporisquæ editionis, quod ſic iſto in genere neceſſarium eſt, diſtincta. Sequitur hujus ſecundi tomi *appendix*, quæ *judicium de legitimis Hispaniæ hiſtoricis* continet, hoc eſt de Berofii & ſimilium editis ab Annio Viterbienſi operibus Joannis Goropii Becani ex libro *Antuerpienſium originum* quarto fragmentum, Gaſpariſque Baſſerij de his *cenſuram*, ex Luſitano idiomate in Latinum ab eodẽ Schoto tranſlatam. Quæ hîc inſerta, cum ad Hispaniæ Bibliothecæ argumentum vix pertineant, ideo auctor voluit quaſi appendicem ad hiſtoricorum claſſem, quod veritus fuerit ne aliàs commoditate ſeorſum ea edendi deficeretur. Annectitur tertius tomus continens & ipſe *elogia theologorum, juriſconſultorum, medicorum ac philoſophorum* quinque diſtincta claſſibus ſecundum totidem Hispaniæ gentis diſiſiones, Bæticæ, Luſitanæ, Caſtellanæ, Celt-iberæ, tandemquæ Valentinæ; longiora quidem prioribus elogiis, & in quibus aliqua ſic præ cæteris vel majoris famæ virorum turgent, ut expoſſiſſe illa non tam judicium æquum quam obnoxiũ videatur. Poſt hæc *Itinerarium* ſequitur Didaci Lopezii *Stunica ab oppido Complutenſi uſque ad urbem Romam*, quod præſentis operis extranea prorsus appendix eſt, quantumvis diſertum ac bonæ frugis plenum. Hæc idea eſt Schotaniæ *Bibliotheca*, quam nihilominus ea non tantum laude nos dignamur, quæ primo debetur rei auctori, ſed illa inſuper, quod eleganter admodum, eruditè ac certè, de his præſertim, quibus ætas ſua florebat, viris monere ac demereri poſteritatem voluit.

XI. Sed præterquam quod ſcriptorum pars major ad exprimendos animi ſenſus vulgari lingua uſi ſunt, quos inſuper tam Valerius Andreas, quam Schotus videntur fere habuiſſe, atque ex Latinis quamplures, ſive auctores, ſive auctorum libros, uterque prætermiſerit, quos damnari oblivione parum æquum fuit, recens & intacta adhuc materia hujus, quod agimus, ſæculi, eaquæ illuſtriſſimorum hominum, nec deceſſoribus inferiorum, invitabat planè ſecundam & impenſiorem alicujus operam, quæ & intractatum hucuſquæ tempus perſequeretur, & jam tractati ſupplendis opportunè defectibus præſto eſſet. Quæ quidem ab eo aſſumi partes debuerunt, qui non patriæ tantum amore, ſed & orio ſtudioquæ eſſet abundantiffimus. Et tamen neſcio quo fato, extra meam utriuſque juris profeſſionem, in qua edito ante decennium *De exſilio & exſulium conditione ac juriſus* opere non fruſtra collocâſſe dies videri poteram, aliò evocarum cura hæc ſolicitare cœpit, quã defuncturum alium, qui pro dignitate rei

atque

atque difficultate posset, cui ego vicem cedere meam deberem, nullus sperabam. Eâ me cogitatione distentum excepit annus ille Hispali meâ sêvus ante alios immitisquæ sæculi hujus quadagesimus nonus, pestilenti lue majorisquæ hujus urbis incolarum partis excidio infamis verequæ nefastus. Abscedendum inde fuit opportunè, aut manendum loco aperto, & cui provideri & caveri à contagione posset. Electus est hortus quidam suburbanus extra portam Carmonæ, eò quod in eam urbem ducit, appellatam, quem & Benedictinorum sodalium sacram ædem intercurrit aqueductus lateritii operis, quo urbi magna ex vicino agro corrivata vis aquæ infunditur. In hoc secessu tribus ferè mensibus, quousque cœli teter desæviit morbus, declinavimus unâ violentem pestilentiam D. Joannes Suarezius Mendozius & ego, cujus hominis ne nunc in laudes eam prolixius, verecundia impedit amicitia nostræ, nec minus singularis ipsius modestia. Gerit ab illo ad hoc usque tempus in domo Indicæ negotiationis Hispalensi senatoriam, jam nunc primi inter alios loci, dignitatem integerrimè gnæviterquæ. Quod tibi in transcurso dictum, quisquis hæc legis, cupio, ut ab honore isto saltem virum discas, tametsi non ignarus magistratum gerere, ac meritò gerere, haud diversas tantum, sed & disparatas res justo sapius esse. Hoc in loco benignissimi atque indulgentissimi largitate numinis datum nobis cum illibata valetudine, tum præcipuè mihi, inter tam sæva etiam, animi & studiorum ea quiete frui, ut aliquot horis expiandæ conscientia ac propulsandæ ab ea timoris causæ Christiano ritu quotidie datis, cæteras jaciendis *Bibliotheca* hujus fundamentis, tenuibus quidem illis tunc, ac superstruendæ moli imparibus existimatis, contentius tamen quàm pro hoc judicio, impenderim. Ad manus fuit Benedictinorum, quos paullò ante dixi, seu potius Benedicti de la Serna hujus domus Abbatis, bibliotheca bonis plena libris, cujus quidem data mihi liberaliter copia fuit eò jucundior habiliorquæ, quòd absque reverentia domini per eos dies alibi agentis veluti re domi propria uterer. Scilicet hoc solo ac fundamento niti cœpit (quod meminisse gratum est) fabrica ista, quam corrogata inde ab aliis atque aliis bibliothecis, bibliothecarum descriptionibus & omnis generis libris improbo labore subsidia in hanc, quam vides, molem duplicati voluminis elevavere.

XII. Quænam verò ea fuerint subsidia discere aves? Mihi æque ac tibi expedit ut morem euriosè interroganti geram. Excussæ sunt plures & amplissimæ bibliothecæ, uri jam diximus, lecti quoque ii omnes libri hac nuncupati appellatione, quæve sub quavis alia rem nostram agerent. Gesnerus, Possevinus, Bolduanus, Draudus, Valerius Andreas & *αὐτοψία* ^f ipsa suppediterunt suas nostrorum auctorum editiones: Schotus & Miræus, Nicius Erithræus, Ghilinus, alii ea, quæ confecerunt, eorumdem elogia. A nostris, quorum testimonio, utpotè domestico, magis deferendum fuit, auxilia rara & imbecillia. Adeo studium hoc viros literis spectatos, eorumquæ monumenta fideli ac datâ operâ commendandi, nostrorum historicorum, sive provinciis, sive urbibus, sive religiosi ordinibus illustrandis addictorum, mentem non pupugit, quasi ea non aliqua & quidem præcipua esset historia pars, rerumque commemoratarum insigne decus ac veluti lumen, aliundève quàm ex viris insignibus, clarisquæ scriptoribus ornamentum egregius aut celebratis urbibus, regnisquæ, aut enarratis ordinum Ecclesiasticorum cœtibus accedere posset. Omnium enim ferè Hispaniæ totius urbium, nedum provinciarum, regnorumvè historias habemus vernaculas; nec in iis quicquam accuratioris operæ ad *Bibliotheca* nostræ argumentum conferentis invenire potuimus; exceptâ unâ Segoviensis urbis, in qua Didacus Colmenarius auctor, vir utique singularis industriæ, particularem virorum literis illustrium ejusdem urbis librum ceteris adjunxit, exquisitâ diligentia usus, ne patriam optimæ notæ historiam, hac parte insuper, ut aliàs fieri solet, habitâ, veluti claudicantem reliquisset. Nec item aliis nostrorum hominum lucubrationibus ad hunc scopum directis, quæque per partes promovere ac suffulcire universalem gentis Bibliothecam possent, quamvis diligenter conquisitis, utendi copia mihi contigit. Doctissimi inquam viri Thomæ Tamaji *elogia illustrium*

† Propria visio.

frum in Carpetania Scriptorum, quorum aliqua vidimus in libris laudatorum auctorum excusa, Michaëlis Joannis Vimbodini *Bibliothecam Valentianam*, sive de illius regni Scriptoribus, Joannis Francisci Andreæ Uztaarrozii *Aragonensem*, quam post impensam rei à Didaco Murillo ^g & Vincentio Blasco Lanuza ^h, quadantenus operam apparasse eum, cum in vivis esset, tum aliunde, tum ex ejus literis novimus. Certè habuissimus inde nos integram hujus partis, quam nobilissimum facit in hoc theatro regnum, exactamque notitiam; ut liberalis erat largusque Uztaarrozii laudatus opes, multo licet atque assiduo labore quæsitæ, cum amicis & quibuscumque aliis istarum rerum cupidis communicandi. Ita mecum agere coeperat quæsitus per epistolam non unam aut alteram iis super, de quibus aliunde quam ab ejusdem regni Chronographo diligentissimo patriæque studiosissimo certior fieri non poteram. Sed interrupit ejus mors regno isti & Historiæ Aragonensi non parum intempestiva commercium literarium nostrum, intercideritque telam non faciliè ab alio retexendam. Cujus quidem hominis neque *Chronographorum regni Aragonie* ab Hieronymo Zurita usque ad Josephum Pellizerium *Vitas* typis jam; cum vitâ functus fuit, subiiciendas consulere mihi datum aut manu exaratas aut, si copia facta esset, formis editas, quod nescio quo accuratorum operum fato hætenus retardatum fuit. De Lusitanis diu est quod vorum D. Francisci Emmanuelis viri docti atque in paucis disertis de suorum civium formanda Bibliotheca, cujus ipse meminit in quadam epistola ⁱ præcipuos quosque in unaquaque disciplina scriptores summatim referens, implere satagunt Joannes Suarius Britus & Joannes Francus Barretus, sive divisa sive collata opera; quorum propositi, adhibereque in adornando eo diligentiam mentionem Georgio Cardoso *Agiologii Lusitani* ^k pio, industrioque auctori, qui & ipse ante paucos annos excessit à vivis, debemus. Quibus quidem ille ait cessasse sponte se hanc curam, quam olim conceperat. Sed neque ab imperfecto adhuc opere aut nondum publici juris facto rem strenuè gerere Lusitanam discere potui, quam & superius bellum à communicatione omni, unde lumen aliquod separata ac veluti peregrinæ nationis laudibus infunderetur, non solum hominum sed & librorum arctè longèque seclusam habuit. Unde forsitan commissos in referendis nobilissimæ doctrinæ gentis rebus errores, aut omissa quæque notatu digna, condonabunt ipsi, uti speramus, nobis hac excusatione utentibus sic legitima justaque, interim dum civium suorum posterioribus, ac luculentioribus haud caruuntur operis.

XIII. Librorum quidem Hispanâ linguâ scriptorum bibliothecam collegisse dicitur Matruti amplissimam Joannes de Saldierna; quam, uti credimus, ante oculos habuit, descripsitque is, quem antea & nunc iterum jure laudamus, Thomas Tamajus in libro sic inscripto: *Junta de libros la mayor que España ha visto en su lengua hasta el año de 1622*. Hujus exemplum nunquam publicati operis videtur Eminentissimo S. Rom. Eccl. Cardinali Francisco Barberino, dum extraordinaria Urbani VIII. Pontif. Max. patri sui legatione apud Philippum Regem nostrum IV. eo ferè tempore fungeretur, obtulisse auctor; quod nobis, annuente humanissimo ac eruditissimo mihi que multis nominibus eximio cultu semper habendo purpurati ordinis apice, Carolus Moronus bibliothecæ ejus amplissimæ ac selectissimæ præfectus, ad Sancti Laurentii in Damaso canonicus, excutiendum atque exprimendum liberaliter concessit.

XIV. His autem vix paribus suffulta tibicinibus *Bibliotheca nostra* minimè potuit ea omnia præstare, quæ quidem assequuti omnino essemus, si votis tantum agi res valeret studioque, quamvis impensissimo. Sed quæ necessariis & à propriis atque domesticis suppeditatis undique auxiliis explananda fuit ad culmen absolutionis & perfectionis via, his eam destitutam confragosam disruptamque mansisse, nec semel lubricam aut fallacem, haud merito aliquis non accusabit. Cum præterea de propriis cujusque enarratoris

Bibliotheca vetus Hispana Tom.I.

•

rebus,

^g In historia de N. Señora del Pilar.
^h In historia Aragon. par. 1. lib. 5. cap. 37. & seqq. & par. 2. lib. 5. cap. 44. & seqq.

ⁱ Centur. 4. carta 1. de las Obras familiares.

^k Tomo 3. die 4. Maii lit. I.

rebus, quantumvis temerè aut falsò dictis, credendum ei fuerit, dum non aliorum, qui redarguerent ac nos monerent, potiti essemus; uti de cavendo in Carmelitanis rebus à *Carmelitici decoris Paradisi* auctore moniti sumus ab amico nostro Fr. Ludovico Perez de Castro Axofrinensi ad Deiparæ Transpontinæ Collegium Romanum theologiæ professore primario atque studiorum præfecto, qui mirâ quadam diligentia & in ordinem hunc suum charitate corrogatâ ex fontibus ipsis scriptorum ejus notitiâ effecit unus, nec cum auctore illo in accusationem suorum ipsius sodalium impingeremus. E religioforum aliorum ordinum historiis atque scriptorum catalogis generalibus nostros excepimus, usi & amicorum in his ipsis ad normam *Bibliotheca* hujus commendandis & qui excidissent, aut ab eorum confectioe vixissent, adjungendis, operâ. Hanc interim vix necessarium fuit à Cisterciensibus, Franciscanis, Jesuitis petere, quorum scriptores jam eo cultu fuere literatorum orbi exhibiti, quo cæterarum caruisse hactenus sacrarum familiarum ornamenta dolendum magis, quàm nobis opprobrio dandum est; quibus ignorare multa domi earum occulta, nec referata adhuc, fuit necesse; nec tamen sine ulla cautione, excepto Alegambii opere, decurrendum vel in his fuit. Et in Franciscanis aliqua, quæ Wadingo exciderunt, sive ei non visa, suppeditavit Franciscus Haroldus Hibernus in Collegio Romano Sancti Isidori Agricola sacrae scientiæ olim professor, nunc Wadingi *Annalium* continuator & *Compendii* scriptor diligens, disertusque, ad cujus *Franciscanos scriptores* plura habet, quando is liber recoquetur, adjungere. Jesuitis, qui post *Bibliothecam* eorum absolutissimam prælo datam literarum monumentis alibi & apud nos florissent, in aliquam appendicem coniiciendis referebatur vulgò addictus Joannes Nadasi, qui *Annum rerum memorabilium ejusdem Societatis*, ex qua est, ante paucos annos in publicum edidit. Cecidimus tamen ea spe; mutuareque eorum notitiam è publico Præfecti generalis dignissimi Reverendiss. P. Joannis Paulli Olivæ mihi multis nominibus venerandi tabulario, quo asservantur facultates scriptoribus datæ ad typis mandanda literarum sua monumenta, opus nobis fuit, quam inde probus atque industrius vir Joannes Marinus Assistenti Hispaniarum generali à secretis liberaliter communicavit. In cæteris religiosis universitatibus majori connitendum fuit industria: nam Augustinianos sic jejune laudavit etiam ultimus ac Hispaniæ domesticus ordinis illustrator Thomas de Herrera, cætera vir diligens, in *Alphabeto* suo *Augustiniano*, ut nisi aliunde & è libris ipsis majorem eorum expiscaremur cognitionem, vix meritis doctissimæ ac fecundissimæ magnorum filiorum parentis familiæ laudibus paria facere possemus. Quod cum ad Dominicanorum deventum esset res, fuit magis pertimescendum. Antonius enim Senensis & Alphonfus Ferdinandi ante plures annos, nec sat pro hujus ætatis accuratione, scripsere suos catalogos. Carmelitarum autem negotio præsto fuit, uti jam diximus, Ludovicus Perez de Castro, ei que collatâ quoad exalceatos operâ Josephus à S. Maria Congregationis Reformationum Hispaniæ Chronographus, ut antiquiores nunc præteream. Inde, ut Benedictini pro dignitate amplissimi ordinis in hac pompa exhiberentur, nulli eorum historia acceptum ferre potuimus; siquidem Franciscum Ibañez viros illustres ejus compendio laudavisse tantum audivimus. Quædam tamen ex ipsis eorundem domibus repræsentaverunt cum D. Antonius Lupian Zapata, qui inter ipsos degebat, eruendis ex eorum tabulariis aliquot monasteriorum historiis dudum intentus, olim nostro nomine de scriptoribus interrogatus, tum etiam Reverendus admodum Pater Fr. Alphonfus de Mier Congregationis Hispaniæ Procurator, cum hæc scribimus, in Urbe generalis Mercenariorum quoque viros hac laude memorandos collegit singulari libro Petrus à S. Cæcilio Granatensis ex Reformatione hujus familiæ, quem adhuc ineditum quondam Granatæ vidimus. Cuinam rei, quæris, hactenus dicta? Nempe humanum est desiderare nos te nescire, lector, quantum hac nostra opera promotum in re sit, aliorumque operis superinductum, atque ridem

humana-

humanum unâ & plenum ingenui pudoris, teste Plinio ^a, in principio ipso libri fateri, per quos profeceris.

^a In præfat. hist. naturalis.

XV. Jam ut speciem hujus nostri historici operis adumbremus, *Bibliotheca integra* omnium *Hispanorum qui unquam usquamve monumenta sui prodiderunt literis* mentem nos diu gravidam gerimus, nec tamen unico partu exonerandam. Ab initio rerum & antiquissimo nostræ gentis tempore capiendum fortè initium fuit, atque inde usque ad præsens sæculorum ferè septemdecim scriptores ducendi stylo. Nec nobis ordo iste improbari, qui secundum naturam est, aut consilio aut facto debuit. Quominus tamen eò procederemus, hæc caussa fuit. Bibliothecam oportere in duas distingui partes duximus, quarum posterior eos, qui ante duo hæc, præteritum & quod excurrit, sæcula vixere, librorum auctores contineret, prior verò superioris ad literarum usque inter nos ac disciplinæ initia ætatis scriptoribus adjudicaretur. Nec sine ratione. Cùm enim inferendorum in hos publicos Musarum fastos nomina Alphabeti ordinem sequi debere, ut aliquem sequerentur, commune ab optimis Bibliothecarum formatoribus veniens dictaret exemplum, subiit illico hæc nos cogitatio, incongruè id factum iri atque absurdè in solida totius *Bibliotheca* materia, hoc est, in tot sæculorum promiscuè laudandis auctoribus, antiquissimis, medii temporis, recentioribus, ac tandem nunc superstitibus. Cuinam etenim stomachus non moveretur advertenti huc oculos, si laudatum post Licianum illum Bilbilitanum à Martiale dictum, quia initium dat nomini L. litera, in vivis degentem ante paucos annos Lucam Montoiam legeret, tunc post eum & veteri rursus Roma Lucanum, inde Luciam de Jesu nostri temporis sanctimonialem, atque hinc Lucium Moderatum Columellam, aut Lucium Dextrum? Non adeo quidem est (aut ego nihil certi assequor) è præscripta sibi secundum seriem literarum norma excusandus hic ordo, ut saltus hosce, atque è recentissimis ad antiqua illa tempora ineptas crebrasque transitiones aut, si mavis, volatus admittat. Porro hujus vitandæ absurditatis consilio, quantumvis aliis deficeretur caussis ea, cui innitimur, separatio, utique nos obsequuti essemus: sed & succurrit alia non levis aut contemnenda. Nimirum de antiquis scriptoribus plura oportuit extra elogiorum formam discuti, patrias eorum, vitæ obscura investigari, notha scripta ab his abdicari, legitimorum vindicias decerni; quibus omnibus alia commentationis & prolixior utique ratio debebatur atque illa est, quam in laudandis sive nostræ sive parentum aut avorum memoriæ auctoribus, quorum res ac doctrinæ merita vix ullis dubitationis impediuntur salebris, sed omnia ferè indubitata sunt, historiceque, non criticè tractanda, planè sequi oportuit. Alius ergo quàm alphabetarius, recentioribus utique celebrandis maximè aptus, ordo doctissimorum judicio idoneus magis mihi visus dicendis & illustrandis veterum scriptorum rebus ac monumentis fuit; ætatis nempe, quâ vixerunt & floruerunt, per sæcula digestæ. Ita Gerardus Joannes Vossius methodo non minùs quàm singulari eruditione præstans, ita alii fecerunt. Processus, profectusque sive defectio aut corruptio literarum atque doctrinæ decurrentibus passim & ordinate à prioribus illis ad hæc tempora maxima cum jucunditate representantur & liquent. Præterea non jucundum tantùm sed utile etiam est in unoquoque ævo quinam quibuscum convixerint sub oculis habere, ideamque singularum formare ætatū.

XVI. Quare uti commodissima & æquissima nobis, ex quo ita sedit animo, hæc sese commendavit divisio operis, ut altera pars ab origine ipsa rerum, hoc est, hominum apud nos doctrinæ famâ illustrium, per sæculorum scalares gradus ad totum decimum quintum, hoc est, Christiani orbis millesimum quingentesimum descenderet, altera decimi sexti & quod nunc agimus, decimi septimi scriptores, qui longè plures uno sesquisæculo sunt iis, qui tot præcedentibus vixere æquales, in unum colligeret: prior temporum ductum, posterior autem nominum prima elementa sequeretur.

A D D I T I O,

*In qua Emmanuel Marti nonnulla prefatur,
quæ ad hanc priorem Bibliothecæ
partem spectant.*

IN hujus operis editione id præsertim nobis observandum proposuimus, ne scilicet concepta auctoris verba vel in re minima mutaremus; exceptis iis quæ (exscriptorum sive incuriâ, sive ignorantia) solœca evaserant, ac frequenti stribilagine afflata. Id enim in prole postuma necessarium apprimè existimo; ne illatam ei à manu obstetricæ fraudem suspicentur, aut dolo malo depexam, fucatamque. Iccirco lacunas aliquot quas auctoris manus non repleverat, parvo licet negotio citraque laborem implere potuissem, eas nihilominus attingere religioni duxi, ne auctoris fidem violare quodammodo videretur. Nonnulla præterea, quæ in pseudo-chronicorum auctores, seu potiùs larvas acriter, ac liberiori calamo dicta fuerant, ut operi auferretur invidia, vel ablata penitus fuerunt, vel temperata.

Libro septimo cap. i. post numerum quintum notatum erat in autographo ad oram auctoris manu: *Hic de Ebrethmo in folio volanti*. Sed folium illud abs dubio excidit, cum ibi minimè reperiatur.

Monitum etiam lectorem volumus D. Nicolaum Antonium in animo gessisse, strenuam, nec brevem, instituere disquisitionem ad calcem hujus Bibliothecæ veteris super Pseudo-Juliani Chronico; ut in fine cap. octavi ac initio noni libri septimi facturum se pollicetur. Sed id tam egregiè, tot rationum momentis, tanto crasse pondere, duobus integris capitibus ibi præstitit, ut vel deperditi, vel non scripti opusculi jacturam, minus ægrè ferre valeamus.


Scriptores Arabes ex Hispanæ Bibliothecæ corpore, ubi priùs collocati fuerant, avulsit, ac in alium transtulit locum; in Bibliothecam scilicet, quam iccirco Arabico-Hispanam indigitavit. Ex quibus illos excepit, qui abjurato veteri errore in Christianæ militiæ castra transferunt. Idem de scriptoribus Hebræis facere in votis habuit, ac peregit forsitan; sed nescio quo fato id opusculum (quod aureum futurum fuisse nemo dubitat) vel deperditum est, vel alicubi latet inter blattas tineasque. Cum enim semel ac iterum D. Cardinalis de Aguirre per literas petiisset, ut nobile illud Bibliothecæ membrum diligentissimè conquisitum ad se transmitteretur, si forsan inter auctoris schedas delitesceret, responsum est, opus illud, si fortè à D. Nicolao scriptum, *ἐς κόρυκα* abiisse; cum nullum ejus vestigium deprehendatur. Hanc Bibliothecæ partem Hispano-Rabbinicam appellavit plurimis in locis, ac præsertim libro septimo cap. i. num. 6. ubi Jonæ Ben Ganach & Isaaci Cordubensium, ac Jehudæ Barcinonensis mentione opportunè facta, eos à præcipuo opere submovet, ac in propriam Bibliothecam transferendos monet. Idemque repetit in fine capitis sexti ejusdem libri, dum de Hebræorum Hispanorum coryphæis Mose Maimonide, ejusque præceptore Josepho Ben Meir, Abrahamo Aben Esra, Josepho, cum duobus filiis Davide & Mose Kimkiis, ac Jehuda levita, in transcurso loquitur.

Scriptores quorum ætas ignoratur, in unum Bibliothecæ angulum coëgit, eorum nominibus alphabeti ordine digestis: quod etiam observavit in Bibliotheca Arabico-Hispana. Hæc sunt, de quibus lectorem monere visum est.

MONITA

MONITA QUÆDAM AD LECTOREM

De opere & ipsius auctore.

I.  RODIT in lucem nunc primum BIBLIOTHECA VETUS HISPANA, sive recensio accurata illorum omnium Scriptorum, seu Auctorum, qui sub Hispano cœlo nati, aliquid publicæ luci commisisse inveniuntur quâvis linguâ, ab ineunte imperio Octaviani Augusti, usque ad annum eræ Christianæ millesimum quingentesimum. Quâvis, inquam, linguâ: idest, non modò Latinâ, & Hispanâ, sed etiam Græcâ, Arabicâ, & Hebræicâ. Multos enim Hispanos in unaquaque ex iis olim plura scripsisse, & publicæ luci dedisse, constat perspicuis & exploratis veterum monumentis, suo loco proferendis.

II. Porro Auctor hujus BIBLIOTHECÆ VETERIS HISPANÆ nemo alius est, nec facile esse potuit, quàm eximius ille vir, inexhaustæ eruditionis & infinitæ propemodum lectionis laude apud omnes homines doctos cujuslibet nationis & instituti tandiu celebris D. NICOLAUS ANTONIUS. Natus Hispali anno hujus sæculi decimo septimo, & ibidem bonis avibus initiatus, studiis literarum humaniorum, & philosophiæ apud Dominicanos Hispalenses operam dedit: deinde ab ineunte adolescentia Salmanticæ accuratum studium utriusque juris collocavit sub clarissimis præceptoribus, sed potissimum sub D. Francisco Ramos del Manzano, diù primario Cæsarei Juris professore, ac celebri scriptore, qui postea summus Philippi IV. Regis consiliarius, ac tandem Caroli II. Monarchæ magister fuit. Porro Nicolaus inter innumeros ferè auditores ejusdem gymnasiarchæ, præcelluit usque aded, ut adhuc florente juventute, in lucem miserit Antuerpianis typis egregium illud opus, *De exilio*, sive *De pena exilii, exsulumque conditione & juribus*, tribus libris contentum, quod ubique locorum distractum fuit, non absque laude auctoris.

III. Deinde plura & majora volens animo, præsertim ad historiam, polymathiam, & critice librorum omnis ferè generis & disciplinæ spectantia, rediit Hispalim, atque ibidem in secessu, & procul ab omni ferè sæculi cura, immerfus studiis, potiorem vitæ partem traduxit, præsertim apud regium monasterium Sancti Benedicti Hispalensis, ubi & copiosam librorum suppellectilem nactus fuit è Bibliotheca Reverendissimi Patris Magistri Benedicti de la Serna, abbatis ejusdem monasterii, & decani facultatis theologicæ apud Salmanticensem academiam, ubi per plures annos theologiæ doctor celebris & professor exstiterat.

IV. In eo igitur secessu Nicolaus, tum inventis ejusdem monasterii libris, tum conquisitis undique locorum, nec solum ex reliquis bibliothecis ejusdem nobilissimæ urbis Hispalensis innumeris aliis eò confluentibus terrâ, marique, post ingentem paraturam, ut Tertullianicè loquar, rei librariæ, & omnimodæ eruditionis, aggressus fuit Herculeum opus Bibliothecæ Hispanæ, ejusque magnam partem ibidem elaboravit, & adhuc affectam secum attulit Romam ann. MDCLIX. quò ablegatus fuit jussu Philippi IV. Regis Catholici, ut negotia ad eandem Coronam spectantia in Hispania, utràque Sicilia, & tribunalibus sanctæ Inquisitionis curaret Romæ, titulo Agentis generalis. Id autem accuratissimè obivit per duo de viginti annos cum magna prudentiæ, doctrinæ, & integritatis opinione, apud omnes. Charissimus ibidem fuit ob dexteritatem, maturitatem, & alias egregias animi dotes, oratoribus Majestatis Catholicæ, præsertim Ludovico Bonze de Leon, Cardinali Aragonensi, D. Petro Aragonensi, Marchioni Astoricensi, Cardinali Nitardo, & Marchioni del Carpio, in quorum secretioribus consiliis liberè, & modestè simul sensum suum protulit.

V. Cùm autem toto eo tempore apud Romanos Pontifices, Cardinales, Principes, & quoslibet alios viros graves, aut eruditos cujuslibet nationis & instituti, restituisset integram, & numeris omnibus plenam vitæ, morum, ac doctrinæ suæ existimationem, non propterea sibi quicquam utilitatis aut honoris, vel reddituum, præsertim Ecclesiasticorum petiit. Eâ nimirum fuit animi magnitudine, & ita liber ab omni quæstu ac philargyria, ut contentus semper esset mediocribus illis stipendiis, quæ sibi ratione illius officii publici à Regibus Hispaniæ consignata erant. Verùm prædictus Cardinalis Aragonensis, qui pollebat gratiâ speciali apud Alexandrum VII. passus non fuit tam insignem virum angustè vivere, aut strictis facultatum legibus subiacere. Quare ipsi nihil cogitanti impetravit ab eodem Pontifice Canonicatum Ecclesiæ gravissimæ Hispalensis, cujus fructus de cætero percepit. Quibus certè usus non fuit ad divitias comparandas, aut scrinia auro implenda, sed duntaxat ad opera pietatis, & præterea ad emendum undique exquisitos cujuslibet generis libros, quibus bibliothecam insignem, & fortasse nulli alteri Romanarum (exceptâ Vaticanâ)

canâ) inferiorem instruxit, usque ad triginta circiter millia exemplarium, seu corporum, ut ajunt.

VI. Tanta voluminum accessione, & pertinaci studio tot annorum in Urbe, ultra illos, quos in Hispania duxerat, tandem elaboravit integrum opus, verè Herculeum, Bibliothecæ Hispanæ, quatuor voluminibus in folio, ut ajunt, comprehensum. Duo priora illorum edidit Romæ, quibus accuratè recensuit omnes illos auctores Hispanos, qui aliquid publicæ luci commisisse inventi sunt ab anno Christi millesimo quingentesimo usque ad annum circiter millesimum sexcentiesimum septuagesimum. Itaque duo illa volumina ubique locorum sparfa, vivente ipso auctore, solum exhibent notitiam accuratam, & crisin recentium Hispaniæ scriptorum, qui florere postremis hisce duobus sæculis: quapropter titulo Bibliothecæ novæ Hispanæ jure insigniri possunt, & debent, si fortè de cætero recudantur. Duo autem posteriora volumina, quæ auctor ipse nondum omnino perfecta in quibusdam locis reliquit, duntaxat exhibent scripta Hispanorum omnium veterum, idest illorum, qui florere spatio quindecim sæculorum, nimium ab imperio Octaviani Augusti, usque ad annum Christi millesimum quingentesimum. Unde his duobus voluminibus, nunc primum in publicam lucem prodeuntibus, jure titulus datur BIBLIOTHECÆ VETERIS HISPANÆ.

VII. Longum autem esset enarratu dicere quot tempora, quot impedimenta, & dilationes occurrerint tam insigni operi edendo. Satis sit indicare, seu breviter dicere, insignem illius auctorem post editos Romæ duos illos priores Tomos Bibliothecæ Hispanæ, & obitum ibidem munus prædictum Agentis regii cum summa laude per annos circiter viginti, rediisse in Hispaniam, jussu Catholici Monarchæ Caroli II. ut federet Matriti inter consiliarios regii Senatûs Cruciata, ut vocant, cui & interfuit summa integritate ac fide usque ad obitum. Quamvis enim multi dicant in quodam ejus scrinio inventum fuisse diploma regium, quo electus fuit consiliarius supremi Justitiæ Senatûs: id certum est Nicolaum nostrum reipsâ non pervenisse ad id munus exercendum: an modestiâ singulari, an præterea vehementi desiderio majoris otii & recessûs in Senatu illo minùs oneroso, ad perficiendum & expoliendum hanc partem Bibliothecæ suæ veteris, cui immortalis fuit Matriti anno MDCLXXXIV. ineunte vere, epilepsiâ vehementi abreptus. Decem circiter diebus ante obitum, admonitus per literas à quodam amico circa nonnulla spectantia ad opus istud, scripsit propria manu longam & eruditissimam epistolam ad ipsum eâ de re, quæ casu interiit, aut saltem nondum apparuit, & dignissima esset quæ in lucem proferretur. Sed fortassis tandem apparebit aliquando inter varias schedas aut epistolas, vel adversaria D. Cardinalis de Aguirre, olim ejus condiscipuli Salmanticæ in studio jurisprudentiæ, ad quem scripta fuit. Porro cùm Nicolaus præter librariam suppellectilem, quam magnis sumptibus Româ secum Matritum asportaverat, nullas omnino divitias aut facultates, aut mobilia pretiosa reliquerit, quin potiùs alieno ære gravatus obierit, nepotes ipsius ex sorore, simul & hæredes D. Adrianus Conique & ipsius fratres Canonici Salmanticenses, pariter ære alieno onerati, nullatenus potuerunt hanc posteriorem Bibliothecæ partem edere, quamvis sæpè id tentaverint multiplici via.

VIII. Unde iis tandem visum est mittere Romam opus ipsum Bibliothecæ veteris propria auctoris manu scriptum ad prædictum Eminentissimum D. Cardinalem de Aguirre, si fortè auctoritate sua, aut sumptu proprio illud tandiu desideratum ab omnibus, edere dignaretur. Ipse autem, ut est literarum amans, & munificus erga omnes eruditos, ac dignus æstimator scriptorum D. Nicolai Antonii, quem impensè dilexit, & per epistolas sæpè convenit, paullò ante obitum ipsius, libentissimè id oneris in se recepit. Quare nulli parcens labori aut sumptui, erexit à fundamentis Romæ officinam typographicam, elaboratis characteribus Græcis & Latinis varii generis eleganti forma. Typographum autem elegit Antonium Rossi Venetum, satis industrium artificem, qui & ipse antea curaverat editionem quatuor voluminum *Collectionis Maxima Conciliorum Hispaniæ &c.* ab eodem D. Cardinali in lucem editæ. Ut autem editio hæc accuratissima & correctissima esset, idem D. Cardinalis, illam dirigendam plenè & omnino curandam commisit Bibliothecario & convictori suo D. Emmanueli Marti, natione Hispano, & patriâ Valentino, satis noto Romæ ob singularem eruditionem Græcam & Latinam, qui ingenti cura & pertinaci labore duo hæc volumina Bibliothecæ veteris fidelissimè edenda & corrigenda curavit, ac præterea ad marginem quibusdam locis adiecit notulas aliquot opportunas ejusdem Cardinalis nomine. Si qua autem plura circa auctorem, aut opus ipsum Bibliothecæ Hispanæ, præsertim hujus veteris, quæ nunc primum prodit, præfari oportuerit, seu præmonere lectoribus, idem D. Emmanuel Marti in se recipiet, prout opportuniùs ipsi fuerit visum.

Εἰς τὴν τοῦ Νικόλου Ἀντωνίου Βιβλιοθήκην τῶν τῆς
Ἰσπανίας συγγραφεῶν, εἰς φῶς δοθεῖσαν
συνεδρ. τοῦ ἐνδοξοτάτου
Καρδινάλιου τοῦ

Ι Ω Σ Η Φ Ο Υ Σ Α Ε Ν Ζ Α Γ Τ Ι Ρ Ρ Ε.

Εσχάτων Εὐρώπας μεγαθύμων ἔθνος Ἰβήρων,
Ναύντες γαῖαν βόλακι βροδομένην.

Τῶν Δούρου περὶ ἄρδαι γλυκὺ ἀνδριμόντες,
Χρυσῇ πλουτίζει τῶνδε Τάγου φάμαδος.

Δέξατε εὐμενίας τοῦδ' ἄνθρωπος ἐσχάτα δῶρα,
Τοῦ προδόντος γ' ὑμῖν πόλιν χαριστάμενον.

Υμετέρων τε εἰς γραφεῶν νῦν δέξατε πάντων,
Τούτῳδε πόντος λοχίου δέξατε ΝΙΚΟΛΕΩ.

Τοὺς ἀπὸ ὑμῶν πέμπει παρρησιῶν ΑΓΓΙΡΡΗΣ,
Τιμάσας φίλον κεν χροὶ κευθόμενον.

Τούτῳδε φρεσὶ σφοδρῶς αἰὲς ἐπιδέξατο κόλπος
Παῖδας, τοῖς ἰδίᾳς ἴσα τέκνοι φιλῶν.

Οὐ γὰρ τῶν νεκρῶν ὀλίγη χάρις ἐστὶν ἐν αὐτῷ.
Ζῶντα φίλῳ τιμῇ, ἔκ νεκρῶν οὐκ ἔλαδεν.

Καὶ νῦν Ἰσπανοὶ μετ' ἡμῶν, ὅσοι ἄριστοι,
Χαίρει, ὅτι κατὰρὰν ἔξετε ἰσορῶν.

Τὰν γὰρ τὰς ἰδίας φρεσὶς ἰδμοσύνης πεποθεῖς
ΝΙΚΟΛΕΩΣ, μύθους θάρσας ἐξεβάλων,

Παρύσσῃ ἐπαύρη δολῶν, κ' ἀφένδρα θῆκεν.
Τόσους ἀλαδίας τὸν κατέλαμψεν ἔρος.

Τῶν γὰρ ἐσθλῶν μῆκος ἀνδρῶν οὐδ' ἄνθρωπων,
Θρηνητῶν δέξαν φέρονται τῶν ἀδίκων.

Νήπιον, ἔκ ἴσασιν, ὅτι ταχὺ τὸ κλέος ἔρρει,
Τὸ κτήσαντο σροτοὶ ταῖς ἀπάταισι τοῶν.

Νῦν τῶν φευδολόγων κλέος ὀλλυται, ἥδε κ' εὐχή,
Τὰ ἴσασιν, δῆλοι, Ζεῦ μιν αἰδοί.

Ἐντὶν ΝΙΚΟΛΕΩ ἔδλον κλέος οὐποτ' ὀλῶται,
Οὐποτὲ δυομένοσι δέρζεται ἥλιον.

Τοῖος γὰρ πρόφρων οἱ ἐπὶ ῥόδου ἐστὶν ΑΓΓΙΡΡΗΣ,
Ὅς δύναται λαδᾶν ἐξέλασ' εἰς ἔδαφος.

Ὡς γὰρ οἱ αὐτῷ ἐποτρυν κλέος ἀρδιστον αἶσι,
Οὕτω κ' αὐτῶν κλέος ἔδωκε φίλῳ.

Ἰωάννης Βαπτιστῆς ὁ ἐκ τῶν Μιρῶν Κασίνας.

De Bibliotheca scriptorum Hispaniæ D. NICOLAI
ANTONII, quam in lucem
emittit Eminētissimus
Cardinalis

JOSEPHUS SAENZ DE AGUIRRE.

GENTES magnanimæ quæ Europæ extrema tenetis,
Quæ ditem glebis rastro agitat humum;

Durius irriguam reddit quam floridus amnis,
Aurea quam pulchri ditat arena Tagi;

Excipite hæc vobis rursus, quæ munera mittit
Vir, qui jam vobis munera prima tulit.

Scriptorum vestrum Vitas nunc porrigit omnes;
Quis modo NICOLEI fama labore redit:

Inclutus has vobis præbet generosus AGUIRRES,
Extinctum decorans debito honore virum.

Ejus nam mentis prolem suscepit alendam,
Atque parem voluit fœtibus esse suis.

Nam magno & vitæ fundus dignatur honore,
Quorum post etiam funera durat amor.

At nunc, Hispani, subeant nova gaudia vobis,
Nam tandem historia vestra fidelis erit.

Hanc etenim propria confusus mente sagaci,
Dum figmenta hominum rejicit, atque dolos

NICOLEUS varios, puram veramque reliquit:
Veri namque ipsum magnus agebat amor.

Namque profanare id voluit gens perdita, cujus
Laudem non æquis carpere, cura, dolis;

Stulti non novere brevi, quod gloria cessat,
Quam mentis pravâ fraude habuere viri.

Fallaces homines! perijt modo gloria vestra,
Quam sperabatis vivere perpetuam.

At bona NICOLEI nunquam laus ipsa peribit,
Semper sed solem cernet in occiduum;

Ipsi magnus opem ad famam nam præbet AGUIRRES
Qui poterit lethæm funditus obruere;

Namque sibi ut nomen jure immortale paravit,
Sic æternum alios nomen habere finit.

D. Jo. Baptista de Miro monachus Casinensis.

IMPRIMATUR

Si videbitur Reverendissimo Patri Magistro Sacri Palatii Apostolici.

Sperellus Episcopus Interamnensis Vicesgerens.

DE mandato Reverendissimi Patris Fr. Thomæ Mariæ Ferrari Sacri Palatii Apostolici Magistri legi librum, cujus inscriptio est *Bibliotheca Hispana vetus, sive scriptorum Hispanæ gentis, qui ab Octaviani Augusti imperio usque ad annum Ecclesiæ millesimum quingentesimum floruerunt*. Auctore Cl. V. D. Nicolao Antonio, equite Jacobæo, canonico ac cive Hispalensi; olim diu Romæ agendis negotiis Catholicæ Majestatis præfecto, ac tandem Matriti consiliario regio: quam in lucem postumam emittit Eminentissimus Cardinalis de Aguirre; ut amici quondam sui famæ consulat, & de re Hispana, non solum propriis laboribus, & industriâ (quos abundè imperiit in editione *Collectionis Maxima Conciliorum Hispaniæ, & novi Orbis*, tam utilibus Notis & Dissertationibus refertæ) sed etiam aliis monumentis, pro viribus benè mereatur. Id opus mihi visum est undique consonum Catholicæ fidei, bonis moribus nullatenus adversum, eruditione, cæque non passim obviâ refertissimum, & tot tantisque luminibus ingenii conspersum, ut spes sit ipsum auctorem, hoc opere, quod post ejus mortem emittitur, additurum aliquid ad eam famam, quam ex edita quadam parte Hispanæ Bibliothecæ; nimirum eorum dumtaxat scriptorum Hispanæ gentis, qui ab anno eræ Christianæ millesimo quingentesimo, usque ad millesimum sexcentessimum septuagesimum floruerunt, sibi vivens comparaverat. Maxime cum in hac parte antiquiorum scriptorum, tam acri judicio feratur in movendis a censu scriptorum Hispanorum illis, qui vel nusquam fuerunt, vel fuerunt alienigenæ; ut ex hoc abundè satisfecerit omnium eruditorum Hispaniæ desiderio, videndi tandem Hispanam historiam expurgatam à fabulis, quibus ex aliquorum ausu pessimè sædabatur. Hujusmodi igitur opus, cum sit & eruditioni, & veritati proficuum; dignissimum est ut typis committatur. Romæ ex ædibus Divi Callisti vi. Idus Novembris MDCXCV.

D. Jo. Baptista de Miro monachus Casinensis.

IMPRIMATUR.

Fr. Thomas Maria Ferrari ordinis Prædicatorum Sacri Apostolici Palatii Magister.

INDEX

INDEX AUCTORUM

Qui in hoc primo Tomo continentur.

Qui asterisco notantur, sunt auctores supposititii, vel falsò Hispania tributi.

A

- A** BOBACAR paginâ 369. numero 285.
 Acilius Lucanus pag. 40. num. 181.
 Adrianus Imperator pag. 75. num. 327. & seqq.
 Ægidius Petri seu. Pirez pag. 369. num. 284.
 * Ætherius diaconus pag. 177. num. 476.
 Albutius pag. 9. num. 33.
 Alphonsus Rex, cognomento *Magnus* paginâ 362. numero 240. & sequen-
 tibus.
 Altus Bucar pag. 369. num. 285.
 Alvarus Paullus Cordubensis pag. 348. num. 171. & seqq.
 * Amandus pag. 177. num. 476.
 * Amanus presbyter pag. 239. num. 117.
 Annæus Mela pag. 22. num. 80.
 Anonymus pag. 340. num. 117. & seqq.
 Anonymus alter pag. 369. num. 284.
 Anonymus poëta pag. 190. num. 62.
 Anonymus poëta alter pag. 286. num. 277.
 * Antoninus diaconus pag. 203. num. 123.
 Antoninus philosophus. Vide Marcus Antoninus philosophus.
 Antonius Julianus pag. 81. num. 360. & seqq.
 Aprigius sive Apringius pag. 210. num. 23. & seqq.
 Aquilius Severus pag. 128. num. 119.
 Arcarius, sive Archaricus Bracarenfis pag. 327. num. 45. & seqq.
 * Aristoteles pag. 84. num. 373.
 * Arthuagus Gorthus pag. 230. num. 121.
 Arthuagus monachus pag. 276. num. 225. & seqq.
 Audentius Toletanus Episcopus pag. 136. num. 162.
 Avienus pag. 157. num. 377. & seqq.
 Avitus Bracarenfis presbyter pag. 186. num. 41. & seqq.
 * Aulodius presbyter pag. 229. num. 117.
 * Aulus Elpidius poëta pag. 98. num. 439.
 * Aulus Seguntinus pag. 177. num. 476.
 * Aurelius diaconus poëta pag. 98. num. 439.
 * Aurelius philosophus pag. 203. num. 123.
 Aurelius Prudentius poëta pag. 165. num. 416. & seqq.

B

- B** EATUS presbyter pag. 324. num. 25. & seqq.
 * Bento Episcopus Cæsar-augustanus paginâ 371. numero 298. & se-
 quentibus.
Bibliotheca vetus Hispana Tom. I. f * Ber-

Index Auctorum

- * Bergudius Aulus pag.203. num.123.
- * Beritus monachus pag.316. num.453.
- * Blasius Toletanus Episcopus pag.381. num.356.
- * Blasius Toleranus Episcopus alter paginâ 382. numero 362. & sequentibus.
- * Bonifacius IV. Papa pag.315. num.449. & seqq.
- * Bonitus Arvernensis pag.375. num.319. & seqq.
- * Bonitus Toletanus Archiepiscopus paginâ 372. numero 303. & sequentibus.
- Braulio Cæsar-augustanus pag.178. num.233. & seqq.
- Bulgaranus Comes pag.274. num.218.

C

- C**ALEDONIUS, sive Caldonius Episcopus Bracarensis pag.99. num.443.
& pag.100. num.448.
- * Camarius Ælius pag.263. num.123.
 - Cancius Gaditanus pag.68. num.299. & seqq.
 - Ceponius Episcopus pag.200. num.112.
 - * Cerealis pag.201. num.116. & seqq.
 - Cixila, seu Cixilanes Toletanus Episcopus paginâ 320. numero 6. & sequentibus.
 - * Claudianus poëta paginâ 84. numero 372. & paginâ 200. numero 114. & sequentibus.
 - * Claudius Bellator pag.375. num.317.
 - Claudius Taurinensis Episcopus pag.336. num.90. & seqq.
 - Columella. Vide Lucius Junius moderatus Columella.
 - Conantius Palentinus pag.238. num.33.
 - * Concordius Toleranus Episcopus pag.319. num.5.
 - Cornelius Hispanus pag.10. num.37.
 - * Costinus, seu Costus poëta pag.376. num.324.
 - Cyprianus archipresbyter Cordubensis pag.344. num.145. & seqq.

D

- S**DAMASUS Papa pag.139. num.180. & seqq.
- * Decianus Emeritensis pag.69. num.303.
 - Desiderius presbyter pag.176. num.471. & seqq.
 - Dexter pag.154. num.366. & seqq.
 - Dictinius hæreticus pag.131. num.132.
 - Donatus Servitanus pag.215. num.47. & seqq.
 - Dracontius poëta pag.192. num.69. & seqq.
 - Dulcidius Salmanticensis Episcopus pag.364. num.250. & seqq.

E

- E**LIPANDUS Toleranus Episcopus paginâ 323. numero 25. & sequentibus.
- Elpidius Episcopus pag.207. num.7.
 - * Elpidius poëta pag.98. num.439.

Euge-

Qui in hoc I. Tomo continentur.

- Eugenius junior Toletanus pag. 281. num. 251. & seqq.
S. Eulogius martyr pag. 340. num. 119. & seqq.
Eutropius Episcopus pag. 214. num. 44. & seq.
* Eutychius poëta pag. 98. num. 439.
* Exuperantius Uxamensis Episcopus pag. 136. num. 111.

F

- * **F**ABRICIUS Episcopus pag. 229. num. 117.
* **F**elix diaconus pag. 229. num. 117.
Felix Toletanus pag. 310. num. 421.
Felix Urgellensis Episcopus pag. 323. num. 25. & seqq.
Flavius Paullus Orosius pag. 183. num. 25.
Florus. Vide Lucius Annæus Florus.
S. Fructuosus Bracarensis pag. 283. num. 261. & seqq.
* Fructuosus senior pag. 284. num. 268.
Fulgentius Astigitanus pag. 232. num. 1. & seqq.
* Fulgentius Ruspensis pag. 202. num. 120. & seq.

G

- * **G**Abidius orator pag. 98. num. 439.
* **G**alenus pag. 93. num. 414. & seqq.
Galindus Prudentius Trecensis Episcopus pag. 365. num. 259.
Gallio pag. 9. num. 33.
* Gaudentius Tyrassonensis pag. 203. num. 123.
* S. Gaudiosus Turiassonensis pag. 312. num. 434.
* Gottvilla Hibernus pag. 373. num. 308.
Grañon. Vide Petrus Grañon.
Gregorius Bæticus pag. 106. num. 19. & seqq.
* Gregorius Toletanus pag. 108. num. 30.
Gudestianus presbyter pag. 229. num. 117.
* Gudila, five Gullita Toletanus pag. 332. num. 72.
Gullita Toletanus pag. 374. num. 309.
* Gumefindus Toletanus Episcopus pag. 374. num. 315. & seq.
* Gunthericus Toletanus Episcopus pag. 319. num. 3.

H

- * **H**AUBERTUS Hispalensis paginâ 400. numero 455. & sequen-
tibus.
* Heleca, seu Helecanis Cæsar-augustanus Episcopus pag. 374. num. 310.
& seqq.
Herennius Senecio pag. 70. num. 308. & seqq.
Heterius Oxomenis Episcopus pag. 325. num. 35. & seqq.
* Hierontius poëta pag. 98. num. 439.
* S. Hierotheus Hispanus paginâ 87. numero 384. & seqq. & paginâ 98. nu-
mero 439.
* Hortelius orator pag. 98. num. 439.
Bibliotheca vetus Hispana Tom. I.

Index Auctorum

Hosius Episcopus Cordubensis pag. 102. num. 1. & seqq.
Hyginus . Vide Julius Hyginus.

I

- I** DALIUS Barcinonensis pag. 309. num. 419. & seqq.
Idatius Clarus pag. 131. num. 136. & seqq.
Idatius Lemicensis historicus pag. 193. num. 75. & seqq.
S. Ildephonsus Tolertanus pag. 286. num. 278. & seqq.
Joannes Biclarensis pag. 226. num. 104. & seqq.
Joannes Cæsar-augustanus pag. 275. num. 223. & seq.
* Joannes Hispalensis Episcopus pag. 332. num. 71.
Joannes Hispalensis Episcopus pag. 354. num. 202. & seqq.
Joannes Hispalensis pag. 356. num. 212.
* Joannes presbyter pag. 177. num. 476.
* Joannes presbyter alter pag. 177. num. 476.
* Joannes Servus-Dei Episcopus Tolertanus pag. 381. num. 355.
* Joannes Servus-Dei alter pag. 382. num. 362.
Isidorus Cordubensis pag. 188. num. 52. & seqq.
S. Isidorus Hispalensis pag. 243. num. 60. & seqq.
* Isidorus junior Cordubensis pag. 189. num. 54.
Isidorus Pacensis Episcopus pag. 328. num. 52. & seqq.
* Isidorus Setabitanus Episcopus pag. 332. num. 73.
Julianus diaconus Lucas cognomento paginâ 321. numero 16. & sequen-
tibus.
* Julianus philosophus pag. 98. num. 439.
* Julianus Pomerius pag. 229. num. 118.
S. Julianus Tolertanus pag. 303. num. 379. & seqq.
Julius Hyginus pag. 1. num. 1. & seqq.
Junius Annæus Gallio, sive M. Annæus Novatus paginâ 20. numero 74. &
sequentibus.
Junius Gallio pag. 11. num. 39. & seq.
Justinianus Episcopus pag. 207. num. 7.
* Justinus historicus, Trogi epitomator pag. 84. num. 375.
Justus Episcopus pag. 207. num. 7.
Justus Tolertanus Episcopus pag. 276. num. 229. & seq.
* Juvenalis poeta pag. 84. num. 370.
Juvencus poeta pag. 126. num. 103. & seqq.

L

- * **L** ABARINUS poeta pag. 203. num. 123.
* **L** actantius Firmianus pag. 177. num. 475.
* **L** ætus pag. 177. num. 476.
* Laimundus de Ortega pag. 332. num. 75. & seqq.
Latro. Vide Portius M. Latro .
Latronianus, sive Matronianus poeta hæreticus pag. 130. num. 130.
* Leander Agaliensis pag. 375. num. 318.
S. Leander Hispalensis pag. 220. num. 74. & seqq.
Leovigildus presbyter pag. 344. num. 144.
* Leporius Uticensis Episcopus pag. 202. num. 118.

* Libe-

Qui in hoc I. Tomo continentur.

- * Liberatus monachus pag. 316. num. 453.
- Lucanus. Vide Marcus Annæus Lucanus.
- Licianus Carthaginensis pag. 211. num. 27.
- Licinianus, five Licianus pag. 69. num. 304. & seq.
- * Lucianus Episcopus pag. 100. num. 451.
- * Lucianus presbyter pag. 187. num. 46.
- Lucius Annæus Seneca pag. 22. num. 81. & seqq.
- Lucius Annæus Florus pag. 79. num. 351. & seqq.
- Lucius Cornelius Balbus pag. 5. num. 22. & seqq.
- Lucius Junius Moderatus Columella paginâ 16. numero 56. & sequentibus.
- * Lucius Marcus orator pag. 203. num. 123.
- * Lucius Natus theologus pag. 98. num. 439.
- * Lucius poëta pag. 98. num. 439.
- * Lucius Valerius pag. 99. num. 442.
- * Luitprandus Ticinensis diaconus paginâ 382. numero 365. & sequentibus.

M

- M**ACHOMETUS, five Mafamedus pag. 369. num. 284.
Mahomad pag. 369. num. 285.
- Martinus Bracarenfis pag. 215. num. 49. & seqq.
- * Mauritius cancionarius pag. 203. num. 123.
- Marcus Annæus Novatus, five Junius Annæus Gallio pag. 20. num. 74. & seqq.
- Marcus Annæus Lucanus pag. 39. num. 179. & seqq.
- Marcus Annæus Seneca pag. 13. num. 45. & seqq.
- Marcus Antoninus philosophus pag. 79. num. 348.
- Marcus Fabius Quintilianus pag. 53. num. 239. & seqq.
- Marcus Unicus pag. 69. num. 306.
- * Marianus poëta pag. 203. num. 123.
- * Marinus Gallæcus pag. 376. num. 326. & seqq.
- Martialis Marcus Valerius pag. 61. num. 273. & seqq.
- Maternus pag. 70. num. 307.
- Maximus Cæsar-augustanus Episcopus pag. 239. num. 37. & seqq.
- Mela. Vide Pomponius Mela.
- * S. Melchiades Papa pag. 174. num. 460. & seqq.
- * Merobaudes Cæcus pag. 192. num. 68.
- * Modestus philosophus pag. 98. num. 439.

N

- N**EBRIDIVS Episcopus pag. 207. num. 7.
- * Nicander Toletanus pag. 372. num. 305. & seq.

O

- O**LYMPIUS Barcinonensis pag. 150. num. 343. & seqq.
- Orentius, five Orientius pag. 206. num. 1. & seqq.

* Oron-

Index Auctorum

- * Orontius orator pag. 229. num. 117.
- * Orosius Legionensis Episcopus pag. 190. num. 59.
- Orosius Paullus pag. 178. num. 1. & seqq.
- Osius Cordubensis Episcopus. Vide Hosius.

P

- P**ACIANUS Barcinonensis pag. 148. num. 230. & seqq.
- * Paullus cancionarius & philosophus pag. 98. num. 439.
- Paullus Diaconus pag. 277. num. 231. & seqq.
- * Paullus Lætus rhetoricus pag. 98. num. 439.
- Paullus Orosius. Vide Orosius Paullus.
- Pelagius Tyrassonensis pag. 228. num. 116.
- Petrus Cæsar-augustanus orator pag. 128. num. 118.
- Petrus de Monforo, sive Monfancio, idem est cum Compostellano Petro pag. 378. num. 341.
- Petrus Grañon pag. 380. num. 347.
- * Petrus presbyter pag. 229. num. 117.
- Petrus Pulcher Episcopus Toletanus pag. 321. num. 13.
- * Philo Hebræus pag. 84. num. 371.
- * Pomponius Episcopus pag. 100. num. 451.
- Pomponius Mela pag. 50. num. 227. & seqq.
- Pomponius Paullatus Episcopus Toletanus pag. 101. num. 452.
- Portius Latro pag. 8. num. 31. & seqq.
- Priscillianus hæreticus pag. 129. num. 123. & seqq.
- * Prosper Aquitanus pag. 202. num. 119.
- Prudentius Trecensis Episcopus pag. 365. num. 259.

Q

- Q**UINTILIANUS declamator pag. 12. num. 43. & seqq.
- Quintilianus. Vide Marcus Fabius Quintilianus.
- * Quintus Serenus Sammonicus pag. 94. num. 417. & seqq.

R

- R**AGUEL presbyter Cordubensis paginâ 378. numero 377. & sequentibus.
- Rafes, seu Rafis Cordubensis paginâ 369. numero 280. & sequentibus.
- Rafis Perfa, Hispaniæ incola pag. 370. num. 287. & seqq.
- Reccevinthus abbas pag. 312. num. 432.
- Redemptus pag. 275. num. 219.
- Riparius presbyter pag. 176. num. 471. & seqq.
- Rodericus Lucensis Episcopus pag. 340. num. 118.
- * Romanus monachus pag. 376. num. 325. & seqq.
- * Rufinus Aquilejensis presbyter pag. 203. num. 125. & seqq.
- * Rufinus diaconus pag. 229. num. 117.
- * Rufus diaconus historicus pag. 98. num. 439.

* Ru-

Qui in hoc I. Tomo continentur.

- * Rufus Paullatus concionator pag. 98. num. 439.
- * Rufus philosophus pag. 98. num. 439.

S

SALVUS abbas Albeldensis paginâ 380. numero 348. & sequentibus.

Sampson Malacitanus abbas pag. 343. num. 140. & seqq.

* Sebastiani duo Salmanticensis Episcopi paginâ 377. numero 336. & sequentibus.

Sebastianus Salmanticensis Episcopus pag. 378. num. 340.

* Sedulius poëta pag. 201. num. 215.

Seneca. Vide Lucius Annæus Seneca.

* L. Seneca philosophus catholicus pag. 98. num. 439.

* Serenus Granius sive Granianus pag. 97. num. 434. & seqq.

Servandus Episcopus Auriensis pag. 321. num. 14. & seq.

* Severus Lamecensis pag. 214. num. 41. & seq.

* Severus Lamecensis Episcopus pag. 203. num. 122.

Severus Malacitanus pag. 214. num. 40.

Severus Minoricensis pag. 186. num. 41. & seqq.

* Severus monachus pag. 337. num. 74.

* Severus poëta pag. 229. num. 117.

Sextilius Hena pag. 12. num. 42.

* Silius Italicus pag. 84. num. 376.

* Sinderedus Toletanus Episcopus pag. 319. num. 4.

Sisebutus Gotthorum Rex pag. 275. num. 120. & seqq.

* Socrates philosophus pag. 98. num. 439.

* Sophronius monachus pag. 316. num. 455. & seqq.

Spera-in-Deus Cordubensis abbas pag. 342. num. 135. & seqq.

* Splendonius Ambriacensis Episcopus pag. 136. num. IV.

* Stephanus diaconus pag. 203. num. 123.

T

TAJO Cæsar-augustanus pag. 310. num. 422. & seqq.

Tarra monachus pag. 228. num. 115.

* Theodemirus monachus pag. 374. num. 314.

Theodulphus Aurelianensis Episcopus paginâ 359. numero 107. & sequentibus.

Tiberianus Bæticus hæreticus pag. 131. num. 131.

Trajanus Imperator pag. 71. num. 312. & seqq.

* Trogus Pompejus pag. 84. num. 374.

Turannius Gracula pag. 5. num. 21.

Turibius Asturicensis pag. 197. num. 96.

Turrinus Clodius pag. 11. num. 41.

Tuscius pag. 9. num. 33.

S.VA-

Index Auctorum

V

- S. **V**ALERIUS abbas pag. 302. num. 367. & seqq.
* Venantius monachus pag. 331. num. 68. & seqq.
* Verecundus five Vergundus pag. 311. num. 429. & seqq.
* Verus *Vita* S. Eutropii auctor pag. 303. num. 124.
Victor Statorius pag. 10. num. 38.
* Victor Tunnuncensis pag. 229. num. 120.
* Vigilantius hæreticus pag. 175. num. 464. & seqq.
Voconius Romanus pag. 82. num. 365. & seqq.
* Wistremirus Toletanus Episcopus pag. 374. num. 313.



BIBLIOTHECÆ VETERIS HISPANÆ.

S I V E

Scriptorum Hispanæ gentis , qui ab Octaviani
Augusti Imperio, usque ad annum Ecclesiæ
trecentesium floruerunt,

LIBER PRIMUS.

CAPUT PRIMUM.

Primum esse JULIUM HYGINUM Augusti libertum, & qui agmen ducit in scriptoribus Hispanis. Vita ejus ex Tranquillo. Patria. Cornelii Alexandri dicti Polyhistoris sectator fuit. Cujus Licinius, cujus HYGINUM familiarissimum fuisse Suetonius ait. C. Asinius Pollio verius fuerit. Columella sensus exponitur. Fabularum Hygino adscriptus liber non certo ejus est: nec item Astronomicum Poeticum, Marco Fabio Quintiliano forsam dicatum. Certiora ejusdem opera que perierunt, ex veteribus laudatoribus commendantur. Propempticon quid? Quisnam auctor Gromatici, & alterius De limitibus, librorum HYGINO, seu HYGENO, attributorum. Groma, seu Gruma, quid? HYGINUS De castrametatione idem cum proxime dictorum operum auctore forsam auctor. De TURANNIO GRACULA, atque ejus opere quodam Geographico.

1.



PRIMUS est C. JULIUS HYGINUS, quem in Hispanorum scriptorum censum, veteris ævi monumenta consulentes, referre possimus. Cujus memoriam nullis aliis potioribus consignare hic verbis dabitur, quam his Suetonii Tranquilli ex libello *De illustribus Grammaticis*: C. JULIUS HYGINUS Augusti libertus, natione Hispanus, eisi nonnulli Alexandrinum putant, & à Cesare Romam advectum Alexandriæ captæ. Studiosè & avidè imitatus est Cornelium Alexandrum Grammaticum Græcum, quem propter antiquitatis notitiam. Polyhistorum multi, *Bibliotheca vetus Hispana Tom. I.*

*quidam Historiam vocabant. Præfuit Palatinæ Bibliothecæ, nec eo secius plurimos docuit, fuitque familiarissimus Ovidio Poëtæ, & C. Licinio Consulari historico, qui cum pauperem decessisse tradit, & liberalitate sua, quoad vixit, sustentatum. Hujus libertus fuit Julius Modestus, in studiis atque doctrina vestigia patrum sequutus. In hærebimus & nos his Suetonii vestigiis, elogium ut explaneamus, Hyginumque simul meritis persequamur laudibus. Hyginum, non Higynum, aut ^a Higimnum, vel ^b Iginum scribi debere notat Vossius^c. rectè: quemadmodum enim ab *hysia* per syncopen *hysa* dicitur, sic planè ab *hysia* fit *hysia*. Ita est in lapidibus exaratum. ^d Cujus Julius Hyginus Augusti libertus.] Octavii scilicet, qui ex testamenti & adoptionis lege Julii Cæsaris magni avunculi ^e nomen ferebat. Inde *Julie* dictæ leges, quas idem tulit Augustus *De adultæriis, De maritandis ordinibus, Sumptuaria, De ambitu, alique. Natione Hispanus.* Id credunt, magis quàm Ægyptium esse, ex Alexandria capta advectum à Cesare, noviores, præcipueque Hispani.*

2. Studiosè & avidè imitatus est Cornelium Alexandrum Grammaticum Græcum.] Is est Alexander, sive Milesius, quod Suidas; sive Cotyeus ex Phrygia minore, quod ^f Stephanus & Etymologus ^h ajunt, Cornelius cognominatus à Cornelio Lentulo, cujus fuit servus, interimque pædagogus, indeque libertus, more usitato assumendi patronorum nomina. *Vir acutus* (Alexander hic) & variè scientiæ, ac Græcorum iis notissimus, qui non dicis causâ, & persuntoriè fructum capere ex studiis. laudatus sic ab Eusebio *De præparat. Evangelica* lib. 9. cap. 17. De quo, & ejus scriptis, multa collegit Vossius, in *De historicis Græcis* commentario, & Joannes Jonsius.

A

Hol.

^a Ita semper Barthius vocat v. Statii lib. 5. Sylv. carm. 3. v. 74.

^b Ita se reperisse in vetustissimis membranarum scoliis. in Virgilium ait idem ad Theb. 5. v. 153. c. De Histor. Latinis, lib. 1. cap. 20.

^d Theophrasto inscrip. 2. 1. 931. 8. 106. 4.

^e Sueton. cap. 7. Dion. lib. 45. S. Aurelius Victor in Epitome.

^f Matamoros *De Academiis, & doctis Hisp. viris.* Mariana lib. 3. cap. ult. Vossius in *Chronico* ad annum DCCXLV.

^g De urbibus. v. notat. ^h Verbo *hysia* 29. & verbo *hysia* 29.

ⁱ Lib. 1. cap. 22.

Hortat in *Historiæ Philosophicæ* suis scriptoribus. Planè hic nominatus fuit *Polyhistor*, uti apud Suidam, Eusebium, Servium Grammaticum, & passim audit: dictus & *Historia*, quod apud Suëtonium tantum legimus: scripsisse enim dicitur, eodem Stephano auctore. *ἡ παντοδαπὴ ἔκκλησις τῶν ἱστορικῶν δὲ λόγων*, hoc est, *De omnigenis rebus libros quadraginta duos*, præter alia plurima & varia. Quare hi qui ad Hyginum nostrum referunt Alexandri elogia ista, quæ unà cum aliis tribuit huic, non verò illi, Suëtonius, parum advertenter de re sunt loquuti; e quorum numero est Joannes Vassæus in *Hispaniæ Chronico*, & Stephanus Garibajus in *Compendio Historiæ Hispaniæ*.

Ad annum DCCXLV.

Lib. 6. cap. 27. in fine.

Lib. De Bibliothecis, ca. 6. in fine.

Theſauri, pag. 584. 6.

Præfuit Hyginus Palatina Bibliotheca. De qua nil dicam post Justi Lipsii *De Bibliothecis* Syntagma: siquidem vel Joannes Lomejerus eidem Spartæ ornandæ mancipatus, iis quæ à Lipsio præoccupata erant, nil adjungere habuit. Servus etiamnum forsan Bibliothecæ curam habuit; nam & lapides prisca munere isto servos non dedignantur. Romanus habet:

SVLPIſſE
THALLVSÆ
ANTIOCHVS TI. CLAVDI
CÆSARIS A BIBLIOTHECA
LATINA APOLLINIS
CONIVGI SVÆ
BENEMERITÆ

Atque alius item q.

L. VIBIVS AVG. SER. PAMPHILVS
SCRIBA
LIB. ET A BIBLIOTHECA LATINA
APOLLINIS.

Palatinam utrobique intelligo, quam templo Apollinis Palatino conjunctam fuisse Suëtonius auctor est.

In Augusto cap. 29.

3. *Nec eo secius plurimos docuit.* Fortè in Palatio ipso: nam & aliis ejusdem Grammaticæ professionis propter artis excellentiam indultum fuisse legimus, ut ibi docerent. Suëtonius ipse de M. Antonio Niphone, & Verrio Flacorefert in libello isto *De illustribus Grammaticis*. Erant enim per totam urbem scholæ Grammaticæ, magnique habebantur ejusdem Professores, ut ex eodem constat Commentario.

4. *Fuitque familiarissimus Quidio Poëtæ, & C. Licinio Consulari historico.* De primo nil habeo quo confirmem Tranquilli narrationem. C. Licinius autem quis fuerit dubitari video. Vossius legendum existimat: C. Asinio (Pollioni scilicet) ei, qui cum Cn. Domitio Calvino Cos. fuit anno DCCXXIII. (immo DCCXXIII.) ac historiam condidit bellicivilis, de quo latè idem Vossius lib. 1. cap. 17. Hanc suam conjecturam simul & Eliæ Vineti esse confirmat eodem lib. 1. cap. 10. ubi de Licinio Macro; de quo fortasse hic ait loquutum Suëtonium, si vulgaris placeat scriptura. Nam & *Historiam* C. Licinius Macer, seu *Annales*, aut libros *Rerum Romanarum*, scripsit. Nusquam tamen de Consulatu ejus legitur; immo Pretorium tantum virum, ne dampnaretur, mortem sibi conscivisse narrant Valerius Maximus, & Plutarchus in *Ciceronis vita*. Nec moriens is, vivo adhuc Cicerone accusatore (qui & ipse occisus est, nondum solidè potito rerum Romanarum Octavio Au-

Lib. 9 cap. 32.

gusto) potuit de Hygino Octavii liberto, ac de ejus morte scribere, ut Suëtonius prosequitur. Quare verosimilius videtur C. Asinium Pollionem esse eum, de quo apud Tranquillum mentio, qui totis XLVII. annis æqualis fuit Octavii imperio, & octogenarius obiit, auctore Eusebio, qui quæ in aliquo suorum operum scripserit, patipere decessisse Hyginum, & liberalitate suâ, quoad vixit, sustentatum: quod opus Asinii Pollionis beneficentiæ in literarum amantes conforme est. cujus viri hoc *Romæ inventum* (ait Plinius) *qui primus bibliothecam dicando* (hoc est, publici usus faciend) *ingenia hominum rem publicâ fecit*. Summus quippe orator, & literarum studiosus, quidni tam variæ doctrinæ hominem, qualis noster fuit, egenum non sublevaverit? Præter hos Virgilium quoque faciliè admitteremus charum ac familiarem habuisse nostrum, si hæc verba Columellæ hunc sensum haberent. Enumerans auctor hic cap. 1. lib. 1. *De re rustica* Latinos hujus argumenti scriptores post Catonem, duos Sacernas, Scropham Tremellium, & M. Terentium Varronem; mox Virgilium (ait) *qui carmina quoque potentem fecit* (agricolationem scilicet) *nec postremo quasi pædagogi ejus meminisse dedignemur Julii Hygini*. Magis tamen est, ut seipsum Columella pædagogum agriculturæ appellet, qui muneri suo intentus, nomenclatorem eorum qui circa hoc argumentum versati sunt, lectoribus agit. De Julio Modesto Hygini liberto quod Suëtonius adjungit, non est cur sumus nimium solliciti. Abunde est scire Agellium lib. 3. cap. 9. secundum ejus librum *Quæstionum rerum confusarum* commendasse; atque item librum ejus *De feriis* Macrobius lib. 1. cap. 4. 10. & 16. eundemque sæpiusculè à Charisio Grammatico laudari absque ulla operis nota. Si autem post ampliatam Tranquilli narrationem quæras à me quidnam de Hygini patria censeam; vix erit ut in re illo jam tempore incerta plusquam conjectando agā. Suadet quidem Alexandrinum fuisse, hoc est Græcicæ urbis & linguæ hominem, amor quo prosequutus Alexandrum Polyhistoram Græcum dicitur: ex altera parte Hispanam, hoc est Latini orbis originē, Latine semper ipse commentatus confirmare mihi quodammodo videtur. Vix enim potuit inter Græcè loquentes natus adeo oblivisci patriæ, ut non aliqua e tot commentariis, quæ jam producimus, vernaculo sibi sermone conficeret. Scripsit namque Latina Opera plurima; quorum minima pars edacem temporis effugere dentem valuit. Quæ quidem supersunt Hygino inscripta, hæc sunt.

5. *Pœticum Astronomicum*, quod Joannes Soter primus forsan Colonæ publici juris fecit anno MDXXXIV. rursusque Basileæ Hervagius, cum aliis, scilicet Palæphato, Fulgentio, Phurnuto, Albrico, Agatio, & Proclo, anno MDXXXV. iterumque MDXLIX. Item Episcopus MDLXX. quas editiones Gesneri epitomator laudat. Parisiis quoque Guilielmus Julianus MDLXXX. in 8. si Draudi fides non vacillat. His posterioribus omnibus ab Hervagiana prima editionibus, nisi fallor, præfertur *Pœtica Astronomica* ejusdem auctoris nomine insignis.

6. *Fabularum liber*, quem primus Jacobus Mycillus ex Codice quodam Longobardicis notis exarato,

In Chron. Olymp. 195.

Lib. 35. cap. 2 item lib. 5. cap. 10.

exarato, Joannis Hervagii jam laudati, Basileensis typographi hortatu, ut in lucem ederet, cum *Astronomico Poëtico*, emendavit disposuitque, ceteros auctores adjungens, qui sive de fabulosis hujusmodi narrationibus, sive de figuris cœlestibus, quod duorum Hygini operum argumentum est, scripserant. *Fabularum* hic liber sine *Astronomico*, unâ cum Fulgentio, Julio Firmico Materno, & Albrico, à Hieronymo Commellino, sive ex ejus prœmortui officina, prodiit anno MDXCIX. in 4. & ni fallor, Genevæ MDCVIII in 8. Cum omnibus, quæ exstant, adcurante Joanne Scheffero. Quibus accedunt Thomæ Munckevi Annotationes in *Fabulas*, Hamburgi apud Gothifredum Schulzen in 8. ann. MDCLXXV. aut circiter.

7. Nec tamen Hygino auctori favens Mycilliani hujus codicis inscriptio plene dùm persuasit viris doctis & sagacibus ab Augusti liberto illo famigerato ævi sui, hoc est elegantissimi, Grammatico, alterum ex his monumentis, *Fabularum* nempe librum; fuisse editum. Nempe ipsius Mycilli judicio, nec purus est, nec elegans (*Fabularum* liber) *adeo ut in quibusdam parum etiam Latinus videri queat*. Philologus & criticus nostri temporis Magnus Gaspar Barthius has *Fabulas* epitomen esse credidit ab aliquo confectam ex Hygino & aliis, lib. 4. *Adversar.* cap. 11. & lib. 10. cap. 12. ab Aviano scilicet. Quod idem innuit lib. 8. cap. 6. in fine; quibus duobus locis quamplures ex hoc libro phrasas verbaque parum usitata aliis, ei tamen passiva, nec sine ineptorum nota, observat, quamquam plura etiam ex his commendat. Nec aliter Thomas Reinesius, exacti judicii, atque eruditionis vir multiplicis, qui lib. 3. *Var. lectionum*, cap. 11. x nonnulla in hoc libro *Fabularum*, vix infima latinitate subsistere (ait) ac triviale doctrinam superare, nec alio quàm pseudo-Hygini nomine auctorem vocat. Et sanè mirum videri debet, cur Hyginiani operis non meminerint Latini scriptores, qui ex *Fabulis* eorum Ethnicos admonere suorum errorum conixi sunt, Lactantius, Arnobius, Minucius, Augustinus, nec item Fulgentius ille, qui *Mythologico* suo quamplurimos, unde profecit, auctores, tam Græcos quàm Latinos, laudat; quorum catalogum Mycillus editionibus Hervagianis præfixit. Tam celebrem scriptorem, si de eodem argumento elucubrasset, fugisse tot summorum literis virorum notitiam parum verisimile est. Ut ut sit, exstare hanc Epitomen omnium Poëtarum magnopere interesse censet idem Barthius. Inferioris temporis Joannes Saresberienfis, qui lib. 11. *De nugis curialium*, cap. 18. Hyginum inter Astronomos qui prolapsi sunt ad *Fabulas*, appellat, *De Astronomico-Poëtico* intelligi debet.

8. *De Astronomico* hoc Poëtico forsitan aliter sentiendum est: nec ideo quòd hujus auctor *Genealogiarum* à se conscriptarum meminit, credendusest innuere voluisse *Fabularum* librum, uti postea monebimus, cùm de his *Genealogiis* agamus. Movet tamen scrupulum, quòd opus hoc M. Fabio dicatum fuerit, eidemque scriptori; quem Quintilianum esse cùm nomen judicat, tum professio; neque enim alius M. Fabius inter scriptores superioris usque ad Augustum à Quintiliano temporis memoratur. Scriptori dicatum opus constat ex his proœmii verbis: *facilius etiam Bibliotheca vetus Hispana* Tom. I.

ex scriptis tuis perspicui potuit. scilicet Grammaticum non verluum moderatione tantum, sed historiarum quoque varietate præstare debere. Quo loco videtur ad Quintiliani cap. 8. lib. 1. respexisse, ubi ad Grammatici officium pertinere ait historiarum enarrationem, quam Grammaticæ partem idem *Historicam* vocat sequenti capite, à *Methodica* distinguens; sive ad cap. 4. ejusdem libri, quo citra varias artes, in hisque syderum rationem, Grammaticam vix posse perfectam esse docet. De qua re Gerardus Joannes Vossius cap. 3. *De arte historica* videri potest. Quare non dubitavit Raphaël Volaterranus a Lib. 1. & Comm. Quintiliano fuisse inscriptum opus, sicut nec Populieri^a, quem Vossius laudat b. Hygini tamen opus agnoscere videntur S. Isidorus *De natura rerum*, cap. 17. & 18. & Honorius Augustod. lib. 11. *De philosophia mundi*, cap. 5. Quare hanc partem tuetur Barthius, stupendæ lectionis vir, non uno loco c: sed à futilissimo quodam effarctore interpolatum, aliàs si sanus esset, elegantissimum, & multorum aliorum, qui inde profecerunt, parentem. Adjungendus Joannes Saresberienfis *De nugis curialium* lib. 11. cap. 18. nuper laudato. Obscura res, & quæ majori examine indigere videtur. Certius autem Hygini fuere, quæ hodie non supersunt, opera; hæc scilicet.

9. *De vita rebusq; illustrium virorum*. Agellius sextum hujus operis librum adducit, C. Fabritii exemplum abstinentiæ inclytum commendaturus lib. 1. *Noctium Atticarum*, cap. 14. quem potius, quàm Hyginum ipsum, per me viderit Joannes Saresberienfis, hoc ipsum Fabritii ex Hygino factum laudans lib. 5. *Polycratici*, cap. 7. Id quoque opus, nec diversum aliud, innuisse videtur idem Agellius quum lib. 7. cap. 1. Julii Hygini, C. Oppii; aliorumque, qui *De vita & rebus Africani* scripserunt, auctoritate utitur. Asconium Pedianum, qui ad Ciceronis *Pisonianam* commentatus, L. Hyginum libro priore *De viris claris*, de domo M. Valerio ædificata sumptu publico in Palatio Varronis testimonium afferentem laudat, jure huc reducimus, mutato agnomine *Lacii*, quod L. denotat, in *Julii* nomen, prioremque librum, non quidem, ut vulgò, de altero ex duobus, sed de primo ex multis intelligentes; quod ex rectæ Grammaticæ regulis, ac veterum usu scriptorum esse, adversus Priscianum, Diomedem, Donatum, Servium, & è novioribus Laurentium Vallam, ostendit multis eorum laudatis testimoniis Grammaticorū princeps Franciscus Sancier Brocensis in sua *Minerva* a, sive Grammatico opere. Sanctus Hieronymus Hygini hunc commentarium similiter agnoscit in proœmio *De scriptoribus Ecclesiasticis*; immo & Eusebius ab eodem conversus in Latinum in principio *Chronici* his verbis: *Quòd & in libro Hygini historie singula conscripta declarant*.

10. *Exemplorum* liber Agellio visus, uti apparet ex his ejus verbis è lib. 10. cap. 18. *Exstat nunc quoque Theodectis Tragedia, quæ inscribitur Mavfolus, in qua cum magis quàm in prosa placuisse, Hyginus in Exemplis refert*.

11. *De urbibus Italicis* meminit Servius Grammaticus ad versum illum: *Caulonisque arces & navisfragum Scylacæum*, lib. 3. *Æneidos*; cujus hæc verba: *Quòd secundum*

A 2 Hy-

a Pag. 172.

y Ad lib. 5. Theb. v. 233.

a Lib. 1. & Comm.

a Lib. 5. *De historia*.
b Lib. 5. *De H. L.* cap. 20.

c Ad lib. 5. *Sylv.* 3. v. 74. Ad lib. 4. *Theb.* v. 194. & 430. & ad lib. 7. v. 255.

d Lib. cap. 10.

*Hyginum, qui scripsit de situ urbium Italicarum, olim non est; atque iterum ad lib. 7. & Macrobius lib. 5. Saturnalis. cap. 18. ubi de Pelasga Hernicorum origine. Et Hernicum quidem hominem Pelasgum (ait) ducē Hernicis fuisse, Julius Hyginus in lib. 2. Urbium non paucis verbis probat. Eoque habuit oculos de Italia idem referens, & Jani in ea regno, cap. 7. lib. 1. Servius item ad 1. *Æneidos*, carmen istud: ——— *Romulus excipiet gentem.**

Eapropter Hyginus inter auctores legitur, quibus Plinium fuisse usum ad conficiendos libros 3. 4. 5. & 6. Geographicos, ex *elenchis* eorundem librorum apparet.

12. *Genealogiarum* libri. Horum primi recodatur in *Poëtico-Astronomico*, ubi de Persei signo agens, *Græcæ fuerunt* (inquit) *Gorgonum custodes, de quo in primo libro Genealogiarum scripsimus, quæ utraque uno oculo usæ existimantur.* Nec existimes hunc eundem esse oportere cum *Fabulis* commentarium. Multa enim continent *Fabule*, quibus *Genealogiarum* appellationem parum convenire fatendum necessario est. Nec in *Fabulis* mentio hæc de Græcis Gorgonum, hoc est Medusarum, custodibus, uno tantum oculo utentibus (nisi duo me fallunt) hodie legitur; cum commodum ubi de Danaë, ejusque hoc filio Perseo, & Andromedæ liberatione, fabulis scilicet LXIII. & LXIV. de hac re agere debuerit. Quare non est cur *Astronomici* auctorem pro noto habeamus, ex eo quod *Fabularum* auctori hanc notam impigimus. Satius fuerit *Genealogiarum* hoc opus Hygino Augusti liberto aliunde abjudicare, scilicet ex his quæ supra in *Astronomici-Poëtici* mentione annotata à nobis sunt. Nam si auctor illius operis M. Fabio fuit Quintiliano æqualis; idem affirmari de eo oportere, qui *Genealogias* scripsit, proculdubio est.

13. *Commentarii in Virgilium*. Horum non semel aut iterum Agellius meminit lib. 1. cap. 2. r. *Hyginus autem non hercle ignobilis Grammaticus, in Commentariis quæ in Virgilium fecit, confirmat, & perseverat non hoc à Virgilio relictum, sed quod ipse invenit in libro qui fuerit ex domo utque familia Virgilii.* ——— *Et ora*

Tristitia tentantum sensu torquebit amaror.

Versus est ex lib. 2. Georgicorum. Ad hos ergo libros pertinere etiam *Commentarii*. Libro quoque 5. cap. 8. lib. 6. cap. 6. lib. 10. cap. 16. & lib. 16. cap. 6. Sed in postremo isto Hyginum, ex quarto librorum, quos de Virgilio fecit, citat. Macrobius hoc ipsum Hygini ultimum testimonium, quod circa *bidentium* nomen est, ex Agellio desumpsisse videtur, nisi quod appellat e quintum pro quarto, qui apud Agellium legitur.

14. *De proprietatibus deorum*. Debemus Macrobio hujus *Commentarii* notitiam lib. 3. *Satyr.* cap. 8. his verbis: *Hyginus enim de proprietatibus deorum cum de astris & stellis loqueretur, ait oportere his volucres immolari.*

15. *De Penatibus* liber. Macrobius item hunc laudat eodem lib. 3. cap. 4. *Addit Hyginus* (verba ejus audis) *in libro quem de diis Penatibus scripsit.*

16. Περὶ τῶν αἰνῶν *Cimæ*. Quod Charisius Grammaticus lib. 1. commendat opus profaicum, ut ex adductis ex eo apparet verbis; quamvis *Propempticon* carmen illud veteres dixere, quod cum aliquo libro aut homine mittitur, à Græco ἀποτίμῃ, quod *premittere*, seu *deducere*,

aut *prosequi euntem* sonat. Talis fuit Statii Papinii *Propempticon Metii Celeris* lib. 3. *Sylvarum* Carm. 2. Helvii Cinnae *Propempticon Pollionis*, cujus idem Charisius meminit 2. *Propempticon Ampelii* ab Himerio editum, Sidonii Apollinaris *Propempticon ad libellum quendam suum*. De quo carminis genere Julius Cæsar Scaliger videndus in *Poëtica* h. Joannes à Wower *Polymathie* cap. 13. descriptionem itineris Cinnae hoc nostri *Propemptico* contineri existimat. C. autem Helvius Cinna, is qui *Propempticon* scripsit *Pollionis*, idem is videtur, cujus *Propempticon* scripsisse nostrum Hyginum diximus. Nam Asinius Pollio, & Hyginus, & Helvius Cinna, ejusdem temporis, scilicet Juliani, & Octavianiani, sunt. De Cinna Virgilius *Ecloga* 9.

Nam neque adhuc Vario videor vel dicere Cima Digna, sed argutos interstrepere anser olores. Ejusdem *Tetrastichon* de Arati *Phænomenis* in malva descriptis Isidorus refert lib. 6. *Originum*, cap. 12. Vossium consule de veterum Poëtarum temporibus scribentem, i quo libro de Latinis agit. Quod autem in epitome legitur Gesnerianæ Bibliothecæ scripsisse in *Cimæ Smyrnam* Hyginum nostrum, uti & L. Crassitium Pansam, nescio an solido nitatur testimonio.

17. *De Agricultura*, plusquam uno libro; nam secundum laudat idem Charisius Grammaticus lib. 1. & ante eum Columella idem opus innuit, ex quo nostrum laudat in libris *De re rustica*, præsertim cap. 1. lib. 1. cujus loci jam meminimus, & lib. 3. cap. 2. & lib. 11. cap. 2. Et ad hunc Geoponicum commentarium referri debet, quod Plinius in *Elenchis*, eorum omnium historiæ suæ librorum, quibus de arboribus, plantis, & agricultura egit, nempe à lib. 12. usque ad 22. Hyginum inter auctores laudet, per quos profecerit; sive alius sit, qui *Elenchis* à Plinio confectis, ut ex proœmio constat, auctorum attexuit, quos consuluisse is, catalogum.

18. *De apibus* liber fortè hujus *De agricultura* operis fuerit portio. Attamen Columella hunc disertè appellat lib. 9. cap. 13. *Hyginus quidem* (ait) *in eo libro quem De apibus scripsit, &c.* Idemque subintelligit de apibus agens lib. 9. cap. 2. 11. 13. 14. quorum testimonium primum laudem non contemnendam Hygini continet. *Venio* (inquit) *nunc ad alveariorum curam, de quibus neque diligentius quicquam præcipi potest, quam ab Hygino jam dictum est, nec ornatus quam à Virgilio, nec elegantius quam à Celso.* Hyginus veterum auctorum placita secretis dispersa monumentis industrid collegit, Virgilius poëticiis floribus illuminavit, Celsus utriusque memorati adhibuit modum. Hæc annotare habuimus, quæ de Hygini lucubrationibus veteres docuere nos, & ex his Vossius, qui *De historicis latinis*, lib. 1. cap. 20. hujus hæc laudavit opera. Nec tamen omnia, ut suspicor; nam *De animalibus*, aut saltem *De arvis*, per me scripserit, qui in memoratis *Elenchis* nomen suum inter eos proficitur, quibus usus fuit Plinius, dum *De animalibus volatilibus* lib. 10. atque item parvulis (insectos intellige) ac reptilibus lib. 11. commentaretur. *De re militari* opus aliquod eidem tribuit Joannes Saresberienfis Episc. lib. 6. *De nugis curialium*, cap. 19. Quam si quis (de hac arte ait) edificare voluerit, adeat Catonem Censorium. Legat & illa, quæ Cornelius Cel-

g Lib. 1. verbo *Belidus.*

h Lib. 1. cap. 104.

i Lib. 2. cap. 1. in fine.

k Verbo *Radi-*
cium.

l Lib. 5. *Satyr.* cap. 9.

f Verbo *Iteria.*

Celsus, quæ Julius Hyginus, quæ Vegetius Rematus posteris præscribenda duxerunt.

20. Hyginum certè aliquem, aut Hygenum, non verò nostrum, habet auctorem liber ille, qui *Gromaticus*, sive *De limitibus constituendis*, & alter ille, qui *De limitibus* inscribitur in editione *Rigaltiana Scriptorum*, qui *de finibus regundis scripserunt*, qui duo libri hac auctoris appellatione notati leguntur. Nam in priore auctor disertè meminit Lucani, & in posteriore Vespasiani Trajanique Augustorum, quòd non animadvertit Raphaël Volaterranus. At cum *Groma*, sive *Gruma* mensura sit, seu metiendi instrumentum, *μέτρον* ἢ *τῶν μέτρων*, sive locus medius, in quem directè quatuor conveniunt viæ: quo verbo persæpè utitur opusculorum istorum auctor, & alii *De limitibus* scriptores antiqui, ac *degrumari* apud Lucilium, sive *grumari* idem sit quòd *μέτρον μετρί*; nescio in quam huius opusculi editionem Gaspar Barthius incidit, quæ *Gromaticum*, non *Gromaticum*, præferebat, uti ex lib. 2. cap. 20. *Adversariorum* apparet, quo percurrit aliqua ex isto libro, & iudicium suum de eo interponit, Nec tamen hic auctor Julium vixisse Hyginum sub Antoninis existimavit, quod Gerardus Joannes Vossius imputare ei videtur de scientiis Mathematicis agens; immo Hyginum, sive Hygenum *Gromatici* auctorem clarissimè distinguit ab Augusti liberto. Hyginus certè *De castrametatione*, sive *De castris metandis* scriptor (quem libellum Vegetio suo Scriverius attexit) diversi ab his duobus opusculi auctor idem videtur.

21. Hygino æqualem, aut superiorem forsitan, TURANNIUM GRACULAM, Geographici cuiusdam operis auctorem, existimo. Meminit quippe de eo Plinius, tum inter auctores, quorum *commentariis* adjunctus fuit *rei Geographicæ*, in *Elencho* li. 3. primo loco, & ante Cornelium Nepotem, Titum Livium, Agrippam, Varronem, & Hyginum ipsum recensens; tum in præfatione ejusdem lib. 3. unde nobis omne id constat, quod hoc nostro de cive scriptum superest. *Quindecim millia passuum* (ait) *in longitudinem, quas diximus, fauces Oceani patent, quinque millia in latitudinem, à vico Mellaria Hispaniæ ad promontorium Africae Album, auctore Turannio Gracula juxta genito.* Ex aliqua ergo Hispaniæ ad fretum Herculis, aut in vicina ora posita urbe fuisse is videtur: nec tamen obstinatè contenderim ex hoc Plinii testimonio Graculam necessariò Hispanum fuisse, cum non minùs aptè de eo, qui in Africa fuerit ortus, Plinii verba explicari valeant. Is tamen, qualisqualis fuerit, Geographicum quippiam publicitus dedit, unde Plinius profecerit: quo quidem opere intra Hispaniæ res continuissè stylum inde colligimus, quòd nonnisi in huius lib. 3. *Elencho* nomen ejus appareat, quem librum ab Hispaniæ descriptione auctor exorsus, hac de causâ, ut suspicor, ante alios auctores suos *Graculam* in dicto *Elencho* laudavit, non verò quòd cæteros, qui deinde nominati sunt, præcesserit.

C A P U T II.

LUCIUS CORNELIUS BALBUS *Gaditanus*, *historiarum* scriptor sub Augusto. Duo ejusdem suæ nominis, patruus alter alterius. *Gesta* utriusque distinguuntur, suæque unuscujusque iis vendicantur. *Velleji Patreculi* locus exponitur. *Plinius* corrigitur. *Romæ* quis exteriorum primus triumphaverit. *Joannes Baptista Salazarius* antiquitatem *Gaditanum* illustrat *justo encomio donatur*. *Ephemeridem*, seu *Diarium alterutrum*, & *Exegeticôn* libros famâ diutaxat esse nota. In seniore propendimus. *Balbus* Cornelium Theophanem *Capitolinus* non rectè dixit.

22. AD idem Augusti Imperium, ætatemque, LUCIUM CORNELIUM BALBUM *Gaditanum* refero, historicum, & scriptorem, nomine isto haud multis notum. Ferè enim cum scriptis ejus memoria istorum oblitterata est. Sed, uter duorum ejusdem nominis huc sit à me advocandus, ante omnia quærentibus morem geram, expressis, quàm possim, breviter utriusque notis, rebusque eorum gestis curiosè distinctis, quod nescio ante me aliquis an persliterit, excepto uno Joanne Baptista Salazario *Gaditanæ Ecclesiæ Portionario*, in eo præstantis eruditionis, quantumvis parvæ molis, libro, quem *De Gaditanæ urbis antiquitatibus* vernaculo sermone in publicum edidit, post quem nec inutilis nostra opera erit. Deinde verò laudatis alterutrum eorum scriptis, de auctore id quod potis ero conjecturâ assequi, in medium proponam.

23. Duo sanè Lucii Cornelli Balbi fuere, secundusque prioris ex fratre nepos, *Gadibus* uterque natus, Romanus uterque civis, muneri-que reipublicæ gestorum, & clararum necessitudinum splendore posteris commendatus. Lucius Cornelius Balbus senior is est, quem tum Cnejus Pompejus, & M. Crassus, tum C. Tullius Cicero, juris civitatis causam dicentem, elegantissimè oratione defendit. Adhæserat nempe hic ab adolescentia ipsa Romani nominis cultoribus in patriâ urbe, dictoque militiæ sacramento stipendiâ primùm fecerat sub Q. Cæcilio Metello Pio, cum in secundo suo cum L. Sylla Consulatu, anno Urbis DCLXXIV. Sertorianum in Hispania bellum administraret. Coluit inde maximè Cnejum Pompejum, socium in eodem bello Metello datum. Quæstoremque illius Marcum Memmium. Duobus illis acerrimis interfuit præliis, quibus uterque dux Romanus primùm prope Sucronem, iterumque juxta Turiam, Hispaniæ Tarraconensis fluvios, cum Sertorio decertavere; & usque ad debellatum fortissimum reipublicæ hostem castra Romana sequutus est. Virum ergo ita bene de se atque Republica meritum civitate Romana Pompejus donaverat; Senatusque, L. Gellio & Cn. Cornelio Consulibus, anno U. C. DCLXXXII. lata lege sanciverat, eo jure uti omnes debere eos, quibus Pompejus concessisset. Odio tamen Pompeji, sive Cæsaris, cui non minùs familiaris Balbus fuit, ut mox diceretur, postulatus reus usurpati juris Romani civitatis eo colore fuit, quòd cum civis esset suæ urbis *Gadium*, non potuerit ex fœderato populo in Romanam

1 Lib. 1. Commentariorum.

m Vide Rigaltium in notis ad Finium regund. auctores, pag. 110.

n De Mashe-fuo nat. & cons. cap. 14. §. 2.

o Pag. 110.

manam ascisci: amittebat enim suam quisque urbem, cum Romanâ donabatur, quod non sine injuria, & contra jus fœderis factum aiebat accusator. Hæc omnia ex laudata Ciceronis oratione, & ex Plinii cap. 43. lib. 7. constar. Hic ipse Cornelius anno U. C. DCCXIV. & Camidius Crassus Consules fuere, non ordinarii, sed suffraganei Domitio Calvinio & Asinio Pollioni, uti videtur in *Tabulis Capitolinis* ab Onuphrio Panvinio illustratis, atque item apud Dionem ¹ re-vertitur. Consul, inquam, primus fuit externorum hominum, eo honore functus, quem majores (ait Plinius lib. 7. cap. 43.) *Latino quoque negaverunt*. In amicis quoque Cæsaris eum in paucis præcipuum fuisse (an Pompeii relictis partibus?) constar. siquidem Cæsaris Præfectus fabrum in bello fuit, ejusque absentis negotia Romæ aliàs curavit. Nam adhuc Agellii Grammatici tempore (ut ipse refert lib. 17. cap. 9.) libri supererant Epistolarum C. Cæsaris ad Cajum Oppium & Balbum Cornelium, munere isto huic devinctos, nuncupatarum. Fuit quidem is adeo divitiis affluens, parique divitiis magnificentia, ut diem suum obiturus populo Romano in singula capita vicanos quinos denarios, Dione teste, legaverit, quæ summa ditissimorum quoque Regum facultates excedit ².

24. Lucius alter Cornelius Balbus, senioris ex fratre nepos, in amicitia Cæsaris floruit, cum adversus Pompejum arma gereret, ingentibusque in eundem, & Octavianum, ac propriæ virtutis meritis eo progressus, ut Proconsulatum Africæ, triumphum ex Garamantibus ejusdem populi, ac Pontificatum adeptus sit. Verba Velleji Paterculi ³ referentis ea, quæ Balbus egregie fecit, cum Cæsariani exercitus pars esset Pompejano in Macedonia oppositi, digna sunt quæ huc advocemus. *Tum Balbus Cornelius* (ait) *excedente humanam fidem temeritate ingressus castra hostium, sæpiusque cum Lentulo* (hic erat unus ex Consulibus illius anni, qui Pompejum sequebantur) *colloquutus, Consule dubitante quanti se venderet, illis incrementis fecit viam, quibus non Hispaniensis natus, sed Hispanus in triumphum & Pontificatum assurgeret, fieretque ex privato Consularis*. Non Hispaniensem, sed Hispanum jure eum vocans, qui non origine tantum, sed & patriâ & natu Hispanus esset. Frustra ergo Velleji verba hæc lacerant, quæ recta sunt, interpretes. Ita namque editio ultima Lugduno-Batava Antonii Thyssii, non turbanda quidem, præfert. Accedit Plinii aliud testimonium Vellejano huic conferendum super Balbi rebus, de Garamantibus loquentis lib. 5. cap. 5. *Omnia armis Romanis superata, & à Cornelio Balbo triumphata unius omnium externo curru, & Quiritum jure donato: quippe Gadibus nato civitas Romana cum Balbo majore patruo data est*. Legendum prorsus, externorum pro externo. Nam simia Plinii Solinus ita expressit cap. 32. *Garamantas Cornelius Balbus subegit, & primus ex hac victoria triumphavit, primus sane de externis, utpote qui Gadibus accessit ad gloriam nominis triumphalis*. Ac similiter de altero Balbo Cornelio Plinius lib. 7. cap. 43. *Primus externorum, atque etiam in Oceano genitorum, usus illo honore, &c.* Triumphus memoria durat quoque in tabulis triumphalibus Capitolinis.

L. CORNELIUS P. F. BALBUS
PROCOS. A.
DCCXXXIV. EX AFRICA VI.
K. APRILIS.

Primo autem exteri hominis triumpho Marcum Perpernam opponas, qui de Aristonico Asiæ tyranno olim triumphaverat. Sed non jure id factum, & irritatum idem Plinius alibi docet ⁴. Ita M. Perpernae nomen adumbratum, falsus Consulatus, caliginis simile imperium, caducus triumphus, aliena in urbe improbe peregrinatus est. Sed nec ideo Plinianum de Balbo alterum testimonium levicula illa correctione positum in tuto manet. Falsum enim est, unum seu primum omnium externorum Balbum Quiritum fuisse donatum jure. Ita enim videntur corrigenda Plinii verba aliàs inepta: *uno seu primo omnium externorum curru & Quiritum jure donato*. Nam quod ad jus Quiritum, sive civitatis pertinet, non uni ei soli, aut primo contigisse cætera Plinii ostendunt verba, siquidem ait datam ei civitatem cum Balbo majore patruo. Nisi cum præpositio, non temporis, sed rei, nota sit. Quod quidem confirmare videtur Ciceronis silentium de hoc juniore Balbo, in oratione illa pro seniore. Nil enim aliud magis ei ad manum esse debuit Pompeii factum excusatorio, aliâque de aliis ab eodem Pompejo in civitatem Rom. tunc temporis ascitis exempla adducendi, quam juniore quoque huic Balbo similiter eum fecisse. Neque verò id in uno (ait) *Cornelio fecit, nam & Gaditanum Flaudrubaem ex bello illo Africano, & Mamertinos, Orios, & quosdam Uticenses, & Saguntinos subros civitate donavit*. Quare magis credo huic diu post patrum hunc contigisse honorem, forteque cum civibus suis omnibus, quum Gades beneficio Cæsaris anno DCCV. jure civitatis donata sunt, Dione teste lib. 41. De donatione curru ei facta, obscurus, aut mutilus fortè, locus sic emendari potest, si suppetias verbo uno eamus, ut triumpharet curru legentes, ad differentiam ovationis, quæ equo fiebat. Nisi curru absolute pro triumpho dixerit auctor; aut mavis pro curru, triumpho legere.

25. Hic idem anno DCCV. juxta Panvinii computum, Cæsari strenue militabat, uti è Paterculo accepimus. Anno DCCXXXIV. sub Octaviano ivit Africam Proconsul, Garamantas debellavit, ac de iis triumphum Romæ reversus egit, uti Plinius, Solinus, & fasti referunt. Proconsul, inquam, qui non antea fuerat Consul, quod olim necessarium fuit, non verò Augusti hoc tempore, quo in provincias populi Romani non ex Consulibus, sed ex privatis creabantur Proconsules: quem morem Claudius Salmasius ad Spartianum observavit in *Hadriani vita* ⁵. Idque innuere Paterculus voluit, cum ex privato factum ait *Consularem*. Edificavit idem civibus suis novum oppidum Neapolim dictum, quod Strabo narrat lib. 3. *triumphalem Balbum urbem*, ne de incerto loquatur, vocans. Pontificatus quidem annus in obscuro est: non autem Theatri ab eo Romæ extructi, & Cos. Tiberio & Quintilio Varo (DCCXL.) dedicati. Auctores sunt Dio Cassius lib. 54. Plinius lib. 36. cap. 7. Tacitus lib. 3. *Annal.* cap. 72.

26. Hæc ultima est in Romanis libris L. Corneli Balbi junioris memoria, cujus pater Publius

¹ Lib. 48.

² Dion. lib. 48.

³ Vide Salazar Antig. de Cadiz lib. 8. c. 12. in fine.

⁴ Ex lib. 2.

⁵ Lib. 3. c. 4.

⁶ Pag. 16.

blius fuit, ut in tabulis triumphalibus legitur, dignique is & patruus inter nomina haberi, posteritatiq̃ commendari, quæ honori patriæ atque ævo fuere. Quorum virorum historiæ hanc lucem distinctionis immisisse non absque operæ pretio erit. Ferè enim omnes, qui de his loquuntur, recentiores historici, partim hominès, partim eorum res gestas inter utrumque confundunt. Ambrosius Morales y juniori tribuit Consulatum. Jacobus Schegius, & Valens Acidalius, alter Balbum, de quo Vellejus loquitur z, eundem esse cum eo, qui moriens cum populo Rom. sic liberalis fuit; alter cum eo, quem Tullius defendit, existimavere. a Joannes Gerardus Vossius, flos literatorum, fallitur quoque in tribuendo juniori Balbo Consulatum. Crafior tamen error fuit viri doctissimi Cœlii Rhodigini lib. 12. cap. 8. dum verba ista Plinii b. *Fuit & Balbus Cornelius major Consul*, ita accipit, quasi Balbus ideo major dicatur Consul, quod priori loco renunciatus fuisset, penes quem fasces forent; qui & secum abripuit Dalèchampium c. Distinctius aliis de utroque Balbo cive suo loquutus est, uti annotavimus, Joannes Baptista Salazarus, quem consulesis, & cum his confer.

27. Uter eorum quorundam operum auctor sit conjectari vix possumus. At quæ opera? ais.

28. *Ephemeridem* (hoc est *Diarium*, uti Sempronius Asellio interpretatur apud Agellium lib. 3. cap. 18.) eleganter scriptam, Sidonium Apollinarem habeo rei auctorem lib. 9. Epist. 14. *ad Burgundionem*, de rerum à Cæsare Julio gestarum celebratoribus loquens. *Nam si omittantur, quæ de titulis Dictatoris in victi scripta Patavinis sunt voluminibus, quis opera Suëtonii, quis Juvenii Martialis Historiam, quisque ad extremum Balbi Ephemeridem fando adæquaverit?* Quæ non aliud fuit nisi Historia Cæsaris, eoq̃ referenda sunt Suëtonii hæc verba d; *Cujus rei, ne quis fabulosam aut commentitiam putet, auctor est Cornelius Balbus familiarissimus Cæsaris, An Cæsaris hæc Ephemeris est, quam Symmachus Protadio scribens se ad eum mittere dicit e, unde Gallorum prisca memoria haurire possit?* Non utique, sed Cæsaris libros de bello Gallico Symmachus intellexit, uti Vossius monuit f, aut signatum propria *Ephemeridis* notâ opus aliud, quod Plutarchus g laudat, Serviusque h, his de opere isto adductis, quæ in *De bello Gallico* libris nusquam, ut credimus, reperias. Igitur *Ephemeridem* Cæsaris rerum Balbus scripserit, nec antequam Hirtius *Belli Gallici* Cæsarianum opus libro octavo suppleverit. Balbo enim hic nuncupatus ab auctore, si aliter esset, mancipatæ iisdem rebus à Balbo operæ qui non meminisset? Suspiciatus fuit Vossius hanc Ephemeridem librum fortè esse *De bello Hispaniensi*, quod *Diarium* Josephus Scaliger vocat *Prolegomenis in Manilium*. Hunc enim Hirtius, qui singulares *De bello Africano* & *Alexandrino* libros edidit, uti fatetur ipse in præfatione supplementi Galliani belli proximè laudati, si & Hispaniensem hunc Commentarium scripisset, cur illaudatum loco sic opportuno ad Balbum Hispanum scribens reliquisset? Neque consignatam Balbi *Ephemeridi* à Sidonio laudem deterit quod duriusculè loqui auctor hujus libri quibusdam videatur, quinimmo & barbarè. Iniquam enim hanc

cenfuram Scaliger nuper laudatus taxat, eoq̃ scripto nihil latinius concipi posse ait: non diffitetur tamen inconditè loqui auctorem: quæ inter se longè distare rectè contendit. Atque id iudicium Gerardus Vossius probat i. Sed nos contenti sumus, id quod Suëtonius etiam k, de hujus libri nescire auctore.

29. *Εἰρημικὴν* etiam libri Cornelio Balbo tribuuntur apud Macrobium lib. 3. cap. 6. dum observat Virgilium dixisse;

— *gramineoque viros locat ipse sedili.*

Non vacat (inquit Macrobius) *quod dixit: nam propria observatio est in Herculis sacris epulari sedentes; & Cornelius Balbus Εἰρημικὴν lib. 18. ait, apud aram maximam observatum, ne lectisternium fiat.* Non alibi, credo, hujus tam vasti operis, non minore quàm xviii. saltem librorum numero contenti, mentio, *Εἰρημικὴν* enarratio est, seu explicatio. *ἡσυχία* eos Græci appellant, qui scholiis, seu Commentariis scriptorem aliquem illustrant, immo eos peculiariter, qui res ad deorum cultum spectantes interpretabantur, de quo & Budæus, & Henricus Stephanus legi possunt. Quorum posteriorum aliquis opportunè scripserit de ritu in sacris Herculis observato; nisi & nota ad Virgilii versum propria ejus credenda sit, qui ad hunc Poëtam enarrationes ediderit. Planè Latinum opus, quantumvis Græcè inscriptum, intelligere debemus. Res enim Romana agitur, & sub Cornelii Balbi nomine Græcus non facile, nisi aliàs constet, scriptor lateat.

30. Quidnì latere possit? ais: cùm Cornelius Balbus hic amicissimus Pompeji, & Historiæ scriptor, Theophanes appellatus fuerit. quod agnomen quid Græcum sonat, originem fortè. Julium Capitolinum audis l de Balbino Imperatore loquentem. *Familie vetustissimæ* (ut ipse dicebat) *à Balbo Cornelio Theophane originem ducent, qui per Gn. Pompejum civitatem meruerat, cum esset sue patrie nobilissimus, idemq̃ Historiæ scriptor.* Potuit ne luculentius demonstrari senior Balbus Gaditanus? Hæc enim omnia ei conveniunt Fateor hæere me in Theophanis appellatione, nusquam alibi celeberrimo suæ ætatis viro tributa. Fuit quidem Theophanes Lesbios sive Mitylenæus, à Pompejo & is civitate donatus, ejusq̃ familiarissimus, quem Pompeji rerum scriptorem Valerius Maximus appellat m, cujusq̃, ut illustrissimi Græci viri, Pompejoq̃ admodum chari, Strabo lib. 13. Mitylenæos recensens literis claros, Plutarchus in Pompejo, ac Vellejus Paterculus lib. 2. meminere. Quid autem hic commune cum Cornelio Balbo, ac, si Deo placeat, Theophane Capitolini? Dictus ne Græcus ille Cornelius Balbus Theophanes? Non credimus: omnes enim, qui Græcum laudant, Theophanem tantum, nec aliter vocant. Fuerit quidem ejus filius M. Pompejus, quem Augustus Procuratorem Asiæ, Tiberius autem inter primos amicorum habuit, uti apud Strabonem legimus n. Sed huic potuit in obsequium Pompeji benefactoris hoc nomen à patre imponi. Quare autem Græcus ille à Cornelio Balbo sit nuncupatus, non ulla congruus reddi potest ratio. Suspiciari aliquis posset in Capitolino errorem, delendamq̃ Balbi Cornelii mentionem, Theophanis servato nudo nomine, nisi Balbi, & Balbini nominum propinquitati videatur inniti, quod

i De H. L. lib. 3. cap. 13.
k In Julio cap. 36.

l In Maximo, & Balbino.

m Lib. 8. c. 14.

n lib. 13.

y Lib. 8. c. 30.

z lib. 2.

a In notis ad Vellej hunc locum in editione Lugdunensi Ant. Thyfii 1653.

b Lib. 7. c. 43.

c In notis ad Plinii locum.

d In Julio cap. 11.

e Lib. 4. Ep. 18.

f Lib. 1. de H. L. cap. 13. ubi de Cæsare.

g In Julio. h In 9. Aeneid. apud eundem Vossium.

quodd ejusdem se esse cum Balbo familiæ Balbinus jactaret. Immo, si reducendus in ordinem Capitolinus est, *Theophanis* ego mentionem delem, *Balbi Cornelii* conservarem, Capitolino impingens, quod ex duobus unum fecerit hominem, nec animadverterit utrumque potuisse ab eodem Pompejo civitate donari, charumque haberi, nobilissimum item patriæ suæ, atque Historiæ scriptorem esse. Ita placebat de Capitolini hoc testimonio, in quo deficimur aliorum ducatu. Nam Salmasius nihil, Casaubonus autem non nihil, sed difficultatis securus, ad rem contulere. Quisquis autem duorum Balborum tam *Epbenmeridem*, quam *Επφηνμεριδης* libros scripserit, nostrum scriptorum album locupletatum venit. Ego ad seniore inclino, Julii Capitolini, vel etiam errantis, quod aliorum esto judicium, vestigia sequens. Solus enim hic senior dare ansam errori potuit confundendi Balbum Cornelium, qui à Pompejo civitate fuit donatus, cum Theoplane, beneficio ejusdem Romano cive.

CAPUT III

Declamationum usus Romæ. Declamatores Hispani. *Μησαορι* Græcorum. *Μησαορι* Hygini. Princeps eorum M. PORTIUS LATRO Cordubensis, cujus historicus Marcus fuit Seneca. Tetradiū declamatorum, Latro, Tuscus, Albutius, Gallio. Portii declamationes. & an ejus sit quæ adversus Catilinam ejus nomen præsefert. Ejusdem obitus. Declamatores alii nostræ gentis à Seneca laudati, Cornelius, Victor Statorius, Junius Gallio, ac Turrinus Clodius. Fabulas, controversias, Græcorum *μυθώματα*, de eadem re dici posse. Quisnam Senecæ Gallio hic fuerit? Dionis Cassii locus corruptus. De Sextilio Hena Poëta Cordubensi. Quintilianum à Marco Seneca memoratum, Marci Fabii Quintiliani arum aliis, parentem aliis, sed minus comperit, videri. Alphonsi Garsie Matamori hallucinationes duæ de M. Fabii parente.

31. **E**JUSDEM Augusti ævo, cujus libertus Hyginus fuit, & quo vixerunt uterque Balbus, declamandi studium floruisse, nec sine Hispani nominis præcipuo quodam honore, documentis quampluribus docemur. Rhetorum scholæ serò in urbem admittæ, ut narrat Suëtonius libello *De illustribus Rhetoribus*. Exercebantur in iis, qui ad rempublicam non imparati, sed eloquentiæ jam prius initiati, accedere volebant, declamationibus dicendis, quas *controversias* hoc ipsum ævum vocavit, notas olim Græcæ, *μυθώματα* que appellatas, cujus primus auctor Æschines in otio suo Rhodiensis exsiliū fuisse, in *Bibliothecæ Cod. LXI.* à Photio refertur. ex quo verbum formavit latinum Hyginus *commeletare*, pro *meditari*, usurpato Fab. 165. de Marfya: nam *μυθώματα* *meditari* est. Eas, si ad veritatem accommodatæ essent, similesque orationibus in foro haberi consuetis, summus Rhetor Quintilianus non solum adolescentibus, ut inventionem simul atque dispositionem exercerent; sed consummatis, ac jam in foro claris viris, utilissimas existimavit. De quo studio pluribus docti viri hujus temporis egerunt. Hanc quidem viam in publicum proficiendi, & ad forenses actus ingenium vultumque

instruendi præmuniebant aliis Rhetores, seu eloquentiæ præceptores; qui aliquando ipsi foro se dabant, nec semel in scholis, & ludis suis, intentatis veris causis, omnique forensi concertatione, toto vitæ spatio hærebant. Clarus inter alios hujus studii asseclas & magistros è municipio Cordubensi PORTIUS LATRO fuit, MARCI agnomine ab Eusebio auctus, quem in scriptis suis vix sibi superstitem Marcus Annæus Seneca, civis ejus, Senecarumque inclytus propagator, oblivioni ereptum, famæ, quam vivus obtinuerat, piè vindicavit. Ferè enim totum quod de hoc summo viro literarum traditur monumentis, ipsi debemus. Censebat hic Seneca de his, qui in ætatem suam incidissent, declamatoribus rogatu filiorum (Novati, qui & Gallio, Junioris Senecæ, atque Annæi Melæ) in præmio lib. I. *Controversiarum*. cujus elogio, quamvis prolixo, Latronem non defraudabo. neque enim alio magis idoneo uti possum, aut luculento. Latronis Portii charissimi mihi sodalis memoriam sæpius cogar retractare, & à prima pueritia usque ad ultimum ejus diem perductam familiarem amicitiam cum voluntate maxima repetam. Nihil illo viro gravius, nihil suavius, nihil eloquentiæ suæ dignius. Nemo plus ingenio suo imperavit, nemo plus indulxit. In utraque parte vehementi viro modus decrat, nec intermittere studia sciebat, nec repetere. Quam se ad scribendum concitaverat, jungebantur noctibus dies, & sine intervallo gravius sibi instabat, nec desinebat, nisi defecerat. Rursus cum se dimiserat, in omnes lusus, & in omnes jocos se resolvebat. Cum verò se sylvis montibusque tradiderat, omnes illos agrestes in sylvis ac montibus natos laboris patientiæ ac venandi solertiæ provocabat, & in tantam sic vivendi pervenerat cupiditatem, ut vix posset ad priorem consuetudinem retrahi. At quum sibi manum injecerat, & se blandiendo, unde abduxerat, revocaret, tantis viribus incumberebat in studium, ut non tantum nihil perdidisse, sed multum acquisivisse desidia videretur. Et post pauca: Nulli tamen intermissio manifestius proderat. Quoties ex intervallo dixerat, multo fortius, violentiusque dicebat. Exultabat enim novato & integrato robore, & tantum à se exprimebat, quantum concupierat. Nesciebat dispensare vires suas; sed inmoderati adversum se imperii fuit. Ideoque studium ejus probiberi debebat, quia regi non poterat. Itaque solebat & ipse, quum se assiduam, & nunquam intermissam contentionem fregerat, sentire ingenii lassitudinem, que non minor est quam corporis, sed occultior. Corpus illi erat & natura solidum, & multa exercitatione duratum; itaque nunquam ardentis impetus animi deseruit: vox robusta, sed sordida lucubrationibus & negligentia, non natura infuscata; beneficio tamen laterum extollebatur, & quamvis inter initia parum attulisse virium videretur, ipsa actione accrescebat. Nulla unquam illi cura vocis exercendæ fuit. Illum fortis, agrestem, & Hispanæ consuetudinis morem non poterat dediscere: utcumque res tulerat, ita vivere, nil vocis causam facere, non illam per gradus parillatim ab imo usque ad summum perducere, non rursus à summa contentione paribus intervallis descendere, non sudorem unctione discutere, non latus ambulatione reparare. Sæpe cum per totam lucubraverit noctem, ab ipso cibo statim ad declamandum perveniebat. Jam verò cum rem inimicissimam corpori faceret, vetari nullo modo poterat. Post cænam ferè lucubrabat, nec patiebatur ali-

n Lib. 10. cap. 5.
Instit. orat.
o Vide Andream
Schotum in
Præfat. ad M.
Senecam de au-
thoritate & decla-
mandi ratione,
Alciatum lib. 4.
Parergon. 15.

alimenta per somnum quietemque equaliter digeri, sed perturbata & dissipata in caput agebat. Itaque & oculorum aciem confuderat, & colorem mutaverat. Vellit hic autem Plinius, qui lib. 20. cap. 14. de cumino agens, hunc eundem nostri colorem fuisse agnoscit. *Veruntamen* (ait) omne pullorem bibentibus gignit. *Ita certè ferunt Portii Latronis, clari inter magistros dicendi adfectatores, similitudinem coloris studiis contracti imitatos.* Putabis excogitatum ab Horatio idipsum de imitatoribus suis Epist. XIX. lib. 1.

— Quod si

Pallerem casu, biberent ex sanguine cuminum.

32. Sed ad Senecam redeamus. *Memoria, & natura quidem felix, sed plurimum adjuncta arte, nunquam ille quæ dicturus erat ediscendi causa relegat.* Edidicerat illa cum scripserat, cum id in illo magis mirabile videri possit, quod nec lenè & anxie, sed eodem modo, quo dicebat, impetu scribebat. Et mox: *In illo non tantum naturalis memorie felicitas erat, sed ars summa, & ad apprehendenda quæ tenere debebat, & ad custodienda; adeo ut omnes declamationes suas, quascumque dixerat, teneret.* Jam itaque supervacuus sibi fecerat codices. *Ajebat se scribere in animo. Cogitata dicebat, ita ut in nullo usquam verbo eum memoria deceiverit.* Historiarum omnium summa notitia. *Subebat aliquem nominari duce, & statim ejus acta cursu reddebat.* Recurremus iterum ad Senecæ hunc locum, qui totum posteris servavit Latronem.

33. Ex Hispania eum fuisse hinc aperte colligimus, immo & patriâ Cordubensem, civemque istiusmet Senecæ; cum contracte sibi cum eo à prima pueritia amicitie mentionem idem filiis injecerit. Frequentasse eum admodum juvenem (Romæ scilicet, ut existimo) Marillii Rhetoris ludum unâ cum eodem Seneca, ex iis, quæ hujus laudata verba ponere sequuntur, verbis novimus; primam itidem controversiam ibi declamasse, quæ hodie est prima libri hujus I. *Controversiarum.* Eo inde loco haberi cœpit, ut à Quintiliano p. primus clari nominis professor, sicuti & à Plinio clarus inter magistros dicendi, audiat. Marcus Seneca declamatores laudans, primum Tetradeum, hoc est excellentiorum, aliis quatuor constituit charum, in eoque loco nostrum appellat. *Primum Tetradeum* (ait) quorum faciam queritis? *Latronis, Tusci, Albutii, Gallionis.* Hi quotiens conflixissent, penes Latronem gloria fuisset, penes Gallionem palma; reliquos ut vobis videatur componite. Adhuc tamen eum magis extulit, cum in Proœmio lib. 4. aliàs 8. *Declamatorie virtutis unicum exemplum* appellare non dubitavit, dignum utique Augusto nonnunquam auditore, quod idem lib. 2. Contr. 12. refert. Ovidius quoque Naso Latronis admirator fuit, quem tam studiosè audivisse apud eundem Senecam q. dicitur, ut multas ejus sententias in versus suos transfunderet, cujus rei exemplum unumjatque aliud curiosè annotat. Quare qui aliquid non prorsus Latinum in homine subolebat Hispano exactissimi ingenii vir Messala; sua saltem lingua disertum esse, cum audisset eum declamantem pronuncians, auctore eodem Seneca, ingenium saltem homini concessit, sermonem quamvis eidem objecerit. Solatio esse poterat, quod Livio etiam miræ faciundia viro Patavinitatem quandam Asinius Pollio imputaverat, *Bibliotheca vetus Hispana Tom. I.*

ut Quintilianus refert lib. 8. *Instit. cap. 1.* Latronis etiam cum laude meminit Quintilianus lib. 9. cap. 2. ex declamatione quam non habemus.

34. Ex his qui ferè semper in scholæ umbra se continuerunt, *meditamentis*, seu *imaginibus judiciorum*, uti s. Fabius appellat, non veris causis additi, noster fuit. Oravit certè is aliquando ad populum pro Rustico Portio propinquo suo in Hispania, usque eò tamen confusus, auctore Seneca, ut à solacismo inciperet, nec antè confirmari potuit, *testum ac parietes desiderans, quam impetravit, ut judicium ex foro in basilicam transferretur.* Quod & Quintilianus lib. 10. cap. 5. *Institutionum* memorat. Idem contigisse oratorum coryphæo Demostheni, ac Theophrasto Eresio, testis est Ælianus lib. 8. *Varie hist. cap. 12.* In scholis sua illi vis inerat, ibi semper is declamabat, non discipulos exercentes se audiebat. Seneca iterum u: *Declamabat ipse tantum, & ajebat se non esse magistrum, sed exemplum.* Nec ulli alii contigisse scio, quam apud Græcos Nicetæ, apud Romanos Latroni, ut discipuli non audiri desiderarent, sed contenti essent audire. In re ipsa fuere qui putarint, fortiter quidem, sed parum subtiliter eum dixisse. Cum in illo (ait resumtus jam è proœmio libri primi Seneca) si qua alia virtus fuit, etiam subtilitas fuerit. Prosequiturque id formâ, quam in declamando servabat. *Id quod à nullo fieri animadverto, semper fecit. Antequam dicere inciperet, sedens, quæstiones ejus, quàm dicturus erat, controversiæ proponebat, quod summe fiducia est.* Ipsa enim actio multas latebras habet, nec facile potest, si quo loco subtilitas defuerit, apparere; cum orationis cursus judicium audiens impediatur, dicentis abscondat. At ubi nuda proponuntur membra, siquid aut numero, aut ordine excidit, manifestum est. Quid ergo? Unde hæc de illo fama? Nihil est iniquius his, qui nusquam putant esse subtilitatem, nisi ubi nihil est præter subtilitatem; & in illo cum omnes oratorie virtutes essent, hoc fundamentum tot & tantis superstructis molibus obruebatur. Nec deerat in illo, sed non eminebat. Et nescio an maximum vitium subtilitatis sit, nimis se ostendere. Magis nocent insidiæ quæ latent. Utilissima est dissimulata subtilitas, quæ effectu apparet, habitu latet. Et paullo post: Hoc quoque Latro meus faciebat, ut amaret sententias. Cum discipuli essemus apud Marillum Rhetorem, hominem satis aridum, paucissima bellè, sed non vulgato genere dicentem, cum ille exilitatem orationis suæ imputaret controversiæ, & diceret, necesse est me per spinosum locum ambulantes suspensos pedes ponere; ajebat Latro: non me hercle tui pedes spinas calcant, sed habent. Et statim ipse dicebat sententias, quæ interponi argumentis cum maxime declamantis Marillii possent. cum his quæ sequuntur de vario exercitationum ejus genere. Latro autem in declamationibus (alio loco x ait) semper contrabebat, & quicquid poterat tutò relinquere, præteribat. Itaque & quæstionum numerum minuebat, & locos nunquam atrabebat; illos quoque, quos occupaverat, non diu dicebat, sed valenter. Hoc erat itaque præceptum ejus, quadam declamatorem tanquam prætorem facere debere minuendæ litis causâ. Vehementiam ejus in epilogis idem celebravit y, & quod, cum scholastici magno clamore ex quadâ ejus controversia quicquam non ita laude digni

s Lib. 2. cap. 11.

t Proœm. lib. 4. aliàs 8.

u Lib. 4. aliàs 8. cont. 25.

p Lib. 10. cap. 3. l. 1. Orator.

q Lib. 2. cont. 10.

s Lib. 2. cont. 12.

x Lib. 3. aliàs 7. cont. 22.

y Lib. 3. cont. 19.

B

lau-

laudassent, inuestus fuerit in eos ut debuit.

35. Græcis quoque literis caruisse nostrum innuunt hæc ex lib. 5. ² *Hanc sententiam Portius Latro virilius dixit, qui non potest furio suspectus esse. Græcos enim & contemnebat & ignorabat.* Quoddam ejus quoque de coloribus controversiarum dictum refertur in ejusdem lib. 5. præfatione. Et nos collegimus quicquid ad Latronem, apud Marcum hunc, ejus sodalem, leguntur Senecam; non ea tamen illius fragmenta, sententias, colores, quæ partim ac per totum hoc *Controversiarum* opus ferè adducit. Propter hæc autem pulcherrimorum olim corporum membra adhuc in centone hoc Annæano spirantia tribuimus PORTIO LATRONI, *Controversiarum* opus fortè jam deperditum, cum ex cussa memoria Senecæ, non liber aliquis suppeditabat ei, quæ ore ipso Latronis ita se exercentis olim exceperat. Nam ad *Controversias* præfatus: *Nulli ferè (ait) commentarii maximorum declamatorum exstant, aut, quod pejus est, falsi.* Sed meminit idem orationis, quam opposuit Latro ejusdem Messalæ, qui peregrinitatis eum insinulaverat, *Pythodoro*. Quo enim alio sensu hæc intelligam è *Controversia* XII. lib. II? *Non tulit hanc contumeliā Latro, & pro Pythodoro Messalæ orationem disertissimam recitavit, quam suasoriam Theodoro declamavit per triduum.* Tam obiturnum nobis est quisnam *Pythodorus* Messalæ, quam quisnam *Theodorus* triduanæ hujus orationis auditor fuerit. Nec nisi vanam ostendit spem subjungens: *quæ dixerit suo loco reddam, cum ad suasorias venero.* Nihil horum enim in *Suasoriarum* libello repræsentatum ab eo legimus. Huic loco immittere tentavit lucem Joannes Fridericus Gronovius ita legens: *Orationem disertissimam recitavit, suæ composuit Suasoria, quam de Theodoro declamavit per triduum.* Messalæ opus disertissimum (ut Gronovio placet) feriumque ludicro opposito superare contendit opere. Quod neque faticapio, & discedit nimium à vulgata scriptura. Sed sicut Latronis fuit opposita Messalæ parum æquo judicio hæc oratio; ita non hujus, sed Capitonis de Popilio, eam, quæ Latroni subiciebatur, fuisse, Marcus idem Annæus Seneca, qui Portii rerum prora & puppis est, in quinti libri præmio disertè admonet. Cujus Capitonis ex ea oratione adducta nonnulla controversiâ XVII. quæ de Popilio est Ciceronis interfectore, lib. 2. *Controversiarum*, qui alias septimus audit, legi possunt.

36. Latronis titulo insignitam *Adversus Catilinam* orationem exstare novimus. Sed eam tanto viro indignam existimat Vossius *De nat. & constit. Rhetor.* cap. 15. Gaspar autem Barthius lib. 24. *Adversar.* cap. 5. nil dubitat quominus sit genuina, cujus & declamationis quedam corrigit explanatque. Quamvis idem lib. 50. cap. 9. ambiguum se esse, utrum albâ, an nigrâ lineâ signet, ingenuè fateatur. *Certè nec personam suam sustinere videtur* (ait) *nec omnino pessimi est ingenii.* Editam vidimus cum Sallustii operibus. Hic autem tantus vir, cui naturâ datum fuerat sic vehementer, cui rei applicuisset, velle, tamque pulchra & fortia de simulacris istis præliorum (sic enim ab Agellio ^a gymnastici hi sermones audiunt) excogitare ac dicere, cum de se ipso deliberandum fuit, imbecilliolem, & non suæ,

nec Hispanæ virtutis animum ostendit; nisi mortem sibi consciscantibus aliqua apud ethnicos fortitudinis laus constiterit, quod negaverit Lucius Seneca Christianæ ac veræ disciplinæ propugnator, *Marcus Portius Latro* (ait Eusebius in *Chronico*) *Latinus declamator, tedio duplicis quarantæ se interfecit.* Duobus scilicet ante Christi Salvatoris natalem annis, Octaviani Augusti quadragesimo.

37. Laudantur in eodem *Declamationum* systemate ab Hispano auctore nostræ gentis alii, quibus hæc eadem professio declamandi in certaminibus hujusmodi Rhetoricis placuit. CORNELIUS nempe, sive propter originem, sive cognomine dictus HISPANUS, QUINTILIANUS, VICTOR STATORIUS: quibus ex conjectura JUNIUM GALLIONEM, ac TURRINUM CLODIUM adjungimus. Dicitur à nobis jam de his omnibus, Quintiliano excepto, qui seorsum propter difficultates hujus nominis tractari meretur. CORNELIUM HISPANUM sæpe Marcus Seneca, sive HISPANUM CORNELIUM, solenni apud alios commutatione nominum ^b, nec semel HISPANI tantum nomine, in *Suasoriis* & in *Controversiis* ad partes advocat, non sine laude. Culpavisse tamen quendam ejus colorem prudentes, controversiâ XVI. lib. 3. ^c adnotat. Nationum nominibus, sicut & urbium, satis scio quandoque appellari solitos, qui ad eas non attinerent. neque enim Gallos omnes (quod frequens Romanis fuit cognomen) è Gallia oriundos, neque Afros Græcosque ex Græcia aut Africa necessariò fuisse dixeris. Græcum Arelatensem Episcopum, ad quem Sidonius scribit ^d, & Syrum natione Alexandrinum, hoc est Ægyptium, qui Nestorem scriptis impugnavit, à Gennadio *De scriptoribus Ecclesiast.* cap. 81. laudatum nominasse abundè erit, unâ cum Setabensis in Valentino regno urbis hac inscriptione ^e.

CORNELLÆ
P. F.
PROPINQVÆ
CHALDÆA Q. F.
VERECVNDÆ
MATER.

At è contrario desumptas à loco, unde quæque in urbem processisset, familiarum Romanarum appellationes, post Sigonium Panviniumque, nihil veriùs esse contendit magni judicii atque eruditionis, paucos inter nostræ ætatis, medicus Germanus Thomas Reinesius in quadam Epistola ^f. Cum ergo Cornelium hunc aliundè fuisse nemini in mentem venerit; compellatio equidem haud trahit nos, sed ducit ad pronunciandum pro Hispanis ejus natalibus, aut saltem origine.

38. De VICTORE STATORIO res clara est. Audiamus Senecam in *Suasoria* secunda, sive apud eum trecentos illos, qui ad Thermopylas adversus Xerxem constiterunt, Laconas, variorum Rhetorum verbis, mansurine, an fugam arrepturi essent, deliberantes. *Decentissimi generis* (ait) *stultam sententiam referam Victoris Statorii municipis mei, cujus fabulis memoria dignissimis aliquis suasoria occasione contradictionem sumpsit.* At (inquit) *trecenti sumus, & ita respon-*

^b Videndus Gronovius in Notis ad *Suasoria* 6. in fine.

^c Alias septimi in excerptis.

^d Lib. 6. ep. 2. lib. 7. ep. 2. 7. & 11. lib. 9. ep. 4.

^e Apud Escorlanum in Hist. Valent. lib. 9. cap. 18.

^f 30. ad Christoph. Adamæ Rupertum paginâ 263.

^a Lib. 7. c. 3. Noct. Attic.

respondet (Victor scilicet) *sed viri, sed armati, sed Lacones, sed ad Thermopylas. Numquam vidi plures trecentos.* Cujus testimonii subobscuri aliàs sensus ^g, id saltem nos verba manifestè docent, Victorem Statorium, & Cordubæ natum fuisse, & fabulas memoriâ dignissimas scripsisse. Quod de *Suasoriis*, aut *Controversiis*, utroque declamandi argumento, intelligere possumus. Nihil enim sonare diversum dixeris à fabularum appellatione, Græcorum *πλάσματα* *fictiones*, aut *πλασματικὸς λόγος*, *fictionis sermones*. quæ tam Gregorius Nazianzenus, quàm Photius Codice 61. hanc ipsam rem innuentes usurpare. Sive *Fabulas* de quibuscumque, etiam non fictarum rerum, compositionibus, dictum existimes. Eo enim nos origo ducit vocabuli, & proba exempla, quæ observaverunt Philologi etymologiarum notatores ^h; *λαλῶν* seu *λαλῶν* loquelas, à *λαλέω* loquor, uti à *fabulando*, *fabulas*, eodem modo dixisse posterioris ævi scriptores Græcos, cum de his loquerentur declamationibus, docet nos *De Rhetoricæ natura & constitutione* 16. capite Gerardus Joannes Vossius.

39. JUNIUS GALLIO ejusdem Marci Senecæ familiaris valdè fuit. Propinquum Martinus Ant. del Rio conjectatur ⁱ, aut Senecæ ipsius de quo loquimur, fratrem, aut Helviæ ejus filix conjugem, ut & hujus filium Novatum adoptaverit, qui deinde JUNIUS audivit ANNÆUS GALLIO, utriusque familiæ complexus nomina. Ita namque eum Eusebius vocat paullò post referendus, qui egregium declamatorem fuisse ait. Duo igitur GALLIONES, germanus alter, adscitus in hanc familiam alter, Marci Senecæ filius natu maximus, Lucii Senecæ frater; cui quidem hic sub Novati adhuc appellatione libros *De ira* nuncupavit, quemque pater Marcus similiter appellat, Novato, Senecæ, Melæ filii *Controversiarum* libros I. 7. ac 10. inscribens. Agimus nunc de JUNIO GALLIONE, quem Quintilianus ^k *paterem*, Marcus item Seneca *nostrum Gallionem* sæpius vocat ^l. Hunc vidimus paullò antè primo in Tetradeo declamatorum, unà cum Portio Latrone, Tufco, & Albutio à Seneca positum, aded ut si conflixissent, penes Latronem gloria fuisset, penes Gallionem palma. Quibus si constat verbis sensus aliquis, nonnihil Gallioni quàm Portio felicioris aut vehementioris eloquentiæ consignatum iis videtur. Miror cespitasse hic Gerardum Joannem Vossium, qui *De natura & constitutione Rhetoricæ* cap. 15. celebratum hoc testimonio à Marco parente existimat Gallionem, sive Novatum filium; planè oblitus scribere eum ad Novatum ipsum cum aliis duobus filiis *Controversiarum* libros, dum adhuc adolescentes & immaturi essent. Laudat idem declamatorum censor Gallionis dictum lib. 11. Controvers. 9. de Othone Junio loquens: *Edidit quidem quatuor libros Colorum, quos bellè Gallio noster Antiphontis libros vocabat. Tantum in illis somniorum est.* Antiphon Atheniensis *De somniis* scripsit, ut ex Fulgentio *Mythologiarum* lib. 1. constat, ubi de Apolline & lauro agit, cujus verba restituit Reinesius jam laudatus lib. 3. *Variar. lect.* cap. 11. ^m Ejusdem auctoris & scripti Suídas meminit. Apud eundem Senecam ⁿ celebratur Gallio, inde ut videtur, quod sordidis etiam *Bibliotheca vetus Hispana* Tom. I.

verbis appositè uteretur. Hoc nemo præstitit unquam (ait) Gallione nostro decentius. Jam adolescentulus, cum declamaret, aptè & convenienter & decenter hoc genere utebatur. Quod eò magis mirabar, quia tenera ætas refugit omne, non tantum quod sordidum, sed & quod sordido simile est. Refert idem Gallionis jocum, sive responsum Messalæ datum de Nicete, ad finem *Suasoriæ* tertiæ, atque item alibi sententiam laudat ab eo dictam, cum de tollendis trophæis Perficis Atheniensibus deliberantibus in *Suasoria* V. tollenda solus contenderet. Hoc loco (ait) disertissimam sententiam dixit, quæ vel in oratione vel historia poniatur. (de Xerxis nempe militibus) *Distius illi perire possunt, quàm nos vincere.* De quo refert Dio Cassius lib. 58. *ῥέλιον Γαλλίου Γαλλία* falso cognomine auctum vocat, transversum agens Del-rium nostrum in *Prolegomenis ad Senecam*. Gallio fortasse est ille, ad quem Ovidius Augusti ævo direxit elegiam IX. quarti libri *De Ponto*. Tinnitum, quem in oratione tribuit Gallioni scriptor libri *De causis corruptæ eloquentiæ*, ad hunc referri forsân debet: quem admodum & S. Hieronymi ad cap. 8. *Isaiæ* testimonium *disertissimi oratoris* Gallioni præstitum, quamvis junioris hoc fuisse elogium vero mihi similis est.

40. Sub Tiberii imperio, quo, ut credimus, præcipuè floruit, ob intempestivam sententiam de militibus Prætorianis, actis stipendiis, ad quatuordecim gradus equitum in spectaculis admittendis, *cursu statim, deinde Italiâ exactus* à sævissimo Principe; & quia *incusabatur* facile toleraturus *exsilium delectâ Lesbos insula nobili & amœna, retrahitur in urbem, custoditurque domibus Magistratum.* C. Cornelio Tacito auctore. De reditu nihil dicitur. ^o Lib. 6. Ann. Adoptavit Gallio Novatum Senecæ in filium, non ante Caji tempora, sub quo libri *De ira* scripti sunt, ac Novato inscripti. Hunc Hispanum ex conjectura fecimus. Unde enim nostrum propriè magis quàm ex communi patria, sive ex propinquitatè, M. Annæus appellet? ante adoptionem scilicet Novati, cum *Controversiarum* formandis insisteret libris. Nec declamator tantum ejus famæ fuit, quam diximus, sed & *De Rhetoricâ* scripsit, Quintiliano attestante lib. 3. *Instit. orator.* cap. 1. *Scripsit de eadem materia non pauca Cornificius, aliqua Stertinius, non nihil pater Gallio; accuratè verò priores Gallione Celsus & Lenas, & ætatis nostræ Virgilius, Plinius, Rutilius.* Hec ille. Diversus est Junius Gallio, uti jam diximus, sive Junius Annæus Gallio, de quo nondum tempus est huic commentario memoriam consignare.

41. Pro. TURRINI CLODII patria Hispana locum subinde representare Marci ejusdem Senecæ fati, ut alii æstiment. Solebat declamare studiosè (ait in Prefatione lib. 5. aliàs 10.) *Turrinus Clodius, cujus filius fraterno nobis amore conjunctus est, adolescens summæ eloquentiæ futurus, nisi mallet exercere quantum habet, quàm sequi quantum consequi posset. Sed Turrinus Clodius multum de viribus renaserat, dum Apollodorum sequitur, & summam legem dicendi etiam putat. Tantum tamen illi superfuit virium, quantum valeret, etiam si ars adesset. Sententias dicebat excitatas insidiosè aliquid petentes. Numquam non de colore Latroni*

^g Vide Grovium in Notis.

^h Vossius in *Erymologia*. Martinus in *benico*.

ⁱ In *Prolegom.* ad *Sen. Tragedias* lib. 2. c. 3.

^k Lib. 3. *Instit.* cap. 1. lib. 9. c. 2. ^l *Suasoria* 3. lib. 2. cont. 9. & 13.

^m Pag. 332. ⁿ In proœmio & aliis 7. cont.

controversiam fecit. Latro nunquam solebat disputare in convivio, at aliquando declamare ex tempore solebat. Dicebat quosdam esse colores prima facie duros, asperos, eos non posse nisi actione probari. Negabat itaque ulli placere posse, nisi totum nossent, se & suas vires, & illorum fiducia aliis metuenda & prærupta evadere. Multa se non persuadere iudici, sed auferre. Turrinus contra, nihil probare nisi tutum, non quia imbecillus erat, sed quia circumspectus. Causas nemo proposuit diligentius, nemo respondit paratius. Et pecuniam itaque & dignitatem quamprimum (Gronovius mavult primam) in provincia Hispania habuit, eloquentiæ debuit. Nam quidem erat patre splendidissimo, avo Divi Julii hospite; sed civili bello attenuata domus nobilis vires excitavit, & ita ad summam perduxit dignitatem, ut siquid illi defuit, scias locum defuisse. Inde filius quoque ejus, idest meus (nunquam enim illum à vobis distinxi) habet in dicendo paternam diligentiam, quæ vires ex industria retundit. Hoc & in ipso genere viri sequitur, ad summa evasurus juvenis, nisi modico contentus esset. Ideo dignus est cujus tam modestis cupiditatibus fortuna præstet fidem. Hæc Seneca. Summa hæc inter utramque familiam necessitudo, hospitem fuisse Julii Cæsaris avum. Turrini, dignitas ob hoc in Hispania exercita, nonnihil favent suspicioni de patria ejus nostræ.

42. Declamatoribus à Marco Seneca laudatis, Poëtam, & ipsum in monumentis hujus Rhetoris tantum superstitem, adjungemus. Is est SEXTILIUS HENA, de quo quid vetustas ad nos transierit, ex *Suasoria* nostri VII. seu *Historicorum de Cicerone* elogium habeto: Sextilius Hena fuit homo ingeniosus magis quam eruditus, inæqualis Poëta, & penè quibusdam locis talis, quales esse Cicero Cordubenses Poëtas ait, pingue quiddam sonantes atque peregrinum. Is hanc ipsam proscriptionem (Ciceronis) recitaturus in domo Messalæ Corvini, Pollionem Asinium advocaverat, & in principio hunc versum non sine assensu recitavit:

Desseendus Cicero est, Latineque silentia lingue.
Pollio Asinius non æquo animo tulit, & ait:
Messala, tu quid tibi liberum (an libitum) in domo
tua videris: ego istum auditurus non sum, cui
mutus videor; atque ita consurrexit. Huic interfuisse recitationi (ita Lipsius corrigit vulgarem lectionem nullius sensus in Epistola quadam ad Othonem Hartium *De recitatione veterum*) Scriverum quoque Cornelium scio, cui non æquè displicuisse hunc versum, quam Pollioni apparet, quod meliorem quidem, sed non dissimilem illi, & ipso composuit. Invenit scilicet illud:

Conticuit Latia rursus facundia lingue.
Hæc de Sextilio Hena.

43. Hos inter, quibus olim declamatio instetit, quorumque monumentis hinc inde excerptis constant Marci Senecæ *Controversiarum* libri, Quintilianus est, & semel tantum ab eo adductus in exemplum in controversia de illo, qui fingebatur debilitare expositos, ut per mendicantes eos debilitatos pecuniam ab aliis emungeret. Circa hunc sensum (ait P) est & ille à Quintiliano dictus. Nescio utrumne vos miserabiliores dicam, quod alimenta accipitis, an quod hinc datis. Accipitis enim, quia debiles estis, ei

dati, per quem debiles estis. Sed meminit & in Præfatione ejusdem libri non plenè laudans. Pertinere autem ad rem non puto, quomodo L. Magius gener T. Livii declamaverit, quamvis aliquo tempore suum populum habuit; cum illum homines non in ipsius honorem laudarent, sed in soceri ferrent. Quomodo L. Asprenas aut Quintilianus senex declamaverit. Transeo istos, quorum fama cum ipsis extincta est. Senem nisi appellasset, ut à juniore alio distingueret, inconvenienter loquutus videbatur. Proinde hunc juniorem M. Fabii Quintiliani parentem fuisse non nemo dixerit: alii eundem M. Fabium porro. Quintiliani cujusdam Tribuni plebis Cornelius Tacitus lib. 6. *Annalium* meminit sub Tiberio; cui quidem hunc Augustum exprobrasse juventam dicit; sed hunc esse illum, de quo solliciti sumus, quamvis conveniat ætas, nemo affirmare audebit. Fabium certè Quintilianum hujus declamatoris nepotem fuisse pluribus recentiorum arrisit. Nam præter Pithæum ac Thadæum Ugoletum declamationum illustratores, Gerardus Joannes Vossius, Andreas Schotus, aliique ita censent. Filium existimasse alios compertum quoque est; atque inde odium Quintiliani adversus L. Senecam Marci filium, quod Quintilianum illum seniore, M. Fabii, ut ajunt, parentem, ferè pro nihilo habuerit. Refert id Andreas Garfias Matamoros in Apologetico *De academiis & doctis Hispaniæ viris*; confundens tamen Lucium Senecam cum Marco ejus patre, Quintiliani depreffore. Quem errorem alio cumulavit vir disertus, cum existimavit declamatorem à Seneca contemptim habitum Afranium Quintilianum esse, qui cum aliis in Neronis necem conjuravit. Nam præterquam quod Quintilianus iste, non Quintilianus appellabatur, & senatorii ordinis erat, quod de Quintilianis non legitur, quo tempore M. Seneca in *Controversiis* de Quintiliano censuit, diem suum jam ille obierat, Afranius autem Quintilianus unà cum Seneca filio, Lucano, & aliis perduellionis adversus Neronem reis, diu post M. Senecæ obitum supplicio fuit impensus.

44. Planè huic, quam diximus, declamatoris cum M. Fabio propinquitati haud parum obstare videtur quod apud Eusebium legitur, M. Fabium Quintilianum Romam à Galba perductum. Unde colligitur eam familiam tunc primùm in Italiam venisse. Nec dissentit Angelus Politianus, quum ait, colligere se patrem Quintiliani eruditum virum fuisse, & in reipublicæ suæ administratione (Calagurim Hispaniæ urbem intelligas) honestissimè versatum. De Quintilianorum domo seu familia quod suspicantur Hispanam fuisse, vestigiis induci priscarum Hispaniæ inscriptionum, non tanti est, ut rem possit in tuto ponere, maximè cum vix sit, ut Quintilianus ille Tribunus plebis à Tacito memoratus, ex Hispana gente, exterius quantumvis urbe donatus, isti fuerit muneri impositus. Non ergo contendemus valdè pro asserendis hujus Quintiliani declamatoris Hispanis natalibus, cui M. Seneca tam parum favit; nec declamationes, quæ Quintiliani nomine inscriptæ circumferuntur, quæque Marcum Fabium auctorem non

q In præfatione
suarum editionum.
r Instit. Orator.
lib. 1. cap. 11.
& De Rhetor.
nat. & constit.
cap. 15.
s In Præfatione ad
Controversias.

t In Chronico
Neronis 12.
anno.

u Præfat. ad
Instit. Orato-
rias.

x Amb. Moreles lib. 9. Hist.
Hispan. cap. 27.

habent, huic quem abdicamus, adjudicare animus est. De quibus cum ad M. Fabium Quintilianum stylum vertamus, judicia virorum de re doctissimorum in medium producemus.

CAPUT IV.

De MARCO ANNÆO SENECA Lucii Senecæ parente. Diu is ignotus, atque à Silio distinctus. Sidonii Apollinaris carmen de Senecis obscurum. Pater Marcus Novati, Lucii Senecæ, Melæque. Novatus ab adoptivo patre Junius Annæus Gallio dictus. Annæus Mela Lucani poëtæ genitor. Duo Senecæ Martialis. Eiusdem ter memoranda domus Senecæ quare dicta? De Annæo cognomine & familia Cordubensi. Marci uxor, Lucii mater, Helvia, aliis Albina, non indocta femina. Marcus mirabili memoria. Suasoria ejus & Controversiæ. Quinam colores Rhetorum? De harum editionibus & illustratoribus. Antonii Covarrubiæ, Didaci fratris, & D. Francisci à Quevedo laus. Periisse proprias Marci Senecæ declamationes. Judicium de iis quæ exstant. Mortis ejus tempus.

45. **D**EBEMUS MARCO ANNÆO SENECAE jam laudatorum Rhetorum notitiam. Ferè enim (ait ille jam de suo ævo in præfatione controversiarum) nulli commentarii maximorum declamatorum exstant, aut, quod pejus est, falsi. Debet iis M. Seneca, quod ex eorum sententiis *Controversiarum* in isto opere, quod toties laudavimus, constructum famæ suæ monumentum faustè ac feliciter posteris dedicaverit. Habebimus nos ad invicem pro his gratias, simulque Hispaniæ nostræ ANNÆAM domum literis & virtute inclytam, Romanæque reipublicæ decorem maximum, asserere incipiemus. Diu quidem fuit ignotus vulgò literatorum Marcus Seneca: & quicquid ferebatur monumentorum Senecæ nomine inscriptum, vel ad Philosophum, vel ad Poëtam, opinione hominum referebatur. potuitque distinctio hæc Poëtæ ac Philosophi carmine hoc Sidonii Apollinaris inniti. Ad Felicem is excusat, y quod libello suorum *Carminum* nihil argumenti contineatur heroïci, aut severioris:

Non quod Corduba præpotens alumnis
Facundum ciet, hic putes legendum,
Quorum unus colit bispidum Platona,
Incassumque suum monet Neronem,
Orchestra quatit alter Euripidis, &c.
Pugnam tertius ille Gallicani
Dixit Cæsaris, &c.

Quibus versibus apertè laudantur Senecæ duo, alter Philosophus, alter Poëta, tertiusque Lucanus bellorum civilium descriptor. Ita credidit Xicho Polentonius, & Rudolphus Agricola, qui ad quasdam declamationes nonnihil subjecit explanationis, Lucius Marinæus Siculus² Gellio Bernardino laudato, Ferdinandus quoque Pincianus noster, cum ad Joannis Menæ vulgaris Poëtæ versum commentaretur², *Epithomæ Gesnerianæ* auctor. Alii nonnisi unicum agnoverunt Senecam, Rhetorem, Philosophum, Poëtam, è quorum numero est Jacobus Philippus Bergamensis: & quod plus est, Antonius etiam Possevinus, qui Lucio Senecæ

Declamationum librum, qui patris est, tribuit^b. b In *Supplem. Hist.* fol. 128. quod & olim credidit Joānes Saresberienfis lib. 8. cap. 13. *De nugis curialium*. Legantur (inquit de Seneca) *epistolæ ejus, libri de Beneficiis, aut Clementiæ*; illi quoque quos decem oratorum sententiis sub imagine declamationum scholarium illustravit. Qui autem primus meminit M. Senecæ Rhetoris, distinguendumque hunc à filio Philosopho, Raphaël Volaterranus est in *Ambropologia*, quem sequuti sunt Alciatus libro 4. *Parergon* cap. 14. Ambrosius Morales lib. 9. *Hist. Hispan.* cap. 9. Lipsius lib. 1. *Electorum*, cap. 1. Andreas Schotus in *De auctore declamationum* statim laudanda *Dissertatione*: atque inde omnes qui de Senecis loquuti sunt; ut nefas hodie sit, *Declamationes* non illi siquis tribuat, uti Del-rius ait: Joannes item Ludovicus Vives Rhetorem Senecam alicubi laudans, videtur certè hujus sententiæ fuisse; quam quidem Joanne Bocaccio obtinente Franciscum Petrarcham tenuisse audivit, refertque Andreas Schotus in *Præfatione*, seu *Dissertatione* paullo antè laudata *De auctore Controversiarum*, ad editionem Parisinam anni MDCXIX. Philosophus verò distinguendusne sit à Poëta, alius erit differendi locus.

46. Sufficit nobis nunc pro vindicanda Senecæ Rhetoris memoria, tum Marci prænomen, tum distincta filiorum ejus mentio in controversiarum nuncupatione; necnon & ratio ætatis, quæ diversum necessario eum constituit à Lucio Annæo Seneca Philosopho. Marco inscribuntur controversiæ in antiquis libris Mss. (*Lucium* tamen, ex aliis fortasse, Martinus Antonius Delrius eredit, ut ex adductis ejus *Prolegomenis ad Senecæ Tragedias* constat.) cum extra dubitationis aleam sit Lucii prænomine appellatum Senecam Philosophum fuisse. Deinde is libros *Controversiarum*, quos superstites habemus, excepto secundo, filiis suis nuncupavit, quos disertè nominat *Novatum, Senecam, Melam*. quos ipsos Tacitus, quum Melæ meminit *Annalium* lib. 16. fratres vocat. Mela, quibus Gallio & Seneca, parentibus natus. Hos si distinxerimus, sigillatimque indicaverimus, palam erit Marco filium fuisse *Lucium Senecam* Philosophum. *Novatum*, sive *M. Annæum Novatum*, pater Marcus Annæus Seneca primum inter fratres appellat semper, natu esse maximum non obscure significans: quare & Lucius Seneca ejus frater, uti mox videbitur, sub *Gallionis* jam nomine, quod assumpserat ob causam paullo post subjungendam, in *Epistola CIV.* dominum suum non alio respectu appellasse videtur. Adoptatus hic *Novatus* à Junio Gallione, Marci patris amico, & fortè cive, ut cap. 3. annotavimus. quam adoptionem primus, ut existimo, subodoratus est, de ea enim clarè nusquam constat, Mart. Anton. del Rio in *Prolegomenis* laudatis *ad Senecæ Tragedias*, quem omnes alii sequuntur, Schotus, Lipsius, ceteri. Assumpsit sibi adoptivi patris nomen, dictus inde *Junius Annæus Gallio*, de quo & loco suo agemus. Seneca ergo post *Novatum* à patre appellatus, *Lucius* est Philosophus, & Neronis præceptor; *Mela* demum postremus omnium dictus *Annæus Mela* est, Lucani pater, de quo & mox.

47. Hi tres cum absque ulla dubitatione Tacit-

y Carm. 9. v. 227.

2 De laudibus Epist. lib. 6.

3 Copia 224.

Tacito affirmante fratres sint, filiique à Rhetore disertè appellati, manifestissimum jam cuique redditum est, seniore Philospho hunc Senecam declamatorum laudatorem, parentemque ejus & fratrum fuisse. Quod quidem ætatis ratio adhuc magis confirmat. Seneca hic, de quo nunc quærimus, Marco Ciceroni ævo æqualis fuit. *Omnes* (ait^d) *magni in eloquentia nominis, excepto Cicerone, videor audisse. Nec Ciceronem quidem etas mihi eripuerat, sed civilium bellorum furor, qui tunc totum Orbem pervagabatur, intra coloniam meam me continuit. Alioquin in illo atrio, in quo duos grandes pretextatos ait secum declamare solitos, potui illud ingenium, quod solum populus Romanus par imperio suo habuit, cognoscere, & quod vulgò de alio dici solet, sed de illo propriè debet, potui vivam vocem audire.* Adolescentem prorsus jam fuisse oportet eum, quem domi, non tenera, sed cauta ætas, belli civilis discriminum continuerit, ne Romam veniret, maturum utique studiis Rhetorum dijudicandis. Cicero autem Tullius anno Augusti Imp. primo, Hirtio & Pansa Cols. (Eusebio ac *Dialogi de oratoribus* auctore notantibus) fuit occisus. A quo tempore usque ad xiv. Neronis annum Senecæ Philospho fatalem, anni intercesserunt non minus quàm septem supra centum, scilicet Augusti lv. Tiberii xxiii. Caligulæ iv. Claudii xiv. Neronis usque ad Senecæ obitum xi. qui collectim annorum cvii. summam prius dictam conficiunt; quibus adjungendi sunt ii, quos in ætate habuisse credendus est Rhetor noster, quando de Cicerone actum fuit. Itaque necessariò eò veniendum est, ut aut Senecam, si unicus est ex Rhetore & Philospho compactus, plusquam cxx. annis vixisse, aut alterum Rhetorem, alterum ab eo diversum Philosphum fuisse admittamus.

18. Hi ergo duo Senecæ, quibus gloriatur Corduba, nempe *Marcus Amæus* noster, ejusque filius *L. Amæus Seneca*, quosque innuere voluit Martialis Liciniano^e scribens:

*Duosque Senecas, unicuique Lucanum
Facunda loquitur Corduba.*

non verò Philosphus & Poëta, ut aliquo tempore, Sidonii forsàn fide, uti jam diximus, fuit existimatum; de cujus testimonio quid censerì debeat, cum Senecam Poëtam aliquem à Philospho distinctum haud fuisse comprobemus, locus erit monendi opportunus. Neque est, ut *ter numeranda Senecæ domus* apud eundem Martialem huic numero opponas, nam epigramma illud xl. lib. 4. unde ista sunt:

*Arria Pisonum stabunt cum stemmate toto,
Et docti Senecæ ter numeranda domus.*

Prætulimus tamis solum te Postume rebus, &c. vel ad tres fratres germanos *Senecas*, Marci Rhetoris filios, quos jam memoravimus, *Novatum*, sive *Gallionem*, *Lucium* ipsum *Senecam*, & *Melam*, referendum est (quò inclinare videtur Martinus Antonius del Rio^f) vel, quod magis credimus, *ter memoranda* Græcà imitatione, pro valde memoranda Martialis dixit: quam vim apud Græcos *τρίς* habet, & Galli usurpant *tres* pro nota superlativi, uti Martialis docent interpretes, Erasmusque in *Adagiis* g. Eaque magis ad propositum Poëtæ interpretatio est. imputat enim Posthumus, quòd solum eum fre-

quentaverit, relictis domibus C. Pisonis, Senecæque; cum in Pifone *clarus apud vulgus rumor, & adversus amicos largitas* (uti de eo Tacitus loquitur) in Seneca Neronis alumni favore invitarent.

49. Marcus hic Seneca Cordubæ natus fuit, quam quidem nobilissimam Bætica provincie urbem *colonie sue* appellatione in adducto jam testimonio innuere voluit. Ea enim, quæ olim Corduba vernaculo gentis nomine audiebat, inter primas, sive, ut Strabo refert, ^h prima Romanis colonia facta est deductis eò Romanorum selectissimis, atque ideo *Patricia* cognominata, ut ex lapidibus & numismatis ibi repertis effulsque antiquarii monent. Ex *Amæa* gente eum fuisse, nomen ejus indicat, filiorumque, & Lucani nepotis; equestri eâ, ut ex Philosphi ad Neronem apud *Annalium* scriptorem^k verbis constat. *Amæos* ab *annis* dictos fuisse haud est à vero absonum, sicut *Senecas* à senectute: nam *senicam* pro sene usurpatum olim, Pomponii testimonio Nonius Marcellus docet^l. Ternerè igitur Ambrosius Morales lib. 9. *Hisp. cap. 9.* à *senecando* vocabulum Senecæ innocuum derivat. In quo præverunt ei alii: siquidem Joannes Gualensis Franciscanus in Florilegio *De vita & dictis illustrium Philosphorum*, quem Lucas Wadingus edidit, id ipsum ex aliorum sententia inculcat cap. 17. partis 4. Senecæ nomine appellatus apud Nicephorum in chronologia Patriarcha Hierosolymorum decimus. *Amæum* an *Anneum* dixeris rectius, in *Prolegomenis ad Tragedias* lib. 1. cap. 1. Del-rius quærit, & Arnaldus Pontacus ad *Eusebium* notis^m. *Helviam* duxisse uxorem *Murcum*, ex *Consolatione* ad eam conjugem jam orbatam Lucii Annæi filii constat. *Albinam* alii vocant, de quo Del-rius. In antiqua *& severa domo* hæc instituta (ut ejusdem Senecæ verbis utar) patre adhuc superflite fuit, cum, amisso jam olim M. Seneca marito Lucii filii in Corsica exfulis officio sublevaretur. Immo & Annæus Mela, si vera dixerit vetus auctor *de Lucani* hujus Melæ filii *vita*, apud quem, & Lucanum ipsum Cordubæ natum, octimestremque Romam fuisse translatum legimus. Nisi Marcus in urbem veniens filios Cordubæ reliquerit: Venit ergo Augusto non dudum imperante, cum, nisi hoc sit, Pollionem Asinium, & viridem, & jam senem (quod in proemio quarti libri ait) vix audire potuerit. Extinctus enim Asinius fuit octogenarius anno Augusti xlvii. in Urbe. Ex libello Lucii Senecæ *De consolatione ad Helviam matrem* constat etiam Helviam ab studiis bonarum omnium artium non alienam fuisse. *Utinam quidem* (ait) *virorum optimus pater meus, nimis majorum consuetudini deditus voluisset te sapientum præceptis erudiri, potius quàm imbui; non parandum tibi nunc contra fortunam esset auxilium, sed proferendum. Propter istas, quæ literis non ad sapientiam utuntur, sed ad luxuriam instituntur, minus est indulgere studiis passus. Beneficio tamen rapacis ingenii plusquàm quàm pro tempore haussisti. Jacta sunt disciplinarum omnium fundamenta.*

50. Ea forsàn comite & filiis venit Romam primum, Augusto imperante, Marcus Annæus Seneca: nam & filios in patria susceptos fuisse, Lu-

^d In *profat.*
lib. 1. *Controv.*

^h lib. 3. *Geograph.*

ⁱ Morales In *Antiquitatib. Hispan.* ubi de Corduba, & *De Corduba Antiquit.* Ludov. Nonnius in *Hispania sua* cap. 19. Roa de *Corduba Principatu.*
^k lib. 14.
^l *De propriet. serm. c. 1.* Verbo *Seneca* §. 59.
^m pag. 579. ubi de Lucano.

ⁿ Pag. 579. ubi de Lucano.

^e lib. 1. ep. 62.

^f In *Prolegomenis ad Tragedias* lib. 2. cap. 2.

^g Prov. Ter. pag. 451.

Lucium scilicet, multoque magis Gallionem, seu Novatum primogenitum, ex eadem *Consolatione* manifestum est. Sub Marillio Rhetore unâ cû Portio Latrone navavit eloquentiæ studiis sedulam eam, quæ in *Controversiarum* emicat libris, operam; cuius Marillii sententiarum gemmulis libros illos multis ornavit locis, præceptorem eum alicubi appellans. ^m Adjuvum ad hæc & quævis alia studia, præter ingenii perspicacis, maturique ac subacti iudicii dotes, memoriâ stupendâ, & quæ in miraculum procederet. Nam & duo millia nomina recitata, quo ordine erant dicta, reddere, & ab his qui ad audiendum præceptorem communem convenerant, singulos versus à singulis datos, cum plures quàm ducenti efficerentur, ab ultimo incipiens usque ad primum, recitare solebat. ut ipse de se ait in præfatione *Controversiarum* ad filios. Quâ quidem, licet ætate jam tum quassatâ, ut ibidem queritur, adhuc tamen admirabili gaudebat, cum præfatum *Controversiarum* opus, eorum quos audierat, Rethorum dictis coagmentatum, non ex commentario aut scripto aliquo, sed exinde, tanquam ex ditissima penu depromeret. Eloquentiam unice dilexit. Cui quidem additum, exemplo suo, vixisse inter alios Melam filium gratulatur ei in præfatione secundi libri. Apponam verba ipsa, ne, cum possum ejus elegantissimis, utar meis. *Hæc eò libentiùs, Mela fili charissime, refero, quia video animum tuum ab civilibus officiis abhorrentem, & ab omni ambitu aversum, hoc unum concupiscentem nihil concupiscere, ut eloquentiæ tantum studeas.* Et statim: *Nec est quod infidias putes tibi fieri, quasi id agam, ut te bene cedentis studii labor teneat. Ego verò non sum bonæ mentis impedimentum. Perge quò inclinât animus, è paterno contentus ordine subduc fortunæ magnam tui partem. Erat quidem tibi majus ingenium quàm fratribus tuis (audis?) omnium bonarum artium capacissimum; est & hoc ipsam melioris ingenii pignus, non corrumpi bonitate ejus, ut illo male utaris. Sed quoniam fratribus tuis ambitiosæ curæ sunt, foroque se & bonoribus parant, in quibus ipsa quæ sperantur timenda sunt, ego quoque aliquando ejus processus avidus, & hortator laudatorque, vel periculose, dum honeste modò, industriæ, duobus filiis navigantibus in portu retineo.* Hæc ille, ut bene credas audire te Senecæ Philosophi patrem. Cuius quidem Rhetoricum opus ex quo è tenebris in lucem hominum venit, haud parum fuit exillimationis consequutum.

51. Dividitur id in SUASORIAS, & CONTROVERSAS. *Suasoriæ* declamationes sunt, seu exercitationes scholasticæ super materiis ad deliberandum propositis, ex historia nempe desumptis, exque non modò Poëtis utilissimæ, aut Historiarum futuris scriptoribus, Quintiliano teste, ⁿ verùm & oratoribus, hoc est veras causas agentibus, necessariæ. Libellus hic septem tantum *suasorias* continet. *Controversiarum* autem quinque habemus integros libros; fragmenta verò decem librorum; nam totidem fuerunt. Tertius qui nunc est integrorum, septimus fuit, quartus octavus, quintus item decimus: primus & secundus in ordine suo stant, quod ex fragmentorum systemate perspicuum redditur. Quare M. Senecam postmodum edi-

turis suadet in præfatione Amstelodamensis omnium utriusque Senecæ operum editionis Joannes Fredericus Gronovius, eo ordine utantur, ut iis numeris, quibus ab auctore sunt dispositi *Controversiarum* hi libri, eos reddant, subicientes integris eorum excerpta, & ubi illi deficiunt, excerpta tantum. Harum declamationum, causarum scilicet (uti jam diximus) forsensum in scholis velitationum, non ipse auctor est Seneca, sed compilator. Quicquid enim super iis controversiis ab his declamatoribus audiverat, quos filii non fuerant per ætatem consequuti, memoriaque retinebat, ipse id totum in eas conjecit, nec semel de aliorum dictis censuit. de qua re multis ipse in proœmio totius operis. At unamquamque controversiarum, genusque scribendi, trifariam dividit: primò ponit accusationem & defensionem rei, aut è converso, deinde divisionem causæ in quæstiones, quæ in ea factæ ab iis sunt, tertio colores, quibus usi. Colores intelligo prætextus, & velamenta in causis excogitata ad culpam declinandam, quod totum dicentis ingenio, non aliqua ex instrumento defensione constat, ut Quintilianus docet. Quorum colorum quatuor li-

52. Quamdiu quidem pro eodem habitus est declamator & Philosophus Seneca, tanquam posterioris hujus essent, in lucem temporum *Controversiæ* perductæ sunt. Quando autem primum, dicere non ausim. Declamationes certè aliquot cum Rodolphi Agricolæ commentariis, Basileensibus formis. Bebelius anno 1529. edidit. Noviores editiones inter M. & Lucium senecam jam distinguunt. Sed five unius, five diversorum crediderint lucubrationes esse omnes Senecæ inscriptas, perpurgandis *Declamationibus* (sive *Suasoriæ* sint, sive *Controversiæ*) viri clarissimi navarunt operam. Laudantur quidem præter Agricolam nuper dictum Erasmus, Ferdinandus Nonius Pincianus, Nicolaus Faber, M. Antonius Muretus, Joannes Gruterus, Andreas Schotus, & omnium postremus Joann. Fredericus Gronovius. In Græcis autem verbis restituendis frustra se consuluisse Mss. codices Erasmus & Pincianus conquesti sunt; adeò corrupti erant omnes. Antonius verò Covarrubias noster, Didaci frater, vir Græcè doctissimus, plura ex codice quodam eruta cum Petro Ciaconio Toletano com-

lib. 3. contr. 17.

o lib. 4. c. 2.

p lib. 2. contr.

q lib. 5. cont. 33.

lib. 3. deff. 11. cap. 8.

municaverat ; quem codicem Andreas Schotus ad manum habuit , atque item alterum *Excerptorum* Antonii Augustini Archiep. Tarracoenfis, quum ornandæ eidem Spartæ incubuit, notisque uberioribus obscurissimis præluere libris excogitavit, ex quo viderat Mureti positam in *Lucio* illustrando operam, eò quòd morte præoccupatus fuisset, in *Marco* cessare (non-nihil tamen hîc præstitisse Muretum Franciscus Bencius in editione Senecæ utriusque operum, cui immortalis ille fuerat, monet.) Usus ipse quatuor codicibus, Vaticano optimo, Augustodunensi, qui Jacobi Dalechampii fuit, Brugenique, & nescio quo alio. Quo tempore Nicolaus etiam Faber ex ingenio, & consultis dum taxat editionibus, sanasse hujus operis plura vulnera dicitur. Nec adhuc satis: nam & Gronovius sedulo hîc post omnes versatus, duobusque Isaaci Vossii Mss. usus exemplaribus, excerptorumque alio Huguenii, relinquere se etiam ipsum repurgandum Augiæ itabulum ingenuè fatetur. Harum declamationum illam, sive Suasoriam sextam, in qua deliberatur Ciceronis nomine, deceat ne eum rogare sospitatem suam ab Antonio, in Hispanum vertit sermonem elegantissimè D. Franciscus de Quedo Villegas, vir inter nos ingenio & eloquentia, nec minus eruditione clarus, adjunctis antiquorum à Marco Seneca laudatorum propria pulcherrima consultatione.

53. Perierunt quidem, ut & alia aliorum Rhetorum (quod ipse alicubi monet) *Declamationes* Marci propriæ; quarum una fuit ea quam M. Fabius Quintilianus laudat lib. 9. cap. 11. *Novi verò* (ait) & præcipue declamatores audaciùs, nec me hercle sine motu quodam, imaginantur, ut Seneca in *Controversia*, cujus summa est, quòd pater filium, & novercam inducente altero filio, in adulterio deprehensos occidit. Duc, sequor, accipe hanc senilem manum, & quocumque vis imprime. *Et paullo post*: Aspice (inquit) quod diu non credidisti. Ego verò non video, nox oboritur & crassa caligo. *Habet hæc figura manifestius aliquid. Non enim narrari res, sed agi videtur.* Hactenus ille optimus oratorum censor, qui *evidentiam* alibi appellat hanc figuram, libro nimirum 9. cap. 2.

f In præfatione toties laudata.

54. Quale autem iudicium & stylus harum controversiarum auctoris sit, Andreas Schotus prudenter monuit. Nihil nempe esse in lingua Latina, cum à Cicerone discesseris, scriptum purius atque elegantius: iudicium verò, quod semper fuit, estque perpauorum hominum, & acumen in aliorum ingeniis distisque censendis summum, ac illius proprium. *Dissentio igitur* (inquit) à viro qui memoria nostrâ Senecam hunc Rhetorem leviter doctum ac quasi proletarium appellat. Hæc ille. Martinus Antonius del Rio hic est, quem innuit in *Prolegomenis ad Senecæ Tragedias* lib. 2. cap. 2.

c Pag. 14.

55. Reperiuntur autem manu exaratæ in bibliothecis Veneta S. Antonii, teste Thomafino, cum additione scilicet, *Declamationes Senecæ Nicolai Trevetib.* Vixisse autem nostrum Senecam usque ad Tiberii ultima tempora ex eo suspicatur Lipsius, quòd in libris ejus Sejanianæ conjurationis mentio fit, nec locum indicat. Quare opus est ut qui lib. 2. Contr. 11. Lepidi

præceptoris Neronis meminerit, quem, & proprio tantum nomine in fragmento præfationis lib. 4. Lepidum appellavit, alterum Neronem ab Imperatore, cui præmortuus ipse fuit, diversum, cujusque præceptor Seneca fuit, significare voluerit. Nempe Tiberium Claudium Neronem Livie filie Augusti conjugem, ejusve filium ab Augusto adoptatum, ut post se imperaret, qui verè Claudius Tiberius Nero dicebatur, ut constat ex Aurelii Victoris *Epitome*, & libro aureo *De Cæsaribus*.

CAPUT V.

LUCIUS JUNIUS MODERATUS COLUMELLA Gaditanus, agrariæ rei scriptor celeberrimus, Lucii Senecæ equalis. Quisnam Volusius Consul, cujus ipse meminit? Romanus lapis ex conjectura emendatur. Columellæ patria. Siri condendis fructibus putei apud Baticos, nunc filios. Columella gens. Cælius Rhodiginus notatur. De agricultura auctores à Columella celebrati. Hujus De re rustica librorum commendatio. Cassiodorus corrigitur. Liber De arboribus non utique hujus operis pars. De hujus editionibus. Idem sit, an diversus; Moderatus Gaditanus Pythagoreus philosophus, Græcè qui scripsit, ambiguum. Gadiraus & Gaditanus idem. Gadare Palæstine, gentilis Gadarenus, non Gadaraeus.

56. SED antequam cætera domus Annæ decora in medium afferam, evocandus est è Tiberiano & Claudiano ævo in hunc ordinem clarorum scriptorum LUCIUS JUNIUS MODERATUS COLUMELLA Gaditanus, clarus ante alios agriculturæ magister & illustrator. Ætatem, quâ præcipue floruit, inde expungimus, quòd Senecis fratribus æqualis vixerit, Lucium Philosophum tunc viventem laudaverit, Gallionis familiaritate usus sit, ac post consulatum Lucii Volusii opus suum scripserit, de quibus singulis perfrictim agemus. Meminit is Senecæ lib. 3. cap. 3. de vineis verba faciens: *Sed & Nomentana regio nunc celeberrimâ famâ est illustris, & præcipue quam possidet Seneca vir excellentis ingeni atque doctrinæ, cujus in prædiis vinearum jugera singula, culleos octonos reddidisse plerumque compertum est.* Gallionem, ejusdem Senecæ fratrem ex adoptione ita dictum, sive mavis Annæum Novatum (nisi Junius fuerit ipse Gallio adoptator) compellat ipse amicissimè suum vocans in fine libri 9. *Quæ reliqua vobis rusticarum rerum pars superest, de cultu hortorum, Publi Sylvie, deinceps ita ut tibi, & Gallioni nostro complacuerat, in carmen* (inquit) *conferemus.* Adjunximus commentatum Columellam fuisse post Volusii consulatum, nam id ex ejus his verbis constat: *Sed & ipse nostrâ memoriâ* (septimo capite lib. 1. ait) *veterem Consulare, virumque opulentissimum Lucium Volusium asseverantem audivi, patris familias felicissimum fundum esse, qui colonos indigenas haberet.* Lucii Volusii cognomento Saturnini Consulatus meminit Plinius lib. 7. cap. 14. & 48. & Tacitus lib. 3. Annalium; sed, ne erres, duo *Lucii Volusii* fuere distincti à *Q. Volusio*, qui Consul fuit cum P. Cornelio Scipione anno Urbis DCCCIX. redem-

1 Apud Pan-
vinium hoc
anno.
2 Annal. 13.25

3 Ann. 1.30.

redempti orbis LVIII. Claudii Cæsaris secundo, ut ex fastis, & inscriptione¹ quadam, atque ex eodem Tacito² constat. Non hunc Quintum, sed disertè Lucium vocat Volusium noster, alterum scilicet, & antiquiorem, & Consulem, de quo Tacitus³: *Fine anni concessere vitæ insignes viri L. Volusius & Sallustius Crispus. Volusio vetus familia, neque tamen præturam egressu ipse Consulatum intulit, censoriâ etiam potestate legendis equitum decuriis functus, opumque, quæ domus illa immensum viguit, primus adcumulator.* Annus hic, de quo loquitur, annus fuit U. C. DCCLXXIII. quo Cofs. fuerit. M. Aurelius Messala & M. Aurelius Cotta, Tiberii Augusti sextus, Christi nati XXII. Hunc innuere voluit, veterem iccirco vocans consularem, sed suæ memoriæ, hoc est suæ ætatis, Columella; veterem, ut ab altero L. Volusio distingueret, qui superioris filius videbatur mihi fuisse, necnon & Q. Volusii Consulis pater, de quo supra monui.

7 Lib. 13. 30.

57. L. Volusius hic Junior, Q. Volusio, ut credimus, filio, & P. Scipione Cofs. triginta sex post illum seniore, tribus & novaginta annis natus obiit. quod apud eundem Annalium scriptorem legimus⁴. Quo adhuc in vivis agente scribebat, existimo, suum opus noster. Hunc etiam Volusium Consulem ponimus cum Plinio, sic eum interpretantes. *Marcus Perpenna, & nuper L. Volusius Saturninus* (ait libro 7. capite 48. *omnium; quos in consulatu sententiam rogaverant, superstites fuere. Perpenna septem reliquit ex iis quos Censor legerat. Vixit annis XCVIII.* Adjungere potuit uti Tacitus, Volusium xciii. vixisse. Conferre hunc locum cum isthoc ejusdem Plinii oportet ex eodem libro⁵. *Nuper etiam Lucio Volusio Saturnino in urbis præfectura extincto: notum est Cornelia* (sic lego pro, est Cornelia) *Scipionum gentis Volusium Saturninum, qui fuit Consul, genitum post LXII. annum.* De eodem homine utrobique agi, usurpatum illud temporis recentis adverbium persuadet, eò magis quòd vivacis & longævi argumentum sit senem sexagenarium parentem fieri potuisse. Scribebat Plinius sub Vespasiano, cujus filio Tito nuncupavit *Historiam* suam: nec verosimile est, quòd nuper vixisse, de Lucio Volusio seniore, hoc est, de eo dixerit, qui anno Christi XXII. hoc est ante quinquaginta, ut minimum, annos fato cesserat. At nihil Tacitus de præfectura L. Volusii junioris urbana, nec fuisse Consulis Quinti Volusii patrem, id quod, dum de rebus agit sub hoc Consule gestis, exprimere debuisset. Sed quod omissum à Tacito est, suppletum potius gratulemur Plinio, quàm ex silentio Taciti derogemus Plinio fidem.

8 Cap. 14.

58. Quintus tandem Volusius Saturninus, eo quo diximus anno Consulatu functus est cum P. Cornelio Scipione, qui ille ipse est Lucii Volusii è Cornelia filius in senectute genitus, de quo Plinius monuit. Ne autem id omittam, Quintum alterum Volusium Saturninum hic primus generavit, cujus Consulatum video in fastos relatum unà cum Domitiano Augusto, nisi idem fuerit cum Claudiani temporis illo Consule, quod vix crediderim, cum inter hunc & istum Consulatum anni intercesserint xxxv.

Bibliotheca vetus Hispana Tom. I.

Ignotus auctor fastorum à Cuspiniano adductus ita habet: *Domitianus XVI. & Saturninus.* qui lucem habet ab inscriptione Romana apud Gruterum⁶, ubi post alia:

2 Pag. 100. 1.

..... TETTIENVS SERENV COOPT.
IMP. CÆS..... AVG. GERM. XVI.
COS.

Q. VOLVSIVS SATVRNINVS
P. R. C. ANN. DCCCXLIV.

Scriptum crediderim hoc potius modo:

IMP. CÆS..... AVG. GERM. XVI.

Q. VOLVSIQ SATVRNINO COSS.

Nam intercidisse Domitiani nomen, & restituendum esse, *Germanici* titulus, quo in nummis⁷ dignoscitur, propter victorias à Suëtonio⁸ memoratas ab eo assumptus, & anni conditæ urbis nota (id enim significant singulares illæ P. R. C. nempe, POST ROMAM CONDITAM) in hujus imperium incurrentis, dubitare non sinunt. Conditæ urbis an. CMXLIV. si Sethi Calvisii calculum, aut saltem CMXLV si Panvinii fastos sequimur; cum XVI. isto Domitiani Consulatu concurrat. Cuspinianus aliquot annis discrepat. Et Suëtonius disertè ait⁹ consulatum eum XVI. cœpisse.

b Apud Pan-
vinium in Fa-
stis ad annum
U. C. 879.
c In ejus vita
cap. 6. & 13.

d Cap. 13.

59. Hunc Consulem alii vocant A. VOLVSIUM SATURNINUM, uti est apud Sethum (consuli potuit, sicubi exstat, lapis de vero prænomine) & fuisse hoc magistratu primum functum ante annos quinque, cum Domitiano XIII. asserunt. Quæ magis confirmant diversum eum à Q. Volusio Claudiani temporis. Dives opum hæc domus à L. Volusio, cujus recordatur Columella, vetere illo consulari, primum adcumulatorum, Lucii alterius parsimoniâ crevit, ita ut in exemplum innocuæ opulentia objecta Senecæ sit à Nerone, verbis Taciti¹⁰, moderationem ejus taxante. Paullò¹¹ hæc laxius, ut in re subobscura, ne ignoraretur, Columellam ante ann. Chr. XXII. Tiberiiq; Cæsaris vi. Romam ex Hispania, & Gadibus, unde erat domo, jam venisse: siquidem à Volusio, eo anno vitâ functo, præceptum Agriculture illud, quo de jam diximus, excipere potuit.

e Lib. 14. 56.

60. Gadibus enim natus ille fuit. Municipium iccirco Gaditanum nō semel suum appellavit; nempe lib. 8. cap. 16. *Ut Atlanticus faber* (de piscibus loquitur) *qui & in nostro Gaditano municipio generosissimis piscibus adnumeratur, eumque prisca consuetudine Zaum appellant.* Et lib. 10. *De cultu hortorum* metrico lactucarū laudās genera:

*Et mea, quam generant Tarteßi littore Gades,
Candida vibrato discrimine, candida thyrsos est.*

Item lib. 5. cap. 5. quum de M. Columella patruo agit, de quo paullò post dicemus. Beticam quoque provinciam suam innuere voluit, quum transmarinarum regionum appellans usum; in iis suarum meminit, ut in cap. 6. lib. 1. *Possunt etiam defossa frumenta servari, sicut transmarinis quibusdam provinciis, ubi puteorum in modum quos appellant firos, exhausta humus editos à se fructus recipit: sed nos in nostris regionibus, quæ redundant uligine, magis illam positionem pensilis borrei, &c. probamus.* Meminit *siro*rum, ut id cursum tangam, M. Varro lib. 1. *De re rustica*, cap. 57. & 63. Plinius lib. 18. cap. 30. vernaculumque & nunc *Silos* gentis nostræ Beticæ vocabulum est.

C

61. Colum

61. *Columella* gens, si nominis attenditur forma, Latinam originem præferre videtur: unde est, quod uti *Fenestellam* à calvitie, ita *Columellam* à proceritate dictam, nescio à quo doctus, ^f Cælius notaverit Rhodiginus. Marcus ^f *Columella* patruus fuit Moderati nostri, quem ipse non semel in exemplum adducit sedulæ agri colendi operæ, lib. 2. cap. 16. *Quod M. Columella patruum meum, doctissimum & diligentissimum agricolam, sæpe memorò usurpasse memoriâ repeto.* & lib. 5. cap. 5. doctrinâ ejus in aliis quoque studiis laudatâ, instat eidem iterum elogio. *Marcus quidem Columella, patruus meus, vir illustribus disciplinis eruditus, ac diligentissimus agricola Bæticæ provincie.* Et lib. 7. cap. 2. *Nam cum in municipium Gaditanum ex vicino Africæ miri coloris sylvestres ac feri arietes, sicut aliæ bestię, munerariis deportarentur; Marcus Columella patruus meus, acris vir ingenii, atque illustris agricola, quosdam mercatus in agros transtulit, & mansuetos testis ovibus admisit.* Libenter hæc testimonia huc transfero, ne magnâ injuriâ laudatum aliis, quàm *Columellæ*, verbis dimittam virum ejus famæ ac doctrinæ. A quo videtur mihi studium is & industriam nobilissimæ atque utilissimæ artis animo excepiisse, propriisquæ in latifundiis exercitasse. Nam & vineta in Cereano, Ardeatino, Carceolano, & Albano agris habuisse legitur ^g.

^g Lib. 3. cap. 3. & 9.

^h Lib. 2. cap. 10.

ⁱ Lib. 2. cap. 2.

^k Lib. 3. cap. 17 & lib. 4. cap. 8.

^l Lib. 2. cap. 1.

^m Lib. 20. cap. 1. & lib. 22. cap. ult.

62. Peregrinatus est aliquando in Orientalibus orbis Romani regionibus, cum in Cilicia Syriaquæ mense Junio atque Julio sesamam censerit se vidisse affirmaverit ^h. Gallionem & Publium Sylvinum in paucis videtur charos & familiares habuisse; quorum huic *De agricultura* opus inscriptum voluit, eidemquæ & Gallioni eatenus detulit, ut profaicæ hujus operis telæ metricum librum *De hortorum cultu*, ex eorum consilio attexere non recusaverit, ut ex fine libri noni apparet. Cornelium item Celsum sepius & exquisitè laudat, uti ⁱ *non solum agri-colationis, sed & universę naturę prudentem virum.* Quem hominem non ita honorificè Quintilianus excepit in fine *Institutionum*. Eundem iterum, & Julium Atticum ætatis suæ ipsius *Columellæ* celeberrimos auctores pronuntiavit non uno loco ^k: quorum priorem Celsum totum corpus disciplinę quinque libris complexum esse; posteriorem autem Atticum *De vitibus* librum singularem edidisse refert ^l. Idem hic est Cornelius Celsus cum eo, cujus *Dere medica* commentarium habemus. nam & fuisse Philosophum, & Medicum, & Rhetorem, deque omnibus his disciplinis, ac *Dere rustica* & *militari* scripsisse, Quintilianus ^m auctor est. Atticum in eorum ponit numero, quos præsentibus habuit auctores Plinius, quum de vitibus & vineis lib. 14. egit; in cujus libri elencho *Attius* malè pro *Attico* edi solet, aliter ac in sequentium 15. ac 17.

63. Hic ergo Lucius Junius Moderatus *Columella* præter alios libros qui interciderunt, opus edidit laudatissimum *De re rustica* ad Publium Sylvinum, nescio quem, post Græcos auctores, atque item M. Catonem, patrem & filium Sacernas, Scropham Tremellium, M. Terentium Varronem, Hyginum, & eos qui nuper à me laudati sunt, Cornelium Celsum,

& Julium Atticum, Julium item Græcinum, Julii Agricolę, Cornelii Taciti soceri (ut credo) parentem, carminequæ Virgilium, Latinos: quorum omnium operis initio ⁿ meminit. ⁿ Lib. 1. cap. 2. Constat id libris duodecim profaicis. decimus tamen eorum metricus est, *De cultu hortorum* inscriptus: supplere quadantenus desiderante nostro ea quæ in *Georgicis* omiserat, posterisque post se memoranda relinquere Virgilius significaverat, ut in præmio hujus libri expressum legimus. Quo pertinent & hi versus:

*Hortorum quoque te cultus Sylvine docebo,
Atque ea quę quondam spatius exclussus iniquis
Cum caneret letas segetes & muneribus Bacchi,
Et te magna Pales, necnon cœlestia mella,
Virgilius nobis post se memoranda reliquit.*

64. Stylus est emendatissimus, ejusquæ nomine principibus Latine linguae scriptoribus (ait Gaspar Barthius lib. 37. *Adversus* cap. 7.) meritis accensetur auctor, sermonis suavitatem, politiam, & vi quoque & eruditione. Ejus Hortulus purum & verè latinum carmen est, non tumidum, inflatum, absonum; sed naturali venustate elegans, nec adfectans declamatorios flores, perpetuę orationis dedecus & corruptionem. Hæc Barthius in eo capite, quo ex hoc libro quædam observationibus propriis illustrat. Idem Animadversionibus ad Statii lib. 11. Theb. v. 213. elegantissimum carmen vocat, quodque nativam ingenuamque poësim illo adhuc ævo cum paucis servavit. atque hujus nomine auctorem, etiam in tantillo scripto genuinæ poëseos principum non postremum, ad lib. 6. v. 104. Idem Ludovico Nonnio laudato atque ejus Diætetico, ad lib. 11. v. 707. Dignus erat (inquit) longè pulcherrimus *Columella liber* (De cultu hortorum) non alio quàm tali Medico & Philologo interprete. Hortamur nos virum præstantissimum, ut eam à se curam impetrari sinat: nos si quicquam contrà exposcet, quod opis nostræ fuerit, contrà illi largiemur. Hæc ille. Necnon propter integrum opus *Dere rustica*, nitidissimum eum auctorem ad lib. 4. Sylvar. carm. 9. v. 42. appellat, & elegantissimum, & verè Romani ingenii scriptorem & poëtam, ad lib. 6. Theb. v. 360. sicut & virum eloquentissimum, & qui nunquam pro dignitate satis extolli possit, Ferdinandus Pincianus in *Præfatione* ad suas in *Senecam Annotationes*. Egregiè item Cassiodorus senator de hoc opere censuit *De divinis lectionibus* cap. 28. *Pari etiam modo* (ait) *in agris colendis, in apibus, in columbis, necnon & piscibus alendis, inter ceteros Columella & Ælianus auctores probabiles exstiterunt; sed Columella sexdecim libris per diversas agriculturę species eloquens ac facundus illabitur, disertis potius quàm imperitis accommodus, ut operis ejus studio (lege studiosi) non solum communi fructu, sed etiam gratissimis epulis expleantur.* Sic legi pro explicantur, quod in editione nostra est, debere non dubitamus.

65. Sexdecim librorum hæc mentio apud Cassiodorum, nisi damnanda erroris sit, ad alios, quorum postea meminimus, hujus argumenti quoque eos, referenda est. Nos duodecim tantum habemus supersites, & notum, si Deo placet, alium *De arboribus* inscriptum; quiquidem cum olim tertii locum occuparet, Jucundi Veronensis diligentia, qui ad Leonem X. Papam recognitum à se Colu-

^o Videndus ipse in lib. 20. cap. 19.

Columellam, & alios *Rei rusticae* scriptores direxit, deprehensus haud pars esse totius operis. Quare jam ab Aldi Manutii editione Veneta anni MDXIV. rejectus est è non suo loco, & in appendicem coniectus. Quatuor id argumentis jure factum comprobavit ex Jucundo Aldus. Primò quia hic liber, cujus initium est: *Quoniam de cultu agrorum abundè primo volumine præcepisse videmur, non intempestiva erit arborum virgultorumque cura, quæ vel maxima pars habetur rei rusticae*, ejusdem argumenti & initii est cum sequenti, quarto loco priùs, deinde jam tertio, collocato, qui ita incipit: *Hactenus arborum cultus (ut ait præstantissimus Poëta, &c.) Sequitur arborum cura, quæ pars rei rusticae vel maxima est*. Secundò, in hoc libro nunquam nominatur P. Sylvinus, ut fit in aliis omnibus. Tertio, quia de arboribus pomiferis, de cythiso, de olivis, de aliis quibusdam, quibusde in hoc de arboribus, tractavit in eo, qui nunc quintus est: quod bis in eodem opere haud fecisse eum, dubitari nequit. Quarto, in principio octavi refert se, quæ ad colendi ruris scientiam, & pecuariæ negotiationem attinent, septem libris memorasse; in undecimo se undecimum præceptum rusticationis memoriæ tradere: unde comprobatur, rejecto illo non hujus corporis membro, reliqua omnia rectè coagmentari, verbisque auctoris respondere. An autem liber ille *De arboribus* ejusdem sit, interrogatus, crediderim certè hunc librum bis fecisse Columellam, prætulisseque eum, quem Sylvini præcudit notâ, rejecto altero.

66. Columellæ editionem antiquissimam, sive etiam alias, quæ præcesserunt Aldinam, Venetam priùs dictam anni MDXIV. prorsus ignoro. Ex quo tamen Aldus, sive alius, Catonem, Varronem, Columellam, sub jugo illo auctorum *De re rustica* orbi literatorum edidit, lex eadem dicta est sequentibus editionibus Parisiensibus MDXXIX. Jo. Petit MDXXXIII. & MDXLIII. Venetæ Aldinæ ejusdem anni MDXXXIII. Lugdunensi Gryphianæ MDXLIX. Basileensi Hervagianæ, itemque Romanæ MDXC. Heidelbergensi Commelini MDXCV. & si quæ aliæ; additis quoque passim aliis, *Palladio* (scilicet) *veteribus inscriptionibus fratrum arvalium*, *Junio Philargyrio ad Rucol.* & *Georg. Virgilii*, præsertim in Romana MDXC. *De cultu hortorum* liber seorsum editus fuit Parisiis MDXLIX. in 4^o.

67. Enarratores illustratoresque sortitus est Columella, jam laudatum Jucundam Veronensem, Georgium Alexandrinum, qui *Vocum* apud hos auctores *priscarum enarrationem*, Philippum Beroaldum, qui *Annotationes* anno MDXLIII. apud Gryphium, Petrum Victorium, qui *Castigationes*, & *Castigationum explicationes* MDXLII. in 8^o. Josephum Scaligerum, & Fulvium Ursinum, qui *Notas* in editione Commelini adjunxere. Ad librum *De cultu hortorum* commentarios L. Pomponii Fortunati editos novimus unâ cum Baptiste Pii, Beroaldi, aliorumque aliquot annotationibus. Lancilloti etiam nescio cujus expositio ejusdem libri est inter Latinos Codices Bibliothecæ Mediceæ in ejus *Catalogo* P. Gaspar Barthius libri *Adversar.* 37. integrum caput 7. *Bibliotheca vetus Hispana* Tom.I.

explicandis aliquot ejusdem locis mancipavit. Porro Columellam Italis vulgarem fecit Petrus Laurus Mutinensis, Venetiisque anno MDLIV. in 4^o. typis Nicolai Bevi-laquæ, & MDLXIV. in 8^o. edidit. *Exstat penes Afros* (Joannes Leo ait ⁹) *ingens quoddam in tres divisum partes volumen. Thesaurum agriculturæ vocant. Hic us temporibus è Latino in eorum linguam versus est, cum Mansor apud Granatas rerum potiretur. Cujus portio Thesauri Columellæ forsan libri sunt: è Latino siquidem derivatus ad Afros dicitur: nisi Magonis Carthaginensis opus de agricultura 28. libris comprehensum is contineat. Hoc enim ex Punico in Latinum translatus fuisse auctoritate Senatus Plinius refert lib. 18. cap. 3. Mss. Codicibus qui adhuc uti velit, quærere poterit binum, quo se usum fuisse scriptum reliquit Petrus Victorius, altero D. Marci Bibliothecæ, altero fodalium Augustinianorum S. Galli Florentinæ urbis. Alius est in Bibliotheca monasterii S. Germani à Pratis in urbe Parisiensi, quem laudat Ægidius Menagius in *Observationibus ad Diogenis Laërtii vitas* 1. Tria exemplaria in Medicea ¹.*

68. *De lustrationibus* cogitavit & noster opus edere, ut ex his ejus verbis apparet: *Hoc loco certum habeo quosdam (ait lib. 11. cap. ultimo) cum solemnibus festorum percensuerim, desideraturos lustrationum cæterorumque sacrificiorum, quæ pro frugibus fiunt, morem priscis usurpatum. Nec ego abnuo docendi curam, sed differo in eum librum, quem componere in animo est, cum agricolationis totam disciplinam præscribere. Cujus cum nemo ex antiquis mentionem usquam fecerit, curæ isti eum renunciâsse, aut satisfacere impeditum fuisse, verosimilius est.*

69. *De generibus furculorum* libros & ipse suos laudat auctor lib. 11. cap. 11. ubi post enumerata varia pabulorum genera, cetera (inquit) *neque enumerare, ac minus ferere dignamur, excepta tamen cythiso, de qua dicemus in his libris, quos De generibus furculorum conscripsimus. Agit quidem is de cythiso lib. 5. cap. 12. ubi & capite antecedenti de insitione arborum, sed non ita ut æquare videatur spem librorum De generibus furculorum factam. Nisi furculos de arboribus dixerit, & intelligenda sint quæ totis tribus libris à tertio usque ad quintum de arboribus differit: quod magis credo, cum initio libri tertii hæc dixerit: Nam ex furculo vel arbor procedit, vel olea, vel frutex, &c.*

70. Junio Moderato Columellæ Gaditano, cognominis causâ, nec minus ætatis, jure MODERATUM subjungimus GADITANUM, ita dictum à patria Gadibus, quem Stephanus de hac urbe agens laudat. Ο γὰρ πάλαι γαδύριος. Οὗτος γὰρ τὰ πρὶν βιβλία ἐκζητήσαντες τὴν πυθαγορείαν σχολὴν Μεδεάτω Γαδύριος. Hoc est: *Civis Gadireus. Sic enim inscribuntur quinque libri Pythagoricarum lucubrationum Moderati Gadirei. Idem, an aliud ejusdem, opus est, ex quo laudatur à Malcho in Pythagoræ vita? Μοδράτης δὲ αὖ Γαδύριος παῖς αὐτοῦ ἐκ τῆς βιβλίου συγγραφῆς τὸ ἀπὸ τῶν τοῦ ἀνδρός. Id est: Moderatus ex Gadibus doctissime libris undecim quæ bis hominibus placent colligens. nisi numerus in altero istorum deerraverit. Sub Moderati tantum nomine, & Pythagorei Philosophi, meminerunt*

⁹ In *Descript. Africæ* lib. 1. cap. Quor habet *Africæ* aer &c. pag. 80. in editione Lugduno-Batava MDCXXXII.

¹ Lib. 1. In *Cleobulo* pag. 14. f. Ejus *Catalogus* pag. 18.

t. Lib. 1. com. 67

u Apologia
adv. Rufin.

eiusdem Porphyrius apud Simplicium *ad libros Physicorum* t. & in *Vita Plotini* & *Pythagoræ* ipsius, atque item lib. 3. ejus operis, quod *Adversus Christianos* composuit, cujus exinde verba *Historiæ* suæ lib. 6. cap. 19. Eusebius exscripsit Cæsareæ Episcopus, necnon & Sulidas in *ἱστορίαις* & S. Hieronymus *contra Rufinum* agens^u, qui *virum eloquentissimum* vocat. Nec dubito quin pro *Oderati*, legendum sit *Moderati* nomen apud Syrianum cognomento Philoxenum in *Comm. ad Aristotelis Metaphysicorum* lib. 12. cum doctissimo *Eusebianæ Historiæ* interprete Henrico Valesio in Annot. ad paullo prius laudatum ex ea testimonium.

71. De ætate haud finit dubitare nos Plutarchus, ex quo ait *Symposiacorum* lib. 8. quæst. 6. à Lucio Thusco, Moderati Pythagorici discipulo Romæ ad cœnam vocatum se à Sylla fuisse. Plutarchus sub Trajano floruit. Incidit ergo in ætatem Columellæ, quam percurramus, Moderati memoria. Cum verò tam Moderati propriū, quàm Gaditani patrium nomen ævumque utique communia sint, valde miror nemini hucusque in mentem venisse, ut ex Moderato Columella Gaditano, & ex Moderato Gaditano eundem coagmentaret hominem utriusque discipline, rei nempe rusticæ, ac Philosophiæ auctorem. Quod nullo quidem idoneo posset argumento ab animo ejus, qui excogitasset, convelli. Quod enim Græcè scripserit, qui patriā Gaditanus esset, aut scribere voluerit, qui sic Latinā pollebat eloquētiā, contingere posse, dum conveniant cætera, nemo inficias iverit. Prorsusque Gaditanum hominem sermone Græcorum fuisse usum fateri oportet eum, qui vel Gaditanum hunc Philosophum Pythagoræ synmista diversum contenderit à Columella ejus cive agricola. Sed quid si Latinā linguā ille scripserit? quid si eapropter Latini auctoris inter Græcos recordatus, *eloquentissimum* eum appellet Hieronymus, cum de aliis Pythagoreis nihil tale usurpaverit? Quid si Diogenes Laërtius, qui necessariò post Moderatum *De vitis Philosophorum*, interque eos de Pythagora scripsit, iccirco hunc non laudavit, qui plurimum aliorum res ejus Philosophi narrantium meminit, quod Latinum scriptorem minùs notum habuerit? At Stephanus è Græcæ inscriptionis *Moderati* *Gaditani* formā ethnon vocabulum *Gadirei* comprobat, quod è Latina minimè posset. Item Eusebius, Porphyrii verbis, Origeni imputans, quod inter alios sectæ Pythagoricæ Moderatum quotidie habuerit in manibus, eximiam inde ejusdem Origenis in Græcanicis disciplinis eruditionem confirmat^x.

x Lib. 6. cap. 19.

72. Haud quidem minimi momenti obijciuntur nobis; sed quæ ineluctabilia certè non sunt. Græcanica namque eruditio, vel ea dici haud incongruenter potuit, quæ circa Græcum Philosophum, Græcamque sectam, quantumvis partim in Latino aliquo ejus enarratore versaretur: nec Stephano, aut Hermolao Grammatico, ejus epitomatori, injurii fuerimus, credentes potuisse iis, aut totum Moderati opus Græcè translatum ex Latino, aut saltem ejus titulum Græcè conceptum exhiberi. Attamen nec sic protestam de Pythagorici operis hujus auctore conjecturam tueri animus est. Nihil

enim aduantes nobis parcimus, aut pro cæteris venditare incerta volumus.

73. Restat autem scrupulum, si Deo placet, remove ejus fortè, qui *Gadaram* etiam nunc ab antiquo usque ævo in Palæstina urbem dictam huc advocare, rejectis ad fines orbis Gadibus nostris, tribuereque Moderato patriam velit. Sed utique *Gadare*, uti à *Gadira* distinctæ, idem recordatur Stephanus, qui huic, non illi, civem adjudicat Moderatum; neque à *Gadara* seu *Gaddara* *Gadireus*, sed *Gadareus* appellari debuisset, uti à *Bostra* *Bostrenus*, & à *Gangra* *Gangrenus*, quod apud eundem annotatur. Ita audivit Theodorus Gadareus Sophista, magister Tiberii Cæsaris, qui varia scripsit in Rhetoricis & Historicis. Nec inculcamus quod ad Hebræorum gentem, non ad Græcorum, urbs ista spectans, Græcum scriptorem edere vix potuerit: nam in ditione Judæorum non semper hanc fuisse, sed à Judæis vindicatam Straboni^y credimus, qui nec tacet inde oriundos Philodemum Epicureum, Meleagrum, & Menippum cognomento Spudogeum, Theodorumque oratorem, qui ætate sua viguit, Græci nominis, uti res ipsa docet, ac discipline omnes, non Judaicæ. At inculcamus id ipsum Strabonis testimonium ad excludendam à natalibus Moderati nostri *Gadaram* istam. Philosophum enim sibi equalem, ut supra vidimus (nam Strabo sub Tiberii imperio commentabatur) eumque famosissimum, non potuit non inter *Gadare* scriptores enumerare, si Gadareus esset. Concurrit cum ad Gades respicientibus, non ad *Gaddaram* Palæstino-Græcam, Latinum hominis, non Græcum nomen *Moderatus*, quod nemo hactenus Græca civitate donavit.

y Lib. 14.

CAPUT VI.

De Senecis, Marci filiis, tribus Cordubensibus.
MARCUS ANNÆUS NOVATUS, sive post adoptionem JUNIUS ANNÆUS GALLIO, declamator, Græciæ seu Achæorum Proconsul, cujus meminit *Actorum liber*. Plinius non temerè corrigitur. *Hujus opera desiderantur.* *Andree Schoti, & Martini Antonii del Rio in duobus Gallionibus non satis distinguendis lapsus.* *Annei Melæ aliqua laus.*

74. **R**EDEO ad Senecas, hoc est à Gadibus ad Cordubam, magnum hujus familiæ heroem dicturus, postquam de Novato & Mela ejus fratribus, quicquid evi illius memoria suppetit, annotavero. MARCUS ANNÆUS NOVATUS, Marci Senecæ Rhetoris filius natu maximus, de quo parentis occasione supra loquutus sum, alias JUNIUS ANNÆUS GALLIO, ut in Eusebii Chronico, sive ANNÆUS GALLIO, ut apud Plinium lib. 31. cap. 6. quem Lipsius haud vidit, cum de hoc nomine dubitaret in *Vita Senecæ*, & reverà doctus quoque in pluribus Eusebii codicibus, ut Arnaldus monet Pontacus^z, ex quo, ut credimus, à Junio Gallione adoptatus^a fuit, ita ex more adoptionis dictus, communis cum novo parente nominis equivoco id apud posteros damni aut commodi expertus est, ut Gallioni tributam ab scriptoribus priscis

z Col. 573. ubi de hoc Gallione.

a Observavit primus Del-rius quem alii sequitur, & Schotus *De claris apud Senecas Rhetoribus* Lipsiusque.

præcis laudis cōfessionem, vel alterius propriam vindicare sibi videatur posse, vel sibi debitam communicare debere alteri. Quintilianus enim, siue qui auctor est dialogi *De oratoribus*, Gallionis tantum nomen inter ejus disciplinæ ac professionis recenset viros. *Ceterum si omisso optimo illo & perfectissimo genere eloquentiæ (ait) eligenda sit forma dicendi; malim, hercle, C. Gracchi impetum, aut L. Crassi maturitatem, quam calamiſtros Mæcenatis, aut tinnitus Gallionis: adeo malim oratorem vel vincta togâ induere, quam fucatis & meretriciis vestibus insignire.* Quibus verbis affectatam & parum virilem ejus dicendi formam accusat, ex sententia oratoriarum institutionum auctoris, qui eodem verbo usus, atque eidem præcepto insistens, non obscure mihi videtur vindicare sibi dialogum illum velle, cujus apud criticos causam dicit. *Nam tumidos, & corruptos, & tinnulos, & quocumque alio cacoælie genere peccantes, certum habeo* (inquit b) *non virum, sed infirmitatis vitio laborare.* Idem Quintilianus de Gallione nostro intelligendus, atque ideo emendandus forsan fuerit Delirii judicio, dum lib. 9. cap. 11. *Publii Novanii Gallionis meminit, pro Junio, siue Amæo Novato Gallione.*

75. Declamatorem igitur, siue oratorem, oportuit Gallionem fuisse, quem in exemplum adduxit illa ætas hujus dicendi generis. Quemnam autem Gallionem? Certè utrumque, si auctores præcos sequimur: nam Gallioni seniori, siue parenti, nihil non supremæ in re oratoria laudis à Marco Seneca in *Controversiis* datum, cum de eo agerem, opportunè docui. Et patris Gallionis Quintilianus eodem lib. 9. cap. 11. recordatur, testimonio ejus verbisque adductis his ex quadam declamatione: *Remissius & pro suo ingenio pater Gallio: Dura anima bodie, dura, veri fortior fuisti.* At æqua huic celebratur laude filius, idem Senecæ frater, in Chronico Eusebiano d. *Junius Gallio, frater Senecæ, egregius declamator, propria se manu interfecit.* Nec alium significare voluisse dixeris Sanctum Hieronymum, quum paribus verbis ac in vertendo Eusebio usus, dum ad Isaiam commentatur, *disertissimum declamatorem Gallionem vocat, aut Statium in Genesbliaco Lucani, Bæticam provinciam alloquens:*

*Lucanum potes imputare terris
Hoc plusquam Senecam dedisse mundo,
Aut dulcem generasse Gallionem.*

Quod dulcedinis elogium ad tinnitum ejus Gallionis, quem *De oratoribus* dialogus laudat, non parum attinere videtur. Huic autem generi prorsus contraria est gravitas, quam Gallioni quoque Sidonius Apollinaris nonnusquam attribuit f: *Tua verò tam clara, tam spectabilis dictio est, ut illi diviso Palæmonis, gravitas Gallionis, abundantia Delphidii, Agræti disciplina, foriundo Alcimi, Adelpbii teneritudo, vigor Magni, dulcedo Victorii, non modò non superior, sed vix equiparabilia scribamur.* Aliò hæc spectant prorsus, quam ad dulcè aut tinnulum oratorem. Suspiciamus de alio sui temporis Gallione Sidoniū posse loqui, uti sui temporis viros & Rhetores, Delphidium, Agrætium, Alcimum, Adelphium, Magnum, Victorium, Sapaudo suo cedere palmam jubet. Sed suspiciamus tantum animadvertens Palæmoni haud minus quam

cæteris, & Gallioni eam legem dictam, qui Palæmon Hadriani tempore in hac eadem Rhetorica arte floruit, Eusebio teste g. Sua ergo gravitatis attributio, uter sit illorum, per me reſtet Gallioni. In qua tamen ambiguitate quid cuique debeat existimandi, virtus Gallionis nostri, cum testimonio fratris, tum ætatis illius judicio, manifestior est, quam ut virum Hispaniæ haud pœnitendum debita possimus commendatione fraudare. Magnam certè fecisse ejus Senecam in præfatione libri 4. *Naturæ Questionum*, qui legeris locum fateberis.

76. Maximo ingenio & dignissimo fuisse, comem, & incompōsitè suavem, omnibus dulcem, in evitandò adulationis malo fortissimum, inde posteris constat. His virtutibus meruit, ut nemo non parum eum amaverit (ejusdem Senecæ verbis) *etiam qui amare plus non posset.* Huic nuncupavit frater suum *De vita beata* libellum; eidem cum fratribus, filiis suis, Marcus Seneca *Controversiarum* operis majorem partem. Reipublicæ hic deditus honores industria consequutus est, ait idem Seneca, Helviam h matrem consolaturus; quos ambire eum eo jam tempore docuit nos Marcus Rhetor parens, quo in *Controversiarum* directione ad eum & fratres verba faceret. At quos honores? Græciæ inter alia Proconsul fuit, siue malis Achaïæ, cujus provinciæ nomine hic magistratus appellabatur propter Achæorum merita & excellentiam, ut Pausanias refert i, quod munus gerens Judæos Græciæ incolas expertus est molestos, dicamque pietatis intendentes Paulo Apostolo, eosque à se inauditos rejecit, ut ex *Actis* k constat. Confirmat Seneca Epistolâ 104. Lucilio referens Gallionem, *cum in Achaïa febrem habere cœpisset, ascendisse protinus navem, clamitantem, non corporis esse, sed loci morbum.* Sub Claudio id muneris gessisse, duo evincunt. Primum est, à Seneca hujus Cæsaris exsule obtendi Helviæ matri solatio Gallionis dignitatem. Alterum, in *Actis* dici, à *Dura* *τὸν νε τανλὸν* & *Ἀχαιας*. Proconsulatum in Achaïa gerente Gallione Paulo intentatum judicium. quod ante Claudium dici non potuit; qui Achaïam proconsularem olim sub Augusto provinciam, à Tiberio Senatui ademptam, & cum Macedonia conjunctam, pristina restituit Proconsularis conditioni, ut apud Suëtonium l, ac Dionem m legitur.

77. Nec Proconsul tantum Achaïæ, immo & Consul etiam, si Plinii hæc lectio constat è lib. 31. cap. 6. *Præterea est alius usus multiplex, principalis verò navigandi, phthisi affectis, ut diximus, aut sanguinem egerentibus.* Sicut proxime *Annæum Gallionem fecisse post consulatum meminimus.* Neque enim *Ægyptus* propter se petitur, sed propter longinquitatem navigandi. Quod de phthificorum ex Italia in Alexandriam peregrinatione ait, Cornelius Celsus confirmat lib. 3 capite 12. & ex parte Cælius Aurelianus lib. 2. *Chron.* cap. ultimo. Nobis tamen hujus Consulis nomen in Fastis nusquam invenientibus placet magis post *Proconsulatum* in Plinio legere. Nam de Gallione nostro eum agere *Amæi* evincit nomen. Eidem Dionii acceptum ferimus, quod Gallionis ingenium in quodam joco ejus, quem refert, suspicere possumus. Extinctus fuerat

g Ad num. OL. CCXXVII. Hadriani 16.

h In *Consolat.* ad cam cap. 16

i In *Achaïis*.

k Cap. 18.

l In *Claudio* cap. 25. m Lib. 60.

b Lib. a. cap. 3.

d Sub num. 101. lxx. Neronis 10.

e Lib. 3. Syl. 7.

f Lib. 3. ep. 10.

fuerat Agrippinæ uxoris ac Neronis dolo Claudius Cæsar, quem tamen uterque luxerunt, in numerum deorum ut referretur procurantes. Gallio autem paucissimis verbis plurima complectens, cum utique eos, qui in carcere necarentur, magnis uncis in forum carnifices, ac inde in profluentem protraherent, unco Claudium in cælum raptum dixit.

78. De morte ut dicamus restat. Eusebio si credimus, sive S. Hieronymo, Junius Gallio, frater Senecæ, egregius declamator propriâ se manu interfecit. anno scilicet Neronis decimo. ^a Sed quod uno ante mortem Senecæ fratris periisse scribat, provocatus negabit Tacitus insimul cum Dione. Junium Gallionem (ait ^o ille) Senecæ fratris morte parvulum, & pro sua incolumitate supplicem, increpuit Salenus Clemens hostem & parricidam vocans. Supervixit ergo fratri. Confirmat Dio in Breviario Xiphilini ^p (nam hoc loco deficit ejus Historia.) ^q & οὐδὲν ἄλλοι ὄντες ἰμασθῆναι, & fratres (Senecæ) postea perierunt. Perire quidem potuit manu propria, nam Græcum verbum non repugnat, & conveniet genus mortis ab Eusebio assignatum; cui hoc loco & sæpè aliàs Josephus Scalliger hujusmodi anachronismos opprobrat.

79. Sed quæres, Gallionem cur inter scriptores collocamus? Declamator qui egregius fuit, teste etiam & alibi Hieronymo ^q, Declamationes debuit scribere, ut Portius Latro, ut alii suprà laudati ex Hispania Rhetores. Et innuit quicquam, alterius forsan generis, ab eo scriptum frater Senecæ in Naturalibus Questionibus ^r. Atqui Etesia ob hoc somniculosa nautis & delicati vocantur, quod (ut ait Gallio) mane nesciunt surgere. Scribebat id operis paullò ante mortem, ut loco suo dicemus, cum ex duobus Gallionibus senior forsan obisset superflite juniore; quem absque ulla nota distinctionis appellatum, quàm in senioris mentione alibi non prætermiserat, omnino significare videtur. Præstatque assensum Lipsius. Immo & Gallione se usum, dum De re barbaria lib. 20. Historiæ suæ naturalis scriberet, Plinius asserit. Qui forsan haud alius à nostro est. Miror autem Andrea Schoti viri eruditissimi hallucinationem in duobus distinguendis Gallionibus, quos cum maximè distinguere vult, ex duobus unum Senecæ Rhetoris filium & Philosophi fratrem parum advertenter facit in libello De claris apud Senecam Rhetoribus. Est quoque hujus Gallionis nomine quod conqueramur de Del-rio nostro: injuriâ enim magnâ hunc privat, Gallionemque seniore ornat elogiis Senecæ fratris, qui dominum suum, uti fratrem natu grandiore, appellavit Epist. 105. auctoris Dialogi, qui tinnitum attribuit; Eusebii disertissimum appellantis oratorem, D. Hieronymi in Isaiam, & S. Lucæ in Actis.

80. ANNÆUS quoque MELA, fratrum natu minimus (hic enim paullisper ab ordine recedimus, Lucio interim, qui majori opera illustrandus est, cedente suum locum fratri) eo elogio donatus fuit à Marco parente, ut qui commendare eum prolixius velit, frustra sit. animum nempe filio tribuit ^s à civilibus officiis abhorrentem, & ab omni ambitu aversum, hoc unum concupiscentem, nihil concupiscere, ut

eloquentiæ tantum studeret; majus, quàm fratrum esset, ingenium, omniumque bonarum artium capacissimum. Duravit planè in ea moderatione vitæ orbatum etiam patre: nam in Consolatione ad Helviam communem matrem disertè Seneca utriusque fratris conditionem exprimens, alter (inquit ^t) honores industriâ consequutus est, alter sapienter contempsit. Acquiesce alterius filii dignitate, alterius quiete, utriusque pietate. Alter in hoc dignitatem excolit, ut tibi ornamento sit, alter in hoc se ad tranquillam quietamque vitam recepit, ut tibi vacet. Cornelius autem Tacitus aliò respexisse Melam ait abstinentiâ istâ. Mela quibus Gallio & Seneca parentibus natus, petitione (ait) bonorum abstinerat per ambitionem præposteram, ut eques Romanus consularibus potentiâ æquaretur: simul acquirendæ pecuniæ brevius iter credebatur per procuraciones administrandis Principis negotiis. Et quæ sequuntur de ejus morte. Quibus abstineo, ne in eo, qui nullo scripto opere ad hunc nostrum ordinem pertinet, ultrâ divagemur; & quia in Lucani ejus filii mentione, de eo iterum agendi redibit occasio. De Melæ cognomine aliqua notabimus in Pomponio Mela.

CAPUT VII

LUCIUS ANNÆUS SENECA Marci filius Cordubæ natus. Attalum Stoicum, Socionem Pythagoricum, Demetrium Cynicum sectatus. Exsul Corsicæ sub Claudio Consul suffectus, ac dives valdè, Neronis præceptor, cujus ad nutum extinctus. Quam de Senecæ rebus gestis commemorari sint. Laudes ejus, elogiisque veterum. Penè Christianus, non Cbristianus. De quibus falsi accusentur tam ejus mores quàm stylus. Lipsii & Mureti de hoc ultimo judicicia prudentissima.

81. CORDUBA, præpotens illa urbs Calumnias Apollinaris Sidonii verbis ^u, ac Bæticæ nobilissima, LUCIO ANNÆO SENECA, uti & Novato, seu Gallioni, & Melæ, ejus fratribus, patria fuit; parentes Marcus Annæus Seneca Rhetor atque Helvia, Ciceronis matri, alterius disertissimi, cognominis, Hispani ambo: notusque is ex doctrina sua & scriptis litteratorum cœtui, quemadmodum & nota ea ex libello filii elegantissimo qui De consolatione ad matrem inscribitur. Natalem ei annum communem cum Jesu Salvatore nostro fuisse, conjecturæ Lipsii credens, Libertus Fromondus colligit, dum ad Natur. quæst. lib. 6. cap. 4. commentatur. E provincia venit in urbem aut cum patre, aut post eum, puer adhuc materteræ perlatus manibus, ut ipse ibidem ait, sub Augusti imperio. Non verò (ut somniavit Xicho Polentonius, Senecæ patris Declamationum explanator) perductus ex patria unâ cum fratribus à Cn. Domitio Aënobarbo, qui Cordubæ rebellionem pacaverat, emptus ab eo & libertate donatus. Quare in Tiberii Cæsaris principatum juventæ suæ tempus incidisse is quoque refert ^x.

82. Incubuit studiis eloquentiæ sapientiæque totus à puero; eloquentiæ, ut monenti patri, sapientiæ verò ut sibi ac proprio genio obse-

^a Sub num.
MMLXXX.

^o Lib. 15. cap.
71.

^p Lib. 62.

^q Ad cap. 2.
Isaiæ.

^r Lib. 5. cap. 11.

^u Carmine ad
Felliam.

^s Præfatione
lib. 2. corrupt.

^x Epist. 102.

obsequeretur. Sectatus enim fuit inter alios ætatis suæ Philosophos Stoicum Attalum, cuius Marcus Seneca cum eximia laude in *Suasoriis* y meminit. Hujus scholam obsidebat z, primus eò veniebat, inde novissimus exibat. Socioni quoque Pythagorico adhæsit puer, atque utriusque sectæ disciplinam ab iis avido hausit pectore. Adeò ut & Pythagoram imitaturus abstinere animalibus cœperit a, nec nisi patre rogante ad ea redierit, cum posset superstitiosum id videri, quo tempore Tiberius alienigena quædam movebat sacra, & inter argumenta superstitionis quorundam animalium abstinencia poneretur. Demetrium Cynicum in magna admiratione & amore habuit; quem *virum* vocat *magnam*, *etiam si maximis compararetur*. virum alibi b *acerrimum*, & *contra omnia nature desideria pugnantem*. & iterum c acutissimè ac fortiter, datum à natura illis temporibus, *ut ostenderet* (ait) *nec illum à nobis corrumpi, nec nos ab illo corripere* (aliàs *corrigi*) *posse*. Hunc secum circumferebat, & cum illo rejectis conciliatis loquebatur, hunc mirabatur etiam senex, & cum ad Lucilium scriberet, postrema ætate. Porro indutum d his monitoribus semel hunc severum Philosophiæ habitum retinuit, etiam cum ad civitatis reduceretur vitam, & ad nutum patris causas agere cœpisset. *Modò apud Socionem Philosophum* (ait e) *puer sedi, modò causas agere cœpi, modò desii velle agere* (forsan cum patrem amisit) *modò desii posse*, velocitatem computans temporis.

83. Narrat Dio f Lucium Senecam sub Caligula penè interiisse, quòd causam quandam in senatu præsentem eo egregiè egisset. Adeò quos eminere eloquentiâ noverat, primas sibi in hac laude arrogans, aversebatur. Damnaverat nempe jam eum Imperator, dimisit tamen sceminæ cuiusdam, quâ utebatur, fidem sequutus, laborare Senecam tabe, nec diù superviditurum, opportunè ingerentis. Significatum forsân morbi illud genus, cui ille uni se assignatum fuisse ad Lucilium ait Epist. 54. *Suspirium* quod vocant medici (æquum Græcorum) seu *meditationem mortis*, ubi Mercurialis g *exercitationem*, Pontanus h *modulationem*, legi voluere.

84. Sub eodem Cajo, aut priùs, honorum candidatus, Quæsturam obtinuit, cuius muneris recordatur ipse in *Consolatione ad matrem* i. Et tamen nullius culpæ sibi conscius incurrit in culpæ suspicionem, Claudio jam imperante, cum invidiâ Messalinæ Augustæ insinulatâ adulterii Juliæ Germanici filiæ, Lucius & ipse in commercium criminis vocaretur: quare & in exilium eâ amandata, nec multò post interemptâ, relegatus quoque in insulam Corsicam Seneca ivit k. Cuius à se incurse calamitatis consolationem scriptus inde libellus ad Helviam matrem, cuius sæpè meminimus, continet. Revocatus autem nonnisi post octennium transactum, Agrippinæ alterius, Claudii uxoris, precibus l, quæ & Præturam ei impetravit, ac Domitii Neronis filii pueritiæ præfecit. Inde & Consul fuit, rerum jam Nerone domino. nam & apud Ulpianum m legimus, & in Justiniani *Institutionibus* n, Nero-

nis temporibus, *Amplius Seneca Trebellioque Maximo* Conf. senatus-consultum (quod vocant *Trebellianum*) factum fuisse. Negat tamen Aufonius disertis his verbis: o *Dives Seneca* o *Ingratiarum affluens pro Consul.* quæ ad ordinarium consulum referre oportet, ut fecit Elias Venetus, & alii passim. nam vel suffectum fuisse, hoc est, (ut faceret idem Aufonius aliud agens ait p) sub aliis Consulibus consulum egisse, Ulpiano haud credere minimè possumus. Suffectum inquam in locum P. Marii Celsi & L. Asinii Galli, anno scilicet U. C. DCCCXIV. ut Mart. Ant. Del-rius existimat in *Prolegomenis ad Senecæ Tragedias*.

85. Tunc temporis apud principem suum, restâ dum viâ procederet plurimum valuit, simulque cum Afranio Burro concordi proposito juventam ejus moderatus est, divitiis adeò pollens, domestica supellestile, ac latifundiis, ut verè Philosophiæ professioni, quam scriptis præferebat, re ipsa, & contrario vivendi tenore abrenunciâsse videretur. Exstat clarissima ejus apud *Annalium* disertissimum scriptorem q ad Neronem oratio, quâ declinandæ invidiæ hunc deprecatus est, ut opes, quarum fulgore urbs præstrangebatur, juberet in fortunam principis recipi, ac per procuratores administrari, agris sibi relictis, uti eorum culturæ intentus postmodum viveret. Et quamvis abnuente Nerone voto res caruisset; mutavit ipse tamen in posterum (ut Tacitus inquit) *instituta prioris potestatis*, salutantium cœtus, comitatus, publicum devitans. Neronis octavo anno hæc contigisse eadem oratio nos docet.

86. Excita verò Pisoniana decimi anni conjuratio, quæ auctoribus exitio fuit, eadem involvit Senecam nostrum, quantumvis suspicionibus tantum urgeretur; ferroque grassari adversum eum, quando venenum non processerat, ingratisissimus decrevit alumnus. Indidum ergo ei ut moreretur: quod exsolutis ferro venis ille exsequutus est ea fortitudine, quam apud Tacitum r legi malumus. Non enim vitæ Commentarios, sed compendium dari res postulat. Matrimoniiis autem duobus maritus Seneca, nullis, ut credo, superstitionibus oblit liberis. Amiserat enim ante exilii sententiam eum, quem ex priore uxore sustulerat, cuiusque ipse memor est in toties laudata *Consolatione ad matrem*. Ductâ deinde Paullinâ nobili sceminâ, cum senex jam, rerumque potens esset, convixit ei tempus usque ad ultimum, peneque commortuus est. Solverunt enim uterque venas: Paullinæ tamen mors fuit Neronis jussu inhibita.

87. *Vitam Senecæ*, quæ Xichonis Polentoni prodiit nomine, Aurelio Augustino tributam fuisse Lilius Giraldu scribit *De Poëtis* dialogo 8. Xicho autem iste Polëtonus Patavinus, *De vitiis illustrium scriptorum Latine lingue* libros 18. usque ad S. Isidorum Hispalensem pertinentes certò scripsit, qui Romæ exstant Mss. in Bibliotheca Collegii Capranicensis, atque Hispali in ea quæ fuit Ferdinandi Colón, nunc autem Hispalensis cathedralis templi; uti lego in schedis Alphonfi Ciaconii Dominici. Hujus autem auctoris magnus error ille est, Senecæ vitam

y Suaf. 2.
z Ep. 103.

a Eadem Ep.
108.

b De vita bea-
ta cap. 18.

c Lib. 7. de Be-
nel. cap. 8.

d Vide Ep. 62.

e Ep. 49.

f Lib. 59.

g Lib. 6. Var.
cap. 16.

h Notis ad
Macrob. lib. 1.
De somno Scit.
Fam. cap. 13.

i Cap. 17.

k Dio lib. 60.

l Tacitus lib.
12. cap. 8.

m Leg. 1. §. 1.
ad SC. Trebell.
n Lib. 2. tit. 23.

o In gratiarum
affluens pro Con-
sul.

p Ibidem.

q Lib. 24. Ann.
cap. 53.

r Lib. 25. c. 40.
Euseb. Chron.
num. 62. ccxix.

s Pag. 117.

tam usque ad CXIV. annum ætatis prorogant. Sed Jannotii Mannoti aliam Marci Senecæ fuisse apud Paullum Petavium annotavit in editione *Tragædiarum* Petrus Sriverius. Ex recentioribus simili opera functi sunt Grinitus, Giraldus, Lipsius, Del-rius, Nicolaus Faber, alii. Sed Jannotius ille, quem nuper diximus, vertisse se eam *Senecæ vitam* ex Plutarcho, qui eam nullus scripsit, cur jactaverit, ignoramus. Affirmat quippe translata inde ab eo Michaël Pocciantius in *Catalogo scriptorum Florentinorum*.

38. Virtutis sapientiæque hic magnus heros, eo vitæ, eo mortis genere æquæ ut inter æquales vixit, ad posteritatem pervenit clarus, nullis non apud omnium ætatum homines elogiis famæque documentis ornatus. Quæ quidem ante alia consulerentur, si non vivis ejus rei argumentis in æternitate dignis operibus, quæ auctorem expressissimè ostendunt, injuria temporum, sibimetipsi derogans, pepercisset. Elogia tamen aliqua hic in medium proferam ætatis quæ vixit, sequentiumque; laudandis libris aliud caput daturus. Columellæ ^t Lucius noster est *vir excellentis ingenii atque doctrinæ*. Plinio, ^u *cruditissimè* tempore suo princeps. Tacitus *claritudinem studiorum ejus* ^x, *amenum ingenium* ^y, *ac temporis illius auribus accommodatum, multarumque rerum experientiam* ^z fortunæ ac loco suo æqualem prædicat. Dionis Cassii iudicio & confessione, quamvis Senecæ aliàs non multum propitii, ^δ *παύλας ἰσχυρὸς καὶ ἰσχυρὸς Πρωτόκλος, μακρὸς δὲ καὶ ἄλλος πολλὰ ἰσχυρὸς*. Omnes sui temporis Romanos; multosque alios sapientiā superans. Quintiliano, alteri, quantumvis ejusdem gentis, haud multum æquo censori, *versatus in omni genere eloquentiæ, ingenio facili & copioso, multo studio rerumque cognitione fuisse dicitur* ^a, *tractasseque omnem studiorum materiam: multa probanda in eo, multa etiam admiranda esse*, cum deterere magis viri clarissimi pergit famam, confessus.

89. Christiani etiam scriptores summo loco habuerunt. Lactantius ^c, *omnium Stoicorum acutissimum*, ^b *morum vitiorumque publicorum, & descriptorem utilissimum, & accusatorem acerrimum*. Celsus Sehecas, hunc & patrem, aut fortè alium, quem Tragicum putaverat à Philosopho diversum, poetam celebraturus, Sidonius Apollinaris ^d vocavit. Quibus scilicet Christianæ ac veræ religioni eatenus convenientem doctrinam sectari, ac mores colere visus fuit, ut ferè pro domestico Ecclesiæ audiat. Nam Tertullianus ^e huc respiciens, *Senecam sæpè nostrum*, & S. Hieronymus sine restrictione ulla *Senecam nostrum*, dixerunt. Nec mirum S. Doctorem sic loquutum, qui *De scriptoribus agens Ecclesiasticis* (hoc est de rebus Ecclesiæ agentibus, quamvis non Christianis, unde & Philo & Josephus Judæi in hoc Catalogo conspiciuntur) Lucium Senecam *continentissimæ vitæ hominem*, ferè sanctum & Christianum agnovit. Sanctissimus quoque Hipponensium Presul, dum in libris *De civitate Dei* ^f de Senecæ libro *Contra superstitiones* tempore suo exstante, ac libertate illius in reprehendis Romanorum erroribus ageret, opportunè observavit, cum de Judæorum sacramentis jam tum à Christia-

nis alienatorum acerrimè censuisset, nihil eum de Christianis adjunxisse, ne *vel laudaret* (inquit) *contra suæ patriæ veterem consuetudinem, vel reprehenderet contra propriam forsitan voluntatem*.

90. Penè Christianum diximus. At quod suspicantur quidam ^g, Senecam Christianum occultè fuisse; sicuti haud probatur ex literarum libello illo amœbæ consuetudinis cum Gentium Apostolo, quæ eorum non esse pluribus placet; ita prorsus improbatur ex Senecæ ipsius sparsis per varia ejus opuscula parum piè dictis: quorum argumento Erasmus ^h hanc conjecturam inanem esse censuit, prudenter adjungens, majore fructu legendum Senecam, si legatur ut, quemadmodum fuit, paganus, quam ut Christi fide imbutus: nam & Christianæ dicta vehementer afficiunt, & secus dicta minus lædent. Cui adstipulatur Del-rius in *Prolegom. ad Tragædias*. *Verè potuit esse verus Dei cultor, si quis illi monstrasset, ut Lactantius loquitur lib. 6. cap. 24. Modium videtis in Novæ antiquæ Epist. 21. Planè Philosophiæ veram disciplinam calluisse, & coluisse eum, constans apud omnes ferè antiquos, & his noviores, opinio est. Boëthiusque confirmat Philosophiæ suæ consolatricis verbis: At Canios, at Senecas, at Soranos, quorum nec vetusta, nec incelebris memoria est, scire potuisti, quos nihil aliud in cladem detraxit (potius legerem pertraxit) nisi quod nostris (Philosophiæ ipsius) moribus instituti studiis improborum dissimillimi videbantur*. Sprevisseque eum ridicula deorum ethnice religionis numina, vel ex libello *De morte Claudii*, & hoc *De superstitionibus*, Barthius lib. 11. *Advers.* cap. 22. observavit.

91. Sed examinemus jam aut dispellamus nonnullorum parum Senecæ equorum, partim censiones, partim calumnias. Non enim unicus fuit in hoc agmine C. Caligula, qui famæ Senecæ tunc gliscentis invidiæ impar, *Commissiones* eum componere, hoc est, ut puto, declamatorias orationes, quibus Rhetores pro palma inter se committebantur, ^{*} & *arenam sine calce* in scriptis suis præstare ajebat, ad sententiis frequens illud fractumque brevibus periodis dicendi genus certè respiciens. De stylo & libris postea, nunc convicia in mores videamus.

92. Suëtonius Tranquillus ait de Nerone: *Liberales disciplinas omnes ferè puer attingit, sed à Philosophia etiam mater avertit, monens imperaturo contrariam esse: à cognitione veterum oratorum Seneca præceptor, quo diutius in admiratione sui detineret*. Minus hoc, & ignoscendum: sed quæ Philosopho præstantissimo Dio Coccejanus imputat, quod turpiora, eò magis calumniosa sunt. Dio inquam Cassius, non ille in libris suis superstes, sed in Excerptis Joannis Xiphilini, atque item aliis Constantini Porphyrogenetæ jussu collectis, & cum versione ac Notis Francisci Valesii viri doctissimi, ante quadraginta annos vulgo communicatis. Ibi enim lib. 61. Senecæ non tantum cum Agrippina Neronis matre consuetudinè, in Julia Germanici adulterium opprobrat; sed & quod præceptor tyranni esset, aulæ cupidus, assentator Messalinæ uxoris & libertorum Claudii, quorum laudibus plenum in exilio Corfi-

^g Laurentius de la Barre in scholiis ad S. Lim. Pseudo Epist. de Passione Apost. Petri & Pauli.

^h In prefatione ad secundam editionem suam hujus auctoris.

^t Lib. 3. De re rust. cap. 3.

^u Lib. 14. c. 4.

^x Lib. 12. Ann. 3.

^y Lib. 13. c. 3.

^z Lib. 13. c. 6.

^a Lib. 10. cap. 1.

^b Lib. 2. c. 9.

^c Lib. 5. c. 9.

^d In Carm. 22. Versu 161.

^e De Anima. cap. 20.

^f Lib. 7. cap. 11.

ⁱ Suëton. teste in ejus Vita c. 53.

^k Vide Heinſiū in Proleg. ad Aristarchiū ſæcrum, pag. 643. Barthium lib. 23. Adv. cap. 28. & Animad. ad Statii lib. Theb. 6. v. 143. l Cap. 52.

Corficę exarasset libellum, ditissimus, & luxui ac libidini mancipatus. Abstineo ejus verbis, ne prolixior sim in referenda Gręci hominis maledicentia. Dioni quidem non parum in historia, Cornelio autem Tacito plus defero, qui res & homines suę ætatis sub Trajano florens magis notas habuit, Dionemque Alexandro Mammę filio æqualem tot annis præcessit. Et solet Tacitus nil dissimulare quod non modò verus, sed etiam falsus rumor sparsisset. Nimirum is *injuriam* ^m vocat exsilium Senecę irrogatum. Non ergo jure imputatum credit in Julia Germanici filia adulterium. Relinquo meras illas P. Suillii adversus nostrum calumnias, apud eundem Tacitum ⁿ, hominis ferocię animi, aut de his quę essent reprehensione indigna, aut quę vanis dumtaxat rumoribus inniterentur, sui reatus, uti credebat, auctorem urgentis. Nil verè turpe, aut Dionis verborum germanum inculcatum de Seneca idem Tacitus refert ^o Neroni fuisse, cum magis deberet, potentię ejus apud Principem, criminationibus opportunum factum, inclinante.

93. Docuit ipse usque ad extremum vitę diem, ante & post criminationes istas, dives, mediocris, exsul, florens gratiā sui Principis, eadem severissimę sapientię præcepta. Scribens ad Lucilium ^p, intra annum, ut creditur, mortis, ex antiqua Attali disciplina retinuisse ait se unguentorum, vini, balneorum abstinentiam perpetuam, in aliisque omnibus modum abstinentię similem. *Laudare solebat* (ait) *Attalus culcitam, quę resisteret corpori: tali utor etiam senex, in qua vestigium apparere non possit*. Parum credibile est ita palam de se loqui ausum, qui iis moribus & lascivię esset, quę Gręcus arguit historicus; cum & ipsius Senecę confessione verissimum sit, nullos pejus mereri de omnibus mortalibus, quàm qui Philosophiam velut aliquod artificium venale didicerunt, qui aliter vivunt, quàm vivendum esse præcipiunt. quid si adjungas, immo quàm se vivere jactant? Et non dubito quin libelli *De vita beata* per tempus calumniarum scripti argumentum ex parte is fecerit, maledicis suis ut responderet. quod doctè fecit cap. 17. & quę id consequuntur.

94. Abstineo plena oppositorum refutatione, Dionemque eodem felle adversus Cassium, Brutum, Ciceronemque usum, ad *Prolegomena* in *Senecę Tragędias* Martini Ant. Delrii viri doctissimi, temeritatis suę arguendum remitto. Collegit quidem ea omnia, quę famam Senecę onerant, veterum testimonia, Joannes Henricus Meibomius *De vita Mecenatis* ^q scribens, ut nempe dilueret objecta huic ejus heroi à Seneca, dilaceratā magni viri famā. Quę intemperantia virum sic præstantem omnimoda eruditione, & in literas merito, non multum decet. Uti & Antonius Possevinus in *Apparatu sacro*, ut, more suo, in quibus cavendum esset à lectione Senecę operum, admoneret. Videtis Guidonem Pancirolum lib. 2. Var. cap. 377. At Senecam aliquantò modestius de ambitione exposulavit Franciscus Petrarcha confictā ad eum epistolā 3. inter eas quas *Ad viros illustres* inscripsit.

Bibliotheca vetus Hispana Tom. I.

95. Jam de stylo & monumentis præter Caligulam culpavere nostrum antiqui scriptores, M. Fabius Quintilianus modestè & in laudem sæpius inclinans, Agellus Grammaticus, aliorum, uti videri vult, judicio & verbis malignitatem propriam, aut certè aversum ab studiis sapientię animum, prodens. Sed præoccupavit magnus Lipsius defensionem in *Judicio super Seneca* & ejus scriptis editionis suę præambulo, unde est hoc pronunciatum rem determinans: *Itaque sententiam pro te, Seneca, audacter ferimus. In Philosophia, & præsertim morali ejus parte, vicisti qui fuerunt, qui erunt: accipe palmam, non magis quàm Herculi clavam (omnes omnia faciant) extorquendam. In ipsa eloquentia duę tuę virtutes eximię, copia in brevitate, vehementia in facilitate. De copia bonus judex & sagax statim agnoscit, & Fabius ut peculiarem virtutem etiam alibi assignat copiam Senecę, vires Africani, maturitatem Africani videre meritis illos, qui sicum & aridum nobis dicunt. At de vehementia ego ejus miror, & est tota oratio ferè accincta, intentia, & robur in ea & acrimonia, quā vel ad Demosthenem se jactet. ^{auribus}, quę mirabilem illam oratorem facit, cum isto certè ei communis est, itemque numeri illi viriles. Unde autem nisi ab animo tali? & pectus est (pulcherrimo sensu Fabius) quod disertus facit, & vis mentis. Hęc ille.*

96. Addam viri eloquentissimi M. Antonii Mureti judicium de stylo Senecę, quod reservavit ex ejus cineribus Franciscus Bencius, & ipse disertissimus. Edidit hic Senecę utriusque opera, quę parata editioni Muretus reliquerat. Et in Præfatione ad Contarenum Cardinalem, *Lucium Ammęum Senecam tanti* (ait) *faciebat, ut eum non modò ut sapientissimum (quod omnes fatentur) verum etiam ut disertissimum (quod negant nonnulli) lauderet auctorem. Ab hoc enim ille non tantum præcepta vivendi; sed etiam ornamenta eloquendi peti posse dicebat. Nimirum ejus orationem pressam quidem esse ac subtilem, sed concinnam ac splendidam, plenissimamque gravitatis: sententias enim ipsas ita frequētes, ut æquent prope numerum verborum; verba autem ita inter se apta & coherētia, ut nullum movere loco possis substituendi alterius gratiā, quin corrumpatur, nullum tollere, quin concidat oratio, &c. Legetis etiam Martini Ant. Delrii *Prolegomena* in *Senecę Tragędias*, ubi de ejus vita.*

97. Quintiliani autem de nostro verba transcripsit in libri sui *Polycratici* 8. caput 13. Joannes Saresberienſis, nec plenum inter eos judicium, Senecam & Quintilianum intelligo, ausus fuit interponere. Attamen, *conferentiam* (inquit) *facile literatiorem existisse Quintilianum, & acumine & gravitate dicendi præcedere. At ille (Seneca) diligentior est, & quantum in Rhetoricis vincitur, tantum vincit in ethicis.* Adducit quoque is Frontonis testimonium de Seneca, quod nusquam alibi legitur. *Tantus utique, ut eum Frontio, secundum quosdam nepos Plutarchi, cujus meminit in prima Juvenalis sic:*

Frontonis platani, convulsaque marmora clamant.

Semper cum sic asserat universos exterminare errores, ut aurea videatur secula reformare, & deos ab humano genere exsultantes ejus operi revocatos,

D

bomi-

hominibus contractu societate miscere. Quid autem de Gesnero faciemus, qui de Antonio Tiliario Consentino, eo qui *De coloribus* scripsit, viro quidem impensè erudito, Latineque versibus pangendis suo sæculo clarissimo, agens, hæc parum opportunè de Seneca scripsit: *Seneca enim tametsi plenus sententiarum, arsque fortasse, quæ præstari ab scriptoribus omnibus præcipue debet, in eo non requiratur; tantum abest ut eum Latine & purè loquutum esse existimem, ut ob id etiam in Latinorum scriptorum numerum cooptandum esse minimè censeam. At Tiliarius de suo &c.* Hæc Gesnerus, tanquam Latine ac purè quid esset loqui, solus noverit inter tot celeberrimos omnium ætatum viros eloquentiam Senecæ commendantes.

CAPUT VIII.

De Senecæ scriptis. De consolatione ad matrem. Libri excellentia. Sophologii auctor corrigitur. Lipsii observatio minus recta. De vita beata insigne opus. Quisnam Lucilius, ad quem Epistola. Apocolocyntosis, de morte Claudii eximia satyra, & unde huic nomen. Excerpta De paupertate, & remediis fortuitorum an Senecæ sint? Plura opera ejus deperdita referuntur. Lactantius vindicatur ab illustratore Servatio Galileo. De libro Notarum Senecæ tributo. Epistolæ ad Paulum Apostolum, hujusque ad eum, indignas esse quæ horum censeantur. Latè comprobatur, neque hujus esse De quatuor virtutibus librum, sed Martini Dumienfis. Senecæ illustratores, atque editores.

98. **S** EQUITUR ut referamus Lucii Senecæ scripta, quæ vel sunt naturalis, vel moralis Philosophiæ, vel poetica, vel tandem satyrica: atque hæc partim deperdita, partim hodie exstantia. Ordinem temporis, quo sunt stylo ducta, si scire cupis, Martinum Antonium Del-rium in doctis ad Tragedias Prolegomenis consule. nobis namque vulgarem, quo edita leguntur, haud turbare satius visum.

99. *De ira* libri III. ad Novatum fratrem, qui postea Annæus Gallio, ut diximus, sub Caligula, cujus, ut adhuc inhererentis Reipublicæ jugo, meminit.

100. *De consolatione ad Helviam matrem* scripsit ex Corsica, ex eunte primo exilii anno, sub Claudii initium, ut jam diximus. *Animis & eloquentiâ plenum opus* (Lipsii judicio) numeris & structura compositum, atque etiam ordine præter cetera dispositum. Ideo ut palmam inter ceteros possit. Aliàs ad Albiam legitur, aliàs ad Elbiam. Placet eruditis Helviæ nomen, quod notum historiæ fuit Romanæ. *Helvius Perinax*, atque inde fortasse *Helvidius*, *Helvia* mater Ciceronis, colonia *Helvia Ricina* ex inscriptionibus confirmant. Apud auctorem *Sophologii* fædo errore legitur *Seneca comestationibus ad Elinam, seu Elviam*. pro, in consolationibus (ut credimus) ad *Helviam*.

101. *De consolatione ad Polybium*, imperfectus, viginti quæ ferè capitibus à principio mutilus. Is Polybius Claudio ab studiis fuit libertus, immo à libellis, Græcè Latineque

non vulgariter doctus, monumentis & notis ætati suæ isti. Scriptum est adulatorium (fateor) parumque Senecæ, hoc est, Philosopho gravissimo, nedum Stoico, dignum. Dandum tamen est aliquid naturali sui & suorum charitati. Exsul degebat in Corsica procul à matre, à fratribus, ejus desiderio languentibus. Permisit sibi eorum causâ, quod fortè non permisisset suâ, ut libertum apud Claudium præpotentem occasione amissi fratris opportunis officiis adiret, atque ejus interventu Cæsarem ipsum, cujus in hoc libello non minimas esse partes voluit, aut consolandi Polybium suum, aut ipsum Senecam supplicem auscultandi. Cujus officii sollicitus esse toto capite 33. videtur exactor. Planè eis, qui ut eluant maculâ istâ Philosophi famam, nothi causam huic scripto movent, stylus, ordo, sententiarum aculei, & integra conformatio illius resistit.

102. *De consolatione ad Martiam* A. Cremutii Cordi filiam, illius, qui, ut effugeret Sejani manus, inediâ sibi mortis viam aperuit, ut ex hoc ipso libello, & *Amalium* auctore, constat, atque eam obitum filii sui Metilii jam tertium annum lugentem. Inter insignes hunc numerant librum illustratores Senecæ, diffusiorē quidem, & minùs quàm Senecæ alii contractum, ut Del-rio placet.

103. *De providentia*. sive: *Quare bonis viris mala accidunt, cum sit providentia*. liber singularis, scriptus, ut videtur, post Caji obitum, ut ex 4. apparet capite. in exilio fortè. Communis est locus, sed quem inter alios egregiè tractat in *De providentia* orationibus, maxime sextâ, Theodoretus.

104. *De tranquillitate animi* liber, non *De tranquillitate vite*, ut vulgò magis legitur. Eodemque inscripsit libro suo Democritus, quod Cicero vertit *tranquillitatem animi*, ut notat hic Muretus. Hunc non exstare totum Lipsius credit, quia partes non bene coherent, & quicquam supponitur dictum, quod nusquam legitur. Ideo nempe quòd in fine libri dixerit: *Habes, charissime, quæ possent tranquillitatem tueri, quæ restituere*. Aitque Lipsius nulla hujus partitionis seu ordinis vestigia reperiri. Quod nollem dictum. Toto enim libro inculcata videas quæ tranquillitatem conservare & amissam restituere possint. In aureum hoc opusculum Notas edidit Joannes à Cockier Leodii 1607. in 8º.

105. *De constantia sapientis*. sive: *Quòd in sapiente non cadit injuria*. Scriptum verè Stoicum, & censione ejusdem Lipsii, magni animi, magni ingenii, atque etiam eloquii: unde licet robur in temporum hominumque quotidiana malitia capere. Eodem quo superius tempore credit formatum.

106. *De clementia*, ad Neronem Cæsarem, libri duo; cùm annum hic ageret XIX. hoc est sub initium Principatus, ut apparet ex cap. 9. prioris libri. Sed mancum quoque hoc esse opus, ex contextu ipso, & brevitate posterioris manifestum est. Ad hos libros Notæ Joannis Calvini pestilentissimi Hæresiarchæ seu commentarii exstant, à Philippo Lauro anno MDXXXII. in 8º. (quo loco haud novimus) editi.

107. *De*

u Vide Lipsii hic, & Del-rii in *Prolegom.* lib. 2. cap. 7.

x Cap. 12.

y Lib. 4.

z Lipsius, Del-riusque.

t Lib. 3. cap. 18. & 19.

107. *De breuitate vite*, ad Paullinum liber, uxoris suæ Paullinæ fortè germanum fratrem. nam ad juvenem scriptum innuit caput ejus 19. sicut & paulò post Caji Cæsaris obitum, caput 18.

108. *De vita beata*, ad Gallionem fratrem. Quo, arrepta occasione inculcandi circa hoc sapientiæ præcepta, calumniatoribus opulentia suæ & mortum respondet, cum cœpit causam suam agere, averso jam animi Cæsare. Imperfectus quoque hic liber est, & quæ coagmentabantur in vulgaribus editionibus capiti 28. mutilo & ipsi, jure sejunxit Lipsius in sua, & quasi fragmentum alterius, sive libri sive epistolæ, subjunxit inscriptum.

109. *De otio aut secessu sapientis*. Quæ pars sine etiam, seu conclusione, deficitur. Hoc autem *De vita beata* libro nihil præstantius usquam habemus (Barthius ait ^a) sacris quidem literis exceptis, quas ille de proximo ita tangit, ut & legisse videri possit.

110. *De beneficiis*, ad Æbucium Liberalem, libri vii. sub Nerone scripti; aliàs de Claudio in fine libri primi aliter; nec eo contemptu fieret mentio.

111. *Epistola ad Lucilium* cxxiv. veterem amicam, quem & equestris ordinis, & procuratorem Cæsaris in Sicilia fuisse, ex his ipsis, & lib. 4. *Natural. questionum* ^b constat: in cujus præfatione veluti describit Lucilium. Nec dubito quin responsoriæ ad literas Lucilii plures harum sint. meminit quippe ejus literarum sæpius ^c. Malim tamen cum Lipsio, non omnes veras esse, & assidue missas; sed sequutum Senecam hoc genus liberè, ac de quibus placuisset, scribendi sub Lucilii nomine ^d. Dividebantur olim hæ epistolæ in libros: nam apud Agellium ^e liber 22. epistolarum Senecæ laudatur; cujus exindè verba, in quibus Ennium poetam, Ciceronemque ipsum, necnon & Virgilium taxatos legimus, nunc non apparent: ut necessarium sit admittere nonnulla ex his epistolis intercidisse. Dividunt sanè, quamvis variè, codices mss. Attamen in novis editionibus jure hæ prætermissa est divisio.

112. Sequuntur quos de Philosophia naturali ad eundem Lucilium elucubravimus noster. scilicet:

113. *Naturalium questionum* lib. vii. meteorologici penè omnes, & ultimo ferè loco ab eo scripti, & quando epistolæ; nam & lib. 6. initio terræ-motus meminit, qui Campaniæ infestus fuit Cos. Virginio & Memmio, scilicet biennio ante ejus mortem, ann. v. c. DCCCXVI. quem tamen *Amalium* scriptor ^f ad superiorem rejicit. Opus istud innuere forsitan voluit Jacobus Magnus in *Sophologio*, *De natura rerum* vocans: quæ opinio est Martini Antonii Del-rii in *Prolegomenis ad Senecæ Tragedias* lib. 2. cap. ultimo.

114. *Ἀποκαταστάσις*, sive *ludus de morte Claudii Cæsaris*: quomodo hunc libellum primus Latine indigitavit à se inventum & publicandum Beatus Rhenanus Selestadiensis. Cujus inventionis & Joannes Cuspinianus meminit ^g. Nihil tamen hujus continet Græcum nomen, idque festivum satis, ut opusculum totum, *varium, doctum, argutum, venustum*, *Bibliotheca vetus Hispana* Tom. I.

cui nec *Venus* nec *Lepor* aliquid addant. ut Lipsius ait. Barthius pariter, nihil acutius dici potuisse, libellumque hunc suum facili negotio Senecam *Momo* ipsi *Salium* approbaturum ait h. *Amarissimum & acutissimum satyricum* alibi vocat ⁱ. Dio Cassius expressit titulum, & prora & puppis est, ut Senecæ satyram hanc vindicemus; quamvis subdubitaverit Giraldus aliquando ^k. miratur tamen propter eum fortè idem Barthius ^l, fuisse qui alii quam Senecæ hunc ingeniosissimum & doctissimum libellum adscriptum voluerint. Lib. 60. ait Dio, seu Xiphilinus: *Συγγραμμά μὲν γὰρ ἔστι τῆς συγγραφῆς, ἡ ἀποκατάστασις αὐτῆς, ὡς πρὸς τὴν ἀπαθανάτωσιν ὀνομάσας. Compositus enim & Seneca libellum, Apocolocyntōsin inscribens, veluti apothēōsin, sive inter deos quandam relationem.*

115. Quid autem sit *apocolocyntōsis*, rem acu tetigisse mihi Daniel Heinsius, & ex eo Libertus Fromondus, videntur in Præfatione suarum ad libellum Notarum in Lipsiana editione: ut talis dicatur eodem modo ac ἀποδείξις *relatio in Deum*, seu ἀπαθανάτωσις, *transformatio in immortalem*. Quæ verba veterem ritum ethnicorum consecrandi principes significare posita sunt. (Fortasse melius *apocolocyntōsin* iccirco legendum censuit Barthius ^m.) Ἀποκαταστάσις enim *transformationem in cucurbitam*, sive *cucurbita in Deum* significabit. Κολοκύνθη enim *cucurbita* est. Convenit Joannes Schefferus Argentinenfis, qui hoc tempore multa erudita protulit profertque, in *Academicarum lectionum* libro, cujus aliqua portio est: *Nota in Apocolocyntōsin*. Multò aptius hoc est, quàm quòd aliis ⁿ placuit, propter colocyntidem ita dictum, ex quo verosimiliter confectus fuit boletus, quo, quasi pharmaco purgatorio, usus fuit lethaliter Claudius. Quo respiciens Xylander, ἀποκαταστάσιν Dionis *de immortalitate fungo parta* interpretari non veritus fuit.

116. At his omnibus dudum olimque adhæserunt fragmenta quædam, seu *Excerpta*, ut præferunt editiones, & libris Senecæ scilicet *De paupertate*, atque item *De remediis fortuitorum*. Priora incipiunt: *Honesta, inquit Epicurus, res est paupertas*. Certè ille hoc argumentum, si quando valde vacaret, ut ex fine epist. 87. constat, discutere meditabatur. His fragmentis lucem, immo & emendationem, ab epistola 17. quæ incipit: *Proice omnia*, accedere posse Pincianus notat, uti & Obsopæus desumpta ea esse ex epistolis 2. 4. 9. 14. 16. 17. 18. 20. 36. 80. 81. & 87. Leodegarius tamen quidam à Quercu annotationes in hunc, quem Senecæ putavit, librum edidit Parisiis MDLVI. in 4^o. Verderio teste in *Bibliotheca Gallica*. Posteriorum hoc initium est: *Licet cumætorum poetarum carmina gremium tuum semper illustrent*, &c. Quæ Senecæ abjudicari satius sit, quantumvis ad ejus imitationem conficta videantur, aut ex ejus sententiis emendicata; quàm cum iis errare qui admiserunt, Philippo Bergomenfi, Lucio Marinæo, & si qui alii sunt. Adjudicantur Senecæ vulgò in scriptis manu libris, quorum unum vidimus in bibliotheca Palatina Romæ cod. 1546. eodem initio prologi ad Gallionem.

117. Collegerunt ab his diversorum jamque olim deperditorum Senecæ operum titulos viri docti,

^h Ad Statium lib. 3. Sylv. 3. v. 77.

ⁱ Ad Theb. v. 36.

^k Dial. 8. de Poëtis pag. 317
^l Ad Theb. v. 64.

^m Ad Theb. lib. 2. v. 64.

ⁿ Hadriano Junio lib. 1. *Ani madv.* cap. 17.

^a Ad Statium lib. 3. Sylv. cap. 2. v. 129.

^b Præfatione & cap. 1. & ex ep. 19. & aliis.

^c Ep. 2. 1. 19. 21. 24. & aliis.

^d De Lucilio Del-nonè vide e Lib. 2. cap. 2.

^f Lib. 15.

^g In *fastis* consularibus Marcel-
li & Aviola pag. 322.

• Del-rio in
Proleg. ad Sen.
Tragœdias.
Lipſius De vi-
ra & ſiſtina
ſauca.

docti •, quorum indiſtriâ hîc nos uti neceſſariò debemus. Ea ſunt:

118. *De ſuperſtitione*, magnâ bonorum ſtudioſorum jacturâ deperditum. Quid enim de hoc argumento ſperari non debuit à viro ſapientiſſimo, qui ſemel animo ſuo impoſuit, ut falſam gentis ſuæ religionem traduceret, civibusque exprobraret? S. Auguſtinus lib. 6. *De civitate Dei*, cap. 10. *Nam in eo libro, quem contra ſuperſtitiones conſcripſit* (Annæus Seneca, quo de loquitur) *multò copioſius atque vehementius reprehendit civilem iſtam & urbanam Theologiam, quàm Varro iſteatricam atque fabuloſam*. Hæc Auguſtinus, qui & eodem capite, & ſequenti, ex eo libro pulcherrima quædam tranſcribit fragmenta. Barthium adungi non fruſtrâ erit è libro 11. *Adverſariorum*, cap. 20. Quem & intellexit in *Apologetico* his verbis Tertullianus: *Inſtendite, inſpumate: iidem eſtis, qui Senecam aliquem pluribus & amarioribus de veſtra ſuperſtitione perorantem probatis*. Obſervavit Lipſius lib. 1. *Electorum* cap. 18. aliique. Dialogiſticum fuiſſe opus, ex Diomedis lib. 1. *De oratione & ejus partibus*, cap. *De his quæ perfectum tempus non habent*, manuſcriptum eſt. Dialogum quippe laudat Senecæ *De ſuperſtitione*. Miror autem non alium ex his, qui religionem Chriſtianam eo ferè tempore, deriſis gentilium ſuperſtitionibus, impugnârunt, hujus meminſſe operis, Arnobium, Lactantium, Minucium, ne Græcos memorem.

119. *Moralium*, ſeu *Morales*, ſeu *Philosophiæ moralis* libri. Lactantius exinde fragmenta adducit lib. 1. cap. 16. & lib. 2. cap. 2. & lib. 6. cap. 14. & 17. Interpretor de Philoſophia morali, quam ſe quodam opere velle complecti profeſſus auctor fuit ad Lucilium epiſt. 106. Idem in ep. 109. *Perſolvi* (ait) *quod exegeras, quamquam in ordine rerum erat, quas moralis Philoſophiæ voluminibus complectimur*.

120. *Exhortationum* libri. Ex opere iſto quædam Lactantio debemus, qui lib. 1. cap. 7. ita habet: *Et eſt illud verum quod dixiſſe in Exhortationibus Senecam ſuprà retuli*. Et mox: *Quod Seneca vir acutus in Exhortationibus vidit. Nos, inquit, aliunde pendemus. Itaque ad aliquem reſpicimus, cui, quod eſt optimum in nobis, animam debeamus. Alius nos edidit, alius inſtruxit. Deus ipſe ſe fecit*. Quæ cum apertè ſint verba Senecæ, injuriâ invehitur in Lactantium. Servatius Gallæus nuperus ejus illuſtrator, quaſi Deum ſe ipſum feciſſe iſ crediderit. Idem ejusdem libri cap. 5. & lib. 3. cap. 15. & lib. 6. cap. 24. ubi ejus verba adducit, quibus *Exhortationes* terminavit, verè Chriſtiana. At ex eodem capite paullò infrâ conſtat diviſas libris has fuiſſe, cum ejus operis primum (quid niſi librum?) laudet Lactantius.

121. *De immatura morte* liber laudatur ab eodem Lactantio lib. 3. cap. 12. Auctor *Sophologi* Jacobus Magnus *De matura morte* appellat lib. 3. cap. 1. & lib. 7. cap. 7. Martino Del-rio, potiùs quàm liber ab aliis diverſus, aliqua ex epiſtolis ad Lucilium eſt de argumento iſto concepta. Non tamen perſuadet, uſque dum inibi verba oſtendat à Lactantio adducta.

122. *De matrimonio* liber. Debemus hanc notiçiam S. Hieronymo libro *Adverſus Jovi-*

nianum primo. *Scripterunt* (ait) *Ariſtoteles & Plutarchus & noſter Seneca De matrimonio libros, ex quibus & ſuperiora nonnulla ſunt, & iſta quæ ſubjicimus*. At quæ ſubjicit pura puta Senecæ videntur verba, non ullius ex Græcis illis. Habes quicquid ex hoc libro & aliis Senecæ reliquum eſt in *Fragmentis* quæ Lipſius in editione ſua collegit.

123. *De providentia* diverſum, & laxius eo, quod habemus, ſi Deo placet, opus. Nam in libelli iſtius, quem *De providentia* quoque, ſive melius: *Quare bonis viris mala accidunt cum ſit providentia*, indigitatum priùs laudabamus, initio hæc habet: *Quæſiſti à me, Lucili, quid ita, ſi providentiâ mundus ageretur, multa bonis viris acciderent mala? Hoc commodius in contextu operis redderetur, cum præeſſe univerſis providentiam probaremus, & intereſſe nobis Deum. Sed quoniam à toto particulam revelli placet, & unam contradictionem manente lûc integra ſolvere faciam rem non difficilem, cauſſam deorum agam*. Quibus perſpicuum mihi eſt integrum *De providentia* opus ſignificâſſe, non aliud, veluti *Moralium*, quod innuit Lipſius: vereque hoc Senecâ dignum fuerit argumentum.

124. *De terre-motu* ſe ſcripſiſſe ait ipſe lib. 6. *Nat. quæſt.* cap. 4. cui certè hîc ſuperaddidit, quæ ætas ei, aut ad ſcientiam, aut ad experientiam adjeciſſet, ut ipſe loquitur.

125. *Dialogi orationesque*, neſcio cujus argumenti, quorum Fabius meminit lib. 10. cap. 1. *Tractavit etiam omnem ferè ſtudioſorum materiam: nam & orationes ejus, & poemata, & epiſtolæ, & dialogi ſeruntur*. Ex dialogis unicum reperiri, *Senſus & rationis*, Eraſmus credidit, ut videre eſt in *Praefatione* ejus ad Senecam. Orationes quidem, vel quas dixit ipſe, vel quas Neroni publicè recitatuſ dictavit. Ex his eæ ſunt fortè, quibus Nero vivente adhuc Claudio Ilienſibus, ut omni publico munere ſolverentur, Bononienſi coloniæ igni hauſtæ, ut centies ſeſtertiſ largitione ſubveniretur, Taciti fide q, impetravit. Illud certius eſt, orationem quâ Nero laudavit Claudium funeris die, Senecæ eſſe. *Quamquam oratio à Seneca compoſita* (ait idem Tacitus) *multum cultûs præferret, ut fuit illi viro ingenium amicum, & temporis illius auri-bus accommodatum*. Adnotatumque à ſenioribus ſubjungit, *primum ex his, qui rerum potiùs eſſent, Neronem aliene facundia eguiſſe*. Item id ſcriptum, quod Nero ad ſenatum miſit occiſa matre, Quintilianus diſertis verbis Senecæ attribuit lib. 8. cap. 5. cujus literæ meminit etiam Dio Caſſius lib. 61. At ipſe proprio nomine multas habuiſſe dicitur. *Modò* (ipſe ait alicubi) *cauſſas agere cœpi*. Et meminimus Dionem referre, quod & ſuprà obſervatum u, penè eum interiſſe Caji odio ex invidia, quod præſente eo cauſſam quandam egregiè in ſenatu egiſſet. Quid ſi & *Controversas*? ſi noſtrum ſignificare voluit Quintilianus lib. 9. cap. 2. non verò patrem?

126. *De fortuitis*. Tertullianus in *Apologetico* (ait) *Multi apud vos ad tolerantiam doloris & mortis hortantur, ut Cicero in Tuſculanis, ut Seneca in Fortuitis, ut Diogenes, ut Pyrrhon, ut Callinicus, &c.* Inde eſſe ea videtur ſententia bis tributa Senecæ ab eodem Tertulliano, & libro

De

q Lib. 12. Ann.
cap. 18.

1 Lib. 17. cap. 3.

s Ep. 49.

t Lib. 59.
u Cap. anteceden-
tenti.

De anima cap. 42. & *De resurrectione carnis* cap. 1. *Post mortem omnia finire, etiam ipsam*. Quæ quidem non reperitur in iis fragmentis supra laudatis, quæ cum cæteris nostri auctoris libris edi solent, quæque in aliquibus codicibus ex libro *De remediis fortuitorum ad Gallionem poetam* inscribuntur excerpta, Martino Antonio Delrio auctore in *Prolegomenis ad Tragedias*.

127. *De officiis*. Laudat Diomedes Grammaticus lib. 1. *De oratione* x. *Rursum Seneca De officiis: Si cervicem præstitero, ait, pro, præbuero*.

128. *De forma mundi*. Cassiodorus auctor est in libello *De astronomia*, his verbis: *De quo librum Seneca consentanea Philosophiæ disputatione formavit, cui titulus est: De forma mundi. quem vobis idem (lego item) relinquimus relegendum*. Iisdem verbis Boëthius in libello *De Geometria*, cap. *De utilitate Geometriæ*, quem Cassiodorus exscripsisse videtur, cum ei supervixerit.

129. *De situ Indiæ, seu Commentatio de India*. quomodo Plinius vocat lib. 6. cap. 17. *Seneca etiam apud vos (inquit) tentata Indiæ commentatione, sexaginta annes ejus prodidit, gentes duo de viginti centumque. Laudat quoque Servius ad lib. 9. Æneidos his verbis: Ganges fluvius Indiæ est, qui secundum Senecam in Situ Indiæ novem alveis fluit*.

130. *De sacris & situ Ægypti*. Hujus operis meminit idem Servius ad 6. librum y. *Seneca (ait) scripsit De situ & de sacris Ægyptiorum. Hic dicit circa Syenen extremam Ægypti partem esse locum, quem Philas, idest Amicas, vocant, &c.*

131. *Epistole ad Novatum*. Quas oportet Lucilianis numero inferiores haud fuisse. siquidem Priscianus in libro *De ponderibus* decimum earum librum commendavit. *Seneca in decimo epistolarum ad Novatum (ait) viginti quatuor festeria, idest talentum Atticum parvum*. Hæc ille. Quæ cum in epistolis ad Lucilium non reperiantur, admittere Prisciani fide alias istas ad *Novatum* debemus, fratrem scilicet, etiamnum sui juris & nominis, ante quam ad sacra Gallionis per arrogationem transfiret.

132. *Epistolas ad Maximum Cæsonium* videmur posse adjungere propter hæc Martialis ex epigrammate 44. lib. 7.

*Facundi Senecæ potens amicus,
Caro proximus, aut prior Sereno.
Hic est Maximus ille, quem frequenti
Felix litera pagina salutat.*

Hic est Maximus Cæsonius vir consularis à Nerone damnatus, Senecæ nostro amicissimus, de quo ipsum in epistola 87. adire potes, ac Tacitum 15. *Amalium*, quemque ab eo salutatum frequentibus literis, ut alter Lucilius, aut Novatus, credunt ex hoc loco Martialis interpretes, & Martinus Antonius Delrius in *Prolegomenis ad Tragedias*, Nicolaus Faber in *Prefat. ad Senecæ opera*.

133. *Notarum* quoque librum, si non fallit de eo fama. *Notas* intelligo scripturæ quoddam compendium, quo singulis figuris aut characteribus vocabula integra celerimè notabant veteres hujus artis notaræ periti, ex ore dicentium excipientes: de quibus eruditè, ut

folet, Lipsius in quadam epistola 2 ad Leonardum Lessium, Gruterus a, Joannes Henricus Meibomius b, Joannes Brodeus c, Mattheus Raderus d, & alii. S. Isidorus lib. 1. *Originum* cap. 21. postquam tribuisset Ennio inventum, Tullio Tyroni, Ciceronis liberto, & aliis augmentum artis; deinde (ait) *Seneca contracto omnium, digestoque, & aucto numero, opus effecit in quinque millia. notarum scilicet*.

Quod tamen testimonium Lipsius jam laudatus multifariam corrigit. His exaratum vidit olim

Psalterium Joannes Trithemius e, Hygini De syderibus portionem Petrus Bembo f. *Systema Notarum* quibusdam, ut vocat, commentariis & capitibus distinctum, ad calcem *Thesauri sui inscriptionum* Janus Gruterus, Tyronis Tullii atque *Anni Senecæ* inscriptum nominibus, ex duobus mss. codicibus, qui *id utcumque* (ita loquitur) *balbutiebant*, primus publicavit. Non tamen sine aliqua admistione Christianarum notarum, quas, si Joanni Trithemio nuper laudato credimus, S. Cyprianus Martyr pro Christianorū usu veteribus adjecit.

134. Lipsio g autem Marcus, non Lucius g *Seneca, Notarum* hujus augmenti visus fuit auctor. Et sanè Philosophus sprevisse hoc inventum, & ad vilissima rejecisse mancipia legitur b. Non tamen sufficiens ea ratio, ut ab eo ad Marcum parentem abeamus. Addidisse is dicitur, ut notarii uterentur, non invenisse, aut jactasse inventum. Et Isidorus Senecæ attribuit, quo per excellentiam designatur Philosophus. Extareque apud Cl. Puteanum, & in aliorum bibliothecis exemplaria hujus operis, cum hac epigraphe: *Lucii Anni Senecæ liber Notarum numero quinque millium*, Nicolaus Faber in Prefatione ad ejus opera refert. De Notis vide etiam *Ægydium Menagium*, exquisitæ eruditionis virum, in observationibus ad Laërtii vitas i.

135. Hæc certò Senecæ, ut de versibus interium taceam. Cetera nulla firmiore conjectura tributa ei dixeris. *Historiam* scilicet, ex Laëtantii lib. 7. cap. 15. ubi ait Senecam Romanæ urbis tempora in ætates distribuisse: quo nisi testimonio, quòd Lucius Annius Florus *Compendii rerum Romanarum* auctor simili distributione in prologo usus legatur, eundem cum nostro Anneo Seneca nonnulli existimavere, ut & historiam eam noster scripserit *. Sed de hac re locus erit tractandi opportunior quum de Floro agemus. *Prefationes* propter Fabii Quintiliani ista ex lib. 8. cap. 3. *Nam meminisse juvenis admodum inter Pomponium & Senecam etiam prefationibus esse tractatum, an, gradus eliminat, apud Accium in Tragedia dici oportuisset*. Non enim video *Prefationes* de alio, quàm quod alicui operi preponitur, dici, nec id solum vocabulum significare id, ad quod prefatus fueris, posse. Cogitabam *De prefationibus*. Sed fortasse *prefationes* colloquutiones sunt, seu confabulationes, quæ inter presentes fiunt. Quoniam *prefari*, de eo quem presentem coramque fari cum alio dicere velis, non incongruè usurpabitur, cum & *presens*, à *pro*, hoc est, coram, & *ens* dicatur, f litera interjecta, ut apud Ausoniu i.

Spondere qui nos noxia, quia præfess, vetat. De qua derivatione in *Etymologico* suo Vossius: cui credimus magis quàm ad hunc eun-
J In Distis sapientum.
m Verbo Pref. & Presens.

x Cap. De spectabat præter. perfellu.

y Ad vers. Hic dicitur locus Ægypti.

z Cent. 1. Ad Belgas ep. 27.
a In editione sua *Notarum* Tyronis & Senecæ cum *Thesauri*.
b In *Vita* Menagii cap. 26.
c Notis ad Martialis epigram. 206. alias 179. lib. 14.
d Notis ad idē epigr.

e Qui in *Polygraphia* refert.
f Ex ep. 8. ad Julium II. *Papam* lib. 1.

g Epist. 27.

h Epist. ejus 90

i Lib. 3. pag. 96.

* Improbati à Nicolao Fabro in Pref. ad Senecæ opera.

eundem poetæ locum Eliæ Veneto, qui præf-
est pro præf-est, sive præf-est, per synalepham
dictum censuit.

136. *De arte dicendi* quicquam, propter
Quintiliani hæc è libro 9. cap. 2. cum de jure ju-
rando agit, an eo uti oratores deceat: *Nam &*
totum jurare, nisi ubi necesse est, gravi viro parum
convenit. Et est à Seneca dictum eleganter, non
patronorum hoc esse, sed testium. Id etenim præ-
cepti oratoribus dicti aliàs quàm de arte scri-
bens nonnisi ineptè inculcare potuit.

137. *Laudationes Augustarum & libertorum*
fui temporis, ex eo quod Joannis Xiphilini excer-
ptorum ex Dioneⁿ hæc leguntur in Latina in-
terpretatione Guil. Xylandri: *Assentatores dete-*
statur, cum ipse reginas coleret & libertos, ac
laudationes quorundam componeret. Sed mens
Dionis apertior manfit in excerptis aliis Con-
stantini Porphyrogenetæ editionis Vale-
sianæ^o. Τὸς τὰ κολακίοντας τινὰ διακόλλων, αὐτὸς ὅτι
ἢ Μεσσελλιναν, ἢ τὸς τὴν Κλαυδίου ἐξελαιδεύρους ἐξάπασιν,
οἵ τε καὶ βελτίον οἱ σὺν ἐν τῇ νύκτι περὶ αὐτῶν ἐπαίους αὐτῶν
ἔχον, ὁ μετὰ ταῦτα ὁ πρὸς αὐτοὺς ἀπλάττει. Hoc est ex
interpretatione Henrici Valesii: *Et qui assenta-*
tores probis incesceret, idem Messalinam ac libertos
Claudii adeo omni adulatione ambierat, ut librum
refertum eorū laudibus ex insula, in qua exsulabat,
eis mitteret, quem tamen pudore postea ductus stylo
verso deleuit. Quæ propter libellum eum, de
quo jam diximus, consolationis ad Polybium
Claudii libertum, Dio Cassius annotavit.

138. *Epistolas* quoque ad Paullum Aposto-
lum in iis, quæ perperam nostro Lucio attri-
buuntur, collocamus. De his literis loquimur,
quæ hodie circumferuntur, *Seneca ad Paullum,*
vicissimque *Paulli ad Senecam;* novem scilicet
Philosophi nostri, quinque verò Apostoli. le-
gunturque in *Bibliotheca Xysti Senensis,* qui
eas admittit, scripsisseque ad eas breves quosdam
commentariolos Jacobum Fabrum Viennen-
sem Episcopum ibidem annotat. Certè harum
epistolarum noticia non recens est; sed quarto
sæculo, quod ex SS. Hieronymo & Augustino
constat, jam vulgaris fuit. Hieronymus enim
Senecam (uti ipse q ait) *nam poneret in catalogo*
Sanctorum, nisi eum illæ epistolæ provocassent, quæ
leguntur à plurimis, Paulli ad Senecam, & Senecæ
ad Paullum: in quibus cum esset Neronis ma-
gister, & illius temporis potentissimus, optare se
dicat ejus esse loci apud suos, cujus sit Paullus
apud Christianos. Et D. Augustinus laudatur
Senecæ quandam sententiam, *qui temporibus*
(ait) Apostolorum fuit, cujus etiam quedam
ad Paullum Apostolum leguntur epistolæ. Præter-
eo nunc S. Lini Papæ testimonium ex ejus
pseudo-epigrapho opere *De passione Petri &*
Paulli, quo Xystus Senensis utitur.

139. Hunc enim librum communiter im-
probant fictitiique notā inurunt catholici do-
ctores, Baronius^f, Bellarminus^t, Spencæus^u,
Possévinus^x, Labbeus^y, uti & heterodoxi An-
dreas Rivetus^z, Gerardus Joannes Vossius^a,
Gaspar Barthius^b, alii. Prætereo & Lucii
Dextrī conficta huic rei statuminandæ, è pseu-
do-chronico verba ad ann. LXIII. Hic enim
auctor nondum approbavit fidem suam recto
judicio utentibus viris. Sanè ulterioris tempo-
ris etiam fuit hæc persuasio, ut legitimæ habe-

rentur memoratæ epistolæ, cum & earum in-
minerit Joannes Saresberienfesc, Jacobus Ma-
gnus^d, Petrus Cluniacensis^e, admittantque
aliqui ex duobus ultimis sæculis scriptores, Ra-
phaël Volaterranus^f & Jacobus Philippus Ber-
gomenfis^g. At quisquis ille fuerit *De passione*
Apostolorum scriptor, dummodo non Linus,
potuit cum Hieronymo & Augustino vulgi
rumores sequi: aut aliæ fuere ab his quæ nunc
leguntur, epistolæ tunc vulgares. Et Joannes
Saresberienfensis potius ad Hieronymi verba re-
spexerit, quàm ut epistolis det testimonium.

140. Nam, ut nonnihil de singulis dicam,
in prima Senecæ haud scias quid velint verba
hæc de epistolis Paulli: *Quos sensus non puto ex te*
dictos, sed per te; ceris aliquando ex te & per te.
In secunda Paulli, quæ statim subijcio indig-
na sunt Apostolo, qui spiritum Dei sequeba-
tur, scribens: *Sed quod literis meis vos refectos*
scribis, felicem me arbitror tanti viri judicio. Ne-
que enim diceris censor, sophista, ac magister tanti
principis, & etiam omnium, nisi quia vera dicis.
Judicio Senecæ putet se felicem Paullus Dei
Apostolus? & Senecæ quæcumque dicta probet,
magistrum omnium eundem professus?
Tertia Senecæ non magis Latina est, quàm Se-
neca barbarus est. *Reddere diem, pro assignare.*
decreveram non prius edere, nisi prius &c. Latini-
tas respuit. Et quisnam in quarta Paulli, *audi-*
re literas, pro *legere,* admiserit? & quæ sequun-
tur: *Cum primum igitur venire cœperis, invicem*
nos & de proximo videbimus. Par est omnino
Senecæ quinta, Paullique ad Senecam & Lu-
ciliū sexta. Pseudo-Paullus in octava impius
est, qui nolit notitiam salutaris disciplinæ per-
venire ad Cæsarem; & ineptus, qui incongruè,
inconsequenter, ac nescio cujus reginæ habi-
ta mentione, eam absolvat. Nonam Senecæ
puræ putæ ineptiæ condivere. Decimæ Paulli
quid faciemus? Cujus totum argumentum est
conitti parum rectam & congruentem sectæ
suæ inscriptionem esse, ut *Paullus Senecæ sa-*
lutem dicens præferatur: cujus & conclusio, ut
Senecam *devotissimum* vocet magistrum Christi
Apostolus.

141. Undecima, quâ reponit Seneca
huic de forma inscriptionis Paullinæ sententiæ,
nihil recedit à superiorum absurditate. In qua
tamen nescio quid ejus, quod Augustinus legerat
in his, quas vidit, epistolis, exstare videtur.
Tu lector judica. Haud quidem debere ait
abstinere illum ab ea inscribendi se, atque ami-
ci nomini suum nomen præferendi, stylo, *ne*
tam tentare me quàm ludere videaris (ait) quippe
cum scias civem esse te Romanum. *Nam qui meus,*
tuus apud te locus (Delio natatore hæc indig-
gent) *qui tuus, velim ut meus.* Duodecima pa-
rum cohærentia de urbis incendio, aut potius
falsa, nonne refert? quippe qui cum auctore
Tacito^h, *domuum, & insularum, & tem-*
plorum, quæ amissa sunt, numerum inire baud
promptum fuerit; apud hunc legamus: *centum*
triginta due domus, insulæ quatuor, sex diebus
arsere, septimus pausam dedit. In tertia decima,
Latinitati ut morem gerat Paullum suadet Se-
neca, quasi Latine, non Græcè, Apostolus scribe-
ret. Ultima Paulli jam Christo adhærentem
supponit Senecam.

c Lib. 2. Poly-
cap. 13.
d In Sophol.
lib. 6. cap. 6. &
lib. 7. cap. 9.
e Epist.
f In Anrihopol.
g Supplem.
Chron. lib. 8. fol.
128.

n Lib. 61. pag.
694

o Pag. 615.

p Lib. 2. ad
verb. Paullus
Apostolus.

q De scriptor.
Ecclæs.

r Epist. ad Ma-
cedonium 33.

f Annal. 1. ad
ann. LXIX. 6.
t De script. Ec-
clæs.

u Lib. 6. De
continentia c. 2.
x In Appara-
tu, voce Linus.
y De script. Ec-
clæs.

z In Critico sa-
cro.

a De hist. Græ-
cis lib. 2. cap. 9.
b Lib. 43. Adv.
17.

h Lib. 15. c. 41.

142. Stylus autem in omnibus, nec illius temporis, nec mediocris alicujus auctoris, nedum elegantissimi Senecæ est: sensus inepti, obstrusi, sæpeque investigabiles. Priores epistolæ absque Consulum mentione, posteriores Consulibus notatæ sunt: qui verò non constant. Nam decimam Neronis quarto ac Messalæ Consulatu subscriptam redarguit Tacitus, qui tertium Neronis Consulatum, non quartum, lib. 3. eum vocat, in quo Messalam habuit collegam. Huic autem Paulli epistolæ hoc anno v. Kal. Julii datæ, non ante x. Kal. Aprilis senquentis anni, quo Consules fuere Apronianus (sic dicere debuit) & Capito, responsum Seneca dedisse fingitur, cum uterque Romæ esset. Annus item incensæ urbis non habuit Coss. Frigium & Bassum, quod legitur in epist. xii. Senecæ ad Paullum. Cornelius Tacitus¹ patratum id scribit C. Lecanio & M. Licinio Coss. Aliter vocat Frontinus², Crassum nempe Frugi & Lecanium Bassum. Attamen iidem sunt in utroque auctore, scilicet Cajus Lecanius Bassus & Marcus Licinius Crassus Frugi, uti P. Licinius Crassus ille dictus, cujus cum exaggerata laude tricesimi libri initio Livius meminit. Agnomen *Frugi* aliorum quoque fuit; sed non quidem ex agnomine solo vocari debuit Consul iste, quantumvis pro *Frigio* epistolæ, *Frugi* reponendum esse, quod libenter nos admittimus, contendat aliquis. Tandem Leo & Sabinus, qui postremæ harum epistolæ tribuuntur Consules, nusquam alibi sunt, nec Leonis nomen in ejus ætatis usu fuisse legimus.

143. Hæc paullò fusiùs de pseudo-epigraphis nostri Senecæ epistolis, quas uno ore damnat criticorum senatus. Videri possunt inter alios Joannes Lorinus in *Acta Apostolorum* cap. 18. v. 13. qui suspicatur ejusdè pseudo-auctoris esse libellum illū *De passione S. Apostolorum*, Lini nomine inscriptū, & has epistolas, Daniel Heinsius in *Exercit. sacr.* lib. 11. cap. 4. in fine, Baronius 10. tomo *Annal.* ad ann. LXVI. num. 11. qui & à Pseudo-Lini opusculo notam de epistolis eam opinionem credit, uti & Rivetus *Critici sacri* lib. 1. cap. 5. Possevinus in *Apparatu sacro*, verbo *Seneca*, Onuphrius *De primatu Petri* lib. 1. parte 3. diffuasiōe 15. pag. 268. Lælius Bisciola *Horar. subciv.* tomo 1. lib. 15. cap. 1. Erasmus epist. nuncupatoriā ad Petrum Episc. Cracoviensem in editione Senecæ operum quæ hodie legitur, & libro *Epistolarum* 28. Lipsius *De vita & scriptis Senecæ* cap. 10. Gaspar Barthius lib. *Advers.* 43. cap. 13. Martinus Ant. Del-rius in *Prolegom. ad Senecæ Tragædias* lib. 2. cap. ultimo, Joann. Ludov. Vives ad S. August. lib. 6. *De civit. Dei* cap. 10. Theophilus Raynaudus *De bonis & malis libris* partit. 1. erotem. 10. num. 180. Quantumvis Xysto Senensi aliter placuerit, & Francisco Bivarrio³, ut Dextro suo fidem conciliaret: atque his antiquiores parum advertenter crediderint Lucius Marinus Siculus *De laud. Hisp.* lib. 6. & Jac. Philippus Bergomensis in *Supplem. chron.*⁴

144. Cum his epistolis cadit quoque quod Seneca scripserit *De copia verborum*. quem librum in istarum epistolarum quadam mittere se ait Paulo supposititius auctor. Nihilominus

tamen fuit qui suppositionem hanc..... foverit: nam Thomasino teste⁵, in bibliotheca monasterii S. Antonii urbis Patavinæ liber exstat, *Seneca Philosophus* inscriptus, cui accedit. *L. Annæi Senecæ Cordub. Stoici discipuli liber De copia verborum ad B. Paullum*. Nugæ, nugæ. Ex frustra sunt Marinus Siculus, Bergomensis⁶, & alii, qui hunc inter Senecæ opera librum enumerant.

145. At quæ ab aliquot antè sæculis existimata sunt, non minùs quàm cetera olim nota, Senecæ opera, tum

146. *De quatuor virtutibus* liber est. Quem Martini Dumienfis Abbatis in Gallæcia opus esse illud, quod ei S. Isidorus⁷, Honorius Augustodunensis⁸, & Sigebertus Gemblacensis⁹, tribuunt, vulgaris est eruditorum sententia. Nam & id ejus nomine inscriptum, inter veterum Patrum alia, *Bibliothecæ sextum* volumen continet. Atqui jam dudum adhæsit Senecæ operibus, proindeque forsan Servatus Lupus Ferrariensis Abbas verbis ex hoc libro, tanquam ex *seculari literatura* desumptis, utitur epistolâ 54. parū tamen immutatis à Dumienfis textu, qui in manibus est: adeò ut Stephano Baluzio¹⁰, viro erudito, & de pluribus mediæ sæculi scriptoribus optimè merito, hæc varietas occasionem dederit existimandi librum hunc à Seneca olim scriptum, postea verò à Martino descriptum & abbreviatum fuisse, qua arte librum Senecæ suum fecerit. De quo, cum ad Martinum accesserimus, proprio magis loco disquiremus. Præferunt certè veteres editiones, Basileensis, quam Erasmus procuravit anno MDXV. atque alia Hervagii ann. MDLVII. cum nota tamen Cælii Secundi Curionis librum Senecæ abjudicantis, quod & vidisse ait Erasmus; ut & Colonienfis ann. MDXCVI. Quædam verò ut supposititium partum rejecere, hoc est Antuerpienses omnes cum Lipsii Notis, Gruteriana apud Commelinum MDXCIV. Amstelodamensis cum Gronovii, aliæ. Seorsum hic *De quatuor virtutibus* liber Senecæ adscriptus, *De formula bonestæ vitæ* etiam inscriptus, prodiit Venetiis ex officina Francisci Ziletti MDLXXXVI. in 12°. Manuscripti antiqui codices consentiunt, bibliothecæ Cæsareæ à Lambecio laudatus¹¹, Scorialensis, & Ambrosianæ Mediolanensis, ut ex earum constat catalogis.

147. Item *De moribus* librum manuscripti codices & *Sophologii* auctor supponunt Senecæ nostro. Hunc eundem cum superiore Labbeus existimavit¹². Sed distinguunt Marinus Siculus, Martinus Del-rius, Joannes Philippus Bergomensis, codex bibliot. Ambrosianæ, in quo diversi sunt *De moribus*, & *De formula bonestæ vitæ*. Hunc commentario libro illustrare conatus est Leodegarius à Quercu, ediditque cum *De paupertate* alio, Parisiis MDLVI. in 4°. apud viduam Petri Attaignant, ut in *Bibliothecæ Gesner. supplemento* Verderius refert. Quem similiter *De paupertate* librum Del-rii judicium sequentes nostro Senecæ abjudicamus.

148. *De septem artibus liberalibus* librum quoque alium ceteris annumerant Senecæ iidem Bergomensis, & Siculus, Didacus item Rodriguez de Almela¹³ Hispanus historicus non

⁵ De biblioth. Patav. mss.

⁶ Locis suprà citatis.

⁷ De script. Eccl. cap. 22.
⁸ De script. Eccl. cap. 26.
⁹ Cap. 19.
¹⁰ Del-rius Prolegom. Sen. Labbei de script. Eccl. in Martino Braccaren. Bivarrio ad Maximi Chronicon. anno 577. Nicolai Fabri præf. ad Senecæ opera, Cælii Secundi Curionis editione eorumdem operum Basileensis anni 1557.
¹¹ In Notis ad hanc Servati epist.

¹² Lib. 2. secundum volum. de Biblioth. Cæsar. cap. 8. p. 914.

¹³ De script. Eccl. in Martino Braccaren. tom. 2. pag. 61.
¹⁴ Mar. Siculus 1. 6. Del-rius ubi proxime, Berg. in Supplementis. pag. 228.

¹ Cap. 14.

² Ubi suprà. 1. 1. de Agnosc.

³ Ad Ann. 64. pag. 124.

⁴ Fol. 128.

non contemnendus, atque alii. Vertitque hunc in vulgarem Hispaniæ linguam iussu Joannis II. Castellæ Regis, unâ cum quinque aliis, Anonymus quidam; cuius interpretationis hoc initium est: *Desear saber, que es lo que me parece de los estudios liberales, &c.* Quam fortè vidit interpretationem Ferdinandus Mexia, qui laudat tanquam Senecæ id operis lib. 2. *Nobiliarii* sui cap. 33. Sed verè hic non liber, sed epistola est 88. ad Lucilium, notatque ibi Lipsius: quamvis aliàs non uno in codice, seorsum ab epistolis, liber audiat. Hæc eadem interpretatio Hispanica librum alium continet: *De los preceptos y doctrinas*. qui incipit: *No hay cosa tan mortal à los ingenios humanos como la luxuria, &c.* Quem citat is, quo de nuper diximus, Ferdinandus Mexia lib. 2. in introductorio post caput 33. Didacus de Valem jam laudatus, *De los Amonestamientos y doctrina*, vocat: quem excerpta esse credimus hinc inde ex aliis & aliis auctoris libris, quæ injuriâ temporis, & exscriptorum Senecæ ipsius nomen usurpaverint. Idem Ferdinandus Mexia quoddam eidem Senecæ nomine appellat opus *De cavalleria* dictum, quod intelligo *De re militari*, lib. 2. cap. 33.

149. *Proverbia* item ab eo nata vulgus diu existimavit, quæ Publii Syri & Laberii mimographorum puri puti sunt *mimi*. Joannes Saresberiensis & ipse falsus fuit, qui meminit in *Polycratico* ^b. Cui vulgus consentiens & aliis imposuit ^c. Sed animadverterunt jamdiu viri docti ^d, & alios monuerunt de vero auctore.

150. De illustratoribus Senecæ, atque ejus horum operum editionibus, restat quæ nota habemus ea dicere. Lucii Annæi Senecæ quorundam operum Neapoli sub Ferdinando Rege excusorum anno MCDLXXV. uti existentis editionis in bibliotheca Regis Galliarum, Philippus Labbeus meminit ^e. Tarvisina editio Bernardi de Colonia anni MCDLXXVIII. quam vidit Gronovius ^f, inter antiquissimas est; quam per me sequuta fuerit Veneta, per Bernardinum de Coris de Cremona adornata (cujus etiam Gronovius meminit) anno MCDXCII. Inter hæc Paullus Pompilius, qui se unum ex sodalitate litteratorum S. Victoris in Quirinali vocat, Romæ edidit inter alias suas lucubrationes philologicas *Lucii Annæi Senecæ vitam*, ad Joannem Lopim Decanum Valentinum: quam in Vaticanæ bibliothecæ ms. codice num. 2222. vidimus: de quo Pompilio & hoc ejus libro agimus in Appendice ad hujus Bibliothecæ priorem partem ^g, ubi de his qui de rebus Hispaniensibus quicquam commentati sunt. Post has notam habeo Basileensem Frobenii anni MDXV. cum Erasmi Notis margini adscriptis; quam valde aversatum eundem fuisse, ex altera editione jam laudanda constat. Hoc eodem anno *Ludum de morte Claudii*, qui hucusque desiderabatur, inventum à se in Germania, cum Notis propriis Basileæ edidit Beatus Rhenanus Selestadiensis, qui primus (ait Matthæus Fortunatus Pannonius paullò post referendus) aliquam lucem in Senecam aperuit, spemque dedit posse illum emendari. Hic inde Matthæus *Naturalium questionum* libros, accuratissimè recognitos, cum Annotationibus pro-

priis apud Aldum anno MDXXII. publicavit Venetiis, homo exactè doctus, diligens, sobrii sanique judicii, uti Erasmo ^g visus. Qui quidem Erasmus veterem illam cum scholiis suis editionem Frobenianam seriò improbanz, Rodolphi Agricolæ usus Notis & emendationibus, manu ad oram sui codicis exaratis, in quibus mirum est, quàm multa divinârit, & item Sigismundi Gelenii apud Frobenium correctioni præfæcti castigationibus, alteram adornavit editionem Basileensem anno MDXXIX. adjunctâ *Senecæ vita*, quam aliquis non prorsus indiligens, ex Suëtonio, Cornelio Tacito, & Hieronymo decerptam literis prodiderat. Hujus auctorem Franciscum Petrarcham fuisse ex ms. codice qui fuit Pignorii, alioque penes se existente, Joannes Philippus Thomasinus in *Bibliothecis Patavinis Mss.* ^h affirmat.

151. Ferdinandus hinc Pincianus noster Senecæ admovit manus, & quindecim non minùs exemplarium ope quinque ferè millia ejus loca meliora fecit, Castigationibus suis ex officina Veneta Joannis August. à Burgo-Franco anno MDXXXVI. prodire jussis. Huic editioni tertia successit Basileensis apud Joann. Hervagium anno MDLVII. cum Cælii Secundi Curionis castigationibus, Ferdinandi Pinciani luculentissimo de Seneca testimonio, *Vita Senecæ* à Xichone Polentono ex Tacito & Suëtonio decerptâ, & Rodolphi Agricolæ in Controversias seu Declamationes commentario. Ferè enim omnes istæ, & quæ his successerunt editiones, utrumque Senecam, Philosophum & Rhetorem, aut confundunt inter se, aut conjungunt. Exeunte ferè superiore sæculo plures eximii viri defudârunt in hac palæstra. Dionysius Gotsfredus, qui novam editionem sex tomis distributam adornavit, quorum ultimo *Conjecturarum* ejusdem, & *Variarum lectionum* libri 5. continentur: item *loci communes*, sive *Aureorum* libri ex eodem Seneca, & *Nomenclator selectarum dictionum & adagiorum* utilissimus. (hæc prodiit Coloniae apud Gymnicum anno MDXCIII. haud primùm fortè, cum ejusdem Gotsfredi *pro conjecturis* istis suis in *Senecam ad Joannem Gruberium responsio*, Francofurti anno MDXCI. emissâ in lucem feratur) Marcus item Antonius Muretus, & Janus Gruterus. Muretus diem suum obiens anno MDLXXXV. dum Senecæ à se emendati pararet editionem, lampada videtur hanc Francisco Bencio Societatis Jesu sacerdoti disertissimo tradidisse moriens, è cuius manu ea prodiit quam habemus, Romana, typis Bartholomæi Grassii ejusdem anni MDLXXXV. in folio cum Notis Mureti, & *Indice* Julii Roscii Hortini. Hujus exemplum habent Leidenses in bibliotheca, cuius catalogus prostat, Josephi Scaligeri manu pluribus in locis ad oram annotatum. Quibus quidem Notis Gruterus addidit ex bibliothecæ Palatinæ libris mss. ut pleraque loca suppleret, confirmaret, corrigeret, illustraret, typis usus Commelinianis apud Heidelbergam anno MDXCIV. in folio adjunctis, cum disputatione à se habita, cum Senecæ *De providentia* librum interpretaretur, Romæ iii. Non. Junii MDLXXV. tum Nicolai Fabri in *De Claudii morte ludum*, & Marci

g In Prefatio-
ne edit. Basil.
MDXXIX.

h Pag. 86. &
234.

b Lib. 8.
c Bergottienfi,
Almelæ, Ma-
rinæo.

d Cælius Se-
cundus Curio,
& post eum q-
mnes.

e In Bibliotheca
Ms. pag.
338.
f In Prefatio-
ne Elzevirianæ
editionis anni
MDLVIII.

g Ex iis scilicet,
quæ Romæ editæ fue-
runt, continen-
tibus scriptores
xvi. & xvii. sæ-
culorum.

Marci rhetoris libros Notis . Audio & anno subsequenti MDXCV: cum iisdem Gruteri Notis , duobus voluminibus in 8°. Senecæ omnia (ignotum mihi unde) prodierunt.

152. Andreas item Schotus & Franciscus Juretus exornando incubuere Senecæ nomini. Nam & Parisiensis ex typographia Jacobi Rosæ anni MDCII. in folio, vel Commeliniana MDCIV. in folio, amborum præferebat Notas. Hinc Justus Lipsius vir clarissimus suam telam orsus est bene de Seneca in publicum merendi, nuncupatâ Paulo V. recens Pontifici Max. primâ suâ hujus operum cum scholiis editione Antuerpiensi anni quam & aliæ usque ad quartam annis MDCXXXII. MDCXXXVII. & MDCLII. adjunctis ad *Questiones naturales* Liberti Fromondi scholiis, sequutæ sunt. Lugduno-Batava successit anni MDCIX. in 16°. auctoris textu contenta. Utriusque Senecæ Marci & Lucii operum cum diversorum commentariis Parisina editio Hadriani Perier anni MDCVII. laudatur inter libros bibliothecæ Lugduno-Batavæ. Aliis tamen ad id tempus visis locupletior surrexit Parisina Petri Chevalier anni MDCXIX. folio: quippe quæ uberiores Notas continet Nicolai Fabri, Andree Schoti, Jani Gruteri, Francisci Jureti, Justii Lipsii, Joannis Petreji, Ferdinandi Pinciani, & Joannis Obsopæi, cum adjecto And. Schoti *De claris apud Senecam rhetoricis* libro; tum deinde Frederici Morellii scholiis in *De beneficiis* libros, & præfatione quadam Lutetiæ ab eo habita, tandemque libro isto *Aureorum* Gotofredi. Cui successit altera Parisina anno MDCXXVII. cum eorundem aliorumque commentariis, nempe Mureti, Fabri, Jureti, Gotofredi, Florentis Christiani, Erasmi, Lipsii, Gruteri, Schoti, Pinciani, Petreji, Rhenani, Hadriani Junii, Obsopæi, Frederici Morellii, Ludovici Dorleans, Petri Scriverii, Isaaci Pontani, & Daniellii Heinssii. Et sequenti MDCXXXVIII. Genevensis, quam Theodorus de Juges eorundem supra memoratorum interpretum scholiis, ad calcem uniuscujusque capituli, ut fecerat Lipsius, subjectis digestisque, nova addidit Jacobi Dalechampii medici, quæ ad manum fortè fortunâ habuit. Hæc duobus tomis alterum & alterum Senecam repræsentavit apud Alexandrum Pernetum, & apud Stephanum Gamonetum. Parisiis Lugduniquæ Batavorum anno MDCXL. duplex alia editio tribus tomis in 12°. absque ullis Notis facta fuit, fortasseque aliæ alibi. Sequuntur aliæ duæ Lugduno-Batavæ utriusque Senecæ, à Joanne Frederico Gronovio procuratæ, quatuor voluminibus in 12°. quorum quartus ejusdem auctoris Notas continet. Prodiit prior sereniss. Christianæ Suecorum Reginae nuncupata Lugd. Batavorum ex officina Elzeviriana MDCXLIX. Posterior magis locuples Amstelodami MDCLVIII.

153. Inedita aliorum alia Senecæ commentaria servant fortasse plura bibliothecæ. Nos Andree (non Francisci) Peccii Eugubini illud habemus notum, quod in *Catalogo scriptorum Umbrie* Ludovicus Jacobillus laudavit. Andree enim Peccii de Eugubio anno MCDXXXIII. scriptus in epistolas Senecæ *Bibliotheca vetus Hispana* Tom. I.

commentarius servatur in libris Ducis Urbini Vaticanæ bibliothecæ cod. 1022. in folio. Item commentaria Gasparini Bergomenfis in libros epistolarum Senecæ custodiuntur in eadem bibliotheca Urbinatensi cod. 1026. in folio.

154. Annotatis Latinis editionibus, & illustratoribus omnium operum, de singularium qui bene meruerint exornatione, aut vel integræ vel partis alicujus interpretatione, subungere animus est. Antiquissimus, ut credo, philosophi ex Latino in vulgarem linguam interpretæ est ille, qui Joannis II. Castellæ Regis jussu aliquot ejus libros Hispanè tantum scientibus communicavit, hoc est: *Las epistolas*, *De la vida bienaventurada*, *De las siete artes liberales* (est epist. 88. uti jam diximus) *De la providencia de Dios*. Alias qui adjungitur: *De las amonestaciones y doctrinas*, Senecæ non est. De quo nos agimus in *Anonymo* Senecæ interprete in hac priorè *Bibliotheca* parte. Prodiit hæc interpretatio Hispani anno MCDXCI. ac deinde Antuerpiæ apud Jo. Stelsius MDLI. in 8°. Senecam quoque se interpretari intellexit Petrus Diaz de Toledo, qui ejusdem Joannis Regis jussu *Proverbia*, hoc est *Mimos* illos, quos Laberii & P. Syri esse diximus, & Hispanè vertit, & paraphrasi sive glossis explanavit. Petrus Diaz Navarrete serenissimis Ferdinando Hispaniæ Infanti & Isabellæ Reginae à secretis, septem alios libros vertit: *De la divina providencia*, *De la vida bienaventurada*, *De la tranquilidad del animo*, *De la constancia del sabio*, *De la brevedad de la vida*, *la consolacion à Polybio*. Septimus qui sequitur, *De la pobreza*, fragmentum illud est ex variis ejus sententiis coagmentatum. Porro quinque *De eleventia* libros D. Alphonsus de Rebenga eques Alcantaræ: *De beneficiis* septem Gaspar Ruiz Montianus Benedictinus monachus vulgares fecere. Flores ex operibus Senecæ collegit Joannes Martinus Cordero.

155. Gallorum linguæ totum, Senecam se communicaturum, interpretationique commentaria & annotationes plurimorum doctorum hominum adjecturum, in se olim receperat Antonius Verdier, ut in *Bibliotheca Gallica* ipse refert. At rem exsequutum esse Petrum de Rier, & quidem laudabiliter, docere nos poterit C. Sorellius in ejusdem inscriptionis libro. Tribuuntur quoque Claudio Seyfello Sabaud, Taurinensi Archiepiscopo, Gallicè conversa *Opera Senecæ* Lugduni edita MDLVI. & atque item Guilielmo de la Teyssoniere Sebustiano.

156. Italorum sermone loqui eum fecere, præter alios forsan, cum Benedictus Varchi, qui *De beneficiis* Florentiæ MDLIV. in 4°. tum Franciscus Lesdonatus, qui *De ira* libros cum annotationibus Patavii MDLIX. Laurentii Pasquati formis, quos etiam nostra ætate iterum convertit Sanctus Conti della Rocca Contrada, Carolo Emmanueli II. Sabaudicæ Duci dedicatos, & anno MDCLIX. Romæ editos, tum Jo. Baptista Donus Florentinus, qui epistolas Venetiis MDXLIX. in 4°. apud Aurelium Pincium publicare. In bibliotheca certè S. Antonii Veneta, Thomafino teste m,

Cap. 11. *Des Traductions.* pag. 225. *Auctore* And. Rossoti in Syl-labo scriptorū Pedemontanorum, &c. *Apud eundem* Rossotum.

m Biblioth. Venetæ pag. 13.

E

MSS.

a Pag. 83.

mss. visuntur epistolæ Senecæ Etrusco idiomate eleganter scriptæ: necnon in Medicea tribus exemplaribus, ut è catalogo apparet n.

157. Germani libris moralibus gaudent Michaëlis Hern industriâ, ut in *Supplem. Gesner. Bibliothecæ* Frisius refert. Birgitta Tott matrona nobilis & erudita Danica dedit Senecæ scripta in vernaculum versâ Soræ MDCLVIII. in folio, auctore Alb. Bartholino *De scriptis Danorum*.

158. Latinæ operæ *Naturalium questionum* libris prius à Matthæo Fortunato, hinc à Liberato Fromondo mancipatæ, facta est in superioribus mentio. *De morte Claudii* liber cum scholiis Beati Rhenani, unâ cum Synesii libello *De laude calvitii*, Basileæ prodit an. MDXV. In *De clementia* libros Joannis Calvinii pestilentissimi hæretici commentarius laudatur à Gesnero in *Bibliotheca*. *De ira* opus seorsum edidit, nescio an adjunctis Notis, Henricus Ernstius professor Soranus Soræ MDCLII. in 12°. Longè verò antiquior illa est opera, quam posuit Dominicus quidam de Peccroli Dominicanus, *Apologeticum* scribens *super lectionem epistolarum Senecæ* (ad quas & commentatus dicitur is, de quo paullo antè, Andreas Peccius) & Lucas Episcopus Auximanus, qui Clementi VI. Papæ nuncupasse dicitur *Excerpta ex libris Senecæ philosophi, Senecæ Rhetoris, & Senecæ Tragicæ*, cum Notis: qui duo, uti Labbeus scribit°, in bibliotheca Regis Galliarum mss. p. reperiuntur. Senecæ philosophi aureum opusculum *De tranquillitate animi* cum novis accuratissimis Notis Joannis à Cockier non vidimus, quantumvis Leodii MDCVII. in 8°. excusum dicatur. Senecæ plures defloraverunt, & quasi ex amœnissimo horto flores collegerunt: quos inter laudatur auctor *Senecæ Christiani* Augustæ editi MDCXXXVII. in 24°. hoc est, ex sententiis illius institutio hominis Christiani, qui Joannes Bapt. Schelleberg Germanus Jesuita est Philippo Alegambe teste. Hubertus item Scuteputæus sententias utriusque Senecæ collectas dedit Antverpiæ MDCXIII.

159. Senecæ vitam Hispanâ linguâ edidit Joannes Paullus Martyr Rizo. Matriti MDCXXV. in 4°. Ad res gestas Senecæ ac Neronis politicas & morales observationes vulgari etiam lingua in eo libro cui *Seneca y Neron* inscripsit Matriti edito MDCXLI. in 8°. Ferdinandus Alvarus Diez de Aux elucubravit. *Seneca impugnado de Seneca* liber est Alphonsi Nuñez de Castro ibidem editus MDCL. adversus quem alius pro Seneca insurrexit.

160. Reperiuntur Senecæ epistolæ mss. in bibliotheca Veneta S. Antonii q non uno codice: item libri alii singulares r. Epistolæ iterum novem non minus voluminibus seu exemplis in bibliotheca Medicea s. librorum *De clementia* duo, *De beneficiis* tria ibidem sunt t.

o In Biblioth. Ms. pag. 111. p Cod. 233. & 626. partis 2.

q Thomassinus pag. 15. & 14. Bib. Venetæ. r Idem pag. 14. s Catalogus pag. 31. & pag. 82. t Idem pag. 82.

Idem LUCIUS SENECA philosophus cum Tragicarum scriptore, licet plures distinguant. quod videtur Sidonius Apollinaris facere, Terentianus Maurus, Eutropius, Paullus Diaconus. Sidonii duplex sphaema. Viri gravissimi carmina, & maxime Tragedias, conscribere. Inter Petrarchum & Boccaccium adhuc super hac re differentia. Rodolphus Agricola notatur, aliique, Tragicum philosophi filium existimantes. Dubium persistere, an omnes Senecæ inscriptæ Tragedia ejusdem poetæ, an diversorum sint. Senecæ tribus quidem à veteribus grammaticis, Medeam, Herculem furem, Thyestem, Troadas, Hippolytum, Oedipum, Agamemnona. Lipsii judicium distinguens inter earum omnium auctores & gradus. Hujus à Scaligero insignis discrepantia. Danielis Heinsii, Joannis Isaaci Pontani, Gasparis Barthii, Martini Antonii Del-rii, de auctoribus crisis. Octaviam omnes ferè rejiciunt. De barum Tragicarum stylo & virtutibus, earumque editionibus, ac interpretibus in vulgares linguas, manuque exaratis exemplaribus. Nicolaus Trivet Anglus quis?

161. NEC solum vulgari sermone, seu prosaico, Lucius Annæus Seneca illustravit Latinam eloquentiam; verum etiam metrico, & numeris ligato. Quintiliani fide u novimus in omni ferè studiorum materia eum versatum tractasse & poemata, legique ejus, & orationes, & poemata, & epistolas, & dialogos. Nec aliud colligitur ex crebro carmine, quo ludum suum de morte Claudii Imperatoris interpunxit. Feruntur & epigrammata in omnium manibus, quæ in exilio suo scripsisse dicitur x. Objectum certè ei ab emulis apud Principem fuit discipulum, carmina crebrius facitare, postquam Neroni amor eorū venisset. Pliniusque junior inter magna exempla, quæ ad faciendâ & amandâ carminâ fuit sequutus, Annæum appellavit Senecam epist. 3. libri 5. Nec satis scio an ejus sint: certè ei imputantur in codice ms. bibliothecæ Cesareæ Viennensis, Petro Lambecio teste libro II. *Commentar.* de hac bibliotheca cap. 8. pag. 935. sequentia duo disticha:

Auro quid melius? Jaspis. Quid iaspide? sensus.

Quid sensu? ratio. Quid ratione? modus. Venio quid levius? fulmen. Quid fulmine? fama.

Fama quid? mulier: Quid muliere? nihil. Priscianus certè grammaticus lib. I. hunc verum laudat Senecæ:

Gausapa si sumsis, gausapa sumpta probat. In quo ait Ovidium fuisse eum sequutum. Quare, cum de ingenio poetice artis compote certissimus; an auctor sit eorum poematum, quæ Senecæ inscribuntur nomine, hoc est Tragicarum, disquirere, hoc opus, hic labor. Scimus versatam fuisse hanc ab aliis molam: sed ne argumentum deferamus, retractanda est necessario à nobis controversia ista ex aliorum observationibus.

x Exstant in edition. Lipsii, Scriverii, aliis.

162. In primis distinguunt plures Senecam Philosophum à Seneca Tragico. Nec subiret de his mirari, qui indoctis nati sæculis antiqua monumenta dijudicare vix poterant, præjudicio titulorum, aut falsis, nescio unde, ortis persuasionibus, absque ullo examine fidem præstantes, aut qui horum ductum sequuti, etiam meliora tempora adepti, adhuc tamen non pertruxerunt istos carceres. Aliquid majus pondus continet Sidonii Apollinaris testimonium è Carmine 9. *Ad Magnum Felicem*, qui disertissimè duos Senecas, philosophum unum, poetam alterum, atque u. Lucanum, Cordubæ alumnos urbis laudat.

*Non quod Corduba præpotens alienis
Facundiam ciet, hic pueros legendum:
Quorum unus colit hispidam Platonem,
Incassumque suam monet Neronem;
Orchestra quatit alter Euripidis,
Pictum sacibus Æschilum sequutus,
Aut plaustris solitum sonare Thespem;
Qui post pulpita trita sub colubino
Ducebant olide marem capelle.
Pugnam tertius ille Gallicam
Dixit Cesaris &c.*

Ab alio item Terentiani Mauri grammatici versu colligi posse videtur scriptorem Tragediarum Senecam, non Lucium Annetum, sed eo recentiorum alium fuisse. De carmine ait bucolico:

In Tragicis junxere choris hunc sepe discreti

Ameus Seneca, & Pomponius ante Secundus.

Nam cum ejusdem temporis Lucius Annetus Seneca philosophus, & Pomponius fuerit Secundus; malè adaptabitur, nisi Senecæ alteri aliquantò inferioris philosopho ætatis, quod Pomponius eum præcesserit. Ab Eutropio quoque & Paulo Diacono Seneca Tragicus aliud à Philosopho videtur existimatus. Et cur M. Fabius in epi sui poetis inter Valerium Flaccum, Lucanum, Bassum, Rabirium, Pedonem, Senecæ locum inviderit? Legatur ejus cap. 1. lib. 10. Sed majoribus argumentis credimus, præter Senecam Rhetorem, non alium quam Philosophum Lucium Annetum ejus filium evo isto vixisse, cui Tragici poetæ cognomen & fama convenire possit. Martialis quidem y

*Duos Senecas, unicumque Lucanum
dumtaxat agnovit, qui ejus epi equalis ignorare
Marcum patrem Lucii haud potuit. Immo Statius Papinius Lucani natales dum celebrat
in Genebliaco huic rei scripto, unius tantum Senecæ, hoc est philosophi, ejus patri, recordatur,
haud prætermittitur Senecam poetam, si non idem, sed alius fuisset, occasione celebrandi poetæ. Hæc ejus carmina de Corduba horum patria:*

*Lucanum potest imputare terris,
Hoc plusquam Senecam dedisse mundo,
Aut dulcem generasse Gallionem.*

163. Nec ad rem minimum est, quod ubique apud veteres laudantur ex his Tragediis versus, non ab alio quam à Seneca simpliciter appellato, inscriptos videas. Quintilianus 2 *Medeam*, Terentianus 2 quædam ex alia Tragedia, quam subicit, carmina, Valerius Probus b *Hecubam* Senecæ, nil distincti.

Bibliotheca vetus Hispana Tom. I.

guentes laudant. Consentiunt quoque ferè libri omnes in Lucii Anneti Senecæ inscriptione *Tragediis* præfixa. Nec ulla mentio usquam est aut filii aut fratris Senecæ, hoc appellati nomine, quo cum confundi potuerit philosophus, aut carmina controversare. Sidonius certè haud potest excusari erroris in distinguendis Senecis contracti, cui nempe fortè non fuit notus Marcus, existimavitque Martiale de duobus loquutum, poetam aliquem à philosopho diversum significasse. Nec in hoc credi debere magis Sidonio ajunt viri docti, quam in eo quod isto ipso carmine cultum à Seneca Platonem fuisse dixerit, qui nullum Academiæ vestigium libris usquam suis impressum reliquit, eundemque Platonem *hispidam* appellaverit, cujus eloquentiam extollere laudibus omnis ætatis homines nusquam cessant. Adjunxit non ita æquè aliquis c, errasse etiam, dum Lucano tribuit cecinisse Gallicum Cesaris bellum. Injuriam quidem. Non enim pugnam à Cesare in Gallia commissam Sidonius à Lucano dicta significasse videri debet eo quod *Cesar* appellaverit *Gallicanum*, hoc est, qui in Gallia diu belligeraverit, ac de Galliis triumphum egerit, indeque ad pugnam à Lucano descriptam descenderit.

164. At Mauri Terentiani ordo servatus inter Senecam & Pomponium Secundum, haud quidem evincit sensisse grammaticum non equalis fuisse ætatis; sed illud tantum, priusquam Seneca applicuerit poetæ & Tragediis animum, ejus studii famam Pomponium floruisse; sive Senecam & Pomponium hoc ipsum, de quo loquitur, antè fecerit: ita ut adverbium *ante* non διακρίτως, sed συνηρτημένως significet. Pauli Diaconi lib. 8. hæc verba sunt de Neronis evo: *Hujus temporibus poetæ pollebant Romæ Lucanus, Juvenalis, & Persius, Senecaque Tragicus. Musonius atque Plutarchus philosophi.* Quibus videtur potius Lucium Senecam poetis contribuuisse, quam à philosopho distinxisse. Cur enim inter philosophos non laudavit, si alius is fuit? Eutropius vulgaris nihil tale usquam dixit, siquidem Eutropius ille, cujus esse dicuntur *Historie miscellæ* à Paulo Diacono editæ priores libri, non ille purus est; sed ab eodem Paulo in alium ferè transformatus.

165. Quintilianus frustra prætenditur, sive quia insensus Senecæ patri Marco ob Quintiliani senioris (fortè parentis) famam studiorum contemptum habitam, Senecæ nostro parum se ostendit æquum, cum de eo sermonem habuit; sive quia epici operis poetas ibi, non alios laudare intendit. Nec item poetis studiis gravitas repugnat philosophi. Plinius certè junior doctissimos, gravissimos, sanctissimosque homines carmina ait d scriptitasse (pluresque nominat, qui Senecæ gravitate morum ac philosophiæ professione minimè cesserint), præsertim Tragedias, quas omne genus scripti superare gravitate vates e credidit. Martinus Antonius Del-rius f & Joannes Isaac Pontanus g consuli de tota hac re possunt.

166. Invaluit, fateor, multis sæculis ignoratio *Tragediarum* auctoris, & adhuc manet vel apud eos qui judicio, non præjudicio aliorum, de his rebus censent. At veteribus per-

Del-rius in Proleg. ad Seneca Trag. lib. 2.

Lib. 5. ep. 1.

Ovidius.

In Proleg. ad Trag. lib. 2. g Proleg. ad eandem.

Lib. 9. cap. 2. a De metris. titulus De servia tumi Hendecasyllabi. b Lib. 1. Gram. igit. De syllab. natural. & de adverbis.

suasio fortè inerat (uti jam vidimus) de duobus Senecis Philosopho & Tragico. Quam opinionem nondum satis afflixit jam à Petrarchæ ævo clarior antiquitatis cognitio. Hic enim in quadā epistola h. Senecam moralium operum auctorem, Tragediarum eundē esse auctorem apertè dixit, nec ullo aut altero ulteriori testimonio confirmat. Hujus vestigiis incedunt qui inter philosophi opera libros (ita vocant) *Tragediarum* referunt, Vincentius Bellovacensis; Jacobus Philippus Bergomensis; Jacobus Magnus; Hieronymus Avantius, Daniel Cajetanus, Senecæ illustratores. Eodem tempore Joannes Boccaccius aliter sensisse dicitur, & Collutius quidam, vir disertissimus appellatus, uti Xicho Polentonius scribit in *Vita Senecæ*. Hic est Collutius Pierus Florentinus poeta, & philosophus, cujus Poccianus meminit in *Catal. script. Florent.* cujus certè epistola ad fratrem suum hanc quæstionem continet, quæ quidem præcedit *Senecæ Tragedias* in bōdicæ Vaticano manu elegantī scripto num. 1645: ad quas & notas marginales Collutius fortè idem oræ affixit, Lucæ, uti ait, editas. Et Rudolphus Agricola^m quā fædè hallucinatus est, horum errori adhærens, qui Lucium Annæum Senecam philosophum tres habuisse filios, Senecam alteram, Tragediarum auctorem, Novatum, & Melam Lucani patrem existimare! Lilius quoque Gregorius Giraldus, aut filium, aut fratrem philosophi, uti & Collutius in prædicta epistola, Tragicum creditⁿ. Distinguere poetam à philosopho alii contenti sunt, ut Matamoros noster^a, Joan. Mariana^p, Ambr. Morales^q, Joannes Vaseus^r, Marinæus Siculus^s. Pendent utrumque referentes, ac nusquam pedem figentes, Erasimus^t, Alciatus^u, Gellius Bernardinus Marmita^x, Petrus Crinitus^y. Decoxit ferè jam de duobus Senecis opinio, manetque controversia, utrum uni Senecæ philosopho decem *Tragedias* omnes, quæ in unum systema pridè coivere, tribuendæ sint, an inter Senecam & alium seu alios anonymos dividendæ. Nec inscriptiones manuscriptorum codicum litem dirimunt, variantes in designando auctore: nam & *M. Annaei Senecæ*, & item *L. Publii Senecæ* qui præferrent nomen, Hieronymus Commelinus vidit, & qui *Marci*, Lipsius.

167. *Medeam* certè Quintilianus Senecæ attribuit lib. 9. cap. 2. *Interrogamus* (ait) *aut invidia gratiā, ut Medea apud Senecam*:

Quas peti terras jubes?

Qui versus hodie in *Medea* Tragedia legitur^z. Ex *Hercule* autem *furiente* hos versus laudat Senecæ nomine Terentianus Maurus^a:

Exemplum Senecæ dabo:

Thebis læta dies adest:

Aram tangite supplices,

Pinguis cedite victimas.

Ex *Thyeste* Lactantius, sive Luctatius, Papinii interpres^b, hosce:

Nescitis cupidi arcium,

Regnum quo jaceat loco.

Qui & hodie exstant^c. Hanc, ne erres, sub *Tantali* appellatione Dominicus Nanus in *Polyambeæ*, nec aliam hactenus ab ullo tributā Senecæ, frequenter laudat. Quod Georgius

Fabricius in *Notis ad eam Tragediam* advertit. Præterea Senecæ *Hecubam* Valerius bis laudat Probus^d, ut *hymen* masculini generis^{d Lib. 1. Lij. gramm.} cōfirmet aliquando esse, & ex ea hanc versum:

Quicumque hymen funestus, inleptabilis.

Et ut illic adverbium postremam recipere longam, hoc laudato versu:

Ilum est illic, ubi fumus altè.

Qui duo *Troadibus* vel nunc exstant^e. Potuitque aliās hæc *Troadum* Tragedia indigitari ab Hecuba earum præcipua, sicuti & *Pbedra*, quæ nunc *Hippolytus*. Nam ex *Pbedra* Senecæ *Priscianus* hunc advocat, qui *Hippolyti* versus^f:

Hippolyte, nunc tu compotem voti facis.

Quo *Pbedræ* nomine in codice Lipsii inscriptam fuisse hanc Tragediam, ipse in *Notis* ad *Hippolytum* scriptum reliquit. Tandem *Oedipum* dixeris, consentiente isto grammaticorum ævo, ejusdem nostri esse, cum Valerii Probi hæc sint è lib. 1. *Oedipodis*, & *Oedipodæ Senecæ*:

Oedipodis domus.

Nisi quod in hujus tituli Tragedia aliter legitur^h:

Ambigua soli noscere Oedipodæ statur.

Et alibi i:

Natura in uno vertit Oedipode novos

Commenta partus.

Et alibi k:

Vultus Oedipodem hic decet.

Immo & *Agamemnonem*: cum Priscianus^l è Seneca laudet quod *compote voto* dixerit, uti habet *Agamemnon*^m vulgaris:

Compote vota reddunt gratès.

His ergo grammaticis fidem qui præstaverit, Senecæ is tribuat necesse est saltem has ex decem Tragediis, *Medeam*, *Herculem furentem*, *Thyestem*, *Troadas*, *Hippolytum*, *Oedipum*, & *Agamemnona*.

168. E recentioribus, qui non unius esse omnes auctoris existimavere, nullus alii concordat, si excipias eos qui generaliter loquuntur, nec de singularibus censent, ut Gaspar Barthiusⁿ, Gerardus Joannes Vossius^o, & alii. Justus Lipsius tres aut quatuor subodoratur^p. Senecæ philosopho *Medeam* attribuit unam, Quintiliani dicto audiens. *Thebaïdem* alicui ex superiore Augusti aut bellorum civilium ævo, cui certè palmam inter omnes defert. Alias Lucio, aut Marco Senecæ; sed nec philosopho, nec patri philosophi, verum inferioris sub Trajano ætatis. *Octaviā* demum alii, valde ab omnibus illis diverso quā severe judicat verbere eruditorum, non plausu excipiendam. Cui ferè consentit in extollendis supra alias *Medeam* ac *Thebaïda* Gaspar Scioppius in *Consultat. de scholarum & studiorum ratione*. Quintus Septimius Florens Christianus in *Notis ad Thebaïdem*, hanc & *Oedipum* Senecæ magni quasi geminas vocat. In *Thebaïde* putida multa & affectata esse censuit Josephus Scaliger, quæ Lipsio *alta*, *docta*, *grandis*, *scripti gemmula*, & *inter prima Romana scripta*. Eidem Scaligero non tam vilis est *Octavia*, quā Lipsio est; immo digna Senecæ ævo. & *critici* (ait) *qui aliud sentiunt, somniant*. Quis crederet criticæ hos coryphæos sic diversa ituros?

169. Da-

h Lib. 4. epistol. famul. videnda. & epistola 10. libri epistol. ad viros illust. & epistol. 3. libri 3. *Rerum memor. rab. cap. 3.*

i Spec. Histor. lib. 8. cap. 102. & Supplem. Chron. lib. 8. l. Sophologii lib. 8.

m Præfat. ad *Quæstion. naturales Senecæ*.

n Dial. 8. De Poetis pag. 316.

o In Apologesi.

p Lib. 4. Hist. Hisp.

q Lib. 9. Hist. Hisp. cap. 10.

r In Chron. Hisp.

s De laudibus Hispanie.

t Prol. ad Senec.

u Lib. 4. Parergon cap. 14.

x Præf. in Tragedias.

y De Poetis Lat. cap. 34.

z Adu 3. versu 453.

a De metris, ubi suprà.

b Lib. 4. Theb.

c Choro secund. di Adu vers. 341.

e Adu 4. initio vers. 862. & in choro ejusdem v. 1054.

f Lib. 6. Gram. 5. 710.

h Adu 2. vers. 216.

i Adu 5. v. 943.

k Vers. 1003.

l Lib. 6.

m Choro 2. v. 365.

n Ad lib. 2. Thebaid. v. 53. o De poetis Latinis cap. 3. p In Notis ad eas, & epistol. ad Raphaelengii.

169. Daniel Heinſius Diſſertat. *De Tragœdia auctoriſus* aliis accuratiùs, Lipſianis Tragœdiis quatuor, diverſimodè autem conſideratis, quintam addidit: *Troades* nimirum cum nulla Græcarum conferendam, *Hippolytum* divinum opus, & Latinorum paucis cedens, *Medeam* dignam quæ ejusdem argumenti Ovidianam ſequeretur, Lucio Annæo noſtro, *Herculem furentem*, *Thyeſtem*, *Oedipum*, & *Agamemnonem* Marco Senecæ alicui, non Rhetori, ac Lucii genitori; tres reliquas ſingulis diverſis adſcribens, nempe *Thebaidem*, quam indignam prorfus eſſe eâ Lipſii commendatione, *Herculem Oetaum* nec Senecarum ævi, nec Latinam quidem ſemper, cujus talia reprehendit multa, tandemque *Oſtaviam* triviali prorfus moneta percuſam cenſet. At obſervavit idem in *Medea*, quicquid ſequitur poſt verſum 652. chori tertium hunc:

Idmonem quumvis bene fata noſſet.

pædagoguli alicujus eſſe; ita mendaciis, anachroniſmis, ſtriblignibus, ineptiis ſcatet. Joanni deinde Iſaaco Pontano philoſophi ſunt *Medea*, *Troades*, *Hercules furens*, *Hippolytus*, *Thyeſtes*, quarum laudati grammatice meminere ſub Senecæ nomine, & forſan *Oedipus*, eaque quam Nero apud Dionis Xiphilinum præter *Herculem furentem* atque *Thyeſtem* egiſſe dicitur, poſtquam (ut ait Tacitus q) amor ei curminum veniſſet. De reliquis, potiùs quàm interponit judicium ſuum, eorum redarguit, qui Marco illi quaſdam tribuunt ut philoſopho abjudicent: eo præcipuè argumento, quòd quæ ſunt philoſophi, ſtoiciſmi dictata ſæpè ingerant, aliæ minimè, productis paſſim locis, harum ſtoam, illarumque ſectas alias redolentibus.

170. Gaſpar Barthius de auctore omnium ambiguus, *Thebaida* nobile drama vocat: *magnum enim & præclari ingenii, baud dubiò ex Annæa domo, ſi non Senecæ ipſius, quò tamen animus valdè proclivis eſt, factus (inquit) eſt. nec ad implendas leges Tragœdiæ ſcriptum, & tantam acutarum ſententiarum vim trabens, ut merito laudari princeps ſui generis poſſit.* Oedipum ſpernit, omnino, tamque ſutilem credit, ut ſe ejus pudeat.

171. Martinus autem Antonius Del-rius, quo nemo criticorum meliùs Tragœdias recoxit (ut Jani Gruſteri verbis utar) commentator ab eodem optimus dictus, unius Senecæ omnes decem eſſe olim exiſtimaverat, cum *Adverſaria* ſua ad eas formaret: à qua opinione in Prolegomenis de harum auctore poſtea editis utcumque abiit, *Oſtaviam* excipiens, de cætero iis ſubſcribens, qui unum Senecam philoſophum omnium auctorem agnoſcunt. Iſtam autem *Oſtaviam*, quam Jul. Cæſar. Scaliger *Neronem* contra librorum fidem appellat u, ſuſpicatur x, uti & Voſſius y, aliique, Annæi Flori eſſe qui in Hadrianum Auguſtum luſit, & *Breviarium hiſtoriæ* ſcripſit, quem appellatum fuiſſe L. Annæum Senecam Florum veriſimile eſſe ait. Proſeſtoque ipſum hujus Tragœdiæ textum prodit Nerone vivo, qui ſupervixit Senecæ, minimè potuiſſe ſcribi. Scaliger autem filius, Scævæ Memoris, cujuſdam poëtæ qui ſub Domitiano floruit, cujuſque *Herculis* Tra-

gœdiæ meminit Fulgentius, putavit opus *Oſtaviam* eſſe, uti Voſſius idem z & Ægidius Menagius a notant. At prudenter, judicio meo, Del-rius, quem puduit fortasſe, uti & nos, inter tot viros hujus ſtudii principes tam contraria ſentientes novam ſibi cenſuram deferre.

172. Exiſtimationem jam ſubjungimus de his Tragœdiis generaliter habitam. Accium, Pacuvium, Titium, Caſſium Parmenſem, Varium, Ovidium, cujus *Medea* laudatur, Pomponium Secundum, Tragicosque omnes alios perdidimus. Unus intar omnium ſuperſtes Seneca, nulli Græcorum (quantumvis inventiones his debeantur) majestate carminis inferior, cultu verò aut nitore vel Euripide major, ab Scaligero b reputatur. Æſchylum & Euripidem videtur imitari voluiſſe, ſi Crinito c credimus, Sophoclem alicubi, ſed fruſtrà, ſi eidem Scaligero. In choris deſcribendis ſuperasſe omnes Græcos cenſuit Bartholomæus Riccius *De imitatione* d docens: à quo & Senecæ copia jure celebratur, qui cum tot fabulas ſcripſerit (& hic inter illos eſt qui favent philoſopho) novis tamen ſemper appareat, nunquam ſui ſimilis; neque qui quod aliàs dixiſſet, in alium mutuetur locum, ut flumen qui ſluit ſemper, neque quæ aqua ſemel præterlapſa eſt, unquam relabatur. Marcus Antonius Muretus e poëtam hunc præclariorem, & vetuſti ſermonis diligentiorem, exiſtimavit, quam quidam ineptè ſaſtidiòſi ſuſpicarentur. Cujus hæc opera mirâ ſententiarum & rerum ubertate reſerta, eam (Giraldus f inquit) auctoriſatem apud patres noſtros comparavere, ut quò quis plures ex iis verſus memoriæ mandasſet, eò magis à doctioribus commendaretur; à plerisque tamen (adjungit) qui naris emunſtoris eſſent, in ordinem quodammodo tempore ſuo redacta.

173. Hæc fama unici, & tam inſignis Tragœdiæ Latinæ auctoris, invitavit eruditorum quamplurimos, ut abſtergerent ab eo quicquid injuriâ temporum rubiginis adhæſiſſet, & ad typorum lucem labis purum, quoad fieri poſſet, adducerent. Hi partim lucubrationes ſuas in lucem ediderunt, partim ceciniſſe hætenus ſibi ſolis videntur. Prætereo ex antiquiſſimis prioris generis qui lucem viderunt, Laſtanctium ſive Luſtatium grammatice, & ipſum Papinii ſcholiaſten (cujus *Periochæ* harum Tragœdiarum è ms. codice à Georgio Fabricio editæ olim ſunt, quæ ſerè in omnibus editionibus conſpiciuntur) & ad recentiores me converto, poſtquam revixit ſtudium critices, huic Spartæ adornandæ intentos. Primus, quod ſciam, huc ſtudium ſuum intendit Nicolatus Franceth Dominicanus, domeſticis ſuis ignotus, cujus ms. in hæc *Tragœdias glosſa* conſervatur in bibliotheca Ferdinandi Coloni Eccleſiæ Hiſpalenſis, cum epiſtola quadam ad auctorem F. Nicolai Epiſcopi Oſtienſis & Veliternini. Hic fuit Nicolaus Martini de Prato ejusdem ordinis Prædicatorum Cardinalis Epiſcopus Oſtienſis creatus anno MCCCIII. deſunſtusque anno MCCCXXI. Avenione, teſte Ughello in *Italia ſacra*. Et quidem decimo quinto ſeculo duos illuſtratores habuerunt *Tragœdiæ*, Gellium Bernardinum Marmitam Parmenſem, Danielemque Cajetanum Cremonen-

z Cap. 3. De poëtis Latin.
a Obſerv. ad Laërtium lib. 6. pag. 142. col. 2.

b Lib. 6. Poët. cap. 6.
c De poëtis, in eo.

d Lib. 1.

e Lib. 12. Var. leſt. cap. 4.

f De poëtis Dial. 8.

q Lib. 14. An. nat.

r Ad lib. 4. Theb. Stati v. 1. & ad lib. 7. v. 485.

s Ad lib. 4. v. 1.

t In Notis ad Thebaid.

u Lib. 1. poët. cap. 8.
x In Comm. ad Oſtaviam.
y De Hiſt. Lat. lib. 1. cap. 30. & De poëtis Latinis cap. 4.

monensem, quorum cum commentariis (quot autem post principem editionem annis ignoramus) excusæ Venetiis fuere, cum prioris scilicet anno MCDXCII. cum posterioris sequenti anno. Exstat in laudata Coloniana bibliotheca Hispanensis Ecclesiæ altera editio Venera eandem Tragediarum cum commentario Bernardini Marmite anni MDX. in folio, in quo codice per oram frequentes exstant notæ, ut in aliis pluribus veterum libris, eorum possessoris Ferdinandi Columbi magni Christophori filii. Diximus de prima editione nil nobis certum esse, nisi ea Herbipolensis sit, quam optimam & emendatissimam Del-rius vocat, cui nulla anni nota præfixa est, sed hi versus tantum subiecti:

Claudius iste liber Senecæ repetendus in omne ævum: hunc ardenti pectore lector ama.

Præstet Herbipolis Martinus in urbe decens Lipsæ. Hoc munus candide lector ama.

Sequitur sunt Veneta editio MDX. Philippi Pincii, Florentina Philippi de Giunta MDXIII. quam procuravit Benedictus philologus Florentinus, Dominico Benivenio Sancti Laurentii Florentiæ urbis canonico dedicatam, indeque anno MDXV. Parisiensis cum commentariis Jodoçi Badii Ascensii, & emendationibus Maserii, & aliorum duorum.

174. Paullò post, ferè trium millium errorum correctione à Hieronymo Avantio Veronensi meliores factas edidit anno MDXVII. (Venetiis item, ut credimus) Andreas Asulanus: easdemque sic emendatas cum laudatis Marmite atque Cajetani *expositionibus* anno MDXXII. Bernardinus de Vianis, typographus & ipse Venetus, Basileensem Henricopetrinam anni MDXXIX. 8o. Lugdunensem Gryphianam MDXXXVI. à Ludovico Carione curatâ, Lipsiensemque typis Ernesti Vogelini, & hanc cum *variis lectionibus* Georgii Fabricii Chemnicensis, & epistola *De Tragediarum usu* ad Palatinos fratres Wolfgangi Comitæ filios alii laudant. Georgius hic Fabricius post Hieronymum Avantium *De generibus carminum apud Senecam* commentatiunculam adjecit. Qui & ex omnibus Tragediis centurias IV. *Proverborum* collegit alias, ediditque Lipsiæ typis ejusdem Ernesti Vogelini anno MDLXVI. nisi hæc editio sit Lipsiensis nuper laudata. Ponè it Antuerpiensis Plantini cum adversariis Martini Antonii Del-rii: at in hoc saltem minùs accurata, quòd quæ hic in *adversariis* monuerit se tollere & corrigere, non sunt in textum relata. Hæc prodit anno MDLXXVI. Cui successit Lugduno-Batava MDLXXXVIII. cum Justi Lipsii *animadversionibus* ex veteri libro optimæ notæ, ac celebri illa præfatione seu epistola ad Franciscum Raphelengium *De Tragediarum scriptore*, unaque ipsius Raphelengii Notis. Quæ editio Lipsiana repetita fuit Heidelbergæ anno sequenti MDLXXXIX.

175. Eodem autem ann. MDLXXXVIII. *Tbeais* edita est Parisiis à Frederico Morellio cum Q. Septimii Florentis Christiani Notis. Laudatur & Martini Nutii Antuerpiensis anni MDCI. in 16o. apud Draudum, & eâ antiquior Genevensis Jacobi Staër MDXCIX. in 16o. Ex

eodem bibliopolio Commeliniano exiit altera Heidelbergensis editio anno hujus sæculi quarto cum Jani Gruteri Notis. Lugduni deinde Batavorum prodit cum Scaligeri *animadversionibus* anno MDCXI. eodemque cum Danielis Heinsii, quas præcedit *De Tragediarum autoribus* disertatio doctissima. Emicuit postea MDCXX. copiosissima illa hujus Tragici operis editio Parisina Petri Billaine typis in publicum data cum titulo *Syntagmatis Tragediæ Latinæ* tribus partibus divisi; quarum prima hæc continet: *Prolegomenon* libros tres, scilicet primum *De Tragedia*, secundum *De Lucii Annæi Senecæ vita & scriptis*, tertium *De versibus Tragicis, maxime Senecæ*. Accedunt fragmenta veterum poetarum Tragicorum, & opinioniones in easdem. Secunda pars hæc: *L. Annæi Senecæ Tragedias novem*; incerti auctoris *Octaviæ*. *Adversaria* in has olim excusa, nunc emendata. Tertia demum *commentarium* novum in easdem, & indices totius *syntagmatis*.

176. Atque hoc eodem anno, quasi fatali Senecæ illustrando, Lugdunensem illam Hollandicam Joannes le Maire typographus ex recensione & musæo Petri Scriverii foras emisit cum *Animadversionibus & Notis* Lipsii, Raphelengii, Q. Septimii Florentis Christiani, Hieronymi Commelini, Scaligeri, Gruteri, Heinsii, Georgii Fabricii, jam laudatis, & Joannis Isaaci Pontani non antea editis. Subiecta sunt (uti averfa frontis præfert pagina, nam liber meus quæ sequuntur non habet, reservata forsan alteri volumini, quod non vidimus) ejusdem Petri Scriverii *Collectanea veterum Tragicorum*, Livii, Ennii, Nævii, Pacuvii, Accii, & aliorum fragmenta. *De iisdem amplissima testimonia & elogia veterum*: item *nomenclator omnium Latinorum Tragicorum*. tandem *Gerardi Joannis Vossii castigationes & Notæ in fragmenta*. Ex eadem urbe & officina Guilielmi Jansonii anno MDCXXIV. eodem prodierunt sine ullis Notis: uti ex Amstelodamensi alia cum Notis Thomæ Farnabii anno MDCXXIII. in 12o. Joannes Fridericus Gronovius, cum Notis propriis & variorum edi curavit Lugduni Batav. MDCLXI. & fama est novam editionem parari à Jodoco Plumero Amstelodamensi bibliopola. *Annotata* verò in Senecæ has Tragedias continet liber annotatorum Jacobi Bononienfis Parisiis editus in folio ab Ascensio anno MDXI. cujus in Lucano postea mentio erit. Mattheus quoque Raderus ad *Medeam* commentarium Monachii apud Melchiorum Segin edidit anno MDCXXXI. in 12o. qui & reliquissæ refertur similes alios in *Troadas*, *Thyestemque*. Audio etiam de editione Genevensi apud Jacobum Crispinum MDCXXVII. in 4o. *Medeam ac Thebaidem* seorsum ab aliis editas Ingolstadtii in officina Sartorii monet Draudus.

177. Latent alii Tragediarum codices & earum illustratores in bibliothecis manu dumtaxat exarati. Laurentina regia Scurialis duos habet codices, utipam ab incendio magno illo anni MDCLXXI. superstites. Primum membranaceum literis paullò vetustioribus scriptum, in folio: secundum eodem genere scripturæ cum *cōmentario*, quod auctor *Catalogi*

pro

CAPUT X.

pro certo se habere ait S. Thomæ Aquinatis esse. Ego autem nusquam legi de hoc ejus opere. Venetiis in S. Antonii publica quam fundavit Dominicus Cardin. Grimanus, *Tragædiæ* visuntur elegantur scriptæ ^g. Medicea bibliotheca xii. habet exempla ^h. Patavii apud canonicos regulares S. Joannis in Viridario, atque item in bibliotheca Eremitarum, scriptum exstare *super Tragædias Senecæ*, auctore Nicolao Treveth Dominicano, sodalis Philippus ait Thomafinus ⁱ. Qui etiam asservatur in bibliotheca Vaticana inter libros Ducis Urbini codice ms. 996. in folio. incipit: *Tria genera Theologiæ*, &c. Nicolaus hic fuit Treveth, vel Trivet, Anglus, qui floruit circa annum MCCCCLX. scripsitque inter alia humaniora & historica super declamationes Senecæ, quem commentarium ei Gesnerus, Antoniusque Senensis tribuunt, non hunc super ejusdem Tragædias. Ambrosiana Mediolanensis pulcherrimum habet harum codicem cum argumentis Albertini Mussati. Patavinus hic fuit variorum operum auctor, Gesnero teste. Dionysius item Thuscus de Rubertis è Burgo Sancti-sepulchri, ordinis Eremitarum, qui florebat circa annum MCCCXXVIII. *super Tragædias* scripsisse commentaria in Jacobilli *Catalogo scriptorum Umbriæ* refertur. Italicâ linguâ scriptum in eisdem Tragædias commentarium servat bibliotheca regia Parisiensis, Labbeo teste ^k. In bibliotheca S. Marci Venetiis ms. esse Tragædiarum codicem moniti à Draudo ^l sumus.

178. Nec minùs alteram illustrationis operam, maximi semper habitam, quæ in convertendis Latinis in vulgares linguas monumentis ponitur, adhibere Tragædiis Senecæ curaverunt civiliores Europæ nationes. Apud nos vetustissimo translato sermone hoc opus vidit olim D. Thomas Tamajus ^m. Et quidem Catalanorum linguâ conversas inter libros exstitisse Gabrielis Soræ Aragonensis ex ejus liquet libro indice. Nec ante multos annos *Troædus* vertit in Hispanicum, atque eruditis suis tractatibus, *Nueva idea de la Tragedia*, & *Exercitacion escolastica del Teatro*, quasi paradigma quoddam adjunxit, D. Josephus Antonius Gonzalez de Salas eques Calatravensis, doctus ille Petronii Arbitri explanator, cujus nos loco suo mentionem faciemus. Italis vulgarem fecit *Thyestem* Ludovicus Dulcis. Et nonne omnes? Sic enim audivimus. *Agamemnonis* Gallicè conversè à Carolo Toussain, & Parisiis apud Martinum Juvenem anno MDLVI. in 4^o. excusæ Draudus ⁿ meminit. Sed Michaelis de Marolles Abbatiss de Villeloin proficam *Senecæ Tragædiarum* interpretationem laudatam video in *Bibliotheca Gallica* ^o C. Sorellii regii chronographi.

DE M. ANNÆO LUCANO, & ACILIO LUCANO ejus avo materno, quorundam operum auctore. *Lucani vitæ duæ antiqui auctoris, forsitan Suëtonii Tranquilli. De matre ejus Acilia Lucana. Joannes Egidius Zamorensis taxatur. Portentum in puero aliis commune. Magister Cornutus. Emendatur sæpius conjectura Vitæ auctor. Questura ejus, & qua etate. Quenam causæ indignationis adversus Neronem. Conjuratio in eum & mors. Carmina quedam è Pharsalico opere à moriente cantata. Opera quæ scripsit non exstantia. Statius de bis sæpè enodatus. Barbibus reprebentus. Pomponii Sabini versus de Lucano & ejus scriptis. De bello civili decem libri superstites, de quæ eo judicium veteris & nostræ etatis. Historicusne an poëta Lucanus? De Polla Argentaria Lucani uxore. Explicatur Sidonius. Barbii inconstantia. Panegyrici ad Pisonem an Lucanus auctor? & quisnam hic Piso? De Pharsaliæ illustratoribus, editionibus, & in vernaculas Europæ linguas translatoribus.*

179. SUMMI hujus poëtæ res juxta morem hujus commentarii descripturis, religio esset aliis quàm veteris, ut suspicari datur, *De vitæ* ejus auctoris vestigiis insistere. Hunc è commentario, uti aiebat, vetustissimo, Joannes Britannicus edidit primus, & ut germanum antiqui ævi monumentum ferè reputari videas. Sed qualem? duæ enim sunt *Vitæ*: atque ambas attribui Suëtonio Tranquillo, ut caput sit libelli ejus *De poëtis*, passivum est inter criticos. Gerardus Joannes Vossius hanc probat quæ incipit: *M. Amæus Lucanus patrem habuit*, &c. Ex ea enim sunt quæ explicat lib. I. *De historicis Latinis*, cap. 26. & fortè Barthius *Animadv. ad Statii Genebliacum Lucani* in principio. Sed idem Barthius utramque vidit, percurritque judicio critico *Adversariorum* lib. 23. priorem hanc, cujus nos verbis inhæremus, cap. 3. (quam initio Suëtonii fuisse, deinde glossis effarctam & contaminatam etiam alibi ait ^p) posteriorem cap. 28. Josephus Scaliger alteram vidit, ut constat ex ejus in *Culicem* Virgilio Notis. Habemus nos hanc eam, quam edidit cum Lucano suo variorum Notis illustrato Lugduni Batavorum anno MDCLVIII. Cornelius Schrevelius, & hujus vestigiis inhæremus, Lucani res breviter descripturi. Alteram Grotius edidit in editione sua Lucani, estque in antiquissimis editionibus anni MCDLXXV. MCDLXXVII. fereque in omnibus quæ subsequuntur sunt.

180. MARCUS ANNÆUS LUCANUS (ait) *patrem habuit M. Amæum Melam ex provincia Betica Hispaniæ interioris* (fortè *ulterioris*: nec interioris displicet) *Cordubensem, equitem Romanum, illustrem inter suos, notum Romæ* & propter Senecam fratrem, *clarum per omnes virtutes virum, & propter studium vitæ quietioris, quod sequens, magis à turba recedebat, minus latebat.* De patre Lucani testimonium habemus Taciti lib. 16. *Amalium*, quo loco de Annæo Mela agens, idem *Annæum Lucanum* (inquit) *genuerat, grande*

^g Thomafinus in *Biblioth. Veneta*, pag. 15.
^h Catalogus pag. 47.

ⁱ In *Biblioth. Patavina* Ms.

^k In *Nova Biblioth. Ms.* pag. 311.

^l *Bibliotheca* pag. 1196.

^m In *Catalogo librorum Hisp. Ms.*

ⁿ In *Biblioth. perregia* pag. 160.

^o Cap. 11. *Des Traductions* pag. 228.

^p Ad lib. 2. Sylvarum. Carm. 7. v. 1. & ad lib. 6. Theb. v. 322.

grande adjumentum claritudinis . de quo loco suo egimus . Nec dubito quin de Mela intelligendum sit quicquid de vitæ quietioris studio nuper audivimus: quasi allusum sit ad ejusdem Taciti hæc: *Mela quibus Gallio & Seneca parentibus natus, petitione bonorum abstinerat, quamquam adjungat suo more Tacitus: per ambitionem præposteram, ut eques Romanus consularibus potentia æquaretur: simul acquirenda pecunia brevius iter credebat per procuraciones administrandis principis negotiis.* Aut potius ad Lucii philosophi ejus fratris censionem de Mela & Gallione, cujus loco suo meminimus.

181. Matrem habuit & regionis ejusdem & urbis, Aciliam nomine, Acilii Lucani filiam oratoris (Barthius corrigit prudenter, orator is) opere apud proconsules frequentis, & apud clarissimos viros nonnullius ingenii (Barthius dispungit, & apud clarissimos viros, nonnullius ingenii) adeo non improbandus, ut in scriptis aliquibus hodie quoque diaret ejus memoria, cujus cognomen huic inditum apparet.] Plura hujus periodi ostendunt, utpote nova & indicta aliis, scripi antiquitatem; matris & avi nomina, quæ absque hoc prorsus ignorarentur: matris inquam, nam *Atilla*, non *Acilia* nomine apud Tacitum ea vocatur *Amalium* 15. cap. 56. Et *Aciliam* Cordubæ familiam fuisse ostendit lapis apud Moralem lib. 10. *Hist. Hisp.* cap. 10. *Acilium* quoque oratorem, sive causarum defensorem fuisse, atque item ingenii sui aliquot monumentis funeri suo supervivisse: à quo *Lucani* appellatio nostro poetæ indita fuit. Ingeniosulus verò is P, qui obrutus ævi sui prorsus inerediti caligine, sic de Lucani appellatione illinebat chartis. *Dicitur est Agnæus ab eventu.* Agneus Græcè, apes Latine. Refert namque *Vaca* commentator, quod cum natus esset *Lucanus*, super ejus verticem examen apum confedit: unde ab apibus cognominatus est Agneus. Vel dicitur *Lucanus* à luceo; quia præ aliis poetis luxit; idest splenduit opus ejus. Vel secundum vulgus *Lucanus* dicitur, quia de Luca castro, quod est prope Cordubam, exstiterit oriundus. Sed primum authenticum exstat magis. Haud potuit ineptè aut falsò magis quicquam dici. Nihil enim tam certum est, quam quòd *ἀνὴρ καστὸν*, μέλιτος autem apes significant, nullaque sit *ἀνὴρ* & *apis* cognatio. De eventu autem illo paullò post Vitæ auctorem audiemus. *Lucani* autem agnominatio ratio, undecumque insistas, meræ nugæ sunt. *Luque* oppidum est prope Cordubam, nullius tamen famæ aut nominis Romano tempore: quare nec fuisse credimus q. *Lucanorum* appellationis *Lucaniam* Italiæ provinciam fundum fuisse non minus dixeris, quàm Gallorum, Afrorum, Syrorum (quibus nominibus plures sunt appellati) Galliam, Africam, Syriam. His nugis relictis, de *Acilio* Lucani avo nihil addere habemus; nec scriptorum ejus aliqua extra hanc (quod ego sciam) memoria exstat.

182. Natus est in. Nonas Novembris, C. Cæsare Aug. Germanico II. L. Cæsario I. Coss. sed in patria sua non valuit educari; fatorum credo decretis, ut id ingenium, quod orbem famæ sui impleturum cresceret, in domina mundi diceretur iube. Octavum enim mensem agens Romam translatus est.] Caji Augusti secundus imperii annus

hic fuit, quo Coss. fuere idem Caji II. & L. Apronius Cæfianus. Si ergo (uti in Marci Senecæ mentione jam annotatum fuit) venit is cum filiis Romam Augusto adhuc imperante, & Lucanus Melæ filius Cordubæ fuit natus; necesse est Melam ab urbe rediisse in patriam, ibique ukorem duxisse *Aciliam*, recentique prole maetum iter in urbem denuò arripuisse. De patria Corduba locuples testis est *Stadius Papinius* in *Genetliaco*. Et quidem ad Marci Lucani infantiam respexisse videtur patruus Seneca, quum in *Consolatione ad matrem Helviam* (Lucani ipsius aviam) *Ab his ad nepotes quoque respice* (inquit) *Marcum blandissimum puerum, ad cujus conspectum nulla potest durare tristitia*, &c. quod placuit viris doctis r.

183. Ac ne dispar eventus in eo narraretur ejus qui in *Hesiodo* refertur, cum opinio tunc (Barthius rectè opinio erem) non dissimilis maneret, cunas infantis, quibus ferebatur, apes circumvolant, osque insodere complures, aut dulcem jam tum spiritum ejus inhaurientes, aut sacundum, & qualem nunc existimamus, futurum significantes.] Quod hic auctor de *Hesiodo* & *Lucano* nos docet, idem referunt de *Platone* M. *Tullius*, , *Plinius*, , *Valerius Maximus* u, *Ælianus* x. De *Pindaro* idem *Ælianus* y, ac de sanctissimis atque doctissimis *Episcopis* *Ambrosio* *Mediolanensi*, *Paullinus* in ejus vita; & *Isidoro* *Hispalensi*, auctor item anonymus ejus *Vitæ*. Observavit *Miscella observatione* 5. *Mathias Berneggerus*, ut solet, eruditè.

184. Præceptoribus tum eminentissimis est eruditus, eosque intra breve temporis spatium ingenio adequavit, undè verò studentes superavit profectibus.] Inter præceptores *Anneus Cornutus* fuit, quem virum illo tempore doctrina & eruditione clarissimum *Dionis Cassii* 2 fide novimus, seu potius epitomatoris ejus *Xiphilini*. Auctor antiquus anonymus *Vitæ Persii Flacci* poetæ: Cum esset annorum xvi. amicitia cepit uti *Anneus Cornuti*. Et mox: *Per Cornutum* cognovit *Anneum* etiam *Lucanum* equerum, auditorem *Cornuti*. Nam *Cornutus* illo tempore tragicus fuit, sectæ stoicæ, qui libros philosophiæ reliquit. Ita habent postremæ editiones, cum prius legere-tur: *Tragicus fuit sectæ poeticæ*, ut ex *Vossio* constat a, qui auctor fuit correctionis. Poëtam fuisse *Cornutum* id confirmat, quod *Nero* cogitans res Romanas versibus scribere, præter alios adhibuisse hunc apud eundem *Dionis* epitomatores referatur b. Idem auctor vitæ *Persii* ait *Lucanum* adeo mirari scripta *Flacci* (hujus *Persii* nempe) ut vix retineret se illò recitante à clamore, quin illa vera esse poemata diceret. E *Suëtonii Tranquilli* *De poetis* libro hanc *Vitam* esse, uti sunt *Horatii*, *Terentii*que, atque illam *Lucani* nostri, ut jam diximus, *Gerardi Vossii* suspicio est.

185. Declamavit & Græcè & Latine cum magna admiratione audientie.] *Stadius* certè in *Genetliaco*, utriusque, nedum poëticæ tantum, eloquentiæ laudem ei consignat.

*Vestra est ista dies, furere Musæ;
Dum qui vos geminas tulit per arces c,
Et vincit pede vocis & soluta
Romani colitur chori sacerdos.*

186. Ob quod puerili mutato in senatorium cul-

p Joannes Egidius Zamorensis in Fragmentis MSS.

q Meminit hujus vane creditatis Morales lib. 9. cap. 10. & refellit.

r Schoto De claris apud Senecam rhetoribus. in Mela. Del-rio Preleg. ad Tragedias lib. 2. cap. 1.

s De divinatione lib. 1.
t Lib. 11. cap. 17
u Lib. 1. cap. 6.
x Lib. 12. Variæ hist. cap. 16.
y Ibidem.

z Fine lib. 62. Hist.

a De poetis Latinis pag. 43.

b De Cornuto videndus idem Vossius De hist. Lat. lib. 1. cap. 26.

c Ita pro arces rectè corrixit Barthius:

cultum, & in notitiam Cæsaris Neronis facile pervenit, & bonore vixdum etate (etati forsan) debito dignus judicatus est. Gessit autem Questuram, in qua cum collegis, more tum usitato, munus gladiatorum edidit secundo populi favore. Sacerdotium etiam accepit auguratus. Equidem hactenus tempora habita secunda.] Senatorum quidem filii habitum hunc, qui senatorius dicebatur, induebant statim ab assumptione virilis togæ. Suëtonius de Augusto: liberis senatorum (ait) quod celerius reipublicæ affuissent, protinus à virili toga (hoc est ab induta virili toga) latum clauum induere, & curiæ interesse permisit. Pleni sunt hujus observationis rerum Romanarum illustratores ^d. Non tamen dissimulabo suspicari me pro virili minus rectè puerili scriptum, cum de filio Annæi Melæ, quem ascendisse ad senatoriam dignitatem nusquam legimus, nunc agatur, qui hoc privilegio frui, aut statim à prætextata, hoc est puerili ætate, latum clauum induendi jus obtinere vix potuisse videtur. Nisi dicamus sub initium Neronis imperatum fuisse ei à Seneca patruo, ut latuclavio prætextam commutaret. Conveniunt enim quod Lucanus diem suum obierit decimo Neronis anno, ætatis vicesimo septimo, ut videbimus, & quod decimum septimum ætatis ageret, deponendæ prætextæ annum, cum Nero imperare cœpisset; à quo tempore in hujus notitiam pervenerit. quod auctor Vitæ ait. Questuram aliquo ex sequentibus annis, certè ante diem, gessit. Quantumvis enim quæsturam, notante Ulpiano ^e, ingressus fuerit, & quasi primordium gerendorum honorum, sententiæque in senatu dicendæ; ejus tamen, sicut & cujusque alterius magistratus, gerendi legitima ætas, nondum venit ante vicesimum secundum, ut ex Plinii quadam epistola ^f colligi videtur, sive vicesimum quintum, ut Justo Lipsio ^g, sive vicesimum septimum annum, quod Sigonio ^h & aliis placuisse novimus. De gladiatorum ludo à quæstore Lucano, more tunc usitato, edito, Cornelii duo testimonia sunt. Claudii tempore, hoc est ejus imperii septimo anno, P. Dolabella censuit ⁱ spectaculum gladiatorum per omnes annos celebrandum pecuniâ eorum, qui quæsturam adipiscerentur. Rursus ab ejus statim morte, Nerone recens inaugurato, senatus obtinuit ^k, ne designatis quidem quæstoribus edendi gladiatores necessitas esset. Necessitas, inquam: sed absque ea duravit mos edendi: quod etiam post senatûs hoc decretum fecit cum collegis suis Lucanus.

187. Quæ autem sequuntur mutata invidia & odio Neronis, ipsi exitum, domesticis luctum miserabilem attulerunt. Inter amicos enim Cæsaris, quod tam conspicuus fieret profectus in poetica, frequenter offendebarur.] Offendebat nempe Cæsaris amicos, quod in poetica etiam ad invidiam Neronis profecisset; quasi dicat, inter Cæsaris amicos frequenter offendebarur in id, quod tam conspicuus &c. non vulgò nota phrasi. Nisi placet collocatio à Barthio excogitata ^l: Cæsaris enim inter amicos frequenter offendebarur, quod &c. sive alia, quam præfert in capite Adversariorum supra laudato.

188. Sequitur: quippe & certamine pentaterico (lege pentacteterico, hoc est quinquennali) actio in Pompeji theatro laureis, recitante Nerone, fuerat coronatus.] Geminus Suëtonii locus demore hoc Neroniano recitandi orationes versusque in publico certamine, & coronâ victori oblata. Deinde (ait) in orchestram senatûmque (senatûs locus orchestra in theatro) descendit, & orationis quidem carminisque Latini coronam, de qua honestissimus quisque contenderat, ipsorum (præpositorum certamini) consensu concessam sibi recepit. Sic ille ^m non de successu nostro, quo Lucano delatam coronam audivimus: Et extempore Orphea scriptum in experimentum ingenii ediderat, & tres libros, quales videmus. Obscurum quale genus poematis Orpheus esset, de quo infra, ex quo tres supererant libri, nec plures fortè scripserat.

189. Quare inimicum fecit (sibi) Imperatorem, quo ambitiosè imitante (Barthius non sine suspitione glossæ legis, ambitione intumescens, & alibi ⁿ pro ambitiosè imitante: mallet ego pro aut præ ambitione irritante) non hominum tantum, sed & artium sibi principatum vindicantem, & interdictum (ita placet cum Barthio ^o) est ei poetica, interdictum est etiam causarum actionibus.] Dio confirmat, sive ex eo Xiphilinus, fine libri 62. εἰς τὸ δὴ Λουκᾶνός ἐκώλυθη ποιῆν, ἐπειδὴ ἰσχυρὸς ἐπὶ τῇ ποιήσει ἐπηνείτο. Id est: Lucanus autem quod in poësi admodum laudaretur, prohibitus fuit carmina scribere. Et Tacitus ^p: Lucanum propriæ causæ (inquit) accendebant (ad conjurandum in Neronem, ut mox dicemus) quod famam carminum ejus premebat Nero, prohibueratque ostentare, vanus assimulatione ^q. Quod verò adjungit Vita de causarum actionibus ei prohibitis, docet nos causas Lucanum actitasse. Altera illa Vita fragmento quodam apud Barthium laudato lib. 23. Adv. cap. 28. eam causam iræ Lucani præterdit, ægrè tulisse eum, recitante se subito, ac nullâ, nisi refrigerandi sui causâ, indicto senatu Neronem recessisse. Hoc est, frigore, ut exponit, ferendi, & contemptui habere eum se significandi. Insigne exemplum Neronianæ iracundiæ adversus Epirotam quendam victoriâ sese in certamine tragico adversus Cæsarem ipsum efferentem habes apud dialogi De fossione isthmi auctorem inter Luciani alios; qui & ait Neronem etiam Pythicum os (Pythium oraculum) unde voces inspirare solebant, obturare conatum fuisse, ut & Apollinem voce spoliaret. Quem locum observavit ^r.

190. Hoc factum Cæsaris (prosequitur) juvenili estimans animi calore, speransque ultionem, à conjuratis in cædem Neronis socius assumptus est: sed parum faustè. Deceptus est enim à Pisone & consularibus, aliisque prætoribus perfunetis illustribus viris.] Conjunctione hanc accuratissime narrat Cornelius Annalium lib. 15. à quo nil deduci potest, unde deceptum à fociis Lucanum dicere possimus. Quare Barthius probabat magis ut, Deceptus est enim cum Pisone &c. legeretur.

191. Dum vindictam expetit, in mortem irruit. Nam sua sponte, coactus vitâ excedere, venas sibi præcidit.] Usitato tunc appetendi mortem genere, ut manibus carnificis suffurarent se qui ad supplicia quærentur, quo usi sunt in hac ipsa conjuratione Lucius Seneca, F Atti-

in Pompeji theatro laureis, recitante Nerone, fuerat coronatus.] Geminus Suëtonii locus demore hoc Neroniano recitandi orationes versusque in publico certamine, & coronâ victori oblata. Deinde (ait) in orchestram senatûmque (senatûs locus orchestra in theatro) descendit, & orationis quidem carminisque Latini coronam, de qua honestissimus quisque contenderat, ipsorum (præpositorum certamini) consensu concessam sibi recepit. Sic ille ^m non de successu nostro, quo Lucano delatam coronam audivimus: Et extempore Orphea scriptum in experimentum ingenii ediderat, & tres libros, quales videmus. Obscurum quale genus poematis Orpheus esset, de quo infra, ex quo tres supererant libri, nec plures fortè scripserat.

189. Quare inimicum fecit (sibi) Imperatorem, quo ambitiosè imitante (Barthius non sine suspitione glossæ legis, ambitione intumescens, & alibi ⁿ pro ambitiosè imitante: mallet ego pro aut præ ambitione irritante) non hominum tantum, sed & artium sibi principatum vindicantem, & interdictum (ita placet cum Barthio ^o) est ei poetica, interdictum est etiam causarum actionibus.] Dio confirmat, sive ex eo Xiphilinus, fine libri 62. εἰς τὸ δὴ Λουκᾶνός ἐκώλυθη ποιῆν, ἐπειδὴ ἰσχυρὸς ἐπὶ τῇ ποιήσει ἐπηνείτο. Id est: Lucanus autem quod in poësi admodum laudaretur, prohibitus fuit carmina scribere. Et Tacitus ^p: Lucanum propriæ causæ (inquit) accendebant (ad conjurandum in Neronem, ut mox dicemus) quod famam carminum ejus premebat Nero, prohibueratque ostentare, vanus assimulatione ^q. Quod verò adjungit Vita de causarum actionibus ei prohibitis, docet nos causas Lucanum actitasse. Altera illa Vita fragmento quodam apud Barthium laudato lib. 23. Adv. cap. 28. eam causam iræ Lucani præterdit, ægrè tulisse eum, recitante se subito, ac nullâ, nisi refrigerandi sui causâ, indicto senatu Neronem recessisse. Hoc est, frigore, ut exponit, ferendi, & contemptui habere eum se significandi. Insigne exemplum Neronianæ iracundiæ adversus Epirotam quendam victoriâ sese in certamine tragico adversus Cæsarem ipsum efferentem habes apud dialogi De fossione isthmi auctorem inter Luciani alios; qui & ait Neronem etiam Pythicum os (Pythium oraculum) unde voces inspirare solebant, obturare conatum fuisse, ut & Apollinem voce spoliaret. Quem locum observavit ^r.

190. Hoc factum Cæsaris (prosequitur) juvenili estimans animi calore, speransque ultionem, à conjuratis in cædem Neronis socius assumptus est: sed parum faustè. Deceptus est enim à Pisone & consularibus, aliisque prætoribus perfunetis illustribus viris.] Conjunctione hanc accuratissime narrat Cornelius Annalium lib. 15. à quo nil deduci potest, unde deceptum à fociis Lucanum dicere possimus. Quare Barthius probabat magis ut, Deceptus est enim cum Pisone &c. legeretur.

191. Dum vindictam expetit, in mortem irruit. Nam sua sponte, coactus vitâ excedere, venas sibi præcidit.] Usitato tunc appetendi mortem genere, ut manibus carnificis suffurarent se qui ad supplicia quærentur, quo usi sunt in hac ipsa conjuratione Lucius Seneca, F Atti-

d Sigoniū vide De ant. jure pop. Rom. lib. 2. cap. 2. Cafaliū de urbe & imp. Rom. cap. 28.

e L. Un. §. 3. De off. quæst.

f Lib. 10 ep. 80.

g Not. ad Taciti lib. 3. cap. 29.

h Lib. 2. De antiquo jure pop. Rom. cap. 2. Brodæo ad Folletti de hist. sui Rom. lib. 5. cap. 8. Narbonæ De etate ad omnia. alt. requiritur anno xxviii. i Lib. 2. Ann. cap. 22.

k Lib. 13. cap. 5.

l In Animadu. ad Statii Gene. ihiacul. n. c. an. v. 58.

m In Nerone c. 12.

n Ad lib. 2. Sylvar. Statii carm. 7. v. 52.

o Ubi proximè

p Lib. 15. Ann. cap. 49.

q Hanc lectionē Taciti Barthius tuetur ad lib. 2. Sylv. 7. v. 45.

r Ubi proximè v. 58.

Atticus Vestinus Consul, ipse etiam Cajus Piso destinatus Imperator. Fertur moriens Lucanus eos versus è Pharsaliæ libro nono cecinisse, quibus Tullum Catonis militem in Libya ab Hemorrhoidæ, quod serpentis genus est, morsum elegantissimè & expressissimè descriperat:

Sanguis erant lacrymæ: quæcumque foramina novit

Humor, ab his largus manat cruor: ora redundant

Et patulæ nares: sudor rubet: omnia plenis

Membra fluunt venis: totum est pro vulnere corpus.

Uti monet in lib. 5. Taciti Notis Marcus Vertranius Maurus, præter alios. Sed hujus memini, ut ex occasione demirer Christianum hominem de cœlestibus ludentem. *Hi sunt, quos M. Annaeus Lucanus fertur dixisse cum in suaresolutus initia cœlo cœlestem animam reddidit.* Quæ verba mihi aurem vellunt, ut impium illum Helvetiorum hereticorum patriarcham Zuinglium rideam, qui ad Franciscum I. magnum illum Galliarum Regem scribens, cupit eum in cœlo beatum videre, in quo cum aliis cœlitibus *Herculem, Theseum, Camillum, Scipiones* collocare haud veritus fuit, quod à Labbeo notatum in fine cœnotaphii *Joannæ Papissæ* legimus. Lucano tamen, ut è diverticulo in viam, publico programme conservatam fuisse famam ostendit, si fidei lubricæ non est, lapis Romanus, quem è Fabricii *Antiquitatibus* Gruterus habuit:

M. ANNÆO LUCANO
CORDVBENSI POETÆ
BENEFICIO NERONIS FAMA
..... SERVATA

quamvis spuriis & supposititiis ille accenseat.

192. Meminit & in *Lucani Vita* Petrus Crinitus. *Periitque pridie Kal. Majas, Attico Vestino & Nerone Syllano Coss. xxvii. ætatis annum agens, non sine jactura utilitatis, cum patriæ, quæ tantam immaturè amisit indolem, tum studiorum quoque.* Et rationem subjungit: *Reliqui enim x.* (sic fortè pro vii. legendum est, quamvis Barthius nil mutet, ad septemque posteriores operis libros, quos inemendatos reliquisse ait Lucanum, referat, uti & Gesnerus in *Bibliotheca*) *Belli civilis libri locum calumniantibus, tanquam mendosi, non darent.* Mendosos pro incorrectis posuit, seu vitiis nonnullis maculatos. Horatius s:

*— Si vitii mediocribus, aut mea paucis
Mendosa est natura.*

Et Psalmista: *Omnis homo mendax.*

193. Ideo sequitur: *Qui tamen si sub vero crimine* (hoc est vitio, seu vitiis quibus notatus mansit. Barthius *sub vano crimine* legit, aut, *irrito crimine*) *non egent patrocinio* (hoc est frustra eis patrocinaberis, aut quia nulla vitia, aut quia non excusabilia) *de iisdem dici quod in Ovidii libris prescribitur, potest: Emendaturus, si licuisset, erat.* *Exstant ejus & alii complures* (libri) *ut Iliacon, Saturnalia* (Scrivario debemus veram hanc lectionem, ac duorum operum distinctionem; cum antea, *ut illa consaturnalia* legere) *Catacomon, Sylvarum x. tragœdia Medea imperfecta, salticæ fabulæ xiv. & Hyppa-*

mata (sic dividimus) *prosa oratione in Octavium Sagittam & pro eo, De incendio urbis, Epistolarum ex Campania: non fastidiendi quidem omnes, tales tamen ut Belli civilis videantur accessio.* Hucusque Vita. Sed nos jam de his libris poetæ agemus, restituto apud Suëtonianam, si Deo placet, superiorem narrationem, eò quod emendationis omnino indiget. Scripsit ergo Lucanus præter libros *De bello civili* (ad quos tandem deveniemus) plures, qui desiderantur, libros; qui si exstarent (poeticos nunc intelligo) longè jucundiores eum lectores habiturum Barthius ad initium *Genethliaci* Statiani affirmare ausus est.

194. *Orpheum* tribus libris ex tempore scriptum, ut *Vita* auctor ait, in experimentum ingenii: de quo Statius in *Genethliaco*, versibus paullo post referendis. Barthius tamen lib. 23. *Adv. cap. 3.* in versu isto Statii.

Et sedes reserabis inferorum

diversum ab Orpheo subodoratur opus, *inferorum descriptionem*: quod confirmat in Notis ad Statii hunc locum t.

195. *Iliacon.* Ex Luctatio Papinii scholiaste id apertè constat. *Lucanus* (ait u) *de Phaëtonte in libro qui inscribitur Iliacon, ita:*

Haud aliter raptum transverso limite cœli, &c. Vir doctissimus Lilius Giraldus *Iliaconita* videtur apud Luctatium legisse, ut apparet ex ejus dialogo *De poetis* 4. Statii hi versus pertinent è *Genethliaco* laudato:

*Ac primum teneris adhuc in armis
Ludes Hæctora Thessalosque currus,
Et supplex Priami potentis aurum,
Et sedes reserabis inferorum.*

Duo hic opera innuit, *Iliacon* & *Orphea*. *Iliacon*, hoc est, Trojana gesta, tribus prioribus: *Orpheum* postremo (nisi & portionem ejusdem *Iliaci* operis, ut Barthius credit, significet) ad quem *Orpheum* pertinet & alter hic versus:

Et noster tibi proferetur Orpheus.

Quem & corrumpi, & pessimo sensu donari ab aliis video, ut statim notabitur. In invidiam Neronis, qui urbi faces immisit, Ilii seu Trojæ conflagrationem Lucanum cecinisse credit idem Barthius x, eoque respicere versus hos *Genethliaci* y:

*Dices culminibus Remi vagantes
Infandos Domini nocentis ignes.*

Quamvis alibi z ad *catacomon*, de quo opere infra, eisdem versus referat. Idem autem cum *Iliaco* videtur opus, uti & Barthius admittit.

196. *Hæctoris Lytra.* Quam citari ab aliquo ex grammaticis monet Vossius a. *Hæctoris Lytram* Ennius scripsit, hoc est, Hæctorei cada-veris redemptione à Priamo factam, auri magna vi Græcis numerata, ut innuitur hoc versu:

Et supplex Priami potentis aurum.

Atque item à Q. Septimio Dydis *De bello Trojano* interprete Latino, quem Barthius laudat b. Quid nî etenim haud diversum existimemus, cum *Vita* auctor *Lytræ* non meminerit, *Iliaci* meminerit; eademque sit materia, & Statius conjecturæ non resistat? Pergamus.

197. *Saturnalia*, usurpato & ab aliis titulo, uti à Macrobio. Sed argumentum latet. Nihil enim aliud inscriptio continet, quàm quod scripta hæc, qualiacumque sint, saturnaliorum, hoc

t Lib. 2. Sylv. 7. v. 57.

u In 6. Theb.

x Animadv. ad lib. Theb. 6. v. 322.
y Lib. 2. Sylv. 7. v. 60.
z Animadv. in d. v. 60.

a De Hist. Lat. lib. 1. cap. 26.

b Animadv. ad Statii istum versum.

s Primo Sæculi satyra 6.

hoc est feriale dierum tempore.

198. *Catacomon*: apud Lutatium Statii scholiasten c *Catagonion*: quod alicubi Barthius credidit d ex *Sylvarum* libris carmen aliquod fuisse, seu potius *Catacausmon*, uti corrigit Josephus Scaliger & Vossius e, & alibi Barthius f admisit; aut *Catacaumon*, quod est incendium. Idem est *cauma*, καύμα, à καίω, five καύω, ὡς: sicut *catacauma*, κατακαύμα, à κατακαίω, exuro. Conceptum nempe, ut videtur, opus de conflagratione urbis à Nerone procurata, de qua disertè, ut solet, Tacitus, Dio Cassius, Suëtonius, aliique. Idemque sensisse videtur Petrus Crinitus g. Scaliger verò, & cum eo Barthius h, idem existimabat hoc opus cum *Iliaco* nuncupato, quasi esset *Catacausmon Iliacum*. Sed auctorem *Vitis* habet contrarium, qui planè duo hæc distinxit. Barthio i aridet potius ut κατασπίπιν legatur, *speculam* scilicet, seu *speculatorium*, hoc est sub nomine isto quid satyricum, nec sine exemplo inter nos Hispanos; nam adversus scriptum quoddam historicum magni viri Franciscus Roales Salmanticensis professor Matheseos clarus, *Ja mironeria* hoc eodem sensu inscribens formavit. At valdè id ab eo quod omnes codices præferebant distat. Nec minus κατασπίπιν, quod idem excogitavit Barthius alibi k. Absque dubio statius Papinius ad *Catacausmon* habuit oculos, cum his versibus significare voluit Lucani opus aliquod, non (quod interpretantur) contentionem cum Nerone. Iudex lector esto:

*Ingratus Nero dulcibus theatris,
Et noster tibi proferetur Orpheus.
Dices culminibus Remi vagantes
Infandos domini nocentis ignes.*

Importunissimè ex *proferetur* correxit Barthius l *præferetur*, interpretatusque est ingratum futurum theatris Neronem, Orpheumque suum (Calliope mater loquitur) Lucano præferendum esse. Mentionem Lucani operum jam superioribus versibus cœptam, sequentibusque continuatam, nonnisi ineptissimè Papinius potuit bino isto carmine, in quo de Nerone & Orpheo agitur, interrompere. Quamnam vero laudem poetæ continet Calliopem dicere Neronem ingratum spectantibus futurum, Orpheum autem Lucano præferendum? Hoc enim sonant verba, non id quod Barthius parum feliciter excogitavit, præferendum Lucani Orpheum Orpheo Neronis. Aptissimum planè est, ut indicare his Statius libros aliquos voluerit Lucani sensu: proferetur à te, Lucane, hoc est cantabitur, cum Nero in theatri re parum populo gratus, tum Orpheus; dicesque incendium urbis, &c. Sive ingratum Neronem dixerit dulcibus theatris, quòd ludicra illa sibi que charissima urbis, atque adeò frequentata loca, igne à se per emissarios injecto absumi permiserit.

199. *Sylvarum* x. libri, ut credo, de quibus nihil annotare habemus, nisi quòd jure reprehendatur Domitius Calderinus, primum vel solum *Sylvarum* inter Latinos poëtas scriptorem Statium existimans: ut Barthius notat m. Qui utinam illæ (ait) *exstarent, Pharsaliam utique premerent*. Et alibi n, contigisse his ferè decem *Sylvarum* Lucani libris, quod Statii quinque *Bibliotheca vetus Hispana* Tom. I.

nunc desideratis; quorum adeò memoriam *Thebuis* (idem de *Pharsalia* dixeris) oblitteravit, ut cum ista sæpissimè duo poemata, illi nunquam prorsus à grammaticis citentur.

200. *Medeam* tragœdiam; sed imperfectam. Audacter quidem post ejusdem argumenti alias magnorum poëtarum Ovidii, & Lucii Senecæ ejus patrui. Sed quemadmodum non deterruit Senecam Ovidii nomen ac præcepta laus; nec item Lucanum, qui præverat, Seneca. Hujus tragœdiæ nullus meminit absque hoc è *Vita* testimonio, non Quintilianus, non Statius, ut innuere visus fuit Delrius, & observavit jam in principio hujus *Genesliaci* Animadversionum Barthius.

201. *Salticas fabulas* xiv. Rectè à saltibus derivat Vossius, quòd res narraverint in saltibus contingentes, ut amores Satyrorum & Nympharum. Itali hoc genus fabulas *Boscareccie* vocant, sicut & *Piscatorie* quæ ad piscatores pertinent. Barthio o à *saltandi* verbo placuit: saltabantur enim poemata, ut gestus saltantium voci admotus expressiorem fabulam redderet. *Salticam puellam* Tertullianus p & Adhelmus q Herodiadis filiam dixere: saltatorumque coram populo suorum poematum Ovidius meminit r. Quæ & ipse alibi observat doctè auctor, in animadversionibus nempe ad Statium s.

202. *Hyppamata*. Quodnam genus fuerit dissimulavit se nescire Vossius, remisit se ad alium locum 505. librorum titulos hic Barthius explanans: quem animadversionibus jam laudatis ad Statium t debemus, ut mox dicemus.

203. Prosa oratione contra *Octavium Sagittam*, & pro eo. Sic ne distinguere placet ista quæ percurrimus verba, neque cum iis quæ antecesserunt, aut sequuntur, conjungere? ut aliqua hæc sit ex causis, quas Lucanus egit, aut in foro, aut exercitationis causâ domi, conscripta duplici, contra reum & pro reo oratione. Hic est Octavius Sagitta Tribunus plebis, ob occisam Pontiam Posthumiam stupro cognitam, quæ averfabatur ejus nuptias, lege Julia de sicariis damnatus, de quo Tacitus *Amalium* 13. cap. 44. & *Historiarum* 4. cap. 44. Minimè, ait Barthius ubi proximè, *Hippamatum* inscriptionem scripto huic adversus Sagittam tribuens, *Vite*que hunc locum non ut nos interpungens. Eum consule.

204. *De incendio urbis*. Aliudne, an idem cum superiore *Catacausmi* opus? diversum fuisse credo, prosaicam scilicet narrationem hujus cladis: nam de prosæ orationis scriptis jam auctor loquitur, quem & prosæ eloquentiæ decus ei consignat Statius his versibus:

*Dum qui vos geminas tulit per arces,
Et vincit pede vocis & solute,
Romani colitur chori sacerdos.*

205. *Epistolarum ex Campania scriptarum* librum adjungere his debemus ex Papinio.

206. *In laudem Pollæ Argentariæ* quicquam. Uxor ea Lucani. Papinius ita:

*Tu castæ titulum decusque Pollæ
Jucunda dabis allocutione.*

Non spernendi omnes hi libri fuere, ait *Vitis* auctor: tales tamen, ut accessio videantur ma-

F 2 gni

o Lib. 23. cap. 3.

p Adv. Gnosticos cap. 10.
q De Virgin. cap. 8.
r Lib. 2. Triff. s Lib. Theb. 6. v. 322.

t D. v. 322. pag. 470. tom. 3.

c Ad lib. Theb.

d Ad eundem versum.
e Ubi supra.

f Ad Statii Genesli. Lucani v. 60.

g De poetis. in Lucani vita.
h Ubi proximè.

i Lib. 13. Adv. cap. 3.

k Ad lib. 6. Theb. v. 322.

l In Animadv. ubi supra.

m Ad lib. 2. Theb. v. 326.

n Ad lib. 6. Theb. v. 322.

gni illius operis *De bello civili*. Cujus quidem mentioni præmittere non abs re erit Pomponii Sabini versus, sive encomion, aut epitaphium poëtæ nostri, in quo sequutus is videtur fuisse *Vitam* hanc, quam persequimur; è quibus & Pomponium in distinguendis Lucani quibusdam operibus nobiscum sensisse apparet.

Beti ave natale solum, est Amœa propago.

De genitore Mela dat mater Acilia terras.

Vix luna octonos cælo consecrat orbes,

Quum me Roma sui respersit Tyberis unda,

Servatumque foro traxit, Phæboque dicavit.

Hinc SYLVÆ, gemineque FACES, reus inde SAGITTA.

Orpheus ingrati stimulus livorque tyranni,

Dum civile nefas aperit Pharsalia nostræ,

Invaditque Nero famę, Musque canentis

Interrupit opus gladio, venisque reseclis

A sectore, sacros maculavit sanguine vultus.

Ubi geminas faces de alio & alio opere, *Catacausmi*, & *De incendio urbis*, intelligere posse videmur. Accessio inquam cætera omnia opera existimari possunt magni & præcipui operis

207. *De bello civili* (Cæsaris & Pompeji) five *Pharsalia*, ut inscribitur: qua posteriore appellatione à se donatum fuisse ex isto apparet carmine u:

————— *Pharsalia nostra*

Vivet, & à nullo tenebris damnabitur ævo.

Constat x. libris, quibus supplementum aliorum septem fecit Thomas Majus Anglus; id quod seorsum aliàs editum Cornelius Schrevelius Lugduno-Batavæ suæ Lucani editioni, nescio an primus, addiderit. Hos libros intellexit Statius, cum cecinit post memorata omnia alia nostri opera.

Mox cæptâ generosior juveniâ,

Albos ossibus Italis Philippos,

Et Pharsalica bella detonabis,

Et fulmen ducis inter arma divi,

Libertate gravem pia Catonem,

Et gratum popularitate Magnum.

Et mox:

Hæc primo juvenis canes sub ævo,

Ante annos Culicis Maroniani.

Nempe ante xvi. ætatis annum, quo dicitur *Culicem* poematium conscripsisse Virgilius. Attamen alludi his videtur ad id quod legimus apud Scaligerum in *Notis ad Culicem* hunc. *Suætonius Tranquillus* (inquit) in *vita Lucani*, quæ adhuc formis excusa non est, ait, *Lucanum inter aequalium suorum plausus, cum magno successu ac favore poemata aliquod à se compositum recitasset; ut ostenderet quanto junior quàm Virgilius poeticam attigisset, exultabundum dixisse: Quantum mihi restat ad Culicem?* Hæc Scaliger ex altera *Vita*, uti videre est apud Barthium lib. 23. *Advers.* cap. 28.

At similis vero est Lucanum (si id credimus, Statiumque, quod censuit Barthius aliter x, vera & non assentatoriè loquutum) modestè cessisse gloriæ Virgilii, etiam ex hoc in adolescenti ea ætate confecto poematio collectæ, atque amicorum plausibus quasi intercedentem dixisse, multum sibi adhuc famæ conficiendum restare spatium, ut *Culicis* æquale opus conficere posset. Idque sic factum refert Ambrosius Morales lib. 9. *Hist. Hisp.* cap. 10. nescio unde collectum. Sed pro aliqua non vulgari eorum no-

titia, qui immatura adhuc ætate scriptis editis claruerunt, operæ pretium erit Paullum Colomesium consulere in *Notis ad Quintilianum* non dudum editis y. Superiorem deinde Lucetio, Ennio, Varroni Atacino *Argonauticorum* veteri ante Valerium Flaccum scriptori, Ovidioque, propter hoc opus, Lucanum nostrum (poëticè, an ex animi sententia?) declarat Papinius:

Cedet Musa rudis ferocis Emi,

Et docti furor arduus Lucreti,

Et qui per freta duxit Argonautas,

Et qui corpora prima transfiguravit.

Cedereque solum jubet magno Maroni, futurum tamen ipsi in pretio non vulgari & veneratione:

Quin majus loquor. Ipsa te Latinis

Æneis venerabitur canentem.

Sinamus interim inter se digladiantur Barthius Reinesiusque de eo, an Lucanum, an Senecam Tragœdiarum scriptorem Guilielmus subintellexerit Brito Philippidos lib. 12. versu 883.

Digna quibus studeat Sophocles & Ibera poësis.

Reinesius pro Lucano stat epistola 20. & 22. ad *Christianum Daumium*. Barthius autem pro Seneca, in *Animadversionibus* suis ad Britonem. Lucani certè hoc opus, ex quo jam editum in vulgus apparuit, magno pretio haberi cœpit, ac propter id Lucanus. Mirum tamen, si absolutum quicquam omnibus numeris in illa ætate præstiterit, quod frequenter inculcari videas. Aliis enim probari nequit consilium scribendi carmine justam historiam: nam poëtam, & ficta narrantem, pro eodem habent. Quintilianus certè consignata Lucano magna quadam ingenii laude, poëticæ tamen ejus laudi aut nomini non obscurè detraxit.

Lucanus ardens & concitatus (ait,) & sententiis clarissimus, & ut dicam quod sentio, magis oratoribus, quàm poëtis annumerandus. 2 Lib. 10. In-
sit. oras cap. 1.

Servius in primum *Æneidos* a: *Quod diximus poëtica arte probiberi, ne aperte ponat historiam, certum est. Lucanus namque in numero poëtarum esse non meruit, quia videtur historiam composuisse, non poemata. Quæ ipsa verba Isidorus usurpat Originum lib. 8. cap. 7. Petronii, Lucani συγχεῖν, simile judicium hæc ex *Satyrice* ejus continent: Ecce Belli civilis ingens opus: quisquis attigerit, nisi plenus literis, sub onere labetur. Non enim res gestæ versibus comprehendendæ sunt, quod longè melius historici faciunt; sed per ambages, deorumque ministeria, & fabulosam sententiarum tormentum præcipitandus est liber spiritus, ut potiùs furentis animi vaticinatio appareat, quàm religiosæ orationis sub testibus fides. Eleganter quidem. Cui de Lucani opere judicio assensit Jornandes in libro *De rebus gestis*, plus historicum, quàm poëtam vocans: Joannes Saresberienfis lib. 11. *Polycratici* cap. 19. novioresque alii à Barthio laudati *Advers.* lib. 53. cap. 6. & ad lib. *Thebaidos* 3. vers. 426. Idem in *animadversionibus* ad Statii carmen de Lucano jam toties laudatum b *Pharsaliam* censet densitate sententiarum & acuminum laborare: quod si elaborare eam potuisset (ait) auctor; utique à vera poësi, beròica quidem*

y Inter ejus
opuscula pag.
227.

u Lib. . .

x Ad hunc Statii versum 74. carm. 7. lib. 2. Sylvar.

b Lib. 2. Sylvar. 7. v. 1.

dem & Romana, propius distaret. Nec absone iudicaturum (addit) qui longam eam satyricam tragediam dixerit, hexametris conceptam, ne plane vulgò talis haberetur. Alibi in eisdem animadversionibus ingenii acumen laudans, iudicium in tota operis œconomia non æquè, quæ talia sunt (ait c, Lucani carmina de fama quædam e libro primo laudans pulcherrima) ut felicitatem naturæ faciliè asserat, modò iudicium in toto opere concinnando minus esset iuvenile. Postponit idem alio loco d Martiali & Statio Papinio Lucanum, quamquam uterque in gratiam Pollæ ejus quondam uxoris vehementer eum laudaverint.

208. Nec defuere tamen olim inter æquales, quorum alia esset de Lucani poetica laude sententia. Martialis festivè concepta hæc legitur c:

*Sunt quidem qui me dicunt non esse poetam:
Sed qui me vendit bibliopola putat.*

Auctorque ipse dialogi *De causis corruptæ eloquentiæ* i, qui existimatur Quintilianus esse, Virgiliano atque Horatiano sacrario, quatenus ad poeticum decorem attinet, minime Lucanum arcet. Exigitur jam ab oratore (ait) poeticus decor, non Accii aut Pacuvii vetero inquinatus; sed ex Horatii, & Virgilii, & Lucani sacrario prolatus. Et ore quidem rotundo edita illa sunt Valerii Martialis g, Statiique Papinii h, obnoxieque forsan dicta in gratiam Pollæ Argentariæ Lucani relicta, femina clarissimæ, quæ tanquam ob adulationem intolerabilia à nonnullis taxantur. Urfit hinc post Floridum Sabinum i acrior eo Barthius j poetam suum Statium, quem tamen ab accusatione tueri Daniel Heinsius k conatus est. Quæstionem hanc de Lucani poësi aliis solvendam relinquo. Videri possunt Barthius lib. 23. Adv. cap. 28. Julius Cæsar Scaliger lib. 1. Poëtices cap. 2. Vossius *De Hist. Latinis* lib. 1. cap. 26. & lib. 1. *Instit. poëticarum* cap. 7. §. 2. Cælius Rhodiginus lib. 7. Var. cap. 4. & de Lucani laudibus Janus Rutgerius lib. 6. *Variarum* cap. 9. in fine.

209. Sed ut non prætermittamus de Polla Argentaria quod è re sit notare, diversa quidem videtur ea esse à Polla conjuge Pollii, cujus villam Surrentinam idem Statius lib. 2. *Sylvarum* descripsit. Aliter enim de Polla ista Papinius loquitur, quàm de vidua Lucani, atque ætatis, ut credere par est, provectioris, femina; cui parum conveniebat juvenilis gratiæ commendatio, videtur loqui potuisse. Potioribus ne innituntur argumentis, qui Pollam Lucani credunt Statio Papinio post prioris viri mortem nupsisse? Nam quò alio pertinent è præmio ejusdemmet secundi *Sylvarum* libri ista? *Excludit volumen Genethliacon Lucani, quod Polla Argentaria, charissima uxorem, cum hunc diem fortè consecrarem, impusari sibi voluit.* Aut quomodo explicabimus Apollinaris Sidonii è *Carminibus* 23. sive *Narbone* m hos versus?

*Quid quos duplicibus jugata tædis
Argentaria Polla dat poëtas?*

Ad quem locum Joannes Savaro bis nupsisse Pollam admittit poëtis duobus, Lucano & Statio, sicut & Sirmondus, atque olim Bapti-

sta Pius n. Sed si audeamus imputare Sidonio errorem alium, ei errori, quem in distinguendis Senecis admisit, parem, exsolvemus haud ægrè nos ab hoc posteriori Pollæ matrimonio. Videtur quidem mihi Sidonius ab illis Papinii verbis deceptus tale quid existimasse. Atqui epistolæ illius verba planissime sic accipienda sunt, ut vel *charissima uxorum*, Lucani defuncti conjugis respectu, hoc est, quæ marito dilectissima fuit, Polla audiat, aut cum auctoritate quorundam codicum o, quomodo & alicubi excusum est p, *clarissimam uxorum* subrogemus. Etenim necesse est quomodocumque hinc emergere: nam de Statio Papinio certi sumus, Claudiam ab adolescente ductam, in senium etiam jam vergenti, & postquam reliquit urbem, atque in patriam secessit Neapolim, superfuisse uxorem. id quod ex *carmine* q ad eandem his docemur versibus:

*— Etenim tua (nempe benigna
Quam mihi sorte Venus junctam florentibus
annis*

*Servet & in senium) tua, quæ me vulnere primo
taetum thalamis, & adhuc juvenile va-*

gantem
Fixisti, tua fræna libens docilisque recepi.
Rectè ergo Barthius, qui *Adversarios* lib. 160. cap. 4. adhuc inedito, forsanque per Christianum Daunium r, aliumve aliquando in lucem edendo, alteras Pollæ has nuptias confutare se ait etiam in publicatis posthumis ad Statium Animadversionibus s contra Sidonii doctissimos interpretes Savaronem & Sirmondum existimans, feminae clarissimæ & generosissimæ gratam rem facturos, forteque Lucani demortui amici memoriæ hoc dantes, celebrasse, tam hunc Papinium, quàm Martialem, poëtæ diem natalitium, Papinium quidem *Genethliaco* isto, Martialem verò tribus *Epigrammatis* t ad Pollam directis.

210. Cæterum quod cœpimus colligere de Lucani Pharsalia minùs favorabiliter dicta, videtur confirmare auctor *Vitæ* in adductis supra his verbis: *Reliqui enim septem (aut decem, ut nos existimamus) Belli civilis libri locum calumniantibus tanquam mendosi non darent* (hoc est si auctor non ita immatura morte esset occupatus) *qui tamen sub vero crimine non egent patrocinio; de iisdem dici quod in Ovidii libris præscribitur, potest: Emendaturus, si licuisset, erat.* De quibus tamen diximus & tunc, quid Barthio displicuerit. Petronius quoque arbiter in ejus æmulationem videtur fragmen illud, seu *Specimen*, quomodo vocat, *Belli civilis*, satyrico suo intexuisse, veluti paratum se in comparisonem venire significans. Ab aliis tamen ingenti donatur atque illimitata laude. Quid enim præstantius & argutius de eo potuit, quàm quod Martialis dixit?

*Hæc est illa dies, quæ magni conscia partus,
Lucanum populis, & tibi Polla, dedit.
Heu! Nero crudelis, nullaque inuisior umbra,
Debuit hoc solum non licuisse tibi.*

Statius Papinius Pharsaliam videtur, ut monuimus, *Æneidi* haud postposuisse. Quam ob rem atque etiam ob id quod præposuerit Lucanum Senecæ, impatientissime à Barthio tra-

n Ad lib. 2. *Sydæ*. ep. 16.

o Lindebrogius vidit.
p In Argentinensi editione Grasseri.

q Lib. 3. *Sylvarum*.

r Promisit is in præmio editionis *Animadversionum* Statii.

s Ad epistolam lib. 2. *Sylvarum* nuncupatoriâ, & ad lib. 2. carmen 7. v. 1. & 35.

t 20. 21. 22. lib. 7.

c Ad lib. 3. *Theb.* v. 654.

d Lib. 2. *Sylvarum*. v. 3.

e Lib. 14. epig. 161.

f Cap. 26.

g Lib. 7. ep. 20. 21. 22.
h In *Genethliaco* jam laudato v. 31. 35. & 39.

i Lib. 2. *subscif.* lib. cap. 20.
k Ubi proxime ad initium.
l Lib. *De Comædia Tragediæ*, ab eodem Barthio adductus.

m Vers. 166.

e Ad Geneth.
Lucani v. 31.
& 35. & ad
Wilelmū Brit-
ton. lib. 9.
u Lib. 53. ad-
vers. cap. 6. & ad
Geneth. prin-
cipium.

x Lib. 2. c. 19.

y Lib. 53. Ad-
vers. cap. 6.

z Lib. 23. Ad-
vers. cap. 18.

a Lib. 3. cap.
27.

b De poetis La-
tinis lib. 3. ante
opus Acute di-
cta poetarum.

c Lib. 1. ep. 3.
d lib. 53. cap. 6.

e Epist. 5.

f Meminit
Paulus Colo-
maeus in Gal-
lia Orientali
pag. 127. & in
opusc. Clavis
epist. Scaligeri
pag. 146.

tractatur e, qui nec dubitavit Lucano Mar-
tialem, ipsumque Papinium præferre, uti jam
diximus u. Meminisse tamen debuit poetam
à fingendo dici, atque Homeri munus esse or-
nare suum Achillem.

211. Optimum quidem poetam Orosius in
proœmio libri 6. *Historiarum*, sicuti & doctissi-
mum poetam Joannes Saresberiensis in *Poly-
cratice* x, ac divino ingenio præditum vocant.
Nec discedunt ab hoc judicio noviores Farna-
bius, Schotus, Dempsterus, atque ipse Bar-
thius, cui alio loco y est Lucanus poeta magni
ingenii, neque vulgaris doctrinæ, spiritus verò
prorsus heroici. magnaque semper fuisse au-
thoritate, præcipue apud philosophos, dicitur,
propter gravem, nervosum, & acutum, vibrans-
que & penetrabile sententiarum pondus, quibus
universa ejus oratio mirifice floret, adeo ut in eo
genere purem nunquam ullum habuerit. Idem
tamen paullò post quantum friget in Lucani
laudibus! Siquidem postquam Virgilio, cui
Lucanum conferri, ut vidimus, valde indi-
gnatur, ingenium, judicium, nervos, eloquentiam,
candorem, sublimitatem, genium denique ubique
divinum tribuisset; è contrario in Lucano non
aliud nisi *vehementiam* agnoscit, *eruditionem*
verò *mediocrem* (*præcuditum* alibi vocat z pa-
rùm constanter) *eloquentiam corruptam*, *natu-
ram immodicam*, *judicium ambiguum*, *nervos*
*audaciores, quàm firmiores, candorem vix agno-
scendum, sublimitatem affectatam, genium teme-
rarium potius, quàm prudentem aut circumspe-
ctum*. Quas acerbitates extenuare aut diluere
vix possunt quæ ibidem sequuntur. *Quæ ta-
men nonnisi comparatione Virgilii prolata volo:*
scio enim quàm pauci sint alii, qui Lucani etiam
vitia suis virtutibus sunt assequuti. Nempe, ut
Plautinum proverbium est, Barthius:

*Altera manu fert lapidem, panem ostentat
altera.*

Sed revera inæqualitatem poetæ, ac sine modo
quandoque impetum, hostem scilicet maximum
ejus temperamenti, quod in uno omnino Marone
& admirabile est & divinum, accusat Julius
Scaliger in *Poëtica* a. Similem quoque eum
equo indomito in compositè saltanti, aut militi
validissimè intorquenti hastam, parum tamen
consideratè & attentè, dicit Giraldus, cætera
in laudes ingenii ejus effusus dialog. 4. Vide
etiam Philippum Briennium b. Nullam Astro-
nomiæ in eo peritiam, quamvis importunè
sepius rerum cœlestium mentionem interjiciat,
agnoscunt alter Scaliger c Barthiusque d,
quantumvis *astrorum & philosophiæ doctissimus*
à Nicolao de Clemangis e audiverit. Francis-
cus tamen quidam Insulanus procurator Pa-
risinus *Apologiam pro Lucano Mathematicam* ad-
versus Scaligerum edidit Parisiis MDLXXXII.
in 4o. f Qui quidem Scaliger hoc scriptum
aliudve significare volens in *Prolegomenis ad*
Manilium, non hoc tantum auctore confu-
tato, sed & Hispano alio, quem absque nomi-
ne, *summa eruditione & acerrimo judicio* virum
vocat, reprehenso, iterum in Lucanum, atque
acrius insurgit, erroresque ejus in Astronomia
Geographiaque, immo & in historia com-
missos veterem causam agens colligit. Noster
autem D. Franciscus de Quevedo politica &

militaria Lucani monita non parum com-
mendat post hæc laudata carmina:

Fatis accede deisque,

Et cole felices, miseros fuge.

Siempre (ait) *bè leido esto de buena gana, y à este*
admirable poeta (niegueselo quien quisiera)
con atencion en lo politico y militar, preferida à
todos despues de Homero. Nec prætereunda
sunt duo circa *Pharsaliam*, certane qui sciam?
Lucanum à Polla in eo opere conficiendo ad-
jutum: deinde priores septem versus Senecæ
patruum esse, cum Lucanus ab eo:

Quis furor ô cives?

exoritur esset. Hactenus de Lucani ob scriptam
Pharsaliam apud latinitatis & poetice artis
amatores existimatione ac merito.

212. Tribuuntur quoque ei duo alia à
superioribus diversa opera. Nempe quod *De*
Phasi fluvio scripserit; cujus rei mentionem
apud unum Jacobum Philippum Bergomen-
sem in *Supplemento historiarum* s legimus. Cæ-
teri altum tacent: quare nec nos facile credi-
mus. Alterum est *Panegyricus ad Calpurnium*
Pisonem, sive *Catalepton de laude Pisonis*: quo-
modo præ se in libro fert quem vidit Scaliger.
Si nostri est, erit & (uti ajunt) Calpurnius
Piso, ad quem dirigitur, is qui adversus Ne-
ronem, advocato ad partes infelicitè poetâ,
& panegyristâ ipso, propriam sibi accelerans
necem rebellavit. Planè Ovidio aut Lucano
à pluribus adscribi solet h. A quibusdam i
verò affirmatè Lucano abjudicari: & utrim-
que causæ sunt. Pro Lucano, ferè omnia
quæ panegyrista Pisoni suo attribuit, ea C.
Pisoni Neronianæ conjurationis auctori Cor-
nelius attribuit Tacitus.

213. Prætereo generis nobilitatem genti
communem, *facundiam tuendis civibus* (ait
ille k) *exercebat*: multus quidem est poeta
in celebranda ejus forensi eloquentia. nam
inter alia:

Sed quæ Pisonum claros visura triumphos
Olim turba vias impleverat, agmine denso
Ardua nunc eadè stipat fora, quum tua mæstos
Defensura reos vocem facundia mittit. &c.
Sequitur apud Tacitum, *largitionem adversus*
amicos, & *ignotis quoque comi sermone &*
congressu. Poeta & liberalitatem prædicat:

Quis tua cultorum juvenis facunde tuorum
Limina pauper adit, quem non animosa beatum
Excipit, & subito juvat indulgentia censu?
*Aderant etiam fortuita (subdit Cornelius) cor-
pus procerum, decora facies*. Panegyricus simi-
liter:

Sed super ista movet plenus gravitate serena
Vultus, & insigni præstringit imagine visus.
Facit & Lucani adolescens ætas, ut credamus
hec illum de se dixisse, quæ sunt in *Panegy-
rico*:

Est mihi, crede, meis animus constantior annis,
Quamvis nunc juvenile decus mihi pingere
malas

Cæperit, & nondum vicesima venerit ætas.

214. Sed contra Lucanum & Pisonem
istum alia obnituntur ex eodem *Carmine*.
Nam vix Lucanus, Melæ filius, Senecæ,
qui auctoritate & opibus tunc maximè flore-
bat, ex fratre nepos, humilem sibi domum,
tenuem-

g Fol. 22.8. ubi
de Lucano.

h A Carolo Si-
gonio lib. 3. De
judiciis cap. 28.
& in editioni-
bus Scaliger,
Pithæus, Ju-
nius, laudat à
Barthio ubi
proximè infra.
i Barthio lib.
Advers. 49. cap.
7. qui Lipsium
laudat, & lib. 22
cap. 2.
k Lib. 1. 5. Ann.
48. & ad Statil-
lib. 2. Sylv. 7.
v. 54. ite Gi-
berto Cupero
lib. 3. Observat.
cap. 1.

tenuemque fortunam , provocandi erga se Pisonis favoris causâ , tribuisse credendus est. Conveniunt potius egeno , ignobili , atque emergere nitenti poetæ , quæ sequuntur carmina :

*Tu nanti protende manum , tu Piso latentem
Exere : nos humilis domus , & sincera pa-
rentum ,*

Sed tenuis , fortuna sua caligine celat .

Id quod post hæc scripta observatum vidi à Gisberto Cupero *Observat.* lib. 3. cap. 1. Nec Pisoni adaptantur , nunquam Consuli , quæ de consulatu manifesta sunt in Panegyrico :

*Quis dignè referat , qualis tibi luce sub illa
Gloria contigerit , quæ tu reticente senatu ,
Cum tua bisse nos numeraret purpura fasces ,
Cæsareum grato cecinisti pectore numen .*

Cadit ergo , vel solo ex hoc loco , directum poemâ C. Pisoni huic fuisse Neroniani temporis , & consequenter Lucani auctoris esse.

215. At Calpurniæ gentis quos Consules habuit post obtentam ab Augustis rempublicam Romanum imperium , usque ad Per- tinacis ac Severi tempora , hos novimus :

Sub AUGUSTO ANNO URBIS DCCXXX. CN. CALPURNIUS , CN. filius , Piso , cum Augusto XI. Consule , cujus meminit Tacitus lib. 2. *Annal.* 43. Dio lib. 53. in fine .

ANNO DCCXXXVIII. L. CALPURNIUS , L. fil. Piso , cum M. Druso .

ANNO DCCXLVI. CN. CALPURNIUS , CN. filius , CN. nepos , Piso , cum Tiberio . Is filius est ejus , qui cum Augusto Consul fuit , de quo & meminit Tacitus eodem lib. 2. cap. 43. & de hoc consulatu lib. 3. cap. 16. Occidit se hic sub Tiberio , relictis CN. & M. Pisonibus .

Sub TIBERIO ANNO DCCLII. L. CALPURNIUS , CN. fil. Piso , cum Cossio Lentulo . Hic videtur Lucius Piso à Tacito laudatus lib. 3. cap. 11. & 68. qui Præfectus fuit urbi , & Pontifex , obiitque octogenarius sub Tiberio . Tacitus lib. 6. cap. 10.

ANNO DCCLXXIX. L. CALPURNIUS , CN. filius , CN. nepos , Piso , cum M. Licinio Crasso . Hic Lucius idem est cum CN. Pifone . CN. Consul an. DCCXLVI. quem occisum à se ipso diximus , filio . Mutavit quippe prænomen ex sententia Cottæ Consulis , quum damnatus fuit pater , auctore Tacito lib. 3. cap. 17.

Sub NERONE ANNO DCCCIX. L. CALPURNIUS L. fil. L. nepos , Piso , cum Nerone ipso II. cujus consulatûs Tacitus mentionem habet lib. 13. cap. 28. & 31.

Sub M. ANTONIO PHILOSOPHO ANNO CMXXVII. CALPURNIUS PISO cum M. Salvio Juliano .

216. Planè si Ovidius auctor carminis fuerit , Cneum Calpurnium illum Pisonem alloqui potuit , qui Augusti collega fuit in consulatu , aut Lucium , qui Marci Drusi . Hi quidem duo Pifones videntur , ad quos mi-

sit libellum suum *De arte poetica* Horatius . Quamvis mentio in Panegyrico isto de eodem Horatio & Virgilio & Mæcenate facta posteriorem aliquantò sapiat ætatem . Si Lucanus fuerit auctor , nulli alii componere eum possumus , quàm L. Calpurnio , qui an. DCCCIX. cum Nerone fuit Consul , videturque filius Lucii Calpurnii alterius fuisse , qui anno DCCXXXVIII. Marci Drusi collega fuit ; nam & hujus patri , & Lucii , de quo agimus , Calpurniæ avo , *Lucii* prænomen dant Capitolinæ tabulæ . Conveneritque optimè , si hoc sequi placeat , ætas nondum vicenaria poetæ cum istius consulatûs anno , quo verè ætatis undevicesimum agere Lucanum oportuit , qui DCCCXVII. Coss. Silio Nerva & Attico Vestino , ætatis suæ vicesimoseptimo , quod ex Vita discimus , occubuit . Nondum tamen persuaderi possum Lucano excidisse tam de se ac domo sua vilem & abjectam existimationem continentia verba .

217. Absoluta ejus *Vita* Lucani , quam credimus à Suëtonio scriptam , non indiligenti paraphrasi : præter id quod de altera illa , quæ incipit : *Amæus Seneca è Corduba Bætica* , & supra monitum fuit ; adjungere non inutile erit , legi & in quibusdam editionibus fragmentum , sive desumptam ex dimidiato codice (ut præferebat vetustissima quædam anni MCDLXXVII.) particulam ad poetæ Vitam pertinentem . Principium est : *Prima ingenii experimenta* . & finis : *Epulatusque largiter brachia ad secandas venas præbuit medico* . Adjunguntur in diversis aliis editionibus formatae à Joanne Sulpicio , Petro Crinito , & forsân aliis , Vitæ .

218. Restat de illustratoribus atque editionibus *Pharsaliæ* (quandoquidem cætera perière) nostro more , quæ comperta habemus , annotare . Scholiastes quidem antiquus Lucani apud Barthium fuit , cujus ipse meminit ad *Thebaidem Statii* Variis locis , & ad *Guilielmum Britonem* ^m . Exstat & in Vaticano codice ms. 5989. anonymi in Lucanum commentarius , qui hos versus apposuit :

Confer opem famulo Sancta Maria tuo .

... Romæ genuit Florentiamotum

Pandere nunc scripto Lucanus quod sonet isto .

Hæc quoque ... reginx sanguine cretus ,

Compater injunxit precibus dilectio jussit .

Id quoque Joannes mibi ò dulcissima proles .

Incipit commentarius : *Exortum est intenebris* , &c. & quidem notæ bene antiquæ , ut etiam ex carmine isto sæculi planè barbari apparet . At verò Lucanus quo anno aut quo loco primum formis excusus sit , certè dicere non a- u- sim . Videtur autem princeps mihi Romana illa editio , quam procuravit recognovitque Jo. Andreas Aleriensis Episcopus MCDLXIX. in folio , quam principem cæterarum judicabat Gronovius ⁿ , esseque in bibliotheca regia Parisiensi monet Labbeus in *nova biblioth.* ms. *supplem.* 2. ° Visitur quoque ea in libris Vaticanis editis ex loculo sive armario 28. Nuncupavit is Paulo II. Papæ hunc suum Lucanum , addiditque poetæ *vitam* auctore Pomponio Infortunato . In qua inter alia legitur : *Pharsaliam non finivit , cujus primos tres libros cum*

1 Pag. 38. 66.
638. 1065.
m Lib. 3. pag.
395.

n Vide *Diatri-
bem* ejus ad
Strasium folio
160.

o Pag. 350.

cum uxore correxit; quos inscitia depravatos cum reliquis septem Joannes Andreas Antistes Alerienensis diligentissime nostro tempore emendavit, rogantibus Comrado & Arnoldo, qui ne lingua Romana pereat, libros laudabili inventione imprimunt.

In fine legitur :

*Hoc Conradus opus Sirveyneym ordine miro
Arnoldusque simul Pamartus una æde colendi
Gens Theotonica Romæ expedire sodales.*

MCDLXIX.

Unde magis confirmor in ea opinione, ut antiquissima hæc sit Lucani editio. Veneta quidem cum Omniboni Vicentini commentariis anno MCDLXXV. principem illam fortè sequuta est. Atque ea quidem anno etiam MCDLXXVII. apud Guerinum, & anno MCDLXXXVI. apud Nicolaum Bativonem Alexandrinum in eadem urbe edita. Omnibonus Leonicensis Vicentinus claruisse dicitur circa annum MCDXX. scripsisseque etiam in Ciceronem, Quintilianum, & alia. In Lugduno-Batavæ bibliothecæ libris Lucanus est cum antiquis commentariis MCDLXXXVI. & item cum duobus commentariis Venetiis MCDXCVIII.

219. Hoc ipso tempore Baptista Guarinus Veronensis in Lucani Pharsalam, Gesnero auctore, commentatus dicitur. Is nempe Guarinus de quo legendus est Lilius Giralduus ejus discipulus p Aldinam vidimus editionem unâ cum Carullo, Tibullo, & Propertio, & Aldi ejusdem epistola ad M. Ant. Maurocenum equitem Venetum anni MDII. in 8°. Joannes Sulpicius Verulanus *explicationis* titulo usus, commentariis aliis locupletavit poëtam nostrum, quæ quidem instruxere Venetam duplicem editionem, alteram MDV. quam Gesnerus idem laudat, alteramque ex officina Augustini de Zanis anno MDXI. in folio emissam, tertiamque Argentinensem MDIX. in 4°. Joannis Sulpicii tempore sua in literis merita retulere in commentarios suos Lilius idem Gregorius Giralduus *De poëtis sui temporis dialogo* 1. Sabellicus *De latinæ linguæ reparatoribus*, Gesnerusque in *Bibliotheca*, & alii. Editionem item aliam Mediolani procurasse apud Leonardum anno MDVIII. Hyacinthum Arpinum lego in Andrea Rosseti Sylhabet *scriptorum Pedemontanorum & Sabaudorum*. Anno item MDXI. Parisiis edita sunt Jacobi à Cruce Bononiensis *annotata in Ovidium, Virgilium, Persium, Lucanum, Papinii Sylvas, Senecæ tragædias, Horatium, Martialem, Silium Italicum, & alios* apud Ascantium, in folio. Anno verò MDXII. Parisiis prodit in 8°. *Pharsalia cum familiari & perlucida annotatione*. Petri de Ponte Brugensis cæci, cujus ex aliis quoque similibus monumentis, bibliothecæ Belgicæ auctores Swertius & Andreas meminere.

220. Post biennium lucem vidit copiosior aliis poëtæ nostri atque ejus scholiorum sylloge, nempe idem Pharsaliæ opus *recognitum à G. Vercellano cum commentario Joannis Sulpicii* antea laudati, Philippi Beroaldi Bononiensis, è primis scriptorum veterum, ex quo renata hæc studia sunt, illustratoribus, Jodoci

Badii, & annotatis ab Antonio Sabellico, Jacobo Bononiensi, qui & in Sallustium commentatus est, Beroaldo, & Baptista Pio ex annotationibus prioribus & posterioribus, quas in varia prisorum authorum fecit loca. Parisiensis omnia hæc continet anni MDXIV. editio quæ repetita est, nihil dempto, Mediolani in officina Jo. Angeli Scinzenzeler MDXXV. Aldinam vidimus Lucani tantum operis, M. Antonio Mauroceno Veneto equiti nuncupatam, anni MDXV. in 8°. Anno autem MDXIX. Thomas Guichardus Rhodius Tolosæ habuit orationem in conventu illius academici in Pharsalam, quæ edita est per Joannem de Guerlias eodem anno. Lugdunensem Gryphii MDXXXIV. in 8°. MDLI. in 8°. & in 16°. MDLXIX. in 16°. Venetam Jacobi Juntæ anni MDXXXV. in 8°. Colonensem Gymnici MDXXXVII. Venetam aliam Aldi nescio cujus temporis, Parisiensem Stephani MDXLV. in 8°. sine ullis Notis omnes laudari video. Pariter atque alias, Basileensem anni MDLI. cum annotationibus Henrici Glareani, quem sæpius laudat Hortensius mox dicendus, item cum similibus annotationibus Jacobi Micylli Francfurti MDLI. in 4°. Parisiensem cum Notis Jacobi à Cruce, & Ant. Coccii.

221. Lambertus deinde Hortensius Batavus explanationes luculentas in idem poëma Basileæ apud Henricum Petrum vulgavit anno MDLXXVIII. in folio, unâ cum Sulpicii commentariis. Et quidem Hortensius has suas lucubrationes præ aliis omnibus habuisse videtur: siquidem anno MDLXXII. cum Narda Hollandiæ urbs, in qua profitebatur, armis Philippi Regis à Frederico Albano occupata esset; relictis cæteris omnibus, uti refert in *Bibliotheca Belgica* Valerius Andreas, id solum quod in Lucanum elucubrat, secum auferre conatus fuerit. Et tamen omnino alio recensitore, quàm Lambertus est hic, Hortensius poëtam habere opus censet Barthius in animadversionibus ad Statii Thebaidem q. Theodorus item Pulmanus diligens & industrius ille veterum auctorum corrector, in aliis & Lucanum operâ suâ juvit, & cum accurato indice Antuerpiæ in Plantiniana officina anno MDLXXVII. rursusque MDXCII. in 16°. edidit. Berfmanni aliam non indiligentem laudat editionem Barthius lib. 58. *Advers.* cap. 9. Ea prodit Lipsiæ MDLXXXVI. in 4°. & MDLXXXIX. in 8°. Et Parisiis, ut audio, Barfmannus notus affatim est ex editionibus Virgilianâ & Ovidianâ, laudaturque à Franc. Modio *Novanti-quar. lect.* epist. 63. 83. & 96. Scioppio *susp. lect.* lib. 5. cap. 8. Berfmanniana hæc editio Notis ad oram illustis addidit Notas in primum lib. Joach. Camerarii, & in totos decem Micylli, item in Lucani Panegyricum ad Pisonem Jos. Scaligeri Notas ab Hadriano Junio prius restitutum.

222. Inde Hugo Grotius Notas suas in eundem poëtam, retento Pulmaniano indice adjunctisque variis lectionibus, Lugduni Batavorum anno MDCXIV. in vulgus emisit. Iterumque MDCXXVI. in 4°. apud Joan. le Mai-

p Dialog. x. de
poëtis sui tem-
poris.

q Lib. v. 910.

le Maire, & Amstelodami ex officina Elzeviriana MDCLI. in 24°. Hanc omnes ad suum usque tempus pro emendatissima habuere docti viri, uti Vossius in *Arte gram.* lib. I. *De analogia*, Rutgerius lib. I. *Var. lect.* cap. 12. & lib. II. cap. 18. Schrevelius in proemio suæ editionis Lugduno-Batavæ, de qua infra, aliique innumeri. Quas, credo, sequutæ sunt marginales Farnabii Notæ cum Pharsaliæ opere ipso sæpius, & Francos. in 8°. MDCXXIV. & tandem cum Grotianis MDCXLIII. & MDCLXV. in 12°. Amstelodami typis commissæ. Cornelius Schrevelius demum, Leidensis professor, spectatus toties in hac palæstra edendorum cum selectissimis Notis auctorum veterum, adornavit ultimam, quod sciam, Lugduno-Batavam anni MDCLVIII. in 8°. editionem typis Francisci Hackii, cum integris Notis Grotii & Farnabii, selectissimisque Hortensii, Sulpicii, veterum interpretum, necnon & Claudii Salmasii, & Joannis Frederici Gronovii, nempe ad Grotianæ exemplum, cum ejusdem Grotii variis lectionibus & Pulmani Indice.

223. Sunt & aliæ editiones, Raphelengiana MDCXII. in 24°. Colinæ, quam plures laudant, & in corpore, atque item in choro poetarum Latinorum. Præter hos Lucani scholiastas meminisse haud iniquum est Zoni, vel Cioni Florentini, cujus cum prolixis commentariis in bibliotheca regia Parisiensi, si Labbeo credimus, uti & in S. Laurentii Florentiæ, quod ex Antonio Maliabecho, viro eruditionis atque industriæ singularis, & cui observationes nostræ plurimum debent, amico nostro, istius urbiscive, magnique Ethruriæ Ducis bibliothecario, novimus, Pharsalia exstat manu exarata. Adhuc tamen post tot virorum doctorum curas Lucanus eget interprete, qualem Barthius alicubi desideravit, solerte & acuto, qui rem ferio agere velit. Quo applicare animum aliquando idem Barthius promissit^s. Speratur quidem in Lucanum aliquid optinere notæ ab erudito viro Ezechiele Spanhemio, (utinam nostro) quem Romæ olim vidimus, quum priores suas, *De usu & præstantia veterum numismatum* curas in hac urbe publicavit.

224. Qui verò interpretati sint poetam in vulgares linguas multos habemus. Gallicam interpretationem jam ab anno MD. editam Parisiis fuisse, Labbeo^t, atque Draudo^u credimus. Exstat recens illa Michaëlis de Marolles Abbatis de Villeloin, plurimum Latinorum poetarum interpretis, prosaica sæpius edita, cujus ipse in opere *De vita sua*, quod *Les mémoires* inscriptum voluit, non uno loco meminit^x, & altera metrica domini de Brebeus, laudata à C. Sorellio in *Bibliotheca Gallica*^y, & forsan ab eodem de Marolles in prologo suæ versionis, quam Parisiis anno MDCLV. editam vidimus. Italica non una est. Anonymus circa annum MCCCX. aut circiter, in Florentinam linguam convertit poetam; quæ magni habetur versio ob linguæ puritatem, & inter eos libros, quorum auctoritas præcipua est in styli ratione, venit ab auctoribus *vocabularii linguæ de la Crusca*, hoc est, Thuscæ, annumeratus: cujus auctorem *Bibliotheca vetus Hispana* Tom. I.

esse putat Zucharum Bencivennium eques Salvatus^z. Exstat & *Lucani liber editus in vulgari sermone, metrico tamen, per Rever. Patrem & Dom. L. Cardinalem de Montichiello*. Ita enim editum est Mediolani apud Cassanum à Montegazzi anno MCDXCII. in 4°. Quam editionem servari Vintimigliæ in Angelici Aprosii Augustiniani bibliotheca legimus^a. Nostro hoc & superiori sæculo interpretationes suas versibus, ut vocant, solutis, hoc est liberè desinentibus, factas edidere, cum Julius Morigius Ravennæ MDLXXXVII. in 4°. teste mihi Andrea Rossoto^b, & F. Albertus Campana Florentinus, Dominicanus, sacre Scripturæ professor Patavinus, (cujus quidem Jacobus Gaddius^c & Jo. Philippus Thomasinus^d cum laude meminere) qui Venetiis edidit anno MDCXL. apud Sarzinam in 12°. tum Paullus Abrianus ibidè MDCLXVIII. apud Jo. Jacobum Hertz in 8°. Gaddius item & Andreas Rossotus^e. Joannem Mariam Vantum Bononiensem formasse aliam octonariis rythmis versionem, non tamen edidisse, refert. Laudatur omnium ultimus ab Andrea Rossoto^f inter sui Pedemontii scriptores, ipse quoque Lucani interpres, Andreas Valfredus J. U. Doctor, Braydensis: cujus interpretationis exordium *Bibliotheca suæ Aprosiæ*^g intexuit floribus Archangelus Aprosius, Augustinianus, sub fictitio nomine Cornelii Aspasii.

225. Hispani nostri poetam fusi pro dignitate habuere. Nam soluta oratione opus Pharsaliæ vernaculum popularibus suis optimè reddidit Martinus Lasso de Oropefa, Francisco S. R. E. Cardinali Mendozæ viro doctissimo à secretis, Burgenfis canonicus, edendamque posthumam hanc versionem reliquit, quæ Burgis prodiit ex officina Philippi Juntæ MDLXXXVIII. in folio, immo & prius Antuerpiæ MDLXXXV. Metricam interpretationem habemus duplicem. Alteram Hieronymi à Porres medici, cum annotationibus fratris ejus, monachi Hieronymiani regii Scorialensis cœnobii. ms. vidit D. Thomas Tamajus^h. Altera recentior est poetæ magni D. Joannis de Xauregui Hispalensis, quæ apud testamenti ejus exsequutores reperta, edita demum typis fuit Matritensibus anno MDCLXXXIII. in 4°. Anglica necnon editio Londinensis Lucani in eam linguam conversi anni MDCXIV. in 4°. laudatur in *Bibliotheca Bodlejanæ catalogo*.

226. Inter Lucani, rerumve à Lucano descriptarum illustratores nuncupari dignus est Joannes Baptista Bellus Jesuita, qui è duabus diatribis, alteram *De mense & die victoriæ Pharsulicæ* Tolosæ edidit MDCXXXVII. in 8°. ut poetæ locum de hac re satis obscurum exponeret. Lucani mss. codices quam plurimos existerè in bibliothecis publicis & privatis, ipsa virorum doctorum monumenta, qui iis quondam usi sunt, aut eos viderunt, frequentissimè produnt, & bibliothecarum editi catalogi ostenduntⁱ. In Vaticana quidem plura exemplaria vidimus, cum Notis etiam marginalibus aliqua, in quibus ferè omnibus, ad imitationem Virgiliani tetraſtichi, quod affixum fuit

G initio

^z Nelli *Avvertimenti della lingua Toscana sopra il Decamerone del Boccaccio* vol. 1. fol. 112.

^a Refert Andreas Rossotus proximè laudandus.

^b In *Syllabo Scrip. Pedemontii*, in *Andrea Valfredo*.

^c De scriptor. non Ecclesiast. volum. 1. in Lucano.

^d In *Elogiis viror. illustrum*.

^e In *Syllabo*, in *Andrea Valfredo*.

^f In *Syllabo* pag. 46.

^g Pag. 398. edit. Bonon. 1673. 16.

^h Refert ipse in *Catalogo libror. Hispanorum*.

ⁱ In Magni Ethruriæ Ducis una bibliotheca volumina 24. videntur, ut ex ejus cõstat Catalogo, plures 35. lib. latines.

^t In *Statim* lib. 1. *Sylvar.* 4. v. 91. & lib. 6. *Thib.* v. 127.

^u Ad lib. 4. *Thib.* v. 727.

^x In *Nova Bibliotheca Mss.* pag. 339. ^u In *Catalogo officiali*.

^y Pag. 55. 173. & 195.

^z *Bibliothèque Francoise* cap. 11.

initio magni operis, Pharsaliam præcedunt
quatuor hi versus:

Corduba me genuit, rapuit Nero, praelia dixi,

Quæ gessere pares hinc socer inde gener.

Continuo nunquam dixi carmina ductu ,

Quæ tractim serpani: plus mibi cōma placet,

In ora cujusdam libri legitur è regione *comma*, & pro ejus declaratione, *discretio*, hoc est, ut existimo, auctorem carminis hujusce Lu-
cānum excusare voluisse de versuum non uno
ductu, sed divisionibus & commatis interr-
ptorum frequentia: quam nemo reprehendit,
quod sciam, in poëta solidorum ac teretum
plerorumque carminum artifice.

C A P U T X I.

POMPONII MELÆ *etas . Urbis ejus natalis incerta ob ejus geographicæ operis corruptum , & à pluribus vexatum locum . Salmastii , Bocharti , Isaaci Vossii postremæ omnium emendationes . Tingi Hispana . Julia Transducta . Melaria , seu Mela , urbs oræ Hispanæ . MELONEM pro MELA , vocavit baud rectè Servius grammaticus . Geographiæ ejus laudes , principis inter Latinos hujus argumenti lucubrationis . Quinam de auctore bene olim meruerint in hoc opere illustrando , typis edendo , & in vulgares linguas convertendo .*

227. **N**E separaremus Senecas, & in his
Lucanum, retrò habuimus Pom-
ponium MELAM, quiquidem præcedere de-
buit hunc saltem ultimum, utpote Claudio
Augusto æqualis. Ad hujus enim Britannicam
expeditionem a Suëtonio * Tacito-
que i memoratam referri illa debent, quæ de
Britanniæ rebus breviter explorandis, jam-
que pervia facta istâ insulâ principum maxi-
mo, cap. 6. libri tertii *Geographiæ* suæ scripta re-
liquit: quod primus observavit Joachimus
Vadianus, sequunturque Elias Vinetus, &
nullus non ex recentioribus. Pomponium
Hispanum ex Bætica provincia fuisse certius
est, quàm unde domo fuerit; cùm ejus testi-
monium, in quo natale expressit oppidum,
per scriptorum manus corruptissimum ad nos
pervenerit, & nescio an sanus vel munc sit in-
ter virorum doctorum tot manus, quos eru-
derandi hunc locum, Melæque patriam asse-
rendi cura sollicitavit. Verba ejus sunt ex fine
capitis 6. libri secundi Hispaniæ interiorem
describentis oram, uti habent antiquissimæ
editiones: *In eoque Cartheja, ut quidam pu-
tant, aliquando Tartessos, & quam transvecti
ex Africa Phœnices habitant, atque unde nos
sumus, cingenteratum, Mellaria, & Bello, & Be-
sippo, &c.* Nempe qui latere quicquam loci,
quem scriptura haud ostendit, in verbo illo
cingenteratum subodorati non sunt, vel *Mel-
larium* in Melæ patriam, quæ ponè sequitur,
ex propinquo assumpsere, quæ hodierno tem-
pore nusquam est, (Hermolaum Barbarum
intelligo, Ferdinandum Pincianum, Isaacum
Casaubonum, Ambrosium Moralem m, Joan.
Marianam n, Joann. Vassæum o, Philippum
Brietium p) vel *Tartessum*, cujus mentio præ-
cesserat; quod Petro Ciaconio, Andreæ Scho-

to, aliisque magis placuit. Hi enim omnes nihil minus quam inter *Tartessim* & *Mellariam* fuisse collocatum ab auctore aliquod aliud oppidum credidere. Incircò Hermolaus pro *cingenterato*, *cingente freto*, vel *attingens fretum* subrogavit; quam castigationem minimè frivolam Hieronymus appellat Zurita in Notis ad Itinerarium Antonini 9, Ciaconius ex gente ea; quasi è Phœnicibus & Phœnicia urbe oriundum sese profiteatur Mela: id quod probavit Franciscus Sanctius, & Andreas Schotus. Pincianus autem p̄ *cingentera*, ut nihil verbum, furcā expelli voluit. Primus Elias Vinctus *Cingentera* oppidi nomen esse, Melæque patriam existimavit.

228. Sed ultra audens Claudius Salma-
sius, fuscitare aggressus fuit sepultum antea
oppidi nomen ex isto vocabuli cadavere. Ex-
cogitavit : enim legi posse debereque, *atque*
unde nos sumus, Tingi altera,rum Mellaria, &c.
proximè ad monstrum illud scripturæ. Quod
Samuël Bochartus insigni Strabonis testimo-
nio fulcire se non temerè existimavit. Sum-
mus enim ille geographus apertè docet, trans-
vectos ex Tingi Africæ in Hispaniam, positum
è regione Hispaniæ litus & oppidum inco-
luisse. Ecce illud è lib. 3. Ηὺ δ' ἐ' Ζῆλς τῆς Τίγ-
ρος ἀστυγέτων· ἀλλὰ μετακίσαν τὰντιω εἰς τὴν περὶ τὴν
Ρωμαίαν, ἐ' ἐκ τῆς Τίγγρος προσλαβόντες τινὰς, hoc
est ; *Fuit & Zelis Tingi vicina urbs : sed*
eam Romani in oppositum litus transvexerunt,
nonnullis etiam ex Tingi assumptis. Hanc è co-
lonis Tingitanis Africæ formatam urbem *Ju-*
liam illam *Transductam* esse credunt Casaubo-
nus & Bochartus, de qua legimus apud Pli-
nium lib. 5. cap. 1. Nunc est Tingi, quondam ab
Anteo condita, postea à Claudio Cæsare, cum
coloniam faceret, appellata Traducta Julia. In
eo tamen falsum, quòd Tingi Africanæ cogno-
mentum *Julie Traducte*, quod proprium fuisse
dicunt Hispanæ Tingi, per errorem attri-
buat, Claudioque Cæsari factum ; quod ex
nomine ipso loci Julii aut Octavii Cæsaris
colligitur fuisse. Et mirè juvat hanc conjectu-
ram oppidi seu urbis *Traducte* mentio in His-
pania, & faucibus ipsis freti, seu proxima con-
tinenti Africæ ora, apud idoneum scriptorem
Gregorium Turonensem^s ; *Post hæc prosequen-*
tibus Alamannis (hoc est *Suevis*, ut supra ex-
plicuerat) *usque ad Traductam, transito mari*
(hoc est fretu) *Vandali per totam Africam*
ac Mauritaniam sunt dispersi, Consulēis me-
moratos hujus castigationis assertores, Quam
tamen improbavit Isaacus, Gerardi Joannis
filius, Vossius, in observationibus suis ad
Melam nostrum^t ; legitque ipse *Tingi Cetrar-*
ia ; sic dictam asserens à cetratis ulterioris
Hispaniæ cohortibus, quarum Cæsar memi-
nit^u, quæ eadem est *Traducta Cetraria*, & *Ju-*
lia Jorza, & *Julia Traducta*, variantibus ejus-
dem urbis appellationibus, deducta ab eodem
Julio Cæsare colonia,

229. Verosimilia hæc sunt, & digna suis auctoribus. Quid autem impedit pro *cingeret*, *Tingi Ibera* emendare? Sed id relinquimus aliorum arbitrio, ut cretâ notent carboneve. Melariæ verò civem connitētibz Melam, non minimum videri forsan debet argumenti in eo

q Pag. 557.

• 7 In Solinum
Exercitas. pag.
288.

8 Claudii vitâ,

**I In Agricola
vita.**

s Lib. 2. Hist.
Francorum,
cap. 2.

t Pag. 197.

u Lib. 2. Belli
cip.

m Lib. 9. cap. 6.
n Lib. 4. cap. 2.
o In Chron.
Hispan. sub anno
XLIV. Christi.
p In Parallelis
Geog. parte 1.
lib. 1. cap. 3.

in eo esse, quod tam oppidi quam viri cognomen-
tum est proxima Africa derivatū videatur. Notissima est fabula aureorum malorum, seu mavis ovium, & horti Hesperidum, Lixo Africæ tributa x. Laboravit nempe in æquivoco Græco verbo priscorum scriptorum eruditio; nam *μῆλα* æquè significant *mala* & *oves*. M. Varro: *In Libya ad Hesperidas* (ait y) unde *aurea mala*, id est secundum antiquam consuetudinem capras & oves, quas Hercules ex Africa in Græciam exportavit. Ea enim sua voce Græci appellātur *μῆλα*. Junctis his Stephani, è Græco Latinis: *Melus* verò & *Melaria* duæ urbes in iisdem finibus eandem emphasim habent, à denominatione malorum, quæ aurea ab Hercule adportata esse dicuntur ex Libya. Huic etymo adherentes, *Melariam* & *Melam* simplici l, aliter atq; urbis nomen scribi solet, debemus legere.

230. *Mela* cognomentum Hispaniæ proprium existimat fuisse Elias Vinetus a; atque huc referri debere, quemadmodum *Melam* Lucani parentem, ita & cognominem illum Rom. equitem, qui hausto porri succo sub Tiberio periit, Plinio affirmante lib. 19. cap. 6. & Flaviū *Melam* jurisconsultum, cujus mentio fit ab Ulpiano in lib. 1. §. 12. *De cloacis*. Quo tamen solo judicio Flaviū hunc *Melam* Hispanis annumerare non ausim scriptoribus. *Melam* diximus Lucani parentem, quem licet Taciti & Senecæ editiones *Melam* cum duplici ll vulgò habeant; in Eusebii tamen aliquot mss. codicibus vel *Melas*, vel *Mela* exstare docuit nos Arnaldus Pontacus in Notis ad hujus *Chronicon* b, ubi de *Anno* isto agit *Mela*.

231. De hoc auctore nihil aliud antiquitas ad nos transmisit, quàm quod ipse docet in opere suo geographico superstes. Nullo tamen ejus testimonio utuntur grammatici, cum possent ex scripto elegantissimo, & verè Latino. Nisi Servius sit excipiendus, cum *Melonem* auctorem esse ait c septem ostia esse Gangis fluvii, cum id ipsum apud *Melam* legatur d: quod Vossius annotavit. Plinius dumtaxat meminit in iis quos ad conficiendos quatuor *Historiæ* suæ geographicos libros, scilicet tertium, quartum, quintum, & sextum, auctores habuit.

232. Opus inquam reliquit nobis *De situ orbis*, aliàs *De chorographia*, ut Vossius e, etiam *De geographia*, ut Vinetus f, admonent, inscriptum. Geographiæ scilicet totius brevium, sive compendium, cum fortè prolixius aliquod excogitasset aliud aggredi: quod innuisse his videtur verbis in præfatione: *Disceam aliàs plura & exactius: nunc ut quæque clarissima & strictim*. Primus, eorum saltem qui exstant è Latinis, huic operi sese mancipavit. Adeo autem arrisit id novioribus judicio utentibus, ut inter geographorum principes *Melam*, atque hunc ejus librum inter perfectissima undique monumenta vetustatis, enumerent. Arias Montanus noster in nuncupatoria epistola Itinerarii Beniamini Tudelensis, doctissimus (ait) liber *De situ orbis* inscriptus, cui vel descriptionum elegantia, vel brevitate atque perspicuitate, vel ipsa rerum commemoratione & copia, nullus ejusdem artis, quamvis Bibliotheca vetus Hispana Tom. I.

copiosus atque eloquens auctor, meà quidem sententiā est anteponendus. Andreas Schotus, cujus, ut videbimus, non contemnenda impensa fuit in hoc auctore opera, adeo eleganter eum censet & argumentum tractasse, ut *Marcium Tullium*, si geographica scribere, ut *T. Attico* promiserat, voluisset; ne venustius quidem & accuratius de orbis situ dicere potuerit. Henricus Stephanus in præfatione ad quandam suam editionem, nescio (ait) quam in hoc scriptore dignitatem & gravitatem animadvertere videor. Brevitatem inde ac proprietatem ejus laudat, exemplisque audacis cujusdam in usurpandis metaphoris elegantiae confirmat. Nec dubitat quin ea, quibus pro fide vetustatem esse alicubi Pomponius ipse ait, ex optimis quibusque ac celeberrimis scriptoribus excerpserit. Andreas Garzias Matamoros in *Apologético* suo i: *At Pomponium Melam* sic ego, dum nihil ago, cum doctissimis geographis comparare, neque ineptè tamen, neque imperitè, soleo; ut Straboni Cretensi eruditionem, Plinio diligentiam, Ptolemæo artem tribuam: huic quidem uni quum valdè laudare cupio, omnia libenter largior; quum intra modum verò laudationis confisto, brevitate pariter & elegantia præter ceteros commendo. Item: *Scriptorem verè principibus Latinarum accensendum*, in admirabili brevitate nihil minus quàm obscurum: quam quidem summam, sed non solam illius laudem, censet Barthius n. qui & elegantissimum, & longè elegantissimum alibi appellat i. Abstineo aliis testimoniis in re tam certa, ut jure quidem Vossius, Claudii Verderii m, universalis illius censoris, judicium, quod dictionem *Melæ* culpæ haud veritus est, suspendat naso.

233. Ad eos, quibus bene de Pomponio mereri cura fuit, accedendo, magna, nec circumspècta minis ingenia (idem Barthius ait n) elegantissimum hunc auctorem restituere. Priorem alium haud novimus Hermolao Barbaro, qui lucubrationes suas ad *Melam* nuncupans Alexandro VI. P. M. tercenta *Melæ* ulcera, vel cicatrice vel splenio contexisse se jactat. Has in *Melam* castigationes Hermolai, cum ejusdè in *Plinium* aliis, excusas in Italia fuisse lego in *Gesnerianæ Bibliothecæ epitome*. Ponè it Joachimus Vadianus Helvetius Sant-Gallensis, cujus mañus scholiis *Mela* prodit Viennæ (foran primum) ex officina Lucæ Alantzei anno MDXVIII. nisi antiquior sit Basileensis Henrici Petri editio ab *Gesneriana epitome* laudata: quod magis credimus. Habemus nos Parisiensem apud Christianum Wechelū MDXL. in folio, ubi adjecta sunt loca controversa inter Vadianum & Joannem Camertem Franciscanum ex commentariis ad Solinum, cui Vadianus respondet. Est & alia edito Veneta typis Aldi anni MDXVIII. quam vidimus in bibliotheca Sapientiae Romanæ. De Vadiano tamen ita censet Petrus Joannes Olivarius: *Vadianus vir omnium judicio eruditissimus, præter ea quæ ex variis auctoribus citat (unde facile colligere possis hominem multæ fuisse lectionis) raro adducit, quo vel locos depravatos emendet, vel desideratos restituat, contentus illa doctissima ostentatione: quamquam iis quæ ad historiam spectant non minus valuerit ille quàm digressionibus*

g In præfatione ad Abraham. Ortel. Itiner. Antverpiæ cum Notis Zwitg.

i De doctis Hispanis viris.

n Lib. 15. Adv. cap. 6. i Lib. 14. cap. 17. & lib. 17. cap. 19. m In Censura in omnes scilicet auctores.

n Lib. 14. cap. 17.

bus prolixissimis & molestissimis. Non ergo criticum egit Vadianus, sed explanatorem & illustratorem tantum.

o Bibliothecæ Ms.
pag. 157.

234. Has illius editiones, alię (absque explanationis tamen aliqua ope) præcesserant. Venetæ anni MCDLXXVII. in 4^o. & MCDLXXXII. quarum Labbeus meminit. Sequutus fuit Vadiani propositum bene de Pomponio merendi proximè à me laudatus Petrus Joannes Olivarius, qui auctorem hunc unà cum *Auctario annotationum instauratoneque* (ut præfert titulus) totius libelli, & *castigatione perquam multorum locorum* Parisiis anno MDXXXVI. edidit. Sub qua tamen ambitiosa inscriptione vix nisi hodierna geographica, subjecta Melæ antiquis locorum nominibus, reperire est. Anno MDXXXVIII. Basileæ prodit *Julii Solini & Pomponii Melæ rerum toto orbe memorabilium thesaurus, cum diversis Francisci Floridi Sabini pro Plauto & aliis apologiis*. Ita enim inscriptus liber legitur. Lugdunensis quoque editio Ant. Vincentii MDLI in 8^o, nil præter Olivarii annotationes continet, ac Melæ textum: quemadmodum & Parisiensis Henrici Stephani MDLXXVII. in 4^o. unà cum Dionysio Alexandrino *De situ orbis, Æthici Cosmographiæ*, & Solini *Polyhistore*. Rursus simul cum Solino, Mela, & Hermolai Olivarii in eum lucubrationibus Basileæ anno prodit ex Roberti Winter officina, atque iterum cum *Tabulis geographicis* ex eadem.

p Lib. 19. Adv.
cap. 15.

235. Sed cum adhuc majore indigeret industria geographorum hæc gemma, Ferdinandus Nonnius Pincianus, vir castigandis antiquis scriptoribus veluti factus, observationes suas prodire fecit Salmanticæ an. MDXLIII. in 8^o. atque eas quidem singularis diligentie judicii que, ut mox videbimus. *Spicilegium* tamen ab his omnibus relictum est, quod Andreas Schotus colligeret ex *Pomponii Melæ De situ orbis libris*; cui addidit *Parallela loca hujus & Herodoti*, ex quo plura eum desumpsisse Barthius quoque annotavit P. Plantinus hoc *Spicilegium* edidit anno MDLXXXII. in 4^o. Nec prætereundum est quod in ea, quam proximè diximus, Parisiensi editione, Henricus Stephanus bene doctam epistolam præmisit, displicere sibi plura docens ex Olivarii editione, quam sequitur; quæ quidem emendari ex mss. codicibus possent: quod aliquot exemplis confirmat. Videbatur quidem nihil industrie prætermisum desiderandumve à Melæ cultoribus, cum ante non multos annos Isaaci Vossii *Observationes ad Pomponium De situ orbis* Hagæ Comitum ex officina Adriani Ulacq MDCLVIII. in 4^o. emissæ fuere; in quibus ejus diligentia factum est, ut absolutissimum qui Pomponium desideret, non alia uti editione aut commentario debeat. Habuit is ad manum plures veteres codices mss. Vaticanum, Arundellianum, Serenis. Christinæ Suæcorum Reginæ, & Nicolai Heinsii.

236. Restat autem judicium adnectere ejusdem Vossii de iis qui se in hac Sparta ornanda præcesserant: *Ex his qui castigationes in hunc edidere auctorem solus nobis profuit Pincianus. Vir iste quantumvis nobili apud suos or-*

tus loco, plus tamen literis quam natalibus debet. Crassiora sunt illa menda, quæ Hermolaus Barbarus, & ipse aliàs vir insignis, sustulit. Andreas Schotus homo quidem bonus & eruditus, sed quem successus potius quam voluntas destituit. Vadiani annotationes rus & struam olenti. Olivarii nescio cujus commentariolus imi subfellii magistellum prodit. Quid nos præstiterimus non est nostrum judicare. Hæc Vossius.

237. Interpretationes hujus operis vulgariū linguarum adhuc quærimus; nostrorum tamen hominum industrie non ignari, à quibus unam habemus & alteram. *La geografia de Pomponio Mela ilustrada con nombres modernos de lugares, montes, y rios*, an. MDCXLII. in 8^o. Ludovicus Tribaldus Toletanus, regius chronographus, versionis auctor, publicavit Matriti. Nec diu post D. Josephus Antonius Gonzalez de Salas, *El compendio geographico y historico del orbe antiguo*. ita renovatæ suæ versionis inscribens, unaque novas illustrationes ad obscuriora loca quædā adjungens, Matriti etiam anno MDCXLIV. in 4^o.

238. Asservantur plures in bibliothecis publicis manu exarati Pomponianæ geographiæ codices, ad quos recurrere docti viri, Melæ amantes, possint: nempe in Medicea quatuor q.

q Ut in ejus
Catalogo plu-
tæo 30. Latin.

CAPUT XII.

DE MARCO FABIO QUINTILIANO. *Quomodo proferendum hoc ejus cognomen. Calagurritanus is patria, frustra obistente clarissimis de eo testimoniis veterum quodam vitæ auctore. Explicatus Martialis. Calagurris duplex, Nassicæ & Fibularia. Qualis orator Quintilianus. Oratio ejus pro Berenice, & quam hæc femina. Primus aperuit Romæ scholam publico stipendio. Nepotum è sorore Domitiani institutor, filiorum scilicet Flavii Clementis & Domitillæ Vespasiani filia, qui pro vera religione passi creduntur: quod aliis inobservatum latè firmatur. Domitilla exsul in Pontia insula, atque eadem Marryr, ab hac diversa: in quo vindicatur à calumnia Scaligeri Martyrologium Romanum. Juvenalis in Quintiliano laudando versus exponuntur. Consulares ei honores à Cæsare indulti. Ejusdem querelæ minus pia ob amissum unicum filium Quintilianum. Michaëlis Roussel, historiæ Pontificiæ auctoris, similis, at Christiana lamentatio. Qualem Oratoriarum institutionum opus, eximias veterum & noviorum laudes meruit? S. Hilarius Quintiliani imitator. Et tamen accusantur à non uno Institutiones. De earum inventione, & editionibus, simulque castigatibus, & illustratibus. De causis corruptæ eloquentiæ liber perit, quemadmodum & quedam declamationes. Ejusdemne dialogus sit De oratoribus, ac declamationes, tam prolixæ quam breviores, eidem tribui solitæ? Variæ de hac re noviorum sententiæ. Joannes Antonius Campanus laudatur, atque earundem declamationum explanatores, atque editiones.*

238. SU-

238. **S**UPERSENT enarrandi duo viri olim & nunc celeberrimi ex hoc primo sæculo, Quintilianus & Martialis: quorum quisnam obierit prior nondum liquet. Ideo inter æquales ejusdem temporis alterum præferre alteri liberum est.

239. DE MARCO FABIO QUINTILIANO (Quintilianum, non Quintilianum, scribendum esse, propterea quod ita inscripta sunt antiquis lapidibus Quintii & Quintilii nomina, Paullus Colomesius vir eruditus censet in Notis ad *Institutiones oratorias* non pridem editis cum aliis opusculis sed nos nec minus Quintios & Quintilianos in iisdem reperimus) De M. F. inquam QUINTILIANO nusquam olim dubitatum fuit, quin Hispanus ex Calagurritana esset urbe. Idoneus enim auctor Eusebius disertè scribit: *M. Fabius Quintilianus Romanus à Galba perducitur*. Et alio loco: *Quintilianus ex Hispania Calagurritanus primus Romana publicam scholam aperuit, & salarium è fisco accepit*. Aufoniusque inter professores Burdigalenses Tiberium Victorem Minervium pro dignitate celebraturus, Quintilianum alterum postquam appellaverat, sic habet:

*Adferat usque licet Fabium Calagurris
alumnus,
Non sit Burdigalæ dum cathedra infe-
rior.*

240. Sed accessit, à nescio quo scripta, Quintiliani Vita quibusdam editionibus, cujus auctor verissimam gloriatur se conjecturam adduci, ut fidem libris *Temporum* (Eusebianis nimirum) non habeat, in quibus legitur Quintilianus Calagurræ (ut ait) urbe Hispanie oriundus. Id, quia non minimum ad rem de qua agimus pertinet, examinare æquum est. Martialem ante alia inquit Calagurritani agri alumnus, cum Iberos memoriâ dignos epigrammatis suis infereret, nullam de Quintiliano fecisse mentionem; quantumvis aliàs cum veneratione appellaverit. Qua eadem ratione motus, cum maximè laudandis inhereret Hispanis doctrinam illustribus Marineus Siculus, civem hunc his abdicavit¹. Nempe alludunt ad hoc epigramma²:

*Verona docti syllabas amat vatis:
Marone felix Mantua est.
Censetur Apona Livio suo tellus,
Stellaque, nec Flacco minus.
Apollodoro plaudat imbrifer Nilus:
Nasone Peligni sonant.
Duosque Senecas unicumque Lucanum
Facunda loquitur Corduba.
Gaudet jocose Canio suo Gades,
Emerita Deciano meo.
Te, Liciniane, gloriabitur nostra,
Nec me tacebit, Bilbilis.*

Poetas hic tamen, at non omnes, ne dum Hispanos, qui laudem ex quibuscumque scriptis collegissent, celebrandi animus fuit Martiali. Qui enim, nisi hoc esset, Ciceronem, & alios memoriâ dignissimos prætermisisset? Solos inquam quosdam poetas, cum locis eo-

rum natalibus epigrammate complexus est, ut tandem ad Licinianum civem suum, & ad se ipsum laudandos deveniret. Quare nil mirum Quintiliano in poetis minimè datum locum fuisse. Catullum nempe ex Verona, Virgilium ex Mantua, Auruntium Stellam & Valerium Flaccum ex Patavio, Apollodorum ex Ægypto, Nasonem ex Pelignis, Senecas & Lucanum ex Corduba, Canium Gadicum, Decianum Emeritensem, Licinianum, sequè ipsum Bilbilitanos, poetas omnes, ab urbibus suis, quibus honori & ornamento fuerint, nunquam ait tacendos. Ais tamen prætermisum à me Livium, qui unà cum aliis laudatur, quem quidem poetam fuisse nusquam legitur. Immo & utrique Senecæ famam ex hoc studio convenire posse inficiaris. Livium quidem datam operam prætermisimus: non enim is ex proposito ac directè laudatur. Hi enim versus:

*Censetur Apona Livio suo tellus,
Stellaque, nec Flacco minus.*

hunc sensum habent. Apona tellus, hoc est Patavina, quæ Livio historico maximè nobilitatur, non minus poetis duobus Stellæ & Flacco celebris est. De duobus verò Senecis poetis, sive ii sint rhetor cum philosopho, sive hic cum aliquo ex fratribus, necesse est ut habeamus Martiali asserenti fidem.

241. Item Romæ natus fuit Quintilianus (si *Vitæ* credimus scriptori) cum cognoverit ipse adolescentulus (quod alicubi refert) Domitium Afrum & Senecam sub Nerone defunctos, hoc est ante Galbam, qui Fabium perduxisse in urbem dicitur. De Afro id quod assumitur lego apud Fabium³, de Seneca nusquam. Et verum est Domitium Afrum sub Nerone periisse⁴. Quæ quidem id solum evincunt, Quintilianum etiam Nerone vivo Romæ fuisse. Quod sanè contingere potuit, si post priorem in urbem adventum in patriam reversus, à Galba in urbem sit reportatus. Minus urget quod Quintilianus Romæ declamator à Seneca memoretur, quem avum fuisse huius nostri Fabii auctor *Vitæ* constanter affirmat. Id enim nil minus quam compertum est, ut loco suo notavimus. Deinde & contingere potuit quod avus ejus Romæ degeret, nepos autem Calagurri in patria fuerit ortus: quemadmodum & Marcus Seneca Romæ floruit, nepos autem Lucanus ex Mela parente Cordubæ natus ab auctore *Vitæ* refertur. Tandem objicitur, quod Fabius noster mentionem facit patris, qui caussidicus fuit apud principem. Quod nec ipsum de statu movere nos debuerit, considerantes utrumque verum esse posse, & quod noster Romam venerit adolescens, & quod eum genitor postea sit sequutus. Sed tamen id in Quintiliano non invenimus.

242. Fidem ergo Eusebio Aufonioque affirmantibus ex Calagurri Hispanie urbe fuisse jure præstamus, cum Politiano⁵, Raphaële Volaterrano⁶, Cataneo⁷, Jacobo Philippo Bergomeni⁸. Ex qua tamen Calagurri? Duo enim fuere in Hispano tractu: altera *Nassica*, altera *Fibularia*, cognominatæ: seu *Calagurritani Nassici* & *Fibularii* apud Plinium lib. 3.

cap. 3.

¹ In *Cicerone*
Olymp. cxxi.
² Olymp. cxxv.

³ Lib. 5. cap. 7.
& lib. 12. cap.
ultimo.
⁴ Tacitus lib.
14. Ann. cap. 17.

⁵ Lib. 25. De
Rebus Hispani-
æ.
⁶ Lib. 1. ep. 62.

⁷ *Declamazione*
pro *Quintilia-
no*.
⁸ In *Ambrogi-
ologia*.
⁹ Ad *Plin. epist.*
14. lib. 2.
¹⁰ *Supplem.* ad
ann. lxxii.

cap. 3. Sic enim legendum esse, non autem *Nascica*, & *Nascici*, ut vulgò editur, ex nummo evicit vir clarissimus Hieronymus Zurita in *Notis ad Itinerarium Antonini* ^d. Postrema hæc Fibularia exstat ad Iberi fluvium, Prudentii poetæ, ut creditur, patria, memorabilis Pompejana obsidione & constantiâ tuendarum Sertorii partium. Prioris illius ignoratur etiam situs, quæ olim Cæsarianis adhe- sisse ab ipso refertur Cæsare in commentariis *De bello civili*. Quenam verò istarum produxerit Fabium Quintilianum, neminem affirmare posse arbitratum cum iudicio idem Zurita. Ceteri ^e *Fibulariæ*, quia ea notior est, & super- stes, passim hoc decus attribuunt, aut non distinguentes attribuere videntur.

243. Patrem habuit declamatorio studio ac forensi deditum. Testis ipse filius celebrato in *Institutionibus* ^f patris quodam joco in æqui- voco ludentis, cum contra eum diceret qui se legationi immortitum promiserat, paucis- que deinde vix insumptis diebus re infecta redierat. *Non exigo* (inquit) *ut immoriaris le- gationi: immorare*. Veniens aliquando Ro- mam (à Galba enim primum fuisse eum per- ductum ea excludunt quæ supra considerata fuere) applicuit se totum studiis eloquentiæ, ac deinde causis tuendis, magnorum ejus temporis oratorum ^g exemplo, quos affectari & observare diligenter solebat, inflammatus, Domitium Afrum unum ex iis esse, laus ei à Fabio data ^h, Pliniusque in epistola i qua- dam satis innunt. Exercuisse ipsum se in controversiis & suasoriis, ubi de stylo suo disponendæ orationis agit ^k, annotatum pos- teris voluit. Nec dissimulavit ea quæ à na- tura ipsa rectè faciendi operis subsidia acceperat modestè prædicare; hoc est memoriam, quæ eâ valuisse, ut siquando interveniret ora- tioni cœptæ aliquis, qui hunc honorem me- reretur, iterare ad verbum dicta sufficeret, de quo ad eos qui interfuerunt provocat, fi- dem dictis facturum ^l, deinde phantasmia concipiendis rerum absentium imaginibus fa- cilem ^m, ut interesse iis, ac veluti præsen- tibus commoveri (quam summè in orato- riis commendat virtutibus) quasi videretur; nec solum lacrymæ, sed & pallor quo- que & verosimilis dolor eum comprehende- rent.

244. Inter orationes quas habuit duæ sunt, quarum ipse meminit. Altera in *caussa Nævii Apruniani* ⁿ, in qua quærebatur, præ- cipitatane ab eo uxor esset; an ipsa sua se sponte jecisset? Altera ^o *pro Regina Berenice*, apud eam ipsam dicta. *Fuerunt etiam quidam rerum suarum* (inquit) *judices*. Nam ^p *in li- bris observationum à Septimio editis affuisse Ci- ceronem tali causæ invenio: & ego pro Regina Berenice apud eam ipsam dixi*. Ea est Bereni- ce, seu Beronice, Agrippæ Magni filia, Agrippæ alterius junioris soror, Herodis patrui sui Chalcidis Regis vidua ^p. Hanc, postquam à Polemone, etiam Rege Ciliciæ, cui nupta deinde fuerat, divertisset ^q, incestu à fratre Agrippa, ut fama erat, cognitam, & cum bellum in Judæos suscitatum fuisset, Roma- nis faventem ^r, Titus adamavit, Romæque

cum Vespasianus pater imperium adeptus fuisset, in palatio habuit ^s, nuptiarum spe allactatam. Eam tamen, cum id molestè ferret populus Romanus, domum regredi jussit ^t. Hæc ipsa est, quæ cum fratre Agrip- pa coram Festo præfule audivit Paullum Apostolum ^u: & quam Juvenalis, ut sibi Romæ visam, significare voluit, non aliam Ægyptiam, illis versibus è Satyra 6.

— *Deinde adamas notissimus, & Berenices In digito factus pretiosior: hunc dedit olim Barbarus incestæ, dedit hunc Agrippa sorori* ^x.

245. Hujus causam in re fortè pecunia- ria (nam ditissimam fuisse sceminam Josephus notat ^y) egit apud eam Quintilianus. Ad- jungit Angelus Politianus in præfatione lau- data, orationem tertiam, quæ eandem Be- renicem subiecti marito testamenti accusatam defendit. Nobis nunc, unde id habuit, me- moria non suppeditat. Incircò audiendus non est Gaspar Barthius, aliqui eruditione cla- rus in paucis, qui librum seu dialogum *De oratoribus*, de quo postea, ideo negat ^z esse nostri auctoris, quod nusquam forensis ejus facundia laudetur. Frequentabat utique fo- rum, simulque, ut videtur, eloquentiam in schola juventutem docebat; cujus moderator summus à Martiale audiit in epigrammate ^a ad eum directo. Nam & ab Eusebio accepi- mus, primum aperuisse eum Romæ scho- lam, & salarium à fisco accepisse. Quæ tamen nisi collectim intelligas; primum scilicet fuisse eum præceptorem juventutis publico stipen- dio exhibitum, negabunt vero consentanea esse ^b, quibus auditæ sunt apud Ciceronem, Senecamque, & ipsum Quintilianum supe- rioris temporis scholæ. In hac certè nostri Plinius Cæcilius Secundus profecit. Ea de causâ præceptorem nominat eum alicubi ^c, & frequentatos à se alibi ^d refert Quintilia- num & Nicetam sacerdotem: cujus etiam meminit dialogi *De oratoribus* scriptor. Vi- cennio jam docendi exacto; scilicet Vespas- iani aliquot, Titi duobus annis, Domitiani quartodecimo, aut circiter (quod postea non supputatus temerè calculus comprobabit) im- petrata studiis suis publicis quiete, de ratione dicendi ut scribere aggrediretur, postulatio- bus amicorum concessit. Nec diu post à Do- mitiano impositus est nepotum è sorore edu- cationi, ut ipse in proœmio quarti libri *In- stitutionum* refert.

246. Quales autem hi fuerint è sorore Domitiani nepotes, nusquam scriptum anim- advertas. Hi nimirum ii sunt, ne dubites, quorum Suëtonius nomina his comprehen- dit ^e: *Denique Flavium Clementem patruëlem suum, contemptissimæ inertie, cujus filius etiam- num parvulos successores palam destinaverat; & ab- olito priore nomine, alterum Vespasianum appel- lari jusserat, alterum Domitianum, repente ex tenuissima suspitione tantum non in ipso ejus consu- latu interemit*. Hæc Suëtonius. Planè, si pa- truëlis Domitiani Augusti Flavius Clemens fuit, nepotesque sororis Domitiani Quinti- lianus instituit; propinquitatem eorum sic necessariò ponimus, uti arbor subiectus re- præsentat.

^s Dio lib. 66.

^t Suëtonius in *Tito*, cap. 7. *Aur. Victor* in *Epi- tome*, Dio ubi proximè. ^u *Afforum* cap. 25. 23. & 26. 30.

^x De hac Re- gina agat mul- ti, qui super *A- dus* scripsere, atque ite Chri- stoph. Noldius in *Hist. Idumæa* num. 72. ^y Lib. 20. cap. 5

^z Lib. 44. *Adv.* 8.

^a 90. lib. 2.

^b Morales lib. 9. *Hist.* cap. 27.

^c Lib. 2. ep. 14. *Maximo*. ^d Lib. 6. ep. 6. *Fundano*.

^e In *Domitian.* cap. 15.

FLA-

^d Pag. 119.

^e Angelus Poli- tianus in *Pro- fat. ad Quinti- lian.* quæ lau- dat Arnaldus Oihenartus in *Notitia Vasci- niæ* lib. 2. cap. 7. Petrus Nonius in *Hispania de- script.* cap. 81. Morales lib. 9. *Hist. Hisp.* cap. 27. Mariana lib. 4. *Hist. Hisp.* cap. 3. Valsæus in *Chron. Hisp.* ad ann. Christi 111. Marinæus Siculus lib. 6. *De laud. Hisp.* f. Lib. 9. cap. 3. g. Lib. 10. cap. 1.

^h Lib. 10. cap. 2. i. 14. lib. 2.

^k Lib. 7. cap. 1.

^l Lib. 20. cap. 2.

^m Lib. 6. cap. 2. in fine.


ⁿ Lib. 7. cap. 2.

^o Lib. 4. cap. 1.

^p Josephus lib. 20. *Antiqui- tat.* 3. ^q Idem cap. 5.

^r Tacitus lib. 2. *Hist.* 81.

FLAVIUS SABINUS senior procreavit



247. Non prætereunda est data fortè occasio hunc locum tractandi, ex quo sceminarum illustrium, Ecclesiæ Christianæ nunquam poenitendarum, nondum hætenus inter scriptores compertæ veritatis historiæ lumen immittimus, simulque Quintiliano institutionem contigisse Flavii Clementis ac Domitillæ, Christi, ut non temerè creditur, Martyrum, prolis confirmamus. Ex Flavio Sabino Vespasianum & Sabinum procreatos Suëtonius scribit ^f. Idem ait ^g Vespasiano ex Flavia Domitilla (Flaviæ nomen à marito mutuata est) tres filios fuisse, Titum scilicet, Domitianum, & aliam Domitillam. Hæc diversa est à Domitilla, quam tertiam distinctionis gratiâ vocamus, Flavii Clementis uxore; cum secunda illa Vespasiani filia patre adhuc privato, quod ex eodem constat auctore, obierit; Clementis verò uxor viro suo superfuerit, à Domitiano in Pandatariam insulam relegata. Domitillam ergo illam secundam nupsisse alicui credimus, & procreasse Domitillam hanc tertiam, quæ Clementi propinquo, ut jam diximus, elocata, Vespasianum & Domitianum juniores peperit, Quintiliani-discipulos. Quare proprio hi vocabulo apud eundem ^h Domitiani sororis vocantur nepotes; non ut significantur, præter usum Latinæ linguæ (quod Turnebo placuit ⁱ) ex sorore nepotes. Flavii Sabini senioris ex latere Vespasiani stirpem audisti. Eccillam nunc ex Sabini junioris, Vespasiani fratris. Duorum hic saltem fuit parens, Flavii Clementis, & ejus sororis. Hæc mater Flavie Domitillæ (quartam appellavimus) Christi Martyris. Flavius autem Clemens Domitillam tertiam, Vespasiani patruus nepem uxorem duxit, uti supra diximus; ex qua Vespasiano pronepotes, Domitianoque sororis nepotes procreavit eos, qui Fabio nostro in disciplinam traditi sunt.

248. Jam ut probemus dicta, Flavium Clementem ex Vespasiani fratre natum oportet fuisse, qui Domitiani patruëlis à Suëto-

nio appellatur. *Patruëles, marium fratrum filii*, ait Nonius Marcellus ^x, & confirmant Romanæ leges ¹. Ἀνδρῶν vocat Dio ^m, sive ex eo Xiphilinus; quod tamen verbum commune est fratrum & sororum filiis, hoc est patruëlibus & consobrinis, ut notant Lexicographi. Consul hic Flavius Clemens cum Domitiano ante annum fuerat, quum interemptus ab ipso est. Rem Dio luculentius narrat, ac Domitillæ uxoris ejus meminit: καὶ τῇ αὐτῇ ἔτεϊ ἄλλος τε πολλὸς, καὶ τὸν Φάβιον (lego Φλάβιον) Κλήμεντα ὑπατεύοντα, καίπερ ἀνδρῶν ὄντα, ἔγνωσαν, καὶ αὐτῶν συγγενῇ ἑαυτῶ, Φλαβίαν Δομιτίλλαν ἔχοντα, κατέσφαξεν ὁ Δομιτιανός. ἐπιμύχθη δ' αὐτοῖν ἔγκλημα ἀδωότητος. Quæ quidem Latinis sonant verbis: *Atque eodem anno, cum alios plures, tum Flavium Clementem Consulem (seu potius consularem) etsi patruëlis ejus esset, ac Flaviam Domitillam, & ipsam ejus consanguineam, uxorem haberet, morte affecit, illato ambobus crimine impietatis*. Domitillam dixit, sive ad Domitianum referens sive ad Clementem, συγγενῇ ἑαυτῶ, *propinquam ejus*: Domitiani etenim ex sorore nepos, Clementis verò, sororis patruëlis filia erat. Crimen impietatis quale fuerit, ex his quæ apud Dionem sequuntur planè colligitur: ideo scilicet, quia cum aliis pluribus εἰς τὰ τῶν Ἰουδαίων ἔθνη, in *Judeorum mores*, transierant, hoc est Christianæ fidei sacramentum dixerant, ut interpretantur Ecclesiæ historici ⁿ. *Quorum pars (infit Dio) occisa est, pars spoliata facultatibus. Domitilla tantummodo in Pandatariam relegata est*. Et Domitillam quidem istam, cum Flavie nomen, tum Domitillæ cognomen, satis innunt alterius Domitillæ Domitiani sororis filiam esse. Id quod egregie confirmat literatus lapis Romanus ad D. Clementem, cujus Gruterus meminit in *The-sauro inscriptionum* ^o, & Carolus Patinus in *Numismatis æreis Imperat. Rom.* ^p

FLAVIA DOMITILLA
FILIA FLAVIÆ DOMITILLÆ
CÆSARIS ANI NEPTIS FECIT
GLY.

^x De propriet. sermon. cap. 19. Ibid. lib. 9. Orig. cap. 6. l. 10. §. 15. De gradibus & affinitatibus. m. Lib. 67.

ⁿ Baron. to. 1. Annal. ad ann. xcvi. n. 5.

^o Pag. 225.

^p Pag. 245.

^f In Vespas. cap. 1. 2. & 4. g Cap. 1.

^h Proemia lib. 4.

ⁱ In Notis ad hunc locum.

GLYCERÆ L. ET LIBERTIS
LIBERTABVSQ. POSTERISQ.
EORVM.

CVRANTE T. FL. ONESIMO
CONIVGI BENEMER.

De hujus filiis, ejusdem Domitiani sororis nepotibus, Quintilianus sibi ad institutionem traditis refert gloriaturque. At quidem tum traditis, quum orbatu utroque parente, morte patris, exsilioque matris, sub avunculi magni Domitiani cura remansere.

249. Domitillis autem his tribus quartam adjungere aliam debemus, laudati Flavii Clementis ex sorore neptem, virginem, quæ, referentibus Eusebio ^q, Nicephoro Callisto ^r, Eutropio ^s, & Martyrologii Romani auctore ^t, ab eodem Domitiano propter Christi professionem in insulam Pontiam relegata, & post aliquot annos revocata, Teracinæ jussu Trajani martyrio fuit impensa. Josephus Scaliger ^u tantum ut Martyrologo calumniaretur, aut homonymiâ falsus, Domitillam hanc eandem credidit cum alia Clementis uxore, proindeque negavit virginis titulum recte ei datum: cumque vidisset insularum Ponticæ alteri, Pandataricæ alteri assignata exsilia, ex duabus quoque unam facere insulam fuit conatus: sed in irritum: nam Pontia & Pandataria diversæ insulæ sunt, altera adversus Formias (seu Cujetam hodie) altera in sinu Puteolano, apud Plinium ^x, Melam ^y, & omnes geographos. Domitillæ quoque duæ sunt, altera Clementis uxor, Dionis; altera neptis ejusdem ex sorore, Eusebii, Nicephori Callisti, Eutropii testimonio, quod sequutus est Martyrologii auctor.

In Græco Eusebii ^z: Εἰς ἀδελφῆς γονύων Φλαβίου Κλήμεντος. ex sorore gentem Flavii Clementis. In Nicephori ^a: Αδελφὴν Φλαβίου Κλήμεντος. Pollux ait ^b: Οἱ δὲ ἀδελφοὶ ἢ ἀδελφαὶ ἵπτοι, ἀδελφίδος ἢ ἀδελφῆς αὐτοῦ ἀδελφίδην. Filius fratris sororisve ἀδελφίδος, filia vero istorum ἀδελφίδην. Eutropius eodem pede stat ^c: Flavii Clementis consulis ex sorore neptis. Ita & sonant Eusebiana Chronici ex Hieronymi versione. Atqui (ait Scaliger) in Græcis hujus Chronici est: εἰς ἀδελφῆς Κλήμεντος, patruëlem Clementis: & verè εἰς ἀδελφῆς inter se fratrum filii sunt, idem quod ἀδελφίδος. Sed Græca Eusebiana Chronici ea habemus, quæ servata sunt à Georgico monacho, cujus auctoritas multò inferior est Eusebianæ Græcæ historiæ auctoritate, quam possidemus. Nec ineptiam Eusebio facillè appingimus, qualis certè fuerit, si Domitillam, Clementis, uti Scaliger existimavit, conjugem, non conjugis, sed patruëlis aut consobrinæ vocabulo significaverit. Item non aliò respexisse videtur quàm ad utramque Domitillam Cornelius Tacitus, quum non vidit Agricola (inquit ^d) obsessam curiam, clausum armis senatum, & eadem strage tot consularium cades, tot nobilissimarum foeminarum exsilia & fugas. Rem Ecclesiæ ad Quintilianum aliquomodo spectantem, nec satis dum perspicuam, non perfuntorie agere debuimus.

250. Ex Palatino isto munere Quintiliano nostro forsàn honores divitiarumque. Credere enim Juvenali de divitiis debemus; non ta-

men olim ita affluentibus, ut non audierit à Plinio sibi amicissimo facultatibus modicus, in epistola ad eum scripta; quaquidem nupturæ ejus filiarum quinquaginta millia nummum conferre se ait, ut ex conditione mariti Nonii Celeris ornata & instructa ad viri domum transfret. Planè Juvenalis Satyrâ 7. inter tot millia nihili rebus impensa, cum professoribus illiberaliter & sordide agi conqueritur.

*Hos inter sumptus sestertia Quintiliano,
Ut multum, duo sufficient: res nulla minoris
Constabit patri, quàm filius.*

At sibi opponit:

Unde igitur tot

Quintilianus habet saltus?

Non esse tamen à regula propter unum aut alterum exemplum discedendum concludit.

Exempla novorum

Fatorum transi.

A felicitate enim quâ quisque pollet hoc ait, non ab alio derivare.

Felix & pulcher & acer:

Felix & sapiens, & nobilis, & generosus &c.

Distat enim, quæ

Sidera te excipiant modò primos incipientem

Edere vagitus, & adhuc à matre rubentem.

Si fortuna volet, fies de rhetore consul;

Si volet hæc eadem, fies de consule rhetor.

Persequutus sum hucusque Juvenalis sententiam, quia ex his postremis versibus Quintilianum ascendisse ad consulatum non nemo colligere amat, & veluti satyricè tactum eundem à poëta, qui causas habuisse suboffensionis dicitur, eo quòd cum in Institutionibus Latinos satyræ auctores Lucilium, Horatium, Persumque laudasset, Juvenalis non meminerit: sed negamus causam aliquam satyræ datam; cum Fabius noster, ne vivorum insultaret modestiæ, contentus fuerit his concludere: *Sunt clari bodicque, & qui olim nominabuntur*. Immo Quintilianus semper quasi eloquentiæ ac virtutis nomen à Juvenale appellatur: uti quum Satyrâ 6. ait:

Hispulla tragædo

Gaudet: an expectas ut Quintilianus ametur? ubi vetus notat scholiastes. Et item:

Dic aliquem, sodes, heic Quintiliane colorem.

251. Sed neque negamus potuisse alludi à poëta ad Quintiliani honores consulares, quibus ornatum eum fuisse Aufonio credimus ^e. *Quintilianus* (ait) *consularia per Clementem ornamenta sortitus, honestamenta nominis potius videtur quàm insignia potestatis habuisse*. Quod & probat Turnebus lib. 22. *Adversariorum* cap. 22. Idque innuunt ea ejusdem Quintiliani verba, quibus in procemio lib. 6. lamentatur se amisisse filium consulari nuper adoptione, ad omnium spes bonorum patris admotum. Hoc est, novâ patris in consularem ordinem quasi adoptione, indultis ei ornamentis hujus honoris, factâ, idoneum paternis iisdem honoribus redditum. Ut enim adoptio fictio est naturæ; sic ornamentorum consularium concessio adepti reverâ consulatus fictio fuit. Quòd Fabii interpretes non animadverterunt. Clemens, auctor honoris Quintiliani, Flavius Clemens est, Domitiani patruëlis, de quo suprâ.

252. Im.

^q Lib. 3. Hist. Eccles. cap. 18. & in chron. Olymp. cccviii. ^r Lib. 3. Hist. Eccles. cap. 9. ^s Hist. Miscellæ lib. 9. ^t 7. Maji. ^u Animad. ad Euseb. chron. pag. 205.

^x Lib. 3. cap. 6. ^y Lib. 2. cap. 7.

^z Lib. 3. Hist. 18.

^a Lib. 3. cap. 9.

^b Lib. 3. cap. 4.

^c Lib. 9.

^d In Vita Agricola.

^e In Paugy.

252. Impendebat is totus operi, quum Quintilianum filium amisit. Reliquus erat ex duobus, quos pepererat ei uxor, unde vicesimo & ipsa ætatis anno extincta. Quorum charissimorum sibi pignorum jacturam elegantissimè, uti non uno loco animadvertit Barthius f, idem tamen impatientissimè ac verè impiè, inculatâ etiam deorum providentiâ, deflet in procemio sexti libri. Unde colligitur proveſtione ætate duxisse eum in matrimonium viri prætorii fororem adolescentulam: Indulgendum nempe iis est, qui tenerimè diligunt, si dolorem suum testatum scriptis etiam relinquere volunt, uti ad Quintiliani fecit exemplar ævo nostro Michaël Roussel, *Historiæ Pontificiæ jurisdictionis* auctor, cujus bona pars præfationis ad lectorem deploratio est amissæ conjugis. An verò hæc tam immaturè mortua Fabii conjux illa fuerit Tutili filia, cujus meminit Plinius lib.6. epistolâ 32. obscurum mihi non est, qui sciam ex antedicta illa nonnisi duplicem procreasse Fabium prolem masculam: quod manifestè apparet ex præfatione laudata. Priores igitur per me fuerint hæ nuptiæ cum Tutili nata, ex qua filiam procreaverit: quam quidem destinatam Nonio Celeri sponſam, summâ illâ (cujus ex hac eadem epistola meminimus) instruxit Plinius Secundus. Hoc enim convenientius est fortunæ Quintiliani antequam palatinis honoribus divitiisque augeatur. Quo autem is anno obierit, nusquam legitur.

253. Superstat sibi quidem vir clarissimus in magno, nec satis unquam laudando opere *Institutionum oratoriarum*, quas duodecim libris absolviſſe biennio se, ad Tryphonè scripsit bibliopolam; quibus Marcello Victorio inscriptis, oratorem futurum, à tenera ætate primisque literis ad rhetoricæ artis fastigium veluti manuducit: de quo ille multis in principio, hoc est præfatione primi, & cap. ultimo duodecimi libri, lectu dignissimis. Ciceronis *De rhetorica* monumentis præferre hoc opus, nempe isto ex capite, non dubitant viri Tullianæ gloriæ amantissimi. Cujus utilitas tanta est, Angeli Politiani judicio, quantam vix fortasse in unius alteriusve ex omni Græcorum Latinorumque voluminum copia inveniemus. Prudenter ab aliis & existimatum fuit orationibus Ciceronis Quintilianique præceptis in rhetorica re non solum æquatam à Latinis Græciam, verum longissimo quidem fuisse intervallo superatam.

254. Pro dignitate operis loquutus olim videtur nobis Joannes Antonius Campanus, in epistola quadam ad Antonium Muretum, ubi postquam contulisset inter se Tullium Ciceronem & Quintilianum, deesse eloquentiæ (ait) quicquid à Quintiliano non discas, atque ibi artem desinere docendi, ubi ultimum ejus fuit præceptum. Ciceronem item amplissimum ingeniorum laudatorem, Quintilianum judicem æquissimum, vocat. Quintilianus mira moderatione (prosequitur) judicem se inter Græcos & Latinos constituit; mira illorum laude, nostrorum emulatione judicium peregit; & veluti in medio positus, multa concedit omnibus, nemini detrabit.

Bibliotheca vetus Hispana Tom.I.

quicquam, & non minus scisse eum rectè judicare existimes quàm voluisse, & hunc ubi noveris, omnium & studia & ingenia noveris. Proinde de Quintiliano sic habe, post unam beatissimam & unicam felicitatem M.Tullii, quæ fastigii loco suspicienda est omnibus, & tanquam adornanda; hunc unum esse, quem præcipuum habere possis in eloquentiæ ducem; quem si assequeris, quicquid tibi decreit ad cumulum consummationis, id à natura desiderabis, non ab arte deposes. Hæc verè diserteque Campanus. Res oppidò proluxa esset congerere hîc è recentioribus, Quintiliano atque *Institutionibus* ejus reddita summæcujusdam laudis testimonia. Contentus quidem antiquorum paucis elogiis ero. Declamator Romani generis acutissimus à Trebellio Pollione in *Vita Posthumii junioris*, uno ex xxx. tyrannis, audit. Egregius doctor à Cassiodoro¹. Sidonius item Apollinaris cum² acrimoniam ejus tum copiam per fluminis³ extollit metaphoram.

Qua Crispus brevitate placet, quo pondere Varro,

Quo genio Plautus, quo flumine Quintilianus. Qua pompa Tacitus, nunquam sine laude loquendus.

255. Non satis constat cur S. Hieronymus ad Romanum *De optimo genere interpretandi* scribens, S. Hilarium duodecim Quintiliani libros stylo imitatum & numero fuisse dicat. Consule sis Erasmi epistolam^m quamdam de Hilarii operibus ad Joannem Carondilem archidiaconum Panhormitanum. Joannes Saresberiensis lib. 8. *Polycratici* cap. 13. censionem ejus de Senecæ operibus adducens, & in examen vocans, literatiorem Senecâ eum sibi videri non dissimulat, atque acumine & gravitate dicendi eum præcedere. Verba Saresberiensis dedimus de Seneca olim agentes. Interim alias ad virtutes præceptoris absolutissimi laudare subit modestiam in ferendo de ipso opere judicio, ingenuitatemque in retractanda sententia, cujus exemplum luculentissimum cap.6. libri 3. reliquit. Nec tamen defunt quibus non omnia Quintiliani probentur. Gerardus Joannes Vossiusⁿ queritur quòd plura rudi Minerva tractaverit. Gaspar Barthius^o, quòd de poetis non rectè judicaverit, de Valerio Flacco sinistrè aut malignè loquutus sit, (quod tamen injuriâ ei tribuit) Catullum haud laudaverit. Item alibi^p, quòd reprehenderit Arati opus *Pheonomenon*. In quo virum præstantis eruditionis fefellit planè suum judicium, aut præjudicium potius, de Quintiliano, cum verba hujus scitatem argumenti eloquentiæ incapacis, minimè verò poetam incusent. Ejusdem Barthii judicio^q, ingeniosissimus, quidem, & præceptorum artis suæ valdè peritus fuit scriptor; præterea Ciceroni addictissimus, sed in quo polytambiam agnoscamus exiguum, contemptu insigni eorum intercurrente, quæ non legerat. Nimis ille acriter in tantum virum. Quintilianum verò ejus famæ rhetorem à nullo rhetorum Latinorum, nisi me oculi fefellerunt, laudari valdè miratus sum; atque eo magis quòd grammatici eum laudant, Diomedes lib. 11. & Priscianus lib. 1.

H

256.Ha.

f Lib. 222. Ad-
verf. cap. 3. & ad
Statia lib. 2. Syl
var. 2. v. 222. &
lib. 5. c. arm. 5.
verf. 2.

h Videſis Bar-
thium lib. 31.
Adv. 5.

i In Compendio
Rhetorica.
x Lib. 5. epist.
10.
l Paug. ad An-
themium.

m 8. Lib. 28. in
edit. Londin.

n *Leſſis. Orator.*
lib. 4. cap. 10.
93.
o Lib. 56. Adv.
11. & ad Statia
lib. 6. Theb.
verf. 93.

p Lib. 1. Adv.
cap. 15.

q Ad lib. Theb.
6. verf. 93.

g Petr. Gelan-
dius in præf.
suz editionis
anni MDLXVII.

256. Harum *Institutionum* olim deperditarum inventionem, cum literis affulgere nova dies cœpit, Poggio debemus Brandolino Florentiæ urbis civi, & à secretis; qui apud Constantiam, dum Synodus generalis in ea urbe celebraretur, codicem Quintiliani quodam in monasterio reperit, uti & Silii Italici libros *De Punico bello*, si Ugolino Verino credimus^s:

*Quin etiam solers Germanis eruit antris
In Latium astiloqui divina volumina Sili.*

Integer orator nobis Fabiusque relatus

Est hujus virtute viri, qui tempore longo

Exsul & ignotus peregrinis torpuit oris.

Atque item Asconium Pedianum in S. Galli monasterio Helvetiorum. Sed tamen aliqua Quintiliani antea visa fuerant à Guasparino Bergomate, ut constat ex his Raphaëlis Volaterrani: *Quintiliano quoque tunc invento semilacero emendando multam cum adhibuisset operam, Quintilianus integer & ex omni parte incolumis repertus est.*

257. Vetusissimam se habere Quintiliani editionem Basileensem admodum bonam scripsit Barthius^u, unde quædam corrigit in ea posterioribus. Tarvisinam quidem anni MCDLXXXII. folio Labbeus laudat in *Biblioth. Ms. x Venetamque* hujusmet sæculi, quo typographia inventa est, anni scilicet MCDXCIV. ex officina Peregrini de Pasqualibus Bononiensis novimus. Has verò ea ne præcessit, quæ cum commentariis Laurentii Vallæ, Pomponii, ac Sulpicii (excidit nunc quo loco) prodiit, unà cum laudata prius Joannis Antonii Campani epistola? Atque item alia Omniboni Leoniceni ad Moysen de Bufarellis Bellunensem Episcopum, qui diem suum obiit anno ejusdem sæculi LXX. y in qua se ait Latina Quintiliani omnia castigata dedisse, nec tamen ad Græca, lituris potius quam literis expressa, eandem industriam cum fructu applicare potuisse. Exstat jam in hac editione Quintiliani Vita illa, de qua mentio & judicium initio fuit factum, quamque nos Laurentium Vallam habere auctorem existimamus. Pomponius & Sulpicius scholiastæ, Julius Pomponius Sabinus, qui sub Pio II. Papa floruit, & Joannes Sulpicius Verulanius, noti aliàs, sunt hujusmodi lucubrationum artifices. Valla autem primus magnâ curâ descriptum exemplar in lucem edidit. Angeli Politiani & Hermolai Barbari in corrigendo Quintiliano industria laudatur.

258. Has ponè sequitur, nisi fallimur, Parisiensis anni MDXVI. in folio ex Ascensianis ædibus, cum Raphaëlis Regii, Georgii Merulæ, & Jodoci Badii Ascensii *In depravationes Institutionum annotationibus*, ubi Ascensius ait se ex codice, quem Laurentius Valensis possedisse atque emendasse credebatur, sexcenta loca restituisse. At ejusdemmet Jodoci Badii Ascensii *familiares* (uti vocat) *commentarii*, cum Baudii annotationibus anno MDXXVIII. ex eadem Parisiensi officina prodire. Et ejusdem Badii Ascensii *commentarius in Quintilianum* De officio discipulorum, & *in Sulpicii carmen* De moribus in mensa servandis, & Lugduno aliquando prod-

iisse, in catalogo librorum bibliothecæ Bodlejanæ legitur, novimusque hanc exstare editionem Lugdunensem anni MDXIV. in 4^o. in Hispalensis Ecclesiæ bibliotheca. Raphaëlis verò Regii (qui idem est forsitan cum Raphaële Volaterrano, conjectante Vossio lib. 3. *De Hist. Lat.* cap. 12.) non valdè probatur à doctis opera; immo castigasse eum nonnulla, quædam vertisse in deterius, & pravis auctoritatem dedisse, Antonius Pinus deinde laudandus conqueritur. Liber ita inscriptus exstat in bibliotheca Hispalensis Ecclesiæ: *Raphaël Regius in depravationes oratoricæ Quintiliani institutionis annotationes*, Venetiis MDXXII. folio. Petrus item Mosellanus Protogensis, decurso hoc eodem usque ad septimum librum stadio, annotationes quoque suas prælo commisit Basileæ apud Adamum Petrum MDXXVII. 8^o. quas inde recoxit anno MDXLI. Lugduni Sebast. Gryphius. Necnon Joannis Sichardi curâ Basileensis prodiit alia MDXXIX. atque item alia ex officina Gymnici MDXXXIII. cum Giberti Longolii præfatione. Inde castigationes & annotationes Guilielmi Philandri, & auctoris textum ad exemplar ejus quæ ibi præcesserat, editionis superioris anni, Gryphius Lugduni anno MDXXXV. publicavit.

259. Cum Joachimi Camerarii, Joannis Sichardi, & aliorum, necnon laudati nuper Philandri Castilionæi annotationibus & castigationibus, Colonie Gualterus Fabricius anno MDLV. 8^o. ex officina sua exire fecit. Cujus & anni est editio Lugdunensis Gryphii in 8^o. *Institutionum* & undeviginti *declamationum*. Anno sequenti ediderunt Parisienses Thomæ Richardi formis *In. M. Fab. Quintilianum commentarios valdè succinctos & elegantes*, in 4^o. Hi Turnebi esse dicuntur, careant licet ejus nomine. Ponè it Veneta Hieronymi Schoti MDLXVII. in folio, cum argumentis Petri Gallandii professoris Latinarum literarum regii, annotationibus Petri Mosellani in VII. libros priores, Joachimi Camerarii in primum & secundum, tandemque Antonii Pini Portodomæi Lusitani commentario in tertium doctissimo. Lugduni quoque in Gallia anno MDLXXX. in 8^o. prodire. Legimus quoque Stephanum Riccium doctissimorum virorum annotationes in libros hos *Institutionum* summo studio in ordinem à se redactas Lipsiæ anno MDLXX. edidisse. Ulterioris temporis nullam vidimus, usque ad postremam Lugduno-Batavam Hackii anni MDCLXV. in 8^o. cum Angeli Politiani, & Petri Gallandii præfationibus utilissimis, Turnebique, Camerarii, Parei, Gronovii, & aliorum, secundum formam Batavicarum editionum, Notis.

260. Prodiit demum ex officina Elzeviriana Ultrajectina anno MDCLXIX. libellus aureus variorum Paulli Colomesii opusculorum, quem claudunt *Ad. M. F. Quintiliani Institutiones oratorias* hujus auctoris selectæ eruditionis Notæ. Laudatur item sententiarum ex Quintiliano libellus auctore Stephano Joanne Stephanio Dano, professore Sorano eloquentiæ, apud Albertum Bartholinum

r Jacobus Phil. Bergom. Suppl. ad ann. 1551. Mariana lib. 4. Hist. cap. 3. Michael Pocclantius Casal. scrip. Florent. s. Lib. 2. De Illust. urb. Flor. apud Michael. Pocclantium.

t Cam. urban. lib. 21. cap. De his qui reliquis in artibus claruerunt. pag. 489.

u Lib. 14. Adv. 18.

x Pap. 349.

y Ut constat ex Ital. sacra in epis. Bellunensibus.

linum *De scriptis Danorum*. Compendium quoque Quintiliani Franciscus Patricius confecerit; si verè id Patavii in bibliotheca ad D. Mariæ Prataleæ (quod Thomafinus in *Bibliothecis Patavinis Mss.* affirmat) custoditur. Et legimus, sive hoc, sive aliud, hujus auctoris compendium Valentiae an. MDLIV. in 8^o. typis editum. Præter alios ævi nostri criticos, plura Quintiliani emendavit, illustravit, vindicavit Joannes Gebhardus, Crepundiorum, seu juvenilium curarum libristribus Hanoviae MDCXV. in 4^o. editis. Immo & inter antiquiores Jacobus Lodoïcus Strebeus Gallus Quintiliani secundum, tertium, & quintum librum Partitionum oratoriarum à se in compendium redactos edidisse dicitur Parisiis apud Thomam Richardum. Præter Latinos interpretes & illustratores sortitus est Quintilianus Italicum Horatium Toscanellam, quem Jolitus Venetiis MDLXVII. edidit in 4^o. & Gallicum N. Abbatem de Pure, cujus in *Bibliotheca Gallica* M.C. Sorell meminit. Hispanam verò interpretationem nemo hæcenus, quod sciam, aggressus fuit. Præter sunt doctis hominibus Quintiliani amatoribus *Institutionum* harum mss. exemplaria in bibliothecis publicis. Medicea una habet novem, ut ex ejus constat catalogo. Petrus quoque Ramus rhetoricas in Quintilianum distinctiones foras emisit, cum aliis dialecticis & philosophicis Parisiis apud Wekelium. Joannes item Buteonis Gallus Delphinas mathematicus, Gesnero laudante ad locum Quintiliani, geometricam explanationem confecit.

261. *De causis quoque corruptæ eloquentiæ* librum se scripsisse affirmat noster in proœmio sexti, & fine octavi. Quod opus, auro contra non carum omnibus eloquentiæ veteris studiosis futurum, omnino periit. Nulla enim ratio satis urget, ut Lipsio assentiamus, qui *De oratoribus* dialogum incerti adhuc auctoris, sed eminentissimo quovis auctore dignum, eundem hunc esse credidit. Perfectus enim est dialogus; & tamen in eo frustra quæsieris *De hyperbole*, aut generaliter *De tropis* locum, quem se plenius tractasse in hoc *De causis corruptæ eloquentiæ* libro, in octavi ait *Institutionum* fine. Proxima quidem, fateor, materia est, sed diversa utriusque operis; quod planè haud unum existimo, utrumque tamen Quintiliani, ut jam dicam.

262. *Actionem*, quam habuit in *caussa Nevii Aprumiani*, emisit solam in publicum, seductus, ut ait ipse ^a, *juvenili gloriæ cupiditate*. Et tamen ferri sub nomine suo alias addidit, *negligentiâ excipientium in quæstum notariorum corruptas; quæ minimam partem (inquit) mei habent*. Ferebantur quoque sub eodem Quintiliani nomine etiam tum ejus ævo duo *Artis rhetoriæ* libri: neque editi (ait ipse ^b) à me, neque in hoc comparati. Namque alterum sermone per biduum habito pueri, quibus id præstebatur, exceperant; alterum pluribus sanè diebus, quantum notando consequi potuerant, interceptum; boni juvenes, sed nimium amantes mei, temeraria editionis honore vulgaverant. Hos *Artis* videtur libros grammaticus Rufinus in libello *De metris comicorum* ^c innuere, cum Quintilianum in *Bibliotheca vetus Hispana* Tom. I.

num in *Arte* laudat. Sed reverà ex *Institutionum* noni cap. 4. verba sunt de numeris & structura Demostenis eò adducta: quod opus *Artem* vocat Rufinus.

263. Vulgaria fuere Lactantii etiam & Hieronymi tempore alia Quintiliani. Nam prior ille, cum *Fanaticum* ^d, tum *Capite obvolutum* ejus laudat, quæ videntur declamationum capitula. Harum autem in eis quæ Quintiliani nomine circumferuntur, non ulla exstat mentio. Posterior Hieronymus, atque item Alcuinus ^e, transcriptis Hieronymi verbis, eo tamen illaudato, eam Quintiliano controversiam tribuunt, in qua accusatur matrona, quod æthiopem peperit, pro cuius defensione id quod in equarum gregibus apud Hispanos fit, refertur adducere. Exstat quidem inter Calpurnii Flacci declamationes ea quæ *Natus æbiops* inscribitur, in eaque Hispaniæ mentio; sed non equarum naturæ in Hispania; quod planè debuit, ut à Hieronymo hanc significatam arbitremur. Argumenta nempe declamationum quædam veluti solenniora olim fuere, in quibus ingenii quisque sui vires experiebatur. Iccirco unius atque ejusdem materiæ plures diversorum reperiri non semel contigit.

264. Duo supersunt, de quibus magnis animis controversi solet, quæriq; an Quintiliano, an alteri adjudicanda sint, dialogus *De oratoribus*, ac *Declamationes*. Cornelio Tacito à non nemine prius illud, dialogus nempe *De oratoribus*, tribui solet; sed plures pro Quintiliano nostro calculi sunt. Alii credunt nullius istorum esse. Stylus certè plus sapit Fabianam, quam Cornelianam phrasin. Favet etiam nostro quod propria ejus, hoc est eloquentiæ artis, materia sit, quam dialogus continet, cum de Tacito nusquam audiamus rhetoricis eum dissertationibus stylum mancipasse. Nec disconvenit ætas: nam constat ex eodem opere auctorem juvenem admodum intervenisse (ut ex vero aliquo fingit) dialogo illi inter Maternum, Aprum, Julium Secundum, & Messalam, qui habitus ibidem dicitur sexto anno Vespasiani Augusti, quum Aper annos colligit, qui ab interitu Ciceronis præterierant. Ab hoc tempore si statuamus reliquos ejusdem Vespasiani iv. Titi ii. Domitiani xiv. qui simul xx. annos conficiunt, primamque juventutem, quam sibi tribuit anno illo vi. Vespasiani auctor dialogi, post vicesimum quintum, hujus ætatis initium, computemus, quadragesimum quintum egisse Quintilianum, (si auctor sit dialogi) cum per vicennium docuisset, *Institutiones* scribebat, uxorem undeviginti annorum, cui pater esse (ut annuit ipse ^f) poterat, amisit, colligimus. In quo nihil video Quintiliani rebus non conforme. Secessionem quidam faciunt ab hac inter Tacitum & Quintilianum controversia, & neutrius horum famæ ex hoc scripto partæ velificantur. Et quidem alicujus ex dialogistis esse suspicatur Barthius ^g, Galionis Vossius ^h.

265. *Declamationum, sive Caussarum*. Nam Quintilianum *De causis* in Glossario ms. suo citari, & Quintiliani libros *Caussarum* apud

d Lib. 1. *Instit.*

e *De quaestione in Genesim* apud Barthium lib. 58. *Adversus* cap. 13.

f In proœmio lib. 6.

g Lib. 44. *Adversus* cap. 3. h *De Rhetor. nat. et constit.* cap. 15.

1 Pag. 48.

1 Lib. 7. cap. 2.

b Lib. 1. proœmio.

c Tom. 2. *Gramm. met. veter.* pag. 15.

H 2 Gual.

Gualterum Burleum libro *De vitis philosophorum*, qui vixit anno MCCCXXX. Vossius refert in *De rhetorices natura & constitutione* cap. 15. *Declamationum*, inquam, sub Quintiliani nomine vulgarium duo genera sunt; aliæ prolixiores XIX. his titulis: *Paries palmatus*. *Cæcus in limine*. *Miles Marianus*. &c. de quibus postea breviores aliæ CXLV. atque hæc superflites ex CCCLXXXVIII. quarum auctorem Fabii Quintiliani avum, nempe illum, quem sui temporis declamatorem laudat Marcus Seneca rhetor, existimant. In hac video sententia esse Laurentium Vallam, si Vitæ est auctor, Volaterranum, Thaddæum Ugoletumⁱ, Petrum Pithæum^k, Gerardum Joannem Vossium^l.

ⁱ Pref. ad suam edit.

^k Prefas. ad Christ. T. uannum.

^l Lib. 1. *Instit.*

Orator. cap. 2. & *De Rhet. nat.*

cap. 15.

^m Prefas. ad *Instit.*

ⁿ Ep. ad Card. Senensem.

^o Pref. ad declam.

^p Lib. 58. *Adv.* cap. 13.

266. Nonnullis tamen minimè libet Quintiliano huic *Institutionum* auctori, quem sciunt declamationibus se exercuisse, jubere his vel avo cedere. Angelum Politianum^m intelligo, Joannem Antonium Campanumⁿ, Petrum Ærodius^o, qui eas Notis illustravit, Barthium^p, qui fragmenta hæc esse, aut excerpta ex Quintiliani veris putat declamationibus ab aliquo antiquo rhetore, uti alias M. Senecæ & Calpurnii Flacci. Nec suffragium negaturus videtur in antiquis Trebellius Pollio, qui Quintiliani declamatoris Romani generis acutissimi declamationibus insertas esse quasdam Posthumii junioris refert^q. Quæ vix ille de alio quàm de magno Quintiliano dixerit ita magnificè.

^q In hujus vita.

267. De prioribus illis undeviginti præter Joannem Ant. Campanum, de quo mox dicemus, Persivaldumque Bellingenum Brugensem, nullum vidi hætenus, qui esse Quintiliani affirmare audeat. Nihil enim minùs sunt quàm hujus præceptis in opere *Institutionum* traditis conformes. Quod Philelphus^r olim notavit, ex eoque Quintilianum. Innuvit, nec damnat, hanc existimationem Joannes Ludovicus Vives^s: probant Erasmus^t, Vossius pater^u, Petrus Ærodius^x, Gaspar Barthius^y, Joannes Mariana^z, Amb. Morales^a, And. Schotus^b. Atque eas in scriptis quibusdam libris Marco Floro adjudicari annotaverunt Vossius^c Barthiusque, atque item Jacobus Durantius lib. 2. *Variar.* cap. 17. Aliis placet Posthumii junioris, qui unus fuit ex xxx. Rom. Imperii tyrannis, eas esse, propter hæc Trebellii Pollionis in *Vita* ejus verba: *Fuit autem Posthumius (quod solum memoratu dignum est) ita in declamationibus disertus, ut ejus controversiæ Quintiliano dicantur insertæ.* Non quidem Quintiliani sunt; sed, ut ait Barthius^d, *lectu omnes dignissimæ sunt.*

^r Lib. 3. ep. ult.

^s Lib. 4. *De causis corrupt. artium.*

^t In *Ciceronianis*.

^u Lib. 1. *Instit.*

^x Pref. ad declam.

^y Lib. 58. *Adv.* cap. 13. & ad 1.2. *Theob. v. 406.*

^z Lib. 4. *Hist.*

^a Lib. 9. *Hist.*

^b In *Traité de l'auteur de la declam. Seneca*, &c.

^c Tum ubi proxime, tum *De Rhetor. nat.* cap. 15.

^d Ad lib. 2. *Theob. v. 406.*

268. Quod si sequimur, hoc est Fabii Quintiliani non esse, videndum est quo declinanda sit modo auctoritas S. Hieronymi, apud quem ad *Præsidium* scribentem legitur, putare se *controversiæ Quintiliani* *Præsidium* recordari, *in qua pauper caussatur dolens ob interitum apum, flores ab impotentissimo divite venenatos.* Declinabimus quidem, si de alio Quintiliano loquutum doctorem sanctissimū, aut commistas fuisse jam in unam syllogen diverforum declamationes, quod Pollio nuper laudatus innuit, credamus. Præstat de utrif-

que, tam XIX. quàm CXLV. judicium audire Joannis Antonii Campani, clari ante duo sæcula philologi, ut observes lector quàm inter se hominum de rebus opiniones sint contrariæ. Scribens hic ad Cardinalem Senensem ait illi CXXXVI. ex illis brevioribus declamationes allatas ad se è Germania fuisse, quas quidem Quintiliani esse sic arbitratur, ut alterius & temporis & studii (verba ejus audis) putem, quàm undeviginti, quæ circumferuntur illius nomine. *Alia vis, alia gratia, diversus ornatus utriusque est. Et inter finitimas perquam longam agnoscit distantiam, sed qualis esse inter optima possit: creditque in his nuper inventis (brevioribus scilicet) ad verum declamatum in scholis esse, illas alteras otii cujusdam domestici secretiorisque studii fuisse; multaque scripta ad ingenium, multa ingesta, multa incumulata, multa quoque ad poeticas expressa delicias, quod non tam alienis placere auri- bus, quàm ingenii sui viribus obsequi velle.* Et mox: *Plus in illis (antiquis & prolixioribus) copie argumentorum, sententiarum, acuminis, elaborationis esse; has (breviores) puriores, latiniore videri, fluentes non minus natura quàm arte, candidas, quietas, non fuscas, non turbulentas, sponte lætas, non studio coactas, & ut pluribus me objiciam telis, stylo orationis, qui fuit per Ciceronis tempora, propinquiore.* Per cætera illas priores (undeviginti) antepono. Nam & magnitudine illic amplior, & sententiis sublimior, & verbis numerosior multo est, & nullum locum non adit, & acriter insurgit, & quod in eo aliquando desideraverim, raro demittitur. *Affectus autem, quibus nisi fuerit orator armatus, quæ inferre possit vulnera, vix habet; omnes videtur effundere, nisi quod eos numeros multo reddit obfusores, quàm si impetu & velocitate jacerentur.* Hæc de meo judicio dicta: conjecturam facere ex ipso codice licet: primum, quod CCCLX. fuisse ostenditur, quem numerum nescio an alius quàm Quintilianus impleverit: deinde quoniam Quintiliano attribuuntur; nec multo post Quintiliani ævi tempora scriptum tam vetustum codicem puto, ut errari tam recenti memoria non potuerit; tum quod subsequuntur declamationum Senecæ decem libri: ut dubitari non possit, nec Senecæ quidem esse: quamquam illud quoque accedit, quod abest Senecæ longissimè à tanta puritate. Hæc Campanus, qui adjungit, in illo codice Calpurnii quoque Flacci excerpta esse, & quod Antonii Juliani (nescit cujus, sed nos de eo agemus infra) & extemporaneæ Quintiliani promittuntur. Vides de utroque declamationum systemate viri docti judicium.

269. Barthius non dissentit^e in longioribus undeviginti, quas vocat *integras*, uti alias *excerpta* tantum; & eas putat quantivis pretii esse, miraturque adeo negligi, ut rarissimus quisque ejus testimoniis etiam inter curiosos utatur. Vossius^f quoque, non aspernandas, sed haud Quintiliani esse florentissimi scriptoris, censet. Quantum ab it de his censio Francisci Philelphi viri suo ævo præstantis! *Jejunas eas esse ait, atque à rebus, quibus rhetor ille (Quintilianus) abundavit, inopes; ut aratoris potius quàm oratoris esse, ne dum ejus, qui*

^e Lib. 58. *Adv.* cap. 13.

^f *De Rhet. nat.* & *constit. cap.* 15.

qui de bene dicendi præceptis jucundissimo stylo acerrimoque judicio pertractasset. Quæ verba adducit, nec judicium improbat, Andreas Schotus in opusculo suo *De auctore declamationum* quæ M. Senecæ inscribuntur, & *declamandi ratione*.

270. Nobis tot inter opinionum difficultates injuncti officii memoria non excidit, ut auctorum nostrorum quæcumque sunt, aut quibusdam non omnino absurde existimantibus esse videntur, quosnam recenti literarum ætate inventores aut illustratores habuerint, annotemus. Integras declamationes illas XIX. *Institutionibus* coisse jam, & sub eodem Quintiliani nomine olim vulgatas vidimus. Annectuntur enim iis in Parisiensi MDXXXI. Venetâ MDLXVII. & aliis, in quarum ultimò dicta editione *ad primam & secundam annotationes* legere est Perivaldi Bellingii cæci nati, ut præ se inscriptio fert. Recentior est breviorum inventio, ut ex Campano habemus, qui non CXLV. quæ hodie existant, sed CXXXVI. tantum, allatas ad se è Germania scripsit. Has primus, ut videtur, promulgavit Thaddæus Ugoletus Parmensis in patria anno MCDXCIV. Thaddæus iste Ugoletus, humanus doctusque vir, Regi Pannoniæ Matthiæ libros ornamentaque alia Florentiæ aliquando procurabat, nempe cum Angelus Politianus, cujus verbis hominem laudamus, *Miscellaneorum* cap. 23. scribebat. Unde aditionem Quintiliani declamationum anni MCDLXXXI. in folio, quam Labbeus in *Biblioth. Ms.* g. laudat, ad alias declamationes longiores libentes referimus.

271. Deinde renovata iis est lucis usura è typographia Parisiensi Joannis Parvi MDIX. usque dum Petrus Ærodius J. Consultus Andegavensis *Declamationes M. Fabii Quintiliani* CXXXVII. quæ ex CCCLXXXVIII. supersunt, castigatas & scholiis illustratas, ac in lucem (ut ait) postliminio revocatas, Parisiis iterum, sed apud Fredericum Morellium MDLXIII. edi curavit: *merè scilicet juridico commentario*, ait Barthius^h, cum adhiberi oporteat his illustrandis ingenium subactum omni antiquitatis lectione, & omnium auctorum consulta in numero habens. Atqui homines à Barthio desiderati opem tulere hætenus veteri scripto, quamvis non absolutam: Petrus nimirum Pithæus ad Christophorum Thuanum regiæ Galliarum curiæ præsidem primaria directâ editione Parisiensi, aliâ circa an. MDLXXX. adjunctis *Calpurnii Flacci* (ut titulus præferebat in codice quo usus est) *excerptis X. rhetoriarum minorum*: atque item Gronovius. Cum quorum omnium Notis, scilicet Thaddæi, Ærodi, Pithæi, & Gronovii, declamationum integrum opus, quæ Quintiliano quo quomodo tribui solent, hoc est, undeviginti perfectæ, & CXLV. excerptæ, seu breviores, ex officina Hackiana Lugduno-Batava anno demum MDCLXV. quo & *Institutiones*, in lucem prodiit. Novimus & Heidelberge anno MDXCIV. in 8°. jam antea editas. Observavit autem immensæ lectionis vir Barthiusⁱ has declamationes sub nomine *Altercationum* habuisse laudareque Rodolphum

Agricolam lib. 3. *De inventione rhet.* cap. 15. atque item Basilium Fabrum, qui scholasticum lexicon Latino-Germanicum scripsit, aliquot centurias Quintiliani declamationum Oporino excudendas dedisse, ut idem scribit in Quintiliani commemoratione. De interpretationibus vulgariarum linguarum nil adhuc novimus.

272. Schedæ MSS. Quintiliani, tam *Declamationum* quam *Institutionum*, sunt in bibliothecis Venetis*. Lugduno-Batava servat declamationum codicem Romæ scriptum in membrana anno MCCCLXVIII. in folio, ut ex ejus apparet catalogo 1.

* Vide Thesaurum Bibl. Ven. pag. 10. 12. 14. 17. 28. 31. 99.

1 Pag. 199.

CAPUT XIII.

M. VALERIUS MARTIALIS *Bilbilitanus*. Ubi nam Bilbilis. *Ejusdem versus de patria sua vindicatus germanæ lectioni adversus Scribnerium*. *Diversus Gargilius Martialis De re rustica scriptor*. *Valerio nostro unde nomen Coci adhaeserit*. *De ejus parentibus Domitii Calderini error*. *Honores eidem concessi*. *Quonam tempore præcipue floruit*. *Reditus ejus in patriam*. *Quoddam ejus epigramma non satis aptè ad Adriani Imperatoris ævum refertur*. *Plinii junioris de eo elogium, atque item aliorum*. *Catulli cum eo comparatio*. *Variantia de Martiali recentiorum judicium*. *Barthius uti multiplex in commentando, ita in censendo parum constans*. *Quid in poeta significet auris Batava? Quod vitium ejus operum obscenè loquendi, non ejus, sed ævi vitium fuerit*. *Spektaculorum liber non unius Martialis, sicut nec Priapeia unius Virgilii*. *De libris XIV. epigrammatum*. *Non omnia ejus exstare carmina*. *Enarrantur epigrammatum editores, castigatores, commentatoresque*. *Ramirezii genus elucubrandi, nec ejus sanum judicium in reprehensione evirati Martialis editionum*. *De vulgaribus aliquot ejus interpretibus*. *De CANIO poeta Gaditano*. *Leviter emendatur de eo Martialis epigramma*. *Jocose Gades*. *De Canii uxore*. *Diversus alius Canius Livio equalis*. *De Emeritenfi DECIANO, & Martialis cive LICINIANO, cujus epigramma de eo laudatur*. *Juliani Toletani Archiepiscopi fabula*. *De M. UNICO poeta*. *De MATERNO*. *HERENNIUS SENECIO Hispanus*. *Ejus laudes*. *Helvidii Prisci vitæ scriptor Domitiani jussu interficitur*.

273. **N**IHIL toto isto, & forsan omnibus sæculis, Roma habuit festivius & argutius, simulque disertius M. VALERIO MARTIALI Bilbilitano. De patria testatur ipse non uno loco, scilicet epigrammate 62. lib. 1.

*Te, Liciniane, gloriabitur nostra,
Nec me tacebit, Bilbilis.*

Et epigrammate 103. lib. 10.

*Municipes, Augusta mihi quos Bilbilis acri
Môre creat, rapidus quam Salo tingit aquis.*

Et Sidonius carmine 23.

*Quid celsos Senecas loquar, vel illum
Quem dat Bilbilis alta Martiale,
Terrarum indigenas Ibericarum?*

Es

g Pag. 149.

h Lib. 1. cap. 11.

i Ad lib. 9. Thes. Statii v. 149.

m Adolphus
Oco in Tiberio.

n Ptolemæo.
Antoninus Ise-
ner. ab Emerita
Cæsar ang.
o Carm. ad An-
tonium.

p Epigr. 103.
lib. 10.

q Barrerius in
Itinerario. No-
nius in Hispan.
sue cap. 74.
r Notis ad Ise-
ner. Anton. pag.
587.
s Lib. 1. ep. 50.

t Dial. 3. De las
Medallas.
u In Itinerario
pag. 77.
x Cap. 75.

y Lib. 34. cap.
14.
z Ep. 50. lib. 1.
aa ep. 55. lib. 4.

a Ep. 50. aliis
49.

b Lib. 4. tit. 9.

c De div. lection.
cap. 18.
d In 4. Georgi-
corum.
e In Probi vita.
f In Vita Alex-
andri.

g Lib. 5. ep. 30.

h Lib. 7. De nu-
gis car. cap. 12.
lib. 8. cap. 13.
i Spec. doct.
lib. 3. cap. 37.
k In Sophologia
sæpe.
l In Umbria il-
lustrata.
m In Supplem.
Chron. ad ann.
Christi xc.
n In epist. ad
leff. lib. 1.
o Notis ad A-
lexand. vitam.
pag. 168.
p Pag. 213.
q De poetis la-
tis pag. 46.

Ea urbs, quam *Augusta* cognomento illu-
strem præ se nummus Tiberii fert ^m, è princi-
pius Celtiberorum urbibus, & ab geogra-
phis laudata ⁿ, superstes adhuc S. Paullini ^o
ævo, irruptione forsân Maurorum deserta
aut excissa fuit. Durat certè adhuc duorum
millium passuum intervallo à *Calatayud* no-
bilissimo Aragoniæ regni municipio separata,
& *acer mons* ille Martiali dictus ^p, quem *Salo*
tingit fluvius, & ruinæ veteris oppidi, è qui-
bus plures Augusti, Neronis, Trajani, &
Philippi Imperatorum nummi egesti sunt.
Montem corrupto vocabulo *Baubala* ^q, vi-
cum verò in ruinis ædificatum (si alius non
designatur locus à Hieronymo Zurita ^r)
Huermeda nunc vocant. *Aquis* & *armis* no-
bilem jure dixit ^s civis ejus Martialis noster.
Diu enim est, quòd *aquis* pro *equis* legen-
dum esse primus vidit magnus Zurita, uti
refert Antonius Augustinus ^t, probantque
Barrerius ^u, & Nonius ^x. Aquis enim
Salonis fluvii immersum candens ferrum ita
temperabatur, ut arma ex eo fabrefacta mirè
& ante alia probarentur: quod Plinius re-
fert ^y, & ipse Martialis ^z. Id sequutus est
D. Laurentius Ramirez de Prado poetæ no-
stri interpres, cui tantum ut obsisteret, ma-
gis quàm ex animi sententia, ut credimus,
futilibus sanè, seque indignis rationibus an-
tiquam lectionem Petrus Scriverius, ingra-
tis quidem Musis, regerere conatus fuit ^a.
Sed aliquantò nos hîc prolixius: nec enim
minùs pertinet ad argumentum operis, unde
domo scriptores, quàm quòd gentis nostræ
fuerint, referre.

274. Martiales plures, in ipso etiam no-
stro Martiale, & aliis legeris; sed cum præ-
nomine, ut pro diversis non habere non pos-
sis. Cave tamen ne Martialem à Palladio in
libris *De re rustica* passim absque alia nota
distinctionis laudatum cum M. Valerio nostro
confundas. Gargilius enim ille est Martialis,
ita ab eodem alicubi vocatus Palladio ^b,
De re hortensi auctor, cujus meminit & Cas-
siodorus ^c, & Servius grammaticus ^d; idem
fortasse cum eo, qui non tam disertè quàm
verè, Vopisco ^e teste, Imperatorum scripsit
Vitas, laudatus quoque ab Ælio Lampridio ^f.

275. Scioli sunt, qui *cocum* proprio co-
gnomine appellatum Valerium nostrum ex
eo credunt, quòd ab Ælio Lampridio *Marti-
alis cocus* auctor ejus epigrammatis laudetur,
quod de frequenti leporis esu ad Gelliam in
libris usque nunc exstat epigrammatum ^g.
Eò Joannem Saresberiensem iidem advocant,
qui vel *Martialem cocum*, vel etiam *Cocum*,
ut Martialem significet, passim appellat ^h.
unde eo recentiores Vincentius Bellovacen-
sis ⁱ, Jacobus Magnus ^k, Blondus Foro-
livienensis ^l, Jacobus Philippus Bergomensis ^m,
alii: & exstare in codicibus vetustis quibus-
dam *M. Valerii Martialis Coci* lemma Scri-
verius notavit ⁿ, uti & in Lampridii Ca-
saubonus ^o; quamquam disertè Salmasius ^p
Notis ad eundem notaverit, *Coci* vocabulum
tam in prima editione Lampridii, quàm in
veteribus membranarum deesse. Quod & Ge-
rardo Vossio magis placet ^q; aut non *Coci*,

sed *cocæ*, pro *quoque*, veteri scribendi more,
scriptum in Lampridio fuerit, quod Meur-
sius ^r & Ramirezius, probant, itemque
Claverius ^t. Saltem cognomen ascititium,
non gentile fuerit, & ab aliquo primùm,
eò quòd frequenter de re agit culinaria,
præcipueque lib. 13. cui *Xenia* inditum no-
men, juxta eorum hominum morem accom-
modatum, quibus solenne fuit cognominare
maximos etiam scriptores ab eventu aliquo,
sive laudis aut notæ causâ. Sic Ovidium
Getam, Juvenalem *Esibicum*, Statium *Aquili-
num*, Propertium *Nautam*, Prudentium
Amænum, & quamplures alios, eadem ferè
importunitate quâ Martialem *Cocum*, appel-
lavere: de quo more Gaspar Barthius lib. 6.
Adversariorum cap. 1. copiosè disserit. Nec
ideo minùs è recentissimis interpretibus, cum
Robertus Titius ^u & Raderus ^x, tum Theo-
dorus Marcilius, *Cocum* semper vocat Martia-
lem, jure ob id reprehensus ab Josepho Sca-
ligerò, cum ad Scriverium mitteret *Diatri-
ben* suam *criticam* super *speculaculorum* libro
adversus eundem Marcilium, atque eo prior
Laurentius Ramirezius ^y, cui quum respon-
dit is sub Mussambertii nomine, à varietate
materiarum, quas, ut varia jura peritus co-
quus scitè miscuit, ita dictum Martialem
adhuc contendit insulsissimè. Nec minùs in-
jurius est, judicio meo, Martiali, vir aliàs
in his literis præstantissimus Gerardus Joa-
nes Vossius, qui à patris officio derivatum ei
admittit *Coci* nomen ^z.

276. Natus is Kalendis Martiis ^a (non
quidem ex Frontone & Flaccilla parentibus,
ne cum Domitio Calderino erremus: hæc
enim nomina sunt parentum Erotii puellæ,
quam deslet mortuam epigr. 35. libri quin-
ti) literisque in patria insigniter eruditus,
(Calagurritanum alumnum nescio quo sensu
Raderus dixerit ^b) cum primùm per æta-
tem licuit, Romam se contulit, Neronis,
ut necesse est, ac ostendimus inferius, tem-
pore: qua in urbe non statim florere cœpit.
Vix enim reperire est inter tot epigramma-
ta, sive Neronis, sive ejus successorum, ne
quidem Vespasiani rerum ævive aliquam no-
tam. Titum nempe celebrare cœpit versi-
bus, biennii principem; sed Domitiani quin-
decennio potissimum habitus in pretio fuit.
Quinimmo & ab eo ornatus jure trium li-
berorum, equitis Romani, ac Tribunitio
munere. De primo illo constat ex lepidis-
simo ad uxorem epigrammate ^c isto, post
alterum ad Domitianum gratulatorium:

Natorum mihi jus trium roganti,
Musarum pretium dedit mearum
Solut qui poterat. Valebis uxor:
Non debet domini perire munus.

De equestri ordine ac Tribunitio munere
sibi concessis ad Nevolum scribenti credi-
mus ^d, quæ honoris causâ ei Cæsar indul-
serit. Paucis autem contentus vixit, nec ta-
men egenus. Consule ipsum ad Quintilia-
num de se referentem ^e. Et lepidè quidem
simul & magnificè ad Pastorem quendam
se non ad luxum & superbam ostentationem
opes desiderare (ad quid ergo?) ait.

Est

r *Aut. Philo-
log. cap. 13.*
s *Ep. 1. Specu-
lulorum.*
t *In Ep. m. m. n. ad
part. Not. ad
Martial. edit.
Morellianæ
MDCCVII.*

u *Lib. 7. Com-
pro. locum 11.*
x *In Vita Mar-
tialis.*

y *Ad ep. 1. spe-
culat.*

z *De poetis La-
tinis pag. 46.*
a *Lib. 10. epist.
23.*

b *In Vita Mar-
tialis.*

c *Lib. 2. ep. 94.*

d *Lib. 3. ep. 95.
lib. 4. ep. 27. &
lib. 5. ep. 13.*

e *Lib. 2. ep. 90.
& ep. 56. lib. 1.*

Est nihil ex istis : superos ac sidera testor.

Ergo quid? ut donem, Pastor, & ædificem.
Epigrammate 23. lib. 9.

277. Hoc enim in otio vivendi genus, atque adeo festivis jocis captandi sibi virorum principum ac totius urbis favorem, præfensibus exercitiis habuit; unde lucra sibi proventura maxima sperare poterat. Et tamen abstinuit à grandioris alicujus operis aggrediendi consilio, usus illa vulgari, sed vera excusatione^f, Mæcenatem sibi deesse. Ex quo enim (alicubi ait) Cilnius Mæcenas à Virgilio paupertatem malignam repulit,

*Proinus Italiam concepit, & arma virumque,
Qui modo vix Culicem fleverat ore rudi.*

278. Romæ usque ad Trajani imperium continuò mansit, excepto quòd in Æmilia, seu Gallia togata, peregrinatus aliquando fuit; unde quædam è libro 3. carmina dignoscuntur conscripta^g. Sed tandem curiæ pertæsus, aut parùm Trajano gratus, severiori, & blandiciarum seu jocosum amœnitatibus intacto principi, cogitavit in patriam reditum^h, & exsequutus est quatuor jam & triginta annorum urbis incolaⁱ, cum ferè ageret ætatis septimum & quinquagesimum^k: quoniam autem Trajani, incertum: attamen discessisse eum non recenti principatu, uti video ab aliquibus colligi, ex eo conficitur, quòd post Cæsaris reditum è Germania, Dacorumque profligatum bellum, profectus sit, aut eo anno saltem. Victoria hæc scilicet prima de Decabalo Dacorum Rege (nam duæ fuere, alteraque post biennium) in consulatum Trajani tertium & Frontonis tertium incidit, qui fuit annus ejus imperii etiam tertius, urbis DCCCLIII. Christianæ redemptionis CI. aut sequens. Eusebianum *Chronicon* CIII. constituens nummo redarguitur, in quo quidem anno isto, quo III. fuit consul, Dacicus jam Trajanus sculpsitur. Hujus temporis sunt postrema Valerii Martialis Romana monumenta: nam lib. II. epigrammate 5. de tertio consulatione Nervæ (hoc est Nervæ Trajani) Janum alloquitur, eundem sequenti à justitia laudat, reversum fortè jam è Germania; nam anteriore libro 10. *De adventu Cæsaris Trajani*, & item *Ad Rhenum de eodem*, 6. & 7. inscribuntur epigrammata.

279. Proficiscentem viatico Plinius charum sibi poetam juvit, quod ipse scribit in quadam epistola^l, directi ad se olim à Martiale carminis memor, cujus partem epistolæ intexere non dubitavit, hodieque decimo libro^m integrum legitur. Ex Hispania sanè scriptus est totus duodecimus, nec nisi post triennium provincialis vitæ emissus Romam, Prisci veteris amici, qui nuper inde appulerat, judicio prius subiectus, ad quem ea super re directa est epistola libro præfixa. Lamentatur quidem is quærere se in patria illius civitatis, quibus assueverat, aures, judicia, ingenia, bibliothecas, theatra, conventusque, ac pro iis conqueritur municipalium dentium rubiginem livoremque subrogata: & tamen Juvenali epig. 18. ait, post otia sua & vitæ genus descriptum:

Sic me vivere, sic me juvat perire.

Adhærebat lateri viva etiamnum uxor Marcella, Bilbilitana & ipsa, quam quidem alicubiⁿ, ut rudem uxoris lusibus stringit, alicubi^o summis ornat laudibus ingenii, urbanitatisque magis Romanæ quàm municipalis; quam sibi unam disertè concludit pro Roma esse. Celebrat^p ejusdem uxoris hortos, domina^p, ut ait, data

Munera post septima lustra reverso.

sibi que pro Alcinoi hortis in pretio habitos.

280. Quot verò annis post hæc vixerit, nemini, credo, notum. Nec assentior viro eruditissimo^q, qui usque ad Adriani superfuisset tempora, nullo rei adducto argumento, existimavit. Tale enim non est, quòd de Adriano scripsisse dicatur epigramma istud^r:

Difficilis, facilis, jucundus, acerbus es idem.

Nec tecum possum vivere, nec sine te.

Eò quòd *semper in omnibus varium* appellaverit eum Dio Coccejanus. Non est inquam tale hoc argumentum, cum hoc libro 12. contentum epigramma istud sit, quem Prisco dixit post triennium editi anterioris libri 11. sexto aut septimo nempe Trajani, qui tredecim adhuc ferè alios, priusquam Adrianus rerum potiretur, regnavit annos.

281. Certè quidem in magna vixit fama & amore omnium qui jocis elegantibus delectarentur: quod non ille nesciens, variis in locis *toto notum in orbe se, toto orbe*, nedum Romæ, *legi*, omnium sinibus condi, terique manibus modestè jactat^s: ipseque sibi formavit hoc tetrastichon subscribendum imagini, quam clarorum virorum aliis Avitus quidam erat adjuncturus^t:

Ille ego sum nulli nugarum laude secundus,

Quem non miraris, sed, puto, lector amas.

Majores majorum sonent, mihi parva loquuto

Sufficit in vestras sæpè redire manus.

Nec parcit suæ ex eo laudi, quòd vitia infestatus fuerit, personas minimè: ait enim ad Munatium Gallum^u:

Hunc servare modum nostri novere libelli:

Parcere personis, dicere de vitiis.

Hoc sensu, nec alio, appellatus fuit *mordax sine fine* à Sidonio carm. 9. De eoque testimonium Plinii Cæcili Secundi habemus ad nuncium de Martialis obitu in Hispania Prisco suo scribentis. *Audio* (inquit^x) *Valerium Martialem decessisse, & molestè fero. Erat homo ingeniosus, acutus, acer, & qui plurimum in scribendo & salis haberet & fellis, nec candoris minus. Prosequutus eram viatico secedentem; dederam hoc amicitiae, dederam etiam versiculis quos de me composuit. Fuit moris antiqui, eos qui singulorum laudes vel urbium scripserunt, aut honoribus aut pecuniâ ornare; nostris verò temporibus, ut alia speciosa & egregia, ita hoc in primis exolevit. Nam postquam desimus facere laudanda, laudari quoque ineptum putamus. Optimè quidem, & ad nostros etiam hodiernos mores. Ælius quoque Verus Imperator, literarum amans, & eorum qui eas amarent, qui secum multos disertos & eruditos semper habuit^y, deliciis non minus diffuere solebat, Martialem epigrammaticum poetam (Spartianus ait) Virgilium suum dicebat.*

282. Ve.

^f Lib. 1. epig. 101. ad L. Julianum.

^g Ep. 1. 4. 5. 16. & lib. 4. ep. 25. Observat Scribentius in *Noctis* ad lib. 3. ep. 67. h Pertinent ep. 20. 78. 96. 103. libri 10. i Lib. 10. epig. 24. 103. & 104. lib. 12. ep. 34. g Lib. 10. ep. 24.

^l Lib. 3. epist. ult.

^m Epig. 19.

^q D. Thome Tanaio de Vargas in libro *Novidades antigas seu Verdades de Dextro*, novedad 15. r Lib. 12. ep. 47.

^s Lib. 1. ep. 2. lib. 5. ep. 12. lib. 3. ep. 95.

^t Lib. 9. ep. 1.

^u Lib. 10. ep. 33.

^x Ep. ultima lib. 3.

^y Spartianus in ejus *Vita*

282. Verè ingeniosissimus, artificiosissimus, festivissimus, lepidissimus fuit epigrammatum poëta, ut Politiani ^z, Pontani ^a, Turnebi ^b, aliorumque verbis laudem; qui argutiam simul & breviter, epigrammatis peculiaris virtutes, Cæsaris Scaligeri iudicio ^c, conjunxit semper. Multa sunt ejus (inquit magnus idem poëtarum censor ^a) epigrammata divina, in quibus & sermonis castitas, & argumenti species luculenta est; versus verò candidi, numerosi, pleni, denique optimi. Comparatum aliis sui ac superioris ævi satyricis, uni Catullo palmam deferre eum, tum de se ipse falsus fuit ^e, tum alii censent ^f, nec solidè tamen omnes. Feliciorem in argutiis Catullo, quamvis rebus aliis multò sit eo inferior, minusque cultus & limatus, existimabat Thomas Correa Lusitanus, eloquentiæ professor Romæ non incelebris, *De epigrammate* libello ^g. Virum ingeniosissimū, & ad concinnanda epigrammata factum, ideamque veri & nobilis epigrammatistæ Philippus Brietius ultimus poëtarum censor appellat ^h.

283. Nec minù expertus fuit noster contraria quorundam iudicia; ut ferè nihil in favore hominum ac de rebus existimatione fixum & perpetuum est. Scurram de trivio appellavit nescio quis à Lipsio ⁱ improbatum Turneboque ^k, Raphaël Volaterranus (quàm temerè!) libellum epigrammatum omnino rejiciendum censuit, quippe qui neque elegantiae Latinae, neque moribus profuit. Posterius quidem in parte verum est, prius verò de elegantia Latinae linguæ averfis & indignantibus Musis ab homine, bene aliàs de historia merito, scriptum. De Andrea Naugerio ait Jovius ^l, Martiali adeò severum hostem fuisse, ut quotannis stato die Musis dicato multa ejus volumina, tanquam impura, cum execratione Vulcano dicarentur. Impuritatem nempe eam averfabatur, non quæ castitati ingrata, sed quæ Musis esset: præpostero, nec sanæ prorsus mentis, quod factum prodit, iudicio. Lilius quoque Giralduus existimabat ^m ex Martialis libris quædam, nec plurima, seligi posse, bonorum digna lectione, quibus libellus non utique magnus conficeretur; reliqua, quod & ipse Martialis ait, scombris & filuris involucria relinqui.

284. Barthium quoque inter eos haud libenter habeo, quibus Martialis non id quod jure meretur, debet. Nollem viro insignis erga humanitatis literas meriti detractum à me quicquam non plenæ laudis, si dixerò, uti ferebat occasio, iudicium suum iudicio alicujus opponendi, aut supponendi, ita nigro calculo ejus intercessisse laudibus, candidove suffragari solitum fuisse Barthium. Immenso quoque operis & nunquam quiescentis calami est, incurrere in semetipsum aliquando, atque alibi dictorum oblivisci. Barthius planè Martialem non illiberaliter laudare ⁿ, Martialem in *Adversariis* passim illustrare, sæpiusque in idipsum redire solet. Idem tamen alicubi ^o, quod noster Lucanum comparaverit Virgilio, in eum (uti prius in Lucanum ipsum, Papiniumque, alterum ejus encomiasten, stylum strinxerat) invehitur

his verbis: *De Martiali silere melius puto, qui quum de Lucano parvi de Papinio judicavit, morem suum sequutus est adulandi, & convitiis petendi pro libitu quemlibet. Quam ille rem cum obscenitatis licentia solam dignam epigrammate ferè arbitratus est. Nam si tria hæc illi eximas (adulandi, ac detrahendi, obscenitatis dicendi morem intelligo) reliquorum utique tenuis erit census, gratia verò præ cæteris nulla. Emollit inde aliquantisper sententiæ rigorem. Etsi ingenio non negem illum, tot personarum bistrionem, non paucis ex ipsa orchestra merito præferendum esse. Quorum quantumvis ægrè appareat idoneus sensus, aliquam ingenii laudem poëtæ concedere videntur. Aliquam? & tamen eidem Barthio Martialis est ^p ingeniosissimus poëtarum, castigatissimus ^q, festivissimus ^r, unus omnium argutissimus, circumspiciatissimus, & subtilissimi acuminis vates ^s; doctissimus item poëta, atque ejus leporem flumen omnium aliorum ingenii præstantius eidem visum. Alibi ^u est ei candoris eximii & salis multi: Quid plura? Nescio quid (præter obscenitatem) non summis laudibus in Martiale efferant hæc ejusdem Barthii verba: loquitur de epig. 92. lib. 10. Sed tanta omnium verborum in hoc epigrammate tamque viva & spirans est elegantia, ut se ipsum longè superasse in eo vir ingeniosissimus videatur. De quibus scriptis judicent alii ut volunt. Mibi scæzon ipsius incomparabilis videtur, ut in quo gravitas certet cum lepore & candore; in aliis generibus carminum usque ad miraculum laudatis, (crederem scriptum laudandus) modo abesse spurcitiæ, quæ dum reprehendit sæculi mores, eidem placere cupit. Idem ingeniosissimas fisiones nominum, quas inscribit epigrammatis, lib. 1. cap. 6. consilium idem laudat poëtæ notandi sæculi vitia sub nomine ficto, sed apto exprimendæ rei; ut quicumque culpæ illi se obnoxium senserit, reprehensionem sibi factam credat, lib. 58. cap. 18. quod ipsum sequutum se consilium in epist. ad lectorem lib. 1. poëta innuit. Hæc omnia Barthius, idem & unus cum eo qui tam nauci Martialem se habere, oblitus nempe sui, videri voluit. Quod utique annotare oportuit, ne auctoritas præstantis famæ philologi transversos agere, poëtæ qui delectantur argutiis, posset.*

285. Batavorum quoque de se iudicium quodammodo corripit noster, aurem Batavam (uti *Bæoticam* solebant Græci) de ineleganti & crassâ usurpare visus ^x. Quam injuriam genti factam reduxit ad animum suum Erasmus Roterodamus, ex eo tantum poëtæ loco ^y proverbialem exculpens formam, quæ aut nulla est, aut laudem potius continet severitatis, & pudoris, obscenitatum hostis, observante Scriverio ^z, & ipso Batavo; remque eò tandem vertit Erasmus. Non item intactum præteream, Pontano ^a visum fuisse, verba quædam apud Martialem non solum à faceto aliena reperiri; verum aut obscena ipsa admodum scurriliæque, aut maxime ampullosa & acida: quod quidem (ait) Hispanicum est. Vellem subnotasset acida ista, atque Hispani tumoris verba, ut videri posset, jurène an injuriâ nos taxaverit.

286. Pla-

^z Declamat. pro Quintiliano.
^a Lib. 3. de sermone, cap. 18.
^b Lib. 8. Adv.
^c & lib. 13. 19.
^d Lib. 3. de poetica, cap. 126.
^e Lib. 6. poet.

^e Lib. 10. ep. 78.
^f Muretus, Claverius in epist. nunc. Notar. ad Mart. Lipsius lib. 1. epistol. quæst. 5.

^g Pag. 29. edit. Bonon. 1597.

^h Lib. 3. De poetis Latinis, quod opus præmittitur Acute diſſis poëtarum.

ⁱ Lib. 2. epist. quæst. 5.
^k Lib. 13. Adv. 119.

^l In Elegia.

^m Dial. 10. De poetis. pag. 173.

ⁿ Lib. 2. Adv. cap. 6.

^o Lib. 53. cap. 6.

^p Lib. 1. Adv. 6. lib. 27. cap. 16.
^q Lib. 6. cap. 11.
^r Lib. 11. cap. 13. & lib. 54. cap. 19.
^s Lib. 14. cap. 14.
^t Lib. 27. cap. 11.
^u Ad Statii lib. 10. Theb. vers. 831.

^x Lib. 6. ep. 72.

^y In Adagiis, Axiis Batava.

^z Notis ad hoc epigramma.

^a Lib. 3. De sermone cap. 18.

286. Planè obscœna ejus epigrammata Priapeasque argutias nullus non improbavit hætenus, qui Christianos oculos auresque consentire Christianis debere novit moribus. Nec tamen ex eo quod evitandus in hac parte nunc sit; ideo ex ejus, quo vixit, ævi usu, vituperandus est: eò enim jam perducti sumus verecundiâ pietatis, ut erubescamus lascivè dictorum, etiam cum factis maximè lascivimusquod secus olim erat, cum taliter loqui, Latinè loqui videretur Martiali ^b, cum in Floralibus nudæ mulieres verbis & motibus obscœnissimis festum coram omni populo conficerent, cum fescennina verba, hoc est impudicissima, jacere, lusus, immo nuptiarum vernaculus mos esset; cum denique epigrammatarii poetæ omnes, qui feriis relictis ludicra sectabantur, hoc est Catullus, Marcius, Peto, Getulicus, hujus generis principes, atque etiam Augustus Imperator, ut constat ex epig. 21. lib. 11. & ex epistola libri 1. Martialis nostri, non minis licenter scriberent.

287. Quæ ergo Martialis famam hodie sustinent, nomineque inscribuntur, *Epigrammatum* XIV. libri sunt; quibus alius *Spectaculorum* præponitur. Decimo tertio ac decimo quarto peculiare tituli *Xeniorum* & *Apophoretorum* inditi. Quorum duorum lemmata seu inscriptiones, non item cæterorum, è poetæ manu sunt. *Spectaculorum*, sive *De spectaculis*, liber aliorum præbulo, quantumvis à Domitio Calderino, & forsân aliis ^c, existimatus poetæ nostri germanus; nil aliud verè est, quam diversorum carminum de isto argumento à diversis scriptorum collectio: quam fortè Martialis, propriis quibusdam insertis epigrammatis, in publicum edidit; sicut *Priapeia* esse plurimum carmina de Priapo ac rebus veneris in unum collecta, inscribantur licet Virgilii nomine, viros inter eruditos convenit. Ita de *Spectaculorum* libro censuere Gruterus ^d, Sriverius ^e, Rugerius ^f, Vossius ^g, Barthiusque ^h. Pertineantne omnia hujus libri ad Titi, an ad fratris ejus Domitiani spectacula in amphitheatro, quod verè à Vespasiano absolutum Titus dedicavit filius, edita, inter Lipsium ⁱ & Marcilium ^k controversia est. Cæterum sub Tito, Domitiano, Nerva, Trajanoque, ut vidimus, totum *Epigrammatum* hoc quatuordecim contentum libris opus constat scriptum. Lemmata non sunt auctoris, ut observavit post Ramirezium ^l Sriverius ^m, possidere se testatus mss. codices, in quibus ea nusquam comparent. Quod secus est in posterioribus duobus libris, quorum titulos ipse profitetur poeta se addidisse ⁿ. Alias plura non intelligerentur.

288. Xenia prior eorum, scilicet XIII. comprehendit, hoc est disticha singula *τὸς ξένος*, *hospitibus*, per Saturnaliorum dies mittenda, edulii alicujus inscripta nomine, sed sine re tamen; nam, ut ipse ait:

Hæc licet hospitibus pro munere disticha mittas,

Si tibi tam rarus, quàm mibi, nummus erit.

Raderum ^o consule sis de *xeniorum* origine & vocabulo. *Apophoreta*, unde inscribitur XIV. liber, munera sunt, quæ convivis dabantur *Bibliotheca vetus Hispana* Tom. I.

domum exportanda: quod innuit poeta statim initio ^p:

Præmia convivæ dei sua quisque suo.

Et ex Suëtonii, Lampridii, ac Divi Ambrosii testimoniis observare Turnebus lib. 9. *Adversariorum* cap. 23. Lipsius lib. 1. *Saturnal.* cap. 16. Raderus jam laudatus ad eundem librum Notis.

289. Non omnia tamen poetæ opera ad nostram ætatem pervenisse indicio est, quod cujusdam epigrammatis mentio fiat apud Juvenalis veterem scholiasten ^q, cujus non alibi vestigium exstat. Hujus finem hunc ille exscripsit, verè redolentem Martialis ingenium; in Domitianum nempè Flavii generis dehonestamentum:

Flavia gens, quantum tibi tertius abstulit hæres!

Penè fuit tanti non habuisse duos.

Id observavit Sriverius, conjecitque in Notas suas ^r. Quod autem Raderus placet ^s, subindicari nonnulla nunc non exstantia poetæ carmina ejusdem epigrammate ad lectorem 114. lib. 1. an verum sit affirmare non ausim; quod verò argutatur in epigrammate 25. *Ad Stellam* de charta majori ac minori, deperditoque aliquo ejusdem poetæ de venatione leporum carmine; jure reprehenditur à Ramirezio nostro ^t. Immo & inserta legi quædam his libris quæ Martialis non sunt, video placere doctis viris. Inde scilicet epigrammata hæc proscripsit Sriverius, 78. lib. 4. ab Hadriano Junio, nescit unde, advectum, item 90. *De rusticatione* inscriptum:

Rure morans quod agam &c.

Et quædam alia, quæ ad finem lib. 7. idem Junius edidit. Quæ quidem in editione sua Sriverius ad calcem, ut supposita, rejecit. De illo rusticationis idem existimabat Raderus.

290. Deventum est ad editionem & interpretationem poetæ; faciendumque operæ pretium aliquod in enarrandis his qui de eo quicquam his tribus sæculis meruere. Primam editionem inter alios laudat omnibus ferè paginis Sriverius, eamque alicubi ^u milibus aliis trecentis facillè antistare ait. Veneta hæc haud est anni MCDLXXV. in folio, neque item alia quæ Mediolani anno MCDLXXVIII. in folio etiam prodiit, quam exstare in Regis Galliarum bibliotheca Labæus monuit ^x. Sed superioris temporis aliqua; cum has præcesserint Calderini *commentaria*, ut jam dicimus, ann. MCDLXXIV. Venetiis. Domitius Calderinus Veronensis, bene notus vir, summisque laudibus à Lilio Giraldo, dum de poetis commentaretur ^y, donatus, hæc manu exaratis libris collatis quinque vetustissimis, per oram sparfa Laurentio Mediceo Cosmæ nepoti, Petri filio, magno post litteratorum Mæcenati, dicavit, atque hoc anno alias MCDLXXX. (cujusnam typis non dicitur) in folio edidit. Quæ quidem repetita editio est ibidem anno MDX. ^z Lugduniquè MDXXII. Ponè it Veneta alia MCDXCII. eadem formâ, cum commentariis Petri Marfi apud Bonetum Locatellum, quæ non vidimus, nec typi noviores

p Epig. 1.

q Ad Satyræ 4. illud: Cum jam semianimum lacerares Flavium orbem &c.

r Ad finem libri *Spectaculorum* pag. 28. s In *Prolegom.* cap. 2.

t Hypomn. ad hoc epig.

u Ad ep. 92. lib. 9. pag. 211.

x In *Nova biblioth.* ms. supplement. 9.

y Dialogo 1. De poetis sui temporis.

z Sriverius pag. 213. & 214.

b In epist. ad lib. 1.

c Raderus in *Prolegom.* cap. 5.

d Ad ep. 4. *Spectaculorum*.

e Pref. *Notar. ad Martialem*.

f Lib. 5. var. lect. cap. 15.

g De poetis *Latinarum* pag. 46.

h Lib. 40. *Advers.* 25.

i Cap. 7. de *Amphitheatro*.

k *Notis ad hanc lib. Spectaculorum*.

l Ad ep. 28. *Spectaculorum*.

m Pref. ad *Notas*.

n Lib. 23. ep. 3. & lib. 14. ep. 2.

o Ad hujus lib. inscriptionem.

res instauravere. Jure quidem: si quam is Silio Italico adhibuisse operam à Dausquio dicitur, ejus similem poetæ nostro adhibuit. Petrus fuit hic nomine Riscinensis, nî fallor, Marsus, de quo Giraldus, Paullum tamen appellans, cum laude meminit dialogo 1. *de poetis sui temporis*.

291. Eodem ferè tempore, anno scilicet MCDXC. aut circiter, sed post Calderinum, quem laudat, eximius ejus sæculi philologus Angelus Politianus in *Miscellaneis* suis ^a plura Martialis explanavit loca. Necnon & Nicolaus Perottus Saxo-ferratensis, Præsul Sipontinus, qui anno MCDLXXX. è vita cessit, voluminis ingentis rei grammaticæ, cui *Cornu-copie*, sive *Latinae linguæ commentaria*, inscripsit, unum Martialem, seu potius epigrammata ejus aliqua, si Deo placet, è *Speculaculorum* libro, analysi grammatica excutenda, materiem & argumentum destinavit. Publicatum id opus est Venetiis ab Aldo, & Basileæ MDXXVI. per Valentinum Curionem in folio. Georgius item Merula Alexandrinus, nullo alio, ut videtur, consilio, quam ut Calderinum reprehenderet, Notis quibusdam suis aliquam hujus, quo vixit, sæculi editionem locupletavit. Notæ quidem & nobis sunt è sequenti xvi. sæculo Aldino-Venetæ MDI. b & MDXVII. & nescio an Aldi alia etiam Veneta MDX. c ad cujus exemplar Lugdunensis MDXXII. conformata dicitur. Interim Ascensius Parisinus typographus anno MDXI. *Annotata* edidit Jacobi Crucii Bononiensis in *Virgilium*, *Ovidium*, *Lucanum*, *Martialem nostrum*, & *Senecæ tragicæ*, *aliosque*, in folio. Est & Parisiensis editio Colineæ MDXXVIII. aliaque MDXXXIX. d Basileensis cum Jacobi Micylli annotationibus apud Hervagium, quam Gesnerus laudat e, quemadmodum & Tigurinam aliam à se procuratam. Item Basileensis alia Henrici Petri MDXXXVIII. 8°. quam vidimus in Vaticanis libris. Item Lugdunensis Gryphiana MDXLVIII. f cujus Antonii Gryphii Notas videtur mihi aliquando Scriverius indicare g. Est & Parisiensis ex officina Jo. Boulierii MDLIX. h Argentinenfis ex Lazari Zetzneri MDXCV. in 16°. Goslariensis ex Joannis Vogdii MDCXII. in 12°. Adrianus item Junius Hornanus Batavus Antuerpiensem adornavit editionem formis Plantinianis anno MDLXVI. in 8°. Scriverius duarum Plantinianarum meminit, sibi à Vossio mutuatarum.

292. Jani deinde Gruteri laudabilis erga Martialem operæ monumentum duæ exstant editiones, in quibus non solum Notis propriis, sed & collatione optimorum codicum Palatinæ bibliothecæ, cui præerat, egregiè poetam juvit. Has Notas in suo Martiali Scriverius etiam cum suis & aliorum dedit. Qui Ramirezium nostrum eo quod editionem hanc Gruteri *inaniter gloriosum* appellare haud sit veritus, acriter, & uti aliàs solet, judicii atque arrogantiae puerilis expostulat, *præstantissimam eam prorsusque incomparabilem* (si ignoscantur aliqua operarum sphalmata) omnino existimans. Ac certè non debuit vir

doctissimus de magnæ famæ critici exculpta his tot manuscriptorum subsidiis opera sic acerbam sententiam dicere, saltem ne ipse acerbè audiret. Ex Gruteri manu lampada veluti suscepit Mattheus Raderus Jesuitarum sodalis, qui non tantum novis, iisdemque eximiis, commentariis Martialem explicuit & illustravit Ingolstadii apud Sartorium MDCII. in publicum datis; sed & prætermisissis, ut ait, prætextatis verbis & mollioribus versiculis, poetam non tam eviravit, quam honestum ex inhonesto reddidit, atque in juventutis manus jam absque ulla noxa venire fecit. Quamvis non is primus rei actor: reperio enim Edmondum Augerium ejusdem societatis idem consilium prius probasse, Antuerpiæque edidisse apud Plantinum vindicatum sic ab omni turpitudine poetam (uti lego in *Epitome Gesneriana*) anno MDLXVIII. in 8°. Idem fecit post Raderum & Augerium ejusdem instituti vir Gallus Andreas Frusius, Martiale cum aliis poetis à lascivis versibus expurgato, Romæ MDCVIII. in 8°. & Lugduni MDCXVIII. in 16°. edito.

293. Scio ex parte probatum hujusmodi consilium ab his, qui, licet integrum sine ulla deductione poetam typis post Raderum commiserint, attingere Notis quæque omifere obscæna. Ita Schrevelius fecit x, quem mox laudabimus. Scaligeri Julii hæc verba sunt post laudatum exaggeratè Martialem: *alia fæda ne legerim quidem, tantum abest ut ad censuram vocem*. Et excerptenda ex Martiali, atque aliis similibus, censet Erasmus¹, quæ tutò juventuti perlegi possint. Videntur Vincentius Placcius *De scriptis & scriptoribus anonymis & pseudonymis* cap. 10. §. 295. præter innumeros pietatis mystas scriptores, qui huic consilio firmando insistant. Honorifica de Jesuitis verba super hac re dabimus Joannis Conradi Dieterici (aliàs adversarii) è Prolegom. ad *Antiquit. Biblicas*. Nec potest omnino ea Jesuitarum institutio improbari, qui scholis profuturos poetas nonnunquam castigant, aut, ut loquuntur, castrant, ne teneris mentibus juvenum libidinum, quæ in se magna est, licentia detur. Ignatius Loyola Terentium optimum latinæ auctorem vetuit nominatim in scholis explicari: quod eum parum verecundum & parum pudicū arbitretur, ut P. Maphæus lib. 3. de vita Ignatii cap. 8. retulit. Hæc Dietericus, qui multa doctè cumulat de casta poësi legenda, inhonesta damnanda. Quo magis miror unum Ramirezium apertè improbare ausum^m, quod ita nemo hætenus. Fateor non ex iis esse, quæ obscænitatis nomine abdicari debuerunt de Leandro epigramma illud, quod furcillis ejectum à Radero fuisse Ramirezium ægrè tulit: nihil enim severiori aure indignum continet: verè tamen castum & pium consilium, non verbis irrisione plenis, non mustea prorsus ratione absolutè traduci debuit. Quod sanè de clarissimo apud nos famâ atque dignitate viro nollem jure dictum.

294. Circa hæc tempora (nempe anno MDLXXXIV.) Theodorus Marcilius ludi magi-

a Ea loca col-
legit Scriverius
in sua editione.

b Scriverius p.
111. & 125. cit-
que in Vatica-
na armario 29.
c Idem p. 196.
& 211.

d Idem p. 197.

e In epitome in
M. Val. Mart.

f Scriverius pag.
197.

g Pag. 129.

h Pag. 197.

i Pag. 204.

x Notatque ep.
ad lectorem.

1 Epist. 18. lib.
28. sive mun-
pas. ad Ciceron.
Tuscul. quest.

* Pag. 11.

m Epig. 25. lib.
specul. De Lean-
dro.

magister Parisiensis, in *Spectaculorum* librum commentaria publicitus in ea urbe dedit. Quem ponē sequitur ex interpretum ordine is, quem proximē dicebam, Ramirezius. D. Laurentium Ramirez de Prado, regium plurium annorum, quum ē vita discessit, consiliarium, doctrinā virum disertaque urbanitate spectabilem intelligo. Hic juvenis adhuc *Hypomnemata* in Martialem, hoc est in *De spectaculis*, & priores quatuor libros anno MDCVII. in 8°. Parisiis videre lucem fecit. De quo opere Josephi Scaligeri exstat iudicium Petro Scriverio directum, nosque inter recentiores Hispanos altera *Bibliobeca* parte affatim dicemus. Sed tamen quod insultassent ejus *Hypomnemata* eximiae in his literis praestantiae viris Grutero, Raderoque, atque item Marcilio ei nuper memorato, tum Petrus Scriverius de consilio Scaligeri, quasi agens Gruteri causam, tum ipsi Raderus & Marcilius excitati sunt, ut molestum adversarium loco illo existimationis, quem obtinuerat, ejicerent.

295. Petrus Scriverius Harlemensis Martialem edidit, & in eum animadversiones: nec his contentus, addidit Justi Lipsii, Jani Rutgersii, Joannis Isaaci Pontani, Notas in eundem poetam ad se directas, necnon Jani Gruteri jam editas, atque item alias repetitae praelectionis ē multis aliis de novo inspectis codicibus manu exaratis; item *Josephi Scaligeri diatriben criticam, quā Theodori Marcilii commentarius, notaeque in epigrammata De Cæsaris amphitheatro & venationibus ordine expunguntur, auctorque (carminum) pluribus locis illustratur*. Joannis inde Brodæi Turonensis Galli, partem ē miscellaneis ejusdem, Hadriani Turnebi ex Adversariis, Angelii Politiani ē miscellaneis suis excerptas Notas; quæ simul edita sunt Lugduni Batavorum à Joanne Maire annis MDCXVIII. & MDCXIX. in 12°. Hanc Martialis editionem præ cæteris probant recentiores, & Scriverius quidem totus est in depectendo Ramirezio; sed non illā habitā de eo ob egregiam indolem rationis moderatione, quam imposuerat Scaliger. Raderus verò Martialem suum recoctum dedit curis secundis, immo & tertiis, Moguntiae apud Kinckium MDCXXVII. folio; in quibus eundem Ramirezium non leviter defricuit. Tandemque Marcilius, Claudii Mussambertii Abbavillæi assumpto nomine, commonitorium in *Hypomnemata* publicavit Ramirezii multæ fellis plenum.

296. Restant mihi nunc duæ recentiores aliis editiones dicendæ. Prior Parisiensis est Claudii Morellii anni MDCXVII. Martialis omnes libros continet cum variorum doctorum virorum commentariis, notis, observationibus, emendationibus, & paraphrasibus, indiceque verborum omnium, operā Josephi Langii confecto. Illustratorum item Martialis catalogus adjicitur: scilicet Domitii Calderini, Georgii Merulæ, Theodori Marcilii, Desiderii Heraldi, Nicolai Rigaltii, Laurentii Ramirez de Prado, Christophori Coleri, Josephi Scaligeri, Frederici Morellii, *Bibliobeca vetus Hispana* Tom. I.

Claudii Mussambertii, Stephani Claverii, Hadriani Junii, & Theodori Pulmani. Sed in hac editione nonnisi hæc sunt quæ jam referam: Martialis Vitæ duæ, Domitii Calderini & Petri Criniti; liber *Spectaculorum* cum Notis ejusdem Domitii, Merulæ, Coleri, & Ramirezii. Idem versibus Græcis redditus à Josepho Scaligero, insigni cum elogio auctoris & operæ ē Casauboni manu. Ad quatuor priores libros Domitii, Merulæ, & Ramirezii; ad reliquos Domitii ferè unius Notæ. Præter hæc seorsum Nicolai Rigaltii aliquot, annotationumque flosculus Stephani Claverii, Mussambertii commonitorium, Desiderii Heraldi animadversiones jam olim ab anno MDC. Henrico Turrio Bullionæo Duci nuncupatæ; indexque, præter alios, magnus ille omnium Martialis verborum, Langii. Quare cum desint ista in editione Raderi, & omnium eorum quos Scriverius collegit, lucubrationes; mancum, nostro iudicio, Martialem studiosus illius habebit, nisi has tres, Morellii, Scriverii, Raderianamque ultimam, editiones sibi comparaverit.

297. Quibus autem earum non fuerit copia, veluti compendium erit antiquarum omnium vel ultima Lugdunensis Batava Francisci Hackii anni MDCLVI. in 8°. cum iisdem Farnabii & aliorum Notis; vel Anglicana, indeque expressæ aliæ cum Thomæ Farnabii Notis marginalibus, editiones; quarum aliqua Sedanensis MDCXXIV. 8°. aliqua Amstelodamensis est anni MDCXLIV. in 12°. accurante Cornelio Schrevelio, viro erudito. In qua exemplum Scriverii sequutus, epigrammatum aliquot suppositiorum, ut creditur, Martialiæ affictorum, præcipue ab Hadriano Junio, ad calcem collectionem, in quibus aliqua sunt Martiale non, ut existimo, indigna; Notas item Joannis Frederici Gronovii toto opere inter alias variorum sparsas, tum aliqua tardius sibi communicata, locisque suis inferenda, Schrevelius adjecit. Adhuc tamen post tot illustres viros huic Spartæ seriùs ornandæ intentos, Martialem criticæ opis indigentem Barthius non uno loco existimat, quod præstare ipse meditabatur. Balthassar Bonifacius Justinopolitanus Episcopus *conjecturas in Martialem* Dominico Molino Venetum Duci direxisse dicitur, & Pinellianæ Ducalis typographiæ formis edidisse anno MDCXXXV. 4°. Cæsar quoque Zarotus domo ē *Capo d'Istria* ditionis Venetæ, doctor medicus, dedit in vulgus: *M. Valerii Martialis epigrammatum medica aut philosophica consideratione enarrationem; sive de medica Martialis translatione commentarium*, Venetiis apud Baba MDCLVII. 4°. Nuperrimè verò inter eos libros, qui ad usum serenissimi Regis Galliarum Delphini ex officinis Parisiensibus in lucem editi sunt, M. Valerius Martialis prodiit à Vincentio Colessio Notis illustratus MDCLXXX. 4°.

298. Poetam nostrum bona ex parte habent vernaculum politiores Europæ nationes, certantibus Hispanis, Gallis, Italis ad suum eorum sermonem argutissimos &

n Lib. 11. Adon.
cap. 13. & lib.
54. cap. 19.
o Lib. 2. Theb.
vers. 285.

elegantissimos deducere sales. Gallis equidem Michaël de Marolles Abbas de Villeloin pro-
sa oratione communicavit integrum opus,
quod editum vidimus Parisiis in 8°. apud Gui-
lielmum de Luyne MDCLV. cujus versio-
nis meminit ille in *Memoriis*, uti appellat,
suis. Plura Itali reddiderunt poetæ, plura
Hispani. Attamen memoriâ teneo vel totum
Martialem, vel saltem spectacula, & qua-
tuor ejus priores libros, unâ cum novo com-
mentario pro Laurentio Ramirezio adversus
Mussambertii maledicta à se propediem eden-
do Petrum de Abaunza virum eruditum, Hi-
spalensem advocatum, Hispanis versibus à se
quoque conversum edere pollicitum fuisse.
Prius tamen quàm se liberaret promissione
decessit. Laudantur (ne id intactum relin-
quamus) veteres Martialis epigrammatum
mss. codices, è quorum numero is est, cujus
Labbeus meminit, vetustissimus & optimus,
in *Nova bibliotheca* ms. p. Tria habet volu-
mina magni Etruriæ Ducis bibliotheca, ut
ex ejus constat catalogo q.

p Pag. 371.

q Pag. 46.

r Epig. 62.

299. De Martiale dictum ad fatietatem:
nec tamen ultra rem Bibliothecæ. Dabimus
nunc veluti appendicem vatum quorundam
Hispanorum, quorum memoriam eidem
debemus Martiali. Hujus est epigramma hoc
è libro 1. r

*Verona docti syllabas amat vatis;
Marone felix Mantua est.
Censetur Apona Livio suo tellus,
Stellæque nec Flacco minus.
Apollodoro plaudit imbrifer Nilus:
Nasone Peligni sonant.
Duosque Senecas unicumque Lucanum
Facunda loquitur Corduba.
Gaudent jocose CANIO suo Gades,
Emerita DECIANO meo.
Te, LICINIANE, gloriabimur nostra,
Nec me tacebit, Bilbilis.*

CANIUS Gadibus natus, DECIANUS Emeritæ,
LICINIANUS Bilbili, non ex nihilo celebra-
ntur hoc epigrammate, summisque compa-
rantur Musæ Latinæ mystis. Superfunt qui-
dem nulla istorum opera; sed nulla fuisse di-
cere nemo audebit. CANIUS RUFUS lepore
sic & urbanitate, cum fabularetur, adstantes
detinebat, ut causam dederit eidem nostro
sic scribendi t:

t Lib. 1. epigr. 64.

*Sirenas, bilarem navigantium pœnam,
Blandasque mortes, gaudiumque crudele,
Quas nemo quondam deserebat auditas,
Fallax Ulysses dicitur reliquisse.
Non miror: illud, Cassiane, mirarer,
Si fabulantem Canium reliquissent.*

300. Ridet alibi lepidissimo carmine,
quod Canius rideret semper, aut saltem vul-
tu esset ad speciem ridentis efformato. Panis-
que ait statuam in æde Ditis ad Terentum
Campi Martii notissimam, non jam Pana ri-
dentem, sed Canium, Pane ipso magis ridi-
bundum (ut Plauti verbis loquar) atque hi-
larem, repræsentare u.

u Lib. 1. epig. 70.

*Cæpit, Maxime, Pana quæ solebat,
Nunc ostendere Canium Terentos.*
Ubi, ne quid dissimulem, Maximum illum,
ad quem epigramma directum apparet, loco

motum vellem (à nupera enim manu, quod
olim diximus, hæc lemmata sunt) atque ita
legi:

*Cæpit maxime, Pana quæ solebat,
Nunc ostendere Canium Terentos.*

Non ait ostendi aut repræsentari desiisse ima-
gine sua Deum illum ridiculum, postquam
Romæ poeta diffuere risu atque hilaritate,
instar illius, apparuit; sed Canium maxime,
deinde Pana, repræsentari affirmat. Deleto
igitur *Maximi* titulo, quibus non inutiliter
argutari visi erimus, hos præferre *De Canio*
epigraphen oportebit. Ejusdem sensus & il-
lud est x:

x Lib. 1. ep. 20.

*Dic Musa quid agat Canius meus Rufus:
Utrumne chartis tradit ille victuris
Legenda temporum acta Claudianorum?
An quæ Neroni falsus adstruit scriptor?
An amulatur improbi jocos Phædri?
Lascivus elegis, an severus heroïs?
An in cothurnis horridus Sophocleis?
An otiosus in schola poetarum
Lepore tinctos Attico sales narrat? &c.*

Cui Musa responderit:

Vis scire quid agat Canius tuus? Ridet.

301. Ex cujus epigrammatis principio
exculpere sibi non temerè visi sunt Raderus
& Ramirezius quicquam historicum, sed car-
mine, conscribere Canium, quo tempore
ludebat in eum Martialis, eo consilio forsan,
ut amico homini hac veluti strictura, vi-
cturis ut accubaret chartis, jucundo relicto
otio, persuaderet. Ego tamen haud video
cur magis ita suspicentur de historico, quàm
de tragico, aut heroico aliquo alio opere.
Caniique totam laudem in lepidè fabulando,
jocosisque fundendis versibus pono. Neque
enim, nisi injuriâ, Martialique ipso refragan-
te y, ad eum referremus quod Gaditano
cuidam alicubi, in tetrasticho z scilicet pa-
rum pudico, atque iccirco huc non advo-
cando, per jocum imputatur, scribere nihil,
& tamen poetam esse. E Gadibus autem
poeta vix potuit chartis non lascivire, quas
jocosas ideo dixit Martialis, quomodo & joco-
sam Floram epig. 1. lib. 1. & eadem Gades im-
probas non uno loco a. Saltationum & cho-
rearum, quas Gaditanæ ducebant puellæ,
usum impudicissimum Martialis produnt in-
terpretes, & alii passim b. Attamen Theo-
philam, Canio desponsam uxorem, non mi-
nùs castitatis quàm doctrinæ nomine poeta
laudavit noster in hoc epigrammate c:

*Hæc est illa tibi promissa Theophila, Cani,
Cujus Cecropia pectora dote madent.
Hanc sibi jure petat magni semis Atticus hortus,
Nec minus esse suam Stoica turba velit.
Vivet opus quodcumque per istas miseris aures:
Tam non fœmineum nec populare sapit.
Non tua Pantænis nimium se præferat illi,
Quamvis Pierio sit bene nota choro.
Carmina fingentem Sapphò laudaris amatrix:
Castior hæc, & non doctior illa fuit.*

Canius autem, quem reprehensum à Livio
ob id quod multarum esset puellarum ama-
tor, Valerius quidam refert in epistola ad
Rufinum, quæ cum epistolis D. Hieronymi d
in lucem prodit, alius à nostro esse videtur,
cum

y Laudato e-
pigr. 62. lib. 1.
z Lib. 10. ep.
102.a Lib. 5. ep. 79.
& lib. 1. ep. 42.
ex emendatio-
ne Ramirezii.
b Ramirezius
lib. 1. epig. 42.
Joannes Bapt.
Suarez de Sa-
lazar *Antique-
dades de Ca-
diz*. lib. 4. c. 3.
Barthius lib.
25. Adv. c. 1.
c 68. lib. 7.

d Tom. 4.

cum Livius quarto Tiberii anno diem suum obierit, neque jam eo superstite florens Canius pertingere potuit ad ævum Martialis, nedum esse ejus ætatis, ut de Theophila cogitaret ducenda. Quod non animadvertit Livius Giraldu^e, multo cautior in distinguendo eum à Canio Julio, cujus meminit Seneca.

302. Canium rediisse in patriam, atque cum iterum remearet Romam in itinere extinctum fuisse; prodit, si vera est, ejus tumuli inscriptio, quam Villenæ repertam ex Cyriaco Anconitano Ambrosius Morales historiz suæ^f, & Janus Gruterus ex Morali & Strada *Theſauro suo veterum inscriptionum*^g, sed inter supposititias & spurias, inseruit, quam hic dabimus:

HEVS VIATOR SI VLLA TIBI
PIETAS INEST VERTE HVC
O R A.
HEIC SVNT CINERES C. CANII
POETÆ QVI AD QVART. VSQVE
OLYMP. IN VRBE OMNIB.
CHARVS VIX. DEINDE IN HISPAN.
REVERS. NEMIN. LÆS. TAND.
CVM AD VETERES CVPER. SODAL.
IN LATIVM REMEARE
PERPETVOQ. CVM POPVLO QVIR.
VIV. DVRA NIMIVM FATA
PRÆRIPVERE ET IN ITIN. OCCVB.
L. ALBINVS CIT. HISP. PROC. HOC
MARMORE TEXTIT.

Si lapis non fallit, L. Albinus proconsulis mentio ad tempus Domitiani, Nervæ, aut Trajani manuducit nos. Sequuta enim sub Adriano est altera provinciarum Hispanicarum divisio & administratio^h; nempe duarum, *citerioris & ulterioris*, loco, quinque provinciæ factæ: *Tarraconensis, Carthaginensis, Gallæcia, Lusitania, Bætica*: ut *Tingitanam* Africæ nunc prætermittam, *ulterioris* antiquæ portionem. Bætica & Lusitania legatis consularibus, reliquæ præsidibus commissæ; cum antea citerior Hispania per proconsulem administraretur: quod tum aliis argumentis, tum inscriptione *Barcinonensi* comprobatur, quæ sub Domitiani imperio Publii Romulii citerioris Hispaniæ proconsulis memoriam retinet.

303. Ad DECIANUM Emeritæ urbis civem plura pertinent carmina laudis & præcipuæ existimationis ferè omnia plena. Lib. 1. ep. 9. constantiz ejus consilioque applaudit contemnendi mortem, quin eam prævenias, hoc est crimine proprio pereas, ne alieno moriaris. Epigrammate 40. nihil summæ laudis ei non tribuit.

*Si quis erit raros inter numerandus amicos,
Quales prisca fides fama que novit avos;
Si quis Cecropiæ madidus Latineque Minervæ
Artibus, & vera simplicitate bonus;
Si quis erit recti custos, imitator honesti,
Et nihil arcano qui roget ore deos;
Si quis erit magnæ subnixus robore mentis;
Dispeream si non hic Decianus erit.*

Eidem cum epistola nunciat secundum librum, cujus epigramma 5. ei quoque inscribitur. Unde novimus Decianum causas agita-
visse, hoc est oratoriam exercuisse artem,

ut ferè omnes qui reipublicæ vacabant, ut constat ex hoc disticho:

*Sæpe domi non es, cum sis quoque sæpe negaris:
Vel tantum caussis, vel tibi sæpe vacas.*

Decianumque sibi esse chariorem Canio satis indicat jam laudatis versibusⁱ:

*Gaudent jocosæ Canio suo Gades,
Emerita Deciano meo.*

Unde parum video cur Ramirezius de Emeritensi Deciano dicta hæc omnia dubitaverit^l.

304. LICINIANUS (an LICIANUS? uti aliis placet, non Vossio^m) ex Bilbili, civis poetæ nostri, (quod ex laudato epig. 62. lib. 1. constat) ad Laletaniam, hoc est populos ad oram interni maris, quorum Tarraco est, positos, aliquo ex latere, nisi affectu dixeris tantum amoreque, pertinuit. Degebat is in Hispania quo tempore florebat maximè Romæ Martialis, scribebatque primum librum. Nam hujus 50. epigrammate salutatur à nostro ille, cum discederet in Hispaniam, quasi Bilbilim & Celtiberos æstivo tempore, Tarraconem Laletanosque hyeme, procul à curis & ambitionis urbanæ moribus habitaturus. Cujus epigrammatis conclusio, aurea prorsus, est:

*Mercetur alius grande & insanum sopsôs:
Miserere tu feliciū:
Veroque fruiere non superbus gaudio,
Dum Sura laudatur tuus.
Non impudenter vita quod reliquum est petit,
Quum fama quod satis est habet.*

Vacavisse foro, nec minùs dedisse Musis operam Licinianum, hinc facile est colligere. *Sopsôs* n. verbum Græcum acclamandi poetico-
rum operum recitatores, ut & Latina *euge, bellè*, apud Persiumⁿ. quod quidem ad poetam; ut Suræ mentio ad forensè relictum à Deciano opus, forsan pertinet. Palphurius enim Sura caussidicus non incelebris illorum temporum, utriusque amicus. Dandum ergo vitæ, hoc est quietæ vitæ, ait, petenti, quod reliquum vitæ est, quum fama quod satis est habet.

305. Hic autem Licinianus, aut *Lucius* est *Licinianus*, aut ab eo alius est *Lucius* ille, ad quem libri 4. epig. 55. dirigitur, poeta & hic, Celtiberque.

*Luci, gloria temporum tuorum,
Qui Grajum p. veterem Tagumque nostrum
Arpis cedere non finis disertis:
Argivas generatus inter urbes
Thebas carmine cantet aut Mycenæ,
Aut claram Rhodon, aut libidinose
Ledeas Lacedæmonis palæstras.
Nos Celtis genitos & ex Iberis,
Nostræ nomina durioru terre,
Grato non pudeat referre versu.*

Sacro Bilbilin optimam metallo, &c.

Hic certè unus ex illis est, in quo ludere de facilitate quorundam nostratum voluit pseudo-chronici auctor, qui Julianus Toletanus archipresbyter esse fingitur, unde hæc sunt q: *Licinianus, qui & Licinius, notus Martialis, creditur passus VII. Augusti Novo-comi.* De quo nos suo loco in censura ad Julianum sect. . . . ubi de Geographia ejus, verbo *Grajus* fluvius.

306. Proculdubio & noster est MARCUS UNI.

^e Dialogo 4. de poetis.

^f Lib. 9. *Hispan.*
^g *Hispan.* c. 17.
^h Pag. 10.

ⁱ Aur. Vi-
stor in *Adria-*
no. Sextus Ru-
fus in *Breviar.*

^l Apud Mora-
leni lib. 9. cap.
25.

^m Ex ep. 62. lib. 1.

ⁿ Ad ep. 9. lib. 1.

^o De poetis
Latinis pag. 49.

^p Lib. 1. ep. 4.
& 67. lib. 3. ep.
46. lib. 6. ep. 48.
Ramirezius ad
ep. 4. lib. 1. *Cref-*
sol. in *Theat.*
vet. Rhetorum
lib. 3. c. 20. §. 9.
o Sat. 1.

^q *Cajum* pro
Grajo legendū,
hoc est *Cajum*,
sive *Caunum*,
montem (hodie
Idoucajo) vir
eruditissimus
Isaacus Vof-
sius contendit
Notis ad Melæ
cap. 1. lib. 3.
pag. 228.

^r Num. 13.

UNICUS, poëta quoque is, à Martiale uti conjunctus sibi sanguine laudatus lib. 12. epigrammate 44. ubi & fratris etiam poëtæ emulari eum famam, sed diverso carminis genere, ait. Scriptus hic liber XII. in Hispania, quo & movemur ut UNICOS fratres asseramus gentiles Hispaniæ. Eccillum:

*Unice, cognato junctum mihi sanguine nomen,
Quique geris studiis corda propinqua meis;
Carmina cum facias soli cedenia fratri,
Pectore non minor es, sed pietate prior.
Lesbia cum tenero te posset amare Catullo,
Te post Nasonem blandu Corinna sequi.
Nec deerant Zephyri, si te dare vela juvaret:
Sed tu litus amas: hoc quoque fratris habes.*

307. Nec memoriâ indignus nostrâ est, quem suâ istâ dignum Martialis credidit, MATERNUS, lib. 10. epig. 37.

*Juris & æquarum custos sanctissime legum,
Veridico Latium qui regis ore forum;
Municipi, Materne, tuo, veterique sodali,
Callaicum mandas si quid ad Oceanum, &c.*

308. Ejusdem Domitiani Cæsaris temporis, quod persequimur, æqualis fuit clarissimæ famæ vir HERENNIUS SENECIO, quem nos, nisi fallimur, primi ex recentioribus, Hispaniæ nostræ, atque adeo Bæticæ provinciæ, civem & scriptorem asserimus, post Joannem Cuspinianum, alieno satis atque difficili ad inveniendum loco id ipsum, quod adhuc inter nos mansit obscurum & invulgatum, annotantem^s. Ait ille: *Fuerunt plures Seneciones. Herennius Senecio in Bætica natus, & ibi quæstor, accusante Metio Caro interficitur à Domitiano, quod nullum magistratum post quæsturam longo tempore medio petiisset, quod Helvidii Prisci vitam composuisset, acceptis à Fannia uxore commentariis. Unde Tacitus: Nos innocenti sanguine Senecio perfudit. Hucusque Cuspinianus: de cujus fide in asserenda patria huic Senecioni diu perplexi fuimus; cum nec ipse unde id novisset adjunxerit, nec è civibus nostris aliquis usquam unquamve in celebrandis Hispaniæ hominibus scriptoribusque famâ claris, Herennii hujus sic ob integrè ætatem vitam, fortiter peractum mortis opus, inclytiq; viri gesta, conscripta venerabilis ac memorandi, meminerit: fereq; eò inclinabam, ut abjudicandum à nobis hunc honorem, haud nostrum, existimarem, taxato sive indiligentiæ sive æquivocationis Cuspiniano; cui neque Dio Cassius, neque Tacitus, neque Plinius, ubi de exitu Senecionis agunt, de patria quicquam adnotantes suffragarentur. Cum in ejusdem Plinii alium locum incidimus, quo de Senecionis, & suæ Bæticæ provinciæ contra Bæbium Massam in senatu advocacy, ad Tacitum scribens^t, refert damnato Massâ, Senecionem à se petiisse, ut siquidem injunctam ambobus accusationem concorditer exsequuti essent, quicquam simul & eadem concordia circa custodienda damna bona à Consulibus postulerent. Cui Plinius respondit: *Cum simus advocati à senatu dati, (jam verba sunt epistolæ) dispice num peractas putes partes nostras; senatus cognitione finita. Et ille (Senecio) tu quem voles tibi ter-**

minum statues, cui nulla cum provincia necessitudo, nisi ex beneficio tuo, & hoc recenti: ipse & natus ibi & quæstor in ea fui. Tum ego, si fixum tibi istud ac deliberatum, sequar te; ut si qua ex hoc invidia erit, non tua tantum sit.

309. Cui testimonio statim acquievimus, Senecionem hunc pro cive ac provinciali nostro ex totis visceribus strictissimè amplexati. Clara enim viri fama dum viveret, clarior ob injustissimam illatam moriendi necessitatem, clarissima ob scriptionis argumentum, vehementissimè invitabat. Nam in primis Herennius Senecio in Hispania natus dignum se præstitit quæsturæ munere, prætorio deinde obtento, & inter eloquentiæ publicarumque actionum sectatores non incelebres olim numerabatur, quum Bæticæ suæ provinciæ partes coram Consulibus egit, Plinio collega referente. Abstenuit sub Domitiano Imperatore diu à petendis muneribus viro prætorio quasi debitis, tempora non obscure averfatus reipublicæ infelicitissima. Quæ ejus modestia in Cæsaris invidiam, forte quæ timorem, vertit: quasi abstinens publico, damnare gesta principis, ac meditari salubre aliquid in publicum posse videretur. Accessit quod, accusante Metio Caro, reus dictus est scriptæ à se *Helvidii Prisci vitæ*. Oforis etenim tyrannorum memoria tyranno principi quomodo non esset ingratiissima? Rem narrat Dio Cassius^u, cujus hæc è Græco Latina verba: *Itemque Herennium Senecionem, (scilicet occidi Domitianus jussit) quod cum vixisset diutissime post quæsturam, nullum magistratum petivisset, quodque Helvidii Prisci vitam conscripsisset.*

310. Quod autem Cuspinianus addidit, factum hoc ultimum acceptis à Fannia uxore commentariis, ex Plinii Cæcili elegantissima epistola intelligitur Prisco inscripta de Fanniæ valetudine, (Helvidii scilicet viduæ) ubi inter alias ejus foeminæ fortissimæ laudes, *Bis maritum* (ait) *seque in exsilium est, tertio ipsa propter maritum relegata. Nam cum Senecio reus esset, quod De vita Helvidii libros composuisset; rogatumque se à Fannia in defensione dixisset; quærente minaciter Metio Caro an rogasset? respondit: Rogavi. An commentarios scripturo dedisset? Dedi. An sciente matre? Nesciente. Postremo nullam vocem cedentem periculo emisit: quin etiam illos ipsos libros, quamquam ex necessitate & metu temporum abditos, Senatus-consulto publicatis bonis, servavit, habuit, tulitque in exsilium, exsilii causam. Plinianæ elegantiae verba! quibus adjungi merentur Taciti ex vita Agricolæ ista^x: *Legimus, cum Aruleno Rustico Petrus Thrasea, Herennio Senecioni Priscus Helvidius, laudati essent, capitale fuisse: neque in ipsos modò auctores, sed in libros quoque eorum servitum, delegato Trium-viris ministerio, ut monumenta clarissimorum ingeniorum in comitio ac foro urerentur. Atque iterum inferius: Nos innocenti sanguine Senecio perfudit.**

311. Petrus Thrasea à Nerone occisus ob dicendi & sentiendi libertatem, ex Arria uxore filiam Fanniam habuit, quæ Helvidio Prisco olim collocata, ea ipsa est, cui Plinius elo.

^s In Comm. de Consul. Roman. an. Chr. cix. ubi bis decclviii. sub Cons. Senecione IV. & Seneca III. pag. 345.

^u In Excerptis à Xiphilino lib. 67.

^x Cap. 3.

^t Lib. 7. ep. ult.

elogio illo veluti parentavit. Helvidius, in cuius vitæ combustis, quod audivimus, sevitia temporum, posteaque omnino deperditis commentariis, non levem literaria res & morum doctrina iacturam fecit, auctore Tacito ⁷, ut ejus descriptioni addamus nihil, *Civis, senator, maritus, gener, amicus, cunctis vitæ officiis æquabilis, opum contemptor, recti pernix, constans adversus metus fuit.* Quibus virtutibus vix potuit sub dominis non optimis ad excellentiam nominis tuto grassari. Occidit namque eum Domitianus, non utique Nero, ut colligas ex Taciti pravâ (judicio etiam Lipsii ²) lectione, quæ in oratione Helvidii ipsius in senatu contra Marcellum Eprum Thraseæ socii delatorem sub Vespasiani initium habitâ diu mansit. Fuisse (ait Helvidius) *Vespasianæ amicitiam cum Thrasea, Sorano, Senecione, quorum accusatores etiam si puniri non oporteat, ostentari non debere.* Malè enim jam interfecti Senecionis mentio Helvidio imputatur, cujus à Domitiano diu postea occisi gestas res in literas Senecio retulit.

CAPUT XIV.

De TRAJANO Imperatore. Patriam ejus Italiam fuisse Beticæ municipium. Sextus Aurelius Victor aliter nunc conceptus aut rejicitur aut emendatur. Eipsio satisfi, qui oriundus ne an ortus ex Hispania fuerit, non dum sibi liquere dixit. Lapis Hispanus de Trajano suspensus, sicut & provincia Arevatum. Ortus aliquo loco, idem quod ibi natus. Dio explicatur. TRAJANI & TRAJI ex Hispania. Trajanus historiâ caret. Imperator Theodosius unde. Dacicum bellum à Trajano descriptum, & in lapidea columna jussu ejus sculptum. Alphonsus Ciaconius laudatur.

312. **S**Æculo secundo redempti per Christum orbis tres tantum habet quos posteris jactet scriptores Hispania, Imperatores unum & alterum, Trajanum nempe Adrianumque, hisque ingenii lucubrationibus adhuc feliciorum, quia superstes etiam nunc in illis est, Lucium Annæum Florum, qui sub duobus illis floruisse dicitur.

313. **MARCUS ULPUS TRAJANUS**, sic ante Imperium, & priusquam adoptione ad sacra Nervæ transfret, nuncupatus, ut ex nummo ² constat, & ex vetustis scriptoribus: post adoptionem verò **NERVA TRAJANUS**, nisi constantissimo totius antiquitatis testimonio Italice in Hispania ortus nosceretur, poterat utique Sextus Aurelius Victor subdubitare aliquem facere, ab aliis diversissimus. Quippe qui ait ^b: *Ulpus Trajanus ex urbe Tuderina, Ulpus ab avo dictus, Trajanus à Trajo, paterni generis auctore, &c.* Unde hausisse videtur *Historiæ miscellæ* auctor, quem pro Hispana patria testem paullò post producemus. Sextus inquam Aurelius Victor, ex cujus libris *De vita & moribus Imperatorum Romanorum à Cesare Augusto usque ad Theodosium* confecta est epitome: alius ab eo ejusdem nominis, à quo habemus elegantissimum biceps opus, *De vi-*

ris illustribus, ac De Caesaribus. Hic enim priore illo antiquior, uti plerumque, etiam in referenda Trajani patria, totus ab illo abiit, uti mox videbimus. Referemus nos hujus aliorumque testimonia, quibus statimabimus quoque Adrianum ex Hispania fuisse.

314. Appianus Alexandrinus primum obtinere debet locum, qui eodem tempore vixit, sed sub Antoninis historiam scripsit. Hic in Ibericis: *καὶ αὐτοῖς ὁ Σκιπίων ὀνόματι στρατῶν, ὡς ἐπὶ οὐρανῷ, καταλίσσων, συμφύσει τὸν τραυματίας ἐς πόλιν, καὶ ἀπὸ τῆς Ἰταλίας Ἰταλινῶν ἐκάλει· καὶ πατρίε ἐστὶ Τραιανῆ τι ἐ' Ἀδριανῶν, ᾧ ὕστερον Ῥωμαῖοι ἐφάρταν τὴν αὐτοκράτορα ἀρχήν.* Relicto, utpote in pacata regione, baud valido presidio; Scipio milites omnes vulneribus debiles in unum urbem compulsi, quam ab Italia Italiam nominavit, & patria fuit Trajani & Adriani, qui ultimò Romanum imperium tenuere. Sexti Aurelii Victoris in libello *De Caesaribus* hæc verba sunt de Nerva loquentis: *Namque Ulpium Trajanum Italica urbe Hispaniæ ortum, amplissimi ordinis tamen atque consulari loco, adrogatum accepit & deduxit.* Eutropius *Breviarum* lib. 8. *Successit ei Ulpus Trajanus Crinitus natus Italice in Hispania, &c.* Rarum hic quod *Crinitus* nomen adjecit, indictum aliis omnibus, præterquam iis qui ab Eutropio videntur id ipsum hausisse, qualis inter alios est Conradus Urspergensis Abbas^c, Eusebius in *Chronico*: *Trajanus Agrippinæ in Galliis Imperator factus, natus Italice in Hispania.* Prosper Aquitanus in *Chronica* integro, cujus priorem partem debemus diligentissimo atque præstantissimo Labbeo in *Nova bibliotheca mss. librorum*, sic habet: *Trajanus Agrippinæ in Galliis Imperator factus, natus Italice in Hispania.* Hispanum alii sine ulla natalis urbis noticia nuncupant. Dio Cassius lib. 68. sive ex eo excerpta: *Neque rursus (ait) eum deterruit (Nervam) ὅτι Ἰσπρ ἐ Τραιανὸς· ἀλλὰ οὐκ Ἰταλὸς οὐδὲ Ἰταλῶτικος, καὶ ἥττον τι παρὰ τὸ αὐτὸς ἐποικιστὴν εἶπεν δι' ἡμῶν πρόδωκεν ἀλλοθὺς τὰ ὄψι Ῥωμαίων κράτος ἐξ ἡμῶν.* id est: quod Trajanus homo Hispanus; sed neque Italus erat neque Italicus: quodque ante eum nemo alterius nationis imperium Romanum obtinuerat. Vixit autem Dio sub Alexandro Mammeæ filio, ante dimidiatum tertium sæculum. Orosius lib. 7. anno ab u. c. DCCCXLVII. *Trajanus genere Hispanus, undecimus ab Augusto, Vespas. gubernacula Nervæ tradente suscepit.* Claudianus in laude *Serenæ reginæ.*

*Quid dignum memorare tuis Hispania terris
Vox humana valet?*

Et mox:

————— *Tibi secula debent*

Trajanum: series his fontibus Ælia fluxit.

315. Sed & idem patriam Caesarum urbem indicare voluit *Italicam*, quum de Mariæ filiae Stiliconis, Honorii Augusti uxoris, prole auguratur, patrium eidem proli Bætum, quod inde esset Honorius conjux, vocans. Hispania de Stilicone loquitur, ad Honorium veluti verba dirigens:

*Exiguamne putas, quod sic complexus Iberam
Progeniem, nostros immoto jure nepotes*

Sustinet, ut patrui commendet purpura Bætum?
Ita.

⁷ Lib. 4. Histor. cap. 1.

² In Notis ad Tacit.

^c In Chronis.

² Apud Goltzium in Thef. cap. 4. pag. 63.

^b In Epitome.

Italica enim, Romanum ad Bætum flumen municipium, tribus ab Hispali passuum milibus, hoc est leucâ Hispanicâ, *Sevilla la vieja* vulgò dictus ruinarum hodie locus, famâ tantum superest. Paullus Diaconus lib. 11. *De gestis Romanorum*, quo Eutropii historiam continuat: *Eadem provisione, quâ quandam legerat Nerva Hispanum virum Trajanum, per quem resp. reparata est, accitum & ipse nihilominus æquè ab Hispania Theodosium, faventibus cunctis apud Sirmium purpuram induit.* Ex Latini Pacati Panegyrico Theodosio dicto hæc sunt jam allatorum germana: *Hæc (Hispania) judicium mater, hæc principum est. Hæc Trajanum illum, hæc deinceps Adrianum misit imperio: huic (Theodosio) te debet imperium.* Ex his fontibus plures Hispanum, vel in Hispania natum recentiores his laudatis dixere, Marianus, Schotus, Chronica compendiosa auctor anonymus, alii que.

316. Qui adversus tot historicorum testimonia unum opponere auctorem velit epitomes, nullus erit, spero. Maxime cum emaculâri facili possit, & ex adversis ad nostras adduci non invitus partes, Ulpium Trajanum ex urbe Turdetana, non Tudertina, fuisse, Sextus Aurelius Victor certo certius dixit. Verè enim Italica in Turdetanis Bæticae populis, Strabo lib. 3. *Turdetaniam igitur supra litus, quod intra flumen Anam est, jacere contingit. Eam autem Bætis fluvius dividit.* Et post quædam laudata hujus provincie oppida: *Post hæc Italica & Ilipa super Bæti.* Sic Lipsius V. Cl. conjectatus fuit sagaciter emendari posse, quantumvis in re dubius, ut statim videbimus; calculumque apposuit suum amicus noster, vir juxta probus & eruditus, Rodericus Carus Utrariensis, in nunquam satis laudata *Conventus juridici Hispaniensis descriptione* vulgari, dum de Italica & Trajano agit, atque huic urbi (jam non urbi) suum civem vindicat. Quamvis *Tudertine* urbis nomen legi jam olim apud Victorem indicio sit, quod Conradus Abbas Urspergensis in *Chronico* idem nomen retinuerit, *Ulpium Trajanum Crinitum* (ait) ex urbe *Tudertina* genitus. Sed addidit tanquam explicaturus, *genere Hispanus*, ut sic auctores cæteros cum Victore dissidentes conciliaret. Retinuit quoque, iisdem Victoris usus verbis, *Tudertine* urbis vocabulum *Historia miscellæ* auctor, Urspergensis antiquior, nec, uti is, explicuit, immo prorsus repugnantia, nisi corrigatur, uti corrigi debere Victorem diximus, affirmavit. Anno ab U. C. DCCCLI. (ait lib. 10.) *Ulpium Crinitum Trajanum ex urbe Tudertina, Ulpium ab avo dictus, Trajanus à Trajo, &c. natus in Hispania.*

317. Iccirco nec ausus est è recentioribus aliquis hujus solum testimonii argumento, ex depravata forsan scriptura Victoris desumpto, Italica, aut urbi Tudertinae (*Todi* nunc in Umbria dicitur) Trajanum abscribere. Unus tantum, non verò huic testimonio innitens, sed Plinii Cæcili ex Panegyrico cuidam verbo, Justus Lipsius subducit^d, Trajanus ne à natali loco, an ab

origine Hispanus audiat: Ait Plinius e ad Trajanum verba faciens, strenuamque disciplinæ militaris observantiam ejus laudans: *Postquam verò studium armorum à manibus ad oculos, ad voluptatem à labore translatus est, postquam exercitationibus nostris non veteranorum aliquis, cui decus muralis aut civica, sed Græculus magister assistit, quam magnum est unum ex omnibus patrio more, patria virtute letari, & sine æmulo, ac sine exemplo secum certare, secum contendere, ac sicut imperat solus, solum ita esse qui debeat imperare!* Quod hic dixerit patrio more, aptissime de Romanæ militiæ more interpretantur Catanæus & Rajanus, cum non ignorarent Trajanum meruisse in Romano exercitu Imperatorem quædamque esse Romani exercitus, cum de eo hæc efferret Plinius. *Patrioque more, patria virtute letari* Trajanum dici, hoc est propriâ hujus populi, & Romani exercitus, cui præesset. Lipsio tamen suboluit aliam fuisse Panegyristæ mentem, qui aut verò Romanum (ait) Trajanum habet, aut callide ubique dissimulat Hispanum fuisse. Mirum quidem hoc in Plinio, cum plerumque id obtineat similes inter laudatores, ut à patria virum quem ornare undique contendunt, in primis laudent. Ita fecit ex hac eadem patria Italica Theodosium commendans Latinus Pacatus, ex Pannonia Maximianum Claudius Mamertinus, alios alii ex suis eorum locis natalibus. Sed tamen ex isto silentio, aut ex verbi illius non rectè applicata significatione ad Romanam patriam, evellere frustra velit Lipsius quod sic altis historiæ radicibus hæret infixum.

318. Consideremus & reliqua ab eo, ut sibi tenebras offunderet, undique coacervata. In lapidem ante omnia offendit ita inscriptum:

IMP. CÆS. NER. TRAIANO
AVG. GERM. DAC. PARTH. PON.
MAX. TR. P. XV. COS. VI. P. P. DE
ROM. IMPERIO DE PATERNA
ET AVITA HISP. PATRIA ET DE
OMNI HOM. GEN. MERITISS.
POPVLARES PROVINC.
AREVATVM OPT. PRINC.

Argutatur ex eo Lipsius. Nominat Hispaniam paternam & avitam patriam. Cur non ejus simpliciter, si ibi natus? Reponimus, hunc lapidem ex illis esse, quos Cyriacus tantum Anconitanus exstare olim dixit, quos omnes suspectos habent nostri historici. Ignota deinde nobis, nec usquam audita est provincia *Arevatum*, uti video editum à Grutero & Panvinio, sive *Arenatum*, quod habet Ambrosius Morales. Nec facile credimus provincie integræ, uti urbis aut loci unius notitiam, potuisse omnes veteres Hispaniæ descriptors fugere. *Arevati* populus fuit à fluvio *Areva* dictus, Plinio teste, & *Arevacis* Appiano. Horum tamen gignendi casus non *Arevacum*, sed *Arevacorum* formari debuit. Nec malè aliquis aut imperfectè, laudaturus patriam, laudare se paternam & avitam, hoc est generis & familiæ totius patriam, diceret.

e Cap. 13. ex recenti divisione hujus Panegyrici Trajano dicti.

f In Panegyrico Theodosio dicto.

g Reperitur in his Notis Lipsii, & in Theop. Gruteri pag. 247. & apud Moralem lib. 9. Hist. Hisp. cap. 28. Panvinium in Fastis lib. 4. ad ann. urb. c. DCCCLXIV.

h Aliis Arevatum.

i Morales lib. 9. Hist. Hisp. cap. 28. Ant. Augustinus dial. 2. De las medallas.

k Lib. 3. cap. 3. & lib. 4. cap. 20.

d In Notis ad hunc Panegyricum.

319. Subjungit Lipsius Aurelium Victorē *Italicā ortum* scribere Trajanum, non utique *Italicā natum*. Ortum alicubi esse, aut alicunde oriundum, diversa esse ejusdem verbi significata vel pueri sciunt. *Oritus* esse in urbe aut urbe dicitur qui natus, *oriundus* ex urbe, cujus pater aut majores inde sunt. Nec negamus confundi aliquando hæc participia, rarò tamen: & Victoris hic stylus est, ut propriè verbum *ortum* pro nato, *oriri* pro nasci accipiat. In Cajo Caligula: *Genere materno, Agrippa; Drusus, Germanici pater, è quo is oriebatur, avi erant*. In Severo: *Quin etiam Tripoli, cujus Lepiti oppido oriebatur, bellicosæ gentes submotæ procul*. Leptim enim patriam Severi fuisse ex Spartiano¹ liquet. Et quidem *Lepiti oriri*, & *Italicā ortus*, cum auferendi casu sine præpositione germana sunt. In Aurelio Alexandro: *Syriæ orio*, ubi deest urbe; nam sequitur, *cui duplex, Cæsarea & Archæ nomen est*. In Decio: *Et Decius Sirmiensium vico ortus*.

¹ In Vita ejus.

320. Pergit Lipsius neque Pacatum pro patria Hispania in Panegyrico esse. Fatemur equidè non satis clarè eum loqui distinctèque inter Trajanum & Adrianum, quorum hunc ex Hispano parente Romæ ortum, illum autem in Hispania fuisse natum defendimus. Siquidem eadem complexione imperio misum ab Hispania utrumque ait. Dionis testimonium, quod inde Lipsius enervare conatur, robustius est quàm ut impressioni vel hujus tanti viri cedat. Ideo fidem aliàs Dionis fugillat, excusans non omnino credendum ei de Trajano dicenti, qui Adrianum *πολιτὴν Τραιανῆς, civem Trajani*, falsò dixerit, cum certè Adrianum Romæ fuisse natum constet. Servabimus tamen nos Dionis famam, reponentes Lipsio, vel sequutum Græcum historicum Latinos auctores, qui Adriano æquè uti propinquo Trajano eandem Italicam adscribunt patriam, ut mox videbimus; vel non incongruè *πολιτὴν civem* alicujus dici, qui ubi natus ille fuit inde habuit parentem.

321. Lipsius tandem exclamat argumentis suis aliquantulum deferens: *O in viro tam illustri pudendas tenebras! ubi estis Græci Latiniq; qui vitam & res hujus principis scripsistis? Supra decem fuisse scio^m: sed ò (dolor!) fuisse*. Jure quidem lamentatur vir magni judicii existare ac legi Neronis, Domitiani, Commodi, Helagabali, & aliorum generis humani propudiorum vitas; Trajani non extare; quippe qui Suëtonius in Domitiano defuit; *Augustæ* verò hi, quos vocant, *historiæ* auctores, ab Adriano incipere, duobus justissimis principibus Nervæ Trajanoque absque historia relictis, ac veluti veragine quadam absorptis, aut saltem uno Dione, atque eo ibi mutilo, nitentibus.

322. Sed quatenus ad patriam attinet, non est quare majora desideremus argumenta, quàm illa sunt quæ jam collegimus, & à subdubitatione clarissimi scriptoris vindicavimus. Unum tamen prætereundum non est, quod confirmat subrogationem *Turdetanæ* urbis in *Tuderinæ* locum Sexti Aurelii Victoris *Bibliotheca vetus Hispana* Tom.I.

cæteris aptiorem esse: nam quod adjungit is de Trajano sic dicto à *Trajo* generis paterni auctore, pertinere & hoc ad Bæticanam comprobatur egregiè lapis vel hodie exstans in *Alcolea* oppido ad Bætis oram, paucis miliaribus ab Italica distante, *municipio Flavio Aruensi* olim dicto, quem vidit Rodericus Carus, & nos illac transeuntes. Eccellum:

Q. TRAIQ Q. TRAIH AREIANI FIL.
QVIR. AREIANO ARVENSI
HVIC ORDO MVNICIPII FLAVII
ARVENSI OB MERITA
LAVDATIONEM IMPENSAM
FVNERIS LOCVM SEPVLTVRÆ
ET STATVAM DECREVIT
ÆMILIA LVCIA MATER ET
SERGIVS RVFINVS PATER EIVS
II. VIR IMPENSAM REMISERE.

In quo vides *Traji* nomen alibi non facilè reperiendum illius tractus fuisse. Unde Joannes Trifstanus, monetariæ rei illustrator eruditissimus, volum. 1. de Trajani numismatibus, agens peculiari dissertatione de Trajani nomine non malè suspicatur Quintum hunc Trajum sive parentem sive avum Imperatoris, Trajum nempe illum generis, ut Victor loquitur, auctorem fuisse. Quod verò ex duobus Græcis auctoribus Philæterio ac Theophilo, quos Tzetzes adducit, à *Tragos* Græco vocabulo, quod capram sonat, sive quòd caprinæ formæ auribus esset, sive quòd in bellicis expeditionibus asperrima & munitissima loca caprâ velocior cum exercitu transiliret, commenta hujus gentis nauci habenda sunt. Addit idem Trifstanus à Trajis capitibus Hispaniæ, cujus Antonini *Itinerarium* meminit, inter Tarraconem Dertusamq; Trajani nomen derivatum videri. Sed nisi *Tria capita* sit loci nomen, *Tiara*, sive *Teara capita*, à *Tar-juliu* Ptolemæi, qui sunt *Teari Juliensis* Plinii, forsan est, ex sententia Hieronymi Suriæ, Notis ad *Itinerarium* o.

n Pag.377.

o Pag.347.

323. Italica ergo Bætici municipium locus Trajani Augusti natalis fuit. Proinde qui generalem historiam sub Rege Alphonso x. texuere, oportet quidem eos proprios sibi oculos fascinasse, dum Trajanum in oppido *Pedraza*, quod Extremaduræ est, ortum affirmant. Quem errorem inde ortum credimus, quòd Italicæ veteri locum hunc & nomen subrogatum fuisse confectorum ejus historiæ animo sedit. Idatius quoque Lemicensis Episcopus, sæculi quinti scriptor, Italicensibus natalibus minimè favet, aliud scilicet agens. Nam cum fama constans sit, Marcellini Comititis, Jornandisq; atque item Sexti Aurelii Victoris, & Paulli Diaconi testimoniis subnixa, Theodosium Augustum majorem Trajani civem, & ex genere ejus fuisse; Idatius tamen aliam Theodosio adscribit patriam. *Theodosius natione Hispanus (ait) de provincia Galleciæ civitate Cauca à Gratiano Augustus appellatur*. Maxima quidem Idatii est auctoritas, Hispani, & in ea provin-

K

cia

m Acolium vitæ Trajani scriptorè Lampridius laudat.

p De script. Ec-
cles.q Lib. 1. Dere-
gnor success.

cia nati, unde esse Theodosium vix nisi rei gnarus scribere ausus esset. Nihil tamen moveor, ut ab aliorum sententia discedam. Idatius enim videtur id ex historia Zosimi Græci historici, qui sub Theodosio floruit juniore, desumpsisse. Vixit enim Idatius atque obiit sub Leone Imperatore, ut scribit S. Isidorus^p. Zosimus quidem eandem, quam Idatius, patriam Theodosio tribuit. Cujus testimonium, utpotè Gallæciæ suæ propitium, temerè forsan, tantumque ne aspernaretur, amplexatus fuit Idatius. Contrarium enim de Theodosio scribunt, domo eum ex Italica fuisse affirmantes, Marcellinus Comes sub Justiniano, principio Chronici: *Theodosius Hispanus Italica divi Trajani civitatis*. Jordanus sive Jordanes, Marcellini æqualis, iisdem verbis q. Nec Zosimo Græco auctori facile credimus de rebus nostris loquenti. Mirum enim est quàm caligare & parùm videre soleant in Latina geographia orbis Græci scriptores. Sozomenus lib. 7. cap. 2. de Gratiano agens: *Κωνσταντῖνος ἐπαύσατο τῆς ἀρχῆς ἐν τῇ Σιρμίου Θεοδοσίον, γένος Ἰσπανοῦ ἀπὸ τοῦ Πυρρῶντος ὅπως Ἰσπανοῦ. Confortem imperii in Sirmio urbe Theodosium creavit, ex Hispanis qui circa Pyrenæum montem sunt oriendum*. Quo nihil potuit crassiore Minerva dici. Eadem ferè loquuntur ignorantia patrii loci ejusdem Cæsaris ii qui Hispanum dumtaxat appellant. Cedrenus in *Compendio* τῷ γένει Ἰσπανοῦ λέγει Ἰσπανοῦ. *Genere Iber erat ex Hispanis*. Socrates lib. 5. cap. 2. ἐν τῇ ἀπαγγελίᾳ τῆς ἱστορίας καταγεγραμμένης. *Ex Hispaniæ patriiis ortus*. Similiter peccant in Adriano, ut videbimus eò devenientes. De Theodosio hæc divagantes, sed non extra rem, à Trajano nostro scriptore.

324. Scripsit enim Trajanus *Historiam belli Dacici* à se profligati, victo prius, deinde capto, cum rebellasset, Rege Decebalò. Id enim breviter. Nec enim scribere historiam de Trajani rebus, quæ Cæsareæ historiæ argumentum sit, animus noster est; sed consignare Hispano Augusto inter tot laudes optimi, maximi, & in paucis laudandi principis, scriptoris etiam laudem. Careremus sanè hac notitia, si non unius exstaret Prisciani locus in *Grammaticis*, unde scripsisse *Dacica* Trajanum nosceremus lib. 6. ubi de nominibus in i terminatis non Latinis agit: *Inveniuntur (ait) barbari in i. ut Iliturgi oppidum. Livius in 13. ab urbe condita: Iliturgi oppidum oppugnabatur. Trajanus in 1. Dacicorum: Inde Berzobim, deinde Aixi processimus*.

325. Videtur autem mihi Trajanus id quodammodo cogitasse quod fabulantur de priscis orbis post diluvium incolis, scientias omnes, & quicquid experientiâ comperissent hætenus, duabus columnis, alteri lateritiæ, alteri lapideæ, sculpsisse; ut sive aqua iterum, sive ignis aliquando genus mortalium delevisset; altera earum, omniaque ibi contenta ad instruendum, quod renovandum esset, hominum genus, remaneret. Pari modo providentissimus princeps futuri quasi prælagus, haud contentus fuit gloriosissimum bellum, omniaque in eo gesta propriâ industriâ chartis commendare; sed & lapideam columnam

erexit in medio foro, quod simul ædificavit, ac mirificè ornavit, altissimam, in cujus apice cineres suos servari, circumquæ ab ima ad summam quicquid in hoc bello actum est, affabre sculpi voluit. Hanc curiosè descripsit, celariquæ primus fecit & excudi, Alphonfus Ciacconius noster, Dominicanus sodalis, quæ publici usus facta fuit sub hoc titulo: *Historia utriusque belli Dacici à Trajano Cæsare gesti, ex simulacris ejusdem, quæ in columna Romæ videntur*, Romæ MDLVI. Atque ante paucos annos eadem lapidea historia iterum in chartaceum volumen è sua mole descendit operâ celatoriâ Petri Sancti Bartoli Perusini, juvenis hac arte præstantis, quæ in eadem urbe ab anno MDCLXXII. elegantioribus quàm olim formis excusa, litteratorum oculos, multoque magis animum, pascit.

326. At nec temerarium fuisset Trajani laudibus aliis poetæ quoque adscribere laudem: nam quantumvis Plinius lib. 5. epist. 3. excuset se versus edere, non exemplis privatis magnorum virorum tantum, sed principum quoque suæ gentis divi Julii, divi Augusti, divi Nervæ, ac T. Cæsaris; (ita enim cum initiali litera hoc postremum nomen semper editur) & interpretes Titum intelligant, quem facilem & promptum in fingendis versibus Suëtonius in ejus vita, & Plinius alter in præfatione historiæ suæ, fuisse ajunt; nobis arripet potius ut compendio isto scribendi significatus fuerit Trajanus, cujus tempore florebat & literas istas formabat Plinius, & quem non voluit apertius dicere, viventem adhuc, & curis Imperii deditum & immersum, hac otiosorum hominum occupatione quandoque distringi; quàm Titus Cæsar, qui ante Nervæ mentionem, ut ordinem hucusque servatum prosequeretur, debuisset à Plinio dici. Nec abstinuisset utique is in Cæsare isto nominando divi appellatione, qua in aliis usus fuit, uti abstinere debuit in laudando Trajano adhuc superstiti, principeque modestissimo & abstinentissimo similium adulationum. Immo Græcè eum versificatum apparet ex epigrammate quodam, quod in Anthologia legitur lib. 2. cap. 13. ejus nomine, ubi nasutum valde quendam hominem sic deridet:

Ἄντιον ἡλίου σπῆρας ῥίνα, καὶ ὅμα χέσπον,
Δείξεις τὰς ὥρας πᾶσι παρερχομένους.

CAPUT XV.

DE ADRIANO Imperatore. *Italicè is ortus ex magis vulgari fama: sive natus Romæ ex patre Italicensi, matre Gaditana. Themistii error & correctio. Aurelii Victoris error. Adriani doctrina mira & multiplex eximie à veteribus commendata. Libri De vita sua. Catacriani etiam, Antimachi imitatione, ab eo scripti. Multa de hac inscriptione ex multis, itemque conjectura nostra. Sermones ejusdem, & orationes, ac declamationes, & carmina. Epistola ejus de Christianis laudatur, à quibus non aversus fuit. Alexandriadis opus non ejus, sed Adriani sopsiste. Hispanis scriptoribus MARCUM ANTONINUM Imperatorem adjungimus, propter Hispanam ejus masculam originem.*

nem. Libriejus ἡ οἰς ταυτὸν, sive De vita sua, atque eorum editiones & interpretationes. Franciscus Cardinalis Barberinus laudatur.

q Ita sine aspi-
randi litera
scribimus cum
Girardo dial. s.
De poetis. ab
Adria urbe.

327. **T** Rajani consobrinus fuit **ÆLIUS ADRIANUS** ⁹ cognomēto **AFER**, Italicensis, cujus ex Domitia Paullina Gaditana filius **ADRIANUS**, post quæsturam actam, plebisque tribunatum, ac præturam, tandemque consulatum, adoptionem Trajani meruit, cui & in Imperio successor fuit. Res ejus gestas curiosissime descriptas ab **Ælio Spartiano** habemus. Inde nobis duo tantum decerpere, quæ hujus loci sunt, animus est, patriam & scripta **Adriani**, simulque præstantem ejus doctrinam, & studia, quæ scriptis deperditis famam quodammodo asserere videntur.

328. Italicæ ortum, uti Trajanum, fuisse **Adrianum** si affirmaremus, optimos historiarum Romanarum scriptores haberemus duces. Nam hi magno consensu in id conspirant. **Appianus Alexandrinus** ¹ in Trajano laudatus Italicam utriusque πατρίδα, patriam vocat. **Dio Cassius** ² πολιτὴν, civem vel municipem Trajani **Adrianum** facit. **Eusebius** clarissimè: **Adrianus Italicè in Hispania natus**, consobrinus (legendum videtur consobrini juxta **Spartianum**) Trajani filius fuit. **Sextus Aurelius Victor De Cæsaribus** libello diem suum obiisse Trajanum ait morbo, grandæva ætate, adscito prius ad Imperium **Adriano**, cive propinquoque. **Eutropius** ³ natum ait Italicè in Hispania, uti Trajanum. **Cassiodorus** in **Cronico**: Huic successit **Adrianus**, utraque lingua peritissimus, Italicè natus ex consobrino Trajani (expressit errorem **Eusebianæ** vulgaris forsan tunc scripturæ) qui regnavit annis viginti. Auctor **Cronographi ex Idatio**, **Caroli Magni** æqualis, quem **Andreas Schotus** volum. 4. Hispaniè illustratè edidit (quamvis **Idatium** scripsisse orbis **Cronicon** alias ignoremus) Hispani meminit natalis tantum. **Adrianus in Hispania natus**, consobrino Trajani filius fuit, sicut & **Latinus Pacatus** in **Panegyrico Theodosii**: Hæc (Hispania) Trajanum illum, hæc deinceps **Adrianum** misit Imperio.

329. Raris ipse Arabs, qui Regum Arabum in Hispania historicus ejus linguæ Hispaniensem historiā reliquit, existatque ea hodie, cum Lusitanè, tum Castellane translata, in schedis manuscripta, sic habet: Después de Trajano reynò **Adrian**, e sue Reye e señor de España, e reynò veynte y dos años, e dicen que sue natural de Itálica Sevilla. Confudit nempe Italicam destructam cum proxima Hispali superflite: aut fortè jam credebatur Hispalis ex Italicæ ruinis nata, quæ falsa persuasio hodierno nomini, Sevilla la vieja, hoc est Hispalis veteris, dedisse ansam videtur. Themistii etiam Græci oratoris ad Theodosium verba ex oratione 5. huc referenda sunt, licet in errore nunc cubent, vindicanda prorsus in rectam sententiam: Quæ tamen eadem (virtus) Trajanum, Antoninum, cives tuos & principes complexa est, à quibus longè acceptam regnum Deus ipse tradidit. Hæc ex versione **Donzellini**, cum Græca ad manum non habeam. Nemini autem perspicuum non erit

Bibliotheca vetus Hispanica Tom. I.

Adriano restituendum esse **Antonini** (qui nullo auctore, nisi è longinquo, uti & monebimus, Hispanus, aut Theodosii & Trajani civis fuit) locum.

330. **Agellius** quoque his confert symbolam lib. 16. Not. Atticarum cap. 13. ubi de municipiis & coloniis Romanis docens, de cuius opinionis (ait) tam promiscæ erroribus divus **Adrianus**, in oratione quam de Italicensibus, unde ipse ortus fuit, in senatu habuit, peritissime differuit: mirarique se ostendit, quid & ipsi Italicenses, & quedam item alia municipia antiqua, in quibus Uticenses nominat, cum suis moribus legibusque uti possent, in jus coloniarum mutare gestiverint. Hanc orationem petentibus, ut videtur, Italicensibus coloniarum jus, ad senatum **Adrianus** habuit. quibus quidem tunc eum concessisse honorem istum credimus: nam cum coloniarum titulo antiquus lapis ^u Vulsinii in Italia repertus Italicam representat. Fortasseque ad hunc honorem patriæ indultum inter alios **Dio** respexit, verbis quæ & non minimum ad id quod de patria dicimus **Adriani** conferunt. In hac peregrinatione (ait ^x) edificavit theatra in plerisque civitatibus, instituitque certamina sine regio apparatu aut magnificentia, quam nisi Romæ nunquam adhibuit. Factaque hac Romæ urbis mentione, statim: Τὴν δὲ πατρίδα, ἡ γὰρ μεγάλη τιμὴς, ἡ πολλὰ ἡ ὑπερβαίνει αὐτῇ δαὲς, ὅμως οὐκ ἔδωκε. Patriam verò, quamquam ei magnos honores tribuit, multa quoque & magnifica dedit, nunquam tamen vidit. Hic enim agnoscere iterum **Dio** videtur patriam **Adriani** in provincia, aliamque à Roma esse.

331. Quam tamen urbem Imperii sedem ei natalem fuisse adversus tot historiarum idoneos auctores **Ælius** ait **Spartianus**; qui quidem præferendus vix esset cæteris, nisi **Vitæ Adriani** libris ab ipso relictis, quos paullo prius laudat, instructus, id scripsisse videretur. Origo Imperatoris **Adriani** vetustior (ait) à Picenibus, posterior ab Hispaniensibus manat: siquidem **Adria** ortos majores suos apud Italicam **Scipionum** temporibus resedisse, in libris **Vitæ suæ Adrianus** ipse commemorat. **Adriano** pater **Ælius Adrianus** cognomento **Afer** fuit, consobrino Trajani Imperatoris, mater **Domitia Paullina** Gadibus orta, soror **Paulina** nupta **Serviano**, uxor **Sabina**, avus **Marullinus**, qui primus in sua familia senator Pop. Rom. fuit. Natus est Romæ ix. Kal. Feb. **Vespasiano** septies & Tito quinquies consulibus. Hæc **Spartianus**, cui tam idoneum rerum suarum scriptorem sequuto fidem non temerè habemus. Præsertim cum & ipse alias non semel patriæ nomine Italicam compellasse videatur, unde oriundum **Adrianum** jam notavisset. Sic enim explico ea quæ paullo post **Spartianus** habet: Quindecimo anno ad patriam rediit (rediit, quasi inde aliquando exiisset, quod **Casaubono** occasionem dedit suspicandi conceptum forsan Italicæ, quantumvis Romæ natum) ac statim militiam iniit; venandi usque ad reprehensionem studiosus. Quare à Trajano abductus à patria, & pro filio habitus, &c. Multoque magis hæc: Per Latina oppida Dictator & Aedilis & Duumvir

u Apud Gruterum p. 385. a. Carum in? Corv. jurid. Hispal. cap. 12.

x Fragn. lib. 69.

K 2 vir

vit fuit. Apud Neapolim Demarchus, in patria sua Quinquennalis, & item Adriæ Quinquennalis, quasi in alia patria, & Athenis Archon fuit. Confirmarique posse hanc Spartiani sententiam ipsis illis Claudiani carminibus & Serenæ Regine laude, quæ pro asserendis Italicæ Trajani natalibus superiore adducta sunt capite, non nemo dixerit. De Hispania ait:

—Tibi secula debent

Trajanum: series his fontibus Ælia fluxit.

332. Quibus ultimò dictis genus Æliorum, hoc est Ælii Adriani, hinc fluxisse, & oriundum esse tantum significat. Qui tamen sic mites sumus erga Spartianum, natalem Adriani locum Hispaniæ tollentem, iidem Sexti Aurelii Victoris, qui Epitomen Cæsarum dedit, oscitantiam vix toleramus. Ælius Adrianus (ait) stirpis Italicæ. Ælio Adriano Trajani principis consobrinus Adriæ orto genitus: quod oppidum agri Piceni etiam mari Adriatico nomen dedit. Adriæ orti majores generis Italicæ translati fuere, unde origo Adriano posterior, de quo eidem credimus Vitæ suæ scriptori apud Spartianum. Jungamus ergo Victorem hunc cum Chronologiæ, quam vocant compendiosam, anonymo auctore, unde hæc sunt dictorum germana; Ab isto Adriano mare Adriaticum dicitur. Fuit autem de Adriæ civitate. Stupidius nil excogitari quidem potuit.

333. Asserto genti nostræ Adriano (sive ortus is Italicæ, sive Italicensi patre, Gaditana matre fuerit natus) certè literarum studia, & præstantissimi, ad omniaque veluti facti ingenii capacitas, non minùs quàm Imperium Respublica, principatum inter eruditos retulere. Decerpemus aliqua ex Spartiano in hujus rei testimonium. In quæstura, cum orationem Imperatoris in senatu agrestius pronuncians risus esset; usque ad summam peritiam & facundiam Latinis operam dedit. Item infra: Fuit poematum & literarum omnium studiosissimus: arithmeticæ, geometriæ, picturæ peritissimus. Necnon oratione & versu promptissimus, & in omnibus artibus peritissimus. Matthesin sic scire visus est, ut serò Kalendis Januariis scripserit quid ei toto anno posset evenire; ita ut eo anno quo periit, usque ad illam horam quæ est mortuus, scripserit quid acturus esset. Fuit memoriæ ingentis, facultatis immensæ: nam & ipse orationes dictavit, & ad omnia respondit. Nomina plurimum sine nomenclatore reddidit, quæ semel & congesta simul audiverat. Libros statim lectos, & ignotos quidem, plurimis memoriter reddidit. Uno tempore scripsit, dictavit, audiuit, & cum amicis fabulatus est. Victor concinit in Epitome: Atheniensium studia moresequæ hausit, non sermone tantum, sed & ceteris disciplinis, canendi, psallendi, medendi que scientiâ, musicus, geometra, pictor, fictor que ex cre vel marmore, proximè Polycletos & Euphronoras. Perinde omnino ad ista erat factus, ut elegantius nusquam quicquam humanæ res expertæ videantur. Μουσικῶτατος, doctissimus, seu eruditissimus ab Athengæ audit: quo loco cur moderatissimum & humanissimum interpres verterit, non dum video, lib. 3. cap. 29. Curiosi-

tatum omnium explorator à Tertulliano. Virtutes cæteras, vitia quoque non describimus; ab Spartiano, Dione, duobusque Victoribus, atque aliis petenda. Doctrina quippe tantum ad nos spectat.

334. Unde scripsisse plura tam prosâ quàm versâ oratione dicitur, quæ omnia periere. Colligemus verò nos, velut è naufragio tabulas, horum omnium notitiam. In primis De vita sua libros, quos libertis suis edendos eorum commisit nomine. Spartianus: Famæ celebris Adrianus tam cupidus fuit, ut libros vitæ suæ scriptos à se libertis suis literatis dederit, jubens; ut eos suis nominibus publicarent: nam Phlegontis libri Adriani esse dicuntur. Phlegontis Tralliani, Adriani liberti, alia usque nunc vel in fragmentis exstant; quæ verò supponi sibi passus fuit, Adriani ova, prorsus periere. Verum hoc scriptum significare Dio videtur, quum scripsisse Adrianum ait, Antinuum in Ægypto mortuum, quod in Nilum cecidisset. Græcè ergo commentatus est de vita sua: nam Phlegon, cujus nomine inscripta, Græcus, Græcèque scripsit. Chronica scilicet, sive Olympiadum opus, De mirabilibus, quod Meursius edidit, ac De longævis libellum, aliaque à Suida memorata. Græcam nimirum eruditionem affectavit Adrianus, ingenium sequutus qui ad eam declinabat, ita ut, eodem Spartiano teste, à nonnullis Græculus diceretur.

335. Eadem prorsus linguâ scripti ab eo fuere Catacriani libri, ut innuit his Spartianus: Catacrianos libros obscurissimos (ait) Antimachum imitando scripsit. Antimachum quidem Clarium Græcum poetam eo prætio habuisse dicitur, ut & μὲν τὸ ὄνομα πολλοὶ ποτόρεον εἰσάγαντο, cujus nec nomen quidem multi scirent, Homero è medio sublato, in ejus locum, Dione teste, inducere cogitaverit. Et tamen huic post Homerum secundas deferre partes grammaticorum consensum Quintiliano credimus. Mirum quàm in asserendo hujus operis Adriani titulo viri præstantissime eruditionis ingenio suo indulserint. Parum verosimiliter Giralduſ, qui κατ' Ἀδριανῶν, aut κατὰ Τραϊανῶν, hoc est, de Trajano, sive de Adriano inscripsisse operi auctorem credidit. Quod enim ad priorem correctionem spectat, hoc prorsus esset confundere hos cum libris De vita sua, quos disertissimè Spartianus distinxit. Et in titulo isto Græco impropriatatem Isaacus Casaubonus notat. Nomen item aliquod hominis hîc restituendum existimavit Janus Parrhasius, nempe κατ' Ἀκκιανῶν, contra Accianum, tutorem Adriani, quem libri aliquot sic vocant, non autem, quomodo apud Spartianum legitur, Tatianum; conjecturâ inde natâ, quod, uti Spartianus idem ait, Tatianum (ita semper nominant libri editi) ut conscius tyrannidis, & argui passus est, & præscribi.

336. Catacblianos, ab ἀχλὺς caligine, hoc est caliginosissimos & obscurissimos, Hermolaus Barbarus præferebat. Scaligero Catacblianos, immisâ eò aspirandi literâ, placuit corrigi posse, dictosque Græcè, κατὰ χρεῖαν λεγόμενον, quo

3 Editio, inter alios Rev. Germanicar. scriptores à Pistoria pag. 712.

a Lib. 69. pag. 793. edit. Harnoviensis.

b Vide Salmasium ad hunc Spartiani locum, Vossium De historiæ Græcis lib. 2. cap. 11. Scaligerum Not. ad Eusebii Chron. sub n. MAXLIV. Jonium De historiæ philosoph. scriptoribus, lib. 4. cap. ult. p. 344. post Photium, & Suidam.

c De quo Lill. Giralduſ dialogo De poetis Turnebus lib. 28. Adv. cap. 38. Reinesius Var. 11. Jonius De historiæ philosoph. script. lib. 1. cap. 6. pag. 32. Casaub. hic. d Ubi supra. e Lib. 10. Inst. orat. cap. 1. vide Salmasii notam hîc de Antimachi præstantia. f Dialogo 1. De poetis.

g Ad Spartianum hîc.

h Apud eundem Giralduſ.

1 Notis ad
Spartianum.

quo de Casaubonum consule. Hic verò ex Regis Gallorum & Puteani schedis, ubi vel *Catacaymos*, vel *Catacaimos* legerat, suspicatus fuit *Catacaimos*, vel *Catacaufmos*, quæ pura puta Græca sunt vocabula, inscripisse Adrianum: quòd sive Phaëtonteum orbis fabulosum incendium, poetici verè operis argumentum, sive, juxta Heraclyti aliorumque philosophorum placitum, ultimam ejusdem terrarum orbis *ἐκπύρωση* *desflagrationem*, continerent.

2 Lib. 2. d. 2. cap. 15.

337. At cum in aliis libris tam Adrianus Turnebus quam Claudius Salmasius *Catacamas* reperissent; prior ille multum ab scriptura discedens *colocymbas*, *κολοκυμβας*, hoc est *cucurbitas*, legere ausus fuit², existimans Dionem dixisse, scriptum eo nomine librum ab Adriano: quod nec improbat Isaac Casaubonus. Poterat autem hæc ex Dione cogitatio alio subrogato apud Spartianum verbo (quod cum magnorum in his literis Apollinij venia dictum sit) explicari, de quo nos postea. Sed alium sensum habere Dionis hæc de hujus Imperatoris in Apollodorum architectum odii causâ loquentis Salmasius existimat: Τὸ δ' ἀληθές, ὅτι τὸ Τράϊανον καταμύωντι οὐ τὸ πρὸς ἑρῶν, εἶπε τὸ Ἀδριανὸν παραλαβόντι ὃ τὸ Ἀπιδε, καὶ τὰς κολοκυμβας γράφει. Architectus Apollodorus, qui forum, & odeum, & gymnasium Trajano fecerat, indignatus Adriano adhuc privato, nescio quid ineptum de arte hac coram Trajano ipso dicenti, expulit eum à se tanquam cucurbitarum pictorem, architecturæ autem ignarum. Sed tamen (Dio ait) vera causa (odii) fuit, quòd cum Trajanus quendam de his operibus cum illo communicaret, Adrianusque nescio quid obloqueretur; dixerit ei: Abi, & cucurbitas pingere. Verbum *γράφει* tam scribere quam pingere significat Græcis, unde equivocum.

338. Neque hinc aptum quicquam elici pro conjectura posse Turnebi & Casauboni annotavit Salmasius. Quare is retinens *Catacamas* lectionem, sic scriptum ab Spartiano putat: ὅς κατὰ καίνας, libros obscurissimos, *Antimacbum imitando scripsit*. quasi τὰ κατὰ καίνας, res; ad Camas gestæ sint: opusque metricum Græcè de Cannensi clade scriptum intelligit. Fecerat hoc paullò antè Silius Italicus Latinè.

339. Ab his omnibus abiit diversus, nec forsàn ab scopo deerravit, Heribertus Rosveidus Societatis Jesu, vir eruditissimus, qui in *Catacrimianis*, seu κατὰ κεραιῶν, libris Adrianum egisse suspicatur de is, qui sub ariete signo orti essent, qui κεραιοὶ (Heribertus ait) vocabantur, ἀπὸ κερῶν, ab ariete. Convenit quippe, tum dictum summopere huic astrologicæ arti eum fuisse, ut vidimus, tum Antinoum, delicias ejus, constellatione ista natum, ut ex nummo ejus quodam apparet, cujus postica pars arietem præfert¹. Quid autem si *Catacrimos*, seu κατὰ κερῶν libros Spartianus scripserit? Nam & nonnihil in rem tot magnis femonibus obscurissimam proletrarius ego philologorum conjicere non gravabor. Et non abludit quòd *Catacrimicos* tam Alciatus quam Giraldus ipse non improbavere. Et quid si Apollodori illa objurgatio Adriano facta ad hujus nominis li-

1 Apud Casaubonum ad Spartianum hunc locum.

brum respexerit? κερῶν liliū est Græcis, immo & cucurbita, Suida auctore. Quo immutata paullulum scripturæ dispendio, & explicabunt Dionem, & aliquem de cucurbitis commentarium (fortè satyricum, qualis & fuit Senecæ *Ludus* seu *Apocolocyntosis*) Adriano asserent ii, quibus Turnebus Casaubonisque in hoc labyrintho placuerint *Dedali*. Aut si mavis alio sensu κατὰ κερῶν inscriptionem donare; præstò sunt aliæ significationes: nam & κερῶν, mendicos, Polluce^m ac Suida testibus, & κερῶν saltationis genus, sive saltationis gestum quendam, quod ex Apollophane docet Athenæusⁿ, significant. Sed jam ad alia.

340. Laudantur quoque à grammaticis Latinis Adriani *Sermones*, & *Orationes*: Latina ipsa: nam ex iis fragmenta aut verba adducunt. *Sermonum* libros è Sosipatro novimus Charisio, qui primum adducit^o. Obiter. *D. Adrianus* Sermonum primo querit an Latinum sit. *Quamquam* (inquit) apud Labeonem hæc vox esse dicatur, & eam Scaurus Latinam esse non neget (ita rectè legit Salmasius^p) addit quòd veteres eadem soliti sint dicere, non addentes viâ, ut sit κατ' ἐμφαν, ut Plautus inquit:

Eadem bibes, eadem tibi dedere suaviū.
Quamquam D. Augustus reprehendens Tiberium Cæsarem ita loquitur: Scribis enim per viam artū tibi obiter. Sed D. Adrianus, tamen (inquit) Augustus non percruditus homo fuerit, ut id adverbium ex usu potius quam ratione protulerit. Si quis autem ejus rei rationem velit penitus investigare, de consortio præpositionum, quem adque sub titulo ἀφορμῶν dedimus, legere non gravetur. Hæc Sosipater.

341. *Orationum* idem grammaticus meminit^q. *Vadissimè*. D. Adrianus *Orationum* (videtur melius *Oratione*) XII. A vobis, patres conscripti, peto, & impetratum validissimè cupio, ut proximè imagine Augusti argenteum (sic lego pro argento) potius clypeum, sicut Augusto, ponatis. *Orationes* fortè, quas habuit ad senatum, aut alias, collectio hæc continebat quam vidit Charisius; qualis fuit illa *De Italicensibus* ejus civibus, Agellio nota^r, in qua de juribus coloniarum & municipiorum, ut ille ait, peritissimè disseruit; atque item illarum quas pro Trajano (pro usu intelligo Trajani, ut recitarentur ab eo in senatu) dictaverat. Cujus quidem officii causâ crevisse ei Trajani familiaritatem Spartianus notavit.

342. *Declamationes* ejusdem Photius laudat in Bibliotheca^s. Græcas nempe. Nec enim Latinorum hic auctor meminit. *Lege sunt Adriani Augusti variegatæ declamationes, dicendi moderatione temperatæ, nec injucundæ.*

343. Cum professoribus & philosophis (ait idem Spartianus) libris vel carminibus invicem editis sæpe certavit. *Altercatio Adriani Imperatoris cum Epicteto philosopho*, Parisiis edita fuit anno MDCII. in 8^o. cujus editionis meminit Bodlejanæ, sive Oxomensis bibliothecæ postremus catalogus. Poëmatum enim carminisque omnis generis studiosissimus fuit, eodem referente. Carminum, sive ὕμνων, in Plotinæ laudem, Trajani uxoris, scriptorum,

Dio

m Lib. 6. c. 42.

n Lib. 3. pag. 114. edit. Lugd. anni. MDCXII.

o Lib. 2. Inst. Gram. Adv. obiter.

p Notis ad Spartianum. p. 7.

q In *Validissimè*.

r Lib. 16. cap. 13.

s Cod. 100.

Dio meminit, qui & laudat Græcum hunc versum in Pompeji laudem, cum ei parentaret, effusi:

Τῷ ναοῖς βοῶντι πόσῃ φάρις ἔπλετο τῦμβου.

Pene caret tumulo cui tot modò templa fuere. Adriani Cæsaris epigramma in ἡμίσηρον, sive semiaridum, habetur in Anthologia. Ejus quoque sunt versus illi, quos reposuit Floro poetæ*, doctis tot viris† in examen vocati; atque item alii dimetri hi, quos fudit moriens, apud eundem Spartianum;

* Apud Spartianum.
† Vide post Turnebum, Casaubonum & Salmasium hic, Barthium lib. 34. cap. 12.

*Animula vagula, blandula,
Hospes comesque corporis,
Quæ nemo abibis in loca
Pallidula, rigidula, nudula,
Nec, ut soles, dabis jocos.*

Quorum affectationem haud probat Spartianus, adjuncto, quod tales, nec multò meliores, fecerit Græcos. Vossio tamen haud ita videntur tam Latini quam Græci. Gaspar quoque Barthius carmen aliud ejusdem producit*, quod fragmentum videtur majoris operis de Amazonum historia, in epigrammatum veterum sylloge, ut suspicamur, à Petro Pithæo editum. Id quod & inter Ausonii exstat opera†; quo quidem epigrammate pauca ingeniosiora ab omni antiquitate exstare idem putavit‡; rotundissimum id alibi§ appellans. Incipit:

¶ De poetis Latinis cap. 4. pag. 31. ac De poetis Græcis cap. 9. pag. 74.
x Lib. 32. cap. 12.

y In editione Burdegal. anni MDCIV. pagina 593.
z Ad lib. 7. Theb. v. 642. & lib. 8. v. 446.
a Lib. 8. v. 697.

*Ut belli sonuere tubæ, violenta peremit
Hippolyte Theutrantia, Lyce Clonon, Oebalon Alce, &c.*

Inscripti ab eo Borysthenis equi demortui monumento epigrammatis Dio meminit^b, quod sive Latinum, sive è Græco Latine conversum, producit alibi, atque in examen revocat idem Barthius^c. Meminit Appulejus Adriani carminum in *Apologia. Divus Adrianus* (ait) cum Voconii amici sui poetæ tumulum versibus ornaret, ita scripsit:

*Lastivus versu, mente pudicus erat.
& paullò post: Multa præterea ipsius D. Adriani id genus me legere memini. Pithæus quindecim Anacreonticos illos, qui in lib. 3. Vet. epigrammat. sect. II. leguntur, Adriani esse putabat. Sed dissentit Vossius^d, quod sæpius in metrum peccent. Fortasse tamen (ait) Græcè scripserit Adrianus, quæ sic alius verterit. Verius Adriani est (subjungit) quod in eadem epigrammatum collectione legitur libro 4. atque incipit^e:*

d De poetis Latinis cap. 4.

e Pag. 158.

Ut belli sonuere tubæ.

344. *Litterarum quoque ejus quarundam non sine præcipua laude veteres recordantur. Spartianus quidem earum, quas dedit ad senatum petens Trajano divinos honores, quas ille accuratissimas vocat. Apud Dionem^f mentio fit cujusdam epistolæ, in qua ostenditur, ὅσην καλὸν ἐστὶν ἐπιθυμῶντα τινα ἀποδανῆν, μὴ δύνασθαι. quantum sit malum mori volentem minime posse. Germana hujus videtur altera in medicos mordaciter scripta, in qua, cum ægotans medicis omnibus qui in toto Romano Imperio erant accersitis, nullum fructum operæ eorum expertus esset; professionem ipsam & artem damnavit, referente S. Epiphanio in libello *De mensuris* §. 14. Exstat de Ægypto & Ægyptiorum vitii alia*

f In excerptis Xiphilini.

ejus ad Servianum consulem ex Phlegontis ejus liberti habita libris in Saturnini tyranni vita, quam Vopiscus scripsit, Justinus item in *Apologetico ad Antoninum Augustum*, ex eoque Eusebius^g, laudant Adriani epistolam ad L. Minutium Fundanum Asiæ proconsulem de Christianis.

g Lib. 4. Hist. Eccl. cap. 1.

345. Notum est tam Quadratum quam Aristidem dedisse ad Adrianum scriptam Christianæ professionis defensionem. Unde ei non prava de his mens. Immo propitius in Christianos fuit, si verum est quod Ælius Lamprius in *Alexandri Severi* narrat vita^h. Christo templum (ait) facere voluit. Quod & Adrianus cogitasse fertur, qui templa in omnibus civitatibus sine simulacris jusserat fieri; quæ hodie iccirco, quia non habent nomina, dicuntur *Adriani*. quæ ille ad hoc parasse dicebatur; sed prohibitus est ab his, qui consulentes sacra, repperant omnes Christianos futuros, si id optatò evenisset; & templa reliqua deferenda. Dosithei magistri librum continentem *Adriani Imperatoris sententias & epistolas*, unà cum S. Valeriani Cimeliensis Episcopi *De bono discipline* sermone, & S. Isidori Hispalensis Episcopi *De Prælati* fragmento, publici juris fecit Genevæ MDCII. in 8^o. emendata omnia à se & illustrata, Melchior Hamennelton nescio quis. Exstant & Nicolai cujusdam Cætharini *Notæ ad altercationes Adriani Imperatoris*, Avarici Bituricum editæ. Quos libros non vidimus: nisi ea altercatio est cum Episteto, de qua supra.

h Casaubono in *Notis* hujus loci non probatus, quodcum facit S. Paullinus à Baronio adductus ad ann. cxxxvii. num. 5.

346. Fuit & justissimarum legum auctor Adrianus, cum & disciplinam civilem (Spartiani verbis) non aliter tenuerit quam militarem, insignibusque juris consultis uteretur; Julio nempe Celso, Salvio Juliano, Neratio Prisco, aliisque. Plurimum ab eo legibus comprehensorum Spartianus mentionem habuit. Vegetiusque iis ejus constitutionibus, quas de re militari promulgaverat, se profecisse aitⁱ. Tandem Renatus Bottereau, juris consultus Gallus, *Adrianum legislatorem* nobis dedit, quo libro leges omnes Adriani Cæsaris, quæ in Juris libris sunt, historice explanantur atque eruditè. Non hic meminimus *Ἀλεξανδριανῶς*, *Alexandriadis*, Græci poematis, quod Adriano tributum apud Stephanum legimus, scilicet in *Ἀπορίας*, & in *Σύνταξι*, primum ac septimum ejus librum laudantem. Nullus enim auctorem facit hujusce operis Cæsarem, quamvis indubiè ei adscribat Joannes Freinshemius in *Prolegomenis ad Curtii historiam* cap. 4. *De his qui de rebus Alexandri scripserunt*. Placet mihi Gefneri judicium hac in re herentis, cum & Adriani sophistæ esse possit, cujus Philostratus vitam scripsit inter sophistas. Talis utique operis mentionem fecisset Spartianus, si ab Augusto Adriano editum fuisset.

i Lib. 1. cap. 8. De re milit. x Pithævi editum MDCXII. in 8.

347. Vixit Adrianus (si Spartiano credimus) annis LXXII. mensibus v. diebus XVII. imperavit annis XXI. mensibus XI. sive, ut Sextus Aurelius Victor ac Dio Cassius, annis XX. mensibus XI. cum vixisset LXII. tantum. Obiit anno salutis Christianæ CXXXVII. aut sequentium aliquo usque ad quadragesimum.

num. Adeo obscura sunt, tam ingressus quam exitus ejus tempora. Vide Baronium tomo 3. ad annum CXL. Scaligerum libro 5. *De emendatione temporum*, & *Notis ad Eusebii Chronicon*. Salmasium & Casaubonum ad Spartiani *Adrianum*, Petavium latè ac diligenter in Scaligerum & alios animadvertentem, *Notis ad S. Epiphanius librum De mensuris*, excursu *De Romanorum Imperatorum chronologia*.

348. Adriano jure optimo subijcimus, & in hoc amplissimo ordine scriptorum Hispaniæ collocamus MARCUM ANTONINUM, philosophum vulgò jam dictum, cujus proavus paternus Annius Verus, hoc est mascula origo, (uti Julius Capitolinus docet in ejus vita) ex Succubitano fuit Hispaniæ municipio. Hujus meminit Plinius (nec alter, quod sciam) lib. 3. cap. 1. inter Bastitanæ vergentis ad mare oppida, hoc est Bæticæ illius, quæ inter Bætium fluvium & Oceanum (sumit Oceanum pro mari, ut existimq) sita est. *Celeberrima inter hunc (Bætium) & Oceani oram in Mediterraneo Segeda, quæ Augurina cognominatur, Julia, quæ Fidentia, &c. Hippo nova, Illurco, Osca, Escua, Succubo, Nuditatum, Tucci vetus, omnia Bastitanæ vergentis ad mare*. Cujus quidem oppidi memoria tantum superest, locus ignoratur, digni prorsus faventior fortuna, cum Annium hanc gentem Romæ dederit, & in ea præcipuum Marcum hunc Aurelium principem optimum, cui vitæ sanctitas & philosophiæ amor philosophi nomen apud posteritatem peperere. Ita enim is vixit ut Platonis sententiam in ore semper habitam in se ipso cunctis approbaverit, *florere rempublicam, si aut philosophi imperarent, aut Imperatores philosopharentur*. Ita vixit, ut superato apud omnes pietatis conscientia defuncti desiderio, nemo eum in die luctus plangendum censuerit. *Certis omnibus (ait Capitolinus) quod à diis commodatus ad deos rediisset*.

349. Adeo autem is fuit literarum antiquarum studiosus, ut non ulli Græcorum aut Romanorum in genere isto, ut Herodianus ait¹, cedere debeat. Cujus rei testimonio sunt (verbis utar Politiani optimæ interpretationis) *permuta, quæ ab illo dicta atque conscripta ad nos usque pervenerunt*. Indicavit nempe libros duodecim Antonini nomen præferentes, qui hodie existant, & eis *εαυτὸν* inscripti. Hos Suidas^m *τὴν ἰδίαν αὐτοῦ διαγώνην*, propriæ vitæ ductum seu formationem; Nicephorus Callistusⁿ. *εἰς τὴν αὐτοῦ διδασκαλίαν*, seu institutionis librum, Marco filio scriptum, interpretantur. Attamen Suidam non rectè capiunt qui ex ea ejus paraphrasi Antonini *De vita sua* hos libros inscribunt, qui ferè titulus vulgi auribus, nec alius hucusque insedit. Hunc præferunt veteres editiones, de quibus nunc paucis prius quam de germana operis admoneam inscriptione.

350. Accepit quidem id à Conrado Gesnero Tigurino ex bibliothecæ Palatinæ codice Guilielmus Xylander, è Græcoque Latinum factum edidit primum Tiguri an. MDLVIII. deinde iterum Basileæ MDLXVIII. correctus. Sequuta fuit Lugdunensis editio anni

MDCXXVI. Tigurinam, non Basileensem, uti diximus, meliorem, exprimens, cum aliqujus Notis, parum Emerico Casaubono, quem statim laudabimus, probatis. Est & alia Argentinensis^o, quâ Salmasius fuit usus. Nostra verò ætate duo, seorsum tamen, in Anglia viri, Mericus Casaubonus, Isaaci filius, Thomasque Gatakerus, ornandæ huic Spartæ, clarissimoque operi ab erroribus, sive interpretationis, sive editionum, vindicando gnaviter incubuere. Prior ille cum id Anglis vulgare fecit, tum deinde Latinam Xylandri versionem pluribus locis emendavit, Notasque & proprias emendationes adjecit, & Londini in 8^o. apud M. Flesher anno MDCXLIII. edidit. Gatakerus autem adhuc eo posterior typis mandavit Cantabrigiæ anno MDCLII. in Thomæ Buck officina in 4^o. confectam à se olim, & ante quam Casaubonus ederet Antoninum suum, novam ejusdem operis interpretationem, additis annotationibus doctissimis, antiquæ, immo Christianæ philosophiæ verè penu. Inscribunt nempe his libris *ἡς εἰς εαυτὸν*. Casaubonus, *De se ipso, & ad se ipsum*: existimans verbis Græcis utrumque comprehendere; Gatakerus *De rebus suis, sive De his quæ ad se pertinere censebat*. cum neque rejiciat *P*, *De his quæ propter se, aut in usum suum descripserat*, interpretantes. Lilius tamen Giralduus M. Antoninum *ἐκ τῆς κατ' αὐτὸν*, ex iis quæ apud se essent, quomodo videtur legisse titulum operis, citat. Hoc ante paucos annos è Græco fonte in Italiæ vernaculum derivavit sermonem, dignissimum quidem in omnes verti linguas opus, quamvis suppresso nomine, Romanæ decus purpuræ, Franciscus Cardinalis Barberinus, edique fecit Romæ apud Jacobum Dragonellum MDCLXXV. in 12^o unâ cum breviori vita auctoris ac doctis quibusdam annotationibus.

CAPUT XVI.

DE LUCIO ANNÆO FLORO. *Hispanum hunc, & ex Annæa gente. Taxantur ii qui Galliæ originem imputant. An idem cum Floro poeta? & unde ei hoc cognomen FLORI? Rerum Romanarum nostri Epitomen non esse è Livio compendium. Qualesnam hujus Epitomes stylus & virtutes? Quinam ejus editores & vindices? De argumentis librorum Livii eidem tributis. An is auctor Octaviæ tragædiæ, quæ Seneca præferebat nomen?*

351. ERUDITORUM ferè communi consensu^q Annææ Hispanæ genti, & Hispaniæ ipsi LUCIUM ANNÆUM FLORUM *Epitomes historie Romanæ* auctorem, qui sub Trajano & Adriano vixit, accensemus. LUCII prænomen esse ei in aliquibus libris pro JULII, quod in aliis est, affirmant Lipsius & Pontanus: sicut & ANNÆI familiare nomen firmatur eidem librorum veterum scripturâ, habetque id princeps & antiquissima editio, Nazarianusque ille codex manu ante octingentos, & amplius, annos exaratus, quo usus fuit Claudius Salmasius^r. Qui codex etiam

^o Vide Gatakerum in præloquio ad Antoninum suum.

^p Principio annotationum pag. 1.

¹ Intit. lib. 1. Hist.

^m In verbo: *Μαρκος*.
ⁿ Lib. 3. cap. 11. Hist.

^q Lipsius 2. *Elæz.* cap. 5. 10. Isaacus Pontanus in *Oratione Isagogica ad Florum*. Vossius *De hist. Latin.* lib. 1. cap. 30. Rupertus *Obsev.* ad Florum.

^r Laudat in *Prologo ad Flori* editionem, & passim in *Notis*.

etiam auctori passim tributum FLORI agnomen præfert.

q Lib. 21. *Comm. urban. sive De anthropologia.*

t Lib. 10. c. 3.

u Ubi supra.

x *Observat. ad Florum.* p. 4.

y *Comm. ad hist. infub. lib. 5.* pag. 4.
z *Oras. Ifagogica ad Florum.*

a Salmasio in *prolog. ad suum Florum.*

b Ubi supra.

c In *Notis ad Florum*, principio.

d In vita Adriani.

e Salmasius ad *Spartianum*.
Rupertus obs. ad *Florum*, initio. Vossius ubi supra. Hanius *De Rom. rerum scriptorib.* par. 1. cap. 15. art. 1. §. 5.
f Pag. 38. coll. veter. gramm.
g Pag. 113.

h Obs. ad *Flor.* pag. 2.

i In *collectione epigrammatum veterum.*

352. His ex fide veteris scripturæ jactis, repellendum sequitur Raphaëlis Maffæi Volaterrani dictum^s, Flori nempe nostri parentem esse Julium Florum, quem M. Fabius^t loquens de Julio Secundo familiari suo, laudat in *eloquentia Galliarum* (ubi eam exercuit) principem, Julii jam dicti Secundi patrum appellans; quem temerè id uti certum affirmantem ex conjectura tantum Vossius sequitur^u, seu filium, seu nepotem illius nostrum existimans. Christophorus vero Adamus Rupertus^x nostra ætate id non credit, cum referat, idem de Julio Floro quod Volaterranus Ericium Puteanum^y sensit. Miror sanè Joannem Isaacum Pontanum^z Volaterrano attribuire diversum quid, nempe *Lucium Annæum Florum* nominasse *Julium Florum Secundum*, quod existimasset eundem cum Julio illo Secundo esse Quintiliani æqualem & familiarem; cum Volaterranus neque eo nomine appellet, neque cum Secundo Florum confundat. Planè tributa nostro passim *Annæi*, atque in plerisque veteribus libris etiam *Senecæ*, ut Vossius affirmat, nomina, conjecturam istam refellunt.

353. De *Flori* cognomine magis ambigas: nam ex quo in antiquis libris non esset, sed *Lucii Annæi* tantum, Lactantius Firmianus nonneminem^a videtur existimasse ex *Senecarum* gente esse auctorem hunc epitomes, cujus Romanæ urbis temporum in ætates distributione laudatus Lactantius utitur; atque ideo hunc *Senecæ* nomine, non philosophum, quod aliis placet, subindicare voluisse. De qua re Vossio^b magis quam Salmasio hujus conjecturæ credimus auctori; cum perspicuum sit non eam distributionem ætatum fieri in epitome, quam *Senecæ* Lactantius tribuit. Freinshemius quoque dubitat^c de *Flori* cognomine; quod quidem ansam dedit recentioribus cogitandi hunc eundem esse *Florum* poetam, cujus versiculos ad Adrianum, rursusque alios Adriani ad eum, Spartianus memorat^d. Ita credunt electissimi hujus sæculi rerum hujusmodi observatores^e. Certè *Annæi Flori ad Adrianum*, sive epistolæ sive libri, verbis utitur Charisius grammaticus lib. 1. *De analogia* tractans^f. Nam & Varro (ait) sic inscribit librum suum: *De poematis. & Annæus Florus ad D. Adrianum: Poematis delektor*. Quæ & alibi ejusdem libri^g referuntur verba. Item & hæc alia: *Florus ad D. Adrianum: Quasi de Arabe aut Sarmata manubias*. Confirmatque stylus epitomes ad poeticum accedens, quod exemplis firmat Rupertus^h. Idem cum Salmasio non abnuat hujusmet *Flori* esse fragmenta illa quæ Pithæus ediditⁱ, *De qualitate vitæ*, & *Pervigilium Veneris*, itemque amœnissimum illud ab eodem Pithæo primò vulgatum:

Venerunt aliquando rosæ. Prob veris amœni Ingenium! Una dies ostendit spicula florum, Altera pyramidas nodo majore tumentes: Tertia jam calatbos: totum lux quarta peregit Floris opus. Pereunt hodie nisi mane legantur. Sed circa *Flori* & *Senecæ* cognomina, uti Lu-

cius Annæus Novatus, Marci Senecæ filius, Lucii philosophi frater, à Gallione adoptatus, Junius Gallio deinde appellatus fuit; ita existimat Vossius Lucium Annæum Senecam nostrum, in *Flori* alicujus familiam transitu per adoptionem facto, Lucium Annæum *Florum* vocari deinceps potuisse.

354. Scripsit, quisquis ille sit, sub Trajano Aug. *Rerum Romanarum epitomen* libris quatuor. Sub Trajano, inquam, cum sub eo movere Imperium lacertos dicat^x, quod antecessorum inertia veluti consenuisset. Scio placuisse aliquibus^l aliam ejus loci lectionem, scilicet: *Sub Trajano principe movit lacertos*. ad Adriani tempora remittentibus scriptorem. Quam scripturam non refellit tantum id quod sequitur cum præsentis verbo: & præter spem omnium, senectus Imperii, quasi reddita juventute revirescit; sed & optima ratio, non prætermittendum *Florum* quicquam in laudem Adriani, post sic magnificè laudatum Trajanum, dicere; si prudens, immo urbanus videri volebat. Consentunt in hoc optimus quisque *Flori* illustratorum^m. Quâ autem *Florus* fronte dixerit à Cæsare Augusto in sæculum suum, quo scribebat, non multò minus esse annos ducentos; cum ab novo principatu Augusti ad Trajani postrema nonnisi cxxiii. anni numerentur? Observare jam viri eruditi hunc nodum; & pars solvere, pars autem scindere amant. Vide Vossium, Rupertum, Salmasiumque, à quibus pete quid probabile sit *Florum* dixisse.

355. Ne autem quis intelligat librorum seu historiæ Titi Livii epitomen hanc esse, uti Justinus epitomator Trogi Pompeii fuit, notatum quoque à Lipsioⁿ, Pontano^o, Vossioque^p non eum eadem lineâ cum Livio ire, sed abire ab eo frequenter, immo à vero: multos enim metachronismos, multos etiam prochronismos est in eo deprehendere: quod notatum quoque à Ruperto^q & Vossio^r. At opus quidem compositè, disertè, eleganter scriptum, audit à Lipsio, in quo subtilitas, brevitatisque sæpe mira, & sententiarum quedam gemmule cum judicio insertæ & veritate. Christophorus Colerus^s, tersissimum libellum, ac nihilo minus jucundè spectandum quàm *Apellis tabulas: compositum* quidem & elegans judicioque magno cum subtilitate & brevitate sententias in tanta rerum varietate inferens. Salmasius elegantissimum *Rom. historie breviarium* vocat^t, alibi que^u politissimum, elegantissimum, acutissimumque scriptorem *Florum*. Quomodo & Vossius^x, elegantem, disertum, ac verè floridum: subjungit tamen, si pauca frigide dicta excipias. Sed quibus argutari semper in proposito est, hi in hunc scopulum non infrequenter impingere solent. Hujus scriptoris *Romanæ historie compendium* statuat elaboratissimam corymbia simul arte & materia inter monumenta veterum eminentem mihi (Barthius ait^y) referre videtur. Tumorem alii, & affectationem, stylumque potius poeticum & panegyricum, quàm historicum, alii excipiunt^z, à quibus supradictæ ei disertæ & amœni atque elegantis auctoris laudes conferuntur.

x In *prolog.*

l Joanni Camerti, & Claudio Salmasio.

m Freinshemius, Rupertus ad hunc locum, Vossius ubi supra.

n Lib. 2. *eleth.* cap. 5.
o *Oras. Ifagogica ad Flor.*
p Lib. 1. cap. 30.

q Pag. 5.

r Ubi proxima.

s *Epist. De studio politico.*

t In *Notis ad prologum.*
u In fine *Notarum.*
x Ubi supra.

y Ad lib. 1. *Tibeb.* v. 334.
z Videndi Rupertus ad lib. 1. cap. 10. §. 8. & cap. 13. §. 17. 19. 21. Barthius lib. 18. *Adv.* cap. 18. & *Notis in Rutilii Isæac.* pag. 65.

356. Hujus principem editionem passim laudant interpretes ^a, nec indicant tamen. Philippus certè Beroaldus post typographiam magno literarum bono inventam, primus apposuit manus huic operi medicas: nihil tamen sæpe minus (ait alicubi Rupertus ^b) quàm medicas. Joannes item Riccius Vellinus, vulgò à patria dictus Camers, ordinis Minorum, Notis præluxit, quas edidit Hervagius Basileæ anno MDXXVIII. iterumque MDXXXII. Colonizque ann. MDXXXVII. Gymnicus. Moguntiz item alius MDLI. 8^o. atque antea Parisiis Christianus Wechelius MDXLII. unà cum Sexti Rufi Breviario. Præcesserat tamen Veneta editio non indiligens (judicio Joannis Freinshemii ^c) anni MDX. atque alia Aldina ejusdem urbis MDXXI. si Gesnero credimus. Aliam dedit multis post annis Hieronymus Commelinus, quæ correctissima existimata est à Salmasio ^d. Joannes Stadius Brabantus, vir magni habitus à Josepho Scaligero, professor historiz & mathematicarum artium Parisiensis, ornandæ huic Spartæ successit, ediditque vivus Florum cum commentario Coloniz MDLXXIX. decedenteque eo, paullo post filius Hieronymus auctius & emendatius subjecit iterum Plantiniano prælo MDLXXXIV. Prodiit & Coloniz (aliàs Antuerpiæ) iterum MDC. semper in forma octavi, ut vocant.

357. Eliæ Vineti quoque Florus, nescio quo anno, auxit harum editionum pulcherrimi operis catalogum, in pluribus mutatus ex mss. codicibus, ut Salmasius notat ^e, ægreque habet. Gruterus & Notas addidit editioni Heidelbergensi MDCIX. quæ & Salmasianas continet. Claudius enim hic Salmasius nactus codicem, quem Nazarianum vocat, ante octingentos annos scriptum, alioque, mirè illustravit hanc epitomen correctionibus & Notis, quas deinde Lugduni Batavorum edidere MDCLV. 8^o. tertioque cum variis Amstelodamenses, ut mox dicemus. Cum Joannis Freinshemii, aliorumque selectis Notis & locupletissimo indice Argentinz prodiit MDCXXXII. in 8^o. & MDCLV. cum brevibus Notis & observatis, maximè politicis, Joannis Isaaci Pontani. Amstelodami iterum ex officina Janfonii MDCXXXV. in 24^o. cum Zevecotii observationibus, præcipuè quoque politicis, Hardevici MDCXXXIII. 12^o. & Amstelodami MDCXXXVIII. 12^o.

358. *Florus illustratus*, sive Christophori Adami Ruperti observationes ad Lucium Annæum Florum, politicæ, morales, historiz, philologicæ, criticæ, typis Norimbergensibus Joannis Tauberi in manibus omnium eruditorum nunc est, & jure quidem; cæteris enim istiusmodi ejus operibus paria facit, & utilissima & pulcherrima continet. Joannes post omnes hos Minellius (qui ad Farnabii Thomæ formam pluribus veteris ævi scriptoribus facem notarum brevissimarum accendit, ad oramque librorum disposuit) de Floro inter alios benemeritus est. Prodiit auctor his conspicuus tum anno MDCLXIV. tum MDCLXX. Roterodami ex domo Arnoldi Leers. Ad hæc Florus cum variorum Notis, *Bibliotheca vetus Hispana* Tom. I.

integris nempe Salmasii, & selectissimis aliorum, unà cum *Ampelio*, è bibliotheca ejusdem Salmasii producto, agmen elegantissimarum clauderet editionum Amstelodami apud Elzevirios anno MDCLX. in 8^o. excusus, nisi unus ex eis libris veterum poetarum & historicorum qui ad usum Delphini Galliarum renovata opera illustrati atque editi sunt, *Lucius Annæus Florus cum interpretatione & Notis Annæ Tanaquilis Fabri filie*, quæ in Dyetis Cretensis Daretisquæ Phrygii pseudo-historiis Trojanis similem navavit operam, Parisiis MDCLXXIV. in 4^o. emissus in publicum fuisset. Ut præteream quod cum aliis Latinis scriptoribus Romanæ historiæ, tum Hanoviz MDCXI. tum Genevæ ex officina Petri de la Roviere MDCXXIII. in folio, necnon & in collectione, quam vocant *historie Romane epitomen*, Amstelodamensi MDCXXX. in 16^o. & in historiæ Augustæ scriptorum Latinorum minorum, quam quibusdam animadversionibus Marcus Zuërius Boxhornius illustravit, Lugduni Batavorum anno MDCXXXII. in 12^o. edita fuit hæc epitome.

359. Hæc ferè omnes editiones, post quatuor historiæ in compendium redactæ hos libros, argumenta librorum Titi Livii centum & quadraginta eidem Floro passim adjudicari solita comprehendunt; ex quo opere, & quidem optimi commatis, scire nobis est in perditis magno literarum Latinarum, magno Romanæ antiquitatis malo, eorundem pluribus quid contineretur, quidque hodie ex serie illa rerum inclytæ Reip. gestarum posteris desiderare debeant. Suspensus quoque Gerardus Joannes Vossius fuit (sed suspensus tantum) posse hujus Lucii Annæi Flori esse *Octaviæ* tragædiam, quam, cum certo certius sit philosophum non habuisse auctorem, vero simile videtur è proximo aliquo Annæi, aut fortè Senecæ (quomodo, uti diximus, appellatur noster in nonnullis libris) nominis fundo in viciniam Senecæ tragædiarum commigrasse. Intercipit tamen Philippus Brietius postremus Latinorum poetarum censor. *Quod autem Vossius putat* (inquit ^f) *ejus esse Octaviæ; si ex fragmentis statuere licet, magna ex isto factu Annæo Floro imputatur injuria. Quæ de Floro satis.*

^f Lib. 3. De poetis Latin. antea acutè dista poetarum.

CAPUT XVII.

De ANTONIO JULIANO ab Agellio & Minucio Felice laudato. Ejus De Judæis opus, sub Adriano. Os Hispanum quid apud Agellium. Ejusdem commentaria. De VOCONIO ROMANO saltem à matre Hispano. Saguntini lapides. Gasparis Escolumi in iis exponendis non rectum judicium. Ejus carmina ab Adriano Casare laudata.

360. **V** Aldè celebris est in Nostrum Atticarum Agellii, sive Auli Gellii grammatici libris hujus temporis rhetor ex Hispania ANTONIUS JULIANUS. De quo ea omnia ibidem annotata strictim colligere animus est, si relicto tantisper Agellio, qui nullam scriptoris laudem certò ei consignat, aliunde hanc

L

hanc eidem non temerè asseramus. Minucius Felix in aureo libello, quem ab Octavii nomine inscripsit, de Judæis loquens variæ eorum fortunâ, quum obsequentes numini fuere prosperrimâ, quum refractarii iniquâ; scripta eorum (inquit) relege: vel si Romanis magis gaudes, ut transeamus veteres, Flavii Josephi, vel Antonii Juliani De Judæis require; jam scies nequitia suâ hanc eos meruisse fortunam, nec quicquam accidisse, quod non sit bis si in contumacia perseverarent, anti prædictum.

g. Lib. 3. De
dist. Latim. par-
te altera pag.
196.

361. Vidit hunc locum Gerardus Joannes Vossius, nec ausus est de hujus Juliani ætate affirmare quicquam, iccircoque ad incertæ historicos rejecit. Sed cum nomen idem sit cum ejus qui ab Agellio commendatur; accedit & non spernenda ejusdem quoque ætatis conjectura. Nam scripsisse hunc Minucianum De Judæis auctorem circa Adriani tempora, quibus excissa est prorsus ea gens, aut exsul ire à Hierosolymis iussa, non temerè affirmes. Objecerat Cæcilius ethnicus Octavio, quorum duorum de religione disputationem continet iste Felices dialogus: *Judæorum sola & misera gentilitas* (pro gente dixit) *unum & ipsi Deum, sed palam, sed templis, aris, victimis, ceremoniisque colerunt; cujus adeo nulla vis nec potestas est, ut sit Romanis numinibus cum sua sibi natione captivus.* Cui ea quæ jam produximus respondet Octavius, his etiam additis: *Ita prius eos (Judæos) deseruisse comprehendens, quàm esse desertos: nec, ut impiè loqueris, cum Deo suo captos, sed à Deo, ut discipline transfugas, deditos.* Quæ omnia videntur ad ejus nationis ultimam auspiciis Adriani debellationem referri debere; cum res tunc temporis gestæ in recenti memoria essent; eaque expeditio Adriani dedisse Antonio Juliano De Judæis scribendi occasionem, uti expeditio Trajani Titique anterior Flavio Josepho describendi bellum Judaicum dederat.

362. Si autem, ut suspicamur, historicus iste, rhetor ille Agellianus est; ejus grammatici calamo describi jam à nobis debet. Lib. 1. cap. 4. ait: *Antonius Julianus rhetor perquam fuit honesti atque amœni ingenii, doctrinâ quoque istâ utiliore ac delectabili, veterumque elegantiarum curâ & memoriâ multâ fuit.* Ad hoc scripta pleraque omnia antiquiora tam curiosè spectabat, aut virtutes pensitabat, aut vitia rimabatur, ut judicium esse factum examissim diceret. Idem lib. 18. cap. 5. *Viram hercle bonum, & facundiæ florentis appellat.* Lib. 18. cap. 9. sic inquit: *Adolescens è terra Asia de equestri loco, lætè indolis morisque, & fortunâ bene ornatus, & ad rem musicam facili ingenio ac libenti, cœnam dabat amicis ac magistris sub urbe in rusculo celebrandæ lucis amuæ, quam principem sibi vitæ habuerat. Venerat tum nobiscum ad eandem cœnam Antonius Julianus rhetor, docendis publicè juvenibus magister, Hispano ore florentisque homo facundiæ, & rerum literarumque veterum peritus.*

363. Narrat inde Agellius rogatu Antonii quosdam illius adolescentis pueros puellisque quædam ex Anacreonte aliisque Græ-

cis cantasse; qua occasione exprobrantibus qui aderant Græcis, *Julianum rhetorem lacerare cœpisse, insectarique tanquam prorsus barbarum & agrestem, qui ortus terrâ Hispaniâ foret, clamatorque tantum & facundiâ rabidâ jurgiosaque esset* (declamatorem intelligentes) *ejusque linguæ exercitationes doceret* (Latine scilicet) *quæ nullas voluptates, nullamque mulcedinem Veneris atque Musæ haberet.* Et quæ sequuntur. Subditque responsionem Juliani, atque opposita ab eo iis quæ ex Anacreonte aliisque cantata fuerant, amatoria & tenera, Latinorum tria epigrammata, Valerii nempe Æditi, Portii Licinii, & Q. Catuli, sanè veteri poetarum, quibus (ajebat) *mundius, venustius, limatius, pressius, Græcum Latinumque nihil quicquam reperiri putabat: vereque dignum existimo ea subicere, quæ recitaturus illa carmina Hispanus noster præmississe dicitur: Permittite mibi queso* (hec ejus verba) *operire pallio caput, quod in quadam parâ pudica oratione Socratem fecisse ajunt.* Id est (ut credimus) *os Hispanum*, quod Agellius nostro tribuit, hoc est verecundum, modestum, grave ac ferium; quod injuriâ quidem solet ab exteris hominibus arrogantie insimulari superbieque. De eodem Juliano alia refert idem auctor lib. 9. cap. 14. & lib. 15. cap. 1. ubi *declamationes ejus scholasticas*, quarum unius meminit eo capite, *ejusdem semper esse ait facundiæ; non ejusdem tamen quotidie felicitatis.* At videtur idem Agellius *commentariorum* Juliani meminisse: ut jam eo etiam capite *Bibliothecæ* pars audire valeat.

364. Narrat Agellius docuisse eum familiares suos quadam die, in versu Ennii isto:

Denique vi magna quadrupes eques atque elephanti

Projiciunt sese.

Eques, non *equus*, ut aliàs, legi debere: quod probavit Virgilio atque Lucilio testimoniis, reperiri que affirmans ita scriptum in codice emendatissimo. Concluditque Agellius: (capite nempe 5. libri 18.) *Hactum nobis Julianus, & multa alia, eruditè simul & affabiliter dixit. Sed eadem ipsa* (adjungit) *post etiam in pervulgatis commentariis scripta offendimus.* Cujusnam, nisi Juliani? Sed *commentarii* propriè sunt nudæ narrationes sine aliquo ornatu, digerendæ postmodum in historiam, seu aliud scripti genus, uti ex Cicerone docent etymologi^h. Adversariæne explicabimus? sed *pervulgatorum* resistit nota. *Adversaria* enim promptuaria sunt rerum observatarum, non ut edas, sed ut opportunè utaris. Sed pervulgata sunt forsan post ejus obitum, velut aliæ quævis schedæ relictæ. Dicam libere solennibus verbis: Nondum liquet.

365. Inclytum quoque fuit sub iisdem principibus Nerva Trajano Adrianoque Hispanum VOCONII ROMANI nomen, à Plinio Cæcilio in pluribus epistolis celebratum, præcipuè ad Priscum scribens: *Is erit Voconius Romanus. Pater ei in equestri gradu clarus, clarior vitricus, immo pater alius: nam huic quoque nomini pietate successit. Mater è primis ceterioris Hispaniæ. Scis quod judicium provinciæ illius, scis quanta sit gravitas. Ipse flamen pro-*

h Vossius in
etymolog.

i Lib. 2. ep. 13.

ximè fuit. Scire aves ejus, quem Prisco commendat, alias, scilicet proprias, dotes? *Hunc ego (ait) cum simul studeremus, amè, familiariterque dilexi: ille meus in urbe, ille in secessu contubernalis; cum hoc seria, cum hoc jocos miscui. Quid enim aut illo fidelius amico, aut sodale jucundius? Mira in sermone, mira etiam in ore ipso vultuque suavitatis. Ad hoc ingenium excelsum, subtile, dulce, facile, eruditum in causis agendis. Epistolas quidem scribit, ut Musas ipsas Latine loqui credas. Amat a me plurimum, nec tamen vincitur. Etenim juvenis statim juveni, quantum potui per etatem avidissime contuli, & nuper ab optimo principe trium liberorum jus impetravi: quod quamquam parce & cum delectu daret; mihi tamen tantquam eligeret, indulgit. Prætermitto alia illic videnda. Inscriptæ sunt item Voconio Romano, sive Romano tantum, quod fortè idem est, epistola 5. libri 1. prima libri 2. 13. libri 3. quâ misit ei corrigendum Panegyricum Trajano dictum, etiam cum viri doctissimi nota: pertinet & epistola 3. libri 10. quâ a Trajano eodem petit Voconio lati clavi honorè, hoc est in senatoriū ut promoveretur ordinem. Ceteræ Romano inscriptæ, an ad aliū Romanum pertineant affirmare non ausim, scilicet 15. & 23. lib. 6. octava lib. 8. septima & vicesima octava lib. 9.*

366. Novimus quidem ex Plinio materiam saltem Hispanam Voconii originem, & provincia quam vocabant citeriorem. In qua, scilicet in Saguntinæ urbis reliquiis, *Murviadro* hujus temporis, Valentini regni, purum putum inscribitur cuidam lapidi Voconii Romani nomen. Ecce illum:

VOCONIVS ROMANVS
PATRI OPTIMO.

Fortè Voconii pater uxorem duxerat ejus matrem Sagunti, unde ea domo erat; cujus filius, quantumvis Romæ agens, obeunti diem suum statuam in urbe illa crexit. Contulit tamen se deinde mater ad virum alterum, qui Voconium in filium adoptavit, eique tam hic alter parens quàm mater locupletem censum reliquere. Plinii hæc paullò antè præmisi-mus: *Pater ei in equestri gradu clarus, clarior vitricus, immo pater alius: nam huic quoque nomini pietate successit. sive ut aliis placet, nam huic quoque nomine & pietate successit. Sed clariùs eadem de re ad Trajanum: Pro moribus Romani mei, quos & liberalia studia exornant, & eximia pietas, que hanc ipsam matris liberalitatem, & statim patris hereditatem, & adoptionem à vitrico meruit. Auget hæc & naturalium & paternarum facultatum splendor &c.*

367. Qua stante adoptione necessarium Voconio fuit vocari deinceps adoptantis etiam nomine. Unde à vero non abludit pertinere ad eum & alteram ex duabus his Saguntinis inscriptionibus: nam de utraque nondum assentio Gaspari Escolano¹. Valentinarum rerum historico id affirmanti^m.

POPILIAE. L. F.
RECTINAE AN. XVIII.
C. LICINIVS C. F.
GAL. MARINVS
VOCONIVS ROMANVS
VXORI.

Bibliotheca vetus Hispana Tom. I.

Hic sepulchralis lapis in gradibus quibus ascenditur ad ædem maximam vel hodie superstes est. Conspicitur eodem loco alter, qui præfert statuae dedicationem, cujus erat basisⁿ:

C. VOCONIO C. F. GAL.
PLACIDO AED. II. VIRO
II. FLAMINI II. QVÆSTORI
SALIORVM MAGISTRO

Ut priorem illam inscriptionem asseramus nostro (quod & Ambrosio Morali arrisit^o) o Lib. 9. cap. 16. movet in primis integrum nomen Voconii Romani, quod utique aliàs non legitur, quantumvis plures exstant Voconiis inscripti lapides cum aliis cognominibus Paulli, Vacculae, Vituli, apud Gruteri *Thesaurum* p: deinde quòd integrum non minùs exstet ibi assumptum & ascititium aliud ex lege adoptionis, Licinii videlicet Marini. Retinuisse etenim cum novo etiam vetus nomen eos qui in alienam familiam transiissent, vel exempla Trajani post Nervæ adoptionem Nervæ Trajani, atque item Adriani post Trajani ejusdem adoptionem Trajani Adriani, dictorum, etiam si innumeris deficeremur aliis, persuaderent. Nam quod Escolanus PLACIDI, alterius lapidis cognomen, suspicatur ei ab ingenii elegantia & festivitate inditum, parum urget; sicuti nec FLAMINIS nota adjuncta, quod munus gessisse nostrum Plinius dixit ad Priscum scribens: id etenim non tam rarò contingebat munus, ut veluti proprius esse debeat hujus, de quo agimus, Voconii characterismus; cum Voconiorum, Vacculae, & Paulli monumenta superiùs laudata q, hoc etiam Flamini honore conspicua sint.

368. Sed pergit idem Escolanus ultra, sumpto ex Licinii hoc adoptivo nomine argumento, ut credat hunc ipsum Licinium esse poetæ Martialis amicum, de quo Escolanus agere credit duo ejus epigrammata. Quem errorem excusare frustra erit, cum eorum alterum & disertissimè conceptum sit de Licinio Sura, cui Plinius literas dedit^s, quique Consul fuit: alterum ad Licinium Augusti libertum ditissimum, quem sumptuosissimè tumulatum fama est, utique sit referendum. Nec item Voconii hujus Romani res agitur in epigrammate alio^t ad *Thesylum* puerum, in quo & inadvertenter lapsus idem auctor fuit. Nam cujus in eo carmine doctos libellos poetamque Valerius celebrat Martialis, apertissimè is Voconius Victor semel atque iterum appellatur.

369. Non igitur ex Licinio data doctrina, Voconiove poëseos laude à Martiali, assignabimus in hac nostra scriptorum sylloge Voconio Romano locum; sed ex L. Appuleji his verbis *Apologie primæ*, quæ ad eum pertinere credimus: *D. Adrianus, cum Voconii amici sui poetæ tumulum versibus veneraretur, ita scripsit:*

*Lascivus versu, mente pudicus erat.
Quod nunquam ita dixisset, si forent lepidiora
carmina argumentum impudicitie habenda. Hec Appulejus.*

n Thef. pag.
489. 10.

p Pag. 489. 9.
& 11. & pag.
58. 3.

q Thesauro.
pag. 489. 9. 11.

r Epig. 46. lib. 7.
s Epig. 30. lib. 4.

t Lib. 7. epig. 28

Gruteri The-
saur. pag. 748.

1 Lib. 7. Epig.
valens. cap. 18.

m Thef. Inscr.
ptionum pag.
118. 6.

CAPUT XVIII.

De scriptoribus incertè aut prorsus falsò Hispanorum catalogo accensitis. JUVENALEM, PHILONEM HEBRÆUM, CLAUDIANUM, uti & ARISTOTELEM, ineptissimè à quibusdam Hispaniæ attribui: sicuti & JUSTINUM Trogum epitomatores. Plausibilis autem TROGUM POMPEJUM & SILIUM ITALICUM. Trogum origine Gallum fuisse. Martinus Polonus, Joannes Ægidius Zamorensis, & alii, curiositatis indiligentis expositantur. Juliani & Hauberti falsa chronica. SILIUM ITALICUM magis verosimiliter Hispaniæ adscribi; sed non sufficienti argumento ex ITALICI cognomine. ITALICUS & ITALICENSIS diversa gentium nomina. Italica alia in Pelignis Italiæ populis, sive Corfinium. Ab Italica etiam Italicus. De cohorte Italicensi, cujus Cornelius in Actis centurio, figmentum pseudo-Dextri ex transcursum taxatur.

370. PRIUSQUAM duobus his primis sæculis vale dicamus, lucubratorum istarum quicquam iis auctoribus mancipandum est, quos lubrica fides, nonnullorumque recentiorum auctoritas Hispanorum scriptorum catalogo accenset. JUVENALEM aliquos nostratem dixisse, qui sub Domitiano floruit, annotare erubescerem, nisi Joannes Vassæus, vir diligens, historicusque nostrarum rerum non contemnendus, id scriptum reliquisset. *Juvenalem* (inquit) *sum qui Hispaniis adscribant, quod ego nec affirmare possum neque refellere.* Subjungitque: *Illud rectè commemini, ante annos xv. vidisse me Segobiæ, dum illic in aula Isabelle Augustæ agerem, in turri quadam è regione portæ D. Andreæ saxum, cujus hæc erat inscriptio:*

PVBLIO IVVENALI IVVENALIS.

Hæc ille. Quos autem ille auctores hujus rei habuerit, subicere non debuit, si memoratu digni essent. Quod ipsum dico de Stephano Garibajo, qui similiter loquitur x, & historico Segobienfis urbis Didaco à Colmenares, qui civibus suis adulandi hanc non prætermisit occasionem. Cum versus illi, quorum vim declinare præsumit, ex fine tertie satyræ, clariores sint quam ut de patria ejus Aquino dubitare possimus: quod & vidit vetus ejus interpret. Nec inscriptus lapis JUVENALIS nomine in Hispania ulterius quid suadere videtur, quam inde occasionem ab aliquo sciolo arreptam affirmandi de Juvenalis patria Hispania: quod alias nusquam legitur. Nec nos palpum civibus nostris obtrudere nati sumus.

371. Adhuc magis mirum videri debet, quod quidam PHILONEM HEBRÆUM natione, (ut loquitur S. Hieronymus) patriâ (uti Photius & Suïdas) verè Alexandrinum ex Ægypto, Græcum scriptorem, in Hispania natum, Alexandriæ tantum incolam asseverare nullo quidem auctore sit ausus. Joannem Andreæ Quenstedt Lutheranum intelligo, qui *De patriis illustrium doctrinâ & scriptis virorum* dialogum scripsit.

372. CLAUDIANUM quoque poetam ejusdem urbis Alexandriæ nobis imputat Fabri-

cus Gaubertus in prologo *Historiæ suæ Aragoniæ Regum*.

373. Sed jungamus hos errores cum eorū errore, qui ARISTOTELEM Hispanum credidere, nempe Lucas Tudenfis in prologo ad chronicon *De laudibus Hispaniæ*. Joannes Ægidius de Zamora, quem paullo post laudabimus, in quibusdam *Adversariis*; quibus crediderunt ex nostris recentiores nonnulli.

374. Frequentioribus autem contenditur testimoniis TROGUM POMPEJUM Augusti ævi historicum, cujus *Philippicarum historiarum* dedit posteris, quod hodie superstes est, brevium Justinus, nostratem esse. Ex Joannis Ægidii Zamorensis Franciscani, qui sæculo decimo tertio literas coluit historicas in Hispania, sæculique barbariem in pluribus sapit, fragmentis adhuc ineditis hæc sunt, quæ captum hominis non obscure produunt: *De Pompejo Trogo* (ait) *sic legitur in chronicis summorum Pontificum & Imperatorum: Pompejus Trogus natione Hispanus floruit Antonini Pii tempore. Hic totius orbis historias à tempore Nini Regis Assyriorum usque ad monarchiam Cæsaris Latino sermone deduxit, distinguens per libros XLIV. quorum abbreviationem fecit Justinus, ejus discipulus. Qui Justinus philosophus Antonino Pio librum de Christiana religione compositum tradidit, & benignum cum Christianis fecit.* Exscripsit nempe Martinum Polonum Dominicanum, cujus est *chronicon illud summorum Pontificum atque Imperatorum*, cumque eo confudit utrumque Justinum, ethnicum Latinum, & Christianum Græcum: de quibus, & errore isto Martini, post Joannem Vassæum & consuli Gerardus Vossius a debet. Iisdem vestigiis ire videas Joannem Gerundensem Episcopum b, Lucium Marineum Siculum c, Franciscum Tarrafam d, Gaubertum Fabricium e, aliosque facile credulos. His adjungo auctorem ficulneum pseudo-chronici Juliano archipresbytero Toletano adscripti, quo habetur f, Bletissæ (*Ledesma* hodie est Castellæ veteris oppidum) Trogum fuisse natum. Cui consentit Haubertus Hispanensis in ejusdem farinæ chronico g.

375. Immo & JUSTINUM ipsum nonnullis creditum esse Hispanum Vassæus tradit h. Incerta hæc prorsus aliunde quam ex Martini, & Pseudo-Juliani, & Pseudo-Hauberti chronicis persuaderi debuissent. Nos certi sumus Trogum origine Gallum fuisse, ex Vocontiis Galliæ Narbonensis populis, quod ipse lib. 10. referente Justino i, annotatum posteris reliquit: Julianumque & Haubertum supposititios esse auctores, alibi à nobis falsitatis suæ arguendos. Iccirco hunc minimè agnoscunt Hispaniæ civem, qui ornandæ historiæ nostræ ascitiis & exteris opus non esse prudenter existimant, Ambrosius Morales k, Joannes Vassæus l, Stephanus Garibajus m, Andreas Garfias Matamoros n, cæteri.

376. Adhuc magis pro SILIO ITALICO Hispaniæ asserendo connituntur nonnulli ex nostris, nec sine aliqua ex vero adducta similitudine; maximè cum pro extera ejus patria nihil argumentorum suppeditari videant. Quare his litem non intendimus usurpati alieni.

x In Chron. Hispaniæ ad ann. Christi xc.

x Lib. 7. comp. Hist. Hisp. cap. 12.

y Garibailib. cap. 8. Enciso Geographia fol. 34. Torreblanca De jure spirituali fol. 19. Gongora Hist. de Navarra. quos ridet Joannes Genesius de Sepulveda Epistola quadam.

z Chron. Hisp. ad ann. Christi cxi. a Lib. 1. de R. Las. cap. 32. b Principio Paralipom. Hisp. c Lib. 7. De laud. Hisp. d De Regibus Hisp. in Tito Antonino. e In prologo Hist. Aragoniæ. f Num. 50. g Anno cix.

h Ubi supra.

i Lib. 43. cap. 5. in fine.

k Lib. 9. cap. 17. l Ubi supra. m Lib. 6. cap. 26. n In Apologético, fine.

ni. Lucem tamen aliquam huic rei dabimus ostensis utrimque rationum momentis. Stant utique pro Hispana ejus origine, non dico vetus, natæque typographiæ æqualis persuasio: nam in primis editionibus apposita ejus Vita nil ulterius habet quàm è majoribus suis Hispanum, natu verò Romanum fuisse. Sed Petrus Crinitus^o, ut suspicor, primus conjecturæ auctor, quamquam aliunde se de eo doctū referat Jo. Bapt. Egnatius^p, Ludovicus Carrio^q, Alphonsus Garfias Matamoros^r, Florianus Docampo^s, Ambrosius Morales^t, Andreas Refendius^u, Joannes Vasæus^x, Stephanus Garibajus^y, Joannes Marieta^z, Alphonsus Ciaconius in schedis, contenditque validè ut id persuadeat, ultimus nostrorum Rodericus Carus in *Conventus juridici Hispanensis docta descriptione*^a. Subdubitat, nec suffragium dare audet, Joannes Mariana^b, & si qui alii.

377. Affirmatè verò negant Lilius Giraldu^c, Joannes Camers^d, Gerardus Joannes Vossius^e, Claudius Dausquejus^f, & quod magis est, Hieronymus Surita noster^g, quos sequitur Joannes Andreas Quenstedius in *De patriis illustrium doctrinæ virorum dialogo*. Tota res pendet ab unica ITALICI appellatione, quæ sententiam affirmantem illi, abnuentem hi comprobare censent. Opponitur quippe, *Italicum* contra regulam Latini sermonis dici de cive Italicæ, quem *Italicensem* appellari debere ajunt. Hircius *De bello Alexandrino* Titum Thorium *Italicensem* vocat, Agelliusque Adrianum ex oratione, quam de *Italicensibus*, unde is erat, in senatu habuit, laudat^h. Callistratus juris consultus non aliter conceptum divorum fratrum *Verinæ Italicensi* rescriptum docuit in lege 27. *De penis*. Græci quoque similiter efferunt. Stephanus in *Italia* ait: Εἰς τὴν Ἰταλίαν πόλις Ἰταλική· τὸ ἐθνικὸν Ἰταλικήσιος. Est & *Italica urbs Hispaniæ*. Gentile nomen *Italicensis*. At Achillem hunc negantium Italicæ nostræ Hispaniæ hunc civem ipsi debilitant asserentes *Italica* alterius Italæ civem esse, quo nomine vocatam fuisse *Corfinium* Pelignorum metropolin ex Diodoro & Strabone confirmare sibi videntur. Non minùs enim ab hac quàm à nostrate Italica debuerunt municipes *Italicenses*, non *Italici* audire: siquidem analogia eadem est.

378. Miror tamen à viris doctis credi hanc *Italicam* potuisse dare nomen Silio poetæ, quasi vera ista fuerit, Sillique ævo perennaverit, urbis appellatio. Rebellantes enim Itolorum plures populi ob denegatam sibi civitatem Romanam, Lucio Marcio Philippo & Sexto Julio Coss. Olympiade cLXXII. uti Diodorus refert, imposuerunt sibi universorum metropolin *Corfinium* in Pelignis urbem, appellaveruntque τὴν κοινὴν πόλιν Ἰταλίαν, communem urbem *Italiam*. Sic apud Photium legitur, qui hoc Diodori fragmentum ex libro 37. aut 38. nobis conservavitⁱ. Demus enim Ἰταλίαν, *Italicam*, hoc loco pro *Italia* legendum, ex quo *Corfinium Italicam* à conspirantibus dictam Strabo lib. 5. *Geographiæ* referat, Vellejusque confirmet Paterculus lib.

2. quantumvis in Paterculo tantum legamus juxta vulgarem scripturam *Corfinio* impostum cognomen *Italici*. Nec aliter accepit *De antiquo jure Italiæ* agens doctissimus Siginus^x. Cessante verò hoc sociali bello, duravisse istud urbis nomen, delendique è memoria hominum prorsus exempli & calamitatis vestigium, quis unquam dixit aut suspicatus est? Cum præsertim Corfinii veteris appellationis frequentissima exstet in Romanis sequentium annorum monumentis, nulloque aliter concepto interrupta, mentio, ut videre est in Cæsaris *De bello civili* commentariis, & passim apud Italiæ illustratores^l. Exstat quidem, ne hoc dissimulem, apud Macrobius historia C. Vettii Peligni *Italicensis*, quem comprehensum à cohortibus suis, ut Pompejo traderetur, servus ejus occidit. Sed fortè hic erat Pelignus nomine, non gente, ex Italica Hispaniæ. Sedet enim mihi, Corfinio id per seditionem impactum nomen in Pelignis, omnino deletum cum seditione fuisse.

379. Afflicta hac de Italica Pelignorum sententia, superest ut refugium fiat ad Italiæ ipsius nomen, unde *Italicum* ex analogiæ regula dictum existiment. Sed nec ab eadem exorbitare regula, nec sine idoneis testibus loquutus è contrario videbitur, qui ab jam unica Hispaniæ *Italica* derivaverit *Italici* nomenclaturam. Ita enim conceptum esse nostri municipii nomen videtur in Spartiani *Adriano*. Post hæc Hispanias petiit (Adrianus ipse) & *Tarraconē byemavit, ubi sumptu suo eodem Augusti restituit, omnibus Hispanis Tarraconem in conventum vocatis, delectumque joculariter, ut verba ipsa ponit Marius Maximus, detestantibus Italicis vehementissimè, ceteris prudenter & cautè consuluit*. In populis Hispaniæ, quorum habuit conventum Adrianus, quibusnam nisi *Italicæ* civibus hoc factum accommodes? Adrianus Turnebus ita existimabat^m, quomodo & Ambrosius Morales interpretatus estⁿ. Analogia item id admittit. Nam ab *Ibaca* Ulysses *Ibacus*^o non *Ibacensis*, à Troja *Trojanus* & *Troius*^p, à Concana *Concanus*^q, à Bracara *Bracarus*^r equè ut *Bracarensis* fit. Collegit horum omnium exempla Rodericus Carus, adjunxitque Hispanienses lapides, *Italicorum* qui appellarentur nomine inscriptos, hosce:

L. RVFINVS PRIMVS ITALICVS
D. REGINENSIS A. XL.
FABIA CAMPANA VXOR.
M.M. FECIT. H. S. I.
S. T. T. L.

Uti & *Italica* cujusdam fœminæ Castulonensi hoc epitaphio notæ:

D. M. S.
PARIDIÆ ANNO XXII.
C. VALERIVS PATER
VALERIA ITALICA MATER.

380. Nondum tamen in solido pedem figimus. Nam *Italicos* in Spartiani testimonio de omnibus ab Italia oriundis, hoc est originis Italicæ, coloniarum nempe Romanarum incolis; non verò de unius *Italicensis* municipii civibus, magni duo illustratores *Historiæ Augu-*

x Lib. 3. fol.
107. edit. Ziller-
ti 1560.

l Lib. 1. Saturn.
cap. 11.

m Lib. 29. *Ad-*
vers. cap. 12.
n Lib. 9. cap. 31.
o Apud Virgil.
2. *Æn.* v. 104.
Martialis lib.
11. epig. 105.
p Virgil. 6. *Æn.*
v. 403.
q Horat. lib. 3.
carm. ode 4.
r Plinius lib. 3.
cap. 3.

o De patriis Lan-
guis.

p In ann. ad
Hist. Aug.
q Lib. 1. *Emend.*
cap. 17.
r Ubi proximè
s Lib. 4. cap. 31.
t Lib. 9. cap. 20.
u In *Encyclopæ-*
diciæ.

x In *Chronico*
ad ann. lxx.
y Lib. 7. cap. 6.
z *Hist. Eccles. de*
Ep. lib. 21. cap.
a.

a Lib. 3. cap. 13.
b Lib. 4. cap. 3.
c Dial. 4. *De*
patriis.

d *Scholii in*
Florum.

e Lib. 1. de *H.*
Lat. cap. 29.

f *Comm. ad* *Sti-*
lium principio-
g *Notit. ad* *Aug-*
ustinum.

h Lib. 16. cap.
13.

i Bibliotheca
cod. 244. pag.
118. in edit.
Schoti *Græco-*
Lat.

Augustæ scriptorum Isaac Casaubonus & Claudius Salmasius aptissime ad rem, de qua agitur, interpretantur. Uti & apud Sallustium nos scimus in *De bello Jugurthino* Italicos dictos milites, qui Cirtam Adherbalis Numidiæ Regis præcipuam urbem ab impressione Jugurthæ defendebant; non ab Italica Bæticæ, sed ab Italia, eos qui ibi relictæ fuerant à Romanis. Delectum militarem indixerat Hispanis Imperator, quorum iis qui Itali essent origine joculariter, germanis verò Hispanis (quos αὐτοχθόνες, sive inde oriundos, dicere possumus) haud minis, sed seriò, detrectantibus; prioribus illis, utpote magis obnoxiiis & quasi speminentibus, vehementissimè; posterioribus, qui veluti precario obtemperabant, cautè & prudenter consuluit. Hæc Spartiani explanatio verbi illius, quomodocumque distinguant (Salmasius enim aliter à Casaubono legit) commodissime adaptatur, idoneaque admodum videri debet. Præterea gentile nomen seu patrum ab *Italica* esse *Italicum*, neque ab analogiæ illo usu hæc nomina contrahente, ut vidimus, neque ab *Italici* in Hispania nomine, aliter sentientibus persuadebimus. Hi enim certi sunt à nobis querere *Italicum*ne patriæ vocabulum, gentisve, an familiæ cognomentum credamus. Si prius illud placet, cum non minis ab *Italia* quàm ab *Italica* fieri possit *Italicus*; undenam in Silio factum hoc, non autem illud conficiemus? Si familiæ agnomen (quod certius videtur esse) dixeris, ejusque Hispanæ; stabit adversus nos, & adversus lapides nostros Italus lapis Ravennas hanc ipsam hominis appellationem exhibens:

FLAVIÆ Q. F. SALVTARI
CONIVGI KARISSIMÆ
L. PVBLICIVS ITALICVS DEC. ORN.
ET SIBI V. P.

Abstineo manum ab scribendo integro legati

L. MÆSIO L. F. POL.
RVFO PROC. AVG.
TRIB. MIL. LEG. XV.
APOLLINARIS TRIB.
COH. MIL. ITALIC. VOLVNT.
QVÆ EST IN SYRIA PRÆF.

FABRVM BIS.

MVNICIPES ET INCOLÆ OB MERITA EIVS QVOD ANNONA
KARA FRVMENT.

DENARIO MODIVM PRÆSTITIT. EARVMQVE DEDICAT.

RVFVS EPVLVM DEDIT

DECVRIONIB. SING. H. S. XXX. SEX VIRIS ET AVGVSTALIB.

SING. H. S. XII. PLEBI SING. H. S. IV.

Quæ sanè inscriptio Foro-Semproniensem in Italia civem nobis exhibet, cohortis Italice voluntariorum, quæ in Syria erat, tribunum: è quo Itali hominis munere, si certum esset à natione militum (quibus præerant centuriones cives) cohortes nomen habuisse; certiore poterat deduci calculo ex Italia quàm ex Italica fuisse cohortem illam, quæ in Syria merebatur, militum Italicorum voluntariorum. Quæ quidem eadem forsitan fuit cum

collegio fabrorum municipii Ravennatenfis relictæ monumento, in quo & *Publiciorum* (familiæ id nomen) *Flaviani* & *Italici*, Lucii Publicii ejusdem filiorum, mentio est; unde constat agnomen esse parentis filique commune Publicio familiari nomini adjunctum, minimè verò patriæ appellationem, ac multò minus Hispanæ.

381. Sed quibus solenne est arrogare undecumque laudem propriis rebus, nec vereri exterorum *citra damnum affectus* (ut Quintiliano utar) existimantium judicium, eandem hi sequentes formationis seu etymologiæ regulam, quâ quidem necessariò appellatum ab *Italica* Silium poetam, eorum quos supra jam laudavimus, animis infixum credidere, cohortem quoque *Italicam* Cornelii centurionis *Actorum* cap. 10. memoratam; ab eodem Beticæ Hispaniæ municipio dictam fuisse, tanquam pro aris pugnantibus focisque contendunt. Id nimirum à Pseudo-Dextro mali, cujus ficulneus artifex haud veritus fuit Cornelium hunc *Actorum*, quem Petrus Apostolus convertit, itemque alium Evangelicum, qui confessus est Christum in cruce morientem, ac tertium denique illum, cujus servum Christus sanavit, Italicensis, hoc est Italice natos fuisse, chartis illinere^s. Cujus dicto ut fides præstruatur ab enarratoribus^t, cohortis *Italica* nomine, cujus centurio erat prior ille ex tribus in *Actis* laudatus, validissimam judicio suo confirmationem eliciunt. Namque cohortes dictas à natione militum quibus constabant, consequenterque *Italicam* ab Italice natis militibus, fumosa præsumptione, tanquam ex cortyna loquentes, venditant.

382. Quibus, ne longius evagemur, opponere contenti erimus inscriptionem veterem^u, unde sibi notitiam certiore cohortis hujus *Italica* possint exculpere. Foro-Sempronii ea habetur Urbinatis Ducatûs, *Fosombrone* hodie dictâ, urbe.

^r Luca cap. 7.
^s In Chron. ad annum xxxiv. & xl.
^t Bivariorum ad Chronicon ann. xxxiv. comm. 3. Carol. lib. 3. Chron. Jurid. Hispan. cap. 13.

^u In Thef. inscript. pag. 414.

^x Partis Occident. cap. 84.

^y Vide Thesaur. tit. Quæ ad rem militarem spectant.

ran-

randum : indicare tantum hinc non frustra fuit Sili Italici causa, deductique haud necessario ejus nominis ab Italica Hispanie. De hujus morte & rebus in vita gestis consule sis Plinii epistolam septimam libri tertii.

383. Editus fuit Romę (fortè primùm) Silius Italicus anno MCDLXXI. Summo Pontifici Paulo II. dicatus à Joanne Andrea Episcopo Alerienti in insula Cyrno (id est Corfica) qui, ut ait, recognitione quindecim diebus absolvit, atque inde Venetiis per Baptistam de Tortis MCDLXXXIII. & MCDXCII. cum interpretatione Petri Marfi, & epistola ad Illustrissimum Principem Virginium Ursinum: quę duę editiones cum quadam poetę Vita brevissima in libris Vaticanis exstant. Basileę etiam prodit ex officina Thomę Wolfii cum annotationibus Hermani Buschii MDXXII. in 8°. & Venetiis apud Aldum MDXXIII. & Lugduni MDXLVII. in 16°. Claudius Dausquius Sanctomarius canonicus Tornacensis cum Notis suis tandem Parisiis edi curavit apud Davidem Douceur MDCXVIII. in 4°. Sed olim Domitium Calderinum hunc poetam emendasse atque interpretatum fuisse, Lilius refert Giraldus dialogo 4. *De poetis*.

CAPUT XIX.

Falsa de S. Hierotheo Hispano ferè minus seculi credulitas. De Dionysii scriptis (unde Hierothei notitia) vel inter catholicos dubitari. Quando hac primùm visa. De Hierotheo Atheniensi Græcorum testimonia aliqua; Latinorum nulla exstare. Errori de Hierotheo Hispano ansam dedisse Ambrosium Moralem, ceteros tenuisse, atque inter eos Pseudo-Dextrum. Moralis equivocatio inter Hierotheum & Philotheum. Leonis Allatii laus. Hierotheum Areopagitam fuisse Athenis, consequenterque Atheniensem. De Areopagitarum munere, etiam Rom. Imp. ævo. Multa Græcorum testimonia huic fabulę consuandę producuntur. Hierotheum patriā Emporitānā à Pseudo-Luitprando fingi. Absurditates in Hierothei historia.

384. **A**LIIQUANTO robustiore brachio affligenda est recens, & in ipso mendacii gremio nata atque educata opinio hujus tantum sæculi: Hierotheum nempe, qui S. Dionysii Areopagitę præceptor fuisse dicitur, ab eoque in ejus libris præclare laudatur, non Segobię modò in Hispania Episcopum, verum etiam natalibus Hispanum fuisse. Hęc nempe una est e fabulis, quibus ludificari nos voluere grex ille historicorum à Gnathone quodam Hispano à septuaginta aut circiter annis confictorum; quos quidem plures, & non indocti viri, hætenus, at minus cautè, amplexi sunt, pars autem melior & verecundior, Hispanique veri honoris amans, crebris jam quotidie in publicum oblati testimoniis, uti spurios, & piacularia potiùs monstra, quàm eorum auctorum, quos ementiuntur, prolem, abdicant & averlantur. Flavium Dextrum eorum omnium

coryphæum, ejusque eodem patre natos germanos fratres, Maximum, Braulionem, Helecam, Cęsar-augustanos, Luitprandum Ticinensem, Julianum Toletanum, necnon infelici adhuc sub constellatione ab non incertis genitoribus editos Aulum Halum, Haubertum Hispalensem, Gregorium Bæticum, Liberatum Gerundensem, nostrę ætatis propudia, veręque historię calamitatem intelligo. De quibus omnibus loco suo judicium habebitur. Necesse tamen est huc devenientibus, ne in duorum sæculorum, quę transcurrimus, scriptorum albo Hierotheum aliquis desideret, nostri silentii causam ostendi; immo ex iis quę accuratè magis tempore suo dicenda & probanda sunt, præsumi & supponi quędam, de quibus non priùs certior fieri lector poterit, quàm ad cujusque horum pseudo-scriptorum ætatem styli cymbam appellamus.

385. S. HIEROTHEI nomen, obscurum olim aliquot sæculis, unà cum vulgò tributis S. Dionysio Areopagitę libris emicuit primùm Græcicę Ecclesię, indeque Latinę, prorsusque in eadem, ut dici solet, navi ambo feruntur. Planè scio non sine controversia Dionysio illi magno Areopagitę, Sancti Pauli Apostoli discipulo, adjudicari commentarios illos, quorum auctorem eum esse à multis retrò sæculis passiva omnium ferè catholicorum persuasio est: quam cum improbare & affligere totis viribus heterodoxi sint conati; res eò devenit, ut expensis utriusque partis rationibus, viri etiam doctissimi ac pientissimi sic de ea opinentur, uti de iis opinari æquum est, quę itane, an minus fuerint, ad religionem nihil intersit.

386. Quare haud moratus eā quę pro Areopagitę, & tot jam sæculorum credulitate, Baronius Bellarminusque ^z Cardinales, Delarius ^a, Lancelius ^b, Halloixius ^c, Corde-rius ^d, Jesuitę, Saussajus ^e & Menardus ^f, copiosissimè disseruerunt, Joannes Morinus ^g eruditissimus Congregationis Oratorii, ut vocant, presbyter, datā operā, nec primus, ut inquit, Dionysii hęc opera ejusque Areopagitę essent in dubium vocavit, validissimisque fundamentis negantem sententiam fulcivit, ipse adhuc judicium aliorum requirens: quod & nuper fecit Eminentissimus dignitate, innocentia vitę, pariter atque judicii præstantiā eruditionisque, omnimodęque doctrinę merito Joannes Bona S. R. E. Cardinalis ex Reformatorum Cisterciensium ordine assumptus, in aureo suo *Rerum liturgicarum* opere ^h. Prolixius, integro nempe volumine, Joannes Dallæus Gallus, hæreticus Calvinianus, sed inter suos hujus ætatis doctores celeberrimus, Dionysii Areopagitę nomine hos libros falsò inscriptos ante aliquot annos persuadere conatus est.

387. Quam si sequeremur opinionem, facile erat Hierothei historiam ad quartum aut quintum Ecclesię sæculum deducuntibus, quo tempore (ut placuit anti-Areopagitis) horum commentariorum auctor vixisse creditur, fabulatorem Hispanum coarguere mendacii. Sed ne doctissimis hominibus plus fa-
pere

^z De scriptorib. Eccl. ad annum LXXI.
^a In vindictis Areopagiticis.
^b
^c In script. Eccl. primis sæculi ad S. Dionysii vitam. q. 2.
^d
^e De mysticis Gallie scriptor.
^f
^g De sacris ordinibus in Præfatione ad Rigens à S. Dionysio traditos. pag. 27. & seqq.

^h Lib. I. cap. 8

i In De scri-
ptoribus primi
seculi volumi-
ne 1. pag. 621.
& sequentibus.
x Discurso hi-
storico por el Pa-
tronato de S.
Fruos contra
la supuesta ca-
sidad de S.
Hierotheo en
Segovia Cæsar-
August. editus
apud Joann. de
Ibar. MDCLXVI.
in 4.

1 Die IV. Oct.

m Tomo 6.

n Eadem die
iv. Octob.

pere velle videamur; Dionysius per me esto Areopagita, Paulli discipulus, & Athenarum Episcopus, cui debemus Hierothei memoriam, sitque Hierotheus Dionysii præceptor, dummodo Atheniensis natus, non Hispanus; (quod hujus capitis argumentum erit) si tamen ingenuè prius fateamur, vix posse nos quicquam his novi adjungere, quæ tam Latino sermone Petrus Halloix Jesuitarum sodalis admodum doctus, quàm Hispano D. Gaspar Ivañez de Segobia Acropolitani Marchio, nunc jam, ista quum scribimus, Mondexarensis dictus Marchio, & inter Hispaniæ Magnates, totius antiquitatis doctrinam judicioque exacto vir, amicus noster; prior quidem ille in *Notationibus ad vitam*¹; posterior verò in *Apologia pro Segobienfi S. Fructi, excluso Hierotheo, patronatu*^x. Et latius & luculentius in secunda parte *Dissertationum Ecclesiasticarum* Græcis è monumentis Latinisque diligentissimè docuere.

388. Hierothei, præter Dionysium, nemo eorum meminit, quibus Ecclesiasticorum scriptorum colligere nomina curæ fuit: non Hieronymus, non Gennadius, non Isidorus, neque item illi, quorum in catalogis Dionysius ipse jam apparet, Honorius Augustodunensis & Henricus Gandavensis. Libri dumtaxat Græcorum Ecclesiastici, tam veteres quàm recentes, ejus nomen posteris commendavere, Menologium nempe à Cardinali Sirleto versum, ab Henrico Canisio in lucem editum, ita habet¹: *Natalis S.P.N. Hierothei, qui fuit unus è numero Arcopagitarum, qui ab Apostolo Paulo instructus, magnum illum Dionysium Arcopagitam Christi fide instruxit. Cum autem benè ac religiose vixisset, migravit ad Dominum.* Semestre alterum, quod è Vaticanæ bibliothecæ vetustissimo codice publicavit primus Ferdinandus Ughellus Cisterciensis, SS. Vincentii & Anastasii Abbas doctissimus, in *Italia sua sacra*^m, plenius aliquanto rem ipsam docet. *Hierotheus magnus antistes, ex novem virorum numero, qui Athenis senatores erant, præceptor Dionysii Arcopagite, fide Christi institutus est à sacris Apostolis, quos sequutus magnam Christianæ gentis laudem attulit. Nam & exodios hymnos in funere sanctæ ac præclaræ reginæ nostræ Dei genitricis semperque Virginis Mariæ conscripsit, & concinit; & cum in Apostolorum oculis nihil non honestissimi & optimi gereret, cò sapientiæ & cogitationis processit, ut Dionysium, quem magnus Apostolus Paulus ad Christi fidem converterat, virtute & auxilio sanctissimi Spiritus de cælestibus virtutibus, atque angelicis ordinibus, atque omni ornatu cælesti docuerit. Scripsit autem & alios libros, in quibus de magnis mysteriis disseruit. Cumque totum suæ vitæ tempus in pietate & virtute multoque Dei cultu consumpsisset, multisque iccirco à Deo donatus esset muneribus, obdormivit in Domino.* Sic interpretatus est hoc testimonium Petrus Arcudius Corcyrensis.

389. *Meneia*, hoc est, *Mensalia*, hæc habentⁿ ex interpretatione Petri Halloixii: *Erat hic in Arcopago unus è novem senatoribus: qui primum à Paulo Apostolo fidei doctrinam imbutus, deinde Athenarum Episcopus ordina-*

tus est. Ipse autem magnum Dionysium eadem fidei in Christum doctrinam instruxit. Idem quoque ad sanctissimam Deipara sepulturam in sanctorum Apostolorum cætu præceptor fuit, totus excedens, totus se deferens, & ab omnibus, à quibus audiebatur & videbatur, Deo correptus, & divinus dilaudator habitus. Vita tandem bene exacta, cum sua præclara vivendi ratione & insignibus virtutibus Deum letificasset, migravit ad Dominum. Quæ ipsa, Græca tamen, verba Menæorum, in Breviarium recens, quo ex Clementis VIII. Pont. Maximi indulto Græci omnes occidentales iter agentes vel ægrotantes jam utuntur, ab Antonio Arcudio, auspiciis ejusdem Papæ formato, conjecta sunt. Atque hi fontes, unde ad Romanum Martyrologium & Latinos scriptores omnes, qui meminerunt, Hierothei memoria derivavit. Baronius certè Cardinalis exinde habitam reformato à se Martyrologio huic Romano intexuit, quæ antea non erat. Joannes Molanus Ufuardi telæ confuit, additâ commodum G. literâ, quâ (ut ipse monet ad lectorem sectione x.) *Græcorum* *borologii*, sive *borarum* libri, Venetiis excusit anno MDXXXIII. testimonium, intelligi voluit. Quem eundem librum in Hierothei restauranda memoria, exscribere se dum idem versaret opus, Petrus quoque admonet Galesinius.

390. Si hos demas, qui ab istis Græcis profecerunt auctoribus, frustra alibi Hierotheum quaesieris. Non Beda, non Ado, non Ufuardus, non Rhabanus, aut Notkerus, non Wandelbertus, non Rosweidi vetus, non Dacherii, ut appellat, *Hieronymianum Martyrologium*, non Vetustius aliud, quod *Hieronymiani* quoque nomine insignitum ante aliquot annos publicavit Franciscus Maria Florentinus Lucensis, laudavere; nec item noviores, Primus Cabilonensis, Maurolycus, Equilinus, Mombricitus, Surius, Felicius, cæteri: verbo dicam: ex Latinis Hagiologis, exceptis Hispanis quibusdam, quos statim laudabimus, nemo. Unde robustissimum argumentum ante alia nascitur, nihil ad nos, sed ad Græcos tantum Orientis incolas Hierotheum pertinuisse, quem tam effusè, addito etiam patris nostri nomine, qui alius est Græcæ proprietatis characteris, uti ex omnibus his libris constare cuique poterit, hi soli celebrant^o.

391. Cui si opponatur debile illud responsionis telum, Græcos Hierotheum Arcopagitam, & Athenarum Episcopum, quod vidimus, colere, ac sacris precibus frequentare supplices; Hispanis verò, atque adeo Latine nostræ Ecclesiæ hujusmet Præfulis sui memoriam, aut incuriâ hominum, aut injuriâ temporum excidisse; jam erit nobis opus, ad supposititiæ hujus de Hierothei Episcopatu Segobienfis urbis historiæ fontes manu lectorem ducere, eamque non veterem & certam, sed falsissimam, & absurdissimis erroribus plenam ostendere.

392. Præterito planè sæculo apud nostræ Hispaniæ cives invalescere cœpit, absque ullo tamen idoneo rei testimonio, pia credulitas, Hie-

o Ut propterea non antiqui, sed recetis styli sit, quod legitur in Calendario Græco sub initium Lithurgici, seu Missalis Græci, Romæ editi anno MDCLXXXI. ad diem 21. Mart.

Benedictus
πατρις ἡμῶν
ἡγουμῆν ὁπὸς
Κασιῶν. Be-
medii patris
nostri Abbatis
montis Castri.
Vix enim cre-
di potest, Græ-
cos S. Benedi-
ctum in Italia
natum, olim eo
titulo indigita-
tasse. Licet fa-
teri debeamus,
ita etiam legi
in Calendario
Græcorum edi-
to à Genebrar-
do sub finem
præcedentis sæ-
culi. Hæc pau-
ca addere vi-
sum in gratiâ
amicissimi D.
Nicolai Anto-
nii. CARD. DE
AQUIVIA.

Hierotheum in Hispania ortum fuisse, in eaque à Paulo Apostolo conversum Athenas venisse; cuius nempe urbis tum Areopagita, tum præsul extiterit. Quisnam verò huius sic novæ rei, à maioribus nostris ne quidem auditæ, primus fuerit auctor si quæris, ex Ambrosii Moralis quodam errore (ut fecundus error esse solet) originem persuasioni datam existimo, atque alii mecum; à quo cæteri sine ullo rei examine, literis id ipsum librisque suis historici nostrates consignavere. Huius enim verba ex cap. 12. libri 9. quod *De divino Hierotheo* inscribitur in Hispania orto, transcripsit in opus suum *De Sanctis Hispaniæ* P Joannes Marieta: quibus duobus auctoribus nituntur reliqui, Alph. Villegas ^q, Franciscus Padilla ^r, Hieronymus Romanus ^s, Joannes Pineda ^t, Thomas de Truxillo ^u, quos laudat ad rem comprobendam Franciscus Bivarius in Dextri commentario ^x, Martinus item à Roa Jesuita ^y. Quod & dicendum est de Thoma Tamajo ^z, quamvis Moralem ipse non laudet.

393. Eorum autem qui Moralem præcelsere, nullus id novit, aut in monumenta sua digessit. Marinæum Siculum intellige, Joannem Vasæum, Alphonsum Venerum, Laurentium de Padilla, Stephanum Garibajum, Petrum Antonium Beuterum, Alphonsum Garfiam Matamorum; qui omnes de S. Paulli adventu in Hispanias, vel de sanctis doctisque hominibus earum vernaculis accurate referentes, de Hierotheo altum siluere. E recentioribus Joannes Mariana in medio se continuit, ferè autem, & è transverso damnans affirmantem sententiam, his nempe verbis lib. 4. cap. 3. *Sunt qui Hierotheum cognomento divinum, Dionysii Areopagite magistrum, scribant, ex Hispania, ubi ortus erat, & ubi rempublicam moderabatur rebus gerendis præfatus, idemque, à Paulo Apostolo deductum peregrinationis comitem. Quam opinionem refellunt alii, Athenis natum confirmantes magnorum virorum auctoritate.*

394. Inter eos autem, quos Ambrosii Moralis auctoritas egit transverfos, Pseudo-Dextrum Toletanum non injuriâ appellamus. Huius enim vestigia relegit is revera, tot licet videri voluerit sæculis eum præcessisse, cum in Chronico ad annum Domini LXXI. sic scripsit: *S. Hierotheus natione Hispanus, quem à Paulo conversum discipuli sui Dionysii gloria clarum fecit, ad Hispanias se contulit, prius Episcopus Atheniensis, post Segobie in Arevacis Episcopus sanctitate mirandus habetur.* Quæ quidem in eodem cerebro natus Luitprandus sic ampliavit: *Macer* (D. Laurentius Ramirez Sacæ adnotavit ad oram suæ editionis) *Hierotheus Hispanus, Emporitæ, olim sub Imperatore Tiberio Tarraconensis gubernator perrexit anno XLV. Cyprum, ubi Paulum audiens, conversus est ad fidem, & eum sequutus.* Dextrum, cum ejus consecraneo Luitprando, jam rei auctores laudant omnes ii, qui post publicationem eorum in lucubrationibus suis locum hunc tetigere.

395. Sed falsa hæc & commentitia esse testimonia, cum ex iis quæ propriis locis de *Bibliotheca vetus Hispana* Tom. I.

utroque horum pseudo-historicorum dicenda sunt, tum interim è duobus hîc extra dubitationis aleam ponendis, idoneisque testibus & argumentis apertissime confirmandis; necnon & simul Atheniensem Hierotheum fuisse, non Hispanum, facile ei, qui non contendere, sed verum discere amat, persuadebimus. Alterum est, laborasse in æquivoco, falsumque aut nimium credulum Moralem fuisse, à quo ad alios vana hæc persuasio descendit; alterum deinde, Hierothei patriam necessario fuisse Athenarum urbem.

396. Priorem partem non temerè assumpsisse nos probandam, lectum historię Moralis caput 12. libri 9. & accurate examinatum, cumque aliis, quorum testimoniis utitur, collatum auctoribus, manifestum faciet. Paulum scilicet Apostolum refert convertisse in Hispaniis, ac secum portasse Hierotheum, eximie doctrinæ atque ejus sanctitatis virum, ut & postea inditum fuerit ei *divini* cognomentum, qui Dionysium Areopagitam cœlestia illa, quæ in literas retulit, mysteria docuerit. Nec nisi prolixè admodum referri posse quæcumque Græci auctores, qui commentariis suis explanaverunt Dionysii huius libros, de Hierothei doctrina exaggeratè loquuti sunt. *Quorum* (subjungit Latine nunc sonans) *auctorian grande est testimonium, quibus sanè proclive fuit argumento Græci nominis civem Græciæ Hierotheum adscribere, nisi rei evidentia coëgisset eos nostratem profiteri. Hi enim illi sunt, qui affirmant Hispanum fuisse, & à Paulo in Hispania conversum, & in comitatu perductum. Idem scribit Simeon Metaphrastes, apud quem tamen, necnon & in quibusdam ex his, quos diximus, Græcis ad S. Dionysium commentariis, per errorem Philotheus audit. Ast in aliis, præcipue in eorum vitis, atque iisdem S. Dionysii operibus, Hierotheus (quod debet) appellatur. Cumque Metaphrastes aliique affirmaverint hunc esse, quo tempore ad Christum Paulli operâ conversus fuit, præfectum; verosimile est alio nomine tunc vocatum. Hierothei quippe nomen Græcum est, Deoque dicatum hominem, aut simile aliud, significat. Quod quidem potuit ei, cum promeruisse, propriæque accommodaretur, imponi.*

397. Dedimus hucusque ex vernaculo Latina scriptoris eximii verba, qui si cum bono hîc dormitavit Homero, nihil in eo passus non humanum videri debet. Philotheum nempe, cuius mentio est apud Metaphrastem, unum eundemque cum Hierotheo existimavit; unde & ipse errore lapsus fuit, & alios errare fecit in asserendis Hierothei natalibus. Audi sis Metaphrastis narrationem in commentario *De certaminibus, laboribus, peregrinationibus, & consummatione sanctorum Apostolorum Petri & Paulli.* quem Latinum habes apud Surium ^b: *Illam autem* (hospitem S. Paulli sceminam intellige, quæ verba hæc: *Paullus Christi præco* in S. Apostoli fronte viderat) *propter visionem insperatam irruasit & voluptas & timor; & lacrymis plena procidit ad pedes Apostoli, & catechesi ab eo instituta, primum quidem suscipit baptismum appellata Xanthippe; postea autem Probus ejus maritus, qui erat notus Neroni, deinde etiam*

M

Phi-

^b Tomo 3. De vitis sanctor. 29. Junii.

^q Lib. 4. cap. 2.

^r In Flere sa-

^s Hist. Eccl.

^t Hist. 1. par. cen-

^u tur. 1. cap. 22.

^x Republ. del

^y mundo.

^z Marquiza

¹ Eccles.

² Thef. concio-

³ nat.

⁴ Ad am. ...

⁵ Hist. de Ec-

⁶ ja lib. 2. cap. 4.

⁷ Verdad de

⁸ Dextro Neru-

⁹ dad. 3. folio 98.

^a Adversario
116 alias 220.

Philotheus Præfectus, & deinceps omnes qui illam habitabant regionem. Hæc ille tantum de prædicatione Pauli in Hispania.

398. Metaphrasten hujus historiæ auctorem laudat Surius. An autem ejus, an alterius sit, nec ipse Leo Allatius V. Clariss. optimus ac doctissimus senex, mihi dum viveret admodum charus, in dijudicandis Simeonis operibus, dispungendisque Metaphrastei hujus magni operis *De vitis Sanctorum* partibus, quæ alium parentem, vel quæ ipsum liquidò habuerunt auctorem, curiosissimus, quicquam nos docet. Alibi autem nusquam hujus rei aut Philothei conversionis vestigium reperio; nec in Oecumenio ipso, cui aliquam hujus historiæ mentionem idem Morales tribuit. Nullam quippe is facit, nec aliud quàm in commentariis ultimi capitis Epistolæ ad Romanos desiderium Pauli Hispanos invisendi, & amorem, quo erga eos accendebatur, exponit; ne dum ut quicquam de ejus rebus in Hispania gestis referat. Scio hujus historiæ Vasæum meminisse in *Hispaniæ Chronico*, adductis Jacobi Fabri Stapulensis è commentario in Epistolam ad Romanos verbis, qui Faber Sophronium laudat Hierosolymitanum Patriarcham, ejus rei, conversionis nempe Xanthippes, Probi, & Philothei, auctorem. Sed fortè Sophronii nomine hunc ipsum commentarium, qui Metaphrastis aliàs creditur, inscriptum vidit Faber, aut fortè Sophronii esse suspicatus est cum Possevino, Vossio, & Margarino Bignæo, qui hunc edidit in *Bibliotheca SS. PP.* volumine septimo. Quod minus credit Labbeus in dissertationibus historicæ *De scriptoribus Ecclesiasticis*, in Sophronio.

399. Demus tamen id Metaphrastæ, seu alii qui rei auctor sit. Iecircò ne Philotheus præfectus à Paulo in Hispania conversus, Hierotheus ille erit à Dionysio discipulo tot evectus in cælum laudibus? Inadvertenter id Morales credidit, magnoque sui erroris augmento conatus est Metaphrastis propriam lectionem corrumpere; Philotheum inde, qui erat, expellens, & Hierotheum substituens. Vides quàm vanus & crassus error hominis aliàs diligentissimi admissus semel, auctorisque sui existimatione suffultus, in testimonium rei aliis suffecerit, sensimque in communem, ut jactatur, Hispanæ gentis traditionem percubuerit. Hoc unico fundamento ruinoso & labili nititur hæc magna moles. Huic superædificata sunt hagiologorum Morale recentiorum omnium de Hierotheo Hispano testimonia: aut dent nobis antiquiorem, cui res in mentem venerit, sive qui literis eam consignaverit. Planè ut Philotheus & Hierotheus in unum coagmententur hominem, à Dextro^e & ejus assecla Juliano^f (de quo & noster aliquando erit sermo) haud facile obtinebimus.

400. Nunc satis erit nobis Moralem, quem honoris semper causâ nuncupamus, deceptum similitudine utriusque inter se nominis, Hierotheum Hispanâ donasse origine, ex eo solum quòd Philotheum in Hispania conversum à Paulo Apostolo apud

Metaphrasten legisset. Quod incogitanter dictum sic tamen novioribus placuit, tamquam si auditori alicui suo Pythagoras rei auctor fuisset. Ecquidem hanc historiæ, ut sic dixerim, bullam, temerè natam, temerè auctam, quam nondum aliquis seriò agens exsufflaverat, nec ideo minùs in ærem, qui latebat, paulò post abituram, logodædalus suscepit noster Toletanus, qui Dextrum, cæterosque hujus fidei chronographos, finxit, fovere, solidare conatus est, nativæque vanitati, quantum vanus potuit, eripere. Successitque ei res prosperimè. Postquam enim sub Dextri nomine, qui existimatus fuit, & adhuc obstinatè colentibus est, verus Dexter, Hierothei lecta fuit Hispana origo, quasi trabali clavo firmatum nonnullis visum est, quod vagus rumor nullo certo, aut saltem idoneo auctore, passim vulgaverat.

401. Nullo inquam idoneo auctore: cum argumentum alterum, quo ausus fuit Morales ex Sancti Dionysii scholiastarum auctoritate, quibus attribuit, quod improbatum imus, de Hierothei origine Hispana, haud minus vanum sit. Nam ex duobus Dionysii operum paraphrastis, Maximo nempe & Georgio Pachymere, quos notos habemus, nemo id affirmasse legitur. Nec item Georgius Syncellus in *Encomio* ejusdem Dionysii. Quorum alicuius si testimonium aliquod huc pertineas oculis hausissent, non verò alicui vano rei auctori fidem adhibuissent, Morales, & qui validè suscepit hanc ipsam originem defendendam Bivarius, dubio procul verba illius, quæ tantum Hispaniæ decus stabilire idonea erant, nobis non invidissent. Hoc argumento ducti frequenter jam dicto Moralis, & horum S. Dionysii commentatorum, quæ nulla sunt, jactatis testimoniis fidem abrogant, etiam hi & apud quos adhuc Hispaniensium Hierothei natalium, vel ex uno Pseudo-Dextri Chronico fides constat.

402. Hucusque vidimus vanæ traditionis fontes, & Hierotheum nullo probationis genere, nulla vel levissimi argumenti specie nostrum fingi. Sed neque satis hoc est, nisi urgeamus, nec potuisse nostrum esse. Hierotheum Athenis Areopagitam fuisse agnovit *Menologii* auctor, *Menea* verò, & *Semestre* alterum *Vaticanum*, nonnisi unum pronunciant ex novem senatoribus, qui in Areopago Athenarum urbis jus dicebant. Nec ideo hi Areopagitam negasse credendi sunt auctores: in Areopago etenim Areopagitis tantum locus erat. Culpandi tamen sunt erroris in assignando Areopagitis numero, qui nullo certo numero fuere. Novenarius autem ille non Areopagitarum, sed Archontum fuit. Magistratum sic appellabant, quem gerebant quotannis. Archon, Rex, Polemarchus, cum fex Thesmothetis. Ex his, qui in hoc magistratu laudabiliter se gessissent Areopagitæ in perpetuum creabantur; qui ordo fuit judicum amplissimus & sanctissimus. In magistratum verò Archontum (novem illos ita nuncupabant) qui

Arco-

c Diatribæ de Simeonibus pag. 80. & sequentibus.

d Tom. 2. pag. 167.

e Ad ann. Lxiv. n. 4. ad ann. xci. n. 6. Braulioneque in Addition. f In Chronico n. 21. & 27. & Adversario 202.

g Martinus de Roa hist. de Eccl. lib. 2 c. 4. Didacus Colmenares hist. de Segovia. c. 4. §. 6. Thomas Tamajus Verdad de Dextro Nov. 3.

Areopagitici velut seminarium fuit, non alii quam cives Athenienses ex utroque parente, à tertia usque generatione, iique meritis in rempublicam, censuque idoneo præditi, allegebantur. Idque ab antiquo tempore usque ad id, de quo nunc quærimus, hoc est Athenarum urbis Romano jam Imperio obnoxia, Dionysii ac Hierothei ætatem, duravit. Tantum abest ut Hierotheus alienigena in Areopagitarum collegium cooptari potuisse videatur. Singula si liquidò confirmabimus idoneis auctoribus, reponere nihil, credo, habebunt adversarii, præter Dextri & Luitprandi nomina, hoc est merum phantasma.

403. Plutarchum in Pericle audiamus. Docebit nos in primis Areopagitas nonnisi ex Archontibus creari. Καὶ ταχὺ θεωροῖς καὶ δικαστοῖς λήμμασι, ἄλλας τε μετοφώρας καὶ χρημιας συνδεύσας τὸ πλῆθος ἐχρήματο κατὰ τῆς ἐξ Ἀρείου πάγος βουλῆς, ἥς αὐτοὶ ἔμετρίχε, διὰ τὸ μὴτ' Ἀρχῶν μὴτε θεωροδότης, μὴτε βασιλεὺς, μὴτε πολέμαρχος λαβεῖν. Αὐταὶ γὰρ αἱ ἀρχαὶ κληρονομαί τε ἦσαν ἐκ παλαιῶν, καὶ δι' αὐτῶν οἱ δοκιμαζόμενοι ἐπὶ βελονοῖς εἰς Ἀρείον πάγον. Idest: Et brevi theatralibus & iudicialibus sportulis, atque aliis mercenariis donis & largitionibus corrupta plebe usus est (Pericles) adversus Areopagi curiam, cuius ipse pars non erat, quod nec Archon, nec Thesmothes, nec Rex, nec Polemarchus sortitò cooptatus esset. Hi enim magistratus sortitò antiquitus creabantur, & per hos, postquam probati fuissent, in Areopagum ascendeant. Quod & Pollux docet lib. 9. cap. 38. ubi de Atheniensium foris, & Georgius Pachymeres in proëmio ad opera S. Dionysii his verbis ex Græco Latinis: Non enim cuiusvis erat inter Areopagitas censer; sed quem multa sapientia, & proba vita, & in omnibus culpæ vacatio ad tantum evexerat dignitatem. Siquidem Athenis ex novem principibus constitutis (Archontes intellige) oportebat esse Areopagitas; quorum numerus ad unum & quinquaginta extensus fuit. Hæc Pachymeres. Idemque Maximus in prologo suo ad eadem opera ex Androtione id probans in Atticorum 11. Iccirco Plutarchus in Solonis vita ex annuis magistratibus constituisse hunc dicit Areopagitarum senatum.

404. At in Archontum seu Thesmothetarum ordinem non ascisci alienigenas Julius idem Pollux testis est eodem lib. 9. cap. 8. ^b Qui de examine seu discussione super his habenda, qui ad hunc magistratum vocari poterant, Ἐκαλεῖτο (ait) δὲ τῆς θεωροδότην ἀνάγκης. εἰ Ἀθηνῶν εἰσιν ἐκπύροισιν ἐκ τριχονίας, καὶ ἡ δὲ δυνάμις ποδὲν. καὶ εἰ Ἀπόλλων ἐστὶν αὐτοῖς πατὴρ καὶ Ζεὺς Ἑρμῆς. καὶ εἰ τὸς γονίας αὐτοῖς ποῖσι. καὶ εἰ ἐραταῖοντα ὑπὲρ τῆς πατρὸς. καὶ εἰ τὸ τίμημα ἐστὶν αὐτοῖς. Erat autem quedam Thesmothetarum discussio appellata: an scilicet ex utroque parente à tertia usque generatione Athenienses essent, & ex quibus populis; an Apollo esset illis patrius, & Jupiter Herceus; an parentibus benefacerent; an pro patria militarent; & an censum idoneum haberent. Pertinet huc Demosthenes in appellatione contra Eubulidem extrema, ubi probare nititur se utrimque esse

Bibliotheca vetus Hispana Tom.I.

Atheniensem, & Apollinis patrii & Jovis Hercei habere gentiles. Fuit, nec diffiteor, aliquando, ut ex Archontum senatu non crearentur Areopagitæ. Philochorus lib. 3. Atticorum, qui sub Antiocho Magno (ut Vossio videturⁱ) vixit, de eo nos docet. Maximi verba sunt è prologo nuper laudato: Postea pluribus (præter Archontas) concessus fuit Areopagi senatus, id est ex viris illustribus quinquaginta & uni; sed nobilibus tamen, ut diximus, ac divitiis vitæque modestiâ excellentibus, sicut Philochorus in tertio Atticorum narrat.

405. Attamen ex non civibus seu peregrinis allegi potuisse Areopagitam qui dixerit, Atheniensium mores & ingenium minùs noverit. Et Himerius Sophista, qui sub Imperatoribus vixit, Plutarchi & Sexti philosophorum, quos laudat^x, ætate posterior, apertè id ipsum confirmat. Quare dimittite mibi (ad Atheniensis senatus patres ait^y) vestro decreto filium, & dein vocem illam liberalem, seu vindicationes secundum libertatem acclamate, ut tanquam Atheniensis (quod est ac si dicerem liber) apud nos & dicat & scribat, & si dii velint, etiam in republica honores assequatur. Hactenus ex Schoti interpretatione. Nec extra rem est quod Athenienses adeò sibi in civitate sua placuerint, ut majores suos ἀντόχθους, hoc est, ibi natos, nec aliunde gentium delatos, crederent; de qua re plena sunt Græcorum commentaria^z: atque adeò in civem non alium admitterent, nisi qui ob strenuam populo navatam operam civitate Atheniensis donari meruisset, uti Demosthenes oratione in Neeram docet.

406. Duravit quidem hæc species reipublicæ, iidem magistratus, eadem leges, eadem Archontum & Areopagitarum existimatio, eo etiam tempore, quum Atheniensibus non fuit omnino libera respublica, sed Romanis obnoxia. Adrianus Imperator Athenis Archon fuit, Spartianoⁿ & Phlegonte Tralliano auctoribus. Quò & Dio trahendus est, cujus verba Latina dabimus ex lib. 59. At Dionysia, defunctus maximo apud eos (Athenienses) magistratu, patriæque veste indutus, magnificè celebravit. Gallienus quoque, cum de eligendo alio Imperatore milites deliberarent, apud Athenas Archon erat, idest, summus magistratus (ait Trebellius Pollio^o). Idem Areopagitarum præterea cupiebat ingeri numero. quæ ejusdem Pollionis verba sunt. Etsi enim Romani dominarentur (ait Maximus^p) tamen Athenas & Lacedæmoniam propriis uti legibus sinebant. Unde adhuc apud Athenienses magistratus Areopagitarum munere suo fungebantur.

407. Scio ex isto nuper adducto testimonio Trebellii Pollionis quicquam deduci adversus nos posse; tanquam Gallieni ævo Archontes jam non ex civibus necessariò crearentur. Ea enim sunt ejus verba: Cum tamen sibi milites dignum Principem quærent, Gallienus apud Athenas Ἀρχὼν erat, idest, summus magistratus, vanitate illa quæ & civis adscribi desiderabat, & sacris omnibus

M 2 inter.

ⁱ De hist. Græc. lib. 1. cap. 18.

^x In funebri laudatione filii apud Photium cod. 243. columnâ editionis Græcorum lat. A. Schoti. 1114. ^y In Areopagistica apud eundem Photium col. 1110.

^m Plato in Menexeno. Demosth. in oras. funebri. Themistius oras. 19. Lycurgus oras. adv. Leocratem. Thucydides lib. 6. in oras. Pericles. Æschines epist. 11.

ⁿ In Adriano.

^o In ejus vita.

^p In prologo ad Dionysii opera.

interesse ; quod neque Adrianus in summa felicitate , neque Antoninus in adulta fecerat pace . Et post pauca : *Areopagitarum præterea cupiebat ingeri numero , contemptâ propè republicâ* . Archon ergo , ante quàm civis , fuit Gallienus ; aut saltem etiam civitate donatis patebat hujus magistratus honos : quod ipsum allubescet de Hierotheo conjectari , Archonte prius ex alienigena civitate donato , & ex Archonte Areopagitâ . Sed , si verum amamus , exemplum Adriani Cæsaris plus ad nos pertinet , Hierothei ferè æqualis , quàm Gallieni tertii sæculi Imperatoris . Vides autem quòd Adrianus etiam si Archon ascitus fuisset declinante jam in adulationem veteri observantia ; adeò uti ausus non fuit muneris prærogativâ , ut sacris Atheniensium interesse noluerit ; uti Pollio animadvertit , contrarium tribuens impotentiae Gallieni , quæ forsan fuerit & sequentium temporum corruptela .

408. Sed si vera lectio hujus est , & non altera hæc preferenda , qua & civis adscribi desideravit , Gallienus , ante scilicet quàm , & ut Archon , jure creari posset , Imperatorum rerum dominorum exemplo nil promovemus ad id quod privatis licuit . Hierotheum verò Hispanum nullâ inter Athenienses & gentem suam commercii aut fœderis commendatione subnixum , diversè , tamquæ longè positæ nationis , alteriusque linguæ hominem , Athenas sic prosperè infedisse , ut & civis , & Archon , & Areopagita creari mereretur , planè mira sic esset res , ut gravissimis etiam auctoribus id ita contigisse affirmantibus vix haberemus fidem . Quid autem deficientibus omnis generis testimoniis , quæ fidem aliquam sibi concilient , exarmataque & sufflaminata Moralis nostri argumentatione , facere debemus ?

q *Adversario*
210. editionis
Thomæ Tama-
ji .

r Lib. 34.

s Ferrarius as-
serit in *Lexico*
geographico , ex
necio quo au-
ctore .

409. Excipiunt tamen ex Luitprando q Hierotheum Emporitanum fuisse in Hispania , hoc est originis Græcæ , immo & Atheniensis : nam *Emporium* , seu *Emporiæ* , in ora Hispaniæ Tarraconensis maritima edificata urbs , ex una parte Græcorum Phocensium colonia fuit , ut ex Livio constat ^r , ex altera Hispanorum indigetum . *Phocis* autem , seu *Phoea* Æolidis , Atheniensium & ipsa colonia , ut jactatur ^s . Plures enim deduxisse in Asiæ continentem Athenarum juventutem , vel Ausonius in hujus urbis elogio testis est , ne Græcis utar :

Unde per Ioniam populos & nomen Achæum
Versa Graja munus , centum se effudit in
urbes

ac de Atheniensibus disertè Seneca in *Consolatione ad Helviam matrem* cap. 6. *Atheniensis in Asia turba est* . Ex quibus testimoniis à nobis allatis sibi ad adstruendam falsò fidem validum surgere munimentum crediderint , qui pro his nugis tanquam pro aris digladiantur fociisque . Quum Luitprandum audis , meram veri olim historici Longobardi umbram , siue nomen tantum falsis quibusdam vanissimi hominis cogitationibus adscriptum velim intelligas , qui fortè adhuc ignarus es chimæræ hujus apud nos grassantis , quam exarmabit ,

spero , hic idem noster , cum cò pervenerit , commentarius .

410. Dexter utique de Hierothei patria urbe nihil novit , contentus Hispanum dicere . Cujus silentium ne officeret adeò novè , ac ferè incredibili , Hispani hominis Athenis Areopagitæ creati pseudo-historiæ , querendus omnino fuit cautiore opera modus leniendi hanc asperitatem , videlicet Græco-Hispana urbs , unde ortus Hierotheus origine gentis Græcus , ac , si Deo placet , Atheniensis , & munerum suæ antiquæ gentis & urbis confirmaretur capax . Huic expediendæ rei confictum est Luitprandi hoc , ut vocat , *Adversarium* , quod sic edidit Thomas Tamajus : *Macer Hierotheus Hispanus Emporitanus , olim sub Imperatore Tiberio Tarraconensis gubernator , perrexit anno XLV. Cyprum , ubi Paullum audiens conversus est ad fidem , & eum sequutus est* . Sed hic auctor ejus notæ vel apud eos est , quibus verus auctor est , ut Hierotheum ex eaj Græcorum colonia oriundum esse minimè ei credant , immo *Astigitanum* ^t , hoc est è Beticæ provinciæ colonia *Astigi* , siue *Augusta Firma* (hodie *Ecija*) seu mavis *Urgabonensem* ^u , ex oppido ejusdem provinciæ *Arjona* , potiùs existiment . Quibus ultimò dictis natalibus favere voluit planus ille , qui Auli Hali verbis historiam conspurcavit Hispanam , & , quod magis dolendum est , sacram . Videri potest Joannes Tamajus in *Martyrologii Hispani* tomo 5. ad diem IV. Octob. Ipse etiam pseudo-historiæ tenor è Dextro & Luitprando concinnatus parum arridet nostris , eorum etiam auctorum sacramento addictis , historicis . Ajunt illi conversum à Paulo Apostolo Hierotheum , Cypri nempe , quod adjungit Luitprandus . Historicis autem nostris , vel in Hispania , vel potiùs Athenis ipsis , placet ^x .

411. Inverisimilia hæc omnia sunt . Conversioni namque Hispaniensi , cui ansam dedit in Philothei & Hierothei confusione Moralis error , manifestè resistit , Hierotheum transeunti ex mortali ad cœlestem vitam Deiparæ Virgini adstitisse , uti discipulus Dionysius retulit ^y , qui transitus contigit omnino antequàm Paullus Apostolus , si quando venit , in Hispaniam veniret , & Hierotheum ad fidem , quod hæc affirmat pars , converteret . Athenis verò id non contigisse silentium evincit Lucæ ^z , cui conversionem Dionysii referenti nullatenus excidisse credendum est Hierothei , tanti viri , atque ejusdem Dionysii præceptoris , similem ad Evangelii sacramentum evocationem . quod prudenter considerat sacræ Scripturæ interpretum decus Joannes Lorinus ^a . Quare animi pendent cordatiores è nostris auctores ^b . Non minus impeditam ingredientur viam , qui cum Luitprando id in Cypro factum contendunt . Nimirum si huic aures damus , priùs Tiberii tempore Hierotheus Tarraconensis fuit gubernator , atque inde Cyprum veniens , ab commorante ibi tunc temporis Apostolo susceptus est in gremium Christianæ religionis . Quæ ejus conversio vel fuit ante gesta Athenis munera , & in his Areopagiticum , vel postea . Neutrum dixerit qui non Pseudo-Luitprandi habebit

t Ita Marieta lib. 22. *De las ciudades de España* . Valdes *De dignit. Reg. Hisp.* cap. 6 *Roa histor. de Ecija* lib. 2. cap.

u Franciscus Ruf-puerta *Hist. Eccles. de Jaén* 2. parte . Bilches *Santos de Jaén* par. 1. cap. 10. *Ximena en las Obispos de Jaén* . pag. 21.

x Padilla *Hisp. Eccles.* parte 1. cent. 1. cap. 22. Tamajo *Verdad de Dextro* . novedad 3. fol. 94.

y Lib. 1. *De div. nom.* cap. 1.

z *Aben cap. 17.*

a In *Comm. ad hunc Athonum* locum.

b Roa ubi supra fol. 19. Joannes de la Puente lib. 2. *De la conversion de las Monarquias* , ca. 12.

bebit frontem. Neque enim Christianismo initiatus ethnica & superstitiosa munera suscepisse, nec Areopago jam addictus ad gubernandam in Hispania Tarraconensem sive urbem sive provinciam (quod non satis in Luitprando distinctum habetur) neque inde in Cyprum divertere potuisse credendus est.

412. MACRI etiam nomen, quo indagator inclytus antiquitatis Luitprandus Hierotheum appellavit, eam excitat mihi suspicionem, lapidem aliquem nomine isto *Macri*, & prefecturae honore inscriptum fuisse alicubi ab eo visum, & occasionem inde arreptam confingendi & compingendi binominem, qui nusquam fuit, mortalem; quo genere prodigiorum solet is, & alii ejusdem parentis filii, credulorum oculos ludificari. Nec quod alias legi notant Luitprandi editores, *Sacer* scilicet, *Macri* loco, statim ut typorum sphalma conzernendum est, cum Julianus, alterum hydre istius fabulatricis caput, Luitprandi germanus frater est ficulneo parente, confirmare hanc lectionem videatur mihi alicubi dicens: *Sacer, & ante eum Petrus, Clemens, Timotheus, & quotquot inviserunt Hispanias, inviserunt sepulchrum beatissimi & sancti Jacobi*. Sed nimium jam he nuge nos detinent. Quibus tales eę non videbuntur, permittemus dolere vehementer (quod non unus est nostris facit) ^d de vita S. Hierothei a discipulo Dionysio scripta, quam sibi est Furnensis nescio cujus monasterii bibliotheca exscribi desiderare se, ad Albertum quendam monachum scribens falsus idem fingit Julianus ^e, jam nunc deperdita, cujus tamen, uti laudatę in commentariis Dionysii Gręcis, recordatur Lilius Giralduſ dial. 5. *De poetis* ^f.

CAPUT XX.

Idem quod in Hierotheo, ausos esse in GALENO & SERENO SAMMONICO Hispanię tribuendis Pseudo-Haubertum ac Pseudo-Luitprandum. Galeno eventus quidam temerę adscripti. Hujus patria Pergamus: parens & avus Gręci, & in Gręcia. SERENORUM omnium Gallęcię falsę adscripta origo. Crassissimi Pseudo-Luitprandi errores in utriusque Sereni Sammonici rebus disquirendis. Uxor Philippi Imperatoris SEVERA, non SERENA. Quintus medicus a Galeno laudatus diversus fuit a Quinto Sereno Sammonico. Galeni etas. SERENUS GRANIVS Asię proconsul, aut GRANIANUS, non GRAVIUS, qui de Christianis ad Adrianum scripsit. Nomina propria hominum transire illibata in aliam linguam. Presumptio eorum qui Galenum est Bergamo Italię fuisse adscribunt, corripitur. Falsi quidam est Pseudo-Hauberti Chronico hujus seculi scriptores seu viri docti Hispanię.

413. PUDET, pudet me infumere operam in convellendis ab quorundam hominum mentibus, quos (ut Plinius loquitur) *nunquam leviter aut cumctis credendi saties* caput, his, quas magno famę nostrę malo admittunt, immo adorant, fabulis. Nisi tamen portenta hec falsitatis & menda-

ciorum cęsis veritati expiamus victimis, perget de historię religione delusorum licentia & impunitas, unā & credulorum superstitio, (quod facit hactenus) triumphare velle. Nempe sub ea constellatione ipsa, quę Dextrum, atque ejus continuatores, seu potius totidem ominosissima historię nostrę produxit monstra, formatum heri aut nudius tertius fuit Hauberti Hispanensis (ut videri voluit) monachi Benedictini Chronicon, quod quidem D. Antonius Lupian Zapata primus invenisse, commentariisquę illustrasse refertur, tandemquę sub specioso titulo vulgari: *Poblacion Ecclesiastica de España*, duobus voluminibus Gregorius Argaius, Benedictinus & ipse monachus, cum commentariis, ut jactat, propriis in lucem edidit. Qualia autem, & quāp fada hujus gangrę mendacitatis ulcera sint, alibi erit prodendi locus. Nunc interim, quia res agitur hujus, quod percurrimus, temporis, ab uno (quod poteris) disce omnia, lector.

414. *Floret hoc tempore* (sic legitur ad annum CXL Christiani jam seculi) *Galenus medicus, natus Gallęcię urbe Taragantica*. Audisti ne? Claudius Galenus, medicorum ille coryphęus, non quidem ex Asia Gręcanica, sed ex Gallęcia est Hispanię? Atqui audieram Pergamenum patriā fuisse. Licebit ergo, hujus unius fide Hauberti, universę antiquitati, & Galeno ipsi mentionem impingere? Licebit per eos utique, qui edere nobis hec talia non contenti, propugnare ac tueri audent; chartis & famę atque otio suo pessimę consulentes. Qui verō sapiunt, conjungere hanc cum aliis de Galeno dictis poterunt fabulis; nempe eum in Judęam profectum fuisse, ut Christi miracula examinaret, ibidemquę mortuum fuisse; sive (ut Michaël Glycas refert ^h) in Mariam Magdalenam incidisse, eiquę referenti Christum sanasse cęcum quendam, respondisse, ex cognitione, quam haberet, metallorum naturę potuisse id ei procedere; quę omnia in *Galenı elogio Chronologico* i Philippus Labbeus notavit. Galenum certę, quod Pergami Asię, Attalico- rum Regum olim regia, fuerit natus, Pergamenum dictum vel pueri sciunt. Ita vocant quique vel antiqui vel recentiores historici qui ejus meminere, Georgius monachus Syn- cellus Constantini ęvo in Chronographia ^k, Anastasius Bibliothecarius in Historia ^l, qui Galienum, & genere Pergamenum appellat, Eutropium ^m exscribens, Suidas ⁿ, Marianus Schotus ^o, alii. Adjungam Hispanicum hi- storicum ante non multos annos publicatum: auctorem scilicet Chronici anno Domini DCCCLXXXIII. scripti, quod sub Dulcidii Salmanticensis Episcopi nomine editum apud nos fuit. ubi hec legimus: *Galienus medicus Pergamo genitus Romę clarus habetur*. Et qui a duobus seculis, sive memoriam ejus habue- runt, sive vitam descripserunt, Raphaël Vo- laterranus ^p, Jacobus Philippus Bergomen- sis ^q, Andreas Laguna ^r.

415. Sed non ne ipse palam sepiusquę de Pergamo uti de patria, dequę Gręca lingua uti de vernacula, loquitur? Prętermitto ea nunc

^h *Annal. ab Orbe cond.* 3. parte pag. 231. edit. Gręco-Latin. Parisiensis.

ⁱ Pag. 39. & 54. edit. Parisiensis MDCLX.

^k Ad an. Mūdi M D C C C L X V. edit. Gręco-La- tine Parisiensis pag. 353.

^l Ad an. Mūdi M D C C C L X V. pag. 18. edit. Paris. MDCLIX. m Lib. 10. Hist. n In verbo

^o *Galenos*. o in Chron. ad annum Christi CXLVII. d In Anthropologia. q Ad annum CXLVII.

^r In *Vita Ga- leni*, edita cum *Operum Indice* Venetiis apud Hier. Schotum MDCLVIII. in 8.

^c Chron. an. 24.

^d Roa nbi se- prę fol. 78. Bil- ches dict. cap. 20.

^e Epist. præam- bulę ad Chron.

^f Pag. 208.

* Locns corru- ptus.

§ De composit. medicam. per genera lib. 1. cap. 13. ubi Attalum Pergami Regem, suum Regem vocat. & De composit. phar-macorum secundum locos lib. 2. ubi de nive Pergami frequent, ac niox de atramento Pergameno.

nunc testimonia^r, quæ Pergami eum habitasse, ac veluti propriam coluisse urbem, Gregorii Argæzii iudicio dumtaxat evincunt. Is enim Hauberti causâ potius malè audire ab hominibus ratione utentibus, quàm sincerè ac eruditè de eo ferre sententiam, voluit. Quare hic in ordinem reducendus est, & absurdissimi huius mendacii defensionis exerte admonendus. Apertissimè Galenus Pergamum appellat non uno loco patriam. De libris propriis libelli primo capite; *Confestim urbe excedens in patriam properavi*. Et mox: *post reditum meum in patriam*. Et cap. 2. *Profectus itaque sum à Roma in patriam, completo jam septimo & tricesimo ætatis anno*. Tres autem libelli à me scripti, ante quàm Smyrnam ex Pergamo Pelopis medici & Albin Platonic gratiâ proficisceretur, à quibusdam mihi redditi sunt. Et statim: *Post eam igitur à Roma profectiōem cum tandem in patriam pervenissem, illic confidens cum familiaribus versabar*. Et in De anatomicis administrationibus lib. 1. Porro per id tempus adhuc in patria studebam Satyro, annum jam quartum in Pergamo agent, cum Co-stunio Rufino, qui nobis divi Æsculapii templum exstruxerat. Quintus autem Satyri præceptor baud multò antè à vita excesserat. Atque ideo Æsculapium Deum patrium alibi vocat^s, quòd in Pergamo is coleretur; quod & ex hoc Sereni Sammonici constat carmine de eodem Æsculapio, in præfatione libri metrici *De medicina*:

Qui colis Ægeas, qui Pergama, quiq̃ue Epidaurum.

416. Avum item & proavum habuit Galenus^r literis Græcis & artibus institutos liberalibus, patrem verò^u Græcè doctissimum, pædagogumq̃ue & doctorem Græcæ eloquentiæ: quæ de Gallæciæ civibus quæ dici potuerunt? Crevit ipse atque institutus est in lingua Græca^x. Hispaniam autem sic describit, ut longè posita & invisè solemus. De alimentorum enim facultatibus scribens, post Damascenas prunas secundum assignat locum iis, quæ in ea regione, quam Iberiam ac Hispaniam nominant, proveniunt. Quinimmo pro vera patria stant ii auctores, quos maximè colere ac sequi Hauberti exitor Argæzius debet soletq̃ue; Dexter scilicet historicorum antesignanus in Chronico suo, & auctor Chronici Æmiliensis, quod idem Argæzius vidit. I nunc, & Galenum dic in Hispania ortum, Haubertumq̃ue veracem.

417. At quibusnam aliis argumentis verosimilia dixisse Haubertum Argæzius comprobatur? Absurdissimis, falsis, & indignis profectò quæ ab ore ejus prodeant, qui literas & libros tractat. Involvit nempe hoc fabulæ portentum cum inaniore adhuc fabula. QUINTUM SERENUM SAMMONICUM, medici libri metrici auctorem, Gallæcum ex Luitprandi testimonio (Luitprandus alter est è terræ filiis, in vanitatis gremio natus auctor, ut proprio loco admonebimus) Quintum esse illum fingit Galeni præceptorem, cujus ipse passim recordatur. Hunc quoque propinquum seu cognatum Galeni fuisse conjectatur ex nomine ipso Galeni, quod Serenum

significat. Immo & ex eadem familia Serenorum Gallæcorum esse ait SERENUM GRAVIUM Asiæ proconsulem, qui ad Adrianum scripsit pro Christianis, Justino martyre & Eusebio testibus. Quocum in Asiam ad munus hoc gerendum proficiscente, Niconem propinquum eò se, cum Galeno filio, contulisse; non abludere à vero suspicatur. Somnia hæc sunt, ac refelli indigna, si non homines essent, quibus probari opus est solem existere.

418. De Quinto Sereno Sammonico (ut hinc exordiar, adscriptumq̃ue Hispaniæ scriptorem quoque hunc abdicatum dimittam) has effutivit nugas supposititius Luitprandus^r: *Quintus Serenus, Quinti Sereni filius, ad quem scripsit S. Bacchius Justinus philosophus & martyr epistolam longam anno CLVI. (scripserat anno CLIV. ad S. Anicetum Papam) natione Hispanus, ex oppido Gallæciæ Samone, nunc vulgò Samos, unde dictus est Samonicus. Fuit, ut quibusdam placet, junioris Gordiani, qui vixit annis xxxv. præceptor; nec multò post à Caracalla iussus est occidi in balneo (creditur ut pater Christianus, cujus causâ occisus credi potest) Fuit medicus celeberrimus. Multa scripsit De medicina, in qua plurimum excelluit. Ex huius genere fuit Serenus martyr, & sancta Serena uxor Diocletiani Augusti: cujus neptis fuit etiam S. Susanna virgo & martyr, filia S. Gabini Martyris. Item numero sequenti^z: *Zenas & Q. Serenus Samonenses ex Gallæcia convenerunt Romæ Justinum; & licet conjugati, reversi in Hispaniam utebantur officio catechistarum, ut ex Justinio philosopho constat. Decessit Q. Serenus Samone in Gallæcia cum opinione sanctitatis anno CLXV. relicto filio adolescentulo, qui fuit egregius medicus, & virtutis ac religionis amantissimus. Dies senioris Q. Sereni dicitur fuisse xiv. Kal. Martii, illo anno. Medici duo filii Quintus & Marcus Sereni passi sunt sub Severo Alexandro. Item tertius & quartus Sereni passi cum aliis in Africa sub Diocletiano. Horum filii L. Serenus monachus familiaris Diocletiano, & Publius Serenus; Martyr in Africa hic, ille verò in Hispania, Sexti Firmii in Bætica passus est sub Diocletiano anno ccxc. Horum erat cognata sancta Serena uxor Diocletiani. Serena uxor Imperatoris Philippi, mater fuit Serenæ uxoris Diocletiani. Cacoethem nugandi, aut potius de rebus tam sacris mentiendi! Sereni ergo tribus istis Ecclesiæ sæculis quotquot fuere, hos omnes si Pseudo-Luitprando Haubertoque aures damus, Gallæcia dederit Serenorum propago.**

419. Hæc fuit prorsus ludionis huius, & aliorum ejus similium in fallendo mens & consilium, spoliare illustribus earum hominibus externas regiones, quos Hispaniæ adscribere, nominis æquivoci ductum sequentibus semel placuisset. Arrisit ergo Samonici nomen, quæ Serenus appellatur, medicus auctor; visumq̃ue aptum, ut fingeretur ab oppido Gallæciæ Samos, uti gentile derivatum. Hinc Q. Serenus Sammonicus Hispanus è Gallæcia repente factus. Eandemq̃ue profectò metamorphosin passus fuisset, si notus fabulatori, Samona Episcopus Gazensis, *Dialogi* cuius-

z Adversario. R. 175.

z Adversario. 176. & 177.

§ De propriis libris cap. 2.

† Eodem libro cap. 11.
‡ De differ. pulsum lib. 2.

x Ibidem.

iusdam auctor cum Achmete Sarraceno Machometano circa ann. MCCXXIX. conscripti, volumineque 4. *Bibliotheca SS. PP.* exstantis. Sed ne is Q. Serenus Sammonicus sterilis apud nos vixerit, advocatum iri ad angulum hunc Hispaniæ oportuit nostræ quicquid *serenum* in toto unquam fuit historiæ illius temporis cælo, hoc est quicquid *Serenorum* usquam vixit, aliquâve commendatum laude floruit. Agedum, singula consideremus capita, bipedumque infulsissimum tot ferè mendaciorum, quot verba effutivit, arguamus.

420. *Quintus Serenus; Q. Sereni filius, ad quem cum remisisset S. Bacchius Justinus philosophus & martyr epistolam longam anno CLVI. &c. Et postea: Zenas & Q. Serenus Sammonicus ex Gallæcia convenerunt Romæ Justinum; & licet conjugati, reversi in Hispaniam crebantur officio catechistarum, ut ex Justino philosopho constat.* Obfirmatus præpostero consilio Serenos omnes in cinnum colligendi, & urbe Gallæcia donandi, recordatus fuit S. Justinus martyris epistolam ad Zenam & Serenum *De vita Christiana* inter cætera ejus exstare opera, de cuius fide Bellarminus dubitat. Hunc eundem esse cum *Sereno Sammonico* fingit, qui in scriptis gentilicam superstitionem ubique prodit; nam & Phœbum & Esculapium in limine invocatur suæ medicinæ; de ea quoque in aliis scriptis egit, quorum apud Macrobius^a Arnobiumque^b memoria exstat; necnon frequenter in isto opere magicæ artis remediorum cum aliis illius ævi & sequentis medicis Alexandro Traliano, Aëtio, Marcello Empyrico, usum commendat, observante ad ultimam Amstelodamensem hujus operis editionem erudito viro Roberto Keuchenio. Egregium sanè Justinus de vita Christiana auditorem, & Gallæciæ Christianitatis catechistam! quem diu post Justinus martyrium sub Marco Antonino Imp. philosopho transactum, Caracalla cenantem occidit^c, Arnobius inter alios gentilicæ historiæ scriptores, quorum testimoniis ad refellendas gentium persuasiones utitur, laudat^d; quique in libris *Ad Antoninum*^e (eundem credo illum qui Justinum neci dedit) tot superstitiones literis consignavit. Præterea S. Justinum martyrem *S. Bacchium Justinum* falsò appellat, qui non *Bacchius* proprio nomine, sed Prisci filius, Bacchii nepos fuit, uti de se ipse refert *Apologice ad Antoninum*, & ex eo Eusebius lib. 4. *Hist. Eccl.* cap. 12. aut *Prisci Bacchii* filius, quomodo apud S. Hieronymum legitur^f; ubi, & in Honorio Augustodunensi^g fortè subrogandum sit, *patre Prisco Bacchii*. Certè nullus ex antiquis Justinus laudatoribus aliud ei nomen præter id, cum *philosophi* additione, attribuit; quorum testimonia collegit Petrus Halloix in *Illustrium Ecclesiæ Orientalis scriptorum* volumine altero.

421. Prosequitur Luitprandi larva: *Scripterat (Justinus nempe) ann. CLIV. ad S. Anicetum Papam.* Inclytus nempe martyr in ea ad Zenam & Serenum epistola hæc habet: *De quorundam, prout eorum fert præsumptio,*

institutione & disciplina &c. in epistola ad Papam perquam diligenter & accuratè differui. De hac docere nos voluit nugivendus, ad Anicetum scriptam esse Romanum Papam. At quidem stylus ejus temporis planè respuit *Papam* absolute de Pontifice dici Romano: quod Baronius vidit. Nec Anicetus Ecclesiæ præfuit usque ad annum CLXVII. Tantum abest ut ad eum anno CLIV. Justinus scripserit, quo anno sedisse Hyginum *anales Ecclesiastici* nos docent:

422. *Natione Hispanus ex oppido Gallæcie, vulgò Samos, unde dictus est Samonicus.* Data nempe fuit fabulatori occasio de Sammonici patria ludendi, ex quo nescire se fatentur docti viri^h, undenam Sereno id contigerit nomen. Ecquidem corruebat planè nostri etymon, si *Sammonicum*, quomodo in quibusdam Macrobius & Arnobius mss. codicibus reperitur, cum duplici *m.* non *Samonicum*, quod aliàs vulgare est, præferre libeat. Gallæciæ autem urbis *Sami*, aut *Sami*, nulla apud antiquos mentio. Nec ideo quia ignoramus nominis causam, temerè fingenda est, aut fingenti auscultandum. *Samonium* *Cretæ* promontorium Straboniⁱ, *Melæ*^k, Plinio^l laudatum scimus. Unde potius quàm à *Samo* insula *Ægæi* maris, à qua *Samius* planè diceretur, appellanti *Samonicum*, facilius credemus.

423. *Fuit (ut quibusdam placet) Junioris Gordiani, qui vixit annis xxxv. præceptor. Nec multò post à Caracalla jussus est occidi in balneo. Creditur ut pater Christianus, cujus causâ occisus credi potest. Fuit medicus celeberrimus. Multa scripsit de medicina, in qua plurimum excelluit.* Quæ quidem propria parentis sunt, filio attribuit. At ea distinxerunt apertissimè Spartianus & Capitolinus. Quem quidem Caracalla occidit cenantem (non in balneo) is pater Sammonicus fuit, non junior, qui Caracallæ tot supervixit annis, & Gordiani fuit præceptor. Hic ipse est qui medica arte excelluit, ejusque artis opera reliquit, non filius. Spartianum audi: *Occisique nonnulli (in vita Caracallæ ait) etiam cenantem, inter quos etiam Sammonicus Serenus, cujus libri plurimi ad doctrinam exstant.* Idem in *Geta Severi filio: Sereni Sammonici libros familiarissimos habuit, quos ille ad Antoninum scripsit.* Præter enim vulgarem *Medicinæ* librum carmine scriptum, *Rerum reconditarum* opus tribuit Sereno Sammonico Macrobius^m. Ad quod magis quàm ad medicum opusculum Spartianus per me respexit. Meminit item Joannes Sarisberienensis lib. 8. *De nugis curial.* cap. 7. Sammonici Sereni temporibus Severi principis. Antoninum ne cui inscripti libri fuere, Caracallam ipsum intelligam, an M. Antoninum philosophum, qui eo triginta annis superior fuit imperandi ætate, ambiguus sum.

424. Planè hunc doctrinæ eximie virum alterius Sereni Sammonici, quo præceptore usus Gordianus junior fuit, parentem fuisse; docet clarissimè Capitolinus. *Sereno Sammonico (in vita Gordiani ipsius junioris ait) qui patri ejus (Gordiano seniori) amicissimus, sibi*

^a Lib. 3. *Sar. cap. 9. 16. & 17.*
^b Lib. 6. *Adv. Gentes.*

^c Spartian. in *Caracalla.*

^d Lib. 6. *Adv. Gentes.*

^e Spartian. in *Antonino Geta.*

^f *De scriptor. Eccl.* c. 23.
^g *De scriptor. Eccl.* cap. 24.

^h Keuchenium vide in *Prolegomenis* ad *Serenum.*

ⁱ Lib. 10.
^k Lib. 2. cap. 7
^l Lib. 4. c. 12

^m Lib. 3. *Sar. cap. 9.*

fibi autem præceptor fuit, minus acceptus & charus, usque adeo ut omnes libros Sereni Sammonici patris sui, qui consebantur ad LXII. milia, Gordiano minori moriens ille relinqueret. Neque hic ergo medica arte & libris clarus, neque à Caracalla occisus, quæ somniavit Luitprandus, qui & impietate causa mortis ejus, qui verè à Caracalla occisus fuit, Sereni senioris, adjungere non erubuit credi posse fidei causâ eum occidi jussum; cum ex Spartianoⁿ compertum sit occisum eum jussu Caracallæ eò solùm quod Getæ favisset partibus. Sed redeamus ad fabulam nostram.

a In vita Caracallæ.

425. Ex hujus genere fuit Serenus martyr, & S. Serena uxor Diocletiani Augusti, cujus neptis fuit S. Susanna virgo & martyr, filia S. Gabini martyris.] Serenum martyrem eum fortè intellexit, cujus historiam catalogo suo Petrus de Natalibus lib. 3. cap. 47. consignatam reliquit. De Serena Diocletiani uxore, & Susanna ejusdem Augusti nepte, consule sis Baronium.

b Tomo 2. ad ann. CCXCV.

426. Prosequitur Adversario 158. Decepsit Q. Serenus Samonicus Galliciæ cum opinione sanctitatis anno CLXV. relicto filio adolescentulo, qui fuit egregius medicus, & virtutis ac religionis amantissimus.] Occisum eum Romæ à Caracalla fuisse diximus, quod Getæ partes fovisset; qui Caracalla anno Christi CCXII. sive CCXIII. imperare cœpit. Pietatem ethnicis hominibus temerè attributam illis vindicandum, quorum curæ id commissum est, libenter relinquimus.

427. Dies senioris Quinti Sereni dicitur fuisse XIV. Kal. Martii illo anno.] Habuisse quidem ob oculos videtur mihi nugivendus noster Serenum martyrem, qui non XIV. sed VII. Kal. Martii ab hagiologis memoratur^p. Facilis enim error in excribendo auctoris exemplo. Nec quod ille monachus, & sub Maximiano dicatur fuisse martyr, opponas, dummodo Serenus fuerit, & aptus nomine ad ludendam hanc fabulam: in quo te paullo inferius confirmabimus.

p Martyr. Rom. Galcinius hoc die. Equilinus lib. 3. cap. 147.

428. Medici duo filii Quintus & Marcus Sereni passi sunt sub Severo Alexandro.] Aut nihil video, aut impudentiâ suâ usus auctor est ad huc trahendum Serenos duos Origenis discipulos, quorum sub Severo Imperatore martyrii lib. 6. Hist. suæ cap. 14. Eusebius meminit. Post Plutarchum (ait q) secundus ex Origenis discipulis martyr fuit Serenus, qui fidem quam acceperat, igne examinatam ac probatam exhibuit. Et post nominatos alios, Heraclidem Heronemque, præter hos quintus (ait) ex eodem auditorio Christianæ pietatis athleta Victor renunciatus est Serenus, priori illi cognominis, &c. Hos nempe Quinti & Marci nomine appellatos voluit Luitprandus hypobolizans. Quinti nempe, ut martyrem Christi, ac Origenis discipulum, ex Quinto Sereno Sammonico juniore, senioris filio, crearet; qui nempe Quintus Serenus tot annis post Severum erudit in literis Gordianum, ut jam vidimus. Nec repugnat conjecturæ nostræ, quod sub Severo Alexandro referat contigisse martyrium, qui alius à Severo prorsus fuit. Hæc enim alia est oscitantia ejus, qui ne quid,

q Ex Versione Valesii.

etiam volens, verum diceret, fatali quadam necessitate adigebatur.

429. Item tertius & quartus Sereni passi sunt cum aliis in Africa sub Diocletiano.] Nisi in his respexerit ad aliquos Tertii & Quarti nomine appellatos martyres, qui nonnulli sunt in sacrorum fastorum tabulis^r, libenter fatebimur nostri abigei vestigia nondum hic nos deprehendisse.

r Tertius M. 19. Octob. iq Romana veteri, & apud Adenem. & 6. Decemb. in Romana. Quartus 10. Maii. 6. Aug. ibidem, & 5. Novemb. in appendice Adonis.

430. Horum filii Lucius Serenus monachus familiaris Diocletiani, & Publius Serenus martyr: in Africa hic, ille verò in Hispania Sexti Firmii in Bætica passus est sub Diocletiano anno cxc.] Pergit omniscius vir Serenorum successionem pertexere, Tertiique & Quarti filios ait fuisse Lucium Serenum monachum, Sexti Firmii in Hispania, & Publium in Africa martyres. Undenam tagaces manus subripuerint Serenum illum monachum martyrem scire cupis? Equilinum Episcopum adi, & libri 3. cap. 147. Serenum monachum laudatum offendens sub Maximiano (Diocletiani collega) Sirmii martyrem, ex Sirmio enim celebri Pannoniæ urbe facta est ad nutum fabulatoris Sexti Firmii nota Hispaniæ urbs ad oram Bæticæ. Publius autem Africæ martyr querendus est vel XIX. Februarii, vel secundo Novembris diebus.

431. Horum erat cognata S. Serena uxor Diocletiani. (de qua supra dictum) Serena uxor Imperatoris Philippi, mater fuit Serene uxoris Diocletiani.] Stupiditatem an invercundiam hominis averfabimur, qui Serenam sustinuit chartis illinere, atque huic familiæ inserere, quæ quidem Severa fuit nomine, ad quam scripsisse Origenem testatur Eusebius. Certè is Ζεϋπαρ, Severam lib. 6. cap. 36. disertè appellat. Integrum nomen fuit Marcia Otacilia Severa, id quod ex pluribus nummis, tam Græcis quàm Latinis, observat docetque Ezechiel Spanhemius in De præstantia & usu numismatum antiquorum^s. Hæc nimirum eruditio est Pseudo-Luitprandi, & hujus lucubrationibus, veritati propriè adversariis, inniti adhuc nonnulli sustinent, quibus plumbei oris & cordis homo Joannes Tamajus validè suffragabitur, si poetæ sui Auli Hali carmen, à se, ut credimus, formatum, ac Pro SS. Serenis Hispanis inscriptum, actusque illos Quinti Sereni, XIX. propaginemque Luitprandinam Serenorum XIX. Februarii diebus inserta, stupidissima non esse ac falsissima, germanaque Luitprandinæ fictionis persuaserit.

s Edit. 2. anni MDCLXXI. Amstelod. disert. 7. pag. 615.

432. Redeamus tamen ad Argæizium Hauberti assertorem, & reliqua ejus argumenta verè plumbea; siquidem in Luitprando nihil ei subsidii esse usque nunc pervicimus. Quintum, ait, quem supra omnes sui temporis medicos excelluisse, & in anatomica re experientissimum fuisse, Galenus docet eundem esse cum Q. Sereno Sammonico, quem Galeni præceptorem falso autumat. Galenus sanè non audivit Quintum, sed discipulos ejus Satyrum Pergami, Numisianum Corinthi: & hic Quintus obiit Antonini Pii ævo. Quintus autem Serenus Sammonicus occisus fuit à Caracalla, ut vidimus.

t De Præceptis. ad Pothinum, & de libris propriis cap. 2.

mus . Res plana erit si animadvertamus, Quintum diem suum obiisse dum Galenus Satyro ejus discipulo operam daret, ut ex aliquo ^{u De anastom. administ. lib. 1. cap. 2.} ex supra laudatis pro Galeni patria testimoniiis constat . Post Satyrum audivit Pelopein & Numisianum ejusdem Quinti discipulos, indeque Romam venit initio principatus Antonini, hoc est Marci Antonini, quem dicimus, cognomento philosophi (qui imperare coepit anno CLXI.) quod ipse etiam in eodem loco refert . Quid ergo Quintus hic ad Sammonicum, quem occidit Caracalla, ab anno CCXI. Imperator Romanus, integris quinquaginta post Antonini Pii mortem; cuius tempore, nec postea, obiisse diem suum Quintum certo certius est .

433. Unde fit crassissimum impactum fuisse Hauberto errorem ab eo qui hunc hominem velut Prometheus alter finxit, dum ad Antonini Pii tempora, ad annum scilicet CXL. res florentes Galeni refert . Eo enim anno gerebat in ætate Galenus novem, aut circiter . Venit quippe is primum Romam xxxii. annos natus, quod annotatum reliquit ipse in Hippocratem *De articulis* ^{x § 23.} scribens. Adventus autem hic imperantibus Marco Aurelio Antonino & Lucio Vero contigit; quorum ipse meminit, belli que Parthici seu Mesopotamici, à Lucio gesti, quum de prædicto adventu verba facit ^{y De præcipis ad Posthimum cap. 2. vol. 4.} . Venit quidem Romam è Pergamo quò urbis hujusce sue turbas fugeret; ferè autem post quinquennium Romæ transactum in patriam rediit, septimo nempe ac tricesimo ætatis anno, nec diu ibi moratum in Italiam rursus evocari eum contigit ab Imperatoribus Marco & Lucio ex urbe Aquileia; quò quidem se pervenisse sub id tempus, quo lues grassata vehemens, extinctusque alter eorum Lucius fuit, in commentario *De libris propriis* refert ^{z Eodem capite.} . Scilicet annis CLXIX. & sequenti, hoc est, horum Augustorum imperii octavo & nono, quod ex Chronico Eusebii constat, Galeni autem ipsius tricesimo octavo, aut circiter . Unde quisnam non videt perspicuè colligi anno CXL. quo florere Galenus ab Hauberto dicitur, vix decennalem puerum fuisse . Non ergo Antonini Pii (quod Argæzius Haubertum suum sequutus ait) sed Antonini philosophi ejus successoris medicus fuit Galenus.

434. Ad Serenorum profapiam aliquot antè annis à se editam, Gallæciæque assertam, Argæzius nos deinde vocat, confirmaturus Hauberti nugæ; contenditque Serenum Asiæ proconsulem, qui pro Christianis ad Adrianum scripsit, Hispanum ex Gallæcia fuisse, indeque secum in Asiam & Pergamum propinquum Galenum duxisse . At quibusnam ad asserendam Sereni proconsulis patriam istam agit testibus? Eusebio, ait, & Adriano ipso, qui *Serenum* disertè *Gravium*, hoc est Gallæcum, vocat . Siccine licet oculis nostris illudere, monumentorumque veterum temerare fidem velle? *Serenus Granius* hic est apud Eusebium in Chronico ^{a Adriani anno 2.}, quomodo, & appellavere Orosius & Marianus Scotus; sive *Granius*, quod ex Justino Martyre, atque ejusdem Eusebii historia, literisque ipsis *Bibliotheca vetus Hispana* Tom. I.

Adriani Cæsaris ab utroque adductis aptius probatur . *Επιστολὴ ἐδοξάμην γραφεῖσάν μοι ἀπὸ Σεργίου Γρανίου λαμπροτάτη ἀδελφὸς, ὅτι καὶ σὺ δὲ δέξῃς .* *Literas à Serenio Graniano, viro clarissimo, cui tu in provincia successisti, ad me datas accepi*; Adrianus ait ad Minucium Fundanum . Hanc ita conceptam epistolam fuisse S. Justinus ait *Apologia secunda pro Christianis* Antonino Pio & filiis nuncupatâ, ex eoque Eusebius lib. 55. *Hist. cap. 9.* & Nicephorus Callistus lib. 3. cap. 27.

435. Utcunque autem sit, unde nam tua, Hauberti propugnator, *Gravium* pro *Granium* aut *Granium* supponendi temeritas, quasi *Graniarum*, aut *Graniorum* apud Romanos haud notum esset nomen? Granius Flaccus *De indigentis* scriptor laudatur à Censorino ^{b De die natali cap. 3.} . Granius Licinianus, & Granius Flaccus à Macrobio ^{c Lib. 1. Saturn. cap. 16. & 28.} . *Thesaurum inscriptionum* consule, & inter plures alios, *Granium Serenum* lapidi Romano sic inscriptum reperies ^{d Pag. 333. 6.} :

C. BEATI MAXIMI
VETER. COH. IX
PR. S. MONTANI. T. P. I.
M. GRANIVS SERENVVS
MIL. COH. V. PR. T.
POMPEII H. F. F.

Granius item cognomento fuit *Julius* declamator is, cujus in Alexandri Severi vita Lampridius mentionem habuit . Neque *Gravii* nomen Gallæcum denotat; aliàs Gallæci fuerint nomine L. Gravius Sejo, & Gravia T. L. Secunda, quorum mentio est in Gruterianis inscriptionibus ^{e Pag. 182. 6. & Pag. 967. 12.} . Hæc nempe Argæzius vocat argumenta in historica re evidentia .

O cor Zenodoti! ô jecur Cratetis!

436. Nec his contentus adjungit alterum ex *Galenii* nomine, quod Græcè idem significare ac *Serenum* ait . Ex quo nasci contendit argumentum mutatz cum Græcia Hispana patriæ, simulque assumpti, Græcos inter, Græci nominis, vernaculo Latino respondentis . *Claudium* ergo putat nomen fuisse ei proprium, *Galenique* appellativum . Sed omnia hæc temerè & inconsequenter dicta sunt . Temerè: nusquam enim exempla mutati hoc modo nominis è Latino in Græcum ejusdem significationis vocabulum suppeditabit ejus ævi historia . Sed Latina omnia propria nomina Græcis passim in usu fuere, sicuti & Latinis Græca; leviter tantum juxta grammaticæ propriæ regulas ad alterius linguæ usum efformata . Plutarchus Latinis semper dictus, Eusebiusque, Gregoriusque, Basiliiusque, & alii Græci originis homines, illibata ubique idiomatis Græci appellatione; non Opulentus, non Pius, aut Vigilantius, aut Regius, quod Latine ea sonant vocabula . Pariter atque inter Græcos Constantinus, Justinus, Justinianus, Augustinus, non quidem transformati sunt in ejusdem significationis, quod poterat, Græca nomina; sed propriæ originis nomina inter Græcos conservavere . Ridiculumque esset ex eo quòd *Γαλνός*, sive *Γαλνός*, tranquillum, haud minus quam *Serenum* significat, *Suëtionum Tranquillum* (cujus

N

pa-

pater fuit Suëtonius Lenis (referente filio in Othonis vita) cùm in Græciam venisset, in *Suëtonium Galenum* transformari. Hæc planè nominum familiæ prerogativa perpetua est, ut vel apud exteros maneat, nec oblivioni detur originis claritudo. Et persuaderi se Argæzius tulit, Galenum ex serenissima ea Serenorum Gallæcorum stirpe procreatum sic facile passurum aboleri memoriam generis, & in barathrum Græcæ transformationis præcipitari.

437. Sed, inquit, immo *Claudii* propriam appellationem retinuit, appellativam *Sereni* nomenclaturam Græcis notâ eorum cudendam permisit. Immo si *Claudius* nomine fuit Galenus, (de quo, cùm ipse *Galenum* se tantum^f, nusquam nec is, nec alii^g, *Claudium* appellent, dubitare non temerè possumus) generis nomen illibatum hac ipsa ratione, quam inculcavimus retinere debuit, eo quòd personæ proprium erat, in quodvis aliud transformari permisso. Hæc dicimus Argæzii sermone loquentes, non ignari, & *Claudium*, & *Serenum* gentis esse vocabula, Græcosque unico tantum nomine contentos vixisse; quòd mihi indicium esset falsò attributæ Galeno Pergamensi *Claudii* appellationis, nisi aliàs novissem Græcis qui civitate Rom. donati essent, in more fuisse propriis nominibus Romana adjungere. Archias enim ille, quem defendit Cicero, *Aulus Licinius Archias*; *Musa*, *Antonius Musa*; *Diodotus* medicus, *Petronius Diodotus*, appellari voluere, uti de Claudio Galeno loquens observavit Petrus Lambecius lib. II. comment. *De Bibliotheca Cæsarea* cap. 7. h

438. Absolvamus tandem de Galeni patria, & Hauberti atque ejus sequacium vanitate verba facere; quem Galenum non dubitavit & Bergomeni urbi Italiæ civem asserere Donatus Calvus Augustinianus in scena literaria Bergomensium scriptorum vulgaris idiomatis, eo tantum quòd Bergamus olim audierit *Pergamus*, idque sequutus sit, hoc tantum argumento usus, Joannes Michaël Albertus Carrara medicus in quadam oratione ad capitulum, ut vocant, fratrum Minorum anno MCDLX. habita. Sic ludunt etiam docti homines de venetanda antiquitate.

439. Sed nondum relinquere has nugas permissum nobis, nisi prius lectorem nostrum opportunè admoneamus Pseudo-Haubertum implèsse illustribus viris Hispaniæ fastos utriusque hujus sæculi. Eccillos:

- ANNO VII. AULUS ELPIDIUS poëta *Calagurritanus* floret.
- XV. *Toleti* moritur GABIDIUS orator, & simul concionator. *Caucæ*, quod *Burgos* est in *Vaccæis*, obiit LUCIUS poëta.
- XXIV. *Gerundæ* in *Catalaunis* moritur plenus dierum & egritudine RUFUS PAULLATUS concionator.
- Libyæ* obiit plenus dierum & egritudine PAULLUS LETUS rhetoricus insignis.

Conchæ Camporum floret HORTELIUS, filius *Orontii Reguli*, orator insignis.

- LI. *Sintriæ* floret L. SENECA philosophus, & catholicus. Nisi LUCIUM intelligat SENECAM, vulgò notum.

- LXIII. *Bletissæ* floret EUTYCHIUS poëta Lyricus.

- CVI. *Emeritæ* floret AURELIUS DIACONUS valdè concionarius, idest poëta.

- CXXVI. *Salmantice* floret ESIDIUS poëta.

- CXLIV. *Tyde circa Rucinum* floret RUFUS DIACONUS concionarius.

- CLII. Hoc eodem anno memoria habetur S. HIEROTHEI Segobien-sis Episcopi. Vitam ejus scripsit Petrus ejusdem civitatis Episcopus. Fabulam fulciendæ fabulæ!

- CLVIII. *Carthagine Spartaria* florent JULIANUS, MODESTUS, ET RUFUS philosophi.

- CLXVII. *Tyrasone* obiit PAULLUS valdè concionarius, simulque philosophus.

- CLXXVIII. *Salmantice* floret RUFUS DIACONUS Episcopi *Saturnini*, valdè historicus.

- CLXXXI. *Circa Hispalim Utriculi* floret LUCIUS NATUS theologus maximus.

- CLXXXII. HIERONTIUS poëta *Hispanus Romæ* floret.

- CLXXXVII. SOCRATES philosophus *Italicæ* moritur.

440. Pudit nempe hujus Chronici auctorem subverecundè adhuc frontis aliorum similium scriptorum, quos malè sana mens ad hujusmodi fictionibus veram historiam deturpandam coëgit. Dextri enim, Maximi, Luitprandi, Juliani, quos intelligo, notis aliàs rebus personisve superstruere fabulas propositum fuit perpetuum. At quia abyssus abyssum invocat, secretoque impunito crimine quodammodo ad publicum invitamur, Haubertus jam ausus est, non, ut alii, transformare aut mutare de loco in locum, ex pluribus unum, ex unove plures homines facere; sed quod verè Deus solus potest, falsò ipse, qui nusquam fuerunt, ex nihilo fingere omninoque in fabulatoriam artem gravissimam totius doctrinæ historiam impudentissimè convertere.

C A P U T XXI.

Tertium sæculum scriptoribus vacuum. LUCIUS VALERIUS inter scriptores Hispanos à Pseudo-Dextro intrusus, ab eorum albo expungitur. CELEDONIUS Episcopus *Bracaren-sis* temerè scriptorum Hispanorum censui adjudicatus. Scripsisse vitam S. Petri Ratistensis creditur. Hugonis Episcopi *Portugallensis* epistola ad *Mauricium Archiep. Bracarensem*. *Celedonius Episcopus Africæ*, non *Hispaniæ*. De POMPONIO & LUCIANO idem statuitur. *Jo-niana*

^f In Hipp. lib. 6. de morbis vulg. §. 2.

^g Laudant quippe sub *Galeni* nomine ex antiquis *Ensebius* lib. 5. *Hist. Ecclæs.* cap. 28. *Alex. Aphrod.* ad lib. 8. *Topic.* *Suidas*, alii.

niana & Rucumma Africę Ecclesię. Fortę Dionysiana legendum pro Iosiniana. PAULATUS Toletanus Episcopus alius à POMPO- NIO : quod nomen illi falsò inditum. Hugonis epistola videtur & iacobus arguitur. Petrus S. Jacobi Apostoli discipulus primus Braca- rensis antistes.

441. **S**ÆCULUM tertium scriptoribus Hispanis carens illustraverunt, & meliori aureola coronaverunt, Sancti Christi martyres, rubricâ sanguinis sui Christianam legem cordibus scribentes, atque Hispanam gentem & Ecclesiam potiori quàm ea est, quę ab scribendi merito nascitur, laude cum- ulantes, posteritatiq̃ue consignantes. Nec tamen defunt quę falsò attribuuntur sæculo isti, suppositorum hominum, à nonnullis vera existimata; sed ea quidem verè conficta, & otiosorum nugacibus fabulis computanda, monumenta.

442. Pseudo-Dexter in Chronico ad an- num CCC. i. ita habet: LUCIUS VALERIUS Hispanus Berosi fragmenta in quinque partes digessit. Totidem nunc leguntur libri Berosi illius, quem Annii Viterbiensis edidit, & ca- tholicis Hispaniarum Regibus Ferdinando atque Elisabethę nuncupavit, exagitati à tot celebribus eruditione viris, defensi ab aliis; præsertim Dominicanis*, quorum sodalis Annii fuit; quibus utrisque partibus re- nunciare videntur, nec solidè damnare Bero- sianam hanc telam, sed quęnam in ea sint veteris aut sequioris notę querendum intima- re, homines huius sæculi humanioribus in literis atque in disciplina historica, necnon in criticis studio præstantissimi¹. Satis autem ad rem de qua agimus in præsentiarum est, nōsse Toletanum Archimedes nostrum, ho- rum antiquariorum fabricatorem, qui genio ute- batur iis simili, quorum industriâ, sive Bero- sianum hoc, sive alia huiusmodi monumenta succrevit, ante alia decuisse; ne inter tot succollata dictisq̃ue suis statuminata falsa, te- stimonium aliquod ejus desideraretur Bero- sianę legitimatatis controversiæ præstitum. Huc ergo respexisse planum in Lucii Valerii hac mentione; ut scilicet formę Berosiani operis, quod ab Annii manu excidit, quinque- partitę, Latinum aliquem assignaret aucto- rem, haud ambiguum mihi est. Itaque Dex- tri fide tantum scriptorum immisus numero Valerius Hispanus, in eadem navi cum affer- tore suo vehitur, quę tota rimis jam fatiscit, brevique demergetur.

443. Alter est huic tempori adjudicatus scriptor CALEDONIUS Episcopus Bracaren- sis, ille cujus Pseudo-Dexter his meminit ad an- num CCLXVIII.^m Caledonio Bracarensi, ad quem scribit S. Cyprianus, succedit Narcissus. Meminit & Maximusⁿ, & Pseudo-Julianus^o præcessisse eum in Episcopatu S. Secundum, sub Imperatore Valeriano in Cyrte Numi- dię urbe martyrem confingens. Hunc volunt scriptam reliquisse vitam S. Petri de Ratis, pri- mi, ut creditur, ejusdem Bracarensis Ecclesię Episcopi; unde acceptum fragmentum epi- stola quędam continet Hugonis Portugallensis Bibliotheca vetus Hispana Tom. I.

præfatus ad Mauricium antistitem Bracarensem. quę superioribus annis in Lusitania apparuit, ex autographo, ut credi volunt, à Gaspere Alvarez de Losada regii Ulyssipponensis ta- bularii custode transcripta, & ad Franciscum Bivarium Cisterciensem, commentariorum suo- rum ad Dextri Chronicon versantem machi- nam, remissa: quam quidem laudatus Bivarius in testimoniis seu elogiis auctorum qui Dextri cum laude meminerunt, nobis repræsentavit, Eccilla:

EPISTOLA HUGONIS EPISCOPI
PORTUGALLENSIS.

Domino meo Mauricio Archiepiscopo
Bracarensi, salutem.

444. **I**Nvenio S. Petrum Ratisensem fuisse in Hispania vicarium S. Jacobi, dum in Britannias & alias provincias perrexerit; quã ve- rò potestate, penitus ignoro. Sunt etiam qui di- cunt eadem functum dum vixit. Hujus vicarię auctor, & alterius à B. Petro Apostolorum prin- cipe commissę, est Caledonius Bracarensis in vita ejusdem B. Petri, quę cum aliis Sanctorum Hispanorum actis in perversto codice membra- neo scripto de mandato Argioviiti, quondam hujus sedis Episcopi, apud me est. Sic enim habet.

445. S. Petrus civis Bracarensis, qui & Sa- muel dictus, à S. Jacobo Joannis fratre, Zebedæi filio, suscitatus, in Episcopum Bracarensem conse- cratus est, & ab eo missus, multis p̃ ibi ejus generis tribubus dispersis, & gentiles convertit. Inde digressus, Tyde Iriaq̃ue prædicat, & per totam maritimam oram ad promontorium usque Cynabium, sive & Ulyssæum: instituitq̃ue ex disci- pulis sui magistri, quos secum adduxerat, Epi- scopos, Portucalle, Eminio, Conimbricę, Olyssip- pone, & ultra Nerium promontorium alios: & ad ejus exemplum non in una tantum civitate commorabatur, sed zela fidei mediterranea citra & ultra Tagum, populosq̃ue sibi commissos, am- bians, Egitanie, Callesie, Emerite, Ambra- tię, & in aliis Vestonum & Lusitanorum ur- bibus verbum Dei disseminat, & transacta ad Pannonias Durio in Bracaram Augustam rediit.

446. Quindecim mensibus vix fere elapsis, ejus magister Jacobus ad Caesar-augustam adicu- lam excitavit in honorem Desiparę Virginis, creatoque ibi Athanasio discessit, & Bracaram venit, ubi sacras eidem Domine cum Pio Hi- spalensi & Elpidio Toletano Episcopis, & aliis ex primis ejus discipulis, adiculam in quadam crypta prope balnea, juxta templum ab Egi- ptiis Isidi quondam dicatum. Et inde Brigantio- narum transcendens in Britannias appulit, relicto Bracara S. Petro ejus vicario, & primario inter alios quos sacrarar in Hispania Episcopos. Hac- tenus, ut videtur, ex Caledonio. Sed profe- quitur Hugo.

447. De prima legatia ad Hispanias à B. Clemente missa sic Dexter Paciani filius in historia ad Orosium, quam in eodem codice de- scriptam invenio: Philippus cognomento Philo- theus &c. Sequuntur ea quę Pseudo-Dexter habet ad ann. XCI. sui Chronici^q, quamvis

N 2 in

i In edit. Biva-
rii comm. 1.
nu. 11. pag. 316.

a Leandro Al-
berto in De-
scrip. Italia.
Diago lib. 2.
Annal. Valent.
Alphonso Mal-
donato in Chro-
nica universali,
sive tractatu
quodam hujus
argumenti ei
annexo. Tho-
ma Mazza Fo-
roliviensis tan-
dem in apolo-
gia pro Joanne An-
nio.

l Bern. Baldus
divinatione in
tabulam Engu-
binam cucam.
Barthius ani-
mad. ad Gal-
lum, pag. 62. &
ad Rutilii Isi-
doriarium lib. 2.
vers. 33. Reine-
sius epist. 35. ad
Rupertum pag.
241. Cui se cõ-
format idem
Christianus
Adrianus Ru-
pert. epist. 49.
pag. 417. idem
Reines. epist. 1.
ad Vorstium,
quorum fasci-
culus præcedit
editionem epi-
stolarum ad
Christianum
Daumium Je-
re. MDC. LXX. in

4
m In edit. Bi-
variana p. 288.
n Ad an. DEXTER.
num. 18.
o Ad an. 633.

p Multos, cro-
do, & dispersos
postea.

q Num. 6. & 2.
pag. 180.

In re magni momenti, quo de infra monebimus, hoc fragmentum epistolæ Hugonis, Dextrique contextus ipse, utrumque à Bivario excusum, discrepent. Tunc sequitur ex fine epistolæ: *De aliis legationibus multa idem Dexter & Maximus Cæsar-augustus Episcopus. Unde veniat serenitas vestra &c.* Notat Bivarius ruptum hic filum epistolæ, cæteraque in codice Ms. desiderari. Sed nihil in toto volumine hoc Bracarenfis alicujus levissimi hominis, qui ad recentem Pseudo-Dextræ & aliorum Chronicorum inventionem suæ patriæ rem & ipse strenuè agere meditatus fuit, quicquam solidi aut probabilis emicat.

448. CALEDONIUS, sive CALDONIUS, Episcopus fuit Africæ, non Hispaniæ, si is est, quocum Cyprianus sanctissimus martyr literas sæpius commutavit. At fuisse hunc fateri debent, qui pro Dextræ, Maximi, & Juliani fide tanquam pro aris & focis decertare parati sunt. Liqueat id ex frequenti utriusque Cypriani & Caldonii inter se consuetudine: unde arguitur non ita separatos degere, quantum distat Africana Carthago à Bracarenfi urbe Galliciæ Hispaniæ. Et quid causæ iis fuerit adeò frequenter recipiendi literas, præsertim de rebus Africanæ Ecclesiæ, quæ nec minimum pertinebat ad Bracarensem antistitem? Præterea quod *collegam* & *coepiscopum* sæpe vocat Caldonium Cyprianus, ad comprovincialem præfulem potius pertinet, quam ad eum qui diversæ gentis, diversæ orbis plagæ populis præesset. Quid quod in unum congregata Synodus Africæ provinciæ propriæ, cum deliberatum fuisset Romam quosdam legatos ad Cornelium Papam destinare, ut de legitima ejusdem ad Pontificatum promotione certiores fierent, & Africanum istum cætum certiore redderent, Caldonio & Fortunato, ex eadem Synodo, ut colligitur, hoc munus imposuere? Sed cum statuissemus (Cyprianus ad Cornelium cum collegis suis scribit) *collegæ complures qui in unum conveneramus, ut legatis ad vos coepiscopis nostris Caldonio & Fortunato missis omnia integra suspenderentur &c.*

449. Eiusdem Caldonii mentio fit in synodali alia ad eundem Pontificem scripta, cujus hæc directio: *Cyprianus, Liberalis, Caldonius, Nicomedes, Cæcilius, &c. Cornelio fratri.* Item in alia Episcoporum provinciæ Africæ propriæ ad Episcopum provinciæ Numidiæ, hocce capite: *Cyprianus, Liberalis, Caldonius, Junius, &c. Januario, Saturnino &c.* Sunt & aliæ Cypriani ad Caldonium, & huius ad Cyprianum; è quarum una constat eundem Cyprianum destinasse Caldonium & Herculanum vice sua ad sedandas Ecclesiæ turbas Felicissimi cujusdam causâ exortas. Diem tamen suum jam obiisse Caldonium celebratæ Carthaginensis Synodi tempore, qua decretum non rectè fuit, ut hæretici ad Ecclesiam reversi per poenitentiam rebaptizarentur, inde liquere videtur, quod non ulla ejus à sanctissimo Cypriano inter alios Episcopos, qui laudatæ Synodo interfuerunt, mentio fiat.

450. Huic tam evidenti documento Afri-

cani Pontificatus Caldonii frivolum & stramentitium Dextræ testimonium opponere Bivarius eo ore præsumit, quod non, ut virum doctum decebat, sublinere sibi ludicræ istius inventionis fūco jam olim permiserat. Caldonium quidem is agnoscit in Africa constituendum esse Episcopum hoc tempore quo istæ literæ datæ sunt; sed postmodum ex Africano Episcopo Bracarensem creatum fuisse suspicatur. At resistit suus ipsius Achilles contrarium jactans, nempe factum jam Bracarensem rebus & actis Africanis sese miscuisse. *Per Hispanias* (ait) *celebris erat memoria Pomponii Paullati, Calidonii Bracarenfis, Luciani Cæsar-augustani Episcopi, qui præterquam fuerunt scriptores egregii, Concilio cuidam Carthaginensi cum aliis Africanis interfuerunt & subscripserunt.* ait ille in Chronico ad ann. CDXXXVI. Quo loco non solum ait hos tres Hispanos Episcopos interfuisse cum aliis Africanis Concilio isti Africano, verum & omnes fuisse scriptores egregios. Quod quidem ut examinemus propositum huius operis omnino decet.

451. Sed ante alia eventilandum est, quod de Hispano POMPONII & LUCIANI (quorum mentio est in Africanis Conciliis & Cypriani epistolis) Episcopatu vanissimè jactavit consutus ille totus fabulis huiusmodi pseudo-historicus. Alludit forsitan is ad Concilium illud Carthaginense III. de causâ rebaptizationis anno CCLVI. aut CCLVIII. sub Stephano Papa celebratum, in quo decreta fuit, uti diximus, hæreticorum rebaptizatio, cuique subscripsisse dicuntur Pomponius & Lucianus; hi tamen cum assignatione suæ utriusque Ecclesiæ. *Confessor* (inquam) *Pomponius à Josiniana dixit, & Lucianus à Rucumma dixit.* Hi verò Africæ Pontifices: nam in vestibulo id annotatum legimus his verbis: *Cum in unum Carthagine convenissent Kalendis Septembris Episcopi plurimi ex provincia Africa, Numidia, Mauritania, cum presbyteris & diaconibus &c.* Cur etenim non adjunctum, ex Hispania, si inde trium nobilissimarum, Toletanæ, Bracarenfis, ac Cæsar-augustanæ, Ecclesiarum antistites cum Africanis interfuere? Profectò ea adjectio non minimum ponderis suadendo rebaptizationis dogmati allatura fuisse videtur, si non solum ex Africa, sed & ex Hispania quoque habitis suffragiis comprobatum Romam ad Stephanum remitteretur. Neque obstat, quod *Josiniane* aut *Rucumme* Ecclesiarum appellationes non alibi facile legantur. Certè hic leguntur, non tantum Latine, sed & Græcè in versione huius Synodi, quam Zonaras in sua *Collectione Canonum* dedit. *Josiniane* autem loco, si *Dionysianam* (ut aliàs legitur) subrogare placet, in *Collatione Carthaginensi* nomen legitur *Vidoris Episcopi Dionysianensis.* Deficit quidem hic Caldonii nomen.

452. Aut alludit Pseudo-Dexter ad Concilium aliud Carthaginense, in quo de modo actum fuit lapsos ad poenitentiam admittendi; cujus quidem est synodalis epistola, qua de nuper diximus, ad Cornelium Papam. In hac tamen nomina leguntur Caldonii Pomponii-que,

z Lib. 2. epist. 10. & 11. lib. 4. ep. 8. lib. 5. ep. 4.

s Ep. 8. lib. 4. aliàs in edit. Pamellii ep. 45.

t Ep. 4. lib. 1. in edit. Pamellii ep. 45. u Ep. 12. lib. 2. aliàs ep. 70.

x Epist. 7. lib. 5. aliàs ep. 38.

y In comm. ad ann. cclxviii. pag. 290.

z Num. 10.

a Prostat & in edit. Paris. Labbeana Concilior. tom. 1. pag. 798. b Edit. Bini tom. 1. Concil. pag. 324.

c Ep. 2. lib. 1. aliàs epist. 54.

que, deest verò Luciani. Neque hunc Pomponium dixeris eundem esse cū Pomponio Paulato, qui postea fuit Toletanus Episcopus. Hæc enim epistola synodalis, cui inter alios cum Cypriano Metropolitano sese inscripsit Pomponius, data fuit anno CCLIII. aliàs CCLV. quo habitam eam Synodum legimus^d. Concilium item trium provinciarum *De rebaptizandis hæreticis*, cui Pomponius, uti jam diximus, à *Josiniana* appellatus interfuit, habitum fuit aut CCLVI. aut CCLVIII.^e Ille verò Paullatus Toletanus præsul, cui ementitium inditum fuit à fabulatoribus nostris Pomponii quoque nomen, Toletanus jam erat his annis Episcopus, utpote qui Dextri fide (quo sæpe ad convincendas ejusdem fabulas, & quidem jure, utimur) anno CCXLV. Vincentio in sede ista successerat.

453. Caledonius ergo, ut jam concludam, cujus Cyprianus toties recordatur, Africæ propriæ fuit Episcopus, non Bracaræ in Hispania; sicuti nec Pomponius, ad quem se consulentem de virginibus Deo dicatis, quæ cum masculis in eodem lecto repertæ fuissent, scribit cum aliis Episcopis Cyprianus, ille est Paullatus, quem Toletana Ecclesia Episcopum habuit; quantumvis id non solum Dextro, sed & Maximo & quoque imposuerint dictum, qui hoc nostro sæculo sub horum larva plures incautos fefellerunt.

454. Excluso ab Hispaniarum Ecclesia Caledonio isto, quem nobis fingunt memoratæ vitæ S. Petri Ratistensis auctorem, ex ipso jam ejusdem vitæ contextu, & Hugonis Portugallensis, qui eâ utitur, verbis, seriò colligamus oportet, inventa hæc omnia nuper fuisse, ac nihil de veræ antiquitatis gustu continere. Hugo enim Portugallensis ait constare ex Caledonio de duplici vicaria legatione S. Petri Ratistensis, alterâ quam à S. Jacobo, alterâ quam à S. Petro Apostolorum principe habuit. Cum tamen verbis utramque Caledonianis confirmare debuisset, delegatas ibi Petro Ratistensi vices suas à Jacobo Apostolo dumtaxat legimus; de Petri verò Apostoli vicariatu eidem commisso ne ipsi quidem. Adducto autem Caledonii testimonio de Jacobæis, uti dictum, vicibus, Hugo prosequitur: *De prima legatia ad Hispanias à B. Clemente missa sic Dexter Paciani filius &c. Philippus cognomento Philotheus &c. Paullum Apostolum sequutus adhæsit Clementi, à quo legatus missus in Hispanias. Barcinone &c. & in multis aliis urbibus prædicat. Quid ais Hugo? Primam hanc Philothei fuisse legationem in Hispania per Clementem provisam, quam tot annis præcesserat alia, paullò prius à te Caledonii verbis comproba-*

ta, Petri Ratistensis Jacobi Apostoli vicarii?

455. Sed si dices primam hanc vocari nunc ex his quas B. Clemens in Hispanias destinavit, non verò cæterarum omnium primam; excusationem admittimus, ne calumniari fortè videamur. Sed nonne vel cæcus quisque videt hanc duarum legationum, Jacobææ & Clementinæ, cumulatam ab Hugone isto Portugallensi larvato mentionem adagitatam, non quidem quum vivebat Hugo verus Portugallensis Episcopus, sed postea, Bracarensem inter ac Toletanam Ecclesias, de primatu Hispaniarum quæstionem respicere, & ad eam pro Bracarensi determinandam ab Lusitano aliquo (ne de Losada quid sinistram suspicer) antiquorum Caledonii & Hugonis nominum auctoritati suppositam? Iccircò enim primæ illius ex Caledonio meminit à S. Jacobo Ratistensi Petro Episcopo Bracarensi per Lusitaniam & Gallæciam commissæ, ac deinde illius quam Clementis nomine Philippus Philotheus Toleti, atque in aliis reliquæ Hispaniæ urbibus exercuit, ut planè comprobet prius in Lusitania quam alibi lumen Euangelii coruscasse, dignitatemque Episcopalem initium habuisse.

456. Sed inquiramus in verba ipsius Caledonii: *Sanctus Petrus civis Bracarensis, qui & Samuel dictus, à S. Jacobo Joannis fratre, Zebedæi filio, suscitatus, in Episcopum Bracarensem consecratus est, & ab eo missus, multis ibi ejus generis è tribubus dispersis, & gentiles convertit*. Fama quidem ab antiquo veniens, atque illius Bracarensis populi traditio est in Ecclesiasticum ritum admittæ, Petrum S. Jacobi Apostoli discipulum, atque ab eo Bracarensem ordinatum antistitem pro defensione fidei Christianæ martyrio impensum eo loco fuisse; quousque historia Ecclesiasticorum illius Metropolis librorum in lectionibus diurni officii vulgaris sese extendit. Cui veritatis aræ superædificata est insulsa fabula restituti ad corporalem vitam, qua jam à sexcentis annis cesserat, Samuelis junioris Prophetæ, aliàs Malachiæ senioris; qui cum tribus Hebræorum à Nabuchodonosore in Hispaniam usque propulsis olim venerat, Petri nomen post suscitationem sortiti. Huic fabulæ testimonium dixerunt omnes hi, quorum artes fuere, historiæ veræ aut verosimilis nostratis lumen crassissimis insulsiſſimarum fictionum tenebris offundere, & quasi diem nobis tollere. Athanasius nempe, de quo inter commentitios prioris sæculi scriptores egimus, S. Jacobi & ipse discipulus, vulgò creditus est primus Cæsar-augustanus præsul, in fragmento quodam ejus, nescio cujus operis, nescio ubi exstante.

^d Baron. t. om. 2. ann. CCLV. dum. 5.

^e Baron. ann. CCLVIII. 27.

^f Epist. lib. 7. aliis ep. 62. in edit. Pamelii.

^g Ad ann. DCXII. n. 19.



BIBLIOTHECÆ

V E T E R I S

H I S P A N Æ

LIBER SECUNDUS,

De scriptoribus quarti Ecclesiæ sæculi.

CAPUT PRIMUM.

In Christiani recens imperii, hoc est Constantini ætate, Hosius Cordubensis Episcopus scriptorum princeps inter Hispanos, verè Hispanus, & plagiis propter pietatem ab ethnicis vexatus. Concilii Eliberitani, cui is interfuit, tempus. D. Ferdinandus à Mendoza & D. Emmanuel Gonzalez Tellez laudantur, hujus Concilii illustratores. Amatus à Constantino & cultus plurimum Hosius. In Concilio Arelatensi causam dixit. Conversionem Constantini fortè promovit. Insignis de hac re, quamvis subosciturus, Zosimi locus à Baronio explanatus cum Sozomeni reprehensione. Synodo Nicænæ presuit, vices Sylvestri Papæ gerens: princeps idem in Sardicensi de causâ S. Athanasii. Ejus apud hæreticos reverentia. In Sirmienti Pseudo-Synodo Arianorum partibus quodammodo cessit, sed Athanasium non condemnavit. De pœnitentia ejus eidem Athanasio credimus: quem ut Sanctum Græci colunt, & veterum plures mirè post obitum laudant. Sancti Isidori de ejus obitu historia suspecta. Ejusdem Hosii opera. Cbalcidii philosophi dedicatio commentarii sui in Timæum Platonis Hosio nostro forsan facta. Hosii nomen temerè appositum in Decreto Gratiani.

1. **A**CCEDIMUS jam ad meliora tempora, quum è gentilitatis perruptis carceribus datum fuit, propitio numine, genti nostræ aliquando emergere, ac in libertatem

Euangelicæ legis, atque unius Dei confessionem sese alacri animo vindicare. Profectò

ingredimur sæculum, quo anonymus ille Græcus terrarum orbis descriptor, quem Jacobus Gothofredus, Dionysii filius, primus in lucem protulit, ad Hispaniam, sive, ut ille vocat, Spaniam, è Gallia convertens stylum, γὴν πλατείαν, & μεγίστην, & πλουτῶσαν ἀνδράσι διδασκτοῖς. terram latam, & maximam, ac viris doctis appellat divitem. Quam verè unus Hosius Cordubæ urbis Episcopus, Conciliorum magnus ille & quasi germanus pater, etsi alii deficerent, nobilitare, clarissimamque apud omnes reddere potuisset. Hunc primum, aut inter primos Constantiniani, hoc est Romani Imperii, sacerdotium Christi jam reverentis ævi, sacros fidei athletas & morum institutores procreavit Hispania, verè post longum doctrinæ silentium sesquisæculo ferè observatum; quo scilicet intermedio tempore contenta vixit persecutionum quasiata turbinibus, non tam atramento quàm sanguine, non tam ore quàm opere, testimonium sanè omni eloquentiæ artificio sincerius & efficacius pietati reddere. Sed statim atque propugnare fidem scriptis, promovere consilio, explanare in sacris conventibus, & ab adversariis sartam testamque tueri opus fuit eorum; qui pontificio aut sacerdotali pollebant munere, factus est in pace, ab alienigenis Ecclesiæ data, locus doctrinæ, strictaque adversus domesticos è via exorbitantes Hispanorum ingeniorum acies. Cujus rei exemplum inter alia Hosius is, quem coryphæum patrum illa ætas vidit, à quo & nos initium huic libro facimus, maximè præbuit.

2. Fuit quidem Hosius Hispanus, & forsan Cordubensis. Anticipatè dicimus Græcum non fuisse, quantumvis Græco appellatum Hosii nomine, quod sanctum denotat; cum

cum ex Actis Nicenæ Synodi inter Græcos patres ^a loquutum eum per interpretem constet. Sed præterquam quod gestum in Hispania Episcopi munus, inde eum oriundum interim, dum aliunde diversum non profertur, satis docet; S. Athanasius disertis scriptum reliquit verbis ^b, ubi è Sirmio & Constantii Imperatoris aula in patriam suam atque Ecclesiam eum rediisse commemorat. Nec abludit Simeon Metaphrastes in *Narratione eorum quæ gesta sunt Nicææ à Synodo* ^c, ubi de Hosio, *Corduba verò* (inquit) *urbis Hispaniæ de eo se jaçabat*. Hujus urbis jam Episcopus, sæviante in Christi fideles Maximiano Imperatore, sive cruciatu corporis, sive in exilium missione confessionis munus (ut ipse ait Epistola quadam ad Constantium ^d) explevit. De exilio testimonium sancti ejusdem Athanasii ^e, de notis & stigmatibus in corpore apparentibus, cum venisset ad Nicænum Concilium, Nicephori ^f habemus.

3. Paullò post, nisi calculus nos fallit, hoc est anno cccv. post Diocletiani & Maximiani in vitam privatam secessione, rerum dominis Galerio & Constantio Chloro, Eliberitanæ Synodo interfuit Hosius, uti ex inscriptionibus apparet. Hoc anno celebratum Bæticæ provinciæ hoc Concilium, non autem uno ante Nicænum, scilicet cccxiv. five diù post, quod aliis placet, rectè, judicio meo, statuere Baronius ^g, & ex eo Binius ^h, & ante eos Ferdinandus à Mendoza vir clarissimus in Apologetico pro Concilio isto ad Philippum Regem II. directo. Nollem autem post meridiem visum tenebras adhuc Dextri doctum virum D. Emmanuelem Gundisalvum Tellez, supremi S. Inquisitionis Concilii patrem, necnon regiæ Pincianæ Cancellariæ præsidem, regium Castellæ senatorem, nunc fato functum in novis ad hocce Concilium Notis sectari maluisse.

4. Fama viri ad aures Constantini, quum rerum fuit dominus, facile pervenit. Quare ad se vocato, & consilio ejus in rebus Ecclesiasticis usus est, & (ut Socrates ait ⁱ) *amavit eum & coluit plurimum*. Hujus apud Cæsarem, plurium quidem annorum, sive perpetuæ, sive intermissæ moræ plura remansere in veteribus monumentis vestigia. In damnatione Donati hæretici, absolutioneque Cæciliani Carthaginensis præsulis, quam in Arelatenſi Concilio pronunciatam Constantinus ratam habuit, suggessisse id ei Hosium nostrum inter fautores Donati fama fuit, quod S. Augustinus *Contra Parmenianum* ^j scribens ait. Sabino autem & Rufo Cofs. hoc habitum judicium (hoc est an. Chr. CCCXVI. ^m) ejusdem S. Doctoris testimonio ⁿ credimus. Quo ipso in Concilio Arelatenſi causam dixisse Hosium nescio cujus imputatæ ei culpæ, damnatumque ab Hispanis, absolutum à Gallis Episcopis fuisse refert ^o sanctissimus idem scriptor Hosium defendens.

5. Ortâ deinde inter Alexandrum Alexandriæ Episcopum & Arium de æqualitate filii Dei cum patre discordiâ, priusquam altiores radices ageret ^p, misit ad eos Constantinus cum literis suis Hosium, circa an-

num scilicet cccxviii. qui convocato Alexandriam Concilio, uti ex divo Athanasio ^q constat, plura alia expediri fecit, de quibus consulendi sunt Ecclesiastici Annales ^r: quoad verò Arii causam, quantumvis plurimum temporis in Oriente insumpsisse videatur, tamen infecta rediit ad curiam. Quare indici placuit Nicenam Generalem Synodum ad sedandas has turbas; quod sequentibus annis contigit. Exstatque hujus medii temporis constitutio Imperatoris ad Hosium directâ de manumissionibus in Ecclesia; quam esse datam anno cccxx. aut circiter (nam variat computum) ex Cofs. Crispo II. & Constantino II. legi subscriptis apertè colligitur.

6. His ipsis Coss. contigisse Crispi Cæsaris procuratum ab ipso Constantino parente interitum, eumque occasionem dedisse ejusdem Imperatoris ad Christianam fidem conversioni, Zosimus subobscurè, ut ethnicus, retulisse videtur. In qua re si Cæsaris Cardin. Baronii conjecturam ^s sequi velimus, Hosius noster saluberrimi consilii auctor fuit. Narrat quippe Zosimus pertæso Imperatori, abominantique patratam in filio cædem, nec à gentilium sectis ullum, affirmante Sopatro Platonico, piaculum aut lustrationem hujus criminis speranti, quendam Hispanum, nomine Ægyptium, Romam delatum, Palatinisque mulieribus familiarem factum, & ad Cæsaris colloquium admissum, penitentiam doctrinæ Christianorum habere vim abolendi quodcumque peccatum, confirmasse. Id quod persuasisse ei statim refert.

7. Zosimi hanc narrationem Sozomenus non rejicit solum, sed & datâ operâ convellere argumentis nititur: quam tamen Baronius non sic spernit, Sozomeni adversus eam dicta insulſitatis & ineptiæ arguens. Existimat enim non sic Zosimum loqui ut vocari Ægyptium affirmet eum qui Constantino de suscipiendo Christianorum dogmate persuasit; sed quod Ægyptius quidam ex Hispania Romam venisset: quod quidem Ægyptii vocabulum pro mago usurpatum non semel ex ^t sacris literis, Josepho ^u, & ^x Porphyrio docet; & hunc putat Baronius, magiæ ab infideli Zosimo insinulatum, non alium quàm Hosium fuisse, qui recens à legatione ista, quam diximus, Ægyptiaca rediisset. Sed quod ex Euagrio emendanda Zosimi contendit verba, nullo tamen Euagrii libro ad oram adnotato, me haud intelligere fateor, cum Euagrius historiæ suæ ab hæresis Nestorianæ sub imperio Theodosii origine initium fecerit, ac de Constantinianis rebus nil prorsus scripserit. De cætero rem non parum verosimilem, & sanè acutè à doctissimo & piissimo historicorum coryphæo excogitam, Hosii gratiâ libenter amplectimur.

8. Quem postea vice Sylvestri Papæ & Generali cccxviii. patrum Nicenæ Synodo contra Arianam insaniam Nicææ in Bithynia Paullino & Juliano Cofs. anno, ut vulgò creditur, cccxxv. celebratæ unâ cum Victore (aliàs Vito, seu Vitone) & Vincentio Romanis presbyteris interfuisse, & ante alios omnes, uti debuit, subscripsisse, ipsorum acto-

^q Apolog. 2.

^r Baron. to. 1. ad ann. cccxix. nu. 22. & seq.

^s Tom. 3. ann. cccxxiv. nu. 17.

^t Aſtor. 21. u. *Antiq.* lib. 10. cap. 6. & *De bello Judaico* lib. 2. cap. 12. x. *In vita Plotini*.

^y Id negant quidam, interque alios Blodellus in *Præf. Apolog. Gen. Franciæ* fol. 1. * 5. pag. 2.

^a In actis Concilii Nicenæ lib. 2. De eo quod operis tres personæ intelligi & a. & rursus sub titulo *Constitutionis philosophi pro Ario*. b. *Epist. ad Seditar.*

^c Apud Suriæ x. Julii

^d Adnotata à S. Athana. f. ubi proximè. e. *Apolog. à De fuga sua*. f. Lib. 3. cap. 14.

^g Tomo 3. an. cccv. num. 38. h. *Narrat* hoc Concilium. i. Lib. 1. cap. 20.

ⁱ Lib. 1. *Hist. Eccl.* cap. 7.

^j Lib. 1. cap. 8.

^m Ex computo Onufrii. n. Lib. *Contra Donatistas* cap. 33.

^o Lib. 1. *Contra Parmen.* cap. 5.

^p Socrates lib. 1. cap. 7. Sozomen. lib. cap.

z De vicibus
Papæ Sylvestri
ab eo exercitis
Eusebii testi-
monium ex-
stat in *Vita*
Sylvestri MS.
quam citat
Ratramnus
Corbeienfis
Adv. Græcos
lib. 4. c. 8. tom.
2. Spicilegii
Dacheriani
pag. 147.
a Vide Jose-
phum Arabem
sive Egyptii,
qui præfatio-
nem fecit ad
editionem
Arabiam Cæ-
sarii Niceni
apud Soldanum
in *Entychii*
Origines pag.
130. Joannem
de la Puente,
lib. 1. *De la*
conveniencia
de las dos Mo-
narquias. cap. 7
§. 4. & 5.
b Vices Julii
Papæ negat ei
Blondellus ubi
supra fol. 50.
c Excerptit
eam Epistolam
Athanasii in
Epist. ad soli-
sariam vitam
agenas.
d In *Lexico*
Græco tom. 4.
seu *Append. v.*
apocrypha.

e In eadem
Epist. ad soli-
sarios.

f *Apologia* 2. in
fine.
g Lib. 2. cap.
24. & cap. 26.
h Lib. 4. c. 5.
i Lib. 9. cap. 17.

actorum, & Ecclesiæ historiarum, omnium testimonia confirmant z; quamvis de proëdria nonnulli dubitent a. Pariter atque locum inter alios patres & principatum b in Sardicensi Concilio adversus Arianorum pestilentem contumaciam sub Julio Papa circa annum CCCXLVII. coacto, eundem Hosium tenuisse, clamant gestæ tunc temporis, & eo in loco, res monumentis literarum consignatæ, atque historici veteres. Cujus hominis maximam fuisse in eo congressu auctoritatem existimationemque verba ejus ad Constantium Constantini filium scribentis, manifestè produnt, quibus ait judicem se obtulisse solum, si iis placuisset, Arianis Episcopis Athanasium Alexandrinum condemnantibus; in ea nempe causâ, ob quam congregatum Concilium fuerat Universale totius Ecclesiæ, quasi ab ejus nutu cæteri omnes patres omnino penderent. Quare ab Athanasio fuisse is dicitur Concilii *apostolus princeps, ductor, director* (ut observavit Alderetus noster paulò post laudandus, & ex isto Athanasii loco Henricus Stephanus d, qui de hac significatione dubitavit aliquantulum, confirmare poterat) in quo quidem Concilio S. Præsul Alexandrinus ab adversariorum calumniis absolutus, atque eum damnantes damnati fuere.

9. Pervicere tamen paulò post Arianis, ut Constantium sectæ suæ ac schismatis fautorem haberent, atque hostem iis qui cum Athanasio communicabant, ut item Liberium Papam, pluresque alios Episcopos in exilium mitteret. Quâ viâ munitâ ad Hosium impetendum ea usi sunt ratione apud principem, quæ præcipuam istius ante alios omnes Ecclesiarum pastores tunc temporis exstitisse famam, necnon & maximum in eo situm Ecclesiasticæ rei momentum, palam facit. Nihil nempe hætenus expeditum tot exiliorum terroribus ajebant fuisse, quamdiu Hosius in sua, *reliqui omnes in suis* cujusque Ecclesiis agere videbantur, qui verè posset verbis & auctoritate fidei suæ alios omnes contra se inducere, princeps (ut fatebantur) synodorum: qui si quid scriberet, ubique audiretur, qui formulam fidei in Nicena synodo concepit, & Arianos ubique pro hæreticis traduxit. Quæ verba ipsorum sunt apud Athanasium e verè Hosii encomiasten insignem.

10. Vocato igitur ad se Hosio ex Hispania, tantum abfuit quod ad subscribendum Athanasii condemnationi vel minis vel precibus induceret constantissimum senem, ut potius Cæsar ipse rationibus ejus, ut Athanasius ipse ait, conterritus, veterem retinere sententiam, & ad patriam redire permiserit. Irritatus tamen denuò ab Arianis inconstantissimus Imperator, revocatum ad se Hosium anno CCCLVII. Sirmii in Pannonia eâ tormentorum, ut fama est, sevitia virum jam centenarium vexari fecit, ut imbecillitate corporis impar verberibus, quasi ad tempus cedendo, voluntati Arianorum in Synodo ibi congregatorum subscripserit, Athanasium tamen non condemnaverit: quod ab Athanasio ipso f, Socrate g, & Sozomeno h, & Nicephoro i notum habemus.

11. Insurgit hinc magna & utrimque gravissimis veterum testimoniis subnixâ quæstio de Hosii morte. Vulgaris enim est in libello *De scriptoribus Ecclesiasticis* S. Isidori Hispanensis, Hosii laudatio in vituperationem desinens, à quo is dicitur infelicissimo & horrendo mortis genere ad preces S. Gregorii Episcopi Eliberitani, adversus quem dejectionis ab Episcopatu sententiam jam jam pronuntiaturus erat, in terram corruisse, distortisque ore & cervicibus expirasse. Quamvis enim historia hæc in libro *De viris illustribus* S. Isidori (sic enim appellatur) non tam diffundatur, uti diffusa est in eodem libro, qualem scriptorum Ecclesiasticorum collectores edidere, infelicis tamen Hosii exitus conceptis verbis meminit. Sicut & Auxilius lib. 11. *De ordinationibus Formosi* Papæ cap. 23. * Cui narrationi quodammodo favere videntur qui Hosii casum referentes, ac de testantes, penitentia neutiquam meminere; quales sunt S. Hilarius¹, Sulpicius Severus, Phœbadius, sive Soebadius Agennensis n, Vigilius martyr o, & Ecclesiasticæ historiæ auctores, Socrates, Sozomenus, Nicephorus p.

12. Sed contra id quod Isidoro excidit Luciferianorum schismaticorum Faustini & Marcellini relationem sequuto, sive contra id quod Isidori libro ex hac ipsa relatione fuit aliorum operâ intrusum, Athanasius magnus testimonio suo nos assensum præstare cogit, auctor æqualis, gravissimus, & qui Hosii exitum ignorare non potuit. Hic enim pœnituisse eum lapsus, & in veræ fidei confessione obiisse non obscuris testatur verbis: *Tantam vim intulit seni* (Constantius) & ita eum arte tenuit, ut afflictus, adstrictusque, male egreque cum Ursacio & Valente communicaret; sed tamen ut contra Athanasium non subscriberet. Additque idem S. Doctor: *Verum ne ita quidem eam rem pro levi habuit. Moriturus enim quasi in testamento suo eorum vim protestatus est, & Arianam hæresim condemnavit, vetuitque eam à quoquam probari ac recipi. Quo Athanasii testimonio quid magis evidens aut efficax impugnandæ de Hosio est Gregorio fabulæ, ac pœnitudini confessoris clarissimi propugnandæ, afferri desiderarive possit, nullus video.*

13. Juvat plurimum quod in Oriente Syri Hosium colunt, & in Calendario habent die V. Novembris, quod ex ore Archiepiscopi Damasceni Romæ se excepsisse Franciscus Bivarius in Dextri refert commentario q. Extensè hunc locum discutere, ne nobis hic ulterius hærendum esset, viri undique eruditissimi, r quos consulere, lector, poteris. Planè dignus hoc exitu ille fuit, quem confessione illius ætatis Ecclesiasticorum atque Episcoporum universi Christiani orbis veluti apex fuit, literisque, gravitate, eloquentiâ, & integritate primas tenuit. S. Athanasius pleno ore patrem Hosium vocat s *Patrem Episcoporum magnum Hosium. Et Hispaniarum magnum illum Hosium* t. Idem ab eo audit. *ἀνδρὸς ὁσίου, verè sanctus. & Ἀβραμῆος γέρον, Abrahamicus senex*, atque ejus ὁ εἰς ἀρετὴν ἄλλος, *Vita irreprehensibilis. Audiamus eundem ma-*

* Exstat apud Joan. Morinum *De sacris ordi-*
nat. parte 2.
pag. 371.
1 Lib. contra
Constantium.
m Lib. 2. Ec-
cles. Hist.
n *Adv. Arianos*.
o Contra Eux-
ychem lib. 5.
p Hanc par-
tem urget
amore depri-
mendi Hispana
quæque
David Blondellus in *Pre-*
fas. Apolog.
Genealogie
Francice *adv.*
Chifletium
folio uti nota-
tur 21. * 1.
q Ad ann.
ccclxx. * 2.
r Baronius
Anno ccclvii.
num. 30. & seq.
Ferdin. de Mé-
doza *De confir-*
mando Conc.
Iliberitano
lib. 1. ad sub-
scriptionem
Hosii, ibidem-
que in *Com-*
ment. novis
Emmanuel
Gonzalez Tel-
lez. Amb. Mo-
rales lib. ...
cap. ... Padilla
Hist. Eccles.
de España
cent. 4. cap. 53.
Jbañes de
Pineda *Mo-*
narquia Eccles.
lib. 13. cap. 5.
Bernardus
Alderete *Anti-*
quidades de
España lib. 1.
cap. 3. Theo-
philus Rai-
naudus in *Opi-*
schea sect. 2.
serie 3. cap. 26.
Morinus lib. 1.
Exercit. cap.
20. Villegas
Flos sanctorum
tomo. Valdes
De Dignit. Reg.
Hisp. cap. 7. n.
20. Bivarius ad
Dextrum anno
360. n. 2. Mata-
morus in *Apo-*
logerico, Gode-
fridus Her-
nandus in *Vi-*
ta S. Athanasii
Gallica tom. 2.
lib. 8. cap. 4.
Petrus Man-
tuanus in lib.
Adversentias
ala hist. d. l.
P. Mariana
pag. 76.
s *Apolog.* ad
Constantium, &
in *Epist. ad So-*
litaris.
t *Apol.* ad Con-
stant.
u *Diæsis* *Epist.*
o *Apologia*.

gnum patrem De Hosio magnificè loquentem: Ποίας γὰρ ἡ κατηγόρησις σου; ἔ' λέγων ὁρθῶς ἡ πάντας ἐπεισε; ποία τις Ἐκκλησία τῆς τότε προσείας οὐκ ἔχει σημεῖα τὰ καλίστα; τίς λυσιτελεῖς ποτε προσήλθεν αὐτῷ, καὶ ἡ χάρις ἀπ᾽ αὐτοῦ; τίς ἦν σὲ δεινός καὶ ἐκ ἀνιχνύοντι τυχεῖν ὡς ἠδύλας; idest, Petro Nannio interprete: *In qua enim Synodo ille non dux & antesignanus fuit? quem non ille recta tuendo in sententiam suam pertraxit? Quae Ecclesia illius praesidentiae non pulcherrima monumenta retinet? quis illum maestus adiit, ut non letus abierit? quis indignus ab eo postulavit, quod non postulatum obtinuerit?* A Socrate etiam

audit: Ὁ περιόριστος τοῖς τότε ἀνθρώποις, inter mortales tunc celebratissimus. Ab Eusebio ipso parum Homouſianis propitio, ὁ πάντῃ κοινῶς decantatissimus. In *Politica* Metrophanis & Alexandri apud Photium cod. 256. τοῦτον ὄνομα ὄσιος καὶ ἡ βίον, nomine & ro sanctus. Et quod plus est universa Synodus Sardicensis Oecumenica, cui ipse praefuit, in epistola synodali ad ceteros omnes qui eò non venerant, Episcopos, non dubitavit huic magno antistiti τῷ ἐνσημασμένῳ, τῷ καὶ διὰ τῶν χρόνων, καὶ τῶν ὁμολογιῶν, καὶ διὰ τὸ τοσούτων καμάτων ὑπομνησκόμεναι, πᾶσις τιμῆς τε καὶ αἰδοῦς τυγχάνοντος ἀξίου. hoc est: Senis admodum venerandi, ac tum propter aetatem & confessionem, tum propter gravissimos exanſatos labores, honore summo & reverentia prosequendi, elogio commendare. Legitur ea apud Theodoretum lib. 11. *Hist.* cap. 8. Adeo ut vel simpliciter ac nomine tantum suo appellari posset, quem ignorabat nullus. Quare Constantinus Cæciliano Carthaginis Episcopo scribens^b, imponit ei quandam pecuniæ summam sibi à rationali Africæ conferendam, κατὰ τὸ βραβείον τὸ πρὸς σὲ παρὰ Οὐρίου ἀποσταλὲν. juxta Breve ad eum ab Hosio directum, dividere.

14. Quod autem ad bibliothecam scriptorum pertinet, Hosius scriptor quoque fuisse refertur. Ex libro S. Isidori *De viris illustribus* hæc sunt quæ sequuntur, non ex vulgaribus editionibus eorum qui collegerunt hujus argumenti scriptores, Suffridi Petri, & Hauberti Miræi, sed ex sancti Hispaniarum Doctoris ipsis operibus, eque Matritensi editione omnium accuratissima. *Hosius Cordubensis Ecclesiæ civitatis Hispaniarum Episcopus, eloquentiæ viribus exercitatus, scripsit ad sororem suam De laude virginitatis Epistolam pulchro ac diserto comptam eloquio. Composuitque & aliud opus De interpretatione vestium sacerdotalium, quæ sunt in veteri Testamento; egregio quidem sensu & ingenio elaboratum. In Sardicensi etiam Concilio quamplurimas edidit ipse sententias.* Hæc ille. Concepit idem *Formulam fidei* in Concilio Nicæno, ut ait Athanasius^c; & interim habemus, omnibus aliis deperditis, Epistolam illam ad Constantium directam, & ab eodem Athanasio conservatam^d.

15. At nonne hæc perpetui ejusdem Hosii nostri panegyristæ verba, scripsisse eum & alia de rebus fidei, super quibus tunc temporis tam acriter contendebatur, significare, quod & ratio ipsa etiam sine ullo persuaserit auctore, videntur? In disputatione scilicet contra Arianos, postquam admonuisset mini-

mè fidendum hæreticorum verbis aut scriptis, quod calliditate plena essent omnia, ethnicisque sophismatibus concepta ad seducendos simplices, Ei δ' (inquit) ὡς παρὰ ὁρθῶς ὅσον καὶ τὰ γραφόμενα, οἷα ἐγγόνει παρὰ τὴν μεγάλην καὶ ὁμολογητὴν Οὐρίου, Μαξιμίνου τῆς Γαλλίας, καὶ τὴν διαδεξαμένου τούτου, καὶ παρὰ Φιλογοπίου ἑ' Εὐσταθίου καὶ τῆς ἀνατολῆς, καὶ Γελαίου ἑ' Λιβερίου καὶ ἑ' Επισκόπου Ρώμης, &c. ἔδινον καὶ ἐν τοῖς γραφόμενοις ὑποπτεύειν. ἄλλοις γὰρ καὶ ἀπλῶς εἰνὶ ὁ καὶ ἀποσταλὼν ἀνδρῶν τρόπος. idest: *Sic enim scripta ista ab orthodoxis profiscisceremur, qualia sunt magni illius & confessoris Hosii, Maximini Gallie, aut ejus successoris, aut Philogonii & Eustathii Orientis Episcoporum, aut Julii & Liberii Romæ Pontificum &c.* (plures alios inde appellat) nihil esset quod in his scriptis suspicavere. sincera enim & simplicia apostolicorum virorum ingenia sunt. At certè de iis qui comites Hosio hinc dantur, affirmare quod quicquam literis mandaverint, uno aut altero excepto, vix possumus. Videtur & ad eosdem in *Epistola de Synodis Arimini & Seleucie* respexisse, quo loco ait, ex Latina P. Nannii versione: *Quod si ad banc rem usus Synodi desideratur, supersunt acta patrum. Nam neque hac in parte negligentes fuere qui Nicææ convenerunt; sed ita accuratè scripserunt, ut qui sinceriter eorum scripta legat, faciliè remiscatur ejus in Christum religionis, quæ à sacris literis annuntiatur.* Nisi de actis synodalibus hæc intelligenda sint.

16. Restat nobis annotare Chalcidum philosophum, uti creditur, Christianum, commentarium suum Latinum in Platonis Timæum Hosio cuidam nuncupasse. Quem quidem alium non esse ab Hosio Cordubensi, cùm Augustinus Justinianus & Nebiensium Episcopus doctissimus è Dominicanorum sodalizio, tum Gaspar Barthius^f non uno loco arbitrati sunt. Chalcidius quidem sub hac inscriptione: *Chalcidius Hosio suo*, ita habet: *Conceperas animo florente omnibus studiis humanitatis, excellentique ingenio tuo, spem dignam proventu operis ad hoc tempus intentati, ejusque usum à Græcis Latio mutuandum statueras. Et quanquam ipse hæc cùm facilius, tum commodius facere posses; credo propter admirabilem verecundiam ei potius malueris injungere, quem te esse alterum judicares.* Unde duo colliges: alterum Græcè scire eum oportuisse, qui de Græco in Latinum convertere Platonium hoc opus cogitasset: (quocum an bene stare poterit, quod per interpretem in Concilio Nicæno sit loquutus?) alterum est vix intelligi de Hosio posse gravissimo ac sanctissimo, ejusque senectæ, quam vidimus, Episcopo, sæcularium studiorum eum à Chalcidio celebratum amorem, & quod Christi tam strenuus discipulus Platonis adhuc libris operam daret.

17. Sed priori objectioni facimus satis positâ ob oculos differentiâ inter Græcè scire, & Græcè loqui scire. Potuit quidem Hosius Græcæ linguæ peritiâ, nec tamen eloquentiam habere, ita ut expedite sine ullo interprete loqueretur & eleganter, uti in congressu illo magno decebat. Puto nulli id concessum ex viris, quantumvis Græcè do-

e In Epistola quadam à Meursio edita cum suo Chalcidio. f Lib. 48. Adv. cap. 8. & in Animadvers. ad Celestino Tragediam Hispanam à se versam.

g Apologia de fuga sua.

z Lib. 2. Hist. cap. 29. a De vita Constant. lib. 3. c. 7.

b Exstat epistola apud Eusebium lib. 20. Hist. cap. 6.

c Epist. ad solitarios.

d Diffa Epist. ad solitarios.

stissimis, non in Græcia natis, ut in concione coram Græcis Græcè audeant fermocinari aut disputare. Nec item posterius retardare nos debet: cum potuerit florenti adhuc ætate Hosio, nondumque dignitate maesto Ecclesiastica, opus suum Chalcidius nuncupare: cum nec philosophica studia dedecere tunc temporis viderentur Christianos, quorum studium fuit non tam ex Euangelii hoplothea, quam ex reconditoribus philosophorum placitis, ad ethnicorum expugnandam præsumptionem arma desumere. Alias Origenes, Basilus, Gregorius Nazianzenus, Ioannes Chrysostomus, Eusebius Cæsareensis inter Græcos; Tertullianus, Lactantius, Augustinus, Arnobius, Hieronymus inter Latinos; ob secularis doctrinæ eruditionem professioni suæ ac dignitati nimium quantum obstitissent! Cum ergo nihil sit in Chalcidii hac nuncupatione, quo excludatur ab ea Hosius noster, Chalcidiusque Christianus fuerit (uti Barthius notat ^g) atque incertæ ætatis auctor; maneat quidem ei, suffragio etiam nostro, hæc memoria, vicissimque Chalcidii libro hic honos, ut summo fuerit ejus ævi paullò post futuro directus viro.

18. Nec interim tacendum censeo nomen Hosii per errorem positum legi in Decreto Gratiani cap. 2. distinct. 56. ubi tanquam à Damaso Papa dictum videmus Hosium Papam filium fuisse Stephani subdiaconi: aliis deinde appellatis, qui cum filii presbyterorum essent Apostolicæ Sedi præfuerunt. Hic enim necessariò error est aut Gratiani aut Paleæ, aut exscribentium: nam nec Damasi sunt verba in eo capite adducta, nec ibi de aliis quam summis Ecclesiæ agitur Pontificibus. Lapsus notavit magnus vir Antonius Augustinus dialogo 6. *De emendatione Gratiani*. In veteri libro legitur: *Deus dedit Papa filius Stephani subdiaconi*. ut in scholiis novioribus ejusdem notatur Decreti.

CAPUT II.

De GREGORIO BÆTICO Eliberitano Episcopo.

De eo Marcellini & Faustini Luciferianorum hæreticorum testimonium non prorsus ei favere. De Luciferianorum errore. Luciferi Calaritani sententia, atque de eo S. Hieronymi obscurus locus. Scriptum De Trinitate ad Gallam Placidiam Gregorio tribui: quod verius fuisse Faustini ad Flaccillam alii existimant, nos ambigimus. Fabulæ Dextri & Luitprandi pseudo-historicorum de Gregorio. Nullus fuit Toletanus Ecclesiæ præsul Gregorius, cui gesta omnia Bætica falsò attribuantur. Figmenta utriusque pseudo-historici curiose examinamus & refellimus. Innocentii I. Papæ decretalis epistola, & S. Hieronymi de Lucifero Calaritano & Gregorio Eliberitano verba exponuntur. Brevi præsumptio sugillatur. Tyamensi Cappadociæ Concilio interfuisse Gregorium Toletanum cum aliis Hispaniæ Episcopis vice Liberii Papæ, fabulam esse Pseudo-Juliani Baronium non recta usum fuisse Theodoretii versione, pro qua germanam producimus. Roma arx Romani imperii. Ar-

cis etymon. Amphitheatra in Hispania geographiæ monstrum. Hitæ seu Fitæ oppidi nomen unde? Gregorii Complutensis à Toletano diversi Episcopi alia insolentior Pseudo-Dextri fabula.

19. SED quia GREGORIUS cognomento aut à patria BÆTICUS, Eliberitanus Episcopus, restitisse Hosio, ut vidimus, in historia illa refertur, certò autem hujus temporis æqualis fuit; examinari æquum est quidnam de hoc viro absoum, quidnam consonum veritati hætenus sit literis consignatum. Fundus rei esto S. Hieronymi de eo testimonium. *Gregorius Bæticus (ait h) Eliberi Episcopus usque ad extremam senectutem diversos mediocri sermone tractatus composuit, & De Fide elegantem librum, qui hodieque superesse dicitur*. Ex quo sua mutuatus est Honorius Augustodunensis. Hic idem fuit prorsus cum GREGORIO HISPANO, seu SPANO, Episcopo, cujus hoc inscripta nomine epistola quedam superest Eusebii Vercellensis præsulis, à Pithæo eruta, & unà cum S. Hilarii fragmentis in hujus operibus à Nicolao Fabro edita, quam & aliàs Hosii causam agens exscripsit Baronius. Hujus initium, quod ad nos spectat.

h De scriptor. Eccles. c. 104.

i De scriptor. Eccles. libello 2. cap. 106.

k Ad aar. cccclviii. n. 15. tom. 1.

EUSEBIUS AD GREGORIUM EPISCOPUM SPAN.

Domino sanctissimo fratri Gregorio Episcopo Eusebius in Domino salutem.

L iteras sinceritatis tue accepi, quibus, ut decet Episcopum & Dei sacerdotem, transgressori te Hosio didici restitisse, & pluribus cedentibus Arimino in communicatione Valentis & Ursacii, & ceterorum, quos ipsi agnito blasphemie crimine antè damnaverunt, assensum suum denegasse, fidem scilicet servans, quam patres Nicæni scripserunt. &c.

20. De rebus agit duorum Conciliorum, Sirmiensis (si tale dici meruit) & Ariminensis. In priore, quod celebratum fuit anno CCCLVII. (vestigia semper Baronii sequor) Hosius ætate ac tædio ærumnarum fractus cessit, subscripsitque Arianorum fidei formulæ. In posteriore, duobus transactis annis, CCCLIX. scilicet, Arimini coacto, damnatus est ante omnia Arius, atque ejus sequaces: postmodum tamen Ursacii & Valentis decepti dolo catholici ferè omnes Episcopi, cuidam formulæ subscribere, in qua deletum fuit Nicænum & catholicum *Consubstantialitatis* Filii cum Patre Deo vocabulum. Gregorius igitur & restitisse Hosio in Sirmienti, & assensum suum denegasse novæ illi formulæ Ursacii & Valentis in Ariminensi, conventibus, ab Eusebio dicitur. Neque enim Hosium interfuisse huic posteriori Synodo, si istamen adhuc in vivis erat, alicubi lego. At Gregorium Bæticum seu Eliberitanum Episcopum hunc fuisse, qui Sirmii Hosio restitit, parique animi constantia Ursacii & Valentis ceterorumque Arianorum dolis aut unus aut in paucis Ari-

g Cap. 8. ubi suprà.

Arimini se opposuit, vix dubitari potest¹.

21. Hastenus enim valere debet narratio illa ex Marcellini & Faustini opusculo ab Isidoro (si ita est) probata. Marcellinus quidem & Faustinus presbyteri, sectæ Luciferianorum adherentes, quæ minimè ad penitentiam seu communicationem eos recipiebat, qui olim prævaricassent, librum quemdam de gestis Episcoporum, qui ad destructionem Homœisii (consubstantialitatis Græcum nomen) Arimino convenerunt, Imperatoribus Theodosio juniore & Arcadio porrexere; uti Gennadius in *Faustino*^m, & anonymus ille auctor *De XII. scriptoribus Ecclesiasticis*, qui Isidoro & Ildephonso subijci solet, in *Marcellino*ⁿ, referunt. Eo libro, quem Jacobi Sirmondi beneficio ab anno MDCL. editum habemus, narratur contentio illa inter Hosium Cordubensem & Gregorium Eliberitanum Episcopos in Corduba urbe coram Clementino Constantii Augusti vicario, infelixque, ejus occasione Hosii obitus: unde & anonymus ille *De XII. scriptoribus* auctor, Marcellini laudato opere, ac S. Isidorus eo illaudato, rem deduxere.

22. At quantumvis turpissimi hujus exitus notam abolere velimus, Hosio famam ex Athanasio servantes, admittendum est omnino inter Hosium & Gregorium Eliberitanum dissidium contigisse aliquod; ad minusque Gregorium jam hoc tempore Episcopum ex his fuisse, qui in catholicorum præfatum convulsionem ista ferè universali confessione illibatae radicibus fixi steterunt. Aliàs minimè eum laudassent presbyteri opusculi auctores, quorum in eo id fuit propositum, uti jam diximus, ut in gratiam suæ Luciferianæ sectæ penitentes non admittentis, eos, qui Arimini Arianis non communicassent, tanquam solos verè catholicos afficerent laudibus; illos verò qui aliter fecissent, irremissibili anathemate condemnarent. In quo haud prorsus rectum callem tenuisse Gregorium non temerè dixeris. Videturque ita existimasse S. Hieronymus, dum nostrum cum Luciferio Calaritano antistite, qui Luciferiani schismatis auctor fuit, conjungit. *Lucifer Calaritanus Episcopus* (in *chronico* suo, additione ad Eusebii *Chronicon*, ait) *moritur, qui cum Gregorio Episcopo Hispaniarum, & Philone Libyæ, nunquam se Ariane miscuit pravitati*. Hoc est, qui cum Arianismi labe usquam notatis, atque etiam iis qui notatos ad communionem receperant, communicare nunquam voluit: quod eum fecisse ait cum Gregorio Eliberitano (quisnam etenim alius Hispaniarum ille Episcopus?) & Libyæ Philone. Nec alia esse potest apta hujus testimonii sententia, quin aliis pluribus Occidentis Episcopis, qui prævaricati nunquam sunt, injuria fiat enormis. Et hæc sanè fuit Luciferi & ejus sequacium error, secessioque ab Ecclesia^p, quæ quidem Christi exemplo & præceptis instructa, criminum reos ita habet, ut pertinacibus terribilem, at verò respicientibus indulgentem se præbeat.

23. Hieronymi sanè verba subobscura *Bibliotheca vetus Hispana* Tom. I.

sunt, nec satis detegunt illius sententiam; laudet ne trium illorum Episcoporum factum, an reprobet. Certè Hieronymus ita de B. Luciferio (sic eum appellat) existimavit, ut *bonum pastorem* eum diceret; sed qui *segregatis paucis ovibus reliquum gregem deseruerit, multam prædam bestiis relinquens*, quæ ut diceret de ejus meriti viro, ad asperum se venisse conqueritur locum veritati ex conscientia serviendi, cum iactura etiam id dicendi quod nollet. Quare nullus, quod sciam, hæresis expostulare unquam, sed schismatis ex indiscreto zelo tantum, ausus fuit Luciferum. quod idem Hieronymus generalibus iis, & culpæ nihil significantibus verbis, intelligi voluisse videtur. Attamen ex quo in fastis Ecclesiasticis die 24. Aprilis legitur coliturque Gregorius Eliberitanus Episcopus, colligere possumus, haud permansisse eum in hac sententia, sive aliâ viâ quàm secessionis & schismatis, Arianam blasphemiam, & Arianorum captiones detestatum.

24. *De Trinitate* autem, sive *De Fide* commentarios, ut putavit, Gregorii nostri carie obritos, oblivione obrutos, mendisque labetatos purgavit, ediditque (ut Baronius loquitur) Achilles Stadius Lusitanus anno MDLXXV. ex codice qui repertus fuit in Abbatia Ferrariensis agri, quam *Pomposam* vocant, descriptos, & ad Gallam Placidiam inscriptos. Quæ quid in nuncupatio parum consona, ut monebimus, vero: atque item quod Faustinus presbyter ille Luciferianus jam memoratus adversus Arianos & Macedonianos septem libris ad Flaccillam Reginam directis, Gennadio affirmante, disputaverit. Optimæ notæ scriptores huic potius quàm Gregorio tribuunt *De Fide* hos commentarios, nuncupationisque honorem non Gallæ Placidie, sed Flaccillæ Reginæ habitum existimant. Statque valida adversus Gregorium ratio, si manere velimus intactam inscriptionem. Galla enim Placidia Theodosii Magni filia ex altera ejus uxore Galla, nequitiam, aut vix nata erat, cum à S. Hieronymo supradictum elogium Gregorius reportavit. Liber quippe hic *De scriptoribus Ecclesiasticis* absolutus ac nuncupatus fuit Dextro decimo quarto Theodosii Imp. anno, & usque ad eum, nec ultra, scriptorum contextit catalogum, ut ex prologo ejus constat. Quo tempore scriptus jam erat *De Fide* liber; immo non parum antè scriptus: quicquam enim vetustatis continent verba illa S. Doctoris: *De Fide elegantem libellum, qui bodicque superesse dicitur*. Si hæc ultima sint ad librum potius quàm ad auctorem referenda.

25. At nonnisi sexennio ante hæc scripta Gallam, Placidie matrem, uxorem Theodosii duxit, ut ex Marcellini Comitis chronico, unico tantum anno discrepantis, & ex Zosimo tradit Baronius^s. Demus tamen primo tempore natam ex hoc matrimonio Placidiam. Cujusnam ætatis, quadriennemne, an quinquennem, fuisse eam putas, cui talia libri auctor loquitur? *Incipiamus ergo obediens religio-*

¹ Agnoscunt Nicolaus Faber ad illud S. Hilarii fragmentum, Baroniusque ubi supra.

^m De script. Eccles. 16.

ⁿ In fine.

^p Ita Hieronymus explicat Arn. Ponticus hic.

^s Severus Sulpicius lib. 2.

^q Adversus Luciferianos dialogo.

^r Notis ad Martyrolog. die 24. Aprilis.

^s Ad annum cccclxxvii. 58. tomo 6.

ligiosissimis præceptis tuis considerare cum adversario. & quæ sequuntur alia. Unde palam fit provocatum ab ea literis prius auctorem, ad scribendum descendisse. Rectè quidem atque opportunè admonuit Baronius^t, errore factum fuisse, ut Galla Placidia pro Galla Augusta, ejus scilicet matre, in dedicatione scriberetur: ad quam, uti Augusti uxorem, non ad Gallam Augusti filiam, pertinere potest *Reginæ* tributa ei appellatio. Sed quæso, *Regina*, sentias quod multa in hoc loco &c. Illaque ad Augustam prorsus directa: *Reginam te orbis Romanus suscipit*, & quod jam nihil est, quo amplius crescere debeas in rebus humanis, sublimitatibus non contenta terrenis, sacra in Deum fide cælestia desideras possidere.

26. Attamen (uti supra diximus) Faustini cujusdam presbyteri hoc opus esse contendunt alii, ductum sequentes manuscriptorum aliorum codicum, in quibus liber hac fronte conspicitur: *Faustinus Augustæ Flaccillæ*. Hæc fuit prima Theodosii ejusdem senioris uxor, ea pietate femina, ut (S. Gregorii Nysseni eam in funere laudantis elogio) *Arianorum infidelitatem, similiter atque simulacrorum cultum abominaretur*. Cum quidem *Flaccillæ Reginæ* (vocabatur ea *Ælia Flaccilla*, non *Placilla*, uti apud Græcos omnes audit, cum verum nomen servet nummus, confirmentque alia à Baronio magno adducta^u) scripsisse Faustinum *adversus Arianos & Macedonianos* libros septem Gennadius monuit. Quare in editione magnæ SS. Patrum Bibliothecæ à Margarino Bignæo adornatæ volumine tertio conservata quidem inscriptio Gregorii Beticici huic libro fuit, non tamen absque Margarini notatione, Faustini hoc esse opus, non Gregorii. Quod neque Bellarminus^x, neque Possévinus^y, improbare videntur; siquidem de Faustini septem istis libris à Gennadio laudatis loquentes, ad hoc ipsum opus, quod sub Gregorii appellatione à Margarino editum fuit, lectores remittunt; ipsi tamen parum constantes, aut attenti, qui Gregorio etiam Bético idem opus adjudicant. Distinctè magis de re censuit Philippus Labbeus^z pro Faustino suffragium ferens, adjungensque, omnium eruditorum hanc existimationem post Trithemium esse.

27. Nos verò, qui nihil nobis tale arrogamus, maximè credimus diversum esse hunc librum, unico tantum contextu olim, ut putamus, & absque ulla divisione capitum, in quæ hodie jam sectum est, continuatum, à Faustini opere septem libris distincto. Gregorius *De fide* inscripsit librum suum, teste Hieronymo, seu cum addito: *sive de Trinitate*, quomodo Achilles Statius edidit. Faustinus autem (si Gennadio credimus) *adversus Arianos & Macedonianos*. Fatemur ultima libri parte de Spiritu sancto agi, adversus quem blasphemiam suam direxerat Macedonius. Sed quod Gregorius Beticus sub titulo & argumento suo *De fide*, seu *De Trinitate*, adversus personam filii tantum, & non adversus personam Spiritus sancti errores assumpserit refellendos, non ulla ratione valebit in tuto poni. Et Barthius quidem non ineruditus est,

nec Baronius; quorum posterioris sensum jam vidimus prior autem ille lib. 42. *Advers.* cap. 8. iis ipsis, quibus nos, urgens argumentis, Faustinum quendam non bona fide interpolasse hunc librum suspicatur, & addidisse nonnulla suppresso auctoris veri nomine. Nam præfationi (ait) *quædam præfixa sunt, quæ Gregorii reliquum stylium minime sapiunt*.

28. Hucusque licuit de Gregorii rebus metere germanæ historiæ campum, lolio intacto, quod inimici hominis, ut Euangelio utar, pravitate olim sparsum, eò succrescere permisit socordia hujus sæculi, ut penè jam facultatum nostrarum prodigi audiamus; immo divino numini & patriæ ingrati, qui non tantum hæc segetis simulacra in horrea ducimus; sed vanitatis suæ nativo aëre pasci ac ventilari permittimus. E Pseudo-Dextri nempe, & aliorum, falsò se sub antiquitatis titulo venditantium, censurâ præsumenda aliqua sunt, ut falsissima esse omnia ea persuadeamus, tam quæ de Gregorio nostro absurdè ac temerè dicta, quàm quæ eidem iniquè ablata ab eis sunt, ut corniculam quandam plumis alienis vestiant. Mirum enim quantum in hac deformanda Eliberitani Episcopi historia sibi indulserint malè feriat homines. Videlicet, si Dextro fidem habemus^a, Gregorius Beticus Galliarum prætorio fuit prius præfectus, deinde, ut alter Ambrosius, è sæculari munere ad Episcopatum Eliberis urbis post Augustalis mortem assumptus, Gallæ Placidie charus, nec ante annum CDXXIII. diem suum obierit.

29. Deinde si Pseudo-Luitprando verba danti credimus^b, natus fuerit Gregorius Compluti anno CCCXLII. præfectus Galliis à Gratiano datus, à Maximo exauctoratus, Episcopus anno CCCLXXXIX. creatus, ingratius tamen Innocentii Papæ, qui de eo conquestus fuit; unum & alterum librum, *De fide* scilicet recens Episcopus, deinde *De Trinitate*, ad Gallam Placidiam Constantii uxorem anno CDXX. scripserit, anno demum CDXXII. vitâ functus. Hæc omnia Hispanarum antiquitatum hi nostri vindices. Nec non & martyrologium Hispanorum sub Diocletiano & Maximiano martyrum Gregorii hujus nomine recens ostensum fuit Matritensibus typis, de quo sigillatim (res enim tanti est) capite sequenti agemus.

30. Nec eo contentus ejusmodi fabularum coagmentator, imposuit sibi, ut alium Gregorium è nihilo fingeret, Ecclesiæque Toletanæ intruderet; quocum dividere Gregorium Beticum honores suos partamque egregiè actis famam è re esse præsumpsit ejusdem Toletanæ Ecclesiæ, quam, sive jure sive injuriâ, opimis aliarum spoliis mactam & ornatam voluit. Gregorius ergo hic Toleti Episcopus (non ille Eliberis) Pseudo-Dextri calculo^c, interfuit Concilio Ariminensi^d, exsul inde Minoricam ivit, cum Sancto Hilario literas commutavit. Luitprandi etiam & Juliani fide^e, is fuit (non Beticus) qui Hosio restitit^f, Auxentium Mediolanensem Toleti, deinde Romæ in Concilio damnavit^g; Româ solvens ad Concilium venit Tyanense anno

a Ad annum eccclxxviii. q. Augustali infide Batica Eliberitana succedis Gregorius ex præf. præf. Gallia jam confecta, & graviore ætatis, vir appropinquans & egrogio bonas artes doctus. Ad ann. cxxvii. Gregorius etiam Beticus jam in ultima senectute constitutus, sed vegetus, & intergrit animi corporisque viribus, appropinquans charus Gallæ Placidie Augustæ &c. Ad ann. cdxiii. Obiit Gregorius Beticus cum prius dicesse librum de fide seu de Trinitate Gallæ Placidie Augustæ femina letissimæ.

c Ad annum eccclvi. & Luitprando advers. 144. alias 188. d Ad annum eccclx. e Luitprandus adv. 164. alias 188. f Julianus in Chron. nu. 170. g Idem n. 170. & advers. 458.

t Tom. 4. ad ann. eccclxxviii. num. 100.

u Tom. 4. ad ann. eccclxxviii. 35. & 36. Strada De viciis Imperat. p. 202.

x De scriptor. Eccles. ad ann. eccclxxviii. y In apparatus sacre v. Faustinus.

z De scriptor. Eccles. diffinitione, tom. 1. pag. 313.

anno CCCLXIV. ac tandem xxx. Decembris Amphitritæ vitam cum morte commutavit. Vehementer scilicet dolebat hominem Toletanum civem, ut suo perspicuum loco fiet, de alio quàm de Toletano præfule, & uti credi volebat, Hispaniarum jam tum primatè, prædicari constantiam illam, quâ restituisse Hosio, & Arianorum Ariminensibus technis, seque nunquam perfidiæ eorum miscuisse, Gregorius Hispaniarum sive Spaniæ celebratur Episcopus. Quare eundem fuit ad consuetas artes, & Gregorius aliquis antistes, horum facinorum patrator, sed Toletanæ affingendus. Cautène, ais, & callide? Minimè quidem, sed nimis oscitanter & infrunitè, ita ut vel pueris, qui nondum ære lavantur, mendacia sese prodant, veritatique testimonium dicant. Attingemus, quàm potis est breviter, singula, & humen his tenebris immitteremus.

31. Natum Gregorium Bæticum Compluti fuisse (ut ordine procedamus, expedientes priorem hanc partem) anno CCCXLII. ait Luitprandus^h. Id negamus nos cum S. Hieronymo, qui, dum in ejus elogio anno CCCXCII. conscripto, vel extremam senectutem eum tunc agere affirmans, quomodo aliqui interpretantur, vel in tam gravi ætate jam demortuum significans, quæ aliis placet verborum S. Doctoris sententia, Luitprandi fidem omnino refellit. Cum enim ab illo anno CCCXLII. usque ad CCCXCII. quinquaginta dumtaxat anni intercesserint; quinquagenario homini extremam attribuerè, nedum senectutem, Hieronymum, quisnam dicere audebit? scriptum verò fuisse hoc anno, quem dicimus, à S. Hieronymo illum *De scriptoribus Ecclesiasticis* librum, certissima res est. Siquidem collegisse in eo se dicit in præfatione ad Dextrum, ut ei hortanti obsequeretur, omnes, qui de scripturis sanctis à passione Christi usque ad XIII. Theodosii Imperatoris annum memoriz aliquid prodidissent. De SS. Gregorio Nysseno & Ambrosio uti de vivis loquitur, quorum prior anno CCCXCV. aut sequenti, posterior autem CCCXCVII. obiit. Joannem Antiochenum, hoc est Chrysostomum, presbyterum adhuc vocat^a, qui anno CCCXCVIII. ad Constantinopolitanam Ecclesiam fuit promotus Episcopus. Gregorium Nazianzenum ait^l ante triennium sub Theodosio decessisse, cujus imperium non excessit annum hujus sæculi nonagesimum quintum. S. Augustini haud meminit, quòd is paullò antè, scilicet anno CCCLXXXVIII. baptizatus fuerit. quæ omnia confirmant hujus libri argumentum minimè transgredi illius temporis limites, quos ei Dexter, ipseque auctor præscripsissent.

32. Præfectum Prætorio Galliarum fuisse Gregorium, à Gratiano quidem ei muneri impositum, à Maximo autem tyranno depositum, inde nos Dexter docet, Luitprandusque. Opportunè figmento accidit, quòd Severus Sulpicius circa hoc tempus in negotio Priscilliani *sacra Historiæ* lib. II. Gregorii cujusdam in Galliis præfecti meminerit. Hunc creatum Eliberi Episcopum hinc visum iisdem aucto. ibus impune fingi posse, quòd ex In-

nocentii I. Papæ quadam epistola notum sit Gregorium quendam è forensi exercitatione ad sacerdotium in Hispaniis assumptum fuisse. quod factum non approbavit Innocentius, Hispanis Episcopis Synodum Toleti celebrantibus scribens^m. Atqui non tempus modò directè epistolæ, sed & ejus series, traducit fabulam. Tempus inquam. Gregorius enim factus anno CCCLXXXIX. Episcopus dicitur, Innocentius verò nonnisi post duodecim absolutos, ann. CDII. ad pontificium thronum fuit vocatus. Verba autem Pontificis ordinationem Gregorii istius improbant ad sic antiquum factum referri vix possunt; immo nec applicari ad causam præfecti Gregorii in Episcopum promoti. Innocentius ait: *Quantos enim ex iis qui post acceptam baptismatis gratiam in forensi exercitatione versati sunt, & obtinendi peritiam suscepimus, ad sacerdotium esse comperimus, è quorum numero Rufinus & Gregorius perhibentur? Quantos ex aliqua militia, qui cum potestatibus obediunt, severa necessario præcepta sunt exsequuti? Quantos ex curialibus, qui dum parent potestatibus, quæ sibi sunt imperata fecerunt? Quantos qui voluptates & editiones populo celebrant, ad honorem summi sacerdotis pervenisse? quorum omnium neminem, ne ad societatem quidem ordinis clericorum oportuerat pervenire.*

33. Tam clara hic distinctio fit, ut magis clara nequeat, inter sacerdotium & summum sacerdotium, hoc est, Episcopalem dignitatemⁿ; inter advocatos, judicum ministros, curialesque, & magistratus ipsos munerum editores. Ex advocatis ordinatos fuisse sacerdotes Rufinum & Gregorium contra Nicæni Concilii regulam. Papa conqueritur. Id quomodo ad præfectum Episcopum creatum pertinebit, qui inter eos sanè, quorum ultimo loco mentio fit, voluptatum scilicet ac editionum auctores connumerari potius debuit? Nec video qualem contineat deformitatem ab Innocentio taxandam, ut è præfectis prætorio, adeò illustri, quantumvis sæculari, dignitate, crearentur Episcopi. Præfèd enim est S. Ambrosii exemplum non sine divino nutu ex hac ipsa præfecturæ dignitate in Archiepiscopum Mediolanensem electi, ut ex Paullino vitæ ejus scriptore constat, referturque in *Analibus Eccles.* ad ann. CCCLXXIV. num. 4. Ita visum Illyricianis Episcopis quum ad Asianos sic scribere: *Dum hac de re scriberemus ad vos, commones facti sumus, ut in his vestris literis scriberemus etiam de Episcoporum, collegiarum scilicet nostrorum, institutione: ut si quomodo fieri queat, è magistratibus, qui probata spectataque fide fuerunt, Episcopatu functuri cooptentur: sin autem tales non reperiantur, è sacerdotum collegio &c.* Et mox: *minimè verò de curia, aut militum ductoribus.* In iisdem *Analibus* anno CCCLXV. num. 19.

34. Item ait Pontifex: *Quorum factum ita reprehendimus, ut propter numerum corrigendorum ea quæ quoquo modo facta sunt in dubium non vocemus, sed Dei potius judicio dimittamus.* Factum videlicet improbat, sed non irritat, nec irritum declarat. Et tamen Luitprandus iste sciolus, Rufinus (ait p.) Episcopus Ore.

m Epist. extat in Collect. Concil. Hisp. Loay. sæ pag. 51. & in Paris. recentissima Confessionum tom. 2. col. 1274.

n De usu hujus complexi pro Episcopatu vide Baron. tom. 4. ad ann. cccclxxxv. 25. & in Notis ad martyrolog. ix. Aprilis. o In eadem epist. sect. 6.

h Gregorius Episcopus post Eliberianum, natus Compluti in Hispania anno cccxlvi. per omnes etates literis & bonis moribus floruit. Exeruit se in gubernatione. A Gratiano factus est P. P. Galliarum. Idem submotus à Maximo. Postea rediit in Hispanias factus est Episcopus Eliberitanus. successit Augustali anno cccclxxxix. Scripsit librum ad Galliam Placidiam August. an. cdxix. Moritur anno cdxlii. cum esset fere octogenarius. Relatus est inter divos. De quo Innocentius Lquerius quòd homo iudex statim factus esset Episcopus. Sicut qui dicebat puer fuisse Malactianum, & inde translatum. Luitprand. adv. 195. i Cap. 124. & 128. x Cap. 129. l Cap. 127.

p Advers. 199. alius 166.

Oretanus synchronus S. Gregorio Bético ex iudice simul electus; qui duo, & alii jubentur deponi ab Innocentio I. & deponerentur, nisi jam fuissent mortui.

35. Præterea Augustalis dicitur Eliberitanus ille Episcopus, cui Gregorius noster successerit. Certè nondum constat, vel uniatque eidem Dextro, quonam tempore Augustalis hic Hispaniarum falsus Episcopus obierit. Primò enim ad ann. CCCLXXXII. *S. Augustalis (ait) Episcopus Eliberitanus moritur in Gallia, dum catholicorum causâ illic diu immoratur.* Idem autè ad an. CCCLXXXVIII. n. 5. *Augustalis (ait) Eliberitanus Episcopus Arelate moritur, ac in Sanctorum numerum relatus est, cujus memoria colitur vii. Septembris.* Hoc igitur decessit anno, qui ante sex annos jam decesserat. Quicquid autem de hac contradictione dicendum sit, noscere aves, lector, unde Augustalis magica Pseudo-Dextri arte in Hispanias fuit evocatus? Juratò dicam. Inter alia hujus generis concepit animo ludius noster, ut quoscumque Sanctos absq; loci notatione in Martyrologiis reperisset, veluti magnetica vi quadam ad Hispanias attraheret. De quo ejus consilio executioni per totum Chronicon mandato alibi agemus. Martyrologium ergo Romanum hoc animo percurrenti lecta est die vii. Septembris *In Gallis S. Augustalis Episcopi & Confessoris memoria.* subjunctaque Baronii nota referentis in Beda esse, *Arelate.* At cum in Concilio Arausicano I. sub Leone Papa Augustalis subscripserit, eidemque simul Hilarius Arelatenfis Episcopus; alterius potiùs civitatis (ait Baronius) videtur fuisse Episcopus hic Augustalis. Arrepta est igitur occasio fallendi, dum opportunam dolo ac rapinæ videt sancti viri mentionem. Ac, ne deesset ei Ecclesiæ, quem Baronius Arelatenfi cedere fecerat, adjudicata fuit apud Eliberitanos, datusque huic novo Episcopo locus, semoto interim Gregorio Bético, abrogatoque ei istorum gestorum eximio honore, quæ paullo post dicemus. Hæc scilicet modestia est & eruditio nostrorum pseudo-historicorum.

36. Gallæ Placidie charus itidem fuit, nec nisi ante annum CDXXIII. decessit. Hec nempe ad asserendum Achillis Statii editionis titulum, de quo jam loquuti sumus, excogitata sunt. Quare ut Gregorius ætatem Placidie rebus tam seriis maturam adipisceretur, extremæ senectutis seni, quod erat anno nonagesimo secundo supra tercentesium S. Hieronymo, triginta duo alii additi sunt anni à macrobiorum his progenitoribus.

37. Duplex inde opus Gregorio tribuitur, *De Fide* alterum, cum factus fuisset recens Episcopus exaratum; *De Trinitate* alterum ad Gallam Placidiam Constantii jam uxorem anno CDXX. Et hæ meræ nugæ sunt conciliare volentis Hieronymi testimonium super libro illo *De Fide* inscripto, atque eo anno CCCXCII. jam edito, cum Gallæ Placidie, qui tunc puellula adhuc erat, nuncupatione, alteri huic & recentiori *De Trinitate* libro prorsus affigenda, si somnariæ cum his oneiologiis placeat.

38. Veniamus jam ad hypobolimæum Gregorium, quo, ut speramus, haud ultia se Toletani jactabunt. Planè hic Horatiana illa cornicula est, alienis spoliis dives, è Gregorii Bæti & aliorum ejusdem nomenclaturæ gestis, quasi totidem furtivis amicta coloribus, moturaque paullo post risum, cum nostrâ operâ

— *Suas repetitum venerit olim*

Grex avium plumas.

Primò Toletanis ignotum fuit Gregorii hoc pontificium usque dum Dextri comparuisset Chronicon; immo Audentium Olympio successisse; nullo intermedio, in amplissima ista sede, præsulum series docet; fateturque in *Historia Toletanæ urbis & regni* adhuc inedita Hieronymus Romanus de la Higuera Jesuitarum sodalis, cum quo agitata nobis est inferius causâ super Dextri rebus. Cujus quidem testimonio sic validè Gregorius hic Toletanus premitur, ut eo tantum subnixi condemnare eum falsi & supposititii judicio valeamus. Vis tamen hujus argumenti nondum hoc loco aciem suam approbare poterit, usque dum è fontibus ipsis, cum ad Dextrum perveniamus, tota hujus falsi Chronici veraque historia reveletur. Interim contenti simus verbis Higuerae huc pertinentibus oræ affixis.

39. Deinde replicamus Gregorium Beticum fuisse jam Eliberi Episcopum, quo tempore Hosius obiit, argumento ex historia illa, quantumvis interpolata, verisque falsa commiscente, Faustini & Marcellini deducto, scilicet anno CCCLX. aut circiter. Unde cadit effatum Dextri, assumptionem ejus ad Episcopatum Eliberitanum an. CCCLXXXVIII. constituentis, triginta ferè post Hosii mortem, & vix quatuor antequàm scripsisset Hieronymus Gregorium Beticum Eliberi Episcopum usque ad extremam senectutem diversos mediocri sermone tractatus composuisse. Consiliumque manifestè se prodit, votumque excludendi Beticum à laude illa in confessione fidei olim reportata: quod quidem non aliter succedere posse existimavit facinoris auctor, quàm Episcopatu Bæti in tempus longè inferius tracto, & alterius Gregorii Toletano supposito, ad quem, uti sui nominis unicum Hispanum per id tempus antistitem, Hosio, Ursacio, ac Valenti resistendi gloria referretur. Hec, inquam, gloria, & si Deo placet, altera etiam cum Lucifero Calaritano sentiendi.

40. Planè hic hallucinatus fuit insigniter pseudo-historicus noster, cui tam egregium, Toletanoque præfule dignum, *Ariana pravitate se non immiscuisse* (quod Hieronymus ait de Gregorio Hispaniarum Episcopo) visum fuit, ut ægerrimè tulerit coronam hanc alterius quàm Toletanæ Ecclesiæ præfulis tempora cingere. Cum potiùs debuisset hunc, uti nevum, alterius impressum faciei damnare, quàm Toletano inurere Episcopo. Nempe non ut laudet, sed tantum ut referat perviciam Luciferi, atque cum eo Gregorii Hispaniarum, & Philonis Libyæ, Episcoporum, sic loquutus est Hieronymus: laudare enim

r Apud Loaysam in Collect. Concil. Hispan. in prolegomen. pag. 21. Padilla hist. Eccles. cæ. s. cap. 2.

s Lib. 9. Hist. Tolet. cap. 9. Muerto pues el doctissimo Pontifice Olympio, sucedió en la silla y primacia de Toledo Audentio de nación Español.

q Composuit primò inter alia librum De Fide etiam cum primo capisset inire Pontificatû: ac pœtense Gallæ Placidia Augusta anno CDXX. De Trinitate composuit alterum (quem credo S. Hieronymum non vidisse) cum jam nupsisset Constantio Augusto, qui cepit anno CDXIX. Luitpr. adv. 197.

neu.

neutiquam potuit consilium Luciferi; quod alibi apertissime damnat, & cum eo, uti schismaticum, non uti hereticum, universi Ecclesie scriptores. Ita nempe averfatus est Calaritanus hic, alias sanctissimis moribus presul, Arianam perfidiam, ut nec etiam poenitentibus Arianis communicare voluerit; immo & communicantes æque cum iisdem respuerit. Eique & aliis ejus sectatoribus, *displicuit in Ecclesia catholica*, (ut ait Augustinus) quod verè catholicæ sanctitatis est, ut tanquam vera mater, nec peccantibus filiis superbe insultet, nec correctis difficile ignoscat. Ignoscendum ergo Gregorio Bætico, non invidendum est, quod huic sectæ adhaerit; nec ideo indigno (cum respuisse credendus sit) sanctitatis nomine honoreque; quæ & Lucifero Calaritano * Vercellis, atque in Sardinia ob eandem causam prestari comperta res est.

41. Verum autem dixisse Dextrum contententes, nusquam non Dextri & asseclorum ejus de Gregorio isto adversus Gregorium Beticum testimoniis agunt affectatissimis; cum non minus ipsi fidem suam approbare necesse habeant. Sed & rationis arietem admovere audent, quamvis stramentitium. Bivario injurii haud sumus, qui eam uti ausus est. *Episcopi Hispaniarum* nomen à S. Hieronymo huic tributum, qui cum Lucifero non bene sensit, satis significare primatem Toletanum. Nempe si hoc argumentum admittimus, Idatius Clarus & Justus Urgellitanus, *Hispaniarum* appellatus uterque *Episcopus* à S. Isidoro, Leanderque Hispalensis eodem dignitatis nomine salutat à S. Gregorio, Gordianusque *Episcopus Ecclesie Hispanie* dictus in codice quodam Conciliorum antiquissimo, Toletani fuere antistites. Rogareque Bivarium jure possumus, an Fastidius *Britannorum Episcopus* à Gennadio, sive Faustus Regiensis *Galliarum* ab scriptore *Vite S. Fulgentii Ruspensis* dicti, totius regni sui tenuerint primatum? Innumera sunt hujus rei exempla: & jam quod Fastidium Londinensem crediderint Episcopum hac ipsa ratione moti Balæus & Pitseus, acriter eos Jacobus Usserius vir eruditissimus reprehendit. Necnon & Rochus Pyrrhus in *Notitia Ecclesiarum & Sicularum* hoc ipsum aliis exemplis confirmat. Nimirum aut ignorabatur, aut non succurrebat Hieronymi referentis memorie sedes Episcopi, de quo erat sermo. Qui defectus necessario supplendus fuit generali provincie nomine. Immo, quod mirum videri debet, in Conciliis subscribentes ipsi parcere aliquando propriis sedium vocabulis consuevere, nationis contenti notâ. In Concilio Romano sub Gregorio II anno DCCXXI. Sinderedus *Episcopus ex Hispania*, Sedulius *Episcopus Britannia*, Fergustus *Scotie*, nomen suum non aliter professi sunt.

42. Quod attinet ad amicitiam S. Hilarii Pictaviensis Episcopi, Gregorioque isti datas ab eo frequenter literas, somnia mera sunt, nec in Hilarii operibus aliqua exstat ad Gregorium inscripta, unde occasionem planus assumpserit. Eundem interfuisse Ariminensi Concilio, acta ejus deperdita in causa sunt, ut ex iisdem non refellamus. Minoræ idem exsulasse Gregorius fingitur, ut gloriæ confessionis Hilarii atque Luciferi aliorumque ab Ariminensis Concilii exitu relegatione damnatorum presul Toletanus paria faceret. Damnasse Auxentium Mediolanensem, quem Damasus prædamnaverat Pontifex, Concilio Toleti coacto, Juliano credere non debemus, cui Dexter suus resistit. Nam hic ait Gregorium Toletanum diem suum anno CCCLXVI. obiisse, nec ante sequentem CCCLXVII. Liberio Papæ subrogatum fuisse Damasum. Non ergo prædamnare Damasus potuit Auxentium, quem Gregorius exemplo ejus postea damnaverit. Accepisse quoque is refertur à Liberio Papa (alias à S. Felice) encyclicas (*encyclicas* dicere debuit) literas, quia in libro *De Romanorum Pontificum vitis*, qui vel Luitprandi vel alterius est, tam in Liberio quam in Felice notatur scripsisse eos omnibus Episcopis adhortatorias ad sustinendas persecutiones. At venisse eundem Gregorium unâ cum duobus aliis Romam, & quod magis est, Tyanam usque Cappadociæ ad Concilium ibi congregatum, eique uti legatos Apostolicæ sedis præfuisse, falsissime & impudentissime à Juliano dicitur: ex Basilio Cæsarensi constare id adjungere ausus. Blateronis producere verba tanquam refutare erit. Anno CCCLXIV. (ait) Gregorius Episcopus Toletanus, Himerius Tarracomensis, Idatius Bracarenfis, venientes Romam confirmant suis syngraphis fidem Concilii Nicæni, eandemque formam afferunt ad Concilium Tyanense, ibique honorifice recipiuntur, & presunt ut legati Apostolici Concilio Orientalium, ut ex B. Basilio Cæsarensi Episcopo constat. Idem ferè in Chronico p legitur.

43. Res quomodo acta est, breviter ostendimus. Circa ann. CCCLXV. ad Liberium Papam venerunt Romam Eustachius Sebastensis, Sylvanus Tarsensis, Theophilus Castabalarum in Cilicia, Episcopi, propter Arianam hæresin depositi, atque, ut admitterentur ad communionem, suo & plurium aliorum Orientis præsulum nomine subscripserunt, & professi sunt Nicæni Concilii Generalis fidem & symbolum: dolose quidem, aliudque in ore, aliud in animo habentes. Qui tamen communicatoris Papæ literis, atque item aliis, quibus restitutio trium horum in sedes suas præcipiebatur à Liberio, necnon & communicatoris etiam, seu pacificis Episcoporum Siciliae epistolis, in reditu per eam insulam & aliarum Occidentis regionum impetratis, instructi ad suos rediere. Cumque per id tempus celebraretur Concilium Tyanæ civitatis Cappadociæ ab Episcopis catholicis, eo veniens Eustachius cum sociis, literisque ostensis, statim decreto patrum in suam sedem restitutus fuit. Narrant hæc Socrates lib. 4. cap. 11. & Sozomenus lib. 6. cap. 10. & S. Basilius epist. 73. Ostensis, inquam, literis, non solum Liberii Papæ, sed & Episcoporum Italiae, Galliae, Africae, & Siciliae. quod Sozomenus disertè notat. Basilius quoque nihil aliud quam de literis:

h Idem anno CCCLVI.

i Idem ibidè.

k Ad annum CCCLXVI. nu. 2.

l Apud Julian. in Chron. num. 173. m Circulares. n Editæ cum cæteris Luitprandi. Antwerp. à Plantino MDCXL.

o Advers. 458.

p Num. 170.

q Exstant inter Liberii epistolæ num. 13. tom. 2. Conciliorum.

r Lib. 6. cap. 12.

Quæ

Quæ verò sint illi (Eustachio Sebasteno) à beatissimo Episcopo Liberio proposita, & ad quæ consenserit, nobis clam est; nisi quòd epistolam attulit, per quam restituereetur. Eam ubi Tyanæ Synodo exhibuit, in suum locum restitutus est. Hæc ille. Quæ quidem verba apertissima & efficacissima sunt significare nullum Pontificium legatum in eo Concilio intervenisse, qui res quomodo inter Liberium & Eustachium acta fuisset, certiores facere posset patres. Siquidem uni epistolæ fidem habuere, cetera ignari. Atque id est quod ex Basilio constat, non Pseudo-Juliani chimerica illa in Concilio præfectura trium Hispaniæ Metropolitanorum, Toletani, Tarraconensis, & Bracarenfis. Quorum, nec ullius alterius Occidentis Episcopi in eo Concilio præsentis, neque Basilius, neque Sozomenus^s, qui rem uti facta est diligenter ac distinctè referunt, meminere.

^s Sozomenus lib. 6. cap. 14.

44. Ne autem id, quod certissimum est, infringere possint adversarii adductis ex Baronio literis synodalibus Illyricianæ Synodi ad Episcopos Asianæ, Phrygiæ, Caro-phrygiæ, & Pacatianæ datis, eoquæ, quod inde collegisse videtur Baronius ipse, opportunum erit id non prætermittere. Ajunt Illyriciani Episcopi: *Has nostras literas misimus per dilectum fratrem nostrum & collegam Elpidium presbyterum*. Et infra: *Itaque coacti sumus dominum & collegam nostrum Elpidium cum literis Romæ, quæ est caput imperii, ad vos mittere, ut discat utrum vestra prædicatio ita se habeat, an non*. Ex quibus videtur (unde enim alio?) concepisse vir doctissimus Elpidium à Liberio missum ad Orientales legatum Illyricianam hanc epistolam secum portasse. Quod quidem (pace tanti viri dictum sit) neutiquam ea epistolæ verba significant. Græca, inquam, quæ servavit Theodoretus in Historia sua: siquidem Latina, quibus scriptam fuisse judico, nusquam exstant. Ἀναγινωσκὼ οὐδ' ἔχομεν τίμωσαι πρὸς ὑμᾶς τὸ κήρυγμα ἡμῶν καὶ συλλειτουργῶν Ἐλπίδιον ἀπὸ τῆς βασιλεῦς Ρωμαίων ἀρχῆς τὸ τοῦ γράμματος ἔχοντα, καταμαθόντα εἰ γε ἀρα ἴσως ἔχει τὸ κήρυγμα ὑμῶν. hoc est: (ut fideliter reddam, non versionem sequens Joannis Christophoroni, quam exscripsit Baronius) *Necessarium igitur duximus mittere ad vos dominum nostrum & comministrum Elpidium ex Romanorum arce regia cum hac epistola, ut nos doceat itane sit prædicatio vestra*. Elpidium ajunt Romanum natu esse, non è Roma missum, immo se illum mittere affirmant, eumque appellant συλλειτουργῶν, comministrum suum, ad indicandum presbyterum esse è corpore illius provincie cleri; aut, si mavis, Episcopum, sumpto juxta ritum veterem^x, presbyteri (sicuti & sacerdotis consuevit) nomine pro Episcopo. quod non affirmaverim. Ἀπὸ βασιλεῦς Ρωμαίων ἀρχῆς, non ita sicce & obscure vertere debuit Christophoronus, ut *Romæ, quæ est caput imperii*, tantum redderet. quod nullum sensum habet in oratione. *Ex Roma* satis erat dixisse. paraphrasim enim Romanæ urbis ea verba continent. Nos vertimus, *ex regia Romanorum arce*, quæ eadem cum Roma est. Scio verbi ἀρχῆς significatio-

^t Apud Baron. tomo 4. ad an. cccclxv. nu. 18. & 2. tomo Concilior. ultimas edit. Paris. col. 842.

^u Lib. 4. cap. 8. & 2. tomo Concilior. pag. 832.

^x De quo plura S. Hieronym. ex sacris libris, quorum testimonia collegit Auxilius lib. 2. De ordinatione. Formosi Pape cap. 26. apud Morin. De sac. Eccl. ordinat. part. 2. pag. 373 & idem Morinus par. 3. exercit. 3. cap. 2. § 2. S. Isidor. De script. Eccl. cap. 2. Sacerdotem pro Episcopo dixit.

nem, pro initio, ac metaphoricè pro principatu: quia princeps primus aliorum est. Quæ metaphorâ usos credo Latinos in efformando suo arcis nomine, quod veluti summitatem significat; quia in summis quisque locis arces construebantur. Nec video quare aliunde querant hujus nominis etymon, nisi è Græco ἀρχῆς, hi qui inquirunt in Latinas origines. Arcis enim tres primas continet Græci nominis literas. Consule sis apud Vossium^y quid Solinus, Varro, Servius, quid tandem ipse Vossius censuerit. Fungerus^z etiam visus, non, credo, suis conjecturis quicquam propioris etymi apportabit. Quod autem de Roma sic Græcus loquatur auctor, facile inveniet exempla arcis de quacumque re in summo posita, aut summi gradus apud Barthium lib. 19. Adversariorum cap. 5. Præterea nusquam legitur Elpidium hunc in Synodum Tyanensem venisse, quamvis Eustachii Sebasteni adventus atque per Illyricum transitus causâ videatur conscripta epistola. Quare neque hinc quicquam affulgere lucis potuit ad perumpedas cimmerias Pseudo-Juliani tenebras.

^y In Etymologico, v. Arc.

^z In Etymologico vidingui.

45. Veniamus jam ad scenæ exitum, hoc est Gregorii Toletani mortem. Debuit sancta hæc esse: fictio enim viro tot sancte gestorum meritis decorato, ut personam impositam dignissimè gereret, omnino æquum fuit, ut quo posset modo adjudicaretur locus in Sanctorum catalogis. Martyrologium ergo Romanum, ut aliàs, adit noster Prometheus, statuz domi factæ infundere volens furtivo ausu sanctitatis animam. Excitantur Gregorii omnes qui in syllabo sunt, nec ullus reperitur dolo opportunus. Gradus inde fit ad Petri Equilini catalogum, & hic sistitur statim; atque deventum fuit in hanc cujusdam Gregorii mentionem. *Liberatus Confessor, & Gregorius Episcopus eodem die in Amphitria claruerunt* (hoc est die xiii. Kalend. Januarii, five xx. Decembris) ait ille^a. Huic solo superstruere placuit mendacii fabricam. At quantis impensis! Liberato in primis quærendum fuit munus inter nos, dandaque Hispana civitas; deinde Amphitriæ antiquo nomini adaptandum recens vulgareque, quasi ex antiquo illo corruptum, nomen. Relegamus ergo plani vestigia. *Amphitria* (Pseudo-Dextri^b verba audis) *quæ Carpetanorum urbs est, nunc Fitis, S. Liberatus Episcopus Eliberitanus feliciter moritur xiii. Kal. Januarii*.

^a Lib. 2. cap. ult. num. 17.

^b Ad annum cccclxvi.

46. Hoc jacto fundamento Liberati, & Amphitriæ in Hispania mentionis, ultra progredi jam tutius visum. *Relatus est* (idem ait^c) *S. Gregorius Toletanus Amphitria Toletum; & in Hispania inter divos est relatus xx. die Decembris*^d. Nondum tamen finis: nam & facta iterum, five hujus, five alterius Gregorii mentio rem confundit, vereque levitatem & inconstantiam prodit artificis. *Amphitria, quæ nunc Fita, S. Gregorius Episcopus Complutensis xii. Kal. Januarii*, ait idem auctor^e in prioribus editionibus, non in Bivariana. Franciscus enim Bivarius hanc Gregorii Complutensis Episcopi memoriam ex hoc loco tanquam importunam delevit. Idem tamen Bivarius alibi^f de hac re agens duos

^c Ad annum cccclxvi. nu. 1.

^d Exstat & Juliani locus ex Chronico nu. 174. juxta huc Dextri corrigendus.

^e Ad annum xciv.

^f Comm. ad Marc. Maximū in additionibus ad S. Braulionem pag. 61.

duos Gregorios agnovisse atque laudasse Dextrum cum Juliano suo contendit, alterum Complutensem, qui obiit anno Christi XCIV. xii. Kalen. Januarii, cujusque translatio facta fuit Amphitriâ Toletum anno CCCLXVI. alterum Toletanum, cujus obitus hoc ipso anno Dexter meminit, atque item Julianus Petri archidiaconus S. Justæ Toletanæ, Dextri consecratus: *Hoc anno (ait) x. Kal. Julii Pontifex Toletanus Gregorius sancte Toleti moritur*. Diversus ecce dies mortis Bivarii judicio, diversitatem utriusque Gregorii clarissime ostendit. Sed frustra lavat Æthiopem doctus scholasticus, aut confirmatum it ac distinctum quæ reapse confusa temereque dicta sunt, densissimisque suppositionis tenebris involuta. Gregorii enim eo die xiii. Kal. Januarii, sive xx. Decembris ab Equilino Episcopo facta mentio, vix ejus testimonio satis subnixæ est. Martyrologium enim Romanum longè abit. S. Liberati hocce meminit ista die sic: *Roma SS. M.M. Liberati & Bajuli*. ex Beda scilicet. Ufuardus Liberati tantum meminit: *In Amphitrea S. Liberati*. Ita habet Antuerpiensis ea, quâ utimur, editio^d. Bivarius tamen legisse videtur in alia Lovaniensi antiquiore^e utriusque Sancti, Liberati & Gregorii Episcoporum nomina; nam & præferre hanc lectionem ait, cum alios mss. Hispaniæ, tum Nucalensis monasterii Cisterciensium membranaceum ac vetustissimum codicem ejus Martyrologii. Rhabanus & Notkerus iisdem verbis: *In oriente natale S. Theclæ virginis, & S. Liberati*. Quomodo & legitur in vetustiore quod S. Hieronymi esse Franciscus Maria Florentinus, vir diligentissimus, cujus industriæ hoc debemus antiquitatis monumentum, existimavit.

47. In loci nomine ab *Amphitrea* discedit aliquantulum Franciscus Maurolycus, qui addidit etiam Liberato Gregoriū, ab Equilino forsan doctus: *In Amphibia SS. Liberati & Gregorii Episcopi*. Unde si vera esset colligenda è proximo lectio, sive *Amphissia*, sive *Amphissa*, conjectabatur Florentinus jam laudatus subrogari posse; quarum altera urbs Achaïæ, altera magnæ Græciæ fuit. De loco nos suspicabamur; pro in *Amphitrea*, quæ nusquam est civitas, in *amphibeatro* legi non ineptè posse: quasi Romæ passus sit Liberatus cum Bajulo, si vera sit Bedæ ac Martyrologii Romani lectio, à bestiis eo loco dilaniatus. Nihil tamen affirmamus, sed id contra Pseudo-Dextrum animadvertimus.

48. De Liberati Episcopatu nusquam, neque ab Equilino, qui fundus omnino rei est, neque à Maurolyco nos doceri. Quinimmo Equilinus disertè vocat confessorem Liberatum, uti Gregorium Episcopum: quorum priore illo nomine viri Sancti, qui neque martyres sunt neque Episcopi, appellari solent. Cum ergo fasti Ecclesiastici sic varient in posteris consignandâ Liberati & Gregorii mentione; negabimus non injuriâ fidem ei, qui neque ullius fidei est, neque alios habet qui fidem ejus liberent. Præsertim cum *Amphitria* vocabulum geographiæ *Bibliotheca vetus Hispana* Tom. I.

monstrum sit, ipsique ejus assertor & vindex, ne sine quorundam utilitate mendacium diceret, ridicula interpretationis affectatione se se heri & nudius tertius concepissem hunc factum planissime declaraverit. Audis ne illud? *Amphitria*, nunc *Fitria*, aliàs *Fita*, aut simplicius *Ita*: quomodo variè legitur in prima editione Cæsar-augustana^f, & in Hispanensi Roderici Cari^g, qui in Notis suis præfert ex ms. codice suo *Fita*, improbens aliam lectionem *Sittia*, quæ est in Cæsar-augustana^h. Nimia quidem cupiditas municipio *Hita* hodie nominato gratificandi corrumpere fecit omnem antiquitatis saporem. Namque *Hita* novum nomen, non illius sæculi, est; veniens scilicet ex corrupto verbo Latino *figere*, & *fixo* ejus participio. Quod fixum est & firmum ante duo aut tria sæcula Hispani *bito*, aut *fito* appellabant. Unde ludus puerorum *el bito* dictus; clavus scilicet in terra fixus, quem ludentes, veluti scopum quendam, ferire satagunt, unde dicimus vel nunc, antiquo retento verbo, *dar en el bito*, hoc est ferire scopum, cum aliis hujusmodi quæ D. Sebastianus de Horosco & Coya-rubias in *Theatro linguae Castellane* curiosè collegitⁱ. Præsertim hocce convenit nomen huic oppido, quod in colle positum pulchrè emicat, & latè longèque conspicitur. Aliud autem prorsus oppidum fuit, si verè fuit ubi nunc *Hita* est, quam Rodericus Toletanus Episcopus *Fita* vocat^k. Gaspar Barrerius^l existimavit *Cesutam* Antonini, quam Ptolemæus *Cesadam* vocat. Nec ante barbarorum in Hispanias irruptionem, dominantibus adhuc Romanis, occasio fuit corrumpendi propria locorum nomina, quæ quidem hi conservabant curiosissime, etiam in iis locis, quibus Romana aliqua honoris cognomen, sine detrimento vernaculæ nomenclaturæ, adjungere placuisset. Unde enim, aut cujus lingue est *Fitria* vocabulum, aut ubi gentium nomen, aut quomodo in Hispaniam irrupit, *Amphitrea* antiquato?

49. Nec sustineri aut defendi, ut jam finiamus, potest alter ille Gregorius Complutensis Episcopus primi sæculi, quem ex his Pseudo-Dextri tenebris Bivarius contendit proferre in lucem. Certum enim est ex S. Isidori libello *De scriptoribus Ecclesiasticis*^m, nullum fuisse ante Asturium Compluti Episcopum. *Inde* (ait) *ut antiquitas fert in Toletis sacerdos novus, & in Compluto agnoscitur primus*. Nec dissimulaverim phrasin illam, *inter duos aliquem Sanctum referendi*, aliquot post Dextrum sæculis in Ecclesiam fuisse introductam.

CAPUT III.

GREGORIO jam laudato BÆTICO tributum Martyrologium, nuperum inventum esse nebulis alicujus, temerè ac frustra commendatum à Gregorio Argæzio Benedictino. Comprobatur id ex silentio S. Hieronymi, & ex comparatione cum pseudo-historicorum scriptis, & ex operis ipsius barbarie, & geographiæ ignorantia. Solinus explicatur. Bracara Gallæciæ, non Lusitaniæ. Easo non Cantabrorum, sed

^e In Chron. ad annum cxxxiv.

^d apud Notk. in l. c. ad m. lxxviii.

^f Ad annum ccclxvi.
^g Ad ann. lxxviii. & ccclxvi.
^h Ad ann. lxxviii.

ⁱ Verbo *Hita*, & *Hito*.

^k Lib. 6. hist. Hisp. cap. 23.
^l In Itinerario suo.

^m Cap. 2.

sed Vasconum, Gregorii tempore. Non potuisse hunc uti oppidorum nominibus quæ Gotibi & Arabes introducere. Masburgium Gotibicum nomen. Burgum apud Vegetium, burgi apud Sidonium, Orosium, & alios, burgarii Caesarum Arcadii & Honorii, non hujus temporis vocabula. Burgi aut burgum unde dicta? Burgenfis urbis conditor. Argumentis è Seneca & Orosio deductis pro Germanorum ingressu in Hispanias ante Gotibicam irruptionem sit satis. Hauberti Hispanensis fictitium Chronicon. Burgi & Castella seorsum nominata olim ab historicis nostris. Roderici Toletani & Sampiri Asturicensis Episcoporum error de tempore conditæ Burgorum urbis. Mispoy Ptolemæi. Francisci Tarraſe oscitantia. Cauca, non Ceuca, à Lucullo vastata. Francisci Modii in Frontino crisis taxatur. Diversam à Cauca fuisse Aucam, & hanc à Burgis. Radegundis baud vernaculum Hispanæ lingue nomen. Alcanadre ab Arabibus ita dictum, sicut & Albaïda, sive Albelda. Eiroca fluvius. Arlanza flumen, Aslancia, sive Aslanse olim appellatum. Tritium duorum ne an trium oppidorum vocabulum? De Tritii Metallii vero nomine conjectura nostra veteri confirmata inscriptione. Anagarum, sive Naxera, cujus gentis nomen & urbs. Mauritanorum, uti & Pænorum, lingue ab Arabica diversæ. Novissimorum seculorum vocabula minime potuisse à Gregorio usurpari. Porsemosa, & nullius lingue, martyrum nomina, qui in hocce Martyrologio laudantur. De Terasæ ac Tereſiæ nominibus. Sansol oppidum unde? Caci furis imitatione commentitii hujus Chronici artificem in transcribendo Pseudo-Dextro, & sequendo Ptolemæum ducem versatum: erroresque Ptolemæarum editionum suos fecisse. Illurgi pro Illiturgi; Ugiam pro Oducia; Nabrisſam pro Nebrisſa; Urbanam pro Urgabona; & alia pro veris falsa vocabula usurpasse.

50. **S**Eparavimus discutiendum hoc alio capite, an Gregorii ejusdem Bæticæ fœtus sit Martyrologium quoddam ante paucos annos vulgare factum, sub inscriptione hac, nempe, *Catalogi SS. martyrum, qui sub Diocletiani & Maximiani imperio in Hispania martyrium passi sunt*. sive ejusdem sensus vernacula. Singulare etenim examen requirit, quod sub tam speciosa fronte sese venditat. Resque agitur maximi momenti, non ad Hispaniam tantum attinens, sed ad universalem Ecclesiam: siquidem in eo opere laudantur martyres, quorum alibi mentio nulla sacris fastorum veterum monumentis commissa reperitur. Quid ergo si hoc falsum opus & commentum insani capitis? Expian-dum prorsus igne scelus fuerit de rebus sic sacris ludos facere, tanquam de inventionibus profanis, dramatumque fabulis, posset. Defendunt ii geminum esse Gregorii fœtum, quibus infixum est Berosos, Dextros, Maximos, Luitprandos, Julianos, Haubertos, Liberatos, hujus & alterius seculorum monstrosos partus, fovere sinu, exosculari,

familieque verorum historie scriptorum intrudere. Nos, & omnes qui non transversa, aut ex affectu vident, abdicamus. Recte jam sentientium judicium esto, utra cedere alteri pars debeat.

51. Inventio hujus catalogi nihil habet solidi fundamenti: tota ruinosa est. Gregorius Argaiſius Benedictinus, vir cetera doctus ac diligens, ordinis sui chronographus, exemplum habuit Chronici Hauberti cujusdam, ut vocat, Hispanensis, ejusdem familie fœdalis, cui insertum hoc erat Martyrologium: quod quidem seorsum, ac sub proprio titulo, unâ tamen cum Hauberti opere, Notis illustratum dedit foras Matrini. Sed à quonam habuit? Si præfationem ejus consulimus, nil aliud quàm curiosum quendam exscripsisse id exemplum ab exemplari suo ad preces Rev. P. Fr. Joannis de Samaniego Abbatis generalis sui Benedictini Ordinis, exprimemus. Tacuit nempe auctoris hujus beneficii, quod minimè debuit, nomen, contentus indicare se de eo loqui homine, cujus industrie commissum fuerat Ecclesiæ metropolitanæ Burgensis antiqua monumenta digerere, forsân ut in publicum aliquando committeret. Alias autem omnibus compertum est his notis significari D. Antonium Lupian Zapata Valentini, ut fama ferebat, Segobri-censem, cujus mentio à nobis fiet in altera hujus nostræ Bibliothecæ parte. Quisnam autem hic, aut cujus fidei homo, atque ea omnia quæ ab eo in manus venerunt Argaiſii, cum ad tempora, ut credi volunt, Hauberto æqualia perventum fuerit, opportuno loco demonstrabimus. Interim in eadem navi esse utrumque, Gregorium & Haubertum, satis sit annotare.

52. Sed jam adversus ipsum opus expostulationis nostræ æquitatem duplici argumentorum genere ostendimus, extra ipsum nempe, & ex ipso defumptorum. Extrâ hæc sunt: S. Hieronymus, qui Gregorium Beticum seu Eliberitanum *diversos tractatus mediocri sermone* scripsisse nos monuit, hunc utilissimum, tamque Dei Ecclesiæ gloriosum, à nullo hætenus editum, de Diocletianæis martyribus in Hispania saltem pro fide interfectis, indictum præterire neutiquam debuit. Tum, Dexter (si verus Dexter esset, quod ex adverso non ambigitur) & Luitprandus (si legitimus is & non adulterinus) in rebus Gregorii referendis sic uterque industrius ac diligens, minimè gentium adjungere prætermisissent conscriptum ab eo hunc catalogum, quo data materies tam ampla fuerit Dextri Chronico. Qua enim fronte, si is vir Dexter esset quem S. Hieronymus laudat, & Gregorius sui ferè scriptor temporis, seminasset Hispanæ hunc Ecclesiæ agrum, quem is demessuit, celeberrimoque antistiti hunc colligendis SS. martyrum Hispanorum nominibus partam utique gloriam invidisset?

53. Præterea, id operis tam Hispanis proficui & æstimabilis, à viro undique conspicuo natum, sanctitateque auctoris sui non minus quàm argumenti pretio commendatissimum,

En Sub hoc titulo Hispano: *Poblacion Ecclesiastica de España, y mención de sus primeras honras, ballada en los escritos de S. Gregorio Obispo de Granada, y en el Chronicon de Hauberto Monje de S. Benito. Ilustrados por el Maestro Fr. Gregorio de Argaiſa Chronista de la misma Religión. Matrini MDCLXXII. & sequentibus quatuor tomis.*

mtum, quorum aliò terrarum exportatum fuit, aut Lethes fluvii demersum aquis, ut non illud sanctissimi Hispaniarum p̄sules usquam viderint, qui fastos nostræ gentis sacros, Isidorianumque, ut vocant, orandi ritum olim confecere? Atqui maximam eorum martyrum partem in catalogo isto laudatorum, si paucos excipias, qui aliàs nobis sunt noti, & unquam non cultu excepti, Ecclesia nostra ne quidem aliarum esse martyres gentium hætenus intellexit. Quomodo ergo, nisi stulta pietate fascinata, excipiet gremio & ulnis eos, qui nulla antiquitatis, nulla præjudicii commendatione subnixi, tutelarium gentis divorum numerum augere, & si Deo placet, antiquorum uniuscujusque Ecclesiæ patronorum longissimi temporis possessionem turbare contendunt? Profectò id esset de re, suo jure, studio singulari, & exquisita curiositate tractari & conservari digna, ne quidem eam habere curam, quæ vel in profanorum librorum ad lydiū criticæ artis & judicii lapidem examinandis auctoribus sagacissimos quosque exercere viros ac divexare solet.

54. Sed jam dudum in his quæ prudentiorum sollicitant, neque tamen cogunt, assensum, extraque opus ipsum aliunde id coarguunt, moram trahimus. Planè alia sunt plurima in catalogo ipso suppositionis ejus argumenta, eaque, si nocturnis non cernantur oculis, meridiana luce clariora. In primis ex cxxxix. aut cxl. quæ Martyrologium continet, xxiv. tantum capitula seu memora cum Dextri concordant *omnimoda historia*; cv. verò evagantur liberè, atque illaudatis à Dextro martyribus gloriantur. Unde jam formamus argumentum omnium primum. Quare enim Dexter, qui Gregorio fuit recentior, in Chronicon suum, quod quidem triumphantibus gloriosissimorum Christi athletarum coronis ornare maxime voluit, nonnisi aliquot conjecit ex pluribus, quos Gregorius laudaverat? Aut enim vidit, aut non vidit, ejus Martyrologium scripturus, Chronicon. Si primum dicas, injurius es diligentiae pietatique summi viri, qui propter hoc maxime stylum in manus sumpsit, ut ignorata vulgo, aut ex hominum memoria facile oblitteranda, Christianæ fortitudinis decora hæc perennaturis in ævum chartis commendaret. Quænam autem efferre magis debuit, quàm ea quæ tacuit? Monasteria integra virginum Deo sacrarum sævo gladio excissa; martyrum plurimorum greges eadem carnificina collectim dilaniatos! Si autem non visum à Dextro Gregorium contendas; misera hæc evasio est, nec minus ei viro, quem totum industriam & sagacitatem fuisse, tot sectatorum ora, tot scripta clamant, iniqua & injuriosa. Maxime si Gregorius Eliberitanus ad id usque tempus inter vivos fuerit, quod in ejusdem Chronico Dextri annotatum legimus, hoc est illud, quo maxime Dexter ipse floruit. Qui enim potuit in eadem Hispania cum Gregorio tot annis manens, & historiam suam omnimodam sub incude habens, ab anno scilicet CCCXCII.

Bibliotheca vetus Hispana Tom. I.

quo jam hujus historię quasi absolutæ meminit Hieronymus, usque ad eum, quo fingitur diem suum obiisse, annum sequentis sæculi XLIV. inclyti confessoris & antistitis aureum hunc libellum ignorare, aut cum adeptus fuisset, non inde ad Chronicon suum locupletandum ea quæ prius ignoraverat conferre?

55. Quid quod sæculi non adhuc barbari scriptor, qui *elegantissimum de fide librum* apud Hieronymum reliquisse dicitur, barbaro prorsus ore loquutus fingitur in falso isto Martyrologio? Quid quod errores admisisse in chronographica & geographica re crassissimos? Planè solœca hæc sunt: *adjectos in mare* q, atque item *in ignem* r, non semel dici martyres. *Setabis* (ait §. 115.) *S. Rufinianus presbyter*. In Ptolempo, quem ob oculos habuit (uti postea videbimus) inventor, *Setabis* in nominandi casu est. At noster *Setabi* in auferendi casu dicere debuit. Quod ipsum fuit verum nomen indeclinabile, non verò *Setabis*. Ideo non *Setabenses*, sed *Setabitani*, populi apud Plinium lib. 3. cap. 3. & per compendium ab Avieno in *Ore marium* vers. 470.

Attollit inde se Setabina civitas.

Uti nos legi debere, pro *Sitana*, existimamus. Idem noster *Illicis* pro *Illici* §. 116. habet.

56. Error autem quovis homine, vel alphabetario, nedum magno viro Gregorio, indignus, *oceanum* de mediterraneo mari (sive quem appellabant ejus ævi mortales *internum*, aut *nostrum*, aut saltem ab iis, quas alluebat regionibus, *Ibericum*, *Gallicum*, *Liguricum*, *Tyrrhenum*) dicere. Neque enim verum planè est, quod non nemo credit, Solinum appellare hunc *oceani* nomine *Polyhistoris* sui 26. capite. Solinus namque agnoscit tantum easdem esse aquas utriusque maris, oceani & interni, atque illud per Gaditani freti angustias in istud infundi; nusquam tamen ait infusum vocari adhuc oceanum. Verba ejus hæc: *Sed Gaditanum fretum à Gadibus dictum. Atlanticus estus in nostrum mare discidium orbis immitit. Nam à *Ἰνδαῖος*, quem Græci sic nominant à celeritate, ab occasu solis irrumpens, lævo latere Europam radit, Africam dextro, scissisque Calpe & Abila montibus, quos dicunt columnas Herculis, inter Mauras funditur & Hispaniam. Ac freto isti, cujus xv. millia passuum efficit longitudo, latitudo vix septem, quodam ostio aperit limen INTERNI æquoris mistus mediterraneis sinibus, quos ad usque Orientem propellit. Horum (sinuum scilicet) qui Hispanias perfundit Ibericus fertur & Balearicus; qui Narbonensem provinciam Gallicus, &c. Et aliud quidem est naturæ eundem esse oceanum, qui freto immittitur, cum interno mari, aliudque sic perturbatè loqui historicum de re geographica, ut quæ ad oram interni ac Iberici maris sita urbs est, eam ad oceanum confluere audeat. At bis hoc facit martyrologus u.* *Caribagine in mari oceano Sancta Bassa. Iterumque x. Rhodæ circa oceanum S. Paulus Abus.* Cum notæ omnibus urbes sint *Caribago*

q §. 18. & 63
r §. 10.

f Vide Paul. Merulam Cosmograph. 1. parte lib. 3. c. 7.

t Philipp. Brie. tius in *Parallelis geographiq.* 1. parte lib. 6. cap. 3.

u §. 29.

x §. 66.

nova seu *Spartaria*, & *Rboda*, intra mediterranei limites, prior *Murciæ* regni, posterior *Cataloniæ* principatûs, in ora maris collocatæ.

57. Alia etiam novitatis vestigia exstant in frequentibus, quos committit, anachronismis, ævo *Gregorii* ea quæ hujus nostri sunt, securè attribuens. *Bracaram* nimirum urbem in *Lusitania* constituit. *Bracare* in *Lusitania* SS. *Regulus* & *Felix*. Ad quem locum conscientia tactus *Argaizius* cautè monuit, inde colligi jam hoc tempore *Gregorii* *Lusitaniæ* fines mutasse, è *Durio*que flumine ad *Minium* usque se extendisse. Errat quidem is, ne deerasse *Pseudo-Gregorium* fateatur, toto geographiæ cœlo. Diu enim postea *Gallaciæ* provinciæ, prout à *Lusitania* distinguebatur, metropolis adhuc fuit *Bracara*. Ne nunc veteres advocem geographos melioris notæ, qui *Durio* flumine *Lusitanos* à *Gallacis* determinari nos docent. Rem satis conficiet sequioris temporis usus, monumentis frequentibus se se prodens; quorum aliqua dabimus. Synodi *Bracaren*sis primæ sub *Ariamiro* *Suëvorum* Rege erâ *DXCIX*. hoc est anno *DLX*. celebratæ hoc est principium: Cum *Gallicie* provinciæ *Episcopi*, *Lucretius*, *Andreas*, &c. ex præcepto præfati gloriosissimi *Ariamiri* Regis in metropolitana ejusdem provinciæ *Bracaren*si Ecclesia convenissent. Et infra adhuc clariùs: *Beatissimus* *Papa* urbis *Leo* &c. per *Turibium* notarium *Sedis* suæ ad *Synodum* *Gallicie* contra impiam *Priscilliani* sectam scripta sua direxit. Cujus etiam præcepto *Tarraconenses* & *Carthaginenses* *Episcopi*, *Lusitani* quoque & *Betici*, facto inter se Concilio, regulam fidei contra *Priscillianam* heresim cum aliquibus capitulis conscribentes, ad *Balconium* tunc hujus *Bracaren*sis Ecclesiæ præfulem direxerunt. In Concilio etiam ad *Lucum* sub *Theodemiro* ejusdem gentis Rege erâ *DCVII*. sive anno *DLXIX*. alia cum *Bracaren*si *Gallaciæ* metropolis erecta est in urbe *Lucensi*. In *Synodo* *Bracaren*si II. sub *Mirone* Rege erâ *DCX*. sive anno *DLXXII*. idem omnino dicitur. Sed ne excipiat aliquis geographiam Ecclesiasticam diversam à seculari esse; *Idatius*, qui sæculo quinto vixit, *Lemicensis*que in *Gallaciæ* fuit *Episcopus*, *Theoderico* Rege (ait ^b) cum exercitu ad *Bracaram* extremam civitatem *Gallaciæ* pertendente &c. Et alibi: *Suëvi* in solitam perfidiam versi, regionem *Gallaciæ* adhaerentem fluvio *Durio* depredantur.

58. Immo adhuc post *Sarracenorum* in *Hispanias* ingressum servavit antiquos suos fines *Gallaciæ* usque ad *Durium* flumen. *Sebastianus* *Episcopus* *Salmanticensis*, qui sub Rege *Alphonso* *Magno* floruit, sive alius *Chronici* *Sebastiano* tributis auctor, de quo loco suo dicemus, *Sancii* cognomento *Crassi* *Legionis* Regis percurrrens tempora, egressus *Rex* *Sancius* (ait) ex *Legione* venit *Gallaciæ*, & domuit eam usque ad fluvium *Dorii*. Confirmatque *Rodericus* *Toletanus*, veterem nomenclaturam à sui temporis usu distinguens. Interea *Alcorexi* *Rex* *Agarenorum* (ait lib. 5. cap. 12.) tam partem *Gallaciæ* quæ nunc *Por-*

tugallia dicitur, & usque ad sanctum *Jacobum* devastavit. Similia cap. 16. expressiusque cap. 10. Cœgit usque ad *Dorium*, qui dividit *Gallaciæ* & *Lusitaniæ*. Huic luci quandam majorem ingeret lucem, *Argaizii* judicio, *M. Maximi* auctoritas, cum is monasterium *Dumien*se, quod fuit prope *Bracaram*, in *Gallaciæ* verbis clarissimis, nec semel, collocet^d. Quibus quidem hic abstineo, quod ipse tanquam digitos suos & manus procul dubio habet nota, contentus ceteris, quod rei est, veris testimoniis, abundè persuasisse.

59. Huic alius tanquam lac lacti similis error est. *Easo* in *Cantabris* collocat §. 60. his nempe, qui hodie ita dicuntur generali nomine *Cantabrorum*, ad *Guipuscoe*, *Viscayæ* & *Alabæ* provinciarum incolas extenso: sub *Romanis* autem, etateque *Gregorii*, *Vasconum* fuit oppidum, quibus id *Ptolemæus* affigit. *Cantabri* autem longè ab his collocati, quod plures probant, & inter alios *Arnaldus* *Oihenartus* in *Notitia utriusque Vasconie*. Id ex jam dictis colliges ignorare haud potuisse verum *Gregorium*, ejus, quæ vixit, ætatis, *Hispaniarum* divisionem; falsum verò & hypobolimeum potuisse hodierno usu, qui in *Lusitania* *Bracaram*, in *Cantabris* *Eason* habet, misere deceptum iri.

60. Imponitur quoque absurdissimè quarti sæculi scriptori *Gregorio*, ut iis usus sit locorum nominibus, quorum vel *Gotthi* vel *Arabes*, in *Hispanias* diu post ejus obitum infusi, auctores fuere. Quo quidem argumenti telo cum petamus & confodiamus causæ jugulum, districtiore vibrandum est cura. *Masburgium* hodiernam *Burgos* urbem appellat: *Radegundam* virginem *Salmantinam* laudat; quæ *Germaniæ* pura puta sunt vocabula, *Hispanis* rebus inepta, cum inter *Hispanos* & *Germanos* nullum *Gregorii* ævo, uti postea irruentibus *Gotthis*, esset commercium. *Alcabadre*, *Albaidæ*, *Nagaxarase* urbium, *Arlanzoni* fluvii disertè meminit, vocabulorum absque dubio *Arabicorum*, quæ *Sarracenis*, tercentum & ultra annis post *Gregorium* *Hispanias* ingressis, accepta ferimus. *Burgum* Septentrionalis linguæ verbum est, quæ gentes utebantur, è gelida illa orbis plaga *Italiæ*, *Galliis*, tandemque *Hispaniis* infusæ. *Burgundionum* esse monet *Luitprandus*, non is quem toties deridemus, sed legitimus, lib. 3. *Rerum gestarum ab Imperatoribus & Regibus* cap. 12. Et quoniam ipsi (ait) domorum congregationem, quæ muro non clauditur, burgum vocant, *Burgundiones*, quod est, à burgo expulsi, à *Romanis* appellati sunt. Agnovit & *Burgundionum*, hoc est *Germanorum*, esse nomen *Orosius* lib. 7. cap. 32. cum *Isidoro* lib. 2. *Originum* cap. 2. & 4. & *Paullo* *Diacono* lib. 2. antiquissimamque *Germanici* nominis in ripa *Rheni* urbem *Asciburgium* in hujusmet originis confirmationem exstitisse olim ex *Tacito* novimus. Pleni sunt recentes doctissimorum hominum commentarii hujusce observationis.

61. Nec de statu movere nos *Vegetius* debet, qui vulgarem suo, hoc est *Valentini*, sub quo & *Gregorius* noster vixit, ævo,

^d In *Chronica* ad ann. Christi *DLX*. §. 5. & *DL*. §. 2.

^a Vide *Refendium* lib. 1. *Antiquit. Lusitan.* *Ludovicum* *Nonium* in *Hispanie* c. 29.

^b In *Chron.* *Olymp.* *cccix*.

^c *Olymp.* *cccix*.

^e Cujus meminit §. 82.

^f De moribus

German. c. 3. &

lib. *Histor.* 4.

cap. 33.

^g *Vossius* De

visitiis sermonibus

lib. 2. cap. 3.

^h *Henr. Spelmanus* in

Glossario. Bern.

Alderete Orig.

De la lingua

Castellana. lib.

3. cap. 3. verbo

Calabri pag.

290. *Stewer-*

chus in *Vege-*

tii lib. 4. c. 10.

Gothofredus

Jacobus ad ti-

tulum De bur-

gariis in cod.

Theodof. Pi-

thæus 1. Ad-

ver. cap. 4. Me-

nagius in Ori-

ginibus linguæ

Gallice ver-

naculis verbo

Burg. Besol-

lus cum plu-

ribus in *The-*

practico. verb.

Burg.

ævo, *burgum* dictum castellum parvum lib. 4. *De re militari* cap. 10. scribit. *Castellum parvulum, quem burgum vocant, inter civitatem & fontem convenit fabricari* (ab obsessis scilicet) ait. Quinimmo burgorum in Hispania notitiam paullò post hæc tempora præbet Arcadii & Honorii Imperatorum ad Vincen- tium P.P. Galliarum directa lex *Unica* tit. 14. qui *De burgariis* inscribitur lib. 7. codicis Theodosiani, unà cum lege 2. tit. 19. lib. 12. ejusdem codicis, quæ in Justinianæo est l. 6. *De fundis rei private* lib. 11. *Lex nostra præcepit* (ajunt laudati Cæsares in dicta lege *Unica*) *ut bi quoque, qui intra Hispanias, vel in quibuscumque locis ausi fuerint burgarios vel sollicitare vel receptare &c. Burgarii appellabantur qui burgis, ut ex posterioribus illis legibus colligitur, serviebant.*

62. Dum ergo constat *burgos* in Hispaniis eo tempore haud ignotos fuisse, nonne calumniari videmur martyrologo, hunc locum urgentes? Minimè quidem. Sæculum enim integrum annorum inter Diocletianæam stragem, quam descripsisse Gregorius fingitur, atque Honorii & Arcadii regnum, qui *burgariorum* in Hispania meminerunt, ferme fluxit. Nempe à quarti sæculi fine ulteriora tempora vulgare jam fecerant vel inter Romanos hoc *burgi* vocabulum, ut constat ex Sidonii Apollinaris carmine ^h, *Burgus Pontii Leontii* inscripto, quo domum illius, seu castrum in Gallia ripæ Duranii fluminis superædificatum celebrat ⁱ. Ante id tempus nusquam extra Germanos limites audita fuere, scriptove consignata *burgi*, *burgorum*, aut *burgariorum* nomina. Crebra enim cum Germanis bella hæc vocabula veluti urbe donavere. Planè certum est Orosii tempore haud ita fuisse, sed Burgundionum linguæ propria. Quos nomen (ait) *ex opere præsumisse; quia crebra per limitem habitacula constituta burgos vulgò vocant.* Erant ergo castella turræve limitaneæ, cum apud barbaros, tum apud Romanos, qui ab illis didicere. Ideo *clausuris & burgis* custodiri fines in Africa olim solitos Justinianus ait in leg. 11. §. *Et omnes.* 4. cap. *De officio præf. præf. Africa.* Qui limites, quòd frequenter flumina essent, iis *burgi* imponebantur: unde quæ munitæ fluminibus adiacerent domus, ita appellari cœpere. Quod innuit Sidonius ^k:

Cernere jam video quæ sint tibi, burge, futura.

Diceris sic, namque domus de flumine surgunt,

Pendentesque sedent per propugnacula iberme.

63. Planè sunt qui à Græco *βύργος* hoc nomen derivent ^l, quòd *βύργος* proferebant Macedones Thracæque, ut Cæsaubonus in *Commentariis ad Strabonem* observavit. Sed Germani, quibus magis de rebus suis credendum est, constanter linguæ gentis illud vendicant ^m; cum maximè omnis locus munitus, confugium omne, *burg* ⁿ vel hodie inter eos audiat. Neque enim potuere ii à Græcis accipere, tam cœlo & usu separata gente, quod verbum antiquissimè domi habuerunt. Nisi ab Hebræa origine utraque,

quod suspicatur Vossius, & Germana & Græca vox fluxerit. Id quod de *briga* conjectamur Hispano vocabulo, quod propriâ linguâ Hispaniæ veteris urbem significat, quamquam doctissimus Alderetus ad Græcum *βύργος* referre malit ^o. Cæterum à Germanis natam Burgenfis urbis appellationem, quoquo inter nos historicam rem cum judicio tractavere, omnes admittunt ^p, ea conjecturâ ducti, quòd auctor ejus fuerit Comes D. Didacus Porcellus cum genero suo Nunnio Bellidez aut Belchidez, nobili Germano, à quo nomen urbi impositum gentis suæ vernaculum credere proclive est. Ante hoc tempus, scilicet Adephonfi catholici Legionis Regis ævum, non hujus urbis nominisve ulla mentio.

64. Sed insurgunt, Germanos in Hispaniam sub Gallieno Imperatore irrupisse, ac duodecim annis eas infedisse. Orosius lib. 7. cap. 22. *Germani ultiores abrasâ potius Hispaniâ.* Et cap. 41. *Irruptæ sunt Hispaniæ &c.* Et infra: *Quod etiam sub Imperatore Gallieno per annos prope duodecim Germanis eventibus exceperunt.* Immo antiquiorem aliam ejusdem gentis in Hispaniam expeditionem innuere videtur Seneca, dum de populorum transmigrationibus in *Consolatione ad Helviam matrem* agit. *Pyrenæus* (ait) *Germanorum transitus non imbibuit.* Unde Alphonsus de Cartagena in *Anacephalæosi Hispaniæ* cap. 4. *Demum exercitus multi ab Alemannia* (inquit) *& insulis adjacentibus Hispaniam inundantes, Almonizis expulsis apud Hispanos magnis temporibus regnaverunt; donec Pœni ab Africa transfuges magnam Hispaniæ partem subjecerunt.* Sed Orosio demus id quod ex bono aliquo exceperit auctore, quantumvis in Galliæ rebus, commotique sub eo totius orbis, triginta non minus tyrannos passi, relatione, nihil de Hispania eo tempore vastata Trebellius commemoret Pollio. Nedum tamen inde conficitur, gentem vastatricem & incurfionibus tantum intentam dare nomen potuisse iis terris, quas delere ac excindere, non excolere aut firmare urbibus imperioque nitebatur. Orosio credamus ipsi, qui nos huc adigit. *Exstant adhuc* (statim ait) *per diversas provincias in magnarum urbium ruinis parvæ & pauperes ædes, signa miseriarum & nominum* (scilicet veterum ante ruinam) *inditiâ servantes, ex quibus nos quoque in Hispania Tarraconem nostram ad consolationem miseriæ præsentis ostendimus.* Sive autem recta, sive non, lectio illa sit Senecæ, Germanos innuentis in Hispaniam superatis Pyrenæis transisse; at certò scimus nullum horum ingressus aut dominationis vestigium in geographicis Ptolemæi, Pomponii, Plinii, aliorumque monumentis relictum.

65. Quare cum tribus primis sæculis nulla in Hispaniis diversarum gentium bella turre limitaneas, præcipuè in mediterraneis locis à mari longe diffitis, sub appellatione *burgorum*, juxta Vegetii notationem, construere suaserint; credendum omnino est, *burgorum* nomen cum Gotthorum gente audiri apud nos cœptum, veramque esse historicorum no-

o Lib. 3. cap. 3. *Del origen de la lengua Castellana.*

p Garibay lib. 10. *Comp. histor. Hisp.* cap. 5. Morales lib. 15. *hist. de España* cap. 17. Mariana lib. 8. cap. 2. *Puente Convent. de las Monarquias*, lib. 3. cap. 10.

d 22.

l Scaliger lib. 2. *Aufinianar. lib. cap. 9.*

l Laudato carmine 22. *De Paulini burge.*

l Simondus ad Sidonii hoc carmen 22. Gotofredus ad l. 2. lit. P. cod. *De off. P. P. Africa.* Hadr. Junius lib. 5. *Animadv.* cap. 6. Cujacius 3. *observat.* 24. Cæsaubonus ad Strabonem. m Barthius *animadv.* ad Gail. *Britonem* lib. 7. vers. 391. Vossius lib. 2. cap. 3. Claver. lib. 1. *Germania veteris*, cap. 13. n Barthium vide ubi proxima.

strorum assignatam nobilissimæ urbi, Castellæ veteris nunc primariæ, originem; ut scilicet à Didaco Porcello Comite, ejus, ut fertur, rei auctore, in unum eundemque populum plures circumcirca minores populi coaluerint, locusque inde à *burgis* seu oppidulis plurativo numero *Burgi* dictus sit, eodem forsitan tempore, quo à pluribus castellis in Mauro-rum & Christianorum collimitio positæ *Castella* nuncupari cœpit ditio illa, quæ Comitibus primùm, deinde Regibus, paruit, atque hodie veluti principatum in cæteram Hispaniam tenet. Relinquamusque Franciscum Tarra-fam his Germanis Burgorum fundatio-nem tribuentem^q, rerum Hispanicarum peritia apud eos censeri, quibus æquè persuaserit Oretanorū populū & Legionis septimæ Geminæ urbem, quam *Germanicam* falsò vocat, ab eadem esse Germanorum origine. Super quibus ei pudorem imperat Joannes de la Puente Dominicanus, judicio & antiqua doctrina vir pollens & subactus^r.

66. Et quid quòd non *Burgi*, sed *Masburgi*, audiat hæc à confictio Gregorio (uti & ab Hauberto^s) urbs? Scire aves unde data ei ansa hæc fingendi? à Marinæo scilicet lecto in *De rebus Hispaniæ* lib. 3. ^c *In quibus* (ait) *civitas est insignis & antiquissima, quam Burgensem nunc vocant, & Masburgi dictam fuisse quondam legimus, quæ dicebatur & Auca. Quod nomen mihi verosimilius esse videtur, propterea quòd etiam montes apud eandem urbem nunc Oceani dicuntur, & Aucani melius dicerentur; tametsi Plinius non Aucani sed Cauca-m nominavit. Expressius Franciscus Tarra-fa^u. Per hoc tempus urbs Burgenfis, vulgò Burgos, olim dicta Masburgi, aliis Bravum, sive Auca, jubente Comite Didaco domino Castellæ novis colonis habitari cæpta est, ut habet Hispanica historia. Hæc est, ut credimus, quæ vulgò audit *Historia generalis*, Alphonfi Regis X. jussu confecta; in antiquis tamen rebus lubricæ omnino fidei. Erroris causam paullo inferius dicemus.*

67. Confirmandæ huic origini *Masburgem* ab Hauberto nuper dicto, Hispanensi, nigro etiam theta notando nomine, confictam novimus insigni illo, & antiquitatem omnem exhauriente, de fundatione hujus urbis segmento sarmentitii Chronici^x ad annum DCCCLXXXIV. *Didacus Comes Castellæ & Auca civitatem Masburgensem reedificat mandato Regis Adephonfi. Hodie dicitur Burgos, clara civitas in Vaccaeis; antiquo tempore dicebatur Ceuca, aliis Bravum, aliis Auca Tabularia, vel Ceuca Tabularia. Quo ex testimonio non solum labascit fides Hauberti ipsius aliàs affligenda, sed & Gregorius suppositivus Martyrologii auctor coarguitur. Nam quod & hic posterior innuit *Masburgum*, nedum *Burgorum* nomen, jam vulgatum fuisse Diocletiani ævo, hoc est ante annum CCC. & quod prior ille Haubertus apertè fabulatur, Didacum Comitem reedificasse *Masburgensem* urbem, quasi ea olim fuisset, & in pristinum statum Comitæ operâ rediisset, falsissimū est, refelliturque auctorum veterum locis, quibus nondum aliquis falsitatis dicā impegit.*

68. Hi nullam aliam nisi *Burgorum* appellationem à fundatione ipsa hujus urbis agnovere. Sebastianus, existimatus Salmanticensis Episcopus (sive is sit Alphonfus Rex III. Magnus, ut aliis placet, qui id Chronicon scripsit brevissimum pro more illorum temporum, quod à Pelagio res persequitur usque ad Ordonium I. è tumulo caput efferentis Hispaniæ Regem) *Eo tempore* (ait de regno loquens Alphonfi cognomento catholici, & à Pelagio tertii, qui rerum potitus est ab era DCCCLXXVII.) *populantur Primorias, Levana^y, Trausmera^z, Supper-ta^a, Carranza^b, Burgis, quæ nunc appellantur Castella, & pars maritima Gallicie. Terræ tractuum, seu mavis vallium, hæc omnia ferè sunt nomina inter montes Hispaniæ ad mare septemtrionale vergentis vel hodie vulgaria, non autem oppidorum. Ab his cū aufugissent incolæ sibi à Mauris timentes, sub hoc Rege multorum præliorum victore ausi sunt ea loca repetere, denuoque vallium jam dictarum habitare oppida. Unus ergo ex his tractibus *Burgi* appellabatur, qui deinde vocatus est *Castella*, ut Sebastianus ait. Qui & alibi Burgensem provinciam vocat^c. Hunc quidem hodie contineri sub nomine vulgari, *las siete^d merindades de Castilla la vieja*, aut sub prima & præcipua earum quæ *merindad de Castilla la vieja* propriè audit, non longè à Burgenfi urbe, non temerè cum Stephano Garibajo^e suspicamur, Sebastiani annotationem sequentes.*

69. Ideo etiam fundata *Burgis* urbe duravit *Castellæ* nomen seorsum ab ea, ut constat ex charta quadam publica Garcie Navarræ Regis, qua sese regnasse in Pampelone, in Alava, & in Castella; Fernandum verò fratrem in Legionem, & in Burgis, erā scilicet MLXXXIV. Quod est notatu valde dignum. Adducit eam, & similem aliam idem Garibajus lib. 22. cap. 28. & 29. Qui huic terræ portioni regio ferè præerat nomine, hunc illa ætas Castellæ Comitem nuncupasse videtur. Sampirus Asturicensis Episcopus, qui Sebastianum continuavit sub Alphonso III. seu Magno, interfuisse consecrationi Compostellanæ S. Jacobi Apostoli Ecclesiæ, atque inde Ovetensi Concilio^f, inter alios proceres ait *Ordarium Castellæ & Auca Comitem^g*. Porro erā CMXXII. *populavit Didacus Comes Burgis mandato Aldephonfi Regis*. Sic legitur in codice Compostellano^h (*tumbo vulgus vocat*) quo privilegia ejus Ecclesiæ olim collecta servantur, nec non & in aliis annalibus ac prisca ævi monumentis, quorum Ambrosius Morales meminitⁱ.

70. Hic ille fuit Didacus Porcellus Comes suprā laudatus, quem Castellæ præfuisse hoc tempore aliunde compertum est^k. Consonat in anno fundationis, formamque disertè refert, quamvis alieno prorsus loco, Rodericus Toletanus Episcopus lib. 5. *De rebus Hispaniæ* cap. 25. *Sub isto* (Sancio nempe cognomento Majore, in quo graviter errat^l) *Comes Didacus Porcelli populavit Burgis, quam quia ex burgellis plurimis ademerat, Burgis statuit nominari, erā nongentesimā vicesimā secundā.*

Re-

q De Regibus Hisp. in Valeriano tomo 1. Hisp. illustr. pag. 536.

r Lib. 3. De la concord. delas dos Monarquias cap. 10.

s In Chron. ad ann. Christi LXII. & DCCCLXXXIV. Hisp. illustr. tom. 1. pag. 312.

u De Regibus Hisp. in Alphonso III. Hisp. illustr. volum. 1. pag. 350.

x Sub tit. Poblacion Ecclesiastica de España dedit hoc & alia fabulosa Gregorius Argaizius. Hoc autem Chronicon editum est 2 par. primi tomi Matrini MDCLXVIII. Segmentum autē istud pag. 596.

y Provincia de Levana, live Asturias de Santillana.
z Valle de Trasmiera.
a Valle de Supuerta.
b Valle de Carranza.

c In Ramiro I. erā DCCCLXXX.

d Merindad tractus terræ est quæ ab uno judice regitur, vulgò Merino, seu Majorino.

e Lib. 22. Hist. Hisp. cap. 29.

f Celebratum fuit erā CMXXII. Vide Morelem lib. 13. cap. 33.

h Apud Sandoval en las notaciones à los Obispos de Castilla, pag. 251.

i Lib. 17. cap. 26.

k Videndus Steph. Garibaj. lib. 10. del comp. histor. de España cap. Morales d. lib. 15. cap. 16.
l Ut notavit Morales d. cap. 16.

Regem, sub quo factum id opus, Alphonsus III. Magnum Rodericus vocare debuit, qui ejus eræ, quam rectissimo assignat calculo, æqualis fuit. Sanpirus eodem ferè maculatus errore exstat, qui ad Ranimiri II. tempora refert, haud aberrans tamen à vero urbis nomine ^m. Populavit Didacus comes Burgis. Ipse quoque paulò antea hæc habet ⁿ: *Et quidem Rex Ordonius, ut erat providus & perfectus, direxit Burgis pro Comitibus &c.*

71. Omnia hæc in medium adduximus, quò magis confirmaremus nusquam apud auctores nostros non lubricæ fidei Burgorum urbis ante Didaci Comitum foundationem, nec Masburgi usquam, nedum sic antiquo tempore, mentionem fieri, Haubertumque id factum referentem hoc usurpato nomine, quod nullus eorum agnovit, impudenter ludere. Nec quicquam juvat *Murbogorum* gentis seu populi apud Ptolemæum, dum Tarraconensis Hispaniæ loca refert, mentio. Quantum enim *Murbogus*, *Murbogi*, hujus auctoris, quorum *Bravum*, *Bravum* urbem laudat, à *Masburgis* distat? Villanovanus autem in Ptolemæo suo, ex Marinæ & Tarrafa, imposuit sibi ut scriberet, *Bravum Masburgi* olim dictum, nulla nominum similitudine, nulla veteris auctoris fide innitens. Unde de Burgenfis urbis appellatione ista succrevit fabula, quam stabilire voluit, ementito vetustatis nomine, is qui Haubertum & Gregorium ætate abortus nostra est.

72. Quod inde in Hauberto sequitur: *Hodie dicitur Burgos, clara civitas in Vacceis*, ex affectata veteris geographiæ eruditione jure traducimus. Quid enim si nobis de Hispali nostra hujus temporis ad æquales loquentibus hæc verba excidissent: *Vetus Hispalis, que nunc clara urbs est, Sevilla nuncupata, in Tarracetanis*; & non potius in Bætica seu Andalusia provincia? Quid si de regia Matritensi curia: *Mantua Carpetanorum, que nunc Matritium est in Carpetanis*; & non in Castellæ novæ regno? Puto risum lectoribus, etiam indulgentissimis, nos moturos. Connectuntur & superioribus hæc alia de eadem urbe: *Antiquo tempore dicebatur Ceuca, aliis Bravum, aliis Auca Tabularia, vel Ceuca Tabularia*. Juncta scilicet ferè omnia in auctoris cerebro, nunquam alibi vel audita vel conjuncta.

73. Planè in priore parte hujus portentosi Chronici reedificatam Ceucam urbem fabulatur anno mundi MMMCMXXIX. Si hoc nomine tunc appellata, quando nam tot formas, quot Protheus fabulosus, mutavit? At si ab aliis & aliis existimatam ait Masburgensem urbem eandem cum ex his aliqua; quinam fuere hi inter nos critici, Hauberto superiores, quos cura sollicitavit conferendi veterem cum nova geographia? Et tamen Argæzius hoc loco notat Numantini belli tempore jam Ceucam fuisse urbem civibus fortissimis plenam; cum verè ea urbs, quam Lucullus Consul vastavit in Vacceis, Scipio instauravit, bellum cum Numantinis gerens, Pompejus Hispanis dolo eripuit, *Cauca* constanter audiat apud Polybium ^p, (*Kauna*, & *Kaunais* cives ejus) & Frontinum ^q, horum

eventuum enarratores, Pliniumque ^r. Hujus ultimi hæc sunt: *Sicut in Vacceorum XVIII. civitatibus, Intercatienses, Pallantini, Lacobricenses, Cauceses. Cauca* etiam in Antonini Itinerario est ^s. Sanè Frontinum temerè avertit aliò Franciscus Modius, pro *Chaucensibus*, seu *Causensibus*, quod prius legebatur, *Catinenses* sobrogans, & ad *Catinam* fortè Plinii ^t, Arcadiæ urbem, respiciens; acquiescente in ultima editione Amstelodamensi parum criticè Roberto Keuchenio. *Caucam* & ipse Rodericus Toletanus ^u retento Latino appellat nomine. *Bravum* oppidum Ptolemæus laudat, (quod quidem *Babavum* hodierni temporis esse Argæzius credit) *Auca*, *Caucamve Tabulariam* nullus. *Auca*, inquam, cum hoc cognomine.

74. Aliàs *Auca* olim exstitit urbs Castellæ, cujus Episcopi ab ea dicti *Auceses*: multa mentio in historiis fit: omnino autem diversa à *Burgis*. Post Burgensem enim urbem fundatam Aucensis Episcopus urbe sua dentata à Mauris titulum retinebat apud Rodericum Toletanum lib. 4. cap. 18. idemque eodem tempore *Auce* cap. 13. & *Burgis* oppidi cap. 16. lib. 6. meminit. *Auca Patricia* dicitur in territorio Castellæ in instrumento foundationis monasterii S. Martini vallis de Mena xv. Sept. erà DCCCXXXVIII. Hæc de Burgenfis clarissimæ urbis origine paulò diffusius, ut Gregorium verum vindicaremus à falsi suppositione, Haubertoque interim ineptias suas opprobremus, non omnino inutiliter annotare visum fuit. Sed jam ad alia fictionis vitia.

75. Radegundæ virginis mentio in Hispania adhuc Romæ subjecta falsitatem non minus prodit ^y. *Salmantica sancta Felicitas & Radegunda virgines*. Martyrium scilicet, innuit, in eadem Diocletiani persecutione sunt passæ. Nullam in fastis Ecclesiasticis Radegundæ alterius memoriam legimus, quàm Galliarum Reginæ Chlotarii uxoris, tandem Benedictinæ monialium Pictaviensis, sanctitate & miraculis sceminæ clarissimæ. Hanc ex Germana stirpe fuisse, tum historiarum ^a, tum nomen ipsum planissimè ostendit. Ea filia Bertharii Regis Thuringorum fuit: quæ iccirco à Venantio Fortunato ejus vitæ scriptore audit *natione barbara, de natione Turinga*. & hanc captivam ductam conjugio sibi copulavit Chlotarius. Eiusdem originis & gentis sunt, Francorum nempe orientalium, hoc est Germanorum, propago, *Ingundis* ejusdem Chlotarii secunda uxor ^b, atque item alia *Ingundis* Sigeberti Austrasiæ Regis filia, S. Ermenegildi principis Hispaniarum martyris conjux. *Fredegundis* Chilperici Galliarum Regis concubina. *Cunegundis* S. Henrici Imperatoris castissima conjux, & quotquot propria sceminarum nomina similiter desinunt.

76. Unde ergo *Radegundis* nomen apud Hispanos eo tempore, quo ne dum in Gallias ex Germania seu Francia orientali cum Francis transierat? Nec opponas ante omnem Francorum in Gallias descensum *Radegundem* quandam S. Martialis Lemovicensis

^m In editione Sandovalis pag. 67. col. 2. u pag. 65. col. 1.

^s In Itiner. ab Emerita Caesar-augustam.

^t Lib. 4. cap. 6.

^u Lib. 6. Hist. Hisp. cap. 23.

^x Apud Sandoval in foundationibus mon. S. Emilianii fol. 43.

^z Rom. Martyr. xxi. Augusti.

^a Vita ejus tum à Venantio Fortunato, tum à Bandonimino quadam scripta apud Surium tom. 4. Greg. Turon. Hist. Franc. lib. 3. cap. 4. & 7. & lib. 8. cap. 44. & De glor. conf. cap. 106.

^b Sant-Marthani fratres in Hist. generali Francia, tom. 1. lib. 2. cap. 8. & 11. secunda pars, & cap. 4. tertiæ partis.

^o Ad hunc an. pag. 445.

^p De Hispan. bellis pag. edit. ultim. Amstel. cclxxviii. & iterum dxxxiii. q Lib. 1. Strab. pag. cap. 2. in veterib. editionib. rectè

centis Episcopi Christi Domini discipuli hospitem celebrari. Scio Bernardum Guidonem Dominicanum hujus fœminæ alicubi meminisse ^c. Sed nota cuique sunt, etiam Martialis Apostolatûs propugnatoribus, quæ hujus historiæ & actis opponi solent: adeo ut his fateri necessarium sit (quod Sauslajus facit ^d) genuina & sincera acta sub incurfionibus barbarorum periisse, ut ex collectione quadam antiqua & miraculorum sancti ejus corporis translationis etiam constat. Neque enim aliter declinare posse difficultatem ex *Gotthorum* ibi facta mentione prudenter vident, quàm aut denegantes actis his vetustatis fidem, aut per errorem exscribentium hoc eo irrepfisse Gotthorum nomen excusantes. Quod ipsum de *Radegunda*, quam non minùs quàm *Gotthorum* appellationem ferè quatuor respuunt Gallicanæ historiæ priora sæcula, existimari oportet.

77. Arabica item oppidorum nomina importunè laudata Gregorium non esse Martyrologii auctorem evincunt manifestissimè. Qui enim potuit quarti sæculi scriptor noscere Arabum nomenclaturam, quæ non ante septimum, unà cum eorum tyrannide, inficere Hispaniam cœpit? *Alcanadre* prope *Iberum fluvium* (ait ^f) *S. Theodulus* & filia ejus *Agnes*. Et paullo post: *Albayde* in *Cantabris* circa fluvium *Irege Prudens* & *Joannes*. Oppida sunt (ex *Argaizii* interpretatione) Castellæ, seu *Rioxæ*, *Alcanadre* & *Albelda*; utrumque Arabicæ linguæ & originis: quod vel rudes Arabismorum Hispani idiomatis non ignorant. *Alcanadre*, seu *Alcanater*, arcus seu pontes sonat. Mauros pontem, qui *Gaditanam* insulam continenti committit (de *Suazo* nunc vocant) *Alcanater* dixisse, geographus *Nubiensis*. *Climatis* 4. prima parte nos docet. *Albaida* albam rem denotat, ex *beidum*, album, & articulo *al* ^h. Unde & in *Valentino* regno *Albaida* oppidum, & ab eo dicta vallis. Item pagus sive castellum juxta *Cordubam* similiter appellata: quibus in locis frequentissima hæserunt Arabicæ linguæ vestigia. Id quod *Sebastianus* ipse *Salmanticensis* suprâ laudatus de re suæ etatis scribens non obscurè significat. Unde ob partam victoriæ causam tantum in superbiam intumuit (Muza rebellis quidam *Cordubensis* Regis) ut se à suis tertium Regem in Hispania appellare præceperit. Adversus quem *Ordonius Rex* exercitum movit, & ad civitatem, quam ille (Muza) noviter miro opere instruxerat, & *Albaida* nomine imposuit, Rex cum exercitu ad eum venit, & munitione circumdedit. Ita enim legi debere, non autem *Albelda*, ut in editione hujus Chronici, quam à *Sandovalio* habemus, fuit excusum (præterquam quod à *Roderico Toletano* sic vocatur ⁱ, *Dulcius*que in Chronico non dudum typis edito, *Albaidam* urbem fortissimam dixit) ab *Ambrosio Morali* docemur, qui de hac re egit lib. 13. cap. ultimo *Hist. Hispaniæ*, atque iterum lib. 15. cap. 49. quo loco instrumentum omni exceptione majus, sive, ut vocant, privilegium adducit *Sancii* cognomento *Abarca* *Navarræ* Regis, tempore fundatio-

nis monasterii *S. Martini de Albelda* hodie nuncupati formatum, anno (uti supputato rectè calculo statuit diligentissimus historicus) *CMXX*. hoc est erâ *CMLVIII*. ^k Ex quo quidem duo elicimus contra *Gregorii* fidem, *Albelda*, sive *Albaida*, nomen esse Arabicum, testante ipso Rege *Sancio* scripturæ auctore, necnon & fluvii nomen non *Iregua*, quod *Pseudo-Gregorius* habet, sed *Eyroca*, quomodo ibi appellatur, eo tempore fuisse.

78. Miser ergo martyrologus, quem, uti mendacem, oportebat quoque esse memorem, veteris hujus instrumenti oblitus, quem suppeditare ei *Moralis* poterat, *Albaidam* Maurorum, & *Ireguam* hodiernum fluvii *Albeldam* oppidum præterfluentis nomina, *Gregorii Eliberitani*, immo *Diocletianæ* persecutionis tempore, nota & vulgaria fuisse absurdissimo errore & anachronismo sese involvens, incidensque ipse (juxta *Psalmmum*) in fossam quam fecit, suppositio affixit operi.

79. Simili laborat novitatis vitio *Arlanzonis*, fluvii nomen. Duo sunt ejusdem ferè appellationis in hoc tractu Castellæ veteris flumina, *Arlanza* & *Arlanzon*. (cum exteris mihi sermo est rerum nostrarum nesciis.) Posterior à priore dictus videtur, eo quod eundem ferè cursum tenentes, demum inter se commiscuntur, in *Pisoracam* inde, sive *Pisuerga*, influunt. Et nulla quidem horum vetus memoria superest ante Maurorum irruptionem. Neque ego tamen ausim ad eorum linguam ea referre. Cum verò *Rodericus Archiepiscopus Toletanus* Latino verbo nunquam *Arlanzam*, sed *Aslanciam*, idque non semel, appellet ^m; jure quidem dubitare possumus hoc ne sit unius eorum fluviorum vetus nomen, unde posteriores fecerint *Arlanza*: cum & adhuc magis ejus appellationem corruerint accolæ rustici, pro *Arlanza*, *Relanzo* dicentes. *Aslanza* item audit in privilegio seu diplomate foundationis monasterii *S. Petri de Arlanza* dicti, quod *Ferdinandum Gundisalvi Castellæ Comitem* gloriosissimum habet auctorem, secundo idus Januarii erâ *DCCCCL*. concessum; quod in *Benedictine* historiæ voluminis primi appendice ⁿ *Antonius Jepezus* publici juris fecit. Legimus quidem apud *Sandovalium* *Arlanzæ* nomen in sæculi undecimi quodam monumento ^o. Ipse tamen aliud producit ^p quo flumen hoc *Asilense* dicitur. Quorum reliquiæ (*SS. Petri, Pauli, Vincentii, Sabinæ, & Christetidis*, quæ in dicto monasterio servantur) continentur (ait) in *Asilense* flumine. Cui quidem nomini valde consonat *Roderici Aslancia*. De hoc tamen eorum exspectanda suffragia sunt, quibus schedas veteris ævi consulere posse in hujus domus aliarumque tabulariis contigerit, bonæque fide his uti velle.

80. *Nagaxarasa* ^q monstrum purum putum certè est geographicæ veteris, hoc est Romanorum temporis, nomenclaturæ. *Argaizius* tamen contendit vetus nomen hoc esse, non Arabicum: negatque idem oppidum cum *Tritio* fuisse hodierni temporis urbem *Naxera*, contra id quod vulgò magis cre-

^k *Moralis* verba: *Esse* *Iuger* *se* *llamava* *en* *la* *lengua* *de* *aquel* *los* *infieles* *Albelda*, *y* *moros* *en* *la* *lengua* *Latina* *lo* *llamamos* *Alba*, *y* *està* *situado* *sobre* *el* *rio* *Iregua*. *Ex* *Latinis* *privilegiis*. *Et* *postea*: *Tambèn* *el* *rio* *que* *el* *Rey* *llama* *Eyroca*, *se* *nombra* *agora* *Iregua*, *y* *es* *el* *que* *passa* *junto* *à* *Albelda*.

^l 5. 32.

^m *Lib. 5. cap. 2. lib. 6. cap. 13.*

ⁿ *Fol. 27.*

^o *Addit. ad Epist. pag. 142. p. pag. 145.*

^q 5. 3.

^c *Tract. de SS. Lemovicenses. vol. 1. Biblioth. Mss. librorum Labbei pag. 635.*
^d *De mysticis Gallie scriptis in S. Martiali pag. 122.*
^e *Teste eodem Sauslajo ibidè.*

^f 9. 14.

^g 9. 16.

^h Vide *Covarrubiam* in *Thef. ling. Castellana* verbo *Albaida*. *Morales* lib. 13. cap. ult. & lib. 15. cap. 49 & de articulo *Arabum* *al*, quod indicium est ejus linguæ vocabuli. Vide *Alderetum* *Asignados de España y Africa* lib. 2. cap. 2. paginâ 213. & lib. *Del origen de la lengua Castellana* lib. 1. cap. 15. *Vossii* in *Etymologico* verbo *Manacus*, & verbo *Alchymia*.

ⁱ *Lib. 4. cap. 13. & 14.*

creditur. *Tritium* olim duplex (haud enim omittere id opus est) apud Ptolemæum, cuius si recta sit vulgaris scriptura, Τρίτιον μέγαλον in Beronibus alterum, τρίτιον τοῦ ὄρους Vardulorum alterum, appellata sunt. Tertium addit nostri temporis historicus diligentissimus Josephus Moretus Jesuita^r, scilicet *Tritium* in Antrigonibus, cuius Plinius meminit^t simul cum *Virovesca*, bisque in Antonin^o Itinerario fit mentio^t, uti ad occidentem *Veroovesca* ejusdem positi: quod manifestum fit ex viarum ductu. *Monasterio de Rodillas & Briviesca* hujus temporis interpretatur. *Tritium Tuboricum*, quod in Vardulis Ptolemæus collocavit, *Motrico* urbem Viscajæ provinciae ad fluvium Devam idem Moretus putat; ita quidem quasi *Mons Tricius* dictam; argumento usus, quod Plinius Vardulos ad oceani oram à Pyrenæi jugis ante Cantabrorum regionem constituat lib. 4. cap. 20. *Tritium-Metallicum* Naxaræ urbi vicinum fuisse credit.

81. Nobis nondum arridet, ut à comuni virorum doctissimorum, qui geographiam nostram egregie calluerunt, discedamus; cum præsertim Vardulorum *Tritium* à Ptolemæo laudatum, idem cum eo existimari posse credamus, quod Antonini Itinerarium una statione à *Virovesca* versus occasum constituit. Nam quicquid de Vardulorum situ juxta oram maris Plinius dixerit, inverisimile haud est, sive hos sive alium ejusdem appellationis populum, Castellæ veteris eam partem, quæ ab Antrigonibus tenebatur, & ubi *Virovesca* fuit, atque nunc *Briviesca* est, incoluisse. Neque enim ex nihilo est, quod hunc terræ tractum *Barduliæ* nomine sequens veterum monumentorum ætas indigitaverit, uti ex antiquo Alphonsi Castellæ Regis III. cognomento Casti scriptura colligitur^u, ubi *Galleçie & Barduliensis provinciae* Gallæciæ vicinæ (nec enim ad oram maris, & antiquum Vardulorum situm hæc pertinere possunt) se compotem factum ait. Rodericus quoque Toletanus lib. 4. cap. 13. *Barduliæ* meminit; atque illud ipsum Sebastiani Salmanticensis (sive alius sit) testimonium, quod pro *Bingorum* eodem cum *Castella* nomine supra à nobis adductum fuit, non *Burgis* habuit, sed *Bardulia*, quæ nunc appellatur *Castella*, in iis, quibus utebatur hujus Chronici exemplaribus Ambrosius Morales^x. Quod in opinione veterum fuisse certum habent noviorum^y plures; quamquam, uti errorem nostrorum post captivitatem hominum antiquitatis rudium, reprehendant Stephanus Garibajus^z, & ex eo Joannes Mariana^a. Præ quorum sententia judicium Hieronymi Suritæ^b & Ambrosii Moralis habeo, qui confines populos huc usque limites suos extendisse, & ab ora maris per Guipuscoe & Alavæ fines usque ad istam Castellæ veteris portionem, *Bureva* hodie dictam, penetrasse, minimè absolum à vero judicasse videntur, quandoquidem in hoc vado nihil hærent.

82. *Tritium* ergo *Tuboricum* per me eo loci esto. Sed de *Tritio-Metallo* habeo quicquid.

Bibliotheca vetus Hispana Tom.I.

quam judicio criticorum subicere. In Ptolemæo excudi solet Τρίτιον μέγαλον. Malim ego Τρίτιον μέγαλον*, *Tritium magnum*. & obscurum aliis Tarraconensem lapidem^c huic rei lucem dare, ab eaque invicem accipere ajo.

T. MAMILIO
SILONIS FIL. QVIR.
PRÆSENTI.
TRITIENS. MEGALE.
OMNIB. HONORIB.
IN R. P. S. FVNCT.
DE CVRIALI ALLEC-
TO ITALICAM EX-
CVSATO A DIVO
PIO FLAMINI P. H. C.
P. H. C.

83. Quamvis enim Ambrosius Morales^f oppidum *Magalam* seu *Megalam* crediderit laudatum, quod nusquam alibi à se auditum fatetur, neutiquam tamen aliud oppidi nomen ibi admittit orationis tenor. Si enim Mamilius Silo Præfens Tritiensis patriâ, & in Rep. sua, *Tritio* videlicet, omnibus functus fuit honoribus, Megale illud vocabulum nisi cognomentum *Tritii* aliquod significet, nihil videtur posse significare. Quare præferendam credimus Gruteri lectionem MEGALE, qui profecisse ait se ex Andreæ Schoti schedis, quem Schotum scimus Tarracone in domo clarissimi antistitis Ant. Augustini diu commoratum; ac *Tritium Megalon* in lapide isto vestigium sui, quod corrigendo Ptolemæo & vulgari persuasioni satis superque sit, reliquisse. Nec averfari debemus in media Hispania citeriore Latinâ provinciâ Græcum urbis cognomen. Magnus enim fuit usus Romanis civibus linguæ hujus. neque Græci in Hispanis peregrini fuere. Sive, quod magis est, Latinæ linguæ *Tritium magnum* suâ sic auctor Græcus vertit. Frustra ergo supposititius noster Gregorius *Tritium Metelli* alicubi & scripserit, ab scholiaste valdè laudatus; quasi veram Ptolemæi lectionem ostenderit.

84. Hoc ergo *Tritium* transformatum fuisse in urbem *Naxaram* tulit hucusque persuasio vulgaris, etiam historicorum non recentiorum, Sainpiri^h nempe Asturicensis & Roderici Toletaniⁱ, qui quidem sermone suo Latino *Anagaram* semper & ubique vocat, ut videre est lib. 4. cap. 13. quam confirmat *Tritii* hoc etiam tempore cognominati, duobusque dumtaxat passuum millibus à *Naxara* urbe distantis pagi appellatio^x. Nisi aliis placeat *Naxaram* ex ruinis veteris *Tritii* non eodem, sed vicino isto loco surrexisse, Mauro-rum operâ. Si autem *Tritium* fuit sub Romanis dicta hæc urbs; à quonam alio potuit, quàm ab Arabum populo omnia deformante, in linguam vernaculam nova ista *Naxara* appellatione donari? Cum præsertim (agnoscente Argæzio ipso alicubi^l) nomen hoc urbem inter rupes collocatam Arabicè, & quidem è re ipsa sumpta descriptione, significet. Confirmatque originem idem urbis nomen *Nagara*; scilicet apud Ptolemæum in Arabia Felice lib. 6. cap. 7. seu *Narungera*, alias

* Erravit auctor: non enim Τρίτιον μέγαλον rectum est, sed Τρίτιον μέγα.
CARDINALIS DE AGUIRRE.
c In *Thef. Inscrip.* pag. 412. s. & apud Morelem in *Antiq. Hisp.* pag. 65. Occonis *Inscript.* Hisp. pag. 11.
d *Præbenti* apud Gruterum.
e *Magalæ* apud Morelem & Occonem. Gruterus tamen ex Schoti Schedis *Megalæ* habet.
f Ubi proximè

g §. 98.

h In *Chronica* & rebus Ordinis III.
i Lib. 4. c. ult. in fine.

x Vide Marianum lib. 17. cap. 10.

l *Poblacion. de Esp.* tomo. 1. parte 2. ad ann. decem. Chronici Hauberti

r In *Investigat.* ad *hist. Navarræ* lib. 1. cap. 4. pag. 116.
t Lib. 3. c. 3.
u *Innot. ab Africa Tarraconensis, & ab Africa Bardulorum.*

u Apud Sandoval. *Annot. ad Episcopos Hispanie histor.* pag. 171.

x Vide lib. 13. c. 14. *Hispan. Hisp.*
y Sandoval ubi proximè pag. 92. Pelliter ad *Dulcidii Chronicon* fol. 26.
z Sandoval in *fundac. monast. S. Amiliani* fol. 43.
a Lib. 9. cap. 6. *Hispan. Hisp.*
b Lib. 7. *Hispan. Hisp.* cap. 4. in fine.
c Notis ad Anton. Itiner.

aliàs *Naranga*, ejusdem Ptolemæi in Africa lib. 4. cap. 3. quæ *Naraggara* videtur Antoni-
ni^m. Unde Naraggaritenfis Episcopi mentio in Carthaginenfi collatione. Idem tamen Argaizius uno contentus Gregorii Bætici testimonio id nunc negat, cum potius debuisset convulsam hinc & labefactatam dignoscere Gregorii fidem.

85. Tum quoque nescio quid de Mauris non adhuc Mahometanis inculcat, quos unâ cum Carthaginensibus in Hispaniam venientes non abnuat potuisse id aliâque Arabica nomina Hispanis oppidis & linguæ mutuari. Quasi Carthaginenses, aut auxiliaris eorum ex Africa miles, Arabicam linguam jam tunc loquerentur, nec haberent propriam, Phœniciam scilicet, sive Punicam, & Africæ ipsius ejusque regionum vernaculam. Scio inclinare huc, quò Argaizius oculos habuit, nempe ad linguæ Arabicæ antiquiorem in Africa, quàm à Mahometanis Arabibus usum, plures sive doctrinâ sive Africanarum rerum notitiâ præstantes virosⁿ, contradicentibus aliis^o nō sequioris ordinis, qui ante horum in Africam irruptionem ignotam ibi fuisse Arabicam contendunt linguam. Res hæc non multum ad rem nostram pertinet. Certum quippe est, tota geographia veteri, quæ ex Plinii, Ptolemæi, Melæ, Strabonis, & aliorum colligitur monumentis, non ullum Arabicæ nomenclaturæ in Hispania locum assertum iri.

86. Remittamus ergo suam Argaizio, si ejus est, conjecturam, unâ cum pro *Nagaxere* antiquo nomine Pseudo-Gregorii, atque item Pseudo-Hauberti Hispalensis, non uno aut altero testimoniis P: quæ omnia & *Garusia* quoque vetustior alia ejusdem urbis appellatio, eorundem impostorum auctoritate, quæ nulla est, etiam nullius judicii hominibus ægrè ac vix commendanda, nostratis quidem historicæ rei atque geographiæ mera sunt carcinomata, igne prorsus, non fomentis curanda.

87. Quid item de eo auctore faciemus, qui recentioribus oppidorum nominibus alieno usurpatis ævo, in manifesti frequentisque anachronismi laqueos temerè atque inadvertenter incidit? *Valpositam* pro *Valleposita* per apocopen degenerantis in vulgarem linguam Latinitatis à Gregorio laudari non potuisse, nullus non videt; cum & multò inferioris ævi monumenta in tabulario hujus oppidi (quæ nunc *Valpuesta* est) conservata, sive *Vallem-positam*, sive *Vallem-compositam* (quod Argaizio^r credimus) appellent. *Munitæ* item, *Lecæ*, *Jana*, *Canulæ*, *Phigera*, *Cruillæ*^t vocabula inferioris Gregorio & Romanorum tempore ætatis omnino esse videntur. *Munilla*, *Leza*, Rioxæ provinciæ; *Jana*, Valentia; *Canillas*, ejusdem Rioxæ; *Figueras* & *Cruillas*^t, Cataloniæ oppida interpretatur scholiastes. *Lecam* ait idem, seu *Lezam* ejusdem esse cum fluvio nominis *Leza* dicto, & hunc Latinis in veteribus monumentis *Licium* vocari. Quo sanè verbo uti debuit Gregorii Latinum ævum, non eo quod sequens corripit barbaro-hispanum. *Canillas*, si vetus

sit à *Canula* nomen, aliud confingendum tale erit regni Toletani oppidis *Canillas* & *Canillejas*. *Phigera* sic scriptum Græcæ originis oppidum esse credi voluisse videtur martyrologus, cum Latinum sit à ficu arbore, uti alia ejusdem provinciæ *Figols*, *Figarola*, *Figol*, & quædam Castellæ, tam oppida quàm familiarum cognomina. Jacobus certè Aragoniæ Rex II. anno MCCLXVII. *Figueras* hodiernum Empuritani tractus municipium fundavit, quo loco jam exstructa fuisse olim dicitur parœcialis Ecclesia eodem nomine dicta, quod ex inspecto à se foundationis privilegio Antonius Vincentius Domenec *Cataloniæ Sanctorian* illustrator affirmat^u.

88. Nomina item eorum plura, qui ut veri martyres laudantur, portentosa formationis, nulliusque ad aliquam ejus ævi usus linguam analogiæ sunt. Ut magica potius aut Gnosticæ superstitionis vocabula præferre videantur. Nonne enim talia sunt^x *Retrogatus*, *Pentradus*, *Pontoratus*, *Phillulus*, *Leodegarus*, *Leonatodorus*, *Theoderodus*, *Doratodorus*, *Balifius*, *Zeridion*, *Domidianus*, *Marenianus*, *Mirificulosus*, ac *Turdeturus*? muliebriæque *Celerita*, *Fugula*, *Geredis*, *Urba*?

89. Vulgaris item Theresæ nomine sic auctor utitur^z, ut longissimè ab eo tempore, quod sibi arrogat, concepisse id liquidò appareat. Græca hæc certè tam viri quàm foeminae compellatio est, sive *Tarasja*, uti *Tarasius* Patriarcha ille Constantinopolitanus sanctitate illustris, cujus memoriam die xxv. Februarii facti sacri continent, scribi debeat; sive *Tberasia*, quod magis credimus, à *Tberasia* insulæ non unius a origine, cujus gentilis Stephano teste^b *Θερσάσιος* audiebat, sive à *Θηρσάσιος*, *capio*. Quicquid autem de etymo dixeris, certè auctores multò etiam Gregorio inferiores, *Tarasiam* sive *Tberasiam* constanter appellant. S. Paullini uxor *Tberasia* dicta ab Idatio^c, & in nostra gente Ranimiri II. Legionis Regis conjux^d *Tarasja* cognomine *Florentina*. Itemque Sancii Crassi uxor, Veremundi Regis filia quædam, & ejusdem stirpis alia, quæ monasterium S. Zoili Carriensis urbis extruere fecit. Soror item Alphonsi V. Abdalæ Cordubensi desponsata, Veremundi etiam III. conjux. Item Sancii Navarra Regis filia, necnon & Alphonsi VI. ea quæ Henrico Portugalliæ nupsit comiti, aliæque sive *Tarasja*, sive *Tberasia* nomine, cum à Sampiro Asturicensi^e, tum à Roderico Toletano^f presulibus omnes, nec alio donantur. *Teresa* verò nec hujus temporis, ac multò minus ejus quo hæc scribebat Gregorius larvatus, appellationis forma est.

90. Prætereo quòd ea fabulatur, quæ in Dextri ridemus Chronico, *Briena* & *Assyria* martyris in Severa Hispaniæ triumphum *Frigida*^h urbis in Hispania mentionem, Oretanum S. Spiridionis Episcopatum, aliæque. Quòd monasteria virginum gentilitatis tempore apud nos frequentia referat^x: Quòd oppidi *Sansol* in confinibus Navarra & Castellæ appellatione, configurato ad sonum ejus,

n A. Maffi
Circam, & ab
Hippone Car-
thaginem.

n Ludov. Mar-
molius, quem
laudat & se-
quitur Alder-
tus in *Antiq.*
Hisp. & Afri-
cæ lib. 3. cap. 32.
o Bochartus
Geog. sacræ par.
2. lib. 1. cap. 17.
pag. 66.

p *Poblacion de*
España ad an-
num Christi
DCCCXXX.
DCCCLXXXV. &
alios.

q §. 8.

r Ad §. 8.
f §. 15. 17. 26.
27. 52. 67.

t De *Cruillas*,
sive tribus hu-
jus nominis
oppidis seu ba-
roniis agit
Escolanus lib.
7. *Hist. Valent.*
cap. 5. in fine.

u *Historia ge-
neral de los SS.*
de Cataluña, 1.
Maji fol. 37.

x §. 1. 17. 37.
38. 48. 60. 62.
74. 78. 100. 105.
118. 119.

y §. 15. 26
41. 95.

z §. 30.

a Insula hujus
nominis in
Ægeo Plinio
lib. 2. cap. 87.
altera in Sicu-
lo. idem lib. 3.
cap. 9.

b In *Θερσά-
σιος*.

c In *Chronico*.
d *Morales* lib.
16. cap. 17.

e In *Chron-*
edit. Sandova-
lis pag. 67. &
69.

f Lib. 5. *Hist.*
Hisp. cap. 8. 14.
18. 20. 22. lib. 6.
cap. 2. & 21.
lib. 7. cap. 5.
g §. 25.

h §. 84.
i §. 154.

x §. 30. & 53.

ejus, qui nusquam fuit, Sancto Martyre Sole, mentiatur originem¹: cum & incolarum persuasio sit S. martyrem Zoilum ibi maxime cultum dedisse causam nomini. Quod & Burgensis familia virorum nobilium *Samsoles* ab eodem tutelari martyre (ut vulgo creditur) agnominata, nusquamque *Solis* nomen ab Hispaniæ viris usurpatum aut agnitum (quamvis feminae aliquando in usu habuerint) fuisse satis confirmant. Nec dissimulandum, egregios hujus persecutionis martyres non prætermittendum verum Gregorium, quod supposititio contigisse videmus. Eulaliæ scilicet Barcinonensem, Severum ejusdem urbis Episcopum, Vincentium Valentinum, Justum & Pastorem Complutenses, Cucufatem Barcinonensem, Eulaliæ alteram Emeritensem, Justam & Rufinam Hispalenses, aliosque.

91. Jam aliis hujusmodi argumentis premere Gregorium hunc, ac vindicare verum Gregorium desinam; ut ruinoso & ferè conquisito Martyrologii supposititii muro arietem novum validissimum, quo res conficiatur, admoveam. Nota est omnibus semihominis Caci fabula ex Virgilio^m. Furatus is fuerat Herculis boves, timensque deprehendi,

— *bos, ne qua forent pedibus vestigia rectis,
Caudâ in speluncam tractos, versisque
viarum*

Indiciis raptos, saxo occultabat opaco.

Attamen investigavit furtum heros ille, spe-

luncam divulsit, furem letho dedit, ac prædam recuperavit.

92. Simile quid patrâsse martyrologum perspicue ostendimus, penetratâ feliciter magis quàm fortiter (Alcides enim non sumus) quâ ille usus est, latendi arte; prorsusque miraberis, lector, stuporem hominis, qui visus sibi fuit, perdici ad instar, latere totus occultato dumtaxat capite. Martyrologium nempe confecturus, id consilium sequutus est, ut laudatis à Pseudo-Dextro hujus persecutionis Diocletianæ martyribus (nec tamen omnibus) domi natos sibi alios intexeret, ne videretur eum exscribere. At cum posset ordine Dextri servato vellicatim, ut ita dicam, saltuatimque, rectâ tamen gradiens, clepere quos libuisset martyres; Caco tamen sibi ad exemplum proposito audacis doli, quominus posset facile vestigiis deprehendi, segmenta Dextri huc pertinentia, præpostero ferè ordine, & à fine retrorsus ad principium relegere satius duxit. Segmenta, inquam, à Bivario facta pro commodiore textûs notarumque suarum usu. Chronici enim portionem annorum CCC. ac CCCVIII. gesta comprehendentem sic divisit in partes Bivarius, ut ex gestis annorum CCC. quatuor; ex CCCVIII. duas faceret, numeris seu paragraphis distinctas: quas quidem sub *Commentarii primi, secundi, tertii, aut quarti*, nomine notabimus nos: quos segmentis subjecit, fidem rei hac tabella facturi.

Martyrologium Pseudo-Gregorii
suis §§. distinctum.

Pseudo-Dextri pars Chronici ab anno CCC.
usque ad CCCVIII. ex editione ac partitione
Francisci Bivarii.

Ex editione Matritensi anni MDCLXVII.

Lugduni anno MDCXXVII.

- § IX. Juliobrigæ S. ANANIAS.
- § XII. Caperæ S. MARCUS.
- § XIII. Tarracone S. MAGINUS.
- § XXI. Utriculi S. RUFINUS.
- § XXII. Tucci THEODORUS, JULIANUS, & OCEANUS.
- § XXV. Securæ S. BRIENNA.
- § XXIX. Carthagine S. BASSA.
- § XLII. Urgabone FELIX.
- § XLVI.^a Iturisë CCXXVIII. cives.
- * § LXXXVI. Cæsar-aug. innumerabiles M.M.
- § LXXXVII. Ibidem S. ENCRATIS.
- § LXXXVIII. Ibidem S. LAMBERTUS.
- § CXXII. Pax-augustæ SS. VINCENTIUS & ORENTIUS.
- § CXXIII. Palentiæ S. ANTONINUS.
- § CXXIV. Emeritæ S. LUCRETIA.
- § CXXV. Ulyssippone VERISSIMUS, & alii.
- § CXXVII. Seguisamone S. PAPIANUS.
- § CXXVIII. Pampilone S. VALENS.
- § CXXX. Nertobrigæ SS. SYNESIUS & THEOPOMPUS.
- § CXXXI. Bracaræ S. SYLVESTER.
- § CXXXII. Toleti S. LEOCADIA.
- § CXXXIII.^o Iturisë S. DIONYSIUS.
- § CXXXIV. Oreti S. SPIRIDION.
- § CXXXV. Tarracone IV. cives.

Bibliotheca vetus Hispana Tom.I.

- Anno CCCVIII. commentario 2. §. x. pag. 365.
- Ibidem §. IX.
- Ibidem §. VIII.
- Ibidem §. V.
- Ibidem §. VII. Hic turbavit paullisper ordinem.
- Ibidem §. III.
- Anno CCCVIII. comm. 1. §. v. pag. 358.
- Ibidem §. IV.
- Anno CCC. comm. 3. §. VIII. pag. 334.
- Ibidem §. XII.
- Ibidem §. XIII.
- Ibidem §. XIV. ejusdem pag.
- Anno CCCVIII. commentario 2. §. XIV. pag. 366.
- Ibidem §. XI.
- Ibidem §. XII.
- Ibidem §. I. pag. 365.
- Anno CCC. comm. 4. §. XI. pag. 351.
- Ibidem §. IX.
- Ibidem §. VI.
- Ibidem §. IV.
- Anno CCC. comm. 3. §. XV. pag. 335.
- Ibidem §. VIII.
- Anno CCC. comm. 2. §. XVI. pag. 327.
- Ibidem §. X.
- Q 2 §. CXXXVI.

1 §. 22.

^m Lib. 8.
^{Enid.} v. 209.

^a Bis repetitur hæc memoria. hic. & §. 133.
^o Tres hi §§. eodè ordine in Dextro leguntur.

^o Bis ut suprâ §. 46.

§. CXXXVI. Eboræ SS. FELIX &c.
 §. CXXXVII. Juliobrigæ S. LUCIA.
 §. CXXXVIII. Iriæ-Flaviæ S. SUSANNA.
 §. CXXXIX. Hispali SS. ABUNDIUS & CAR-
 POPHORUS.

Ibidem §. IV. pag. 326.
 Ibidem §. III.
 Anno CCC. comm. I. §. XV. pag. 316.
 Ibidem §. IV.

93. Haufisti jam oculis, qua martyrologi-arte sive astutiâ Pseudo-Dexteri sit usus Chronico, eque Bivarianis partitionibus retrogrado ordine ut plurimum vellicatis segmenta sua formaverit; nec tamen dolum occultandi voti factus compos fuerit. *Plena enim rimarum* (ut Terentio utar) fallendi libido est, *hæc & illac perfluit*. Nec dicat falsi vin-der; Dexterum; qui Gregorio inferior fuit ætate, vidisse ac decerpisse hoc Martyrologium; unde similitudinis hujus fuerit quæ opponitur causa. Nam qui Gregorii res summis laudibus extollit Dexter, aliæque omnia Hispaniæ decora sic diligenter collegisse videri vult, haud quidem tacuisset, si verus Dexter esset, Gregorio acceptum ferri debere hoc de Hispania meritum prosequendi stylo ejus martyres in persecutionum potissima coronatos; saltemque omnes à Gregorio in Martyrologium suum coniectos intexuisset Chronico. Nulla enim quosdam præcipuos habendi, quosdam autem omittendi ratio fuerat. Præterea si Gregorium ob oculos habuisset, in mentione eorundem nihil à typo suo deviasset: quod tamen sæpe facit, ut collatione facta, si tanti res est, experiri quisque poterit.

94. Ostendam quoque aliud imposturæ vestigium huic simile in denotandis martyrum triumphalibus locis relictum. Agebatur nempe diebus nostris hoc negotium: formabatur, inquam, hic liber seu catalogus martyrum. Cumque donatum esset unicuique suum agonis oppidum eo, quod tunc temporis erat, appellatum nomine; coram habendus fuit geographus antiquus aliquis, eoque nomenclatore utendum. Placuit igitur Ptolemæus, spretis aliis, qui advocari certè ad usum à vero Gregorio potuissent, Plinio scilicet, Pomponioque Mela, aut Strabone. Istius omnia vestigia premere, locisve eo ordine quo descripta essent consignare. Martyrum palmas minimè oportuit, ne recens manus ipsa se proderet, iccirco ad sal-tuariam illam, de qua nuper diximus, decerpenti formam deventum.

95. Exemplis res plana fiet. Belonem, Menlariam, Malacam, §§. 1. 3. 4. apud martyrologum, eodem ordine Ptolemæus descripsit. Osca, Nebrissa, Asta, Italica, Ucia, Saguntia, Lepa, Urbona, §§. 34. 35. 36. 37. 38. 39. 41. 42. Martyrologii; apud Ptolemæum eundem ordinem, interjectis tamen aliis, servavit. Urbis Cauriensis, Eburæ, Norbæ, Cæsareæ, Laconimurgi, Deobrigæ martyrologus §§. 48. 49. 51. 52. 53. meminit, eorumdemque Ptolemæus eodem ductu. Flaviobrigam, Menoscā, Easo, Alone, Barcinonem, Lunarium promontorium, Rubricatum fluvium, Blandam, Rhodam, hoc ipso tenore servato martyrologus §§. 58. 59. 60. 61. 62. 63. 64. 65. 66. ac Ptolemæus, laudant.

Quo loco observatu dignum est Pseudo-Gregorium etiam in Rubricati fluvii, & Lunarii promontorii locis à Ptolemæo in ea Cataloniæ, sive Lacetavorum ora geographicè memoratis, sibi placuisse, quantumlibet hi triumphis martyrum fastorum albo consignandis minùs idonei sint, cum ferè à vicinis aut aliquo modo attinentibus oppidis martyres extra ea passi audire soleant.

96. Sed prosequamur. Pincia, Glaudomirium, Ocellum, Iria-Flavia, Aquæ-caldæ, Maliaca, Brigentium, Beduna, Asturica, Forum-Egurrorum, Bracara, Portæ-Augustæ, Masburgi, §§. 70. 71. & quæ succedunt usque ad 82. hunc ordinem in Martyrologio, eundemque apud Ptolemæum tenent. Idem omnino observatum utrobique est in laudandis Mentissa, Tina, Orceli, Sotabi, Illici, Thyar-Julia, Dertusa, Tritio-Tuborico, Jacca, Tarraga, quorum in Martyrologio §§. 112. & sequentibus usque ad 121. mentio fit. Paullisper tamen ab hac focordia excitatus turbare voluit vestigia, uti callidæ, ne iis deprehendantur, bestia solent, ex §. 91. ad 106. Congio enim §. 91. & Cauca §. 92. (quæ apud Ptolemæum conjuncta sunt) laudatis, ex proximè superioribus Segisamam-Juliam §. 94. advocat; deinde ad ordinem rediens, Senticam §. 95. posteaque revocato gradu Eldanam §. 96. Inde sequutus morem aliàs observatum, Visontium §. 97. Tritium-Metallum 98. Setubiam 99. Retrogressus iterum Tucris §. 100. inde Carracam §. 101. Montescosam §. 102. Catenam (quæ Ptolemæo Altervia est) §. 103. Paternianam §. 105. Valsinium (Ptolemæi Belsinum) §. 106. quorum omnium Ptolemæus prædictus, sive seorsum aliis & aliis locis, sive nullo interjectis, *Geographiæ* lib. II. capitibus 4. 5. & 6. meminit.

97. Bona verba, ais: & anne ideo supposititius fallaxque Gregorius, quod in memorandis juxta locorum collocationem sanctis martyribus Ptolemæum geographorum principem sit sequutus? Audio. Sed minimè id quidem vitio fuisset vero Gregorio, si is Ptolemæi vestigia constanter relegisset à principio ad finem, Hispaniæ ejus descriptionis geographicæ tenori adhærens. At cum non id semper fecerit, sed aliquando variaverit (uti jam notavimus, posteaque magis confirmabimus) quod securitate peccavit prius, oscitantæ; quod autem conscientia deinde monitus,

Demum imâ gradiens verrit vestigia caudâ,
 Versutæ hominis parum sibi constantis tri-
 buendum est.

98. Coarguitur & aliâ conjecturâ Pseudo-Gregorius. Ponè Ptolemæum non ita modo quum sibi constat, sed & quum per editio-num incuriam in errore cubat hic geographus. Quod utique vero Gregorio non con-
 tigis-

p In S. Valen-
 sino Dexter
 pag. 351. 9. &
 Gregor. §. 45.
 In S. Vincen-
 tio & sororibus
 Dexter pag.
 350. 2. & Greg.
 §. 49. In S. Leo-
 cadia Dexter
 pag. 355. 15. &
 Gregor. §. 50. In
 S. Valentino
 Episcopo Dex-
 ter pag. 351. 9.
 & Gregor. §§.
 45. & 128.

igisset, gnaro locorum Hispaniæ, & qui Ptolemæo etiam cespitante, aut ejus exscriptoribus, pedibus is stare, labentemque sublevare potuisset. Exempla subnectimus. *Iliturgi* urbs Turdulorum in Bætica celebris fuit, cujus mentio in veteribus libris frequens ^q. *Iliturgitanorum* ordinis lapis meminit ^r, quo loco ea exstitit repertus. Quam tamen Ptolemæus ^s, & cum eo, sive ejus editoribus, falsus Gregorius §.19. *Iliturgim* vocant. *Uciam* Ptolemæus appellavit ^t Turdetanorum oppidum, similiterque Gregorius §.38. quæ verè *Oducia* fuit juxta Italicam & Hispalim. Lapis fallere nescius sic habet Hispali exstans ^u :

C. AEL. C. F. C. N. QVIR.
ACCITO x LITERATOR. OMN.
PATRONO
LINTRARII CANAMENSES.
ODVCIENSES. NEMENSES.

Item alius, in quo hæc tantum legit Ambrosius Morales ^y in *Lora* oppido juxta Bætum, ejusdem ferè tractus:

CORNELIA. L. FILIA ODVCIENSIS
HVIC ORDO

99. *Nabrissam*, pro *Nebrissa* ejusdem Bæticiæ urbe Plinio, Silio, & aliis, magnique philologi Antonii Nebrissenfis patria, Ptolemæi habent editiones ^z. *Nabrissam* item martyrologus §.35. *Urbonam* præferunt eadem incorrectæ editiones ^a loco *Urgabonæ*; idemque scripturæ vitium erat in Martyrologii ^b codice, quo Argæizius fuit usus, perstaretque, nisi hic verum loci restituisset nomen. Sed neque hic tantus sui Gregorii error vult ei aurem, immo & *Urbonam* scripsisse Ptolemæum existimavit. *Municipium Albense Urgabonense* dictum id fuit, exstatque hanc appellationem præferens in *Arjona* oppido statuiæ Adriani Imperatoris inscriptio ^c, à Grutero ^d non fideliter representata. *Lancobriga* in Ptolemæi codicibus ^e, & in Martyrologii §.44. *Lacobriga* verè fuit, hodie *Lagos* in Portugalliæ seu Algarbii ora maritima ^f à Pomponio Mela Hispano sic disertè appellata ^g. Similem errorem commiserunt Ptolemæi editores, succollavitque sibi martyrologus §.102. *Mentisam* appellantes, quæ *Mentesa* Oretanorum fuit, celeberrimum olim oppidum, & præter Ptolemæum, à Plinio, Polybio, Livio, Antonini *Itinerarii* auctore, & in Conciliis Hispaniarum laudatum: quod nomen inscriptiones firmant ^h.

100. Præter hæc vitia ex vitiato Ptolemæi textu contracta, sine hoc etiam duce notissima oppidorum Hispaniæ nomina corrupta nobis dat martyrologus, *Vervocam* §.31. appellat quæ Plinii & Itinerarii est *Virovesca*, quod rectius est quam Ptolemæi *Virvesca*, aut *Virdubescæ*. Hodie *Birviesca* audit. Simili errore *Artigium* §.32. appellat, quæ apud Ptolemæum est *Artigis*, alia prorsus, gentisque propria formatione, seu *Artigi*, quod adhuc magis proprium est, ut *Astigi*, *Sexti*, *Iliberi*,

Iliturgi, *Tucci*, *Attubi*, aliaque Bæticiæ provinciæ oppida. *Cascanatem* in Vasconibus §.55. vitiosè positum fuisse, verum nomen clamat *Cascani*, cujus meminit *Itinerarium* ⁱ, quem admodum *Cascanensium* Plinius ^k, & Hilarus Papa in quadam epistola ^l. Et feremus adhuc geographiæ Hispaniæ hos errores vero Gregorio impingi?

101. Præterea, id quod nobis objecimus, Ptolemæi tenorem sequutum fuisse Gregorium, disjicitur manifestè hac alia consideratione. Constat nempe Martyrologii opus partim commemoratione eorum qui apud Dextri Chronicon leguntur, martyrum, partim eorum qui hic tantum. Quum ergo suas auctor, ut ita dicam, merces exponit, Ptolemæo, isto quem observavimus modo adhæret, geographicumque ordinem servat; Quum propolam agit Dextri mercium, exorbitat, immo ad loca immensum separata evolat. Paucis id ostendam. A Malaca ^m Bæticiæ ad Concanam in oceano Cantabrico, Augusto-brigamque Tarraconensis item Hispaniæ, hinc ⁿ ad Sucam sive Suçam Bæticiæ, inde rursus ^o ad Valpositam in ultima Tarraconensi ab eo confictam, & Juliobrigam transit. Caparæ in Lusitania septemtrionali oppidi mentione facta ^p, cum Dextro ad Bæticiam se confert, in eaque ^q Salambinam (*Salobreña* hodie) laudat; inde alio æquali saltu ^r Tarraconem Dextro iterum adhærens. Cetusque in Vasconibus, Telesque in Asturibus, extremâ Hispaniâ, cum meminisset ^s, à Dextro revocatus ^t Securam subjungit his in Bætica: Securæ autem Tarraconensis alia oppida, peculio jam suo usus, annectit. Artigim laudat ^u (*Albama* hodie, ut creditur) in Turdulis Bæticiis, statimque Sicorim, cū Dextro fictitiam in Cantabrorum finibus urbem. Et post Sicorim, Dextro relicto ^x, Oscam, Nebrissam, & alia Bæticiæ. Sed manum de tabula, ne percurramus integrum opus.

102. Non ergo perpetuò, sibi que similem, toto opere verum Gregorium Ptolemæi pressisse gressus dixeris; immo potius Pseudo-Gregorium, partim Dextri, partim suis centonibus malè confutum, vetustatem simulare non potuisse, deprehensum ubique falsum, inconstansem, judicii inopem, & stuporem merum. Quæ ne comprehendat alios censura & culpa, inuri quamprimùm fucosæ mer-ci palmarem, quâ dignoscatur, notam oportebit: immo cum non solum veris quibusdam martyribus, sed & confictiis majori ex parte confarcinatum fuerit opus; religionis servandæ judices, quo ritu expiandum hujusmodi sit monstrum, pro muneris sui cura, ne serpat malum superstitionis, maturè deliberare. Censuram hujus Martyrologii, seu confixionem justam, lege sis apud scriptores actorum SS. Aprilis die xxiv. ^y in Gregorio Bætico.

i A Mediolano Legionem.
k Lib.3. cap.3.
l Secunda ad Africanum, & alios Tarracon. prov. episc. tom. 3. Concil. edit. Binii pag. 571.

m §.4 & 5. & 6.

n §.7.

o §.8.

p §.11.

q §.12.

r §.13.

s §.23. & 24.

t §.25.

u §.32.

x §.33.

y Pag.271. tomi tertii.

q Polybio, Plinio, Livio, Antonino.
r Apud Moralem in *Antiq. Hisp.* cap.3 lib. 6 fol.56.
s Lib.1. cap.4.
t Lib.2. cap.4.

u Apud Gruterum pag.145. Rodetium Caru in *Coro. jurid. Hisp.* lib.3. cap.8.
x Supplicatur Carus scriptu fuisse *Lintrarianam*, ut dedicatio sibi constet.

y In *Antiq. Hisp.* fol.99.

z Eodem cap. 4 lib.2.

a Ibidem.

b §.22.

c Apud Moralem in *Antiq. Hisp.* fol.74.

d Habet is duas inscript. pag. 235. 6. & 249. 3. Altera *Albense Urgabonense*, altera *Albense Urgabonense* male pro *Albense Urgabonense*.

e Cap.5. ejusdem lib.2.

f Refend. in *Antiq. Lusit.* lib.4.

g Lib.3. cap.1.

h Apud Moralem in *Antiq. Hisp.* cap.5. fol. 71.

CAPUT IV.

De JUVENCO PRESBYTERO, *Diversus is ab alijs ejusdem nominis. Joannis Savaronis error. Primus poëta sacer Juvencus. Evangeliorum, præcipueque Matthæi, paraphrastes. Duorum Antoniorum, Augustini & Cova-rubie, correctio laudatur in Gratiani Decreto. Judicia de Juvenco Gasparis Barthii, Criniti, Matamori, Joannis Ludovici Vivis, & aliorum. Sub Constantino eum vixisse. De ejus Paraphrasis Evangeliorum editionibus. Prognosticum de hoc opere prorsus Christianum Juvenci, ab Ovidiano diversum. De PETRO Cæsar-augustano oratore. De AQUILIO SEVERO, & ejus Itinerario. Quinam hujus Græco nomine Ὀδωπόρου usi sint, aut de rebus suis scripserint, S. Hieronymi & Pseudo-Dextri testimonia inter se conferuntur.*

103. SUB iisdem Augustis, Constantino, qui anno CCCXXXVII. decessit, atque ejus filiis Constantino, Constante, & Constantio, JUVENCUS floruit, sive, ut volunt, CAJUS VECTIVS AQUILINUS JUVENCUS, aut C. AQUILINUS VESTIVS JUVENCUS, de quo veteribus exemplaribus doctus olim Petrus Pithæus, Philippum ipse Labbeum docuit, monetque hic in dissertatione historica *De scriptoribus Ecclesiasticis* 2. Hunc quidem *Nobilissimi generis Hispanum presbyterum* S. Hieronymus vocat 2, ex eoque Honorius Augustodunensis 3. Sanctæ autem Rom. Ecclesiæ Cardinem fuisse unde nam didicere Bergomensis, Marinæus Siculus, Eifengreiniusque?

104. A Juvenco diversi sunt (ne id prætermittamus notatu dignum; raro enim hoc nomen hominis in veteribus monumentis offendere est) cum Cælius Juvencus Calanus *vite Attilæ* Hunnorum Regis scriptor, quem Barthius sæpe laudat, nec typis hætenus commissum novimus; tum eo superior Juvencus Martialis, qui aut Cæsarum, aut saltem Julii, conscripsit historiam, cujus Sidonius meminuit lib. 9. epist. 14. Quo loco Joannes Savaro, alioqui vir multæ lectionis ac diligentie, tam in textu ipso epistolæ quàm in commentario suo, Juvencum à Martiali distinguit, Martialemque eundem esse cum Gargilio Martiali, *Historie Augustæ* scriptore, Alexandri Severi temporis, cujus tam Lampridius in hujus Imperatoris, quàm Vopiscus in Probi rebus, mentionem habet, conjectatur. Quæ fuit quoque suspicio Jacobi Sirmondi 4, & Gerardi Joannis Vossii 5; qui tamen in Sidonii verbis alterum & alterum Juvencum & Martialem agnoscunt. Atque alius est à nostro Juvencus poëta vetus, quem Charisius in *Grammaticis* lib. 2. laudat; de quo adiri poterit Barthius lib. 21. *Adver.* cap. 5.

105. Poësin verò sacram coluit noster Juvencus, primusque omnium aliorum (ut Hieronymus epistolâ ad Magnum inquit) non pertinuit *Evangelii majestatem sub metri leges mittere*, viâ ceteris rerum sacrarum vatibus, Prudentio, Sedulio, Aratori, & alijs, pariter

audendi ostensa, munitaque. Confirmat Venantius Fortunatus initio librorum *De vita S. Martini*, his versibus:

*Primus enim docili distinguens ordine carmen,
Majestatis opus metri canit arte Juvencus.
Hinc quoque conspicui radiavit lingua Sedulius
&c.*

Unde non mediocris Hispaniæ nostræ laus provenit, quæ primum sacrum poëtam peperit.

106. Scripsit ergo quatuor *Evangeliorum* libros, hexametris versibus, ea penè ad verbum transferens, uti ait Hieronymus 6. *Mattheum* verò maximè sequitur 7: iccircoque *Matthæi* paraphrasten Barthius eum vocat 8. Exinde idem Hieronymus versum laudat, quo magorum dona Christo infanti oblata, eorumque significationem brevissimè comprehendit. *Pulcherrimè* (ait 9) *numerum sacramenta Juvencus presbyter uno versiculo comprehendit*:

*Thus, aurum, myrrham, Regique, homini-
que, Deoque
Dona ferunt.*

Quem versum (ut obiter id moneam) sic immutatum, non sine auctoritate prisca-rum membranarum, magis probavit Barthius 1:

*Aurum, myrrham, thus, Regique, homini-
que, Deoque.*

Ut partes sibi constent respondeantque. Labbeus aliter formavit 2:

*Aurum, thus, myrrham, Regique, Deoque,
homini-que.*

107. Hoc ipsum opus laboriosum vocavit Gelasius Pontifex I. in decreto Concilii Romani celebratissimo illo, quod Burchardus 1 integrum, Gratianus 2 verò dimidium, decretis suis inseruere. *Item Juvenci nihilominus* (ut Sedulii, cujus meminerat) *laboriosum opus non spernimus, sed miramur*. inter hagiographos scriptores eum collocans. Legebatur olim apud Gratianum duplici errore sedus hic locus: *Item Vincentii nihilominus laboriosum opus non spernimus, sed imitatur*. qui à Burchardo & Ivone 3 in Decreto suo purus omnino fuit deductus. Observavit cor-rexitque errata ista vir magnus ille bono antiquarum literarum natus Antonius Augustinus in sua *Gratiani emendatione* 4, & ante eum Cova-rubias, alter Hispanæ atque omnimodæ eruditionis vindex, lib. 4. *Var. resolutionum* cap. 16.

108. Meminit etiam Juvenci tribus post Gelasium ferè sæculis Beda *Retractionis in acta Apostolorum* cap. 9. ac *De locis sanctis* cap. 4. Quæ testimonia industrie ac eruditioni Philippi Labbei 5 debemus. Pluribus *Adversariorum* suorum locis laudat Juvenci hoc opus Gaspar Barthius, qui Notas ad hunc meditabatur 6. *Metro simplici* (alicubi ait 7) *sed adeo non illatinè scripsit, ut etiam antiquæ ejus lingue ante Maronis ævum usitatæ non pauca in eo sint vestigia*. Alibi 8 poëtam vocat omnium *scriptorum simplicissimum*: qui plus tamen in sinu gerat quàm fronte polliceatur. *Æque* 9 *simplicem, sed cordatum piurumque auctorem*. Ali-bi 10 *priscum auctorem & priscis estimatum*. Tandem non paullò eruditorem existimat 11,

quàm

2 Tomo 1. pag. 673.

2 De scriptor. Eccles. cap. 84. b Cap. 85.

c In eadem Sidonii epistola.

d De H. L. lib. 3. par. 2. verbo Juvencus.

e De script. Eccl. f Barthius notat lib. 56. Adv. 31. g Lib. 34. 23.

h In Matthæi cap. 2.

i Lib. 58. Adv. 2.

k De script. Eccl. in Juvenc. 60.

l Lib. 2. cap. 217. m Cap. 5. ad 15. distinct.

n Parte 4. cap. 69. aliter atque in Panormia lib. 1. tit. 1. cap. 1.

o Lib. 1. dial. 4.

p De script. Eccl. f.

q Ait ipse lib. 8. cap. 1. r Lib. 11. cap. 23.

s Lib. 8. cap. 1.

t Lib. 56. cap. 13.

u Lib. 69. cap. 5. x Lib. 43. cap. 23.

quàm vulgò putent, quamvis stylum premeat, & verba ipsa sacri Evangelii retinere labores.

109. Quamplurima idem ex isto opere his & aliis capitibus commendat, rectè ac prisce Latinitati asserit, aliorum exemplis exornat, ex veteribus membranis restituit; quo magis desiderari par & equum est, quas promiserat exstare & aliquando in lucem edi, Notas. Nam & corruptissimos venisse ad nos, utpote qui in manibus omnium essent, hos auctores; atque adhuc medicè valentioris egere opis, alibi monet. Cujus quidem Barthii ea inter alios optimi consilii admonitio est, legi debere ac portari in sinu Christianos poetas, improbandosque aliquos homines, qui nisi cum Tullio & Marone sapiant, merum se rus olere putant.

110. Libenter immoramur iis Barthii monitis, quibus Petri etiam Criniti iudicium de nostro lucem accipit, aut rectum non est. *Qua in re* (describendorum Evangeliorum ait) *majori diligentia usus est in servanda rerum historia, quàm in demonstranda ingenii sui elegantia.* Et Alphonsi Garfise Matamori qui meliores versificatores quàm poetas Juvenum, ceterosque haud inventionis gloriâ turgentibus Christianos, existimat²; necnon Joannis Ludovici Vivis, cujus (lib. 3. *De tradendis disciplinis*) hæc sunt: *Juvenus, Sedulius, Prosper, Paulinus, Iululentus & perturbatus sunt aque, salubres tamen, ut de quibusdam fluminibus ferunt.* Et Philippi Brietii³, cui stylus Juveni humilior est, dum Evangelii verbis nimis adhaerescit, & veritatis quàm poëseos amantior: quique nimis restringit se, carmine magis pio quàm eleganti. Joannis Trithemii & Eilengreinii elogius abstineo, qui sepe mihi non homines quales fuere, sed quales esse decuit, iisdem ferè semper verbis commendare videntur. Sunt & Jacobi Philippi Bergomenis^b, Volaterrani^c, Sixti Senensis^d, Centuriatorum^e, Baronii^f, Giraldi^g, Scaligeri^h, Posseviniiⁱ, & plurium aliorum.

111. Sub Constantino id opus confectum à se ostendit auctor ipse in fine operis his verbis:

Hæc mihi pax Christi tribuit, pax hæc mihi sceli,

Quam fovet indulgens terræ regnator aperte Constantinus, adest cui gratia digna merenti.

Sub quo Celsare videtur præcipue floruisse (quamvis Hieronymi ea^k, quâ utor, editio sub Constantio habeat) cum ipse Hieronymus ad an. Constantini XXIV.^l aliàs ad XXIII. Juveni florentis memoriam conjecerit. Quod cum ita sit, mirari subit cur Sedulius, qui ferè centum annis inferior vixit, ejusdem scilicet argumenti enarrator, quod quidem *Paschale* ejus opus continet, Juveni se exemplum sequutum esse nusquam dixerit, ad Macedonium quendam opus dirigens.

112. Antiquissimam à nobis visam Juveni hujus *Paraphrasis Evangeliorum* editionem Aldus Venetiis publicavit anno MDII. Eo enim anno data fuit epistola ejus præambula Ro. Danieli Clario Parmensi directâ, qui bonas literas publicè Racuse docebat. Hic se auctorem principis editionis profiteri vide-

tur, dum ait publicare se sanctissimos libros, qui circiter mille annos latuerant. Continet quippe ea Sedulii & Aratoris cum nostro Juvenco, prætereaque Probo Falconiæ centonem ex Virgilio, Homerocentrona, ex Homero scilicet, & alia metrico-sacra opera. In Vaticana autem bibliotheca editorum m servatur *Juvenus presbyter immensam Evangelicæ lectionis majestatem heroicis versibus concludens.* ita scilicet inscriptus liber, sine loco editionis, aut nota temporis, caractere Gotthico, in 4^o. ut vocant, subjecto in fine Hermanni cujusdam Buschii epigrammate in laudem Juveni.

113. Sequuta ponè, ut videtur, illa fuit Basileensis anni MDXLI. Unde & ex Oporini officina prodiit altera *Sylloge dicta poetarum Christianorum*, Georgii Fabricii Chemnicensis poëtæ & philologi sui temporis celeberrimi operâ MDLXIV. in 4^o. *quæ nunc* (ait Barthiusⁿ) *manibus omnium teritur.* Et hæc continet sacram istam Juveni, Sedulii, & Aratoris trigam, sicuti & Lugdunensis prima anni MDLI. quam vidit Barthius^o, & altera Joannis Tornesii MDLXVI. in 24^o. quâ nos utimur. Prodiisse etiam Calari apud Vincentium Sembeninum MDLXXIII. in 8^o. *Juveni historiam Evangelicam*, cum Sedulio, Aratore, & Venantii Fortunati duobus hymnis; omnia per Theodorum Pulmanum recognita, & variis lectionibus, præsertim Juveni operis, locupletata novimus. Prætereo quod in poetarum Latinorum choro, atque item corpore habetur, necnon & in Bibliotheca veterum Patrum^p, quam perfectissimam, de Sedulio loquens, Philippus Labbeus appellat^q.

114. Optimis quidem usus est membranis mss. Barthius, è quibus non parum à Juveni opere isto meruit. Glossas ibi quoque reperisse alicujus incerti monet, exindeque nonnullas depromere amat in *Adversariis* suis^r. Existimo eundem esse hunc ejus codicem cum membranis Colonensibus sub Ludovico Pio scriptis, quas idem apud se esse affirmavit^s. Exstant in bibliotheca Ambrosiana Mediolani tres aut quatuor codices manu exarati, in Oxoniensi alius, in Medicea^t alius. Nullum verò hætenus habuisse Juvenum, qui criticæ industriæ aut explanationis faciem, quâ indiget, ei præluceret, præter unum Barthium ex parte aliqua, & Fabricium levi manu in re usum, eò magis miror, quod cum Antonius Nebrissenis noster, qui potuit debuitque, unâ cum Sedulio & Aratore, multò magis Juvenum civem suum commendare piis lectoribus à se explanatum; in Sedulio quidem industriæ suæ operam posteritati transmisit, in Aratorem commentaria parata se habere alicubi testatus fuerit; Juvenco autem Hispano nullus suppetias ivisse referatur.

115. Metrica autem alia Juveni *ad Sacramentorum ordinem pertinentia*, quorum testis est S. Hieronymus, funditus periit.

116. Absolvam de Juvenco, si prius tantum ostendero parallelum ejusdem cum Ovidio prognosticum, ex ethnico factum Christianum, de suo cujusque opere. Ovidius in fine

m Num. 10375.

n Lib. 69 cap. 5.

o Ibidem.

p To. 8. edit. Paris. MDCLXXIV. q De script. Eccl. tom. 2. pag. 335.

r Lib. 11. cap. 23. & lib. 69. cap. 5.

s Lib. 23. cap. 19.

t Pluteo 26. La tin.

y Lib. 11. cap. 19.

z In Apolog.

a Lib. 4. De poetis Latin. ante Arat. di. 8a. poetarum pag. 43.

b Lib. 9. Suppl. c Anthropol. d Bibliotheca pag. 272. e Cent. 4. cap. 10. col. 682. f Tom. 3. anno eccclxxvii. nu. 48.

g De poetia dialogo. h De poetica.

i In Apparatu.

k Antwerp. Biblioth. Eccl. Haub. Miræ MDCCXXIX. l Pontacus notat ad Chron. S. Hieron. col. 68.

sine librorum *Metamorphoseon* ita habet, prorsus impiè :

Jamque opus exegi, quod nec Jovis ira, nec ignes,

Nec poterit ferrum, nec edax abolere vetustas.

Cum volet illa dies, quæ nil nisi corporis hujus

Jus habet, incerti spatium mihi finiat evi,

Parte tamen meliore mei super alta perennis

Astra ferar, nomenque erit indelebile nostrum.

Quaque patet domitis Romana potentia rebus,

Ore legar populi, perque omnia secula fama,

Si quid habent veri vatum presagia, vivam.
Noster autem quàm Christiana moderatione!

Quod si tam longam meruerunt carmina famam,

Que veterum gestis hominum mendacia nectunt;

Nobis certa fides eternæ in secula laudis

Immortale decus tribuet, meritumque rependet.

Nam mihi carmen erunt Christi vitæ gesta,

Divinum in populis falsi sine crimine donum.

Nec metus ut mundi raptant incendia secum

Hoc opus: hoc etenim forsitan me subtrahet igni

Tunc cum flammivoma descendet nube coruscans

Judex, altitroni genitoris gloria, Christus.

Ovidium omnino ante oculos habens, &

ejus decantatissimos *Transformationum* libros.

117. Inter illa autem scripta, quæ nuper dictis ejusdem poetæ nostri verbis:

—*veterum gestis hominum mendacia nectunt,*

Jure annumeramus, & annumerasset Juven-

cus, si superesset ipse, Dextri de eo anno-

tationes; quibus ^u natum Olivæ, seu Cæsaro-

brigæ prope Arubraciam, atque inde venisse

Salmanticam ^x, ubi diem extremum viderit;

interfuisse ^y quoque Eliberitano Concilio eundem fingere non dubitavit. Immo

Haubertus Hispalensis, germanus ferè Dextri

frater, Salmanticæ urbis fuisse ait Episcopum ^z.

Cum de patria Juveni urbe nūquam doceamur,

proclive fuit ludionibus his patriam ei fingere.

Cæterum Episcopatu repugnat S. Hieronymi elogium,

qui eum vocavit nonnisi presbyterum. At fictioni de

presentia ejus in Concilio Eliberitano (quod,

si Dexter consulatur, anno CCC. si Haubertus,

anno CCCXV. habitum fuit) occasionem dedit

nota quædam in editione Loayse appo-

sita, quod scilicet interfuissent ei unâ cum

xix. Episcopis xxvi. presbyteri, quorum xxiv.

tantum nomina in vetusto codice, quem Zurita

& Genebrardus laudant, referente Loaysa

ipso, memorantur. Unus ergo ex his duobus

prætermisissimis presbyteris, nî fallor, ex pro-

posito Pseudo-Dextri Juvenus fuerit. Sed

ab his nugis manum jam absteineamus.

118. Sub eodem Constantio Cæsare PETRUS

Cæsar-augustanus orator à S. Hieronymo his

verbis in supplemento Eusebiani Chronici

laudatur: *Petrus Cæsar-augustæ orator insignis docet.*

Quem in scriptorum numerum non retulissim, nisi à viro eruditissimo,

& fallere aut falli nescio, D. Josepho Pellizerio,

in literis ad me Romam datis ex Hispania

xxvi. Martii MDCLXVII. admonitus essem

Chronicon quoddam ab eo conscriptum, idem cum eo,

nisi fallimur, opere,

cujus *De potestatibus seculi* nuncupati, & à Vincentio Marinerio Valentino, uti affirmat, reperti, lucique typorum destinati, Josephus idem Pellizerius meminit in eo libro quo distinxit Maximum Cæsar-augustanum præfulem à Marco Casinensi monacho ^b. Quod cum hætenus prematur, expectandum est, ut vel ipse Pellizerius, vel alius oculos in mente habens, legitimamne prodat, an notham prolem hoc feraci talium fictionum sæculo ementiatur, nobis significare velint.

119. Eodem hoc tempore vixit, cum post paucos annos, hoc est sub Valentinianæ Imperium, vitæ functus fuerit, AQUILIUS SEVERUS, ejusdem sancti & maximi doctoris testimonio ad posteritatis memoriam propagatus. hoc scilicet: *Aquilius Severus in Hispania, de genere illius Severi, ad quem Lactantii duo epistolarum scribuntur libri, composuit volumen, quasi ὁ δαυροχρὸν, totius suæ vitæ statum continens, tam prosæ quàm versibus, quod vocavit καταρροήν, sive Πείραν, & sub Valentiniano principe obiit.* Eadem ferè habet Honorius Augustodunensis ^d. In quibusdam mss. ACHILLIUS, atque etiam ACILIUS, audit. Severus igitur ille, ad quem Lactantius epistolarum libros duos, confirmante eodem Hieronymo in mentione ejus ^e, direxit, Hispanus & ipse colligitur fuisse: quibuscum epistolis memoriam quoque hujus viri certioram amissimus.

120. Ex hujus genere Aquilius Severus mistum prosæ & carmine opus exaravit, cui titulum καταρροήν, hoc est *conversionem*, sive *πείραν*, *transitum* scilicet, fecit. Id vitæ auctoris statum & varios eventus continuisse ait Hieronymus, & quasi ὁ δαυροχρὸν, hoc est, *viatorum*, seu *itinerarium*, appellat. Usus est hoc ὁ δαυροχρὸν nomine Lactantius ^f, iter suum de Africa usque ad Nicomediam descripturus, Venantius item Fortunatus ^g, Wibertus seu Guibertus Tornacensis ^h. S. Wilibaldus ⁱ, Hatto sive Hetto ^k Basileensis Episcopus, & alii forsitan. Julius autem Cæsar Latino verbo usus, *Iter* inscripsit poemâ quoddam hujus, ut credimus, formæ, uti Suëtonius refert ^l. Alii *De vita sua* libros edidere, homines undique memorabiles, Augustus & Tiberius Cæsares, M. Viprianus Agrippa, M. Æmilius Scaurus, Pub. Rutilius Rufus, Josephus Hebræus, Jacobus Aragoniæ Rex, Maximilianus I. Carolus V. Augusti: ne alios minorum gentium referam. Aquilius autem noster Græco usus titulo idem sub iis nominibus *transitis* aut *conversionis* persequutus fuit. Vossium consule *De poetis Latinis* cap. 4. ^m

121. Hinc deducèris à me, lector veritatis cupide, ad quandam locum Pseudo-Dextro iniquum, quo de Severo nostro mentiri, ut aliàs, voluit. Audistine S. Hieronymi verba de Aquilio Severo? Nonne ejus germana sunt hæc alia ex istius Chronico ⁿ? *Aquilius Severus domo Toletanus, ex genere alterius Aquilii Severi, ad quem Lactantius nuncupavit volumen epistolarum, hoc tempore magno in pretio habetur.* Necesse omnino est ut alius alium exscripserit. Adeò sibi duo hæc

^u In Chronico. ad ann. cdxvii.

^x Ad annum cccxxvii. 2. ^y Ibidem.

^z In Chronico ad annum cccxxvii.

^a Ad annum Chr. cccclvi.

^b In Prefat. sub tit. *Notitia de libris subscriptis falsamente.* Editus fuit Matrini MDCLXXI.

^c De scriptoribus Eccl. cap. 3.

^d De scriptoribus Eccl. cap. 112.

^e Eodem libro cap. 80.

^f Teste eodem S. Hieronymo. ^g Sigebertus cap. 45. ^h Henr. Gandavensis cap. 54. ⁱ Apud Canisium tomo 4. ^k Haubertus Miræus in Augusto Bibliothecæ cap. 249. ^l In ejus vita.

^m Pag. 554.

ⁿ Ad annum cccclxx.

n De scriptoribus
Encl. cap. 132.

hec respondent testimonia . Atqui Hieronymus Dextri Chronicon, quando hec scribebat, quantumvis sibi nuncupatum, nondum viderat, ut ipse affirmatⁿ. Dexter autem quando librum *De scriptoribus* exarabat Hieronymus, Chronicon suum jam conscripserat. Neuter ergo illorum potuit ab altero mutuari. Non igitur Dexter Paciani filius est fictitii hujus Chronici auctor, sed recentior alius, qui nescivit prorsus dissimulare quod à Hieronymo profecisset.

CAPUT V.

De PRISCILLIANO heretico. Sulpicii Severi incorrecta sepius de eo historia notatur. Istius heresis & supplicium: & tamen accusatores Idatius & Ithacius Episcopi à B. Martino Turonensi taxati. Quorundam recentiorum error enormis in Priscilliano attribuenda sanctitate. Libri ejus. Pseudo-Hauberti temeritas. De LATRONIANO seu MATRONIANO, TIBERIANO, & DICTINIO, ejusdem impietatis reis. Postremi hujus conversio, & laudabilis fama. De his qui buic malo restiterunt, IDATIO CLARO Emeritensi ex conjectura Episcopo, (alio quidem ab auctore libri adversus *Warimadum Ariam*, & ab Ithacio, cujus pravorum mores Severus reprehendit, & ab Idatio Lemicensi posterioris temporis) *Cæsar-augustano* item Concilio ac Toletano sub Syricio Papa, quod confusum fuit cum actis Toletani alterius sub Innocentio, nuncupati vulgò primi inter Toletana. Plura de hac sylloge seu collectione multarum in unum Synodorum. Pseudo-Dextri hac in historia vanitas. De AUDENTIO. An Toletanus Episcopus? Fictiones super hoc ejusdem Pseudo-Dextri & aliorum hujus farinae confutantur. *Quædam de S. Basilio & Concilio Aquilejensi*.

122. **S** Equuntur necessariò hic stylo referendi tres viri ad Gratiani usque tempora producentes sui memoriam, si pietatem excipias & infelicem exitum, cætera scriptis & nature dotibus clari. PRISCILLIANUM intelligo, MATRONIANUM, & TIBERIANUM, à S. Hieronymo in commentarium *De scriptoribus Ecclesiasticis* ob literarum studium & relicta sui monumenta, non sine laude illa, quæ doctis quidem, quantumvis pravis, debetur, conjectos.

123. PRISCILLIANUS de *Gallæcia*^o (Prosper Aquitanus ait in continuatione Eusebiani à S. Hieronymo Latinitate donati ac locupletati Chronici) *ex Manichæorum & Gnosticismi dogmate heresim nominis sui condidit*. Iccircò Manichæi pars audit à magno Hieronymo^q; idemque Prosper sub Manichæorum appellatione hanc sectam à Maximo tyranno, uti dicemus, repressam fuisse ait^r. Leo item Magnus Papa id confirmat ep. 93. De Gnosticorum testis est Idatius in Chronico^s. Imbiberat is earum sectarum errores intra Hispaniam, ob claritatem sanguinis doctrinæque præcipuus habitus cui novi dogmatis succollaretur invidia. Marcus tamen *Bibliotheca vetus Hispana* Tom. I.

Ægyptius in Hispanias veniens primus intulit, atque Agapen nobilem fœminam, Elpidiumque corripit rethorem. *Ab his Priscillianus est institutus* (loquor jam Severi Sulpicii verbis^t, qui rem totam luculentissima brevitate posterorum commendavit memorie) *familia nobilis, prædives opibus, acer, iniquus, facundus, multa lectione cruditus, differendi ac disputandi promptissimus. Felix profectò* (addit) *si non pravo studio corrupisset optimum ingenium. Provisus multa in eo animi & corporis bona cerneret. Vigilare multum, famem ac sitim ferre poterat, habendi minimè cupidus, utendi parcissimus. Sed idem vanissimus & plus justo inflator profanarum rerum scientiæ. Quin & magicas artes ab adolescentia cum exercuisse creditum est.*

124. Seducti ab eo plures sunt, potissimique eorum duo Episcopi (quarum urbium ignoratur) Instantius & Salvianus. Insurrexere tamen adversus nocentissimam pestem Hyginus Cordubensis, qui successisse Hosio creditur, Idatius Emeritensis, & Ithacius (uti apud eundem Severum legitur) Sossubenensis Episcopus. Quamvis enim utriusque Ecclesiæ nomen Sulpicii codices corruperint; vestigia tamen correctioris lectionis non obscura retinere. Quod enim emerita ætatis sacerdos audit apud eum, uti prostat, Idatius; quis non videt Emeritæ civitatis subrogari oportere? Quod observavit ante nos summus omni antiquitatis doctrina vir D. Thomas Tamajus de Vargas Toletanus^u. Atque is per me fuerit Idatius, cognomento *Clarus*, quem S. Isidorus ex hac ipsa, quæ de agimus, adversus Priscillianum contentione, in *Ecclesiasticis scriptoribus* laudat. Qui tamen ejus collegam non Ithacium, sed Urfacium (uti & ante eum Prosper^x) vocat; quæ forsitan preferenda erit lectio: nam & sedis hujus Sulpicianæ appellatio, *Sossubenensis* nempe, quæ nusquam reperitur, *Ossonobensis* rectiore putatur calculo^y. *Ossonoba* urbis nomen est in Lusitania meridiali: quod præferebat Plinius, Antonini Itinerarium, & lapides scripti, Conciliorumque monumenta, quibus ejusdem præfules interfuere; sub Emeritensi nempe Archiepiscopo, qui iccirco usus fuisse suffraganei operæ jure videtur ad publicandam Cæsar-augustani Concilii condemnatoriam Priscillianistarum, Hyginique ipsius, qui ad eos ferè desciverat, sententiam.

125. Sed ne historiæ apud Sulpicium palam omnium positæ nullo operæ pretio instamus, post principalia aliquot decreta hinc & inde impetrata, Idatiumque cum Ithacio, five Urfacio suo, prævalentibus Priscilliani, tum temporis jam Episcopi Abulensis quomodocumque creati, rebus, ex Hispania fugatum, sub Maximo tandem tyranno, qui occidentales has imperii Romani adorsus partes, in Galliis & Hispaniis dominabatur, judicii Burdigalæ, ac deinde, ut videtur, Treveris, adductis eò reis & accusatoribus, habiti, sententiâ, Priscillianus *gemino judicio* (Sulpicium transcribimus) *auditus, convictusque maleficii, nec diffitens obscenis se studuisse doctrinis, nocturnos etiam turpium fœminarum*

t Lib. 2. Sacra
hist. 60.

u Notis ad
Paull. Emerit.
pag. 144.

x In Chron.
Timasio &
Promoto Cels.

y Vide Signum in Notis
ad Sulpicium,
Marianam lib.
4. ca. 20. Loay-
sâ in Notis ad
Cæsar-augustanum.

o Apud Marianum Scotum non rectè *De Galliis* lib. 2. Chron. ætate 640. ccc. lxxix. p. Ad annum ccc. lxxx. seu Cæsar. Ausonii & Halybrii. q Lib. Contra Pelagianos ad Ctesiphontem. r In altero Chronico quod Pichæus & Labbeus in *Bi. bioth. M. edidit*. s Ad VII. ann. Theodosii senioris.

egisse conventus, nudumque orare solitum, nocens pronunciatur, ac securi percutitur, anno quo Consules fuere Arcadius & Bauto, scilicet CCCLXXXVI. Cum magna tamen accusatorum invidia, quibus sanctissimus ejus ætatis Episcopus Martinus Turonensis, insensissimus aliis hæreticis, continenter calidisque officiis obstitit, ne ultra quam sacerdotii jubeat mansuetudo, reorum ultimum supplicium urgerent, & ne studio vincendi plusquam oportuit certantes, accusatorum vices exsequerentur. Quos non dubitavit Latinus Pacatus ethnicus^a coram Theodosio piissimo Cæsare, indicata solum re, *nomini- bus antistites, revera satellites, atque adeo carnifices*, sævitiam eorum detestatus, compellere. Quæ maximè Ithacium afficiebat censura, moribus aliis non eo loco & partibus, quas obstinatissimè ac stultissimè gerebat, dignis, & ut ait Sulpicius, audaci, loquaci, impudenti, sumptuoso, gulæque ac ventri plurimum indulgenti.

126. Cæsos cum Priscilliano assecularum quosdam, fugâ seu exilio damnatos alios, idem refert. Nec tamen extinctum ejus sanguine, quem accenderat per Gallias & Hispanias, ignem, à busto veluti crevisse; martyrumque loco habitos qui jure perierant, Priscilliani nomen per summam superstitionem juramenti præscribi cœptum, posteris in factiones divisum; adeo ut sanctissimus vir Hieronymus ea referre alicubi satius duxerit quæ de Priscilliano aliis placuissent.

^a De scriptor. Eccles. c. 121. ^b Advers. Pelagianum ad ctesiphontem. ^c Epist. ad Taribianum. ^d Ubi proximè

^a De scriptor. Eccles. c. 121. ^b Advers. Pelagianum ad ctesiphontem. ^c Epist. ad Taribianum. ^d Ubi proximè

^a De scriptor. Eccles. c. 121. ^b Advers. Pelagianum ad ctesiphontem. ^c Epist. ad Taribianum. ^d Ubi proximè

128. Hic (S. Hieronymus ait) edidit multa opuscula, de quibus ad nos aliqua pervene-

runt. Verosimile est tam profanarum rerum, quâ multum vigeat, doctrinæ, quàm Ecclesiasticarum de erroribus suis ea fuisse. Namque Orosius ad Augustinum de Priscilliani secta referens in *Commonitorio*^a, Epistolæ cujusdam ejus verba produxit, quâ vanitatis suæ quendam articulum libro quodam, *Memoria Apostolorum* inscripto, suadere conatus est. Et in Toletano conventu¹ Comasius presbyter palinodiam canens, Priscillianum, & quos malè condidit, libros condemnare se ait, quemadmodum & ibidem de libris & scriptis Priscilliani multa mentio verbis fit ceterorum Episcoporum, qui in eodem congressu erroribus suis renunciavere. Vincen- tius Lirinensis in *Commonitorio*: *Lege Paulli Samosatani opuscula, Priscilliani, Eunomii, ac reliquarum pestium; cernes infinitam exemplorum congeriem, prope nullam omitti paginam quæ novi ac veteris Testamenti sententiis fucata & colorata non sit*. inquit. Similiter Priscilliani scripturis, quas secundum suum depravavit errorem, unâ cum Diſcinni Episcopi tractatibus, vel quæcumque hæretico- rum scripta sub nomine Patriarcharum, Prophetarum, vel Apostolorum conficta legisset, universa Synodus Bracarenſis erâ DXCVIII. habita anathema dixit. Cujus fortè generis fuit *memoria illa Apostolorum*, quâ usus fuisse apud Orosium Priscillianus dicitur.

129. Sed ante quàm ab eo discedamus, vide, lector, mecum stupiditatem ejus, qui nostris diebus sub Hauberti Hispanensis nomine monstrosium abortus est Chronicon. Verba ejus ad annum CCCLXXXVIII. *Priscillianus hæresiarcha verbibus perivit Abule 3. Muji. In hora mortis, quum expiravit, dixit quinque discipulis suis: Parochus noster & pastor est Pontifex Romanæ Ecclesiæ: servate id quod Ecclesiæ Romana servat. Unus discipulus ejus Tarasius vocatus ad alios dixit: Verè iste Episcopus maluit animas nostras. Vera fides catholica est. Et nos damnaremur si præcepta salva sua non servaremus*. Et tamen audet Argaizius interpres & propugnator id excusare, deque alio Priscilliano, prioris discipulo, quem *Caracacum* proprio nomine appellat, dictum fuisse, ex eodem Hauberto colligere se ait. Perit nempe frons de rebus. Fictitius auctor de Priscilliano agit hæresiarcha, hoc est, hæresis auctore, quod tamen Argaizius strenuè dissimulavit.

130. Nec solus hic ex Hispanis, quorum ob relicta sui monumenta meminimus, devia- vit à recta fidei via in execrandam hanc sectam. Quinimmo & duo alii doctrinæ laude illustres, iisdem erroribus sedati, pœnam- que apostasiæ debitam perpeffi sunt. *Latronianum* ac *Tiberianum* hos Sulpicius nominat. LATRONIANUS, aliàs MATRONIANUS, insignis fuit poëta, gladioque simul cum Priscilliano & Euchrotia Delphidii Burdigalensis rhetoris, cujus Ausonius meminit^m, viduâⁿ, & aliis, peremptus. *Matronianus* (ait S. Hieronymus^o) *provinciæ Hispaniæ, vir valde eruditus, & in metrico opere veteribus comparandus, cæsus est & ipse Treveris cum Priscilliano, Felicissimo, Juliano, Euchrotia, ejusdem fa-*

^a De errore Pri- scillianist. & Origenist. tom. 6. Oper. S. Augu- stini.

¹ Qui sub ti- tulo Tolera- L editus est in Concilio Hisp. pag. 48.

^m In Professio- ribus carm. 5. ⁿ Sulpicius Se- verus lib. 2. ^o De scriptor. Eccles. cap. 122.

factionis auctoribus . *Exstant ejus ingenii opera diversis metris edita . Eadem Prosper & Idatius in Chronicis suis habent .*

131. De TIBERIANO SEVERUS : *Tiberianus ademptis bonis in Sylinam insulam datus . Quis autem is fuerit , ab eodem S. Hieronymo pendendum est . Tiberianus Beticus (inquit) scripsit pro suspitione , quâ cum Prisciliano accusabatur , hærescos , apologeticum tumentis compositione sermone . Postea post suorum cædem exilio exsilii mutavit propositum , & juxta S. Scripturam canis reversus ad vomitum , suam filiam devotam Christo virginem matrimonio copulavit . Quæ verba ferè transcripsit in Chronicon suum Ado Viennensis . Attamen cum sciamus Beticum hunc , Hispanumque Latronianum fuisse ; non multum unde loco fuerint ignorare dolendum est de his , quibus ingenii eruditionisque sæculo illo decantatæ dotibus sic abuti malo suo contigit . Syllina autem , sive Syllina , (Silly vulgò , ut Camdenus putat) insula est oræ Britannicæ adiacens . Quò à Treveris missum in relegationem , uti proximioris maris insulam , verisimile est . Diverfus est qui sub Constantino floruit , præfectusque fuit prætorio Galliarum Tiberianus , cujus in Chronico Eusebiano mentio Olymp. CCLXXVIII. anno IV. & in libro *De poetis Latinis* Gerardi Vossii cap. 4.*

132. Decerravit cum his aliquando à recta via DICTINIUS Episcopus ; sed in se reversus renunciavit sectæ , & scripta sua damnavit in Concilio quodam Toletano , in quo facta ejus fidei professio inter acta servatur Concilii Toletani , ut vulgò audit , primi , cum verè cinnus ex multis sit . Ibi legitur p post alia dixisse in confessu patrum : *Hoc in me reprehendo , quòd dixerim unam Dei & hominis esse naturam . Item : Ego non solum correctionem vestram rogo ; sed & omnem presumptionem meam de scriptis meis arguo atque condemno . Item : In priori comprehensione mea , & in principis conversionis meæ , quæcumque conscripsi , omnia me toto corde respuere .* Sequitur in actis hanc confessionem definitiva sententia , in qua refertur tam Dictinium hunc quàm Symphosium Episcopos ad Concilium antiquius isto , in quo causam præsentis dicebant , vocatos venire noluisse : attamen postea , sequestro pacis Ambrosio , utrumque admissum fuisse ad professionem fidei , errorisque detestacionem emittendam .

133. Refertur quoque Symphosio Episcopo per tumultuantem plebem extortum fuisse ut ordinaret Dictinium Episcopum , quem S. Ambrosius decrevisset bono pacis locum tenere presbyterii , non accipere honoris augmentum . quæ verba sunt actorum . Ex quibus colligas statim ab initiatione Dictinii sive in Christianam religionem , sive in clericalem statum , exorbitasse ad Priscilliani sectam , eoque tempore pro ea scriptis decertasse . Idque verba ista illius significant paulò antè adducta : *& in principis conversionis meæ quæcumque conscripsi .* Factumque à Symphosio Episcopum postquam veterem damnasset errorem , & à S. Ambrosio eoque commendatus fuisset Toletanis patribus , ut si conditiones sibi

Bibliotheca vetus Hispana Tom. I.

prescriptas impleret , reverti ad pacem posset . Sententia igitur eorundem patrum hæc fuit , ut tam Symphosius quàm Dictinius in Ecclesiis suis consisterent , pacemque haberent , hoc est , reconciliationis indulto fruerentur , tandemque communionem cum reliquis Episcopis se habituros expectarent , cum id visum fuisset Simpliciano Mediolanensi Episcopo , Ambrosii nuper fato functi successori , ceterisque sacerdotibus , cum Papa qui tunc erat . Interimque prohibitum eis fuit , Episcopos , presbyteros , aut diaconos ordinare . Hæc omnia ex actis constant .

134. Ceterum Dictinii scriptorum fit quoque mentio in Bracarenfi Concilio q, quod & ipsum audit primum inter edita , XVII. anathemate , & in epistola Leonis Papæ I. ad Turibium . Atque ex ea ipsa liquet Dictinii vera in veram fidem & in alterum hominem conversio . Ait enim Leo Magnus , improbare se quòd Dictinii tractatus à multis cum veneratione legerentur , ratione reddita , cum si aliquid memorie Dictinii (malè editum Dicticini) tribuendum putarent , reparationem ejus magis deberent amare quàm lapsum . Ideo à Toletanis patribus anno CCC. coram quibus lecta sunt suprà memorata confessio & sententia , ut mox dicemus , Dictinius sanctæ memorie audit . Planè Dictinius hic Asturicensis Episcopus fuisse vulgò creditur , cujus festum die ... Sept. hæc ejus Ecclesia celebrat , lectionibus annotans Græcum cum gente ferri , & alia quæ videri poterunt in historiis nostratibus .

135. Hucusque ostendimus nostra fidei vulnera in paucis , cetera non contemnendis , Hispaniæ viris . Jam res ipsa poscit , ut quinam è nostris : tetrò huic malo salubria tempestivaque remedia porrexerint , subjungamus . Hoc autem à pluribus , sive seorsum , sive in Concilia convenientibus , factum fuit ; ne erga nos deficeret superabundans clementissimi Dei gratia (juxta Apostoli effatum) in quibus delictum abundaverat . Hæc ordine quo gesta sunt primi forsan edissemus .

136. IDATIUS cognomento CLARUS is est qui cum Ithacio , alias Ursacio , institit Priscilliani & asseclarum ejus damnationi . Quo quidem nomine cum apud omnes malè audirent , Maximi tamen favore suffulti , ut videtur , quamdiu sceptrum hic tenuit , impuniti mansere . Sed statim atque sublatus è medio tyrannus Valentiniani ac Theodosii ductu prope Aquileiam fuit , Ecclesiæ communionem (Prosper u ait) privati sunt . Diverso tamen successu . Nam Idatius noster , qui zelo magis quàm contumaciâ videtur peccasse , atque adeò minus nocens à Severo Sulpicio declaratus fuit ; sponte se , ejusdem Sulpicii testimonio , Episcopatu abdicavit . De quo facto ita censet auctor : *Sapienter id & verècundè , nisi postea amissum locum repetere tentasset .* Nul- lus enim , quod viderim , ambigit , pro Nardacius , quod Sulpicii editiones habent , Nam Idatius legendum . Quam ob inconstanciam nostrâ sententiâ missus in exsilium fuerit ; in quo diem vidit extremum .

137. At non verbo tantum & opere ipso noster olim persequutus fuit hanc hæresin ,

R 2

sed

q. In edit.
Loayiz pag.
118.

r. Quæ est 93.

f. Morales lib.
11. cap. 5.

t. Ad Roman.
cap. 5. 12.

u Timasio &
Promoto Coss.
ann. cccxix.

p. In editione
Loayiz pag.
47.

sed & scriptis quoque. Audi sis S. Isidori Hispanensis Episcopi è libello *De scriptoribus Ecclesiasticis* verba: *Idatius Hispaniarum Episcopus, cognomento & eloquio Clarus, scripsit quendam librum sub Apologetici specie, in quo detestanda Priscilliani dogmata, & malefactorum ejus artes, libidinumque ejus probra demonstrat; ostendens Marcum quendam Memphisiticum magiæ scientissimum, discipulum Manis fuisse & Priscilliani magistrum. Hic autem cum Ursacio Episcopo, ob necem ejusdem Priscilliani, cujus accusatores exstiterant, Ecclesiæ communionem privatus exilio condemnatur, ibique diem ultimum obiit Theodosio majore & Valentiniano regnantibus, Hæc Isidorus. Unde novimus non diu in exilio eum vixisse, cum ab eo quo damnatus fuit ad Valentiniani obitum tres tantum anni intercesserint, ut ex Prospero constat.*

x Chron. Coff. Arcadio II. & Rufino anno cccxliii.

138. Sed ante quàm ab Isidoro discamus, cum Idatium *Hispaniarum Episcopum* is tantum dixerit, quoniam alio idoneo teste nos subnixi *Emeritensem* suprâ locavimus? Ex conjectura id tantum & veræ lectionis vestigio in Sulpicii verbis servato. Cum enim hic auctor omnibus laudatis à se hujus historiæ Episcopis assignaverit sedes, Hygino Cordubensem, Ithacio Sossubensem, Priscilliano Labinensem; (quantumvis editiones, ut sulpicamur, vera corruperint nomina) parum fit verosimile Idatii tum temporis tam illustris viri Ecclesiam tacuisse. Ideo pro illis verbis, uti diximus, *emerita etatis sacerdos*, quin *Emerita civitatis sacerdos* sit legendum, cum Drusio & aliis nullus dubito. Atque ita intellexisse hunc locum historicos nostros inde constat, quòd Emeritensem Episcopum vulgò Idatium appellent, etiam si Bracarensem alii credant.

y In Comment. hujus loci. z Padilla to. 1. Hist. Ecclef. de España. cent. 4. cap. 58. Mariana lib. 4. c. 20. Morales lib. 10. cap. 44. a Bivarium ad Dexterum anno cccclxxxiv. n. 5.

b Vaseo in Chronico ad an. cccclxxxviii. c Vossio de Hist. Lætie. lib. 2. cap. 17.

d Ad Dexterum ann. cccclxxxiv. pum. 5.

139. Diversus hic toto cœlo est Idatius ab altero ejusdem nominis, Lemicensis Ecclesiæ, proximeque sequentis sæculi, Episcopo & historico: quos tamen Trithemius confudit, iccirco reprehensus ab iisdem nostræ historiæ auctoribus^b, atque historicorum illustratoribus^c. de quo nobis proprio loco erit sermo. Diversus item, id ut repetam, ab Ithacio, cujus mores carpit Severus Sulpicius: in quo aliter sensisse miror Franciscum Bivarium^d, Severoque imputasse, quòd Idatio viro clarissimo injuriosè detraxerit, qui solum Ithacii morum turpitudinem fugillavit, uti jam notavimus.

140. Exstat & Idatii cujusdam sive Ithacii liber *Adversus Warimadum, seu Warimundum*, Arianæ sectæ diaconum, hoc est, explanatio difficiliorum S. Scripturæ de Trinitate locorum, editus in Bibliothecæ VV. PP. volumine IV. editionis Parisiensis. Cujus quidem auctor cum in præfatione dicat Neapoli se hunc librum scribere Campaniæ urbe, vix est ut pro eodem cum aliquo ex Hispanis Idatiis seu Ithaciis habeamus: quod & censuit Vossius^e, nec improbat Labbeus^f. In quo hujus Idatii opere quæ ad objectiones 3.4. & 5. respondet, ab illis verbis: *Deus filium suum misit*, usque ad ea: *minoraretur in filio*, eadem epistolæ Hygini Papæ

inserta legi, observavit, ne id mihi obviam lectum omittam, Thomas Reinesius epist. 8. ad Christianum Daurnium: quod jam eo prior Blondellus animadverterat.

141. Post Idatii laudatam operam, qui pullulanti hæresis malo primus obstitit, sequutus est patrum conventus in urbe Cæsar-augusta, cujus Sulpicius meminit. Nec tergiverlabor valde iis, qui & alibi Hispaniarum Episcopos prius convenisse contenderint; dummodo testimonio Dexter abstineant, Emeritæ id factum Idatii operâ, nec non & quodam alio Lusitanæ loco, referentis^g. Dexter enim hypobolimæus ab hinc nonaginta annos historicum veterem sub larva fingens, auctoritate deficitur, quâ verus Dexter huc loci veniens fungeretur. Idatio historico potius credimus, qui ait h Priscillianum, quum Italiam & Romam petiit in Cæsar-augustana ista damnatus Synodo, aliquot jam Episcoporum Conciliis auditum fuisse. Nisi temerè id ille pronunciaverit de eo, qui nec etiam Cæsar-augustano judicio se committere ausus, absensque condemnatus cum sociis fuit. Planè cujusdam Cæsar-augustani Concilii nonnulli exstant canones^h, atque hi quidem non absoni à Priscillianica causaⁱ; ipsa tamen damnatoris sententiæ acta perire. At eorum diserta mentio non modò apud Severum, sed & in Toletani, quod dicitur primum in vulgaribus editionibus, Concilii gestis mansit^m. Cæsar-augustanum id Concilium in absentes Instantium & Salvianum Episcopos, Elpidium & Priscillianum laicos, damnationis sententiam dixit; adjuncto, adversus eos qui damnatis communicassent, non dissimiliter ferè animadvertendum.

g Eodem anno cccclxxxiv. n. 5.

h In Chronico ad an. Theodosii senioris vii.

i Severo teste

x Collect. Loay. sœ pag. 11. Binniana tom. 1. pag. 684. l Vide Baronium tomo 4. ad annum cccclxxx. 103. & sequentibus. Moralem lib. 10. cap. 44. & lib. 11. cap. 4. m Collectio Concil. Hist. pag. 48.

142. Deinde maximum rei momentum constitit in eo quòd nec Delphinus Burdigalæ Episcopus damnatos eo loci manere, nec Ambrosius Mediolani, aut Damasus Romæ, in conspectum venire suum permisere: Coacta demum Burdigalæ Synodus Maximi, tunc jam rerum in occidente domini, jussu, damnavit iterum Instantium Episcopum, damnassetque Priscillianum, nisi is ad Imperatorem provocasset. Deductus ergo in Treverensem urbem, passus ibi tandem cum aliis, quos diximus, capitalem sententiam, indeque supplicium, fuit.

143. At eorum sparso sanguine veluti fecundata est hereticorum infelix seges, vigeatque adhuc cum maximis Episcoporum discordiis eo tempore quo Severus Sulpicius, diligens totius rei historicus, operi suo Colophonem imposuit. Maximè autem hoc pessimo malo Hispaniam laborasse, inde colligi potest, quòd nusquam aliàs coactis Synodis serpenti adhuc post plures annos pesti obviam itum. Quales verò hæ fuerint, obscura res, & confusis plurium Conciliorum in unum gestis valde intricata.

144. Toleti nempe habitum est, aut indictum saltem eò, in primis hac super re Concilium paullo post S. Ambrosii obitum, Syricio Papa, Simplicianoque successore Ambrosii Mediolani Episcopo, scilicet post annum

e Lib. 2. de Hist. Lætie. cap. 17. f De scriptor. to. 1. pag. 495.

annum CCCXCVII. aut CCCXCVIII. quo egregius ille antistes decesserat. Res sic se habet. Ex decreto Cæsar-augustani Concilii, quod habitum credimus anno CCCLXXXI. sive quod nominatim tunc damnati, sive quod damnatis postea communicassent, sedibus suis spoliati, & à communione fidelium remoti, remansere Symphosius, qui eidem Cæsar-augustanæ Synodo interfuerat, Dictiniusque Episcopi, unaque cum eis Comasius presbyter. Hi precibus apud Ambrosium, ejus sæculi veluti oraculum, interpositis, obtinere ab eo literas ad Hispaniæ Episcopos; quibus, si tres hi juxta præscriptam sibi ab eo regulam egissent, posse ad communionem accipi existimare se affirmabat. Quarum tamen literarum & poenitentiae tenorem iis contentum nihil minus ii quàm executioni mandasse videntur. Siquidem ad indictam Toleti Synodum evocati, super iis quæ facturos se promiserant sciscitandi, venire noluerunt, immo insanie veteris quædam ad huc signa dedere.

145. Tandem verò in se reversis datus est alius patrum conventus Toleti, ibique præfentes Symphosius, Dictinius, Comasiusque prædicti diserte damnaverunt Priscillianii errores, & quicquid olim iis seducti peccavissent. Unaque & alii Episcopi, sive quod à recta fide similiter deviassent, sive quod à Symphosio ordinati fuissent, aliorum communionem nondum habentes, eadem renunciatione usi, quicquid placuisset patribus se admissuros professi sunt. Et has quidem professiones, subsequutamque de poenitentibus conciliarem sententiam, iis verbis quibus concepta sunt, hodie legimus in diversæ ab hac Toletanæ Synodi, de qua paullo post dicemus, actis; quæ quidem una cum superioris actis confusa præstrinxerunt hucusque legentium oculos, velut in unam eandemque Toletanam Synodum, quæ primæ titulo in codicibus mss. atque editis donata fuit, conjectos. Huc ergo tantum pertinent ex corpore illo multiformi Toletani primi, ut præfert, Concilii, *Exemplaria professionum in Concilio Toletano contra sectam Priscillianii*. non quidem in eo Concilio tunc factarum, sed productarum tantum.

146. Perspicua omnia ista quæ præmissimus erunt planè legentibus statim à principio dictas professiones. Post habitum jam Concilium (aliud scilicet sub Leone I. Papa, de quo postea videbimus) Kalendis Septembris, III. Non. Septembris, post diversas cognitiones tunc habitas, sub die VIII. iduum Septembris excerptæ sunt de plenariis gestis (dicti Concilii, de quo agimus, ante plures annos habitæ) professiones domini Symphosii & domini Dictinii sanctæ memoriæ (hoc est, olim demortuorum) Episcoporum, & domini sanctæ memoriæ Comasii tunc presbyteri, quas inter reliquos habuerunt in Concilio Toletano de damnatione Priscillianii vel sectæ ejus, in hunc modum. Sequitur inde abrenunciatio & condemnatio erroris, à Symphosio & presbytero ejus Comasio facta eodem die ac III. iduum Septembris: quam ponè it sententia patrum

definiens confitentibus pœnas canonicas. Hæc enim lecta quoque est in eo Concilio sub Leone, producta ex actis alterius sub Syricio. Die qua supra (ibidem legitur) Episcopi dixerunt: legatur scriptura sententiæ: & legit.

147. Sequiturque sententiæ tenor à gestis productus, unde historia, quam enarravimus, aperte deducitur. Esi diu deliberantibus verum (forte utrum) post Cæsar-augustanum Concilium, in quo sententia in certos quosque dicta fuerat; sola tamen una die præfente Symphosio, qui postmodum declinando sententiam præfens audire contempserat, arduum nobis esset audire jam dictas; lueris tamen sanctæ memoriæ Ambrosii (jam hoc tempore fato functi) quas post illum Concilium ad nos miserat, ut si condemnassent quæ perperam egerant, & implessent conditiones, quas præscriptas literæ continebant, reverterentur ad pacem (adde quæ sanctæ memoriæ Syricius Papa suassisset) (quæ comprehenduntur in hac parenthesi, verba sententiæ, quæ ex veteribus actis legebatur, minimè sunt, sed ejus fortè qui legebat, aut alicujus è patribus qui audiebant; placuitque scripto & id comprehendere. quum enim sententia lata fuit, Ambrosius obierat, Syricius in vivis erat) magnam nos constat præstitisse patientiam, etsi prius indictum in Toletana urbe Concilium declinarent, ad quod illos evocaveramus, &c.

148. Mentionem audis factam Concilii Toletani, ad quod fuerant rei vocati (longum enim tempus intermedium fuit, & in his controversiis elapsum XVIII. aut ferè, nec minùs, annorum, à celebratione Cæsar-augustani Concilii) atque inde hujus ab illo diversi, post D. Ambrosii obitum coacti, quod eorum causam absolvit. Omnes ii nempe vel ad pacem, ut sententia loquitur, vel ad communionem admissi retentis Ecclesiis, spectato nihilominus ab eorum quibusdam id quod Papa, qui tunc erat Syricius, & Sanctus Simplicianus Mediolanensis Episcopus, reliquique (ut ait) Ecclesiarum sacerdotes, respondissent. Certè Simplicianus anno CCCXCVII. aut CCCXCVIII. datus S. Ambrosio successor, obiisse dicitur 9 sæculari anno CD. aut circiter. Unde patet aliquo ex his tribus quarti sæculi annis, quibus vivebat Simplicianus, sub Syricio Pontifice Romano, ad quos delatum fuit à patribus, ut gesta quasi absolverent & approbarent, habitum hoc Concilium fuisse. Quare assignatam in editionibus huic partem Hispaniensem CDXXXVIII. qui cum anno CD. sæculari concurret, sponte suscipimus.

149. Post XL. autem annos cœpit Ecclesiæ universali præesse Leo I. cognomento Magnus, is qui per Turibium notarium sedis Apostolicæ Asturicensis Episcopum super nefandissima ista secta nondum radicitus è Gallæciæ Ecclesiis extirpata literas misit ad ejusdem Gallæciæ Synodum; ac per eundem fecit, ut universalis seu nationalis alia, cætera, Gallaciâ exceptâ (quæ Suëvis parebat) Hispaniæ partium & Ecclesiarum, congregaretur: unde Fidei regula contra Priscillianam

o Asturicensis.
Baron. tom. 5.
ad ann. ccccv.
57. Morales
lib. 3. cap. 5.

p Pag. 47. in
Loayse edit.
tom. 1. Concil.
Bivianæ edit.
pag. 742. & 2.
tomo Labbeæ
Parisiensis
pag. 1228.

q Baronius anno
cccxcviii.
num. 41. & an.
cd. num. 3.

r Conveniunt
Morales lib. 2.
cap. 4. & alii.

heresim dimanavit, & ad Balconium Gallæciæ Metropolitanum, hoc est Bracarensem Episcopum, directa fuit. Hic autem Turibius, sive postquam munere isto, sive antequam esset functus, ad eundem Sanctum Leonem Papam libros edidit, in quibus (verba sunt Montani Episcopi Toletani in epistola quadam ad fideles Palentinæ diocesis Episcopo orbatæ^s) hanc sordidam heresim explanavit, aperuit, & occultam tenebris suis, perfidieque nube velatam, in propatulo misit. S. Ildephonsus Toletanus de Montano loquens^t hoc etiam laudat Turibii opus. Simul cum hac edita est alia Turibio nuncupata ab eodem Montano epistola. Sed cum Montanus sæculo ferè integro post Leonem vixerit Papam, nequaquam potuit is ad Turibium eum scribere, qui Leonis Papæ nomen suis libris inscripserat, ut postea dicemus, quum ad utriusque tempora Bibliotheca nostra pervenerit.

150. Planè duarum Synodorum, tam provinciæ Gallæciæ, quam Toletanæ nationalis, atque Turibii operæ, meminere cum Bracarense^u, tum ex parte Toletanum^x, quæ vulgò audiuntur *prima*, Concilia. Signanter diximus hujus universalis Concilii meminisse Toletanum cum *primi* nota vulgare: pro Toletano primo *ἀπὸς* intelligens quicquid sub hoc titulo hinc inde collegit posterorum incuria. At nunc de ea parte loquor, quæ sub hac inscriptione post novemdecim Episcoporum subscriptiones edita legitur. *Explicit constitutio Toletani Concilii*. Quæ quidem pars minimè subjienda fuit synodalibus canonibus à novemdecim patribus, Toleti quoque, ut hætenus creditur, promulgatis. Hæc enim Synodus, cui Patruinus Episcopus præfuit, longo annorum intervallo præcessit Leonis Pontificatum, Turibiique navatam egregiè in formanda hac fidei regula, nec minus dirigenda ad Balconium, operam. Immo nisi caput quoddam^y ex xx. capitibus quibus constat ea Synodus sub Patruino, laudaretur in Concilio Toletano xi.^z tanquam ex Toletano primo desumpta, suspicari possemus non Toleti eam conventionem fratrum celebratam fuisse, sed in provincia Gallæcia.

151. Reddemus jam conjecturæ nostræ de omnibus his enunciatis rationem. Provinciale ante alia sub Leone Concilium necessariò dividimus à nationali sub eodem. Cum in hoc Tarraconenses, Carthaginenses, Lusitani, ac Bæti, convenerint Episcopi; istud verò Gallæciæ unius dicatur in Synodo Bracarense, ubi & nationalis jam dicti mentio. Rursusque hanc Gallæciæ Synodum tempore Leonis Papæ celebratam, ab alia distinguimus novemdecim patrum subscriptionibus illustrem, quæ Toletana existimata est hætenus, cum Gallæcam suspicari aliquis valeat, quæque alteram Leonini temporis longè præcessit, nec de Priscilliani rebus quicquam cavisse legitur. Suspicionis meæ causas dabo. Planè video in principio ita editum: *Convenientibus Episcopis in Ecclesia Toletana* &c. Attamen regiæ hujus urbis nomen sic malè hic coagmentatur, ut merum spiret glossema. Quod quidem furcā expellere possis, cum eo quod post nomi-

na Episcoporum, paucis ab hinc versibus legitur: *Isti sunt qui & aliis gestis adversus Priscilliani sectatores, & heresim quam adstruxerat, libellarem direxere sententiam*. Perspicuum enim est non coherere ista verba cum his quæ antecesserunt, aut cum his quæ sequuntur. Et differentia Synodi novemdecim Episcoporum à nationali altero Concilio, quod, Bracarensem patrum testimonio^a, Priscilliane heresi anathema dixit, glossam coarguit manifestissimè^b; cui quidem respondet ejusdem manus & audaciæ illa, quæ *regule fidei* ad Balconium misse à prædicto nationali Concilio adhæsit. *Ipsi etiam & supra scripta viginti canonum capitula statuerunt in Concilio Toletano*. Id quod absque magna sagacitate dignosci potest additamentum novioris manus.

152. In primis moveor ad exercitationis gratiâ propugnandum non Toleti, sed in Gallæcia habitam hanc Synodum, ex variante quadam ab ea quæ excusa fuit lectione, quam vir gravissimus & eruditus Garfias Loaysa orę affixit. Præfert ea absque *Toleti* nomine Episcoporum nomina, statimque, pro eo quod Loaysa edidit: *Exsuperantius de Gallicia Lucensis conventus municipii Celenis*; hic legimus: *Leona Gallia, Lucantio*. Hic conventus municipii Celenis actus est. Nec vix aliter potuit loco primo subscribere ac nominari Paternus (aliàs Patronus) qui, ut ex sententia Priscilliane fermenti Episcopis dicta, & à nobis jam enarrata colligitur, Bracarensis fuit Episcopus^c. Quod nec diffitebuntur qui Dextri vadis hærent, cum in ejus Pseudo-Chronico^d sic scriptum legatur. Sed ait, Bracarensis cum esset, præfuisse Concilio Toletano. Ait, inquam: sed temerè. Tum quia si provinciale fuit Concilium, uti ex raritate coeuntium apparet, vel in Gallæcia, vel in Carpetania celebrandum fuit, ex propriæ provinciæ, non ex utriusque Episcopis. Si in Carpetania, unde nam ad Toletanum conventum pertinebat Paternus Bracarensis, cum Exsuperantio illo de Gallicia, & municipio Celenis? aut quare in aliena provincia sedere atque subscribere primo loco ei datum? Asturius item Toleti ejusdem Pseudo-Dextri relatu Episcopus, cur sextum locum subscribens occupat? laudatus verò in actorum procemio, undecimum?

153. Planiora quidem omnia sunt, si importunè aliàs uni Exsuperantio attributum patriæ aut sedis nomen, hinc avulsum significare positum sit habiti conventus locum, Celenas scilicet conventus Lucensis municipium, in confinio istius & Bracarensis conventus positum, ut Plinius indicat^e, & in Antonini Itinerario sæpiùs dictum.

154. Hæc igitur Gallæciæ Synodus ad nos non pertinet, nec de Priscilliani rebus definivisse quicquam refertur; sed alia illa sub Balconio Bracarense Leonis Papæ temporis, atque item altera nationalis, à Bracarenfibus laudata patribus, quam ipsam Toleti congregatam non alicubi legimus, sed suspicamur tantum. Videtur tamen dicta Gallæciæ Synodus novemdecim Episcoporum non per plures annos separanda esse ab eo Concilio,

^s Edit. Loaysæ pag. 88.

^t De script. Eccl. cap. 1.

^u In collect. Loaysæ pag. 116.

^x In collect. Loaysæ pag. 44.

^y Can. 14.

^z Can. 2.

^a Bracar. Concil. i. circa principium.

^b Moral. observavit lib. 11. cap. 25.

^c Toletanum Episcopum fuisse tenet Morales lib. 11. cap. 25. Loaysa ad Conc. Tolet. 1. pag. 44. Idem Morales lib. 11. cap. 4. Bracar. credit Bivarum ad Dextri ann. ccccxxxvi. Pendet in hac re Mariana lib. 4. cap. ult. d. Ad annum cccvii. num. 3.

^e Lib. 4. cap. 20. à Celenis conventus Bracarensem.

cilio, quod anno CD. aut circiter habitum fuisse jam retulimus in causa Episcoporum Priscillianæ sectæ, cum & Paternus & Ortizius utrobique laudentur Episcopi.

155. Insisterem huic sententiæ asserendæ nisi retardarent duo. Primum est, auctoritas Concilii Toletani XI. quæ utimur libenter in eo quod ait in collatione illius cœtus relatum fuisse canonem Toletani Concilii de nō sumente Eucharistiam à sacerdote, uti sacrilego, propellendo: quæ ipsa sententia & verba sunt canonis XIV. Concilii XIX. Episcoporum, de quo quærimus. Quod verò non modò Concilium Toletanum, sed Toletanum *primum*, à Toletanis Patribus XI. Concilii laudetur, ferè est ut glossema credam: cum incertum valdè sit an aliquod aliud ex his, quorum suprà recordati sumus, in causa Episcoporum Priscillianæ sectæ coactorum Conciliorum hoc præcesserit. Secundò nostrum retardat assensum à suspitione illa celebratæ in Gallæcia Synodi XIX. Episcoporum, quod in Innocentii Papæ I. epistola ad Toletanam Synodum, qualis ea fuerit, directâ, legimus: *Et quamvis dilectioni vestræ, fratres charissimi, regulæ Nicænæ sint cognita, secundum quas ordines esse faciendos per sententiam decernitis* &c. Quibus quidem verbis allusum videtur ad Putruini illa in Concilio XIX. Episcoporum: *Mibi autem placet constituta primitus Concilii Nicæni perpetuò esse servanda* &c.

156. Sed si quæsieris, epistola hæc Innocentii Papæ I. ad Synodum in civitate Toletana constitutam directâ cujusnam ex omnibus his conventibus patres alloquuta sit? Ad Synodum Toleti constitutam præfert epistola. Et videtur quidem de eadem ordinationum prætermisâ legitima forma, quam canones hujus Synodi XIX. Episcoporum reformare conati sunt, eam conceptam esse. Aliiter tamen nobis videtur subodorantibus ad Toletanum aliquod, sed non hoc, Concilium scripsisse Innocentium. Moveor, quod si habitum istud præside Paterno fuit erâ (uti docet inscriptio, & Stiliconis consulatus nota confirmat) CDXXXVIII. hoc est reparatæ salutis anno CD. nondum Innocentius hoc anno ad pontificalem thronum ascenderat ^f.

157. Præterea, quamvis & Innocentii epistolam & Concilii decreta de ordinationibus egisse sit ex eorum lectione compertum; ferè nihil tamen in decretis video quod Innocentii epistolam atque ejus monita exscripsisse aut expressisse videatur: de quo ad attentè considerantes quid utrobique inculcatam sit, provocamus; nullaque facta in canonibus, aut eorum præmio, receptæ à patribus epistolæ, ut solet, atque æquum fuit, mentio, rem confirmat. Immo Innocentio, quum literas dedit, lecta jam fuisse synodalia hæc XX. decreta ex his verbis earum quæ paullo antè producta à nobis sunt, colligimus: *Et quamvis dilectioni vestræ, fratres charissimi, regulæ Nicænæ sint cognita, secundum quas ordines esse faciendos per sententiam decernitis; tamen aliquam partem* &c. In quibus respectus videtur habitus ad Paterni seu Patruini præsidis ea quæ diximus è præfatione canonum. Nec tamen

aliorum Innocentius meminit, quibus cautum fuerat XX. canonum decretis.

158. Repeto. Vel ista lecta fuit ante canonum formationem, in hac Synodo, vel non fuit, epistola. Lectam dicis? Planè inurbanum fuerit susceptæ epistolæ nullam habere mentionem. Quinimmo & contumax non omnibus his cavere malis, quibus caveri debere admonebat Papa; scilicet, inter alia, ex militibus, & curialibus, & magistratibus non debere sacerdotes, ac multò minùs Episcopos, fieri; taliterque ordinatos cum ordinatoribus suis deponendos; item bigamiam à sacerdotio arcendam: de quibus in decretis nihil provisum exstat. Non lectam ais in Synodo epistolam? Credimus & nos non lectam. Sed ad aliud Toletanum Concilium sub eo habitum anno CDII. aut postea (hoc enim anno creatus fuit) epistolam eam directam ab Innocentio Papa; cujus acta nunc deperdita verosimile est ordinationum rectæ formæ, juxta præscriptum Papæ, ultimam manum imposuisse.

159. Baronius quidem primis Annalium suorum curis hæc duo Concilia, novemdecim Episcoporum, atque ejus ad quod Innocentius epistolam dedit, non bene distinxerat, uti fecit secundis, quæ ferè sapientiores sunt, in appendice quinti tomi, jam posterioribus editionibus in contextum recepta ^g, improbatis Morali ^h & Mariana ⁱ Hispaniarum historicis, atque de anachronismi vitio convictis. Francisco Bivarrio cum Baronio convenit ^k. Post lecta hæc consule sis ea quæ de hac Conciliorum plurium confusione sub Toletani unius titulo annotaverunt laudatus Ambrosius Morales ^l, Joannes Vascus ^m, Joannes Mariana ⁿ, & post omnes Franciscus Bivarrio, qui ceteris distinctius rem tractavit ^o, admittis tamen Dextri sui testimoniis, Baronii atque aliorum observationibus armati; & quæ postremò de his Conciliis Toletanis ad unum reducendis excogitavit, Dextrum exagitans, Excellentissimus Mondexarensis Marchio *Dissertationum Ecclesiasticarum* tom. I. dissert. 4. cap. 2. Fortè nec legisse pigebit.

160. In hac enim historia Priscilliani atque ejus sectæ Chronico suo committenda, non minùs quàm in aliis, aut fortè etiam plus, sibi falsus Dexter indulgit. Ei enim si verba danti credimus, Concilia hæc omnia in Priscillianæ sectæ causa debemus admittere.

I. EMERITENSE ^p, ab Idatio Lusitanæ metropolitano coactum ann. CCCLXXXIV.

II. In LUSITANIA ^q aliud statim eodemque anno. Quasi Emerita urbs extra Lusitaniam fuerit.

III. TOLETANUM, eodem anno CCCLXXXIV. sub Syricio Papa.

IV. TOLETANUM ^r sub Anastasio Papa anno CD. Episcoporum XIX.

V. TOLETANUM ^s sub Innocentio anno CDV. ad quod direxit laudatam epistolam. Quibus accedit, non quidem à Dextro, cujus ætas huc non attigisse dicitur, sed à M. Maximo ^t,

VI. TOLETANUM Leonis Papæ auspiciis, cui

^g Ad annum CDV. num. 4.

^h Lib. 2. cap. 5.

ⁱ Lib. 4. cap. ultimo.

^k Notis ad Dextri ann.

CCCLXXXVI. pag. 410.

^l Cap. 5.

^m In Chron. ad ann. CDV.

ⁿ Lib. 4. cap. ultimo.

^o Ubi proximè pag. 409.

^p Ad annum CCCLXXXIV. 5.

^q Ibidem.

^r Ad annum CCCLXXXVIII. 8.

^s Hoc anno n. 1. & CDVII. 3.

^t Hoc anno.

^u In Chronico ad an. CDXLVIII. 7.

^f Creatus fuit anno CDII. Baronius ad hunc ann. sect. 42.

cui præfuit Turibius Asturicensis Episcopus anno CDXLVIII.

161. Necnon & ludit, uti solet, Dexter in ornandis iis, qui huic causæ ac Synodis quodammodo interfuerunt.

I. IDATIUM nunc metropolitanum Lusitaniæ, hoc est Emeritensem, nunc metropolitanum Bracarensem nominat x paucis versibus interjectis.

x Ad annum
ccclxxxiv. nu.
5. & 7.

II. CÆSAR-AUGUSTANI Concilii Episcoporum subscriptiones, quæ in editis leguntur, pro arbitrio transformant, sed et nudis sedē assignant y.

y Ad annum
ccclxxxiv. 7.

III. EXSUPERANTIUM, qui Concilio XIX. Episcoporum interfuit, Uxamensem facit antistitem z, atque inde translatus fingit ad Ravennatensem in Italia Ecclesiam, esseque eum ad quem S. Hieronymus scripsit. At is juxta edita à Loaysa XIX. Episcoporum nomina, *De Galicia fuit Lucensis conventus municipii Celenis*. Nimirum ex tribus Exsuperantiis; milite, ad quem scripsit Hieronymus; Episcopo Ravennatensi Sancto xxx. Maji die culto; & eo qui interfuit cum aliis XVIII. Gallæciæ Concilio, unus & idem Exsuperantius inter Dextri manus devenit a.

z Ad annum
ccclxxxv. 2. &
10. & ad ann.
cdvii. 4.

IV. SPLENDONIUM, qui Cæsar-augustanæ subscripsit Synodo tot ante annos, Ambra- censem in Lusitania Episcopum fuisse ait b anno CDXXIV.

a Vide Julia-
num Chron. nu.
203.

b Ad annum
cdxxiv. 8.

His conjungenda sunt quæ Pseudo-Dextri imitator & interpret Pseudo-Julianus de iisdem rebus & hominibus impudenter mentitur c. Quibus utique refellendis, & cum auctore suo absque ulla spe restitutionis pro- scribendis, deficit nobis in præsentiarum locus. Jam enim Priscilliani, propugnatorum- que & impugnatorum ejus Hispanorum scri- ptorum occasione nimis hic moramur.

c Chron. n. 184.
185. & sequen-
tibus. & Ad-
versarii num.
520. Adjungen-
dus Luitpran-
Advers. 85. &
184.

162. Sed nonne AUDENTIUS Toletanus Episcopus adversus impietatem istam cala- mum strinxit? Planè vero, ut solet, immi- scuit falsum, is qui hujusce rei auctor est, ementitus Dexter d. *Audentius Episcopus Toletanus editis contra Priscillianum libris, ac habitis publicè contra Priscillianistas dispu- tationibus mirificè floret*. AUDENTIUM sanè scripsisse adversus hæreses è Gennadio sci- mus. Toletanum fuisse Episcopum conje- ctamur tantum, quod aliàs compertum sit Audentium quendam Toletanæ sedi præ- fuisse Asturii decessorem, ex Ildephonsino scriptorum Ecclesiasticorum parvo catalogo e.

d Ad annum
ccclxxxv. n. 1.
& Julian. Chron.
n. 175.

Audentius (ait Gennadius f) *Episcopus Hispanus scripsit adversus Manichæos, & Sa- bellianos, & Arianos; maxime quoque speciali intentione contra Photinianos, qui nunc vocantur Bonosiaci, librum, quem prætitularit De fide adversus omnes hereticos: in quo ostendit anti- quitatem Filii Dei coeternalem Patri fuisse, nec initium deitatis tunc à Deo Patre accepisse, quum de B. Maria Virgine homo Deo fabricante conceptus & natus est*. Ante quàm ostende- retur mortalibus nova Dextri & sequacium historia, eundem hunc esse cum Audentio Toletano Episcopo colligebant non temerè nostratis veræ historiæ coryphæi g; nec nunc abscedendi efficax aliqua ratio apparet; dum- modo etiam vera dicenti Dextro, atque ejus

e Cap. 2.
f De script. Ec-
cles. cap. 14.

g Morales lib.
11. cap. 4. fol. 9.
Vasæus ad an.
ccclxxxviii. &
cdli.

simiæ Juliano, testimonium in hac re dicen- di facultatem denegemus, collectis insuper, nigroque præfixo theta notatis, quæ hi de Audentio isto falsa credi voluere pro veris.

163. Primò Audentium fuisse, ante quàm sacris initiaretur, prætorio præfectum, ait Julianus h. *Floret hoc tempore Flavius Maximus, Augustinus vel Audentius, præfectus prætorio, vir pius & egregiè doctus, postea ve- rò Episcopus Toletanus*. Tribus Antyciris ca- put insanabile! ut cum poëta loquar. Nam ex tribus, Imperatore scilicet, præfecto præto- rio, & Episcopo incerti aut corrupti nominis, unum & eundem hominem compingere fuit conatus. Imperatore scilicet Flavio Magno Maximo (ita enim vocabatur, ut ex nummis constat i, uti & filius Flavius Victor Magnus Maximus) qui nempe istius Priscillianæ tra- gædiæ auctor fuit, idemque Theodosio Ma- gno victori pœnas à se occisi dedit Gratiani Imperatoris. Is quia Hispanus à Zosimo au- dit k, fortè visus fuit ordinari aptus in Hi- spanum Episcopum; cum planè vix sit quin ad hunc respexerit Julianus; cum *Flavii* no- men adeò fuerit Imperatoriæ gentis Flaviæ proprium, ut à Maximo usurpatum credat Baronius l, quo se Constantinianæ gentis furculum esse tyrannus fingeret.

h Chron. n. 193.
ad ann. cccxl.

i Apud Pati-
num in Imper.
numism. p. 488.

k In Valenti-
niano & Theo-
doso. quem
sequutus est
Julianus in
Chron. n. 177.

l Tomo 4. ad
an. ccclxxxiii.
num. 1.

164. Præfectus item prætorio quidam fuit Maximus sub Imperatore Constantino, ad quem directæ sunt ejus quædam constitutio- nes. Quidam & alius sub Valentiniano, Va- lente, & Gratiano, quem Ammianus Maxi- minum vocat m, largeque describit.

m Lib. 18.

165. Priorem autem illum videtur innue- re voluisse nugivendus auctor, cum & po- sterior hic sceleribus & indigno exitu infamis fuerit. Parum verò vel prior ille aptus est coagmentari cum Audentio Toletano Epi- scopo, qui ascendisse hanc ad sedem fingitur à Pseudo-Dextro n anno CCCLXVI. & obiisse diem suum anno CCCXCVI. Hujus enim ætatis vir obtinere vix summam istam præfe- cturæ dignitatem potuit sub Constantino an- nis CCCXXXII. & sequenti o, quibus Pa- catianus cum Hilario, & Dalmatius cum Zenophilo Coss. fuere; hoc est LXIV. inte- gris ante obitum annis; ad quam, utpote sublimiorem aliis omnibus, etiam in quatuor jam à Constantino divisam dignitatem p, vix nisi quadraginta saltem annis natus assumi potuisse videtur. Nisi ad macrobiorum gen- tem, Dextro & affeculis ejus olim cognitam, nodum hunc solvendum referamus. Episco- pus incerti aut corrupti nominis Augustinus est, cujus nomen inscriptum subscriptum- que Cæsar-augustani Concilii, quæ exstant, actis legitur. Hic ne alius à Toletano, & ne Toletanus obscurus aliàs existimaretur, com- pingendus fuit Gerion ille triceps, Flavius Maximus Augustinus, sive Audentius, præfe- ctus prætorio, & Episcopus Toletanus.

n Ad hunc an.
ccclxvi. & ad
ann. cccxcvi.
cum Juliano in
Chron. n. 193.

o Vide lib. 7.
cap. De codicil.
lib. & lib. 3. cod.
Theod. in edit.
Jacobi Goto-
fredi 1. tomo
& Prosopogra-
phiam 6. tomo
p Vide Panci-
rolum in Notia
ad notitiam
Imp. Oriental.
cap. 5.

166. Contextunt inde prolixam Audentii gestorum telam, quicquid in buccam venisset, & ornare virum, confectiis licet coloribus, posset, eructantes Julianus cum Dextro suo q. Patria nempe è Toletum urbe, origine verò è Sihignia, XXIV. M. passuum inde di- stante

q Dexter ad
ann. ccclxvi.
num. 1.

stante oppido agri Toletani (*Sescña hodie audit*) Audentium fuisse^r; archidiaconi officio sub Gregorio Episcopo (post praefecturam scilicet) functum in eadem Ecclesia, res egregie administrasse^r, necnon & Luciferianos in Hispania tumultuantes mirā eloquentiā deterruisse^r. Hujus quoque sororem Leocadiam nupsisse Arintheo, ad quam S. Basilus Cappadociae Episcopus literas dedit^u. Electū fuisse Toletanū praefulem anno CCCLXVI.^x Concilium inde Toleti coegisse post biennium^y: accepisse literas frequentes, rescriptisque Sanctis Basilio, Gregoriusque duobus, Nazianzeno & Nysseno^z, quinimmo eundem Basilium (*Cesar-augustianum* vocat pro *Cesareensi*) Episcopum simul cum aliis Episcopis visitatum ivisse^a: adversus Arianos & Photinianos scriptis suis pugnasse^b. Collegia juvenum ad clericatum educandorum, negligentia temporum intermissa, redintegrasse^c: disputavisse item publicē cum Priscilliani sectatoribus, librosque contra eos edidisse^d, atque Concilia coegisse^e: ejus auctoritate & motu indictum fuisse adversus eisdem Cesar-augustae Concilium^f: induxisse Gregorium Beticum, ne ultra cum Luciferianis sentiret. Obiisse tandem, ait Julianus^g Toleti anno CCCXCVI. corpusque ejus terrae mandatum ipsa die Ascensionis Dominicae. In quo adversantem habet Luitprandum, qui obiisse ait^h III. die Decembris.

167. Nec contentus idem Julianus tot de Audentio, sub annis quo gesta fingit, enuntiāsse; post LXXX. circiter, mirabilem esse aitⁱ memoriam Audentii Toletani, qui *commentarios elegantes edidit in epistolam S. Jacobi canonicam, quam dicit esse Jacobi Zebedei filii* (verba ejus audis affectationis plena) *quod ex commentariis Serrani, Olympii, Melanii, & aliorum, ejusdem esse credidit: quamquam Eusebius, homo Graecus, & ab Hispanis longē remotus, aliter videtur sentire. Epistola hęc missa est ad tribus per Hispanias totas longē dispersas*. Haecenus antiquitatis indagator insignis Julianus, qui rem Gennadio ignotam de Audentii hoc in *Jacobaeam epistolam commentario* primus prodidit.

168. Idem ipse ultra annotat^x, in Concilio Aquilejensi (sub Damaso Papa, Syagrio & Eucherio Coss. anno CCCLXXXI.) pro eodem Audentio interfuisse *Euarium* presbyterum (Euagrium) & pro Vidario Lusitano *Artemium* (*Artemium* potius) archidiaconum.

169. Denique ut nugis finem demus, hujus Audentii senioris Toletani Episcopi ex sorore nepotem Audentium fuisse alium aitⁱ juniorem in Galliis Episcopum, qui Arausicano Concilio interfuit; utrumque autem consanguineum scribit^m fuisse Aviti Imperatoris; qui Avitus socer fuit Sollii Apollinaris, pater Pupillianillae (immo *Papiamillae*) uxoris ejus. Relinquo alia eque futilia Luitprandi testimoniaⁿ ejusdem prorsus telae, quae pueret utique omnia vel advertere oculis vel refutatione dignari, nisi argumentum nostrum cogeret ad exscribendum hic saltem ex iisdem unum. *Sanctissimus Audentius* (ait^o) *Episcopus Toletanus scripsit contra Bonosum in defensionem illibatae Virginis Mariae elegantes libros*. S

170. Universa autem haec Audentianae historiae capita, in eodem ficulnei auctoris nata cerebro, ipsa se se, ac inventoris sui, res Toletanas, illiusque Ecclesiae praefules raptis undique aliorum laudibus, ornandi aut onerandi cacoethen apertissime produnt. Propterea enim temere ac sine fronte jactata sunt quae de consanguinitate cum Avito Imperatore utriusque Audentii audivimus. Quod enim Toletanus Audentius ad Avitum Galium Arvernensis natum (Gregorio Turonense & Sidonio^q genero annotantibus) pertinuerit, idoneis, non hujus fidei testibus, probandum fuit. Audentius inter alios Episcopos subscripsit Concilio Arausicano^r sub Leone I. Papa. Non aliunde ansa data est conjungendo huic cum Audentio Toletano.

171. Insulsiissime quoque excogitatum fuit quicquid putide inculcatur toties de S. Basilio cum Audentio & aliis Hispaniae Episcopis per literas consuetudine. Res ita contigit. Occidentales quidam Episcopi per Athanasium in orientem reversum Basilio Magno Cesareae Cappadociae antistiti scripserant. Quorum epistola is respondit, Sabino quodam gerulo, *Episcopis & fratribus qui sunt in occidentem responsionem* inscribens. Ad hos, ut credere primum est, postea idem Basilius, cum paucis rectae sententiae orientalibus Episcopis, infestissima persecutione hostium patris ac verae fidei conflictatis, destinavit legationem: qui quidem occidentales tunc nullo schismate diversabantur, sed concordēs erant in Arianis impietatibus & hominibus damnandis.

172. Exstant hujus rei indices epistolae duae: altera *Meletii* (Antiocheni) *Eusebii* (Samosatēni) *Basilique* ipsius (Cesareae Cappadociae Episcopi) nomine, non jam occidentales, sed signatē *Italis & Gallis*, seu *coadjutoribus in Italia & Gallia* inscripta, ac per eundem Sabinum, ut videtur, Episcopum, quem coadjutorem^u alias non vocasset, transmissa. Altera solius Basilii per Dorotheum compresbyterum suum, scilicet Ecclesiae suae, *Comministris Galliae & Italiae Episcopis* directā. Istarum argumentum, enarrare his maiorum Iliadem, quae orientis Ecclesiae sub improbis Episcopis & potestatibus secularibus (Valentis nempe Ariani Imperatoris) uti ex Theodereto lib. 4. cap. 11. & sequentibus constat) patiebantur; deprecari eos, ut apud Imperatorem (Valentinianum, qui partibus occidentis praerat) causam illorum agerent, saltemque eorum aliqui ad invisendum eas, fratresque sub saevissimae calamitatis jugo gementes consolandum, iter arriperent.

173. Hujus epistolae responsum accepit Basilius per eisdem, ut ait, compresbyteros, rursusque per eisdem alias dedit literas^x ejusdem propositi, ac reiteratae postulationis, anno proximo. Quinimmo & factae legationis tertiae ad eisdem per Petrum quendam exstat mentio & instrumentum in epistola ipsa tunc mandata^y. Quibus tamen omnibus nec respondisse occidentales, nec ullum eorum in orientem venisse, conquestus fuit idem Basilius.

p Lib. 2. Hist. Franc. cap. 11. q In Paneg. Aviti. vers. 149.

r Vide in edit. Paris. noviss. tom. 3. col. 1452.

f Exstat inter Basilii & Gregorii Theologi epistolas in edit. Paris. Oper. S. Basilii ordine 61. cujus tempus Baronius non recte digessit anno CCCXXXI. n. 31.

t Ibidem Epist. 69. & 70. & apud Baron. tom. 4. anno CCCXXXI. n. 35. & 22.

u Epist. 61.

x Ibidem Epistol. 74. apud Baron. anno CCCXXXI. num. 30. & anno CCCXXXII. n. 4.

y Ibid. epist. 77. & in *Annalibus Eccles.* anno CCCXXXII. n. 57.

a Prima est viginti Epistol. scilicet ab alijs editarum ibide col. 1031. & apud Baron. anno cccclxxiii. num. 31. a Ad ann. cccclxxiii. n. 15. & 24.

b Epist. 57. & apud Baron. anno cccclxxiii. num. 34.

c In Chron. n. 179. & Adv. 461.

d Chron. n. 181.

e An. cccclxxiv. num. 34.

f 5. epistolarum 21. scilicet editarum.

g Lib. 25. & 26. h Lib. 4. Hist. 29. i Lib. 1. in Eutropium ver. 67. k Cum Modesto sub Valentiniiano.

l Num. 249. Synodus sub Audentio Aquilejensi fuit, pro quo interfuit Euagrius presbyter pro Vidario Lusitano Artemius archidiaconus: cui etiam multi Pontifices Hispanie, vel per se, vel per nuncios, interfuerunt.

lus quartâ datâ epistolâ^a, quæ ad occidentales & ipsa inscribitur. Hujus silentii negatæque ab occidentalibus communicationis causam legere est apud *Annalium Ecclesiasticorum* auctorem^a. Nulla tamen in his omnibus epistolis Hispanorum Episcoporum diserta mentio, sed Italorum & Gallorum tantum; immo idem Basilii ad Meletium Antiochenum scribens, de consilio suo mittendi Dorotheum, quem diximus, *Decretum est* (inquit) *ut hic ipse frater noster Dorotheus syndiaconus Romam proficiscatur, & permoveat quosdam ex Italia, ut nos invisant; idque per mare, ut eas effugiant, à quibus possint impediri.* Unde colligitur consolationem & subsidium in calamitate ab iis maxime, dumtaxatve peti, qui proximiores essent, non in extremo ad occidentem orbe positi.

174. Quisnam ergo insufflavit in Juliani aures^c, missas, inter alios occidentis, Audentio Toletano, & Firmino Pampilonensi, atque Idatio Bracarenfi Episcopis, Basilii literas; cum inscriptio in genere concepta sit? Quisnam^d invisisse Audentium quoque cum alijs Episcopis Basilium? Abruperat historiæ hujus filum equalibus destitutus monumentis Baronius^e, irruptique, veluti quæ deerant suppleturus, vacuum locum impudentissimus Pseudo-Julianus. Qui eadem petulantia lectâ ejusdem sanctissimi doctoris Basilii ad conjugem Arinthei prætoris consolatoriâ datâ epistolâ^f, Leocadiæ nomen sceminae imponens, quo magis Toletanam civem (martyrem novisti Toletanæ urbis Leocadium) ementiretur, Hispanam uxorem Arintheo viro Græco, cujus apud Ammianum^g mentio frequens, itemque in Theodoro^h, & Claudianoⁱ, & factis consularibus, nam & Consul fuit^k, collocato, non dubitavit. Ex eadem autem hac Basilii epistola constat familiarem sibi habuisse Arintheum, atque in oriente eum obiisse; siquidem excusat corporis imbecillitatem, quod longioris profectionis motum ferre non valebat, quominus consolationis officium præfens ipse Arinthei relictæ exhiberet. Qui quidem fratris, si talis esset, ejus Audentii, Toletani tunc adhuc Episcopi, sibi tam familiaris, uti jactant nugivenduli nostri, mentionem quin inculcasset in aliquam solatii partem, vix continere se potuisse credendus est.

175. Ejusdem audaciæ, adhuc tamen infeliciores, est annotatio^l de Euagrio presbytero Audentii, & Artemio Vidarii Lusitani archidiacono, cum alijs Hispaniæ Episcopis, vel per se, vel per nuncios suos, in Aquilejensem Synodum convenientibus. Exstant nempe subscripti huic Synodo, qui interfuerunt, Episcopi Galliarum, Italiæ, & Pannoniæ. Quos inter laudantur legati Afrorum & Gallorum, ita:

Constantius Episcopus Scisciaxiacensis legatus Gallorum.
Justus legatus Gallorum.
Felix legatus Afrorum.
Numidius legatus Afrorum.
Euagrius presbyter & legatus.
Artemius, Almachius, Januarius, Jovinus,

Macedonius, Cassianus, Marcellus, Eustachius, Maximus, Chromatius, presbyteri.

176. Summopere affixit hominem impotentem suarum rerum amantem deesse hæc memoriam Hispanorum Episcoporum: Euagrioque legato, absque notatione ejus, cujus legatus esset, commodum reperto; esto, ait, Euagri, tu legatus Audentii Toletani. Quod impunè ipsi fuisset, nisi duobus Gallorum, duobusque Afrorum æquaturus Hispanorum legatos, Artemium, qui statim sequitur, archidiaconum Bracarenfis Episcopi, ejusque legatum fingere voluisset; miser parum advertens Artemium non minus iis qui sequuntur, Episcopum fuisse, ut ex initio gestorum ipsius Concilii, notaque intervenientium ibi Episcoporum constat. Quid autem clarius ex iisdem actis, quam convocatos fuisse tantum Episcopos Italiæ viciniore? verba Imperatorum (Gratiani, Valentiniani, & Theodosii) epistolæ in exordio lecta sic habent: *Nam quod Ambrosius, & vita merito, & Dei dignatione conspicuus Episcopus, Mediolanensium civitatis ibi multitudinem non opus esse suggerit, ubi veritas non laboraret in pluribus, si locuta esset in paucis, seque coram qui contra adstarent, assertionibus, & sacerdotes vicinarum ex Italia civitatum satis abundeque sufficere posse suggerit; abstinendum venerabilium virorum fatione censuimus: ne quis vel maturo suo gravis, vel corporali debilitate confectus, vel laudabili paupertate mediocris, insuetas repetat terras &c.* Hæc absentia Hispanorum causa, ad quam si animadvertisset desultorius scurra noster, nilque ultra doctus quam tagaces porrigere manus ad inscripta synodalia patrum nomina, ut iis abutatur; (quod perpetuum ei atque ejus collegarum crimen est) Euagrium & Artemium sua gerere munera permisisset, non utique nostris onerasset.

177. Quis nunc huic homini credere non erubescat exarasse Audentium alios à commentario illo, quem Gennadius laudat, *De fide adversus omnes hereticos*? Nempe in epistolam Jacobi Apostoli? Ut lapidem etiam Julianus in hunc acervum jaciatur scriptæ hujus à Jacobo majori epistolæ, quem inter nos logodædalus noster, nuperæ hujus historiæ fabulosæ primus auctor, veluti inter Romanos Termini Dei aut Victoris fatalem statuâ, collocare ac figere maxime voluit, tot scriptores id affirmare faciensⁿ, quot elabi passus est è fecundissimo illo suo talium abortivorum gremio. De quo agere, quia extrarem & prolixum esset, nunc prætermittimus.

178. *Adversus Bonosum* item *de illibata Deip. Virginis puritate.* Cum Gennadius scripserit eum disertè affirmet adversus Photinianos, qui Photiniani jam eo tempore, quo id affirmabat, hoc est juxta finem quinti sæculi, Bonosiaci appellabantur, non autem adversus Bonosum ipsum heresis auctorem, qui damnatus fuit ex auctoritate Capuani Concilii sub Syricio Papa ab Anycio Thessalonicensi Episcopo. De quo consulendus Baronius^o.

m Multitudine

n Dextrum ad ann. xxxvii. §. 6. comment. 1. Helecam in Addition. ad M. Maximi Chronicon. n. 25. Liciniani Episcopi epistolam in collectione quadam Juliani, quam Ramiroz edidit inter Luitprandi opera pag. 531. Julianum Advers. 412. pag. 94. Adv. 413. 414. pag. 97. Adv. 434. 437. 490. o Tomo 4. ad an. cccclxxxix. num. 73.

CA.

CAPUT VI.

De S. DAMASO Papa. Cujusnam urbis civis fuerit, incertum. Lusitaniam verosimilius hunc sibi adscribere, quam Cataloniam & Matritum. Josephi Mariæ Suarezii conjectura de patria Gadibus improbat. Damasi gesta & laudes. Scripta incerta aliqua. De virginitate verò certum. Suarezius laudatur. Damasi epistola. Decretalium epistolarum codex bibliotheca Viennensis. Supposititia est Damasi epistola ad S. Hieronymum. Notatur confusio Concilii Vasensis, seu Vasionensis. Petrus Lambecius laudatur. Aliæ epistolæ Damasi nobis. Collectio decretalium epistolarum quàm lubricæ fidei apud plures hodie sit. De Chorepiscopis observantur quædam in transitu. Repertæ sunt nuper à Luca Holstenio duæ epistolæ. Damasi de Lactantio judicium. Pseudo-Juliani in laudanda alia epistola enormis lapsus. Damasi poësis. Quoddam inter ejus carmina Claudiano Alexandrino adjudicari, qui Christianus fuisse dicitur. Epigrammata quædam latere apud varios scriptores. De vitis Romanorum Pontificum librum non esse Damasi Papæ, sed alterius cognominis, aut Anastasii bibliothecarii, aut non unius auctoris. De epistolis Hieronymi ad Damasum & Damasi ad Hieronymum huic libro in quibusdam codicibus affixis. Benedictus Mellinus Christine Suecorum Regine amplissima à cura bibliothecæ laudatur. Damasi operum editiones. Vix Damasi tres: in quibus aliqui errores. Eudocij, & Eudoxij plures eo sæculo. Barbaria de Arabia Latine dictum, & de quavis gente Romanis non subjecta. Falsum inscriptionem de Damasi Hieronymiano monachatu frustra Gregorium Argaium tueri contendere. Ejusdem Argaii levitas, & historiæ ignorantia.

179. SIQUIDEM tragædiam, de qua egimus superiore capite Priscillianæi judicii, non diu post obitum Damasi Papæ Treveris actam novimus; nunc primum tempus est sanctissimi hujus, nec minus docti, viri, Hispaniarum ac totius Ecclesiæ fulgentissimi sideris, quicquid gestorum ad rem nostram pertinet, stylo ducendi.

180. Ex Hispania DAMASUM fuisse certum est & concessum. Affirmat liber *De vitis Pontificum*, qui Anastasio bibliothecario attribui solet, atque ille alius qui Luitprando, ejusdem argumenti, indeque noviores. Petrus Apostolicæ sedis diaconus in sermone quem in honorem S. Damasi edidit in titulo seu Ecclesia S. Laurentii, contigisse ibi mirabilia referens, quæ martyrine an Pontifici tribuenda forent, ambigebatur: quos (inquit) una patria genuit, una Ecclesia promovit, una basilica colit in terris, unus Deus coronat in cælis. Apud Baronium ad annum CCCLXXXIV. num. 19. Vixit autem hic Petrus circa annum DCCCL. de quo nos docet idem Baronius ad hunc annum num. 16. & DCCCLXI. n. 57. & DCCCLXXII. num. 4. Si verò idem est cum Petro diacono Bibliotheca vetus Hispana Tom. I.

Casinenfi, qui vitam scripsit S. Athanasii Episcopi Neapolitani, ut credit eruditissimus vir & amicus olim noster Josephus Maria Suarezius Ex-episcopus Vasionensis, quocum Romæ de rebus Damasi non semel verba commutabam. Auctor item vitæ ejus ms. qui servatur in codice archivi canonicorum S. Petri⁹, compatriotam Damasi Laurentium martyrem vocat, nec non & eundem disertè Hispanum, ad finem vergens; si ea portio Vitæ^r, in qua Joannis XIX. Papæ, qui post millesimum vixisse dicitur, mentio fit, à superioribus, quæ majorem antiquitatem continere mihi videntur, non sit separanda. Nec Platina, historiæ Pontificiæ auctor, Hispanum negat, etiam si Magdeburgenses Centuriatores, hunc de Romana patria, nescio qua fronte, auctorem laudent.

181. Succedit verò ei, quod certum de gente est; incertum, si quod usquam aliud, de patria urbe. Nam qui Damasum sibi arrogant civem, vel Catalani, vel Castellani, vel item Lusitani sunt. Quorum ultimi constantiore antiquitatis suffragio partes suas tumentur. Ecclesia enim Bracarenfis jam olim, uti civem sacri sui territorii, proprio officio colit ac veneratur; adduntque Lusitani, quod ex Vimaraniensi urbe (hodie Guimaraëns) provinciæ Interamnenfis, de quo ex vetusto Eborensis Ecclesiæ codice doctum, Breviario hujus Ecclesiæ id se inferuisse, Andreas Resendius alicubi ait. Rodericus item d'Acunha in *Hist. Episcoporum Bracarensum* par. 1. cap. 51. duobus vetustissimis Breviariis, Eborensi & Bracarenfi, alteroque æquè antiquo Palentinæ Ecclesiæ, rem confirmat. Ideo hanc partem olim & nunc sequuntur è nostris exterisque historicis quàm plures^u. Aliquantulum tamen resistit, quod Guimaraëns à Vimarano aliquo, homine Gottho, sive is sit Oveti Rex hujus nominis, originem habuisse atque appellationem videatur; nisi subrogatum sit hoc recentius veteri nomini. Nam & Ciuriæ, cujusdam oppidi hodie diruti vestigia non longè à Guimaraëns superesse, Bernardus Bracarenfis Benedictinus hac de re alicubi agens scriptum nobis reliquit^x, unde patriâ Damasum fuisse suspicatur. Atque inde forsitan originem habuit, quod idem Egitanensis ab Onuphrio audiat (*Egedita* vetus oppidum Lusitanix, ubi nunc *Idañez* est) quomodo in editione ejus operis *De Romanis Pontificibus* Veneta anni MDLVII. legitur^y. Nam aliis editionibus aliter^z dicere, nescio cujusnam operâ, impositum fuit.

182. Lusitanis hanc persuasionem Catalani remittunt, quippe qui olim jam sibi persuaserunt Damasum Catalonia civem fuisse; in eo tamen inter se dissidentes, quod vel Tarraconensem^a affirmant, vel Arguelensem^b (*Argelaguès*) ex Bisuldunensis territorii, atque Empuritanæ provinciæ oppido. Id quod & Barcinonensis Breviarii per vetusti lectiones^c confirmant, & fixa omnium animis, ab antiquoque imbibita traditio de cruce bibrachia, ex vivificæ Salvatoris crucis fragmine formata, penes Ecclesiam S. Mariæ Bisuldunensis, tanquam dono Damasi patriæ suæ

^q Editæ cum operibus S. Damasi Romæ MDCXXXVIII. pag. 47. & 60. ^r A verbis illis: *Fuit autem B. Damasus. &c.* pag. 60.

^f Cent. 4. cap. 10. col. 747. duni de Damaso loquantur.

^t Epist. ad Quevedum *Hisp. illustrata* vol. 2.

^u Quos collegit Tamajus in *Mart. Hisp.* 11. Decembris ac præter hos Gaspar Barreiros in *Isimario* suo, sive *Choreographia*, fol. 55. Angelus Rocha *De Biblioth. Varie*. Lud. Jac. à S. Carolo in *Pontif. Bibliotheca*. Scotus in *Bibliotheca Hisp.*

^x In edito opusculo quod laudat & examinat Gaspar Statius, dicto *Varias antiquitates de Portugal*. cap. 16. ^y Hanc sequutus est Joan. Bapt. de Cavalieris in *Imaginibus Præfatum Rom.*

^z Quædam editiones habent: *Lusitanus Vimaraniensis*. quædam *Lusitanus tantum*. ^a Beuter par. 1. *Hisp.* cap. 25. ^b Hieron. Pujades lib. 5. cap. 14. laudato Ant. Geraldino. Ant. Vincentius Domenec De Sanctis Catalon. III. Maji. Canales *Hist. de la Iglesia de Urgel*. cap. 13.

^c Quæ sic habent: *Damasus Papa natione Hispanus ex agro Emporitano Citerioris Hispaniæ. &c.* apud Pujades d. cap. 14.

^p Godefridus Viterbiensis in *Chron. Petrarca* in *Chron. vulgari*. S. Antoninus par. 1. tit. 9. cap. 2. Platina in *Damaso*. Jacobus Philip. Bergom. *supplem. Chron.* Sabellicus *Exorde* 7. lib. 8. Volaterranus lib. 22. *Comm. arborum* Tri. themius *De script. Eccles.* Crinitus *De Poëtis*. Gesnerus, & Hispani omnes. Joann. Egidius Zamorensis *De præfatis Hisp.* ms. tractat. 3. auctor *Valerij Hispaniarum* vulgari lingua Hispana lib. 3. tit. 6. cap. 5.

fuæ olim factò , magno quidem pretio habita d . Accessitque huc manibus pedibusque Hauberti Hispalensis hesternus auctor , utpote non longè à Catalonia natus , hac supposititia nota e : *Damasus presbyter Argelariæ natus circa Gerundam civitatem, succedit in sede Apostolica Liberio.*

183. Tandem Damasum sibi vendicant Matritenses , iisque ut morem gerant alii f non parvo numero , quasi religione quadam ducti , ne curiæ regiæ hic per eos decedat honor . Fundus rei est Lucius Marinæus Siculus , qui etiam perhiberi hoc à multis, nullo quidem laudato , alicubi & scriptum voluit , non eo loco h , ubi de Damaso inter viros Hispaniæ illustres egit . ibi enim , *Damasus verò Papa natione Hispanus patre Antonio genitus* , tantum habet . Atqui hujus hominis qualis sit in antiquis rebus auctoritas , Andreas Matamoros non dissimulat de eadem re agens . *Damasus* (ait in *Apologetico*) *Matritensis . Si qua tamen fides Lucio Siculo citra pudorem debetur , qui ex Mantua Carpetanum appellat* . Sic loquebantur superioris sæculi nostri homines , quos nondum fascinaverat subsequens exeunte eo supposititia Dextri & aliorum historia . Cujus Dextri formatori Toletano vix potuit non cum vicinis Matritensibus convenire .

184. Clavus ergo fixus fuit statuminandæ huic opinioni , judicio eorum qui somniis hujusmodi credunt verè trabalis , his Pseudo-Dexter verbis : *Liberio succedit Damasus ex Mantua Carpetanorum* . Quantumvis addiderit (glossam credit Bivarius) ut in principe , & in Roderici Cari editionibus legitur : *Alii faciunt ex Igeditania Lusitanum , alii Tarracensem* . Quomodo scriptum ab auctore , perperam simulante vetustatem , in dubium mihi est ; quasi à cœvo scriptore Dextro ignorari potuerit vera Damasi patria . Luitprandus similiter verba dat credulis¹ , dum de portis Toletanæ urbis tutelarium ejus Sanctorum imaginibus ab Wamba Rege ornatis , atque inter eas una SS. Damasi & Melchiadis Mantuæ Carpetanorum civium Maximorum Pontificum . Quasi de Melchiade Hispano sententia non mera fabula sit , aliàs refellenda . Saguntinum demum vocasse Damasum in oratione m ad Alexandrum Papam VI. die xxiii. Novemb. MCDXCII. D. Bernardinus S.R.E. Cardinalis Carvajalius fertur , nescio unde doctus , ut transversos ageret Valentini regni cives , qui & ipsi jam de Damasi patria litem ceteris competentibus moventⁿ . Nec dissimulabo in gratiam viri perchari atque humanissimi , simul ac doctissimi , Josephi Mariæ Suarezii nuper laudati , suspicari eum , sed suspicari tantum , posse Damasum nos tribuere Gadibus in Bætica . Nempe , cum Eutychius M. Gaditanus in eodem sepulchro cum Damaso conditus nostro ævo sit repertus , affirmante Francisco Maria Florentino ad vetustum Martyrologium die 11. Dec. à vero non abludere credit , voluisse Damasum contumeliatum sese civi suo martyri , ab ultimis Gadibus exportari jussu . Divinabat idem Suarezius , nonnisi

domestica celebrasse Damasum , cum in *carmine* de sacræ ædis S. Laurentii , quæ in Damaso audit , fundatione (apud Baronium anno CCCLXXXIV. num. 22.) ita cecinit :

Attica, Felicis Magni clarissima conjux,

Sumptibus hoc propriis edificavit opus.

Parentesque suos his laudatos , quasi Attica fuerit mater , Antonius autem , cognomento *Felix Magnus* , pater . Has tamen ei conjecturas non facile approbavimus . Nec verosimile est eo tempore quo Damasus Ecclesiam regebat senex , ædesque ista ædificabatur , ejus adhuc in vivis parentes , aut saltem matrem , fuisse . Nec item Eutychio atque eidem Damaso commune sepulchrum quicquam patriæ hujus Gaditanæ confert . Huic enim martyri , Gadium vulgò credito , Damasi corpus quisnam conjunxerit ignoratur . Jussisse enim eum ita post obitum suum fieri , parum convenit humilitati quam professus fuit , nolens se induci sepeliendum eò loci quò Sanctorum plura corpora invexerat .

Hac, fateor, Damasus volui mea condere membra ;

Sed cineres timui sanctos versare piorum.

Apud Baronium reperies an. CCCLXXXIV. n. 31. Alterius ergo hæc fuerit cura utrumque ; eodem sepulchro claudendi , qui neutiquam ad martyris , Damasique communem patriam aciem directam habuit mentis . Nec magis sollicitudo , quæ fertur fuisse Damasus , Eutychium ab Hispania Romam transferendi , sepulturam epitaphio adornandi , & in Ecclesia Laurentio martyri à se dicata sepeliendi , quicquam cui fidere debeamus , continet . Carmen istud sepulchrale de Eutychio , (apud eundem Baronium laudati anni num. 21.) nihil de ejus patria : quam non utique reticere decuit civem . Nec unus fuit Eutychius à Damaso laudatus martyr , sed plures , de quibus carmina exstant . Satis superque igitur concedimus conjecturæ de tumulatione utriusque in eadem Ecclesia , Hispanum utrumque affirmantes , de quo nullus dubitat , cum in Hispania celebrari Eutychium eo die xi. Decembris , antiqui omnes , nec minus antiquissimum à Florentino publicatum Martyrologium , ejusque gesta legi , prodant . Qui has tres aut quatuor opiniones conciliare satagunt^o , consule sis : nam nos ad alia .

185. Electus Damasus (*Justiniani* cognomentum ei à nonneme . p tributum , unde gentium sit ignoramus) in successorem Liberii , non sine cujusdam Ursicini diaconi contrà nitentis oppositione , sequutisque hinc turbis , quarum Ammianus Marcellinus meminit^q , in Romana urbe maxima virtute per totos xvii. annos , duos menses , & xxvi. dies Pontificatum gessit maximum , ab anno scilicet CCCLXVII. usque ad CCCLXXXIV. damnatis in Concilio non uno Romano Ursacio & Valente , Auxentio Mediolanensi Episcopo , & Apollinaristis , Arianæ sæcis reliquis , necnon Macedonii adversus Spiritum sanctum blasphemis in Concilio Constantinopolitano Episcoporum orientis , aliisque pluribus egregiè & utiliter in Ecclesia gestis rebus , ad posteritatis omnem memoriam , ex-

em-

d Domenec in Hist. SS. Catalon. III. Maji pag. 41.

e In Chron. ad ann. ccclxxvii.

f Apud Tama- jum ubi supra . Quintana . Due ñas Santos de Toledo pag. 368. Egid. Gó- zalez Gronde- zar de Madrid cap. 7.

g Lib. 2. de Re- bus Hisp. pag. 309. Hisp. illust. tomo 1.

h Lib. 6. qui De viris doctis illustribus est in editione principe anni mdrx. aut cir- citer : qui liber deest in edit. hujus operis, in Hisp. illustrata. i Hisp. illustra- ta tom. 2.

k In Chron. ad ann. ccclxxvi. num. 3.

l In Chron. ad ann. dclxxvi.

m Editam au- dio à Joanne Bancardo ma- gistro caremo- niarum Alex. VI. in Dieta- rio , seu diario hujus Pontifi- cis .

n Gaspar Es- colan. Hist. Va- lens.

o Bivar. ad Dextrum ubi supra . Tania- jus ubi supra . p Franc. Car- rieres in Chron. Pontificum .

q Lib. 27. r Vide notas Bini in Da- masi vitam .

emplumque successorum clarissimus, necnon & miraculis post mortem inclytus, *egregius vir & eruditus in scripturis, virgo*, (ut verbis laudem Hieronymi^f,) & *virginis Ecclesiae Doctor*, idem iudicio Synodi Constantinopolitanae^t sub Agathone Papa coactae, *O' adamas tis πιστος. Fidei adamas*. Atque item Chalcedonenfis Oecumenicae^u: *Τὸ τῆς πόλεως ἁγίας διακονίᾳ καλλίστοιμα. Romanae urbis decus ad iustitiam*. Theodoretique elogio^x: *ὁ πανέμπυος, ὅμι λαι δεινίσσιμος*. Innumeri sunt qui laudant, veteres & noviores, quos ad alia properantes nunc praetermittimus, videntes apud Pontificiae historiae illustratores^y.

186. Exstat quidem *vita Damasi* ex libro Anastasii, atque item e libro Luitprandi *De vitis Pontificum*. Praeter has, tres aliae vitae & gestorum ejus relationes ex antiquissimis codicibus Romae exstantibus editae sunt in prolegomenis ejusdem sancti Pontificis operum Romanae editionis à Martio Milefio Sarazanio procuratae. Necnon & Andreas Blancus Genuensis Jesuita metricè idem argumentum tractavit, quod inter poemata ejus legitur^z. In collectione Holsteniana veterum aliquot Ecclesiae monumentorum^a legitur *Diagramma* quoddam *chronotacticum* annorum omnium & gestorum Pontificatus Damasi: quod consulat is, cui pretium operae fuerit. Quod autem ad Bibliothecae attinet propositum, elucubravimus noster plurima opera, sive profla oratione, sive rhythmica: nam & *elegans in versibus componendis* à Hieronymo^b, & *Papa elegantissimus* ab Adriano I. successore^c, & *eis ἐπιτομὰς ὁμοῦς in re poetica promptus*, apud Suïdam^d, audit. Solutio quidem sermone, ut existimo, scripta haec ei tribuuntur.

187. *De Fide contra haereticos*, à Trithemio^e addito initio operis: *Quoniam post Nicenum Concilium &c.* Sed quominus fidem Trithemio, duorum ab hinc saeculorum scriptori, habeam, silentium facit Hieronymi; quem talis argumenti liber latere non potuit, post Damasi obitum *De scriptoribus Ecclesiasticis* elucubrantem, immo & ceterorum omnium qui ante Trithemium de eo scripsere. Quod ipsum censemus de eo qui inscribitur

188. *De Trinitate* libellus. Non enim temerè credendum est Antoniis Verderio & Possevino (si verè id quod *Bibliotheca Pontificiae* auctor eis attribuit hi dixere: nam Possevini *Apparatus* nihil de isto continere libello certus sum) affirmantibus exstare Constantinopoli manu exaratum. Quod autem jure illi adjudicant,

189. *De virginitate* opus est. Cum ejus meminerit Hieronymus ad Eustochium scribens^f. *De virginitate libellos legas Pape Damasi versu prosaque compositos*. In quibus maxima facta est iactura; cum neque vir is egregius quem nuper laudavimus, Josephus Maria Suarezius, Vasionensis olim Episcopus, nunc ad Sancti Petri in Vaticano basilicam Caroli S.R.E. Cardinalis Barberini vicarius, eruditionis & urbanitatis flos, ac noster in paucis amicus, fidem suam, dum viveret, liberaverit,

anno MDCLXXVIII. sublati nobis & Musis Romae: Leone Allatio^g, & Ludovico Jacobo à S. Carolo^h referentibus, olim obligatam *De virginitate* hos libros in publicum edendi. Habermus quod equare possemus pulcherrimis Basilii, Gregorii Nysseni, Hieronymi, Fulgentii, Adhelmi, aliorumque hujus propositi commentariis.

190. *Enarrationes Damasi in xvi. Prophetas* laudare (undenam?) Centuriatores Magdeburgenses cent. 4. cap. 10. in Damasoⁱ.

191. *Epistolae* quoque ei tribuuntur. Ac septem quidem in Conciliorum antiquis collectionibus: aliae etiam in Parisiensi postrema inscriptae hujus leguntur nomine. Harum duas Theodoretus *historiae suae Ecclesiasticae* inseruit. Aliae cum Hieronymo amœbæ, inter sancti doctoris opera exstant. De singulis breviter. Planè in antiquis, quas dixi, collectionibus

192. Prima est *ad Paullinum Antiochenum Episcopum*, non Thessalonicensem, uti ad marginem annotabatur ante Binianam editionem. Hujus meminit epistolae *Prospyboneticus sermo* Chalcedonenfis Concilii ad Marcianum Imperatorem^x. De Vitali est Apollinarista haeretico, qui tamen sese Damaso dolose subjecerat. Baronium consule ad annum CCCLXXIII. n. 5. & Biniū in Notis ad hanc epistolam. Quam quidem haecenus decurtatam & majori ex parte mutilam editam fuisse docuit nos *Collectio Romana veterum aliquot bist. Ecclesiast. monumentorum*, à clariss. viro Luca Holstenio dum viveret adornata, & post ejus mortem Romae anno MDCLXII. typis excusa. Quae quidem integram epistolam inter alia continet^l. Haec prima est epistolarum decretalium quas continet bibliothecae Caesareae Viennensis chartaceus admirandae vetustatis codex Gotthicis characteribus exaratus, quem mirè laudat Petrus Lambecius lib. 2. *Comm. de bibliotheca Caesarea* cap. 8. pag. 932. Cumque ultima earum epistolarum illa sit, quam ad Reccaredum Gotthorum Regem Gregorius Magnus dedit; nonnisi hujus sancti Pontificis tempore videtur liber scriptus. Unde & argumentum fit adversus eas quae superiorum Pontificum nomine sese dudum venditant.

193. Secunda *ad Episcopos orientis*. Ea est quam Theodoretus intexuit lib. 5. cap. 10. agitque de Timothei Apollinaris discipuli damnatione. Habetur autem è Græco Theodoretique tantum, cujus interpretationem Christophorus dedit, Baroniusque Annalibus inseruit ad eundem ann. CCCLXXV. num. 6. Nisi ea concepta fuerit Græcè ab auctore, quod magis credimus.

194. Tertia *ad Hieronymum presbyterum*. Ad quam responsum Hieronymi subiectum legimus. Supposititia haec merces est, agnoscente Baronio ipso^m; cui recentiores consentiunt omnes, viri etiam eruditissimiⁿ. Damaso quae tribuitur corruptissima est, ac ferè nullius sensus, nec responsio ei cohæret Hieronymi. Ineptè Pseudo-Damasus de LXX. virorum Græca versione loquens, duodecim eorum

^f In Apolog. pro libris suis adv. Jovinianū ad Pammachium.

^t In sermon. prospybon. post 18. scilicet rom 5. pag. 272. Binianae Paris. edit. seu tom. 6. pag. 1049. ult. Paris. edit. Labbeanae u In Allocutione ad Marcianum Imp. tom. 3. pag. 468.

Binianae Paris. edit. seu tom. 4. pag. 825. ult. edit. Parisiensis Labbeanae x Lib. 5. Hist. Eccles. cap. 2. y Praecipue Ludovic. Jacob. à S. Carolo in Bibliothec. Pontificia.

z Mediolani excusa MDCXXXV. apud Guilielmum Ghisliphum pag. 298. a Pag. 298.

b De script. Eccles. cap. 103.

c Ep. ad Carolum Imper. pro Concilio Niceno.

d In Aequatione.

e De script. Eccles.

^f Tom. 4.

^g In Apibus Urbanis. ^h In Biblioth. Pontificia.

ⁱ Col. 748.

^x Tom. 3. Binianae edition. pag. 468. & in operibus Clementis Papae 1.

^l Pag. 181.

^m Tomo 3. anno cccxxv. clxxv.

ⁿ Binianus in Notis ad hanc epist. Joannes Card. Bona Divina Psalmodia cap. 16. §. 6. num. 2. Antonius Bellote in observ. ad Ritus Eccles. Laudumensis pag. 374. nu. 8. ne dicam de heterodoxo Blodello paullò post nominando. Bellarminus De Missa lib. 2. cap. 16.

o De xxx. Legib.
Heb. interpretib.
Basil. m. d. c. xvi.
& in Biblioth.
pp.

p De inflat. Ca-
mob. lib. 2. cap. 8.

q Prolog. ejusd.
operis.

r Tomo 5. ad
ann. cdxlii. 3.

s Pag. 283.

t David. Blon-
dellus in Pseu-
do-Isidoro pag.
518. & seqq.

u Hincmarus
Remensis Epi-
scop. lib. 5. Ca-
pitulum, cap. 12.

eorum propriis vocat nominibus, quæ nec in Aristæ libello^o sunt. Supponit idem rudiatem omnino inverisimilem occidentalis Ecclesiæ in sacris officiis celebrandis. At Hieronymus, & ipse hypobolimæus, falsò assumit nondum in ejusdem occidentalis Ecclesiæ ritibus esse hymnum *Gloria Patri, & Filio, & Spiritui sancto*, quem *Glorificationis* vocabant veteres; cum Damasum precetur, ut secundum orientis morem adjungi eum præcipiat omnibus horis à psallentibus in occidente: constet verò ex Cassiani testimonio^p id moris in oriente præter Ægyptum ac Thebaidem minimè fuisse: ejus inquam Cassiani, qui longo tempore commoratum sese^q ait in Palæstina quoque, ubi scribebat Hieronymus. Quare aut falsum Cassianus dixerit, aut Hieronymi hæc non est epistola.

195. Unde observo, nec hujus sæculi esse, ut supponitur, constitutionem hanc Vafensis, seu Vafionensis Concilii I. sub Julio Papa paullo post Nicenum habiti: *Et quia non solum in sede Apostolica, (Romæ) sed etiam per totum orientem, & totam Africam, vel Italiam, propter hæreticorum astutiam, quæ Dei Filium non semper cum Patre fuisse, sed à tempore fuisse blasphemant, in omnibus clausulis* (Cassianus negavit usum in clausula Psalmi) *post Gloria Patri, &c.* Sicut erat in principio &c. dicitur; *etiam & nos in universis Ecclesiis nostris hoc ita dicendum esse decrevimus*. Fatetur utique Binius, se huic primo Vafensi Concilio applicasse istud, & alia duo capita, quæ permixta cum aliis sub inscriptione Vafensis Concilii (fuere autem omnino tria, & quidem duo posteriora isto, de quo agimus) & confusa reperit in aliis editionibus, Baronii hac in adjudicatione sententiam sequutum, qui ita de hoc censuit^r capite. Quare transferendum in aliquod ex duobus aliis ejusdem loci Conciliis, ejus nempe temporis, quo hic usus jam obtinuisset, existimamus. Quicquid autem sit de his epistolis, adeò antiqua est persuasio germanas eorum auctorum esse, ut in ms. codice bibliothecæ Cæsaræ Vienneensis, qui Caroli Magni tempore scriptus fuit, eodem Damaso & Hieronymo inscriptæ legantur. Notat Petrus Lambecius, strenuus ejusdem bibliothecæ ac totius eruditionis illustrator, lib. ii. *De bibliotheca Cæsarea*. Sequitur in eodem codice, ut Lambecius ipse docet, amœbæum, sive alternè dictum, carmen de Davide & Damaso & Hieronymo, non parum corruptum, nec antea editum.

196. Quarta ad Stephanum & ad Concilia Africa. Responsiva ad ejusdem Stephani (uti legitur) *Archiepiscopi, & trium Conciliorum Africa ad Damasum de privilegiis Romanæ sedis epistolam*. Supposititiæ quoque istæ sunt, & tanquam Isidori Mercatoris merces, à viris æquissimi etiam adversus inveteratas persuasiones judicii damnatæ. Lacinias recentiorum iis monumentorum, quibus confutæ olim fuere, jam is collegit^t, quem sollicitavit industria sua, & studium pervicax ad examinandum hunc diu existimatum Ecclesiæ thesaurum, re autem vera id prorsus, quod homines^u etiam nostrarum partium doctissimi opportu-

nè admoniti censuere. Tota certè hæc Damasi epistola merces, cento est hinc inde suffuturatis verbis aliarum Pontificalium epistolarum sive sermonum constans, præcipueque Martini I. in Lateranensi Concilio anno DCXLII. Romæ celebrato, de quo ad ocularem experientiam, locorumque inter se collationem provocare lector potes. Concurrit falsa Consulum nota fini affixa, Flavii scilicet & Stiliconis, qui Coss. fuere anno CD. aut circiter, quatuordecim ferè post Damasi obitum. Nec repugnat quòd laudetur epistola hæc ab auctore *De Pontificum Romanorum vitis*, qui Luitprandus audire solet. Inde enim colligere licet scriptum opus istud post publicatam hanc Isidori collectionem, quâ non modo hic auctor *Pontificiæ historiæ*, sed & ipsi summi Pontifices sæpè usi sunt, quemadmodum & Gratianum in sua decretorum sylloge.

197. Quinta *De Chorepiscopis, & qui iidem sunt, aut si aliquid sint, aut nihil, & de vana superstitione eorum vitanda*. Prospero Numidia, Leoni, Reparato, &c. Meminit etiam hujus memoratus auctor *De vitis Pontificum*. Iisdem urgetur hæc ac superior^v obvias argumentis. Ex eadem enim illa Isidori Mercatoris collectione est cum cæteris epistolis à Clemente usque ad Syricium Damasi successorem: apparentque in ista Damasi aliarum fragmenta notata jam & observata, ex quibus confuta omnino videtur. Præterea & aliis. Directa dicitur ad Africæ Episcopos, in cujus Ecclesiarum monumentis nusquam legitur Chorepiscoporum mentio aut usus. Institutionem Chorepiscoporum vocat *improbam, & nimis pravam*, quos paucis interpositis verbis Apostolorum tempore necessario pauperum curæ ministerio districtos fuisse confitetur: quod nec verum est. nulla enim tam altæ originis vestigia supersunt. *Iniquam & pravam*, inquam, vocat eorum institutionem, quos Concilia, Neo-cæsarensē can. xiii. Antiochenum can. x. Ancyranum can. xiii. ante Damasum, Basiliumque epist. clxxxi. & alia post Damasum, Concilia agnoscunt, nec improbant, sed intra limites sui muneris tantum coercunt. Item *audivimus* (ait) *eos jam esse prohibitos*. Et postea affirmanter inquit, extinctos esse à *prædecessoribus suis, & à reliquis totius orbis Episcopis*. Quod utique falsum est, cum inferiora tempora Ecclesiæ hoc idem Chorepiscoporum munus agnoverint, nec damnaverint. Id quod ex Ephesino, Chalcedonensi, Regienſi in Gallia, & aliis, atque item Leonis I. epistola (si ejus est, quod non credit Morinus^x) constat; nullaque vel in tam multis Pontificum Damasi prædecessorum (quod præferunt) epistolis, hujus prohibitionis aut extinctionis vola aut vestigium.

198. Fallit quoque Consulum nota, quorum tempore scripta fuisse dicitur, Theodosii scilicet cum Livio. Theodosius enim vivente Damaso semel fuit Consul, sed cum Gratiano Imperatore anno CCCLXXX. Plura si cupis, Joannem Morinum consule *De sacris ordinationibus* parte 3. exercitatio, ne 4. cap. i. Cui in re consentiunt, epistolam Damaso abjudicantes, viri undique doctissimis,

Nico-

23. 25. 36. Nicolaus de Cuiâ Cardin. De concordia Catholica lib. 3. cap. 2. Driedo De dogmat. & script. Eccles. lib. 1. cap. 2. part. 3. Elpenæus De consuetudine lib. 1. cap. 6. Henricus Kaltheisen in tract. An. Imper. fr. unquam à Rom. ad Græcos transfusum. Antou. Augustinus, Bellarminus, Baronius, alii, à Blondello adducti in polemomenon cuncti operis cap. 19. Præter hos qui suspectas ac dubiæ fidei creditur, aperte refutant eruditiones nostræ temporis. Joannes Card. Bona Rerum Liturg. lib. 1. cap. 3. num. 1. Pet. Marca De cons. sacerdot. & Imp. lib. 3. cap. 5. & De primatu Lugdun. 6. 8. Labbeus in ultima edit. Concil. Parisiæ ad marginem hujus epist. Bellarminus nullam ex his epistolis auctoris suis tribuit in libello De scriptoribus. Christianus Lupus, vir doctissimus, Augustinianus, in Synodorum decretis, & canonibus, & ad ea notis par. 4. in Diffinit. Gregor. VII. canonis 3. scholio p. 362. & ad 7. Concil. Rom. pag. 524. & par. 3. differt. 1. proæmial. De Latini elei continetia pag. 59. & par. 1. ad can. 9. Concilii Chalcedonensis. pag. 549. Stephanus Baluzius in pref. 6. 4. ad Reginonem De Ecclesiast. disciplin. Henricus de Noris, eruditio- ne Ecclesiastica vir præstans, defecato- que judicio, hist. Pelagianæ lib. 2. cap. 22. Joannes Filescus non obscurè sequitur eos qui damnant in De sacra Episcop. auctoritate commentar. cap. 9. fol. 89. x Paullo post citandus.

Nicolaus Cesseteaut pro sacra Ecclesia monarchia decertans, Christianus Lupus egregius Conciliorum Illustrator, qui tamen *amiquam & doctam* alicubi appellat^a, Stephanus Baluzius^b, de Chorepiscoporum origine ac munere præter superiores agunt, Damasum epistolæ auctorem credentes, quamplures alii eruditione præstantes viri^c.

199. Sexta Damasi & Episcoporum qui ad eum in Romanam urbem ex Italia & Gallia convenerant, fratribus in Illyrico constitutis Episcopis nuncupata, synodica epistola est Romani Concilii anno CCCLXIX. coacti. Quam intexuerunt historiis suis Theodoretus lib. 2. cap. 22. & Sozomenus lib. 6. cap. 22. Hujus Latinus textus, ut credimus, nisi interpretatio sit è Græco, ab hucusque editis diversissima, nec ad Illyricos, sed ad orientis Episcopos catholicos directæ, inter alia veteris Ecclesiæ cimelia prodiit in Collectione jam superius laudata veterum aliquot historiæ Ecclesiasticæ monumentorum. cui navavit operam Lucas Holstenius, cum subiectis seu simul missis Symbolo & aliis actis Synodi jam dictæ Romanæ; nisi duæ sunt epistolæ, altera ad Illyrici, altera ad orientis Episcopos, paululum, uti ejusdem omnino argumenti, non sententiâ, sed verbis variantes. In Græcis historiis deest Consulum mentio, sub quibus datæ literæ, qui in Conciliorum editionibus Syricius & Ardaburis appellantur. Quæ nihili additio epistolæ fidem labefactare non debet. Ardabures cum Hierio Consul fuit non ante annum CDXXVII. tamdiu post Damasi obitum.

200. Septima Damasi ad Episcopos Italiæ. Cum supposititiæ nota hæc etiam edita fuit Parisiis in magna Conciliorum editione à Philippo Labbeo & Gabriele Cossartio. Videturque tota ferè ex Leonis I. epist. 47. Martini I. & Adriani I. verbis composita. Fingitur autem data ipsa iisdem, quibus superior, commentitiis Consulibus. Luitprando tributus liber De vitis Romanorum Pontificum hujus quoque meminit: & ex ultima ejus parte confectum est caput 3. quæstionis 2. causæ 5. in Decreto Gratiani. Editæ hæc etiam legitur inter Clementis Romani opera. Hucusque de Damasi epistolis in Conciliorum collectione edi consuetis. Sed sunt & aliæ partim amissæ, partim superstites, nec omnes tamen hæ germanæ.

201. Deperdita est epistola synodica ex quodam Concilio Romæ habito, cujus D. Athanasius ad Episcopos Africanos scribens mentionem habet: quam quidem à superiori ad Illyricianos data diversam esse rectè vidit Baronius^d.

202. Epistolas alias ad diversos, è quibus favisse Damasum Gregorio Nazianzeno in controversia cum Maximo Cynico, Constantinopoli ordinato subdolè Episcopo, apparet, Nicolaus I. in epistola ad Michaëlem Imperatorem laudat. Denique (ait) ut ex his paucis commemoremus, nonne Maximus, postquam multum à Damaso Papa (sicut ejus ad diversos epistolæ indicant) laboratum est, Constantinopoli pulsus est? Conqueritur quidem jure

Cardinalis Baronius, excidisse has epistolas. Fruimur tamen jam nos unâ aut alterâ, Lucæ Holstenii beneficio. In collectione enim sæpius à nobis laudata legitur missa quædam ad Acolium, Eurydicum, Severum, Uranium, Philippum, & Joannem, quæ incipit: *Decursis literis*.

203. Altera quoque seorsum^e ad eundem Acolium. Hic fuit Episcopus Thessalonicensis, à quo Theodosius fuit baptizatus, vir sanctitate & miraculis clarus, de quo videndus Socrates lib. 5. cap. 6. S. Ambrosius epist. 39. Quæ duæ recitatæ sunt in Romana Synodo sub Bonifacio Papa II. post consulatum Lampadii & Orestis, an. scilicet DXXXI. habita, edita quidem ea integra cum omnibus actis ab eodem Holstenio^f. Maximus hic à Synodo Constantinopolitana fuit depositus anno CCCLXXXI. Historiam exponit Baronius^g.

204. Inter S. Hieronymi opera nonnullæ etiam editæ fuere Damasi ad Hieronymum, & Hieronymi ad Damasum. Secundo nempo volumine, Hieronymi ad Damasum de hypostasibus Arianorum duplex, quæ cum consulit de sententia in hac re tenenda. Tertio autem, in quatuor Evangelia præfatio ad Damasum. Damasi quæstiones tres veteris legis. Hieronymi ad eas Responsio. Hieronymi expositio primæ visionis Isaie ad Damasum. de Seraphim & calculo ardenti ad eundem. Damasi quæstio de Osanna. Hieronymi Responsio. Ejusdem De frugi & luxurioso filio ad eundem. Item Interpretatio quarundam Homiliarum Origenis. eidem directæ Damaso. Quarto, duæ Symboli explanationes ad eundem. Epistola ad Hieronymum, hujusque ad Damasum alia Hieronymi De oblationibus altaris, & alia nescio cujus De morte Hieronymi, quæ falso inscripta est Damaso: hic enim præcessit Hieronymum.

205. Quarum ea Damasi ad Hieronymum, quæ incipit: *Dormientem te*, &c. De tribus quæstionibus, digna quidem lectu est, quamvis brevis; in qua quidem fatetur æquè vir sanctus doctusque nihil in hac luce jucundius existimare se quàm de Scripturis fermocinari, atque hoc animi pabulum omnia mella superare, adjungitque inter alia de Lactantii epistolis: *Fateor quippe tibi eos (inquit) quos mihi jam pridem Lactantii dederas libros, ideo non libenter lego, quia & plurimæ epistolæ in eis usque ad mille spatia versuum tenduntur, & raro de nostro dogmate disputant: quo fit ut & legenti fastidium generet longitudo, & si quæ breviter sunt, scholasticis magis sint apta quàm nobis, de metris & regionum situ, & philosophis disputantia*. Hæ sunt Epistolæ ad Probum, ad Severum, ad Demetrianum, quas S. Hieronymus Lactantio attribuit, ex quibus fastidium, si hodie exstarent, libenter quidem devorarem. Hoc verò Damasi de Lactantio judicium iis adjungetur testimoniis, quæ Lugduno-Batavæ ejus operum editioni cum variorum Notis Servatius Gallæus præfixit. Exstat quidem hæc epistola, quam Erasmus noluit esse Damasi, & alia brevissima De Osanna in Romana editione, de qua postea. Reli.

^e Tomo 4. ad an. CCCLXXX. num. 5.

^f Pag. 57.

^g Pag. 42.

^h Dista collectione pag. 1.

ⁱ Disto tomo 4. ad annum CCCLXXX. num. 24. & ad ann. CCCLXXX. num. 4. & seqq.

^a Adversus Rempubliani M. Ant. de Dominis lib. 2. c. 9. num. 19. & lib. 3. cap. 1. du. 16. ^b Parte 5. Scholæ de notat. ad Cæcilia. scilicet Conc. Rom. VII. sub Gregor. VII. pag. 524. ^c Tomo 2. ad Concil. VIII. Generale Can. XXIV. pagin. 1365. ^d 12. Notis ad Gratiani. cap. Quamvis 68. dist. pag. 469. unâ cum Ant. Aug. Decem. datione Gratiani à se edito opere. ^e Sebast. Casar. De Ecclesiæ Hierarchia. 2. part. disp. 9. Joann. Darts ad dist. 68. & De Benefic. scilicet 1. cap. 3. fol. 17. Hallier in def. Ecclesiæ Hierarchie lib. 4. cap. 5. pagin. 573. Cabassutius in Nov. Conciliorum ad Cæc. Ancyranum pag. 31.

^d Tomo 4. ad an. CCCLXXX. num. 34.

ⁱ De scriptor Ecclesiæ. cap. 80.

Reliquæ desiderantur, quærendæ in Hieronymi operibus.

206. *Damasi ad Aurelium Carthaginensem Episcopum.* Quæ Aurelio respondet, tanquam ad eum mittens Pontificum decessorum à Petro usque decreta, sive, ut vocat, *instituta*, supposititia omnino est. Cumque hanc præfixerit collectioni suæ pontificalium epistolarum Isidorus Mercator, prodidisse eum causam & fidem suam, his monumentis, quæ primus publicavit, accommodatam, facile dixeris. Suppositionem agnovit Baronius^x, cum eoque Binius^l, Possevinus^m, alii. Vivo enim Damaso Aurelium Episcopum fuisse, cum S. Augustino historia ejus temporis apertissime negat.

207. Aliam Damaso falsò tribui epistolam Theophilo & Anisio scriptam, idem Possevinusⁿ monet, reclamante Riveto lib. 3. *Critici sacri* cap. 14. quæ quidem ipsa æquæ falsò inter S. Ambrosii opera, tanquam ejus sit, in qua tamen Ambrosii fit mentio, collocata legitur.

208. *Ad Gallos & Venetos Episcopos* datæ ab eo epistolæ, qui ad Concilium conveniant. Meminit his verbis Pseudo-Julianus in Chronico^o: *Hispani non solum servant fidem Concilii Nicæni, & cum Damaso Papa Rom. Consentiunt; sed gloriantur se illam semper penes se conservasse; ut restatur S. Damasus in epistola ad Gallos & Venetos Episcopos, qui tunc ad Concilium conveniant.* Miserè lapsus est, uti solet, blatero. Hæc est illa epistola synodica Concilii Romani, cujus sexto loco inter vulgò tributas Damaso meminimus; in qua quidem mentio fit Gallicanorum & Venetorum fratrum, scilicet Episcoporum, itemque laus continetur illa, non quidem Hispanis dumtaxat, sed occidentalibus omnibus tributa, Nicænæ Synodo atque Damaso consentiendi. Ait Damasus se audisse à Gallicanis & Venetis Episcopis, quosdam (ex Illyricianis, ut credimus, si vera est ad eos directio epistolæ) *heresibus favere*. Pseudo-Julianus autem ad Gallos & Venetos datam fingit epistolam. Quibusnam? qui tunc ad Concilium conveniant. Damasus ergo, ejus testimonio, ad eos qui ad Concilium conveniant, epistolam scripsit. Movisset hoc vel crasso risum. Quid autem ineptius, quam arrogatam omnibus occidentalibus fidei sinceritatem unius Hispaniæ civibus vindicare? Hæc facinora sunt egregii historici. Hucusque autem de epistolis, distinguentes legitima ab spuris, aliter atque Damasi operum omnium editor Romanus fecit.

209. *Passionis SS. Marcellini & Petri relationem* tribuit nostro Pontifici auctor quidam vitæ ejus^p, quam sibi (inquit) eorundem speculatorem in sua adolescentia asserit tradidisse. Speculatorem pro speculatorem fortasse melius. Ante oculos habuit martyrium horum Sanctorum à Surio editum^q. In hujus namque fine legitur nota ista: *Hæc omnia Damasus, cum lector esset, puerulus didicit ab eo qui eos decollaverat, & postea factus Episcopus in eo etiam sepulchro his versiculis declaravit:*

Marcelline tuos, pariter Petre, nosce triumphos. &c.

Quæ sincera narratio, & Damasi absque ulla honoris significatione habita mentio, non obscure innuunt non alium ultra eum quærendum *Relationis* auctorem.

210. *De munificentia Constantini Imperat.* libellum fortè Baronius viderat: quippe qui hujus meminit in Martyrologio xviii. die Novembris. Nusquam tamen, quod sciam, editus fuit. Carmine autem (cum, agente Hieronymo, *elegans in versibus componendis ingenium haberet, multaque & brevia opuscula heroico metro ediderit*) quæ ex his ad ætatem nostram pervenerunt,

211. *Carmina* sunt xl. in laudem SS. Apostolorum, aliorumque martyrum, de Christi Domini mysteriis, epitaphia quædam, elogia templorum Romanæ urbis, aliaque. Plura ex istis Baronius excerpit, magnoque operi affixit. Cetera in editione Romana representata sunt. Sed inter alia carmen ix. *De Christo:*

Christe potens rerum, &c.

quod Martinus Del-rius asseruit nostro Damaso, à Raymundo, probatus: alii Claudiano Alexandrino, eximio illi poetæ hujus temporis, adjudicare amant. Ad Mæmertum inclinat Milesius^t, sed Barthius pervicacissime contendit^u Claudiani esse, atque ipsum Claudianum Christianum fuisse. Certè hoc carmen aliis elegantius, & animi plenius est, Claudianæ simillimum.

212. Exstant sparsa variis locis alia ejusdem nostri poetæ carmina, quæ omnia majestatem gravitate Christiana temperatam præferunt. Jacobus Sirmondus in Notis ad Sidonii epist. 12. lib. 3. ex codice S. Mariæ Viridunensis quoddam protulit cum hac epigraphe: *Ad Ecclesiam S. Laurentii in Damaso, quæ alio nomine appellatur in Prasino. Ad fontem.* Incipitque:

Iste salutare &c.

Quod quidem verè redolet Damasi genium, uti & videbatur clariss. Suarezio. Alterum carmen cum Damasi nota ex Prudentii operum cod. ms. qui erat Caroli Widmani, reipublicæ Augustanæ medico ordinario communicavit vulgo Jo. Weitzius, inter Isonis magistri veteres ad Prudentium glossas latens^x, quod incipit:

Fama refert sanctos dudum flevisse parentes. in laudem S. Agnetis martyris. Neque à vero absconum est aliud ibidem editum carmen quod *Constantina* (immo Constantiæ) *Constantini filie* nomine inscribitur, in apside basilicæ quam in honorem ejusdem martyris ipsa Romæ condidit, constituendum, ejusdem quoque Damasi esse. Habent quidem duo hæc epigrammata operum editiones, agnovitque uti germana ejus Baronius Cardinalis Januarii xxi. in Martyrologio. Sed integriora & correctiora apud Weitzium sunt, quasque alia: ut ex illo saltem principio constat. Quæ enim vulgò sic leguntur:

Fama refert sanctos dudum genuisse parentes, Augmentum lugubris cantus tuba cum crepuisset, Nutricis gremium subito liquisse puellam.

Weit-

x Tomo 4. ad an. eccclxxiv num. 11.

l In Prefat. Notar. ad epist. Damasi.

m In Apparatu v. Damasus.

n Ubi proxime.

o Num. 177.

r Tomo 4. ad an. eccclxxiv num. 21. & seqq.

s De bonis & malis libris part. 1. erot. 10 num. 208. t In Notis. u Lib. 1. Adv. 7. & in Notis ad: Claudian. tomio 2. pagina 1070.

p In archivo S. Petri servata pag. 3. edit. Rom.

q Tomo 3. die 11. Junii.

x Pag. 807. in edit. Hanneviana mdcxiii.

Weitzius correctè & cum vero sensu ita edidit :

*Fama refert sanctos dudum flevisse parentes
Agmen, cum lugubres cantus tuba concre-*

puisset,

Nutricis gremium, &c.

Proque septimo isto versu:

Nudam perfusos crines & membra dedisse.
Hunc saniores quis non præferat?

Nudaq; diffusum crinem per membra dedisse.
Ut illud referat quod S. Ambrosius in sermone de Agnetis martyris passione postea scripsit: *Statim ut exspoliata est, crine resoluta tantam densitatem capillis ejus divina gratia concessit, &c.*

213. *Vita S. Nicolai Episcopi Myrensis: que annuatim recitatur* (ait Ludovicus Jacobus à Sancto Carolo in *Bibliotheca Pontificia* y) *in profesto disti Sancti Romæ in Tit. S. Nicolai in carcere Tulliano, ut nos monuit clariss. dom. Suarez Vafionensis Episcopus per epistolam.*

214. *Summa quorundam voluminum utriusque Testamenti hexametris versibus breviter comprehensa*, laudatur ab auctore Vitæ z, quam asservari audivimus in archivo basilicæ principis Apostolorum.

215. *In psalterium carmina ejus circumferri*, nescio unde doctus affirmavit Gesnerus in *Bibliotheca*.

216. *De auctoritate Concilii Capuensis Damasi* notatum nomine opus ms. in Basileensis urbis bibliotheca extare mihi auctor est Theophilus Spizelius in *Sacris bibliothecarum illustrium arcanis relictis* a. Sed arrogare sibi alium parentem opus omnino habet hic commentarius; quia Capuana Synodus de causa schismatis Antiochenæ Ecclesiæ habita fuit post Damasi obitum sub Syricio b.

217. Restat nunc disquirendum *De vitis Pontificum Romanorum* à Petro usque ad Damasum, seu antecessorem ejus Liberium, commentarius, an eundem Damasum auctorem habuerit. Media ætate vulgò ita existimatum c. Sed noviores sagacitate hujus & superioris sæculi germana usi constanter negant, & vel non unum earum auctorem, vel Anastasium Bibliothecarium, cujus continuatio est operis, vel certè Damasum alium Portuensem Episcopum subodorantur. Incircò in re dubia maluit Rattramus Corbensis monachus adversus Græcos scribens lib. 4. cap. 7. *Apostolicorum gestorum* appellatione hunc librum *Pontificalem* significare, absque ullo auctoris nomine. Quòd quidem Damasi non sit, plura evincunt. S. Hieronymus cur non meminit hujus operis, sic illustris ab argumento, intentato ad illud tempus aliis? Stylus non sapit stylum nitidum Damasi, & phrasin cultam. Multa ibi dicuntur non vera, quæque nullius gravis & antiqui auctoris testimonio comprobari possint. In assignandis consulibus manifesti ac crebri errores passim legentes remorantur. Quare princeps operis sui Baronius, à multis, live à duobus saltem, auctoribus formatum fuisse opus, nec facile innitendum ei, alicubi censuit d; ac sæpè repetit. Anastasii Bibliothecarii, qui opus continuavit usque

Bibliotheca vetus Hispana Tom. I.

ad Nicolaum primum, integram esse totius operis fabricam ex dictionis æqualitate alii censent e. Nonnulli tamen Anastasium eo potissimum argumento excludunt, quòd Caroli Magni tempore, ante natum videlicet Anastasium, exaratus codex f *Vitarum* hanc partem, de qua nunc quærimus, Damaso disertè adscriptam habent. Nec tamen ii, quorum in excludendo Anastasio eadem sententia est, in assignando auctore conveniunt, agentibus eruditissimis hujus temporis viris Damasi librum *Vitarum* esse; non quidem istius Pontificis, sed alterius, Portuensis videlicet Episcopi. quod Papirio Massono g primum visum avidè arripuerunt alii h. Displicet autem hoc Labbeo, & ante eum Miræo. Damasum certè Portuensem antistitem frustra requiras in albo ejus sedis, Cardinalitæ nunc, alteriusque à prima Ostiensi, Episcoporum. Illum tamen existimant esse Damasum, cui epistola *De morte Hieronymi* ab Eusebio quodam inscripta ultimo doctoris maximi operum prostat volumine. Cum necessarium sit ad alium eam epistolam quam ad nostrum Damasum, Hieronymo præmortuum, directam fuisse. Quisquis autem hic Damasus alter, ejusdem tamen evi æqualis fuerit, nil minus quam ejus temporis auctoris stylum sapit stylus libri *Pontificalis*. Quod is observavit, qui primam hujus procuravit Moguntinam editionem M. Velfero Duumviro Augustano directam: indeque alii comprobant.

218. Habui penes me cum hæc scriberem codicem ms. ex bibliotheca serenissimæ Christianæ Suæcorum Regina, benignè mihi commodatum ab humanissimo ac docto viro Benedicto Mellino ejus bibliothecario; in quo tam Isidori Chronicon, quam hoc *Vitarum* opus olim descriptum fuit: nec parum diversè ab editis non semel conceptum. Habet autem epistolas præliminares duas: priorem Hieronymi ad Damasum, posteriorem Damasi ad Hieronymum, quæ ipsa satis stylo suo supposititia sese produnt. Quod ne temerè dictum videatur, in hunc locum transulimus uti scripta reperiuntur. *Incipit Episcopalis epistola S. Hieronymi presbyteri. Beatissimo Papæ Damaso Hieronymus. Gloriam Sanctitati tue. Nam humilitas dedicatur, ut secundum Apostolicæ sedis, quam cognovimus gubernari per tuam sanctitatem, curvi precamur, ut actus gestorum à Beati Petri Apostoli principatu usque ad vestra tempora quæ gesta sunt in sedem tuam nobis per ordinem enarrare digneris. Quatenus nostra humilitas sentire cognoscat, quis de Episcopis supradictæ sedis meruit martyrio coronari, vel quis contra canones Apostolorum excessisse cognoscatur. Ora pro nobis beatissime pater. Maximi Hieronymi elegantiam! Sequitur altera. Epistola Damasi. Damasus Episcopus urbis Romæ Hieronymo. Gaudet Ecclesia tuo fonte jam satiata, & amplius sitit curiositas temporum sacerdotalis, ut quod dignum est cognoscatur, & quod indignum respuatur. Tamen quod gestum est, quod potuimus reperire, nostræ sedis est studium ad tuam charitatem gaudentes transmittere.*

T Ora

e Bellarminus *De script. Eccles.* Vossius *De hist. Latin.* lib. 2. cap. 8. & 35. Miræus in *Notis ad Hieronymum. De script. Ecc.* Heterodoxique Coccius, Rivetus, ut ait Placcius *De scriptis Pseudo-nymis in Damaso.* auctor præfationis Moguntinæ editionis hujus libri anno mdcxi, & Parisiensis anni mdcxlix.

f Labbeus vidit, refertque in *Dissert. hist. De Eccl. script.* in Damaso. Aliumque servari huic similem in bibliotheca Cantabrigiensi testatur Vossius lib. 2. *De H.L.* cap. 35.

g *De vitis Pontificum.*

h Baronius, Bellarminus, Ciaconius, Josephum Mariam Suarezium pro hac sententia laudat *Biblioth. Pontificæ* auctor. Pellevinum addere potuit. Sed Josephus Maria Suarezius in hac re aliter apud me judicavit, nullum nempe esse auctorem opus, cum Baronio.

y In Damaso.

z Pag. 58.

a Pag. 29.

b Vide Baronium tom. 4. an. ccc. lxxxix. num. 67. *Collectionem Concil.* Labbeanum to. 2. col. 1039.

c Petrus Equilinus lib. 1. cap. 56. *Catal.* S. J. Martinus Siculus, Trithemius, Platina, Bergomensis, Onuphrius, Gobelintus Personæ in *Cosmographie* etate 6. cap. 21. & ante eos Martinus Polonus in *Præfatione sui Chronici*. Deinde ex novioribus Pujades in *Hist. Casan.* lib. 5. cap. 15.

d Tomo 1. *Ann.* ad annum lxxx. num. 35. & 38.

Ora pro nobis sancte & compresbyter, & vale in Christo Jesu Domino nostro. Data Kalend. Octobris. Missa de Roma Hierosolymam. Hujusmodi nempe sribilignes nomen præ se ferunt elegantissimorum sui sæculi virorum. Quibus tamen olim vulgaribus fortè innixa fuit persuasio eorum, qui Damasum hujus commentarii auctorem credere.

219. Hæ epistolæ à Petro Lambecio viro eruditissimo è codice alio bibliothecæ Cæsareæ lib. II. Commentariorum de ea f. jam editæ sunt: ex quarum posterioris verbis istis: *Tamen quod gestum est, quod potuimus reperire; nostræ sedis studium ad tuam cbaritatem gaudentes direximus*; ipse colligit, alterius quàm Hieronymi, hoc est veterum notariorum, quorum id esset munus, hoc fuisse studium, quod mittere se ad Hieronymum ait epistolæ inscriptus Damasus. Qua tamen viri clarissimi observatione, atque duarum epistolarum non parum correctiore editione, post scripta hæc à me visâ, excitatus, judicium de his sustineo epistolis; quæ quidem doctiorum sententiam abnegantem auctorem hujus libri esse Damasum minimè ferunt. Hos autem sequitur & validè rem agit adversus communem olim persuasionem doctus & eruditus vir D. Emmanuel à Schellstrate in opere suo cui titulus: *Antiquitas illustrata circa Concilia generalia & provincialia*, &c.

220. De Damasi omnium operum editione primus, ut credo, Martius Milefius Sarazanius jurisconsultus Romanus cogitavit, quæ industriæ ejus accepta ferens nuncupavit olim Urbano VIII. Pont. Maximo Federicus Ubaldinus, & cum aliquot ejusdem Martii Notis Romæ Vaticanis typis anno MDCXXXVIII. in 4^o. in publicum edidit. Accedunt hîc Damasi operibus omnibus, quæ nomine ejus, seu verè, seu aliter, circumferuntur, triplex ejusdem Vita, sive actorum compilatio. Prima incipit: *Quia scriptum est*. Brevis ea: cui adjungitur alia *Libri Pontificalis* Anastasio Bibliothecario attributi: & utraque descripta fuit ex ms. codice antiquissimo: in qua tamen Vita facta Cardinalium mentio; aliæque petita è sequiore Latinitate, non ita antiquum habuisse auctorem arguunt. Præterea falsum aliàs videbitur, quod de Galla refertur Placidia, Valentiniani Imperatoris filia, ob hortum sibi gratum extra urbem ædificandæ S. Laurentii martyris Ecclesiæ, quæ nunc una è septem urbis nobilioribus & sanctioribus est, permittente Imperatore à Damaso dicatum, eidem infensa. Nulla enim Galla Placidia Damaso æqualis, Valentiniani filia; sed Theodosii ea certè fuit, quæ isto his diebus nomine appellatur, ex Galla Valentiniani junioris sorore, senioris filia, si Baronium sequimur, qui id non semel notatum voluit^g, & nos in superioribus de Gregorio Bætico & libro ei tribui solito *De Fide ad Gallam Placidiam* loquentes, confirmavimus^h. Quæ quidem historia conitare vero poterit, si pro Galla Placidia, legatur tantum Galla, scilicet Theodosio, quam diximus, nupta. Hæc enim Valentiniani senioris & Justinæ filia fuit, ut ex Zosimoⁱ con-

stat. Sed cum & hanc Theodosii uxorem Gallam Placidiam nuncupatam fuisse, è nummis constare Ezechiel Spanhemius in dissertatione suis *De præstantia & usu numismatum antiquorum* observaverit; causâ deest cur veterem scripturam sollicitare velimus.

221. Altera Vita ex codice ms. archivi canonorum basilicæ S. Petri à D. Constantino Cajetano Abbate descripta dicitur; cujus exemplum itidem ms. in Barberina amplissima bibliotheca servatur^l. In ea observavimus historiam istam de Galla Placidia diversimodè conceptam; nempe Gallæ Placidie attribui, Valentiniani, non quidem senioris, sed junioris, ex Eudoxia filie. Habuisse enim ex hoc connubio Valentinianum hunc geminam prolem, Eudoxiam & Gallam Placidiam memoratam, disertè ait Vitæ auctor. Hæc ejus verba: *Quodam namque tempore, cum dirutarum Ecclesiarum restorationi B. Damasus operam daret, hortum quendam infra urbis mœnia positum ab Imperatore Valentiniano juniore sibi dari poposcit, in qua compatriotæ sui B. Laurentii martyris Ecclesiam fabricaret.* Et infra, postquam de devotione erga Damasum Valentiniani docuisset, unde etiam actum fuerat (ait n) ut voluntate B. Damasi Eudoxiam, Eudoxie Augustæ filiam, duceret in uxorem. Quæ videlicet tantum postea in Christi fide & amore proficere meruit, ut basilicam B. Petri ad vincula construeret, quæ & Eudoxie usque bodie nuncupatur. Quâ susceptâ duas ex ea filias genuit, quarum major matris nomen sortita est, minor vero Galla Placidia vocabatur: sed major in adolescentia defuncta est, unde Augustus in juniorem affectu nimio ducebatur, eo quod sibi unica remansisset. Hæc itaque audiens prædictum hortum B. Damaso &c.

222. Fædissimi anachronismi vitio laborant hæc omnia. Eudoxia quippe, quam innuit, nonnisi Valentiniani III. Constantii & Gallæ Placidie filii, Theodosii Magni & Flaccillæ nepotis, conjux fuit. Duæ omnino Eudoxiæ, duæque Eudociæ quinto vixere sæculo^o. Prima Eudoxia Julia, Arcadii uxor, ærumnarum, ac tandem obitus S. Joannis Chrysostomi auctor p. Secunda Ælia Eudocia, Theodosii junioris conjux, Leontii philosophi Atheniensis filia, quæ Homerocentonè, & alia scripsit q. Tertia Licinia Eudoxia, hujus Eudociæ ex Theodosio filia, quæ Valentiniano III. nupsit primùm, indeque Maximo tyranno; à Genferico Wandalorum Rege capta dimissaque^r. Quarta Eudocia, Eudoxiæ hujus secundæ & Valentiniani III. Imp. filia, quæ ab Hunnerico Genferici filio ducta, materque Hulderici facta, demum abhorrens Arianum conjugem, ab eo secessit, Hierosolymisque obiit. Eudociæ atque Eudoxiæ nomina clarissimè distinguunt nummi & historiæ: quæ tamen alii confundunt^s. In cognominibus Baronium^t sequuti sumus. Aliis^u aliter placet.

223. Ex his Eudocia prima, seu senior, Theodosii junioris uxor, Hierosolyma veniens, catenam alteram ex his, quibus Apostolorum princeps victus fuerat, ad Eudoxiam filiam, Valentiniani III. conjugem, Romanam

x Dissert. 7. pag. 640. in 2. edit. Amstelodam. MDCXXX.

l Cod. 1214.

m Pag. 97.

n Pag. 48.

o Zosimus lib. 5. Vide Baronium. 5. ad ann. cccxcv. num. 3. p. Marcellinus Com. Socrates lib. 7. cap. 21. Baronius ad ann. cdxix. n. 2. & cdxix. n. 17. q. Marcellinus Comes *Actio de Sigisnudo* Cos. Socrates lib. 7. cap. 44. Baronius ad ann. cdxix. n. 17. & cdxix. n. 5. r. Nicephorus lib. 15. c. 12. Procopius *De bello Wandal.* lib. 1. Baron. ad ann. cdxv. num. 14. & cdxix. n. 23. s. Uti Hieronymus Heninches tom. 4. *Theat. General.* pag. 944. & 945.

t Ad annum cdxix. num. 17. u Christ. Adamo Ruperto ad *Symposium* Resoldi in *Theodosio juniore*.

f Cap. 8. pag. 924.

g Tom. 4. ad an. cccclxxxviii. n. 58 & ad an. cccclxxxviii. n. 100. item ad ann. cccclxxxv. num. 5. h Hoc lib. 2. cap. . . .

i Lib. 4.

mam misit; quæ quidem Eudoxia templum exstruxit ea occasione, in eoque custodiri voluit auro quovis pretiosior ferreus hic thesaurus, ut refertur in Annalibus Ecclesiasticis^x & in Notis ad Romanum Martyrologium prima die Augusti. Facta igitur hæc sunt quinto sæculo, du post Damasi mortem; qui, uti diximus, obierat an. CCCLXXXIV. Valentinianus autem Eudoxiam Theodosii filiam & Eudociæ Augustæ, de qua Vita, in quam inquirimus, non ante an. CDXXXVII. plus minus, desponsavit^y.

224. Hoc dempto errore, quædam exinde sunt mihi vetustatem sapere visa. Hieronymum ait^z habitatum secessisse *Syriam barbaric* junctam: barbariam pro Arabia sumens, parum usitatè, sed è penu ipso Latini purioris sermonis. Plautus in Persa^a:

*Forma expetenda liberalem mulierem,
Furtivam, advectam ex Arabia penitissima.*

Quæ tanquam repetens Toxilus ait:

*— Ne quis verò ex barbaria penitissima
Persequatur, etiam tu illum destinas^b.*

Sive pro barbarorum, hoc est, non subditorum Romanis, regionibus. Hoc enim usurpavere sensu barbarie, non minus quam barbarici vocabulum, antiqui & boni scriptores. Justinus lib. 12. cap. 3. *Ibi nihil actum tot egregius præliis ait, si incolumis orientalis barbaria relinquatur.* Ex cap. 6. *In ultimam deductos barbariam.* Libro quoque 9. cap. 5. *Et confinis domitarum gentium barbaria.* Quomodo in veteribus libris legitur^c. Plautusque iterum in Pœnulo a Græco more de Italia agens:

Macerato hoc pingues fiunt auro in barbaria boves.

225. Indicium quoque aliud antiquitatis est, quod *librum Pontificalem* haud tribuat Damaso. Mentio tamen Joannis XIX. ac Stephani IX. præter Adrianum I. versus finem facta evincere videtur post decimum ad minus sæculum Vitam hanc scriptam. Tertiam demum S. Damasi Vitam adjunxit operum compilerator à Benedicto presbytero, uti præfert, conscriptam, parum quidem frangi; nam & Constantinum, sub quo Liberius

Pontifex, nepotem facit Constantini Magni, qui filius fuit; immo Constantino huic, sive Constantio tribuit, quæ Magno parenti Eusebio, scilicet Nicomediæ baptizatum & mortuum esse. Nec aliud tota est quam Homilia quædam, seu actio Ecclesiastica, in die solennis festi S. Damasi corporis translationis.

226. Hujus sanè epistolas, quas diximus, Conciliorum omnes editiones representant. Quas verò cum Hieronymo commutavit, editiones sancti hujus doctoris operum, cum Clementis quoque Papæ I. *Recognitionibus*, sex harum epistolas fuisse simul editas, Conrado Gesnero credimus^f. Quasdam verò asservari mss. Cantabrigiæ, in bibliotheca publica regni Angliæ & monuit Pontificiæ auctor. *Carmina* autem, seu *elogia* variorum *Sanctorum*, quæ Romæ passim in diversis Ecclesiis leguntur, perennioribus typis sculpta^h, conjecta sunt in *Bibliothecam SS. Patrum*; & in *veterum poetarum Christianorum collectionem* G. Fabricii. Edita quoque ab Aldo Venetiis anno MDI. apud Miræum leguntur. Ego tamen in Aldina editione anni MDII. *Carmina* dumtaxat reperio *De laudibus Pauli Apost.* Plura eorum Baronius in Annalibus transcripsit, & Aringhius in *Romæ suæ subterraneæ opere*^k; qui & de sepulchro almi Pontificis ad S. Laurentii eodem sacram, quam in *Damaso* appellant, ultimaque ejus sub Urbano VIII. auspiciis amplissimi viri Francisci Cardinalis Barberini Vice-Cancellarii, sacrique nunc collegii Decani, multis mihi nominibus venerabilis, eodem in templo honorificentissima collocatione pluribus agit^l.

227. Inviti ab amplissimo viro, inclytoque doctore ac Pontifice discedimus. Siquidem post annotata non indiligenter gesta ejus, quæ ad Bibliothecam pertinent, adhuc subsistimus; & quidem non multum operæ pretium facturi, quantumvis veritati testimonium demus: ipsa enim fabulosa, quam affictum unus, narratio, refellit ipsa sese absque aliena opera. Notabimus tamen, ne fallantur creduli. Lapis quidam jactatur à nonneminem sic inscriptus in Catalonia.

HIC NATVS DAMASVS PONTIFEX ROMANVS
DISCIPVLVS ET MONACHVS S. HIERONYMI
PRESBYTERI, QVI OBIT ERA CÆSARIS
CCCCV.

Monachum S. Hieronymi, hoc est ordinis sive instituti, cujus auctor dicitur S. Hieronymus, fuisse Damasum, res est sibilo potius quam refutatione excipienda; & tamen Gregorius Argaizius Benedictinus, repugnantibus monachatu Damasi argumentis, haud quidem obrui se sinere ait, contentus duobus pro monachatu perperam adductis. Primum est Petri Calzolari testimoniumⁿ, qui ait Damasum fuisse monachum, quique pro se adducit hujus rei testem Raymundum^o nescio quem, sive Remondum monachum, & historicum, ut ait, fidelem, ex opere *Collectario* appellato, parum aliis, aut minimè notum, qui de historicis in catalogos colligen-

Bibliotheca vetus Hispana Tom. I.

dis solliciti fuere; quasi antiquæ adeò res duorum triumve ante nos sæculorum auctoribus firmiter innitantur. Alterum est non bene colligi ex ministerio scribendarum epistolarum Damaso Papæ à Hieronymo præstito seniore esse Hieronymo Damasum: nec item ex eo quod admittamus contrarium, consequi nos posse Hieronymum ab epistolis Damaso minimè fuisse. Historiam nempe spernit omnem, qui sic indulget sibi in rebus historicis; quas quidem non Lesbiæ regulæ inanum rei conjecturarum, sed rebus ipsis gestis ex idoneis auctoribus productis metiri oportet eos, qui prodigere famam suam nolunt.

T 2

228. S. Hier.

^x Tomo 5. ad ann. CDXXXIII. num. 7.

^y Baron. ad ann. CDXXXIII. num. 14.

^z Pag. 56.

^a Actu 4. sc. 3. vers. 52. & 71.

^b Vide Alderum *Antiquitates de Hispania y Africa*, lib. 1. cap. 28.

^c Pareus notat in *Lexico Critico*, verbo *Barbarus*.
^d Actu 3. sc. 2. vers. 22.

ⁿ In *Historia monastica Italica* lingua scripta, giorn. 1. pag. 19.
^o Videndus ibidem pag. 34.

^e Eusebius de *Vita Constant.* lib. 4. cap. 67. Socrates lib. 2 cap. 26.

^f In *Biblioth. epist. ver. Damasus*.
^g Cod. 27. n. 2. & cod. 235. n. 3. & 7.

^h Loca notat Marmilesius in *Notis*.

ⁱ Ad ang. CCLXXXIV. a num. 21.
^k Variis in locis. Quære tu *Indicem*.

^l Lib. 3. c. 12. num. 17. & 18.

^m D. Canales in *Hist. Urgelensis Eccles.* citatus ab Argai-zio tomo 1. *De la Poblacion. Eccles. de España* par. 2. pag. 274.

228. S. Hieronymus adolescens adhuc in orientem se conferens militavit sub Theodosii monachi disciplina (cujus quidem Theodosii meminit Theodoretus^p) ut colligitur ex epistola ad eum missa: ibique mansit anachoreticam, indeque monasticam vitæ normam sequutus^q; nec ante annum humanæ regenerationis CCCLXXII. Pontificatus Damasi sextum decimum ad Concilium Romæ hoc anno celebratum venit^r; in qua urbe triennio ferè actò, post Damasi mortem recessit inde iterum in orientem & Hierosolymam^s.

229. Oportuit ergo Damasum, si quando regulam à S. Hieronymo sibi instillatam amplexus fuit, tunc temporis amplexum fuisse, quum sedecim actis in gubernatione totius Ecclesiæ annis, ejus ministerio utebatur: quem summi Pontificis institutorem fuisse, auctoremque ei monachatus tunc demum, & in supremo dignitatis ac perfectionis apice à Damaso suscepti; nemo sanus credet insanienti Urgellensis epitaphii scriptori: quod Argaius facit famæ securus. Qui & ipse oculis suis cæcitatem indicit, cum de Damasi atque Hieronymi ætate dubius hæret. Damasus mortuus est ferè octogenarius, ut S. Hieronymus ait^t, anno CCCLXXXIV. Hieronymus supervixit Damaso xxxvi. annos, vitâ sanctus CDXX. natus verò, si Prospero credimus^u, xci. si Bedæ, Adoni, & aliis^x, xcvi. si Baronio calculum curiosè deducenti^y, lxxviii. tantum, vel lxxix. Quicquid sit, Argaius remittendum est, ut nos doceat unde nam didicerit^z, ignorari, Damasumne an Hieronymus alterum ætate præcesserit.

CAPUT VII.

De PACIANO Barcinonensi antistite. Eusebrenius error. Barcino jam Hieronymi ævo Barcilo dicta. Episcopi olim ex civibus. Paciani ævum. Lampius, non Lampadius, ille qui S. Paullinum sacris initiavit, Barcinone Episcopus. Paciani eloquentia & sanctitas. Ejus opera quæ exstant. Quis Novatianus adversus quem scripsit? Aspice deperditum quale opus? De OLYMPIO Episcopo fortè Barcinonensi, & fortè eodem cum Lampio Paullini. Falsò assumi à Pseudo-Dextro Toletanum hunc Episcopum fuisse. Refelluntur de hoc nomine hujusmet Pseudo-Dextri, Luitprandi, & Juliani chimericorum historiarum figmenta. Germanum Olympii De fide opus.

230. AD ejusdem Cæsaris Theodosii senioris imperii tempora, non minus vitæ innocenter actæ quam doctrine merito illustris, PACIANUS attinet Barcinonensis Episcopus; de quo elogium in primis de libro Ecclesiasticorum scriptorum S. Hieronymi proferendum est. Pacianus in Pyrenæi jugis Barcilo Episcopus, castitate & eloquentia, & tam vita quam sermone clarus, scripsit varia opuscula, de quibus est Képos, & Contra Novatianos liber. Sub Theodosio Principe jam ultima senectute mortuus est. Ex uno quidem homi-

ne duos fecit a magno errore Eusebrenius, alterum Marcianum, alterum Pacianum appellans, Barcinonensem utrumque Episcopum, & Novatianorum hyperaspisten. At hoc nomen & Vibio Paciano fuit M. Crassi amico, apud Plutarchum in hujus vita.

231. Geographia verò Hispaniæ longè à Pyrenæi jugis Barcinonem urbem Cataloniæ primariam in ora maris agnoscit, quam Hieronymum non accuratè descripsisse res ipsa clamat. Nec ideo tamen Barcinonis appellationem, quæ ab origine ei indita est, revocamus isthoc loco; cum non minùs, hoc maxime Paciani ævo, indigitata Barcilo fuerit. Haud enim aliter Gennadius de Vigilantiò, Barcinonensem eum parochiam tenuisse ait. Ita & S. Paullinus Barcilo se in Hispania sacris initiatum scribit Alypio^c. Avienus item in Ora maritima^d

Inde Tarraco oppidum, Et Barcilo, num amœna sedes ditum. paullulum jam degenerante prisca nomenclaturâ in eam, quâ vulgus hanc hodie urbem vocat. Jornandis liber De rebus Gethicis^e Barcilonam similiter habet; uti Olympiodorus^f Græcè *ἡ πόλις τῆς Βαρκιδάνας*, juxta Barcilonem, in templo quodam sepultum fuisse Theodericum infantem, Ataulphi & Placidiaz filium, ait.

232. Hispanum patriâ fuisse, ac fortè Cataloniæ sive Barcinonis civem, affirmare vix possumus: conjectamur tamen ex mentione hujus unica in Hispaniensi sacro munere, & ex antiquo more eligendi ferè Episcopum non alium quàm civem, de quo Julius Papa I. in epistola ad Eusebianos scripta apud Athanasium in Apologia secunda: Ubi enim est (inquit) iste Ecclesiasticus canon, aut istiusmodi traditio Apostolica, ut in pace agente Ecclesia, & Episcopis concordibus cum Episcopo Alexandriæ Athanasio existente innittere Gregorium peregrinum & externum hominem, neque Alexandriæ baptizatum, neque plebi cognitum, neque postulatum à presbyteris &c.

233. Non ita constat quo anno ad sedem hujus Ecclesiæ Pacianus ascenderit, quandoque eam tenuerit^g. Pseudo-Dextri namque testimonium^h, quantumvis idoneum esset, nil ultrâ nos docere poterat, quàm eum anno CCCLXXXV. Ecclesiæ isti jam præesse, anno autem CCCXCVI. jam vacuum Lampio successor locum reliquisse. Meus autem Chronici hujus ms. codex, diversissimi quidem ab eo qui hætenus eo sub nomine se se venditat (de quo, quum ad Dextri mentionem deveniemus, plenior à me notitia querenda est) in ea parte quæ deperditi integri Chronici veluti synopsis brevissimam continet, ita habet:

Olympius Tolet. Episcopus ad annum CCCXLVII.

Severus martyr Barcil.

Pater meus.

At in ea parte, quæ integra durat, ab anno scilicet CCCL. usque ad CDXXX. emortualem parentis annum disertè notat, ex quo ad CCCXCI. ita legitur:

Paciano Barcinonensi Episcopo parenti meo suc-

^p Hist. Religiôse cap. 10. tom. 3. operum.

^q Ex Bulla confirmationis ord. S. Hieronymi.

^r Baron. t. 4. ad hunc annum. 2.

^s Idem ad ann. cccclxxxv. num. 7.

^t De script. Eccles.

^u In Chron. Theodosio IX. & Constantio III. Cels.

^x Bedæ, Ado, Usuardus in Martyrologiis. Sigeb. in Chronico.

^y Tomo 4. ad annum cccclxxxii. n. 61. tom. 5. ad ann. cdxxx. num. 29. Verba ejus pag. 275. inf. 5. puer noster Sabes tal anhelacion en la edad.

^a In Catal. sept. veritas ad an. cccxciii. & cdx.

^b De script. Eccles. cap. 18.

^c Inter J. Augustini Epistolas 35. d Versu 520.

^e Sect. 55.

^f Apud Photium cod. 80. col. 187.

^g Videntur Pujades in Hist. Cataloniæ lib. 5. c. 17. h ad ann. cccclxxx. n. 5.

Succedit Lampius, & Augustali Illiberitano Maturius &c. Quod optimè convenit cum S. Hieronymi facta de eo mentione in suo scriptorum catalogo, quem composuisse eum anno xrv. Theodosii, hoc est CCCXCII. sepius antea fuit à nobis notatum, Alii aliter existimant. Jacobus Philippus Bergomensis superfuisse etiamnum credidit anno CDV. Aliis placet CDXI. Episcopologia duo Barcinonensis mortem ejus assignant anno CCCXCIX. Michaël Pujades & Ant. Domenec anno CCCXCVIII. qui omnes refelluntur S. Hieronymi testimonio. Rem acutegere Franciscus Diago lib. 1. & eo laudato Hier. Pujades lib. 5. cap. 17. Labbeus in differt. *De scriptor. Ecclesiasticis* ad CCCLXXX. inclinatur.

234. Planè quòd Pacianum Severi martyris successorem innuit fuisse, communi repugnat de Severo Catalanorum persuasioneⁱ, Eurici nempe cum Regis Gotthorum tempore jussuque martyrio impensum. Successor autem ejus Lampius ille est, qui Paulinum, inclytum post futurum sanctitate ac doctrina Nolæ urbis in Campania Episcopum, sacris, hoc est presbyterio, initiavit, ut ipsemet Paulinus ad Alypium Tagastensem antistitem datis literis annotatum reliquit^x. Quod contigisse anno CCCXCIII. annotat in *Paulino suo illustrato* Petrus Franciscus Chiffletius parte 2. cap. 4. Lampadium hunc assecle vocaverint Pseudo-Dextri, quomodo ille vocat^l. Nos quare recedamus à Lampii nomine, quo Paullinus utitur, & confirmat noster, quem laudamus, Dextri codex, non ullam videmus caussam. Nisi Olympius pro Lampio sit à Paullino laudatus: de quo in Olympii mentione hoc eodem capite.

235. *Castitate Pacianus & eloquentia, dicitur, & tam vita quam sermone clarus.* In ms. Henschenii, clarissimi sanctorum encomiastæ, aliter legi nos ipse docet^m, nempe *castitate eloquentiæ*, quemadmodum in Gemblacensi, quem Possevinus laudat, agnovitque Hieronymus Paullus in *Barcinone* suaⁿ. Nec juvat Honorius Augustodunensis ad dignoscendam veram Hieronymi lectionem: quippe qui *tam vita quam sermone* clarum, dumtaxat ex archetypo exculpit. Sophronius ita hunc locum παραρρέζει, ut neutri adhareat: οὐδὲν εἶναι, ἀρραδία, καὶ λόγῳ λαμπρὸς. *integritate vite, prudentia, & sermone clarus.* Castigari verò sermonis, quo utitur, laudem agnoscunt noviores critici, è quorum numero Joan. Fredericus Gronovius libri *observationum in Ecclesiasticos auctores* capite 18. *S. Paciani* (ait) *Barcinone Episcopi pauca exstant, sed gravissimis scripta verbis ac sententiis, & diligenti veterum literarum imitatione.* Pergitque colligere elegantiae flores, è Latinæ linguæ coryphæorum hortis ab eo decerptos.

236. Certum est ab hoc Paciano procreatum fuisse Dextrum, ex legitimis nuptiis (quod verisimile est^o) natum, Hieronymo ipso teste^p: de quo prolixius loquendi dabitur nobis infra occasio. Vitæ sanctitatem prodit inveterata Ecclesiæ de ea opinio, cum Martyrologia omnia ix. Martii, aliàs xi. diem

natalem ejus celebrandum præscribant. *Acta Sanctorum* & Henschenii & Papebrochii, aut *Hispanum Tamaji Martyrologium*^r non transcribimus. Dies hic ix. Barcinone festus dies est ex præcepto Synodi Dioecesanæ Barcinonensis anni MDC.^s

237. Clarum adeò Episcopum, filii quoque Dextri literis ac dignitate posteris commendatum, celebriorem adhuc opuscula quedam verè catholica, etiam nunc exstantia, præter alia deperdita, reddidere. Quorum, & utilissimæ doctrinæ nomine, apud Catalanos suos meruit olim sacro ritu doctorum proprio celebrari. Quæ autem ante oculos habemus hæc sunt:

238. *Adversus Sempronianum Novatianum* epistolæ iii. Prima est *De catholico nomine.* Secunda *De ejus literis.* Tertia *Contra tractatus Novatianorum.*

239. *Parænesis, sive exhortatorius libellus, ad pœnitentiam.*

240. *Sermo ad fideles & catechumenos* De baptismo. Hæc omnia volum. 4. *Bibliothecæ veterum Patrum*, tum seorsum exstant. Nimirum *Parænesin ad pœnitentiam*, aliam *De baptismo, epistolæ duas ad Sempronianum, tractatumque* (quæ aliàs epistola) *adversus Novatianum*, primus edi curavit Parisiis apud Carol. Guillardum anno MDXXXVIII. in 4^o. Joannes Tilius, nuncupata Joanni Gagneo theologo & ecclesiastæ Francisci Regis primi, ac celeberrimo Scripturarum sacrarum interpreti. Epistolæ edidit, atque item cætera (ut credimus) opera, Paullus Manutius cum Salviano, Maximo, Sulpicio Severo, & aliis, Romæ MDLXIV. in folio, curâ Petri Galefini, Carolo Cardinali Borromæo dicata. Novatians scilicet^u S. Cornelii Papæ antagonista, primusque in Ecclesia Dei Anti-papa^x, unâ cum Novato quodam hæresin suscitavit tertio sæculo, quæ semel lapsos post baptismum non admittebat ad pœnitentiam; quare indigere eos alio contendebat baptismate. secundas nuptias condemnabat, similibusque aliis insanis non hoc sæculo tantum, sed & quarto, præsertimque in occidente, quo tempore florebat Pacianus, ipsa furebat. Unde data ei occasio ad Sempronianum, ex Novatianorum grege, qui catholicum sibi arrogabant nomen, *De catholico nomine* literas dandi, in qua de hujus nominis ratione illum docet, rursusque ad responsionem Semproniani reponens alteram tertiamque epistolam, præcipuum istud ejus dogma, pœnitentiam post baptismum fidelibus denegans; quare audire volebant, aut ironice ab aliis appellabantur *Cathari*, hoc est *puri*, telis propugnans catholicæ veritatis, atque explanatis sacrorum librorum verbis, quibus abutebatur hæreticus, in suis ipsum castris concidit. *Parænesis* autem *ad pœnitentiam* ingeniosa est & elegans, ut inde potissimum agnoscas quantum sermone valuerit Pacianus^z.

241. *Λίπος*, sive hujus Græcæ appellationis opusculum, quod S. Hieronymus laudat, hodie non exstat; nec item quale fuerit novimus. *Κέπος* alii nominant. Susplicari an licet *Κέπος* scriptum? quomodo vas quoddam fictile

q. Die ix. Martii.
r. Eodem die.
s. Domenec ubi supra die ix. Martii fol. 24.

t. Pujades lib. 5. cap. 17. fol. 239.

i. Domenec *De sanct. Catal. vi. Nov. fol. 105.*

x. Epist. inter alias S. Augustini 35. inter Paullini 45.

l. Ad ann. CCCXCVI.

m. 2. volum. Martii die ix. pag. 44.

n. 2. volum. *Hisp. illustr.* pag. 142.

u. De eo S. Hieronym. *De scriptor. Eccles.* cap. 70. Epiphanius *Her.* 59. Cyprian ep. 55. *Concil. Nicen.* cap. 4. Baron. sepe.

x. Notat Baronius tomio 2. ad ann. ccliv.

y. Baron. tomio 4. ad ann. cccxxxix. 57.

z. Omnia ejus opera, collata prius cum ms. codice Vaticano octingentorum, vel circiter, annorum antiquitatis, edidimus nos tomio II. *Collect. Max. Concil. Hisp.* pag. 79. & sequentibus, adjectis Notis, sive commentariis. CARD. DE AGUIRRE.

o. Diciturque in officio Breviarii Barcin. 4. lect.
p. *De script. Eccles.* cap. 132.

ficile audiebat in loculos distinctum, quod variis fructibus onustum sacris adhibere solebant veteres. Varium enim opus, si tale fuit, non ineptè, uti & πένθος, ἔρως, Ἀμαλθείας κέρως, à varietate & copia vocari potuit.

342. Frustrà fuit qui aliud *adversus Donatistas* opus Paciano attribuit, Stephanus Salazarius Cartusianus ^a.

^a *Discursos sobre el Credo*, disc. 16. cap. 2.

343. OLYMPIUM Episcopum Hispanum inter scriptores Ecclesiasticos à Gennadio memoratum, eo quod non unus aut alter ex nostris historicis Barcinonensem Episcopum Paciani successorem constituit, huc sistere oportet. Gennadii hæc sunt ^b: *Olympius natione Hispanus, Episcopus, scripsit librum fidei adversus eos qui naturam, & non arbitrium in culpam vocant: ostendens non creatione, sed inobedientia insertam naturæ malum*. Hunc insigni encomio donavit S. Augustinus contra Julianum Pelagianum scribens, paullo à principio libri: *Olympus* (ita legimus in nostro codice sancti doctoris operum, non *Olympius*) *Hispanus Episcopus, vir magnæ in Ecclesia & in Christo gloriæ, in quodam sermone Ecclesiastico. Si fides, inquit, unquam in terris incorrupta mansisset &c.* Laudat hunc ipsum inter sanctos Dei antistites, memorabilesque doctores, quorum testimoniis adversus Julianum agit lib. 2. cap. 10. & lib. 3. cap. 17.

^b *De scriptis Eccles.* cap. 23.

344. At Barcinone antistitem fuisse, Catalani scriptores catalogo Episcoporum hujus urbis docti contendunt; quorum Hieronymus Paullus c. Barcinonensis, peritissimus (Surita etiam teste) *antiquitatis vir, coryphæus esto, probatus aliis*. Hujus verba, nec frustra, hic dabo: *Ornavit & hæc tempora antistes Olympius, cujus persigni exemplo Pontius Paullinus Aquitanicus sacris nostris in hac urbe initiatus ad Pontificatum Nolanum assumptus est. Hujus exstant epistolæ ad Licentium poetam, Aurelii Augustini alumnus, religionis & humanitatis plene*. Nempe hic auctor non solum existimasse videtur mihi, eundem Olympium hunc esse cujus Paullinus ipse in epistola ad Pammachium his meminit: *Scriptis enim sancti viri fratris nostri Episcopi Olympii, communis unanimi, nuper accepi tam inopinatum mihi quàm inoptatum tui mororis* (propter obitum Paullinæ conjugis) *indicium*. quo loco substituendum fortè patris pro fratris fuerit: hac enim appellatione vocari à nondum Episcopo debuit Episcopus ^d. Immo & non *Lampium*, sed *Olympium* appellatum, qui Paullinum sacris initiavit. Quod quidem sincerè ab Hieronymo Paulo dictum, velle nobis aurem, ut non temerè dubitemus de scripto *Lampii*, apud Paullinum eundem ^e nomine, Olympiumque subrogandum, quomodo legisse doctus ille videtur vir, commodum suspicemur. Sed suspicemur tantum. Quippe nos tantisper detinet, parum vero simile esse Paullum de obitu Paullinæ Pammachii conjugis Romæ defunctæ non prius Nolæ audivisse, quàm ab Olympio ex Hispania sic longè diffusa factus certior esset. Si autem non tanti est hic obex, cetera conveniunt hætenus dictis. Decedente enim è vivis Paciano circa annum CCCXCI. uti superius diximus, ordinatus Paullinus fue-

^d Observat Chiffletius, sed nihil tentat, in Paullini illustr. par. 2. cap. 12.

^e *Epist. 47. ad Alipsum.*

rit à successore Olympio anno CCCXCIII. idemque ejus meminerit ad Pammachium anno CCCXCVI. aut circiter scribens. de quæ annorum ratione consulendus est Paullini doctus ac diligens illustrator ^f. Quod quidem egregiè confirmat nulla mentio Lampii in catalogo Barcinonensium præsulum, sed Olympii tantum, post Pacianum facta.

^f Chiffletius 2. par. cap. 4. & 10.

345. Olympium verò circa hæc tempora, nec prius floruisse, inde mihi non leviter probatur, quod cum talis vir fuerit, & scriptor Ecclesiasticus, minimè tamen illius mentionem S. Hieronymus fecerit, cujus catalogus ad annum CCCXCI. quo fuit absolutus, pertingit tantum. Aliud quoque argumentum suboritur ex libri ab eo scripti proposito, quem, ut videbimus, adversus Priscillianistas circa hoc tempus grassantes elucubrâsse videtur. An autem idem cum eo fuerit Olympio, cujus Conoilio I. Toletano subscriptum nomen exstat, ambiguum fortè erit, Baronio & affirmante, negantibus aliis, præsertim Hieronymo Romano de la Higuera ^h, qui eo argumento utitur, S. Augustinum ubi supra, Olympium eo ordine laudasse, ut Hilario, Ambrosio, Basilio, Gregorio Nazianzeno, Joanneque Chrysostomo, priorem non obscurè significaverit. Nos cum Higuera convenimus, non quidem ut Olympium scriptorem hunc excellentissimum præferamus ætate magnis illis doctoribus, aut ab exeunte quarto sæculo ad aliud quodvis tempus ablegemus; sed quia subscribens Galliciæ Synodo, non Toletanæ, (ut in præcedentibus ⁱ de Audentio tractantes evincere conati sumus) nihil videtur cum Olympio Barcinonensi, si talis fuerit, commune habuisse. Nec tunc ordo ille servatus ab Augustino remove nos à statu debet. Aliàs Basilius post Chrysostomum nominatus non utique eum præcesserit, cum revera Basilius ann. CCCLXXVIII. Chrysostomus CDVII. mortem obierint.

^g Tomo 5. ad ann. CDV. 38

^h *Hist. Tolet.* ms. lib. 9. cap. 7.

ⁱ Cap. 5.

346. Sed bonum verbum, ajunt, intercedentes Olympii Catalano præsulatui Toletanarum rerum scriptores, qui Pseudo-Dextri verbo audiunt. Quibus placandis necesse erit ab Olympii vera, aut vero simili saltem, historia nuper ostensa fabulosam ei à Pseudo-Dextro imputatam seriò distinguere, Toletanamque sedem ab hoc falso eis, si unquam aliàs, irrogato honore vindicare. De Olympio habes in ejus Chronico insanè debacchantis ingenii hos saltus, mendacissimeque hinc inde corrogata, ut solet, plurimum ejusdem appellationis hominum gesta, & in unum coacervata, ut munus tibi solenne Ecclesiæ & urbi amplissimis impudenter adulandi strenuè prosequeretur. *Natali Pontifici Toletano* (ad annum ait CCCLII.) *succedit Olympius vir pius & doctissimus, ad quem aliquoties scribit Gregorius Nazianzenus. Hic fuerat prius in Thracia Episcopus. Relegatus in exilium venit in Hispaniam, & fuit electus à Toletanis loco Natalis: qui editis libris mirè contra hereticos sui temporis pugnat. Rursusque ad annum CCCLVI. Olympio viro celeberrimo & sanctissimo, qui fidei causâ multos* & in-

^k 1. §. 2.

Et incredibiles labores passus est (nam tertio pro defensione fidei catholicae foris, & in Hispania etiam, Toleti exsulaverat Episcopus, librosque edidit, quos inscripsit ad Caelestinum consulem Beticae, qui postea martyr fuit) succedit in ea sede Gregorius &c. Et paullo post: Celebris habetur memoria S. Olympii apud Toletanos, qui anno CCCXLV. interfuit Concilio Cordubensi in causa Aibanasi, quo frequentes Episcopi confluerunt ex Hispania, Gallia, Italiaque, Germaniaque. Inter alios praeter Olympium Coelius Caesar-augustinus, Marcellus Castulonensis, &c. Itemque ad annum CDXXVIII.¹ Celebris habetur in Carpetania memoria pii Pontificis Olympii, cujus liber De Fide ibi & alibi diligenter voluitur.

347. Nondum tamen fabularum finis: nam Pseudo-Juliano impositum inde fuit, ut somnari pergeret. Ad annum is CCCLIV. in Chronico^m: S. Olympius Episcopus Thraciae quo tempore Natalis (Episcopus Toletanus, quem fingit exulem hujus sedis, creatum fuisse Mediolani antistitem) mittitur in exilium in Italiam, & ille mittitur in Hispaniam, vacanti sede Toletana praefuit. Fuit scriptor nobilis, & acerrimus fidei defensor. Cum esset Episcopus Thraciae interfuit Concilio Gangrensi. Fuit natione Hispanus ex Olyssippone civitate Lusitaniae. Successit Natalio anno CCCLII. ad annum CCCLX. Notaverat prius idem auctorⁿ, interfuisse Concilio Nicæno generali Olympium alterius diocesis Episcopum; post vero in exilium ad Hispaniam missum, Episcopum Toletanum. Item^o: Olympius collegit Toleti Concilium de recipiendis laicis (immo lapsis) jam poenitentibus, & iis etiam qui cum illis unquam communionem subierunt. Et paullo post^p: Sanctus Olympius anno CCCLIX. Concilio Ariminenfi CD. Episcoporum, CCCXX. catholicorum, LXXX. Arianorum, interfuit.

348. Necnon & Pseudo-Luitprandus symbolam suam contulit. Adversario 152. Duo fuerunt (ait) Archiepiscopi Toletani vocati Olympii: alter ex Episcopo Thraciae, vir sanctus, qui successit Natali, cujus meminit S. Augustinus; alter qui interfuit Toletano Concilio ex Episcopo Oxomeni: uterque tamen nobilis scriptor. Olympium hunc secundum Toletanum Episcopum, Martini successorem, obiisse, locumque reliquisse Fetadio vacuum an. CDXXIV. annotavit etiam Pseudo-Dexter^q. Tot fictiones ferme quot verba. Ea tamen omnia in aliquot capita collegimus, ut facilius recidamus.

I. Olympium Olyssipponensem patriam fuisse.

II. In Thracia Episcopum, & interfuisse Concilio Gangrensi.

III. Scripsisse ad eum literas Gregorium Nazianzenum.

IV. Venisse exulem in Hispaniam, ibique rexisse Ecclesiam Toletanam absente Natalio. Qui Natalius exsul & ipse ex Hispania factus fuit Mediolani Episcopus.

V. Interfuisse eum Concilio Cordubensi, quo absolutus fuit Aibanasius anno CCCXLV.

VI. Successisse Natalio in sede Toletana anno CCCLII.

VII. Coegisse Concilium Toleti pro recipiendis lapsis ad poenitentiam.

VIII. Ariminenfi Concilio interfuisse anno CCCLIX.

IX. Scripsisse libros inscriptos ad Caelestinum consulem Beticae, qui martyr fuit.

X. Obiisse anno CCCLX.

349. Quoad primum nonne jam à limine ipso translucet malè consiliati inventoris temeritas, credendum sibi non egrè fore sperantis Hispanum natu, hoc est Latinum hominem, in Thracia, hoc est Graecae Ecclesiae, creatum fuisse Episcopum? Sed ut hoc magis clareat, veram Olympii hujus Graeci antistitis historiam recensere opus. Diversum ab Hispano fuisse tam certum est, quam utique certum est unum atque eundem esse hominem eum, qui sub speciosis istis veterum historicorum Dextri, Luitprandi, Juliani, titulis jam diu ludificatur simplicium oculos.

350. II. Olympius Aeneas in Thracia Episcopus, qui Sardicensi Concilio anno CCCXLVII. interfuisse creditur, Arianorum operam e sua sede depulsus est. S. Athanasius Diodorum quoque Episcopum (ait in epist. ad Solitarios) sua sede expulsum. Olympium item ex Aenis, & Theophilum ex Trajanopoli, ambos Episcopos Thraciae, bonos & orthodoxos viros, insensos heresi, calumniis appetere &c. Et paullo post: Habebat autem edictum, ut non solum e civitatibus & Ecclesiis ejicerentur; sed & capitali poena ubicumque inventi essent plecterentur. Olympii mentio quidem fit in ejusdem Concilii canone XXI. quamvis subscriptio ejus inter aliorum non hodie legatur. S. Olympii Thraciae Episcopi ab Arianis sede pulsi mentio habetur in Fastis sacris XII. Junii. Quod verò idem hic Olympius unus fuerit ex Gangrensis Concilii patribus^r, jam primum fabulatoris mendacium est. Quid enim Thraciae Europae cum Gangris Asiae, hoc est Paphlagoniae, urbe? aut Thraciae Episcopo cum provinciali tantum XVI. Episcoporum Synodo? Hosius Cordubensis Apostolicae sedis legatus in oriente id temporis hoc munus gerens interfuit quidem; sed pater ideo hic appellatus Conciliorum, quod Constantino gratus, & à Sylvestro Papa delegatus, rem catholicam ubique jussus fuerit in iis partibus sollicitè procurare, neutiquam debet exemplo suo id facere, ut suspicemur de alienae provinciae aliis etiam ab eo Episcopis ad eam Synodum convenientibus.

351. III. Alterum ab hoc, & absurdissimum est mendacium, quod assumit planus de Gregorii Nazianzeni ad hunc Olympium Episcopum datis literis. Olympius etenim, ad quem literas dedit Nazianzenus frequentes^s, non Ecclesiae, sed saeculi potestas fuit, quem iccirco ἡρχοντα, praesidem, in quibusdam earum^t appellat magnus ille vir. Praeses nimirum Cappadociae secundae, cujus urbs est Nazianzum, ut ex epist. ejus I. constans est. Frustraque Bivarius excogitata temporis differentiam emergere has contendit salebras, Olympium ex iudice seu praefide potuisse fieri praefulem jactans. Huic asylo committere se harum nugarum propugnatoribus frequentissime est opus. Nec tamen doctus vir fuisset ausus sic excusare, si animadvertisset longè prius floruisse

r Agit de Gangrensi Synodo Baronius ad ann. CCCXLII. num. 44. & sequentibus.

s Ad Olympium inscriptae sunt epistolae 40. 76. 77. 78. 172. 173. 174. & aliae.

t Epist. 50. & 76.

ruisse Olympium illum Thraciæ Episcopum in Episcopali munere, quàm alterum Olympium, ad quem Nazianzenus scripsit, in sæculari. Rein nemini dubiam assumimus. Olympius anno CCCXLVII. aut circiter, passus est exsilium post Sardicensem Synodum, uti jam diximus, quo tempore juvenis Gregorius Athenis cum Basilio jam forsan studiis vacabat. Gregorii verò literæ ad Olympium datæ sunt postquam administraret ipse pro parente suo Gregorio Nazianzi Ecclesiam, sive jam ei successisset. Siquidem sacerdotium & canitiam obtendit alicubi Olympio, ut sibi in quadam re gratificetur; immo & postquam (ex epist. LXXVI. id colligo) renunciato in sui successorem Episcopatu ruri ageret à turbis remotus, post ann. scilicet CCCLXXXII. Quod tempus quadraginta ferè annis Olympii Thraciæ res & obitus præcessere.

352. Idem etiam iste Olympius præses, aut alius, iudex fuit à Constantio Imperatore datus Photino Sirmiensium Episcopo in Concilio Sardicensi damnato ab Olympio. Thraciæ illo antistite cum aliis; cujus hominis Epiphanius meminit de Photiniana loquens hæresi *. Alius ergo & alius Olympius Thraciæ Episcopus, & Olympius ad quem literas Gregorius dedit, etiam si de duobus unum coagulare hominem, ut aliàs sæpius, figlinæ suæ imposuerit Toletanus horum Chronicorum artifex. Quem quidem non temerè suspicor, si incidisset in Gregorii Nysseni libellum *περί τελειότητος, De perfectione*, Olympio monacho directum, Olympium Toletanum Episcopum diu post mortem ad monachatum, Nysseni quæ familiaritatem, resurgere fecisset.

353. IV. Episcoporum exsilium ea catastrophe, videlicet Olympii in Toletanam, & Natalis Toletani in Mediolanensem Ecclesiam translatio, merum somnium est. In sede Mediolanensi nullus sedit per hæc tempora Natalis nomine, ac multò minùs post Eristagium, quem finxit Pseudo-Julianus y. Qui si Eustorgium dicere voluit, sanctissimum istius Ecclesiæ præfulem, Julius ei, nec alius, successisse videtur z, qui ann. CCCXXXVII. Synodo Romanæ sub Julio Papa celebratæ subscripsit. Sed ais: inter Eustorgium & Julium cur non locum Natali dabimus, Juliani huius fide, qui opportunè adjunxisse videtur Natalem paullò post assumptionem suam in eam Ecclesiam vitâ fuisse functum? Bellus certè homo es, qui pro tuendis his nugis sic incautè argutaris. Si enim post Eustorgium Natalem admittimus Mediolani Episcopum; fateamur necesse est ann. isto CCCXXXVII. quo Julius eam sedem tenebat, è vivis jam ad superos ablatum prædictum Natalem fuisse; nimirum decem ad minus integris annis ante Concilium Sardicense, atque exsilium Olympii Thraciæ Episcopi, ejusque, ut fingitur, in Hispaniam adventus, vicariamque Natalis in Toletano Episcopatu injunctam exsili curam, ejusdemque demum Natalis Archiepiscopatum Mediolanensem. Natalis ergo decem jam annis mortuus, Pseudo-Juliani thaumaturgiâ vitæ redditus, Toleti, atque inde Mediolani fuit Episcopus.

354. Non dissimulabo exempli mei ms. Chronici huius, in quod invehimur, Dexter de Olympio verba. In synopsis brevissimæ trium priorum sæculorum cum quarti dimidio sic legitur:

Olympius Toletanus Episcop. ad annum CCCXLVIII.

Indeque in altera parte jam integra, ut videtur, à dimidiato quarto sæculo usque ad annum CDXXX. anno scilicet CCCLI.

Olympio decrepito Episcopo Toletano Audentius, acri vir judicio & mira eruditione, succedit.

Hactenus sciebat ejus temporis Dexter, qualis ille sit, cujus verba dedimus; qui tamen in hanc molem, quâ nunc eruditus omnibus non tam horrore quàm ludibrio est, postea crevit.

355. V. Interfuisse Olympium Concilio Cordubensi, quo absolutus fuit Athanasius, anno CCCXLV. æquè falsum, & absurdissimè confictum est. Nam vel adhuc Thraciæ Episcopus eò usque venit, vel è Toletano creatus jam ibi Episcopus, aut saltem Natalis vicarius. E Toletano minimè potuit anno CCCXLV. qui post biennium, anno CCCXLVII. unus è Sardicensibus fuit patribus, ac nonnisi absoluto Concilio adactus in exsilium ire. E Thracia autem vocari ad Cordubensem Synodum qui potuit? cum præsertim, si quæ ea fuit, provincialis, aut certè occidentalium Ecclesiarum tantum fuit. Habemus enim in re testes omni exceptione majores ad excludendum ab ea orientalem Episcopum. Quosnam? ais. Eisdem illos qui Cordubensem hanc soli constituunt Synodum, Dextrum nempe, atque eum bicorporeum, primitivum & interpolatum. Excusatus enim ita habet a: *Celebris habetur memoria Sancti Olympii apud Toletanos, qui anno CCCXLV. interfuit Concilio Cordubensi in causa Athanasii; quò frequentes Episcopi confluerunt ex Hispania, Gallia, Italia, Germaniaque. Ex orientali Ecclesia nullus, ut colligitur. Inter alios (prosequitur) præter Olympium, Costus Caesar-augustinus, Marcellus Castulonensis, Florentinus Emeritensis, Prætextatus Barcinonensis, & alii, numero omnes centum, qui & Athanasium absolverunt. Quantum mutatus ab illo, qui olim fuit, exstatque in exemplari nostro! Hosii diligentia (ad annum habet CCCLII.) Corduba Synodus collecta in causa Athanasii. Interfuerunt illi Audentius Episcopus Toletanus, Sempronianus Hispalensis, Augustalis Illiberitanus, Costus Caesar-augustinus, Amianus Castulonensis, Domitianus Pacis-Augustæ, Florentinus Emeritensis, Prætextatus Barcinonensis, & alii, numero quadraginta, Hosio præside: qui omnes Athanasium præsentem absolverunt.*

356. Vides Olympii loco Audentium Toletanum hic subrogatum, qui non anno CCCXLV. sed CCCLII. huic interfuerit; non centum, sed quadraginta dumtaxat Episcoporum, Synodo; cum eo quæ audis laudatos Hispalensem, & Illiberitanum, Annianumque (non Marcellum) Castulonensem, cujus mentio in Sardicensi Concilio, Domitianum item Pacis-Augustæ, qui in eodem Sar-

c Epist. 78.

u Vide Labbeum De script. Eccles.

x Hæresi 71.

y In Chron. ad ann. cccclv. num. 160.

z Vide Ughellium Ital. sacr. tom. 4. Inl. Epist. Mediol. col. 60. Baron. tom. 3. ad annum cccxxxvii. 69. 73. & sequentibus. Julium Maternum auctorem operis De mysteriis & erroribus profanarum religionum ex conjectura existimantem.

a Ad annum cccclv. num. 1.

Sardicensi de Asturica dicitur facili errore, & quod præcipuum est, Athanasium ipsum præsentem fuisse, quod quali consilio sublatum fuerit à prioris temporis Dextro, nec interpolator aut reformator ipse dixerit.

357. VI. De Olympii post Natalem Episcopatu Toletano, si eventilemus ab eo Pseudo-Chronicorum nugas, catalogi hujus Ecclesiæ testimonium perhibent, unà cum serie præfulum, quorum in canone Missæ Breviarii Isidoriani mentio fit. At nihil ultra de eo homine certi.

358. VII. Concilium Toleti ab eo coactum pro recipiendis lapsis qui pœniterent, & iis etiam qui cum iisdem communicassent, propter Luciferianorum eo tempore aliter sentientium dogma, Pseudo-Julianus equè infelicitè finxit. Obiisse enim Olympius ab eodem ficulneo auctore dicitur an. CCCLX. quo nondum Lucifer hujus dogmatis auctor se à communione orthodoxorum separaverat: quæ unica potuit esse cogendi Concilii causa. Nihil enim hujuscemodi schismatis auditum fuit ante Alexandrinam Synodum, cui Lucifer ipse interfuit, anno CCCLXII. celebratam^b. Cum etenim hæc sanxisset, *exceptis hæresum auctoribus, pœniterentes Episcopos Ecclesiis suis sociari* debere: ut loquitur S. Hieronymus^c, inde, & forsan ex nescio unde nata ei Lucifero cum Eusebio Vercellensi controversia, redeuntem à Concilio hæc sententia à vero deviare fecit: ut ne semel quidem in hæresin lapsos; sed neque cum iis communicantes, ad pœnitentiam & communionem admitteret. Concilium ergo Toletanum de recipiendis lapsis triennio saltem integro præcessit omnem de recipiendis lapsis controversiam. Unde non scriptorem tantum celeberrimum, aliaque imputata ei, sed & prophetam magnum Olympium fuisse necessarium est nobis affirmare, si desipere aut decipere volumus.

359. VIII. & X. An verò interfuerit Olympius eidem Ariminensi Concilio anno CCCLIX. celebrato, conveniat prius inter Julianum ac Dextrum, quàm vobis imponatur suffragandi munus. Prior ait^d Olympium, posterior verò^e successorem ejus Gregorium Synodo adfuisse. Nec minus variant hi testes in obitu anno: Dextro CCCLVI. aut circiter, Juliano CCCLX. assignantibus. Quæ in re meminisse juvabit observationis nostræ jam supra inculcatæ. Hieronymum de Olympio inter scriptores non loquutum, Gennadium autem loquutum: quod nempe post scriptum Hieronymi catalogum anno CCCXCII. videatur Olympius floruisse ac scripsisse. Quod quidem de Olympio Toletano CCCLVI. aut saltem CCCLX. vitâ fundito dici nequit. Valdè tamen notatu dignum est, Luitprandum iisdem his dolis confutum quibus Dexter Julianusque, cum videret hujus ætatis Olympio minimè convenire posse Toletani Concilii I. subscriptionem, de qua nos in superioribus egimus, alterum Olympium Toletanum Episcopum laudasse, istius subscriptionis auctorem. *Duo fuerunt* (ait *Advers.* 170. aliàs 152.) *Archiepiscopi Toletani vocati Bibliotheca vetus Hispana Tom. I.*

Olympii: alter ex Episcopo Thraciæ, vir sanctus, qui successit Natali, cujus meminit Augustinus: alter qui interfuit Toletano Concilio ex Episcopo Oxomensi. Uterque tamen nobilis scriptor. Quod utique vanissimè dictum fuerit, si Dexter non vanus est. Hic enim scribens Asturium in sede Toletana collocatum jam esse, quo tempore celebratum fuit Toletanum hoc (ut vulgus hætenus existimavit) primum Concilium novemdecim Episcoporum testimoniis roboratum, necessariò admittit Asturium, sive Asterium (uti Loaysa edidit) ibidem nomen suum professum, nec alium esse Toletanum præsentem ibi Episcopum. Quonam igitur accipiemus loco Olympium, dum Toletano minimè possumus? Oxomensis, fortè ais, Episcopi: ex quo factus postea fuerit Toletanus. Sed Luitprandus resistit apertissimè, Olympium affirmans interfuisse huic Concilio Toletano ex Episcopo Oxomensi, hoc est, qui talis antea fuerat. Præterea Pseudo-Dexter post Audentium, quem obiisse ait anno CCCXCIII. Asturium Ecclesiæ Toletanæ usque ad annum CDXXIV. præfuisse scribit; nec Olympium hoc tempore intermedio alium agnoscit; ac multò minis catalogi Episcoporum istius Ecclesiæ. Igitur conveniat prius Luitprando cum Dextro suo, atque ei forsan assensum præstabimus.

360. At cur diffimulem id quod in meo ms. cod. *fragmentorum Dextri, Maximi, & Luitprandi*, quem penes me asservari jam sæpius monui, diversissimum à Dextri typis editi memoratis legitur testimoniis, & laudatis nuper Luitprandi verbis conforme? saltem ut ostendamus quantum ab eo, quod primum Dexter fuit, sive verum sive fictum, postea mutaverit? Nempe in dicto codice utriusque Olympii Toletani fit mentio. Ad annum CCCLI. uti jam in superioribus in transcurso annotavimus, *Olympio decrepito Episcopo Toletano Audentius, acri vir judicio & mira eruditione, succedit*. Confer sis cum hoc testimonio excusa Dextri de seniore isto Olympio testimonia. Miraberis audaciam aut inconstantiam malefani hominis. Ad annum CDVIII. *Asturio succedit Olympius Toletanus Episcopus, qui libris editis illustris evasit*. Et ad annum CDXII. *Olympio Toletano præfuit Pentadius sufficitur, qui cum patribus in Concilio Africano Pelagium damnat*. Unde colliges hunc auctorem (qualis ille sit) duplicem agnovisse Toletanum hujus nominis præfulem, seniore anno CCCLI. fato fundum successori Audentio locum reliquisse, non tamen eum scriptorem; juniorem alterum ab anno CDVIII. ad annum CDXII. Episcopum; cujus decessor Asturius, successor autem Pentadius fuerit, huncque libris editis illustrem.

361. Verè, si tanta esset hujus manuscripti fides, ut tutò ei possemus assensum præstare, magis consentanea est aliis hæc relatio de utroque Olympio veteribus & fidelibus monumentis. Nam de priore Olympio series Toletanorum Episcoporum, cujus supra meminimus, fidem facit. Secundus ille fuerit scriptor à Sancto Augustino laudatus, circa annum CD. aut circiter florens, qui adversus

^b Baron. hoc anno num. 176.

^c Ado. Luciferianus cap. 2.

^d Ad ann. CCCLIX. nu. 166.
^e Ad ann. CCCLVI. num. 2.

sus Priscilliani hæresin stylum strinxerit. Hujus enim, si verum audivimus, anno CDXII. è vivis sublatus, meminisse, uti jam demortui, Augustinus quidem potuit in libris *adversus Julianum Pelagianum* non ante annum scriptis f. Quo cum rectè convenit Asturium in Concilio Toletano circa annum sæculare CD. celebrato subscripsisse Toleti jam Episcopum, Olympium verò alterius sedis. Hæc de Olympio, sive Barcinonensi sive Toletano, è tenebris utcumque in aliquam lucis usuram vindicato, sic à me dicta sunt, ut nolim harum Ecclesiarum alteri causam adjudicare. Nihil enim video adhuc in ulla earum partium solidæ ac certæ vetustatis argumentorum, quibus credere se veritas possit.

362. IX. Tandem ad scripta devenit Toletani Olympii. Scripsisse eum libros *De Fide*, seu *adversus hæreticos, ad Cælestinum consulem Bæticæ, qui postea martyr fuit*, Pseudo-Dexter ait. Cælestinus Bæticæ consularis lectus ei apud Moralem nostrum & hæc tempora percurrentem occasio fuit nuncupationem fingendi. Exstat quidem in codice Theodosii quædam Constantii lex *De bonorum proscriptiois forma*, Cælestino consuli Bæticæ directæ: quod forsitan muneris nomen compendio notatum visum eidem Pseudo-Dextro fuit *consulem* significare: ita enim Bivarius edidit, non *consularem*; quæ tamen periodus in Cari editione Hispalensi deest. Adeò inter-exscriptiones hoc fabulosum Chronicon *vires acquirebat eundo*, ut Virgilius de fama ait. Ne autem fabula hic confisteret, quæsitum in Martyrologio Cælestinum oportuit aliquè, cum isto consulari, atque Olympii amico, liberaliter coagmentandum: ac præstò fuit Cælestinus inter alios martyres Maji die secundo appellatus. Haud enim decuit Olympium aliū, quam futuro paullo post martyri, lucubrationes suas inscribere.

363. His autem jam dispulsis quæ ad pseudo-historicorum Olympium spectant, Gennadii Olympium scripsisse novimus *De Fide*, seu *fidei librum adversus eos qui naturam & non arbitrium in culpam vocant*. ostendens, non creatione, sed inobedientiâ insertum naturæ malum. Adversus Manichæos, aut propius ac propius (ut ego existimo) adversus Priscillianistas, Manichæorum propaginem, Hispaniæ, ubi Olympius scribebat, veluti propriam. Fato cuncta & sideribus Bardesanes primus, inde Manichæus, subjecerat; à quibus Priscillianistæ hausere: neque evitari posse malum, naturæ ipsi à mala mente insitum, frustra-que esse liberum arbitrium. Pelagiani verò, ne in hanc voraginem præcipitarent, miserè in contrariam partem deerrarunt. Quare adversus eos præcipuè insurrexere, qui cùm in suis peccatis humanam voluntatem debeant accusare; naturam potius accusantes hominum, per illam se excusare conantur. ut S. Augustinus ait initio libri *De natura & gratia*. Sed Pelagianorum dogma libero concedens omnia arbitrio, gratiæ autem nihil, non minùs pestilens fuit quàm contraria tollentium libertatem: adversus quam hæresin Olympius *fidei*

opposuit scutum, quam etiam *literarum sæcularium auctores* (Augustinus ibidem ait, Sallustium^h intelligens) graviter arguerunt, exclamantes: *Falsò queritur de natura sua genus humanum*. Hanc pestem, inquam, contraxerunt Priscillianus atque ejus assecle ab impio Manichæo, qui fatalibus stellis homines alligabat, opificiumque omnis carnis non Deo bono & vero, sed malignis angelis tribuebat, ut idem S. Doctor ait *De heresibus ad Quod vult Deū scribens*ⁱ. Quare non temerè diximus, adversus hos sui temporis blasphemos calamum strinxisse Olympium. Cujus quidem aliud videtur opus, sermo ille *Ecclesiasticus*, ex quo verba desumpsisse Augustinum^{*} jam notavimus.

364. Sed nonne ad *Licentium poetam* quasdam epistolas religionis & humanitatis plenas Hieronymus Paullus Olympio nostro tribuit? Ita videbitur ei, qui parum animadverterit Paullino eum has adscribere Aquitano, inter cujus opera vel hodie exstant^l, uti & alia ad eundem S. Augustini^m, in hujus quoque epistolis.

365. Quisnam tandem MARTINUS sit, sive MARTIANUS (antequam absolvamus caput hoc) Barcinonensis etiam Episcopus, ac scriptor clarus, discere aves, qui Franciscum Tarraſam legisti sic loquentemⁿ: *Murrianus per idem tempus urbis Barcinonensis Episcopus, tam vitâ quàm sermone clarus, scripsit varia opuscula*. Sed subjungit: *Crediderim verò esse Pacianum*. Attamen Hieronymus Pujades in Cataloniæ historia^o vulgari utrumque agnoscit, & Pacianum & Martianum, Tarraſæ opponens, S. Hieronymum utriusque meminisse. Ego in sancti doctoris libello *De scriptoribus Ecclesiasticis* Pacianum laudatum lego, Martinum seu Martianum non lego, neque in Episcoporum Barcinonensium albo Hieronymus Paullus olim hunc viderat^p.

CAPUT VIII.

De DEXTRO Paciani filio. Prefectum prætorio fuisse, non in oriente, quod falsò supponit ejus Pseudo-Chronicon, nec in occidente toto, sed in Italia. Forma inscribendarum ab omnibus simul Augustis constitutionum imperialium refertur. Auctor hic Hieronymo ut celebraret Ecclesiæ scriptores. Omnimodæ ejus historiæ, quæ periit, aliquam partem à sæculo ferè, tanquam germanum esset Dextri opus, intrusam dolo & ambitione inventoris, ut Hispaniam falsis cumularet honoribus, merum figmentum esse: de quo nos alibi.

366. **H**UJUSMET exeuntis sæculi abſque dubio est DEXTRI memoria, quam conservavit Hispanis sui historici magnus doctor Hieronymus: neque est aliquid solidum ac certum, quod movere nos debeat, ut hinc ad sequens sæculum quintum res ejus transferamus. Pacianum Episcopum Barcinonensem egregiumque scriptorem nuper laudatum dimisimus. Hujus filius Dexter fuit clarus parente optimo, clarus literis, & honoribus gestis in sæculo. Vetus, inquam, & verus Dexter, quem unus S. Hieronymus non

^f Vide Henricum de Noris in *Hist. Pelagianæ*.

^g Lib. 10. cap. 38. *Hist. Hisp.*

^h Initio *De bello Jugurthino*.

ⁱ *Hæresi* 70.

^{*} Lib. 1. contra *Julianum*.

^l Epist. 46. & inter Augustini 36.
^m Epist. 39.

ⁿ *De Regibus Hisp. in Theodosei scriptis*. *Hisp. illustr.* 1. tomo pag. 339.

^o Libro 5. cap. 24.

^p Vide eum in *Barcinonæ* sua tomo 2. *Hisp. illustr.* pag. 347.

non semel aut sine peculiari elogio posteritati commendavit. Quod nomen jam hoc seculo ex innocenti & laudabili, fatalitate quadam, in contrarium adeo degenerasse, ut fictitii ac sublesti proverbialis ferè appellatio sit, maximopere dolent probi ac seriò docti quique, Hispanique nominis verè amantes. Natus quippe ante octoginta ferme annos Dextri illius antiqui schemate sese venditans novitius alter, quem brevi, sive propitiâ sive sinistra famâ, pro varia hominum opinione, per totum Latini orbis spatium enormiter famosum volare fecit. Sed hîc nondum nos Icaro huic cereis pennis audacissimè innixò verum historiæ solem in ruinam exitiumque opponemus, cum id peculiari opere à nobis procurandum sit. Sed germanum Dextrum Paciani filium mutatis ab Stridonensi magno encomiaste vivis coloribus describere opus & consilium est.

367. De patria nihil habemus dicere, nisi quod Paciano Barcone Episcopo natus, nostras vulgò habitus sit, reclamante nullo, aut aliorum trahente. Sæculari autem militiæ dato nomine, variisque, ut solet, gestis reipublicæ muneribus, ad supremum tandem *μετὰ τὰ οὐράνια* (ut ait Zosimus,) *citra regum auctoritatis culmen in occidente fuit assumptus anno Christiano CCCXCV. aut circiter. Hoc enim anno, quo Cos. fuere Holybrius & Probinus, diemque suum obiit Theodosius Imper. Dextro P.P. directæ sunt leges aliquot in codice Theodosiano, nempe Lex LIII & Lex LIV. De cursu publico. Lex II. De indulgentiis debitorum. Lex II. Si quis pecunias conflag. Lex V. De exsecutoribus & exactionibus. Lex CXLVI. De decurionibus. omnes in eodem Theodosiano codice. In occidente diximus, non in oriente, quæ una è fabulis de Dextro jactatis. Nam cum hæc leges sive mandata Mediolani concepta sint, quæ urbs Italiæ celeberrima ditionis fuit Imperatoris Honorii, ejusque occidentalis imperii propriæ; in qua commoratum hoc anno eundem Honorium, exsequiasque Theodosio parenti celebrasse, non finit nos ambigere S. Ambrosii ea, quam habuit coram eo laudatoria piissimi principis oratio; certissimum haberi debet Honorii has esse constitutiones ad præfectum suo in occidentalibus partibus, non in orientalibus, prætorio directas: quantumvis uterque Cæsar his inscriptus ex more sit. In qualibet enim alterutro, vel cujuscumque ex pluribus Imperatoris, sanctione, ætatis, quâ nati sunt, aut quâ rebus quique præesse cœperunt, ordine servato, inscribebantur simul omnes, uti sanctionis auctores: quasi unius, ejusdem, atque indivisi Imperii divisisse inter se administrationis curam, non principatus majestatem videri vellent.*

368. Nec S. Hieronymus in *Apologia adversus Rufinum* secunda quicquam ait, nisi præfectum prætorio fuisse. *Ante annos ferme decem, cum Dexter amicus meus, qui præfecturam administravit prætorii, me rogasset. Nec tamen totius occidentis præfecturam attribuimus Dextro, quæ nulla hujus temporis tam*
Bibliotheca vetus Hispana Tom. I.

àmpla fuit; sed Italiæ, ex divisione Constantini, sat vulgo notâ, quatuor præfecturarum. Idque inde colligitur, quod in laudata lege II. cod. Theodos. *De indulgentiis debitorum*, res ordinetur provinciæ Campaniæ, quæ ad præfectum Italiæ spectabat. Nec remorari nos debet nota illa inscriptionis, harum legum, nempe LIII. & LIV. *De censu publico*, quibus aliæ similes sunt in eodem titulo. *Dextro P.P. O.* quæ quidem in ceteris deest. Vel enim *O.* litera per compendium significat *Præfecto Prætorio*, non *Prætorii*, legendum, vel si orientis præfecturam denotare aliàs solet, hîc saltem, ubi apertissimè res ad præfecturam spectat Italiæ, vitiosa & supposititia est.

369. Hunc eundem, nec alium fuisse Dextrum existimo, ad quem anno quo Cos. fuere Valentinianus IV. & Eutropius, scilicet redemptionis nostræ CCCLXXXVII. Comitem per id tempus rerum privatarum, nuncupata fuit Lex II. in codice Justiniano *Ne rei dominicæ vel templorum* &c. sub Theodosio scilicet Magno in orientis partibus: nam Constantinopoli, ubi hoc anno is fuit, lex data legitur. Ad quod munus fortè, nisi & alia fuerint, non ad præfecturam, quæ nondum ei obvenerat, respiciens Hieronymus, anno CCCXCII. quo scriptores laudabat Ecclesiasticos, *clarum apud sæculum* pronuntiavit nostrum. *Dexter* (inquit) *Paciani, de quo supra dixi, filius, clarus apud sæculum, & Christi fidei deditus, fertur ad me omnimodam historiam texuisse, quam nondum legi.*

370. Hic ipse sic animatus vir in studia historica sollicitavit anxie magnū eundem Hieronymum ad colligendum ac describendum Ecclesiasticos scriptores, eo libello, quo vix alium utiliorem veteres membranæ nobis conservare. Incircò ei, quem hortatorem elucubranti operis sibi fatetur fuisse, nuncupatione illius dignari æquum existimavit Hieronymus. *Hortaris Dexter* (ait in proœmio) *ut Tranquillum sequens, Ecclesiasticos scriptores in ordinem digeram, &c.* Qui paullo infra Dextri eloquentiam non obscurè annotasse videri potest, dum Ciceronem suum Dextri vocat. *Itaque dominum Jesum Christum precor, ut quod Cicero tuus, qui in arce Romanæ eloquentiæ stetit, non est facere dignatus in Bruto, oratorum Latine lingue texens catalogum, id ego in Ecclesiæ ejus scriptoribus enumerandis dignè cohortatione tua impleam.*

371. Ominodam hanc talis viri historiam in deperditis habuere undecim ferè sæculorū, qui his delectarentur studiis, homines; quorum quidem ad aures nihil de Dextro & scriptis ejus aliud, quàm quod à Hieronymo erga eum amor ac viri fama expresserat, pervenisse legimus. Quum repente, dum retrò proximum exiret sæculum, percrebrescere rumor cœpit de inventa in Germaniæ quodam angulo memorata historia. Auctor rei Jesuitarum sodalis quidam, Hieronymus Romanus de la Higuera nomine, Toletanus patriâ, undique munitus vir subsidii curiosæ omnis, quâ historica constat res, doctrinæ.

q Ut observat Ulfatus De Notis Romanorum pag. 366.

r Inventionis historiam referunt Didacus Murillus in Hist. de N. Sc. Nova del Pilar. cap. 4. & in Apologietici ejusdem Historiæ prologo. Franciscus Porto-carrero Vida de S. Mde. fons; in proœmio. Joannes Calderon in præfatione Cæsar-augustanæ Dextri editionis. Franciscus Bivarius in Apologia pro Dextro editionis Lugdunensis, & in Censura operis Luiprandi editionis Antuerpiensis, aliisque.

Amicis hic nunciavit primùm , atque inde amicorum ope quemvis alium per Hispanias certior fieri voluit , remissum sibi à Thoma de Torr-alba , ejusdem societatis , è Germaniæ Wormatia urbe *Dextri Chronicon*, sive *Historiam omnimodam* , unà cum M. Maximi, aliorumque continuatorum fragmentis . Offendisse aiebat hunc Torr-albam in quendam istius urbis civem , dum inter Germanos peregrinatur , qui penes se , Fuldensi è bibliotheca , ut referebat , acceptum hunc thesaurum servabat ; quem cum redimere ab eo vellet , frustra fuit , codicem exscribendi permissione contentus . Atque hujus exempli à Torr-alba excepti , sibi que officiosè , veluti ad præceptorem , ann. MDXCIV. transmissi , possessionem ubique jactabat , communicans inde per literas doctis sibi que familiaribus aliquot viris , fragmenta quædam , quæ ad momenta eorum pertinerent ; ægrè se continens præ gaudio Higuera . Idem tamen post aliquot annos exempla alia hujus sui exempli è manibus abire permisit . Quorum aliquod Cæsar-augustæ repertum Joannes Calderon Franciscanus anno MDCXIX. typis in eadem urbe committi curavit primus .

372. Vifa tamen in publica hominum luce illustrium horum virorum, aliàs celebrium, tam propitia secunda que rebus Hispaniæ nostræ monumenta , veluti ex orci faucibus erepta , mirum quantum exsultare , subsultare omnes , qui aliquo honoris sensu pietatisve tangerentur , statim fecere ; provincias , urbes , Ecclesiarum collegia sacra , Religiosorum hominum cœtus efferre se , ac nova sibi delata in gremium , clarissimorum civium , sodalium , tutelarium , inclytarum actionum gestorumque olim famæ celebris ornamenta jactare , conferre que invicem & gratulari . Tanquam si Pyrenæi saltus igne iterum correpti , Hispaniæ , quanta est , fines omnes metallorum liquefactorum torrentibus inundavissent . Hinc eruditiores curâ etiam sollicitare , ut ingruentem lætitiâ non cæca mente , sed oculatâ , sui que ac suorum bonorum conscia , suscepisse viderentur .

373. Eodem enim ferè tempore Rodericus Carus Utrariensis presbyter , Franciscus Bivarius Cisterciensis monachus , Thomas Tamajus Vargas regius historicus , propugnandæ , exponendæ , illustrandæ , atque ornandæ huic Spartæ industriam omnem , ingenii que atque eruditionis vires , quibus pollebant maximis , contulere . Carus expedit certè rem edito *Dextri ac Maximi systemate* ex collatione aliquot mss. exemplarium , brevibusque Notis , sed elegantibus & ingenuis , munito , Hispali anno MDCXXVII. Bivario seriùs agenti volumen excidit satis grande soli Dextro impensum , Lugduni eodem anno . Cum præcessisset utique triennio integro Thomæ Tamaji justum opus , sub *Dextri defensi*, seu *Novitatum antiquarum* vulgari titulo , recens repertum Chronicon veteri auctori asserens , vera que esse maximo conatu contendens omnia in eo comprehensa , aut saltem falsa certò haud esse . Taceo innumeros , qui aliud agentes , historias nempe regnorum ,

urbium , sacrarum familiarum , domorumve generales , particulares , elogia , apologetica rerum Hispaniarum scribentes , *Dextri* versibus complevere omnes paginas , moneta hæc uti legitima passim expensa , perque omnium sinus liberaliter sparsa .

374. At quamvis , huic facilitati res tam novas temerè credendi , non unus aut alter ex nostris , cui dextra in parte mamillæ cor saliret , indignatus , continere intra prudentiæ limites civium nostrorum philautiam , quæ verè judicii omnes faciebat partes , tam verbis præfentes quam scripto , per literas diu procuravissent ; victi demum suppressique , & quasi tacere compulsi sunt , prævalente suffragiorum numero , ac lenocinante cæco patriæ amoris novæ mercis cupiditate . Nisi quòd ante aliquot annos re penitiùs considerata , casu que repertis non quidem levibus suspitionis argumentis , negotium penè jam apud nos confectum retractari cœpit , advocatâ ad partes liberè sentiendi , quâ rationis compotes sumus ac dicimur , facultate ; fere que jam eò res processit , ut adinoneri se nostri cives non ægrè patiantur , à novis his chronologis historiæ nostræ non lætas vires , sed tumorem inditum ; & quæ turgida & inflata sit , habitio rem falsò apparere .

375. Sed quia de his fabulis peculiariter agendum nobis est in censura ejusdem Pseudo-*Dextri*, *Omnimodam* veri & germani *Dextri historiam* loculis bibliothecæ nostræ Hispanorum scriptorum , deperditam hodie jam , aut latentem , inferimus tantum , & ad alia pergimus ; contenti annotasse obiter penes me esse illius Chronici , seu Chronicorum *Dextri*, *Maximi*, atque *Luitprandi* exemplum , quæ primò vel habuit , vel jactavit se habere , Hieronymus Higuera (an è Germania accepta non ausim dicere) idque ab editis sub eorum nomine in publicam lucem diversissimum .

376. Stupes , lector , demiratus confidentiam censuræ ? Placaberis , spero , gratiasque mihi de indicio habebis , quum collatis inter se *Dextri* nomine inscripto & vulgari *Chronico* , nullam , ut præferebat , jacturam passo , ac nostro altero acephalo , majorique ex parte mutilo , quod ad finem hujus bibliothecæ partis edi curabimus , perpensisque nostris suo tempore sufficiens pro hujus posterioris constantiori fide argumentis , ad occultum hætenus , aut nondum satis referat temerariæ , aut veriùs impiæ , suppositionis mysterium , manu & oculis contrectandum introduceris . Quære id Chronicorum fragmentum ad calcem operis , præambulamque nostram annotationem .

CAPUT IX.

AVIENUM Hispanum fuisse non esse improbabile, ac Theodosiani ævi. Nostrum mare Latini dixerunt de mediterraneo. Multus hic in Hispania & Hispanis laudandis. Punicis libris doctus. His non nisi in Latinum conversis Plinium & alios fuisse usos. Avienus synchronos S. Hieronymi, dialogista forsan in Macrobian Saturnalibus, & ad Theodosium Macrobianum directus Avieni liber Fabularum. Eibnicusne an Christianus? Phenomenon initium Platonem cum distatis Christianis exprimens. Expenditur ejus alius locus Christianismum sapiens. Veterum eibnicorum mos imprecandi hostibus mala. Avieni poemata. Dionysii Afri & iymis, atque ejus è Græco interpretes. Aruti Phenomena quinam in Latinum verterint. De ora maritima liber Avieni imperfectus. Versus ex prologo correptiones dantur. Livii interpretatio carmine jambico. Fabularum liber an ejusdem sit? Joannis Balei Angli de Rufino quodam auctore inepta assertio. D. Petrus Melian laudatur, cujus est editio ultima operum Avieni. Non ejus videri Rerum Romanarum Rufi Festi epitomen. Avieni elegantia. Pseudo-Maximi & Pseudo-Luitprandi de Avieno contraria & nugacia testimonia.

377. AVIENUM huc ad scriptorum Hispanorum augendum numerum, sub idemque Theodosii Magni, sive senioris, quo Dexter floruit, seculum, non importune advocamus. Nam & Hispanum natum fuisse hunc poetam, qui tribus libris suis nunc extantibus versu lustravit (ut cum alio poeta dicam)

Quod cælum, quod terra tenet, quod continet æquor,

non utique nos Hispani absque virorum haud infimi subsellii peregrè natorum prævia contestatione temerè assumimus: & hujus temporis eundem fuisse æqualem, postquam de patria, quod scitu dignum sit, non vanè conjectari viros undique doctissimos ostendemus. Petrus

Grinatus^s, & Lilius Giraldu^t, poetarum celebratores, Avieno apud nos patriam ex aliorum tribulant opinione, quibus nec ipsi intercedunt. Hos sequuntur passim nostri: Damianus Goësius^u De Hispania ad Petrum Nannium scribens, Joannes Vafæus in Chronico^x, Alphonsus Garfias Matamoros De doctis Hispaniæ viris disserens^y, Ambrosius Morales lib. 10. cap. 34. Joannes Mariana lib. 4. cap. 14. Hispanæ historiae.

378. Sed arenæ edificant qui testimonio ejusdem poetæ utuntur^z, ex quo in libello Orae maritimæ, mare illud quo Hispana ora alluitur, mare nostrum dixerit^a:

ut gurgēs hic nostri maris

Longè explicetur, ut Atlanticus sinus.

Et rursus^b:

In usque glebam proruit nostrum mare.

Necnon, &c.^c

Si quis ad nostrum mare, Malachæque portum semitam tetenderit.

Mare enim nostrum omnes promiscuè Latini auctores appellavere id quod ex oceano per fretum Gaditanum infunditur, ac mediterraneum, quasi inter Europam, Asiam, & Africam medium, vocamus. Id omne, quæ venit, quæque dispergitur, uno vocabulo nostrum mare dicitur. ait Mela in principio Operis geographici. Et Orosius^d: Unde mare nostrum, quod Tyrrhenum vocatur, immittitur. Passimque observatur à recentioribus geographis.

379. Meliori argumento patriam Hispanam tuentur^f, qui laudes huic genti datas, Gallis autem denegatas; præsentemque observasse poetam, quod de nostra Tartesso seu Gadibus refert, id innuere colligunt. In Descriptione orbis terræ, sive Dionysii translatione, magnanimos Iberos, truces autem Gallos vocat^g.

Tellus Europa columnis

Proxima magnanimos alit æquo cespitè Iberos. Et paullò post^h

Gallorumque truces populi per inospita terræ Vitam agitant.

Quæ autem de Gadibus stylo duxit, hausisse oculis se, his prodit in altero opere Orae maritimæⁱ:

Ipsa Tartessus prius

Cognominata est, multa & opulens cœvitas

Ævo vetusto, nunc egena, nunc brevis,

Nunc destituta, nunc ruinarum agger^k est.

Nos hoc locorum præter Herculanæam

Solemnitatem vidimus miri nihil.

Observavit rectè etiam Franciscus Bivariu^l auctoris tædium in versu exprimendis Gallis populorum nominibus^m, cum de Hispanis nil hujusmodi conqueratur. Accedit quod multus est in describendis quæ circa fretum, atque Herculis columnas sunt, nec ab his locis facillè discedit, cum Orae opus, quod aggredditur, maritimæ, totius interni maris, usque ad specialem Taurici ponti à se petitam, ut ex initio constat, ita prolixum sit, ut nisi singulis partibus haud lentè peragratis, vix potuerit ad exitum longissimæ viæ pertinere.

380. Forsan huic suspicioni opitulatur, quod Avienus, uti in Hispania ortus, quæ Pœnos tot sæculis sive commercio sive servitio coluit, monumenta Punicorum librorum familiaria sibi fecit, usque usus fuit. Hæc enim sequitur in Orae descriptione; non quidem Hannonis Periploⁿ, quem Græcè translatus, uti nunc exstat, consulere potuit, aut Jubæ operibus Græcè loquentibus^o; sed Himilconis, & aliis Punicorum Annalibus disertè laudatis^p.

Latè patere pelagus, extendi salum,

Himilco tradit.

Et mox^q:

Hæc olim Himilco Pœnus oceano super

Spectasse semet, & probasse rettulit.

Hæc nos ab imis Punicorum Amalibus

Prolata longo tempore edidimus tibi.

Non enim Romanis patens aditus ad hos libros, nisi interpretationis auxilio, aut quod jam apud eundem Jubam res in iis contentæ legerentur. Sallustius^r ideo Africæ origines se referre ait, uti ex libris Punicis, qui Regis Hiemi.

d Lib. 1. c. 2.

e Merula Cæmog. par. 1. li. 3. Brietius in Parallelis geogr. par. 1. lib. 6. cap. 3. f Bivarius ubi proximè.

g 7. 415.

h 7. 422.

i 7. 269.

k Ita proger voluit Barthius lib. 28. Adv. 14 & cōsonat 7. 592. l Ad Dextrum ann. . . m Ora marit. 7. 662.

n Quem Sotinus intelligit cap. 27. in fine, de quo Vossius De H. G. lib. 4. cap. 20. pag. 513 o Idem lib. 2. cap. 4. p 7. 382.

q 7. 412.

r De Jugurthino bello.

^s Lib. 5. De poetis cap. 80. ^t Dial. 4. De poetis pag. 191.

^u In Hisp. Illust. tom. 1. pag. 1166. ^x Ante ann. cccxiv. Hisp. Illust. tom. 1. pag. 650. ^y Hisp. Illust. tom. 2. pag. 309. cap. 14. Hispanæ historiae.

^z Pet. Melian in epist. nūc. edit. Avien. ut operum Bivarii ad Maximum pag. 188. ^a 7. 83.

^b 7. 56.

^c 7. 170.

Hempsalis dicebantur, interpretatum sibi esset. Et Ammianus de Nili fontibus agens, Punicos libros, sed ex Jubæ fide, laudat. *Rex autem Jubæ Punicorum confusus textu librorum à monte quodam oriri eum exponit.* &c. Nec Plinius orbem, atque in eo Africam, descripturus, aut Himilconis, aut librorum Punicorum testimonio utitur, quantumvis & Hannonis & Jubæ utatur: legamus licet in elencho lib. 5. quo Africa describitur, inter alios auctores, Himilconis nomen. Hæc de patria Hispania; siquidem nonnisi conjecturis nos uti posse silentium auctoris in causa fuit, in tot geographicis locorum laudibus sui obliti.

381. De ætate autem non una sententia est. Nam præterquamquod secundo eum vixisse sæculo Genebrardus^t, Thenetusque^u scriptum reliquerint, quos jure sugillat Vossius^x; ad Diocletiani tempora eum pertinere nescio quo motus existimavit Crinitus, fereque idem credidit Vassius^y, & Joannes Mariana^z, eum sequentes. Sed ad hæc quæ nunc persequimur, attigisse, pertinereque S. Hieronymus dubitare nos ultra non finit, Avienum, uti equalem, laudans in commentariis Paullinæ ad Titum epistolæ. *Hemistichium* (inquit) in *Phænomenis Arati* legitur, quem Cicero in *Latium sermonem transtulit*, & Germanicus Cæsar, & nuper Avienus. Quod adverbium ad centesimum usque annum retrahi posse audebit nemo dicere. *Nuper* enim, ut Festus ait^a, est *quasi noviper*, quamquam dicamus *novissimè*. Ita enim legendum, non *quasi noviter*, quod aliàs editur, Jovianum Pontanum^b sequutus & bonos codices Gerardus Vossius in *Etymologico* monuit posthumo^c.

382. Adstipulantur conjecturæ. Nam idem videtur noster atque Avienus collocutor, cum aliis Theodosiani ævi, *Saturnaliorum* Aurelii Theodosii Macrobi operis, ac Theodosius hic, ipse ille, ad quem directus est *Fabularum* Avieno inscriptarum liber. Ex more hujus ævi, quo pluribus nominibus, proprio tamen uno tandem posito, nuncupari amabant, annotante viro clariss. Jacobo Sirmondo in Notis ad Sidonii operum præfationem. Certè ex Macrobi operis isto constat, Avienum eo tempore, quo dialogistam agere jussus fuit, juvenem adhuc esse. *Verecundiam* enim *Avieni probi adolescentis* juvare Servius rogatur lib. 6. cap. 7. cui convenit libri 7. caput 4. Macrobius autem Theodosium æqualem Imperatori Theodosio Magno, & ejus filiis vixisse, ex l. *Unica* tit. *De præpositis sacri cubiculi* Theodosiani codicis, quæ Honorii atque Theodosii est, constat: quippe quam pertinere ad *Saturnaliorum* scriptorem, cum Scalligero, Pontano, Vossioque, Jacobus Godefredus in ejusdem legiscommentario censet^d. Ejus enim temporis sunt Vettius Prætextatus, Flavianus, Cæcina Albinus, admissi ad colloquendum in dicto opere, ut ex inscriptionibus constat, quas Isaac Pontanus in Notis ad ejusdem cap. 17. lib. 1. produxit.

383. Displicet autem nobis valdè, quod Avienus hic *Saturnaliorum* dialogista ethnicum hominem præ se fert, ut alii omnes,

quorum non alius per totum opus, nisi de diis gentilitatis sermo. Avidissimè enim credimus Avienum poetam Christianum fuisse, aut Christianorum dogmatum gnarum & amantem. Nil quippe sonant magis quam Christianam philosophiam, Theologiamque revelatam, quamvis sub Platonis aliorumve doctrinæ velo explicitam, quæque *Aratorum Phænomenon* principium de Deo & invocatione ejus, ac primordiis rerum continet. Quod enim respiciunt, nisi ad Trinum Deum?

Inseruit ritè hunc primum, medium, atque secundum Vox secreta canit, sibi nam permistus utrimque, Et fultus sese geminum latus, junus & idem est Auctor agendorum, propriique patrator amoris.

Ita enim partim ex Grotio^e, partim ex Barthio^f, legimus. Quemnam verò alium, quam Moisen expressit de conditione rerum sic loquens?

Insociabilium discretio justa decorum.

Cujus & extremum tellus opus, ignea cujus

Lumina sunt latè sol & soror: ille diei

Tendat ut infusi rutilum jubar, altera noctis

Ut fuce flammanti tenebrosos rumpat amictus.

Scio quid solidi, vereque Christiani, philosophia veterum non prorsus vana, lumine ipsius naturæ Deive ejus auctoris intus perfusa, sub mendacium deorum imaginibus latens, posteris aliquando referandum, commendaverit^g. Nusquam tamen propius ad Christianum accedentis sermonis quicquam me legisse memoriâ teneo.

384. Aliunde etiam Christianum mihi se probat Avienus. Nempe ubi Dionysius Afer, cujus *Periegesis* Græcæ paraphrasis Latina est nostri auctoris *Descriptio orbis terræ*, dum de cetis seu balenis circum Taprobanem Asiæ insulam natantibus, atque illac præternavigantibus infestissimis ageret, occurrere iis hostes imprecatur, sic scribens^h:

*Δυσμενίαν τοι πάρος ἐλασόμενοι πρὸς πόρτον
Κείνοις ἀντίσταν ἀλάμην.*

Latine:

Hostium filii agitati per mare

Illis incurrant vagantes.

E contrario hanc pestem, vel inimicos fugere desiderat noster his versibus, qui parum correctè usque nunc editi fuere; nec alio commodo sensu lectioneve donari posse videnturⁱ:

Fervent Erythræi marmora ponti

Tota feris: hæc ut rigida juga maxima montes

Nubibus attollunt, latus omne & terga tumescunt:

Instat in his rupis^l spina tenor arduus adstat;

Molibus in celsis scrupus^m quoque creber inhorret.

Abⁿ! ne quis rapidi subvectus gurgitis unda

Hæc^o in terga sali remum contorqueat unquâ.

Ab^p! ne monstrogenis, hostem licet, inferat æstus

Fluctibus.

Christianè hic & Evangelicè, quod in auctore suo ethnicum erat, expressit. *Amicos enim diligere omnium est*, (ait Tertullianus libello ad scapulam) *inimicos autem solorum Christianorum.*

385. Myriade hunc urgere locum possem testi-

^t In Chron. in Aniceto Pa-

^u Lib. 2. De vir illust. c. 41.

^x Ubi supra y In Chron. ante annum

cccxv. ^z Lib. 4. c. 14.

^a Verbo Nuper.

^b In Actio. ^c Verbo Nuper.

^d Tomo 2. tit. 8. lib. 6. pag. 82.

^e In Synagmate Aratorum, misf. que ad Aviani paraphrasim, pag. 83. ^f Lib. 36. Advers. cap. 2.

^g In re poet. nostri Barthius lib. 57. Adv. cap. 15.

^h 7. 600.

ⁱ 7. 793.

^k Montis in editis.

^l Statius in Achil. 7. 55. scopulosam cete dixit.

^m Aliàs rupis.

ⁿ In editis, An aquis nullo sensu.

^o In edit. Nec.

^p Edit. An.

testimoniorum, imprecationis hujus veluti proverbialis: quod quidem actum Pareo in *electis Plautinis*, & Ruperto in *observationibus ad Sallustii Catilinarium* ^q esset rursus agere, apud quos plura, Sophoclis, Xenophontis, Homeri, Græcorum; Ovidii, Plauti, Virgilii, Ciceronis, Horatii, Propertii, Latinorum, prostant. Inter alia Horatius: quàm convenit Dionysio!

*Hosium uxores, puerique cecos
Sentiant motus orientis Hædi, &
Æquoris nigri fremitum, & trememes
Verbere ripas.*

Albinovanus de morte Drusi.

Urbs gemit, & vultu miserabilis induit unum.

*Gentibus adversis forma sit illa precor
Rursusque:*

Hosibus evenias longa senectæ metu.

Similiter observo Appulejum loquutum ^s. *Diophanes* (ait) *Chaldeus mente viduus, necdum suus; hostes* (inquit) *& omnes inimici nostri tam dira, immo vero Ulyssæam peregrinationem incidunt.* Senecæ quoque id è *Consolatione ad Marciam* observavimus: *tanquam dirum omen respuat, & in capita inimicorum, aut ipsius intempestivi monitoris, abire illa jubeat.* Q. *Serenus Sammonicus in Medicina sua metricali* ^t:

*Infandum dictu, cunctis procul absit amicis,
Sed fortuna potens omen convertat in hostes.*

Ad quos versus Rob. Keuchenius ^u Theogniclis, Æschyli, Achillis Tatii, & Cornelii Taciti alia cumulat. Christianorum, inquam, solorum proprium: nam & vir etiam a Deo inventus juxta cor suum arcanum hoc nondum intellexisse videtur, quum, *Averte* (ajebat ^x) *mala inimicis meis, & in veritate tua disperde illos.* Nisi David non privatas injurias, sed in Deum factas desiderabat ipsum ulcisci; aut fortè illo sæculo id licitum fuit, in quo, ut idem ait Tertullianus ^y, *impatiens occasione legis fruebatur.* Hæc ferè suadent mihi, ut existimem nostris sacris additum fuisse Avienum; quod potuit grandior factus, postquam majorum sacra coluisset adolescens.

386. Scripsit Avienus *Descriptionem orbis terræ* hexametris versibus, Dionysium Afrum (alii Alexandrinum, sive aliunde, de quo Suidas variè) hoc est ejus *περί του κόσμου*, non ut Priscianus grammaticus, adstrictè ac breviter, sequenti tempore, sub Zenonis nempe & Anastasii imperio; sed fusè magis, attemperatoque in paraphrasin stylo, in Latinum sermonem transferens, seu potius (ut Barthius ait ^z) *seipsum sapius quàm auctorem suum* sequens. Dionysium sanè commentario doctissimo illustravit Eustathius Thessalonicensis ille Episcopus, qui parem in poetarum Græcorum principem navavit operam. Edidit hunc cum Dionysio Robertus Stephanus, variantesque poetæ lectiones adjecit. Transulere, uti jam dictum, primùm Avienus, postea Priscianus, quem alii Remnium Fannium graminaticum, & inter alios Valentinus Curio, qui Dionysii Græca cum Latina ista interpretatione, Cœliique Calca-gnini annotationibus Basileæ typis propriis

anno MDXXII. edidit, & Guilielmus Morelius existimant. Abel quidam Matthæus è recentioribus suam & ipse interpretationem edidit, Græcis inherens; quod & Andreas Papius Gandensis, Lævini Torrentii ex sorore nepos, sed elegantius, fecit; cujus tam Dionysii, quàm paraphrastis, quisquis ille sit, Priscianus, aut Remnium, aliùve, cum doctis Notis editio Antuerpiensis Plantiniana anni MDLXXV. in manibus omnium est. Quæ, quia Dionysianos fontes adire eum qui Avieni libro isti operam dederit necessarium est, diligenter annotavimus. De Avieni autem ipsius editionibus postea. Qui quidem, ut in superiore libro Dionysium sequutus, terrarum orbem, sic

387. *Arati Phenomena* iisdem hexametris versibus interpretatus, astrorum omnium constellationes, & quibus cadentibus, tota orbis devolutione, quænam alstra surgant, prognosticaque tempestatum, eleganter descripsit. Aratus à *Solu* Ciliciæ urbe *Solenis* dictus, cujus & patriæ inter alios meminit Galenus in *Exhortatione ad bonas artes*, & Antipater in epigrammate quodam Græco ^a. Antigoni Gonatæ Macædonum Regis familiaris fuit. Eudoxum Gnidium ille sequutus fuit. Quod innuit noster de Jove loquens:

*Hic primum Gnidii radium senis intulit astris.
&c.*

Et postea:

*Quæ rursus ingenio, numerisq; Solensibus idem
Juppiter efferrè melius dedat.*

388. *Phænomena* hæc Arati primus in Romanum sermonem convertit M. Tullius Cicero, cujus fragmenta tantùm exstant; quæ tamen interpolavit supplevitque, ut integram daret interpretationem, propriis versibus, quo loco deerant Ciceroniana, vir cl. Hugo Grotius. Interpretatus quoque idem opus fuit Germanicus Cæsar, qui, si Jano Rutgersio ^b credimus, Cæsar Domitianus erit, qui parentem Vespasianum alloquutus in operis ingressu fuerit, non Drusi filius is, quem Tiberius adoptavit, ad quem Giraldus inclinat ^c. Nam Germanici nomine Domitianum fuisse nuncupatum ex Quintiliano ^d & Martiale ^e compertum habemus. E recentioribus Aratum carmine vertit Latino Nicolaus Alanus Anglus, editi Parisiis apud Andream Wekelum MDLXI. in 4^o. Commentarios quoque in *Phænomena* quamplures edidisse dicuntur, quorum catalogum cap. 32. *De scientiis mathematicis* Gerardus Vossius dedit. Horum exstant Hipparchus, & Achilles Tatii fragmentum, quos Petrus Victorius ex bibliotheca Medicea, ac Theon Alexandrinus, quem J. Valderus (nescio ubi) anno MDXXXVI. & Morelius Parisiis MDLIX. edidere. Germanici verò *paraphrasi Aratæ* cum scholiis quibusdam fruimur, quorum scholiorum scriptor, vel ipse auctor versionis Germanicus, (ut agnovit olim Lactantius ^f, censuitque Politianus ^g) vel Cæsius (alii Calpurnius) Bassus fuere. Avienus verò noster post tot insignes Arati interpretes (quibus & Julium ipsum Cæsarem tam Julius Firmicus

^q Pag. 30. ad cap. 9.

^r Carm. 25.

^s Lib. 2. Metam.

^t Sub tit. De fracturis & lacerationibus sanandis.

^u Cum cujus Notis editus fuit Amstelod. MDCLXII. in 2.

^x Psal. 53.

^y De patientia cap. 6.

^z Lib. 46. Adq. cap. 16.

^a Lib. 1. Aristotel. c. 46. ad de aliud incerti lib. 2. cap. 6.

^b Lib. 2. Var. lib. 2. cap. 9.

^c Dial. 5. De poësis cap. 9.
^d Lib. 10. cap. 1.
^e Lib. 8. epig. 65. & aliis.

^f Lib. 1. De falsa relig. cap. 11.
^g Cap. 38. Miscell.

h In Prefat.
lib. 2. Mashefec
& lib. 8. cap. 5.

f Pag. 51.

micus^h, quàm Suidas annumerari volunt) non inutiliter bonas horas in eodem colloca- vit opere, Arati optimum non solum paraphra- sten, sed & interpretem agens, ut Scaliger ad Manilium inquitⁱ.

389. In ea, quæ princeps fuit, ut credi- mus, Arati edit. Veneta MCDLXXXVIII. in 4^o. cuius Labbeus meminit, Græcum ejus fragmentum tantum, & Ciceronis quod ex- stat, publicata fuere. Sed vidimus nos in Va- ticana bibliotheca non quidem Arati Græca, sed *Arateanæ* Avieni interpretationem, *Orbis descriptionem*, & *Oram maritimam*, de qua jam dicimus in ejusdem anni MCDLXXXVIII. editione Veneta Thomæ de Blavis de Alex- andria in 4^o. Veneta quoque alia editio unius Avieni paraphrasis in Arati Phenomena an- ni MDXCIX. in Bodlejana sive Oxoniensi exstat bibliotheca. *Arateorum syntagma*, hoc est *Arati Phenomena cum interpretatione Ciceronis, Rufi Festi, & Germanici* Morelius edidisse Parisiis fertur anno MDLIX. in 4^o. Prodiit quoque ex officina Sanct-andreana MDLXXXIX. Attamen ex Hugonis Grotii manu locupletius acceptum Raphelengius ty- pis Plantinianis Lugduni Batavorum edidit MDC. in 4^o. in quo Aratus, Cicero, Germa- nicus, Avicenusque noster conspiciuntur: in- terpositæ item Germanici versibus figuræ cœ- lestium imaginum ex Susiano quodam veteri libro. Omnia hæc cum ejusdem Grotii eru- ditissimis Notis. Proprio autem Marte Avie- nus elucubravît, aut elucubrare cœpit

390. *De ora maritima*, jambicis versibus, Probo directum opus, cui Taurici Ponti no- titiam tantum ab eo quærenti, descriptionem totius oræ maritimæ ab oceano per omnes Europæ plagas usque ad Tauricum ipsum Pontum, ut videtur, mittere aggressus, fragmentum tantum hujus operis nobis reli- quit. Probum hunc non aliunde ab eo consulari Vossius existimabat^k, ad quem Claudianus scripsit. Ego autem nullum reperio hujus nominis, sed Probini tantum, cui nuncupata legitur hujus poetæ quædam epistola. Constat sanè ex Avieno ipso cognatum sibi, ac filii loco esse Probum, ubi ait:

His addo & illud, liberum temet loco

Mibi esse, amore sanguinisque vinculo.

Quæ carmina huc adduxi, ut correctiora da- rem; quæ quidem in editis corruptissima sunt. Percurrit descriptio hæc ab oceani confinio, & freti Herculei angustiis ad Massiliam usque in Galliæ ora: reliqua desiderantur. Quæ hic legis, Hispaniæ plura loca, & locorum situs, absque hoc fragmento, esset, ignoraremus. Ea enim, ut jam monuimus, ex Punicorum libris decerpfit, & ex Græcis, quæ non ha- bemus, geographis, quorum ipse notavit in aditu libri nomina.

391. Scripsisse autem hunc post *Descri- ptionem orbis* ipse fatetur auctor^l.

— *reliqua porrò scripta sunt*

Nobis in illo plenius volumine,

Quod de orbis oris partibusque fecimus.

Quæ duo, & alia forsân opera à se edita, cum ad Aratum describendum accessisset, in- dicavit his versibus:

*O mihi nota adyti jam numina Parnassei;
O per multa operum mea semper cura Ca-
mæne,*

Jam placet in superum visus sustollere cælum.
Nam præter hæc omnia (improbi laboris opus.)

392. *Livium totum jambis expressit*, ut Servius ait in illud Maronianum ex lib. 10.

*Hinc Helenem petit, & Rhæti de gente ve-
tusta*

Auchemolum.

393. *Fabularum Æsopicarum* liber ad Theodosium, hoc est, Macrobius, dire- ctus, esse quoque existimatur nostri Avieni. De nuncupatione quod diximus, præter alia superius annotata, comprobare mihi viden- tur Theodosii ejusdem laudes præfationi con- signatæ, qui in utroque literarum genere (poë- ticâ scilicet & oratoriâ) & Atticos Græca eri- ditione superare, & Latinitate Romanos dicitur. Quod bene adaptatur Macrobio *Saturnaliorum* scriptori elogium. Hujus sententiæ sunt, Gi- raldum reprobantes, qui Theodosium Impe- ratorem credidit appellatum, Sirmondus, quem supra adduximus, & cum Pichæo, qui dubitanter; Paullus Colomesius, qui abs- que ulla hæsitazione affirmavit: *Cimeliorum Li- terariorum* cap. 38. Exemplo autem Socratis, qui quasdam Æsopi fabulas versibus expref- sit Elegiacis, unde distichon servavit Dioge- nes Laërtius in ejus Vita, post Gabriam, qui Græcis & ipse versibus, Phædrumque, qui Latinis aliquam earum partem transtulit, quadraginta duas Avienus selegit, atque ele- gis translatas dedit. In mss. codicibus appella- tur auctor & *Avianus*, & *Anianus*, sive etiam *Abidnus*. ut Giraldus ait^m. *Anianum* laudat Accursius alicubiⁿ *Fabularum* auctorem. *Abienum Mythologum* citari in mss. & apud Petri Danielis *Servium* monet Barthius^o. Joanni autem Baleo *Anglicorum scriptorum* pessimæ fidei collectori in mentem venit, ut Rufinum quendam poetam Britannum, tam hujus *Fabularum* libelli, quàm alterius *De oris maritimis* supra memorati operis aucto- rem jactare ausus sit, reprehensus hoc nomi- ne à Jacobo Uferio in *De primordiis Britan- nicarum Ecclesiarum* cap. 16. ^p Sed pro Avieno stat idem cum ceteris genus operis, idem au- ctoris genius, qui *gauderet* (ait Vossius^q) *aliorum inventa Latinis versibus reddere*. Joannes item Saresberiensis lib. 7. cap. 24. *De nugis curialium*. Sed Barthius Aviano, ac nil mi- nus, quàm nostro Avieno, *Fabulas* adjudicari debere ait^r. *Cum ad hujus spiritum & ner- vofissimam dictionem collatæ eę fabulę sint vix trama figurę*. Causatur alibi^s, ut judicium hoc tueatur, quod *Fabularum* auctor Chri- stianum se prodât. Quæ tamen distinctionis nota parum contra nos urget, qui Avienum talem suspicati sumus. Prætexit & nominis diversitatem. Sed & in his facilis est unius literulę in aliam lapsus, ut Vossius advertit. Nec ideo tamen Barthii judicium nos auda- ter improbamus, aut *Fabularum* scriptorem nostrum omnino volumus Avienum; Avia- num licet istum non inelegantem idem Bar- thius credat^t. At quod hujus tamen loci est, non

k De hist. Lat.
lib. 2. cap. 9.

l 7. 71.

m Dial. 4. pag.
191.
n In 5. De illa
sanè Instit. De
Societate.
o Ad Statil
lib. 5. Theb. 9.
481.

p Pag. 797.

q Ubi supra.

r Lib. 46. Adv.
cap. 16. in fine.

s Lib. 19. cap.
24. & lib. 27.
cap. 1. & lib. 50.
cap. 7.

t Lib. 50. cap. 7.
non

non dissimulamus, eundem Barthium commentatiunculas quasdam vidisse Albinij cuiusdam in *Flavii Aviani* (ut in priscis schedis vocatum ait) has *Fabulas*, unde lib. 39. *Adv.* cap. 7. ac 13. producit, examinataque nonnulla. Isaacus Nicolaus Neveletus ad easdem *Fabulas* aliquid Notarum edidit.

393. His poetæ operibus adjungi solet etiam in vetustissima editione, quam vidit Barthius, cuiusque lib. 1. *Adv.* cap. 7. meminit, in Epigrammatum quoque & poematum veterum collectione à Pithæo edita, & in ultima Matritensi, paullò post laudanda, cum hac epigraphe quoddam carmen: *Rufus Festus Avienus v. c. Flaviano Marmecio v. c. suo salutem. Quod quidem (Barthius ait) pro dedicatione Oræ maritimæ habuerunt typographia nascente grammatici non satis circumspexerunt, ut Crinitus, homo mirè ambitiosus in his quæ novit, in vita Avieni. Et hoc sapit quidem Avieni nostri phrasin; quo ab amico Africana sibi vecta navi malo-granata ut mittat, æger ipse, & fellito, ut ait, oris sapore, affectus rogat. Annectuntur alia duo: Sirenum allegoria, Avieno non indignum carmen, & ad amicos aliud de agro suo, quod incipit: Rure morans quid agam, &c. quod cum Martialis inter opera edi consuevisset, jam ejecerunt possessione tanti nominis viri eruditione præstantes. Scrivendum vide sis in fine Notarum ad lib. 4. hujus poetæ. Cuncta hæc opera poetica editio Matritensis continet anni MDCXXXIV. quam vir eruditus D. Petrus Melian, in conventu juridico Guatemalensi regius, ut vocant, Auditor, à se ornatam ad D. Laurentium Ramirezium de Prado Indiarum Concilii senatorem nuncupatoriâ satis eruditâ epistolâ direxit.*

394. Sed eadem antiquissima, uti jam diximus, Veneta continet Thomæ de Blavis Alexandrini editio anni MCDLXXXVIII. in 4°. si excipias tamen *Fabulas*, unâ cum Arati versione à Germanico, atque alia à Cicerone facta; Quinti Sereni Sammonici medico opere metrico, & Hygini astronomico. Præcedit in ea ad Avienum Victoris quædam epistola Pisani Paullo Pisano senatori Veneto directâ. *De orbis terræ partibus* Venetiis olim, & fortè primùm, prodiit liber Avieni anno MDII. in folio. Descriptio orbis terræ unâ cum ora maritima & fabulis Antuerpiæ MDCXXXII. in 4°. Interpretatio Arati, hoc est Phænomena, Venetiis MD. in folio, emendata à Morellio Parisiis MDLIX. in 4°. & MDLXIX. in folio. Inter astronomica veterum scripta MDLXXXIX. in 8°. Fabulæ seorsum cum Notis Neveleti Parisiis MDCX. item MDCXXX. Quæ omnes editiones sunt in Barberina bibliotheca Romæ.

395. *Rufi Festi* autem nomen, quod fuit Avieno, seu *Festi Rufi*, quorundam^u excitavit mentes, ut eundem hunc habere auctorem suspicerentur *Epitomen rerum Romanarum*, quæ Sexto Rufo vulgariter, verùm à Raphaële Volaterrano *Festo Rufo* adscripta legitur. At cum hujus epitomes seu breviarii auctor Joviani & Valentiniani ejus successoris ætate scripserit, sequè Valentiniano Cæ-

fari, cui librum inscriptum voluit, profiteatur^x *quo graviorem se jam esse; non video quomodo possit cum eo compingi Avieno, qui à Saturnaliorum scriptore juvenis adhuc dicitur. Valentinianus enim senior iste anno CCCLXXV. extinctus est. Saturnalia autem scripta sunt quo tempore Symmachus maximè florebat, qui Consul fuit cum Titiano anno CCCXCIV. tamque is, quàm Cæcina Albinus, Imperatoribus Honorio & Theodosio urbi præfectus, ob gesta hæc jam fortè munera, dignitatè mve iis gerendis parem, civitatis Romanæ lumina à Servio grammatico ejus operis dialogista compellantur. Itaque idem homo Festus sub Valentiniano jam senex, non potuit Theodosianorum ævo Cæsarium audire juvenis. Quâ etiam differentia ætatis ab alio Avieno recentiore distingui-mus; cum & concurrat cognominis diversitas. Is fuit Gennadius Avienus, quem consularem vocat Sidonius lib. 1. ep. 9. quia Consul fuerat cum Valentiniano juniore septimùm anno CDL. quo Theodosius obiit Arcadii filius, ut constat ex leg. Ultim. Cod. De officio prætorum.*

396. Ceterum quod ad ingenium spectat, aliasque animi dotes, Avienus tener adhuc ætate eâ doctrinâ, & alacritate, modestiaque apud Macrobiū depingitur; ut si idem sit cum poetâ nostro Macrobianus ille, jam tunc specimina ediderit non vulgaris aliquando futuri vatis. Quidnam verò laudis ab Scaligero audierit, jam ostendimus. Crinito est poetâ eruditus & elegans. Giraldo tolerabilis, & dignus, saltem ob rerum cognitionem, ut aliquando legatur. Jejunè quidem, & parum æquè, cum ab aliis ampliores sit laudes meritis. Barthium audiamus^y: *Luculentum & grande carmen est Avieni Periegesis ex Dionysio descripta, potius quàm conversa. Dignum cum reliquis ejusdem poetæ subisse censionem Josephi Scaligeri, quam eum heroem literarium aliquando molitum, aut pollicitum, certè ex iis discimus quæ Phædro ab se edito adjecit Franciscus Raphelengius^z. Qui plura notat hujus poetæ acumina & elegantias, subjiciens: Talia multa hic præstantissimus poetâ sepulta ferè inscitiâ librariorum & typographorum. Idem alibi a: Præstantissimus, & magni omnino oris vates, in iis est Rufus Avienus qui spiritum capiunt. In Jambis verò venustus & eruditus. Vulgò minus utilis habitus; certè vel à doctis ipsis rarissimè nominatus, ob mendorum, credo, copiam.*

397. In Arati quoque paraphrasi non minus luculentus auctor eidem videtur Barthio^b *graveque atque eruditum hoc scriptum, sed tamen venè difficilioris, & quæ Afrum quid spiret. Simillima sunt quæ de Orbis descriptione, atque in genere de quocumque ejus censet opere^c. Multa non tam bona, quàm optima, vel & optimis meliora, nobis suppeditant poemata Rufi Avieni, scriptoris luculentissimi, poetæ verò ad eodè excellenti spiritu, ut nonnunquam sese ipsum vix videatur capere. Et postea: Taliū immensa est vis apud Avienum. Est enim poetâ admodum generosus & splendidus, quod in rebus tot difficultatibus nominum impeditis, & insuper alieni operis interpres, mirificè de-*

^x In fine operis.

^y Lib. 28. *Adv.* cap. 16.

^z De Scaligeri hac destinatione vide etiam lib. 49. cap. 13. in fine. ^a Lib. 28. cap. 12.

^b Lib. 36. cap. 12.

^c Lib. 46. cap. 16.

^u Vossium De H. L. lib. 2. cap. 3.

monstravit. Utinam verò exstarent, quæ magis capacia tanti ingenii idem scriptor edidit. Idem alibi ^d doctrinæ uberem vocat, nec ferè quicquam in eo legere (ait) quin eruditior abscedat; parumque, aut ne vix quidem, cognitum eum pluribus, antiquitatis qui sese crederent consultissimos, dolet. Insignis ingenii vatem in ad Statum animadversionibus ^e, atque item plenioris utique oris ^f spiritus! quam qui interpretatione alicorum operum se deberet consumere. Convenit in styli laudatione Philippus Brietius, dum post Crinitum, Giraldum, & alios, de poetis Latinis censet. Stylus Rufi Avieni (ait ^f) tersissimus est, expeditus, & tempora meliora sapit. Multos idem Barthius avere ait ^g hunc cum perpetuis animadversionibus, eaque formâ, quæ talem decet poetam, exornatum, in publicum dare. Nec nos olim desperabamus quicquam è penu nostra, quæ huc facerent, experturi vires industriæ depromere, si nacti essemus ms. aliquem codicem, qui hætenus latuit.

398. Sed quousque tandem invidetis nobis (ajunt ii, quibus ex nostris civibus confutia arrident Chronica Toletani fœtus) luculentissimum de Avieni rebus Maximi Cæsar-augustani testimonium, quod aliorum agmen ducere debuit? Horum autem expositulatio tantum valet, quantum Pseudo-Maximi auctoritas, quæ nulla est. Rejecimus quidem nos ficulnearum harumce nugarum ostensionem simul & refutationem in hunc locum, ne parum hoc fermenti mediis rebus immistum massam totam inficeret. Pseudo-Maximus ait ^h: In regione Pedana (aliàs Pedania) in Oretania Hispaniæ floruit olim sub Castino Episcopo Toletano Rufus Magnus Festus Avienus, qui scripsit De oris Hispaniæ & Situ orbis vario carminum genere. Sed hæc multiplici ex capite arguimus falsi. Primò, desunt ex Maximo codicis Estepani. Deinde absurdum est nulla alicunde occasione habita, id quod olim factum fuit, historicum, maximeque chronologum, sive annalistam, rebus, quas uti nunc factas prosequitur, immiscere.

399. Quæ autem Pedana regio pars Oretaniæ in Hispania? Ita enim habet princeps editio Cæsar-augustana. Carus autem edidit: In regione Oppidana, & in Oretania. quasi Oppidani populi, quorum mentio est in celeberrimi Alcantaræ urbis super Durium pontis Romana inscriptione, significantur. Bivarius tamen in regione Pedana (retinuit) in Oretania: portionem, seu regionem, ut interpretatur, Oretanorum hanc fuisse, quæ apud nos nunquam audita est, mordicus tenens. Cui tamen à Peto vetusto Romani agri oppido Pedanis Hispanis originem, & ab Avia Vaccæorum municipio Ptolemæo i cognito, seu Bæticæ. Plinio ^k, aut à fluvio Gallæciæ Avia nomen Avieno, seu Aviano ingeniosè, ut alicui videbitur, deducendi, credant per me illi, qui doctrinâ & ingenio abuti in nihili rebus commendatione aliqua dignum existimant.

400. Præterea Luitprandus in assignanda poetæ patria non parum à Maximo aberrat.

Obiit Rufus Festus Avienus (ait ⁱ) vir catholicus, & Hispanus, civis Elborensis, in Carpetania Hispaniæ eodem anno & die quod S. Augustinus ascendit ad cælos. In sua civitate sepultus est præsentem Majoriano Archiepiscopo Toletano in æde S. Leocadiæ. Oretano namque & Carpetanos populos invicem confundere, quod necesse est ei qui utrique horum auctorum adhibere fidem velit, geographia recta non permittit ^m. Nec Avienus, quomodo noster vulgò hætenus audit, sed Avianus ab Avia formatur.

401. Deinde ait Pseudo-Maximus sub Castino Episcopo Toletano eum floruisse. Pseudo-Luitprandus verò, eodem die & anno, quo S. Augustinus (hoc est CDXXX. xxviii. Augusti) diem suum obiisse. Quæ duo esse simul nequeunt. Castinus enim non ante annum CDL. teste eodem Pseudo-Maximo, viginti nempe annis post mortem Avieni, Toletanus creatus fuit Episcopus. Æthiopem lavat Bivarius, qui non sub Castino Episcopo, sed sub eodem adhuc magistro militum in Hispaniis agente (idem enim cum Episcopo is fingitur) ut album scilicet nigro conciliet, floruisse Avienum jactat. Cum enim Castinus militum magister bellum gesturus cum Wandalis anno CDXXII. missus in Hispaniam fuerit, reque in Bætica malè gesta victus Tarraconem aufugerit; quis sanus credat sub hoc homine floruisse eum aptè dici, qui nec in Bætica, nec miles erat? aut sub Castino Episcopo Toletano idem esse auctori, quod sub Castino tunc temporis duce, postea Episcopo? Quare damnatâ istâ sic absurdâ temporis notâ, pro Castino Audentium, vel Gregorium, qui Theodosio Imperatori equales vixere Toleti præfules, substituere aliàs placuit ⁿ. Nam quod in Pseudo-Luitprando legitur, sub Majoriano contigisse poetæ obitum, æquè contrarium est Toletanorum præfulum, quam hi auctores persequuntur, historiæ. Maximo enim annus CDXXXV. primus est Majoriani Episcopatus. Neque is potuit diem suum ante quinque annos obeuntis Avieni sepulturæ interesse. Historici nempe nostri, seu somniatores potius, Andabatarum more in sese ipsos invicem irruunt, ac sine missione decertant.

402. Prope finieram de Avieno dicere, quum recordatus fui laudatorum alicubi fragmentorum Avieni De urbibus Hispaniæ mediterraneis. Sed quæ verè sint ex Hieronymi Romani ab Higuera Jesuitæ Toletani suspectis mercibus. Hæc enim ait ^o se accepisse ex bibliotheca Cardinalis Carrasæ ex Urbe ad se adducta. quorum ipse his locis Historiæ Toletanæ in ora memoratæ unum & alterum exscripsit. Sed quia nunc non est sub oculis prædicta historia, mutuabimur ex aliis aliqua forsân non ab istis diversa. Apud alteram urbis Toletanæ historiæ, quam fabulosam non injuriâ dicimus, utpote, bona quamvis auctoris fide, inventionum ficulnearum pannis confutam, D. Petri de Roxas, Mauræ Comitæ, cap. 9. lib. 4. dum de Circensibus ludis Toletanis agitur, ex Sexti Rufi Avieni fragmentis comprobandæ huic antiquitati hoc præteritur:

Hinc

ⁱ Advers. 1. 1. aliàs 250.

^m Vide Plinium lib. 3. cap. 1. & 3. Ptolemæum lib. 2. cap. 6.

ⁿ De Petro Melian in Prefat. ad Avieni opera.

^o Lib. 3. cap. 2. Hist. Tolet. Ms. & lib. 3. cap. 23.

^d Lib. 49. cap. 13.

^e Lib. 1. Theb. 7. 635. & lib. 2. 7. 38. pag. 274.

^f Lib. 4. de Poëtis Latinis ante Aeneid. & post eam.

^g Lib. 49. cap. 13.

^h In Chron. ad ann. CDLX. num. 4.

ⁱ Lib. 2. cap.

^k Lib. 3. cap.

^l Lib. 3. cap.

*Hinc Carpentani, carpenti è nomine & usu
Sic dicti, quod nobilitas hoc ferret equorum,
Qui patrie^p decus exstiterant, qui gloria Cæci.
Bætones hoc^q zephyrogenios, hoc Susana tellus
Mittit, inoffenso solum^r juga prendere cursu.
O quoties Romæ, atque alibi, prævertere palmas
Jā partos^s prope fulmineis didicere quadrigis!*

403. Sed suppositos Avieno fuisse hos ver-
sus, res ipsa clamat quæ iis præcipuè contine-
tur; carpenta scilicet, quæ Romæ & aliis lo-
cis in usu fuere, à Carpetanis Hispaniæ po-
pulis nomen habuisse. Quod enim aliqua veri
similitudine id censi posset, in primis trans-
formandum fuit gentis nomen à *Carpetanis*
in *Carpentanos*, quod utique poëta facit, absq;
aliquo Latinorum auctorum, quibus *Carpe-
tani* constanter audiunt, exemplo. Consulti
quidem Livius^t passim, & (cui magis quàm
aliis credendum est, quippe in Hispania pro-
curatori non semel aut bis) Plinius^u, & inter
Græcos Ptolemæus^x, concurrunt: quibus uti-
que Latinis scriptoribus in geographia nostra
magis deferri debet quàm Græcis Plutarcho^y
& Straboni^z, *Carpentanos* efferentibus. Im-
mo, quantumvis non parum transformato
nomine, n literam Polybius^a, Καρπησιος, *Car-
pesios* vocans, subtraxit: quod loci deveniens
Livius lib. 21. cap. 5. *Carpetanos* pronuncia-
vit. Non enim *Carpesii* & *Carpetani* alius &
alius fuit populus, quamvis apud Stephanum^b
diversi videantur. Hic tamen *Carpentanos* Καρ-
πησιαν appellat.

404. Planè in vero Carpetanorum nomi-
ne Ambrosius noster Morales hinc atque il-
linc varia nominis enunciatione distractus hæ-
sit^c, & ad *carpenta*, ut falsus iste Avienus,
quodammodo respexit, eò magis quod nusquam
lapidi insculptum gentis nomen aut numif-
mati impressum videre sit, cui præstare ma-
gis fidem, quàm scriptis libris deberemus. Ne-
que tamen id sufficit ut à Latinorum^d con-
stanti scriptura discedamus, & Isidorus Ar-
chiepiscopus Hispalensis sequutus videtur,
quando *carpentum* non à *Carpentanis*, quos
nullos sciebat esse, sed à quavis alia deduxit
origine^e. Noviores item alii etymologizæ
eruditione viri præstantes nil aliud in mente
habuerunt minus quàm Carpetanos Hispaniæ
populum Romanorum carpentis appellatio-
nem peperisse, aut Romana carpenta Hispa-
niæ genti & provinciæ. quod Morales fieri
potuisse ægrè credidit.

405. Planè, si à Carpetanis, sive, ut vo-
lunt, Carpentanis, aut ab hujus populi car-
pentis, à quibus nomen ipse mutuaverit, Ro-
manis carpentis cum usu advenerit appella-
tio; vix est ut hoc etymon haud passim Ro-
mæ notum esset, neque ut Ovidius conjectu-
râ usus ad Carmentam Euandri matrem oculos
conjecerit *Fastorum* 1. libro dicens:

*Nā prius Ausonias matres carpenta vebebāt.
Hec quoque ab Euandri dicta parente reor.
Quo ipso denotat antiquiora in urbe esse
carpentorum usum nomenque, quàm ut ab
Hispania, ignoto penè Romanis usque tunc
regno, videantur propagata. Et convenit
Livius libro 1. dum de Tullia Regis Tarqui-
nii uxore ait: Carpeno certè in forum invecit.
Bibliotheca vetus Hispana Tom.I.*

evocavit virum. Atque item lib. 5. antequam
Hispania carpenta sua Romanis exhibere po-
tuerit, bonorem (ait) matronis habitum ut piletio
ad sacra ludosque, carpentis festo profestoque
uterentur. Neque vice versa rationem aliquam
congruam aducent hi, qui genti Hispaniæ à
Romanis carpentis factam appellationem
contenderint, nullo hujusmodi exemplo inter
tot populorum peragratæ à Romanis, ac de-
mum subjæctæ sibi Hispaniæ nomina religio-
sè ubique observata.

406. Quare, ut carpentis, hi quos dixi-
mus, ita Carpetanis aliam originem nostras-
tes alii quærun. In Hispania Tartessus flu-
vium, hodie Bætim, dictum olim *Carpiam*
alicubi docuit Pausanias^f: unde *Carpesios* Li-
vii^g, Polybii, & Stephani^h, & *Carpentanos* alio-
rum dictos fuisse, propagatâ fluvii ad populos
nomenclaturâ, ut ferè solet, non temerè di-
xeris. Stephanos *Carpentanos* à *Carpeia* urbe
appellatos credidit, quam alibi *Calpeiam* vo-
catⁱ. καὶ τὴν πόλιν Κάλπειαν. τινες τούτους Καρπι-
τανὸς, οὗς Καλπειανὸς, φασί. id est: & urbem Cal-
peiam. (sive Calpeiam.) Quidam bos dicunt Car-
pitinos aut Calpitinos. Ita enim credo esse le-
gendum in Græco, Καλπιανός. Item in verbo
Καρπεία. Καρπεία ἔσται ἐν τῇ Κάλπει. ὅτε τινες
Καρπείαν τὴν πόλιν φασί, ἢ Καρπιτανὸς τὸ ἔθνος.
Carpeia. Dictum fuit in *Calpe*: ubi aliqui di-
cunt *Carpiam* urbem, & gentile *Carpentanos*.
Aut si Græcæ linguæ impressa jam eo tem-
pore, si Deo placet, vestigia sequamur; à
καρπών, *fructuum* vocabulo Carpetanorum flu-
xisse nomen non difficile factum est, uberem
terram designaturum. Queri etiam potest ori-
go genti ab Africana urbe *Carpi*, quæ (ut aliæ
alibi ejusdem nominis) non obscura est in
provincia ipsa Africa, unde Carpitani Epi-
scopi hujus gentis Conciliis interfuere, & cum
Carthaginensibus novis Hispaniæ incolis anti-
quioribus indigenis communicatum existima-
ri. Sed nobis arridet magis vernaculum Hi-
spaniæ gentis, nec aliunde acceptum vocabu-
lum fuisse; cui vel hodie principium acceptum
ferre videntur loci quidam apud nos *Carpio*
appellati in Bætica & Castella.

407. Neque Avienus potuit germanus cre-
dere inter *carpenta* & *Carpentanos* commune
aliquid esse. Accedit quod neque eidem po-
tuit in mentem cadere, ut carpenta cum
equis circensibus jungeret: diversissima enim
sunt carpenta & currus, vel in Græcis vel in
Romanis ludis usurpati, quos bigas, trigas,
quadrigas, ab equorum numero vocare mos
fuit. Carpenta enim frequenter mulæ, quan-
doque & equi, ac boves trahebant; sed matro-
nis aut magistratibus gradatim & cum pom-
pa ducendis sedentibus, eaque majoris operæ
& commoditatis, quàm currus levissimi cir-
censium agitatorum, quibus nonnisi stantes
innitebantur. Plurculum hic morari poteram,
testimonia veterum auctorum, quibus omnia
hæc comprobantur, adducens; nisi ea, &
quicquid ad rem spectat, in locuplete atque
erudito *De re vehicularia* commentario lib. 2.
cap. 11. ac sequentibus, ubi de circensibus
curribus, & cap. 17. ubi de carpento agit,
Joannes Schefferus Argentoratensis collegis-
set.

f Lib. 6.
g Lib. 13.1
h Ubi supr.

i In Κάλ-
παι.

p Pro Patri,
quod editum
est.

q Hæc dicere
voluit, ut cre-
dimus.

r Salutar, ut
sensus constet.
s Imò par-
tas.

t Lib. 21. c. 5.

u Lib. 3.

x Lib. 2.

y In Hæmi-

balis Vita.

z Lib. 3. Geog.

a Lib. 1. Hist.

b In Καρ-
πησι, & in
Καρπησι.

c In Anti-
quit. Hispania.

d Florianus
noster hanc se-
quitur lib. 3. c.

41. Nonius c.

45. Hispania.

Alderet. lib. 3.

Orig. Hist. c. 3.

& 12. Ant. Ne-

briss. in Lex.

geograph. Ro-

deric. Toleta-

nus lib. 1. cap. 3.

Mariana lib. 1.

cap. 4. Resce-

dius in descri-

bendis Lusit.

finibus lib. 1.

Ant. Lusitan.

Gerundenis

lib. 1. Hispania.

1. a. alipomenon.

Erietus in Pa-

ralellis Geogra-

ph. Roder. San-

cius lib. 1. c. 3.

e Lib. 20.

Orig. cap. 12.

set. Planè carmina ista per me Avieni erunt, si auctor aliquis carpenti vocabulo in circensi re usus ostendatur.

408. Quinimmo nec allusio nominis Romani vehiculi ad Hispanum populum tale argumentum est, quod Galli non eadem vi urgere possint, ut *Carpentum* & *Carpentora*, eorum urbs in Provincia, quæ *Carpentoræ* nunc audit, ejusdem sint originis. Nam & propria Gallorum vehicula significare volens Florus, non aliud quam carpentorum nomen usurpavit. *Ante hunc diem* (lib. 1. cap. 18. ait) *nihil nisi pecora Volsorum, greges Sabi-
rum, carpenta Gallorum vidisses.* nempe ante Tarentinum bellum & Pyrrhum debellatum, ex eoque ditissimum triumphum reportatum. Aut propria septentrionalium gentium. Nam & Cimbris idem auctor Florus lib. 3. cap. 3. & Britannis cap. 10. attribuit. Mirum autem valde est qua securitate noster Mauræ Comes, cui hocce Avieni primum fragmentum debemus, quasi notissimum affirmaverit, ludos Carpentos, hoc est, Toletanos, Herculi dum apud nos regnaret exhibitos, originem dedisse ludis Olympicis Romanorum; idque unico auctore nixus, qui adhuc latitat, censoriæ hujus ætatis virgulam timens.

409. Secundum Avieni fragmentum idem ipse Mauræ Comes adducit lib. 2. cap. 2. hujusmet *Historiæ Toletanæ*, quod nec minus prodiit auctorem, etiam correctum à nobis, & è pluribus erroribus editionis purgatum.

*Et Carpetanos inter provecta sub auras
Toletum labor Alcideæ, præclaræque gentis
Metropolis, cingente^m Tago seⁿ undique jactat,
In qua tardigrados^o conspectat parte Triones.
Hanc^p pater Alcides (ut dicunt) condidit urbem.
Mox ubi tergemino^q victor Gerione perempto
In Latium meditatur iter. Dionysia^r quondam
Primum dicta fuit de fundatoris bonefio
Nomine. Toletum alii dixere coloni.*

Ex *Historia Toletana* Hieronymi de Higuera, & ex Alphonfi Tellii Menesii *Historia Orbis*, qui per Higuera profecit, desumere se istud fragmentum non dissimulat Mauræus Comes. Nec aliunde potuit, quam ab auctore ipso carminis, qui domi hæc Toletanæ urbis adulatoria machinabatur elogia, fumum pro igne ut venditaret, & quicquid sibi in buccam venerat, antiqui alicujus scriptoris falso sigillo munitum, vœnale proponeret. Id quod manifestum redditur collatis in unum, quod nunc facimus, his, tanquam ex Avieno mutuatis versibus, qui omnes Toletum clamant, ac si unius hujus urbis laudibus constaret urbium mediterranearum Avieni descriptio. Neque enim ex his fragminibus aliquod hætenus Spartam aliam adornans in publicum prodiit, aut, quod factum fuisse debuit, in manus D. Laurentii Ramirezii pervenit, quum Avieni operum editionem Petri Meliani operâ usus adornabat; cui Ramirezio tam fuit Higuera, & quicquid ab eo processisset, charum, & luce dignum.

410. Interea triplicem urbis nomenclaturam hic habemus. Primam ab Hercule, (aliquam enim ille imposuit) secundam à

Dionysio, seu Baccho, *Dionysiam*; tertiam Toletum, à nescio quibus colonis impostam. Quod inter aniles nostrorum historicorum, qui omnia noscere se gloriantur quæ olim facta sunt, fabulas, haberi debere auctor sum. Planè absurdè dicitur Toletum urbem se jactare Tago undique eam cingente, cum statim audiamus hoc fieri qua parte septentrionem respicit. Undique enim haud cingitur, quæ ex unica tantum cœli plaga cingitur. At si fundavit Hercules, utique nomen imponere debuit. Quomodo ergo à Dionysio primum fuit appellata? nam Dionysium ab Hercule necessario distinguimus. Non igitur imputandum Avieno est, quod impotentia quadam gloriosissima quæque & antiquissima suæ urbi arrogandi, carminis auctor finxit.

411. Interim è duobus his fragmentis ex hoc opere *Descriptionis mediterranearum urbium Hispaniæ*, quod Avieno imputatur, desumptis, constat hexametris versibus id formatum fuisse. Quo magis novum videri debet, hanc *Historiam* Mauræi Comitæ *Toletanam* legentibus, hujus fragmenti ultimò dicti continuationem quandam produci ejusdem libri 2. cap. 14. non jam hexametris, sed jambicis constantem versibus: in quo tamen hallucinatus fuit Comes differentię securus. Nam tertium hoc fragmentum jambici carminis, *Oræ maritimæ*, quod notissimum Avieni poemation est, D. Thomas Tamajus, criticus melior, adscribit. In quo etiam nos Higuera subodoramur genium, & inventa sua ubique ingerendi ac intrudendi cacoëthen, in quo & ejusdem Tamaji judicium sic ab eruditione ejus alienum desiderabunt omnes mecum, qui hocce Avieni *Oræ maritimæ* carmen legentes consideraverint quàm iniquo explicare loco Pseudo-Avienus, veri corruptor, versuum suorum aciem aggressus sit. Lacuna enim quam his aggestis implere voluit, nil minus quàm supplementum hoc admittit. Oculis tu, lector, fidem præsta, & ride.

412. Descriptâ jam Hispaniæ ad mare interius, quod mediterraneum vocamus, orâ maritimâ, quæ Pyrenæis, juxta veterum quorundam geographiam, concluditur montibus; oram inde Narbonensis Galliæ descripturus, sic Avienus inquit:

*Post Pyrenæum jugum
Jacent arenæ litoris Cynetici,
Easque latè sulcat amnis Roscbinus.*

Fluvius hic idem existimatur cum eo quem Strabo lib. 4. *Ruscinonem* appellat: unde forsitan legendum sit, *amnis Roscinus*. In Avieno sequitur:

*Hoc Sordicene, ut diximus, glebæ solum est.
Stagnum hic palusque quippe diffusè patet,
Et incolæ istam Sordicen, cognominant.
Præterque vasti gurgitis crepulas aquas
(Nam propter amplum marginis laxæ ambitū
Ventis tumescit sæpe percellentibus)
Stagno hoc ab ipso Sordus amnis effluit.*

Quæ sequuntur ea sunt quæ hiant, & quò dolus malè confusus infelicitè sese ingerere voluit.

Ru. effluentis ostiis

.

s. *Sordicen*
editū est malè.

Si-

* Editū est
proverse, nullo
sensu.

l Malè pro
præclaræque.

m In gente
positū legitur.

n Pro sese.

o Tardigra-
das editum est

p Pessimè
editum haud.

q Tergemino
malè.

r Pro Dio-
nyfii.

*Sinuatur alto, & propria per dispendia
Cespes cavatur, eripit unda longior,
Molesque multa gurgitis distenditur.*

Quo loco, si unius duntaxat verbi duorumve in disrupto versu, & unius tantum post hunc integri versus dispendium factum fuit, ut editio significat, apertus est planè sensus poetæ, qui ait: eâ parte quâ in mare effluit amnis Ruscino, venientem ex alto ac terras cavantem pontum quandam sinum formare. Prosequitur namque:

Tres namque in illo maximæ sunt insulae &c.

413. Stupebis, lector, cum Toletanæ urbis quandam specum, *Herculis* à vulgo dictam, huic lacunæ superædificatam, plaudentibus etiam qui analphabeti non sunt, conspexeris. Thomas Tamajus, & Maurus idem Comes, immo & Petrus Salazarius Mendosius, ex eodem fonte omnes, carmina ista produxerunt ad specum Toletanæ speciem transformatam; sed quia fons turbidus perpetuo fuit, alio quidem & alio modo, vixque sibi constantia. Representabimus nos hic unam & alteram, ut magis appareat inconstantia ejus, cui jam hoc, jam placebat aliud, atque interim permittebat è manu sua tam diversa excidere, & ad amicorum pervolare. D. Thomæ Tamaji editio ita habet ex codice sibi monstrato à D. Bartholomæo Castrio Toletano canonico:

Toletum opus victoris Alcide . . .

Hec dicta . . . à conditore . H . . .

Spatia per longinqua vastum spatium cavo

Sinuatur intro, & propria per dispendia

Cespes cavatur, eripit unda longior,

Molesque multa gurgitis distenditur.

At Maurus Comiti felicius contigit, ut integrum (quod illi visum fuit) hocce fragmentum fortiretur, apud quem sic legimus:

Toletum opus victoris Alcide, vado

Cingitur. Hec dicta nunc Dionysia

A conditore. At spatia per longissima

Vastum cavatur antrum; at unda longior

Molesque multa gurgitis distenditur.

Quibus significare ajunt, magnam aquæ vim intra specum ipsam aliquando detinuisse eos, qui huc penetrare.

414. In primis compertum esse cunctis debet, quo tempore & loco de Ruscinone Galliarum Narbonensis fluvio agebat, in poetæ mentem non venisse, nec venire potuisse, de Toletana specu, hoc est, maris oram legenti, de quadam parte urbis, quæ in meditullio est Hispaniæ, nulla sibi porrecta divertendi occasione, agere: id quod satis est ad furcillis ejiciendam è poetæ area notham, sive hujus sit, sive illius, messem huc dolo immisissam. Deinde non injuriâ temerarium Avieni, merces suas importunissimè atque ineptissimè quovis loco introducuntem, sibi excipimus. Qui quidem an hic an alius fuerit, scire nunc nil nostra interest, cum ab Avieno imputata ei testimonia ista mendacio dicta repulerimus: quod quidem & de Dextro censentes cap. 13. charact. 9. sect. 3. admonuimus.

415. Hoc nobis certum est, curiosè quondam, & ante jactatam Dextri & aliorum inventionem, quod anno contigit MDXCIV.

Hieronymum Romanum Higuera ab Hieronymo Blanca Cæsar-augustano historico per literas quæsisisse de hoc opere Avieni. Epistolam habemus manu exaratam, è codice miscellaneo D. Josephi Pellizerii transcriptam, in cujus fine, *Si fortè ad tuas manus (ait) devenit libellus aureus, vel excusus vel manuscriptus, Festi Rufi Avieni De urbibus Hispaniæ, qui ms. erat inter schedas doctissimi Suritæ, me admone: item de Latino Rbafis historico Arabe.* Ad quam interrogationem Blanca ita respondit: *Sed sic habeto Suritam nostrum hac ipsa in re (de Itinerario Antonini & geographia Hispaniæ loquitur) plurimum operæ ac studii posuisse: nam & Itinerarium ipsum ad veterum quatuor exemplarium fidem restituit, & plenissimis illustravit commentariis; quos doctissimus Sebotus, qui ex vestris est, & in vestro Valentino collegio diversatur, sibi à Suritæ filio commodatos, ad Plantinum jam pridem, ut accepi, Antuerpiam misit excudendos. Facillimè inde poteris quod cupis expromere, & illum quoque Festi Rufi, ac Latini Rbafis forsitan, quam quæris, notitiam. De iis namque, nec de aliis, quæ sciscitaris, adhuc nihil comperi, tamen ipsius Suritæ schedas, & alia quæque potui scrutatus sum.* Hæc Blanca, qui Hieronymo Suritæ ante annos novem, scilicet MDLXXX. in urbe Cæsar-augustana defuncto, supellectile sua libraria monasterio S. Engratiæ, in cujus Ecclesia sepulchrum elegerat, legato relicta, successerat in chronographi munere, æquè ac in rerum antiquarum & totius eruditionis studio, in eadem urbe manens, & qui scrutatum se fuisse Suritæ schedas, nec reperisse quicquam de Festi hoc affirmat opere. Qua considerata re mihi facile persuadeo, hujusmodi de Festi *Descriptione urbium Hispaniarum* notitiam ad faciles Hieronymi Higuera aures fraudulenter illusorieque alicunde pervenisse.

CAPUT X.

De AURELIO PRUDENTIO Poëta. *Calagurritanus potius quàm Cæsar-augustanus. Expenduntur pro qualibet barum urbium argumenta. Gesta ejus & munera. Andrea Resendii laus. Ephebus Romam se contulit, inde in patriam aliquando reversus. Scholasticus pro Advocato. Militia etiam de togata. Prudentii opera. Ejus laudes. Reprehenduntur aliter sentientes. De ara Victorie: quamdiu steterit Romæ. Contra Symmachum Prudentius scripsit. Dictusne hic AMOENUS? Et an ejus Enchiridion veteris & novi Testamenti? Prudentii enarratores atque editiones. Pseudo-Dextri de hoc fabulæ, atque item Pseudo-Juliani, & Pseudo-Maximi. Francisci Bivarri parum sana interpretatio, & Prudentii correctio cujusdam carminis.*

416. **T**EMPUS jam est Prudentio locum dandi, quo Christiano poëta magni nominis Hispanæ Musæ, adhuc magis quàm Juvenco, exsultant. AURELIUS PRUDENTIUS is CLEMENS integra est appellatione, AMOENUS quoque per attributionem ab inferiore sæcu-

1. Serpis for-
fan.

u Notis ad
Luit-prandum
pag. 166.
x Lib. cap.
14.
y In Prolo-
go hist. Cardi-
nalis Petri
Gundif. à Me-
doza.

z Versus hic
non constat
pedibus.

saeculo, ut creditur, dictus. Patriam quæris in Hispania? vulgò ambigitur inter Cæsar-augustam Aragoniæ regni principem, & Calagurrim Castellæ. Utraque enim ejusdem tue-tur se Prudentii testimoniis: utraque suffra-gatores hujus concessi à Deo sibi honoris ha-bet. Pro Cæsar-augusta stant Antonius Ne-brissenfis^a, Aldus senior, qui vitam auctoris compendio scripsit, editionique suæ Venetæ præfixit, Lucas Hosiander^b, Georgius Re-mus^c, quos Weitzius laudat^d, Xystus Senen-sis^e, Antonius Possévinus^f, Centuriatores Magdeburgenses^g, Jacobus Spiegelius^h, Joan-nes Valsæusⁱ, Ludovicus Nonius^k, Alpho-nus Gaspar Matamoros^l, Joannes Heni-chius^m, Georgius Fabriciusⁿ, strenuusque af-fatim hujus partis defensor Martinus Carril-lo, in *Vita S. Valerii Cæsar-augustani præsulis* cap. 2. Calagurrim alii præferunt, uti Ambrosius Morales^o, Joannes Marieta^p, Melchior Gol-dastus^q, Arnaldus Oihenartus^r, & si qui alii. Utramque enim harum urbium suam, & op-pidum suum Prudentius vocat. Qui Cæsar-au-gustanis favent, versibus his nituntur ex hy-mno IV. De XVIII. martyribus Cæsar-augu-stanis:

*Bis novem noster populus sub uno
Martyrium servat cineres sepulchro.
Cæsar-augustam vocitemus urbem
Res cui tanta est.*

Ac de S. Vincentio Valentisæ passio, Cæsar-au-gustæ nato, infra:

*Noster est, quamvis procul hinc in urbe
Passus ignota.*

Rursusque de iisdem martyribus:

*Hunc novum nostræ titulum fruendum
Cæsar-augustæ dedit ipse Christus.*

417. Ad patriam verò Calagurritanam nos è contrario vertere oculos faciunt hæc hymno I. De Emeterio & Chelidonio M.M. Calagurritanis, in fine, carmina:

*Hoc bonū Salvator ipse, quo fruamur, præstitit,
Martyrū cū membra nostro cōsecravit oppido,
Sospitant quæ nunc colonos, quos Iberus alluit.*

Immo in eodem illo Cæsar-augustanorum M. M. hymno suam Calagurrim appellat. quod maximè notandum est. Nec aliter pos-se discordantia hujus auctoris loca in concor-diam redigi, quàm si dicamus, non eum no-mine proprio, sed communi urbis aut oppi-di, ad cujus usum pangebatur carmen, loquu-tum fuisse, cum martyres suos, aut suæ urbis appellaret. Quod Gennadii his innuitur^s: *Fecit & in laudem martyrum sub aliorum no-minibus. Cæsar-augustæ scilicet nomine, quum XVIII. martyres Cæsar-augustanos, & cum iis Vincentium levitam; Calagurris, quum Eme-terium & Chelidonium; sicuti & Tarraconis, quum Fructuosum, Augurium, & Eulogium cecinit martyres. Nemo enim dixerit Pru-dentium Tarraconensem esse, quantumvis in hymno VI. horum postremo loco dicto-rum martyrum hæc legerit:*

*O triplex honor, ò triforme culmen,
Quo nostræ caput excitatur urbis,
Cunctis urbibus emimens Ileris.*

418. E nullo ergo ex his locis, quin con-tradictione impliceris, patriam exculpas; sed

ex eo quòd in eodem illo, quo Cæsar-augu-stæ urbis nomine, ad usumve ejusdem, XVIII. martyres celebrat, suam vocat Calagurrim. Res clara est. Cum Christus in postremum judicium venerit, exituras fingit obviam ei Hispaniæ & aliarum gentium urbes cum martyrum vernaculorum ossibus, ut anima-bus suis copulentur.

*Afra Carthago tua promet ossa
Ore facundo Cypriane doctor.
Corduba Aciscum dabit & Zoëllum,
Tresque coronas.*

*Tu tribus gemmis diadema pulchrum
Offeres Christo genitrix piorum
Tarraco, intexit cui Fructuosus
Sutile vinclum. &c.*

*Parva Felicis decus exhibebit
Artibus sanctis locuples Gerunda.
Nostra gestabit Calagurris ambos,
Quos veneramur.*

Calagurrim suam poëta dixit, quòd patria ejus esset, quam & profiteri voluit, ne dubi-taretur, etiam cum auspiciis nomineque Cæ-sar-augustanæ urbis martyres ejus caneret.

419. Natalium quidem tempus, ætatem, vitæ gesta, atque exercita munera inclusit eleganter idem in præfatione *Catbemerinon*, quæ instar commentarii eorum omnium est:

*Per quinquennia jam decem,
N? fallor, fuimus: septimus insuper
Annum cardo rotat, dum fruimur sole volubili.*

*Instat terminus, & diem
Vicinum senio jam Deus applicat.
Quid nos utile tanto spatio temporis egimus?*

*Ætas prima crepantibus
Flevit sub ferulis, mox docuit toga
Infectum vitiiis falsa loqui, non sine crimine.*

*Tum lasciva protervitas,
Ac luxur petulans (heu pudet ac piget!)
Fœdavit juvenem nequitie sordibus ac luto.*

*Exin iurgia turbidos
Armârunt animos, & malè pertinax
Vincendi studium subjacuit casibus asperis.*

*Bis legum moderamine
Frenos nobilium reximus urbium,
Jus civile bonis reddidimus, terruimus reos.*

*Tandem militie gradu
Erectum pietas principis extulit,
Assumptū propius stare jubens ordine proximo.*

*Hec dum vita volans agit,
Irrepsit subito canities seni
Oblitum veteris me Salie Consulis arguens,
Sub quo prima dies mihi.*

420. Annus ergo (ut hinc exordiar in quo Prudentius definit) poëtæ natalis, annus quadragesimus octavus, aliis quinquagesimus supra trecentessimus fuit. Hic enim Flavium Salleam cum Flavio Philippo habuit Con-su-les. Cujus Salleæ, seu Salie nomen in corru-pto Prudentii versu illo hætenus latens, pri-mus, quod sciam, Andreas Resendius no-ster, unaque Prudentii natale tempus, refe-ravit. Ante eum quippe ita legebatur:

Oblitum veteris Messalie Consulis arguens. unde crassissimo errore Aldus, ab eoque de-cepti Xystus Senensis ac Centuriatores, Mas-salie Consullem fuisse hunc prædicant; Massi-liam fortè intelligentes, uti Hosiander^t, in eaque.

^a In Notis ad hymn. S. Laurentii.

^b Epit. Eccl. Hist. cent. 4. lib. 1. cap. 26.

^c In Epistol. ad Weitzium.

^d In editio-ne sua.

^e In Biblio-th. verbo An-relii Prud. lib. 4.

^f In Appa-ratu.

^g Cent. 4. cap. 10. col. 681.

^h In Interp. ad hymn. de mirac. Christi.

ⁱ In Chron. Hist. an. cccxi.

^k In Hispania cap. 82.

^l In Apolo-getico.

^m In Histo-rie par. 2. secu-lo 4. cap. 3. pag. 367.

ⁿ In Prudē-tii vita. qui ta-men nescio unde habuit, Numantinum aliis dici.

^o Lib. 10. c. 41.

^p Lib. 21. cap. 23.

^q Apud Weitzium.

^r In Notis. Vasconie lib. 2. cap. 7. pag. 139.

^s De script. Eccl. cap. 13.

^t Epit. Eccl. Hist. cent. 4. lib. 1. cap. 26.

eaque municipale consulum, juxta illud Aufonii^u: *Consul in ambabus*. Victor Gifelinus, ut conclamatum locum reliquit, Georgius Remus hallucinatus fuit, *Saliam* Consulem ibi deprehendens, sed ad Cæsar-augustæ consulum nos amandans. Noster verò Petrus Mantuanus excusari non potest, qui præ germana ista lectione & sententia, tantum ut Joanni Marianæ detraheret, nescio quid de *Salia* Hispaniæ Tarraconensis juxta Cantabros flumine dictum poetæ magnâ injuriâ imputat. Sed neque hic solus; sed & Ferrarius in *Lexico geographico*. verbo *Calagurris*. Porro Andreas (ut dixi) Resendius, Lusitanus, vir omnis antiquitatis callentissimus, de mendo, simulque de vera restituenda lectione Joannem Vasæum Brugensem monuit, ut ipse in *Cronico Hispaniæ*^x, dum ad Prudentii ætatem venit, fuit professus, ejus huic emendationi, quam tamen acceptam ei non referunt, omnibus aliis criticis magno consensu assurgentibus. Huic quidem Resendio, non autem Vasæo, cur non gratias correctionis habuit Pulmannus, & qui ab eo de hac re monitus deinde fuit, Gifelinus? Belge nempe hi, suo, quàm Hispano, gratificari maluerunt.

421. Hec ergo scribebat carmina anno CDV. aut CDVII. sub Imperatoribus Arcadio & Honorio, rebus divinis carmine duccendis vacans, post profana gesta munera, juventutemque non omnino moderatè transactam. Rectè ergo se puero apostatam veræ fidei Julianum rerum habenis præfuisse innuere voluit in *Apotheosis* elegantibus versibus^y. Ephebus enim jam potensque sui in urbem se contulit, &, quod dignius est, jam Christianus, ne ab ethnicismo venisse eum in castra Ecclesiæ credat aliquis. Nam Romam tendens, visitavit is in Foro-Cornelii (*Imola* hodie Romandiolæ) Cassiani martyris sepulchrum. Cujus hymnum sic orditur:

*Sylla forum statuit Cornelius, hoc Itali urbem
Vocant ab ipso conditoris nomine.*

*Hic mihi cum peterè te, yerum maxima Roma,
Spes est oborta prosperum Christum fore.*

Clauditque ita:

*Audior, urbem adeo, dextris successibus utor,
Domum revertor, Cassianum prædico.*

422. Advocationem Romæ, ut credimus, exercuit, unde scholastici, quod quidem atque advocati est, eum vocant nomine, tam Beda^z, quàm Walafridus Strabo^a. Vocabuli notionem, tam Græcis quàm Latinis communem, doctis haud ignotam, S. Macharii tantum confirmamus testimonio ex homilia xv. ubi gradatim ab unoquoque in spiritualibus procedi argumento scholastici profectus docet. *Qui literas primum* (ait) *in votis habet, pergit primum ad ediscenda signa; ubi si primus fuerit, pergit ad scholam Latiorum, estque omnium ultimus. Rursum illic ubi fuerit primus, pergit ad scholam forensis, estque in ea rursum omnium ultimus* & tyro. *ἔτα ὅταν γέννηται θεολογικὸς, ὅταν ᾖ διωκόμενος ἀρχαῖος ἐῖς ἑχάτος ἐστὶ*. deinde ubi fuerit scholasticus, omnium caussidicorum est novitius & ultimus.

423. Militiam quoque armatam exercuit

se visus fuit quibusdam^b, falsis æquivoco militiæ vocabulo, quo poeta utitur. De militia enim togata seu palatina intelligendus est: forteque aliquod ex his munus fuisse sibi junctum significaverit, de quibus titulus est in Theodosiano codice^c, *De privilegiis eorum qui in sacro palatio militarunt*. Non ergo audiendi sunt^d qui præfecturam urbanam, aut^e prætorii, neque qui^f consulum gessisse nostrum poetam dicunt, decepti tum *ordinis proximi*, in quem assumptum se ait à principe (Theodosium ego intelligo, aut Honorium) vocabulo, tum notâ illâ solenni V.C. Prudentio affixâ, quæ non *virum consulum*, sed *virum clarissimum* significare posita est in veteribus monumentis. Petrum quoque Crinitum pariter fefellit id quod de munere suo Prudentius ait, ut præfecturam ei militiæ attribuat.

424. Mansit certè in urbe usque ad Arcadii & Honorii imperium, sub quorum posteriore scripsisse Romæ vulgò creditur adversus Symmachum libros duos. Relationem olim is fecerat, dum urbi præesset, ad Valentinianum, Theodosium, & Arcadium Augustos pro veteri deorum cultu, & pro conservanda ara Victoriæ, adversus Christianos. Hoc tamen incertum nobis est, uti de scripti hujus tempore disquirentes postea monemus. Inde potiùs hanc ejus in urbe præsentiam colligimus, quòd *Cathemerinon* laudatam præfationem anno CDV. scribens nihil adhuc de discessu suo ab urbe, quod opportunè debuit, subjecerit.

425. Reversus tandem fuit in patriam Calagurrim; ibique sub Valeriano antistite hymnum edidit Hippolyti martyris. Et quidem à Roma absentis ea sunt ex eodem hymno verba^g:

*Imumeros cineres Sanctorum Romula in urbe
Vidimus, ò Christo Valeriane sacer.*

Et quæ ad Valerianum^h:

Quòd lætor reditu, quòd te, venerande sacerdos,

*Complecti licitum est, scribo quòd hæc eadè,
Hippolyto scio me debere, Deus cui Christus
Posse dedit, quod quis postulet, annuere.*

Idem censeo de hymno Cassiani M. Ea enim ex fine, quæ huc olim laudata, iterum advertimus, apertè id ostendunt:

*Audior, urbem adeo, dextris successibus utor,
Domum revertor, Cassianum prædico.*

Valerianum verò præfulem, & quidem urbis suæ, alloquitur in superiore Hippolyti hymnoⁱ, ut ex his patet:

*Rorantes saxorum apices vidi, optime Papa.
Et in fine^k:*

*Sic me gramineo remanentem denique campo,
Sedulus ægrotam pastor ovem referas.*

Ad quem quod ultra ait, calidis votis eum rogans, ut Hippolyti diem natalem in Ecclesia sua anniversarium colat, Calagurri poetam ad proprium urbis patriæ antistitem dirigere preces manifestum reddit^l:

*Si bene commemini, colit hunc pulcherrima
Roma*

*Idibus Augusti mensis, ut ipsa vocat,
Prisco more diè; quæ te quoque, sancte magister,
An-*

^u In *Urbibus*.
ⁱⁿ *Urbibus*.

^x Ad ann.
^{cccl.}

^y 7. 117. &
^{sequenti}

^z De reform.
^{metrica}.
^a De rebus
^{Eccles.}

^b Aldo in
^{vita}.

^c Lib. 6. tit.

^d Georg. Fabricius in *com.*
^{ad poetas}

^e Nebrissen-
^{sis in hunc lo-}
^{cum.}

^f Aldus, Gir-
^{aldus: sed vi-}
^{de Alciatum}

^{lib. 1. Disp. cap.}
^{4. Fabricius}

^{in poetas vita,}
^{Vasæum in}
^{*Cron. Hispano*}
^{ad ann. ccccl.}
^{Gifelin hic alii}
^{apud Weit-}
^{zium.}

^g Hymn. 11.

^h 7. 117.

^h 7. 117.

ⁱ 7. 117.

^k 7. 243.

^l 7. 212.

*Annua festa inter dinumerare velim.
 Crede, salutiferos feret hic venerantibus ortus,
 Lucis honorata præmia restituens.
 Inter solennes Cypriani, vel Chelidonis,
 Eulaliæque dies, currat & iste tibi.
 Sic te pro populo, cujus tibi tradita vita est,
 Orantem Christus audiat omnipotens.*

426. In quo enim quum Cypriani Carthaginensis, Eulaliæque Emeritensis, Chelidonii festum diem à Valeriano in sua illorum utriusque urbe celebrari ait, Calagurrim velut intento designat indice, cujus Chelidonius & Emeterius martyres fuere, non autem Cæsar-augustam. Hujus enim posterioris antistiti, festos ejusdem Ecclesiæ dies martyrum Prudentius memorans, non potuit non exemplis uti, aut Vincentii, aut Encratidis, aut XVIII. vernaculorum ejus martyrum, quos aliis hymnis, uti proprios Cæsar-augustæ urbis, prædicaverat. Mirari tamen hic subit hereticos omnia hæc martyrum Christiani ac veteris cultus documenta, quæ auctor quarti, & incorrupti adhuc, ut ajunt, sæculi, tot operum suorum locis sparit, tanquam Sirenum scopulos furda pertransisse aure, iisque antiquitatis testimoniis, quibus planissime ipsi novitatis arguuntur, erroris & superstitionis jam surgentis attribuire notas^m.

427. Obitus Prudentii ignoratur tempus. Attamen Victor Gifelinus suspicatus fuit, usque ad Stiliconis prodicionem ac necem minimè eum vixisse, quæ anno tertio decimo supra quadringentesimum accidit; idque conjectatur è servata, neque deleta, in opere *Contra Symmachum*ⁿ exaggerata ejusdem Stiliconis laude, quam publicè omnes inscriptiones ita conceptæ jussæ sunt omnino abdicare. Placeret utique conjectura ista, si equè uti delere vestigia hujusmodi lapidibus impressa, ita revocare in sinum exempla librorum per manus jam omnium volitantium, in censorum auctorumque potestate esset.

428. At quàm vanè hic noster confunditur Prudentius cum alio cognomine Turiasonensi antistite! Philippus nempe Ferrarius (vestigia relegens nostratum Tarracæ & Truxilli) in *Topographia*. verbis *Tarraco & Turiaso*; quibus consentire aliquot antiqua Breviaria monet Bivarius ad Maximii *Chronicon* anno DLXXII. pag. 538. eundem credidit Aurelium Prudentium Clementem poetam cum Prudentio Episcopo Turiasonensi, inferioris valdè ætatis. Bivarium consule.

429. Sed jam accedamus ad Prudentii laudes, famam, atque operum & styli virtutes. Gennadius insigni eum donavit elogio isto^o: *Prudentius vir seculari literatura eruditus, composuit Διτοκαέν, de toto veteri & novo Testamento personis excerptis. Commentatus est autem in morem Græcorum Hexaëméron, de mundi fabrica, usque ad conditionem primi hominis, & prævaricationis ejus. Composuit & libellos, quos Græcâ appellatione prætitulavit: Apotheosis, Pŷchomachia, Hamartigeneia. idest: De divinitate, De compugnantiâ animi, De origine peccatorum. Fecit & in laudem martyrum sub aliorum nominibus invitorum ad martyrium librum unum, & hymnorum alterum: speciali*

tamen intentione adversus Symmachum idololatram defendentem. Ex quorum lectione agnoscitur palatinus miles fuisse. Hæc Gennadius. Quem ex more Honorius exscripsit Augustodunensis P. Prosper item Pithœi meminit q: Prudentius lyricus poeta noster, Hispanus genere, illustre ingenii sui robur exercet. Beda^r nobilissimum Hispaniarum scholasticum vocat, uti supra diximus. Sigebertus^s: In Hispania Prudentius lyricus poeta claruit.

430. Quoad stylum, mirè is laudatur ab his qui virtutes ejus perpenderunt: & tamen à Lilio Giraldo alicubi melior omnino Christianus, quàm poeta audit^t. Neglexisseque dicitur desiderio pietatis ac fidei, lingue castitatem & eloquentiam. Ubi nam, vellem, non tacuisset vir doctissimus; quem minimè bonum de eloquentia & orationis puritate judicem Georgius Fabricius hac de causâ vocat. Hic & Leonardi Quercetani cujusdam, qui malè de Prudentio censuit, hominis obscuri, recordatur^u, Petrique Summontii, nihil poetæ magno præter nudam religionem relinquentium. Impudenter & impiè Floridus lib. 3. *Variar. lect.* cap. 6. qui Sanazarii comparatione sacros omnes Latinos poetas bono loco habet, & unicum ejus ad summum Pontificem epigramma innumeris Prudentiorum, Aratorum, ac Juvenecorum myriadibus præfert. Aliis^x non semper observasse videtur mensuras syllabarum. Cujus tamen licentiæ non pauca exempla Prudentio imputari non debere, sed editionibus, Joannes Fredericus Gronovius inter *observationes suas ad Ecclesiasticos scriptores* y, & Gaspar Barthius lib. 21. *Adv.* cap. 4. contendunt: sicut & condonari hujusmodi peccata debere poetæ sacro, cujus argumentum, & pleraque eleganter & argutè dicta eluunt, si quæ ejus verè sint, maculas syllabarum, rectè ait Possëvinus. Frigidior est etiam Gasparis Schioppi de Prudentio existimatio^z: quippe cui *tolerabilis sanè poëta est, & qui aliàs ætatis consuetudine abripiatur, aliàs priscorum verborum usui, & Lucretii imitationi nimium indulgeat*. Rigidaque & insolentior Philippi Brietii^a, qui valdè indignatur Sardonio, quod eum Horatio conjunxerit. *quod est profectò (ait) in bove & asino terram arare*.

431. At neque hæc, neque Giraldi censuræ, neque Politiani, aut Francisci Floridi, quibus Jacobus Gaddius *De scriptoribus* adheret, minùs æque aliæ retardare solidas aliorum maximorum in hac dijudicandi facultate virorum laudes. Erasmo^b tantum spirare Prudentius videtur, tum sanctimoniam, tum sacræ eruditionis, ut mereatur inter gravissimos Ecclesiæ doctores annumerari. Item^c: unus inter Christianos verè facundus poeta. Joanni Sichardo^d ingeniosissimus & elegantissimus. Taubmano^e Omnium Christianorum poetarum prudentissimus est atque eruditissimus. Christophoro Adamo Ruperto^f lac Musæ Christianæ. A Josepho Scaligero^g bonus audit poeta. Barthius tamen in celebrando poeta nostro, immensisque laudibus ad poeticum culmen efferendo, primas tenet. Dabimus ex eo aliqua lib. 8. cap. 11. & 12. Sanctissimum vocat auctorem,

p De script. Eccles. cap. 13.
 q In Chron. ad ann. 11. Arcad. & Honorii.
 r In opere Gramm.
 s In Chron. ad an. cccxiii.

t Verbis, quæ inter elogia adducit in edit. Prudentii Joannes Weitzius.

u In numeratione Actii dialogi Jovianæ Pontani.

x Aldo in vita. Barthii lib. 23. *Adv.* cap. 14. Possëvinus in *Apparatu*, verbo *Aureliæ Prudentius*. Brietio lib. 4. *De poetis Latinis*.
 y Cap. 5. pag. 60.

z In conspectu de schol. & Rindior. ratione.

a De poetis Latin. lib. 4. ante acutè dicta poetarum.

b In hymno de natali Jesu.

c De prævia liber. inf. d Scholii ad Pŷcom. e Apud. Tob. Magirus in eponymologia critica. verbo Prudentius.

f In observ. ad Floridum lib. 1. cap. 12. g. 7. pag. 387. g Primis Scaligerianis pag. 86.

m Vide Magdeburg. Cætur. cent. 4. cap. 10. col. 685.

n Lib. 2. p. 711. ubi Gifelinus.

o De script. Eccles. cap. 13.

nemi-

neminemque eo (ait) divinius de christianis rebus unquam scripsisse. lib. 9. cap. 20. sibi charissimum, vatem eruditissimum, longeque omnium dulcissimum Christi olorem, sanctissimum, suavissimum, & eloquentissimum. lib. 12. cap. 5. Horatium Christianum. lib. 43. cap. 2. & lib. 50. cap. 11. divinum scriptorem divinumque poetam. lib. 54. cap. 12. nullo non nomine, tempore, loco, studio commendabilem. Quem illustrare, & correctum dare ingenii esse minime vulgaris censet lib. 11. cap. 15. In quo est poeta (libro 21. cap. 14. inquit) recondita eruditio, rarus in verbis lepor, in phrasi latinitas non ampura, nisi qua imitatione sacrae loquelae fregit volens regulam, & qua à barbarie exscribensium, secus quam voluit, non raro scribere coactus est. Pindarum quoque divinum, sicuti & Horatium, eo loco quo diximus, appellat lib. 8. cap. 11. Sed quod Horatio comparat, imitatus videtur Sidonium ita animatum erga Prudentium, ut ex his liquet epistolae 11. libri 2. Nam similis scientie viri, hinc Augustinus, hinc Varro, hinc Horatius, hinc Prudentius, lectitabantur. Idem Barthius h, divinum Christi olorem¹, doctissimum vatem, & nullo veterum minorem, si vanitates veritatis negotiis præponere voluisset. Prætermitto alia Ritterhusii, Remi, Becmani, Mosellanici, Tiraquelli, Gifanii, Turnebi, Gifelini *.

432. Marcus quidem Hopperus ad editionem Hannovianam hujus poetæ carminum præfatus, sic disertè de his omnibus censet¹: Vis ne carnis adversus concupiscentiam armari? in Psychomachia, quæ primò occurrit, se exerceto. Vis Domini nostri Jesu Christi miracula, & immensa quæ humano generi præstitit beneficia cognoscere, laudesque ejus decantare? Cathemerinon repetito. Vis sanctorum martyrum exemplis fidem & constantiam tuam in religione Christiana corroborare? Peri-stephanon inspicio. Vis hæreticorum falsa vitare dogmata? Apotheosin & Hamartigenian legito. Vis horrendas gentilium superstitiones & idololatrias cum detestatione admirari? Ea quæ contra Symmachum scripsit cognoscito. Vis denique sacras utriusque Testamenti historias in ætrem memoriæ mandare? Enchiridion, quod postremum est, evoluto. Hæc ergo jam ordine pangamus.

433. Edita sunt à Prudentio vario carminum genere, & quidem Græcis titulis, *Ψυχμαχία*, quod Gennadius interpretatur *De compugnantia animi*. Elegantius poterat *De pugna animæ*. Qui liber docet, verbis ipsius poetæ in præfatione,

Quo milite pellere culpas
Mens armata queat nostri de pectoris antro,
Exoritur quoties turbatis sensibus intus
Seditio, atque animum morborum rixa fatigat.
Continetque fidei cum idololatria, pudicitie cum libidine, patientie cum ira, superbie cum humilitate, luxurie cum sobrietate, avaritie cum largitate, concordie cum discordia, decertationes. Carmen hoc eximium inter omnia antiquitatis monumenta Barthius vocat lib. 21. *Adversar.* cap. 11.

434. *Καθημεριων* hymni. Gennadius hymnorum librum appellavit. Quotidianum officium, seu per diem dicendas odas includit. Scilicet ad Galli cantum, bymnium ma-

tinum, ante cibum, post cibum, ad incensum cerei paschalis, ante somnum, jejunantium (hoc utitur Breviarium Isidorianum seu Gothicum, per ferias hebdomadæ distributo) post jejunium, bymnium omni hora, in exsequiis defunctorum, bymnos tandem Kalendis Januarii, ac die Epiphaniæ dicendos.

435. *Περὶ στεφανων*, sive *De coronis* liber. Gennadius: Fecit & in laudem martyrum sub aliorum nominibus. Quatuordecim hymni sunt, dicti, primus Emeterio & Cbelidonio M. M. Calaguritanis. II. Laurentio archilevite. III. Eulalie virgini. (Prostat is in Breviario Isidoriano) IV. Decem & octo M. M. Casar-augustanis. V. Vincentio martyri. VI. Fructuoso Episcopo Tarraconensi, & Augurio, & Eulogio diaconis. VII. Quirino martyri & Episcopo Sisciano. VIII. Pro loco ubi martyres passi sunt, qui baptisterium dicitur. IX. Cassiano M. in Foro Cornelii. X. Romani martyris supplicium omnium longissimum: quem quidem Aldus separasse videtur ab aliis *Περὶ στεφανων* hymnis, Romani martyris tragediam vocans. XI. Passio Hippolyti martyris, ad Valerianum Calagurris Episcopum. XII. Passio Petri & Pauli Apostolorum. XIII. Passio Cypriani martyris Episcopi Carthaginensis. XIV. & ultimus, Passio Agnetis virginis.

436. *Ἀποδείξεις*. Gennadius, *De divinitate* vertit, sicut & Trithemius, Eisengreinusque: Barthius tamen vellet, *De divinatione* legi. Hoc enim strictè significat *ἀποδείξεις*. Non enim disputat (ait ille *Adversariorum* lib. 41. cap. 24.) an sit, vel quæ sit divinitas; sed scopus auctoris egregiè est demonstrare divinitatem Christi, quod is divino honore colendus sit, nec dispar patri, licet humana natura deitate recepta sit, quæ vera est *ἀποδείξεις*. Continet ea post præfationem, bymnium in infideles, contra heresin quæ patrem passum esse affirmat (Patripassianorum vocant) contra Unionitas; id est Sabellianos hæreticos: contra Judæos; contra Homuncionitas, Christum asserentes hominem tantum. De natura animæ adversus Phantasmatos, qui Christum negabant verum habuisse corpus hominis. De resurrectione carnis humane.

437. *Ἀμαρτυρία*. De origine peccatorum, ait Gennadius. Scilicet adversus Marcionitas, qui duplicem Deum affirmabant, alterum qui prava effinxerat, alterum qui recta itidem condens induxerat, ut ille ait. In cujus fine operis diserta ignis alterius ab inferno igne distincti mētio, quàm intimè purgatorii ofores torquet hæreticos^m! Malè hunc librum in duos Trithemius distinxit, Græcum alteri, Latinum alteri titulum adaptans: immo & præter hos tertium alium adversus Marcionitas confingens: qui tres unus dumtaxat est promiscuæ istius inscriptionis liber. Latina autem jam inscriptione

438. *Contra Symmachum libri duo*. Relationem fecit Q. Aurelius Symmachus, aliis C. Aur. Avianus Symmachus, urbi præfectus, ad Valentinianum, Theodosium, & Arcadium Augustos pro veteri deorum non abolendo in urbe cultu, restaurandaque arâ Victoriæ, quæ nunc inter ejus epistolas sexagesimæ

^m Vide Hosiandrum epis. Eccles. histor. cent. 4. lib. 1. cap. 26.

Primæ locum obtinet. Id contigit anno CCCLXXXIV. quo Symmachus præfecturâ urbanam administravit, vel sequenti, ut postea dicemus. Huic tamen relationi statim jussu Valentiniani Augusti S. Ambrosius epistolâ aliâ eundem ad Augustum datâ respondit, quæ & cum aliis ejusdem S. Doctoris operibus, & cum Symmachi epistolis edi solita est. Resumpsit verò ipsum argumentum carmine tractandum poëta noster, ut hac occasione usus ethnicorum superstitiones Musarum etiam armis debellaret. Sed an protinus, quæritur, an aliquo temporis facto intervallo? Annalium Ecclesiasticorum auctor magnus post Aldum credit sub Honorio jam Cæsare huic eum incubuisse operi, atque ad hunc respicere versus istos ex lib. 2.

Quod genus est sceleris jam nesciat aurea Roma

*Te precor, Ausonii dux augustissime regni;
Ut jam triste sacrum jubeas, ut cætera, tolli.
Perspice, nonne vacat meriti locus iste paterni?
Quem tibi supplendū Deus, & genitoris amica
Servavit pietas: solus ne præmia tantæ
Virtutis cuperet, Partem tibi, nate, reservo
Dixit, & integrum decus intactumq; reliquit.
Arripe dilatam tua, dux, in sæcula famam:
Quodq; patri superest, successor laudis habeto.
Ille urbem vetuit taurorum sanguine tingui:
Tu mortes miserorum hominū prohibeto libari.*

Exstat namq; constitutio Theodosii unâ cum filiis Arcadio & Honorio *De tollendis paganorum sacrificiis*, quæ est lex 12. in cod. Theod. *De paganis, sacrificiis, & templis*. ad quam videtur poëta respexisse. quod nobis certissimum est.

439. Ut res plana fiat, noscere debemus primò ⁿ, Valentinianum seniore, qui creatus fuit Imperator anno CCCLXIV. indulgisse Romanis idolorum cultoribus ut staret Victoriæ ara in Capitolio, ut innuit ipse Symmachus in *relatione*, quamvis ignorationem ejus excuset Ambrosius ^o. Secundò, prohibitum postea fuisse hunc ritum, unde occasio Symmacho data, cum præfectus urbi esset, de restituenda eadem ara preces porrigendi ad prædictos Augustos, Valentinianum juniorem senioris filium, qui anno CCCLXXVI. inauguratus imperio, Theodosium, qui à Gratiano & laudato Valentiniano anno CCCLXXIX. collega assumptus fuit, & Arcadium Theodosii filium, si vera est relationis inscriptio. quam post ann. saltē CCCLXXXIII. quo Gratianus occubuit, factam fuisse oportet: non enim antea Valentinianus Theodosiusque sine Gratiano rempublicam gesserunt. Anno sequenti præfectus primū urbi in occidente fuit Symmachus, ut ex inscriptionibus legum Theodosiani codicis liquet ^p. Forteque continuavit proximo anno. Non enim ejus ulla alii præfecto urbis nuncupata lex contrarium suadet; uti suadet quidem de anno CCCLXXXVI. Sallustii nomen inscriptum datis Mediolani, hoc est à Valentiniano Imperatore occidentis, legibus ^q. Intra hoc biennium igitur adivit, senatūs nomine, Valentinianum Symmachus pro restituenda Victoriæ ara. Tertiò, S. Ambrosium statim re audita

intercessisse, libello dato, apud Imperatorem, ne id fieret, atque inde pleniore scripto persuasisse.

440. Quartò, Prudentium nostrum non statim, sed post plures annos metrico suo huic ejusdem consilii vacasse operi. Nam & consulatūs Symmachi versu isto è libro 1. ^r

Ipse magistratum tibi Consulis, ipse tribunal Consulis.

quem gessit anno CCCXCI. debellatorum item Theodosio Maximi Eugenique tyrannorum non obscure meminit his versibus ^s:

*Quum princeps gemini bis victor cade tyranni
Pulchra triumphali respexit mœnia vultu.*

Quorum ultimus Eugenius ann. CCCXCIV. victus & occisus fuit: item Holybrii consulatūs, qui in annum incidit CCCXCV. his ^t:

*Quin & Holybriaci generisq; & nominis heres
Adjectus fastis, palmata insignis ab aula,
Martyris ante fores Bruti submittere fasces
Ambit, & Ausoniâ Christo inclinare securim.*

Quo eodem anno, cum Theodosius fato functus sit, jure id colligimus fuisse quod supra ex Baronio & aliis monuimus, Honorio, qui in rebus occidentis genitori successerat, carmen hoc, de quo loquimur, Prudentium direxisse. Quinimmo & victoriæ juxta Polentiam urbem de Alarico Gottho ab Stilicone reportatæ, tamquam recentis facti mentio ibidem habita ^u, non ante annum CDIII. quo ea contigisse dicitur, nec diu post opus hocce editum fuisse persuadet. Cui occasionem non alia quidem dederit ejusdem Symmachi ad Honorium directâ supplicatio; sed, quod magis credimus, veterem Prudentius, jamque ab ipsa origine refutatam, carminis sui novum argumentum sumere voluit styli exercendi gratiâ. Nec finxit se eo tempore scribere, quo recens nata fuit occasio. Si enim huc intendisset, minimè debuit res tot postea annis patratas inculcare. Sed vivum, dignitateque florentem, nec minus famâ doctrinæ atque eloquentiæ virum inhærere adhuc idolorum nugis considerantis, dolentisque illius vicem, poëtæ nostri consilium fuit, id quod Ambrosius prosa oratione olim exhibuerat religioni officium, versibus nunc replicare, quò non solum argumentis solidissimis confringeret vanitates ethnica; sed & plenius erga Symmachum honoris & existimationis verbis pertinaciam ejus ostensa veritate catholici dogmatis emolliret.

441. Isaacus Grangæus ad hos Prudentii libros commentarios elucubravim, qui seorsum ab aliis poëtæ editi sunt Parisiis MDCXIV. in 8°. Hactenus certa sunt Prudentii opera nunc exstantia. Periit quippe

442. *In hexæmeron* opus, cujus Gennadius his recordatur: *Commentatus est & in morem Græcorum hexæmeron*, De mundi fabrica, usque ad conditionem primi hominis & prævaricationem ejus. De operibus nempe sex dierum, carmine, ut intelligo, cum Gennadius hoc inter & cætera opera non distinguat; digno majestate atque elegantia styli, eruditioneque singulari poëtæ nostri argumento, & in quo adhuc inagis quàm in merè sacris eloquentia potuit per omnem naturæ finem

ⁿ Baronius ann. CCCLXXI. num. 130. Gothofredus in comm. ad leg. 7. cod. Theod. *De paganis*.

^o Epist. 30. seu Respons. ad Relationem.

^p Chronologiam ejus in editione Gothofredi consulas in hoc anno.

^q Ibid. hoc anno.

^r 7. 624.

^s 7. 412.

^t 7. 556.

^u Lib. 2. 7. 695. & 710.

finum vela expandere. In morem Græcorum dixit Gennadius, quod usus noster fuerit Græca inscriptione, quâ usi sunt Basilius, Gregorius Nyssenus, & si qui alii. Perit quoque is, quem è Gennadio scripsisse nostrum constat,

443. *Invitatorius ad martyrium* liber. In quo non minorem fecit jacturam Christiana in Deum Regem martyrum pietas.

444. Controvertitur tamen ejusdemne sit, an alterius Prudentii, cognomento *Amæni*, qui ita cognominatus inscribitur, operis auctor,

Diptychon, aliis *enchiridion*, veteris & novi Testamenti *hystoriarum*, aliis *Tetrasticha* de veteri & novo Testamento: quod singulis tetrastichis historias utriusque Testamenti præcipuas, veluti memoriæ causâ, comprehendit. *Hystoriarum* librum Trithemius vocat. Hoc significasse Gennadius creditur quum ait: *Composuit Διπτυχον. De toto veteri & novo Testamento personis excerptis.* A *Διπτος* id & *ἔχει* interpretantur, quasi *duplicem cibum*, Aldus, Xyltus Senensis, Posssevinus, Labbeus, jam laudati. *Dirrochaum* vidit & Aldus alicubi falsò scriptum. Haubertus autem Gifanius primus contendit legi debere apud Gennadium *Διπτύχον*, cui utraque manu Goldastus plaudit; nec improbat Labbeus.

445. *Enchiridion*, hoc est, *Manuale*, legitur inscriptum operi *, juxta pentastichon, quod præfationis vicem supplet in Weitzii editione.

Incipiunt tituli libri manualis Amæni, Excerptis quos personis tetrasticha claudunt. Primus Adæ elato de crimine narrat & Evæ. Tum singillatim numerata vocabula multa Provida personæ pudit descriptio rituum.

Alia enim præfatio quæ incipit: *Immolat Deo Patri*, quibusdamque editionibus huic *Enchiridio* præfigitur, aut, ut in Aldina, subjungitur, alterius loci est, non hujus; quod liquet ex carminis genere, quo hoc manuale utitur, hexametri, cui perperam adaptatur præfationis illud:

*Nos citos Jambicos
Sacramus, & rotatiles trocheos,
Sanctitatis indigi,
Nec ad levamen pauperum potentes.*

446. Ducti verò *Amæni* isto agnomine, distinguunt quidam hunc à Prudentio Clemente, atque item quod non sic excultus & elaboratus hic eis liber videatur, ut cæteri, qui compertè ejus sunt. Ita existimavit G. Fabricius, & Melchior Goldastus, & postremus aliorum Philippus Brietius ², *Amænum* alterum à Prudentio poetam, & ipsum Hispanum, comminiscens. Sed Gifelinus è collatione hujus cum aliis Prudentii librisprehendit, persuasitque frustra esse, qui germanum hujus fœtum alii exponunt. Quod hodie creditur, admittuntque Aldus, Labbeus, Barthius ^a, qui & ipse paratella collegit ^b loca hujus cum aliis libris, idem exemplum *Bibliotheca vetus Hispana* Tom. I.

² Lib. 4. De poet. Latin. ante acutè dicta poetarum.

^a Ubi proxi-
^b Lib. 8. cap. 12.

plis alibi c commonstrans tralatitium hoc fuisse inter recensitores aut exscriptores veterum auctorum, generis eorum aut styli notandi gratiâ, hujusmodi agnomina, sive attributiones vulgatis nominibus appingere: quibus semel papyro commissis proclive fuit, posteros, uti veris nominibus, aures accommodare. Ita Ovidius *Geta*, Statius *Aquili- nus*, Martialis *Cocus*, Persius *Severus*, Petronius *Arbiter*, uti Prudentius *Amænus*, quia omnium Christianorum poetarum amœnitate & varietate lyricorum carminum longè sit princeps, Barthius ait.

447. Joannes Trichemius ultra hæc tributa nostro poetæ passim opera, auctorem eum facit singularium librorum *De animæ natura*, atque item *De resurrectione carnis*, quæ verè partes sunt *Apotheosis*: necnon *De martyribus*, qui primus est *Peri-stephanon* hymnus, in eoque jam comprehensus libro. Item *De statu animæ*, cum hoc principio: *Errat quisquis animas.* atque *De spe veniæ* orationis, sive libri, hoc initio: *O Decem- stiparens.* Laudat quoque is cum Eifengreino *De sancta Trinitate* libros duos; qui nusquam exstant, quemadmodum nec epistolæ ad varios.

448. Primus qui novo more duorum ab hinc sæculorum explanare ardua Prudentii Clementis fuit conatus, Antonius Nebrissenis noster forsan est, qui *Annotatunculas in Cathemerinon, Peri-stephanon, & Psychomachiam* elucubravît, quæ editæ sunt Lucronii MDXII. iterumque Antuerpiæ cum scholiis Joannis Sichardi in aliqua poetæ carmina MDXL. cujus Sichardi operâ eodem anno seorsum Henricus Petri Basileæ publicaverat. Omitto nunc, quia nusquam est, veterem Prudentii scholiastem, bene veteris ævi pluræ documenta præferentem, quem vidisse videtur Barthius, qui laudat in *Animadversionibus ad Statium* ^d. Erasmus Margari- tæ Roperæ, Thomæ Mori, ut credo, filiæ, direxit commentaria in hymnos de natali pueri Jesu, ac de Epiphania, qui ejus operum quinto volumine leguntur: & in Bibliotheca VV. PP. Jacobi quoque Spiegelii Selestadiensis, Imperatorum Caroli ac Ferdinandi à se- cretis, commentarius exstat sat prolixus in unum illum, qui *omnis boræ, seu de gestis & miraculis Christi* inscriptus est, hymnum. Post hos Georgius Fabricius Chemnicensis *expositionem* quatuor hymnorum, *Matutini, Ante somnum, Omnis boræ* libri *Cathemerinon*, atque item *Romani martyris* (in quem & exstat Joannis Murmellii commentarius) è libro *De coronis, seu Peri-stephanon*, & Adamus Siberus Grimnensis professor *scholidia* (uti vocat) in *primum, seu ad Galli cantum.* II. *Ma- tutini.* V. *Ad incensum.* IX. *Omnis boræ.* XII. *Epi- phaniæ*, dedere.

449. Laudabiliorem cæteris ante se omni- bus operam huic Spartæ ornandæ Victor Gifelinus Flander San-fordianus navasse his planè videbitur, qui commentarium ejus in Aurelium Prudentium Clementem legerit; tamèneri digni, ne id dissimulem, Gasparis Barthii reprehensione ^e ob hujus tituli præ- sum-

^c Lib. 6. cap.

^d Lib. 10. Theb. 2. 657.

^e Lib. 9. cap. 20. & animadv. ad Statii lib. Theb. 2. 7. 9.

f Lib. 11.
Theb. 7. g.

sumptionem, qui *Notas*, non *Commentarium*, debuit operi inscribere, atque item quod affirmare ausus sit nullum ferè auctorem hoc poëta esse emendationi faciliorem f. Adhibuit quidem Giselinus, cum se accinxisset novæ atque emendationi formandæ editioni, antiquas omnes editiones pluraque manu exarata volumina, ususque operâ fuit Theodori Pulmanni typothetæ Plantiniani eruditi & industrii, necnon & Cornelii Valerii publici Latinæ linguæ professoris doctissimi, qui vocabula omnia quæ ab Ecclesiasticis auctoribus hausit poëta, quæque à Latinæ linguæ puritate longius abesse judicabat, seorsum annotata cum Giselino communicaverat. Certè Barthius (uti optimè in hunc poëtam animatus fuit, eidemque pluribus locis lumen in *Adversariis*, & aliis animadversionibus suis, five correctionis, five illustrationis, intulit) si *Notas*, quas meditari se alicubi dixerat g, fuisset re exsequutus; Papinianis forsan & Claudianis haud inferiores Prudentianas ejusdem haberemus animadversiones.

g Lib. 9. cap.
20. in fine.

h In Chron.
Hispan. ann. ccccl.

450. Andreas item Resendius criticus, & poëta celebris famæ, Vasco affirmante h, premebat, dum viveret, in *Prudentium commentarios*. Necnon & Hauberti Gifanii haud contemnendas *Notas*, indicemque ad Prudentium remansisse apud filium Pragæ, cum ejus parens in ea urbe ineunte Augusto MDCIV. catholicè obiisset; famâ pervulgatum est, cujus Possevinus meminit i. Hunc defectum non tam Georgius Remus Adversariis, *Notis* Adamus, Theodorus Siberus in hymnum *De exsequiis defunctorum* commentariolo, Andreasque Wilkius in quosdam *Apotheosis* versus expositione, quam Joannes Weitzius tandem supplere conatus fuit, formata editione ante alias emendatiore; quam collatis cum antiquioribus typorum fœtibus, manuscriptis Heschelii, Bongarsii, Gruteri, Ritterhusii, Becmani, & aliorum codicibus, adjunctisque cæterorum omnium, qui ad hunc poëtam quomodolibet illustrandum ingenii sui operas contulerant, lucubrationibus, plenissimis suis ac doctissimis *Notis* Hannovianis hæredum Joannis Aubrii formis anno hujus sæculi tertio decimo in publicum emisit. Cui quidem majoris ornatus causâ excerptas à se ex Caroli Widmanni & Jacobi Bongarsii codicibus, *Isonis* cujusdam *magistri veteres* perpetuas glossas, integrique hujus systematis subjecit *indicem*. Omisit Weitzius tamen Jacobi Mejeri Flandri *Annotationes in hymnos duos trochaicos nostri poëtæ*, *De miraculis*, & *duorum martyrum*, Lovanii excusas cum propriis aliis verbis MDXXXVII. in 8°. Ita referunt Antonius Sanderus *De scriptoribus Flandriæ*, & Valerius Andreas in *Bibliotheca Belgica*: malè rem explicantes. Et tamen post tot & tantorum virorum operam Barthius existimabat * parum adhuc in hoc poëta corrigendo profectum fuisse.

* Ad lib. 2.
Theb. 7. 713.
pag. 637.

451. Editionem principem eam habeto, quam Venetiis anno MDI. Aldus Manutius è sua officina in 4°. emisit, ad Danielum Clarium Ragusii literas profitentem, præfixa

præfatione *De metris quibus Prudentius usus est*, atque item poëtæ vitâ. Codicem Aldus ex Anglia sibi missum expressit, primumque hunc è sacris poëtis, unâ cum *Prosperi Aquitani quibusdam super S. Augustini sententiis epigrammatis*, in lucem venire fecit. Sequitur Lucroniensis Hispana ea, quæ auctorem Antonium Nebrissensem habuit, anni ejusdem sæculi duodecimi. Basileensis apud Catandrum anni MDXXVII. cum scholiis Joannis Sichardi, & cum iisdem Henrico-petrinæ, Gesneri epitomator Giselinusque meminere. Idem Giselinus Daventrienfi usus est, ante septuaginta annos, cum id referret, publicatâ. Veterum quoque poëtarum Christianorum opera omnia, atque eorum fragmenta, per Georgium Fabricium collecta, emendata, digesta, & commentario exposita, Joannes Oporinus an. MDLXIV. Basileæ edidit. Antuerpiana sequitur ejusdem anni, Colonienfisque à Mylio procurata cum Theodori Pulmanni Victorisque Gisellini emendationibus & *Notis*, ejusdemque Gisellini commentario: ex quorum emendatione in Lugduno-Batava quoque officina Raphaelengius MDXCI. in 16°. emisit. Hannovianam à Weitzio procuratam anni MDCXIII. jam laudavimus, quæ instar omnium esse poterit, ut prætermittamus alias querere. Nisi quòd duas Colonienfes apud Birchmannum annorum MDLXXXV. & MDXCIV. in 8°. quod earum meminerit Georgius Draudus, & Joannis Jansonii Amstelodamensem anni MDCXXXI. in parva consueta ab eo Latinorum veterum auctorum forma, quòd penes me sit, non est animus illaudatas relinquere.

452. Est quidem in Vaticana bibliotheca ms. antiquæ satis notæ codex, cui affixus est numerus 5821. Prudentii omnia opera continens. In cujus primo folio notam hanc legimus recentioris manus. *Joannes Antonius Mariettus Societ. Jesu, presbyter hunc librum cum Pragæ degerem accepi dono à Christophoro Colero viro doctissimo: cumque illum cum aliquot manuscriptis variis in locis diligentissimè contulerim, & nominatim cum celeberrimo vetustissimoque illo quod Ratisbonæ in S. Emeriani bibliotheca asservatur; & optima notæ, & ante multos annos ab exercitatissimo antiquario conscriptum esse censeo. MDCXVIII. idibus Julii. Hucusque notæ. Quod quidem tacere non debui, ne ignoraretur hinc peti posse novæ adhuc Prudentii editioni, si quæ fiet, aliquale ornamentum. Poëtam nostrum, nescio an integrum, vernaculâ Hispanâ linguâ dedit Ludovicus Diez de Aux Cæsar-augustæ MDCXIX. in 8°.*

453. Segregavimus ex more id quod veræ & antiquæ historiæ de Prudentio nos docent, ab eo, in quo simia illarum, novorum Chronicorum artifex Toletanus, ludificari voluit. Ex Chronico Pseudo-Dextri non ullus aut alter locus huc pertinet. Præ quibus omnibus haberem, si antiqui illius auctoris esset, fragmenti Estepani hunc, quem subiectionis, utpote sinceriores, & ex Prosperi Pithotani Chronico desumptum. Ad annum

num v. c. MCXLIX. qui Christianæ redemptionis CCCXVII. est, *Prudentius lyricus poeta Hispanus noster ingenii sui robur exercet*. nec ultra aliquid. Vide cui fundo superædificata Pseudo-Dextri quatuor hæc testimonia fuere.

Anno CCCLXXX. 7. *Flores Fl. Prudentius, patre Cæsar-augustano matre Calagurritana nazus (Saliâ Consule) Cæsar-augustæ*. Ita sibi conciliare visus fuit discordantes de patria ejus opiniones: quem & *Flavius*, inaudito antea prænomine, appellare libuit.

Anno CCCLXXXVIII. 7. *Prudentius Toletus, Cordubâ, ac Cæsar-augustâ in Hispania egregiè gubernatis, fit dux, & habetur orator celeberrimus, & poeta mirificus*. Anno CD. petiit Romam. Ad locum id respicit è præfatione *Catbemerinæ* jam adductum, quo bis se urbium nobilium frænos rexisse gloriatur. Sed jam à Dextro isto tres urbes, non duæ sunt, & poetam suo more agit, id quod non est fingendo. Lege sis scholiasten hunc nodum solventem, & altum ridebis. Quid autem significet ducem Prudentium factum, neque ipse dixerit patrator doli, neque scholiastæ sciunt. Qualis namque fuerit poetæ militia, jam monuimus.

Anno CCCXCVI. 3. *Prudentius lyricus Cæsar-augustanus Romæ scribit*. Nempe, qui non ante quadringentesimum annum Romam venerat, ante quatuor annos Romæ scribebat.

Anno CDXXIV. 12. *Prudentius Româ Cæsar-augustam rediens, ad sedem Cæsar-augustanam S. Mariæ plenius dierum & illustrum operum, post multas pugnas cum omnibus hereticis sui temporis habitas, tranquille moritur*.

454. Nec his contentus, Pseudo-Juliani ore Prudentium inauguravit præfulem Cæsar-augustanum; in *Adversarios*¹ hic seriem texens hujusce urbis Episcoporum. Nam *S. Athanasio* (ait) primo *Theodorus* &c. *Cosmo Cassius, Cassio Valerius, vel Valerianus III. Valeriano Flavius Aurelius Prudentius Clemens* civis Cæsar-augustanus, poeta celebris, ab anno CDX. ad annum CDXXIV. obiit primâ Novembris, cum esset aliquantò septuagenario major. Sepelitur cum lacrymis in æde sanctæ Mariæ de Columna. Huic successit *Vincentius Arianus*, & alii multi sancti Pontifices. Quid enim non audet effrenata mentiendi libido! At huic Prudentii nostri post Vincentium III. præfultui nihil validius opponi potest Pseudo-Dextri postremo testimonio, ibique de dignitate ista seu munere silentio. Quinimmo & apertissimo altero ad annum CDXXIII. ubi ait hoc anno Vincentio Cæsar-augustano Valerium subrogatum fuisse. Quod admitti nequit, si Prudentius ab anno CDX. ad CDXXIV. huic sedi præfuit. Repugnat non minus Pseudo-Maximi auctoritas, (etiam in fragmento nostro Estepano exstans) qui *Valerio III. Petrum, Petro Simplicium*, successisse, ad annum CDLX. (in

fragmento ad annum CDLIV.) seu Chronico scripsit.

455. His enim fabularum viperis historiæ sinceritatem sævè mordentibus, ex iisdem alexipharmaca opponere recta persuadet criticæ medicinæ ratio. Valerius quidem (esto sit hujus nominis tertius. quod aliis nunc disputandum relinquimus) Cæsar-augustano Concilio in Priscilliani causâ circa annum CCCLXXX. celebrato interfuisse legitur, qui in Conciliorum editionibus præ se fert Cæsar-augustani præfulis titulum. Inter hunc & Vincentium, qui anno DXVI. Tarracoenâ subscripsit Synodo^m, non ulla mentio Cæsar-augustani Episcopi præter illum, cujus tacito nomine Ascanius, ceterique Tarracoenâs provinciæ præfules, datis ad Hilarum Papam; qui ann. CDLI. creatus fuit, literis, meminere; uti discimus ex tabulis Episcopilibus Cæsar-augustanæ Ecclesiæ^o. Nonne silentium hoc de viro celeberrimæ suo ævo famæ Prudentio pontificium ejus Cæsar-augustanum redarguit atque refellit? Cætera quoque Juliani absurdissimè conficta sunt. Valerium alio nomine vocat Valerianum; quod huc trahat Valerianum Episcopum, quem poeta noster in hymno *Hippolyti martyris*, uti proprium antistitem, alloquitur.

456. Haud minus falsum & absurdum est Vincentium Arianum huic sæculo quinto assignari à Juliano. Hic enim ille Vincentius est, quem de Episcopo Cæsar-augustano apostatam Leovigildi Gotthorum Regis perversione factum in *Gothorum historia* p. Isidorus prodidit. Qui quidem Leovigildo æqualis, quem regnare cœpisse circa ann. DLXVIII. historiis credimus, pessimè consuitur cum Valerio Prudentii (uti incogitanter Pseudo-Julianus ait) ex anno CDXXIV. successore, nisi sesqui sæculo integro is superfuerit. Quod neque pertinacissimi ficulneorum auctorum defensores facile admiserint. Hujus pretii est Toletana merces, quam nostris hominibus tam carò, hoc est contra fidem & famam, ineuntis hujus sæculi malignitas vendidit.

457. Bona verba, ais: nam quod à Dextro audivimus, Prudentium in ædem S. Mariæ Cæsar-augustanam se recepisse, satis perspicuè ex ejusdem verbis comprobari ait Bivarius. Arrectis jam adstare auribus video te, curiose lector, herbam porrecturum, si verè promissor rem præstiterit hoc tanto hiatu dignam. In *Enchiridio* ait eum sic scribere (potius, uti jam diximus è prologo *Peristephani* hæc laudat carmina)

Me paterno in atrio

Ut obsoletum vasculum caducis

Christus aptat usibus:

Sinitque parte in anguli manere.

Mumus ecce fidele

Inimus intra regiam salutis.

Quid est mumus inire (ait Bivarius) *intra regiam salutis; nisi intra domum Dei scribere, in cujus angulo se manere affirmat? quod & Dexter annotat. Suspicio in Prudentio legendum:*

Me materno in atrio

Christus aptat usibus caducis.

Pro:

Me

m In edit. Concil. Hisp. Loysie pag. 72

n Inter Hilarii epist. tomo 4. Concil. editionis Labbæi col. 1033.

Jo Apud Martinum Carrillo in Hist. S. Valerii, pag. 226. Ant. Augustinum in epist. ad Blancam t. 3. Hist. Illust. pag. 835.

p Sub era DCX.

Me paterno in atrio &c.
quandoquidem in templi matris Christi angulo
degebat, ut Dexter scribit.

458. Doleo vicem probi ac sanè docti viri, qui tam parum feliciter otio suo & studiis est usus. Domus Dei, seu regia salutis, atque ejus atrium, sive angulus, de Ecclesia Christianorum dicuntur: quod carminis totus contextus clamat. Nec subrogari materni vocabulum paterni loco potest; cum prima hujus syllaba brevis, illius autem longa sit. Quærendum ergo fulciendæ huic Dextri fabulæ aliud solidius munimentum, quod criticis æquè ac poetis tale videatur.

CAPUT XI.

Falsò adscribi hujus quarti sæculi scriptoribus Hispanis S. MELCHIADEM Papam. Errores plurimi in Primo Episcopo Cabilonensi notantur. Hujus Pontificis epistolæ duæ falsò ei tributæ. VIGILANTIUS hereticus, contra quem scripsit S. Hieronymus, non Hispanus, sed ex Convenis Galliarum. Ubinam loci hæc urbs. S. Hieronymus exponitur, & ex conjectura emendatur. Baronii & aliorum de patria Vigilantii parum recta sententia. DESIDERIUS & RIPARIUS catholici adversus Vigilantium scriptores. Pseudo-Dextri errores ac temeraria præsumptiones. LACTANTIUS FIRMIANUS falsissimè ab eodem Hispanis annumeratur. Pseudo-Haubertini alii scriptores traducuntur, LÆTUS, AULUS SEGUNTINUS, AMANDUS, JOANNES Salarie presbyter, SICANIUS, ÆTHERIUS Easonensis, & alter JOANNES.

459. **U**TI scriptores verè nostrates effusè atque gratanter amplectimur; ita eos qui civitati nostræ subdolis, aut malè sanis quorundam famæ suæ prodigorum hominum artibus adscriptos fuisse novimus, curatum abire res domesticas, & patriam ornatum, non permittimus tantum, sed & solidis argumentis adigimus.

460. Ex his est hujus sæculi auctor MELCHIADES; quem sanctum Ecclesiæ universalis pastorem ab ann. CCCXI. usq; ad CCCXIII. ex quo tempore Primus Episcopus Cabilonensis in sua *Sanctorum Topographia* Mantuæ Carpetanorum falsò adscripsit, mordicè nostri homines errorem hunc tueri, peregrinorū Pontifici Hispanam civitatem impingere datā operā contenderunt. Primus ait: *Mantuæ Hispaniæ Tarraconensis mediterranea civitas. Hic Melchiades Papa ortus, Romæ Masi sub Maxentio martyr.* Frustra sunt, oculisque non vident, qui Franciscum Maurolycum ad partes vocant. Hic enim in Martyrologio suo nil de patria Melchiadis^q. Neque ex eo tantum quod Martyrologio huic *Topographiam* illam Primi vulgò subungi voluit, Cabilonensis errores, qui frequentissimi sunt, Maurolycus suos fecit. Unde injuriosi ei sunt, qui unā cum Cabilonensi hujusce rei auctorem hunc proferunt^r. Et tamen uno hoc teste fidei sic lubricæ tota hæc Melchiadem Africanæ patriæ auferendi persuasio nititur. Liber enim *Pontificalis*, quod unicum habemus talium rerum, cujuscumque illud sit, monu-

mentum consulere, Melchiadem, aliàs Melchiadem, natione Afrum vocat: itemque alterius libri *De vitis Pontificum* auctor, quem Luit-prando attribuunt; conformesque his sunt, neque ultra sciunt, Ecclesiastici omnes scriptores. Si qui verò ita judicio suo abusi sunt, ut duorum ab hinc sæculorum, eumque tot errorum maculis sædum, scriptorem, sive Damasò sive Anastasio bibliothecario, aut alii, cui nemò hætenus vetustatem auctoritatemque denegavit, præferendum putaverint; jure eos meritoque testimonii hac in re dicendi facultate dejicimus.

461. Sed cuicumque alii præferendus est Dexter, ais. Atque ego tibi non repugno, si Dextri verum germanumque dictum pro Hispana Melchiadis patria laudetur; non illius Dextri, quem Toletanus Prometheus in hoc veteris idolum, quod fascinati quidam homines adhuc adorant, efformavit. Hujus enim Chronici auctor, eo tantum consilio facti, ut palpum nobis obtruderet, sive falsum primum fingendo, sive quæ ab alio dicta olim temerè ac falsò de rebus nostris fuissent, confirmando aut interpretando, inter veri & falsi confinia hunc terminalem lapidem figere sibi imposuit, ut Melchiadem origine Afrum, domo verò Hispanum, hoc est Mantuæ in Carpetanis natum, Afris parentibus, pro conciliatione veteris cum nova historia jactaret. Non unum ejus legitur hujus sententiæ testimonium in vulgaribus editionibus. Anno CCXLVIII. *Melchiades, qui postea fuit Rom. Pontifex, in Hispania nascitur.* Anno CCXCIX. *Melchiades genere Afer in Hispaniæ urbe Mantua Carpetanorum ortus flet Romæ gloriâ sanctuatis & doctrinæ.* Et ann. CCCVIII. *In sede Petri Cajo successit Marcellinus, &c. Eusebio Melchiades, domo natalibusque Hispanus, genere verò Afer.* Cui quidem parentis sui primogenito auctori sacramentū dixerunt cætera omnis fabulorum Thrasorum cohors, Luit-prandus^t, & Julianus^u, novæque alterius, atque adeò magis monstrosæ originis fœtus, Haubertus Hispanensis^x.

462. At horum pseudo-historicorum fides, quod toties confirmamus, eo infirmior est Cabilonensis fide, quod hic falli potuit, fallere noluit, hi autem vale dicentes vero, datā operā fallere voluere. Falli inquam Cabilonensis potuit, & falsus sæpe fuit; cujus quidem negligentia eum semel hinc expostulare reum sustinemus, ne ultra hujus *Topographiæ* præjudicio vani homines vana nobis pro certis commendent. Attacum vel Acium eam dixit^y Beticæ urbem, quæ Acti est. Abylam^z eam in qua passi sunt Vincentius cum Sabina & Christetide, in meditullio Hispaniæ, unam ex columnis Herculis fuisse credidit, quæ in freto sunt. Asturiam^a, Hispaniæ illam civitatem ubi decollatus fuit Felix M. pro Gerunda; Almeria^b non solum Abdera, sed & Vega, pro Virgi forsan; Eliturgium^c, sive Licurgium, sive Turrigium, pro Illurgi; pro Italica Beticæ^d, unde Geronius martyr est, Gallicam-Flaviam Tarraconensis Hispaniæ posuit. Hispali^e Justum & Rufinum figulos M. M. tribuit, quæ Justa & Ru-

^s Num. 19. in partitione, seu comm. 2. apud Bivarium.

^t In Chron. ad an. DCLXXVI.
^u In Chron. num. 72.
^x In Chron. ad an. CCXLVIII.

^y In Arracum.
^z In Abyla.

^a Ia Asturia

^b In Almeria.

^c In Eliturgium.

^d In Gallica Flavia.

^e In Hispania.

^q Die 1. Decemb.
^r Bivarius ad De utrum anno cccxviii. Ludov. Jacobus in Biblioth. Pont. verbo Melchiades. Al. ph. Ciaconius De vitis Pont. in Melchiade. Carus ad Dextrum eodem anno, & anno cccxix Bleda Hist. de S. Isidro laborator. lib. 1. cap. 3.

Rufina sunt sorores, ibidemque Hermenegildum Gotthorum principem martyrem, Braulionis Cefar-augustani Episcopi fratrem appellavit. Iconium^r, quæ Isauriæ est, Hispaniæ urbem, indeque Quiricum & Julittam fecit martyres, quod deinde Tharso attribuit^s. *Osmai* ^b vel *Goxoma*, pro *Osma*, sive *Uxama* urbe dixit. *Oficerdam* ⁱ Hispaniæ Tarracoenfis supra Saguntum (*Ofera* nunc vocant) confundit cum *Hospitali-Roncevallis*, in quo quiescere ait Rolandū, in Pyrenæis montibus. *Muniliam* & *Helodem* vocat ^x Aragonenses virgines & martyres, quæ *Nunilo* & *Alodia* sunt. *Secubie* ait ⁱ inventum corpus S. Vincentii, quod in mare projectum est: quod quidem Valentiae contigit. Salmanticam ^m translatus scripsit fuisse id, quod in ea urbe nunc floret, gymnasium, è Toletō propter abusiones quæ ibi fiebant. *Tarracoenem*, *Arelatum* vocavit ⁿ. Hos de Hispanis tantum rebus crassissimos Primi Cabilonensis errores collegimus, ne per alias nunc provincias vagaremur, cum satis hominem istę animadversiones prodant.

463. Planè autem Melchiadis mentionem ea propter hęc fecimus, quia inter scriptores Pontifices is vulgò habetur; non sanè propter epistolam quæ ejus nomen, & hunc titulum præferebat in veteribus Conciliorum editionibus: *De primitiva Ecclesia*, & *munificentia Constantini Magni Imperatoris circa eandem*. Hanc enim sic stupidè finxit, quisquis finxit, (Isidorum collectorem ipsum Baronius putat^o) ut Melchiadem an. CCCXIII. aut circiter vitā functum, de Concilio Nicæno & Constantini è Roma in Constantinopolin professionem, tam sequioris temporis successibus, loqui fecerit. Quare jam hodie ista epistola recentiorum Binii & Labbei, cæterarumque editionum castris ejecta optimo jure fuit. Notaveruntque Gratiani errorem, qui hac usus est cum hac epigraphæ in cap. *Futuram* 12. quæst. 1. viri doctissimi^p. Durat tamen, nec talis damnationis fulmine icta adhuc alia epistola, quæ unica superest hujus Pontificis nomine *ad omnes Hispaniæ* inscripta *Episcopos*. In quo tamen, cum lacinie recentiorum satis appareant, maximèque fragmentum satis grande ab Homilia quadam *De Pentecoste*, sive Eucherii Lugdunensis Episcopi, sive Eusebii Gallicani, aut Emisfeni, sive tandem Fausti Regiensis, quod ambiguum est, desumptum atque eò absque ullo artificio conjectum, vellat lectorum aures; nil temerè præsumpserit, qui cum magno Annalium Ecclesiasticorum scriptore hanc epistolam silentio damnaverit^q.

464. Intrudunt alii parum æquo jure nobis & Hispanis natalibus VIGILANTIUM hæreticum, qui verè Gallus patriā fuit. Hic libellis quibusdam in publicum datis, virus falsorum dogmatum adversus beatorum pro vivis intercessionem, venerationem martyrum; vigiliarum in eorum sepulchris cereorumque diurnum usum, continentiae propositum, per aliquas Hispaniarum & Galliarum plagas sparserat: de quo à Desiderio & Ripario presbyteris, quarundamque Cataloniæ

Ecclesiarum rectoribus, admonitus magnus Ecclesiæ doctor Hieronymus; hos errores Apologetico scripto libro, veluti malleo contudit, qui & obloquentem ac detrahentē sibi, quod Origenis frequentaret libros, epistola quadam in ordinem reduxit^s. Unde nobis plura de eo homine, atque ejus natalibus & peregrinationibus constant. *Lingua* is quidem *politus*, Gennadio fuit auctore^t, non sensu *Scripturarum exercitatus*. sive, ut censebat Hieronymus^u, *imperitus*, & *verbis*, & *scientiā*, & *sermone inconditus*, ne vera quidem potens defendere.

465. Quibus autem placuit nostratem eum dicere, illud favet, quod *cauponem* eum *Calagurritanum* Hieronymus vocat, eundemque *mutum Quintilianum*, qui ex ea urbe fuit. Certissimum est tamen advenisse huc è Gallia, in eaque natum. Hieronymus principio libri^x: *Multa in orbe monstra generata sunt. Centauros, & Sirenas, ululas, & onocrotalos in Esaia legimus &c. Cacus describit Virgilius. triformem Gerionem Hispaniæ prodiderunt. Sola Gallia monstra non habuit, sed viris semper fortissimis & eloquentissimis abundavit. Exortus est subito Vigilantius, seu potius Dormitantius, qui immundo spiritu pugnet contra Christi spiritum, &c. Quid clariùs potuit ab eo dici, ut mirari se significaret Galliam, quæ monstra nunquam produxerat, hujus monstrofi partus matrem repentè factam? Atque id magis confirmat, patriā eum ex Convenis Galliarum urbe fuisse affirmans. Verbis sancti viri, quantumvis prolixioribus, non parcā: illa enim caussam continent, & adversariæ partis jugulum feriunt. Nimirum respondet generi suo, ut qui & latronum & Convenarum natus est semine, quos Gn. Pompejus edomuit Hispaniā, & ad triumphum redire festinans, de Pyrenæis jugis deposuit, & in unum oppidum congregavit: unde & Convenarum urbs nomen accepit. Hæc urbs Convenarum, sive Lugdunum-Convenarum, hodie est S. Bertrand de Comminges: à regione hujus nominis in Aquitania, Pyrenæorum ad radices, Bertrandoque Episcopo veteris urbis instauratore sic vocata; de qua diligenter egit Arnaldus Oihenartus in *utriusque Vasconie notitia* lib. 3. cap. 1. y & cap. 12. ^z In Aquitania eam collocant geographi omnes^a, & auctores *Galliæ Christianæ*, in Episcopis Convenarum.*

466. Ac ne putes de genere tantum, non de patria Vigilantii loquutum S. Hieronymum fuisse; pergendum est in ejusdem, quæ sequuntur, verbis. *Hucusque* (ait) *latrocine-tur* (Vigilantius) *contra Ecclesiam Dei; & de Vætonibus, Arbacis, (Arevacis forsan^b) Celtiberisque descendens, incurset Galliarum Ecclesias, portetque pæquāquam vexillum Christi, sed insigne diaboli*. Non rectè judicio meo hæc nonnulli intelligunt^c, quasi Hieronymus dixerit, è devictis gentibus Vætonum, Arevacorum, Celtiberorumque in unum collectis formatam à Pompejo Convenarum fuisse urbem. Apertè enim Hieronymus ait è Pyrenæis illum jugis deposuisse, quos convenire in unum illud oppidum voluit. Vætones autem, & Arevaci, ne nunc de Celtiberis agam

^r Töm. 2. operum *Multa in orbe &c.*

^s Eodem tom. 2. *Justum quidem fuerat &c.*

^t De script. Eccles. cap. 35.

^u In libro Adv. Vigilantium.

^x Adv. Vigilantium.

^y Pag. 384.

^z Pag. 517.

^a Plinius lib. 4. cap. 19. Ptolem. lib. 2. cap. 7. Strabo lib. 4.

^b Moretum vide in Cōgregationibus Apologetis. Congreg. 10. pag. 304.

^c Oihenartus ubi proxime lib. 3. cap. 1. Sammarthani fratres in Convenarum Episcopis.

^f In *Iconiā*.

^g In *Tharso*.
^h In *Osmai*,
& in *Osma*.
ⁱ In *Oficerdam*.

ⁿ In *Ofca*.

ⁱ In *Secubie*.

^m In *Salmantica*.

ⁿ In *Tarracoenem*.

^o An. cccxiii. num. 80.

^p Baronius tom. 3. ad ann. cccxiii. n. 80. Cova-rubias cap. 31. *Præfatio*. §. 1. & lib. 4. *Veneriar*. c. 16. *Vila-Vicentius de Studio Theolog.* lib. 4. cap. 3. *obfer*. 4. *Cusanus* lib. 3. *Cicord. cathol.* cap. 2.

^q Uti Labbeus damnat, & olim Blondellus in *Pfeudis-Istare*.

agam, longissimo à Pyrenæis montibus terræ spatio distant. S. Hieronymus nil aliud significare voluisse credendus est, quàm Vigilantium in Hispaniæ his, quorum meminit, populis hereses suas seminasse, posteaque in patriam, vicinaque patriæ urbi loca remeasse.

467. Tribus his populis Vætonibus, Celtiberis, & Arevacis, apud Plinium ^d etiam conjunctis, nollem quidem de possessione hujus Hieronymiani loci movere controversiam. Nec tamen dissimulare possumus pro *Vætonibus*, *Vasconibus* legi posse; quorum urbs Calagurris fuit, quam Vigilantius forsitan incoluit: iccirco; non verò quòd inde domo fuerit, *caupo Calagurritanus*, & in perversum propter nomen viculi *mutus Quintilianus* ab Hieronymo dictus. Exemplo inde utitur apologista maximus urbis alterius à Pompejo ex hostibus seu latronibus sub jugum missis, uti Convenæ fuerant, conditæ: unde formamus argumentum alterum pro Gallicanis hæretici hujus natalibus. *Fecit hoc idem Pompejus etiam in orientis partibus, ut Cilicibus & Isauris piratis latronibusque superatis, sui nominis inter Ciliciam & Isauriam conderet civitatem*: (quod & Strabo refert in 14.) *sed hæc urbs hodie servat scita majorem, & nullus in ea ortus est Dormitantius. Galliæ vernaculum sustinent. Dormitantium nat' ætippæon & irrisoriè eundem Vigilantium sæpe vocat*; nullumque hujus notæ hominem natum ait Pompejopoli, uti fuit Convenis Galliarum natus.

468. Cum hæc tam apertè dicta sint, & Gennadius Gallum natione Vigilantium differtè vocaverit, consentiantque, uti æquum est, recentiores ^f quamplures; non video qua excusatione utar pro magno viro contrarium sentiente Baronio Cardinali, qui Gennadium erroris accusat, Hispaniæque hunc civem impingit; ne Tarrasæ ^h meminerim; aut pro Joanne Mariana ⁱ & Joanne Vaseo ^k, qui natione Gallum credunt, patriam verò, uti ex S. Hieronymo colligi ajunt, Pampilonensem; ejus Pampilonis apud Hieronymum nullam fit mentio.

469. Ridiculus autem est Pseudo-Dexter, qui his emolliendis variantium opinionum difficultatibus invenit primus Calagurrim in Gallia. *Vigilantius hæreticus Calagurritanus* (ait) *ex Gallia*. Ad quem locum frustra est Bivarius, Calagurrim hic intelligens Nassicam ad radices Pyrenæi montis, in Barcinonensi conventu olim sitam, (quod & Josepho Moreto placuit,) non Calagurrim alteram Fibulariam Vasconum, quæ Ibero alluitur, & nunc superest. Hæc enim non minùs quàm altera Hispaniæ Tarraconensis fuit urbs, ut ex Cæsare constat ^m. De utraque autem Calagurri adeas, quæso, Hieronymi Suritæ Notas in Antonini Itinerarium, Moralem libello *De antiquitatibus Hispaniæ*, & Ludovicum Nonnium *Hispaniæ* suæ cap. 81. Quare non ullam istarum habuisse ante oculos Dextrum suum, fateatur necesse est Bivarius. Potuit quidem ejus formator ad *Calagorgim* Aquitaniæ, cujus apud Itinerarium ⁿ habetur mentio, fictionis aciem intendere. Attamen, si

eidem Itinerario credimus, in milliarium numero, hæc à Convenis, quam Vigilantii patriam fuisse ab Hieronymo didicimus, quadraginta duobus distabat passuum millibus.

470. Attamen post hæc scripta delata ad nos sunt nova quædam Parisiis hoc anno MDCLXXXI. edita viri clarissimi Petri de Marca Parisiensis antistitis opuscula, in quorum numero Dissertatio quædam est *De Vigilantio*, quem quidem in Calagurri parvulo vico Sancti Bertrandi de Comenges proximo natum fuisse noviter contendit: quod mihi per placet: nec creditu difficile est Calagurrim triplicem fuisse.

471. Vigilantio saltem id debemus, ut notos fecerit S. Hieronymo & orbi Christiano DESIDERIUM atque RIPARIUM presbyteros, in vicinia Barcinonensis urbis rectores Ecclesiarum. Horum alter Riparius de Vigilantio blasphemias suas Barcinone disseminante, ac de vicinis Ecclesiis jam inde infectionem contrahentibus, ad Hieronymum primus detulisse videtur, ut constat ex S. Doctoris epistola ^o ad eum data, quâ breviter refutatis apostasiæ capitibus, monet eum ut Vigilantii scripta ad se remittat longiori volumine prosciendenda. Inde jam, nec tamen ante bienium, non Riparius tantum, sed cum eo Desiderius, prolixâ epistolâ per fratrem Sisinnium remissâ de iis omnibus quæ opus essent, eundem Hieronymum certiores fecerunt, cujus is meminit in *Apologetico adversus Vigilantium*, unius noctis lucubratione, ut ait ^p, dictato. *Non possum* (ait ^q) *universa percurrere, quæ sanctorum presbyterorum literæ comprehendunt. De libellis illius aliqua proferam*. Ad Riparium est & alia Hieronymi epistola ^r, unde scimus viri magni confessione Christi cum adversus hostes catholicæ fidei bella bellasse.

472. Existat quoque ad Desiderium, si non alius est, quædam alia ^s, in qua summis laudibus eloquētiam ejus extollit. *Quotus igitur ego* (ait) *vel quantus sum, ut erudita vocis merear testimonium, ut mihi ab eo palma eloquentiæ deferatur, qui scribendo desertissimè, deterruit ne scriberem*? Adhortatur ibidem eum, ut cum Serenilla sorore, virgine, uti conjicimus, Deo sacra, Palæstinæ loca sanctamque Hierosolymam visitatum veniat, deque libris suis à Desiderio desideratis, quod utbanè ac benignè debuit, respondet. Idem Desiderius est is, qui obsecratus fuit Hieronymum ut in Latinum ex Hebræico sermone Pentateuchum transferret: quod ex ejus translationis prologi initio constat. *Legitur & inter sancti doctoris opera Scripturarum Ecclesiasticorum quidam catalogus* ^t Desiderio inscriptus: qui doctorum hominum judicio ^u nothus est, Hieronymoque indignus. De his duobus presbyteris, quia ad Catalanos pertinent, Hieronymus Pujades in *Chronico universali* ejusdem provinciæ lib. 5. cap. 20. ac tribus sequentibus curiosè differuit, ut alios nunc præteream.

473. Sed Vigilantii, Desiderii, ac Riparii hoc sæculo meminimus, quia Pseudo-Dexter huic affixit ^x, non quòd revera hæc res eorum gestæ ad id pertineant. Quod aliud telum est,

^d Hic & in Epist. ad Riparium præambula.

^f Bernardus Lutzeburg. in *Catalogo Hæretic. v. Vigilantius* Bergom. lib. 9. Sabellianus ennea-de 7. c. 8. Beuter in *Chron. Hisp. par. 1. cap. 27*. Pujades lib. 5. *Chron. Catalon. c. 20*. Bivarius ad Dextrum ann. cccclxxxviii. n. 11. Morales lib. 10. cap. 44. Lupus tom. 2. ad Concil. pag. 1182. ^g Tom. 5. ad ann. cdxv. num. 40. ^h In *Hispan. cap. 80*. ⁱ Lib. 4. c. 20. ^k In *Chron. an. cccclxxxviii*. ^l In *Congressibus Apologeticis* congress. 10. pag. 317. ^m Lib. 1. *Bellor. civil.*

ⁿ In Itinere ab Aquis Tarbell. Tolosam.

^o Tom. 2. *Acceptis &c.*

^p In fine. ^q Circa medietatem.

^r Eod. tom. 2. *Christi te &c.*

^s Tomo 3. *Lecho sermone &c.*

^t Tom. 4. *Vitæ nunc actus*

^u Erasmo in *Scholiis* ad hunc, Mariano Victorio, Pofsevino, Labbeo & aliis.

^x Ad ann. ccccxi.

est, quo supposititium scriptorem ferimus. Hieronymi enim *Apologeticus* conceptus fuit postquam Arcadius Imperator (verbis utor ejusdem Hieronymi ^y) *ossa beati Samuëlis de Judæa transtulisset in Tbraciam*. quod quidem factum fuisse non ante annum CDVI. Baronius refert, argumentisq[ue] confirmat.

474. Pudet refellere quæ Pseudo-Dextri aliorumq[ue] similium abortivorum hujus nostræ ætatis auctorum fide sola, quæ nulla est, innituntur. *Triginta circiter scriptores catholici* (ait ille ^a) *contra blasphemias Porphyrii philo- sophi scripserunt. In his nonnulli Hispani*. Quinam autem hi, adjungere noluit, ne imprudens laqueo decipulæve alicui pedem inferret. Hæc tamen perit frons Hauberto dicto Hispalensi, commentitio eidem chronologo qui Hispanos Porphyrio-mastigas *Paullatum, Felicem, & Euthymium* nominat ^b. *Paullatus, Felix, Euthymius Hispani scripserunt contra Porphyrium* (ait) *hereticum*. Ignoravit hos nempe fidei catholicæ propugnatores Hieronymus, qui nihil hujusmodi videtur ignorasse, Gennadius item & alii, qui suppleverunt, ampliaveruntq[ue] ejus catalogum. Ne nunc Eusebium vix aliorum, quàm Græciæ civium, laudatorem commemorem. Lactantium confutasse olim Porphyrii blasphemias tacito ejus nomine, direxisq[ue] contra eum libris Methodium Tyri, Eusebiumq[ue] nuper laudatum Cæsareæ, Apollinaris, Laodiceæ, Syriæ Episcopos antiquitati credimus ^c. Triginta verò fuisse qui confutaverint, juxta cum somniis habemus.

475. Immo LACTANTIUM ipsum FIRMIANUM Hispanum dicere non erubuit Pseudo-

Dexter *Lucius Cecilius Lactantius Firmianus Hispanus, Crispi Cæsaris Constantini filii magister, pauper* (inquit ^a) *& abjectus Nicæe moritur*. Quæ verba intulit in portentosum Chronicon suum Haubertus, nuper à me adductus, Hispalensis ^e. Nullus, fateor, ex antiquis, quo natus ille loco sit, unquam disertè dixit. Sed tamen Hieronymus ea de illo tradit, quæ in alium, quàm in Africa natum hominem, vix cadere possunt. Auditor fuit Arnobii, qui Afer, & in urbe Sicca ejusdem Africæ florentissima rhetoricæ artis professor celebri fama tunc vigeat: accitus inde Nicomediam, ut eandem ibi artem doceret. Adolescentulus in scholis Africæ *Symposium* scripsit; & *Hodæporicum*, hoc est, iter ex Africa usque ad Nicomediam. Hæc omnia, quæ ex Sancto Hieronymo habemus, Afrum non obscurè produnt Lactantium.

476. Laudat quoque Pseudo-Haubertus Hispanos hujus sæculi pseudo-poëtas, LÆTUM in *Pharo Celtibero circa Iberum*, an. CCCXV. AULUM SEGUNTINUM anno CCCXXXIX. AMANDUM *Rodaniæ circa Gerundam*, anno CCCLXXVIII. Tresq[ue] alios, quos barbarie affectatâ valdè *concionarios*, quod idem est ac poëtas, vocat. JOANNEM *presbyterum Salarie in Autrigonibus*, anno CCCXLIII. SICANTUM *Libyæ* CCCXXXI. ÆTHERIUM *diaconum oppidi Easo circa oceanum*, CCCXC. JOANNEM *itidem presbyterum valdè* (ut loquitur) *historicum*, anno CCCLV. Quæ omnia ipso aëre vaniora monumenta chimæricorum hominum eadem, quâ producuntur, operâ, dissipantur & excinduntur.

d Ad annum CCCXVII. num. 2

e Ad eundem annum.

y Ad annum CCCXIII.

a In eodem *Apologetico*.

a Ad hunc annum CDVI. num. 45.

b In *Chronico*. ad an. CCCIX.

c S. Hieron. *De scriptor. Ecclæ*. cap. 81. 83. 104.





BIBLIOTHECÆ

V E T E R I S

H I S P A N Æ

LIBER TERTIUS,

De scriptoribus sæculi quinti.

CAPUT PRIMUM.

De OROSIO, qui Paullus audit nomine. Tarracone an in Lusitania natus ambiguum esse: Potiorem tamen causam videri Lusitanorum & in his Bracarenfium. Idatius exponitur. Sancti nomen, bonoris, non pietatis. D. Gaspar Ivañez de Segovia Marchio Acropolianus, & Franciscus Maria Florentinus laudantur. Orosii peregrinationes ad S. Augustinum, ad S. Hieronymum, indeque iterum ad S. Augustinum. Orosius ne hic noster, an alius martyr ex Africa Romam transportatus fuerit? Orosii Historiarum libri Hormestæ appellatio undenam his advenit? Cujus variae apud varios transformationes referuntur. De ejus editoribus & illustratoribus, ac de aliis ejusdem operibus. Joannis Garnerii editio operum Marii Mercatoris, atque ejus industria commendantur. Liber Apologeticus De arbitrii libertate Orosii est. quamvis confusus cum libro Augustini De natura & gratia. Alia ei opuscula seu verè, seu per errorem attributa. Supposititia & ficta quæ de Orosio apud Pseudo-Dextrum & Pseudo-Maximum leguntur, scilicet de tribus aut quatuor Orosiis, de anno ortus nostri. Francisci Brvarii anxietas in transferendo de loco ad locum Pseudo-Dextri testimonia quæ veris rerum temporibus non constabant. multa iterum de successibus Orosio equalibus, ac de Erote & Lazaro Gallicanis, non Hispanis Episcopis, occasione refellendarum ejusdem pseudo-historici ineptiarum. Fictitius quoque alius Pseudo-Maximi Orosius nostri ex sorore nepos.



PERE ab initio hujus quinti sæculi OROSIVS, quem Paullum appellavit, nescio unde nomen hoc mutuata, sequior ætas, clarere cepit, pietatisque non minus quam doctrinæ

nomine celebrari. Patria hujus in obscuro est, fatali quadam illustrium quorumcumque virorum quasi necessitate, contententibus undique urbibus, silentio ipsorum controversis ansam præbente, decorem sibi & ornamentum ab eorum natalibus quærere. Vulgò quidem apud exteros Tarraconensis audit, ac plerisque nostrorum: eo solum inditio, quòd in recensendis septemtrionalium gentium in meridiales Romanæ ditionis plagas incursionibus, sive potius inundationibus, lib. 7. cap. 22. Tarraconem suam appellavit. Ex quibus nos quoque in Hispania (ait) Tarraconem nostram ad consolationem miseriæ recentis ostendimus. Cui testimonio communiter magis creditur à recentioribus a in assignanda ejus patria. Nonnemo tamen olim fuit, qui Cordubensem affirmaverit, quam opinionem Vaseus, & Garibajus referunt, sed tantum ut obelo figant.

2. Majoribus copiis pro Lusitanis ejusdem pugnatur natalibus, nec sine historicis argumentorum auxiliis. S. Augustinus ad Euodium epist. 102. Ut Hieronymum de animæ origine confuleret usum se fuisse ait occasione cujusdam sanctissimi & studiosissimi juvenis presbyteri Orosii, qui ad se ab ultima Hispania, id est, ab oceani litore solo sanctarum Scripturarum ardore inflammatus advenerat. Idem ad Sanctum Hieronymum epist. 28. Nam inde ad nos (ait) usque ab oceani litore properavit. Venisse autem eum è patria liquet ex his Commonitorii ad Augustinum. Dum considero qualiter actum est quod hic venirem, agnosco cur venerim; sine voluntate, sine necessitate, sine consensu de patria egressus sum occulta quadam vi actus, donec in istius terre litus allatus sum. Non quidem ignorabat Augustinus quodnam Hispaniæ litus allueret oceanus, longèque hunc à Tarraconis vicinia, quæ interiore mari,

a Joan. Gerundensis in Paralipomen. Hispania initio Tomi I. Hisp. illustr. Franciscus Tarracone De Regib. Hisp. in Arcadia. Vaseus in Chron. Hisp. ad annum cccxcviii. Volaterranus lib. 18. Antropol. Marinus Siculus De laudibus Hisp. lib. 6. Bergom. lib. 9. Supplem. ad ann. cxxi. Nonius Hisp. cap. 85. Morales lib. 11. cap. 17. Ludovico Pons Icart Grandezas de Tarracona, cap. 24. Garivai lib. 7. cap. 57. Pujades Chronica de Catalunya lib. 6. cap. 14. Gaspar Estazo Anti-quadras de Portugal. cap. 69. num. 5. Miræus in Scholium ad Gennadium. Labbeus Dissertat. De scriptor. Eccles. par. 2. pag. 174.

mari, nunc mediterraneo, pulsatur, abesse, eamque non ultimæ Hispaniæ, immo Africo limiti, quem incolebat Augustinus, ferè vicinioris urbem esse. Atque huc usque dicta videntur sanè Tarraconem excludere. Cetera quæ sequuntur, Bracaram adstruere Orosii patriam. Nimirum Avitus, qui epistolam scripsit de inventione reliquiarum S. Stephani, Bracarenfis fuit presbyter. Idatius in Fastis consularibus, Honorio X. & Theodosio VI. auctor est, & *exstant ex his gestis epistolæ supradicti presbyteri* (Luciani) & *S. Aviti presbyteri Bracarenfis, qui tunc in Hierosolymis degebant*. Certè hic videtur alter ex duobus his Avitis esse, quos cives suos Orosius vocat in Commonitorio proximè laudato. Quem locum operæ pretium est expendere, quod & huic controversiæ non parum deserviat, & causam aperiat exitus Orosii è patria, & ad Augustinum professionis, unde sibi famam ad posteros, scribendique occasionem comparavit.

3. Infecerat Priscilliana hæresis insanis dogmatibus suis Hispanam gentem, nondum extincta etiam post (ut Severus ait) heresiarcham, & ejus præcipuos sectatores vindice gladio sublatis. Inter hæc de animarum origine multa insaniebat. Res erat etiam inter doctissimos anceps. Tunc (ait Orosius) duo cives mei, Avitus, & alius Avitus, cum jam tam turpem, & per se ipsam veritas sola nudaret, peregrina petierunt. Nam unus Hierosolymam, alius Romam profectus est. Reversi, unus detulit Origenem, alius Victorinum. Ex his duobus alter alteri cessit: Priscillianum tamen ambo damnarunt. Victorinum parum novimus, quia adhuc penè ante editiones suas Victorini sectator cessit Origeni. Hoc est, Avitus sectator Victorini, alteri Avito sectatori Origenis cessit. Cæperunt ex Origene (inquit) magnifica plura proponi, &c. Inde jam argumentantur ii, quibus non placet horum alterutrum Avitum esse illum, qui de Stephani protomartyris reliquiis elucubravimus, Bracarensem presbyterum, ab Idatio laudatum. Malè enim adaptari putant Sancti elogium ei Idatio, quem falsas Origenis opiniones in reditu à Hierosolymis cives suos docuisse Orosius conqueritur.

4. Amicus noster exquisitæ eruditionis vir D. Gaspar Jvañez de Segobia Marchio Mondexarenfis, qui in *Dissertationibus* suis *Ecclesiasticis* b plenè atque acriter Orosii rerum à Pseudo-Dextro conturbatarum, innumerisque fabulis fædatarum, vindicem egit, argumento ex contradictione sanctitatis & erroris reponit, Sancti appellationem honoris aliquando causâ, non sanctitatis titulo conferri per hæc tempora consuevisse: quod multis confirmat in Notis ad epistolas Martyrologio præfixas c Franciscus Maria Florentinus, præstanti eruditione nostri temporis hagiologus, dum de sanctitate Cæsarensi Eusebio in iis tributa jure ambigit: atque iterum in Notis Junii d, Leone laudato Allatio, viro nostri temporis celeberrimo. Nos subjungimus injuriosos esse erga hunc Avitum Origenis defensores, qui eò tantum quod Origenis placita de animabus, atq; earum principio

commendaret, hæresis ei notam inurunt. Quinimmo Augustinus, quem non minùs quàm alios hac re super stringebat anxius dubitationis nodus, tantum abest ut Avitum cum Origene suo hic damnaverit, ut potiùs excusare quodammodo videatur. Immo eundem Avitum recantasse palinodiam, recessisse à defendendo eo, quem priùs commendaverat dogmate, Orosii hæc ex eodem opere ostendunt: *Isti verò Aviti duo, & cum his Sanctus Basilius Græcus, qui hæc beatissimè, (fortè pro rectissimè) docebant, quædam ex libris ipsius Origenis non recta, ut nunc perintelligunt, tradiderunt*.

5. Qui cum Sancto Basilio componuntur, indigni prorsus hæresis notâ sunt. Nugantur enim qui de Græco quodam Basilio ad Hispanias cum Avitis appulso verba hæc intelligunt. Demus tamen Orosianum unum è duobus Avitis eundem esse cum Avito Bracarenfi, quem Idatius laudat, non hinc constare. Certè hic ipse Bracarenfis Avitus Idatianus, qui historiam inventionis memoratarum Stephani protomartyris exuviarum è Græco Luciani presbyteri convertit in Latinum, ad Balconium Bracarensem Episcopum cum universo clero ejusdem Ecclesiæ literas dedit, quæ in Annalibus Ecclesiasticis habentur e, in quibus literis sese ait frequenter venire voluisse ad eos è Hierosolymis, ubi degebat, impeditum tamen fuisse hostium per Hispanias diffusorum timore: & tamen Dominum Deum sibi indulsisse, ut dilectissimus filius (verba ejus audis) & compresbyter meus Orosius, usque ad has partes ab Africanis Episcopis mitteretur; cujus mihi (ait) charitas & consolatium vestrum omnium præsentiam reddidit. Vix potuerunt hæc enunciari de alio, quàm de Balconii & cæterorum cive, quin sinceræ relationi vis inferatur. Quare hanc partem sequuntur viri docti f, non quidem Lusitani omnes, sed & non Lusitani, quæ verè urgentioribus conjecturis nititur, cum è contrario una Tarraconensis urbis, cum nostræ adjecto, facta extra Hispaniam ab Orosio mentio, de Hispana loqui urbe Hispanum scriptorem commodissimè significare possit.

6. Nostrum non est argumenti judicem agere circa institutum vitæ Orosii, secularisne, an regularis presbyteri, eos inter, qui ex eremitarum à magno Augustino institutorum, ut ajunt, familia, atque eos, qui sub schemate canonicorum regularium ejusdem sancti doctoris doctrinam exceperunt eum argutantur g. Quasi necessarium fuerit non aliter agere discipulum universalis doctoris, quàm adhaerescerentem alicui ex duobus his vastæ ac frugiferæ Ecclesiæ arboris, ut ajunt, ramis. Scimus quidem venisse ad S. Augustinum, veluti à Deo ductum, juvenem, & veri cupidum, satisque doctrinæ philosophicæ atque theologicæ, necnon historiæ totius subsidiis instructum. Consuluit Orosius magnum hunc doctorem de rebus fidei Hispaniæ, cum sermone, tum quoque de scripto, in eo, qui cum titulo *Commonitorii* ad Augustinum

e Tome 5. ad an. cdxv. num. 3.

f Brito 'March. Lusitan. tomo 2. lib. 6. cap. 27. Acuña Hist. de Braga part. 1. cap. 58. Anr. de Purificatione Chron. de los Ermitaños. cap. 1. §. 1. Bernardus de Braga apud Estazo cap. 70. num. 1. Cardosus in Hagiol. Lusitano to. 3. die Padilla cent. 5. cap. 9. Marquez Del origen de los Ermitaños, cap. 10. §. 3. Marchio Acropolitani Dissert. Eccles. part. 1. dissert. 4. cap. 1. num. 8. & seqq. g Vide Herrera in Alphonso Augustiniano pag. 226. Marquez Origen de los Ermitaños, cap. 10. §. 3. pag. 171. Ciste Occident. tal. part. 2. lib. 6. cap. 7.

b 1. parte dissertationis 4. cap. 1.

c Pag. 65.

d Die xxxi. pag. 626.

stinum libellus inter hujus epistolas legitur; cui sanctus doctor libellum alium reposuit pro responsione *contra Priscillianistas & Origenistas* ad Orosium inscriptum. Docuit nempe eum quod potuit, in re sibi & docto cuique obscurissima^h, remisitque plenius instruendum Hierosolymas cum literis ad Hieronymum, illius sæculi doctrinæ omnis veluti oraculum. Quæ omnia ex epistola ad Euodiumⁱ, & ex iisdem ipsis literis^k ad Hieronymum directis constant. Ad hujus secundi Gamalielis Christiani pedes veluti alterum Paullum multum profecisse Orosium, nec minus quam sub Augustini disciplina, res ipsa persuadet.

7. In Palæstina divertenti alterum & alterum præter expeditionis suæ præcipuam causam expediendum fuit rei momentum. Pseudo-Synodus Diospoli coacta Pelagium per eos dies absolverat. Inventæ quoque fuerant circa idem tempus sanctissimi protomartyris Stephani, sanctorumque Gamalielis ac Nicodemi Christi discipulorum, Abibonisque Gamalielis filii venerabiles reliquiæ, de quarum inventione miraculosa Lucianus presbyter quidam sanctus Græcè libellum ediderat. Utraque res eum fructum Orosio peperit, ut rediens ad Augustinum, haberet, quo tam ab Ecclesia universali, fidei res expediendo, quam à quibusdam particularibus nuper religioso isto thesauro iis communicando meritum reportaret. Erotis enim & Lazari Galorum Episcoporum, qui tunc temporis peregrè illic agebant, literas de Pseudo-Concilio istius Palæstini, seu Diospolitani gestis S-Augustino nuncupatas tulit secum in Africam regrediens. Quibus commotus ac rei indignitate Augustinus Carthagine Synodum convocavit. Quæquidem iterum infesta & abominanda Ecclesiæ tam Pelagii quam Cælestii nomina dogmataque declaravit, ut ex epistola ad Innocentium Pontificem totius Synodi data nomine compertum habemus, confirmatque Marius Mercator, horum temporum æqualis, cap. 3. Commonitorii Imperatori oblatis super Cælestii nomine. Libellum item Luciani Græcum ab Avito presbytero Bracarense vulgarem omnibus Græcè nescientibus factum de prædictæ inventionis historia, necnon & reliquiarum aliquam partem Aviti ejusdem mandato functus, ad Balconium Bracarensem Episcopum, totiusque hujusce urbis clerum, transportavit. quod ex epistola ad eos Aviti, superius jam à nobis laudata, confirmare possumus.

8. Duobus ferè annis, ut creditur, tota hæc peregrinatio, hoc est à xiv. ad xvi. supra quadringentesimum, aut paullò ultrà, Orosio constitit^l. Bene accurateque hæc digessit annorum spatia gesta que ad Marii Mercatoris opera Joannes Garnerius^m. Vanum etenim, & Ilias mendaciorum est id totum quicquid commentitius Dexter de Orosiis pluribus, anno nativitatæ junioris (sic eum appellat) nostri, professionis ad Augustinum, tempore, & causis, vanissimi, & malefani cerebri mortalis confingere non erubuit. De quibus paullò post.

9. Reversus è Hierosolymis vix committere potuit, quin ad Augustinum in Africam rediret, eumque, uti diximus, de quæstionibus cum Hieronymo collatis, ac de Pelagianorum rebus certior redderet. Cogitavit inde in patriam, vetusque navigio usque Minoricam insulam, constitit aliquamdiu in Magonis portu: sed *postquam transiebat ad Hispanias, sicut desiderabat, nequivit, remeare ad Africam de novo statuit*. Quæ verba sunt Severi Episcopi Minoricensis in quibusdam literisⁿ ad omnes Episcopos, in quibus refert Judæorum conversionem in hac insula ad intercessionem Stephani protomartyris sub adventum Orosii, cum parte sacrarum ejus reliquiarum factam. Venientem ergo eum ex Africa in Hispanias, sive ab hostibus Gotthis & aliis nationibus timor, sive in his grassantibus, sive alia causa, repedare ipsum coegit in Africam. In qua per me manserit usque ad obitum diem: nulla enim ejus in patriam reditus exstat vola aut vestigium. Nam & Raphaël Volaterranus Carthagine diem suum obiisse Orosium, indeque Romam asportatum ejusdem corpus, scriptum reliquit. *Decessit in Africa apud Carthaginem; sepultus vero (ait) Romæ in templo Eusebii ad trophæa Marii*. Sed crediderim potius confundi hunc nostrum à viro docto cum Orosio martyre, cujus sacras exuvias eo in templo asservari fama est, ut mox dicemus. Attamen huic nostro judicio repugnabit fragmenti Estepani, si aliqua est, fides, in quo legitur diversissimè ab editis vulgaribus Pseudo-Maximi nugis, ad ann. Christi CDLXXI. *Paullus Orosius nonagenario major adhuc Tarracone superest*.

10. Quod autem præcipuè ad Bibliothecæ rem attinet, Orosius hortatu Augustini, ad comprimenda ethnicorum, Symmachi fortasse, atque aliorum similium, blasphema ora, quibus calamitatem omnem Romanæ reipublice ab hostibus aquilonaribus excitatam, christianæ religioni adversus veterem idolorum superstitionem invectæ acceptæ haberi debere vociferabantur, sive (ut verbis ejusdem Orosii dicam) *præsentia tempora veluti malis extra solitum infestissima, ob hoc solum quod crederetur Christus & coleretur Deus, idola autem minus colerentur, infamabant*, ex ipsa profana omnium gentium, præcipueque Romana historia, opus quoddam aggressus fuit sub titulo

11. *Historiarum septem libros adversus hanc paganorum persuasionem, ad eundem Aurelium Augustinum directos*. Ex quorum præfatione constat, cum Augustinum ei auctorem harum lucubrationum fuisse, tum argumentum operis. In eo enim ait se collegisse, *quæcumque aut bellis gravia, aut corrupta morbis, aut fame tristia, aut terrarum motibus terribilia, aut inundationibus aquarum insolita, aut eruptionibus ignium metuenda, aut ictibus fulminum plagisque grandinum sæva, vel etiam parricidiis flagitiisque misera, per transacta retrò sæcula reperisset*. Non aliam libri inscriptionem asserere ex Gennadio possumus, neque item ex eis qui post Gennadium scripsere. Gelasius Papa^o *historiam adversus paganorum calumnias*. Freculphus Lexoviensis^p *adversus*

n Apud Baronium tom. 5. ad annum CDXVIII. 46.

o Cum Conc. Rom. in cap. Sancta 3. distincta 15. p In Chron. tom. 2. lib. 5. cap. 12.

gen

h Vide Baronium tom. 5. ad ann. CDXV. 39.

i Epist. 102. k Epist. 18.

l Baronius tom. 5. ad ann. CCCXIV. 10. CCCXV. 2. 35. CDXVI. 4. Rivius in vita S. Augustini. Henricus de Noris in Hist. Pelagiana lib. 1. cap. 7. m Dissert. 2. De Synodis habitis in causa Pelagiana.

gentes: Gotfredus Viterbiensis *historias* simpliciter, appellant. Alii *Chronica* vocant, ut Engelbertus Abbas Admontensis in *Speculo virtutum* ms. apud Barthium lib. 36. cap. 17. Martinusque Polonus in præfatione sui *Chronici*.

12. Adhæsit verò ei vulgaris illa *Hormestæ*, seu *Ormessæ*: in quo nomine, neque Græcis neque Latinis cognito, crux fixa olim fuit iudicio utentibus, & in veteres memorias inquirentibus omnibus, qui duobus his sæculis vixere. Non enim antiquitus, sed ante duo hæc triæve inolevit, ut Orosianæ huic historię peregrina hæc epigraphe tribueretur. Vix enim reperire sit antiquiorem aliquem scriptorem, cui nota fuerit *P*; si non ante aliquot sæcula scriptus sit codex ille Oxoniensis, cujus Thomas Jamesius meminit in *Bibliotheca Oxoniensi*. Trithemius ^q certè ita vocat, Gesnerus ^r, Balæus ^s, alii. Exclusis autem cognitione hujus vocabuli, partim arrisit *Orchestram mundi*, nonnulli *Hormatium* legi debere, & in corrupti tituli occasionem inquire.

13. *Orchestram* commodè nuncupari hoc opus primus excogitavit Stephanus Vinandus Pighius in *Hercule* suo *Prodicio*; & post eum inter alios Andreas Schotus in præfatione suarum *Notarum* ad editionem Moguntinam, de qua postea. Quod subinde nomen, veterem, & ab auctore ipso venientem, *Chronici* accrevisse titulum magistrorum recentiorum operâ, quibus nulla, aut penè nulla fuit antiquitatis reverentia, conjectatur lib. 3. *Variar. lectionum* cap. 3. in fine Thomas Reinesius, neque indoctè quidem, nam *quemadmodum in orchestra* (ait) *omnis generis spectacula, seria, ludicra, exhibentur; ita in isto commentario, ceu in theatro, omnis generis historie, rerum Romanarum vicissitudines, infortunia, bella, cedes, victorie, & eventus producuntur & narrantur*. Barthio tamen hoc seriò displicet lib. 36. cap. 16.

14. Gerardus Joannes Vossius non *Orchestram*, sed *Hormatium*, *O'pquadov*, legi posse, aliquando conjectabatur: hoc est *catenam*, seu *seriem*; quòd historia series rerum sit; desperans tamen se aliis id facile persuasurum. Excurrit idem ad corruptæ inscriptionis causas, suspicatus, germanum *De miseria hominum* titulum, per compendiarium scribendi rationem, quod moris fuit, exaratum, in hoc *Hormestæ* monstrum degenerasse: nam libros hosce *De miseria hominum* alicubi inscriptos legi à nonneminè didicerat. Barthius ab *Omni historie* titulo *Hormestam* corruptè invallere potuisse, proximè laudato capite haud improbat. Bonifacius cap. 31. *De scriptoribus Rom. historie* depravatum hoc vult ab *Orbis mæstitia*, seu potius ex *Or. m. ista*, sive, *Orosii mundi historia*. Nec sine exemplo esset (infit Vossius) si ab *Homisda* aliquo libri, quem alii exscripserunt, possessore, titulus operi adhæsisset.

15. De tempore scriptionis censeo statim à suo in Africam adventu Augustini hortatu aggressum opus fuisse: deque eo tempore accipere nos debere quod lib. 5. cap. 2. de se ait, ma-

nere tunc in Africa, quæ eum tam libenter exceperat, quàm ad eam confidenier accesserat; absolvisseque postquam rediisset in Africam è Palæstina circa annum CDXVII. hoc est u. c. MCXVIII. ut ipse ait in fine, observatque Baronius ad annum CDXV. nu. 62. Quo nimirum tempore Augustinus operi magno *De civitate Dei* sedulò deditus, undecimum ejus librum formabat, ut ex eodem Orosio liquet in præfatione. In his Orosii libris descriptio exstat totius orbis in tres ejus partes, Europam, Asiam, & Africam: quam ferè iisdem verbis Æthicus habet in *Cosmographia*; cujus ætas cum incerta sit, non facile dixeris quisnam eorum ab altero desumpserit, annotante Josia Simlero in editione sua Basileensi anni MDLXXV. Æthici jam dicti cum aliis geographis. Certè hujus commentarii nomine insignem gratiam ab Ecclesia & piis omnibus noster iniit, laudesque consequutus fuit. Gelasii enim iudicio est *vir eruditissimus*. Gennadio, eloquens *historiarum cognitor*: sicut & Prospero, apud quem pro *cognitor*, melius *conditor* legitur. Cassiodoro ^u, *Christianorum temporum & paganorum collator*. Cujus verbis & sensu eo se libentiùs uti Joannes Saresberienfis ait ^x, quòd *Christianum* sciret, & *magni discipulum Augustini*, propter religionem fidei nostrę, veritati diligentius instituisse. Venantius item acuminis eum laudat nomine lib. 8. ep. 1.

Quod tonat Ambrosius, Hieronymus atque coruscat,

Sive Augustinus fonte fluente rigat,
Sedulius dulcis, quod Orosius edit acutus,
Regula Cæsarii linea nata sibi est.

Nihilominus accusatur nimis facilitatis in credendo, ac plerumque fides ejus præstringitur à summis viris.

16. Hujus historię editionem antiquissimam Venetam Bernardini de Vitalibus Barthius vidit ^z nescio cujus anni. Sequuta est, ut credimus, alia Veneta anni MCDLXXXIII. in folio Octaviani Scoti operâ, & hanc tertia quæ anno MD. in folio etiam prodit. Deinde laudatur alia Parisiensis MDX. ab Oihenarto in *Notitia utriusque Vasconie* ^a (qui & meminit ms. codicis Navarrici Parisiensis Collegii) illam & vidit Christianus Daumius scribens Thomæ Reinesio ^b. Sequitur illa Eucherii Cervicorni MDXXVI. Colonienfis, ad quam Gerardus Bolsvinge Reckelinchusensis præfatus, sese ait ex tribus vetustis codicibus, unoque ex illis Colonienfis bibliothecæ, qui propter antiquitatem vix jam legi poterat, monstra priorum editionum sustulisse, ac defectus supplèssè: quod nonnullis demonstrat exemplis. Vidimus nos in bibliotheca Romanæ Sapientię. Gerardi hujus, & Joannis alterius Cæsarii viri doctissimi operam in hoc auctore navatam Franciscus laudat Fabricius Marcoduranus, qui post utrumque illustrando huic commentario incubuit: postque aliam Parisiensem editionem, Joannis Parvi anni MDXXIV. Gesnero notam, & alteram Petri Vidovæi MDXXXIV. ipse suam Colonię MDLXI. in 8º. apud Maternum Cholinum cum annotationibus emisit,

^p *Hormestæ* nuncupatione in Patavinis codicibus ms. non reperiri monuit Thomasinus in *Biblioth. Patavina* pag. 16.
^q *De script.*
^r In *Biblioth.*
^s *De script.*
Anglia. cent. 2. cap. 16.

^u *De divin. lib. cap. 17.*

^x *De nugis curial. lib. 8. cap. 18.*

^y Baronio sæpe, Lipsio ad Tacitum 4. *Annal.* Adde Casaubonum, & Vossium *De H. L. lib. 2. cap. 14.* Possivinum in *Apparatu*.
^z Lib. 16. cap. 17.

^a Lib. 1. cap. 8. pag. 446.

^b Inter ep. Reinesii ad Daumium ep. y.

^c *De H. L. lib. 2. cap. 14. & in Hist. Pelag. lib. 1. cap. 17.*

sit, & cum *Historiarum adversus paganos* titulo, atque iterum ibidem MDLXXXII. apud eundem Cholinum in 8°. In quo opere multa passum fuisse Orosium ab homine alioquin non inerudito, sed ex ingenio grassante, Barthius conqueritur toties laudatus. Accesserunt Ludovici Lautii presbyteri Gandensis Notæ antiquioribus Fabricianis in editione quæ ultima Moguntia apud Cholinum prodiit anno MDCXV. ab Andrea Schoto recognita.

17. De translatoribus è Latina in alias linguas, credamus, si lubet, Guilielmo Camdeno, atque Gesneri epitomatori, Alfredum Anglorum Regem historiam Orosii in vernaculam gentis suæ convertisse. Exstat & Gallicè edita Parisiis apud Philippum de Noir MDXXXVI. in folio. Labbeus forsitan meminit in *Bibliotheca nova* ms. pag. 308. Italicè forsitan conversa est, at certò Hispanicè, neque ea tamen publici juris facta, cum ms. reliquerit Didacus à Jepses Toletanus, uti & S. Augustini *De civitate Dei* libros, de quo in altera Bibliotheca hujus parte mentio est. Custodiuntur in bibliothecis codices hanc historiam continentes. In Veneta S. Antonii Thomafino teste^c, bina exempla sunt charactere eleganti scripta, alterum in S. Georgii in alga; alterum in Cardinalis Bessarionis: necnon in Medicea, cujus exstat catalogus, est Orosius *De calamitatibus totius mundi* inscriptus. Thomafinus quoque ait asservari alios mss. codices in bibliotheca S. Joannis in Viridario Patavii.

18. Superest & Orosii *Commonitorium* jam supra memoratum ad Aurelium Augustinum, in quo ei refert adventus sui ad eum ex Hispania usque causam, consulitque de gravissimis quæstionibus in gente sua controversis. Qui libellus inter opera sancti doctoris conspicitur.

19. *Apologeticus* autem liber *De arbitrii libertate* contra Pelagium constantiore fama Orosii esse, quam non esse, dicitur. Quamvis enim Petrus Wastelius Carmelita, ut Spartam suam Joannis Hierosolymitani Episcopi defensionis apparatissimè adornaret, hunc librum abdicare suo auctori, utpote adversus fidem historiarum peccantem, necnon Nestorianæ ac Novatianæ hæresis suspitione laborantem, demumque in optimæ famæ virum Joannem injuriosum acerrimè sit conatus^d, quem ducem habuit Joannes Baptista de Lezana in *Annalibus Carmelitanis*^e, hæseritque Labbeo^f, & aliis aqua; communiter tamen placuit, judicio etiam sagacissimorum hujus sæculi hominum, ut fœtus Orosii sit legitimus. Ita post veteres, Vincentium Bellovacensem^g, S. Antoninum^h, Trithemium, Gesnerumque, de hoc libro censent discussâ maturè re ii ferè omnes, qui Pelagianæ hæresis historiam conscripsere. Vossius nempe lib. 1. cap. 17. sicuti & *De Hist. Latinis* lib. 2. cap. 14. Henricus de Noris ejusdem *Historiæ Pelagianæ* lib. 1. cap. 7. & accuratè magis Joannes Garnerius dissertatione 6. *De scriptis adversus hæresin Pelagianam* cap. 3. quod est *De Orosii scriptis*, unâ cum *Marii*

Mercatoris, quæ exstant, operibusⁱ, Parisiis ante paucos annos primùm publicatis. Eò enim contulit vir magnæ diligentia ac eruditionis quicquid dissipandis Wastelii criminationibus satis superque sit.

20. Eos ferè omnes dixi hæc ire, qui Pelagianæ historiæ operam dedere. Excipiens etenim Cornelius Jansenius est Iprensis Episcopus, cui minus accuratè hanc rem perpèdenti ea propter visus fuit *Apologeticus* non esse Orosii, quia Hierosolymitani sub Joanne conventus à Diospolitana Synodo diversi meminerit; cum certissimum sit, & à S. Augustino sæpe, aliisque comprobatum, diversa hæc duo Concilia, sive conventus fuisse eodem anno, scilicet CDXV. habitos. De quo eisdem auctores & consulere lector poterit. Dignum igitur Orosio commentarium jure existimavit Garnerius, non grandem quidem, sed rerum dogmatumque ita plenum censens, ut nulli ferè ejusdem ejus lucubrationi cedat, multis præstet, ad invidiam usque nonnullorum.

21. Planè in hunc librum, exscriptoris, ut suspicari datur, incuriâ, ex libro Augustini *De natura & gratia* fermè septemdecim, ab tertio usque ad decimum nonum, incidere capita; quibus è medio sublatis, de sensu nihil tollitur, sed omnia cohærent. Primum se hujus observationis auctorem Vossius modestè, sicuti semper solet, jactat. Petrus autem Wastelius Andreæ tribuit Schoto. Rectène? Nam editioni Moguntinæ anni MDCXV. ab eo recognita assumentum hoc, ut in anterioribus, adheret adhuc. Nisi postea animadvertit, curaveritque, ne in systema veterum Patrum, uti debuit, rescissus admitteretur: quod Garnerius videtur innuere. Non enim excerpta ex D. Augustino credenda hæc sunt ab Orosio: qui enim excerptit, aut collectanea facit, non verbis auctoris, quem transcribit, sed suis loqui solet. Quod aliter hic fit: nam Orosius sibi ea quæ magni doctoris sunt attribuit. Idem verò *Apologeticus* est cum libro *De libero arbitrio* (quamquam hic titulus non placeat Henrico de Noris, eò scilicet, quòd pro gratia potius sit) non duò diversi, ut Possevinus credidisse videtur: apud quem quod opus audit *De origine animæ*, non aliud est à *Commonitorio*. Trithemius *De ratione animæ* vocavit. Adhæsit primùm Orosii operibus hic *Apologeticus* liber Lovaniæ MDLVIII. deinde Colonia MDLXXII. tandemque in Moguntina Cholini editione anni MDCXV. exstat quoque inter veterum patrum opera tomo 15. editionis Colonienfis, & in supplemento editionis Parisiensis.

22. Inter opera S. Augustini *Dialogus* legitur *sexaginta quinque quæstionum* (ut inscriptio habet) sub titulo *Orosii percontantis*, & *Augustini respondentis*. Hic tamen neque Augustini, neque Orosii est ex communi sententia.

23. Aliàs quædam attribui nostro solent: nempe *Quæstiones de Trinitate & aliis sacre Scripturæ locis, ad Augustinum*, quæ cum ejusdem responsione anno MDXXXIII. Parisiis prodierunt ex officina Michaëlis Vascosani. Incipit: *Licet multi & probatissimi viri &c. De situ*

i Pag. 334. Prioris partis.

x Vossius ubi proxime. Noris d. cap. 7. & 8. Garnerii Dissert. 2. quæ de Synodis est, cap. 2. & 3.

c Bibliothecæ Venetæ pag. 14. & 59.

d Lib. 3. *Vindictarum* in edit. Joannis Hierosolymitani Bruxell. sed. 5. pag. 568.

e Ad ann. CDXV.

f De script. Eccles. in Paul. lo Orosio.

g Lib. 18. *Specul. Hist.* cap. 6.

h Parte 2. *Hist.* cap. 10.

situ antiquæ Babilonis & Carthagini Orosio tributæ cujusdam orationis in membranis annorum CC. exaratæ in bibliotheca mss. Latinorum Antonii Augustini mentio est. De *Adam* librum ejusdem laudat Franciscus Ximen in libro *De les dones*, Valentinâ linguâ scripto. Qui & *Epistolarium* ei attribuit. *Epistolas* ad S. Augustinum, quas & Trithemius laudat, intelligo. Ab eodem Trithemio affigitur nostri operibus *In Cantica Canticorum Commentarius*, cui statim credidere Gesnerus & Possevinus. Sed hunc Honorii esse, non Orosii, Honorii inquam Augustodunensis, qui (ut ipse de se ait¹) *Cantica Canticorum ita exposuit, ut prius exposita non videantur*, imposuisseque Trithemio, aut ante eum alii, corruptam inscriptionem, censuit à Geverarto Elmenhorstio admonitus Vossius *De historicis Latinis* lib. 2. cap. 14. cum prius in *Pelagianæ historie* lib. 1. cap. 17. suspicatus fuisset in codicem aliquem, qui pro Orig. corruptè scriptum Oros. haberet, Joannem Trithemium incidisse. Similiter videtur Vossio^m peccatum ab scriptore cujusdam codicis ms. bibliothecæ collegii Benedicti Cantabrigiæ, in quo Orosium *De viris illustribus*, pro Honorio, ut credit, inscriptum, ex Thoma Lametio refert.

24. In *Apologetico* etiam laudato hæc leguntur: *In libris quos ad Marcellinum scripsi, sicut potui, explicare curavi*. Unde aliud Orosio contribuendum opus emergere dicas. Sed verba hæc ex libro S. Augustini *De Natura & gratia* sunt, uti monuimus, atque ad ejusdem libros tres ad Marcellinum *De peccatorum meritis & remissione* referenda sunt.

25. Quid verò huic de Orosio veritatis telæ falsi è Toletana officina historici subtexuerint, ne id prætermittamus, per summa capita colligendum est. Primò Pseudo-Dexter ex uno Orosio duos, aut forsitan tres, finxit: seniore historici nostri patrem *Flavium Paullum Orosium*, hujus fratrem *S. Orosium*, tertiumque *Paullum Orosium* juniorem historicum nostrum, prioris filium. Præter hos alium Orosium monachum tamquam ex eadem familia, Orosii historici ex sorore nepotem laudat Pseudo-Maximus. Sed in omnibus his miserè conturbavit rationes suas harum fabularum inventor. De primo illo S. Orosio: *S. Orosius* (aitⁿ) *Orosii Tarraconensis patruus Romæ floret*. De secundo Paulo Orosio seniore^o: *Sanctus Paullus Orosius senior refecit Romæ. Ejus ex uxore filius Paullus Orosius Carthagine mortuus Romam delatus est*. De tertio nostro juniore præcedentis filio^p: *Sub Paciano Barcinonensi Episcopo nascitur Paullus Orosius junior, Tarraconensis civis, discipulus S. Augustini*. Deinde post aliquot annos causam ejus in Africam professionis enarrans^q, *Paullus Orosius* (ait) *acceptis literis Episcoporum Herodis (Erotis potius) Prudentii, & Lazari; Herodis inquam Dertosani, Prudentii Ilerdensis, Lazari Vicensis, ex Concilio Toletano dudum habito collectis canonibus, ad Episcopos Africanos ad quoddam generale Concilium congregatos festinè se confert*. Postea-

que^r: *Paullus Orosius Fl. Lucii Orosii filius, consanguineusque Paciani patris mei, civisque Tarraconensis, mirificè auspiciatur Hormestam, idest mundi Chronicon, quem suscepit scribendum hortatu literisque S. Augustini*. Hæc in Pseudo-Chronico isto postrema Orosii memoria; cujus mortem is, qui præmortuus fuisse congingitur Dexter, Pseudo-Maximo referendam reliquit. Hic ait^s: *Paullus Orosius Tarraconensis civis centenarius major, veniens ex Africa Carthagine Spartaria moritur. Unde ut sanctus vir Romam adportatur, & in Ecclesia S. Eusebii, ubi patruus Orosius (ita legi debet) jacebat, sepeliunt*.

26. Cuncta hæc anachronismis, & contradictionibus, ac fictionibus scatent. Sancti Orosii memoriæ, qui nostri fingitur patruus, causam dedit Orosius presbyter ille, qui unâ cum Gregorio Eusebium sub Constantio martyrem sepelivit in cœmeterio Callisti viâ Appiâ, uti legitur in fastis Ecclesiasticis xiv. Augusti^t. In Ecclesia, seu titulo S. Eusebii Romæ asservari corpora SS. Eusebii, Orosii, atque Paullini, monumentis ejusdem Ecclesiæ Baronius ad hunc diem in Notis prodiditⁿ. Orosii nomen, invitavit Pseudo-Dextrum, ut intimandum assumeret ex Orosiorum Hispanorum fuisse hunc genere. Sed qui Orosii hujus in ea Ecclesia sepulti meminere, martyrem eum vocant^x.

27. Hujus frater Paullus Orosius historici pater ab eodem Pseudo-Dextro dicitur. Is tamen sibi non constat. Nam alio loco^y eum *Flavium Lucium Orosium*, alio^z *Paullum Orosium* vocat. Jam hic se prodit non obscurè novitas. Nullus enim eo sæculo, ac pluribus sequentibus, scriptorem hunc alio quàm *Orosii* nomine appellavit^a: adeò ut nescire me fatear, unde hoc Paulli nomen, veterum silentio damnatum, editiones Orosii operum primùm exculperint. Quod quidem nullus dubito antiquis codicibus auctoribus factum. Decimo quidem sæculo jam invenitur cum Paulli nomine in Chronico Abbatæ Senonensis, quod Dacherius edidit tomo 3. *Spicilegii*. Et *Flavii* quidem prænomen eadem, qua sanctitatis elogium, temeritate inditum fuit seniori huic Orosio.

28. Jam ad Paulli nostri Orosii res deveniendo, natus is fingitur an. CCCLXXXIV. sub Paciano Barcinonensi Episcopo. Hæc ad hunc annum legimus in prioribus editionibus Cæsar-augustana & Hispalensi. Sed Bivarius, ne auctorem suum damnaret inepta & absurda dicentem, retrò ad annum CCCLXX. arbitrio illo traxit, quo extricaturus se ab his plagis, quæ frequenter in hoc Pseudo-Chronico lectoribus tenduntur, fuit per sæpe usus. Nam qui potuit natus eo anno CCCLXXXIV. post sedecim alios, scilicet anno CD. tam immaturus gerendis rebus, iisque maximi momenti, adolescens ad Augustinum legatus trium Episcoporum destinari? Iccircò is, qui solvi non poterat, abscindendus nodus fuit. Natum verò eum dici sub Paciano, hoc est Tarraconensem Orosium sub Paciano Barcinonensi alterius Ecclesiæ Episcopo, nonnisi amaxario ineptiarum exciderit.

28. Jam

r Ad ann. CDXVII.

s In Chron. ad ann. CDLXXI.

t Adonis, Ufuardi, marty. Roman.

u Conveniunt De Rom. Pontific. in Pompil. Totus in Roma moderna, pag. 473.

x Baron. d. die xiv. Aug. Totus ubi proximè.

y Ad ann. CDXVII.

a Ad ann. CCCLXVI.

a Videantur Augustinus, Hieronymus, Prosper, Genadius, Geladius, laudati, Cassiodorus *De div. lect.* cap. 17. Herm. Contra. an. no cdm. Marian. Schotus anno CDXVI. Sigebertus cccxcix. Hugo Floriacensis in *Honorio*. Freculphus Lexov. tom. 2. lib. 5. cap. 12. Vinc. Bellovacensis *Spec. Hist.* lib. 18. e. 6. Joann. Sazerbertensis lib. 6. *Polycrat.* cap. 18. in fine.

1 De script. Eccles. in fine.

m De H. L. dido cap. 14.

n Ad ann. eccles. num. 2. o Ad ann. CCCLXII. num. 2.

p Ad ann. CCCLXX. num. 5. in edii. Bivarii, ut in aliis anterioribus ann. CCCLXXXIV.

q Ad ann. CD. num. 2.

29. Jam verò de Orosii ad Augustinum expeditionis, & à patria peregrinationis causa, temporeque dicturus larvatus Dexter, miserè se tot mendaciis, quot verbis, illaqueavit. Quoad tempus enim, rem an. CDXIV. ante quatuordecim narrat gestam. Meridie verò clarius est, Orosium ex Hispania ad Augustinum profectum, postquam consulisset eum de animæ origine, & aliis apud Hispanos controversis, missum ab Augustino fuisse ad Hieronymum in Palestinam. In qua cum versaretur, apud Joannem Hierosolymitanum, sive ab eo coactam in ea urbe Synodum, de damnatione Cœlestii in Carthaginensi Concilio ante paucos annos facta, vocatus eò, retulit: gestorum in Diospolitana pro Pelagio Synodo testis fuit; inventionem reliquiarum Stephani, & aliorum iisdem diebus contingentem, Luciani Græco libello Latinè reddito Ecclesiæ occidentali communicavit, reversusque tandem in Africam fuit renunciaturus Africanis patribus quæ temerè in Pelagii causa Diospoli fuerat factum. Cinnus hic rerum, uti diximus, ad annum CDXIV. tresque alios hunc consequentes pertinent. Africani patres Cœlestium damnaverant anno CDXII. Constat ex epistola Concilii Carthaginensis ad Innocentium Papam anno CDXVI. datis, ubi ante ferme quinquennium de Cœlestio iudicatum disertè refertur. Conventus ille Hierosolymitanus, atque inde Diospolitani, anno CDXV. habitii sunt, eodemque anno inventio sacrarum Exuviarum contigit. Lucianus inventor id apertè docuit in sua relatione, affirmans revelationem de illarum loco sibi factam III. Nonas Decembris, consulatu Honorii X. ac Theodosii VI. qui in hunc annum incidit, cum Joannes in Lidda esset, quæ est Diospolis, Synodum agens. Tantum abest ut piæ Orosii ad Augustinum expeditioni quadringentesimus Christi annus aptè assignetur.

30. Ajunt tamen, qui hujus anachronismi scopulum evitare sibi posse videntur, professionem ad Augustinum ex Hispania hoc anno sæculari contigisse, apud eum tamen mansisse in Africa usque ad XIV. ejusdem sæculi annum, quo destinatus fuit ab eo ad Hieronymum. Frontem hominis partium studio duratam! sed Augustinum ei opponimus, qui intra breves cancellos adventus ad se Orosii, & in Asiam professionis tempora restrinxit his verbis ex literis ad Hieronymum per eundem Orosium remissis^b: *Ecce venit ad me religiosus juvenis &c. famâ excitus, quod à me posset de his quæ scire vellet, quicquid vellet audire. Neque nullum cepit adventus sui fructum. Primò ne de me multum famæ crederet: deinde docui hominem quod potui; quod autem non potui, unde discere posset admonui, atque ut ad te iret hortatus sum. Et in epistola alia ad Euodium Uzalensem Episcopum^c: Occasionem quippe cujusdam sanctissimi & studiosissimi juvenis presbyteri Orosii, qui ad nos ab ultima Hispania, idest ab oceanii litore, solo sanctarum scripturarum amore inflammatus advenit, amittere nolui, cui ut ad illum quoque pergeret persuasi.*

^b Inter Augustini ep. 28.

^c Epist. 102.

31. His tam perspicuis testimoniis lumen adhuc accendit dereliquisse Hispanias Orosium post Wandalorum in eas irruptionem, quæ ann. contigit CDX. sive Honorio VIII. & Theodosio Coss. ut Prosper & Cassiodorus affirmant, quibus consonat annus urbis conditæ ab eodem Orosio his malis assignatus lib. 7. cap. 40. Orosius enim ante discessum expertum se cum sua fuisse Hispania barbarorum sævitiam, disertè docet in Commonitorio ad Augustinum toties laudato: *Dilacerati gravius (inquit) à doctoribus pravis quàm à cruentissimis hostibus sumus: Et apertè magis: Ego ipse, qui hæc pro asserenda omnium temporum alternata calamitate percensco, in relatu tanti mali, quo vel ipsa morte, vel formidine mortis accepta totus mundus intremui, numquid illacrymavi oculis? &c.* Et paulò post: *Cum tamen si quando de me ipso refero, ut ignotos primùm barbaros viderim, ut infestos declinaverim, ut dominantibus abblanditus sim, ut infideles præcaverim, ut insidiantes subterfugerim, postremò ut persequentes in mari, ac saxis, spiculisque appetentes, manibus etiam penè jam apprehendentes repentinâ nebula circumfusus evaserim, cunctos audientes me in lacrymas commoveri velim &c.* Hæc omnia sibi ante discessum ab Hispaniis contigisse Orosius ad Augustinum ait. Et Dextrum suum adhuc excusare perget Bivarius? Non, credo, nisi plumbei cordis fuerit, his, quandocumque sibi ostenderentur, ultrà repugnaturum.

32. Audivimus quidem ab ore ipso peregrè ab Hispania euntis Orosii^d, se sine voluntate, sine necessitate, sine consensu de patria egressum, occulta quadam vi actum, donec in litus Africæ allatus fuit. Hic demum (prosequutus) in eum respici intellectum, quod ad te venire mandabar. Item ab ipso Augustino^e, solo sacrarum Scripturarum ardore inflammatum ad se venisse. Planè hæc falsa erunt, aut Dexter falsus, qui ait, acceptis à quibusdam Episcopis Hispaniæ literis, collectisque ex Toletana Synodo canonibus ad Africanos patres in Concilio generali congregatos festinè se contulisse. Id enim officium præstaturus non potuit non cum voluntate & cum consensu patriam relinquere: neque occulta vi adactus, nesciensque ad quem iret. At quorum Episcoporum literis? Erotis scilicet Dertusani, Prudentii Ilerdensis, & Lazari Vicensis. Portentum audaciæ, aut saltem imperitiæ! Exspectabam Eutropii & Paulli nomina: de quibus: *sed quoniam domini mei (Orosius inquit in Commonitorii limine) filii tui Eutropius & Paullus Episcopi eadem, quæ & ego puer vester, salutis omnium utilitate permoti commonitorium jam dederunt de aliquantis hæresibus &c.*

33. Hæc ad Augustinum ille, cum ex Hispania recens venisset, exarabat. Nihil horum. Eros, seu Heros, & Lazarus Galliarum fuere Episcopi, Heros Arelatensis, cujus Prosper meminit in *Chronico*^f, adjungens non jure eum his infulis spoliatum; Lazarus Aquensis, quorum utriusque Zosimus Papa meminit in epistolis ad Africanos Episcopos^g, disertè eos referens, cum alienigenæ essent, intra Gallias sacerdotia vendicasse, quibus

^d In Commonit. ad August. initio capituli adducto.

^e Epist. 102. ad Euodium.

^f Coss. Honor. IX. & Theod. V. anno CDXII.

^g Tomo I. Concilior. Biniæ editionis pag. 875. & seq. & apud Baronium tom. 5. ad annum CDXIII. num. 19.

bus sese ipsi propriâ sententiâ abdicaverint , Pontificali iudicio deinde submotos . Lazarum quoque Aquensium civitatis sacerdotem hoc est Episcopum , disertè appellat . Gallos item vocat Episcopos S. Augustinus in libro *De gestis Palestinis* , sive *Pelagii* , à Velfero publicato . *Sancti fratres & Episcopi nostri Galli Eros & Lazarus* . Hi in orientem abeuntes Pelagium accusavere coram Eulogio Cæsareæ Palestinæ metropolita , cogendæque hac super re Diospolitanæ ejusdem provinciæ Synodi causâ fuere , in qua Pelagio iniquè absoluto , converterunt se ad Augustinum Patresque Africanos , literis ad eos datis , quas , occasione usi adornantis per eos dies reditum suum ad Augustinum Orosii , per eum direxerunt . Hæ literæ sunt Erotis & Lazari , quas in Africam ex Palæstina tulit Orosius , ut in memorata Carthaginensis Concilii ad Innocentium Papam epistola disertissimè refertur .

34. Neque ergo Hispani Episcopi Eros & Lazarus , neque eorum literis ex Hispania , sed ex Asia seu Palæstina , in Africam Orosius transfretavit instructus . Aperta hæc & distincta in Ecclesiasticis monumentis , quibus fidem præstare cogimur , magis sunt , quàm ut ab oscitante , veræque historiæ ignaro , omniæque susque deque habente Toleti cive , atque ævi nostri Dextro , in dubitationem aliquam afferri unquam possint . Quid ad hæc Bivarius ? rem suam agit , ac dummodo causæ suffragetur , apta an inepta excusatione utatur , insuper habet . Pulsos nimirum ex Gallicanis Episcopatibus Erotem argutur & Lazarum novas in Hispania sedes Dertusanam Vicensemque adeptos fuisse . Ego tamen id tantum ab eo doceri vellem , quonam tempore has sedes obtinuerint . Respondere enim necesse est ei ante quadragesimum , seu sæcularem annum . Eo quippe anno acceptis eorum , jam tunc Hispanis Ecclesiis præpositorum , literis , in Africam se contulisse Orosium , suus ejus Dexter attestatur . Atqui hoc falsissimum esse non minus certum est , quàm Erotem & Lazarum Galliarum fuisse Episcopos . Eros anno quo Honorius IX. ac Theodosius V. consules fuere (hoc est CDXIII.) cum Arelateni oppido Episcopus præsideret (Prosper ait) à populo ejusdem civitatis insons &c. pulsus est , inque ejus locum Patroclus ordinatur , amicus & familiaris magistri militum &c. Non igitur ante annum hunc Episcopus fuit Arelatenis , nedum ex Arelateni Dertusanus .

35. De Lazaro in Epistola ad Africanos patres hæc ait Zosimus Papa ^h : *Vetus Lazaro consuetudo est innocentiam criminandi . Per multa Concilia in Sanctum Britium Coepiscopum nostrum Turonicæ civitatis (hic fuit S. Martini successor) diabolicus accusator inventus est . A Proculo Massiliensi in Synodo Taurini oppidi sententiam calumniatoris excepit . Ab eodem Proculo fit post multos annos sacerdos , tyrannici iudicii defensor , civitatis Aquensium &c. stetitque in eo hæcenus umbra sacerdotii , donec in tyranno imago staret imperii ; quo loco post internecionem patroni sponte se exiit , & propria cessione damnavit . Hæc Zosimus , nec aliter in alia de* *Bibliotheca vetus Hispana Tom.I.*

Proculi damnatione ; . Memoria Britii Turonensis , & Concilii Taurini celebrati , ordinationisque Lazari post multos annos factæ à Proculo , evincunt planè . sæculari anno quadragesimo nondum Aquensi Ecclesiæ præfulem datum fuisse Lazarum , nedum ut jam eo tempore dimissâ Ecclesiâ istâ Gallicanâ Vicensem Hispanam sit adeptus .

36. Britius S. Martini successor fuit in Ecclesia Turonensi , qui Martinus non ante ann. CCCXCVII. sive , ut quibusdam etiam placet , CD. ultræve , in vivis esse desit . Quare Taurinensis Synodus , quo tempore Britius jam Turonis sedebat habita , duobus non plus annis sæcularem quadragesimum præcedere potuit . At Lazarus , qui hac in Synodo sententiam calumniatoris , ut Zosimus ait , excepit , post multos annos à Proculo Massiliensi ordinatus fuit Aquensium Episcopus ; qua temporis designatione biennium illud trienniumve , à CCCXCVII. ad CD. significatum , nemo sanus crediderit . Utrumque verò sub tyranno Constantino , qui anno CDVIII. aut circiter , imperio in Britannia arrepto in Gallias transiit , Arelateque anno CDXII. à Constantio magistro militum Honorii victus & captus fuit , in sedibus suis Arelateni & Aquensi mansisse , tam ex Prospero quàm ex Zosimo constat . Lazarus enim à Zosimo dicitur *tyrannici iudicii defensor , ac post internecionem patroni sponte se exiisse , & propria cessione damnasse . Qui* *Zosimus de Erote ibidem : De Erote verò omnia similia ; idem tyrannus &c.* Novimus item è Prospero , Erote remoto Patroclum Arelatenis Episcopum datum in Constantii magistri militum gratiam , hoc est postquam Constantino capto eam urbem ingressus fuit .

37. Eventilata autem sinceriore hac Pseudo-Dextri verborum , de Erote & Lazaro in Hispania sæculari anno jam præfiliibus , explanatione ; Bivarii aliam in excusandis nugis acumine suo abutentis , quibusnam excipiemus verbis ? *Ceterum hoc anno CD. nondum , ut credo (ait) venerant in Hispaniam : & Dexter , cum eos Dertusanum & Vicensem vocat Episcopos , ad tempus , quo scribebat ipse Chronicon respicit , non ad annum legationis Orosii .* Viden' ut malè sobrii auctoris sui verenda pallio cooperire conetur pius interpres ? quo equidem sæpe uti habet opus : absurdæ ac præposteræ excusationis parum pro dignitate doctrinæ suæ , ingeniique , eruditionisque securus . Dexter ait Orosium *acceptis literis Episcoporum Erotis , Prudentii , & Lazari ; Erotis , inquam , Dertusani , Prudentii Ilerdensis , Lazari Vicensis* , in Africam se contulisse . Quorum sensum aliò detorquens quàm verba sonant , hoc est ineptissimè , Bivarius , quid aliud quàm sinistrâ amplectitur , dextrâ metit segetem , propugnansque tradit Dextri sui causam . Quem , si germanus esset , puderet utique tam absurdè excusari .

38. Idem deinde ait Bivarius , ex epistola Carthaginensis Concilii ad Innocentium Papam scripta haberi fuisse hos in Hispania Episcopos , ut jam (inquit) dicam . Quod tamen nusquam est , dici verè nequit . Quare Bivario excidit ,

1 Epist. 6.

Diâa
epist. 4.

quod in se sumpserat, nos docere. Sed quid putas, impingere in hunc scopulum, ut navim rumperet, Pseudo-Dextrum fecit? Epistola nimirum illa Africanorum, seu Carthaginensium patrum ad Innocentium Pontificem data, quam pessimè is digesserat. In qua cum legisset ad eos in Ecclesia Carthaginensi congregatos, ut Synodum haberent, venisse Orosium cum literis Erotis & Lazari; falsò existimavit de recenti ejus ex Hispania adventu sermonem haberi, cum in eadem epistola de gestis in oriente in causa Pelagii & Coelestii diserta mentio fiat; quorum aliqua pars in Palæstina agens, qui ex Africa eò venerat, Orosius fuit. Quod & ex epistola constat Sylyani & Numidiæ Episcoporum ad eundem Papam.

39. Quod verò de *Hormesta mundi Dexter* addit, æquè eum, ut cetera, impuros barbarorum ac recentium sæculorum latices hausisse ostendit. Nec verò constat Orosium ann. CDXVII. auspiciatum fuisse opus istud, cum potius absolverit, ut in superioribus dictum fuit. Centenario autem majorem ex Africa venientem Carthaginæ Spartariâ mortuum, quod aiebat Pseudo-Maximus, Romamque inde asportatum, & in Ecclesia Sancti Eusebii sepultum fuisse audiens, quis non statim vestigia hîc Raphaëlis Volaterrani relecta deprehendit, de Orosio id referentis, quod Paullo nostro perperam, uti censemus, attribuit, Baroniique Cardinalis Orosii martyris in Ecclesia ista S. Eusebii memoriam celebrantis, uti jam diximus?

40. Aliud ejusdem Pseudo-Maximi facinus in medium producere fas & æquum est, non alienum ab Orosii rebus, quas absolvere lubet. Orosius (ait ad annum Christi DC.) monachus Benedictinus, ex sorore S. Orosii presbyteri Tarraconensis filius, floret in Celtiberia, ad quem S. Gregorius Papa literas dat. Qui genus duxit ab oppido Lusitanie dicto Montefancto, Græcè verò Orosio. Quod Braulio etiam commenticius in Additionibus ad Maximum confirmat numero 40. Exstant S. Gregorii Magni duæ epistolæ, altera^l ad monachos in Christi-monte insula constitutos, altera^m ad Symmachum, in iisque Orosii Abbatis mentio. Quem ut arbori Orosiano ingereret, quid non ineptiarum & absurditatum admisit nugivendus? Paulli nempe Orosii, qui, uti ejusdem Pseudo-Maximi dictatis convincamus, obiit anno CDLXXI. ex sorore filius esse minimè is potuit, qui anno DC. hoc est triginta ferè super centum annis post avunculi obitum florere dicitur. Quod sic palmarium agnoscere mendacium debuit potius interpres Bivarius, quam deprehensa difficultate ad incongruas verborum Latinorum explanationes confugere. At, bone Deus! Orosii pridem à Pseudo-Dextro Tarraconenses, jam à Pseudo-Maximo Lusitani sunt? & Mons-sanctus (hodie *Mon-santo*, in Guardien-sis Episcopi diocesi) tam vetus oppidum est, ut Orosius originem dederit; idemque oppidum bina habuerit nomina (mirum!) Latinum alterum, alterum Græcum? O caput helleboro curandum! omnia igitur in *osius*

terminata nomina Græcæ originis sunt, licet in medio Latio, sive Latino orbe nata; Græcæque nomenclaturæ natalem locum proferre debentⁿ Ambrosius, Fulgosius, &c.

CAPUT II.

De AVITO Bracarensi & Luciano presbytero Joannis Tamaji frequentes ac crassi errores. Georgius Cardosus reprehenditur, Por-tugallie bagilogus. Plura nunc certi dogmatibus antiquos patres latuere. SEVERI Minoricensis Episcopi epistola. Pseudo-Dextri etiam in hoc audacia. De ISIDORO Cordubensi Episcopo, Dubium an talis homo exstiterit. S. Augustini non est sermo de Assumptione Mariæ Virginis, qui Isidorum laudat. Hic enim laudatus in eo sermone Isidorus Hispalensis est. Pseudo-Dexter hic etiam sistitur refellendus, de confictis duobus Isidoris Cordubensibus, ex uno, aut nullo. De Isidori Hispalensis Chronico aliqua præsumuntur, & de ejusdem Allegoriarum libro. Pseudo-Maximi OROSII Legionensis Episcopus cbimarius. Bivarius frustra ingenio utitur in occultandis planorum dolis & erroribus.

41. SEVERUS Minoricensis Episcopus, & AVITUS Bracarensis presbyter, ab Orosii rebus separari non debent. AVITUS enim, uti jam diximus, Luciani libellum *De inventione reliquiarum S. Stephani protomartyris & Nicodemi, & Gamalielis*, in Latinum sermonem transtulit. Idarius in *Fastis consularibus*, Honorio X. & Theodosio VI. *Coss. His Consulibus* (ait) *Stephanus primus martyr revelatur S. presbytero Luciano die VI. feriâ, quæ fuit tunc III. Nonas Decembris, in Hierosolymis, S. Joanne Episcopo presidente. Et exstant in his gestis epistolæ supradicti presbyteri, & S. Aviti presbyteri Bracarensis, qui tunc in Hierosolymis degebat, Gennadius^o post laudes Luciani, Avitus (ait) presbyter, homo Hispanus genere, ante relatum Luciani presbyteri scripturam (Revelationem prius appellaverat) in Latinum transtulit sermonem, & addidit epistolâ suâ per Orosium occidentalibus edidit. Eadem Honorius^q, & Florilegii auctor^r, & Marianus Schotus^s.*

42. Hanc interpretationem Lucianæ operis, unâ cum aliqua parte inventi corporis, hoc est pulverem carnis atque nervorum, & quod fidelius certiusque credendum est (idem ait) ossa solida ac manifesta, sui sanctitate novis pigmentis vel odoribus pinguiora, remisit Avitus per Orosium civem suum ad Balconium, atque universum clerum & plebem Ecclesiæ suæ Bracarensis, nuncupatâ his epistolâ, quæ in Annalibus Ecclesiasticis^t, & apud Surium^u, & alios^x legitur, quemadmodum & ipsa Aviti è Luciani Græco sermone interpretatio, quam cum Vaticanis quatuor codicibus diligenter Baronius contulit. Lucianus rogatu Aviti, quem *patrem & sanctum Dei cultorem* vocat, relationem istam edidit, atque in ea fatetur sibi ex reliquiis sancti protomartyris à Joanne Hierosolymorum Episcopo parvos de membris ejus articulos, ac terram cum pul-

n Pessimo exemplo utitur auctor. Verum enim est Ambrosium purum putâ esse Græcum nomen.

quod dñm significat, apud apud, De Falgoso rectè censet: quibus addere potuisset nonnulla alia. CARDINALIS DE AQUILA.

o De scrip. Eccles. cap. 47.

p Cap. 46.

q De scrip. Eccles. cap. 46. r Matthæus Westmonast. ad an. CDXVIII. s Ad an. CDXVI.

t Tom. 7. ad an. CDXV. n. 1. u Tom. 4. III. Aug. x Britto De Monarchia Lus. 2. par. lib. 6. cap. 27.

l Lib. 1. ep. 49. m Lib. 1. ep. 50.

pulvere, ubi omnis ejus caro consumpta est, donata fuisse.

43. Lucianum hunc Aviti *bomopolium* Joannes Tamajus qua fronte dixit? hoc est ejusdem cum eo civitatis. Quod verbum Græcæ originis adeò non intellexit Georgius Cardosus Lusitanæ Sanctorum historicus, aliàs diligens, antiquitatis verò non admodum sagax, ut *bomopolium* Tamaji, *bomem celestialem*; quasi *bominem poli*, sit interpretatus². An verò hæc sacra pignora in Bracarensem Ecclesiam aliquando pervenerint, nunquam dicitur, nec Bracarenses sciunt²; nisi commista sint cum aliis in capsâ argentea hujus sedis metropolitane, aut in Valentianæ oppidum ejus diocesis eo tempore translata, quo ibi collegiata fuit erecta Ecclesia, cujus aliquod vestigium extare in ejus dedicatione sub *Inventionis S. Stephani protomartyris* titulo, Lusitani observant. *Abundium Avitum* hunc appellant, nescio unde docti, Joannes Vafæus^b, & Joannes Mariana^c: (Morali^d *Abundius* tantum est) ex quibus, non ex antiquitatis adyto, id novit supposititius poëta is, quem *Avium Halum* nominant: de quo loqui paullo post recurret.

44. Diximus nihil solidi afferri, ut distinguamus hunc ab alio Avito, cujus Orosius meminit in Commonitorio ad Augustinum. Certè hic Orosii civis fuit, ut ex laudato opere constat, sicut iste, de quo nunc agimus, Bracarensis fuit, civis & ipse, ut existimamus, Orosii; forsânque ille Avitus, ad quem epistolam quandam^e S. Hieronymus scripsit, de his quæ cavenda essent Origenis libros *περὶ ἀρχῶν* legentibus; cujus epistolæ nec abludit argumentum ab Aviti illius proposito, qui ab Hierosolymis reversus in patriam, Orosio affirmante^f nescio quid de animarum origine ex Origenis doctrina jactavit. Pseudo-Dexter, ne hanc distinguendorum inter se auctorum aleam subiret, contentus fuit dicere ad ann. CDXXIX. *Et multi presbyteri vocati Aviti florent cives Tarraconenses*. In quo eum parum vidisse mecum contendunt, qui non è Tarracone Orosium, qui horum, uti civium suorum, meminit; sed aliunde fuisse credunt. Unde cadit etiam nobis fides Aviti mentionis in fragmento Estepano factæ hujusmodi^g: *Avitus Tarraconensis presbyter floret*.

45. Miror utique Joannis Tamaji securitatem in temerè fingendis quæ non sunt, ut Avitum hunc in catalogum Sanctorum referat, eique memoriam Junii decimæ septimæ diei assignet^h. Est quidem in fastis sacris mentio hac die *Aviti presbyteri & Confessoris*, sed Aurelianensi urbi tributa. Indène porrecta fuit ansa fingendi cujusdam sub nomine Auli Hali carminisⁱ, quo & *Abundii* nomen, & Aviti mortis dies annusque exprimuntur? Nullus dubito. Post carmen enim legitur: *Obiit sanctissimus presbyter Hierosolymis xv. Kal. Julii, Valentiano & Anatolio Cos. Erà CDLXXXVIII. hoc est Christi CDXL*.

46. Temerè item & falsò Tamajus Lucianum eum, qui Græcè de revelatione sibi facta^a & inventionem reliquiarum scripsit, *Hibibotheca vetus Hispana* Tom.I.

spanum vocat^a, & Aviti Hispani *bomopolium*¹, hoc est civem, seu concivem, ut ita cum recentioribus loquar. Impudentiam fictionis Lucianus ipse arguit & Græcus sermo, quo usus fuit. *Lucianus* (inquit) *misericiordiæ Dei indigens, & omnium hominum minimus, presbyter Ecclesiæ Dei, quæ est in villa Capbargamala in territorio Hierosolymorum, S. Ecclesiæ, & omnibus sanctis qui sunt in Christo Jesu in universo mundo, in Domino salutem*. Hispanus enim homo ad universæ Ecclesiæ directus Episcopos, cur Græco potius quàm proprio gentis sermone relationem conceperit? *Capbargamala* autem, hoc est *Villa Gamalielis*, viginti passuum millibus à civitate Hierosolymis fuit, ut in eadem relatione dicitur (*Capbargamelis* alterius villæ mentio ibidem fit, & *Capbarnatum* in Evangelio, ejusdem formationis) cui credere relationi debemus, non Halo, aut Tamajo, qui scimus qua religione tunc temporis ordinabantur addicebanturque Ecclesiis cives presbyteri, non alienigenæ.

47. Avitum quoque unà cum Orosio legationem ad Augustinum contra Priscillianistas & Origenistas explevisse idem falsissimè Tamajus tradit. Qui & ridiculè confingit Basilium quendam Græcum unà cum duobus Avitis in Hispaniam venisse, cui Basilio Origenianæ doctrinæ commendationem tribuerit Orosius. Quem enim Basilium Orosius in Commonitorio appellat, sanctus Basilius est. Avitos duos, alterum, qui è Hierosolymis, alterum qui è Roma redierat, priorem quidem Victorini cujusdam, posteriorem autem Origenis dogmata in patriam attulisse Orosius dixerat, breviq; Victorini asseclam cessisse alteri, qui Origenem docebat. *Cæperunt ergo ex Origene* (ait) *magnifica plura proponi &c. Didicimus enim de Trinitate doctrinam satis sanam &c. Tunc deinde Scripturarum solutiones satis sobrias. Omnia hæc statim à sapientibus fidei pristina expurgatione suscepta sunt*. Sed infit: *Remansit sola offensiva; de nihilo credere tunc persuasum erat esse animam, non tamen persuaderi poterat factam esse de nihilo, argumentantes, quia voluntas de nihilo esse non possit. Hoc penè usque ad nunc manet. Isti verò Aviti duo, & cum his S. Basilius Græcus, qui hæc beatissimè (an rectissimè?) docebant, quedam ex libris ipsius Origenis non recta, ut nunc perintelligunt, tradiderunt*.

48. Respuunt quidem omnem de Avitorum Basiliiq; heretico dogmate suspicionem aut notam Orosii verba: nec Basilius dici sanctus ab eo debuit, cui hæretici loco esset; aut honoris hic titulus, non sanctitatis, juxta id quod jam supra observatum est, videri potest, qui uni Basilio, nulli autem ex Avitis tribuitur, cum omnes in eadem navi, ut proverbium ait, vehantur. Non ergo de aliquo in Hispaniis præsentè Basilio, sed de doctrina è libris S. Doctoris ab altero ex Avitis commendata Orosius accipiendus est. Certè Basilius, doctor Ecclesiæ magnus, in eo pretio habuit Origenem, ut unà cum Sancto Gregorio Nazianzeno flores ejus è libris decerptos, ac *Philocalia Origenis* inscriptos, in vulgus ediderit,

^y In Martyr. Hist. 17. Jun.

² Tomo 3. Hagiol. eadem die xvii. Jun. pag. 728.
^a Vide Cardosum in Hagiol. Lustr. tomo 3. die vii. Jun.

^b Chron. an. ccclxxxviii.
^c Lib. 4. c. 20.
^d Lib. 11.
^e Cap. 17. in fine.

^e Tomo 2. oper. S. Hier.

^f In Commonit. ad Augustinum.

^g Ad ann. CDXXIX.

^h Tomo 3. Martyr. Hist. xvii. Jun.

ⁱ An eundem Tamajum ibidem.

¹ In Asia Abundii Aviti.
² In Textu ipso Martyr. legii.

rit, quæ Græcè & Latine tum Parisiis MDCXVIII. Joanne Tarino Andegavo interprete, tum Cantabrigiæ MDCLVIII. excussa formis sunt.

49. Incerta multa primis sæculis fuere, controversaque inter Ecclesiæ ipsos patres, quæ nunc certa sunt. *Ipsi etiam Apostoli Domini* (Augustinus ait Orosium de interrogatis instruens^m) *præ cæteris electi, & lateribus coherentes, ejusque ore pendentes, multa reperiuntur improbanda dixisse.* Quinimmo eorum quibusdam, quæ in Avitis taxavit Orosius, nil reponit Augustinus tam severe censuræ: quandoque & remota à sensibus nostris summo studio negat indagandaⁿ, de origine animæ quæstionem discutere se nolle ait^o. Cujus quidem quæstionis hodierna de creatione earum, eo quo infunduntur corporibus tempore, firma persuasio adeo veteres latuit, ut Philastrius hanc hæresin dixerit^p, ipse doctor doctorum Augustinus nihil compertum sibi non uno loco^q sit professus, Gregoriusque Pontifex, animæ ab Adamo descenderit, an singulis detur, incertum inter patres remansisse, atque in hac vita insolubile affirmare nequiquam dubitaverit^r. Solem item & lunam, sideraque alia sensu & ratione censi an non idem Augustinus certum sibi non esse ait^s? Quæ & alia in defensionem Origenis, non ubique adprobatus, Petrus Halloixius collegit^t, & nos huc advocamus, ne in S.Basilii facta cum Avitis, quorum opinioniones aversebatur, apud Orosium mentione, non Græcum illum doctorem magnum, sed alium quempiam ab eo significatum cum Bivarrio u Tamajoque^x incautus credat aliquis.

50. SEVERUS Minoricæ Hispaniarum insulæ Episcopus memoriam sui, Judæorumque ejusdem insulæ conversionis, nunciis rei literis ad omnes Episcopos totius orbis terrarum anno CDXVIII. qui post consulatum Honorii XI. & Constantii II. à Severo audit (revera Honorium XII. Theodosium VIII. Consules habuit) inscriptis ad posteros laudabiliter propagavit. Eo nimirum tempore, quo Severus huic Ecclesiæ recens fuerat impositus, advenit eò ex Hierosolymis veniens, sed tamen, ut existimo, Africā prius tactā, & munere sibi olim imposito Augustinum & alios Africæ Episcopos de rebus Palæstinis admonendi diligenter impleto, noster Orosius. *Hic B. Stephani reliquias* (ait Severus) *quæ nuper revelatæ sunt, cum ad Hispanias portare constitisset, ipsas sine dubio martyre inspirante in memorati oppidi (Magonæ) Ecclesia collocavit.* Accensum deinde narrat præsentia sanctorum pignorum fidei zelum adversus Judaicam pravitatem. Eminebat inter alios Judaicæ sectæ addictos istius insulæ ac loci incolas Theodorus quidam, non solum inter Judæos, sed & inter Christianos etiam præcipuus, qui in civitate ipsa omnibus curiæ muniis, atque adeo defensoris, fuerat functus. Post quædam inter partes turbas tactus is Spiritus sancti lumine, non solum se, sed & universum apostatam populum Ecclesiæ gremio commisit. Rem totam è Severi epistola, quæ non

brevis est, nec perfunditoriè concepta, melius discas. Quam quidem totam è Vaticanis schedis habitam Cæsar Cardinalis Baronius Annalibus suis y prudentissimè voluit insertam. Meminit ejusdem epistolæ Euodius Uzalenfis in Africa Episcopus in libro 1. *De miraculis S. Stephani* cap. 2. z

51. Sed & huc penetravit Pseudo-Dextri præpostera temeritas, cuius partes fuere Hispanum nomen, quo ea se cumque verteret, jure, vel injuriā, sive illius, sive aliorum, intrudere. Magnum audi sis Apollinem^a: *Innocentius Hispanus ex urbe Carpetanorum Ebora, metu Gotiborum urbes Hispanas incenduntium ad insulam Minoricam cum multis sociis fugiens, convertitur ad fidem, quem non multo post sequutus est Theodosius Judæus.* Perpetua nempe Dextri Toletani cura & consilium fuit, atque injuriosum satis genti nostræ, Judæorum Hispanorum ampliare fovereque memoriam, origines ad extremam antiquitatem prorogare, virosque ejus gentis posterorum committere monumentis. Sed quis non videt è Severi ipsius his verbis desumpta, quæ de Innocentio audivimus? *Duo quidam primarii Judæorum* (ait) *Melctius Theodori frater, & Innocentius, qui Hispaniarum cladem nuper effugiens cum famulis suis ad banc insulam venerat, (sicut nunc ipsi etiam cum sacramentorum terribili interpositione confirmant) ad unam speluncam, vel potius rupem, convenerunt &c.* Nihil novi, aut Severo indidit, nisi quod Innocentium ait Eborensen, quem dumtaxat ex Hispania in eam insulam appulisse Severus nos docuerat. A cuius relatione discrepat Innocentium ante Theodorum conversum fuisse. *Theodorum* inquam, non *Theodosium*; quod habent omnes Dextri editiones, in eo etiam subleste fidei, veroque contrariæ.

52. Ad Orosium scripsisse *Commentarium in libros Regum* ISIDORUM Cordubensem Episcopum Sigebertus Gemblacensis scriptum reliquit^b, auctor sæculi duodecimi. Nos, qui fontes scrutari amamus, non alium ab hoc invenire potuimus. Mirum sanè videri debet scriptorem hunc per tot sæcula inter diligentissimos scriptorum nomenclatores, Hieronymum, Gennadium, Isidorum, Ildephonsumque Hispanos, Honoriumque item Augustodunensem, ignotum atque inditum transiisse; tandemque uni homini Belgæ post octingentos ferè annos sese manifestasse. Sigeberti verba: *Isidorus Cordubensis Episcopus scripsit ad Orosium libros quatuor in libros Regum.* Unde Trithemius didicit, & in album suum intulit, adeoque, sive à Sigeberto docti, laudant quoque Xystus Senensis, Gesnerus, Pofsevinusque, nostrarumque rerum scriptores Petrus Mexia^c, Joannes Vaseus^d, Joannes Mariana^e.

53. Vereor autem ne falsi omnes fuerint Sigeberti auctoritate, quemadmodum & ipse lecto Sermone quodam *De assumptione Mariæ Virginis*, qui inter S. Augustini opera vulgò editur. In eo legas; *Nam illum Evangelii versiculum, quem Simeon dixit ad Domini matrem: Et tuam ipsius animam pertransibit gladius, beatæ recordationis Ambrosius cum*

y Tomo 5. ad an. CDXVIII. num. 49.

z Inter S. Augustini opera tomo 10. edition. Nant.

a Ad ann. CDXXIV. 11.

b De script. Eccles. cap. 51.

c In vita Cæsar. Roman.
d In Chron. ad ann. CDXX.
e Lib. 6 cap. 7. in fine.

m Lib. ad Oros. contra Priscill. & Origenistas.

n Cap. 11.

o Ibidem.

p De hæresibus.

q Hic & lib. 10. De Genesi ad lit. cap. 3. 10. & 23. ep. 23. ad Hieron. ep. 29. ad Euodium ep. 175. & 260. lib. 2. Repræst. cap. 45. Videndus doctiss. Henricus de Noris in Vindiciar. Aug. cap. 4. § 3. r Lib. 2. ep. 54. Secundian. no.

s Enchir. ad Laurent. cap. 48. Noris cap. 4. § 2.

t In Origene defenso lib. 3. cap. 7. & lib. 4. quæst. 1. pag. 237.

u Ad ann. ed. pag. 426.

x Tomo 3. Mart. Hisp. die xvii. Jun. pag. 541.

tractaret, ait: Nec historia, nec litera docet Mariam gladio vitam finisse. Hinc & Isidorus, incertum, inquit, per hoc dictum utrum gladium spiritus, an gladium significet persecutionis. Qui sanè offenderat hunc Sermonem Augustini inscriptum nomine, quem germanum sancti doctoris existimavit opus, in eoque laudatum Isidorum, non potuit non Isidorum aliquem Augustino antiquiorem, equalémve concipere. At cum hæc verba Isidoro tributa reperiantur nunc in libro Isidori Hispal. Episcopi *De ortu & obitu patrum utriusque Testamenti*^f, cadit omnis de Augustino auctore illius Sermonis persuasio. Non enim potuit adducere is in testem Isidorum duobus sæculis eo juniorem. Quare hunc Sermonem (quem Xystus Senensis legitimum credidit^g) cuius alii recentiores adjudicant. Communiter^h Fulbertus Carnotensis, qui ineunte sæculo undecimo vitæ functus est, creditur auctor. Sed in codice Cluniacensi S. Autberto, seu Ambrosio Autberto, & cujus in *Apocalypsin* decem libri exstant, nomine inscriptum, legi, auctor est Joannes Mabillonus Benedictinus in *Actis SS. hujus ordinis*ⁱ. Exigam ergo Isidorum hunc ex scriptorum nostrorum decuria? Minimè gentium, sed monebo tantum quid hac in re timeam fieri potuisse. Nam quod Isidorum Hispalensem juniorem quidam vocent, haud confirmat seniore eo alium fuisse; cum hi sint recentiores tantum, qui semel admissio Cordubensi Episcopo, junioris notam apposuerunt Hispalensi, ut ab altero, quem seniore iccirco mos increbuit appellare, distinguerent.

54. Neq. opponantur nobis Pseudo-Dextri quisquiliæ, hoc est fictionum absurdissimarum architecti. Ait is ad an. CCCLXXXIV. *Isidorus senior Cordubensis continuat Chronicon à primo consulatu Theodosii*. Rursusque ad annum CDXXIII. *Scribit per hæc tempora Isidorus junior Cordubensis Episcopus Allegoriarum librum Paulo Orosio Tarraconensi. & super Lucam scripserat*. Tandem ad annum CDXXX. in fine Chronici: *Florebant opera Isidori junioris Episcopi Cordubensis super Lucam & Reges. Moritur anno Domini CDXXX. Micuit egregia doctrina, & opinione mirabilis sanctimonie. Successit in sede pontificali Cordubensi Gregorio viro sanctissimo doctissimoque anno circiter CD. Fuit Pontifex annis XXX. Secuit nimirum in duos unus, aut, si Deo placet, nullum, quem agnoscere debeamus, Isidorum: alterum seniore Cordubensem tantum civem, & historicum; alterum juniorem, hujusmet urbis Episcopum, bibliorumque explatorem. Priori Chronicon, posteriori Allegoriarum, & in Lucam commentarios attribuit. Sed nos hæc omnia è Pseudo-Dextro prius, & ejus interpretibus, deinde veritatis stabello eventilabimus.*

55. In primis Dexter fragmenti nostri Estepani ne verbum quidem de Isidoro habet isto, aut Isidoris, qui ejus ævo adscribuntur. Immo Gregorii Cordubensis, cui successisse Isidorus hic junior fingitur, mortis relatione anno CDXXX. absolvitur. Gregorius Cordubensis (ait) moritur. Ad hæc, Cæsar-augu-

stana editio princeps, Isidorum Chronici auctorem senioris, Cordubensem Episcopum Allegoriarum scriptorem, cum junioris, tum deinde senioris, compellat nomine. Consulenda enim hæc est, uti simplicior, & auctoris mentem erroresque simillimè referens. Quare Rodericus Carus in sua Hispali, senioris notam tribus his in locis retinuit, unum eundemque hominem credens. In quo disertè auctorem, quem propugnabat, deridendum aliis dedit; cum senioris appellationem non ulli Isidoro, nisi respectu alterius junioris, conferre potuerit verus ipsi creditus Dexter.

56. Quare Bivarius oculatior, animadvertens contradictionem & absurditatem, regulam plumbeam usus, non murum ad ipsam, sed ad murum ipsam, Lesbiorum morem sequutus, adaptavit. Neque enim potuit aliter quàm à destruendo, impressaque falsi vestigia delendo, Dextrum in aliquam tolerabilem veri speciem erigere. Quinimmo, si Bivario credimus, non quidè an. CD. sed CCCLXXXVIII. Isidorum in sede Cordubensi subrogatum Hygino fateri debemus. Verba enim illa huic posteriori anno affixa: *Hygino Cordubensi successit Gregorius senior. Scripsit ad Orosium super anno CCCLXXX.* non de Gregorio aliquo, sed de Isidoro accepisse videtur, cum Isidori hujus operum seriem enarrans^m tribuerit ei *super annum CCCLXXX. ad Orosium* aliquid: quantumvis Gregorii nomen, quod in anterioribus etiam editionibus legitur, in textu servaverit. Sed jam in res ipsas impressionem faciamus.

57. Bivarius Chronicon istud Isidori senioris Cordubensis id esse existimat, quod Lucas Tudensis edidit, Eusebiano appensum: quæ duo suis ipse verbis post Ildephonfi & Juliani Episcoporum appendices continuavit. Quod Bivario inde sit probabile, quoniam valde differt hoc Tudensis ab Isidori Hispalensis vulgari. Non animus est anticipare hic de Chronico Isidori ea quæ ad Hispalensis præfulis tempora devenientibus sedulo pertractanda sunt. Quare in id tempus lectori facere satis differimus; hoc tantum nunc opposcentes Bivarianæ conjecturæ Isidori, Tudense Chronicon ab initio mundi ductum, ad Heraclii usque Imperatoris, sive Sisebuti, aut Cîntilæ Gotthorum Regum pertingere ætatem. Isidori autem Cordubensis id, quod nunc primum Dexter laudat ficulneus, à primo Theodosii consulatu initium habuit. Reliqua videamus.

58. Theodosius primum, quo anno quintum Gratianus, Consul fuit, hoc est CCCLXXX. ⁿ Quod ergo pretium operæ, aut quænam notatu digna res post quadriennium consignare literis, ab eo consulatu Chronicon suum continuare Isidorum? Debuit hæc nota fieri anno ipso primi consulatus, occasione sumpta ex ipso Chronici principio, quod ad manus esset. Quare enim hoc anno CCCLXXXIV. potius quàm alio è subsequenteribus, chronologi hæc laus Isidoro tribuatur, non aliqua ratio congrua reddi potest. Inde jam alteri juniore Cordubensi Episcopo Allegoriarum librum Pseudo-

f Cap. 68.

g Lib. 4. Bistob. verbo Isidorus senior. h Labbeus in diss. de script. Eccles. in Fulberto.

i Sæculo 3. parte 2. pag. 266.

n Num. 2.

l Num. 5.

m In comm. ad annuni CCCLXXXIV. 8. pag. 405.

n Bar. tom. 4. ad hunc annum.

do-Dexter falso adjudicat, qui Sancti Isidori est Hispalensis. Offenderunt quidem novatoris oculi in eo, quod nuncupatus sit ab auctore opus *domino sancto ac reverendissimo fratri Orosio*, illicoque excogitatus fuit Isidorus alius historico Orosio æqualis; cum debuisset potius æqualis Isidoro quæri Orosius aliquis. Et ad manum fuit Abbas ille, de quo Gregorius Magnus hujus temporis Pontifex, cum ad monachos insulæ Montis-Christi, tum ad Symmachum Defensorem scripsit o, de quo in alterius Orosii rebus fusè egimus. Fratrem certè nominat p, quod insolens Episcopo ad non Episcopum loquenti. Sed cur non potuit hæc scribere Isidorus ante Episcopatum, aut Orosius Abbas ea dignitate aliquando augeri? Sed nec pertinaces sumus, ut hunc necessariò dicamus hac nuncupatione appellatum. Exstat quidem vestigium evidens temporis Gregoriani, in ea hujus operis allegoria de servis Evangelicis, quibus talenta Dominus commiserat. Alii in primo servo (ait q) *sensus cordis & corporis acceptos, in secundo intelligentiam & opus, in tertio rationem intellexerunt*. quæ desumpta ex S. Gregorio sunt, quod & Joannes Grialius in notulis observavit r.

59. Instat Bivarius: Non meminit hujus *Allegoriarum* libri Braulio, nec Ildephonfus. Meminit utique Braulio dum tribuit Isidoro *De nominibus legis & Evangeliorum librum unum, in quo ostendit quid memoratae personae mysterialiter significant*. Colludamus verò interrim cum Pseudo-Dextro, & ab eo quæramus quisnam ille Orosius Isidori senioris amicus. Paullus Orosius Tarraconensis, ait. Historicusne is celebris famæ, de quo tam nos multa in superiori capite? Qui potui alium his disertis verbis: *Paullo Orosio Tarraconensi, significare velle? respondisset incunctanter, si in vivis esset, Bivarii Dexter*. Minimè quidem è latere furgens ait Pseudo-Maximus, sed Orosio Legionensi Episcopo. *Sanctus Isidorus Senior (inquit s) dedicat librum Allegoriarum Orosio Episcopo Legionis Septimæ-Geminae in Hispania*. Bivarius hic inter malleum & incudem positus, necesse habuit Paullum alterum Orosium Tarraconensem, qui Episcopus fuisset Legionis urbis, ab historico ejusdem nominis & cognominis, ejusdem urbis, atque ejusdem temporis diversum admittere. Cui per me iis, quibus anima pro sale sit, credere liceat.

60. Præterea, est ne idem opus *Allegoriarum* hic liber cum eo in *libros Regum* commentario ad Orosium directo, quem Sigebertus Isidoro seniori attribuit? Nam si idem, quare ita vocat Sigebertus, cum allegoriæ ad utriusque Testamenti omnes libros pertineant? Aut si diversum, cur in *Reges commentariorum* Dexter non meminit? Sunt quidem inter Isidori Hispalensis opera *mysticorum expositiones sacramentorum, sive Quæstiones*, in plures libros veteris Testamenti. In quibus *Quæstiones* sunt in *Regum libros*. Et fortasse Sigebertus hanc partem vidit, confuditque inadvertenter cum allegoriis Orosio nuncupatis, crediditque alium Isidorum Hispalensi

antiquiorem, & Orosio æqualem, auctorem operis.

61. Non tamen his contentus Pseudo-Dexter, in *Lucam* quoque hunc Isidorum suum seniore scripsisse ait. Dicam quid imposuerit levissimo nugatori. Auctor Sermone jam laudati *De assumptione Virginis*, quem aliis sancti Augustini, non jure quidem, cum Fulberti Carnotensis, Ambrosii Autberti, alteriusve sit, magni doctoris operum editores inseverunt, pro *Lucæ* verbis his: *Tuam ipsius animam pertransibit gladius*, explanandis, Isidorum post S. Ambrosium adduxit. Quod Pseudo-Dextro ad Isidori sui in *Lucam* commentarios fingendum satis superque fuit. Sed jam nos adnotavimus Isidori verba, quæ in Sermonem isto laudantur, in Isidori Hispalensis libro *De ortu & obitu patrum*, quin opus sit ad aliquem in *Lucam* commentarium recurrere, disertè legi. Reliqua Pseudo-Dextri de pontificatu & morte Isidori senioris, quàm illum ad temerè confingendum libido fallendi, tam nos procliviter ad refutandum, merisque annumerandum fabulis, veri studium trahit.

CAPUT III.

De ANONYMO quodam poëta Hispano à Sidonio laudato. Merobaudes fortè hic Idatii, cujus exstat carmen de Christo. Merobaudes Valentiniani dux junior alius, magister utriusque militiæ. Bacaude & Bacauda quid? Sidonii Apollinaris ætas. Pseudo-Dextri de Merobaude cæco fabula. DRACONTII Hexaëmeron liber. Ab Eugenio Toletano auctus. Vossio quare incertum qua ætate vixerit. ASCANII Tarraconensis Episcopi ad Hilarem Papam epistola duæ.

62. **H**UJUS profectò ineuntis sæculi, aut superioris exeuntis, ANONYMUS quidam poëta Hispanus est, quem Sidonius Apollinaris, sæculi hujusmet quinti scriptor, aliàs parum aut vix notum, versibus suis immortalē reddidit. *Excusatorium* ille carmen ad Felicem Magnum direxit, quod totum in referendo quæ nollet canere, aut quibus canendis rebus, quibusve imitandis poëtis impar esset, potius quàm in proprio aliquo argumento consumpsit exornando. Post alia nempe ad Felicem ait, nullum ex anteriorum temporum magnis poëtis hoc in carmine illum lecturum, neque item ex iis quos parentum ætas tulerat; quorum tres numerat, primum Gallum, secundum Ligurem, tertium Hispanum.

*Nec qui jam patribus fuere nostris
Primo tempore maximi sodales:
Quorum unus Bonifacium sequutus,
Necnon precipitem Sebastianum,
Natales puer horruit Cadurcos
Plus Pandionias amans Athenas.*

Varium hujus poëma non vulgari effert laude. Ignoratur tamen ab interpretibus, quemnam hujus sæculi, quod innuit, poëtam significet. Pergit:

*Non tu hic nunc legeris, tuumque fulmen
O di.*

o Lib. 1. ep.
49. & 50.
p Observat
Bivar. ad Ma-
ximi annum
CDXXXII. num. 2

q 2. parte ex
novo Testamento
pag. 252. edit.
Matritensis.

r In eadem
edit. Matrit.

s Ad annu-
m CDXXXII. num. 2

O dignissime Quintianus alter,
Spernens qui Ligurum solum & penates,
Mutato lare Gallias amasti,
Inter classica signa, pila, turmas
Laudans Aëtium, vacansque libro,
In castris bedera ter laureatus.

Neque hic alicui notus, quantumvis diferto
appellatus nomine, Quintianus, Pergit jam
ad tertium;

Sed nec tertius ille nunc legetur,
Batim qui patrium semel relinquens,
Undosæ petiit sitim Ravennæ;
Plofores cui fulgidam Quirites,
Et cbarus popularitate princeps,
Trajano statuum foro locarunt.

63. Planè nihil hinc aliud colligere Bibliothecæ Hispanæ in argumentum licet, quàm Bætis accolam celebrari à Sidonio, ejus famæ & excellentiæ vatem, ut statuum in foro Trajano principis sui ac senatûs decreto cum eximiis aliis poetis meruerit. Nullum quidem hætenus è nostris vidimus, quem de hoc homine ita claro sollicitaverit conjectandi amor. Unus, quod sciam, Jacobus Sirmondus, dum ad Sidonium Notas edit, Merobaudem suspicatur à poëta laudari. Fuit enim hic (ait ^c) poëta & ortu Hispanus, ut tradunt. Vellem non tacuisset rei auctores, cum ego non ullum inveniam, Merobaudem certè eum innuit, de quo Idatius in Chronico ^d; Asturio magistro utriusque militiæ gener ipsius successor ipsi mittitur Merobaudes, natu nobilis, & eloquentiæ merito, vel maxime in pæmatis studio, veteribus comparandus: testimonio etiam provectus statuarum. Vix potuit aliter magis proximè ad Sidonianam anonymi illius poëtæ laudem. Quem fortè innominatum reliquit metri lege prohibitus. Exstat quidem in Collectione carminum Christianorum poetarum De Christo carmen hac inscriptione notatum: Merobaudis Hispani scholastici de Christo. Fortè huc habuit oculos Sirmondus, quum retulit de Hispana Merobaudis patria quorundam opinionem, atque hunc eundem credidit cum Merobaude Idatiano. Pseudo-Dexter autem somnia videns, & hic comminiscitur Merobaudem cæcum poëtam lyricum Barcinonensem.

64. Quibus partim exornandis, partim in ordinem reducendis, quisnam hic homo fuerit, annotare opus. Merobaudis sub Juliani obitûs tempus meminit Philostorgius ^e, referens eum cum aliis cadaver Juliani deportasse in Ciliciam. quod anno CCCLXIII. contigit. Eo militum ductore usus fuit Valentinianus (teste Ammiano ^f) Quadis bellum inferens; cujus quidem Valentiniani propinquus fuit: quod unus Sextus Aurelius Victor, sive hujus De vita & moribus Imperatorum Romanorum operis epitomator, expressit ^g. Obeunteque diem suum Valentiniano anno CCCLXXV. superstitibus, rerumque habenas moderantibus, Valente ejusdem fratre, Gratianoque filio, auctor cum Cereali fuit, ut Valentinianus junior, senioris idem filius, & Gratiani frater, adhuc quadrienis (aliis novem annis natus ^h) ignaris Augustis, nec tamen factum postea impro-

bantibus, Imperator proclamaretur, ut ex Ammiano Marcellino ^c, Sexto Victore (qui tamen non Cerealem facti socium, sed Equitium appellat) aliisque constat; propter hoc meritum biennio post factus Consul. Bino etenim consulatu illustrem produnt facti Merobaudem, semel cum Gratiano IV. anno CCCLXXVII. cujus Ammianus lib. 31. meminit ^d, & in lapidibus ^e fit memoria, iterumque cum Saturnino an. CCCLXXXIII.

65. Noster autem sequenti post ultimum consulatum anno, an alius aliquis ejusdem nominis, Ægypti dux fuit? ut ex leg. 43. De appellationibus in codice Theodosii apparet. Certè ad Consulem nostrum pertinet quod Latinus Pacatus in Panegyrico Theodosio dicto de ejus obitu posteris tradidit. Narrans hic quæ à Maximo Galliarum tyranno sævè gesta fuissent; Quod si cui ille (de Maximo ait ^f) pro cæteris sceleribus suis minus crudelis fuisse videtur; vestrum is, vestrum, Vallio triumphalis, & trabeate Merobaudes, recordetur interitum: quorum alter post amplissimos magistratus, & purpuras consulares, & contractum intra unam domum quendam honorum senatum, viâ sese abdicare compulsus est; alteri manibus satellitum gula domi fractâ, &c. Posteaque: sed in illos speciales putaretur habuisse odiorum causas tyrannus. Steterat enim uterque in acie Gratiani (quem is occiderat) & Gratianus utrumque dilexerat. Hæc de hoc Merobaude invenimus dicere: à quo diversus est Mellobaudis è Francorum Regibus, quo etiam usus fuit Gratianus amico, bellicarumque in Germania expeditionum socio, ut ex eodem Ammiano liquet ^g.

66. Alius item à seniore isto junior Merobaudes, ad quem pertinet Idatii adductum testimonium, & si Deo placet, Sidonianum elogium. Superior obiit jussu Maximi, qui extinctus fuit à Theodosio an. CCCLXXXVIII. Junior autem hic anno CDXLII. Olympiadis nempe CCCV. anno III. subrogatus ab Idatio dicitur Asturio magistro utriusque militiæ socero suo fuisse, qui brevi tempore potestatis suæ (apud eundem auctorem ponè legitur) Aracellianorum frangit insolentiam bacaudarum. Mox nonnullorum invidia perurgente ad urbem Romam sacra præceptione revocatur. Ex Hispania, ut existimo, ubi hoc bellum adversus rebelles gerebat. Ita enim appellabantur rebelles, & bagauda, sive bacauda rebellio, de quo viri docti agunt ^h. Nam eundem Asturium ad Hispanias missum Tarraconensium cæcidisse multitudinem bacaudarum, paullo antè Idatius dixerat. Hariolati sumus de hoc Merobaude intelligendum, si de aliquo hujus nominis intelligendus est, Sidonium. Convenit enim utrobique eadem carminis pangendi existimatio, atque item statuz honos poëtæ decretus. Sidonius ait:

Plofores cui fulgidum Quirites,
Et cbarus popularitate princeps,
Trajano statuum foro locarunt.

Idatiusque: Testimonio etiam provectus statuarum.

67. Præterea Merobaudes alter, Valentiniano & Gratiano equalis, eorumque propinquus

c Lib. 30. in fine.

d Pag. 482. ejusd. edit. e Apud Gruter. pag. 23. num. 6. & pag. 370. num. 3.

f Cap. 28.

g Lib. 30. pag. 448. & lib. 31. pag. 485.

h Bocartus in Geographia sacra altera parte, lib. 1. cap. 42. pag. 743. Boxhornius Origin. Gallicanar. cap. 2. pag. 21. Sirmondus ad Sidonium lib. 6. ep. 4. i Olympiad. cccv. anno 1.

c Pag. 140.

u Theodosii junioris anno xix.

x Ad annum cxxxix. num. 7.

y Hist. Eccl. lib. 8. g. 1.

z Lib. 30. pag. 459. edit. Hæburg. Lindebrogii.

a In Valentiniano juniore.

b Vide Baronium anno cccclxxv. num. 6. Gothifr. in Philostorgii lib. 9. cap. 17. & lib. 11. cap. 1.

quus (ut ex Victore novimus) ejusdem cum iis gentis, hoc est Pannonius, fuerit. Cibalis enim Pannoniæ inferioris urbe Gratianus Valentiniani senioris pater natus, ut ex eodem Sexto Aurelio constat. Barbaræ autem originis homo vix potuit ad eam Latini carminis excellentiam eniti. Sed tamen huic nostræ conjecturæ illud ob stare dicas, quod Sidonius celebrare voluisse videtur non suæ, sed parentum ætatis virum, ut ex his colligimus:

Nec qui jam patribus fuere nostris

Primo tempore maximi sodales.

Quod an malè adaptatur ei, qui anno, uti diximus, CDXLII. in Hispaniis bello præerat, cum eo ipso tempore Sidonius floreret? Non malè quidem: nam potuit uterque Merobaudes cum Sidonio pariter vivere, verum ætatē impares esse; & parentem Sidonii Apollinarem, qui præfectus Galliarum sub Honorio fuit, Merobaudes charum & familiarem habere. Obiit enim Sidonius, ut creditur, anno CDLXXXII. viridi adhuc ætate: nam quo anno Consul fuit Asterius (scilicet CDXLIX. cum Protogene (adolescens) se, immo *nuper ex puero*, hoc est quindecennem, aut circiter, ad Nammatum scribens, fuisse ait ^x. Convixit igitur Merobaudi jam viro, reipublicæque majoribus honoribus opportuno, adhuc adolescens: quod satis est, ut non ineptè Sidonius de eo dixerit sodalem sui parentis primo tempore, hoc est in adolescentia, existisse.

68. Hunc autem, ut finiamus, aut alterum, Bæticiæ provinciæ civem, immo Bætis accolam, Sidonius celebrat; quem reliquæ patriâ Ravennam se contulisse ait, statuamque in foro Trajani habuisse. At Merobaudi scholastico carmen *De Christo* tribuitur. Sed non impossibile est scholasticum, hoc est ad vocationis munus eum gessisse, qui militaria munera postea gesserit. Nam Idatius de Merobaudes suo non tacuit, *eloquentiæ merito* eum clarum fuisse. Cæco autem Barcinonensi quid faciemus? Tenebris nempe suis remitemus, & commendabimus, sinemusque cæcum cæcum ducere, ut ambo in foveam cadant.

69. Dracontius sub Theodosio juniore, qui ad usque quinquagesimum hujus sæculi annum vitam extendit, poësis laude inter Christianos floruit vates. Super sunt rei testes, breve hoc Isidori testimonium ¹: *Dracontius composuit heroicis versibus hexæmeron creationis mundi, & luculenter quod composuit scripsit.* quod Honorius, ut solet, brevavit. Item opus ipsum ab Isidoro laudatum, quod manibus omnium teritur, *Hexæmeron*, sive *opus sex dierum*, heroico carmine. Huic subiungitur alter libellus elegiacis versibus ad Theodosium Augustum, in quo veniam petit, si quod in superiori opere incautus erravisset, precaturque condonari sibi, quod in eo de triumphis illius nihil dixerit. At illos *De creatione sex dierum* duos libellos, Eugenius Episcopus Toletanus junior, (tertium alii ab Eugenio primo hujus urbis Episcopo, sancti Dionysii sodali, appellitant) quos antiquitas protulerat vitiatos (ait Ildephonfus,

Toletanus & ipse præsul ^m,) ea quæ in convenientia reperit subtrahendo, immutando, vel meliorando, ita in pulchritudinis formam coëgit, ut pulchriores de artificio corrigentis, quam de manu processisse videantur auctoris. Cujus viri sanctissimi judicio de utroque poëta non parum detrahit *avaria* ipsa, quæ docet affatim quantum valuerit unusquisque eorum facultate pangendi carminis, ætatisque & convictus barbaræ gentis, sub qua natus Eugenius fuit, consideratio. Subjungit Ildephonfus: *Et quia de die septimo idem Dracontius omnimodo reticendo semiplenum opus visus est reliquisse; iste & sex dierum recapitulationem singulis versibus renovavit, & de die septimo quæ illi visa sunt eleganter dicta subiunxit.*

70. Hoc ita curatum opus primum prodit Parisiis ex bibliotheca S. Victoris (uti Gesnerus scriptum reliquit ⁿ) deinde Basilicæ cum veterum poëtarum Christianorum operibus à Georgio Fabricio, & in Bibliotheca veterum PP. à Margarino Bignæo, editionis secundæ ^o tomo 8. Tandem Jacobus Sirmondus Eugenii collectis versibus Dracontium unâ cum iis edidit Parisiis anno MDCXIX. in 8°. Dracontii nempe utrumque librum, cum secundum seu posteriorem primus Michaël Ruizius Azagrius publicaverit, ut ipse in *Notulis ad Corippum* ait. Nescio an Sirmondianam istam præcesserit alia Joannis Weitzii, adjectis ejus Notis, cujus ipse meminit in præfatione ad *S. Hilarii Pictaviensis Genesin*, Francofurti editam ann. MDCXXV. Thomas sanè Reinesius hanc editionem alicubi laudans ^q, Sirmondianâ priorem facit.

71. Unde, cum tam liquidò de auctoris ætate constet, mirum videri debet adeò perspicuam rem uni Vossio latuisse, qui in fine, seu ultimo capite *De ætate poëtarum Latinorum*, in quod incertè ætatis eos conjecit, qui post Carolum Magnum vixere, hunc notissimum Theodosiani temporis poëtam in hunc album contulit. Mirè eruditum vocat eum Gaspar Barthius, licet intricatiorem, lib. 23. cap. 19. *Fuit enim plurimum ingenii (ait) in Christianis veteribus vatibus, & quidem sæpè adeò excellentis, ut dum illustrare volunt quedam, omnia confundant. Sanè Dracontius (subjungit) adeò acutè & nervosè de plerisque incidentibus loquitur, ut vix se ipsum satis intellexisse videatur. Tantum abest, ut ab iis potuerit sententia ejus percipi, qui nostra ætate in ea re studuerunt.* Deprehendit idem excellens criticus nostri temporis, dum in *Adversariorum* opere ad Dracontium nostrum illustrandum ter recurrit ^r, vestigia non unius manus: quare id, quo utimur, archetypum, haud credit poëta, sed ab Eugenio interpolatum.

72. Planè quum adscribimus poëtis nostris Dracontium, non ullum è veteribus sequimur. Nam nec Isidorus, nec Ildephonfus, nec Honorius, qui olim meminere, unde domo fuerit, monent. Neque item è recentioribus Gesnerus Bellarminusque. Ad quos ignotus fortè superioribus sæculis pervenit: ideo neque ejus mentionem fecisse videas Philippum Bergomensen, Liliū Giraldum,

Ra.

^m De script. Eccles. cap. 14.

ⁿ In Biblioth.

^o Parisiis MDCXXIV.

^p Pag. 74.

^q In epist. ad Christianum Daumium pag. 18.

^r Lib. 7. cap. 20. lib. 9. cap. 7. lib. 23. cap. 19.

^x Lib. 8. ep.

9.

¹ De script. cap. 24.

Raphaëlem Volaterranum, Paullum Langium. At noviores, nescimus planè unde moti, Miræus in Notis ad Isidorum, & Labbeus in Dissertationibus ad Bellarminum, Margarinus Bignæus in editione Bibliothecæ Patrum, aperte Hispanum vocant. Novimus tamen ad partes quis Bivarium traxerit: nempe ficulneus Maximus, quem, si esset alicujus fidei, non admittere rei auctorem piaculum esset. Apage ergo Maximi hæc ad annum CDXXX. *Dracontius presbyter longævus moritur Osæ.* Et ad annum DCXII. *Dracontius alter poeta Hispanus mirus habetur.* Quæ duo testimonia eidem, an duobus Dracontiis dicta sint, non audet Bivarius hariolari. Apage etiam credentis Maximo Pseudo-Hauberti nugæ, qui ad eundem annum CDXXX. num. 24. *Sanctus vir Dracontius (ait) Osæ Celiberorum obiit, ubi erat presbyter.* Quod ipsum habeto de Juliano dictum, qui Adversario 498. hunc Dracontium poetam eundem asserit cum Dracontio vicario Africæ sub Valentiniano & Valente ann. CCCLXX. cujus mentio in Theodosiano codice.

73. Ascanius Tarraconensis metropolitani Episcopus unâ cum aliis hujus provinciæ ad Hilari Papam unam & alteram epistolam direxere anno hujus sæculi LXV. Prior querelam continet de Sylvano Calagurris Episcopo, in ultima parte, ut ajunt, ejusdem provinciæ constituto, qui ante septem aut octo annos cuidam urbi Episcopum nullis petentibus populis dederat; item alienum presbyterum, Tarraconensi clero jam aggregatum, Episcopum similiter ordinaverat; nec admonitus de eo quod contra patrum regulas injustè perpetravisset, emendare voluerat. Altera epistola preces continet, quibus confirmari à se factum in Barcinonensi Ecclesia quærît Ascanius. Nundinarius Episcopus Barcinonensis Irenæum quendam à se ordinatum presbyterum cujusdam municipii Ecclesiæ addixerat. Hunc moriens non hæredem tantum reliquerat, sed & supremis tabulis in locum suum, ut subrogaretur, optaverat. Quod cum omnis clerus, & plebs ejusdem civitatis, & optimi plurimi provinciales, raram haberi desiderarent; Ascanius ait se assensum præstavisse, & Episcopum eum Barcinonensem ordinasse.

74. Lectæ sunt hæc duæ epistolæ in Concilio Romano, die anniversario Hilari Papæ ordinationis, ut moris fuit, congregato, Flavio Basilisco & Herminerico Cofs. anno CDLXV. Cujus quidem Synodi judicium sequutus Pontifex unicâ duabus respondit literis. Priori quidem improbens Sylvani Calagurritani præsumptionem ordinandi Episcopos citra conscientiam metropolitani: temporum autem necessitati, *honoratorumque & possessorum* (verba ejus audis) *Turiasonensium, Cascantensium, Calagurritanorum, Virgiliensium, Tritiensium, Legionensium, & Civitatensium* factum excusantium deprecationibus hoc nunc condonans, ut ordinati non removerentur; nihil autem deinceps contra Apostolica præcepta & Nicænos canones tentaretur. Alteri, ut Irenæus malè promotus ad Ecclesiam suam

Bibliotheca vetus Hispana Tom. I.

rediret, aliisque pro more de clero proprio Barcinonensibus eligeretur Episcopus. Singulariter etiam Ascanium aliâ reprehendit, non parum severâ, & auctoritatis plenâ epistolâ. Quæ omnia scripta in Hilari Papæ epistolis, rebusque ejus tempore gestis, legi possunt.

CAPUT IV.

De IDATIO, sive HYDATIO historico Lemicensi ex Gallæcia. Quenam urbs ista? Papii Massoni error, atque item Georgii Cardosi multiplex in Idatii rebus. De hujus ætate, & peregrinatione in Palæstina, atque item in Hispania Episcopatu, & rebus gestis. Chronicon Eusebii continuavit. Quisnam auctor Collectionis historice ex Idatio. Quis autem Toromachus, ex quo & idem profecit, nisi Gregorius Turonensis? Variæ hujus Collectionis editiones, ante eam quæ primum facta est Idatiani germani Chronici à Ludovico S. Laurentii Cordubensi. Eiusdem Idatii Fasti consulares. De Cynegio præfecto Orientis Hispano apud eundem Idatium clarissimum testimonium. Diversus Idatius hic ab Idatio Claro Emeritensi Episcopo. De TURIBIO Asturicensi Episcopo & ejus epistola, è qua multa notantur observatione valdè digna, de Apostolorum quibusdam actis ab hæreticis confictis. Leonis Papæ ad hunc epistola, atque item alia de eodem Martini Toletani Episcopi. Idem Turibius Asturicensis Episcopus cum Leonis notario. Bivarii hallucinatio. Bracarensem, quam primam dicimus, præcessit alia Synodus in eadem urbe. Turibius Palentinus ab Asturicensi diversus. A Pseudo-Juliano de Turibio hoc posteriore insequenter & falsò dicta. Joannes Tamaus reprehenditur. De duobus Turibiis item, Asturicensi & Palentino. CEPONII Episcopi carmen de fabula Phaëtonis ad Satanam accommodata.

75. **A**RCADIUM & Honorium, eorumque successores, ad Leonem usque, IDATIUS ætate æquavit chronographus. Alius hic ab Idatio, atque item Ithacio, superioris sæculi, qui Priscillianum & ejus assecclas, non solum piè, ut ad se reversi converterentur, sed & sævè, parumque Ecclesiasticis viris convenienter, ut publico etiam supplicio mactarentur, oppugnare. Hydatium, si idem est, vocat Leo Pontifex, quasi ἀπὸ τοῦ ὕδατος, ab aqua, sit. Atque ita in exemplari suo antiquissimi Idatiani Chronici scriptum fuisse, Jacobus Sirmondus nos docet. Apud Sigebertum quoque sic scriptum alicubi est, & in Fredegarii Scholastici Chronico, non Idatium, quomodo & vocatur quidam alius Galliarum Episcopus, qui subscripsit synodicæ epistolæ hujus gentis Concilii ad Leonem Papam. Cui quidem scripturæ calculum suum Barthius obtulit lib. 51. *Adversar. cap. 4.* Limicensis noster à patria Limica vulgò audit, Gallæciæ urbe, aut Lemicensi à Lemica, uti legitur in editionibus ejusdem Chronici auctor loqui. *Idatius provinciæ Gallæciæ, natus in*

2 Tomo 4. C6.
cil. edit. Labbeus. Paris.
col. 1032. 1034.
1062. & 1063.

† Epist. ad
Turibium, de
qua postea.

u Tomo 3.
Concil. Labbeus.
næ edition. col.
1112.

x In presat.

Bb

in

in *Lemica civitate*, &c. A *Limica* veterum proclivis fuit in *Lemicam* deflexio. Ptolemæus quidem in *Limicis* Gallæciæ populis *Forum-Limicorum* collocavit y juxta Tydem, in Grujis, seu Graviis, ut Plinius vocat z. Et nonne à *Limia* fluvio huic oppido nomen? Certè hujus meminit hoc loco idem Plinius a, quem & *Æminium*, seu *Limcam*, aut *oblivionis* dictum alibi adnotat b. *Limiam* item vocat *oblivionis* cognominatum Pomponius c. Plura de isto flumine noster conjectatus fuit Florianus Docampus, ut erat antiquæ omnis geographiæ apprimè gnarus, lib. 3. *Chronici* sui *Hispanici* vulgari lingua scripti, cap. 28.

76. Alius hic à *Leibe*, sive *oblivionis* quoque flumine, in Bætica, quem hodie, affixo Arabico fluvium significante nomine, *Guadalete* vocamus. Planè hæc similitum vocabulo sive attributione amnium confusio errare fecit doctissimum aliàs virum Papirium Massonum, in libello, seu *Historiola calamitatum Galliæ* d, *Idatium Lemice in Bætica Episcopum* laudantem.

77. Vetus hoc oppidum *Limica*, vel *Forum-Limicorum*; Idatii autem ævo jam *Lemica*, quin oppidum sit *Ponte de lima* huic flumini, vel hodie sic dicto, inter Minium Duriumque adjacens, ponteque, unde ei nomen, utramque ripam committens, non video quid adduci in medium possit. Id enim medio ferè itinere, Tydem inter & Bracaram veteris Gallæciæ urbes, ab ostio *Limix*, ubi *Viana* conditum est oppidum, marique tribus leucis distat: adeò ut non alii melius conveniat modesta illa Idatii professio, uti *extremum plage, ita extremum* se dicentis & vite.

78. Quàm ergo à veri orbita deerravit Georgius Cardosus Lusitanæ hagiologus, vir diligens, sed in examinandis ultra conditum Portugalliæ regnum Lusitanæ antiquitatibus obfæ ut plurimum naris! Fefellit utique eum Pseudo-Juliani flagitiosissimi totius nostræ historiæ temeratoris præjudicium, qui *Lamecensem* nostrum hunc Idatium Episcopum vocat e: quasi ex eodem loco (hoc est *Lamego*, Episcopali nunc urbe) patriâ fuerit. Quod non facile debuit credere f vir in geographia Lusitanæ atque Gallæciæ veteris non prorsus hospes. Idatius enim Gallæciæ se esse provinciæ, atque in civitate *Lemica* natum, clarissimè professus, *Lamecensis* urbis natales, quæ extra Gallæciæ fines, & ultra Durium amnem, Gallæcos à Lusitanis, juxta Plinium g cæterofque omnes geographos, determinantem, urbs hodie visitur, falsò sibi tributos, æquè clarè ac indubitanter docet.

79. Hierosolymam idem ductus (à patre forsàn) ut ait ipse, *infantulus*, vidit Sanctum Hieronymum; quem post aliquot adhuc annos *beato* mansisse in corpore, hoc est superstitem fuisse, ait in præfatione *Chronici*. Itemque in ipso *Chronico* h repetit non solum Hieronymum, sed & Joannem Hierosolymitanum, Eulogium Cæsareensem, Theophilumque Alexandrinum, Episcopos clarissimos, & infantulum se & pupillum vidisse. Quod quidem indicat, non uno aut altero tantum anno mansisse eum Hierosolymis,

Palestinæ, sed eousque dum infantilis & pupillaris, quæ ponè sequitur, ætatis aliquam partem in iisdem partibus transegerit. Idque simul viventibus laudatis patribus oportet factum: quorum cum Hieronymus anno hujus, quod percurrimus, sæculi xx. aut circiter i, Joannes Hierosolymitanus post annum xv. sicut & Eulogius Cæsareensis (utrumque enim Diospolitana Synodo hocce anno coactè interfuere k) Theophilus Alexandrinus xii. Epiphanius omnibus his maturius ad beatos translatus, paucis annis post sæculi secundum l tertiumve (Idatius ejus, uti viventis, anno vi. hoc est Olympiadis CCXCVI secundo meminit) vitâ functi referantur, in priores ejusdem ineuntis sæculi annos, quibus convivebant alii aliis, referenda saltem est Idatiana in Palestinæ regionibus peregrinatio. Unde agnoscere debemus ante quadragesimum sæculare eum fuisse ortum. Quod & nobis Episcopatus tempus magis adhuc postea confirmabit.

80. Tantum abest, ut Suævus gente fuerit, quod ridiculè Hagiologii suæ telæ Cardosus intexuit m; cum natus è Gallæcis patribus diu ante irruptionem Suëvorum in Hispanias fuerit, quæ quidem irruptio, eo ipso auctore, Cos. Honorio VIII. ac Theodosio III. erà CDXLVI. hoc est anno CDIX. contigit. Nollem utique laboriosum, pium, & probum hominem adeò sibi ipsi in Idatio exornando defuisse, ut non semel, aut bis, sed quot vitæ Idatiæ inculcavit capita, toties ferè à veritate ipsa redarguendum se dederit. Nescio enim quo inductus, idolorum, florente adhuc ætate, cultorem Idatium, orthodoxorum quorundam Episcoporum persuasionem reduxisse gradum, seseque ad Ecclesiæ gremium anno CDXIX. convertisse, fingit. Ubi nam etenim ad hunc annum (qui est Olympiadis CCXC. tertius) aut aliquem alium, in *Chronico* verba illa: *Idatii ad Deum conversio peccatoris*, quæ ei à Cardoso imputantur? Certè in iis, quas ad manum habemus, editionibus, nil tale superest: nec, si superesset, conversionem magis significare positum fuisset ex ethnicismo ad Christianismum, quàm ex secularis & profanæ, intra Christianismi tamen limites, ad spiritualis & Ecclesiasticæ vivendi normæ professionem.

81. Sacris enim initiatus, parem se fecit gerendo Episcopali muneri. Sed ubinam? Ab ipso enim nil ultra novimus, quàm *summi* fuisse *præsulem creatum officii*: uti in *præfatione* loquitur. Nec libellus ille *De xii. scriptoribus*, qui Isidoro & Ildephonso subjici solet, ultra aliquid quàm provinciæ Gallæciæ Episcopum vocat. Aquis-Flaviis nonnullis videtur n. Inde scilicet quòd, ut jam docebimus, in hujus oppidi Ecclesia captus à Suëvis, ab iisque liberatus, in eandem redierit o. Sed non tale est hoc fundamentum, cui statim assurgere debeamus. Præsertim cum Sigebertus *Lemica Hispaniarum urbis Episcopum* disertè eum fecerit p, idque alii è recentioribus frequentiores admittant. Intolerandum saltem, omni quæ veri speciei vacuum est, quod Cardosus Pseudo-Maximi & Pseudo-Juliani auspiciis

y Lib. 2. cap. 6.

z Lib. 4. cap. 20.

a Lib. 4. cap. 20.

b Lib. 4. cap. 22.

c Lib. 3. cap. 1.

d Tomo 1. Coetan. Gallie script. Duchesni pag. 99.

e In *Chronico* num. 241.

f Ut facit *Hagiolog.* tomo 3. die vi. Maji pag. 101.

g Lib. 4. cap. 20. & 21.

h *Arcadii & Honorii* anno xlii. sive *Olymp.* ccxcvi. num. 4.

i Baronius tomo 5. ad an. cdx. Labbeus tomo 1. *De scriptor. Eccl.* pag. 434.

l Baron. to. 5. ad an. cxxv. num. 19. Labbeus *De script. Eccl.* tomo 1. pag. 583.

m Baronius ad an. cxi. num. 24. Labbeus *De script. Eccl.* tomo 1. pag. 287.

n Ubi supra die vi. Maji. pag. 101.

o Labbeo in *Dissert. De scriptor. Eccl.* in *Idario*, tomo 1. pag. 496. Et cū appellatione *Aque-Flaviæ* Episcopi edicti fuit in quadam editione Gallicæ apud Cardosum vi. Maji pag. 101.

p Olympiad. ccc. anno 11. sive Majoriani xv. p. *De viris illust.* cap. 28.

spiciis, datâ operâ contenderit, tum Lamecensem (hoc est *Lamego* urbis) tum deinde Bracarensem antistitem, egisse Idatium. Hæc enim ficulneæ mercis compendia sunt. Pseudo-Maximus, *Lamecensem* vocat Episcopum, nescio an advertenter. Juliano etiam commentitio, sive ignoranter excidit, sive persuasum fuit, *Lamecensem* appellari debere Idatium, non *Lemicensem*, Episcopum. Unde ait ^s: *Idatius ex Lamecensi Episcopus Bracarenfis successerat an. CDLVI. Valerio*. Et alibi ^t: *Florebat per hæc tempora Castinus Episcopus Bracarenfis, qui successerat Idatio anno CDXCIV*. Conveniuntque his alia ejusdem testimonia ^u de Bracarensi Episcopatu, rebusque in eo gestis. Quæ quidem statim redarguet gestorum Idatii series, ac mortis tempus.

82. Videor sanè mihi tempus consecrationis Idatii non temerè in ann. CDXXVII. aut proximum huic alium conicere, ex ipsius in præfatione *Chronici* his verbis: *Ab anno I. Theodosii Augusti in annum tertium Valentiniani Augusti (is est CDXXVII.) Placidie Reginae filii, è supradicto à nobis conscripta sunt studio, vel ex scriptorum stylo, vel ex relationibus indicantium. Exin immeritò adlectus ad Episcopatus officium, non ignarus &c.* Jam Episcopus à Gallæcis suis missus ad Aëtium ducem Romanorum se contulit, sollicitaturus, ut apparet, Romana adversus Suëvos, qui pacem cum Gallæcis initam, arrepta occasione, ut ipse loquitur ^x, conturbaverant, auxilia, aut saltem amabilia officia. Id contigit anno CDXXXI. Rediitque anno sequenti unà cum Censorio duce ad Suëvos legato: cujus & Episcoporum Gallæcorum interventu datis obsidibus Hermericus illius gentis Rex pacem Gallæcis reformavit, Discere hinc Cardoso poterat non è Suëvorum, sed è vernacula Hispaniarum gente Gallæcum fuisse Idatium. Ille autem Censorius ipse cum Fretimundo anno CDXXXVIII. iterum redeuntibus ad Suëvorum Reges Gallæcorum parti, cui Rex adversabatur, pacem restaurare.

83. Anno CDXLV. in Asturicensi urbe Gallæciæ deprehensis quibusdam Manichæi (Priscillianæi semper intelligere possumus) dogmatis reliquiis, Idatius noster ac Turibius (Asturicensis) Episcopi rei acta ad Antoninum Emeritensem direxere. A quo forsàn, sive potius à Turibio ipso, per diaconum hujus Pervincum certior factus Leo Pontifex, cum acta illa de Manichæis per provincias spargere, tum quoque ad Hispaniarum Episcopos per eundem Turibii diaconem Pervincum scripta sua contra Priscillianistas deferri curavit. Exstat quidem Leonis epistola ad Turibium data Coss. Alypio & Ardabure, anno scilicet CDXLVII. quâ eum veluti legatum Apostolicæ constituit sedis, ad cogendum ex omnibus Hispaniæ provinciis Concilium, in quo examinari jubet secundum ea quæ ad Turibii scripta responderat, an essent aliqui Episcopi, quos nefandum hujus hæresis contagium pollueret. Si autem aliquid, quod absit, obstiterit, quominus possit celebrari generale Concilium; Gallæciæ saltem in unum convenient

Bibliotheca vetus Hispana Tom. I.

sacerdotes: quibus congregatis (ait) fratres nostri Idatius & Ceponius imminébunt, conjuncta cum eis instantiâ tuâ, quo citius, vel provinciali conventu remedium tantis vulneribus afferatur.

84. Idatium autem & Ceponium quare præcipuos habuerit Pontifex, major in eis fidei zelus, doctrinæque vires in causâ fuerint. Cui confirmandæ rei non parum deservit ejusdem Turibii epistola ad eosdem Idatium & Ceponium directâ, quam primus edidit ex ms. codice monasterii *Emilianensis Benedictinorum* regius historicus Ambrosius Morales lib. II. *Historiæ suæ Hispanæ* cap. 26. Scripta fuit ea, ut colligimus, cum primùm Turibio in mentem incidit hujus pravæ sectæ suspicio, quâ conceptâ Idatium statim & Ceponium, quibus scilicet ante alios deferbat, Episcopos de eo admonuit, scriptum à se opusculum contra blasphemias, quæ in libris quibusdam ab hujus sectæ hominibus confictis continerentur, insurgens, examini eorum subjiciens. De quo postea nos in Turibii rebus opportuniore loco agemus. Quâ excitatus, aliundève, Idatius examinandæ rei, & ad Antoninum Emeritensem examinatæ deferendæ, uti jam ex eodem docuimus, animum appulit. De hujus Leoninæ delegationis fructu, in Turibio tractabimus. Manentibus autem inter Suëvos adhuc & Gallæcos, atque item Romanos duces, quorum partibus Gotthi adhærebant, discordiæ seminibus, anno CDLXII. Idatius noster in Aqua-flaviensi Ecclesia (*Chaves* hodie dicunt in provincia Inter-amnensi) à Frumario Suëvorum duce instinctu quorundam delatorum captus fuit, tribusque mensibus detentus, donec contra votum & ordinationem, ut ait, eorundem delatorum, restitutus fuisset eidem oppido Aqua-flaviensi.

85. Nostrum tandem Idatium decessisse sub Leone Imperatore ultima jam penè senectute, ait ille anonymus qui XII. scriptorum vitas Isidori & Ildephonfi catalogis subjunxisse videtur. Qui cum Leo anno CDLXXIV. hoc est Olympiadis CCCXIII. secundo, diem suum obierit, nostrique Idatii *Chronicon* Olympiadis CCCXII. initium, annum scilicet CDLXIX. non excedat; à vero non abludit hoc ipso anno decessisse nostrum, continuatumque à se perenni cura singulis annis opus è vivis exemptum abruptisse. His qui prætulerit Pseudo-Juliani nugas, Idatii vitam quinque alios & viginti annos, usque ad CDXCIV. prorogantis, planè dignus erit cui falsator ille magnus Apollo sit.

86. *Chronicon* quidem Eusebii Idatius, quod S. Hieronymus è Græco transfulerat, locupletaverat, simulque continuaverat, in manus sumens, *Chronicon* illud ei appendit, quod à primo anno Theodosii, quem annum Hieronymus tantum non tetigerat, exordio sumpto, totis annis, usque ad Leonis octavum prosequutus est. Ita enim auctor ille, cui elogium Idatii debemus, quem (an rectè?) Isidorus Vossius ^b Schoenusque ^c dixere. Quod quidem vero magis conforme est, quàm, ut Sigebertus ait ^d, progressum eum usque ad annum CDXC. Quem, Vossii rectissimo judicio, exinde suscepisse errorem

Bb 2

vide.

^a Olymp. CCCXII.

^b Lib. 2. De H. L. cap. 17.
^c In edit. Idatii tomo 4. Hisp. illust. pag. 208.
^d In Chron. ad ann. CDXC. cui credit Vossius in Chron. Hisp. cap. 4.

videretur, quòd in aliquem indicisset codicem, ubi Idatiano textui aliquot anni ab alio adjecti fuissent. Certè id, quod in manibus habemus, Chronicon, ultra Leonis VIII. (redempti orbis CDLXIV.) extendit se usque ad Leonis XII. aut XIV. Anthemiique tertium aut quartum, Olympiadis CCCXII. annum secundum. Nec ultra protenditur is auctor, qui sub emendicato Idatii nomine datus nobis ab Andrea Schoto in *Hispaniæ illustratæ* fuit systemate, qui non tam brevior, quàm deformatior Idatii appellari debuit. Qui quidem ipse ille est Gallus, cujus sub Caroli Magni imperio factam *collectionem historicam ex Idatio* secundo volumine *lectionum antiquarum* ^e Henricus Canisius edidit: quantumvis Canisianus hic auctor, utpote qui ex Idatio & aliis, ut ipse ait ^f, opus suum confecere, ad Justinianum usque pertigerit.

87. Id verò Chronicon ab initio usque ad Valentiniani III. Placidie filii tertium annum, qui fuit CCCXXVII. vel ex scriptorum stylo, vel ex relationibus indicantium se confecisse ait ^g; reliqua jam factum Episcopum, rebusque ipsis immistum, propria innuit experientia doctum literis commendasse. Planè ex hoc Suëvicæ in Hispaniarum regione Gallæcia dominæ gentis proprius quàm universali Chronico, hi qui res nostras hujusce ætatis persequuti sunt, veluti Isidorus, aliique, adeò profecerunt, ut hujus verbis ferè utantur. Quare ut oculatum veracemque inter optimos illius ævi scriptores meritò esse numerandum Papirius Massonus jure ait ^h, meminereque olim ejus hujusce operis, præter anonymum & Siebertum laudatos, Fredegarius Scholasticus in *excerptis ex Gregorio Turonensi*, cujus mox meminimus, & in Chronico, uti & Rigordus, Philippi Galliarum Regis chronologus. Excerpta ex hoc Chronico à quodam Gallo Caroli Magni æquali primus dedit foras Henricus, ut dictum fuit, Canisius volumine secundo *Antiquarum lectionum*.

88. Auctor hic opus quoddam quatuor libris distinctum, *Collectionem* dictum *historicam chronographicam*, ex variis collegit, quorum tertius ex Idatio præferebat collectus specialiter, quartus ex Toromacho, sive, ut legendum est, *Toronaco*, idest Gregorio Turonico, seu Turonensi Episcopo, ut monuit alicubi Andreas Duchesnius ⁱ, in cujus quarti principio etiam Idatii meminit Fredegarius Scholasticus hujus partis, seu quarti libri auctor, ut nuper diximus. Hæc est mera deformatio Idatiani germani Chronici, quod nondum eo tempore lucem viderat; cui adjunctam videas apud Canisium præfationis quandam umbram, ex ea quæ suo tempore integra publicata fuit, ineptissime compactam. At hæc omnia vitia compendii præfationisque in editione sua Eusebiani Chronici Josephus Scaliger, nisi fallor (codex enim sub oculis non est) retinuit. Hanc enim & Canisii *Antiquas lectiones*, non sine utriusque editionis collatione, sequutus est Andreas Schotus in ea, quam dedit in *Hispaniæ suæ illustratæ* quarto volumine, à Francisco ejus fratre publici juris facto.

89. Sed, quod mirere, post *Chronographicam* illam Galli *collectionem ex Idatio* usque ad Justiniani tempora, non quidem tribus quatuorve libris, ut apud Canisium, sed duobus dumtaxat comprehensam ^k, quorum secundus ea omnia quæ Canisianus tertius ex Idatio deformato continet, Schotus, quasi daturus novum aliquid, sub titulo *Idatii Lemicensis in Gallæcia Episcopi Chronici*, eandem ipsam Galli collectionem cum Canisiana præfatiuncula parum advertenter nobis iterum ingessit ^l, annotans se ex chirographo Frederici Lindembruchii Hamburgensis, qui Lutetie exscripsit ex veteri codice, descripsisse. Animadvertendum tamen est, in his duabus Canisii Schotique editionibus collectionis hujus ex Idatio, quandam fini rhapsodiam adungi, quæ abest ab Scaligeriana, merasque fabulas de Theoderici Gotthorum Regis, gente Macedonis, ortu, Idatioque patricio ejus alumno, Belisario, Justiniano, & aliis, continet.

90. Primum ergo post tres istas malè breviate Chronici Idatiani publicationes, Canisianam, Scaligerianam, & Schotinam, prodiit tandem integrum & sanum Idatii Chronicon à Theodosii senioris initio usque ad Leonem productum, cum pulcherrima ejusdem auctoris præfatione, in Romana urbe, Ludovici S. Laurentii (vulgò *San-Llorente*) Cordubensis curâ anno MDCXV. ex codice, uti ait ille, Parisiensi desumptum; triennioque ferè exacto iterum Jacobi Sirmondi eruditissimi viri operâ ex Sebastiani Cramoyssi officina Parisina anno MDCXIX. in 8^o. Cui adjunguntur ejusdem Idatii *Fasti consulares* (de quibus postea) & Marcellini Comitis alterum Chronicon, Sirmondi que ad eos Notæ. Qui quidem eundem codicem, unde Romanus profecit editor, non quidem Parisiensem, sed verè Metensem, scilicet Metis scriptum, eumque antiquum, archetypon se habuisse fateatur. Hujus ms. Labbeus meminit in *Bibliotheca librorum manuscriptorum* ^m. Alterum ad manus habuit ante annos septingentos exaratum Papirius Massonus ⁿ. Deinde conformavere duas alias ejusdem Chronici editiones, ad exemplar quidem Romanum, Prudentius Sandovalius Benedictinus, Pampilonensis Episcopus, qui eodem, aut sequenti, quo Romana prodiit, anno, Idatii hoc, unâ cum Sebastiani, Sampiri, & Pelagii, Hispanorum Episcoporum, antiquis Chronicis, Pampilone; ad exemplar verò Sirmondianum Andreas Duchesnius tomo 1. *Historiæ Franciæ coætaneorum scriptorum*, anno MDCXXXVI. Parisiis recoxerunt. Laudatur quoque alia Parisiensis ex eadem Cramoyssiana officina, quæ nuper dictam dedit anno MDCXXXI. Confer cum his, lector veri amans, inventum recentioris cujusdam Gallæci scriptoris ^p, qui ut Theodosii Imperatoris natales ad Gallæcos suos traheret, ut apud Idatium legitur; non uno contentus Idatio teste, tres, non minùs, pro uno Idatios, Chronicorum fabricatores singulorum, somniavit: quo trium testimoniorum nodo difficilius rumpendo ingenia liberantium, cui nam parti fides adhibenda esset,

k Pag. 166.

l Pag. 208.

e Pag. 601. & 640.

f Pag. 601.

g In præfat.

h In libella De calamit. Gallie supra laudato.

i Tomo 1. Histor. Francia in præfat. ad excerpta Fredegarii ex Gregorio Turon. pag. 722.

m Pag. 2.

n Uti refert ipse in Hist. calamitat. Gallie pag. 98.

o Edidimus tandem nos in nostra Collect. Max. Council. Hist. tomo 2. pag. 168. Romæ annq proxime præterito MDCXCIV. CARDINAL. DE AGUIRRE.

p Fr. Philippus de la Gardara Nobiliario, armis, y trofeos de Galicia lib. 1. cap. 21.

esset, Idatio uni, an cæteris omnibus Italianæ Bæticæ huiusce Imperatoris patriam dicentibus, adstringeret.

91. *Fastos* etiam *Consulares* scripsisse Idatius dicitur. Hos in codice quo usus fuit, integros, à primis nempe urbis Consulibus ad secundum Anthemii consulatum continuantes, habuit Sirmondus; nec tamen, editurus cum Idatii Chronico, integros dedit; sed excerptum ex iis à consulatu Antiochiani & Orfiti, quo Aurelianus dictus fuit Imperator, usque ad Mariniani & Asclepiodori, quibus Cos. decessit Honorius. At huius defectum supplevit Philippus Labbeus in *Bibliotheca librorum manuscriptorum*¹, toto opere, quantum est, ex codice Collegii Jesuitarum Claramontano publici usus facto. Fastos autem hosce Idatii esse auctoris, non ullo veteris codicis testimonio, sed solâ Sirmondi conjecturâ nititur; neque tamen eâ tenui aut contemnendâ. Pertingunt quippe fasti ad Anthemii imperium, in quo & Chronicon desinit. Præterea utitur in fastis epochâ eræ Cæsaris, quæ Hispaniensis propriè est. Quæ duo vellunt aures, ut his Idatium, nedum ut Hispanum aliquem adscribamus auctorem.

92. Adjungimus nos Sirmondianis hisce conjecturis pro patria Hispania Cynegii v. c. orientis præfecti obitus factam curiosissimè magnæque cum laude mentionem¹, quem Hispanum existimamus, dignumque ut inter Hispanos hic laudetur iisdem civis Idatii verbis. *Hic Consulibus (ait) defunctus est Cynegius, præfectus orientis, in consulatu suo Constantinopoli. Hic universas provincias longi temporis tæbe deceptas in statum pristinum revocavit, & usque ad Ægyptum penetravit, & simulacra gentium evertit. Unde cum magno fletu totius populi civitatis deductum est corpus ad Apostolos die XIV. Kal. Aprilis. Et post annum transtulit eum matrona ejus Acanthia ad Hispanias pedefere.* Quod quidem ad natales Hispanos Acanthiæ & Cynegii conjugum admittendos animum nostrum non leviter pungit.

93. Ab Idatio hoc diversus fuit, quod initio capitis monebamus, Idatius alter, cognomento Clarus, Priscilliani & sequacium ejus hyperaspistes clarissimus, Episcopus Emeritæ urbis, de quo fusè egimus superioris libri cap. 5. ex S. Isidoro & aliis. Hos autem malè confundunt Trithemius², Alphonsus Garfias Matamoros³, & si qui alii.

94. Non tanti est, ut advertamus; quod ne verbo quidem uno fieri debuit, Ithacium Ossonobensem Episcopum tertium ab his, ac diversum fuisse, cum claram utriusque simul habeat mentionem Sulpicius Severus⁴, ab iisque ambobus accusatum, pertinaciterque usque ad gladii sententiam exagitatum Priscillianum referat.

95. Ab his autem diversum quoque alium Idatium constituit Amb. Morales⁵, & ex eo Cardoso⁶, centum annis hoc nostro, qui Chronicon scripsit, inferiorem, brevisque Chronici Regum Suevorum auctorem: quasi hoc opus aliud à Chronico sit Idatiano; nisi alteram illam brevem *Suevorum historiam*,

quæ S. Isidori germanus fœtus est, significare voluerint. Planè ea quæ ex Chronico hilaudent in hac desideratur. Pertinet forsan huc nota Garfias Loaysæ in Concilio apud Lucum⁷, ubi ait se descriptionem quandam diocesium Hispaniæ ex libro dare Ovetensis, seu forsan Toletanæ Ecclesiæ. *Cujus titulus est Itacius, in quo historia Regum Wandalorum & Alanorum in Gallacia, & postea Suevorum, & demum Gothorum, scribitur.* In qua id legitur, quod ex Idatii hacce historia Morales se ait⁸ habuisse, nempe⁹ Lucum Augustum à Wandalis conditum.

96. Ab Idatio proclivis est ad TURIBIUM transitus, qui non solum ætate pares, sed munere & zelo in extirpandis Gnosticorum & Priscillianistarum erroribus fuere. Hic primus de malo isto latenti admonuit Idatium & Ceponium Episcopos scriptâ epistolâ, quam publicavit Ambrosius de Morales lib. 11. cap. 26. cum hac inscriptione: *Incipit epistola de non recipiendis in auctoritatem fidei apocryphis scripturis, & de secta Priscillianistarum.* Indeque *Annalibus Ecclesiasticis* Baronius intulit¹⁰. Ea quidem eleganti stylo (contra id quod alicui ex nostratibus excidit¹¹) scripta continet plura memoratu digna. Primum, Turibii peregrinationes, ex quibus ait opimos fidei doctrinæque se collegisse fructus: quam intra Hispaniæ provincias cur restrinxit Baronius? Secundum reperisse eum in patriam reversum nihil penitus imminutum fuisse ex illis traditionibus, quas olim catholica Ecclesia damnaverat, quasque jam ductum abolitas esse credebatur. Immo etiam (ait) pro uniuscujusque studio & voluntate prava dormata velut quibusdam hydrinis capiibus pullulare cognosco. Cum alii veteri errori blasphemiarum suarum augmentum contulerint; alii verò integrum eum usque adhuc retentem; alii verò, quos ex parte aliqua ad respectum sui contemplatio veritatis adduxit, ex illius sensibus retinendo nonnulla, reliq. is vincuntur. Mali huius nondum extirpati causam adjungit, quam tertio loco observamus. *Quod quidem per mala temporis nostri, Synodorum conventibus decretisque cessantibus, liberius crevit, & impiissime, quod est cunctis deterius, ad unum altare diversis fidei sensibus conveniunt.* Monet inde, vernaculorum suæ hujus Galliciæ partis hæreticorum libris apocryphis, quos ad vicem sacrorum Evangeliorum legerent, multas blasphemias contineri, ne de aliis loquatur, quos occultos fortè servabant, solis, ut ipsi ajunt, perfecti parentes.

97. In quarto hoc articulo observatione digno, S. Thomæ (Apostoli) actorum meminit, ubi dicitur sanctum Apostolum non baptizasse in aqua, sed in oleo. *Quod quidem (ait) isti nostri non recipiunt, sed Manichæi sequuntur, quæ hæresis eisdem libris utitur, & eadem dogmata, & bis deteriora sectatur.* Meminit item aliorum, scilicet S. Andreae actorum, illorumque qui S. Joannis vocantur, quos sacrilego Leucius ore conscripsit, atque item alterius libri, qui vocatur *memoria Apostolorum*, ex quibus Manichæi & Priscilliani, vel quæcumque illis est secta germana, omnem bare.

¹ In Collect. Conc. Hisp. pag. 135.

² Lib. 11. cap. 59. ³ In collectione pag. 137.

⁴ Tomo 6. ad an. cxxxviii num. 3. ⁵ Padilla cent. 5. cap. 20 fol. 351.

⁶ Tomo 2.

⁷ Cos. Thoma de Ang. 2. & ipso Cynegio an. cccxxxviii sive cxi cxxxvi.

⁸ De script. t. In Apologice.

⁹ Lib. 2. Hist. Eccles.

¹⁰ Lib. 11. cap. 57 & 59. ¹¹ Dicto Tomo 1. Hist. die vi. Maji pag. 102.

hæresim suam confirmare nituntur. Specialiterque de dicto libro *Memorie Apostolorum*, ait, destruere totam legem veteris Testamenti, & omnia quæ sancto Moyse de diversis creaturæ factorisque divinitus revelata sunt. Quamvis enim mirabilia illa atque virtutes (quæ in his libris scripta sunt) sanctorum Apostolorum, vel esse, vel potuisse esse non dubium sit; ita disputationes assertionesque illas sensuum malignorum ab hæreticis constat insertas.

98. His è Scripturis subjungit, diversa testimonia blasphemis omnibus plena (quod quinto loco observamus) sub titulis suis adscripta digessi, quibus etiam, ut potui, pro sensus mei qualitate respondi. Quod ideo necesse habui paulo latius vestris auribus intimare, ut vel posthac nemo quasi inscius rerum dicat se simpliciter hujusmodi libros vel habere vel legere. At Turibius opus suum ita descriptum Idatio & Ceponio dirigens, eos precatur, ut cum aliis fratribus communicent, & quæ sint veræ fidei principiis solidata sic amplectantur, ut contrariam ignorantie excusationem spirituali gladio refecare, & ignota divini verbi virtute compescere possint. Quæ omnia, digna quidem scitu, nec passim obvia, quia non aliunde magis liquidò haberi possunt, veluti descriptione aut paraphrasi comprehendimus. Videtur tamen nondum Turibius ad Episcopalem Asturicensis urbis dignitatem hoc tempore ascendisse: siquidem ad Episcopos scribens, non quidem fratres eos, nec se aliter quam Turibium nuncupavit^e.

99. Hinc nata examinis cura de quibusdam Manichæis sive Priscillianistis, ab Idatio & Turibio, jam tunc Episcopo Asturicensi, facti; cujus quidem acta sese ad Antoninum Emeritensem remisisse utriusque nomine, Idatius in Chronico reliquit scriptum^f, & nos in Idatii mentione docuimus. Quemadmodum & Leonem Papam, qui tempore isto sacris præerat, literis Turibii monitum, eam ad hunc epistolam scripsisse, quæ inter Leonis XCIII. loco nunc legitur. Ex qua quidem noscimus Turibium diaconum suum ad Papam cum literis destinasse, quibus adjunxit Commonitorium quoddam, & diversum ab hoc, uti videtur, libellum. In his scriptis fidei, quantum potuit, diligentia (ut Leonis verbis utar) damnatas olim opiniones decem & septem capitulis comprehendit. Hos laudat Turibii libros Montanus Episcopus Toletanus in epistola ad fratres & filios Palentini territorii scripta, cujus infra redibit mentio.

100. Quibus quidem strictim pertractatis, eleganterque argumentorum pondere afflatis, docet apocryphos libros istos^g, in quibus Diſtini (corruptè *Diſtici* legitur) tractatum quendam comprehendit, debere ab Episcopis omnino interdici, atque ignibus concremari^h; adjungitque se fecisse ad publicam pervenire notitiam Manichæorum quorundam, quorum cum Priscillianistis unum prorsus nefas est, una obscenitas, & similis turpitudine, ut ipse loquitur, sollicitissimis inquisitionibus, sui que ipsorum oris confessionem deprehensam convictamque turpitudinem. Cui quidem conveniunt Idatii hæc: *Per Epi-*

scopum Romæ tunc præsentem gesta de Manichæis per provincias diriguntur.

101. Pergit inde Leo Turibio imponere, ut literis Apostolicis, quas se direxisse ad Episcopos Tarraconenses, Carthaginenses, Lusitanos, atque Gallæcos (excidit Bæticorum, quæ alibi est^x, mentio) de generalis Concilii celebrando congressu ait, susceptis, eas sollicitè ad eorum manus pervenire faciat, ministrum in hac re Pontificium destinans. Nec aliter intelligendi sunt Concilii Bracarenſis patres, cum Leonem Papam per Turibium notarium sedis sue ad Synodum Gallicie contra impiam Priscilliani sectam scripta sua direxisse ajunt^l: de cujus vocabuli & muneris ratione curiosè agit, alia quævis suggerens, magnus Annalista^m, aut notario quidem suo ante Episcopatum Asturicensi jam præfule usui etiam Leo fuit, præferens eum aliis, quòd sibi ob hunc titulum familiaritatis plusquam aliis obnoxius fuisset.

102. Quare minis audiendi sunt, qui à Turibio Episcopo diversum alium Sedis Apostolicæ notarium comminiscunturⁿ, per quem literas ad Turibium Episcopum Leo transmiserit. Id enim per diaconum Turibii Pervincum fuisse adimpletum Idatius disertè refert, paullo post laudandus: unde falsitas deprehenditur Luitprandini *Adversarii* 17. Turibium hunc notarium laudantis, à Ceponio factum Tudenſem archidiaconum, ejusdemque Ceponii in eadem Ecclesia Tudenſi successorem. Quem tamen Bivarius^o accipit de Episcopo Asturicensi, huic uni archidiaconatus Tudenſis, deinde ejus urbis Episcopatus, tandem Asturicensis, muneribus consignatis: intolerabili errore, & in viro ita diligenti, egregieque in Turibii rebus exponendis versato, vix dissimulando. Turibium enim, qui vivo Ceponio erat Asturicensis Episcopus, ut ex Leonis constat epistola, ejusdem Ceponii Tudenſis præfule facit in hac ultimò dicta Ecclesia successorem ex Tudenſi archidiacono.

103. Sequitur in Leonis epistola: Si autem aliquid, quod absit, obstiterit, quominus possit celebrari generale Concilium; Gallicie saltem in unum conveniant sacerdotes: quibus congregatis, fratres nostri Idatius & Cepomius imminubunt, conjuncta cum eis instantia tua, quo citius vel provinciali conventu remedium tantis vulneribus afferatur. Hæ datæ fuere literæ Alypio & Ardabure Consulibus, hoc est anno CDXLVII. Quo ann. scilicet tertio CCCVI. Olympiadis, Idatius id ipsum contigisse docuit. *Romane Ecclesie* XLIII. præſidet Episcopus Leo. Hujus scripta per Turibii Episcopi diaconem Pervincum contra Priscillianistas ad Hispanienses Episcopos deferuntur. Inter quæ ad Episcopum Turibium de observatione catholicæ fidei, & de hæresum blasphemis disputatione plena dirigitur: quæ tamen (subneſcit) ab aliquibus Gallicie subdolo probatur arbitrio. Quo Idatii testimonio, post Baronii tempora publici juris facta, egregie confirmatur rem ita gestam.

104. Sed tamen Idatio nihil acceptum debemus de executione jussorum Leonis in

^e Observat Bivar. ad Maxim. ann. CDXLVIII. num. 6. §. 30.

^f Olymp. cccvi. ann. 1. Christi CDXLV.

^g Ejusdem Epist. cap. 16.

^h Cap. 15.

ⁱ Olymp. cccvi. num. 1.

^x In Concilio Bracar. 1. de quo infra.

^l Ita censet Padilla cent. 5. cap. 23. in fine.

^m Tomo 6. ad an. CDXLVII. num. 12.

ⁿ Morales lib. 11. cap. 26. Loaisa in *Notis ad epistol. Montani ad Turibium*, Concilior. editionis pag. 91. Tamajus in *Mart. Hisp.* 2. die xvi. Apr. pag. 663. Mariæ lib. 5. *De los santos de España*, cap. 9. Quos improbat Bivarius ad Maximum anno CDXLVI. num. 6. §. 16. pag. 154. ^o Ad Maximum anno CDXLVII. n. 6. §. 22. pag. 157. & §. 30. pag. 159.

in Hispania, Turibiique legationis effectis. Immo rem subdolè ab aliquibus innuit peractam in Gallæcia. Bracarenfis tamen Concilii, quod *primum* audit, in ea urbe an. DLXI. sub Ariamiro Suevorum rege habiti, actis *P* docemur, non solum Gallæciæ Synodum istam, sed & veluti nationalem alteram cæterarum quatuor, quas diximus, provinciarum coactas, ex qua ultima ad Balconium Bracarensem *Fidei regulam contra Priscillianam heresin, cum aliquibus capitibus* directam fuisse tradunt: quo scilicet alteri Gallæciæ Synodo seorsum habito conformem Pontificiis capitibus fidem se profiteri reliqua contestaretur Hispania. Diserteque Bracarenfis hæc Synodus, integris xvii. Leonis Papæ capitibus in compendium redactis, Priscillianam heresin adhuc non omnino extinctam de novo improbens, Diſtini illius tractatum meminit, quos ipse (ait) *antequam converteretur scripsit*. Is nempe est Diſtinus Episcopus, cujus in Toletano congressu retractationem, veræque fidei professionem inter alia continent confusa, & ex variis contexta, Toletani primi Concilii acta *q*; quæ & *Fidei* hanc, de quo dicimus, ad Balconium directam, ex Toletano alio longè diverso Concilio *Regulam*, primi illius actis immixtam habent. De quo Diſtinio alibi nos docuimus *r*, quum de Priscillianiani sectatoribus & hyperaspistis egimus. Adeo quippe altas infania hæc fixerat, in ea præsertim Hispaniæ provincia, radices, ut non importunum huic malo remedium se apportare hujus tēporis Episcopi existimarent.

105. Quinimmo hoc ipso sexto sæculo, quo habita est Bracarenfis Synodus, in Palentino etiam Tarraconensis Hispaniæ territorio perditissima ista Priscillianiani secta *tam actis quam nomine* adhuc laudabatur, ut verbis ac testimonio utar Montani Toletani Episcopi, qui Toletanæ Synodo anno DXXVII. sub Amalarico celebratæ pro munere præfuit, ex epistola ejus ad ejusdem *Palentini territorii fratres* (ut præferebat) *& filios* inscripta, & cum actis laudatæ Synodi ad nos transmissa *s*. Libenter enim hujus hic meminimus; quia scilicet Montanus eo præcipuo argumento damnatæ sæpius heresis laudatores urget, quod ignorare ii non possent *beatissimi ac religiosissimi viri Theoribii* (ita vulgò editur) *Episcopi ad sanctum Papam urbis Romæ Leonem libros editos, in quibus (ait) hanc sordidam heresim explanavit, aperuit, & occultam tenebris suis, perfidiæque nube velatam, in propatulo misit*. Quæ quidem verba Montani tam clara sunt pro Turibii nostri navata in re opera, & conscriptis libris, ut mirer, qui possint oculis utentes, hunc, de quo loquitur, Leonis æqualem quinti sæculi Turibium, cum illo confundere, ad quem inscripta est alia ejusdem Episcopi Montani epistola *u* quantumlibet de eadem secta loquentis, ac Turibii hujus alterius sui temporis, hoc est sæculo sexto florentis, meritum in profligandis Palentini territorii Priscillianistarum reliquiis commendantis *x*. De quo nos cum ad hanc ejus ætatem devenerimus, iterum mentionem faciemus.

106. At cuncta hæc veræ historiæ irrefragabilibus documentis roborata meræ fabulæ erunt, si Pseudo-Julianum aliquo pretio habebimus. Hic namque non solum distinguit *y*, quod & alii faciunt, Turibium Episcopum Asturicensē à Turibio Leonis Papæ notario; sed absurditatibus ferè totus constans, Leonis ad Turibium, ejusdemque Turibii ad Idatium & Ceponium epistolas, integramque Leonis legationem, non Asturicensi illi, sed notario attribuit, quem monachum postea fuisse dicit, & patria Brigantium in Gallæcia; cujus quidem posterioris, ex longa peregrinatione, in Hispanias reditum, datamque ab eo ad Idatium & Ceponium epistolam, non ante ann. CDLXXII. ponit. Cum ex suprâ notatis certissimum sit anno CDXLVII. aut circiter hæc omnia per Episcopum Asturicensē Turibium Leonis nomine expedita, & Concilia duo illa, sive unum (ut interim id quibusdam demus *a*) coacta Leonis auspiciis adversus Priscillianos fuisse: quæ quidem Concilia, & Leonis epistolam ad Turibium necessario præcesserat alia Turibii ad Idatium & Ceponium, siquidem in hac nullam is facit, quod maxime debuit, nec Leonis ad se datæ epistolæ, nec celebratarum antea Synodorum mentionem.

107. Præterea qua fronte Pseudo-Julianus ait *b* Toletanæ isti Synodo auspiciis Leonis habitæ Idatium præfuisse Bracarensem Episcopum, cum ex eadem Synodo directâ illa *Fidei professio*, cujus suprâ meminimus, ad Balconium Bracarensem Episcopum fuerit? Duo nempe, si hunc nugatorem sequimur, Bracarenses Episcopi: alter assidebat fratribus in Concilio, alter præsidebat domi filiis. Nihil hic Tamajus noster martyrologus in Turibii mentione *c*, nisi sequitur cæcus cæcum: & quia tamdiu post Leonis obitum Turibii monachi sui reditum planus collocat, ausus fuit Tamajus dicere, quod S. Leonis notarius in Hispaniam missus, peregrinationibus tempus terens, Leone jam è vivis sublato, in eam appulerit. Fidelis forsan, & prudens minister Leonis Pontificis Tamajo visus fuit, qui ante CDLXI. quo Leo decessit, annum, in Hispaniam missus, plusquam decennium peregrinando contriverit, demumque anno CDLXXII. aut circiter, Leonis tot ante annis vitæ functi de rebus urgentissimis ad Turibium, reliquosque omnes Hispaniarum Episcopos datas olim literas, strenuissimus, ac muneris sui diligentissimus notarius advexerit. Nos tamen libenter finimus judicium Tamaji approbare eos, qui suo uti nequeunt.

108. Turibii demum commemorationem insertam habent dierum Ecclesiasticorum fastis plures olim Hispaniarum Ecclesiæ *d*. Unde jam sic in Romano legitur Martyrologio xvi. die Aprilis: *Palentia S. Turibii Episcopi Asturicensis, qui ope S. Leonis Papæ heresin Priscillianiani ex Hispania penitus profligavit, clarusque miraculis in pace quievit*. Quod fortè ex additionibus Molani ad Ufuardi Martyrologium magnus vir desumpsit. Nollent aliqui ex nostris *e* Palentia hanc memoriam à Baronio

y In Chron. n. 230. & 247.

z Num. 247

a Unius Concilii Nationalis meminere Garibajus lib. 8. cap. 7. Mariana lib. 5. cap. 4.

b Diſt. num. 247.

c xvi. April. tom. 2. Martyr. Hisp. pag. 663.

d Asturicensis, Palentinæ, Burgenfis, Seguntinæ, Segobienfis, meminit Padilla cent. 5. cap. 23. fol. 367.

e Bivarius ad Maximianum ann. CDXLVIII. n. 6. pag. 154. §. 15.

p In Collectione Loaisæ pag. 116.

q In editione Loaisæ pag. 47.

r Lib. 2. cap. 5.

s In editione Loaisæ post Concil. Tolet. 11. pag. 88.

t Loaisa in notis ad hanc epistolam in hac sua editione pag. 91.
u In editione Loaisæ pag. 89.

x Rectè distinguit Morales lib. 12. cap. 26.

f Ita Jeyes
in Chron. Be-
ned. ordin. cent.
1. an. DXXXVII.
cap. 3.
g De script.
Eccles. cap. 3. de
Montano.

h Tamajus
die XVI. Maji
pag. 667.

i Marieta
lib. 5. cap. 9. Ga-
ribai lib. 8. cap.
7. Padilla cent.
5. cap. 23. Basi-
lius Sanctus in
Flora SS.
Hispan.

k Jeyes in
Chron. Ord.
Benedictini
cent. 1. anno
DXXXVII. cap.
3. Sandoval in
Fundationibus
monaster. Ord.
S. Bened. Bi-
varius ad Ma-
ximi annum
CDXLVIII. n. 6.
§. 21. pag. 156.

ronio adscriptam, quæ Asturicæ propria est, Turibius enim Palentinus, non Episcopus, sed monachus f, ab Ildephonso laudatus g, diversus omnino est ab Asturicensi nostro, distinguitque Ildephonso ipse, qui & miraculum ab eo vestiarum absque ullo detrimento vestis ardentium prunarum, donec coram sedis suæ sacro altari totius Missæ celebritatem per semetipsum expleret, quo exprobratum ei falsò impuritatis crimen fuit dilutum; non quidem alicui ex duobus Turibijs, sed Montano urbis Toletanæ attribuit præfili, Idcirco vereor ne verbis Ildephonso perperam intellectis, qui de Turibio & Montano in eodem capite ac simul loquitur, posterioris Toletani miraculum priori Asturicensi, duove similia eorum singulis, quod parum verisimile est, recentiores nonnulli h, citatis etiam actorum in legendarijs, ut vocant, Ecclesiarum antiquis exstantium testimonijs temerè attribuant, Ildephonso enim Archiepiscopi Toletani de Montano, ejus ante unum sæculum decessore, quod exstat, præ alijs omnibus haberi debet.

109. Item alteriusne, monachi videlicet Palentini, an nostri sit Asturicensis Episcopi alterum illud miraculum excrescentis ad nuntum & preces sancti Dei ecclesiastæ Carrionis fluminis, Palentinæque, quam alluit, urbis partem, simulque protervos Priscilliani sectatores fada inundatione obruentis, examinare nostrum non est, qui Bibliothecam, non Martyrologium scribimus. Præstò sunt i, ex quibus dubiæ rei momenta peti, & in examen vocari poterunt. De venerabili autem Dominicæ crucis fragmento, seu potius brachio, ut refertur, integro, quod à Turibio Asturicensi ab Hierosolymis portatum magna veneratione usque nunc colitur in monasterio S. Turibii Libanensis, seu de Lievana in Asturijs dicto, latè quoque à nostris agitur k.

110. Priusquam hinc abeam animadversione non indignum existimo minus rectè dici successisse Turibium in sede Asturicensi Diastinio Episcopo. Hic enim anno CD. quo habitum fuit Toletanum quoddam Concilium, perperam primum dictum, è vivis jam sublatus, atque ideo cum titulo bonæ memoriæ appellatus fuerat: cum è diverso Turibius noster ante annum CDXLVIII. vix potuerit Pontificales infulas ejusdem urbis adipisci. Absolvam de Turibio utroque hucusque dicta, si tantum ostendero Pseudo-Maximi, qui se imprudenter fingit jam dictarum ambiguitatum conscius, putidissimæ simulationis notâ insigne testimonium quod sequitur: S. Turibii Palentinæ sedis Episcopi ex monacho Benedictino, cujus anniversarius dies est 1. Novembris, memoria celebris habetur in monte Libanensi, ubi corpora sanctissimi monachi, & Episcopi non monachi, jacent. Sapiunt ne ista alium, quàm Toletanum hujus temporis calamum?

111. Nec major habenda fides ei, qui nuper pro certo posuit Turibium Asturicensem auctorem epistolæ ad Idatium & Ceponium, de quo agimus, Italum Taurinensem

fuisse ex nobili de Becutis, etiam nunc exstante, familia. Hic est Andreas Rosotus à Monte-regali Cisterciensis monachus, in Syllabo scriptorum Pedemontanorum anno MDCLXVII. Monte-regali edito, testem rei producens unum Guilielmum Baldezanum in Ecclesiastica historia, quæ ms. exstat in Ducis Sabaudie bibliotheca. Sed non legerunt hi laudatam ad Idatium & Ceponium epistolam, ubi apertissime patriam Hispaniam Turibius proficitur,

112. CEPONII jam laudati Episcopi carmen illud esse existimatur De fabula Phaëtonis, ad Satanam de cælo detrusum relata, ut observavit nostri temporis Thomas Reinesius epistolâ 83. ad Christianum Daumium, eruditorum Germaniæ, ut audit, flos. Barthius monachum fuisse Ceponium credidit: cui adversatur hic Reinesius, atque iterum epist. 86. & epist. 90. Ceponii carmen istud vulgaturus erat, si vixisset, laudatus Barthius lib. 109. Adversariorum, uti Daumius refert epist. 89. nescio quid adjiciens de commentario ejusdem ad Papinium, in quem forsitan & id conjecit. Idem Daumius epist. 93. non totum Ceponii carmen à Barthio Adversariis ineditis commendatum fuisse ait, immo reliquum in alios tomos aut libros reservatum; qui tamen versu 136. & sequentibus ætatem suam indicare videtur his verbis:

Vincit, ovat Ecclesia Christi,
Quæ quadringentis toties luctata sub annis,
Incipit in quinto latè florescere sæclo.

CAPUT V.

Falsò adscribi nostræ genti CLAUDIANUM poetam hujus quinti sæculi, Alexandrinum, suffragantibus Pseudo-Dextro, & confictio Hauberto Hispalensi. Eorundem temeritas in Hispania SEDULIUM Scotum, & Pseudo-Luitprandi CEREALEM Afrum, attribuendo. Castulensis Episcopus unde is dictus? LEPORIUS item Afer aliunde fuit, non Hispanus. PROSPERI Aquitani natales à nomine Hispaniæ malè adscripti, sicuti etiam FULGENTII Ruspensis Episcopi. SEVERUS Lamecensis Episcopus commentum est pseudo-historicorum recentium. De Haubertinis scriptoribus Hispaniæ temerè adscriptis: scilicet BERGUDIO AULO, STEPHANO diacono, GAUDENTIO diacono, LUCIO MARCO oratore, AURELIO philosopho, MAURICIO, MARIANO poeta, ANTONINO diacono, CAMARIANO AELIO, & LABARINO poeta. VERUS, vitæ Eutropii auctor, non Hispalensis, sed Arausicanus in Gallia Episcopus fuit. Trithemii error.

113. LAUDAVIMVS eos scriptores, qui ex hoc quinto sæculo verè nostri sunt. Nunc ad suos permittemus abire, immo usurpatæ civitatis damnabimus, quos aut inadvertenter aut adulatoriè in censum Hispanæ gentis quidam conjecerunt recentiores.

114. CLAUDIANUS poeta celeberrimus, Theodosii filiorum æqualis, hoc est ineuntis hujus sæculi, in primis remittendus est Ægyptiæ suæ genti, & Alexandrinæ urbi, quam ejus

l Carm. ad Felicem.

m Parrasius vita ejus, Bergom. lib. 9. *Chronie. Sabellicus enmend. 7. lib. 9. Vadianus De Poetica Vives ad S. Aug. De civ. Dei* lib. 9. cap. 26. Pet. Mexia in *vita Theodesti*, Salmasius *pref. in exercit. Plin. & alii à Barthio* laudati in sua edition. StanKius *De Rer. Rom. script.*

n Politianus, Petrarca, Londinus, Collutius, apud Barthiū in *Claudianū vita* Quos taxat Jo. Ludov. Brasicanus *notis ad Politiani Nutriciū.* o Bergom. lib. 9. Hartm. Schedel. in *Chron.*

p Lib. 7. *Roma triumphans.* q *Hisp. B. luf.* tom. 1. r Anno cccxci. num. 1.

s De civ. Dei lib. 5. cap. 26.

t Lib. 5. *Hist. cap. 35.* Attamen Thomas Mazza "Dominicanus, vitam hujus poetæ adnexuit *Apolo- giam pro ejus Christiana religione.*

u Jo: Ludov. Vives in *D. Aug. lib. 5. De civ. Dei* cap. 26.

x Anno cdxviii. n. 1.

y Labbeum vide in *Dissert. De script. Eccles. verbo Sedulius.*

z Cap. 9.

ejus patriam, cum Apollinaris Sidonius^l, qui eum *Pelusiaco satum* dixit *Canopo*, tum Suidas, cæteri que ab iis noviores^m laudant. Florentini quidem cives n arrogant urbi suæ parentem ejus, sive originem, nullo autem vetustatis documento. Aliis o Ægyptium cum natalibus, Florentiæ habitasse excidit. Genere tandem Hispanus audit apud Blondum^p, cui statim credidit noster Taras, dum Theodosii res persequitur in tractatu suo *De Hispanie Regibus* q; eaque res jam aliquibus videtur maximè certa, ex quo Pseudo-Chronico Dextri Toletani fuit insertum: *Claudianus poeta ex Hispania oriundus Romæ floret*. Poetæ originem civi ejus & æquali Dextro credemus utique: novitio & abortivo Toletanæ urbis partui cras credemus. Sed neque hic substitit Thraconica mentiendi audacia. Nam, quod ante aliquot annos erumpere fecit è lethæa abyſſo Gregorius Argæzius Lucroniensis Benedictinus, Hauberti Hispalensis Chronicon, patriam quoque Claudiani apud nos constituit. *Claudianus poeta Juliobrigæ natus Romæ floret*. Quod interpretatur Argæzius Lucroniensis: *Juliobrigæ*, idest, *Lucronii*. ut hinc verti in dubium possit, inventorisne Antonii Lupiani, an scholiastis Argæzii Haubertus ita primùm conceptus fuerit. At egregiam se navasse operam in re comprobanda, tam Bivarius quàm idem Argæzius putant, quod Hispaniæ laudes apud Claudianum sæpius recurrentes collegerint. Cum verè Hispanis Imperatoribus Arcadio & Honorio, Augustæque familiæ id urbanè & obnoxie, ne dixerim adulatoriè, datum fateri fatius sit. Adeo ut ex his qui ethnicum, & idolorum cultorem, cum Augustino^s & Oroſio t Claudianum jure credunt, non nemo existimet^u, carminis illius in Christi laudem, quod incipit: *Christe potens rerum* &c auctorem quoque eum fuisse in Christiani Imperatoris gratiam compositi; quemadmodum de Triboniano dicitur, tam recta & plura de religione Christianorum in *Pandectis* Justiniani Imperatoris Christiani, quantumvis pagani, inseruisse.

115. SEDULIUS quoque sacrorum carminum, *Paschalis* inquam *operis*, poetæ, si aures Toletani Dextri præstamus fabulis, Oretanus Episcopus in Hispania fuerit. Is enim hæc habet x: *Fetadio Pontifici Toletano succedit Isidius monachus Palæstinus, qui Sedulium amicum suum, & Oretanum Episcopum, prædicationis gratia Toleti detinet, qui dono Dei in poësi oratoriaque præclarus multos libros componit*. Eadē ferè in Chronico suo ad an. CDXXVIII. Pseudo-Haubertus effutivit. Proclivis sum ut credam, Episcopali munere in Hispania tributo, Hispanos quoque natales subindicare voluisse auctorem. Sed tam falsum est ortum apud nos Sedulium, quàm Episcopum alicubi fuisse. Scotiam ejus in Hibernia originem quidam agnoscunt scriptores: alii y non liquere sibi ajunt. Nec si Hispanus fuisset, Isidorus dissimulasset z catalogum paucorum scriptorum scribens. Cujus etiam testimonio nusquam sacris eum præfuisse contendimus. Presbyterum enim dumtaxat vocat, æquè ut *Gebliotheca vetus Hispana* Tom. I.

lasius Papa *venerabilem virum* tantum, non Episcopum. Asterius item Conful, qui de mortui poetæ carmina inter chartulas, ut ait, dispersa, collegit ac vulgavit (ut ex epigrammate codicis cujusdam Rhemenſis Sedulianis carminibus subiecto, perque Jacobum Sirmondum publici juris factò, liquet) Sedulium præfulem *Justi Sedulii* tantum titulo vix appellasset, Pontificalibus ornatum infulis virum laudaturus a.

116. CEREALIS, quem anonymus laudat b Isidoriano & Ildephonſino scriptorum Ecclesiasticorum catalogis subjunctus, æquè falsò Pseudo-Luitprandus *Castulonensem*, hoc est in Hispania Episcopum, vocat c. Hujus meminit præter memoratum anonymum Gennadius, quibus fidem adhibere, quàm supposititio illi, præstat. Gennadius, *Cerealis* (ait d) *Episcopus natione Afer, interrogatus à Maximiano Arianorum* (aliàs *Africanorum*) *Episcopo, si paucis posset, vel divinæ Scripturæ testimoniis, absque disputationis dumtaxat assertione, fidem catholicam assignare. Quam ille in nomine Domini, suffragante sibi veritate, non paucis testimoniis, sicut Maximianus irridens petierat, sed copiosis, tam veteris quàm novi Testamenti indiciis approbavit, & libello edidit*. Anonymus autem explicite magis, *Cerealis* (inquit) *Castulensis Ecclesiæ Episcopus*. Hic dum apud Carthaginensem Africæ provinciæ urbem venisset, de fide S. Trinitatis cum Maximiano Ammonitarum (loco *Arianorum*, seu *Africanorum* Gennadii) *Episcopo concertatus est, respondens propositionibus ejus, non eloquiorum argumentis, sed testimoniis sanctarum Scripturarum*. *Exstat hoc ipsum idem opusculum XIX. responsionum capitibus præsignatum*. Quod quidem Cerealis opus adhuc superest in *Bibliothecis sanctorum & veterum PP.* legendum.

117. At quem Afrum natione fuisse è Gennadio novimus, æquali, tamque idoneo scriptore, cur tribuamus ei Hispanam Ecclesiam, eaque relictâ, in Africam, & Carthaginem navigationem, eique uni extero tot inter Africanos antistites adversantem super fide sanctæ Trinitatis, ejusque propugnandæ forma, & ad certamen provocantem Arianum Episcopum? Non quidem id statim persuasisset germanus Luitprandus; immo scripturam tentaremus, & criterio panderemus ingenii vela, ne parum verosimile auctor dixisset. Aut enim Gennadius, qui nationem Cerealis Africanam, & Episcopatum exprefcit, munus istud ab eo peregrè gestum non tacuisset; aut anonymus, qui non gentis, sed Episcopatus meminit, gestorum à Cereali in Africa mentionem facturum, si aliunde huc advenisset, id minimè dissimulasset. Deest quidem in Africanæ Ecclesiæ monumentis, præsertimque in *collatione Carthaginensi* catholicos inter & Donatistas, quæ verè albus est Africanarum Ecclesiarum, *Castulensis* nomen. Abest tamen, nec parum, hoc à *Castulonensis* nomine, quod Cereali imputatur. Quare si admovendus est correctorius stylus, quærendaque domestica hominis Africani Ecclesia; *Castellana* non una prope est, quarum alicujus Severinus Episcopus eidem collationi

a Labbeum vide ubi supra, ubi de Sedulio satis multa. b Cap. 10.

c In Chron. ad annum cmlx. seu cmlxxviii.

d De script. Eccles. cap. 96.

Cc

sub-

e Cap. 180. subscriptus legitur e. In *notitia* autem *Episcoporum Africæ* à Sirmondo cum *opusculis* quinque *dogmaticis* veterum scriptorum Parisiis MDCXXX. edita, inter Episcopos Numidicæ Honoratus, itemque Petrus inter Mauritanicæ Cæsarensis, necnon & Felix inter Mauritanicæ Sitifensis, omnes cum *Castellani* titulo recensentur, præter alios Ecclesiarum Castro-Seberianensis, Castelli-Mediani, Castelli-Tatroportensis, & Castello-Ripensis, ejusdem Mauritanicæ Cæsarensis. Cum enim à Castello dicta sit necessariò Castellana Ecclesia; non minùs grammaticè *Castellensis* quàm *Castellanus* appellari potuit ejus Episcopus.

f Ad annum edvii. g In comment. hujus loci.

118. Ejusdem audaciæ, & propositi gemellorum istorum omnium pseudo-historicorum communis fuit, LEPORIUM, quem è Pelagianismo reduxit S. Augustinus, Uticensem in Bætica Episcopum à Pseudo-Dextro fingi f. Quem verè Afrum domo, ut ex S. Augustino ipse fatetur Bivarius g, neque scriptorem, sinamus alibi extra Bibliothecam Hispanorum scriptorum de Episcopatus sui Uticensis loco causam agere.

h De script. cap. 34.

119. Miror tamen quòd istorum aliquis PROSPERI AQUITANI nomen in hoc nostrorum scriptorum censu nondum sit professus. Cum aliquando auditum sit natalibus eum fuisse Hispanum. Lillii Gregorii Giraldis dialogo v. *De poetis* hæc sunt verba: *Quo eodem Leonis tempore in Italia Prosper claruit, qui ex Hispania originem duxit, vel (ut rectius alii tradunt) ex Aquitania*, &c. Verùm cum ille à Gennadio audiat h *homo Aquitanicæ regionis*, & ab Isidoro lib. 6. originum, ubi de Cyclo Paschali, *natione Aquitanus*, nec ullus, quem viderim, alius, funem contentionis cum Gallis seu Aquitanis trahere velit, nec nos trahemus.

120. Impudentius verò mendacium fingi non potuit, eo quod in FULGENTIO Ruspensi Episcopo dictum fuit à Juliano archidiacono Toletano hypobolimæo. *S. Fulgentius Episcopus Ruspensis in Africa* (in Chronico ait num. 159.) *natus civitate Toletana, patribus, avis, & proavis Tolenanis, qui cum Regibus Wandalorum trajecerat, in Africa obiit minor octogenario, lumen Ecclesiæ*. Non sic audacter ejus collactaneus Maximus, qui originem, non verò patriam in Hispania Fulgentio assignavit, scribens in Chronico ad annum CDLXXXIX. *Fulgentius oriundus Toletus natus Lepte, patribus tamen Hispanis ex ordine senatorio ad Africam transmigratis, monachus, & post Episcopus factus Ruspensis, multa pro fide patitur*. Bivarius autem in Commentario, ut Juliano hunc conciliet, apud istum legit: *natus in civitate Leptana, loco Toletanae*. quod editum fuisse supponit: quod verum non est: nec improbat parentes Fulgentii seu avos unà cum Wandalis olim venisse in Africam è Toletis, ubi Duum-viri, seu è Duum-viris (sic enim interpretatur eos è senatorio fuisse ordine) Carthagineque Africana domum fixisse, ubi & eadem sanguinis prærogativâ gavissi, Leptim inde Byzacenæ provinciæ transmigrantes, Fulgentium ibi filium genuere. Fucus

hic Bivarii quo obducere voluit fædissimum, si quod unquam, mendacium.

121. Cui quidem, ut excusemus aliquo modo errorem recentioris horum Chronicorum architecti, ansam porrexit ille, qui sæpius aliàs decepit eum, in foveam erroris secum præcipitans, Equilinus Episcopus *catalogi sanctorum auctor*, apertè docens, in *civitate Toletæ Hispaniæ* Fulgentium natum. Quocum cespitavit etiam Cabilonenfis, & Maurolycus Abbas *, & hos duces sequuti, qui è nostris absque examine omnia credunt¹. His si præ antiquis scriptoribus fides habita fuit à supposititiis Juliano & Maximo, ineptæ hi quidem stoliditatis convitio traduci; si autem ab iis non inadvertentibus renunciatum veritati dolo fuit, & noviorum error sponte admissus & commendatus, ut etiam non bona fide partibus adhærent; perversæ ac præposteræ charitatis in patriam titulo notari merentur. Præstāset utiq; ab Isidoro^m non discedere, qui Afrum palam Fulgentium vocavit, uti & Honorius Augustodunensis n. Immo Ferrando, aut si quis est alius, vitæ auctori, plusquam centum Equilinis & Maurolycis cunctæque catervæ noviorum credere. Quo sanè viso, & ad rem adducto, Bivarius nil retardari debuit famæ suæ prospiciens, quin contestatum ab æquali & discipulo Fulgentii genus ejus & patriam ex animi sententia contra falsæ originis assertores propugnaret, & inventis frugibus velle adhuc glandibus pasci defineret. Verbis Ferrandi non potuit quicquam luculentius & expressius concipi. *Beatus igitur & verè Fulgentius, nobili secundum carnem genere procreatus, parentes habuit ex numero Carthaginiensium senatorum. Avus denique ejus nomine Gordianus, dum Rex o Geisericus memoratam Carthaginem victor invadens (acta sunt hæc anno CDXXXIX. p) senatores plurimos, immo cunctos, amissis omnibus bonis ad Italiam navigare compelleret, inter ceteros etiam ipse impositam peregrinationem libenti voluntate suscepit, volens saltem facultatibus perditis, non perdere libertatem. Post cujus obitum, duo ex filiis ejus spe recuperandæ hereditatis Africanam provinciam repetentes, manere jam intra Carthaginem minime potuerunt, domo propria donata sacerdotibus Arianis. Sed possessionibus suis ex parte per auctoritatem regiam repetitis, ad Byzacium perrexerunt; ibique in Tellepte civitate unus eorum nomine Claudius, ex conjuge nomine Mariama (aliàs Marriana) Christiana scilicet & honesta femina, istum, cui tanta gloria debebatur (Fulgentium) feliciter genuit. Itaque Tellepte (non Toleti, nec item Lepri, quod habet Maximus, & Bivarius credidit) Byzacenæ provinciæ metropoli, ignota quidem & indicta geographis antiquis, sed è conciliaribus Ecclesiæ Africanæ monumentis notissima, natus Fulgentius fuit; avus Gordianus ex senatoribus Carthaginiensis urbis à Wandalis patriâ pulsus in Italiam transiit; inde pater Claudius in Africam rediit, & cum Carthagine manere non posset, in Telleptensem se recepit urbem. Anne ulla rima in his, per quam ad Fulgentii res à discipulo commemoratas penetrare Toletum possit? Cæci ipsi viderint.*

122. Sed

i Topographia, verbo *Hispania & Carthago nova*.

k In martyrii. Januarii.

l Marieta de SS. Hispan. lib. 5. cap. 93. P. sa Hist. de Toledo lib. 5. cap. 36.

m De script. cap. 14.

n De script. cap. 16. lib. 3.

o Aliàs Geisericus.

p Chisethum vide in Notis.

122. Sed non contentus transformator multiplex noster scriptores vertere solum facere, ac transportare de loco in locum; SEVERO Malacitano Episcopo, à S. Isidoro inter scriptores laudato ^p, cognominem alterum comminiscitur Lamecensem Episcopum, eundemque scriptorem, cui prioris illius librum *De virginitate ad sororem* tribuit, verbis sui Dextri ^q. Severus Episcopus Malacitanus (Bivarius vellet Lamecitanus) scripsit librum ad sororem de virginitate. atque item sui Maximi: Severus Episcopus Lamecensis florere scriptis: interfuit primo Concilio Toletano. Quibus comitem se dedit novioris alterius sterore Haubertus in Pseudo-Chronico suo ad ann. CDXXXII. quem florere ait XLIV. annis postquam scripsisset Episcopus ad sororem laudatum opus. Severus quidem unus fuit, isque Malacitanus, auctor libri *De virginitate ad sororem*, nullus autem & nusquam homo alter Lamecensis, cui obtruditur idem opus. Quod perfunctorie hic dictum, ad Severi Malacitani tempora devenientes, sedula magis opera persuadere curabimus.

123. Defunt hic pro Colophone merces aliæ ex Hauberti ejusdem Hispalensis penu: ex quo ad hoc sæculum hæ pertinent:

BERGUDIUS AULUS civis Calagurritanus, vir eloquens, obiit Romæ. Ad ann. CDXVIII.

Cæsariæ in Vardulis obiit STEPHANUS diaconus rhetoricus. Ad annum CDXXIX. 6.

GAUDENTIUS Tirasenensis diaconus concionator (sic lego pro concionator) floret. Ad ann. CDXXXI. 8.

Hispani nascitur LUCIUS MARCUS orator. Ad annum CDXXXI. 13.

AURELIUS philosophus Juliobrigæ nascitur. Ad ann. CDXXXV. 15.

Successit (Joanni Episcopo Flavio-brigenfi) MAURICIUS Concionarius. Ad an. CDXLVII. 2.

MARIANUS poeta patriâ Calagurritanus discessit è vita. Ad ann. CDL.

Obiit Dertusæ ANTONINUS diaconus concionarius. Ad ann. CDLVIII. 2.

CAMARIANUS ÆLIUS Concionarius obiit Cuntandæ. Ad ann. CDLIX. 3.

LABARINUS poeta moritur Maviæ. Ad ann. CDLXII. 2.

Sed has merces habe tibi, lector, si quis præstigiatoribus aures commodas.

124. Huic quoque sæculo imputandus esset VERUS, auctor vitæ S. Eutropii, quamvis duplici errore Joannes Trithemius, & hominem, &, qua vixit, ætatem ignoraverit. Hunc Hispalensem fuisse antistitem existimavere laudatus Trithemius ^r, qui addit sub Pipini Regis Francorum tempus eum vixisse, Joannes Eisengreinius ^s, Lucius Marinæus Siculus ^t, Frisiusque ^u: falsi quidem ex eo quod Eutropium istum, cujus gesta Verus descripsit, eundem cum eo crediderint, qui Servitanus Abbas, & ex Abbate Valentinus in Hispania Episcopus fuit, de quo nos alibi. Sed, si verum amamus, Verus iste ac Eutropius unus post alium ^x Arauscani in provincia Gallica Episcopi fuere. Sigebertus, qui inter scriptorū collectores primus Veri meminit. Verus Episcopus (ait ^y) vitam Eutropii Episcopi Arauscani Bibliotheca vetus Hispana Tom. I.

Galliarum urbis, illustrem virtutibus ac miraculis, descripsit luculento sermone. Nihil potuit expressius de Eutropio, cujus ad diem xxvii. Maji Beda, Ufuardus, Ado, mentionem fecere: quorum posteriores duo, ut jam nullus ambigere hac de re valeat, hunc fuisse Eutropium annotarunt, cujus vitam Verus descripsit.

125. Configemus & hic Lusitanorum forsam persuasionem eorum, qui hagiologo suo Georgio Cardoso nihil non credunt, viro quidem probo ac diligenti, sed quem Dextro & hujus farinae inventis haud fidem præstare piaculum fuit. RUFINUM hic, Aquileiensis Ecclesiæ in Italia presbyterum, quem studia sacrarum literarum & versiones in Latinum plurimum Græcorum patrum operum antea satis commendaverant, Origenis autem defensi errores, & cum Maximo doctore Hieronymo super his contentio plurimum postea depresso, qui quæ ante annum hujus quinti sæculi vicesimum, quo idem S. Hieronymus obiit, decessisse creditur: hunc, inquam, Rufinum patriâ fuisse Lusitanum affirmat ^z. Scilicet ex Concordia oppido, unde & Paullus inde dictus Concordiensis fuit, senex ille centenarius major, ad quem S. Hieronymus vitam Paulli eremite à se conscriptam cum literis suis direxit. Cum verè tam Paullus quàm Rufinus Itali ex Concordia Carnorum colonia oriundi fuerint.

126. Quisnam autem ansam erroris hagiologo Lusitano porrexerit, si nescis, ille est, qui fucis ac dolis suis historiæ nostræ sinceritatem corrumpit Dexter. Nempe hic alicubi effutiverat ^a, Paulo Concordiensi Lusitano S. Hieronymum scripsisse. Quo semel admissio (hunc scilicet Paullum Lusitanum fuisse) primum ac proclive fuit ad Rufinum porrigere manus Lusitanum hagiologum, cum ex S. Hieronymi epistola quadam ad Florentium constet, utrumque, & Paullum & Rufinum, eandem patriam agnovisse. Scripsit (inquit) mihi & quidam de patria supradicti fratris Rufini, Paullus senex, Tertulliani sumum codicem apud eum esse. Quos eosdem esse, de quibus loquimur, nullus ambigas. Sed etsi nihil adversus hujusce rei auctorem Dextrum excipere haberemus, cui hic inter alios fallendi locus plurimum placuit, ut geographicam rem æquivocis nominibus hac illac adplicatis, bona ex parte convelleret, falsum esse quod de Paulo toties improbatus blateravit scriptor, quodque de Rufino ejus cive, atque utroque Lusitano, Cardoso bona fide collegit, res ipsa loquitur. Quamvis enim demus in Lusitania Concordiam, Ptolemæo ^b, & Concordienses stipendiarios, qui & Boccori, Plinio ^c fidem habentes; ad alteram Italiæ Concordiam, eamque celebriorem, atque in Italia degentibus, inque ea gestas res enarrantibus, notioem, vocamus; dum de Aquileiensis Ecclesiæ presbytero, qualis fuit, Genadii ^d & aliorum testimonio Rufinus, quæritur. Concordia etenim in Carnis populis, & Aquileia, Romanorum utraque colonia, simul nulloque interjecto, à Ptolemæo ^e, necnon & à Plinio ^f, & Mela ^g, &

^z Hagioleg. tomo 3. die xx Junii.

^a In Chron ad annum CDXVII. nu. 4.

^b Lib. 2. Geog. cap. 5.

^c Lib. 4. cap. 22.

^d De script. Eccles. cap. 17.

^e Lib. 3. cap. 1.

^f Lib. 3. cap. 18.

^g Lib. 2. cap. 4.

^p Cap. 10.

^q Ad ann. CCCLXXXVIII. 5.

^r De script.

^s In catalo-
gost. veritat.
^t In descrip.
His. lib. 6.
^u In Biblio-
thec. philoso-
phica.

^x Gall. Chr. tomo 2. pag. 198.

^y De script. Eccles. cap. 23.

^h Lib. 4. de Vita S. Martini.

Venantio Fortunato ^h, similiter laudantur. Cum verò propinquam Aquileiæ habeamus hujus nomenclaturæ urbem, insanum esset ex orbis terrarum fine & ultima Hispania presbyterum, non ex usu eorum temporum, matri Ecclesiæ adscribendum corrogare.

ⁱ De script. Eccles. cap. 53.

127. Nec de PAULO aliter credere nos irrefragabilis Hieronymi permittit auctoritas. Quem ex Italiæ Concordia esse apertissimis his docet verbis, de Tertulliano loquens ⁱ: *Vi-di ego quendam Paullum Concordiæ (quod oppidum Italiæ est) senem, qui se beati Cypriani, jam grandis ætatis notarium, cum ipse admodum esset adolescens, Romæ vidisse diceret, referreque sibi solitum, nunquam Cyprianum absque Tertulliani lectione unam diem præterisse.* &c. Quid clarius potuit de Paulli patria dicere? aut se de eo Paulo loqui, quem toties senem, & grandævum, & centenarium adhuc majorem, quique Cypriani notarium grandiorum ipse adhuc adolescens Romæ videre potuisset, literis ad eum & alios datis appellat. Quid verò ad ostensum hoc lumen ab ore Hieronymi promanans, nocturnæ nostræ, quæ meridie mero tenebras sibi ipsæ clausis oculis faciunt? Pseudo-Dextro uni credunt de Paulli natali loco; qui & alibi Concordiæ in Lusitania, *quæ nunc Besulci dicitur*, Donatum ait ^k & ejus socios fuisse martyrium passos. Cum Martyrologiorum antiqui codices clament Concordiæ in Italia hos esse martyres, tabulæque hujus Ecclesiæ; quæ post coloniæ veteris excidium ab Attila perpetratum ab anno superioris sæculi LXXXVI. ad portum Gravarium in litore translata fuit, de qua re sedulè agunt Februarii *Acta sanctorum* Autuerpiensia ^l, & cum eis martyrologi omnes ^m. Et nihilominus Lusitaniæ suæ Cardosus, atque Hispanæ genti Tamajus, adscribere. Neque Bivarius Dextri propugnator negat S. Hieronymum de Paulo dixisse, Concordiæ in Italia à se visum. Conjectatur tamen potuisse Paullum Concordiæ in Lusitania ortum conferre se in Concordiam Italiæ, & ab hac appellari, eo quòd parochiam in ea regeret. Cui rei comprobandæ operam ludit Cardosus, plura exempla eorum qui alicubi degerent non inde oriundi, quasi hujus observationis aliquod esset opus, ex historiis colligens. Et tamen in Lusitania Paullum fuisse, quo tempore ad eum scripsit Hieronymus, contendit.

^l Die xvii. Febr. ^m Vide Ferrarium De sanctis Italiæ xvii. Febr. Lubinum in Notis ad Martyrolog. ea die.

ⁿ Epist. 66.

128. Omnia hæc scilicet auctoritate unius Pseudo-Dextri stant aut cadunt; quæ cujus sit pretii non omnibus adhuc pendere locus aut voluntas fuit. Quare hic nos è Sancti Hieronymi aliis testimoniis Italum Concordiensem Rufinum fuisse, contra id quod è Dextro se colligere Lusitani existimant, comprobabimus. In epistola ad Rufinum directa ⁿ, *Diu te Romæ (ait) moratum sermo proprius indicavit. Nec dubita spiritualium parentum ad patriam revocatum desideria, quem matris luctus ire prohibebat; ne magis coram doleres, quod absens vix ferre poteras.* De qua autem patria intelligat, ipse infra ostendit. *Frater meus Paullinianus (inquit) non dum de patria reversus est: & puto quòd cum Aquileiæ apud sanctum Papam Chromatium vide-*

ris. Sanctum quoque presbyterum Rufinum (eiusdem nominis alium, ut infra dicemus) ob quandam causam per Romam Mediolanum misimus, & rogavimus ut nostro animo & obsequio vos videret. Degebat ergo Rufinus in patria, quòd è Roma traxerat eum parentum spiritualium charitas, nec nisi in ea regione Italiæ ubi eum Aquileiam pertransiens Paullinianus videre, & ad quam Rufinus alter per Romam venturus Mediolanum facillè declinare potuisset. Aliàs Hieronymus, qui Romanæ Rufini moræ prius, & Aquileiæ urbis inde meminit, tam longæ in Hispaniam usque intermediæ peregrinationis, si patria hæc Rufini esset, mentionem non utique prætermisisset. Necnon & idem Hieronymus adversarium sibi jam expertus, quem hucusque tam benevolè complexus fuerat, in apologia contra eum scripta excusationem accusans quæ usus fuit Rufinus ne Romam veniret, ab Anastasio Papa vocatus, ex Aquileia, aut (quod magis credimus) Concordiæ, hæc ait: *Et nisi post triginta annos (in Hierosolymitana seu orientis peregrinatione consumptos) parentibus redditis, nollet eos deferere, quos tam tardè viderat; ne inhumanus putaretur aut durus; & tam longi itineris labore fragilior, ad iterandos labores esset infirmus, ipsum venire noluisse.*

129. Quam non veniendi objectam causam ironice traducit postea Hieronymus; locum, ubi Rufinus degeret, & unde divelli, ne parentibus dolori esset, recusaret, apertè significans. *Illud verò ridiculum, quòd post triginta annos ad parentes se reversum esse jactat homo, qui nec patrem habet nec matrem, & quos viventes juvenis dereliquit, mortuos senex desiderat; nisi parentes militari vulgarique sermone cognatos & affines nominat; quos quia non vult deferere, ne inhumanus putetur aut durus, iccirco patriam derelictam Aquileiæ habitat.* Et tamen non continuè: nam & Concordiæ in patria egisse, cum vocatus Romam venire noluit, hæc alia suadent: & rogantem Romam, *ut eam illustrares præsentia tua, oppiduli tui amore contempseris.* At ne ignoraretur quo loco esset oppidulum ejus, à quo Romam accedere vocatus abnuerat, *Periclitatur (inquit Hieronymus) Romæ illa probatissima fides ejus: & hic supinus & lassulus post triginta annos per mollissimum Flaminia iter effedo venire non potest; sicque præterit longi itineris lassitudinem, quasi triginta annis semper cucurrerit, aut biennio Aquileiæ sedens præteriti itineris labore confectus sit.*


130. Collige nunc lector veri amans quæcumque è Hieronymi ore audisti, nec tibi dubium erit Rufinum è tricennaria per orientem peregrinatione vocatum in patriam desiderio parentum, Romæ prius fuisse; deinde cum ad Aquileiæ viciniam, ubi patriam habebat Concordiam, venisset, partim in hoc, quod oppidulum ejus vocat, partim in ipsa urbe Aquileia per biennium commoratum. Unde recusavit Romam redire, præterdens adhuc post biennium lassitudinem, reditu

ab

ab oriente contractam, cuius causâ neque etiam molliſſimum per Flaminiam (hodie *Romagna* est) iter tolerare potuiſſet. Adeo quidem hæc sunt perſpicuè ſignificata, ut nec reſurgens verus Dexter hiſcere contra fuerit auſus. Sed removeamus, qui reſtat, ſcripulum circa Rufini patriam. Inter Marii Mercatoris, Sancti Auguſtini æqualis & diſcipuli, quæ antè paucos annos in lucem edita ſunt, opera, *Commonitorium* eſt adven-

ſus hæreſin Pelagii & Cœleſtii; cuius ferè principio Rufini fit mentio his verbis: *Hanc ineptam & non minus &c. quæſtionem Rufinus quidam natione Syrus Romam primum invexit.* At quamvis alter illuſtratorum Mercatoris Rigberius multum ſudet in conciliando cum aliis hoc de patria Rufini teſtimonium; facile ſeſe expedit alter Garnerius, Mercatorem de alio Rufino intelligens, cuius ſuprà ex Hieronymo jam meminimus.





BIBLIOTHECÆ

V E T E R I S


H I S P A N Æ

LIBER QUARTUS.

De scriptoribus sæculi sexti.

CAPUT I.

De ORENTIO sive ORIENTIO. An hic ORESIUS, ad quem Sidonius scripsit. De sale Hispano, & Egelesta Plinii. Forè idem cum ORONTIO, qui inscriptus legitur in duobus Hispaniensibus Conciliis. Orentii Commonitorium. Quale hoc vocabulum? Venantii Fortunati de hoc nostro carmen. De quatuor fratribus Episcopis, ELPIDIO, JUSTO, NEBRIDIO, & JUSTINIANO. Justiniano scilicet Valentino: in quo queritur de tempore habitæ in hac urbe Synodi, ac de nomine Theudi, an sit idem cum Theoderici, adjuncta terminatione ric, sive ricus, Gothorum propriè. In Conciliis Episcopos omnes secundum ordinationis tempus sedisse. Joannes Baptista Perezius laudatur. Justiniani Responiones ad Rusticum perire. De Justo Urgellitano, ejusque in Cantica Canticorum expositione: Pseudo-Maximo non Urgellitano, sed Ausonensi Episcopo. De Nigridio, sive Nebridio, Egarensi, & Elpidio alterius urbis, Episcopis. Pseudo-Juliani & Pseudo-Liberati fabulæ.

1.  EXTUM sæculum hoc libro percurrendum est, quod & multos & celeberrimis conferendos, Hispaniæ nostræ scriptores, ac viros clarissimos peperit. Horum primum

ORIENTIUM colloco, cujus Commonitorio fruimur versibus exarato. Sunt qui credant a hunc Oresium esse, ad quem direxit Sidonius Apollinaris eam epistolam^b, quæ incipit: *Venit in nostras* &c. Unde colligi poterit eum, cui inscribitur, sive Tarraconensem patriam fuisse, sive Tarracone, aut in ejus urbis agro tunc temporis commoratum. Ait enim Sidonius:

Venit in nostras à te profecta pagina manus, que trahit multam similitudinem de sale Hispano in jugis cesso Tarraconensibus. Nam recensenti lucida & salsa est, nec tamen propter hoc ipsum mellea minus: sermo dulcis, & propositionibus acer. Nisi Tarraconensa juga, non de urbi huic vicino, sed de Tarraconensis totius provinciæ, hoc est citerioris Hispaniæ, aliquo intelligamus monte. Quamvis enim Hispaniæ in genere salem hunc fossilem, seu salitos montes, Solinus, Agellius, Vegetius, Cato, Petrus Venerabilis, cum Plinio attribuant; videtur tamen Sidonius Plinii hunc locum habuisse ante oculos: In Hispania quoque citeriore (ait^d) Egelesta caditur glebis penè translucentibus, cui jam pridem palma à plerisque medicis inter omnia salis genera perhibetur. Si Bernardino Gomezio Miedes^e, & Ambrosio Morali^f credimus, Egelesta Conchenensis diocesis, dictæ scilicet Hispaniæ citerioris, oppidum Iniesta est.

2. Sed Oresio, non Orientio, scripsit Sidonius: ita enim habere omnes libros, tam vulgatos quàm manuscriptos, admonuit Joannes Savaro. Quare Vossio^g non videtur idoneè id probari. Neque ego causam meam faciam. Proxima tamen hæc duo sunt nomina, idemque studium poëseos. Petit enim à Sidonio epistolæ auctor nova quædam sibi carmina mitti: qui poëtæ proprius amor. Nec id, quo tandem utitur Vossius, argumentum, Oresium Sidonii excludit; sed tantum difficile quodammodo reddit, quod Oresius Sidonii, & Orientius noster, Orontius ille sit Illiberitanæ civitatis Episcopus, qui cum hoc muneris titulo, Tarraconensi, & sine eo, Gerundeni, subscriptus Conciliis legitur. Quod itidem Baronius Cardinalis prioris sententiæ auctor existimavit, & cum eo ex nostris plures. Quò verè propendisse video

c Testimoniis videndis apud Savaronem in notis ad hanc epistolam, & Bivar. ad Maximam pag. 247.
d Lib. 31. cap. 7.
e In libris De sale.
f In fine Descriptiæ Hispaniæ, 2. par. Hist. sive post lib. 12.

g De vet. poetar. tempor. 2. par. De poet. Latin. cap. 5. pag. 65.

^a Baronius ad annum cclxxxiv. n. 126.
^b Lib. 9. ep. 12.

Toletanum pseudo-chronographorum ficul-
neorum parentem h.

3. Negari non potest quin persuadere ar-
duum sit, tria hæc, *Oresius*, *Orientius*, & *Oron-
tius*, unius hominis esse nomina. *Oresii* Abba-
tis librum *De sex cogitationibus sanctorum* vul-
gavit Canisius¹: *Oriesii*, sive *Orisiesii*, monachi
Gennadius meminit², libri *De institutione mo-
nachorum* auctoris, qui inter patrum scripta
editus est³. De cætero ad hæc duo tempora,
& id quo scripta fuit Sidonii epistola, & id
quo habitum utrumq; fuit Concilium, unum
eundemque hominem pertinuisse nil abso-
num continet. Sidonius enim, ut bene puta-
vit rationem temporis Baronius⁴, anno
CDLXXXIV. epistolam ad Oresium dedit
nondum Episcopum, quod ex nuncupatione
constat: quem annum inter & DXVI. quo
Tarracone, & DXVII. quo Gerundæ con-
ventum ad Concilium fuit, triginta duo trêse
anni dumtaxat numeranter: quos quid impe-
dit eum superfuisset, qui juvenis potuit cum
Sidonio commutare literas? Sed incerta pro
certis affirmare recta mens non patitur.

4. Debemus quidem Orientii notitiam è
laudatoribus scriptorum uni Sieberto, qui
hæc de nostro breviter⁵: *Orentius* (ita vocat,
non *Orientium*) *Commonitorium fidelibus scri-
psit metro heroico, ut mulceat legentem suavi
brevisloquio*. Vocabulo scilicet ævi sui, immo
à Christianis facilius usurpato, *Commonitorium*
inscribens, quod ex veteribus glossis idem est
ac ὑπομνηστικὸν Græcorum. ὑπομνηστικὸν *commonito-
rium*, ut observavit Barthius lib. 18. cap. 7. Sir-
mondi glossæ aliter interpretabantur⁶, ἐπι-
τολὴ scilicet ἐπιστακτικὴ, epistolam quæ ali-
quid præcipitur. quod exemplis codicis Theo-
dosiani, & Zenonis Papæ epistolæ confirmat.
Sidonius quasi mandatum daturus Musæ Phœ-
bi nomine,

*Dilectæ nimis & peculiari
Pœbeus commonitorium Thaliæ.*

carminis fronti affixit⁷. Gelasius Papa ad
Faustum magistrum, Constantinopoli lega-
tum ejus agentem, *Commonitorium*, quasi man-
datum, dedit, instruens eum de his quæ agen-
da essent: quæ est ejus Papæ epistola 4. Et
Lanfrancus Cantuariensis in Anglia præsul
epist. 26. nec si licuisset, (ait) *commonitorium, quod
in festivitate S. Martini habere voluisset, fieri
potuisset*. Cæterum *commonitoria* à commo-
nendi officio propriè dicta, tum Vincentius
Lirinensis, tum Orosius ad Augustinum, &
Marius Mercator ad Theodosium Imp. scri-
psere. Quare his omnibus non una signifi-
catione *commonitorium* esse, annotavit ad
Mercatoris opus Notis Joannes Garnerius⁸.

5. Quod autem hodie habemus Orentii
Commonitorium, contra quod Siebertus mo-
nuit, non totum heroicis, hoc est hexame-
tris versibus, constat; immo & elegiacis, hoc
est distichis, permiscetur. Unde suspicabatur
Barthius lib. 18. cap. 7. quicquid elegis conce-
ptum est, posse legitimum auctoris non ha-
beri: ac in promptu sibi esse ait alia argumen-
ta quæ id docere possint. Scriptorem autem
eruditum censet & *nitidum* alibi de eo lo-
quens⁹, cui nempe illustrando duo integra

Adversariorum eruditissimorum dedit capita¹⁰.
Ad eumque referri debet Venantii Fortunati
hoc dictum in *De vita S. Martini Episcopi*
lib. 1.

*Hinc quoque conspicui radiavit lingua Sedul?
Paucaque perstrinxit florente Orientius ore.*

6. Latebat quidem adhuc in schedis opus,
cum insisteret *Amalibus* suis formandis Ba-
ronius¹¹. At inter priorem & alteram editio-
nem emicuit foras Orentii *Commonitorium* è
Martini Antonii Del-rii viri clarissimi manu,
cum brevibus ejus Notis Antuerpiæ apud
Trognesium MDXCIX. aliàs MDC. in 12^o.
Unde jam Annalibus Ecclesiasticis¹² adjunxit
auctor hujus editionis mentionem. Sed prodiis-
se iterum cum Laurentii Ramirez de Prado
Notis nos docuit Miræus¹³, quas non vidimus.
Fortasse eadem hæc est cum editione Salman-
tina an. MDCIV. in 4^o. cujus mentionem ali-
cubi factam invenio. Legitur sanè jam in edi-
tione ultima Colonienfi *Bibliotheca veterum
PP.* volumine quinto, & in ea posterioribus.
Habuit quoddam hujus operis exemplum ad
manus in bibliotheca Galesiana repertum
Philippus Labbeus, cogitabatque dum vive-
ret, librorum hœlluo, cum editis conferre¹⁴.

7. Justiniani Imperatoris tempore, Theu-
dique, sive Theudis, Gotthorum in Hispania
Regis, qui ab ann. DXXXI. ad DXLVIII.
imperium produxit, ELPIDIUS, JUSTUS, NE-
BRIDIUS, & JUSTINIANUS, fratres uterini, flo-
ruere, omnes Episcopi, & literis ad posterit-
tatem clari. Quorum chronographum S. Isi-
dorus egit¹⁵. JUSTINIANUS (ait) *de Hispania Ec-
clesiæ Valentine Episcopus, ex quatuor fratri-
bus & Episcopis eadem matre prognatis unus,
scripsit librum Responsionum ad quendam
Rusticum de interrogatis questionibus: quarum
prima responsio est De Spiritu sancto: secunda
est Contra Bonosiacos, qui Christum adopti-
vum & non proprium dicunt: tertia responsio
est De baptismo Christi, quem iterare non li-
cet: quarta responsio est De distinctione bap-
tismi Joannis & Christi: quinta responsio, Quod
Filius, sicut Pater, invisibilis sit. Floruit in Hi-
spaniis temporibus Theudæ principis Gottho-
rum.*

8. In primis natales Hispanos ex una &
eadem matre¹⁶, Pontificalesque infulas in
omnibus quatuor fratribus (tribus nempe il-
lis, quos jam laudavimus, cum Justiniano,
quod proximum huic Justi elogium manife-
stum reddet) apertissimis verbis nos docuit
Isidorus. Quare qui Valentiniæ urbis origi-
nem disertè iis tribuunt¹⁷, Isidori testimo-
nium laudare nequeunt; multoque minùs
qui eodem patre genitos, sive germanos fra-
tres, affirmant¹⁸. Valentinum Episcopatum
huic nostro Justiniano contigisse Isidorus cer-
tè ait. Franciscus Bivarius eundem credidit
cum eo qui Valentino Concilio interfuit erà
DLXXXIV. sive an. DXLVI. (ut præferebat
titulus) coacto, in quo inter alias subscriptio
legitur *Justini* Episcopi post *Celsinum*, quem
Celsum existimavit esse Toletanum primæ
sedis antistitem. Tempus quidem convenit:
floruit enim Justinianus sub Theude, qui hoc
anno Gotthis, ut vidimus, præerat.

9. Sed

h In Juliani
Advers. 433.

i Vol. 5.
Antiq. lectio.
k Cap. 9.

l Tomo 4.
Bib. VV. PP.

m Ad ann.
CDLXXXIV.
num. 137.

n De script.
Eccles. cap. 34.

o In Notis
ad Sidon. lib. 2.
cp. 11. pag. 90.

p Lib. 2.
epist. 11. Lape.

q In editio-
ne Parif.
MDCLXXXIII.
pag. 5.

r Lib. 43.
num. 9.

s Cap. 6. lib.
27. & cap. 9.
lib. 43.

t Vide ad an.
CDLXXXIV. n.
138.

u Ibidem.

x In Biblioth.

y Novæ Bi-
blioth. ms. pag.
63.

z De script.
cap. 20. & 21.

a Vassus in
Chronico ad an.
DXL. rectè id
expressit.

b Joannes
Mariæ lib. 5.
cap. 11. Escola-
nus lib. 2. Hist.
Valens. cap. 9.
§. 7.

c Gaspar
Escolanus, ibi-
dem, Mariana
lib. 5. cap. 7. qui
germanos fra-
tres vocat.

9. Sed nondum in tuto res. Nam *Justinus* & *Justinianus* diversa sunt inter se nomina, quemadmodum *Celsus* & *Celsinus*. Nec *Celsus* eo anno, qui refertur, aut Episcopus Toletanus, aut in vivis erat; cum successor ejus Montanus an. DXXVII. aliis DXXIV. Toleti habuerit Concilium sub Amalarico Rege Theudis decessore. Quid quod & Valentinum istud Concilium anno decimo quinto Theoderici Regis habitum dicitur? Nullus enim hujus nominis Rex Gotthorum post Theodericum Italiam, qui pro tutore Amalarici nepotis Hispanias tenuit, annoque DXXVI. fato functus est. Quare affixum eræ numerum improbens, Valentinum hoc Concilium ad hujus Theoderici tempora, idest ad annum ejus imperii in Hispania xv. Christi DXXIV. Binius retraxit, reddita in Notis ratione; quem imitatus fuit in editione sua Philippus Labbeus. Eandem Theodericianæ ætatis notam sequuti, anno DXXV. adscripserunt Concilium Ambrosius Morales lib. 11. cap. 45. & Joannes Vassæus in *Chronico* g.

10. Ego tamen nondum video, cur ab affixa era discedere propter Theoderici nomen debeamus; maximè cum codex ms. *Conciliorum Hispaniæ* Lucensis, qui alios omnes bibliothecæ regiæ (uti Loaisa ait^h) antiquitate superat, quique descriptus fuit, & Romam missus, cum decreto Gratiani emendando Gregorius XIII. Pontifex operâ usus doctissimorum virorum incumberet, disertè habeatⁱ *Theudis* (ita enim appellat) non *Theoderici* nomen. Fortassisque inter Gotthos duo hæc nomina promiscuè accipiebantur. *Theodim* certè Procopius^l, *Thiodim* Jornandes^m, quem *Theudem* alii appellant, incrementum id, seu terminationem nominis, videntur Gotthi adjunxisse, uti in Eurico, Alarico, Amalarico, Athanarico, Giserico, & aliis. *Ric* enim huic genti *divitem* significabat. Accedit firmandæ rei, quod xv. Theudis concurrat omnino cum era DLXXXIV. sive anno DXLVI. Amalarico enim, cui Theudis successit, quinquennium dominationis, hoc est ab era DLXIV. usque ad DLXIX. ab anno scilicet DXXVI. ad DXXXI. S. Isidorus in *Chronico* attribuit; quo anno ingressus Theudis decimum quintum imperii agebat, anno DXLVI. sive erâ DLXXXIV. Quam quidem Concilio præfigunt omnes mss. codices; & re sedulo examinata Gaspar Escolanus in *Valentini regni Historia* o, & alii p.

11. At erit tunc Justinianus noster idem ille, qui Justinus audit in subscriptione? Nullus dubito eundem esse. Quamvis enim Valentinus ejus Concilii Episcopus Celsinus ille videri possit primo loco positus, qui, utpote in sedis suæ Ecclesiæ, præesse aliis debuerit; quod hinc persuasi nonnulli ex nostris historicis^q credidere; verosimilius est ab antiquitate ordinationis locum omnes, nullo excepto, fortiri Episcopos consuevisse, uti & placuisse Joanni Baptistæ Perezio Episcopo Segobriensi, summæ industriæ purgatissimique judicii viro, novimus^r. Nec morari nos debet, uti Escolanum^s, quod Celsinus Valentinus

Episcopus Toletano tertio Concilio interfuerit. Hic enim ab isto alius omnino est, qui post quadraginta tres à Valentino Concilio transactos annos recentiores inter Episcopos Toletano subscripsit. Planè *Responsionum ad Rustici interrogata* Justiniani opus cum aliis consumpsit ætas, immo, absque Isidoro esset, memoriam quoque ejus tenebris damnavisset. Rusticum verò, cui directus liber, eum esse Lugdunensem Episcopum Rusticum, quem in hujus Ecclesiæ cathedra circa ann. CDXCIV. floruisse, Baronius ex Ennodio Ticinensi diacono ad hunc annum, observavit, non facillè persuadebit Bivarius (cui Julianus consonat^u) iis, qui apud Isidorum nullam hujus dignitatis mentionem, sed Rustici nudum tantum nomen legerint; cum neque vero sit consentaneum directas ei adhuc privato responsiones fuisse, qui semi-sæculo ferè integro antequam Justinianus noster literis munereque clarus haberetur, Lugdunensibus antistes præerat.

12. Pergit S. Isidorus reliquos Justiniani fratres laudare, Justum præsertim. *Justus* (ait^x) *Urgelitanæ Ecclesiæ Episcopus Hispaniarum, & frater prædicti Justiniani, edidit libellum Expositionis in Cantica Canticorum, totum valde breviter atque apertè per allegiarum sensum discutiens. Hujus quoque fratres NEBRIDIUS & ELPIDIUS quædam scripsisse feruntur, ex quibus, quia incogniti sumus, magis reticendo fatemur. Hæc Isidorus. Hic est Justus, qui Ilerdensi suæ provinciæ Tarraconensis Concilio anno DXLVI. interfuit, & absque sedis mentione secundo post Sergium metropolitanum loco subscripsit: necnon & secundo, ut vulgò audit, Concilio Toletano an. DXXVII. expresso dignitatis nomine; Toletano inquam Concilio, non ut Episcopus hujusce provinciæ, sed occasione, ut suspicor, adventus sui in curiam regiam.*

13. Unde in more fuisse antiquo gentis nostræ confirmari non ægrè potest, ad subscribendum synodalibus decretis præfules etiam alterius provinciæ fortè advenientes invitari consuevisse. Quod quidem, cum Justo Urgellensi, tum ejus fratri Nebridio Egarenensi, tunc temporis contigisse inscriptiones hujus Toletani Concilii ostendunt. *Justus* (inquit) *in Christi nomine Ecclesiæ catholice Urgelitanæ Episcopus, hanc constitutionem sacerdotum meorum in Toletana urbe habitam, cum post aliquantum temporis advenissem, salva auctoritate præscorum canonum, relegi, probavi, & subscripsi. Quod & fecit, professusque est iidem prorsus verbis, Nebridius Egarenensis. Huic ergo Synodo Toleti sub Montano habitæ Justi mentionem, non verò, quod Labbeo excidit^y, Montani ad Theoribium epistolæ debemus. Pariter atque Ecclesiæ fastis sanctitatis ejus testimonium, diem ei xxviii. Maji assignantibus.*

14. Porro *Commentarius, sive mystica expositio in Canticum Canticorum Salomonis*, à Menrado Molthero restitutus, Hagennæ MDXXIX. in lucem prodiiisse dicitur. Habemus quoque eum inter *orthodoxographæ veterum Theologorum opuscula* Basileæ anno

t Num. 47.

u Chron. num. 271.

x Cap. 21.

y Differt. de scriptor. 2. tom. pag. 671.

e Vide Loaisæ præfationē De codicibus mss. quibus suis usus in edit. Concilior. Hisp.

* Vide quæ notavimus ad hoc Concilium in Collect. max. Concil. Hisp. tom. 2. pag. 290. CARDINAL. D. AGUIRRE.

f Tomo 4. col. 1617.

g Ad ann. DXXV.

h In præfatione supraddicta.

i Loaisa in dicta præfatione in Conciliorum serie n. 9. Joannes Baptista Perezio Segobriensis Episc. vir rerū Hispanarum doctissimus, in *Brevi Chronologia Conciliorum Hisp. Regum* apud me ms. ex qua Loaisa profecit.

k Sic videtur Escolano *Hist. Valent. regni* lib. 2. cap. 9.

l Lib. 1. De bello Gothico.

m Lib. De bello Gotico.

n Vide Menagium in originibus linguæ Francicæ V. Riche.

o Lib. 2. cap. 9.

p Pujades *Hist. de Catalunya* lib. 6. cap. 46. dum loquitur de Ilerdensi Concilio eodem anno celebrato.

q Beuter. *Hist. Valent. Morales* lib. 11. cap. 45. Vassæus in *Chron.* ad ann. DXXV. Mariana lib. 5. cap. 7.

r Apud Escolanum lib. 2. c. 10. 6. 4. s Ibidem.

no MDLI. recoctum, & in editionibus *Bibliothecæ veterum Patrum*.

15. Præmittuntur operi una & altera epistola: prior ad Sergium, qui dubio procul ille est, qui Ilerdensi Concilio jam laudato, in quo intervenit & noster Justus, præfuit, quique in canonibus Barcinonensibus², circa idem tempus, ut creditur, in aliqua alia Synodo ejus urbis decretis, *metropolitanus*, hoc est, Tarraconensis audit Episcopus. Edidit hanc epistolam & in *Spicilegio* suo Lucas Dacherius volum. 3. inter *Miscellaneas* pag. 119. sub nomine Justo ad Sirgam Papam³. Altera est ad Justum diaconum, cujus postulatis ut morem gereret, operi se accinxerat. Breve quidem opus, sed *elegans & eruditum*, ac *pium*, ut cum Xysto Senensi, Possævino, & Labbeo loquar. *Urgellum* sive *Orgellum*, alias *Urgelo*, & *Urgela*, in *descriptionibus provinciarum Hispaniæ*^b, *Urgel* Episcopalis vel nunc Cataloniae urbs est, quæ *la seu d'Urgel*, sive sedes Urgellenfis, etiam audit. Inde *Urgelitanus* Justus ab Isidoro, & in Conciliis nuncupatus, quandoque & *Urgelitanus*^c. Apud veteres non ullam reperi hujus loci mentionem.

16. Quid tamen de Maximo censebimus, apud quem ad annum DXL. tam in editis, quam in fragmento Estepano, Justus non *Urgelitanus*, sed *Ausensis*, sive *Aucensis*, laudatur? Unde occasio Bivariorum in *Commentariis*^d data prolixius contendendi nil contrarium à Maximo hic dictum. At quidem novum, & hactenus ignotum, Ausensem, sive Aufonensem (*Solsona* hodie) urbem, Urgelitanæ ditionis, seu diocesis fuisse. Extortum scilicet homini erudito & ingenioso commentum rectè dixeris, ut auctorem suum sive jure sive injuriâ tueatur. Aquam tamen cribro fert. Si enim Aufona urbs nondum gaudebat Episcopali cathedra, minimè potuit ab ea nuncupari Episcopus Justus. Quare vel Tamajus ab eo hic discedit^e. In fragmento Estepano sic legitur: *Justus Episcopus Aucensis florebat Cæsaris DXLI. Hic est annus DIII. Non ita legitur sedis nomen in editionibus Celsa-augustana & Hispalensi, quas Bivariorum sequitur; sed Ausensis. At hæc adjunxerunt, in Hispania, juxta malè sanum auctoris turbandi omnia propositum. Sed Justus hic, si aliquis fuit, nec Estepanus nos decepit Maximus, Ausensis in Vasconia Gallica Episcopus fuit, in cujus Ecclesiæ catalogis^f Justinus quidam hoc tempore sedisse dicitur. Hic potius videtur, aut certè *Aucensis*, quam *Aufonensis* significatus. Notæ sunt è divisionibus Hispaniarum Ecclesiarum^g in Tarraconensi provincia tam *Aufonia* quam *Auca*, urbes Episcopales.*

17. Nec laboriosa Bivarii disquisitio de Aufonensi & Urgelitana urbibus, olim ab eodem Episcopo, ut contendit, administratis, verum attigisse nobis videtur. Promiscuè enim in Conciliis, sive hujus, sive illius, sæpe & utriusque, laudantur Episcopi. Neque alicujus eorum absentia satis probat ei urbi Episcopum tunc temporis defuisse. Præterea ineptum esset ab ea urbe, in qua sedes non erat, *Bibliotheca vetus Hispana* Tomo I.

appellari Episcopum: ab alterutra enim appellari tantum contingit, quum unitæ duæ Ecclesiæ sunt. Non ergo Aufonensis & Urgellitanus pro arbitrio appellari Justus potuit, nisi utramque olim fundatam Ecclesiam in unam tempore ejus coaluisse dicamus. Quod obstinatè negabunt ii qui Hauberti Hispalensis *Ecclesiarum Hispaniæ seriem* (& plures quidem sunt nondum fraudis conscii) continere aliquid veræ historiæ censebunt. Ibi namque & Aufonensium & Urgellitanorum à primo aut secundo Ecclesiæ usque sæculo derivatorum antistitum catalogus prostat, & in utroque *Justus*.

18. Tertius ex fratribus ab Isidoro NEBRIDIUS laudatur, quem ab eodem^h scimus Episcopum fuisse, non autem cujus urbis. Sed Egarenfis in eadem Catalonia Ecclesiæ antistes ex Conciliis apparet; Nibridius tamen vocatus. In Tarraconensi anni DXVI. subscriptus legitur *Nibridius minimus sacerdotum, sanctæ Ecclesiæ Egarenfis minister*. Nec dubito quin jam tunc Episcopus: hoc enim *sacerdotis* appellatione ævo isto significabatur. Aliàs si pro Episcopo Egarenfi intervenisset, minimè id prætermittere debuit. Quod magis apparet ex Gerundenfi anno sequenti DXVII. coacto, cui *Nigridius Episcopus* (quis enim alius?) subscriptus legitur. Idem post decem alios annos Toletanæ sub Montano habitæ Synodo interfuit cum titulo jam *Egarenfis Ecclesiæ Episcopi*. quo fortè ob humilitatem prius abstinerat. Huic successisse videtur Taurus, qui anno DXLVI. Ilerdensi subscripsit, *Agarenfis*, pro *Egarenfis*, appellatus. Premortuus ergo Justo & Justiniano fratribus, qui anno isto superstites adhuc erant, ut vidimus.

19. Turbat aliquantulum, quod in canonibus Barcinonensibus, quos Loaisa edidit absque temporis, quo promulgati sunt, notatione, *Nibridius Barcinonensis* convenisse ad eos statuendos cum aliis dicitur. Loaisa his assignavit eram DLXXXVIII. sive an. DXL. Certè hujus temporis esse dubitare non sinunt eorundem Episcoporum, Sergii metropolitani, Nibridii nostri, Cafotii (alias Casonii) Staphili, Joannis, utrobique nominatorum subscriptiones. Mihi tamen vix dubium est quin pro *Barcinonensis* nuncupatione Nibridio attributa. *Egarenfis* emendari debeat, aut saltem inter exscriptorum manus *Barcinonensis* Episcopi (Paterni forsàn, qui Ilerdensi interfuit) nomen, Egarensisque titulus, quo Nibridius fuit nuncupandus, interciderint. Egarensem Episcopum diximus, uti ex tot insignibus mss. codicibus Loaisa edidit, cum antea in excussis & alibi legeretur, sive *Agragenfis*^a, sive *Bigerrensis*ⁱ. Unde turbæ inter nostros, qui editionem istam præcefferunt. Joannes Vassæus^m *Agagrensem*, quod nihili vocabulum est, Ambrosius Morales alicubiⁿ de *Biguerra* in Occitania, alibi^o autem *Agathensem* in eadem provincia, vocat. quod posterius & Joanni Marianæ^p & Miræo^q placuit.

20. Certè Galli & Tigridium quendam in albo habent Agathensis suæ Ecclesiæ, quæ

Dd

Agde

¹ Editionis Loaisæ pag. 100.

² Ibidem pag. 93.

³ Et nos tomo 2. *Collectio Max. Concil. Hisp.* pag. 273. cum Notis. CARD. DE AQUILA.

^b Plures adducit Loaisa ex mss. in editione Concil. pag. 132. & sequentibus.

^c In Conciliis Tolet. XIII. & XV.

^d Pag. 162.

^e In Martyr. Hisp. ad diem XXVIII. Maji.

^f Apud Oihenartum in *Notis. Vasconia* lib. 3. c. 8. pag. 449. San-Marthanos fratres in *Gallia christiana* tom. 1. pag. 98.

^g Apud Loaisæ edition. *Concilior.* pag. 233. 235. 239. 243.

^h Cap. 28

ⁱ Pag. 97.

^a In Toletano pag. 85. edit. Loaisæ.

ⁱ In Tarracon. pag. 71. m In Chron. anno DXI.

ⁿ Lib. 11. cap. 47. & 49. o Lib. 11. cap. 43.

^p Lib. 5. cap. 7. q Notis ad Isidor.

^r San-Marthani fratres in *Agathensis Episc.*

Agde nunc est in Occitania; sed quem alium à nostro Nibridio fuisse necessariò fateri debent. Tigridius enim hic anno DLXXXIX. Narbonensi Concilio, eodemque anno magno illi Toletano, quo abrogata & damnata fuit Arianorum heresis, interfuit. Nigridium autem, de quo loquimur, ab anno DXVI. usque ad DLXXXIX. hoc est plusquam septuaginta annos, Ecclesiæ suæ, qualiscumque ea sit, præfuisse, vix naturæ ratio, nedum historiæ, admittit.

21. Quartus sequitur ELPIDIUS, quem & Nebridium nonnulla scripsisse Isidorus tantum noverat. Idem reticuit, nescivisse, quo loco egisset Episcopum. Et nos contenti esse debemus ignorare id, quod magnus ille hujusmet sæculi vir ignotum habuit. Pseudo-Julianum autem sibilo interim excipiamus, qui Elpidium hunc Nebridii fratrem) ne dubitarem de alio eum loqui) Lugdunensem fuisse Episcopum ausus est fingere^s; & quod videri magis mirum debet, Bivario persuasit. Qui tamen proprio ipse telo se confodit, Elpidium ex catalogis Lugdunensis Ecclesiæ^t quendam statuminandæ Juliani fidei advocans, qui vel Bivario ipso verbis disertis affirmante, in ea Ecclesia circa ann. CDXXV. fedit antistes. Et hunc tamen fratrem Bivarius credidit Nebridii, qui ad ann. DXXVII. Justique & Justiniani, qui ad DXLVI. vitam saltem perduxere. Parum scilicet famæ suæ prospexit, qui tam absurdis admissis anachronismis Maximi sui famam servare quomodocumque voluit.

22. Pseudo-Julianum locupletare Pseudo-Liberatus voluit (chimericus, seu veriùs portentosus alius omnis certæ historiæ juratus hostis) qui & Gerundenses natu, Wifredique & Hermesendæ Gotthorum parentum filios, Nebridium ex Egarensi Barcinonensem, atque Elpidium (item ut Julianus) Lugdunensem, Episcopos, omnesque Benedictinos monachos fuisse, reliquit facile credulis scriptum^u. Apage has, non dixerim nugas, sed Hispanarum antiquitatum atque ingenuitatis dehonestamenta, ob quæ priùs imprudenter admissa, pertinaciterque inde retenta, ab exteris, immo à segacioribus nostræ gentis, tam malè audimus. Tempus erit quum immane hoc dictuque mirabile monstrum scriptoris, ad tenebras suas, è quibus ante aliquot annos emerfit, detrudemus.

CAPUT II.

De APRIGIO sive APRINGIO Pacensi præfule. Pacis-Julie, an Augustæ? Andrea Resendii laus. Aprigii in Apocalypsin commentarius ex parte exstans, cui insuta est bona pars ex Victorini cujusdam in eundem librum commentario. De LICINIANO Carthaginiensi antiste, & ejus epistolis. Ambrosii Moralis religiosa & utilis expeditio in Galliciam & Asturias jussu Philippi II. Regis. Liciniani epistola ad Epiphanium ansam dedit Pseudo-Maximo fingendi hunc esse Euphemium Toletanum Episcopum. Ejusdem duæ aliæ, altera germana, ut videtur, altera secus. Martinus

Vasquius Siruela portionarius Ecclesiæ Hispalensis laudatur. Pseudo-Juliani, atque ejusdem Pseudo-Maximi fictiones de Liciniani rebus. In Dominico Carthaginiensi Africa Episcopo error Ambrosii Moralis ex Pammio malè intellecto, ac Pseudo-Maximi insolens temeritas. De SEVERO Malacitano præfule, & fictitio alio SEVERO Lamecensi. Franciscus Bivarius à Pseudo-Dextro deceptus. S. Isidori phrasis exponitur. De EUTROPIO Valentino Episcopo.

23. EJUSDEM Theudis Gotthorum Regis ævo in vivis & in honore APRIGIUS erat, quem alii APRINGIUM vocant, Pacensis Episcopus; de quo hæc S. Isidorus^x: Aprigius Ecclesiæ Pacensis Hispaniarum Episcopus, disertus lingua, & scientiâ eruditus, interpretatus est Apocalypsin B. Joannis Apostoli subtili sensu atque illustri sermone, melius penè quàm veteres ecclesiastici viri exposuisse videntur. Scripsit & nonnulla alia, quæ ad notitiam nostræ lectionis minimè pervenerunt. Claruit temporibus Theudi principis Gotthorum. Eadem habet Honorius Augustodunensis^y. Pax ista, à quo Pacensis Episcopus Apringius, Pax-Julia olim dicta in Lusitania, vetus Episcopalis sedes^z; è cujus à Mauris extinctæ cineribus alibi renata est sacerdotii dignitas, nempe in ea urbe, quam Badaxòz ad Anam fluvium in Estremadura provincia nunc appellamus. Sed hanc Pacem-Augustam priùs, quæ ab Strabone Paz-augusta, deinde corrupto à Mauris vocabulo, Bax-augus initio, sequiori autem ævo Badaxòz appellatam nonnulli è nostris^a credunt. Alii posteriori huic Paci-Augustæ Pacenses omnes, quicumque in veteribus exstant monumentis, Episcopos, Pace aliâ insuper habitâ, tribuere non verentur^b. Andreas autem Resendius, vir eximie eruditionis & judicii, hanc Paz-augustam Strabonis eandem fuisse cum Pace-Julia Ptolemæi^c, Itinerarii ab Antonino dicti, & inscriptionum, validissimè contendit. Quæ ad rem nostram non valdè res pertinet.

24. De Commentario in Apocalypsin, cui Isidorus non dubitavit, aliàs inter ejus libri interpretationes eo antiquiores, palmam concedere, nihil dum certi hætenus fuit intimatum. Nam quod in Apocalypsin vastæ molis opus exstare in quibusdam Hispaniæ bibliothecis, è Vaticano codice exscriptum, plures è nostris adnotant; non Apringii, sed Beati, eo longè inferioris, quippe qui decimo floruit sæculo, Apringiumque in eo laudat, opus esse vulgò jam existimatur. De quo nos alibi. Verum autem & germanum, ut credebatur, Apringii commentarium, ex codice quodam Barcinonensi desumptum, Ludovicus de S. Laurentio Cordubensis, Ecclesiæ Hispalensis portionarius, vir doctus, editioni, dum viveret, paratum habebat. Quod ejus exemplum cum præfatione adhuc in liturariis posita, Hispali transcripsimus ex Martini Vasquii Siruelæ amici nostri, virique eruditissimi codice, qui, ut credo, D. Emmanuelis Sarmiento de Mendoza, ejusdem Ecclesiæ Hispalensis canonici magistralis, olim fuerat, illi

^x De script. cap. 17.

^y De lumin. Eccles. cap. 19. ex Isidoro.

^z Ita Morales lib. 11. c. 49. Mariana lib. 5. cap. 7. Resendius epist. ad Vasconum de Colon. Pacensi.

^a Anton. Nebriss.

^b Io. Genes. Sepulveda.

^c Gaspar Barreiros in Itinerario suo Lusit. lingua scripto, ab urbe ista usque ad Mediolanum, initio.

^s In Chron. num. 274.

^t Apud Sanmarthanos fratres Gallicæ Christi. tom. 1. pag. 293.

^u In Pseudo-Chronico ad ann. DXLVII.

illi forsan à Ludovico S. Laurentii relictus. In hac præfatione hic ait se desumpsisse suum exemplum ex Barcinonensi codice pergameno literis Gotthicis exarato; quod quidem ipsum ex vetustissimo alio ms. codice Barcinonensis Ecclesiæ exscriptum fuisse annotaverat exscriptor in fine libri. Commentarius ipse hanc habet præfatiunculam: *Biformem divine legis historiam duplicis sacramenti mysterio differendam non nostræ humanitatis fragilitas aliter poterit enarrare, nisi ab eo auctore suæ legis Domino Jesu Christo modum dicendi, & sermonem sumat eloquii. Unde Apocalypsin S. Joannis expositurus, habitatorem ejus invoco Spiritum sanctum; ut qui illi secretorum suorum arcana revelare voluit, nobis in terris viam pandat, ut possimus quæ scripta sunt inculpabiliter differere, & vera etiam Deo magistrante depromere. Initium itaque libri, de quo agitur, ita scribitur. Hoc eodem initio hunc commentarium conceptum se vidisse innuit Labbeus in *Novæ Bibliothecæ* ms. parte 1. pag. 25.*

25. Sciendum tamen est, hanc expositionem nostri codicis non eundem habere auctorem. Quod nobis judicium diligens fecit integri operis consideratio. Planè ad quinque priora, & quinque postrema libri capita explanatio accurata est, & omnibus numeris (quod dici solet, & in præfationum simpliciter, & sine proverbii figura, propter numeros sive sectiones capitum sacri libri usurpamus) absoluta: media autem alia undecim, à sexto ad decimum septimum, non sic; sed saltuatum, nullaque ordinis & absolutionis habitâ, quæ in cæteris, uti jam diximus, bene sibi constat, ratione concepta sunt. Quæ quidem omnia, seu veriùs à numero 7. cap. 5. usque ad num. 3. cap. 17. quicquid crasso hoc filo confutum Aprigianæ legitur telæ, apud Victorini, nescio cujus, commentarium in eundem *Apocalypsin* librum reperiri observavimus, qui Parisiis apud Mauricium de Porta editus est anno MDXLV. unâ cum Theophylacti *Commentario in Prophetas majores*, exindeque cum aliis veterum patrum lucubrationibus in *Bibliotheca*. Hinc in eam suspicionem ducor, ex ista Pseudo-Victorini (nam præjudicata jam doctorum hominum^f persuasio est non esse hunc librum Victorini Petabionensis in Pannonia Episcopi à S. Hieronymo laudati^g) qualis ea est, paraphrasi, commentarium Apringii in hac parte mancum & hiantem ab aliquo codicis possessore suppletum, seu potius infarctum fuisse. Nullus enim noster Apringius pulcherrimo, & omnibus suis sensibus integro capiti corpus adeo macrum informeq; subiecisset, quod deinde sic validis, & affabrè elaboratis pedibus niteretur.

26. Scripsisse autem nostrum non modò in *Apocalypsin*, sed & in *Cantica*, Joannes Trithemius, ex eoque Xystus Senensis, docuere: quod certè Isidorus eos non docuit, si non is commentarius comprehendatur inter alia illa, quæ ad *notitiam lectionis* suæ (ut ejus utar verbis) non pervenisse sanctus ille præsul adjunxit. Hæc habuimus de Apringio dicere.

27. LICINIANUS, SEVERUS, & EUTROPIUS, triga Episcoporum sibi invicem amicitia & *Bibliotheca vetus Hispana* Tom. I.

literarum consuetudine conjunctorum, paulò inferioris temporis est; scilicet Mauricii Imperatoris ævi, cujus initium in annum DLXXXII. cædes in DCII. incidit; quo tempore Leovigildus & Reccaredus Gotthorum in Hispania Reges vixere. De LICINIANO, quem & LUCINIANUM aliàs audire infra videbimus, hæc Isidorus^h: *Licinianus Caribaginis Spartaria Episcopus, in Scripturis doctus, cujus quidem nonnullas epistolas legimus; De sacramento denique Baptismatis unam, & ad Eutropium abbatem, postea Valentia Episcopum, plurimas. Reliqua verò industrie & laboris ejus ad nostram notitiam minime pervenerunt. Claruit temporibus Mauricii Augusti. Occubuit Constantinopoli, veneno, ut ferunt, extinctus ab æmulis. Sed, ut scriptum est, justus quacumque morte præoccupatus fuerit, anima ejus in refrigerio erit. Hæc tantum certa & compta de Liciniano haberi debent: quibus prava fingendi, ac de historia ludendi cacoëthes nostrorum temporum, plura addidit, quæ à prudentibus viris, justo pretio, hoc est nullo, habentur. Sed antequam iis referendis ac refellendis accingamur, ea quæ Isidorus commemoravit exornanda sunt, novioribusque monumentis conferenda.*

28. Perit quidem Liciniani epistola *De sacramento Baptismatis*. Librum vocat suo more Trithemius. Respondit nempe istâ ad epistolam Eutropii, in qua (ut idem Isidorus aitⁱ) *petit ab eodem pro qua re baptizatis infantibus Christi unctio tribueretur*. Similiter desiderantur plurimæ aliæ ad Eutropium abbatem (de quo paulò post agemus) quas omnes vidisse se ait Isidorus.

29. *Epistola B. Liciniani de libro regularum ad S. Gregorium Papam*, fuit quondam in ms. Codice Ovetensis Ecclesiæ, in quo scriptum est *Pastorale* Gregorii hujus Papæ sanctissimi; cui subiectum folium titulum hunc tantum hodie habet, ipsius autem operis spem involavit nobis temeraria illius manus, qui reliquis foliis codicem spoliavit, de quo Ambrosius Morales pro merito lamentatur. Verba ejus vernacula: *En la libreria de la Iglesia de Oviedo està un codice del Pastoral de S. Gregorio, y al cabo està un titulo para solo la stima; pues dice: Epistola B. Liciniani de libro Regularum ad S. Gregorium Papam. Esto era muy bueno, y de autor Español, y nunca impresso: mas no hay mas de una boja; todo lo de mas falta*. Hæc ille in sacre illius expeditionis, quam Philippi II. Regis jussu & auspiciis in Galliciam, & Asturias, ac Legionense regnum fecit, *relatione* apud me manuscripta^k. Joannes Baptista Perezus, quem in superioribus merita commendavimus laude, in *Notis ad Isidori* hunc locum, ubi de Liciniano agit (quæ quidem *Notæ* ejus sunt, non Garfiae Loaisæ, cui minùs rectè eas Bivarius tribuit^m) hæc inquit: *Hujus Liciniani* (ita enim appellat, promiscueque, ait, tam sic quàm Licinianum appellatum se reperisse) *epistola ad Papam Gregorium edita est cum ipsis Moralibus*. Tum inde: *Ego verò præterea habeo & hujus Liciniani, atque Severi ejus collegæ, doctissimam scriptam ad Epi-*

^h De scriptura cap. 29.

ⁱ Cap. 12.

^f Baronii in *Notis ad Martirol.* 11. Novemb. Bellarmini, Labbei *De scriptoribus*, aliorumque.

^g De script. Eccles. cap. 74. ubi *Pistavus* male editus est.

^k Hanc epist. edidit Dacherius *tomo 2. Spicileg.* pag. 368. à duobus mss. bibl. Floriacensis. Nosque recudimus collatam cum ms. Toletano, adjecta ad marginem lectionum varietate, *tomo 2. Collect. Max. Concilior. Hisp.* pag. 427. CARD. DE AGUIRRE.

^l Grialis in *Præf. ad S. Isidori hæc opera.* ^m *Ad Maximianum Chronicon* pag. 575. §. 51.

phanium diaconum, ubi angelos probat esse incorporeos.

30. De priore illa ad Gregorium Papam epistola, quam si aliqua sancti Pontificis operum editio, quam Perezus viderit, repræsentavit, aliæ subdixerunt, interque eas ultima Parisiensis, monendus es, lector, exstare eam secundo tomo Dacheriani *Spicilegii inter Miscellaneas* pag. 368. hoc principio: *Librum Regularum*, &c. In ea librum *Pastorale* Gregorii, quem *Regularum* appellat, se legisse ait, summeque probasse; necnon & *De Moraliū*, sive *Homiliarum super Job*, ejusdem opere ex S. Leandro Episcopo Spalensi de urbe regia (Constantinopoli) illac prætereunte audivisse; quod & alia Moralia opera, quorum ipse auctor in isto libro meminit, transmitti ad se ab eo enixe precatur. Inter alia, occasione *Homiliarum in Job*, *Habemus* (ait) *libellos sex S. Hilarii Episcopi Pictaviensis*, quos de Græco Origenis in Latinum vertit, sed non omnia secundum ordinem libri S. Job exposuit. Et satis miror hominem doctissimum & sanctum ut de stellis nœvias Origenis transferret. Mibi, sanctissime pater, nullo pacto suaderi potest, ut credam astra celi spiritus rationales, quæ neque cum angelis neque cum hominibus facta esse Scriptura sancta declarat.

31. Hæc Licinianus, unde confirmatur dubia hucusque res inter eruditos neotericos, an scilicet Origenes ad Jobi libros quicquam commentatus fuerit, aut ejusdemne sint in Jobi librum tractatus tres, aut ab his diversa commentaria à Joachimo Perionio Latine reddita, quibusde Labbeus videndus alique. Cum ex hac Liciniani epistola rectissime colligatur sex non minus confectos fuisse ab Origene hoc super Prophetâ libellos, quos S. Hilarius ex Græco verterit. Neque enim S. Hilarius falsus fuisse credendus est in alienis libris Origeni tribuendis, qui & ejusdem commentaria in plerosque Psalmos, Erasmi judicio, in Latinum convertit. Hi autem sex libelli à Liciniano visi, an iidem cum iis aliquo modo sint, qui inter Origenis nunc leguntur opera, non facile est dijudicare. Sed ad aliam ejusdem Liciniani ad Epiphanium epistolam, cujus Perezus meminit, devenientibus, hic jam repræsentare opus est ex fronte ista; scilicet Perezii his verbis, quæ de hac epistola jam produximus, erupisse, &c. aut saltem his conformia esse fragmenti nostri Estepani hæc verba è Maximi Chronicoⁿ: *Exorto errore quod nulli essent spiritus; Epiphanius Toletanæ Ecclesiæ scribit ad Licinianum & Severum Episcopos, qui illi respondent* o.

32. Dixi, è Perezii nota, desumi potuisse hunc Pseudo-Maximi, si jam talis in fragmento est, locum; aut si aliquid germani & certi hoc fragmentum continet, de qua re alibi agendum est, convenire omnino inter utrumque auctorem in designando ei, qui de argumento isto cum Liciniano & Severo contulit, Epiphanii nomine. Hinc autem si ad vulgares Maximi editiones recurramus, statim oculos diversitas ferit, subitque ani-

um detestatio impostoris, qui pro Epiphanio, Euphemium, & in locum ignoti muneris ab eo in Ecclesia Toletana gesti, quod lacuncula illa absorpserat, Pereziusque diaconatum è codice suo vocaverat, Episcopatus honorem subrogavit. Audi sis Toletanum partim phrygionem, partim correctorem, aut corruptorem potius veteris, sive à se primum elaboratæ, Maximi telæ p: *Exorto errore quod nulli essent omnino spiritus; Euphemius sanctæ Ecclesiæ Toletanæ presul scribit ad Licinianum Episcopum Carthaginis Spartariæ, & Severum Malacitanum Episcopum, viros doctissimos; ipsique Severus & Licinianus respondens Euphemio*. Epiphanius nempe diaconus, sive Toletanæ, sive alterius Ecclesiæ, Toletanus Episcopus Euphemius repente factus, nonne ficulneum transformatorem & ludionem de impudentissima falsitate palam convincit?

33. Perezus addit, habere se alteram (epistolam) ad Vincetium, non Cæsar-augustinum, sed Ebusitanæ insulæ Episcopum, credentem epistolas quasdam de cælo cecidisse. Hæc edita est una cum Luitprandi operibus à D. Laurentio Ramirezio à Prato regio senatore, viro clarissimo^q, sub titulo *epistolarum quorundam presulum, quas collegit, scholiisque illustravit Julianus archiepiscopus S. Justæ*, addiditque notas D. Laurentius Ramirez de Prado iterumque^r in commentariis posthumis Francisci Bivarii ad Maximi Chronicon^s. Quæ quidem satis prodit rebus & stylo vetustatem quam præferret.

34. Non ita quidem altera ejusdem Liciniani nomine ad eundem quoque Vincetium Ebusitanum inscripta, quæ in utraque hac Luitprandi Maximi quæ editione superiori epistolæ subicitur; quæ quidem palato cuivis, id, quod est, statim sapit; servans nempe confictæ ab aliquo, qui, ut genium logo-dædali Toletani secundaret, pro Pseudo-Dextri & sequacium de Jacobi majoris epistola canonica novo dogmate novum producere testem & assertorem voluit, signa & lineamenta omnia, de quo ad judicium eorum provocamus, qui non præjudicio aliquo prius occupati duarum epistolarum inter se collationem facere non gravabuntur. Habemus nos utriusque exemplum ex libro descriptum, qui Francisci Bivarii olim fuit, & in Eminentissimi domini, ac venerabilis memoriæ viri D. Balthassaris de Moscoso & Sandoval S.R.E. Cardinalis, ac Toletani antistitis, tunc verò Giennensis adhuc Episcopi, post ejusdem Bivarii obitum, operâ Petri Xalon Abbatis Nucalensis monasterii ejusdem Cisterciensium Ordinis, cum literis xxvii. Novembris MDCXXXIX. pervenit manus. Ex quo libro Martinus Vasquius Siruela Portionarius Hispalensis Ecclesiæ, qui tunc in laudati magni presulis familia erat, permisso illius has transcripsit cum aliis epistolas, à quo nos postea habuimus; ex Siruelæ nota exemplo suo affixa observantes ipsa Bivarii manu scriptas ibi esse; ne aliquis veterem aliquem sibi codicem seu archetypum fingat. Ambrosius quoque Morales lib. II. cap. 70. se vidisse affirmat in vetustissimo codice Gotthico Com-

p Ad annum
DLXXIX. nu. 5.

q Pag. 529.

r Ac in nostra
Collectio
Max. Concilior.
Hispan. pag. 428.
CARDINALIS
DE AGUIRRE.
s Pag. 531.

n Ad annum
DLXXVII.

o Edita à nobis
est primum
hæc epistola ex
Ms. Eccl. Tolet.
tom. 2. Collect.
Max. Concilior.
Hispan. pag. 429.
CARDINALIS
DE AGUIRRE.

plutensis Sancti Ildephonfi collegii majoris ejusdem nostri Liciniani quicquam operis *adversus Vincentium Cæsar-augustinum Episcopum* Arianismo infectum, contra quem & Severus scripsit, ut infra dicitur.

35. Licinianum ex Isidoro novimus Carthaginis Spartariæ fuisse Episcopum: unde Hispanos natales non temerè colligimus. At Securæ ortum quis credet, quantumvis Adversarii Pseudo-Juliani fascinatus? quæ quidem talia sunt, ut forex se suo ipsius judicio prodat. Lege sis quingentesimum sexagesimum tertium cum duobus sequentibus. Ex eodem Isidoro scimus in Constantinopolitana curia diem suum obiisse, veneno, ut fama fuit, sublatum.

36. Nec temerè suspicantur auctores historiæ nostræ^t, qui non aliis, quàm certis antiqui illius ævi documentis innituntur, exilium ei, cum aliis summis antistitibus, Leovigildo Ariano Regi propter catholicam professionem doctrinæque dignitatem perosis, fuisse inditum. Nam & Leander & Fulgentius, inter se, ac Reginæ fratres germani, Massonæque Emeritenfis, Joannes Biclarenfis Abbas, aliique, pars ab Hispania expulsi, pars relegatione omnium, præter certum locum, damnati exilium pertulere. Leander quidem Hispalensis Episcopus contulit se Constantinopolin, quod & Licinianum venisse ex Isidoro constat. De illo quidem ex præfatione librorum Moralium super Jobum S. Gregorii Papæ ad eum directæ certissimum haberi debet Constantinopolin eum perductum ab *injuncta sibi pro causis fidei Regis Wisigotthorum* legatione. quo non Leovigildum Ariannum, ac fidei hostem; sed Hermenegildum ejus filium catholicum significatum auctores nostri jure quidem existimant. Cujus quidem nomine, tunc jam parenti Leovigildo adversantis, potuit Leander in exilio suo apud Imperatorem Tiberium fidei causam agere: sed quominus Pseudo-Maximo^u libentes credamus, tam Leandrum quàm Licinianum, uti legatos plebium catholicarum, Constantinopolin se contulisse, ipsa auctoris nondum idonea reputata fides facit.

37. Præterea quem Licinianum rectè Isidorus Carthaginis Spartariæ Episcopum, falsissimè nuncupavit Pseudo-Maximus fragmenti nostri^x *Carthaginensem metropolitanum*, aut vulgaris Bivarianæ editionis^y *Carthaginis Spartariæ metropolitanum*: ubi reliquæ *Carthaginis* rectius habent. Aut enim Licinianus Toleti fuerit præful; quæ metropolis aut semper fuit, aut saltem tunc temporis erat, Carthaginensis provinciae^z (quod nullus hucusque dixit) aut ambitio hæc nominis ficulnea restringenda est ad Isidorianam phrasin; ita ut Licinianus Carthaginis Spartariæ Episcopus, Euphemius verò Carthaginensis provinciae metropolitanus, audiant. In quo mihi consentientes Toletanarum rerum vindices me habiturum spero. Nihilominus tamen, Toletum quantumvis favens, Bivarius^a admittere non dubitavit secessionem aliquando fecisse à Toletano metropolita quosdam ejus provinciae Episcopos, ipsumque Cartha-

ginis præfulem pro metropolitano agnovisse: Licinianumque primum Carthaginensium Episcoporum hoc jure usum credidit. Quæ quidem novum hierarchiæ in Hispaniarum his Ecclesiis ordinem non fabulosis, sed veracibus antiquitatis testibus confirmare debuit. Quandoquidem ex Gundemari Regis decreto nullum ad hujusmodi divisionem argumentum idoneum confici alibi contendimus^b. Id saltem Bivarius jure improbat Licinianum è Carthaginensi ad Valentiniā, aliās ad Malacitanā, Ecclesiam translatum fuisse: quod scribunt Vasçus^c, & Morales^d, S. Isidori testimonium laudantes. falsò etenim hoc uterque Isidoro imputat.

38. Liciniano Dominicum successisse, ne id omittamus, Pseudo-Maximus, & alii hujus sectæ chronologi, vanissima temeritate finxere. Cui *suffectus est Dominicus* (ille ait^e) *ex presbytero Hispalensi, homo jam ætate ingravescens. Hic sanctus vir subscripsit tertio Concilio Toletano, in quo heresis ab universis Gothis est abjurata*. Duo hæc notanda. Prius est: Dominicum vocavit Hispalensem presbyterum Maximi artifex, Ambrosio Morali credens, qui ipse errorem admisit ex malè intellecto quodam Onuphrii Panvinii testimonio, ut observavit ad hunc locum Franciscus Bivarius^f, sagax ille quidem in deprehendendo Moralis errore, atque ejus occasione; non ita sagax aut ingenuus, ut annotaret, sicuti deceperunt malè intellecta verba Onuphrii Moralem, ita Moralis prejudicium Pseudo-Maximum decipisse. Posterius est, ad confirmandam Carthaginis urbis metropolin, quæ aliunde nequit comprobari; Pseudo-Maximum, quo loco refert^g, quinam primarum sedium Episcopi Concilio Toletano III. interfuerint, *Dominici Carthaginis Spartariæ metropolitani*, nomen in actis Concilii ipsius nusquam apparens, callidè inseruisse.

39. Cujus quidem Dominici fingendi occasio & fundus, uti diximus, error Moralis fuit. Panvinus nempe scriptum reliquerat, anno Christi DXCV. *Synodus Toletana, quæ Ariana heresis ex Hispania, auctore Ricardo Rege expulsa est, & Hispalensis. Dominicus, Carthaginis Episcopus, vir sanctus*. Hic dubio procul Dominicus est Carthaginensis in Africa Episcopus, familiaritate ac literis S. Gregorii Papæ celebratissimus^h. Malè autem intellectis Panvinii his verbis Morales: Dominicum ad Hispaniæ historiam pertinere existimans, sic de eo retulit, ex vulgari Latinoⁱ: *Frater Onuphrius Panvinus laudat in historia sua Ecclesiastica, uti virum hujus temporis valdè conspicuum sanctitate, Dominicum Hispali natum, & Carthaginis in Africa Episcopum. Ego id quod de hoc viro sancto dicitur, non satis intelligo, neque habeo unde quicquam ultra sciam*. Displicuit sanè Toletano Maximo ingenua ista docti equè ac probi hominis confessio: ejusque de Hispalensis vocabulo, quod Synodo Panvinii, Dominico autem Morales falsò attribuit, erroris securus, è Dominico Carthaginis, uti Onuphrius, sive Africanæ Carthaginis, uti Morales, habent, Episcopo, Hispalensem Domi-

b In Dextri
censura, ubi de
Episc. Tolet. &
Pentadio.
c In Chron.
ad an. dxc.
d Lib. 11.
cap. 19.

e Ad annum
DLXXXVIII. n. 6.

f Pag. 665.
g. 40.

g Ad annum
dxc.

h Plures epi-
scopos Gregorii
ad eū scriptas
collegit Bivar.
hik pagin. 665.
i Lib. 12. cap.
3. in fine.
k Fr. Onu-
phrio Panvinio
pene in su histo-
ria Ecclesiastica
en este siem-
po por varon
muy señalado
en su vida ad
Dominico natu-
ral de Sevilla,
y Obispo de Car-
tago en Africa.
Yo no entiendo
bien lo de este
santo, ni tengo
de donde dar
mas noticia del.

t Morales lib.
11. cap. 70.

u Ad annum
DLXXXI. num. 3.

x Ad annum
DLXXXI.
y Ubi proximè,
& ad annum
DLXXXVIII. nu-
6. & de Domi-
nico Liciniani
successore ad
ann. dxc.
z Vide Bivar.
ad Maximum
pag. 286. §. 49.

a Ibid. §. 50.

Dominicum Carthaginis Spartarite antistitem fabrefecit, nemini hucusque notum; decipereque volens, simul ipse miserabiliter fuit deceptus.

1 Cap. 30.

40. SEVERUS (apud Isidorum sequitur!) *Malacitanæ sedis antistes, collega & socius Liciniani Episcopi, edidit libellum unum adversus Vincentium Cæsar-augustanæ urbis Episcopum, qui ex catholica fide in Ariam prævitatem fuerat devolutus. Est & alius ejusdem De virginitate ad sororem libellus, qui dicitur Annulus. Cujus quidem fatemur cognovisse titulum, ignorare eloquium. Claruit temporibus prædicti Imperatoris (Mauricii) quo etiam regnante vitam finivit. Hæc ille, quibus utique laudatum nos clarum ævo suo Episcopum dimitteremus, cujus nullum ex duobus his libris hodie superest, nisi remoraretur ad alia properantes malus ille fabularum genius, quem toties ab historia nostræ gentis fugare nitimur.*

41. Hic ex uno Severo Malacitano duplicem Severum ridiculo ausu finxit. Apud Dextrum legitur ad ann. CCCLXXXVIII. in editione Cæsar-augustana: *Severus Episcopus Malacitanus scripsit librum ad sororem De virginitate. Ita & Carus edidit in sua Hispali, non dissimulato in hujus loci nota errore illius, qui Dextro inseruisset id quod plusquam ducentis. post ejus mortem annis contigit. Bivarius retinuit Malacitani lectionem, sed in ora libri monuit de altera, nimirum Lamecitanus. Confirmatque ita scriptum à Dextro fuisse, adducto Maximi testimonio isto de eodem, ut credit, Severo: Severus Episcopus Lamecensis flores scriptis. Interfuit primo Concilio Toletano. ad annum scilicet Christianum CDXXXII.*

42. Monitus verò à quodam viro docto, qui commentaria ejus ad Dextrum legerat, Bivarius, animadversoque Cari hac de re iudicio; cum ad Maximum commentaretur, duplicem nifus fuit Severum asserere: priorem, seu seniore, Lamecensem in Lusitania; alterum, seu juniorem, Malacitanum in Bætica Episcopum; seniorisque Dextrum & Maximum, posterioris Isidorum meminisse ait. Opponentibusque hujus Isidori testimonium de Severi Malacitani, sui temporis æqualis, opere *De virginitate ad sororem*, quod ipsum Dexter sui sæculi Severo attribuit, sic inauspicatò absurdeque respondit, ut planè quidvis agere aliud videatur, quàm Latina Isidori verba, sensu suo, qui apertissimus est, donare voluisse. Supponit nempe Isidorum de libro isto sic loqui, ut Malacitani Severi, quantumvis ei inscriptum, opus esse non crederet. Sed sancti doctoris sermo ita perspicuus est, ut vim sibi tam absurda interpretatione fieri non patiatur. *Est & alius ejusdem De virginitate ad sororem libellus, qui dicitur Annulus. cujus quidem fatemur cognovisse titulum, ignorare eloquium.* hoc est, Severi hunc librum, qui verè ejus esset, titulo tenus sibi cognitum, nunquam vidisse. Hæc phrasis Isidori est. In epistola quadam ad Braulionem: *quia non fui dignus tua perlegere eloquia. Et infra: quia non perlegi eloquium tuum.* Et

in alia ad eundem: *per eum eloquia tua suscipiens, hoc est literas.*

43. Accede nunc, vel è trivio grammaticæ, & nobis dic, rectène Bivarius interpretatus Isidorum his verbis fuerit: *Nam tamen si dicat librum sub Severi nomine suo tempore circumferri De virginitate ad sororem; tamen non solum ipse vulgare placitum non approbat, verum ex phrasi ejusdem esse negat.* Vix credo Bivarium, hominem verè doctum, nec iudicii inopem, ea sibi persuasisse, quæ aliis, dum sæpe sæpius his nugis credit, persuadere voluit. Nec dissimile est, quod Maximi verba hæc: *Severus Episcopus Lamecensis flores scriptis*, eo quòd anno CDXXXII. affixa sint, quo jam existere Idatium hujus Ecclesiæ Episcopum ex Chronico ejusdem constat, sic interpretatur, ut florere scripta ejus, non verò superesse adhuc eo anno ipsum, Maximus dixerit. Quas latebras passim quærere opus est ei, cui falsa verorum specie semel impo-
suere.

44. EUTROPIUS sequitur, duobus jam laudatis Liciniano ac Severo æqualis, quem & sic describit Isidorus^m: *Eutropius Ecclesiæ Valentianæ Episcopus, dum adhuc in monasterio Servitano degeret, & pater esset monachorum, scripsit ad Episcopum Licinianum, cujus supra fecimus mentionem, valdè utilem epistolam, in qua petit ab eodem pro qua re baptizatis infantibus Chrismatismis unctio tribuatur.* De hac epistola in Liciniano diximus. Adjungit Isidorus: *Scripsit & ad Petrum Episcopum Irtabicensem (Ercavicensem legendum) De distributione monachorum sermone salubri compositam epistolam, & valdè monachis necessariam.* Joannes Biclarenensis in Chronicoⁿ: *Eutropius abbas monasterii Servitani, discipulus Sancti Donati, clarus habetur.* Idem in referendis Concilii Toletani III. sub Reccaredo Gothorum Rege actis, damnataque in eo Ariana impietate: *Summa tamen synodalis (ait) negotii penes sanctum Leandrum Hispalensem Ecclesiæ Episcopum, & beatissimum Eutropium monasterii Servitani abbatem, fuit.* Quo quid illustrius, atque Eutropio honorificentius dici potuit? Summa enim apud universam gentem auctoritate, doctrinæque ac sanctitatis merito vigere oportuit eum, qui cum abbas tantum esset cujusdam monasterii, tot inter totius Hispaniæ præfules, unus Leandro metropolitano Hispalensis Ecclesiæ, doctissimo, sanctissimo, ac Regis avunculo, æqualis visus fuerit, qui cum eo summam rerum conciliarium gubernaret, ac pestilentissimæ sectæ ab Hispaniæ limitibus generalis exturbationis modum & formam præscriberet. *Beatissimi* quidem, sicut & *sancti* elogium, quo Biclarenensis de Eutropio loquens utitur, viventibus adhuc, sed Episcopis, vix autem aliis, tributum videas. *Beatissimi sacerdotes* in Concilio isto tertio à Reccaredo appellantur ii, qui interfuerunt Episcopi. Extra hos de Eutropio dictum eo tempore, quo Leander *sanctus* dumtaxat audit, *beatissimi* præconium, eximium quid planè continet.

45. In excusis Conciliorum editionibus, & in codicibus aliquot mss. quos Morales con-
sultuit

m Cap. 31.

n Anno m.
Mauricii.

o Vide lib.
12. Hist. cap. 3.

fuluit. subscriptiones deerant, cum Leandri, tum Eutropii. In ea autem, quam e pluribus manu exaratis libris diligenter a Loaisa correctiorem & locupletiozem habemus, Leander jam visitur, Eutropius adhuc desideratur: quod me parum movet, cum videam hoc tempore usque ad Concil. Toletanum VIII. anno DCLIII. habitum, in omnibus hujusmodi sacris congressibus non aliorum quam Episcoporum legi nomina. Pseudo-Maximum scio longam hic texere abbatum, presbyterorum, diaconorum seriem, Eutropique inter alios, qui Concilio interfuere. Nunc vero de subscriptionibus agimus.

46. Valentinum autem Eutropii præsulum, absque Isidoro esset, ignorarem. Qui omnino constituendus est post laudati Concilii hujus tempora, scilicet annum DLXXXIX. & ante annum DCX. quo jam inter alios Martinus, alias Marinus, Valentinus, Toletanæ Ecclesiæ in tota provincia Carthaginensi primatum agnovit. Longius enim vix est ut producamus, inter Marinum, & qui an. DCXXXIII. & sequentibus quarto, quinto, sextoque Toletanis interfuit, Musitacium collocantes. Abstineo autem de Eutropii monachatu, quod res alterius argumenti est, deque Servitani monasterii loco nunc differere, intentis ad fontes historicorum nostrorum contentus digitis.

CAPUT III.

Quod DONATUS Servitanus abbas nihil scripserit, alteriusque sit Donati Regula ad virgines: in quo erravit Haubertus Miræus. De MARTINO Dumiensi abbate, Bracarense Episcopo, qui, quamvis e Pannonia, apud nos floruit. Venantius Fortunatus de Martini nomine, & Sanctus Isidorus de patria, expositi. Pannonia Quiris, pro Pannonia Romanis subdita apud eundem Venantium. Synodi apud Lucum acta corriguntur. Bracarensis idem aliquando & Dumiensis Episcopus. Leovigildi Gothorum Regis adversus catholicos persecutionis tempus. Pseudo-Maximi insignia mendacia de Martino & Suevorum Regibus. Commenta quoque de eodem Luitprandi & Julium taxantur. Diptychon Toletanæ Ecclesiæ ab hujus ultimi impostura vindicatur. Liber Martini De differentiis virtutum, seu De formula honestæ vitæ, & alii tributi olim Senecæ. Epistolæ, capitula ex Græcis Synodis. Opuscula alia, quasi ejusdem essent, a Joanne Tamajo edita, quoddamque ejus parum Christianum.

47. SED Eutropius, quem Hispanum non temere credimus, dum in Hispania, tum abbatem, tum Episcopum, nusquam aliunde ad nos venisse constat, a præceptore, seu decessore suo DONATO separari nolle, si, uti jactatur, scriptor ille esset. Quantumvis enim Afer natus, aut educatus, in Hispaniam se contulit cum septuaginta monachis, copiosisque librorum codicibus, in eaque auctor fuit Servitani monasterii in eo tractu qui Valentinum hodie regnum est, usufque hac regula observantiæ monasticæ,

ibique apud nos vixit, & mortuus fuit, miraculis clarus. Quod totum Ildephonso, & Joannis Biclarense, elogio continent.

48. Hic tamen nullus pertinet ad Hispanam Bibliothecam. Non enim rectè Haubertus Miræus in notis ad Ildephonso locum istum collegit Donati nostri esse *Regulam ad virgines*, quam ex vetusto codice Coloniensis monasterii canonicorum regularium Corporis Christi descriptam se habuisse ait; cujus hoc initium: *Sanctis à me plurimum venerandis Christi virginibus Gualstrudæ, omniæque sue Congregationi in cenobio à famula Dei Flavia constructo, Donatus*. Hæc enim est Donati Vefontinæ urbis in Burgundia Episcopi, Flavie illius filii, quæ monasterium condidit: quod constat ex Jona monacho in *vita S. Columbani* cap. 13. quæ inter venerabilis Bedæ opera reperitur; subque ejus nomine edita hæc *Regula* est in *codice regularum*, quem à doctissimo viro Luca Holstenio edition, quum è vivis abiit Romæ, paratum, Eminentissimus Cardin. Franciscus Barberinus post mortem ejus typis mandari curavit.

49. Donatum utique, si auctor fuisset hujus Regule, non recusarem albo nostro inscribere. Nam & Martinum Pannonium, eo quod inter nos doctrinæ & sanctitatis velut flos tempore suo fuit reputatus, eò libenter admittimus. MARTINUS hic DUMIENSIS à monasterio, cui præfuit abbas, & Episcopus, seu BRACARENSIS ab Ecclesia, quam deinde administravit, & Gallicienfis à provincia, hoc meruit à S. Isidoro Hispalensi elogium: *Martinus Dumiensis monasterii sanctissimus Pontifex, ex orientis partibus navigans in Galliciam venit* (malè in aliis *Galliam*) ubique *conversis ab Ariana impietate ad fidem catholicam Suevorum populis, regulam fidei & sanctæ religionis constituit; Ecclesias confirmavit, monasteria condidit, copiosaque præcepta piæ institutionis composuit*. Cujus quidem ego legi librum De differentiis quatuor virtutum, & aliud volumen epistolarum, in quibus hortatur vitæ emendationem, & conversionem fidei, orationis instantiam, & eleemosynarum distributionem, & super omnia cultum virtutum omnium, & pietatem. Floruit regnante Theodemiro Suevorum Rege, temporibus illis, quibus Justinianus in Republica, & Athanagildus in Hispaniis imperium tenuerunt. Adjungerem, pro evi more, Martini nomini aliud Martii nomen, adductus his Venantii Fortunati ad eum scribentis: *alterum ad occasum Deus plantasset Elysiu, in quo fortior Adam, idest Martius Martinus, inexpugnabilis accola Christi &c.* Nisi Martium allegoricè à Martiali virtute dictum potius existimarem.

50. Præstat singulis lucem aliunde immittere. Ex Pannonia (regnum Hungariæ nunc est) fuit Martinus; nec aliud importat, quod ex orientis partibus venisse ad nos dicatur, cum istis Isidori verbis prorsus significetur, quum ad Hispanias se contulit, in oriente & Palæstina diu peregrinatum fuisse. Gregorii Turonensis verbis id confirmabimus, totamque Isidorianam historiam. *Hoc tempore* (ait lib. 5. *Hist. Francor.* cap. 38. de Leovigildi

s De script.
Eccles. cap. 4.
t In Chron.
ad ann. v. Justiniani.

u Tomo 3.

x Parte 3.
pag. 78.

y In hac hallucinatus fuit Baronius die xxi. Junii lit. H. tres Martines ex unico faciens.
z In edit. Bibliæ. Eccles. Miræi.

a Republica pro Rom. Imperio. Joannes Biclarenfis anno 11. Mauricii in Chron. Leovigildus Rex filio Hermenegildo ad Rempublicam commigrante, Hispalim pugnamdo ingreditur.

b Lib. 5. Carmin. in princip.

c Somniant quidam Pannonias in Hispania propter Stephani locum, quem corruptum esse docuit Ludovicus Nonnius Hispania suæ c. 1. Vide Cardosum in Hagiologio Lustrano 2. tom. die xx. Martii pag. 246.

p In edit. Loayzæ pag. 259.

q Videndi Morales lib. 11. cap. 60. Escolanus lib. 9. Hist. de alicia cap. 20. §. 7. Joannes Mabillon. in pref. ad Aſta S. S. Ord. S. Benedicti §. 6.

r Mariana lib. 5. cap. 11. Morales lib. 11. cap. 60. Valques ad ann. DLXIX. Reuter lib. 1. Hist. de España cap. 27. Malvenda De Antichristo lib. 16. Escolanus ubi proxime §. 3.

gildi in catholicos sevientis agens tempore) & beatus Martinus Gallicienſis Episcopus obiit, magnum populo illi faciente planctum. Nam Pannoniæ ortus fuit, & exinde ad visitanda loca sancta in orientem properans, in tantum se literis imbuat, ut nulli secundus suis temporibus haberetur. Exinde Gallaciam venit, ubi cum B. Martini reliquie portarentur, Episcopus ordinatur. In quo sacerdotio impletis plus minus xxx. annis, plenus virtutibus migravit ad Dominum. Versiculos, qui super ostium sunt à parte meridiana in basilica sancti Martini, ipse composuit. Hæc Turonensis. Eadem ferè Aimoïnus monachus lib. 3. Hist. Francorum cap. 39. adjuncto tamen ordinatum eum Episcopum in Basilica que prima apud Hispanos in honore S. Martini dedicata est. Patriam asserit quoque Venantii Fortunati carmen. l. lib. 5. ad eundem nostrum, quo celebrat ejus Apostolicum in Gallæcia munus, & florentem sub eo catholicam ibi religionem, ubi inter alia:

Pannoniæ, ut perhibent, veniens ex parte Quiritis,

Est magis effectus Galli-Suëva salus.

Pannoniam Quiritem dixit pro ea quæ Romanis suberat, uti Rempublicam absolute pro Romanorum ditione, ut vidimus. Immo ipsum epitaphium, quod plures laudant^d, Pannoniis favet.

Pannoniis genitus, transcendens æquora vastæ, Gallæciæ in gremium divinis nutibus actus, &c.

51. Professus fuerat olim catholicæ Ecclesiæ fidem Recchiarus Suëvorum Rex, qui anno CDXLVIII. regnare cœpit. Sed Remismundi tempore circa annum CDLXIV. Ajacis Galatæ Ariani, qui de Gallicana Gotthorum regione venerat, dolosis artibus, Ariana perfidiæ labem tota Suëvorum gens contraxerat^e; usque dum Theudemirus, seu Ariamirus, regni habenas suscepit. Qui confestim (ait Isidorus in brevi Suëvorum historia) Ariana impietatis errore destructo, Suëvos catholicæ fidei reddidit, innitente Martino monasterii Dumienſis Episcopo, fide & scientia claro, cujus studio & pax Ecclesiæ ampliata est, & multa in Ecclesiasticis disciplinis Gallæciæ regionibus instituta. Idem in Chronico floruisse ait sub Justino minori apud Gallaciam Bracarensem Episcopum prudentiâ & doctrinâ catholicæ fidei clarum. De constructione monasterii Dumienſis memoria fit in Toletano Concilio x.^f

52. Valdè autem miror quòd in Concilio Bracarenſi primo anno DLX. hoc est Theudemiri, seu Ariamiri tertio, celebrato, nulla hujus conversionis mentio fiat, sed Priscillianæ tantum condemnentur dogmata, Ecclesiasticæque disciplinæ quædam regulæ constituentur. Huic certè subscriptus quinto loco, Martinus noster Dumienſis monasterii Episcopus est, qui non unum hoc dumtaxat eo jam tempore condiderat^g, cum in eodem Concilio de monasteriorum consuetudinibus perspicua mentio habeatur, Isidorusque in Suëvorum historia multa fuisse ab eo monasteria condita annotatum reliquerit. Post no-

vem item annos^h Synodus apud Lucum coacta sub eodem Rege designavit unicuique Episcopo suam diœcesin, ubi ad Dumio familia servorum vi. spectare diciturⁱ. Mendum ego existimo, pro familia Suëvorum Regum x. Nam aliàs in Wambæ Gotthorum Regis divisione earundem diœcesum vetus hæc Suëvorum inserta^l ita concipitur: Ad sedem Dumienſem familia regia. Erat enim prope regiam urbem Bracarensem monasterium, regiæque ipsius parochia.

53. Ascendit postea ex Dumienſi ad metropolitanam sedem Bracarensem Martinus ante annum DLXXII. quo munere isto mactus secundo Bracarenſi Concilio interfuit^m. Post cujus obitum Bracarenſis & Dumienſis Episcopi seorsum laudati Conciliorum in actis leguntur. Joannes autem Vazæus notavit, in Concilio Toletano xvi. Felicem Bracarensem simul & Dumienſem Episcopum in historiæ Roderici Toletani ms. codice se vidisse, quo loco vulgares editiones Conciliorum, & inter eas Matritensis Loaisæ, Bracarensem & Portucalensem cathedras huic Felici adscribunt. Eundem verò esse Martinum Bracarensem & Dumienſem ex Concilio x. Toletano constat paullò antè laudato; in quo fit mentio testamenti ejus, quod succedentibus ex ordine Regibus exsequendum commiserat. Qui ob conservatam Dumienſis dignitatem, ut creditur, cum Bracarenſi, non ab alio quàm à Dumienſis monasterii Pontificatus munere nuncupatus apud Isidorum legitur. Iccircò & abest in Bracarenſi secunda Synodo Dumienſis Episcopi mentio; quia idem cum eo erat is, cujus fit, Bracarenſis.

54. Mors ejus, si Gregorio Turonensi hujus temporis æquali fidem non denegamus, ad Leovigildi annos, quibus in catholicos ille sæviebat, referri omnino debet; immo ad Childeberti junioris Francorum Regis quintum, qui Baronio annus fuit Christianus DLXXXIII. n aliis DLXXX. five ad Childeberti vii. qui fuit Chilperici atque Gruntanni xxi. ut disertè ait Aimoïnusⁿ, hoc est annum DLXXXII. juxta Labbeanum computum. Sed operæ pretium est ex serie annorum Leovigildi ostendere non ante hos annos persecutionem catholicorum contigisse in Hispania. Cœpit is regni habenas anno Justinii junioris iii. qui est redempti orbis DLXVIII. ut ex Isidori^p & Joannis Biclarenſis^q liquet Chronicis. DLXXII. Liubane fratre atque regni consorte defuncto, toti Hispaniæ præesse cœpit. DLXXIX. devictis tyrannis requiem sortitur. DLXXX. Hermenegildus Leovigildi filius uxorem ducit, & adversus parentem infurgit. DLXXXI. habuit Toleti Leovigildus Concilium Episcoporum sectæ Arianae. DLXXXIII. Adversus filium copias contrahit. DLXXXV. capta Hispali filium exsilio Valentia urbis deputat. DLXXXVI. Suëvorum regnum extinguit, & provinciam facit. Eodem anno Hermenegildus occiditur. DLXXXVII. regni sui xviii. Mauricii Imperatoris iv. Leovigildus obit. Sequimur in his chronologiam

^h Etā devit. anno DLXII.

ⁱ In edit. Loaisæ pag. 129.

^k Multa morosè de his verbis Taniajus in Martyr. xx. Martii pag. 315.

^l In eadem edit. pag. 137.

^m In eadem edit. pag. 171.

ⁿ Labbeo in Conc. Chronol. hoc anno. o Lib. 3. De gestis Franc. cap. 19.

^p Etā dev. q Anno Justinii iii.

^d Tamajus xx. Martii in Martyr. Hisp. pag. 315. & 329. Mabillon. in Actis SS. Benedictin. i. tom. pag. 261. Joannes Bapt. Perezus in sebolis ad S. Isid. De scriptis.

^e Isidorus in Hist. Suëvorum, Idatius anno xv. Severi, seu Olymp. cccxi. anno iii.

^f In edit. Loaisæ pag. 100.

^g Plures nument Tamajus xx. Martii pag. 313. Cardotus in Hagiolog. Lugdano die xx. Martii pag. 247.

Joannis Biclarenfis , atque in novioribus Labbei .

55. Leovigildum ergo ampliando bellis imperio extirpandisque externis hostibus occupatum usque ad annum DLXXIX. verisimile est tunc primum, occasione rebellantis (ut veteres loquuntur) sequenti anno Hermenegildi filii , catholicos persequi cœpisse. Neque hic tergiversabuntur qui Pseudo-Maximo credunt . Hic enim exilia Joannis ejusdem Biclarenfis & Massonæ Emeritenfis anno DLXXIX. aliorum autem antistitum catholicorum anno DLXXXI. immo & obitum Martini nostri Bracarenfis, dicto anno DLXXIX. assignata habet , convenitque Pseudo-Julianus ^p . Quocum stare nequit series gestorum vitæque Martini apud nos actæ ab eodem Pseudo-Maximo constituta . Ponit hic auctor (vulgaris quidem editionis , non fragmenti nostri , qui Martini nusquam meminit) hujus adventum in Hispanias anno DXXXI. ^q Recchiarîi Suëvorum Regis tempore .

56. Hunc Rechillanis vocat filium , aitque institutum in fide catholica eum fuisse à nostro Dumienfi, Suëvosque hoc ipso anno, hoc est Recchiarium & ejus filium Ariamirum, cum palatinis & populo Arianae heresi in Concilio quodam, quod Aubertus Bracarenfis Episcopus collegit , renunciâsse. Hoc tam insanum est mendum , ut refelli ex proposito vix dignum sit . Pseudo-Maximi verba in ora legi possunt ^r . Consulto enim eò rejecimus , ne lectorem stupidissima fitione gravaremur . Rechilla Suëvorum Rex anno CDXLVIII. ut supra annotavimus, Recchiarîo filio vacuum regni sedem reliquit moriens , centum ferè annis ante Martini Dumienfis ætatem . Isidorus disertè ^s : *Erà CDXXCVI. (annus est Christi quem prius diximus) Recchiarîus Rechillanis filius catholicus factus succedit in regnum annis IX. accepta in conjugium Theuderedi Regis Gothorum filia.* Hic Theuderodus ille est , qui prælio obiit cum Attila commisso . Recchiarîo extincto, partim Maldra , partim Franta , hisque Rechimundus , unaque Frumarius , succedere . His subrogatus Remismundus anno CDLXIV. ^t Ajace Galata Ariano hæretico instillante bibit hanc hæresin cum tota gente . Isidorus iterum : *Multi deinde Suëvorum Regibus in Ariana heresi permanentibus, tandem regni potestatem Theudemirus suscepit , qui confestim Arianae impietatis errore destructo, Suëvos catholice fidei reddidit, immitente Martino monasterii Dumienfis Episcopo &c.*

57. Post Theudemirum regnâsse Mironem postea ait , qui Leovigildo Hermenegildum Hispali obsidenti suppetias ivit : quæ res anno DLXXXV. contigit . Unde vulgaris Hispaniæ historicorum observatio est ^u , periisse Regum Suëvorum , qui Ariana tabe marcuerunt , plusquam centum annorum memoriam ; cujus observationis ipse (mirum !) meminit Franciscus Bivarius , qui ad locum hunc Maximi nil non audet , ut hanc ejus historiam ostendat vero consonam . De hoc tamen hiatu & prochronismo plusquam cen-

tum annorum, qui à Recchiarîo ad Suëvorum sub Theuderodo Martini Dumienfis operâ conversionem interfunt , ne ^v quidem loquutus . Eruditionem hominis & industriam, quas semper amplectimur, infelicissimè impensas ! Notâ autem dignum est , Maximi Estepanum fragmentum in Suëvorum Regum successione rectè incedere, atque Isidoro prorsus convenire . Post Maldrum anno CDLX. & Remismundum CDLXX. laudatos , nullam alterius facit , quàm Theudemiri electionis anno DLVIII. mentionem . Unde rectè colligas ad hos fontes , si qui nondum infecti sunt, recurri debere .

58. Nec solum in eo fallit planus . Falsum enim est Martinum anno DXXXI. ad nos venisse ; cum triginta , nec plus , annos Hispaniensis incolatûs tribuere ei debeamus ; quibus quidem ab anno DLXXX. aut DLXXXIII. uti diximus , quo diem obiit suum, deductis, prope DL. in Hispaniam primum appulisse credendus est . Triginta Hispaniensis incolatûs annos diximus, quot scilicet in Pontificatu vixit, Gregorio Turonensi teste . Nam quo tempore advenerunt in Hispaniam reliquiæ S. Martini , hoc est statim atque Martinus noster eò quoque venit, Episcopus ordinatus fuit , ut idem Turonensis ait . Fallit ergo Maximi formator, qui totos novem annos monachum, nondum tamen abbatem Dumiensem , nedum Episcopum, fingit semi-sæculum integrum in Hispania vixisse .

59. Falsum quoque est Martinum in Gallæciam venisse cum reliquiis S. Martini Turonensis Episcopi . *Venit cum reliquiis S. Martini Turonensis in Hispaniam*, ille ait . Cui adversatur res ipsa , uti gestam retulit Gregorius Turonensis lib. I. *De miraculis Sancti Martini* cap. II. *Tunc commonitus à Deo B. Martinus , de regione longinqua , qui ibidem nunc sacerdos habetur (vivo enim eo hæc scribebat) advenit . Sed neque hoc credo sine divina fuisse providentia , quod ea die se commoverat de patria , quâ beatæ reliquiæ de illo loco (Turonis, ubi corpus ejus) levate sunt : & sic simul cum ipsis pignoribus Gallæciæ portum ingressus est.* Quorum verborum ille necessarius est sensus , eodem die quo Regis familiares portum Gallæciæ cum S. Martini reliquiis sunt ingressi , Martinum alterum ex orientis partibus, hoc est Palæstina (quod ajunt ^x Isidorus ac Turonensis ipse Gregorius) venientem in eundem portum appulisse . Confirmat Venantius Fortunatus in epistola ad Martinum, è Turonis , ut videtur , scripta, quæ initio lib. 5. ejus operum legitur . *Preca-tur eum, ut pro se ad S. Martinum oret. Est enim (ait) vobis ratio consequens , ut per vos illinc nobis redeat spes patrocini , quia ad vos hinc prodiit pars patrum .* hoc est sancti patris reliquiæ . *Ad vos, non vobiscum*, verè dixit .

60. Nec minus temerè dicitur à Pseudo-Maximo ^y nostrum hunc fuisse Benedictinum monachum , sive *Benedictini ordinis monachorum patrem* . Nam præterquamquod Maximi germani sæculum hanc loquendi formam nondum admiserat (quod nec Bivarius latè

E e

hac

^x Locis supra laudatis .

^y Ad an. d. 5.

Biblioteca vetus Hispana Tom.I.

^z In Comm.
ad epist. nuncup.
Maximi pag.
75. & seqq.

^a Pugnans
tamen pro Be-
nedictinorum
hac colonia
Joan. Mabillon-
us *Ad Acta*
S.S. Benedictini.
tom. 1. pag.
281. Cardofus
in *Hagiol. Lufi-*
tano xx. Mar-
tii.

^b §. 8. n. 94.

^c Benedicti-
num exillimât
Prudentius
Sandovalius in
Fundationibus
suis *Monaste-*
rior. S. Benedi-
cti in Hispania
fol. 10.

^d *Adv.* 70.

^e In *enchiri-*
dio.

^f Vide eum
De *viris illu-*
stribus ordinis
S. Benedicti, &
hunc Pseudo-
Luitprandi er-
rorem taxan-
tem Tama-
jum in *Mar-*
tyrol. Hifp. xx.
Martii p. 329.
& Garibajum
l. 8. cap. 19. Car-
dosum die xx.
Martii p. 247.

^g De quo
latè pluribus
Adversarii 2
67. ad 71. De
Britonia Astu-
rum latè D.
Antonius Cal-
deron De *las*
excelencias de
Sans-Jago lib.
1. cap. 3. nu. 24.
Jepes *Chron* de
S. Benito tom.
1. anno dextim.
fol. 242. Cardo-
fusi in *Hagiol.*
Lufit. u. Mar-
tii.

hac de re agens diffitetur.) Martinus ex Pannonia egressus ad visitanda loca sancta in orientem profectus fuit, exindeque Gallæciam venit, ut ex Turonensi & Isidoro constat. Unde haud potuit institutum vitæ, qui ea in parte orbis ignotus adhuc fuerat, ad nos portare. Fateor pro Benedictinis adduci à Joanne Mabillone ad *Acta S.S. ordinis S. Benedicti* doctissima præfatione b Bonifacii IV. Papæ testimonium ex Ivonis decreto, quo Martinus Pannoniensis ita laudatur Episcopus simul & monachus, cum Gregorio Papa, & Augustino Anglorum Apostolo, statimque S. Benedicti monachorum præceptoris regula; ut de eodem horum omnium instituto & familia Bonifacius sensisse videatur. Quare abstinemus sermonem alterius otii controversiis c, annotasse contenti Martinum ab Isidoro dici *copiosa præcepta piæ institutionis* (monachis forsan) composuisse.

61. Supposititii quoque Luitprandus & Julianus licere sibi somnari aliquid in Martini rebus credidere. Luitprandus Britoniensem seu Mindoniensem cathedram ante Dumiensem ei attribuit d, Alphonsi Veneri Dominicanæ errorem e asserturus, qui Mindoniensem vocavit Episcopum; quod putaverit forsan idem importare Dumienfis ac Mindonienfis Episcopatum appellationem: quod non ita esse observavit inter alios Joannes Vasæus in *Chron. Hifp.* cap. 20. Haubertus quoque Miræus in *Auctario Bibliothecæ* cap. 146. Trithemium laudans Mindoniensem dixit Martinum fuisse Episcopum. Malè quidem, cum Trithemius id non dixerit f. Britonium scilicet in Gallæcia urbem intellige, non alteram cognominemque in Asturijs g. Quæ si alicujus momenti essent, ne Maximi vacillaret fides, statuere oporteret, Martinum è Britonienfi Episcopo, Dumiensem abbatem, è Dumienfi abbate Dumiensem Episcopum devenisse.

62. Insolenter magis Julianus, in *Missa Sancti Jacobi* (ait *Adversario* 397.) post *Hilarium* sit mentio *Athanasii Episcopi Cesar-augustani*, & *Hilarii Gumerensis*, & *Martini Dumienfis*. De diptycho Toletano loquitur, quod sic habet: *Pro spiritibus pausantium, Hilarii, Athanasii, Martini, Ambrosii, Augustini, Fulgentii, Leandri, Isidori, &c.* Noti sunt isti heroës Ecclesiæ, & ubicumque Christiana fides viguit, ore omnium celebrati. At Julianus pro Athanasio Magno Alexandrino, Martinoque Turonensi, & Hilario Pidaviensi Episcopis, Athanasium quendam S. Jacobi supposititium discipulum Cesar-augustæ ab eo relictum, Hilarium nescio quem Guimarensem, ac Martinum nostrum Dumiensem in diptycho laudatos asserere non erubuit. Ita de sacris hodie ludere, quorundam hominum ludus est. Diem mortis ejus anniversarium, xx. scilicet Martii mensis, celebrant aliquot Galliciæ & Portugalliæ Ecclesiæ: quod Morales docet lib. 11. cap. 62. Inventionis sancti corporis & translationis dies colit Bracarenfis Ecclesia, teste hagiologo Lusitano.

63. Deveniamus jam ad Martini Dumienfis, seu Bracarenfis, opera.

Primum est *De differentiis quatuor virtutum cardinalium* liber, quem Isidorus laudat, ad Mironem Regem Theudemiri successorem (Trithemio h ad ipsum Theudemirum) scriptus, creditusque olim Senecæ philosophi, uti de eo loquentes annotavimus. Sed Martini nostri esse concors jam doctiorum sententia est: qui prodiit solus Venetiis ex officina Francisci Ziletti anno MDLXXXVI. *De formula honestæ vitæ* inscriptus; quo nomine auctor ipse donavit, ut ex epistola nuncupatoria, de qua mox dicemus, constat, in 12°. Hunc titulum agnovit & Joannes Trithemius i. Exstat & in *Bibliotheca VV. PP.* tomo 6. item Basileæ curante Gilberto Cognato Nozoreno, & alibi excusus, itemque cum Boëthii Eponis Frisii *heroicis questionibus*, ait Labbeus in dissertatione *De scriptoribus Eccles.* Huic operi metricum veluti proloquium habes in Joannis Tamaji *Martyrologio Hispano* x. Epistolam verò ad Mironem Regem Galliciæ, quæ desiderabatur in omnibus editionibus, in lucem protulit è ms. cod. Uticensis in Gallia monasterii Joannes Mabillonus, editamque habemus in *Spicilegio* Lucæ Dacherii volum. 10. l de qua agit ipse in præfatione ad lectorem m. Alter ab hoc est, ejusdemque auctoris, atque existimatus idem Senecæ,

64. II. *De moribus* liber, qui Parisiis prodiit cum Leodegarii à Quercu libro commentario, simulque alius liber *De paupertate*, nescio cuius, MDLVI. in 4°. apud viduam Petri Attaignaut: quod in *Bibliotheca* sua *Gallica* Verderius monet. Confundunt cum superiore libro nonnulli, nuperque Lebbeus, ut ibidem diximus.

65. III. *Epistolarum* librum, cujus Isidorus mentionem habet, desideramus, propter nobilissimum & piissimum, quod continebat, argumentum, ac propter hominis ingenium & elegantiam styli meliore fato dignum. Unam ex his mirè extollit ad se missam Venantius Fortunatus in principio lib. 5. ad nostrum scribens cum *Galliciæ Episcopi* titulo. De qua inter alia: *Quid loquar de periodis, epicheimatibus, enchyrematibus, syllogismisque perplexis, quo laborat quadrus Maro, quo rotundus Cicero. Quod apud illos est profundum, hic profusum, quod illic difficillimum, hic in promptu.* Domesticum esse illi deinde ait, corrupto & manco quantumvis loco, quicquid Plato, Aristoteles, Chrisippus, Pittacus philosophi docuere: præferre magis autem ejus stylium Hilarii, Gregorii (non quidem Magni Pontificis Romani, sed aut Nazianzeni, aut Nysseni) Ambrosii, Augustini que dogmata. Reliqua vide n.

66. IV. *Capitula collecta ex Grecis Synodis* ad Nitigesium, aliàs Nigesium, atque item Netigium, Lucensem Episcopum o (qui in Concilio Toletano III. laudatur à Pantardo Bracarenfi pro eo subscribente) vel universum Concilium Lucensis Ecclesiæ. Non quidem Græcus Martinus, ut pars credidit, & nos supra tetigimus; sed in oriente diu versatus, ita se literis (ait Gregorius Turonensis: hoc est Græcis) imbuuit, ut nulli secundus suis temporibus haberetur. Videns ergo canones veterum

h De script.
Eccles. cap. 19.

* Exstat in
Vaticano cod.
sub M. Tullii
Ciceronis no-
mine. CARDIN.
DE AGUIRRA.

i De script.
Eccles. cap. 19.

* Hoc opus
penes nos habe-
mus ex codice
Toletano ex-
scriptum, ac
collatum cum
ms. Vaticano
optimæ notæ
sub nu. 634. an-
norū circit. de
antiquitatis;
quod, simul cū
alijs ejusdem
Martini operi-
bus, aliquando
forfan, multis
erroribus ex-
puratum, pu-
riorem lucem
videbit. CARD.
DE AGUIRRA.

u Die xx.
Martii pag.
313.
l Pag. 626
m Pag. 24.

n Quædam
à nobis primò
edita est ejus-
dem Martini
epistola De tri-
na mercede, ad
Bonifacium
Episcopum
scripta, tom. 2.
Collect. Max.
Concil. Hifp. pag.
506. CARD. DE
AGUIRRA.

o Notat
Loaisa in No-
tis ad Concil.
Lucense pag.
130.

illius

illius gentis, & linguæ Conciliorum vitia quedam, five male, five obscure, five tandem haud integre interpretationis ab Latinis translatoribus contraxisse; novam post Dionysium Exiguum, & Ferrandum diaconum Carthaginensem aggressus est versionem è Greco Latinam, quâ ea quæ per scriptores (ipse ait in epistola ad Nitigesium) immutata essent, simplicius & emendatius restauravit, novoque ordine res quasque digessit, nonnullaque ex Hispanis Conciliis Toletano I. & Bracarenfisibus adjunxit. LXXXIV. capita sunt, quæ passim à Gratiano, & aliis decretorum collectoribus ex hac Martini versione afferuntur: non tamen quasi ab ejus collectione, & interpretatione, sed quasi ex Concilio Martini Papæ desumpta, sic enim fert titulus quamplurium canonum P. Ratio hujus æquivocationis ea est, quod *Episcopi* & *Papæ* nomina eo promiscue accipiebantur tempore, vereque Martinus ad Concilium Lucense hoc direxit opus. Quod quidem exstat in Conciliorum, quotquot factæ sunt, editionibus post Hispanam Loaisæ collectionem ad calcem Bracarenfis II. Synodi, & in appendice tomi I. *Bibliothecæ jur. canon.* Justelli, exhibitis è regione Græcis fontibus q.

67. V. *Sententiæ* quoque *Ægyptiorum patrum*. Ex incerti Græco in Latinum etiam hæ ab eodem translata. Has Heribertus Rosveidus in appendicem libri sui *De vitis patrum* conjecit è Toletanæ Ecclesiæ altero, & monasterii S. Floriani in Germania altero codicibus antiquis desumptas. Alium vidit ante annos CD. manu scriptum in Nucalensi Benedictinorum monasterio Franciscus Bivarius. Incipit: *Abbas Joannes dicebat ad discipulos suos*.

68. Fecit quoque *vitæ patrum Græcorum* Paschasii cujusdam operâ in Dumienfi cœnobio degentis è Græco transferri. Exstant hæ libro 7. *De vitis patrum*, capitibus XLIV. contentæ, in quarum prologo ad nostrum directo Paschasius auctorem sibi operæ his impensæ Martinum fuisse docet.

69. Quod ipsi existimare pronum est de altera ejusdem simili translatione illius operis, quod in eadem Rosveidi collectione totum ejus quintum absolvit librum, qui *interrogationes & responsiones patrum* continet monachorum: de quo Sigeberti hæc intelligenda veniunt: *Martinus Episcopus transtulit per manum Paschasii diaconi interrogationes & responsiones plurimas SS. Ægyptiorum patrum in Dumienfi cœnobio*. Rectè id Bivarius annotavit, qui Paschasium hunc eundem cum eo arbitratur, qui Eugypio presbytero mittenti ad se libellum de S. Severini Noricorum Apostoli vita, rescripsit eâ epistolâ, quam Vitæ ejusdem S. Severini à se anno MDXCV. publicatæ Marcus Velferus Augustanus præfixit, atque adeo Pannonium, uti Martinum & Eugypium, fuisse. Cum aliis Cardosus Lusitanus eundem quoque cum eo judicat, cuius S. Gregorius meminit lib. 4. Dialog. cap. 40. & 41. cujusque memoriam in Fastis suis habet Ecclesia die xxxi. Maji. Aliis aliter placet.

Bibliotheca vetus Hispana Tom. I.

70. Quinque etiam alia Martino tributa opuscula primus edidit Joannes Tamajus ex codice, qui olim fuit Garfæ à Loaisa, quem cum ferè aliis centum à manu ejus heredum se redemisse ait*, & ad bibliothecam Excellentissimi Domini D. Didaci de Arce Reinoso Placentini Episcopi, & Generalis Hispaniarum Inquisitoris transtulisse. Hæc sunt:

VI. *Pro repellenda jactantia liber*. Incipit: *Multa sunt vitiorum* &c. cujus continuatio verius quàm diversus est alter.

VII. *De superbia*, qui incipit: *Qualis electus* &c.

VIII. *Exhortatio humilitatis*. Incipit: *Quisquis nutu Dei* &c.

IX. *De ira* ad Vitimirum Episcopum. Incipit: *Dum simul positi* &c.

X. *De Pascha*.

Inter quos libellos, verè pulcherrimos, ita eminet *De ira* ille ad Vitimirum Episcopum, & styli elegantia & sententiarum acumine, ut non dubitem excerpta continere eum è libris Senecæ ejusdem argumenti: quod quidem, cui conferre otium sit, reddere sibi notum poterit. Nullis ad hoc ibi utitur sacræ Scripturæ testimoniis, ut in aliis solet, ut ethnicum verè, non Christianum, audire tibi videaris. Certeque non Christianum est, quod excusationem offensæ illatæ his verbis præ tendit: *Amicus est; fecit quod noluit. Inimicus est; fecit quod debuit*. Postremum enim hoc longè abludit à Christiano dogmate.

71. XI. *De correctione rusticorum* opusculum plures laudant, & Joannes Tamajus vidit carmen pro ejus quasi præfatione scriptum; quod quidem, & alia Martini nostri actis ab eo inserta, non quidem ejus commatis sunt, nisi nos judicium fallit, cujus alia passim ab eo, ut antiquitatis monumenta, vanè jactata, cum satis ipsa suum auctorem prodant. Et in iisdem actis aliam, quàm Tamaji elegantiam & judicium plura redolent.

72. XII. *Carmina* denique Martini quædam, unâ cum Dracontii & Eugenii Sirmondus edidit Parisiis MDCXIX. *Versiculi* (Turonensis ait) *qui super ostium sunt à parte meridiana in Basilica Sancti Martini, ipse composuit*.

73. Diffusiùs nos, quàm pro exteri elogio. Sed Suëvorum, hoc est magnæ Hispaniarum plagæ, verè Apostolum, germano civi æquiparamus. Plura alii docent, quos consulere lector poterit.

CAPUT IV.

De LEANDRO Hispalensi Episcopo. Quale ejus genus. Vix Gothicum. Theoderici Gothorum & Ostro-Gothorum Regis adventus in Hispaniam incertus. De Theodora Leandri matre falsò exponi quasdam inscriptiones Hispalenses. Frequens error Bivarii. De Leandri patria, & circa eam cœcipientibus Xysto Senensi & Tribemio. Monachum fuisse, Hispalensibus datum antistitem, & Constantinopolin ablegatum: non quidem interfuisse ejusdem urbis V. Generali Concilio, quod à Luca Tursiensi

u In Martyrologio Hisp. die xx. Martii pag. 317. & sequentibus.
x Pag. 329.

y Morales lib. 11. cap. 62. Garibay lib. 8. cap. 19. *Breviar. Bracar.* in S. Martini lectionibus apud Cardosum die xx. Martii pag. 248.

z Collegerunt omnes Tamajus, & Cardosus die xx. Martii.

p Cap. Episcopum dist. 64. cap. Non debet. dist. 65. cap. Si quis ordinatus. dist. 92. cap. Episcopus 7. 9. qu. 2. & aliis, quæ collegit Loaisa in edit. hujus libri, notatque Anton. Augustinus in *Judicio de Collectioibus canonum* par. 2. episcopus juris Pontif. & Roder. de Cuthad. decretum, in cap. Si quis presbyter. dist. 24.

q Porro in Collect. nostra Concil. Hisp. tomo 2. pag. 327. & seqq. CARD. DE AGUIRRE. r Meminit ad Maximum anno DLXXXIX. pag. 377. nu. 33.

s De script. Eccl. cap. 117.

t Miræo in *Notis ad Sigebertum* cap. 27. De scriptor. Eccl. & in *Auctorio* cap. 159.

densi deceptus ait Morales . At in Toletano III. ducem Reccaredo fuisse ad renunciandum Arianismo . De amicitia, & ad eum epistolis S. Gregorii Papæ, & mortis anno . Ejusdem opera . De trina aut unica baptizandorum merfione S. Gregorii verbum quoddam ex Concilio Toletano castigatur ; Psalterium pro officio diurno Ecclesiastico . Joannes Mariana defenditur à reprehensione Cardinalis Baronii .

74. **SUEVORUM** Apostolum Martinum Dumiensem jure LEANDER sequitur, Gotthorum & ipse Apostolus, cujus ope & industria factum fuit, ut Arianæ hæresi olim in ipsis foribus Christianismi desponsatæ, libelli repudium ea gens mitteret . Natus hic Severiano patre Carthaginensis provincie Hispaniæ, ut Isidorus frater loquitur ^a . Rodericus Toletanus & Lucas Tudensis addidere Ducem fuisse hunc Severianum provincie Carthaginensis : quod fuerit juxta morem illius ætatis & gentis, quo Lusitanie Claudius, aliisque Provincie apud Joannem Biclarensem, Paullus item Narbonensis, Duces, hoc est, harum provinciarum administratores ^b, cognominantur . Quod autem horum uterque adjungit, Severiano Theodericum Amalum, Ostro-Gotthorum Regem parentem fuisse; illum scilicet, qui cum in Italia dominaretur, pro Amalarico nepote suo Gotthicum simul Hispaniæ sceptrum aliquot annis tenuit; non omnibus probatur : quærentibus nempe cur hic Theodericus, si masculam habuit hanc ex matrimonio, uti dicemus, prolem, Amalafunthâ filiâ, & Athalarico ex ea nepote, relictis heredibus, decesserit ? Ambrosius Morales ^c in his est (& hunc alii sequuntur ^d) qui & contendit nunquam in Hispaniam venisse Theodericum, atque adeo, neque Sanctinam Severiani matrem, ut volunt, in Hispania uxorem ducere potuisse . Sed S. Isidori Gotthorum historia adventum saltem innuere videtur ^e . Quo & aliis argumentis validè insurgit adversus Moralem Bivarius ^f .

75. Regio autem Gotthorum sanguine ortos Severiani filios S. Ildephonsus forsan

scriptum reliquit in supplemento seu continuatione Isidoriani Chronici apud Lucam Tudensem lib. 3. si verè Ildephonsi est . Cerrè nihil Gotthici ego video in Severiani, Turturisque uxoris, eorumque filiorum Leandri, Fulgentii, Isidori, Florentinæ, Theodoræ nominibus ; quæ omnia Romano-Hispanæ sunt formæ & originis; cum è contrario Gotthicum jam sonent Leovigildi ex Theodora filii Hermenegildus, Reccaredusque . Quamvis pro Leandri origine, Theodericique adventu in Hispaniam, quæ duo præter Rodericum Toletanum & Lucam Tudensem, Alphonfus à Carthagine ^g, Rodericus alter Palentinus ^h, Laurentius Padilla ⁱ, & quidam alii ^k, disertis verbis tradunt, alii non difficulter admittunt, in quibus Andreas Refendius est in epistola ad eundem Moralem, pseudo-historici Toletani toto agmine depugnant; Maximus nempe ^l tam vulgaris quam fragmenti nostri ^m, Luitprandus ⁿ, Julianusque ^o, adjungentes ex penu sua fabularum abundantissima Sanctina, alias Sanctiva, aut Sanctie nomen, ejus nobilissimæ Toletanæ urbis fœminæ, quam duxisse Theodericum Lucas unus Tudensis affirmaverat; & construxisse hanc Benedictinis Caradignense S. Petri monasterium . Sed posterius hoc Annalium Benedictinorum auctor ex ipsa temporum serie refutat ^p, benefactricem istam sui ordinis Theudis, qui Amalarico successit, potius quam Theoderici Amali uxorem conjectatus . Interim quàm ridicula est Pseudo-Hauberti affectatio, Principem Leandrum laudantis ^q, quum de ejus forsan ortu verba facit !

76. Severiani autem conjugem Theodoram appellavit, nescio unde doctus, Rodericus Palentinus Episcopus . Quo arrepto nomine blaterones nostri Luitprandus & Julianus mutos pro more suo moverunt lapides, ut pro Theodoræ hujus prosapia rogarentur à neothericis testes . Sed quonam patratae fraudis successu iudicium lectoris esto . Superiori sæculo egesti sunt de terra in suburbio quodam Hispalensis urbis, S. Bernardi nuncupato, sepulchrales duo hisce titulis rescripti lapides;

• PAVLA CLARISSIMA FEMINA
FAMVLA CHRISTI VIXIT ANNOS
XXIII. MENSES DVOS RECESSIT
IN PACE XVI. KAL. FEBRVARIAS
ERA DLXXXII.

• CERVELLA CLARISSIMA FEMINA
FAMVLA CHRISTI VIXIT ANNIS
PLVS MINVS ANN. XXXV. RECESSIT
IN PACE III. KAL. FEBRVARIAS
ERA DC.

77. Dictum, factum . Pseudo-historicus statim Toletanus Maximi personâ sibi adaptatâ, Theodoram istam Severiani conjugem Cervelam cognominavit ^u (Cervilia est in fragmento nostro ^x) atque iterum sub Luitprandi larva hæc effutivit ^y : Paulla de genere clarissimo Gotthorum mater fuit Theodosiæ Cervelæ conjugis Severiani, parentum Leandri &c.

Et infra ^z : Flavius Marcus Cervela Dux Gotthus splendidissimo genere duxit uxorem Paulam fœminam clarissimam, ex quibus nata est Flavia Theodora Cervela uxor Ducis Severiani, fœmina clarissima . obiit Hispali uterque &c. Quibus præstigiis ludificati Bivarius ^a, & si qui alii scalpunt sibi his nugis aures, optimè cum istis vetustis monumentis convenire Luitpran-

^a De script. Eccles. cap. 29.

^b Morales lib. 12. c. 4. fol. 100. Pantinus, sive Loaisa in Novis ad Concil. Toletanum vni. pag. 454. & Hisp. illustr. tom. 2. pag. 197.

^c Lib. 11. cap. 40.

^d Antonius Jeyes Amal. Benedictin. ad ann. dxxxviii. fol. 88. Mariana lib. 5. cap. 7. Padilla cent. 6. cap. 2. Pellizerius in Maximo suo fol. 10. e. Erâ dclxix. his verbis : Inde Italiam repertus &c.

^f Ad Maxim. ann. dlix. pag. 270.

^g Apud Moralem lib. 11. cap. 53.

^h Apud eundem c. 56.

^u Ad ann. dclxviii. n. 1.

^x Ad ann. dclxii.

^y Advers. 742. alias 116.

^g In Anaceph. Reg. Hisp. cap. 26. h. Par. 2. Hisp. Hisp. cap. 19.

ⁱ De Sanctis Hisp. fol. 124. k. Beuter. lib. 1. Hisp. Hisp. cap. 27. Sandovalius in fundat. monaster. ord. S. Benedicti, & fundat. S. Petri de Cardena fol. 36.

^l In Chron. annis dlix. n. 2. & 3. dclvi. n. 6. dclviii. num. 1. dclxiv. num. 6. m. An. pvi. dcliv & dclxviii. n. Adv. 244. 250. 252. & aliis sequentibus, alias 219. 224. 226.

^o Adv. 559. 561. & in Chron. n. 259. p. Ant. Jeyes ubi proxime.

^q In Chron. anno dclxiv. Leander Princeps filius Severiani Ducis, &c.

^r Ubi supra

^z Adv. ... alias 227.

^a Ad Maxim. ann. dlix. pag. 276.

prando, invicemque lucem ac robur sibi mutuare jactant; cum potius debuisset suspicari Luitprandum ad speculum vetustatis, servatæ his lapidibus, vultum sibi finxisse, corporaque hisce umbris ab eo quæsitæ. At quàm insanè ac infelicitè! *Flavius Marcus Cervela* is esse à Bivario dicitur, qui Dux Theoderici senioris cum Gotthorum exercitu ad Hispanias contra Suëvos fuit missus, Idatio teste^b; qui Paullâ istâ, cujus epitaphium Hispalensè jam vidimus, uxore ducta, Theodoram Cervelam Severiani genuit conjugem, Hispali tandem fato functam.

78. Somnia hæc sunt, quæ nos statim, Tertullianus uti loquitur, evacuabimus. Primò, Dux ille Gotthus ab Idatio laudatus, non *Cervela*, quod nomen distortum fuit, ut lapidi adaptaretur, sed *Cyrila*, uti editum est ab Scaligero^c, aliàs *Cyrilla*^d, dictus; quod quantum à *Cervella*, Romanæ potius quàm Gothicæ originis, abest? *Cyrila* nomen barbarum est. Nam & hujus nominis Arianus antistes, qui confessus fuit nescire Latine cum catholicis congressurus, ex lib. II. Victoris Tununensis *De persecutione Wandalica* bene notus est. Alterius quoque *Cyrile*, sive *Cyrolæ*, impostoris in Hispania meminit Gregorius Turonensis *De gloria confessorum* cap. 12. Secundò, hic Theoderici senioris Dux, qui Olympiadis CCCX. anno I. hoc est orbis redempti CDLXI. juxta Idatii computum, in Hispania bellum administrabat, Paullam lapidi inscriptam habuisse uxorem dicitur, quæ non ante annum DX. quinquaginta scilicet postquam ementitus conjux jam summus erat belli Dux in Hispaniis, nata est. Etatis enim hæc habens XXXV. erâ DLXXII. sive anno DXLIV. uti ex lapide constat, è vita decessit. Tertiò, Theodora Cervella Paullæ hujus, uti credi volunt, filia, Severiani Ducis uxor, sanctorum Leandri & fratrum mater, si ea Cervella est, cujus sepulchri titulum continet alter lapis, erâ DC. sive anno DLXII. si verò Pseudo-Maximus non falsus est^e, anno DLXVIII. in vivis esse desiit, & quidem annis tantum XXXV. ut inscriptio habet, nata, hoc est. anno DXXVII. aut DXXXIII. in lucem edita. Cum autem Leander, testimonio Maximi, ortus fuerit anno DXXXIV. f. alterutrum esse oportet verum; aut quòd inscriptio ad Leandri matrem non pertineat, aut quòd ea filium primo ætatis anno, septimove pepererit. Hoc Bivarius considerans, ne ad hunc lapidem famæ cymbam frangeret, recessit alibi à priori dictato, & hanc lapidi inscriptam suspicatus fuit Theodoræ Cervelæ pseudo-historicorum, aut sororem, aut neptem esse.

79. Notâ quoque dignum est, in Maximo fragmenti nostri obitum poni Theodoræ hujus *Cerviliæ* (ita habet exemplum quo utimur, non *Cervellæ*) anno DLXII. quem ipsum lapis inscriptum habet, in vulgato autem Pseudo-Maximo anno DLXVIII. uti jam diximus, cum ut inconstantiam formatoris uterque prodat, tum quò in prioribus curis eum ad inscriptionem oculos habuisse conjectari valeamus. Tandem horum lapi-

dum argumentum pro confictis Leandri *Cervella* matre, & *Paulla* avia, diruit funditus observatio Gregorii Argæzii^h & aliorum, scilicet *Famulæ Cbristi* appellationem in vetustis Christianorum epitaphiis virginem, aut saltem viduam jam Deo sacram, indicare. Quod malè convenit Paullæ Theodoræ matri, multoque minùs Theodoræ ipsi, Leandri ac tot filiorum parenti. Quam, si post viri mortem votis Deo se obstrinxisset, non utique omisisset Leander filius in *Regula ad Florentinam sororem directâ*, communem genitricem, cujus, uti jam dicemus, meminit, in exemplum religiosi status ei proponere, uti proposuit quidem in aliarum virtutum.

80. Credamus itaque nos potius Leandro ipsi de matre sua referenti, *Turturem* eam appellatamⁱ. *Simplicitatis filia es* (ad sororem ait in fine *Regulæ* *) *quæ Turture matre nata es*. In eadem una persona complurium necessitudinum uteris officio. *Turturem* pro matre respice. *Turturem* pro magistra attende, & quæ te quotidie Cbristo affectibus generat chariorem, quâ nata es, reputa matrem. Ab omni procella, ab omni mundano turbine, in ejus te sinibus conde. Sit tibi suave ejus lateri adbrere, sit tibi dulce ejus gremium jam profectæ, quod erat infanti gratissimum. Non potuit clariùs. Quare Bivario, pervicaci aliàs in horum auctorum inventis constanter asserendis, Maximi edita Theodoræ cognomento *Cervellæ* displicuit lectio^l, pro eaque *Turturam* cognomento *Cervellam* ubique substituendam existimavit.

81. Carthagine Leander natus creditur, in qua parens dominabatur. Quare de patria excisa loquens ad Florentinam, eam omnino significare urbem videtur. Unde, quasi unica in orbe terrarum Carthago esset Africana, Leandrum nostrum existimavere Afrum Xystus Senensis^m, & ante eum Joannes Trithemiusⁿ, mero meridie caligantes; æquo jure cum Joanne Eifengreinio & Magdeburgensibus Centuriatoribus in hoc sphalmate conjungendi, quibus Isidorus frater Leandri, Archiepiscopus Hispalensis, germanus audit. At non Carthaginem, sed Bigastrum, seu Murciam, locum fuisse Leandri natalem, Pseudo-Maximo, qui velit, credat. Certè in fragmento nostro ita legimus ad annum DXXXVIII. *Leander Severiani filius Murciæ in Hispania nascitur ex matre Theodosia*. Pro quibus vulgaris, habitior jam & doctior in ficulnea officina factus, hæc habet ad annum DXXXIV. *Leander Severiani Ducis filius, & Fl. Sanciæ nepos, Murciæ, quæ Bigastrum Gothis dicta est, natus ex matre Theodora fœmina nobilissima, in eadē S. Mariæ suburbana tingitur*. In quibus non ægrè deprehendas mangonis artificium, sive olim suas, sive alterius merces, ut pluris venderet, ementito fuco polientis. Ego verò nil video, cur recedendum sit nobis à Carthagine; quam sub Agilane anno DLII. hoc est diu post Leandri ortum, excisam fuisse, Bivarius non improbabiler contendit^o.

82. Fratres habuit Fulgentium, & Isidorum, de quibus suo loco erit agendum, Florentinam quoque ac Theodoram, quarum prior

h In Comment. ad Pseud. do-Haubertum Hispal. sive Poblacion. Ecclesiæ de España tom. I. par. I. ad ann. mundi MMCCCLX. pag. 328.

i Cui consentiunt Hispanarum Ecclesiarum Brevaria quæ vidit Bivarius pag. 280. in princ.

De qua infra.

l Pag. 497.

m In Bibliotheca lib. 4. n De viris Illustribus ord. S. Benedicti lib. 2. cap. 9.

o Ad Maxim. ann. dñx. pag. 287. & 288.

b Anno II. Majoriani.

c Unâ cum Eusebii Chronico.

d In editione Prudentii Sandovalii Pampelonensi.

e Ad ann. DLXVIII. num. 1.

f Ad eundem ann. pag. 497.

g Ad hunc ann. num. 6.

222 Bibliothecæ veteris Hispanæ

prior sacra Deo virgo, sacrarumque Deo virginum parens fuit; posterior Leovigildo, antequam Rex Gotthorum creatus fuisset, nupta, binam ei prolem, seu cœli gemmam potius, Hermenegildum Christi martyrem, Reccaredumque patris in regno successorem, Catholicumque primum Gotthorum regem peperit. Hoc affinitatis vinculum, non aliud, credimus, Severiani soboli cum Gotthicis Regibus intercessisse. Vix enim est, ut Severianus, ipse etiam si discesserit à Gothica nomenclatura, non ullum ex tot liberis Theodericianam originem nomine reddere sustinuerit. Quam observationem nostram libentes iterum inculcamus, quia nusquam venisse aliis in mentem credimus.

83. Professione monachus fuit, Isidori fratris testimonio. Maximi fragmentum brevissimè ad ann. DLIX. siye erà DXCVIII. *Reccaredus Hispali nascitur. Leander fit monachus. Quæ est germana huius primum inventi lectio. Quam disertis verbis, & sub ejusdem eræ nota, laudat Prudentius Sandovalius^p, iis testimoniis ex Chronico Maximi ab Higuera ad se transmissis utens, quæ ad ordinem suum Benedictinum, & fundationes veterum Gotthici temporis in Hispania monasteriorum pertinerent. Vulgatus ac relictus Maximus his non contentus alia addidit: *Reccaredus Leovigildo Hispali commoranti nascitur. Leander ibidem fit ex palatino monachus Benedictinus*. idque ad annum DLXII. siye eram DC. Ita priores editiones, ad palatum magis auctoris sui. Bivarius autem in sua, *ad Benedictinum* subduxit verecundiâ ductus, quâ inventor caruit; & tamen alibi reliquit^q. Obscurum enim & incompertum hucusque est monachus Leandri institutum. Silent enim veteres non subleste fidei memoriæ. Unde porrecta Benedictinis conjectandi an-^rsa^r, hujusce ordinis monachum fuisse; non temerè quidem, uti de re in medio posita, & à nemine interim vindicata, contententibus; nisi Pseudo-Maximi malè fido patrocinio ad agendam, fortè non malam, causam, uti pertinaciter velint. Quibus tamen aliàs resistitur^s. Nos ad alia properantes serram recipere contentionis nolumus, quod & de Leandro agentes fecerunt docti viri & prudentes, qui *Acta sanctorum* edere pergunt^t.*

84. Ad Archiepiscopatum Hispalensem Leandrum fuisse assumptum notius est, quàm quo anno. Habebat hanc urbem Leander veluti alteram patriam, si verum est Severiano patri jam natam prolem huc simul cum eo in exilium venisse; de quo nihil constanti fama dicitur. Vero mihi videtur simile Leovigildo jam rerum domino, & quia Regi affini, quantumvis Ariano, grata res futura erat, hanc viri, aliàs sanctissimi doctissimi-^uque, electionem placuisse. Divinoque nutu præcipue id factum videtur, ut Hermenegildum ex sorore nepotem, ea urbe, ut credimus, à Leovigildo patre, ut habitaret ibi cum Ingundæ uxore, donatum, ex Arianismi orco ad vivificam hauriendam veræ fidei auram extrahere posset. Gregorius Turonen-^usis ait^u dedisse Ingundi & Hermenegildo vi-

ro ejus Leovigildum (novercæ Gofvinthæ, nî fallor, ut subtraheret odio) *unam de civitatibus, in quam residentes regnarent. Ad quam cum abiissent* (ait) *cœpit Ingundis prædicare viro suo, ut relictâ heresis fallaciâ catholicæ fidei veritatem agnosceret. Quod ille diu refutans, tandem commotus, ad ejus prædicationem conversus est ad legem catholicam. At cum^x Gregorius Pontifex & Isidorus^y eandem conversionem Leandro, quod rationi magis congruum videtur, attribuat; necessarium est Ingundem, Leandrumque unâ cum Hermenegildo eodem loco fuisse, quam sedem Leandri Hispalensem hoc argumento ducti non temerè dixisse videmur. Quod nobis adhuc amplius confirmat Hermenegildum in eadem hac urbe à patre obsessum, in eamque maximam belli molem, uti Biclarensis scribit^z, conversam fuisse.*

85. Hinc, cum primum excitata est inter Hermenegildum catholicismo recens ad-^zdictum, & Leovigildum patrem discordia, apertumque deinde bellum, in Hermenegildi gratiam, zeloque religionis ardens Leander, creditur Constantinopolin ad Tiberium Imperatorem, qui unus jam post Justiniani expeditiones, Italiamque obtentam, totius Romani orbis imperio præerat, navigasse. Aliis Mauricius videbitur, quem hoc anno vitâ fun-^zcto Tiberio successisse, posterioribus curis Baronius docuit^a. Nam ea in urbe in Gregorium tunc diaconum Cardinalem Pelagii II. Apocrisiarium, nec diu post Pontificem Ecclesiæ summum, incidens, præcipuoque amicitie vinculo eum complexus, reportavit ab eo in *Moralium* librorum in *Job*, quos Leandro jam factus Pontifex nuncupavit, præfatione hanc veteris Constantinopolitanæ consuetudinis memoriam: *Dudum te, frater beatissime, in Constantinopolitana urbe cognoscens, cum me illic Sedis Apostolicæ responsa constringerent, & te illuc injuncta pro causis fidei Regis Wisi-Gotthorum legatio perduxisset; omne tuis auribus, quod de me displicebat, exposui. Quæ indicant non ab alio, quàm à catholico principe Leandrum eò missum fuisse; ut apud Græcum Imperatorem catholici principis causam ageret, ab eoque Romanorum apud nos ducum copias, quæ magno numero, & pluribus locis erant, in afflictæ Hispaniarum Ecclesiæ auxilium exposceret. Quod in annum DLXXXIII. Annalium Ecclesiasticorum auctor conjecit. Res successu caruit; im-^bmo conniventibus ipsis Romanis, seu Græcis, uti Gregorius Turonensis rei auctor vocat^b, Hermenegildus in parentis manus de-^cvenit, & post aliquot carceris menses, quod veritati renunciare nollet, morti traditus est.*

86. Cavendum interim à Luca Tuden-^csi moneo, qui Gotthorum historiæ Isidori ver-^cbis sua intexens, transmeasse Leandrum in regiam urbem ait^c ad Constantinopolitanam præsulum cœtum. Cui credens Morales addidit^d, quantum generale id fuisse Justiniani anno XXVII. celebratum, quò veniens Gregorius Leandro innotuit. At cum anno DLIV. ha-^dbitum id Concilium fuerit, triginta ferè an-^dnorum intervallo discessum fuit ab utriusque ho-

^x Dialog. lib. 3. cap. 31.
^y In Chron. Erà DCXXXIII.

^z Anno Mauricii primo.

^a Vide An-
nal. tom. 7. ad
ann. DLXXXVI.
num. 10. ubi
retrahat quod
prius dixerat
de anno mor-
tis Tiberii.

^b Lib. 5.
Hist. Franc.
cap. 39.

^c Sub erà
DCXXXIII.
Hist. III.
tom. 4. pag. 50.
^d Lib. 11.
cap. 5.

^p De las
Fundaciones
de la Orden de
S. Benito fol.
26.

^q Ad ann.
DLXXXIII. num. 1.

^r Ant. Jeyes
Ann. de S. Be-
nito cent. 1.
Sandoval. Fun-
daciones de
S. Benito.
Bivar. ad Ma-
xim. an. DLXII.
num. 16. Const.
Cajetanus in
Tribus Bened.
ord. luminibus
pag. 22. à qui-
bus non dissen-
sit Morales
lib. 12. cap. 5. &
Joannes Fa-
majus in Mar-
tyr. Hisp. die
xxvii. Feb.
^s Videndi
Hermenegil-
dus à S. Paulo
Defensa por la
Religion. de S.
Gerónimo de
España tit. 9.
cap. 8.
^t Tomo 2.
Mart. die XIII.

^u Lib. 5.
Hist. Franc.
cap. 38.

horum Constantinopolitana peregrinatione , dum fidem Tudenſis Morales ſequitur , nulloque aliud ab hoc in ea urbe celebratum ſcit Concilium .

87. Nondum liquet , an Leander ante Leovigildi obitum , qui anno DLXXXVI. aut ſequenti contigiffe dicitur , à Conſtanti- nopolì ad nos redierit . Si autem aliqua fides eſſet Maximo , quem repræſentat fragmentum noſtrum , ab anno DLXXXI. quo cum aliis exſilio pulſus ab Hiſpania perrexiffe dicitur Conſtantinopolin ^e , in ea urbe manſit uſque ad DLXXXVIII. ^f ac Leovigildi mortem . Cui conſonat vulgaris Maximus . Reſque vi- detur ita contigiffe , cum nec Rodericus To- letanus ^g , nec Lucas Tudenſis ^h , aliter ſen- tiant . Moriens ergo Leovigildus , aut verè , quod à quibuſdam ⁱ creditur , aut imperfectè , *nec uſque ad obtinendam ſalutem* , quomodo S. Gregorius loquitur , pœnitens , ſaltem ob- teſtatus Reccaredum filium dicitur , ut non alios morum & vitæ duces , quàm Leandrum & Fulgentium fratres ſequeretur : quod To- letanus diſertè reliquit ſcriptum , licet unum Leandrum Tudenſis expreſſerit .

88. Tunc ergo revocatus ab exſilio no- ſter cum aliis catholicis Epiſcopis , Reccare- dum fide ſibi & propinquitatè , tum etiam parentis præcepto obnoxium , eò induxit , ut congregato Gotthicæ totius ditionis Toleti Concilio Arianam hæreſin proſcriberet . quod factum eſt anno DLXXXIX. aut DXC. ^a quod ex Iſidori Gotthorum hiſtoria colligi- tur , in eo quod *Tertium Toletanum LXXII. Epiſcoporum* audit . In quo ait Biclarenſis ^l : *Summa ſynodalis negotii penes S. Leandrum Hi- ſpalenſis Eccleſiæ Epiſcopum , & beatiffimum Eutropium monaſterii Servitani abbatem , fuit .* Eidem noſtro Leandro totam Gotthorum converſionem Iſidorus frater attribuit ^m , cu- jus *fide atque induſtriâ* factum eſſe ait , *ut po- puli gentis Gotthorum ab Ariana infania ad fi- dem catholicam reverterentur* . Quibus ferè ver- bis utitur Martyrologium Romanum ⁿ . Præ- ſediſſe autem eum uti Apoſtolicæ ſedis lega- tum , Tudenſis ſcribit , Baroniſque abſque controverſia credi debere ait ^o . Sed cum extra Gotthorum hoc fuerit morem in cæ- teris Conciliis adèd apud nos frequentibus obſervatum , neque Gregorius ad Leandrum de Reccaredi converſione certior eum fa- cientem poſt habitum Concilium reſcribens , verbum quidem ullum de hac legatione ha- beat ; verofiſimilius eſt , in eo Concilio quod in aliis factum ^p . Iccirco non primo ante alios , uti legatus Apoſtolicæ ſedis debuit , lo- co , ſed poſt Maſſonam Emeritenſem , Euphe- miumque Toletanum , tertio ſubſcriptus in editione Loaiſæ legitur . Neque enim dubito , quin vir diligens manuſcriptorum codicum fidem ſequutus in eo fuerit , præſertim cum & ipſe agnoverit , quod & alii ^q animadver- terunt , deſſe in excuſis Leandri nomen . In eo Concilio habuit ſermonem , de quo paul- lò poſt dicemus .

89. In idem fanè tempus incidit Gregorii aſſumptio in Pontificalem thronum , ad quem ſtatim de vera Reccaredi converſione , ac ſu-

per baptiſmo quædam Leander ſcripſit , epi- ſtolamque ab ſancto Pontifice reſponſoriam eam habuit , quæ lib. 1. *Regeſti* num. 41. hodie legitur , tenerrimi erga ſe amoris teſtem , quo impuſſus Gregorius poſt alia ait , *quamvis ab- ſentem corpore , præſentem eum ſibi ſemper ſe in- tueri : quia ſtultus ejus imaginem intra cordis viſcera impreſſam portabat .* Morales in *Jobum commentarios* , quos eidem Leandro nuncupa- verat , iccirco nondum ſe remittere ait , quod cum prius per homilias digeſſiſſet opus , in li- brorum ductum id permutare meliori poſtea conſilio decreviſſet . Hos ipſos paullo poſt miſit per Probinum præbyterum , unà cum libro *Regulæ Paſtoralis* , quem in Epiſcopa- tus ſui Romani exordio ſe ſcripſiſſe refert . Eſt apud Gregorium 46. lib. 4.

90. Nec dubito quin ejuſdem temporis ſit alia ad Reccaredum gratulatoria de ejus converſione ſcripta epiſtola 127. lib. 7. in qua ejuſdem Probini meminit , quamvis hæc ad epiſtolas indiſtinctionis 11. quæ in annum incidit DXCIX. (tranſacto decennio , inquam , à Reccaredi converſione , & poſt Leandri fortè obitum) maximâ digeſtoris incuriâ tranſvola- verit ^r . Idem dicimus de tertia illa , quæ hodie eſt 126. ejuſdem libri 7. ad Leandrum noſtrum . Continet ea quidem eximias ejus laudes . *Sanctiſſatis tue ſuſcepi epiſtolam* (ait) *ſolius charitatis calamo ſcriptam . Ex corde enim lingua tinxerat , quod in chartæ pagina reſunde- bat .* Boni autem ſapientesque viri cum legerentur aſ- fuerunt , quorum ſtatim viſcera in compunctione commota ſunt . Cæpit quiſque amoris manu in ſuo corde te rapere , quia in illa epiſtola tue memis dulcedinem non erat audire , ſed cernere . Accen- debantur , & mirabantur ſinguli , atque ipſe ignis audientium demonſtrabat qui fuerit ardor dicentis . *Niſi enim prius in ſe facies ardeant , alium non ſuccendunt .* Ibi ergo vidimus quanta charitate tua mens arſerit , quæ ſic & alios ac- cendit . Adjungit tamen : *Vitam verò veſtram , cujus ego ſemper cum magna veneratione reminiſcor , minimè noverant ; ſed eis altitudo veſtri cordis patuit ex humanitate ſermonis .*

91. Pertexui lubens tot epiſtolæ verba , quibus nonniſi vera , & abſque ullo fuco , loqui ſanctum de ſancto decuit . In fine ait ſe ad eum *ex benediſtione B. Petri Apoſtoli pal- lium* tranſmittere *ad ſola Miſſarum ſolemnia utendum* . Cujus rei meminit in paullo antè laudata epiſtola ad Reccaredum . *quod & an- tiquæ conſuetudini* (ait ille) *& noſtris moribus , & ejus bonitati atque gravitati debeamus .* Nec mirum videri debet , Leandro à tot annis jam metropolitano , nunc primùm à Gregorio pallium decerni . Hic enim honos non , ita ut hodie , priſco illo ſæculo quibuſcumque me- tropolitanis recens electis concedebatur ; ſed aut ob egregia merita , aut Regibus poſtulan- tibus . Idem enim Gregorius ait lib. 7. epiſt. 5. unde deſumptus fuit canon *Priſca conſuetudo* 100. diſtinct. *Priſca conſuetudo retinuit , ut bo- nor pallii , niſi exigentibus cauſſarum meritis , & fortiſſe poſtulanibus , dari non debeat* ^s .

92. Paullo poſt Toletanum celebratum , habuit in Bætica ſua Leander illud Conci- lium , quod *Spalenſe primum* nominant , in cujus

^r Obſervant auctores *De a- ſtiſſis* S. S. in vita Leandri ca. 15. die 111. Martii.

^s Plura alia collegit Alce- ſerra *Notis ad epiſt. S. Gregor. 51. lib. 4. pag. 179.*

^e D. anno DLXXXI. ^f Diſt. anno DLXXXVIII.

^g Lib. 1. cap. 24. & 15. ^h Sub era

^{dcx.} ⁱ Turonen. lib. 8. cap. ult.

^a De Concilio anno vide Mo- ralem lib. 12. cap. 3. Loaiſæ in *Notis* . Au- ctiores *De aſtiſſis* S. S. co. 2. Mar- tii ad diem III. pag. 277. ^l Anno VII. Mauricii Imp.

^m De ſcript. Eccleſ. cap. 28.

ⁿ Die XXVII. Febr.

^o Ad annum DLXXXIX. nu. 9.

^p Morales vi- dendus lib. 12. cap. 3. fol. 95. Mariana lib. 5. in fine.

^q Morales ubi proximè fol. 97. Baro- ni ad an. DLXXXIX. num. 44.

eius cap. 3. *decretum nunc editi Concilii Toletani* super clericorum uxoribus laudatur, quod Concilii III. Toletani caput 5. est. Sed quod

r Norat Lo-
pisa ibidem.

ex eo nunc superest ^c, pars quædam tantum videtur, ad Pegasium Astigitanum Episcopum absentem, quod ejus nempe Ecclesiæ res tangeret, missa: cujus Pegasii, sive ætate sive ægritudine gravati nomine, Concilio etiam Toletano Servandus interfuerat diaconus. Coactam hanc Synodum erā DCXXVIII. hoc est anno DXC. sive altero post habitam Toletanam, ex subscriptionibus liquet. Egregium in paucis virum, propriis ejus virtutum coloribus veluti depingit Breviarium quoddam Romanum pervetustum, quod in bibliotheca Vallicellensi Congregationis Oratorii asservatur, videruntque auctores doctissimi operis de Actis Sanctorum ^u. Fuit enim vir timore plenus, prudentiā summus, elemosinis deditus, in judiciis æquus, in sententia parcus, in oratione jugis, & divinis laudibus mirabilis, in dubietate divinarum officiorum ad corrigendum facillimus, omnium Ecclesiarum defensor eximius, in comprimendis superbis erectus, in pietate multum affluens, in viris charitatis ita se charum exhibens, quod ex charitate nulli postulanti aliquid denegavit. Floruit sub Reccaredo viro religioso, &c. vitæ terminum Hispani clausit die III. Idus Martii erā DCXL. (errorem paullo post notabimus) atque intra Ecclesiam sanctarum Justæ & Rufinæ, in qua diu Deo deservierat, tumulatur. Ubi multa beneficia ipsius & beatarum virginum meritis præstantur. Hæc Breviarium. Servatur hodie sanctum corpus in cappella Regum dicta, in templo Maximo ^x.

x Vide Ro-
dericum Caro
lib. 2. de las an-
tiquedades de
Sevilla, Quin-
tanadueñas de
los Santos de
Sevilla.

y Auctores
De actis SS.
die XIII. Mar-
tii pag 280.

z De viris il-
lustribus cap. 2.

93. Leandri autem mortis annus omnino ignoraretur, nisi ex Isidori successoris in Ecclesia Hispanensi Pontificatus & mortis tempore non obscure colligeremus in annum hujus sæculi XCVI. aut circiter, incidisse ^y. Nempe Isidorus obiit erā DCLXXIV. sive anno DCXXXVI. ut scribit Redemptus vitæ ejus auctor. Tenuit autem is Hispanensem Ecclesiam ferè XL. annis, ut S. Ildephonsus ait ^z: qui, si ab eo demantur, quem nuper diximus restabit an. DXCVI. aut DXCVII. pro ingressu ejus ad Episcopatum. Forteque tunc temporis vacabat Ecclesia, quum celebratum fuit hoc anno DXCVII. quartum Concilium Toletanum; iccircoque abest Hispanensis in eo subscriptio, cum ex metropolitans interfuerint Massona Emeritensis, Migetius Narbonensis, & Adelphius Toletanus. Unde colligi potest totius Hispaniæ & Galliæ Gothiciæ Concilium fuisse, quantumvis sedem tantum Episcopos ad id convenisse in actis legatur. Et huc inclinasse videtur Pseudo-Maximi formator.

a Joan. Bapt.
Perezus in No-
tis ad Isidorum
De scriptor.

94. Qui autem ad ann. DXCIX. Leandri vitam prorogant ^a, eo moventur, quod epistola illa, quam diximus, Gregorii Papæ ad Leandrum, indictione secunda scripta dicatur, quæ in hunc annum incidit. Paullo tamen antea monuimus necesse esse, ut epistolarum Gregorianarum digestorem incuriæ aut erroris in hoc admissi postulemus. Pseudo-Haubertum, qui annum DC. adscripsit Leandro

fatalem, non moramur. In die obitus fasti Ecclesiæ non conveniunt. Exteri omnes, scilicet Beda, Usuardus, Ado, Notkerus, Wandelbertus, diem XXVII. Februarii; Hispanæ omnes Ecclesiæ diem XIII. Martii huic assignant, de quo auctores videndi *De Actis SS.* dicta die XIII. Martii.

95. Scripsit Leander, ut Isidorus ait, in exilii sui peregrinatione *Adversus hæreticorum dogmata* duos libros, *eruditione sanctarum Scripturarum ditissimos: in quibus vehementi stylo Ariani impietatis confodit atque detegit pravitatem: ostendens scilicet quid contra eosdem habeat catholica Ecclesia, vel quantum distet ab eis religione, vel fidei sacramentis.*

96. Item (Isidorus idem subicit) aliud laudabile opusculum *adversus instituta Ariarum*, in quo propositis eorum dictis suas responsiones opponit. Quæ duo opera edax absupsit ætas.

97. *De institutione virginum & contemptu mundi* libellum ad Florentinam sororem, titulum distributionibus (idem ait) prænotatum. Qui hodie iisdem titulis sive capitibus distinctus superest: idem & unus bifariam inscriptus; instituit enim virginem, adhortatus eam præcipue de mundanarum omnium rerum contemptu; non duo opera, quod (prejudicio forsan Honorii Augustodunensis, qui non rectè Isidorum expresit, fidem habentibus) Francisco Bivarrio & aliis visum fuit ^b. Isidorus enim apertissimis verbis, quæ non admittunt aliam interpretationem, enuncia- vit Leandrum scripsisse *unum ad Florentinam sororem* De institutione virginum & contemptu mundi libellum; ut necessarium non sit recentiores ^c appellare idem sentientes. Hunc librum Hieronymus de Torres Pincianus edidisse in 4^o. refertur; is, ut credimus, qui B. Cyrilli *De adoratione in spiritu septemdecim* librorum indicem concinnavit, ac Toleti foras emisit. Postea verò Christophori Broveri operâ anno MDCXVI. ex officina Gregorii Albini in lucem prodit. Item in Collectione, seu *Codice Regularum*, collectum olim à S. Benedicto Anianensi abbate, & à Luca Holsthenio V. Cl. bibliothecæ Vaticanæ primo custode digestum, anno MDCLXI. Vitalis Mascardus typographus Romæ edidit ^d. Prodiit etiam vernaculâ Hispaniæ linguâ è Prudentii Sandovalii Benedictini monachi, Tudensis postea, ac Pampelonensis inde præsulis, interpretatione cum hoc titulo: *Instrucción que S. Leandro Arzobispo de Sevilla dio à su hermana santa Florentina de la vida y observancia de las monjas, sacada de la Regla de San Benito*. Pinciæ MDCIV. in 8^o. quamvis nil habeat libellus iste, unde colligere possimus hanc originem. Manuscriptus exstat in codice Ovetensis Ecclesiæ ^e, item in Toletanæ ^f, Regiæ Escorialensis, & S. Emilianii Benedictinorum monasterii ^g, fuitque olim in bibliotheca Olivariensi.

b Bivarrio in
Notis ad Ma-
ximum ad an.
DLXXX. num. 4.
pag. 578. idem
credidit Vene-
rus in *Enchiri-
dio*.

c Arn. Uyion
in *Ligno vite*
lib. 5. cap. 75.
Morales lib. 12.
cap. 5. Marieta
De los SS. de
España lib. 5.
cap. 22.

d Parte 2.
pag. 232.

e Laudat Pe-
rezus in *Notis*
ad Isidor.

f Pluteo 30.
nu. 16. ex ejus
Indice, quem
habemus.

g Bivar. ad
Maximum ubi
suprà.

h Verbo Leander.

i In *Appa-
ratu* to. 2. ver-
bo *Leander*.

98. Scripsit (Isidorus paullo inferius persequitur) *epistolas multas ad Papam Gregorium*. De baptismo *unam*. Librum appellat Gesneri epitomator ^h, aitque credere se apud Matthæum Gresserum exstare, quod alludit Possevinus ⁱ, in Germania servari ms. se legisse refert.

in Epist. 41.

referens. Huic epistolæ S. Gregorius respondit eâ quæ in lib. I. *Regesti* * hodie legitur. Unde possumus argumentari materiem Leandri epistolæ eam fuisse, quam suppeditabat Gotthorum vetus in Arianismo ritus, ter pueros in baptismali aqua mergendi, quæstioque idemne an aliter in posterum observari satius esset. Nescimus Leandri in re sententiam: placuisse tamen eam Gregorio hæc ejus ostendunt verba: *De trina verò mersione baptismatis nil responderi verius potest, quàm quod ipsi sensistis. Quia in una fide nihil officit sanctæ Ecclesiæ consuetudo diversa*. Susplicari tamen ex his possumus Leandrum sensisse abrogandum esse trinæ, ac subrogandum unicæ mersionis morem. Quod confirmant sequentia Gregorii: *Nos autem quòd tertio mergimus, triduanæ sepulture sacramenta signamus, ut dum tertio infans ab aquis educitur, resurrectio triduanæ temporis exprimatur. Quòd si quis forte etiam pro summæ Trinitatis veneratione æstimer fieri, neque ad hoc aliquid obsistit baptizando semel in aquis mergere: quia dum in tribus personis una substantia est, reprebensibile esse nullatenus potest infantem in baptismo in aquam vel ter vel semel immergere; quando & in tribus mersionibus personarum Trinitas, & in una potest divinitatis singularitas designari*. Indifferenter scilicet ad utrumque se habet ritum ter aut semel mergendi. Sed quia Arianismi tempore trinæ usus erat apud Gotthos mersionis; ideo adhærens, ut credimus, Leandri sententiæ concludit sanctissimus Pontifex: *Sed quia nunc bucusque ab hæreticis infans in baptismo tertio mergebatur, siendum apud vos esse non censeo: ne dum mersiones numerant divinitatem dividant, dumque quod faciebant faciunt, se morem nostrum vicisse gloriantur*.

99. De sententia Gregorii constat . Verba autem hæc ultima obscuri sensus verè sunt . At ea aliquantulum expeditiora erunt, si *morem vestrum* legamus, quomodo in Concilii Toletani IV. cap. 6. transcriptum hoc Gregorii testimonium exstat . Confirmavit enim , decrevitque tenendum & observandum id quod olim ad S. Leandrum S. Gregorius rescripserat, Concilium hoc Toletanum sub Sisenando habitum erà DCLXXI. sive anno DCXXXIII. cui S. Isidorus Leandri frater præfuit , his verbis : *Propter vitandum Cbrismatis scandalum , vel hæretici dogmatis usum , simplam teneamus baptismi merisionem : ne videantur apud nos qui tertio mergunt , hæreticorum probare assertionem , dum sequuntur & morem.* Quæ satis explicant verborum Gregorii allatorum sensum . Fortè catholici inter Gotthos degentes semel tantum infantem aquæ immergebant , ab aliis occidentalis Ecclesiæ populis in hoc diversi; quorum morem ad eos , qui ex Arianismo conversi essent , extendi æquius esse ait Gregorius, quàm ut abrogata unica catholicorum antiquorum merisione , & in trinam Arianorum (quamvis & illa esset ferè in occidente communis) transformatâ , gloriarentur novi ex Arianis catholici , aut qui adhuc remanerent Ariani, morem illorum se vicisse . Agunt de hoc diverso inter alias & alias gentes & Ecclesias

Bibliotheca vetus Hispana Tom. I.

ritu plures viri doctissimi ^l, quos super argumēto istarum Leandri & Gregorii epistolarum consulere lector poterit. Nec prætereundum est eò inductum per idem tempus fuisse Joannem Constantinopolitanum Episcopum, virum abstinētiâ & eleemosynis inæstimabilem, ut Græcè scriberet *De sacramento baptismatis*, & ad Leandrum nostrum dirigeret, S. Isidoro teste ^m. in quo nihil (ait) proprium posuisse, sed tantummodo antiquorum Patrum replicasse de trina mersione sententiam.

100. Subjungit Isidorus: *Alteram (epistolam) ad fratrem, in qua præmonet cuiquam mortem non esse timendam*. Trithemius, Eusegreinius, & Arnoldus Uvion, *De contemptu mortis*, seu *De contemnenda morte*, librum vocant. Frater, ad quem directa est, nisi Isidorus ipse sit ⁿ, Fulgentius erit, Astigitanus postea Episcopus de quo Leander ipse in fine libelli ad Florentinam sororem, deprecatus eam, ne se reditus in patriam olim destructam (Carthaginensem urbem capere debemus) cogitatione percelli permetteret, hæc ait: *Miserum me doleo, qui ibidem communem fratrem transmissi Fulgentium, cujus pericula jugi formidine pertimesco. Tutior tamen erit, si tu securior & absens pro illo oraveris*. Latebat fortè in paterno aliquo prædio Fulgentius, eò ab Leandro missus, cùm Ariana sæviret persecutio; quem solari frater, & animare ad mortem contemnendam epistolâ istâ voluisse videtur.

101. *Ad ceteros quoque Coëpiscopos* (Isidorus prosequitur) *plurimas promulgavit familiares epistolas, & si non satis splendida verbis, auctas tamen sententiis.* In eo, quod à Leandro habemus, *Instructionis virginum* opusculo, inaffectatum certè, at ingeniosum eloquentiæ genus emicat, quod acumine delectat & pungit, fucumque omnem, dum rem assequatur, spernit.

102. *In Ecclesiasticis officiis* (ut cum eodem sanctissimo encomiasse loquamur) *idem non parvo elaboravit studio. In toto enim Psalterio duplici editione orationes conscripsit. In sacrificii quoque laudibus, atque psalmis, multa dulcissime composuit.* Incurrimus in eum, qui existimaret *, Isidorum his docuisse à Leandro formatas ad duplicem Psalmorum editionem orationes. Alii p super Psalmis orationes, sive q pro Psalterio integro confecisse eum duplicis formę orationes, interpretantur. *Psalterii* autem nomine officium Ecclesiasticum diurnum, propter Psalmis insumptam majorem ejus partem, ita dictum, ab Isidoro significatum fuisse nos magis credimus. Appellare id veteres tum *cursum*, & *synaxim*, & *collectam*, necnon *Missam*, tum quoque *psalmodiam*, uti docet in opere suo *divine psalmodiæ* r vir dignitate, dum viveret, ingenio, eruditioneque præstantissimus Joannes Bona S. R. E. Cardinalis amplissimus, mihi quę multis nominibus venerabilis. Ideo adjunxit Isidorus mancipatę diurno officio Leandri operę aliam illam *sacrificio*, hoc est *Missę*, impensam. Unde conjectari rectę possumus s, sancti hujus antistitis plura esse ex

Ff his,

I Joan. Azor in
Opere morali &
Cafalius De
vet. fac. Chris-
tian. ritib. part.
2. cap. 3. pag. 42.
Josephus Vice-
comes De Ba-
pismo lib. 4.
cap. 8. Arcudius
De concord. n-
rinsque Eccl.
lib. 1. cap. 9.
Loaia in Veris
ad Conc. Tolet.
IV. pag. 167.
m De serips.
Eccl. cap. 26.

n Quod cre-
didit Lauren-
tius Padilla De
las SS. de E-
spaña fol. 25.

o Lauren-
tius de Padilla
De SS. Hispan.
fol. 25. Hizo o-
raciones à dos
ediciones del
Psalterio.

p Alphonfus
Venerus in En
chiridio . Tri
themius .

q Morales
lib. 12. cap. 5.

r Lib. & cap.
2. §. 2.

s Quod & fe-
cit Morales di-
cto cap. 5.

his, quæ in utroque libro Missalis & Breviarii Gotthici, sive Mixt-Arabici, ab Isidoro fratre formati, vel nunc leguntur. Valde autem à vero exorbitant^b, qui verbis Isidori malè intellectis, quæ tandem produximus, diversum ab aliis, *De laude sacrificiorum* opus Leandro attribuunt.

103. Exstat quoque, aliis deperditis, *Homilia*, seu sermo ab eo habitus in Toletano Concilio III. Incipit: *Festivitatem hanc &c.* Qui quidem Baronii à iudicio, stylo inculto, sed erudito, veluti rudi rastro veritatis auri fodinam. Et alibi^c: *Simplici & impolito stylo (ut seculi hujus barbarie sylvescentis conditio ferebat) sed divinâ scientiâ valde referto, & sapientiâ mirificè exornato, instar arboris, licet cortice durioris, tamen pomorum pendulorum fecunditate pulcherrimæ.* Repertam à se hanc Homiliam in codice bibliothecæ Sfortianæ idem ait Baronius. Fuit & in codice alio ms. apud Resendium, ut ille in epistola ad Quevedum refert; quem editum habemus in collectione etiam Garfæ Loaisæ, & in *Actis Sanctorum* Bollandi & sociorum^f, & in *Hispano Tamaji Martyrologio*^g. Improbavit quidem Baronius^h Joannis Marianæ factum transferendi hunc sermonem cultiori stylo, ut historiæ suæ intexeret. Sed verè is morem non fuit eorum transgressus, qui idem, ac sibi ubique simile, corpus historiæ architectantur, non aliud genus magis liberum, ex variisque cœvorum auctorum testimoniis, velut in centonis formam, quales sunt admirabiles summi viri Annales, perductum: longiorem quoque sermonem, qui alibi legi poterat, ad mensuram operis sui contraxit. De Leandro jam satis multa propter viri excellentiam.

CAPUT V.

De JOANNE BICLARENSI Scalabitano, atque de ejus Constantinopolitana peregrinatione, altera ex duabus S. Isidori testimonii probatur lectio. De ejus monachatu Joannis Mabillonis ingenua confessio. Ab eo scriptam monachis Regulam specialem, atque item Chronicon. Hallucinatio Antonii Possevinii & Gerardi Joannis Vossii confundentium hunc cum Joanne Gerundensi Paralipomenon auctore. De ejus Gerundensi pontificatu & morte. Concilii Barcinonensis tempus. De monachatu Joannis Agaliensis Pseudo-Maximi impostura. Neutiquam hunc Hermenegildi principis præceptorem fuisse. Philadelphii Mugnosii Siculi levitas in credendis fabulis. De TARRA monacho. De PELAGIO Tyrassonenis Ecclesiæ archidiacono. Supposititii Pseudo-Hauberti scriptores, SEVERUS poëta, FELIX diaconus, ORONTIUS orator, FABRICIUS Episcopus, AULODIUS presbyter, RUFINUS diaconus, PETRUS presbyter, AMANUS item presbyter, GUDESTIANUS similiter. Ejusdem Pseudo-Hauberti de JULIANO POMERIO Toletano Episcopo fabula. VICTOR TUNNUNENSIS falso Hispaniæ adscribitur.

104. CUM Leandro, & aliis catholicæ Hispaniarum Ecclesiæ luminibus,

maximè floruit hoc sæculo JOANNES, cum à monasterio, cui præfuit, BICLARENSIS, tum ab Ecclesia, quam rexit, GERUNDENSIS vocatus. Natione is Gotthus, non cognomento, fuit; quod alicubi legiturⁱ; patriâ Lusitanus, Scalabi (quod *Santaren* hodie est, Portugalliæ municipium in paucis nobile) in lucem editus. Cum ad ætatis justæ; hoc est adolescentiæ, annos pervenisset, Constantinopolin, quasi ad doctrinarum omnium mercatum, sese contulit. Qua in urbe restitit usque dum *Græca & Latina eruditione* (ut Isidorus ait^k) nutritus, septimo demum^l anno in Hispanias reversus est eodem tempore quo incitante Leovigildo Ariana fervebat insania. Loquutus de eo tempore Isidorus nonnulli videbitur, quo Arianorum Episcoporum Concilio Toletum vocato Leovigildus stabiliendis blasphemæ hujus sectæ rationibus prospiciebat; quod in annum hujus sæculi primum super octogesium^m incidit. Saltem ex ejusdem Joannis infra laudando Chronico liquidum redditurⁿ anno DLXXII. qui fuit Justinii Imp. junioris septimus, jam Constantinopoli eum fuisse, in qua se vidisse ait multorum hominum millium inguinali quadam plaga extinctorum stragem. Qui annus cum per novennium integrum alterum illum præcesserit, quo habitam diximus Arianam Toleti Synodum; plusquam septem oportebit annos Constantinopolitanæ Joannis peregrinationi cum Isidoro assignare. Idque sine temerarii ausus nota committemus, alteram, quæ in plerisque codicibus^o atque editionibus prostat, lectionem præferentes, quæ non septimo demum anno, sed post decem & septem annos in Hispanias reversum esse Joannem nostrum habet. Quod ferè omnes historici nostrates credunt^p, & exterorum quidam^q. Nec difficilis est lapsus exscriptorum in numerali nota. Quæ lectio verosimilior est. Qui enim adolescens, quod Isidorus ait, sedecim, aut circiter nempe annis natus, Constantinopolin perrexit, septennii dumtaxat elapso tempore vix potuit in primæ juventutis annis, ita robore constantiæque animi atque doctrinæ valatus reverti, quem Leovigildus inter tot viros catholicos, eisdemque literis & dignitate conspicuos, ut renunciaret veræ fidei, veluti peculiari appeteret cura, propositique pervicacem odio & pœnis prosequeretur. Quod quidem tricenario majori optimè congruere videbitur, atque item decem aliis annis in exilio, cui destinatus fuit ab eodem Leovigildo, transactis, jam quadragenario majorem Gerundensi Ecclesiæ præpositum à Reccardo fuisse.

105. Ita id contigit: quod licet à nobis quadantenus præsumptum, Isidori nunc verbis integrè referimus: *Joannes Gerundensis Ecclesiæ Episcopus, natione Gotthus, provinciæ Lusitanæ, Scalabitano. Hic cum esset adolescens, Constantinopolin perrexit, ibique Græca & Latina eruditione nutritus, post decem & septem annos (fortè septimo decimo demum anno, quod ab altera lectione minus distet) in Hispanias reversus est, eodem tempore quo incitante Rege Leovigildo, Ariana fervebat insania. Hunc su-*
pra-

i Tamajus cognomento Gotthum appellat in *Martyr. Hisp.* vi. Maji. Actis quibusdam nullius fidei laudatis.

k De script. Eccles. cap. 31.

l Ita habent editiones Isidorianæ, Parisiensis Sonnius MDLXXX. Antuerpiensis Miræana anni MDLXXXIX. & Colonienfis Suffridi Petri *Libelli de script. Eccles.* anni MDLXXX. quas sequuti sunt Baronius anno DLXXXIV. n. 8. Bivarus ad *Maximum* an. DLXVI. pag. 495. Hier. Pujades *Hist. Cataloniæ* lib. 8. cap. 62. Ant. de Purificatione in *Chron. ord. eremit.* Part. lib. 2. tit. 6. §. 5. m Tiberii IV. Leovigildi XII. in quo videndus ipse Biclarenfis.

n *Ad annum Justinii VII.*

o Ita editum est in accuratissima omnium aliarum editione Matritensi anni MDXCIX. & Parisiis à Jacobo de Breul in non una editione, quarum ultimam vidimus anni MDXCVII.

p Morales lib. 12. c. 18. Mariana lib. 5. cap. 13. Valsus in *Chron.* anno DLXXXIX. Garibai lib. 8. cap. 24. Cardosus in *Hagiol. Laus.* vi. Maji. Domenec De *S.S. Cataloniæ* lib. 2. Maji VI. q Miræus in *Notis* ad hunc locum.

b Venerus ubi proximè, Trithemiusq;

c In editione Loaisæ pag. 229.

Et in nostra Concil. Hisp. tom. 2. pag. 331. CARD. DE AGUIRRE.

d Ad ann. DLXXXIX.

e Ibidem n. 20.

f Die XIII. Martii pag. 277.

g xxvii. Februarii.

h Dicto n. 11.

prædictus Rex cum ad nefandę heresis credulitatem compelleret, & hic omnino resisteret, exilio trusus, Barcinonem relegatus, per decem annos multas insidias & persecutiones ab Arianis perpassus est. De relegationis in aliquam urbem pœna egimus quondam nos lib. 1. De exilio cap. 14. Qui postea (Isidorus prosequitur) condidit monasterium, quod nunc Biclaro dicitur. Hujus vel hodie superest, cum nominis, tum antiqui templi vestigium, in oppido Vall-clara Cataloniae principatus, duabus leucis ab nobili municipio Mont-blanch diffito, nec procul à Populetano Cisterciensium amplissimo ejusdem tractus monasterio: quod ex Hieronymi Pujades^r, docti ac industrii Catalanorum historici, observatione didicimus. Ubi congregata monachorum societate (ait Isidorus) scripsit regulam ipsi monasterio profuturam, sed & cunctis Deum timentibus satis necessariam.

106. Hinc jam sibi Benedictinus, ut plurimum, ordo pridem persuasit, rem suam in Joanne & monasterio Biclarenfibus agi, nulloque alio, quàm factę monachorum mentionis argumento utuntur, ut aliis persuadeant^s. Supposititius quoque Maximus Agaliensis adscripsit monasterio; emissum inde studiorum causā Constantinopolin confin-gens^t. Sedet aliis^u, Augustinianum fuisse Dumienfis monasterii, hujus familię ab iis existimati, monachum. Alii tandem^x continentes se in vestigiis veterum, nec de monachatu dubitantes, formam ejus ignorare se innuunt, quorum nos nullis obnoxii partibus castra sequimur. Id quod è Benedictinis ipsis. vir doctissimus Joannes Mabillonus, Congregationis S. Mauri in Gallia monachus, nuper fecit, quum *Acta SS. ordinis sui* à Luca D'Acherio collecta ipse integris quatuor voluminibus juxta sæculorum ordinem digessit, notisque suis & observationibus illustriora reddita in vulgus emisit. Cum enim syllabum præmitteret *Sanctorum prætermisorum in primo Benedictino sæculo*, seu tomo primo, quorum quidem nomina in Calendario ejus ordinis reponi consuevere; supposititios tamen ipse ejusdem ordinis existimaret; Joannem inter alios Biclarensem abbatem eò intulit, Pseudo-Maximi testimonio liquidissimè denegata fide: cujus viri modestiam, de qua ipse in præfatione operis sectione 12. rationem sanctę reddit, amplecti atque imitari satius esset eos, qui non ex dubiis tantum certa, sed ex falsis quoque vera fingere, præpostero rerum domesticarum amori, obsequentes amant.

107. Id tamen prætermittere animus non est, quod ad bibliothecam pertinet. Isidorus ait Joannem congregata monachorum societate *Regulam ipsi monasterio profuturam* scripsisse. Quod quidem *Regulę* vocabulum averfantes, neque admittentes aliam in illo monasterio, quàm Benedicti parentis regulam à Joanne introduci & observari potuisse, Benedictini scriptores, Trithemius, Uvion, Menardus, & externi alii^y, qui hos sequuntur, *exhortationes*, sive *exhortatorium ad monachos* librum, vocant. Quos jure volunt Isidoro & Honorio Augustodunensi, qui *Regulam* di-

sertè vocant, posthabitos Morales noster^z aliique. Et in more hujus etiam temporis fuisse, non sub illius, alteriusve jam notę regulę instituto haberi monachos; sed utcumque asceterii præfecto placuisset, plurimę, ac diversę, quas servaverunt nobis veteres libri, ostendunt regulę. Permanfisseque vel ad hoc sæculum, quod Cassianus de suo ait lib. 11. *De institutis cœnobiorum* cap. 11. tot propemodum typos ac regulas, quot monasteria cellęque essent. Ut jam neque eremitarum, neque Benedictinorum, neque aliorum religiosorum cœtuum sodales, in monachi nomenclatura solidi quicquam fundamenti sibi olim jactum existimare posse videantur.

108. *Chronicon* item scripsit, sive historiam brevem xxii. annorum, ab anno scilicet primo Justinii junioris usque ad Mauricii octavum, hoc est à DLXVII. ad DLXXXIX. Isidorus: *Addidit & in libro Chroniconum* (scilicet Eusebii, quem S. Hieronymus, Prosper, Victorque Tunnunensis ordine continuavere) *ab anno primo Justinii junioris principatus usque ad annum octavum Mauricii principis Romanorum, & quantum Reccaredi Regis annum, historico compositoque sermone valde utilem historiam*. In hoc se scribere auctor ait quæ temporibus ejus acta essent, *ex parte quę oculata fide providisset, & ex parte quę ex relatu fidelium* didicisset. Andreas Schotus id primus è Toletanę Ecclesię bibliotheca, unā cum Victoris Tunnunensis Episcopi Chronico alio exscriptum, Germanis, hoc est Marco Velfero Reipublicę Augustanę senatori clarissimo, communicavit. Quo, ut credimus, exemplari Henricus Canisius usus est in editione sua *Antiquarum lectionum*, inter quas hodie legitur, atque item in *Hispanię illustratę* quarto volumine, quod Franciscus, Andreę frater, Schotus publicitus dedit^a. Valdè autem ab isto Chronico diversum est Joannis Gerundensis *Paralipomenon Hispanię* opus, de quo aliter existimasse magnum historicorum historicum Gerardum Joannem Vossium^b mirarer magis, nisi apud Possevinum servari hoc in Vincentii Pinelli bibliotheca cum *De origine rerum Hispanicarum* alio titulo manuscriptum legisset.

109. *Et multa alia scribere dicitur* (Isidori ultima verba audis) *quę ad nostram notitiam minime pervenerunt*. Ita est (non scripsisse, quod alibi legitur^c) in editionibus Isidorianis pluribus^d. Quę si vera est, indicat lectio adhuc fuisse in vivis Joannem nostrum, quum bonas horas Isidorus scriptoribus recensendis collocabat. Hoc autem factum oportuit non diu post annum sequentis septimi sæculi XXI. aut circiter, quousque ejusdem Joannis Gerundensis Episcopi facti vitam extendimus. Fuit enim à Reccaredo, aut ejus imperii tempore, cum restitutus, tum Gerundensis Ecclesię infulis ornatus. Quod quidem veluti in altera jam patria munus gerens, Cęsar-augustano II. & Barcinonensi Conciliis an. DXCII. interesse potuit, esseque Joannes ille, qui absque ulla sedis nota subscriptus eis, ultimos inter, quasi recens creatus antistes, legitur. Nisi aliò nos avertere faciat Galani mentio, quæ

^z Dico lib. 11. c. 70. Ant. Purificatione ubi supra.

^a Nosque in collect. max. Concil. Hisp. tomo 2. pag. 421. cum Notis quibusdam, sive monitu ad lectores, apprimè necessario. CARD. DE AGUIRRE. ^b De H. L. lib. 2. cap. 23.

^c In Parisiensi Sonni ann. MDLXXX. ^d Parisiensi Breullii, Matritensi emendatissima, & in editionibus libelli *De script. Eccles. Miræana*, & Suffridi Petri.

^r Lib. 6. Chron. catal. Catalonia cap. 62. in fine.

^s Ita censent Trithemius De vir. illust. Benedicti lib. 2. cap. 15. Arn. Uvion in *signis vite*, Menardus, Sabellicus *Emenda* 2. lib. 8. Domenec ubi supra, Mariana lib. 5. cap. 13. Pujades, Cardosus, Tamajus, jam laudati, Jepses in *Benedicti Chronici* tomo 1. ad ann. DLXIX. cap. 2. Bivar. ad Maximus anno DLXVI. pag. 496. ^t Ad ann. DLXVI. ^u Hier. Roman. Hist. Eccles. Hisp. lib. 3. cap. 10. apud Jepses, & Bivarium ubi proximè, Ant. de Purificatione Hist. erem. Portugallie lib. 2. tit. 6. §. 5. ^x Eifengreinus in *Catal. rest. verit. Platina in Bonif. 14. Tarrasa De Regionibus Hisp. in Sifeseus, Vasquez in Chron. ann. DLXXXIX. Morales lib. 11. cap. 70.*

^y Venerus in *Enchiridio temporum*. Eifengreinus, Domenec, Pujades.

quæ in Barcinonensi præfertur, in Cæsar-augustam autem postponitur Joannis mentioni. Non alius certè est *Joannes peccator de Gerunda* in Barcinonensi altero anni DXCIX. cum aliis nomen suum professus. Idem Concilio Toletano, sive Toleti solenniter confirmato Gundemari Regis de Toletanæ Ecclesiæ dignitate decreto ann. DCX. statim post metropolitanos subscripsit.

110. At quominus interfuisse eum credam Egarensi post quadriennium celebrato, Joannis subscriptio facit, Mumio in ejus actis postposita; quem Mumium Calagurritanum Episcopum in superiori Toletano Concilio Joannes noster Gerundensis multis locis præcesserat. Nec iccirco intercapedine ista quatuor annorum fuisse eum fato functum temerè contendimus: potuit enim alterius quàm Gerundensis Ecclesiæ Episcopus, à nostro alius, Mumio tunc locum cedere.

d Pujades
lib. 6. cap. 94.

e Pag. 91.
f Loaisa af-
firmat in præ-
fatione de codi-
cibus mss. qui-
bus usus fuit
pag. 9. num. 7.

g De scrip-
cap. 10.

111. Nec verum est quod à quibusdam affirmatur Joanni successisse Staphilium, & interfuisse hunc Barcinonensi Concilio, quod paullo post Toleti anno DCX. confirmatum à patrum cœtu Gundemari decretum celebratum fuisse temerè jactant. Concilium enim hoc Barcinoni adscriptum, cujus x. canones brevi cum præfatione, quæ Staphilii Gerundensis meminit in editione Matritensi^e, ex unico Hispalensis Ecclesiæ codice^f desumptos legimus, non hujus est, sed superioris temporis, quo nondum fortè natus erat Joannes, nedum Gerundæ præsul, aut vitæ functus. Sergius enim metropolitanus Tarraconensis tam huic quàm Ilerdensi Eræ DLXXXIV. sive anni DXLVI. Concilio præfuit, Casonius item, sive Casotius Empuritanus, Joannesque Cæsar-augustanus, utriusque interfuisse. Non ergo Joannis nostri Staphilius, sed Nonnitus successor fuit in Gerundensi sede: quod S. Ildephonsus disertè nos docet^g. Qui Nonnitus, cum Toletano iv. anno DCXXXIII. suum nomen inter antiquiores Synodi patres decimo loco affixerit; non solum jam eo tempore, sed & pridem, Joanni successisse credendus est. Eoque magis, quod Conantius Palentinæ Ecclesiæ antistes, qui ipse post Nonnitum subscriptus legitur, Gundemari decretum ante xxiii. confirmaverit.

112. Quamvis enim inde arguamus subscribentium nomina inversa quandoque esse, nec locum suum servare, ut vel ex his Nonniti & Conantii subscriptionibus palam fit (præcedere enim debuit Nonnitum Conantius, non è converso, cum anno DCX. posterior hic jam Palentinus, prior autem ille nondum Gerundensis Episcopus, sed Joannes noster, fuerit) nihilominus tamen Nonniti hoc inter antiquiores patres subscriptum nomen, haud utique novum, sed multorum annorum Episcopum fuisse eum indicat. Nonnitum S. Ildephonsus ait *Svinthilani & Sisenandi Regum temporibus floruisse*. Svinthilæ regni initium in annum incidit hujus sæculi xxi. Circiter ergo hunc annum diem suum obiisse Joannem credimus, vacuumque locum successori Nonnito reliquisse, non anno

DCXXXI. Svinthilæ ultimo, ut Joanni Tamajo placuit Hispaniæ martyrologo, adductâ ex quodam Garfiæ Loaisæ ms. codice actorum historiâ. Nam præterquamquod

— *timeo Danaos, & dona ferentes* uti apud Virgilium Trojani, ejusdemque fili acta & quod subsequitur carmen in Joannis laudem videntur, hujus hoc anno XXXI. defuncti successor Nonnitus minimè potuit, biennii ferè spatio transacto, antiquiores inter muneris Episcopos Toleti sedere. Planè vitæ ejus, contestata etiam miraculis^h, sanctitas locum sibi fecit in Ecclesiæ fastis, quorum dies Maji sextusⁱ vulgò ei assignari solet.

113. Pseudo-Maximum scio inter eorum nomina, quos Toletanum tertium Concilium sub Reccaredo habitum inter Episcopos admisisse contendit, *Joannem monachum Agaliensem, abbatem postea Biclarensem, & Episcopum collocasse*^k. Quis autem non videt formatorem Toletanum suppositione ista non hujus tantum monachi, sed & aliorum abbatum, presbyterorum, diaconorum, in Concilio præsentium, veterum omnium codicum constanti de his silentio insultare voluisse; ut Benedictinum nomen, sic aliàs venerabile, nec ornandum, seu veriùs onerandum, fabulis, sonare omnes conciliarium cœtum, domorumque religiosarum angulos faceret? Is tamen dum vel diaconos appellat, & monachos, atque item abbates Benedictino ordini falsò adscriptos, non utique debuit, si germanus esse auctor videri voluit, Episcopos, quorum præcipuè recordari debuit, præmittere: sed fatum hoc impostorum est, non sic posse verum assimilare, quin fraudem incuri ipsâ fallendi prodant. Eodem sanè habendum loco auctores sumus, id quod sine ullo veteri testimonio scriptum alicubi legere est^l, Joanne nostro usum præceptore fuisse Hermenegildum principem. Is enim ex oriente, quò se adolescens contulerat, non ante illud rediit tempus, quo Leovigildus pro Ariana secta catholicis omnibus, ac vel ipsi filio severa quæque minabatur, belloque persequutus est, aut vinculis jam constrictum habebat.

114. Misereor planè hominis vices, cum in *beatri genealogici regni Siciliæ* volumine i. & familia de *Castellet*, D. Philadelphi Muñoz scriptum lego meminisse Joannem Biclarensem quorundam nobilium Gotthorum Barcinone atque Tarracone suo tempore degentium, adductis quoque ex lib. ii. fol. 85. his ejus verbis: *Inter alios claros viros provincie Tarraconensis erat cum ceteris jam supra nominatis in aula regia nobilis de Castellet*. Quæ ab aliquo excepta sunt, qui se Biclarensem, ut palpus huic & aliis familiis obtruderet, mentitus est.

115. Vixit quoque sub Reccaredo Rege TARRA monachus quidam, cujus ad eundem Regem directam epistolam se reperisse in duobus antiquis codicibus Ambrosius Morales lib. 12. cap. 22. admonuit^m.

116. PELAGIUS Tyrassonenfis Ecclesiæ archidiaconus scripsit vitam S. Prudentii pa-
trui

h Domenec
vi. Maji.
i Uvion lib.
3. *ligui vire*, &
Benedictini
alii, Tamajus,
Cardofus hac
die.

k In Chron.
ad ann. dxc.
pag. 669. edit.
Bivarrii.

l Apud E.
colanum i. par.
Hist. Valent.
lib. 2. c. 11. num.
6. Cardofum in
Hagiol. Lust.
vi. Maji Escor-
lanum repre-
hendit Joan.
Tamajus eod.
die pag. 84.

m Hæc epi-
stola penes nos
est ex codice
Toletano de-
scripta, sed
adeò, aut ex-
scriptorum in-
curiâ, aut sæ-
culorum vitio
deformata, ac
erroribus sca-
tens, ut vix
aliqua ejus
sententia elici
possit. CARD.
DE AGUIRRA.

trui sui, ejusdem Ecclesiæ Episcopi; quam exstare ms. in quibusdam insignioribus Hispaniæ bibliothecis docent nos Alphonsi Ciacconi schedæ ad *Bibliothecam universalem*; sed publicavit demum Franciscus Bivarius ad Maximi Chronicon, & Joannes Tamajus die xxviii. Aprilis in *Martyrologio Hispano*. Bivarium consule in commentario ad dictum Maximi Chronicon ann. DLXXII. pag. 538. ubi de Pelagio isto & exemplis hujus ab eo scriptæ Prudentii vitæ.

117. Patitur & hoc sextum sæculum à fabularum mangonibus, ut, quod non fuit, productior dicatur scriptorum quorundam, in malè sano eorum cerebro, tanquam in Jovis capite apud mythologos Minerva, verè natorum. Pseudo-Haubertus enim & hic producit suas copias chimæricorum militum, quos à sacramento sibi dicendo longè habet historica veritas. Anno DXXIV. *Belliforamine in radice montis Jubalæ obiit SEVERUS poëta insignis & doctus, qui scripsit carmine Regum Gotthorum & Suevorum vitas.*

Anno DXXXVII. num. 26. *Cæsar-augustæ obiit FELIX diaconus Ecclesiæ S. Salvatoris. Fuit cancionarius, & valdè doctus.*

Anno DLXVIII. num. 15. *In urbe dicta Orcelis obiit ORONTIUS orator.*

Anno DLXXVI. FABRICIUS Episcopus in Gallæcia per hoc tempus librum Gotthorum Regum scribit.

Anno DLXXXV. num. 16. *Barcinone obiit AULODIUS presbyter valdè cancionarius.*

Eodem anno num. 24. *Valerie inter Carpetanos obiit RUFINUS diaconus valdè orator.*

Eodem anno num. 48. *Romeniæ in Carpetania floret PETRUS presbyter valdè cancionarius.*

Eodem anno num. 52. *Toleti obiit AMANUS presbyter. Fuit valdè cancionarius, simul theologus.*

Anno DXCVI. num. 2. *Pampilone in Vasconibus obiit GUESTIANUS presbyter, filius Andalini civis. Fuit valdè cancionarius.*

Nugatorem insulsum omnes, credo, risu & sibilo excipient, qui non lolio vititant.

118. Sed hæc sunt prorsus vana, & absque ullo rei fundamento. At quod & ipse ait de JULIANI POMERII Toletano apud nos Pontificio, veri hominis falsam historiam continet, à qua vel Pseudo-Maximus abstinuit calammum. Jam successerat (hic ait^m) in Toletana sede primaria Montano viro celeberrimo Julianus. Hucusque fragmenti nostri Maximus. Sed assuta fuit huic forsan veteri panno lacinia ista è Toletana seu ficulnea textrina: Cujus patruus Julianus cognomento Pomerius in modum dialogi librum composuit. Hic Julianus habuit amicitiam cum Vero presbytero, cujus alterius Juliani mutuis interrogationibus librum, quem supra dixi, Julianus cognomento Pomerius natione Gallus composuit. Reddidit nempe Isidorumⁿ, qui Gallum & ipse vocat, cum Maurus gente & ortu fuerit, in Galliis tamen presbyter, Julianus Pomerius, teste Gennadio^o, & Cypriano in vita S. Cæsarii Arelatensis P. Obtinuit quidem error quondam confundentium hunc Pomerium cum

Juliano Toletano antistite, sequentis septimi sæculi scriptore celeberrimo: quem dissipavit lumine distinctionis immisso Ambrosius Morales noster^q, & alii: de quo nos in Juliani Toletani rebus, cum eò sit perventum. Sed nihil horum compescuit Pseudo-Hauberti licentiam, quin alicubi de successore Montani loquens hæc diceret: *Julianus cognomento Pomerius monachus Benedictinus succedit in sede Toletana Montano. Fuit historicus insignis, natione Gallus.*

119. In quibus verbis dicere non ausim, impostoræ Julianum Pomerium illum intellexerit, de quo Gennadius & S. Isidorus loquuntur, an alium ejusdem nominis & patriæ, Archiepiscopum Toletanum, & hunc à Juliano sequentis sæculi ejusdem sedis præfule distinctum. Ad hanc verò posteriorem partem magis inclino. Quis enim potuit ad Julianum Pomerium illum respicere, eique ann. DXXXIV. Episcopatum adscribere Toletanum, quem constat à Gennadio, viventem quidem adhuc, sed circa an. CDXCIV. quo is scripsisse catalogum suum juxta veriorum chronologiã creditur¹, laudatum; quemq; Isidorus post ejus mortem iterum de eo referens, non potuit non, si Toletanus idem fuisset Episcopus, hujus dignitatis munere ornatum agnoscere. Quamvis cum fabulatoribus ratione agere, id verè sit cum ratione insanire. Attamen cum in catalogis Toletanorum præfulum Julianus quidam successor appelletur Montani; vero magis consentaneum est Pseudo-Haubertum nugis Pseudo-Maximi adhærere voluisse, atque his verbis confirmasse Julianum Toletanum esse illum ex cujus & Veri mutuis responsionibus (ut ille alter ait) Julianus senior Pomerius, istius Juliani patruus, librum *Dialogorum* composuit. Hoc admisso, habendæ quidem Pseudo-Hauberto maximæ gratiæ sunt, qui Toletanæ sedi Gallum Episcopum, eumque monachum Benedictinum, historicumque insignem, nomine tenus hucusque notum, ostenderit & constituerit; sed utique eæ gratiæ, quas Luciano habere luna debet, qui tot gentium colonias, non ullo senatusconsulto triumvir creatus, in ejus orbem deduxit.

120. Post dissipatam superiorem à malignitate immissam genti nostræ fabulorum heroum plagam, nollem utique gravem ac sincerum historicum commissi non sponte erroris taxare. Sed quæ admoneri æquum est, ne alii decipiantur, non filebimus; quemadmodum nec fileret ille, aut retractare erubesceret, si dum superstes fuit lapsum se esse animadvertisset. Stephanus Garibajus lib. 8. *Hist. gener. Hispaniæ* cap. 24. de VICTORE Tunnunensi Episcopo loquens, qui ubi Prosper reliquerat, historiam prosequutus est, Hispanum natione fuisse eum temerè ait. Constat quidem de loco Episcopatus in Africa ex Isidori *Catalogo scriptorum*¹: quamquam verum ejus loci nomen mirè variantibus manuscriptis codicibus ignoretur. quod Vossius docet^u. Sed natales ei apud nos fuisse, unus Garibajus, quin aliquem laudare possit rei auctorem, affirmavit.

^q Lib. 12. cap. 38.

^r In Chron. anno DXXXIV.

^s Ex cap. 91 de Theodulo, id colligit Jacobus Uferius De Britan. Eccles. primordiis c. 13. pag. 461. & 462.

^t Cap. 25.

^u De H. L. lib. 3. cap. 3.

121. Ut

^m Ad ann. DXXXIV. num. 1.

ⁿ De script. cap. 12.

^o De script. cap. 98.

^p Apud Sulpitium xxvii. Aug. tomo 4.

121. Ut aliū etiam suspectum hujus sæculi vel nullius auctoramenti scriptorem subijciamus; ARTUAGUS Gotthus, monachus, ut noviores jactant, sine ullo antiquo vade, ordinis S. Augustini, scripsisse dicitur, cum ea omnino perierit, *Gothorum Regum historiam*: cujus meminit Ambrosius Morales lib. 12. *Hist. Hispanæ* cap. 18. in fine; (ex quo alii) monens tamen hujus notitiam se desumere ex *Chronici ordinis S. Augustini*. Hujus autem Artuagi vindicibus sive assertoribus in examen vocatis, principem inter alios postulant locum ii, qui (si Deo placet) antiquiores sunt. Quo in ordine præcedit Maximus, qui audit Cæsar-augustinus Episcopus, aut potius verum amantibus chimæra ficulnea, Toleti ante octoginta annos concepta, de qua latè jam in superioribus egimus. In ejus Pseudo-Chronico ad annum Christi DLXXXIV. legitur: *Artuagus, cognomento Gotthus, ex ordine S. Augustini monachus, Toleti floret opinione sanctitatis*. In Luitprandi similis farinæ Chronico ad annum DCXXXIII. (nempe integris quadraginta novem annis postquam florere jam eum nos docuit Maximus) *Prima die Maji moritur sanctè compositæque Artuagus monachus Augustinianus Cislæ Toletanæ*. Nonnihil & appositum addiditve jam prius inventis Julianus Petri ex eodem cerebro cum duobus jam appellatis natus; speciei quidem, ut calculum adderet mendacii suffragatoribus, rei autem ut sibi ipsi mentiretur iniquitas, juxta sacrum elogium, fratrumque suorum everteret fidem. Hic ad annum DCLIX. num. 325. *Hoc tempore primâ Januarii moritur Toleti Artuagus monachus Augustinianus, vir apprime fervens zelo fidei*.

122. Nimirum, si Maximum sequimur, florebat opinione sanctitatis sub finem sexti sæculi anno DLXXXV. Vixit tamen adhuc, si Luitprando aures dāmus, usque ad sequentis sæculi tricesimum sextum; si autem Juliano, usque ad ejusdem quinquagesimum nonum. Primo item die Januarii obiit, Juliani; primâ verò Maji, Luitprandi testimoniis. Quæ formarum diversitates ejusdem officinæ instrumentis passim datâ operâ sunt impressæ, ut fictionis suspensionem inter se variantia quodammodo dispellerent; nisi dicas mendacem sui immemorem, quod non oportuit, alio & alio loco diversa & contraria posuisse.

123. Item apud Julianum habemus de Artuagi scriptis quicquam aliud, neque illud pauci, dummodo non illudamur, habendum. In collectione etenim variorum carminum ad calcem monstrosorum operum posita, nunc verò (ait) post hæc carmina sequuntur quedam epistolæ, quarum prior est Artuagi monachi Gotthi ad D. Isidorum, quæ sic incipit: Reverendissimo domino Isidoro &c. nec ultra aliquid. Quid autem rei sit detruncatum hoc loco Julianum apparuisse, ac subductam oculis promissam epistolam, indagasse mihi videor. Toletanus horum omnium artifex audierat (seu, uti suspicor, quod Hieronymum Romanum Augustinianum in historia hujus ordinis legerat) Salmanticæ in eremitarum bibliotheca quandam asservari epistolam ad Isidorum Hi-

spalensem directam, hujusque Artuagi nomine inscriptam, cum isto initio sive nuncupatione; cujus rei notitiam hucusque sibi datam, Juliano suo, cum domi formaretur, annunciamdam aliis commisit, cum tenorem epistolæ ipsius, quo carebat, non posset. Notam confirmandæ huic suspicioni adjungam Hieronymi Higuerae, quem semper intelligimus quum Toletanum inventorem taxamus. Lumen is quasi daturus pseudo-scriptorum suorum mysteriis, Luitprando breviores notulas infixit: quarum una ad hujus auctoris verba ista ad annum DCXVI. *Extruso per vim Isidoro Episcopo Hispalensi, viro doctissimo sanctissimoque, Gordianus in sede Hispalensi per vim intruditur. S. Isidorus Malacæ exsulat. Papa Deus-dedit scribit epistolam ad Gordianum intrusum*. Ita habet, unâ cum aliis D. Laurentii Ramirefii Pratensis, in Antuerpiensi Luitprandi operum editione: *Ex epistola Deus-dedit Gordiano Hispalensi. Hoc manifestè patet ex libris epistolarum summorum Pontificum Romæ impressis: nec mirum aliqua tacuisse scriptores, quæ in dies magis tempus retegat. Idque confirmatur ex epistola Gotthica ms. quam habent Patres Augustiniani Salmanticenses Artuagi Gotthi Toletani monachi Augustiniani ad eundem Isidorum. Id credo factum per vim factionum Arianorum, & restitutum anno sequenti operâ & potentia Regis Sisebuti. Credo durasse in exilio pauculos quosdam menses, post verò restitutum. Hucusque Higuerae ad Luitprandum nota*.

124. Ex qua deducitur non ignotum sibi olim esse hanc epistolam Salmanticæ penes Augustinianos exstare dici, deque Gordiano intruso ad Isidorum exulem verba facere: non tamen totam illam se vidisse, aut exemplum ejusdem adeptum se esse ait; quo cum careret ille, minimè potuit per Julianum suum aliis communicare. Res autem ipsa docet, neque ad Gordianum Hispalensem Episcopum directam illam Papæ Deus-dedit epistolam fuisse; neque Artuagi alteram, quâ hic asseritur Gordiani Episcopatus & Isidori expulsio, ullam fidem mereri. Notabimus quidem nos in S. Isidori mentione lib. 5. cap. 3. Gordiani hunc Episcopatum Isidoro in exilium abeunte sub catholico Rege Sisebuto absonum vero prorsus esse: neque aliquo alio, quàm hujus epistolæ Deus-dedit Papæ argumento fictionem inniti, quam (ut semper solent absque ullo examine Toletani alii pseudo-historici) gestiens amplexus fuit Luitprandus. Hanc autem epistolam, quantumvis Gordiano Hispalensi apud Gratianum, qui eâ utitur cap. 1. causâ 30. quæst. 1. Decreti legatur inscripta; *Hispaniarum* aliàs, vel *Hispaniensis* præ se ferre, tum in Anselmi ac Burchardi decretis, tum in fragmento epistolæ, quod est in collectione Conciliorum, jam annotatum voluere ii qui notulas ad laudatum decretum Gratiani post ejus emendationem composuerunt. Et hac lectione usi narraverunt factum alii 7.

125. Planè tenor hujus epistolæ vix stat cum perpetua Ecclesiæ totius persuasione, facto conjugum dissolvi matrimonium neutiquam

* De fide hujus epistolæ disseruimus in *Collect. max. Concil. Hisp.* tom. 2. pag. 461. ubi ostendimus suppositiciam esse, aut saltem vitiatam. CALDIN. DE AGUIR. 22.

y Garibajus lib. 8. cap. 27. Spondanus in *epist. Barenii* ann. DCXVII.

quam posse : cū hīc sancitū legatur , eorū , qui susceperunt proprios filios in baptis-
mate, non tantū separari conjugium debe-
re (propter cognationem spiritualem contra-
ctam) sed post annum restituta dote virum
aliā fēminā ducere , uxoremque alii viro
nubere posse . Quā ē difficultate malē se ex-
pediunt veteres hujus libri declaratores, Hugo
& Joannes Turre-cremata , & ē novioribus
Basilii Pontius Legionensis lib. 7. *De matri-
monio* cap. 40. ex num. 8. Garibajus autem nu-
per laudatus alio prorsus sensu, cū legitimo
non ausus fuisset, parum aptē donavit episto-
lam dicto loco.

126. Aliis placuit cum Alexandro secare
gladio nodum hunc Gordianum glossate
resecto, ut Baronius ad annum DCXVII. ne-
gans hoc ultimum in Gratiano reperiri. Sed
ne haud necessariis nos misceamus, enervan-
do argumento, quod ex epistola Deus-dedit
ad adstruendum fit Gordiani (S. Isidoro re-
pulsio) Episcopatum Hispalensem; satis super-
que virum suppeditat inscriptionis epistolae
incertitudo, cum alii esse potuerint per id
tempus Hispaniarum, sive Hispanienses, Gor-
diani nomine, praefules; ac Pseudo-Luitpran-
dus nullius momenti scriptor sit, huic soli ut
id credamus. Facto enim contigisse, ut re-
gnante Sisebuto optimo Gotthorum Rege
vir Ecclesiae nostrae primas, intruso per vim
alio, sedis suae exilium pati coactus fuerit;
intrusoque summus Pontifex tam humanē,
fratrisque charissimi appellatione donato, rescri-
pserit, fidem omnem excedit.

127. Unde primum est suspicari, immo
& absque haesitatione ulla credere, alteram
Artuagi epistolam, quā consolatus dicitur is
in exilii sui calamitate S. Isidorum, suppositi-
tiam & falsam esse, nulliusque auctoris, ne-
dum Artuagi. Verus enim, si uspiam fuisset
Artuagus, atque ejus sanctitatis homo, Hi-
spalensi magno antistiti, atque item S. Ilde-
phonso Toletano aequalis, Toleti degens ipse
& scribens, qui potuit non inter scriptores

ab eodem S. Isidoro laudari, apud quem Ma-
ximus Caesar-augustinus Episcopus propter
unam *Gotthorum* conscriptam *historiam* lo-
cum sortitus fuit: aut saltem ab Ildephonso,
qui praetermissos ab Isidoro collegit aetatis suae
viros illustres, & postquam decesserat Artua-
gus ipse diem suum obiit? Sed ajunt laudari
hunc, si minus ab antiquis, quorum testimo-
niis non deferimus, saltem ab Augustinianis
scriptoribus, qui, postquam confirmatus fuit
eremitarum ex diversis congregationibus
coagmentatus ordo, de rebus suis & illustri-
bus viris commentati sunt; in quibus inter
alios numeratur Jordanus à Saxonia dictus,
saeculi XIV. in libro *Vitae Patrum* inscripto, ac
Romae anno MDLXXXVII. edito. Hunc
testem appellat Bivarius², *Jordanum Saxo-
ferratensem* perperam pro *de Saxonia* voca-
tum; non tamen quod hunc auctorem, cujus
ne quidem patrum cognomen habebat no-
tum, viderit; sed ex Hieronymi Romani Au-
gustiniani Chronico hujus sui ordinis, quod
ms. reliquit. Falso autem dicitur à Jordano
Artuagum alicubi laudatum. Quicquid enim
is de antiquo ordine usque ad unionem scri-
ptum posteris dedit, exhibuit in Chronico
suo Augustiniani ejusdem ordinis² Josephus
Pamphilus, qui & ipse observationes quaf-
dam adjecit^b. Nulla autem apud eos men-
tio de illo fit.

128. Ambrosium Coriolanum, hujusmet
religiosae familiae generalem praefectum, qui
De viris ejus illustribus librum scripsit, alte-
rum Artuagi assertorem ex eodem Romano
appellat Bivarius. Quem cum nos sub oculis
non habeamus auctorem (esto ille, & qui no-
strā & parentum aetate Augustinianas res li-
teris tradiderunt, Artuago suffragentur, quos
significasse Ambrosius Morales voluit, dum ex
Augustinianis Chronicis hujus memoriam se
ait excerptare) noviorum sanē positio haec,
nullis munita veterum testimoniis, imbecillior
est quam ut rem ante mille annos gestam
fuisse sanis hominibus persuadere possit.

² In *Noria*
ad *Maximi*
Chron. ann.
DLXII. num. 8.
pag. 490.

² Rom. edit.
MDLXXI. fol.
25. & 26.

^b Fol. 27.






BIBLIOTHECÆ V E T E R I S H I S P A N Æ LIBER QUINTUS, De scriptoribus sæculi septimi.

CAPUT PRIMUM.

De FULGENTIO Astigitano præfule, SS. Leandri & Isidori germano fratre . S. Leandri verba de eo obscura exponuntur . Nihil compertum de Fulgentii Episcopatu Carthaginiensi . Confundi solere hunc cum Fulgentio Carthaginiensi Episcopo Ruspensi . Hujus , non Fulgentii nostri, mentionem fieri in Concilio Toletano XV. adversus Pseudo-Julianum, & in Hispalensi II. Pseudo-Maximi de Fulgentio nugæ . Hispalis non inverosimiliter Fulgentii patria . Breviaria tantum Hispana de scriptis ejus agere , non scriptorum laudatores . Breviariis non facile credi debere , quæ in Fulgentio plura absurda continent . Cujusnam fuerit è Fulgentiis liber De incarnatione ad Scarilam . Alia opuscula nostro adscribere recentiores . Mythologicum opus utrum horum habeat auctorem, an nullum . A Brivario inadvertenter dictum caruisse Ruspensem Græcis literis . Judicium eruditorum de hoc opere . Epitaphio cuidam SS. Leandri, Isidori, ac Florentinæ insertam fuisse à Pseudo-Juliano mentionem S. Fulgentii ostenditur . De CONANTIO Palentino antistite , & qualia ejus opera . Melos, melodus, melode, & melodi-ma quid ? Psalmi nova significatio .

I.  N Conciliaribus hujus ineuntis sæculi conventibus, quod ab anno DC. usque ad DCC. pertinet, sanctitate morum ac doctrina conspicui plures Ecclesiarum præfules, totidem veluti super candelabrum ardentissimæ ac fulgentissimæ faces, emicuerunt: Isidorus nempe Hispalensis, Fulgentius ejus germanus frater Astigitanæ, Conantius Pa-

lentinæ, Maximus Cæsar-augustanæ, Pontifices. At quod Isidorus cæteris supervixit, præmittimus ei fratrem Fulgentium natu majorem, deinde Conantium, & Maximum.

2. FULGENTIUS, Leandri, Isidori, Theodoræ Reginæ Gotthorum, & Florentinæ sacrae Deo virginis frater, Severiani Carthaginensis provinciæ Ducis ex Turtura, seu Turture filius, de quorum stirpe satis multa in Leandri mentione dicta sunt. Astigitanus fuit Episcopus ante annum DCX. saltem creatus, quo anno Synodo Toletanæ sub Gundemaro Rege ad confirmandum hujus decretum habitæ, decimo tertio loco, deinde Hispalensi secundæ celebratæ anno hujus sæculi XIX. quarto loco subscripsit, in cujus secundo capite de controversia inter eum & Cordubensem Episcopum agitur. Hucusque Fulgentii ex sacris istis monumentis procuditur mentio. Persuasio quidem vetus jam est urbis & Ecclesiæ Carthaginensis translatum eò ex Astigitana sede nonnunquam fuisse; immo & adjungit aliquis rediisse tandem ad veteris sponsæ thalamum, relicta Carthagine. Nos quicquid veteris ævi documenta de Fulgentio nostro continent, uti certa proferemus; ceteroqui non facile admittentes omnia passim quæ absque his ore dumtaxat feruntur hominum, tandemque falsa & supposititia palam arguentes.

3. Sanctorum Leandri & Isidori fratrem Fulgentium fuisse, non solum ex Braulionis Cæsar-augustani Episcopi vita, seu elogio Isidori, quo ait hujus duos officiorum libros ad germanum suum Fulgentium Astigitanum Episcopum fuisse ab eo directos; sed ex Leandro ipso constat in Florentinæ sorori scripta regula, quæ manibus omnium teritur. Exsulaverant nempe olim cum communibus parentibus è loco in locum translati uterque,
Flo.

Florentina & Leander. Monet ergo hic forem, ne de reditu in patriam, unde eam olim Deus eiecerat, cogitet: quod de tempore illo, quo sedatus jam fuerat ab Arianis timor, intelligo: matremque in exemplum ei adducit, quæ visuram se nunquam eam patriam esse, unde causâ salutis exierat, sæpius obtestari solitam ait. *Tu queso (infert) cave soror Florentina quod mater timuit, & malum quod illa experta fugit, tu prudenter evita.* Ac statim de Fulgentio subiungit: *Miserum me! doleo, qui ibidem communem fratrem transmissi Fulgentium, cujus periculi jugi formidine pertimesco. Tutior tamen erit, si tu securior & absens pro illo oraveris.* Fateor me in huius exilii causis & historia plurimum semper hæsisse. Innuit quippe sanctus vir Leander capite isto *Regule* ultimo, matrem inde, unde exsul abiit, causâ salutis exiisse, in peregrinationeque Deum agnovisse. An quæ Arianae sectæ olim adhæserat, in calamitate exilii errorem suum detestata est? Vix affirmare audeam hoc solo motus, quod ad pietatis maiorem, quam prius habuisset, sensum non absurdè referas, testimonio.

4. Quale autem id exilium fuerit, & à quo in quem locum, vix certò dicitur. Carthagine Spartaria, cui Severianus Dux veluti limitaneus præerat, expulsos utrumque conjugem cum filiis Leandro & Florentina (de aliis non temerè affirmaverim) aliò se contulisse vulgaris fama est. Urbis relictæ calamitatem describit idem Leander, deploratque his verbis: *Ego tamen expertus loquor sic perdisse statum & speciem illam patriam, ut nec liber quisquam in ea supersit; nec terra ipsa solita sit ubertate fecunda: & non sine Dei iudicio. Terra enim, cui cives erepti sunt, & concessi extraneo, mox ut dignitatem perdidit, caruit & fecunditate.* Franciscus certè Bivarius, si demas quæ is è supposititiis adstuerere pergit auctoribus, de hac exilii re cæteris luculentius egisse mihi videtur; sed non undique, dum rei obscuræ lux ab eo immissa.

5. Nec procul specie veri est, Leandri enunciatum hoc de Fulgentii reditu in patriam (Carthaginensem scilicet urbem) occasionem dedisse, ut Episcopus ejusdem fuisset urbis, quæ excisa tunc temporis, ac sine Episcopo erat, uti alibi diximus^a, crederetur. Cujus moris transeundi Episcopos in aliam ex alia Ecclesia non multa eo tempore apud nos exempla ostendi possunt. Quare civi potius quam præfuli cultum ei datum Carthagine affirmantibus non habent valida, quæ opponant, argumenta, Carthaginensis pontificatus assertores^b. Quibus tamen secundare Pseudo-Maximus^c volens Fulgentium, admittit utrobique sacris præfuisse; non tamen ex Astigitana in Carthaginensem, sed è converso è Carthaginensi in Astigitanam transferri se permisisse. Id ipsum confirmare videtur^d alibi Pseudo-Julianus^e, alibi negare.

6. Sed quia & mendacium, famæ instar, vires acquirit eundo, Pseudo-Luitprandi Adversario quodam^f intimatur credulis S. Fulgentium bis fuisse Episcopum Carthaginensem^g. *S. Fulgentius bis fuit Episcopus, Carthagine*

ibaginenfis primò, inde Astigem translatus, & postremò Carthagine, ubi paucos annos vixit, videlicet in Episcopatu. Quamquam enim Delio natatore opus sit ad expiscandum plani sensum; perspicuò tamen affirmat, postquam Carthagine functus esset Episcopi munere, Astigitanae Ecclesiae, tandemque iterum Carthaginensi, præfuisse. Confirmavit Pseudo-Julianus de Liciniano loquens Adversario 563. *Præcessit in sede Dominicum, & Fulgentium bis Episcopum Carthaginis.* Quæ somnia sunt hominum Fabulino Deo litanium, controversiisque, seu differentiis inter noviores natis conciliationis lumen inferre gestientium. Sunt enim è nostris qui^h Astigitanum prius, Carthaginensem deinde Episcopum, sunt & quiⁱ ordine inverso fuisse ajunt.

7. Nata etiam fortasse est persuasio hæc de Fulgentii Episcopatu Carthaginensi, occasione alterius Fulgentii Ruspensis in Africa Episcopi^k, gente, hoc est avorum origine, Afer, hic Carthaginensis, natus tamen ipse Lepi Byzacenæ provinciae metropoli. Hunc alicubi Carthaginensem nuncupatum offendentes ignari antiquitatis homines facili lapsu ex Africana in Hispanam Carthaginem, eque patria seu originis loco in gestum præfulis munus, eque Fulgentio Carthaginis Africae cive in Fulgentium Carthaginis Hispanæ Episcopum excidere potuere. Mirum enim de Fulgentio utroque quam passim jactentur quæ falsissima sunt. Equilinus Episcopus Fulgentium Ruspensem ait^l *in civitate Toletò in Hispania* natum, quem Maurolycus sequitur^m, de quo nos alibi. Ambrosius Morales, diligentissimus aliàs historicus, eum, qui Ruspensis tantum Ecclesiae fuit Episcopus, crediditⁿ & Carthaginensi Ecclesiae præfuisse^o. In Fulgentio quoque Astigitano non facile dixerim quidnam deceperit Alphonsum à Carthagine Burgensem Episcopum, ut in *Anacephaleosi*, post agnitum ejus Astigitanum Episcopatum, Tingitanum quoque in Africa, illius civitatis, quam hodie (ait) *Tanger vocant*, postea tribuerit^p.

8. Eiusdem imprudentiae est de Fulgentio nostro interpretari mentionem (quod enixè quidam contendunt ex nostris) apud Toletanum xv. Concilium factam his verbis q: *Tertium sanè, quartumque capitulum* (epistolæ scilicet Benedicti Papæ II. de Juliani Toletani præfulis, qui huic præerat Concilio, libro *De tribus substantiis* ad eundem misso, de quo agit Rodericus Toletanus lib. 3. cap. 13.) *contuentes, non solum sensum, sed & ipsa penè verba ex libris beatorum Ambrosii atque Fulgentii nos prælibasse monstravimus, quibus ea prædictos viros dogmatizasse scimus. Quos quia celebres in toto orbe doctores feriata Ecclesiarum Dei vota percensent; non illis est succensendum, sed potius succumbendum; quia omne quod contra illos sapitur, à rectæ fidei regula abhorrere sentitur.* Ignoramus quidnam hæc duo continerint capitula. Quare nec dignoscere possumus quænam hic Ambrosii & Fulgentii Ruspensis testimonia significantur. Hic autem Fulgentius unà cum Ambrosio laudatus,

^h Vaseus ubi proxime Laur. de Padilla jam laudatus: Maurolycus, Breviar. quædam apud Roam proxime laudandum, & Bivar. ad Maxim. 492. ⁱ Roa lib. 2. *De Eccl. y sus santos* cap. 5. fol. 92. ^k Ita credit Morales lib. 12. cap. 5.

^l Lib. 2. *Ca. valgi* *sauster.* cap. 32. ^m 1. die Januarii.

ⁿ Lib. 12. cap. 5. ^o Quem errantem sequutus est Anton. Quintana-dueñas in *Santia Hispanibus*. apud auctores *De Affir* SS. die xv. Januarii. ipse tamen vii. Januarii.

^p Idem error est auctoris *Valerii histeria-* rum lib. 4. tit. 4. cap. 7. & Roderici Saucii par. 2. *Hist. Hisp.* cap. 19. ^q In edit. Loais pag. 671.

^a In *incentura* Dextri, dum de Toletanis Episcopis, & in his Pentadio, ageremus.

^b Primus Cabilon. in *Topogr. verbo* *Carthago nova*. Ab eoque Maurolycus 1. Januarii. L. Martini. *De præfatis* *Hispan.* lib. 6. Padilla *De los SS. de España* fol. 14. Tarrafa *De rebas Hisp.* in *Libro 2. Garibajus* lib. 3. *Comp. hist. Hisp.* cap. 20. Franc. Padilla tom. 2. *Hist. Ecclesiast.* de España centur. 7. cap. 13. Vaseus in *Chron. an. dxc.* Breviar. de quibus postea, & Dominicanum.

^c Ad ann. dxcii. & ad annum. dc. nu. 2.

^d In *Chron.* num. 310.

^e Num. 319.

^f 240. aliàs 214.

^g Aliàs: S. Fulgentius bis fuit Episcopus Carthaginensis, inde translatus Astigitanum, & postremò Carthaginensem: ubi paucos annos, dum videlicet vixit in hoc Episcopatu. Ita in editione Ramirexiana. Quæ autem textui inferimus, è Thomæ Tamaji scripta.

tus, absque dubio Fulgentius est Ruspenfis, quantumvis Pseudo-Julianus noviorum errori velificatus testimonium suum his exhibeat^r; cui Martinus de Roa pro Astigitanis sanctitate claris agens viris sine delectu credidit^s. Uterque enim equo jure *celebres in toto orbe doctores* audire meruere. Nam & ejusdem Fulgentii Ruspenfis, nomine tenus, cum eadem ferè laude meminit^t Concilium Hispanense secundum, S. Isidori, ut creditur, his verbis, qui ei præfuit: *Sanctus quoque Fulgentius (ait) in libro, quem De incarnatione Domini nostri Jesu Christi scripsit, inter alia sic intulit: Dico itaque vobis &c.* Quæ verba sunt ex cap. 2. operis ejus *De incarnatione & gratia desumpta*. Nisi ad nostrum Astigitanum vel etiam hoc testimonium pertinere velint, qui huic ipsi Concilio interfuit. Nam & huic inscriptum *De incarnatione* librum in quodam Cordubensis Ecclesiæ codice exstare Moralius scriptum reliquit^u. Quo viso idem confirmavit Pseudo-Julianus Advers. 562. ut infra dicemus.

9. Conspirat silentium de Fulgentii hujus nostri scriptis, quæ ipsa sunt, quibus doctoris celebris nomen queritur, apud Isidorum, Ildephonsium, Honorium, Siebertum, ac veterum reliquos; qui non tacuissent, si tantus doctor audire meruerit. Antiqui ferè omnes chronologi, Hermannus Contractus^x, Lambertus Schafnaburgensis^y, Marianus Scotus^z, Siebertus iterum in Chronico, Hugo Floriacensis^a, martyrologi omnes^b Ruspenfis meminere; nullus verò eorum nostri. Hæc de his quæ de utroque Fulgentio perperam jactantur. Cum itaque Fulgentius Hispanus non alio quàm Astigitani Episcopi appelleretur ubique nomine^c, vero est similis hujus solius Ecclesiæ præfulem fuisse.

10. Quædam alia de Fulgentio apud Pseudo-Maximum legas, utpote Hispani fuisse parentibus in exilio natum^d, ibique, presbyter cum esset, postulatum coadjutorem à Dominico Carthagenensi Episcopo, ea dignitate auctum à Reccaredo Rege^e, Astigitanum deinde factum præfulem ut seditio exorta in ea urbe sedaretur: quæ omnia non majorem fidem, quàm auctor eorum, habent. De quo quum ad Maximi censuram devenimus, plura suppeditabit amplum hoc argumentum. De Dominico autem Episcopo, cui successor fingitur S. Fulgentius in sede Carthaginis, etiam per hoc tempus conficta, Pseudo-Maximi lapsus ex Onuphrio Panvinio malè intellecto supra ostendimus, cum de Liciniano Carthagenensi ageremus, lib. 4. cap. 2.

11. Ne tamen Hispanensis meæ urbis gloriæ incuriosus audiam, éstne unde sibi hunc civem Hispanenses arrogant? Maximus quidem fragmenti nostri hæc habet ad annum DLIV. *Fulgentius Hispani nascitur*. Vulgaris autem hæc ad annum DLIX. *Fulgentius nascitur Hispani patri exuli in ea urbe excissa Carthagine*. Nec abludit à vero: siquidem Hispanim designatum exilii locum Severiano, aut saltem aliunde fugatum eò se recepisse fama est; quam Leandri & Isidori ea in

urbe contingens pontificatus quodammodo juxta morem veterem confirmare videntur, quo assumebantur è clero, aut claustris propriis, Ecclesiarum Episcopi. Reclamat autem Hispani huic honori Carthago nova, carmine S. Ildephonsi quodam producto in S. Fulgentii laudem, unde sunt hi versus:

*Fulgenti, nova Caribago quem reddidit auris,
Teque nimis felix postmodum patre fuit.*

Sed merces hæc sunt supposititiæ è Juliani ficulnei penu in ea collectione carminum^f, quam Fuldam se misisse in prologo ait, ex libro Gotthico membranaceo transcriptorum productæ.

12. Resistitque Carthagenensibus Fulgentii natalibus Leander frater in fine *Regulae*, dum Florentinam utriusque sororem ait ea ætate abstractam fuisse à patria, scilicet Carthagine, ut quamvis ibidem nata fuerit, recordari ejus haud posset. Natu autem eam Fulgentio majorem vulgus auctorum credit. Nec negabunt qui ficulneos auctores ore semper & corde gerunt. Pseudo-Maximus enim ait in meo fragmento^g: *Severianus excissa iterum Caribagine nova, ejusque agro vastato, Hispanim in exilium mittitur, antè nata Florentinâ filiâ*. Quæ quidem in vulgari Maximo defunt. At Pseudo-Julianus non omisit ortum S. Florentinæ anno DXLV. assignare in Chron. num. 264. sicut & Pseudo-Maximus Fulgentii natales anno DLIX. adscripsit, hoc est XIX. annis juniorem eum sorore docentes. Infirma tamen omnia hæc sunt, quæ non solida auctoritatis basi nituntur.

13. Fulgentii obitum post ann. DCXIX. necessariò ponimus, quo Hispanensi Concilio interfuit, & ante DCXXIII. quo subscriptus legitur Toletano IV. Abentius Astigitanus. Planè ex octo Episcopis, quibus Hispanensis provincialis Synodus constitit, duo tantum superstites erant, quum nationalis hæc Toletana coacta fuit, nempe Isidorus Hispanensis, qui utrique præfuit, Fidentiusque Tuccitanus. Certè in hoc patrum sexaginta duorum cœtu Abentius tricesimum octavum obtinuit locum; unde fit, non recens, sed ante plures annos ordinatum fuisse Episcopum, qui viginti quatuor alios post se creatos præcederet. Obloquantur licet ii, qui ab Astigitano Fulgentium repedasse in Carthagenensem pontificatum, Pseudo-Luitprando credunt, nos quidem in Ecclesia hac Astigitana disertam successoris Fulgentii mentionem; Ecclesiæ verò, aut Episcopi Carthagenensis, sive Fulgentii sive alterius, nullam legimus. Breviaria Ecclesiarum quarundam Hispaniæ LXVI. annis vixisse eum affirmant.

14. Iisdem Breviariis tantumⁱ (quod mirere) acceptam Fulgentii multiplicis eruditionis peritiæque linguarum, atque item quorundam ejus operum notitiam ferimus. Quo nimirum capite ad bibliothecam is pertinet^k. Breviarium Palentinum ita habet: *Peritus namque in Græco, Hebræo, Arabico, Syro, Latinoque sermone, &c.* Ita & Salmantinum, & Hispanense, quod Martinus de Roa in *Astigitanis* urbis, & *Sanctorum Astigitanorum historia* seleviisse affirmat, laudatque Bivarius. Hæc utique

^r Num. 310.
^s Santos de Ceija lib. 2. cap. 5. fol. 91.

^t Can. xiii. pag. in edit. Loaisæ 320.

^u Lib. 12. cap. 5.

^x Ann. xiv.
^y In Anastasio.
^z Ann. dxi.
^a In Zenone.
^b 1. Januar.

^c Ita in Concilio, ut apud Braulionem, ubi supra, Roder. Toletanum lib. 2. cap. 2. cap. 14. Lucam Tundensem, etiam ex Marianam lib. 6. cap. 1. San dovalium *Traduction de la Regla de S. Leandro*. Alph. à Carthagine in *Anacephal.* cap. 26.
^d Post ann. dxi.
^e Ann. dxi.

^f In edit. Juliani Petri Martini pag. 131.

^g Anonym.

^h Palentinum & Salmantinense à Bivario laudata ad Maximum p. 452. & aliud Hispanense à Roa in *Astigitanis* lib. 2. cap. 5. fol. 96. & 97.
ⁱ Junge superioribus Seguntinum, quod laudat Morales lib. 12. cap. 5.
^k A Bivario adductum pag. 452. ad Maximum.
^l Lib. 2. cap. 5. fol. 92.

quo Breviaria *καὶ* suum Pseudo-Maximo expedire, apud quem legitur: *Linguarum Græcæ, Syriacæ, Hebraicæ, Arabicæ, Latineque peritissimus Fulgentius habetur*, in vulgari editione, non in meo fragmento. His iisdem Breviariis fidem præstiterunt ex nostris historicis plurimi ^m, atque item in eo quod adjungunt de scriptis ab eo libris: *Fecit expositiones luculentissimas in sacra Evangelia, in Isaiam, & duodecim Prophetas, in Genesin, & Pentateuchum; ac Regum mysteria subtiliter tractavit*. ut legitur in iisdem Palentino Salmantinoque Breviariis.

15. At jure quidem optimo Franciscus Bivarius, necnon & Joannes Bollandus in *Actis sanctorum* tomo 1. die xv. Januarii mirantur hunc tantum eruditionis, doctrinæque sacræ, ac tot editarum lucubrationum in sacra Biblia merito virum silentio fuisse damnatum ab scriptorum Ecclesiasticorum omnibus encomiastis, nec ab Isidoro tantum fratre natu minore, qui Fulgentio tot annis supervixit, & in catalogo Leandro fratri neutiquam subduxit laudis munus, viventemque adhuc Maximum Cæsar-augustanum, fortasseque Joannem Biclarensem commendavit; sed nec ab Ildephonso, Isidori & aliorum, præcipue Hispanorum, succenturiato antiquioribus Eusebio, Gennadio, atque huic eidem Isidoro celebratori; neque tandem ab anonymo, qui tredecim aliorum appendicem adjunxit (si tamen hic alius ab Isidoro est, de quo in Isidoro) ut omittamus ceteros non hujus temporis scriptorum collectores ⁿ.

16. Ea certè mihi hoc in silentio crux figitur, ut non verear de relatione Breviariorum dubitare, qui quidem fontes sunt, è quibus historici recentiores biberunt. Solennis quidem recitatio harum historiarum in Ecclesiis, aut foris, admissioque in Ecclesiasticos libros, non eatenus, quicquid continent, vero mancipant; quin sæpissime incerta, immo & falsa quædam absurdaque in iis legantur. Quem insigniter, ac ut viros probos judicioque subactos utentes decuit, locum pertractarunt, Ludovicus Vives^o, Melchior Canus^p, Papirius Massonus^q, Ambrosius Morales^r, aliique hujus commatis. Nec extra has ipsas nostrorum Breviariorum de Fulgentio lectiones querendæ sunt suspicionis adversus easdem causas; cum falsissimum id quidem eò admissum fateri oporteat^s, Leandrum nempe Fulgentio fratri morienti adstitisse; cum diu post decessum Leandri unà cum Isidoro altero fratre, atque ejusdem Leandri successore, Fulgentius Conciliis duobus Hispalensi Toletanoque, uti diximus, interfuerit.

17. Nec item vero videtur simile Braulionem (alii Laurum^u vocant) è Cæsar-augusta, quod ibidem annotatur, Episcopum, ad Carthaginem usque Spartariam ab eodem morti se preparante invitatum venisse. Immo neque Braulio Episcopus^v erat Cæsar-augustanus, cum Fulgentius circa annum DCXX. ut ibi quoque notatur, decederet. Hic enim, Ildephonso teste, *duravit in regimine Ecclesiæ Bibliotheca vetus Hispana* Tom.I.

suæ temporibus Sisenandi (qui an. DCXXXI. regnare cepit) *Cimbila, Tulganis, & Cindafvindi Regum*. Falsissimum quoque est vixisse, hoc est floruisse, Fulgentium Justiniani tempore^x. Is enim, si de primo hujus nominis quærimus, obiit an. DLXVI. Secundus autem, *Rhinotmetus* dictus, non ante DCLXXXV. Constantino Pogonato successit. Quid tandem de linguæ Arabicæ notitia Fulgentio tributa dicemus, quæ nullis forsan à libris eo tempore, sed ex commercio tantum gentis, quæcum nullum habuit, addisci potuit? Breviarium ordinis Dominicani habet Reccaredum Regem interfuisse Fulgentii exsequiis, qui Reccaredus multis antè annis obierat. Non ergo injurii erimus Ecclesiarum traditioni, si non statim, tot inter lapsus, referentem de Fulgentii operibus lectionum auctorem recto talo incesisse credimus.

18. In Cordubensis verò Ecclesiæ bibliotheca plusquam quingentorum annorum codex librum Fulgentii nostri *De fide Incarnationis Dominicæ*, ac de aliis quæstionibus sibi à Scarila quodam propositis conservari dicitur^y. Ambrosius Morales primus rei auctor est, qui, cum Cordubensis patriâ esset, virque in paucis ingenuus & verax, firmum quidem, & quantum potis est, grave pro inscriptione libri testimonium perhibet. Quid autem si ea non recta sit? Potuit enim scriptor alterum pro altero Fulgentium capere, abjudicareque germano parenti opus. Cum verè id jam ediderit, tanquam Fulgentii Ruspensis, Guilielmus Camerarius, & Scotus cum aliis veterum Patrum monumentis apud Sebastianum Huré in 12^o. cum præmissa epistola operis præambula sic inscripta: *S. Fulgentii Ruspensis Episcopi responsio ad interrogationes Scarilæ de mysterio Incarnationis, & vulum animalculorum auctore*. Immo & Petrus Franciscus Chiffletius Jesuita, editionis hujus Camerarianæ inscius, tredecim ex eo, tanquam inedita adhuc, nec minus existimato Ruspensi, fragmenta, simul cum aliis Fulgentii ejusdem è libris *adversus Fabianum*, Alcuini *confessione fidei*, Rhabani Mauri libro *Adv. Judæos*, & anonymi commentariolo *De damnatione Berengarii*, Divione an. MDCLVI. in lucem edidit. Neque obest quod non hic inter alios ejus libros, cum ab Isidoro, tum à Ferrando vitæ ejus scriptore, laudetur. Plura enim Isidori notitiam fugisse testatur ipse his verbis: *Hæc tantum ex pretiosis doctrinæ ejus floribus carpsimus. Sors melior, cui delicias omnium librorum ejus præstiterit Deus*. Ferrandus quoque: *Aliaque multa digessit (ait) quæ si quis scire voluerit, in ejus monasterio veraciter scripta reperiet*.

19. Pseudo-Juliani auctoritate, quæ nulla est, prudens nemo hic utetur, agentis^z Carthagine Fulgentium nostrum scripsisse librum *De Incarnatione, dedicatum Scarilæ monacho Benedictino abbati S. Leocadiæ*.

20. In monasterio etiam S. Salvatoris de Oña in Castella veteri exstare ait^a Sandovalius Pampilonensis Episcopus Fulgentii *Expositionem in totum Psalterium* Gotthicis characteribus exaratam. Quod si vero constat, unde

^x In eodem Palentino apud Bivarium, & in Dominicano.

^y Morales dict. cap. 5. Roa dict. cap. 5. fol. 92. Bivarius, pag. 655. Frac. Padilla dict. cent. 7. cap. 11 Mariana lib. 6 cap. 1.

^z Adv. 562. ^a In Hispania interpret. quam edidit, Regula S. Leodri.

^v Expositionem hæc nuper nos per literas postulavimus ab illius monasterii Præfeto: quam si quando adepti fuerimus, animo hæret in lucem emittere, simul cum aliis ineditis opusculis apud nos exstantibus, si nobis facultatem præstiterit.

^o *Ὁ ὑπεράσπτης Θεός*. CARDINALIS DE AGUIRRE.

^m Marinæus Siculus *De laudib. Hisp.* lib. 6. Valsens; anno DCCC.

ⁿ Trithemius, Bellarminus, Gesnerus, Labbeus.

^o De causis corrupt. ars. lib. 2. & De trad. discipl. lib. 5.

^p Lib. 12. cap. 6. De locis theolog.

^q Hist. calan. Gallia 1. tomo Historie Francie.

^r In locis his. ante lib. 9. Hist. Hisp.

^s Ita in Hispalensi Breviario referri docet Roa ubi supra, & in transcribendo Palentino Bivarius agnovit. Quævis enim Isidori nomen pro Leandri subrogasset in textu, aliter editum esse annotavit in ora pag. 453. Notantque errorem uterque Roa & Bivarius item in Dominicano.

^t Fulgentii obiisse æte Leandrum simili errore dixit Valsens in *Enchiridio*.

^u Apud Moralem lib. 12. cap. 5.

de tanta iis monachis honesti & laudabilis incuria, qui latere hunc apud se thesaurum, cuiuscunque Fulgentii sit, hætenus tolerare?

21. Præterea Franciscus Bivarius ex diversis Ecclesiarum Breviariis sermones quinque se producere ait^b, ne pereant. Primus est *De Sancto Stephano protomartyre*, ex Breviario Salmantino, qui alius verè est, eodem licet initio insurgat, à Ruspenfis sermone de eodem protomartyre, qui editus inter ejus opera legitur. Secundus *De communi Apostolorum* ex Breviario Conchenfi, qui incipit: *Delectat tantorum*, &c. Sed hic fragmentum est ejus, qui Ruspenfis nomen præsert in editione hujus operum. Tertius item *De communi Apostolorum* ex Salmantino & Palentino, incipit: *Apostolica dignitatis*. Quartus ex eodem Breviario Salmantino *De communi Confessorum*. incipit: *Carbolica Ecclesie operarios*. Quintus in *Purificatione B. Virginis Mariae*. incipit: *Si subtiliter à fidelibus*. Cujus principium tantum Bivarius edidit, quoniam editus est in Laurentii Surii *Homiliario* sub Ambrosii Ausberti, seu Autberti, nomine à Sigeberto laudati^c. Conchenfe item *Breviarium* (subjungit idem Bivarius) in *lectionibus festivitatis Purificationis beatissimæ Virginis lectione iv. elegans in ejus laudem testimonium S. Fulgentii recenset his verbis*: Exfurgat in medio doctorum egregius Fulgentius, & dicat: Quid autem putas, qualis enim fuerat, vel nunc sit ista persona, quæ sanctis omnibus proponitur imitanda. Hoc autem instruire fas est, quod anima ejus & caro, quam delegit, & habitaculum sibi fecit sapientia Dei Patris, ab omni malitia & immunditia fuerit purissima, &c. *Quæ sanè verba* (infert ille) *cum in operibus S. Fulgentii Ruspenfis minime reperiantur, tamen si & ipse de laudibus Mariæ ex partu Salvatoris sermonem habuerit; restat ut Carthaginensis nostri esse credatur, excerpta forsan ex libro De fide incarnationis D. N. JESU CHRISTI, quem in bibliotheca Cordubensis Ecclesie Ms. servari diximus.*

22. Sed cum hæc Bivarii collectio non multum urgeat, sermonesque hi omnes eodem stylo, quo Fulgentii Ruspenfis ii quos habemus, concepti sint, de quo ad criticorum judicium provocare possum; nil video cur Breviaria, eo solum quod Fulgentium laudant Episcopum, sive Carthaginensem Episcopum, lectionum earum auctorem, de Fulgentio nostro intelligenda sint, cum Carthaginense hoc illius pontificium qui asserat, nullus fide dignus ac vetus auctor appelletur. Joannes enim, vulgò dictus Primus, Episcopus Cabilonensis, primus rei auctor est, qui anno MCDL. opus suum *Topographia* scribebat, ut in ea dicitur, verbo *Cabalium*. Unde Breviaria, nisi antiquiora sint, desumere id potuere: atque è contrario Fulgentius Ruspenfis, Carthaginensis quoque Episcopus falsò creditus, nonnunquam fuerit, uti jam diximus.

23. Præfert quoque Fulgentii nomen opus *Mythologicum*, sive *Mythologiarum* libri tres, de quorum auctore jam olim dubitatur.

Fulgentium Ruspensem credidere Joannes Trithemius^d, Lilius Giraldu^e, Petrus Equilinus^f, Gesnerus^g, & antiquior his Sigebertus Gemblacensis^h, qui quidem hæc addit in laudem operis: *Hic certè omnis lector expavescere potest acumen ingenii ejus, qui totam fabularum seriem, secundum philosophiam expositarum transtulerit, vel ad rerum ordinem, vel ad humanæ vitæ moralitatem*. Sed adversatur major pars eruditorum, credentes nihil iis libris contineri theologo, nedum Fulgentio isto, dignum: quod censent Joannes Molanusⁱ & Antonius Possevinus^k. Iccirco Joannes Cochlaeus in principe Fulgentii operum Norimbergensi editione an. MDXIX. hoc opus non inclusit: quam, exceptis quibusdam, sequutæ sunt cæteræ.

24. Fulgentio autem Astigitano Episcopo id tribuere non dedignantur nostri quidam historici^l. Et favet, quod vulgò inscribantur, ut Molanus ait^m, *Fulgentio Episcopo Carthaginensi*, qualem credunt fuisse nostrum; item quod in bibliotheca Mediceaⁿ simile huic opus, quod ejusdem auctoris esse existimatur, uti mox dicemus, *Flavii Fulgentii expositio antiquorum sermonum* audiat, quod *Flavii* nomen ad originem nostri Fulgentii, ut volunt, regiam, facile est applicare. Nec non & disertis verbis harum partium est Toletanæ figlinæ Maximus^o. *Librum Mythologicum componit Fulgentius Episcopus Carthaginis Spartariæ*. Quod tamen deest in fragmento nostro. Considerat ad hæc Bivarius hic versatus, tam Græcum libri nomen, quam materiem ejus, indicare artificem *omnium linguarum, & consequenter Græcarum fabularum peritissimum*. Neque enim, ut noster Fulgentius, Afer ille literarum humaniorum (ait) studiis fuit delectatus. Parum quidem advertenter, cum apud Ferrandum Ruspenfis Vite auctorem legere potuisset hunc à matre Græcis literis imbuendum in primis traditum; & quamdiu totum simul Homerum memoriter reddidisset, Menandri quoque multa percurreret, nihil de Latinis permisisse literis edoceri. subjungitque, *quoties ei Græcè loqui placebat, sic aptè verba eum proferre, ut quasi quotidie inter Græcos habitare putaretur*. Nec aliâ, quam Græcâ doctrinâ, quod se ab eo argumento expediret, opus habuit mythologus. Joannes item Bollandus, sive auctores *De actis Sanctorum* die xv. Januarii, quædam ex opere isto loca expendunt, ex quibus colligere se putant, Astigitano id potius convenire, quam Ruspenfi. Inde verò maxime, quod *Galageticos impetus* dicat auctor se olim quassavisse: quos interpretantur de bello Gallos, sive Francos inter & Gothos. Fulgentius tamen Carthaginæ aut Hispali degens procul erat à bellico à Gallis, aut è Gallo-Francis timore.

25. Nolim ergo, his tantum conjecturis, Fulgentio Hispano adscribere, ne dicam intrudere, nostros homines parum attentè id opus, quod aliàs non multum honoris, reclamante licet Sigeberto, valeat auctori suo conferre. Malè enim accipitur *Mythologiarum* hic auctor à viris limati ac subacti judicii. Bero-

^b Ad Maxim.
pag. 655.

^c De script.
cap. 91.

^d De script.
^e Dial. 5. De
poëtis.
^f Lib. 1. Ca-
tal. 55. cap. 32.
^g In Biblio-
theca.
^h De script.
cap. 28.

ⁱ In pref. ad
edit. Plantin.
Oper. S. Fulgentii
9. 10.

^k In Appa-
ratu.

^l Bivarius
Ad Maximam
pag. 710. Roa
dict. cap. 5. fol.
92. Nec Theo-
phil. Raynaud.
De bon. & mal.
libris. part. 1.
erot. 10. n. 220.
contradicit.

^m Editio Ba-
sil. MDXXV.
Plantiniana
MDLXV. in 8.
cū N. Marcello
cura Hadr. Ju-
nii.

ⁿ Ut est in
catalogo hu-
jus bibliothecæ
pluteo 33.

^o Ad annum
DCIII. num. 4.

Beroaldus ad Appulejum notis: *Non probo eruditionem (ait) perinde atque parum conducibilem, parumque apud eruditos plausibilem*. Floridus Sabinus rigide nimis appellat eum omnium *Afrorum ineptissimum*, atque magis *saxeam*, quam lapideam Nioben, *cujus orationem solum, æquè ac pessimi poetæ carmen*, deridendum arbitrat. Utrumque vidit Jacobus Gaddius Florentinus, & in librum suum *De scriptoribus non Ecclesiasticis* admisit.

26. Frequentior tamen his est in deprimendo mythologo, simulque libelli *De prisco sermone* auctore, qui idem existimatur, nec moderator Gaspar Barthius. Hic enim alibi *P curiosæ diligentia hominem vocat, memorie verò prorsus infelicitis*. Alibi *q: utiliore, quàm eloquentiore*. Alibi *tanta documenta sue stultitiæ hoc uno libello (De prisco sermone scilicet) dedisse, ut nec minimam partem autoritatis merito habeat*.

27. Tandem de *Mythologiarum* opere, cum laudasset quosdam exinde versus, utinam (ait s) *plura scripsisset talia Fulgentius præfatius illis Mythologiarum libris, qui ratione nulla, solo acumine reguntur*. atque item *magnam vim futilium, & verborum & rerum in iis contineri*. Stylus item asper & horridus æquè distat à Ruspensis lacteo, ac à nostri Fulgentii eo qui in his sermonibus, quos ei Bivarium adscribere diximus, apparet. Nec movere nos debet, quòd Episcopo Carthaginensi tributum ab editoribus fuerit opus; cuius erroris causam supra ostendimus: nec item quòd Flavii nomine appelletur auctor in bibliothecæ Mediceæ codice. Id enim, si verum sit, scriptum pro *Fabio Flavium* fuisse suspicari possumus. *Fabius enim Fulvius Fulgentius Placiades* vulgò appellatur *Mythologiarum* scriptor. Quæ tot nomina unde Fulgentio Astigitano? Neque enim eam se vocandi ambitionem alibi gentium circa hæc tempora vigentem nostris Hispanis placuisse video. Præcipuè eximii fratres, non ultra quàm Leander, Isidorus, Fulgentius, æquè ut cæteri Ildephonfus, Eugenius, Julianus, Braulio, Maximus, audivere. Certius ergo est, neque Africanum, neque Hispanum Fulgentium his nugis styli, quem mythologus affectavit, delectatum auctorem esse operis, sed grammaticum aliquem *Fulgentium Placiadem*, aut *Fabium Fulvium Fulgentium Placiadem* nomine, quorum priore appellatum eum se vidisse in Gemblacensis bibliothecæ quodam codice Molanus scripsit.

28. Habemus tandem quod opponere nonnullus valeat scriptoris titulo, quo nostrum condecorant. Walafridus Strabo sæculi noni scriptor literas dedit metricas ad Gotteschalcum monachum, quæ leguntur in editione Colonienfi *Bibliothecæ veterum PP.* tomo 9. col. 999. ubi eum alterum vocat Fulgentium, seu Fulgentium secundum,

sive quòd ita vocaretur, sive quòd obtinuisset hoc nomen ob eximiam doctrinam.

*Velox Calliope viam frequenta,
Qua Fulgentius invenitur: illum
Post cunabula longius meantem
Quæfisti, &c.*

Atque item:

*Addita sunt, Fasti, Fulgenti dona secundi,
Quod tua suspensis ingessit epistola nobis.*

Unde colligi datur, Fulgentio primo Ruspensi secundum hunc, qui dat, alterum medii temporis scriptorem non cognovisse. Reperiuntur quoque hæc literæ in *Collectione scriptorum qui nono sæculo De prædestinatione & gratia elucubrârunt*, volum. 2. pag. 47. Alios, qui de mythologici hujus operis auctore censuerunt collegit Vincentius Placcius *De scriptoribus pseudonymis* pag. 197.

29. Agnoscimus quidem doctrinæ commendationem in Fulgentio nostro. Nam Rodericus Toletanus lib. 2. cap. 14. Leovigildum Regem ait, *dum infirmitate acriter torqueretur præcepisse filio Reccaredo, ut Episcopos ab exilio revocaret, & Leandrum Hispalensem, & ejus germanum Fulgentium Astigitanum, qui in doctrina Ecclesiastica fulgebat insignis, tanquam patres audiret, & eorum monitis obediret*. Et Lucas Tudenfis: *Tunc temporis Fulgentius Astigitanus Episcopus in nostro dogmate claruit*. Quæ quidem propria Tudenfis verba sunt, non ex Isidori Chronico desumpta, quod aliàs transcribit. Sanctitatem quoque ejus confirmat perpetuus quamplurimum nostrarum Ecclesiarum cultus, quantumvis in die multum varians. Octavo enim & xiv. xv. xvi. tandemque xix. Januarii mensis celebrant ejus festum, præter alias, Ecclesia Hispalensis, cuius diocesis Astigi, vulgò *Ecija*, urbs hodie est: Carthaginensis, vel quia natalis urbs, vel quia existimata etiam sedes: Placentina, quia in ejus territorio, scilicet in *Berzocana* oppido inventa sub Alphonso XI. tam ejus quàm sororis Florentinæ corpora: Benedictinus etiam Ordo.

30. Absolvam de Fulgentio dicere, si prius monuero epitaphium quoddam sanctorum S. Fulgentii fratrum circumferri, in quod cum incidisset Pseudo-Juliani architectus, Fulgentii mentionem intrusit, reclamante ipso veteri monumento. Editum id reperies in *Collectione variorum carminum*, quæ à *Juliano facta* dicitur, ad calcem hujus auctoris *Operum*, quæ Parisiis prodierunt an. MDCXXVIII. typi expresserunt. Sed integram & puram ex ms. codice Gotthico Nicolai Fabri, à se, ut asserit, habitam, diu antea Romæ ediderat Constantinus Cajetanus in *sanctorum trium Episcoporum religionis Benedictinæ luminum* Isidori, Ildephonfi, & Gregorii Ostiensis *vita & actis*. Alteram è regione alterius dabimus, ut Pseudo-Juliani dolus statim feriat candidorum lectorum oculos, & quidem characteribus id, in quo discrepant, distinguentes.

31. CAJETANI.

*Crux hæc alma gerit sanctorum corpora fratrum
Leandri, Isidori, priorum ex ordine vatū:
Tertia Florentina soror Deo vota perennis,*

JULIANI.

*Crux hæc alma gerit geminorum corpora fratrum
Leandrum, Isidorū pariterque ex ordine vatū
Tertia Florentina soror, devota perennis.
Et*

Et posita consors sic digna quiescit
Isidorus in medio disjungit membra duorum.
Hi quales fuerint, libris inquirito lector,
Et cognosces eos bene cuncta fuisse loquutos:
Dogmatibus sanctorum cerne crevisse fideles,
Ac re . . . domino, quos impia jura tenebant.
Utque viros credas sublimes vivere semper,
Aspiciens sursum pictos contende videre.
 Obiit felicitis memoriæ Leander Episcopus
 die III. Kal. Martias erā DCXLI.
 Obiit sanctæ memoriæ Isidorus Episcopus
 die II. Non. Apriles erā DCLXXIV.
 Obiit piæ memoriæ Florentina Deo vota
 Kal. † Septembris erā DCLXXI.

u Priorum adi-
 dit, qui vulgata
 lectione resisti
 dolose intru-
 sioni animad-
 verterat.

32. In Fabri codice de erat S. Fulgentii mentio, tam in carmine quam in subjecta nota sepulchralium uniuscujusque memoratorum diei & anni. Quæ quidem inter Pseudo-Juliani manus de novo emicuit in duplici illo versu, reliquis malè cohærente. Etenim tria tantum subjecta huic inscriptioni fuisse corpora evidenter exinde apparet, quod *Isidorus medius* distinguere dicitur *membra duorum* u jam laudatorum Leandri & Florentinæ fratrum. Quem ergo Fulgentio locum assignabimus? Præterea si Fulgentium laudaturus erat poëta, cur præcedere id fecit?

Hi quales fuerint, libris inquirito lector, &c. quasi è libris non esset etiam dignoscendus cum aliis Fulgentius? Malè autem qui cum aliis convenit, pejus sibi binus constat versus. Quid enim sonant hæc Latinis auribus?

In quibus hic recubat Fulgentius: inspicere tres hos

Spe certa, plenosque fide, super omnia charos. Profectò indigna sunt quæ S. Ildephonso tribuantur, uti Pseudo-Julianus attribuit; immo totum epitaphium barbariora, quam Ildephonsinum fuit, septimum scilicet hoc, quod pertractamus, redolet sæcula. Hactenus de Fulgentio.

33. Sequitur CONANTIUS Palentinus Episcopus, de quo vix aliud habemus, quam S. Ildephonsi hoc elogium: *Conantius post Murilam Ecclesiæ Palentinæ sedem adeptus est; vir tam pondere mentis, quam habitudine speciei gravis, communi eloquio facundus & gravis, Ecclesiasticorum officiorum ordinibus intentus & providus. Nam melodias sonis multas noviter edidit. Orationum quoque libellum de omnium decenter conscripsit proprietate psalmorum. Vixit in Pontificatu amplius triginta annos, dignusque habitus fuit ab ultimo tempore Witterici, per tempora Gundemari, Sisebuti, Svimilæ, Sisenandi, & Cinthilæ Regum.* Hæc Ildephonsus. Sedit ergo in Palentina Ecclesia ab anno DCIX. aut DCX. quo Wittericus obiit, usque DCXXXIX. sequentemve, quo Cinthila.

34. Anathematizavit inter alios Arianam hæresin Murila Episcopus Palentinus in Toletano Concilio III. cui diem suum circa id, quod annotavimus, tempus, obeunti subrogatus Conantius subscriptus legitur Toletano alii, quo confirmatum est Gundemari decretum anno DCX. loco nono inter eos qui ex Carthaginensi provincia, ante universalem patrum totius Gothorum ditionis conven-

O quam compositè concors hæc digna quiescit!
Isidorus medius disjungit membra priorum.
Hi quales fuerint, libris inquirito lector,
Cognosces & eos bene cuncta fuisse loquutos:
In quibus hic recubat FULGENTIUS: inspicere tres hos

Spe certa, plenosque fide, super omnia charos.
Dogmatibus cernes horum crevisse fideles
Ac reddi domino, quos impia jura tenebant,
Atque viros credas sublimes vivere semper,
Aspiciens pictos, rursus contende videre.

tum, Toletani antistitis majestatem ac metropolitancam auctoritatem de scripto sunt professi *. Item Toletano, quod quartum vulgò audit, anno DCXXXIII. undecimo loco, sive infra metropolitanorum ordinem quinto, ac post triennium anno primo Cinthilæ Regis, Toletano V. provinciali statim post Eugenium metropolitam ejus urbis præfulem: tandemque Toletano VI. nationali DCXXXVIII. secundus in Episcoporum ordine post Protasium Valentinum, quantumvis hujus tam antiqui præfulis nulla fiat in anterioribus sacris conventibus y mentio, sed Musitarum z cum Valentini Episcopi appellatione, ejusque Conantio multo inferioris in subscribendi ordine. Quo magis confirmor in turbato ab exscriptoribus, aut olim minus observato, prædixæ tenore.

35. Edidit Conantius melodias sonis multas. Melos carmen est: Perfrus in Prologo:

Cantare credus Pegasæum melos.

Inde Melodis, melodus, modulator, atque etiam adjectivum melodus, modulatus, a, um, Latinis. *Modulatis impulsibus* Sidonius dixit a. Melodes fœmininum Ausonius b.

Te fabulantem non Ulixes linqueret,

Liquit caventes qui melodas virgines.

Hinc melodia passim in usu, & melodima, pro cantu seu modulatione c. Formavit ergo noster ad Ecclesiastica officia, sive hymnos sive alia metrica, aut prosaica, musicisque adaptavit modulis, ut in Ecclesia canerentur. utramque enim & poëticam & musicam artem videtur Ildephonsus ei tribuere, uti & Joanni Cæsar-augustano d. In Ecclesiasticis officiis quædam eleganter & sono & oratione composuit.

36. Præterea libellum orationum decenter composuisse ab eodem dicitur, *De omni proprietate psalmorum*. Quod interpretari possumus, de singulis ad singulos psalmos orationibus ab eo compositis, sive de orationibus ab eo adaptatis in officio Ecclesiastico iis quæ prius canerentur. *Psalmus* enim intelligi potest id omne quod cantatur ad organum, Isidoro teste lib. 6. *Originum* cap. 19. nisi orationes non de eo quod Christianis sonat intelligamus; sed de quibuscumque compositionibus, aut sermonibus ad Ecclesiastica officia spectantibus: quæ multa ac proluxa sunt in libris nostris antiqui ritus Isidoriani, uti loquutum nuper observavimus in Joanne Cæsar-augustano.

* In editione
 Loaisæ pagin.
 259

y In Tolet
 Gundemari, ac
 Tolet. IV. & V.
 z Tolet. IV.
 & Tolet. V.

a Lib. 9. ep.
 15.
 b In Prefe-
 sor Neposiano
 gram. cap. 16.

c Vossius De
 vitis sermonis.
 lib. 3. cap. 25.

d Cap. 6

C A.

CAPUT II.

De MAXIMO Cæsar-augustano Episcopo. Hujus scripta, & in his Chronicon Gotthorum, periisse. Monachus ei falso tribuitur. Distinguntur, eorum etiam confessione qui hunc adstruere amant, duo Maximi, qui Concilio Toletano III. interfuisse dicuntur, alter monachus, alter archidiaconus, inde Episcopus Cæsar-augustanus. Maximo cognomen MARCI unde inditum à pseudo-historicis. Marci discipuli S. Benedicti à Maximo diversitas: quod & veterum testimoniis & historicis rationibus palam fit. S. Benedictum sacerdotio baud ordinatum. Angelus de Nuce Archiepiscopus Rosanensis laudatur. Item D. Josephi Pellizerii consilium & industria in affligenda hac fabula Marci utriusque in unum coagmentatione, utilitatis & magne diligentie nomine laudatur.

37. AD MAXIMUM Cæsar-augustanum præfulem deventum est, cui præparamus quandam prolixiorē lucubrationem, unde præcipienda sunt nobis aliqua pro rei necessitate, ut producto in medium vero Maximo, abiciamus cetera quæ ei superinducta sunt, confictitia omnino, & fabrefacta in eorum cerebro, qui vera aut falsa, sive adulatoria dicere ac scribere, sinceritate lectorum abutentes, pariter habent.

38. Verus ergo Maximus ille est, quem commendavit posteris S. Isidorus in fine libelli sui *De scriptoribus Ecclesiasticis* adhuc superstitem. Maximus (ait) Cæsar-augustanus civitatis Episcopus, multa versu prosaque componere dicitur. Scripsit & brevi stylo historiam de his quæ temporibus Gotthorum in Hispaniis acta sunt, historico & composito sermone. Sed & multa alia scribere dicitur, quæ nondum legi. Hæc Isidorus. Habentur Maximi subscriptiones in Conciliis Barcinonensi anno DXCIX. Toletano Gundemari anno DCX. Egarensi DCXIV. celebratis. Nec diu postea vixit: nam Joannes ejus successor duodecim annis eidem Ecclesie præfuit, Sisebuti ac Svinthilæ regum tempore, qui Sisebutus ann. DCXII. regnare cepit. Braulio autem Joannis frater & successor ann. DCXXXIII. Concilio Toletano IV. interfuit Episcopus.

39. Perit omne id quod versu prosaque scribere Maximum docuit nos Isidorus, & quod aliis desiderandum magis esset, *Historia Gotthorum* ab eo conscripta. Nisi quod fragmento Chronici, Dextro (uti, cum de eo ageretur, monuimus) in codice Adami Centurionis Estepani Marchionis adscripto, integrum, ac nulla ex parte mutilum, idemque Maximo Cæsar-augustano tributum, aliud Chronicon, sive continuatio prioris, subjicitur. Quod quidem ab an. Christi CDXXX. sive erā CDLXVIII. usque ad ann. DCVI. hoc est eram DCXLIV. annuatim historiam omnem duorum ferè sæculorum profertur. Priora autem ejus usque ad annum CDLVI. ex Prosperi Tyronis Chronico, paucissimis exceptis, desumpta sunt.

40. Id tamen, quale est, quo de nos alibi, fundus utique sive area est, cui Pseudo-Dextri vulgaris Chronici formator, eodem temeritatis ac petulantie filo in manus sumpto, vulgare etiam nomine Maximi signatum Chronicon superstruxit. Oculis subjectum opus, quod in fragmento nostro legitur, in calce hujus voluminis, & cum vulgari collatum, ipsum se cuicumque prodet, quamvis pertinacissimè reluctanti, embryon esse olim conceptum, quod additis seu mutatis faciei ac totius corporis lineamentis, abortivum adhuc, vereque monstrosū, enixa est tandem audacissima fallendi, ac de rebus etiam sacris ludendi, cupiditas. Non tamen hic est locus singula quæque mendaciorum capita coarguendi, aut quatenus alterum alteri contrarium, sive ab illo diversum sit, exponendi. Id enim majoris molis opus tempore alio indiget ad sui absolutionem. Nec tamen generalia quædam capita refutationis, quod velut specimen & fundus integræ ac solidæ sit, à lectoribus desiderari hunc in locum venientibus permittemus.

41. Tria verò in primis circa Maximum ipsum, hujus argumenti, quod Bibliotheca tractat, prorsus germana, necessariò admonenda sunt, ne hic desiderentur. Primum est, Maximum Cæsar-augustanum Episcopum Benedictinum non fuisse monachum, qualis Pseudo-Maximus Toletanus sæculo nostro apparuit. Secundum, neque appellatum fuisse Marcum Maximum. Tertium, diversum consequenter ab nostro esse Marcum S. Benedicti discipulum, qui carmine quodam virtutes almi parentis exposuit.

42. In primis non fuisse monachum satis innuit S. Isidorus de monachatu tacens, quod in cæteris, quos laudat, monachis nunquam commississe legitur, ut videre est in Martino Dumienfi, Leandro fratre, Joanne Biclarenfi, Eutropioque. Quod quidem S. Ildephonus exemplum sequutus, idem de Donato, Joanne Cæsar-augustano, Maximi fratre ac decessore, Helladio, Justo, duobusque Eugenii Toletanis, Nonnitoque Gerundenfi, Episcopis, adnotare non omisit. Præterea Joannes Trithemius, qui libris IV. *De viris illustribus ordinis S. Benedicti*, eorumque secundo *De doctores & scriptoribus* egit, & Arnoldus Uvion qui *ligno vite* suo eundem lapidem volvit, & Antonius de Jeyes, qui in *Chronico Benedictini ordinis* locupletissimo Hispanâ linguâ scripto Benedictinorum omnium virorum illustrium res gestas & commendatione dignas diligenter collegit, nullam hujus fecere mentionem. Quamvis enim alicubi à Trithemio fateatur se non omnes laudasse, propter ingentem eorum multitudinem; vix tamen prætermittere eum potuisse dicas, quem in celeberrimo Isidoriano scriptorum catalogo non potuit non sub oculis habere.

43. Ad hæc, qui laudant, omnes, antequam fermentum Toletanum massam totam corrumpere, Episcopatus dignitatem; nullus autem ei monachi professionem attribuit. Plures eorū libri affigimus. Quibus omnibus eum

d Cap. 144.

e Matamor-
rus *Apologeti-
co*, Morales lib.
12. cap. 7. Ge-
nebrardus in
Chron. anno
DCVII. Anton.
Augustinus ad
Blancam epist.
tom. 3. *Hisp. Il-
lust.* Louisa
*Nosis ad Con-
cilium Barcin.*
pag. 247.

eúmſe ipſum Hiéronymum Romanum de la Higuera Toletanum, quem multiplicis ac multiplicis huius fabulæ auctorem vulgaris fama fert, iure optimo præferimus. Hic enim primus inventor Chronicorum Dextri & Maximi, quum in eo ſe jaſtat, & Maximi meminit, altum de monachatu filet. Exſtat quippe ejus *Historia* adhuc inedita *Toletanæ urbis & regni* vernaculo ſermone concepta, ac pluribus voluminibus comprehenſa, de qua, dum illuſtraremus Dextri res, notiſſimam dedimus; unde nobis in rei teſtimonium verba quædam huc transferre non parvum operæ pretium duximus: quibus de Concilio iii. Toletano agens, eos omnes qui poſt Epiſcoporum ordinem ei interfuerunt, memoriæ advertit. *Interfuerunt quoque (ait) Concilio Rex & Regina, atque ii qui ſubjiciuntur abbates: Eutropius Servitanus, ordinis (ut jam dictum fuit) Auguſtiniani, Exſuperius Agaliensis, Aurafius SS. Coſmæ & Damiani, ſive (ut alii legunt) S. Crucis: qui duo abbates poſtea exſtiterunt præſules Toletani, MAXIMUS abbas Ceſar-auguſtani ſanctarum Maſſarum, Emilia S. Eulaliæ Barcinonenſis, poſtea ejusdem urbis Epiſcopus, Theochriſtus abbas S. Eulaliæ Toleti. Omnes hi abbates erant Benediſtini. Artuagus, cognomento Gotthus, Prior Ciſle Toleti, ordinis S. Auguſtini; qui valde opus hoc juvit ſuis ſermonibus. Fulgentius item, & MAXIMUS is qui Chronicon ſcripſit, archidiaconus Ceſar-auguſtani, Eugenius diaconus Eccleſiæ To-*

letanæ, Iſidorus diaconus Eccleſiæ Hiſpalenſis, Joannes monachus Benediſtinus monaſterii Agaliensis, poſtea abbas Biclarenſis.

44. Hæc totidem Hiſpanis verbis (quæ vernacula è regione dedimus) *Historia Toletanæ* auctor, qui Chronicon iſtud primus è Germania accepit, & inter nos publicavit. Quibus diſertiffimam fecit diſtinctionem inter duos Maximos, alterum Cæſar-auguſtæ abbatem ſanctarum Maſſarum, ordinis Benediſtini, alterumque archidiaconum ejusdem Eccleſiæ Ceſar-auguſtani, qui Chronicon ſcripſit. Unde autem hanc inter utrumque diſtinctionem, integramque Concilii relationem auctor didicit, ſcire aves? Non aliunde, niſi à Maximi Chronico, quem, & Joannem Biclarenſem paullo poſt laudat his verbis: *Totum hoc debetur diligentia, quæ uſi ſunt in ſcribendo Biclarenſis, & Maximus Ceſar-auguſtani.* Quiſnam autem Maximus? Non ille quidem vulgaris, quem viritum terit publicus uſus; ſed ille quem reſervavit nobis codex Eſtepani Marchionis, vix dixerim germanus, aut ſincerus, propriæ loquens verba; ſed tamen is, quo Higuera tunc temporis, uti vero Maximo, utebatur. Utriusque nos producemus hic teſtimonium, ut ſtatim dignoſcatur cuinam duorum *Toletanæ Hiſtoriæ* auctor notiſſimam Toletani Concilii patrum acceptam referat, quinamque duorum eum inſtruxerit, aut ab eo inſtructus ſit.

g Todo eſta ſe deve à la buena diligencia que tuvieron en eſcribir Val-clara, y Maximo Ceſar-auguſtano.

M A X I M U S.

45. Ex codice Eſtepano.

Ex vulgari editione.

Item interfuerunt Rex Reccaredus, & Regina Badda, & abbates, Eutropius Servitanus, Exſuperantius h Agaliensis, Aurantius i Sancti Coſmæ & Damiani, qui poſtea fuerunt Epiſcopi Toletani, MAXIMUS abbas Ceſar-auguſtani ſanctarum Maſſarum, Emilia S. Eulaliæ Barcinonenſis, qui poſtea fuit ejusdem urbis Epiſcopus, Elias abbas S. Leocadiæ Toleti, poſtea Epiſcopus Salmanticensis, Theochriſtus abbas S. Eulaliæ Toleti. Omnes iſti ex ordine S. Benediſti. Item Fulgentius præſbyter, MAXIMUS Ceſar-auguſtani archidiaconus, Eugenius diaconus Toletanus, Iſidorus diaconus Hiſpalenſis, Joannes monachus Agaliensis, poſtea Biclarenſis. Ex Palatinis verò Helladius &c.

Item interfuerunt eidem glorioſus Reccaredus Rex, & Badda glorioſa Regina, & abbates, videlicet Eutropius Servitanus, Exſuperius Agaliensis, Aurafius SS. Coſmæ & Damiani, M. MAXIMUS abbas prius Benediſtinus ſanctarum Maſſarum Ceſar-auguſtæ, nunc archidiaconus Ceſar-auguſtani, Stephanus abbas Reatensis, Emilia S. Eulaliæ Barcinonenſis, qui fuit poſtea ejusdem civitatis Epiſcopus. Omnes iſti ex ordine S. Benediſti. Elias abbas S. Leocadiæ Toletanæ. Item Fulgentius præſbyter, Eugenius diaconus Toletanus, Iſidorus diaconus Hiſpalenſis, Joannes monachus Agaliensis, abbas poſtea Biclarenſis, & Epiſcopus.

46. Jam vides, lector, incorporationem duorum in unicum archidiaconum, eundemque abbatem, Maximum; prioremque, auctorem Chronici ab Higuera exiſtimatum, repente factum Benediſtinum monachum. Inde natum oportuit diſcrimen inter epiſtolam Luitprandi Eſtepani codicis, fragmenti fui, ſive continuationis ad Maximi Chronicon præambulam, atque eam quæ edita fuit. In hac enim laudatur *Maximus monachus Benediſtinus, poſtea Epiſcopus Ceſar-auguſtani*; in illa verò antiquioris creationis *Maximus tantum Epiſcopus Ceſar-auguſtani*. Pariter ad annum DXCVI. Eſtepanus codex habet: *Simplicio Ceſar-auguſtano ſucceſſit qui hoc Chro-*

nicon ſcripſit. Quod quidem teſtimonium de anno conſecrationis Maximi in editis deſt.

47. Nec dicas, Luitprandum hunc Tici-nenſem in continuatione huiusmet Maximi Chronici, quæ habetur in fragmento paullo antè diſto noſtro, ſive Eſtepano codice, ad annum DCXXII. hæc habere: *Maximus ex monacho Ceſar-auguſtani Epiſcopus habetur clarus.* Et ad annum DCXXIV. *Maximus Epiſcopus Ceſar-auguſtani moritur.* Hæc enim huius, cæterorumque ſiculneorum auctorum, quos eadem gallina eduxit, enunciata retorqueamus optimo jure nos ad redarguenda in gemellis eorum vitia & convincenda mendacia; non autem eos in veritatis auctoramentum

tum

f In lib. ... cap. 21. Oſroſ ballaronſe preſentes en el Concilio el Rey y la Reyna, y los abades ſiguientes. Eutropio Servitano de la orden (como queda dicho) de San Agustin, Exuperio Agaliense, Aurafio de S. Coſme y S. Damian, d (como otros leen) de Santa Cruz: los quales dos abades despues fueron Arzobispos de Toledo, Maximo abad de Zaragoza de las Sarras Maſſas, Emilia de Santa Eulalia de Barcelona, que despues fue Obiſpo de la miſma ciudad, Theochriſto abad de Santa Otalla de Toledo. Todos eſtos eran abades de S. Benito. Artuago, por ſobrenombre el Godo, Prior de la Ciſla de Toledo, de la orden de S. Agustin, que ayudo mucho con ſus ſermones, à que ſe eſcribiſe. Oſroſ Fulgencio, Maximo, el que eſcribio el Chronico, arcediano de Zaragoza, Eugenio diacono de la Igleſia de Toledo, Iſidoro diacono de la Igleſia de Sevilla, Juan monje Benito del monaſterio Agaliense, que despues fue abad de Val-clara.

h Exſuperius.

i Aurafius.

tum admittere sanè possumus. Immo ex eodem hoc de Maximi obitu testimonio iterum apparebit, prioris, & ejus qui è nova fœtura posterius prodiit, diversitas. In codice enim seu fragmento nostro, divisa est, ut vidimus, memoria vitæ, seu celebritatis, mortisque Maximi inter duos annos. At verò in vulgato Luitprando semel hæc, nec parum diversè concepta verba, aliud prorsus, valdeque diversum opus clamant. Ad annum nempe DCXXII. *Marcus Maximus* (ait) *monachus prius Benedictinus, & post Episcopus Cesar-augustanus, celebris post mortem habetur. ille ipse nimirum qui alterius Luitprandi fide post biennium, nec antea, obiit.*

48. *Æque falsum est appellatum fuisse MARCUM. Quod iisdem argumentis persuademus iis, qui præjudicio occupati ad partes non abierint. Maximus in primis, nec aliter audit in Conciliis subscriptus, laudatusve ab Isidoro, Ildephonso, & Honorio, cæterisque supra adductis incorruptæ adhuc historiæ, etiam Benedictinæ, scriptoribus, atque aliis innumeris. Hieronymus item Higuera in Toletana historia non alio passim quàm hoc unico Maximi appellat nomine, ut è verbis ejus antea relatis, consultoque opere ipso, ab iis, quibus copia ejus ab exemplorum possessoribus facta erit, omnibus ferè paginis constare poterit. Consonat Estepanus codex, in Chronici nempe ipsa nuncupatione, quæ ita habet: *Epistola Maximi Cesar-augustani Episcopi ad Argebatum Episcopum Portugalensem pro suo Chronico. Sancto & venerabili fratri Episcopo Argebato Maximus. Chronicon Maximi Episcopi Cesar-augustani ab anno CDXXX. Nec aliter ipse vocat utrumque Maximum in mentione eorum qui Toletanis patribus adfuerunt, sicuti nec Luitprandus in additamenti seu continuationis paulò antè laudatis testimoniis. Tandem nusquam dictum auditumve fuit hominis hoc nomen, seu prænomen potius, usque dum Toletano-Fuldensis nomenclator auribus id recentiorum insufflavit.**

49. Cuinam autem, dices, antiquitatis monumento innixus *Marcum* sic repente apparere fecit eum, qui nudo tantum *Maximi* nomine, ex quo floruit ævo ad nos usque, signatus venit? Incredibili equidem atque infana temeritate imposuit emissariis suis, ut *Marcum* quendam S. Benedicti discipulum, qui brevi poematio almi parentis laudes paulò post ejus obitum comprehendit, Maximumque *Cesar-augustanum* Episcopum, Chronici, de quo loquimur, auctorem, in unum eundemque hominem à se coagmentatum bonis ac doli securis ævi sui mortali-bus ostentarent, à quibus ad eorum posteros infelix eadem securitas propagaretur. Quod tertium fuit nostræ oppositionis caput. Interrogabuntur hîc sigillatim testes ab impostore subornati pro re hacce historiæ albo adscribenda. Pseudo-Maximus ipse in epistola nuncupatoria ad Argebatum. *Vitam S. Patris nostri Benedicti versibus heroicis expolitam primò quoque ad Beatitudinem tuam (ait) transmittam.* Et ad annum DCXII. num. 15. *Euphemium*
Bibliotheca vetus Hispana Tom. I.

ego quoque *monachus Benedictinus, & in mea pueritia S. P. Benedicto charus, Archiepiscopum Toletanum de facie novi. Nihil horum in fragmento nostro.*

50. Braulioni etiam, qui & ipse fuit *Cesar-augustanus* præsul, tributum carmen de eodem Maximo*.

Maximus hic situs est, dictus cognomine Marcus.

Nobilis historicus, præco, poeta, vigil.

Qui Benedictinæ soboles clarissima gentis,

Cæsaris hic fulgens præsul in urbe fuit.

Ambitione procul, meritis & grandibus auctus,

Suscipit invitus pontificale decus.

Vita gravis, mores nivei, præstantia vultus

Dignum fecerunt præsulis officio.

Larga manus, doctrina decens, & lingua disertæ,

Ingenium præstans, eloquiumque grave.

Confectus senio superas revocatur ad arces,

Cujus membra tenet dicta columna domus.

In qua Pontificis præclari munere functus,

Judicii extrema luce resurget ovans

Hic requiescit

in pace famulus Dei

M. MAXIMVS

Cesar-aug. Episcopus.

Obiit XIII. Kal. Octob.

erâ DCLIV. anno V.

gloriosiss. Sisebuti Regis.

Vixit annis circiter LXXII.

51. Alterum quoque, Helecæ ejusdem sedis Episcopo adscriptum, pro sepulchro ejusdem Maximi, quæ ex Joannis Tamaji Hispani martyrologi¹ similium frequenti mercatu fallax & adulterina merx est, prodens ipsa sui auctoris stribiliginem.

In tumulo jaces hoc, Marce, sed Maxime vatam

Hesperia nostræ nomine & epibeto.

Cæsaris-Augustæ qui natus, lumen cremi

Occidui quæris, munia sancta capis.

Tu Benedicti patris, charus, ejus ab ore

Suxisti regulam, quam das & ipse tuis.

Tu monachus, diacon, abbas, & præsul, ubique

Carmine prosaque notus, in astra cluis.

Heleca te rogat antistes successor ut urbem

Nostram protegere, nec sine fine sinas.

52. Auxiliares huic tuendo mendacio subrogavere copias Luitprandus & Julianus ejusdem farinæ historici. Prior in epistola ad Tractamendum Pseudo-Chronici sui nuncupatoria (non tamen codicis Estepani) qui ait: *ut quæram tibi Chronicon Dextri, quod M. Maximus monachus Benedictinus, postea Episcopus Cesar-augustanus, prosequutus est. Idemque ad ann. DCXVI. in Chronico ipso: M. Maximus Cesar-augustanus Episcopus ex monacho S. Benedicti, scriptor Chronicorum, eximius concionator, vir pius & doctus, qui vitam S. Benedicti scripsit carmine, & multa prosa & versu, sanctè moritur. Idem Advers. 33 aliàs*

32. *Marcum Maximum* vocat *Benedictinum monachum, sapientissimum poetam, & Episcopum Cesar-augustanum. Posterior Julianus in Chronico num. 304. & 306. quibus locis Marci nomen bis tribuit Maximo, gemelli omnes in id intenti, ut semel sibi ipsis dictam à parente eorum communi fallendi legem obser-*
H h *va-*

* In edit.
Oper. Maximi
Bivariana in
Additionibus
pag. 8.

¹ Tome 5.
die XVIII.
Sept.

varent, Maximumque transformandi propositum enixè prosequerentur. Sed, bone Deus, quot simul umbræ unico veritatis lumine istæ cadent, & in tenebras suas propellentur!

53. Marci monachi Casinensis, S. Benedicti discipuli, omnes ferè qui de sancti patris rebus gestis olim in literas aliquid retulere, mentionem faciunt; carmen ab eo conscriptum laudantes, quo Gregorianæ ejusdem sancti Patriarchæ historiæ quædam adjunxit.

Idque carmen jam sæpius in typis vulgatum fuit. Nullus tamen eorum agnomen *Maximi*, aut Cæsar-augustana abbatis, archidiaconi, Episcopive munera, usquam unquam ei adscripsit. Consulantur Paullus diaconus lib. 1. *De gestis Longobardorum* cap. 26. cujus verbis Adrevaldus utitur lib. 1. *De miraculis S. Benedicti* cap. 4. n Petrus diaconus libello *De viris illust. Casinensibus* cap. 3. o Leo Maricanus, sive Ostiensis, lib. 3. *Hist. Casinensis* cap. 21. p Qui quidem, utpote ejusdem monasterii alumni, multoque magis hic potestremus Ostiensis, viris ejus illustribus laudandis addictus, ignorare haud potuere, nec dissimulare debuere, hunc tam charum parenti discipulum, atque ejus encomiasten celeberrimum, in Hispaniam se contulisse, ibique tam præclaris fuisse honoribus parem existimatum. Cum verè, si ita res contigisset, primus agnoscendus esset è Benedictina familia desumptus Episcopus, quod in laudem hominis & ordinis oppidò illustrem cederet.

54. Adjunge similiter, de Marco Casinensi tantum monacho loquentes Aïmoïnnum Floriacensem in sermone quodam de S. Benedicto q, cui carmen ejus intexuit, & in præmio lib. 2. *De miraculis ejusdem sancti patris Benedicti* r. S. Petrum Damianum serm. 8. *de S. Benedicto*, Sigebertum Gemblacensem *De script. Eccles.* cap. 33. recentiorumque sæculorum Joannem Trithemium, quiquidem in opere *De scriptoribus Ecclesiasticis*, Marci monachi, & Maximi Cæsar-augustani Episcopi seorsum meminit; in altero autem opere *De viris illustribus ordinis sancti Benedicti*, nec Marci, nec Maximi prioris quidem forsàn quòd paucorum versuum poëta vix annumerari dignus ei visus inter scriptores fuerit, quos in librum secundum conjecit; nec inter Episcopos, quorum catalogum quartus continet, potuit eum laudare, cujus Episcopatum Cæsar-augustanum cum omnibus aliis familiæ suæ ac superiorum temporum scriptoribus ignorabat. Posterioris verò Maximi, quia nondum ex ficulnea lege dictum fuerat, ut qui nusquam talis auditus fuisset, Maximus Cæsar-augustanus Episcopus, monachus esset. Arnoldus item Uvionensis Benedictinos monachos, Lilius Giraldus poëtas laudans, Baronius Cardinalis t, Joannes Gerardus Vossius u, Antonius Possevinus x (& quis non?) aut de uno Marco, aut de utroque distinctè loquuntur.

55. An ne ergo tot sæculorum, non silentio solum, sed & clarissimæ significationi denegabimus fidem, ut paucis heri & nudius tertius Toleti natis pseud-onymis scriptoribus, qui omnes eadem arant vitulâ, & ex uno di-

sci omnes possunt, viliter mancipemus? Tacent veteres, ais, non negant. Immo negant dum tacent. Ea enim vis est silentii, quum debuit res non fileri, ut infectam jure dicamus. Quid enim si scriptor vitæ aut encomiastes SS. Gregorii Magni, Athanasii, Basilii, Leandri, aliorum, laudatis eorum tyrociniiis contentus, gesta ab iis prætermisisset munera Ecclesiæ maxima? Quid si sodalis sodalem ejusdem ferè temporis ob paucorum versuum confectioem posteris commendaret, de aliis autem taceret virtutibus, quarum is meritò nixus ad illustre quoddam dignitatis fastigium ascendisset? Siccine hominis, cujus carmen aureis literis in vestibulo Casinensis maximæ domus, attestante Leone Ostiensi, fuit inscriptum, decoxit statim apud Casinenses ipsos memoria, ut non de eo aliter quàm de uno ex monachis eo loco demortuis, sint loquuti? quem ita conspicuum, ita celebrem longissimæ ætatis beneficio gestis honoribus, præsentia in Conciliis, lucubrationibus historicis, magnisque virtutibus, historiæ nostræ lucumones depinxere? Infani simus si ita nos ludificari, ac duci tanquam bubalos, fune naso inserta, permittimus.

56. Omnino & argumentis uti affirmantibus possumus. Marcus post S. Gregorium de S. Benedicti rebus scripsit. Ita nos censere debemus, si antiquioribus credimus. Sigebertus ait, vitam à Gregorio descriptam eum *deflorasse heroico brevilloquio, & pauca superaddidisse*. Aïmoïnus itidem apertè docet principem hujus argumenti Gregorium fuisse, & post eum aliqua exarasse versibus Marcum & Paullum Casinenses. Sanctus autem Gregorius vitam S. Benedicti, hoc est secundum dialogorum librum, qui eam continet, jam Pontifex scribebat, circa annum sui muneris quartum, Christi DXCIII. quod ex libri 4. cap. 36. 47. & 55. liquidum est. Scripsit ergo & Marcus, si Maximus fuit, de Benedicto carmen, non adhuc Casini, sed cum ex monacho & abbate archidiaconus Cæsar-augustanæ Ecclesiæ, forsànque jam Episcopus, in conspectu esset universæ Hispaniæ. Namque anno DXCIX. hoc est sex annis post scriptam à S. Gregorio Papa S. Benedicti vitam, erat jam præful Cæsar-augustæ Maximus: quod ex Concilii Barcinonensis prius laudata subscriptione constat. Quod quàm malè convenit cum celebrato à Casinensibus tam siccè jejuneque Marco monacho auctore carminis, omnes vident.

57. Præterea Marcus levita S. Benedicti audit ab eodem Aïmoïno, diaconus scilicet; qualem eundem fuisse Benedictum parentem clarissimis documentis demum ostendit vir in paucis doctus ac prudens, mihiq; semper colendus, dominus Angelus de Nuce, ex Casinensi abbate Rosanensis hodie Archiepiscopus, in eruditissimis suis ad historiam Leonis Ostiensis Casinensem Notis z. Verba Aïmoïni a: *Dehinc Marcus quidam poëta ad eundem venerabilem Benedictum veniens, ejusque magisterio se committens, aliqua in ejus laude, levita ipsius, versibus exaravit*. Levitæ autem munus maximè distat ab Episcopali digni-

y Cap. 11.

m In Bibliotheca Floriac. Joann. à Bosco pag. 281. In edit. Carmis. Prosperi Martinengi 3. tom. Romæ muxe. in Commens. Franc. Bivaril ad Maximum. pag. 89. In Commens. ad Leonis Ostiensis Casinense Chron. Angeli à Nuce Append. pag. 3. n In Bibliotheca Flor. pag. 18. o Editus Romæ cum notis Jo. Bapt. Mari mdcxv. p Parisiis tandem editus cum notis Angeli à Nuce mdcxviii.

q In ejusdem Biblioth. Floriacensi pag. 281. & 283. r Ibidem pag. 80.

s In ligno vico lib. 3. c. 72. t Notis ad Rareyrol. xxi. Martii. u De Hist. Las. lib. 2. c. 24. x In Appa. ratu.

z Ad vitam S. Bened. à Gregorio M. scriptam c. 24. pag. 45. a Ubi suprà, scilicet serm. de S. Bened. in Biblioth. Floriac.

dignitate Maximi . Tandem id faciunt Hispanarum rerum hi buccinatores , Marcum confundentes cum Maximo , ut de natalibus hujus Hispanis dubitari possit . Qui enim disciplinæ se dedit almi parentis Casinum habitantis , & in ea domo mansit , Italus credendus est potiori jure quàm nostras . Benedictinis scilicet monachis talium cupidis (viros semper excipio hujus familiæ , quos continuo creat , subactio atque purgato judicio utentes) objecit quidem mendacissimæ historiæ architectus hanc , ut cum Virgilio parum loquar mutato ,

Melle soporatum, & medicatis fraudibus offa
Cæsar-augustani præsulis Maximi, tum Marci, tum monachi hujusce ordinis ; ne virorum intra claustra ejus degentium, passim doctissimorum , ea quæ obtrudendo aliorum palpo simul dicta sunt , palato non faperent .

58. Qui autem de re plura , commentarium adire duplex , ac forsân triplex , poterit amici olim , dum ante paucos annos viveret , nostri, D. Josephi Pellizerii Jacobæi equitis , regii chronographi , *De duobus inter se diversis Marco & Maximo*^b , ex quo pauca hæc decerpisse fas & æquum fuit , ex vernaculis nempe Latina , ut vulgaria magis fierent, satisque nos proposito faceremus nostro . Adversus quem nescio quis larvatus olim insurrexit , eorum sequutus morem , qui , ut Seneca eleganter ait , *personam , quàm faciem , maluit* , scriptoque libello sannarum magis quàm rationum pleno , arguti atque dicacis potiùs quàm docti hominis laudem aliquam reportavit . Eruditi enim opusculi ante alia propositum naso suspendens , quasi huic tantum distinctioni Marci atque Maximi stabiendi accinctus *araverit litus arenarum ciltor* , ut ait Aufonius^c , hoc est rem inutilem vanamque sit sectatus , risui se totum, derisuique omnium dedit . Hæc nempe latenti , seque prodere erubescenti Aristarcho res inutilis & vana est occurfu primo conficere monstrum falsitatis , & eimentiti , quod præfert , nominis redargutione , dicta ejus omnia & fidem evertere , qui pro viro maximo sese venditans , novam quasi , non solum profanarum, sed & sacrarum quoque Hispaniæ totius rerum , historiam , ipsamque mendacis scaturientem , nobis nuper ingessit . Operam & oleum Pellizerius ludit , gigantem hunc uno & altero ictu lapidis prosternens ; magnum autem operæ pretium facit is , qui fabulofarum quarundam originum detectarum invidiâ ferox , lapidem , quo ictus fuit , veluti canis mordet .

59. Huic deinde suo Maximo attribuit , Pseudo-Juliani ore , ficulneus transformator , quod auctor fuerit *Officii S. Jacobi Apostoli* . In collectione scilicet *variorum carminum* ita habet^d : *Officium S. Jacobi Apostoli est compositum à Maximo Cæsar-augustano Episcopo* . Præfatio est *S. Isidori & hymnus* . Quàm hic inculcari dignum est , mendacem memorem esse oportere ! Idem enim ipse auctor in *Chronico* num. 17. Missam S. Jacobi à B. Isidoro ait *expurgatam* , à Melanio editam , & à Scryano Asturio , Episcopis Toletanis , *antiquam* .
Bibliotheca vetus Hispana Tom. I.

fuisse . Sed jam nos ad alia . Hic aliis capitibus examinandus est Maximus .

CAPUT III.

De S. ISIDORO Hispalensi Episcopo . Patria ejus forsân Hispalis . Germanorum quorundam crassus error , natu Germanum hunc fuisse contendendum . Vita ejus à Luca Tudensi scripta . Quàm Leandro fratri charus . De ejus sub hoc educatione , & falsò imputato ei monachatu ex cellæ forsân nomine aliis quàm monachis communi : item quòd S. Gregorii auditor fuerit , ex equivocatione cum alio Isidoro Siculo . Apocryphum quiddam de ejus in Romam miraculosa transportatione . Hispalensem creatum fuisse Archiepiscopum . De Acephalorum heresi . Venisse Isidorum Romam ad Concilium parum certa res . Neque Malacæ eum exsilem , neque Gordianum in ejus locum intrusum fuisse . Falsa inscriptio epistolæ Deus-dedit Papæ ad Gordianum Hispalensem Episcopum . De certo tempore ejus mortis , & in Legionensem urbem corporis translatione , contra Bononiensium traditionem . Fabula de Macbometi ex Hispania Isidori metu fuga à pseudo-historicis credita , ex certissima falsi istius prophetæ gestorum narratione refellitur . Francisci Bivarrii obnoxium his fabulis ingenium , quamvis aliàs perspicax . Isidori doctrinæ laudes ab antiquis & recentioribus reportatæ . Ratramni Corbejenfis interpretatio Isidoriani testimonii adversus Hincmarum Rheimensem . Gratiano & canonici Juris scriptoribus magni habitum Isidorum . Martini Poloni testimonium de SS. Isidori & Ambrosii loco in patribus Ecclesiæ constitutis controverso incerta historia . In hujus Martini Chronicon suppositiua multa se intrusisse .

60. SANCTISSIMI Patris ISIDORI Hispalensis Archiepiscopi , Hispaniarum doctoris , gestæ res vix poterunt brevi circumscribi commentario . Adeò autem uber est campus , ut etiam post magnos tot fertilissimæ segetis messorum , spicarum collectorem aliqua laus maneat . Sequemur nostrum etiam hic morem , ut de patria , educatione , gesto Pontificali munere , obituque non nimis prolixè monentes , doctrinam , atque ejus documenta impressa libris , exquisitè magis persequamur .

61. ISIDORUS (aliter in manu exaratis codicibus nomen hoc scribitur , sed malè^e) Severiani ac Turturæ filius , quibus parentibus (Hispano-Romanis , ut credimus , non Gothis) Leander natu maximus , Fulgentius , Florentina , Theodora , Hermenegildi ac Recaredi ex Leovigildo mater , germani fratres procreati sunt . Hispali natus vulgò creditur . In eam enim urbem fama est exsilem venisse , nondum eo nato , Severianum . Qui cum è nova Carthagine , ubi Ducem gerebat , profectus fuisset ; indidem fortè oriundum Isidorum nonnusquam legitur^f . Qui verò Germanum natione asserit Joannes Eisengreinus^g , Hispanos taxans quòd suum velint , cui ferè crediderunt Centuriatores^h , ipse sibi

^e *Isidorus* , *Hisidorus* , & *Isidorus* . Vide Constant. Cajetan. in SS. triam ord. S. Bened. lumen pag. 47.

^f In Breviario Hispano , & Quignoni apud eundem Cajetanum pag. 14. ^g In Catal. test. veritatis. ^h Cent. 7. cap. 10. §. 8.

H h 2

for-

^b Libri Hispanæ linguae vernaculi hæc est inscriptio : *Maximo Obispo de Zaragoza distinguendo de Marco levisa , y monje del Casino. Martiri editi mdcxxi. in 4. Eandem diverfitatem comprobant in præfatione ad librum 1. De las Antiquedades de España D. Laurentii de Padilla .*
^c *Ad Theonem* .

^d Pag. 156.

forſan, quia Gotthum exiſtimavit, proprios fascinare oculos voluit.

62. Oris ſpecie à puero commendatus, quod Ildephonſus non diſſimulat de eo ſcribens^h, in cunis adhuc omen accepit, uti olim S. Ambroſius, aliiqueⁱ, doctrinæ atque eloquentiæ claritudinis tempore ſuo emicaturæ, in apum examine, quod viſum fuit in os ejus ingredi, atque ex inde egredi, in cœlumque evolare; cujus rei auctorem Lucam Tudenſem in ejuſdem vita^k, quum hæc ſcribimus jam in Aprili *Actuum Sanctorum* à clariſſimis viris Godefrido Henſchenio, Danieleque Papebrochio, ad quos miſimus, edita, laudare poſſumus. Fama eſt ab eodem auctore confirmata, puerulum adhuc, ſub grammatiſta forſan, cum abjecta immaturè ſpe in literis proficiendi è propria domo extra urbem auſuſſet, incidiſſe in cuiuſdam putei lapidem frequenti ſtillicidio perforatum, canaleſque in ligno attritu funis aquam haurientis factos: quibus conſideratis, & à ſuperveniente quodam de cauſſa rei admonitum, confirmâſſe animum, hilaremque in domum rediſſe, eo naturæ documento ad confringendas labore improbo quaſcumque ſtudiorum difficultates perſuaſum.

63. Quanta autem charitate eum devinctum ſibi, cum parentes, tum Leander, à quo domi educabatur, habuerint, ſuaviſſima hæc ad Florentinam utriuſque ſororem de eo concepta huius oſtendunt verba: *Postremo* (ait^l) *chariſſimam te germanam quaſo, ut mei orando memineris, nec junioris fratris Iſidori obliſciſcaris, quem, quia ſub Dei tuitione, & tribus germanis ſuperſtitibus* (Leandro nempe ipſo, Fulgentio, ac Florentina. At cur nihil de Theodora Leovigildi uxore?) *parentes reliquerunt communes, leti, & de ejus nihil formidantes infantia, ad Dominum commearunt. Quem cum ego ut verè filium babeam, nec temporale aliquid ejus charitati præponam, atque in ejus pronus dilectione recumbam; tanto eum charius dilige, tantoque Jeſum exora pro illo, quantum noſti cum à parentibus terrenis fuiſſe dilectum.*

64. Profecit verò ſub Leandro tanto doctrinæ multiplicis, quàm virtutum iis heroicarum dotibus, quas ſequens vitæ ſanctitas, ſingulariſque facundia, ac per tot libros bonæ frugis plenos ſparſa cumulatiſſimè eruditio, impreſſumque iis ingenium cunctarum rerum capax, mirabilis copia, nullique alii comparanda encyclopædiæ totius cognitio, ad poſteritatem omnem propagavere. Sacris & profanis literis, Hebræis, Græcis, Latinis inſtructum opera clamant, monumentaque aliàs & Breviaria noſtra^m in lectionibus expriment. Quamquam ob ignorancem Græcæ linguæ nonnulla in etymis peccâſſe à Bonaventura Vulcanio excuſeturⁿ.

65. Duos autem educationem ſanctiſſimi ac prudentiſſimi Leandri inſignes adoleſcenti fructus attuliſſe novimus. Sub Leovigildi nempe, atque Arianorum ſævicia & odio liberè permiſſus ab eo fuit o eloquentiæ doctrinæque viribus euangelii hoſtes palam impetere, non ſine vitæ, quam Hermenegildus eidem prælio impendit, diſcrimine præſentiſſi-

mo. Re autem religionis ſub Reccaredo in portum deducta, incluſus ab eodem Leandro fratre in cellulam fuiſſe memoratur, ſeu potiùs in domeſticum carcerem, ad quem cunctarum diſciplinarum magiſtri admittebantur inſtruendo juveni, & à ſæculi blanditiis in ea ætate, in eaque ab hæreticis pace adhuc magis cavendis, cuſtodiendo. Sequimur in his ejuſdem vitæ auctorem. Breviaria autem cohibitum à Leandro fuiſſe ajunt in propugnatione catholicæ doctrinæ, atque in eidem proſperiora ſervatum, ne abſque ulla proſectûs ſpe fulgentiſſimum illud, tamdiu Eccleſiæ futurum lumen, quo minùs tempore debuit, extingueretur.

66. Sed an à cellæ hac incluſione perſuaſum fuit nonnullis Iſidorum in monachatu vixiſſe? Nam inſtituto ſuo aſſerunt Benedictini^p, immo & Carmelitani^q. Atque hi quidem nullo, illi colore aliquo. Regulam enim ſcripſiſſe fertur monachis, quæ non alia eſt niſi Benedictina, *pro patriæ uſu, & invaſidorum animis decentiſſimè* (ait Braulio) *temperatam*. Negantque aliis, quàm religionem profeſſis, uſu olim veniſſe, ut religioſorum legiſlatores fierent. Attamen, ut pro ſuo agnoſcerent, haud ſibi perſuaſere Joann. Trithemius, Antonius de Jepes^r, alii: nec Arnoldus Uvion^s ex animi ſui ſententia, ſed ex aliorum relatione, in partes ivit. At neque cæteri noſtrarum rerum hiſtorici^t. Immo anonymus in *S. Fructuoſi abbatis, & Episcopii Bracarenſis*, elogio quodam à Constantino Cajetano edito^u, religionis propoſitum Fructuoſo, minimè autem Iſidoro attribuit; quos inter ſe ibi comparare intendit. Confirmatque Lucas Tudenſis^x his verbis: *Præterea pater exſtitit clericorum, doctor & ſuſtentator monachorum ac monialium*. Quibus docuiſſe eum & aluiſſe monachos, præſuiſſe autem clericis, non obſcurè ſignificat. *Patris* enim appellatio præſecto adaptari ſolet, uti abbatibus in can. x. Concil. Hiſpal. II. atque item can. xi. & alibi. Nec cella, quod initio diximus, nomen intra clauſtra reſtringendum eſt, cum ex Redempti relatione, quem infra laudabimus, conſtet Iſidorum jam moriturum è cellula ſua, hoc eſt camera domûs Episcopalis, ſe feciſſe in Eccleſiam deportari; *cellulaque præbyterorum, & levitarum* in can. xxiii. Concilii Tolet. iv. mentio fiat.

67. Braulioni tamen Cæſar-auguſtano Episcopio attributum alicubi legimus epitaphium SS. Leandri & Iſidori, quod ſcriptum exſtare ajunt ad finem *Etymologiarum* S. Iſidori in libro Gotthico monaſterii S. Dominici de Silòs: de quo nos ſuprà meminimus S. Fulgentii res perſequentes cap. i. Atqui è literis D. Antonii Zapata & Aragon ad Rever. Patrem F. Ludovicum de Mier Benedictinorum Hiſpanæ Congregationis Romæ Procuratorem xi. Februarii die anni MDCLVII. ex S. Æmiliani monaſterio datis, diſtichon illud:

Cruce hæc alma gerit ſanctorum corpora fratrum

Leandri Iſidoriſque, priorum ex ordine vatum. ita legi in laudato Exilienſi codice comprobare poſſumus:

Cruce

^h De ſcript. cap. 9.
ⁱ Vide Berneggerum Miſcellan. obſervat. 5.

^k Unde hauſerunt Vaſcus ad annum dcccxxvii. Mariana lib. 6. cap. 7.

^l In fine Regule.

^m Auctor vitæ laudatus, Brev. Hiſpani apud Cajetanum pag. 14. Cæſar-auguſt. anni MDLVI. juſſu D. Ferdinandi ab Aragonia editum. u Inſtralaudando ubi De etymologiis. o Vitæ auctor.

^p Sandoval, Leander à S. Thoma in Benedicting Laſt. additionib. cap. 3. Cajetan. ſuprà laudatus pag. 18. Quintana-duenaſ in S. Hiſpalenſib. iv. Aprilis, & uti audio, Joannes de Ciſneros in Vita nondum edita Iſidori. Tamajus in Martyr. Hiſp. iv. Aprilis pag. 485. & 495.
^q Caſanate in Paradifo ſuo Carmeliticis decoris. Lezana in Annal. Carmelit. ad ann. dxxxviii. num. 4.
^r In Annal. Benedictin. ad annum dxcix. cap. 1.
^s Ligni vite lib. 2.
^t Egreſſe pro hac parte depugnans Fr. Hermen. de S. Paulo, Deſcript. ordin. S. Hieronymi tit. 9. cap. 8.
^u Pag. 6. in opere ſuprà laudato.
^x Chron. lib. 3. in principio.

*Cruce hæc alma gerit . . . corpora fratrum
Leandri Isidorigue parum ex ordine abbatum
&c.*

Quas literas ejusdem Zapatae manu scriptas penes me habeo. Nihil tamen id nos remouet à saniore iudicio; cum è manu ista tot malè sanæ fictiones prodierint; ordoque abbatum vix est ut imputari præ pontificali dignitate, quâ functi ambo sunt, sanctissimis viris ab ineptissimo & rusticissimo poetâ, qui Braulio certè non est, mereatur. Quinimmo potius monachatus resistit adverbium illud negans, *parum ex ordine abbatum*. Breviter de his, ne hic hæreamus cum aliorum invidia.

68. Nescio autem unde originem habuerit, scripsisse Maringum Siculum⁷, Arnoldum Uvionem⁸, Joannem Eisengreinium⁹, Sancti Gregorii auditorem Isidorum aliquando exstitisse. Fortean quòd in utriusque operibus magna sit consensio non sententiarum tantum, sed & verborum. Observavit jam Lucas Tudensis lib.2. *contra Albigenses* cap.4. ad extraordinariamque Spiritus sancti operam id referre non dubitavit. Quo alluisse videbitur fortasse aliquibus Prudentius Trecensis *Adv.*

Erigenam De prædestinat. cap.2. Frustra^c, cum nec iccirco plagiarius sit qui frequenter alterius flores decerpere amat, uti Isidorus aliorum, præcipueque Gregorii, fecit, quem in paucis reueritus fuit. Nec dissimulavit ipse, dum præfatur in *commentaria sua in vetus Testamentum*, sumpsisse ea se ex Origene, Victorino, Ambrosio, aliis, ac nostris (ait) temporibus insigniter eloquenti Gregorio. Idem Braulio, sententiarum tres libros floribus (inquit) ex libris Papæ Gregorii moralibus eum decorasse. Fortè quia Isidorus alius Siculus auditor S. Gregorii fuisse dicitur, ut ex Constantii Felicis Calendario, & Ferrario in Notis sui sanctorum catalogi die xv. Januarii constat, ad Sanctum Isidorum nostrum, uti ad notiorum altero, converterunt se hujus rei auctores. Auctor quidem Vitæ refert cognitum Gregorio Isidorum ex epistola quam *De beatitudine*, Leandro instigante, ad eum direxit, adjungitque prodigium quoddam, ad Gregorii, sive ipsius Isidori, preces miraculo hunc portatum Romam nocte ipsa Dominicæ Nativitatis, dum officium matutinum à S. Pontifice in Ecclesia perageretur, & post commissos inter utrumque suavissimos amplexus eadem nocte ad Ecclesiam Hispalensem reversum, clericos suos canere adhuc matutinas laudes invenisse^d. Quod miraculum, nisi fideli nittatur alio testimonio antiquitatis, fidem non facile inveniet.

69. Ex iis autem, quas diximus, providentissime custodiæ latebris, diem suum Leandro obeunte, ad successorem ejus in Ecclesia Hispalensi Episcopum, non sine vi, Isidorus fuit extractus. Quam cathedram quadraginta ferè annis tenuit, Ildephonso teste^e. Unde cum anno DCXXXVI. vitam cum morte commutavit, fateri cogimur, circa DXCVI. vacuum ei locum fratrem Leandrum reliquisse. Præfuit quidem noster Toletano illi, quod pro confirmando Gundemari decreto coactum fuit, Concilio^f, anno hujus sæcu-

li x. deinde Hispalensi II. & sub Sisebuto DCXIX. Cujus Concilii canon decimus tertius, occasione cujusdam eò intromissi Syri Episcopi ex Acephalorum secta, quem huic errori in eodem renunciassè patrum cœtu superius retulerat canon, investivam adversus eandem sectam continet, ab Isidoro, ut verosimile est, dictatam; quâ mirabili perspicuitate, copia, & vi doctrinæ, argumentorum ex sacris libris & sanctorum Ecclesiæ patrum testimoniis, hæresin istam duarum in Christo naturarum proprietatem abnegantem, deitatemque passibilem asserentem, doctor eximius refutavit. Hujus sectæ inde appellatæ quòd ignoraretur ejus auctor, idem Isidorus præter alios meminit lib.8. *Etymolog.* cap.5. Qui & præfuit iv. Toletano Concilio Episcoporum Lxx. aut circiter, anno DCXXXIII. sub Sisenando Rege celebrato.

70. Confirmasse verò ejus in Episcopum electionem, atque eundem in sedis Apostolicæ legatum & primatem creasse Gregorium Papam, vereor ne absque sufficienti fundamento in Breviario quodam^h, & à Luca Tudensiⁱ scriptum sit. Demus tamen postremum hoc Breviariis nostratibus, & natali loco Hispali, quod & Baronius admisit^k. Increbuit quoque apud Breviaria quædam nostra^l opinio, venisse aliquando Romam Isidorum à summo Pontifice Gregorio evocatum, cuidam ut Concilio interesset, ibique tanta auctoritate ac pondere sententiam dixisse, ut uni ei cæteri patres detulerint. Id quod Vitæ auctor, sive Tudensis sive alius sit, confirmat, miracula in reditu ab eo patrata in literas referens; admittuntque ex parte historici recentiores nostri^m. Quæ, non minus quàm superiora, probabili (iudicio nostro) ratione deficiunt, cum S. Gregorii postremis annis, quibus æqualis fuit Isidorus, atque item ejusdem successorum Sabiniani, Bonifacii III. Bonifacii IV. Deus-dedit, Bonifacii V. & Honorii I. sub quo extinctum est lumen hoc Hispaniarum, temporibus, non ullum generale Concilium in urbe celebratum fuerit, quò debuerit evocari præsul Hispalensis.

71. Nec mirum has persuasiones passim induere veritatis vultum in Ecclesiasticis etiam voluminibus, cum & inter decretales epistolas locum sibi quædam fecerit Deus-dedit Papæ ad Gordianum Hispalensemⁿ Episcopum inscripta (qui Deus-dedit ab anno vixit in Romano pontificatu DCXIV. usque ad DCXVII. dumtaxat, in medio ipso tricennario Hispalensi Isidori pontificatu) neque Gordianus aliunde quàm ex ista falsæ inscriptionis epistola suis, ut præfert, notus sit Hispalensibus antistes. Temerè enim Isidoro tribuitur aliquanti temporis Malacæ exsilium, quo (ajunt^o) Gordianus ejus occupavit locum: quasi aliquam veri habeat similitudinem, tam Isidorum quàm Ecclesiam Hispalensem calamitatem hanc perpeti sub catholicissimis Regibus potuisse, aut Romanum Pontificem cum Gordiano hujus sedis usurpatore sic benignè commutasse literas.

72. Obiit absque ulla controversia sexto fu-

g Ibidem pag. 294.

h Apud Cajet. p.14. Referunt Egid. Gonzalez in *Theat. Hisp. Tamajus* 19. Apr.

i Chron. lib. 3. in principio, *de vita Isidori*. k Ad annum DCXXXVI.

l *Brev. Caesar-august. ann. MDLVI.* Alterum Hispanis generale apud Cajetan. pag. 15. Refert Padilla cent. 7. cap. 22.

m Morales lib. 12. cap. 21. Negant tamen Jo. Marieta *De SS. Hisp.* lib. 5 cap. 24.

n Aliàs est *Hispaniensis* apud Anselmum, Burchardum, & Luitprandum. Vide notam Th. Tamaji ad *Luitprandum* pag. 37.

o Egid. Gonzalez in *Theat. Hispal. Eccles.* p. 27. Tamajus 19. Aprilis, & alii ex Luitprandi quibuslibet ad annum DCXIX. nu. 323. & in collect. *carmin.* p. 152.

y Lib. 5. *De rebus Hisp.* 2 Lib. 2. *Ligui* *vita* cap. 24. 2 In *cat. log.* *scilicet* *veris*.

b Inedit. eorum auctor. qui nono sæculo *De prædest.* scripserunt tom. 2. pag. 215.

c Vide Theophilum Raynaudū *De bonis & malis libris* partit. 1. errorem. 10. au. 275.

d Referunt Egid. González in *Theat. Hisp.* p. 20. Tamajus 19. Aprilis pag. 495. Quintana-duenas in *SS. Hisp.* pag. 150.

e Ubi supra cap. 9.

f Edit. Loais. pag. 265.

supra tricesimum hujus sæculi anno. Eram enim DCLXXIV. quâcum iste concurrat, assignavit Redemptus ejus clericus, sive archidiaconus (ad quem ipsius exstat Isidori alias inter epistola p) in sanctissimæ præfulis assumptæ ante obitum pœnitentiæ atque ejusdem obitus expositione lectu dignissima, atque eo quidem certissimo antiquitatis monumento. Hic primus fuit Chintilæ Regis annus: quare temporibus Heraclii & Chintilæ, seu Chintilani, decessisse, Braulio rectè annotavit. Nec diversâ it Ildephonsus, qui floruisse eum temporibus Reccaredi, Liubanis, Witterici, Gundemari, Sisebuti, Svinthilani, & Sisenandi Regum, Chintilano, ait, prætermisso. Vix enim ad ejus ætatem pertinere Isidorum credidit, sub cujus regni exordium ad superos abiit. Convenit quod decesserit pridie nonas Aprilis, & post quartum à Paschate diem, quod eo anno pridie Kalendas ejusdem mensis fuisse observavit vir doctissimus Joannes Grialius q, & post eum, immemor tamen illius opere, Constantinus Cajetanus r.

73. Qui ab hoc anno discedunt, Tuden- sis nempe, & Cæsar-augustani Breviarii auctor, qui eram DCLXX. seu annum DCXXXII. Breviarium commune Hispaniæ antiquum, qui annum DCXXXV. scriptor jam laudatus ejus Vite, qui DCXXII. Arnoldus Uvion, qui DCXLII. vel circiter, constituere Isidori postremum, in rectam, quam ostendimus, viam reducendi sunt. Nam & è Conciliorum actis liquidò constat vixisse adhuc an. DCXXXIII. quo Toletano IV. Concilio interfuit, diemque suum ante annum DCXXXVIII. obiisse, quo habitum fuit sextum Toletanum, Honorato jam sedis Hispalensis antistite s. Ambrosius quidem noster Morales anno uno mortem anticipat, scilicet DCXXXV. quoniam sequenti celebratum credit Toletanum Concilium sextum. Hispali autem sepultus, post aliquot sæcula translatus Legionem fuit, & in templo ab ejus nomine dicto magna cum religione, & miraculorum ostentis, Ferdinando I. Castellæ simul & Legionis Rege, in resurrectionis spem depositus.

74. Id cum sit certissimum, querendus est Bononiensi urbi amplissimæ Isidorus alter, quem in sua Cœlestinorum sacra eade in posterum veneretur. Quamvis enim hujus scriptores t constanter affirmant Isidorum nostrum Româ redeuntem Bononiæ obiisse, Benedidini cujusdam monachi Chronico circa annum MCLXXX. in eadem Ecclesia relicto fidem habentes; non ejus notæ hic auctor est, qui perpetuè tot sæculorum, quæ nobis favent, confessioni contrâ stare audeat, videri dignus possit, quem tot sic magni nominis concedant historici. Rem à Cajetano u actam non iteramus: qui quidem auctor ad alium Italo-Siculum Isidorum Episcopum supra à nobis memoratum, qui xv. die Januarii suum in fastis x habet locum, Bononienses homonymiâ deceptos manuducit, cui ejus germanus frater Octavius Cajetanus in *Vitis sanctorum Siculorum* y vix consentit: aliter atque Ferdinandus Ughellus in *Italia sacra* z. Patres Jesuitæ doctissimi qui *Acta*

Sanctorum edere pergunt adeundi sunt ad IV. Aprilis diem.

75. Sed quia Isidorianæ historiæ enarratoribus libenter ea quæ de eo comperta sunt exponenda relinquimus, eò ferè intenti, ut de falso, aut non ita certè jactatis, quod non sic vulgò agitur, hæc legentes bona fide moneamus, explodenda succedit nunc, antequam stylum enumerandis Isidori operibus accingamus, de Machometo in Hispaniis Cordubæ, aut alibi, ab eodem viso fugatoque, quorundam hominum traditio, quibus de antiquis rebus dijudicandi ac censendi non summa fuit sagacitas. Lucas Tudenis Episcopus, qui duodecimo sæculo vixit, nisi fallor, traditionis prora & puppis est. Hic in Chronico suo, quo Isidorum, ejusque Ildephonsinam appendicem interpolavit, sub era DCLXXIV. Machometum in exordio suæ prædicationis adiisse Hispaniam, Cordubæque suæ perditionis sectam docuisse, refert: Isidorum autem revertentem è Romana curia de hac re certior factum quosdam præmisisse qui eum caperent: Machometum verò à diabolo admonitum aufugisse, & per Africam ad propria repedasse. Idem sub era DCLIII. & Sisebuto Rege, *Machomet ab Hispania turpiter fugatus* (ait) *in Africa nequitiam nefariæ legis stultis populis prædicavit*. Hanc ipsam pseudo-historiam reperire est in vita Isidori, quam sæpius laudavimus, incerti auctoris, aut forsan ejusdem Tudenis, qui colloquium Machometi cum diabolo satis prolixum, tanquam si præsens tunc iis adfuisset, aliaque non minus absorta & incongrua, intexit.

76. Nec mirum si tam novæ ridiculæque, & absurdæ rei calculo suo ficulneo Toletana pseudo-historicorum tribus favorit. Maximi hæc sunt a: *Machometus, homo impius & flagitiosus, grassatur per Hispanias*. Quæ quidem in fragmento nostro desiderantur. Luitprandus sæpe b: *Machometus, qui virus erroris sui fundens per Hispaniam, Cordubæ, Hispali, Toleti cepit seminare, ab Aurasio Toleti Archiepiscopo Toletano (Toledo potius) pulsus; catholicique doctores verbo & scripto nefarium errorem persequuntur*. In fragmento nostro paullò aliter conceptus hic locus exstat, desuntque omnino quæ de catholicorum doctorum scriptis audivimus. Item alibi post octennium transactum c: *Machometus pseudo-propheta Cordubæ prædicat*. Desunt in fragmento. Tandemque innuit Hispanias reliquisse morosum hunc tot annorum hospitem, & ad annum DCXIX. libros erroris sui in Arabia vulgasse. Tudensem sequutus fuit, ut solet, auctor *historiæ generalis* d, cui Alphonsus noster X. sapiens nomen dedit.

77. Hac via pergunt, fabulæ huic plaudentes, è recentioribus nonnulli e. Ex quibus omnibus, aut nullius prorsus, aut saltem lubricæ plerumque fidei, testimoniis, cinnus hic fabularum colligitur; pseudo-prophetam illum nequissimum plusquam septennii spatium errores suos docentem apud nos contrivisse, Toledoque ab Aurasio Episcopo ejectum anno DCVII. adhuc tamen anno DCXV. Cordubæ prædicasse, atque Africam inde petivisse.

p In edit. Paris. Jacobi de Breul pag. 482.

q In Notis ad Redempt. hanc Relationem editionis Matrit. Paris. Breulii ante operum elenchum.

r Ubi supra pag. 18.

s In hoc obitu anno DCLXXV. consentiunt cum Redempto Baronius tom. 8. ad hunc ann. Padilla cent. 7. cap. 22. fol. 218. Ribadeneyra in Flore SS. IV. Aprilis auctor catal. Regum Gothorum: in edit. Concil. Loaisæ.

t Donatus Puniellus in Chron. Eccles. S. Stephani Bonon. Uvion. lib. 2. Ligni vitæ cap. 24. & alii in *Actis sanctorum* laudati die IV. April. in commentarii prævii §. 2. num. 6. u Ubi supra pag. 39. & sequentibus.

x Uvion lib. 3. *Ligni vitæ*. Constant. Felix in *Kalend.* Ferrarius in *catal. SS.* hoc die.

y Tomo 1. pag. 225.

z In *Episc. Bononiens.* tom. 2. tit. 1. fol. 11. in *Petro Episc.*

a Ad ann. DCVII. num. 2.

b In Chron. ad ann. DCVII.

c Ad ann. DCXV.

d 2. par. cap. 40.

e Alph. Spina, Warnerus de Rolevina. Quintana-dueñas, Bleda. Vafzus, & quedam Brevaria apud Tamajum IV. Apr. pag. 493.

f S. Antonius in Hist. tit. 13. cap. 2. §. 6.

g Vide Mascard. De probat. to. 2. conclus. §. 3. 2. 2. 2.

se. Adjungunt alii f, cùm occurrisset is Isidoro nostro, prognosticum ab hoc ex vultu ejus factum, pestem aliquando illum hominem Ecclesiæ futurum. Unde jurisconsultorum filii ad firmandum ex oris fæditate judicium delicti exemplo isto passim utuntur s. Quas tamen historiæ tenebras oriens veritatis sol statim dissipabit.

78. Pseudo-propheta hic posthumus Abdallæ patri ortus est anno DLXVIII. aliis DLXX. in valle, ut appellant, *lapidosa*, urbis Mecchæ Arabiæ Felicis. Usque ad octavum ætatis DLXXVI. five DLXXVIII. scilicet, educatus fuit ab avo Abdelmutalib, deinde hoc decedente, à patruo Abutalib. Adolescens, ut alere se, atque uxorem ducere posset, locavit operas Chadighe fœminæ diviti; à qua impositus curæ camelos pascendi, five & caravanam, seu Kaphilam (ita vocant camelorum expeditionem aliò portantium onera mercimonii causâ) ducendi, Chadighe adeò placuit, uti & ei ætatis annum xxv. agenti, nempe DXCIII. aut DXCV. nuberet, ex quo septem peperit liberos, vixitque in matrimonio ejus xxiv. annis, usque ad DCXVII. five DCXIX. Priusquam autem Machometus huic conjungeretur, occasione in Syriam aliasque regiones propinquas vehendi merces, cum Judæis & Christianis de religionis re contulit; nec tamen usque ad ætatis annum quadragesimum, Christi DCVIII. aut DCX. spiritu diabolico abreptus pseudo-prophetare cœpit. Novem tamen ei tantum homines per quadriennium crediderunt. Anno autem DCXII. aliàs DCXIV. ætatis XLIV. manifestavit se, adversus eos qui dictam sibi legem averfarentur vi admota. Sequentibus usque ad DCXXII. cum Coraïtis, hoc est idololâtris, continuò decertans, parvo tamen Islamismi, seu sectæ suæ profectu, hoc tandem anno migravit, aufugitve potius, ex Meccha Medinam, annum agens ætatis LIV. five LII. postquam contra eosdem Coraïtas, Judæos, aliosque intra Arabiam prosperè bellum ferè semper gerens, extinctus demum est anno Hegiræ, hoc est fugæ in Medinam, undecimo, Christi DCXXXIII. aliàs DCXXXI. Sisenandi Gotthorum Regis primo tertiove. Constant hæc omnia ex Arabibus, Græcis, Latinisque scriptoribus. Annum exitûs à Meccha in Medinam, hoc est Hegiræ, primum constituunt omnes accuratè id pertranfantes vicesimum secundum [supra sexcentefimum à Julii die xv. ^b Undecimo autem Hegiræ obiisse eum tradit Elmacinus (qui Muhamedis Abugiasaris antiquiorem aliam defloravit) in *historia Sarracenicâ* lib. I. cap. I. quod tempus mortis anno concurret DCXXXIII. aut circiter, habito ad Arabicorum vulgarium annorum diversitatem respectu. Unde annis Arabicis sexaginta tribus, seu vulgaribus LXI. quos eum vixisse idem refert Elmacinus, detractis, eadem diversitate annorum considerata, quorum Arabicus undecim diebus minor vulgari est, sexagintaque Arabici totidem vulgaribus ferè biennio minores sunt, annus DLXXII. Machometo natalis deducitur.

79. Quadragesimo verò ætatis, hoc est in-

tra spatium quod intercedit inter annum DCVIII. & DCX. instillare nefaria dogmata quibusdam tantum, clamque cœpisse, & profectu quidem adeò exiguo, ut intra novem constiterit; ferè omnes domesticos; vocationis autem, ut loquuntur Arabes, seu furoris potius, quarto anno palam offerentem se, & ad legis promulgationem vi & armis usum, per singulos usque ad sexcentefimum vicesimum secundum, five Hegiram aut fugam, partim sermone inducendis, partim gladio cogen-dis, ad Islamismum (sectam hanc ita vocant perfidi Machometani) dedisse operam, idem narrat Elmacinus¹; cui ferè in omnibus convenit Georgius Abulfarajus in *Historia dynastiarum*, quam Thomas Erpenius vulgarem dedit ex Arabica². Immo & ipse Machometus in Alcorano expressit³ se usque ad hunc annum in patria mansisse. *Utique transigi apud vos* (ad Mecchenfis ait) *tempus, aut ætatem*, nempe, ut interpretatur Beidavi Arabum doctissimus, *spatium quadragesima annorum*; indeque proverbium apud eosdem invaluit Arabas: *Non suscitatur propheta, nisi post annos quadragesima*. Idem ex Ben-Casem tradit Gabriel Sionita *De urbibus & moribus orientis* cap. 8. ^m Exstant in publicis bibliothecis plures falsi prophete rerum descriptores, Seid Mustapha filius Hasenis, aliàs Genabi, Mirchondi, five Emir Choand auctor *Mubamedim*, five vitæ Muhamedis, & alii.

80. Consulantur hæc à peritis historiæ. Nil credimus, de peregrinatione hac, five expeditione Hispanica, angulis excussis omnibus invenient. Laudat quoque Petrus Bellonus libro 3. *Memorabilium* cap. I. Turcicum librum magni apud eos habitum, *Afcar* nomine, totius vitæ Machometi ordinem continentem: in quo non alibi peregrinatus ille extra Arabiam, quàm in Syria, Palæstina, Ægypto, Persiâque fuisse legitur. Hinc excluditur cùm prædicatio Machometi in Hispaniis ante hanc ætatem, tum quòd jam id egerit anno DCVI. ut ait Pseudo-Maximus. Quod autem sequitur tempus usque ad fugam anni DCXXII. Mecchæ, aut in locis vicinis, operi mansisse intentum, idem Elmacinus satis innuit, & è nostris Rodericus Tole-tanus in *Historia Arabum*ⁿ. Narrant inde Elmacinus & Abulfarajus res ejus gestas singulis annis usque ad decimum, aliàs undecimum, Hegiræ, quo decessit. Quo temporis intervallo minus potuit ab ea regione, in qua bellum gerebat præfens, abscedere. Similiter Græci cum Theophane historici res gestas Machometi omnes intra Arabiæ fines constituunt, non alibi grassatum referentes; ipsi tamen in errorem, quandoquidem Arabibus credere de sui prophete rebus satius existimamus, delapsi, dum obtinuisse nefariam hanc sectam vivo Machometo xxix. annis, primus Theophanes in *Chronographia*^o scriptum reliquerit. Cujus verba ferè descripserunt è Græcis Cedrenus in *Compendio*^p, & Constantinus Porphyrogeneta^q: è Latinis Anastasius Bibliothecarius^r, & Paullus Diaconus^s. Sic nempe partiti hoc tempus, ut Anastasii verbis Latinis hæresis hæc tenuisse dicatur partes Ethri-

i Eodem cap. 1. n. 4. & sequentibus.

n *Dynastia* ix. pag. 101. & sequentibus.
p Sur. *Jomo* pag. 140. verba assert Hottin-gerus in *Hist. orientalis* lib. 2. cap. 4. pag. 398.

m Apud eundem Hottin-gerum p. 440.

n Cap. 3. 4. 5. & 6. in corpore *Hisp. illu-* str. tom. 2. pag. 162. & cum Elmacino.

o Edit. Paris. pag. 178. anno Heraclii XXI.

p Edit. Paris. pag. 421.
q De admin. Imp. cap. 17.
r In *Historia* edit. Paris. pag.

s *Hist. lib.* 18.

h Cum pluribus Riccio-lus in *Chronol. reform.* lib. 2. cap. 24. Jacobus Golius in notis ad Alfer-gani elementa astronomica pag. 55.

Ethribi, sub ejus promulgatore, *primum occultè annis decem, & bello similiter decem, & manifestè novem*, hoc est xxix. annis. Cum verè à pseudo-prophetiæ initio, seu quadragesimo ætatis Machometi anno, ad sexagesimum tertium aut quintum, quos ei Elmacinus assignat, nonnisi xxiii. aut xxv. effluxerint.

81. Sed esto, nullus Machometanis expeditionibus fines præscripserit. An non à ratione ipsa ducimur, aut veriùs cogimur, ad eliminandam longè ab historiæ castris Hispaniensis ejus expeditionis fabulam? Quo enim linguæ commercio nifus Machometus Arabs camelarius, non Græcæ, non Latinæ gnarus, Hispanam gentem Arabicæ insciam, dudum Christianam, & jam catholicam, sub Reccaredo Rege victoriosissimo equè ac piissimo, literis & armis florentem, sagacissimam ac propositi tenacissimam, stupidis dolis suis & machinationibus, Gabrielis archangeli sibi apparentis legemque dictantis, absurdissimarumque aliarum inventionum, quæ in Alcorano continentur, præstigiis, vix penes Arabes barbaros^t, nulliusque religionis doctrinæ compotes, fidem habituris, decepturum se, & ad suam, bestiarum potiùs quàm hominum perversissimam sectam, è Christianæ legis throno præcipitaturum speraverit?

82. Inhiabat ille Chadighæ uxoris divitiis, quæ nupta ei mansit ab anno ante inspirationem, ut loquuntur Arabes, quinto decimo, usque ad annum post eam nonum (uti Abunazarus scribit^u). scilicet ab ætatis vicesimo quinto ad quadragesimum nonum, sive ut rationi chronologiæ communis juxta differentiam paullò antè assignatam insistamus, ab anno DXCIII. usque ad DCXVII. aut circiter. Inhiabat libertati asserendæ gentis suæ, inhiabat imperio, & quidem occasionem nactus provinciæ tot inter idololatrarum, Judæorum, Nestorianorum, Jacobitarum, Melkitarum, sive Græcorum, & orthodoxorum dissidia fluctuantis, bellorumque inter Cosroam Persarum & Heraclium Romanorum Imperatores tunc temporis sævientium, non temerè potuit rebus turbatis fruiturum se sperare. Ac decipient nos vaniloqui dicentes, Machometum, sive consilio proprio, sive diabolica persuasione, invitanti è proximo huic ampliandarum rerum suarum spei sic temerè ineptæque renunciâsse, derelictisque patria & gente sibi nota ac devota, apud quam divitiis & cognatione florebat, populum alium in ultimo occidente positum, nullis viribus, nulla Hispani sermonis, aut morum, aut nationis cognitione tentare nugivendulum animo suo proposuisse, novennialique intervallo temporis frustrà, veluti Ixionem alterum, lapidem hunc versâsse? Apage, ut scriptoribus, sive supposititiis, sive ex antiquitatis ignoratione sibi ipsis facilè illudentibus, qui tam absurda hæc nobis admittenda propinant, in meridis literarum ac doctrinæ omnis perspicaciter jam videntibus, assurgamus; & non potiùs cum vilissimis his mercibus suis illuc eos amandemus, ubi homines plumbei & vècordes habitant,

Vervæcum in patria crassoque sub aëre nati.

83. Francisci quidem Bivarii, hominis eruditione præstantis, miseratione sæpiùs tangor, qui sagax, neque vulgariter instructum ingenium ita his obnoxium terriculamentis habuit, ut vel non leviter ab hujus fabulæ absurditate permotus, non ausus tamen fuerit hoc in manus arrepto Ariadneò filo aliquando sese in lucem è labyrinthis ficulneo Toletanæ historiæ his tenebris vindicare. Aliter prorsus ii de hac censent fabula, quorum ingenia (ut cum jurisconsultis loquar) in tutelam suam jam venerunt^x.

84. Doctrinam sanctissimi patris Isidori opera ejus produnt tot retrò sæculis, & usque nunc clarissima, quæ omnis posteritas, directis ad sæculum, quo vixit, oculis admirata, & nunquam non admiratura est. Hinc theologi, jurisprudentes, philologi, grammatici, perennem aquam ad areolas suas derivare. Immensam ejus eruditionem, ac singularem pietatem omnes pari loco, eoque summo, habent. Veteres, sibi que æquales, & quos sequiora tempora protulerunt, historicos, conciliares congregationes, summos Ecclesiæ antistites, & summos quosque omnium gentium, & quarumcumque disciplinarum scriptores, adeò sibi devinxit veneratione sui, fructuosæque operæ nunquam limitatâ aut cessante beneficentiâ noster Isidorus, ut vix alius, è primi etiam subsellii & dignitatis patribus, nomen suum frequentioribus omnium ordinum laudibus commendatum ad posteros propagaverit. Potuîtne magnificentius quicquam his Concilii Toleteni viii. decem & septem dumtaxat post ejus obitum annis celebrati verbis de eo concipi? *Nostri quoque sæculi doctor egregius, Ecclesiæ catholicæ novissimum decus, præcedentibus ætate postremus, doctrinæ comparatione non infimus, & quod majus est, in sæculorum fine doctissimus, atque cum reverentia nominandus Isidorus, &c.*

85. Quid verò de ejusdem eloquentia S. Ildephonsus^y, ejus, ut fama est, in Hispanensi collegio discipulus? *Vir (inquit) decore simul & ingenio pollens. Nam tantæ jucunditatis affluentem copiam in eloquendo promeruit, ut ubertas admiranda dicendi ex eo in stuporem verteret audientes, ex quo audita bis^z, qui audisset, nonnisi repetita sæpius commendaret.* Quid Braulio^a Cæsar-augustinus Episcopus, ejus, & ipse, ut creditur, auditor? *In quo quiddam sibi antiquitas vindicavit, immo nostrum tempus antiquitatis in eo scientiam imaginavit, vir in omni locutionis genere formatus, ut imperito docto que secundum qualitatem sermonis existeret aptus, congrua verò opportunitate loci incomparabili eloquentia clarus.* *Quem Deus (inferius ait) post tot defectus Hispaniæ novissimis temporibus suscitans (credo ad restauranda antiquorum monumenta, ne usquequaque rusticitate veterasceremus) quasi quandam apposuit destinam^b, cui non immerito illud philosophicum^c à nobis aptatur.* Nos, inquit, in nostra urbe peregrinantes, errantesque tanquam hospites, tui libri quasi domum seduxerunt, ut possimus aliquando, qui, & ubi essemus, agnoscere. Tu ætatem patriæ, tu descri-

^x Ambr. Morales lib. 12. cap. 21. fol. 128. Friscus Padilla cent. 7. cap. 22. fol. 218. Mariana lib. 6. cap. 3. Rodericus Carus ad Maximam folio 217. & mirè quòd Joannes Tamarus 14 Apr. pag. 493.

^y Libro De script. seu De viris illustrib. cap. 9.

^z Ita legitur prois in pluribus exemplaribus.

^a In elogio, seu vita ejus una com operibus S. Doctoris.

^b Calcimenter, aut substitutionem credo. Ita Chorippus loquitur, ubi ad eum viri docti, & Vitruvius habere hoc verbum in mss. dicitur lib. 5. De architect. cap. ult. ut notat Philander. Hic autè vincula interpretatus displicuit Barthio lib. 15. Advers. cap. 13. Hujus vocabuli mentio est in Chron. Fontanellens. apud Decherium to. 3. Specileg. pag. 193. immo apud ipsum Isidorum lib. 1. Sentent. 40. in antiquis exemplaribus quos vidit Loaisa. V. de hujus notæ lit. G. & Fulgentium epit. 1. cap. 2. quem v. d. Braulio expressit.

^c Ciceronis lib. 1. Acad. quest.

^t Videnda descriptio hujus gentis eo tempore apud Greg. Abulpharasiu in Hist. or. dynastiarum jam laudata, Dynastia 9. paginâ 100.

^u Apud Hottingerum lib. 1. cap. 1. pag. 318.

præpiones temporum, tu sacrorum jura, tu sacerdotum, tu domesticam publicamque disciplinam, tu sedium, regionum, locorum, tu omnium divinarumque humanarumque rerum, nominum genera, officia, causas aperuisti. Quod, Marco Varroni datum olim à Cicerone, elogium quàm nostro Christiano Hispaniarum, Varroni conveniat, propter maximum præcipue *Etymologiarum* opus, deinde videbimus.

86. Britanniae Episcopi ad Leonem IV. qui Romæ sedit anno DCCCXLVII. & sequentibus, testimonia Augustini, Hieronymi, & Isidori nostri scribentes, laudaverant. Quibus ille respondit d: *Tunc si illorum, quorum meministi, dicta Hieronymi, Augustini, Isidori, vel cæterorum sanctorum doctorum similium, reperta fuerint, magnanimiter sunt retinenda ac promulganda.* Quam Leonis approbationem jure extollit mirè Isidorum commendans Hispanus quoque Prudentius Trecensis Episcopus in libro *De prædestinatione adversus Joannem Scotum Erigenam* cap. II. cujus verba infra dabimus. Sub idem tempus Hincmarus Rhemensis Episcopus *De prædestinatione* similiter scribens cap. 9. Isidorum quodammodo taxavit, virum quantumvis doctum fateatur, & legentibus in multis proficuum, de assensu dato eorum operibus, adversus quos olim Prosper Aquitanus scripserat, eò quod in libris *Sententiarum* dixerit geminam esse prædestinationem, sive electorum ad requiem, sive reproborum ad mortem; quasi prædestinationi favens, qui ante merita aliquos ad mortem, eodem modo atque aliquos ad vitam, prædestinari dicebant. Injuriam autem sanæ catholicissimi doctoris doctrinæ famæque illatam ab Hincmaro ratio ipsa dispulit, eaque fultus Ratramnus monasterii Corbejensis monachus, *De prædestinatione* ad Carolum Calvum lib. 2. sub eandem Hincmari ætatem scribens, non solum Isidorum de prædestinatione malorum ad pœnam propter prævisa peccata, ex more loquendi sanctorum patrum, latissimè ac liquidissimè interpretatur; sed & ipsum sanctum visque meritis & sapientiæ lumine præclarum appellat.

87. Prudentius uti diximus Trecensis, seu Tricassinus, antistes, eidem argumento, & explicandæ Isidori sententiæ additus in laudato *adversus Erigenam* opere e, B. Isidorum ait, *sicut doctrinæ & fidei, ita dignitatis atque officii S. Gregorii Papæ Magni socium, ejus doctrinam in causa fidei catholicis omnibus congruentem multa amplexitate temporum, & probabilem & susceptam, & à Leone Papa noviter commendatam, ejusque auctorem cum sanctis patribus, eodem honore & dignitate annotatum referens.* In Conciliis pluribus Gallicanis ejusdem ferè temporis, quod Caroli Magni & Ludovici Pii Cæsarum religio prosperavit, laudatur, ejusque testimonia referuntur f. Præcipueque Aquisgranense sub Ludovico Pio ann. DCCCXVI. celebratum verbis ac documentis clarissimi nostri doctoris magna ex parte constat. Isidori Pacensis nostri, aliàs junioris, testimonio jam ante sæculum integrum scribentis, magnus Hispaniæ vocatus doctor fuerat. Rhegino item Prudentius

mienfis abbas decimi sæculi historicus *Cbroniconum* libro suo ad annum DLXXII. *Sub his etiam Regibus* (ait) *Isidorus Hispalensis Ecclesiæ Episcopus floruit, nulli modernorum doctorum postponendus, qui multa de fide, regulis, Ecclesiasticisque disciplinis disputavit.* Lucæ Tudenfis Episcopi *Cbronicon* & elogium ejus continet amplissimum, qui versus affert cæsi sanè sæculi, quibus ille appellatur, *Sidus honestatis; lux morum, & sol probitatis.* Meminit quoque cum laude magna Rodericus Toletanus h *doctorem nullius scientiæ expertem* vocans lib. I. cap. 9.

88. Jam Gratianus decretorum compilator Ecclesiasticæ disciplinæ regulas ordine descripturus, populoque Christiano veluti album sanctorum legum propositurus, non auctor, sed collector tantum selectissimorum veterum patrum documentorum, ac sententiarum, ex nullo alio plures quàm ex Isidoro nostro decerpisse flores deprehenditur, à viris nempe diligentibus, qui cum curiose id observassent, *Indicem* i eorum Isidori locorum, quos Gratianus in *concordantiam* suam *discordantiam canonum* (nomen id fecit olim decreto suo) coacervavit. Quin immo Gregorius IX. Papa in decretalibus suis Isidoro sæpius utitur. Meminere alii Chronicorum scriptores, ad Isidori ætatem devenientes. Hermannus Contractus ad annum DCXX. Sigebertus ad DCXXVII. Guilielmus Malmesburiensis i, Vincentius m, Antoninus n, Petrus Equilinus o, & omnia Martyrologia; Romanum ante alia his verbis p: *Hispani S. Isidorus Episcopus sanctitate & doctrinâ conspicuus, qui zelo catholice fidei & observantiâ Ecclesiasticæ disciplinæ Hispanias illustravit.*

89. Atque egregiam ante omnia laudem continet, quod Martinus Dominicanus Gnesnensis in Polonia Episcopus, indeque Polonus dictus, Innocentii IV. Pontificis penitentiarius, circa ann. MCCL. *Chronicon* suum de summis Pontificibus scribens, ait, Bonifacio VIII. Romano Pontifice deliberante de his, qui doctorum Ecclesiæ numero & nomine essent cohonestandi, fuisse qui Ambrosio Isidorum præferendum, aut quatuor certè aliis quintum adjiciendum, judicarent. Quod quidem Joannis Marianæ verbis retulimus lib. 6. cap. 7. *Hispaniæ historiæ.* Cui opinioni (subjungit ille) *fidem tanti viri eruditio facit in omni literarum genere excellentis: & quoniam in eo numero duo patres Italici generis sunt, nullus ex occidente.* Non utique laudat auctorem rei Polonum Joannes Mariana. Fertur tamen ab aliis rei auctor, quamvis revera hocce testimonium in Antuerpiensi Suffridi Petri anni MDLXXIV. editione, quam ad manum habeo, & nescio an in aliis, desideretur.

90. Nec novum est, ut in id *Chronicon* (fortè an per malitiam non dixerim) supposititia multa sese immiserint, quæ in antiquioribus, & incorruptioribus mss. libris non leguntur, uti fabella de Joanne Anglico Papa, sive Joanna Papissa, tot argumentis, ac veterum codicum documentis debellata, præter alios à Blondello, acri aliàs hoste catho-

Ii lici

d Epist. 2. ad Episcopos Britanniae quæ verba desumpsit Gratianus in cap. De bello 20. dist.

g Lib. 1. in principio.

h Lib. 1. cap. 9 & lib. 2. cap. 17.

i Exstat in editionibus Parisiensibus Bignei, & Breullii & in Matritensi, & apud Constant. Cajet. in Triade Epist. Benedict. pag. 35.

k Vide Bignæum in dist. epist. nuncupat. l Lib. 2. De gest. Angl. cap. 10. m Lib. 5. per. hist.

n o Lib. 4. Cap. 55. cap. 10. p Die IV. Aprilis.

e Habemus editum, cum alibi in Bibliotheca veterum Patrum tum in Parisiensi edit. an. MDCL. Eorum qui nomen fecerunt De prædest. & gratia scripturæ 1. tomo pag. 270.

f Vide Margarin. Bignæum in epist. nuncupat. editionis suæ Parisiensis operum S. Isidori.

250 Bibliothecæ veteris Hispanæ

lici nominis, & à Labbeo viro doctissimo, tum etiam, quasi per transennam, à Petro Lambecio præstantissimo hujus ætatis Germanicarum rerum, præsertimque Austriacarum, Cæsareæque bibliothecæ illustratore lib. 2. *Comm. de bibliotheca Cæsarea* cap. 8. ^q Lau-
^{pag. 169.}
^{de seqq.} davissemus utique hujus ipsius rei auctorem Luitprandum ex *Advers.* 169. editionis Matritensis Thomæ Tamaji, si is verus Luitprandus esset, & non stupidæ adeo mentis nugator, ut Luitprando decimi sæculi scriptori mentionem ejus facti, quod Bonifacio VIII. sæculi decimi tertii Pontifici adscribitur, appingere non sit veritus. Iccirco forsân prætermisit hoc Adversarium D. Laurentius Ramirez de Prado in altera editione Plantiniana.

91. In recentioribus Jacobus Gaddius Florentinus scriptorum non Ecclesiasticorum: descriptor, cum exemplar Episcopi numeris omnibus absoluti, tum doctrinæ multiplicis eruditio-
^{r Tomo 1.}
^{s In Biblioth. font. lib. 4.}
^{t Lib. 2. Luff. tan. antiquitat.}
^{n In Primis Scaligerania pag. 65.}
nisque immensæ virum vocat. Xystus Senensis, eximia sanctitatis & eruditionis, divinarum Scripturarum peritissimum, & in legendis, colligendis, coaptandisque dictis ac sententiis, & rapsodiis veterum patrum ex innumeris & immensis eorum voluminibus desiderium habentem inexplebile, & vires omnino inexhaustas, Andreas Resendius ^t virum magnum appellat, & rerum multarum bene peritum, nec elegantiorum tam expertem literarum, ut insolenti fastidio sit à dicendi testimonio ablegandus. Quod propter vellicatum à non paucis Isidorum ob aliquas minùs feliciter deductas origines in vasto *Etymologiarum* opere, de quo nos infra dicemus. Idem alibi jure meritoque multæ tum eruditionis, tum diligentie hominem vocat. Raphaël autem Volaterranus, non tam doctrinæ, quàm vitæ philosophum, & in dicendo non tam rudem quàm inexaratum, haud omnino rectè, censuit. Stylum enim ejus sæculi quis in eo reprehenderit? Aut cuinam videbitur is non doctrinâ philosophus, qui moribus & pietati præscripsit regulas, universis Ecclesiæ sæculis meritò suscipiendas? Quantum verò favet Josephus Scaliger ^u! Isidorus multa (ait) ex veterum libris, quibus bodie caremus, eaque optima transcripsit. Ideo illum velim habere. Doctis utilissimus est.

CAPUT IV.

S. ISIDORI operum editiones referuntur. Joannes Grial quàm de iis benemeritus, *Etymologie*, seu *Origines*, à Braultone digestæ, Martini de Roa abnorme de auctore harum judicium. Excipiuntur & avertuntur jacula grammaticorum adversus hoc opus. *Etymologias* quibusdam ineptas alii excusant, *Etymologiarum* duo genera. Plura ex ora librorum in eos admitteri, & ex negligentia exscriptorum prævalere potuisse; quod in Isidorianis etymologiis factum insignibus exemplis manifestatur. Laudari impensè has ab iisdem grammaticis. Operis excellentia editionesque; & illustratores Alvarus Gomezius, Antonius Augustinus, Petrus Ciaconius, Antonius Covarrubias, Joannes Grial. *Differentiarum* duo libri.

De natura rerum, seu De mundo, alijs Rotarum, qui explicetur titulus. *Chronicon* unum, non duplex, Isidori. Rejicitur Bravarri ex Pseudo-Dextro assertum de Isidori duobus Episcopis Cordubensibus, eorumque seniore *Chronici* auctore. Isidoriani hujus editiones. De viris illustribus liber, cujus portio est anonymi appendix de tredecim scriptoribus. De ortu & obitu Patrum liberum certissimè nostri Isidori esse, uti & De regibus Gotthorum, Wandalorum, & Suevorum historiam, obnitatur licet contra D. Josephus Pellizerius, cujus argumentis satisfi, maximeque Pelagii Ovetensis testimonio, cujus relationis fides plurisariam enervatur. Braultoni prænotationem S. Isidori librorum non jure abjudicari. De Pellizerianis *Chronici* & Gotthorum historie auctoribus curiosè exquiruntur. Isidori & Biclarenis verba de Hermenegildi principis tyrannide probò sensu donantur. Tyrannus idem quod Rex apud veteres. *Libri Sententiarum*. Quæstiones in vetus Testamentum. His usum Bedam, non Eucherium, ut falsò invaluit. De Bedæ quæstionibus in Scripturæ quosdam libros observatio. Allegoriarum liber falsò adscriptus Isidoro Cordubensi. De fide catholica liber ad sororem. Quædam de psalterio Romano in usu olim Hispaniæ, immo & sacrorum librorum translatio à vulgari diversa. Libri alii. Synonyma, epistolæ. De usu panis azymi in Eucharistia quædam notantur. *Regula monachorum*. De conflictu vitiorum & virtutum liber, uti neque Sanctorum Leonis, Ambrosii, Augustini, quorum operibus adjungi solet; ita neque Isidori esse, forteque Ambrosio Hautperio attribuendum. De incertis alijs, uemque illo De ordine creaturarum ad Braultonem Episcopum urbis Romæ. Inquiruntur in hunc titulum. Roma qualibet forsân regia urbs dicta, uti Hierusalem quælibet Ecclesia cathedralis. Falsò adscripta Isidoro à Constantino Cæserano in *Regulam S. Benedicti commentaria*. De institutione jejunii quadragesimalis opus à Boxbormio laudatum. S. Æmilianus Vercellensis Episcopus ex Aragonia. De missalis & breviarii, quæ vocant Isidoriana, auctoribus. De lege Wisi-gothorum seu libro iudicum, Hispanè Fuero juzgo. De collectione epistolarum decretalium malè nostro Isidoro adscripta. Ambrosii Moralis lapsus in recognoscendo Escorialensi Codice. De Mercatoris & Peccatoris nominibus huic inditijs collectori. Quisnam is fuerit ex Blondelli conjectura. Glossaria Isidoro tributa. *Figmenta de Avicena*, & Isidori libris medicis, & Theodiscli facinore, ac de translatione primatialis dignitatis ab Hispanensi in Toletanam Ecclesiam.

92. CLARISSIMI Hispaniarum doctoris opera, quorum jam seorsum aliqua præsentaverant viri bonorum studiorum amantes, & inter hos Secerus Hagenoæ MDXXIX. ut constat ex Gesneriana Epitome, primus, quòd sciam, in unam compagem contulit, ac publici usus fecit Margarinus

rinus Bignæus Gallus, theologus doctor Parisiensis, in regia illa urbe an. MDLXXX. cum docta satis atque eleganti præfatione Parisiensem istam editionem sequuta est altera Matritensis anni MDXCIX. quam procuravit Joannes Grial Ecclesiæ Calagurritanæ canonicus; hancque ante multos annos Philippi II. Regum prudentissimi jussu à viris totius Hispaniæ doctissimis atque eruditissimis per partes adornari cœptam, quorum unus tandem superstes Grialius, defunctorum adjutus, necnon suis perfundus laboribus, diem suum ante editionis tempus obeunte Philippo rei auctore, sub ejus filii & successoris Philippi Regis III. auspiciis in publicum emisit. Huic tertia successit sive altera Parisiensis anno MDCII. quam iterum, nempe quartum, repræsentavit anno MDCXVII. Antonius Hierat Coloniensis typographus. Editionis hujus Parisiensis secundæ curam habuit Jacobus du Breul monachus S. Germani à Pratis, qui Margarino Bigneo, quem nuper laudavimus, in nondum olim perfecto correctionis munere succedens, manuscriptisque nonnullis Paulli Petavii, Papii Massoni, & aliorum codicibus ad rem bene gerendam adjutus, Margariniæ editionis veluti exemplum, correctius tamen & luculentius, necnon quibusdam de novo editis libellis locupletatum, in vulgus dedisse videri potest. Quare nos editioni nostræ Hispaniæ, quam Breulius non vidit, quamque tot viri præstantes, quot singulos, partibus singulis incubuisse, eosque quampluribus ex tota Hispania & Italia conquisitis exemplaribus manu exaratis usos, loco suo annotabimus, adhærere in subnotando operum elencho satius duximus. Hæc nempe illa sunt:

93. *Etymologiarum* libri xx. Quo quidem immensæ molis opere, adhuc magis quam cæteris aliis notior ac celebrior est Isidorus. Hinc enim exordium sumit editio nostra, quamvis ultima hæc fuerit viri maximi lucubratio, ei que nondum, ut videtur, absolutæ immortalis fuerit. *Scriptis* (S. Ildephonsus ait) quoque in ultimo ad petitionem Braulionis Caesar-augustani Episcopi librum *Etymologiarum*, quem cum multis annis conaretur perficere, in ejus opere diem extremum visus est conclusisse. Librum quidem rectè: nam Braulioni debemus quod in libros digesserit. *Etymologiarum* codicem (Braulionem ipsum audimus) nimia magnitudine distinctum ab eo titulis, non libris: quem quia rogatu meo fecit, quamvis imperfectum ipse reliquerit, ego in viginti libros divisi. De quo quam exiliter modesteque existimavit auctor, Braulioni librum nuncupans? En tibi, sicut pollicitus sum, misi opus de origine quarundam rerum ex veteris lectionis recordatione collectum, atque ita in quibusdam locis annotatum, sicut exstat conscriptum stylo majorum. Unde *Originum* titulo plures, *Etymologiarum* hoc opus laudantes, uti gaudent; & in his Baronius Cardinalis, præter innumeros, errare non neminem ex nostratibus fecit, diversumque ab isto alium *Originum* commentarium ab Isidoro elucubratum existimare. Sed cum *Etymologias* tam Ildephonsus quam Braulio, auctoris æquales, appellaverint, non est cur hinc recedamus.

94. Invaluisseque hanc annotationem inde colligere possumus, quod auctor *Chronici Fontanellensis* cœnobii Normanniæ in Galliis provinciæ, quem Lucas d'Acherius edidit, vixisseque nono sæculo existimatur, donasse huic loco Ansegisum sui temporis abbatem Isidori *Etymologiarum* codicem unum, inter alios libros, tradiderit. Fortassisque hanc appellationem Braulio affixit operi à se editioni parato, & sicuti membra secrevit, ita caput adaptavit, paullulum ab auctore, qui *Origines* sese mittere reliquit scriptum, deflebens, aut ab Isidoro nondum appositum titulum ipse supplevit. Cum autem de auctore hujus operis ita clarè constet, Martinus de Roa vir eloquens doctusque quidnam in mente habuit, cum Isidoro Cordubensi adscribere non fuit veritus? Sed *Etymologiarum* ad nomen totumque opus attenti, grammaticorum, quos cura hæc sollicitat, filii dudum immaniter exclamant, Isidorumque multis accusationum jaculis petunt. Eos in quinque capita Joannes Grial collegit, strenueque, aliorum exemplis usus, quos præ oculis habuit Isidorus, refellit, aut saltem declinavit. Quem lector, operis magnum pretium facturum, adire poterit.

95. Scio Joannem Kircmannum *severitatem* etymon suspendisse naso, quod tamen non improbat Vossius; Nicolaum Rigaltium negligentiam, cum aliis Isidorum, tum in eo culpasse, quod *scorpion* sagittam dixerit, quæ potius machina est sagittas projiciens; cui tamen calculo suo favet Stewechius, Joannem Schefferum reprehendisse, quod pharum Ægyptiam ab usu navibus igne prælucendi, hoc est à *phos*, *lux*, & *opsis*, videre, dictam crediderit: quod tamen non spernendum etymon vocavit Martinus. Fuit & qui *cretionem* in re legali à decretione, seu decernendo, quod ille ait, dictam haud admiserit. Et tamen à juris ipsis auctoribus, duo hæc nomina *cernere* & *decernere* promiscuè sumuntur, observante in iis Alciato. De aliis taceo. Sed cum, ut idem Martinus in præfatione sui Lexici annotavit, duo sint etymorum genera, alterum eorum quæ talia sunt *σωμολογία*, hoc est *potentia*, à quibus potuerit nomen duci; alia verò *εμπειρία*, sive *actus*, ad quæ vocabulorum auctores verosimiliter respexerunt; Isidorus sanè posteriora hæc, ut plurimum, confectatus, si quæ veterum aliquis docuit, aut ipse proprio studio colligere potuit; cum tamen sciret *omnium nominum etymologiam* (ut ipse ait lib. I. cap. 28.) non reperiri, eò quod multa ad arbitrium humane voluntatis, non secundum qualitatem, quæ genita sunt, nomina acceperint, ad posterioris quoque generis etyma non improbabilius elicienda divagari mentem permisit. Qui cum (ait sapienter Grialius) omne scriptorum genus diligentissime pervolutaret, optimum ratus, se parum eruditi sæculi hominibus brevem facilemque viam ad disciplinas omnes aperiret, ut simul & rerum & verborum notitiam traderet, quæque liceret, in ipsis vocibus hæere omnia ostenderet,

x Apud Michaëlem Sonnum.

rb Tomo 3. Spicilegii vss. script.

c Pag. 243.

d De primipatu Cordubensi.

e Lib. 2. De Jure Romano. cap. 9.

f Apud Isidorum lib. 28. cap. 9. & lib. 20. cap. 22.

g In Etymologico.

h In Notis ad Tertull. Scorpianum in princ.

i Lib. 23. ca. 8.

m In Comm. ad Vegetii lib. 4. cap. 22. De re milit.

n De re navali in addendis ad lib. 3. pag. 337.

o Lib. 4. cap. 24.

p In leg. Is qui heres s. p. nult. & leg. Pupillas. De adquir. hered.

y Descriptio. cap. 9.

z Ad annum DCXXXIII. num. 70. to. 8. Annal. a Franciscu Padilla cent. 7. Hist. Eccl. Hisp. cap. 22. fol. 227.

deret, nihil aptius visum, quàm si vocum emendandis notionibus & propriis earum usus ostenderetur, & rerum ipsarum subjectarum, audito sono, obversaretur ante oculos, maneretque veluti spectrum quoddam atque simulacrum. Quod à nullo alio post extincta illa veteris ac florentis philologiæ lumina, nec sæculo suo, nec posterioribus aliquot, Beda etiam incluso, qui encyclopædiæ operam dedit, profectò sperari potuit.

96. Quid quodd in hoc Isidoriano opere plus sibi forsitan quàm in aliis licere cuiuscumque ætatis lectores existimavere, atque oræ libri, quem, ut cornu-copiam, aut compendium certè omnium librorum, è manibus elabi vix sinebant, obvia quæque hinc inde affigentes, exscriptores verolimuliter seduxerunt, ut & ipsi marginales, quandoque ineptas, notas in contextum saltare permiserint? Quid quodd absque huiusmodi culpa, negligentia quoque manu scribentium, laudatissimorum etiam auctorum famam scopulo absurditatis illidere plerumque solet? scripserat nimirum noster lib. 2. cap. 23. *in breviculis militum, nominibus defunctorum & superstitum à prælio T. litteram adscripsisse veteres*. Lipsio is error visus⁹. neque enim T. sed V. Latinum, notam superstitis, hoc est, vivi, fuisse, cujus literæ in re usûs vetera monumenta testes sunt.

97. At non deerrasse auctorem, sed leviter emendari debere eorum, qui transcripserunt, errorem, Thomas Reinesius monuit, vir in his literis præstantis iudicii doctrinæque, lib. 1. *Var. lectionum* cap. 7. ut Isidorus scripserit, *superstitum à prælio Y. litteram adscripsisse veteres*: nempe Ypsilon Græcum: quæ vocis ὕψις, sanitatis, incolumitatis, æquæ ac θάνατος, mortis, initialis littera est. Quod quidem Y. demissis corniculis, exscriptorum inter manus, in T facillimè transire potuit. Sed nos Reinesii observationem, quam Galeni testimonio confirmat insigni, Rutgerio quoque apud Isidorum T retineri volente, in ordinem reducto, hinc non transcribimus. Legebatur lib. 9. cap. 4. quodd Chanaani filius decimus fuerit *Amaræus, à quo Syriæ nobilis civitas, quæ vocatur Cælis*. Quibus dicam erroris jure impegit vir eruditione magnus Samuel Bochartus *Geographiæ sacræ* 1. parte lib. 4. cap. 36. pag. 347. Sed scriptorum defectum facile suppleverunt nostri editionis Matritensis auctores, qui noverant ex S. Hieronymo id hausisse Isidorum, apud quem à Samarco conditam Edesam Cœle-syriæ urbem legitur. Plurima ergo, propter quæ grammaticis Isidorus displicet, vel auctorem in antiquis habent, vel à germana lectione olim decidere, vel tandem ex ingenio auctor ad verisimile respiciens, uti sæpe doctissimus quisque amat veterum etymologorum, Plato, Stoici è Græcis, Varro à Quintiliano reprehensus^r, Verrius Flaccus à Festo Pompejo refecatus, Plinius ob imperitiam linguæ Græcæ, è Latinis, confinxit.

98. Et planè hoc deducendarum originum opus ita arduum ac difficile est, ut, si virum eximiè eruditum Ægidium Mena-

gium^s consulas, nullus hucusque argumenti huius enarrator, quantumvis præstantissimæ, sive in antiquis sive in recentioribus, famæ, rem acu tetigerit. Secus equidem quàm quisquam putaret, Isidorus quædam enarrat, nec tamen inrudite nec inscite, Turnebus ait lib. 26. *Advers.* cap. 22. Planè utilem eum præstitisse operam, & hæc etymologias ex optimis quibusque scriptoribus, plerisque etiam Ecclesiasticis, compilasse, Gerardus Joannes Vossius censuit *De philologia* scribens^t. Claudius Salmasius, quamvis aliàs præ arrogantia & philautia sua parum Isidoro propitius, Notis ad Vopisci Aureliani^u, in hoc auctore multa sæpe bonæ notæ, nec alibi reperiunda, se reperisse fatetur. Barthius encyclopædiam prope integram suo ævo complexum scriptorem appellat^x. Bonaventura quoque Vulcanius Brugensis, qui quandoque huic emendando atque edendo incubuit commentario, duos haberi auctores ex antiquis ait^y, qui totum orbem scientiarum, hoc est Græcorum ἐπισκοπῆς, scriptis suis complexi sunt, nempe Isidorum nostrum, & Marcianum Capellam. Hunc tamen in *De philologiæ & Mercurii nuptiis* opere septem tantum, quas liberales appellamus, artes; Isidorum verò, præter has, & medicinam, & Jus, & theologiam, philosophiam naturalem, & historiam, ac denique omnia quæ in communem vitæ usum veniunt, pertractasse, non utique nudas vocum derivationes consectantem, sed & rerum ipsarum origines demonstrantem, artiumque omnium fundamenta jacentem. Nec non scita hinc & fragmenta veterum, qui periere, auctorum, contineri, majoremque ex his libris, quàm ex Varronis, Nonnii Marcelli, Verrii Flacci, & aliorum similium lectione utilitatem ad Christianam Rempublicam pervenire posse; aliæque in commendationem totius operis lectu jucunda. His nos adiungimus plura quoque magnorum auctorum obscura ex Isidori his libris lumen accipere, ut è Turnebo lib. 6. *Adv.* cap. 19. & lib. 11. cap. 5. & lib. 20. cap. 5. colligimus. Ignoratio tamen linguæ Græcæ non rarò falsum fuisse credit Vulcanius, quod, uti diximus, Plinio contigisse admittit & ipse.

99. Verè igitur non Isidoriani, hoc est jam semibarbari temporis, etymologicon hocce videtur opus, sed planè miraculo comparandum, præcipuè in sacro homine, atque studio pietatis, & gerendo pro dignitate muneri usque adeo intento. Perpetuum quidem Servii exscriptorem Barthius vocat^z. Quis autem primus etymologias ediderit, nondum compertum habeo. Laudantur editiones Parisiensis MDXX. a Hagenoënsis cum aliis ejusdem libris à Secero curata an. MDXXIX. Basileensis apud Petrum Pernam unà cum Marciano Capella an. MDLXXVII. quam Vulcanius, is quem nuper laudavimus, excusorum & manuscriptorum codicum ex Hispania, & Belgio conquisitorum inter se collatione, à veteribus mendis repurgatam, Græcisque vocabulis sæpius auctam, ac duplici indice in publicum prodire fecit.

100. At quæ in Hispania totis ferè viginti an-

⁹ De vestigia pronunt. L. L. cap. 14.

^r Lib. 5. In his. cap. 6.

^s In epist. nuncupatoria Origini Gallicæ.

^t Cap. 5. §. 14.

^u Pag. 411. col. 2.

^x Ad lib. 13. Theob. v. 812.

^y In epist. nuncupatoria. sue editionis Isidori Etymologiae, & Marciani Capelle.

^z Ad lib. Theob. 6. v. 241.

^a Principem hanc existimat D. Josephus Pellizerius, qui penes se habet in libro suo Maximo Obispo de Zaragoza, & in prælatione.

et annis navata ab iis, quibus adornandi hanc Spartam injuncta cura fuit viris doctissimis, opera digna quidem est uberiore adhuc laude. Namque Alvarus Gomezius, cui ad gerendam strenuè rem propter insignem ejus eruditionem vocato magna veterum codicum tradita copia fuit, Antonium Augustinum Tarracone, ubi erat antistes, Petrumque Ciaconium Romæ degentes consulere in mandatis habuit. quod & fecit. Sed Augustinus XII. libro immortalis est; Ciaconius autem dici vix potest quantum opis attulerit, cum de restituendo hoc opere in primis olim cogitasset. Alvarus ergo istorum laboribus, & Antonii Covarrubiæ Toletani scholarchæ, magni Didaci Covarrubiæ jurisconsultorum phœnicis germani fratris, nostrorum omnium, quot sunt quotque fuerit (ait Grialius ^b) undecumque doctissimi atque elegantissimi, aliorumque communicatione adjutus, annotationum in omnes XX. libros magnæ molis corpore relicto (ait idem ^c) defunctus est. Sed quia in enumeranda (ut subjungit) scripturarum, conjecturarumque varietate (triginta aut eò pluribus MSS. libris omnes eos, qui intervenere, fuisse usos constare ait) multus ubique esset Alvarus; tamen contextum ipsam, cujus gratiâ labor omnis susceptus fuerat, inemendatum reliquisset, huic latifundio perpurgando, conscribendoque colonus ipse (Grialius) datus fuit. Tantorum virorum lucubrationibus hæ notæ consistere, quas primum dedit Matritensis editio, quasque jure meritoque minime ambiciosas, tamen eruditissimas notas, in animadversionibus ad Gulielmi Brittonis Philippida ^c Gaspar appellat Barthius. Proderunt quoque eodem notæ in editione Parisiensi Jacobi de Breul.

101. Specialem in lib. 4. qui de medica re agit, commentarium edidisse Symphorianum Camperium alicubi legimus. Nec non quandam totius *Etymologiarum* operis secundum alphabeti literas, incerti auctoris in bibliotheca, ut suspicamur, Vaticana, ac septimo Latinorum voluminum pluteo, asservari acceptum referimus manu Alphonsi Ciaconii exarato codici *Variarum annotationum*, qui cum aliis ad S. Isidorum Hibernorum ordin. Min. Romæ custoditur. Nec indignum observatione est, in catalogo quodam Græcorum librorum apud Antonium Verderium in *Supplemento Gesnerianæ Bibliothecæ* Isidori Hispani de theologia etymologicum comprehensum conspici. Quod de ea parte, ubi theologicæ tractantur origines, intelligere possumus. Sed cujusnam frugis Græcos docere Latina etyma? *Excerpta etymologiarum* quædam conservat codex Bibliothecæ Cæsareæ, uti apud Petri Lambecii lib. 2. commentariorum de ea. cap. 8. pag. 934. legitur.

102. Manuscripti codices *Etymologiarum* plures passimque reperiuntur in bibliothecarum angulis. In S. Ildephonsi Complutensis ^d septingentorum fere annorum, in S. Benedicti Pinciano monasterio, in Medicea ^e, in Renati Morean medici Parisiensis ^g, in Patavina S. Joannis canonicorum Lateranensium ^h, in Veneta S. Antonii ⁱ, in Medio-

lanensi Ambrosiana Longobardicis literis majusculis descriptus. Sed de *Etymologiis* jam satis. Sequuntur in eadem Matritensi editione

103. *Differentiarum, sive De proprietate sermonum* libri duo. Totidem enim Braulio agnovit. Ildephonsus librum appellavit. Malè qui tres numerant. In his *subtili discretionem* (ait Braulio) ea quæ confusè usu proferuntur, sensu discrevis. Exemplum se Catonis secutum, qui primus de his scripsit, Isidorus ipse ait. Prior liber grammaticus fere, alter & philosophicus & theologicus est. Quare in *Chronico Fontanellensi* ⁿ superius laudato, *Differentiarum spiritualium & carnalium liber* audit. Ad editionem regiam Matritensem, ut Grialius notat, prioris libri cura demandata fuit Petro Pantino, posterioris Rolando Vicelio, regis cappellani, quorum singuli duorum MSS. codicum ope adjuti notulas addiderunt. Apud Gasparem Barthium codex alius fuit manu exaratus in membranis, quem is, dum viveret, edere cogitabat, de quo in cap. 1. lib. 32. & cap. 6. & 14. lib. 39. *Adversariorum* admodum. Barthius tamen, si editionem Matritensem vidisset, pleraque aut omnia illorum, quæ in isto ejus codice vitiosa mancave reperta sanare aut supplere intendit, sana & integra reperire potuit. Tanti plerumque constat in malæ notæ libris ingenium exercere, aut potius defatigare velle. Optimè autem censuit Barthius ^l, non pauca in commentario isto, vel de Catone, ut præfatio docet, vel de aliis majorum gentium scriptoribus ducta esse; proindeque servari, blattarumque imperio eripi, ac subduci dignum. Nescio tamen unde Fulgentio id opus à S. Isidoro fratre inscriptum è nostris cuidam constiterit ^m.

104. *De natura rerum* liber ad Sisebutum Regem. Braulio: *De natura rerum ad Sisebutum Regem* librum unum, in quo tam de Ecclesiasticorum doctorum, quam etiam de philosophorum indagine obscura quædam de elementis absolvit. Meininit & Ildephonsus. Idem est cum *Cosmographie* opere, quod laudat cum aliis Trithemius, & præferre Pithœanum codicem Scriverius monuit in *Animadversionibus* ad Vegetium ⁿ. Aliter *De mundo* inscribitur. Sed, quod mirere, in MS. Paulli Petavii, quem idem Scriverius laudat, *Rotarum liber* appellatur. Quo etiam titulo insignis est apud anonymum auctorem *Chronici Fontanellensis* ^o inter libros ab Ansigiso abbate eidem relictos. *Ejusdem* (Isidori) *Rotarum ad Sisebutum Regem* codicem unum. Quare non est cur in *Notarum* transformemus, quam Scriverius suspicatus fuit germanam esse appellationem, codici Petaviano restituendam, cum Chronicon non viderit. Si scalpello quidem agendum esset, præferrem ego, ut *Rotarum*, ex *Natura rerum*, compendiosè scripto eruperit. Temperandum tamen cenfeo, & à rotis, seu circularibus figuris, quibus multis auctor ad mensium tempestatumque ac cœlorum ordinem, nec non plagas veterum utitur designandas, *Rotarum* titulum ab ineptissimo aliquo scriptore fabricatum existimo. Hinc verò multa Nigidii, Var-

^b Epist. ad lectorem oper. S. Isidori.

^c Lib. 1. pag. 144.

^d Morales in prologo 2. tom. sub tit. Deor. librorum antiquos.

^e Idem in el. sauto viage. MS.

^f Apud Spizelium in Ar. can. Biblioth. des. pag. 95.

^g Labbens in Biblioth. MS. pag. 227.

^h Spizelius ubi supra pag. 225.

ⁱ Thomassinus pag. 13.

ⁿ Apud D. Achierum Spicilegii tomo 3. pag. 220.

^l Lib. 39. cap. 14.

^m Auctori libri ita inscripti: Valerio De las historias escolasticas lib. 8. tit. 6. c. 6.

ⁿ Vefaliensis ultimarum editionis anni MDCLXX. tom. 2. post Stewechii commentariis pag. 54. ^o Tomo 3. Spicilegii Dacheriani pag. 241.

Varronis, Suëtonii Tranquilli, deperditorum librorum fragmenta posse hauriri; dignumque opus viri docti censurâ, idem Scriverius nos docet. Hujus emaculandi, & ad editionem Matritensem disponendi, tota cura fuit Joannis Grialii, qui notat, scholiis bene longis ab eo, cui commissum fuerat, auctum, sibi in manus datum: *quæ quia emendationi parum serviebant, placuisse iis qui hæc regio jussu curabant, illis rejectis, librum ex quatuor codicibus, inter quos erat ex Ovetsensi Ecclesia Longobardicus pervetustus, à se reformari, notisque, quæ ex usu essent, affigi*. Servatur ms. in bibliotheca Ambrosiana Mediolani.

105. *Chronicon*, ab origine rerum usque ad sua tempora: in quo Julii Africani, Eusebii Cæsareensis à S. Hieronymo aucti, aliorumque continuatorum, præcipuè Victoris Tununensis Episcopi, vestigia relegendi, in breve compendium MMMMDCCCXIV. ann. historiam, usque ad annum scilicet Heraclii Imperatoris quintum, & Sisebuti Gothorum Regis quartum, sive eram DCLIV. redegit. Nam quod hujus ipsius Chronici anacephalæosis sive summarium *Etymologiarum* libris p. insertum, adusque Heraclii XVII. sive aliàs XVIII. extendatur, aut etiam Chronicon ipsum duodecim tredecimve istorum annorum, qui à quinto ad XVII. sequentemve Heraclii annos intercesserunt, auctario, non in uno aut altero codice locuples ostendatur; non quidem alteram & alteram ab auctore factam editionem, multoque minùs ex *Etymologiis* desumptum fuisse hocce Chronicon, ut Bellarmino q placuit, improbante Labbeo^r, aut quod alii temerè censuerunt, alterum & alterum Chronici auctorem, diversumque opus indicat. Potuit enim Isidorus *Etymologiis* post omnia alia, ut ex Bauilione jam notavimus, opera, intentus, adjungere olim editis brevem illam diversam, quodque interim transcurrisset, brevis temporis notulam. Aut alius fortè: quod & vero similis credit Vossius^s, exinde quòd in veteribus suis optimæ notæ mss. extrema lib. 5. verba, quæ in Breuliana editione legas, desiderantur. Indeque, hoc est, à codicibus *Etymologiarum*, eadem accessio curiosæ alicujus manus operâ ad Chronici exemplum aliquod transvolasse. Unde factum credas, quòd vel ipsum Chronicon aliâ & aliâ conclusione absolutum in diversis mss. codicibus ad posteros venerit.

106. Diximus quidem Chronica duo, nec unius auctoris hæc esse, ab aliquo temerè existimatum. Franciscus Bivarius hic est, quem, ut suus ejus Dexter vel semel falsum sese, quod erat, proderet, dura coëgit necessitas inviam hanc viam duce illo ingredi. In Pseudo-Dextro nempe legitur^t: *Isidorus senior Cordubensis continuat Chronicon à primo consulatu Theodosii*. Quod quidem in fragmento nostro Estepani codicis, de quo sæpe meminimus, nusquam apparet. Nimirum excidit parum cauto inventori, ut senioris titulo Isidorum Cordubensem Episcopum, qui Dextrum ætate præcessisse dicitur, quemque verus Dexter laudare poterat, cohonestaret. Ita enim vocari solet à distinguendis hunc

ab Hispalensi nostro Episcopo, qui junior vulgò audit. Nec tamen ita vocare Dexter potuit, cui junior hic noster, utpote duobus inferior sæculis, haud notus fuit.

107. Gordianus certè nodus: quem tamen Bivarius ne scinderet, novis difficultatum nexibus majorem in modum implicuit^u. Binum quippe Isidorum Cordubensem, notum utrumque Dextro, quorum junioris respectu senior is, quem hoc loco laudat, fuerit, tertium ab his duobus nostrum Hispalensem, quartumque Isidorum Pacensem, Chronici & ipsum, ut loco suo dicemus, auctorem, editis omnes libris claros, constituit. Primum scilicet Isidorum natu quidem, non munere ibi gesto præfulis, Cordubensem, scripsisse, seu continuasse Chronicon à primo consulatu Theodosii, à Dextro his quæ dedimus verbis significatum ait. Secundo, non civi tantum, sed Episcopo ejusdem urbis, *Allegoriarum* libros, Hispalensis inter opera vulgares factos, *super annum CCCLXXX. ad Orosium opusculum*, & *super libros Regum*, atque *Evangelium Luca commentaria* deberi, eandem Dextri fidem sequutus, existimat: inde jam colligens tres non minùs Isidoros Chronicon scripsisse: primum nempe illum ex Cordubensibus *continuationem Eusebii & Hieronymi*, quam & fecerunt Prosper, Victor, Idatius, Marcellinus Comes, à principio Theodosii usque ad suam ætatem; atque id censet à Luca Tudensi Episcopo, quasi Hispalensis esset, non Cordubensis Isidori, ut putat Bivarius, Chronico suo insertum.

108. Movetur inde ad id credendum, quòd scribere se Isidori Hispalensis Chronicon Tudensis affirmat; cum tamen ea quæ is profert, longè ab Isidorianis diversa sint. Ac verè quidem atque maximè diversa sunt: (ut id jam Bivario demus) animadvertendum tamen eo modo inter se Chronica hæc differre, uti integrum opus à compendio, sive uti germanum opus ab eo differt quod interpolatum aut ampliatum ab altero quodam est auctore. Ampliatio autem hæc an Tudensis, an alterius sit, quærentibus, liberè dicam Tudensis calamum mihi non sapere, quæ Isidoriano Chronico apud eum inseruntur, sed sæculi latinioris & cultioris auctorem. At cum Isidoriana ferè omnia in hoc, ut ita dicam, interpolato exstant Chronico, vero magis consentaneum videtur Isidori Hispalensis germanum Chronicon illud esse, quòd in omnium est manibus; alterius autem eo junioris operâ in eam formam redactum: quam totam Isidorianæ manus esse Tudensis credidit. Hoc inquam vero similis est, quàm quòd alius existimare possit Bivario adherens, Isidorum Cordubensem scriptum reliquisse id Chronicon, quo usus Tudensis fuit, atque idem defloratum sive excerptum ab Isidoro Hispalensi hoc esse Chronicon, quod ejus nomen præfert.

109. De Isidoro Cordubensi, quem primus Sigebertus laudat Gamblacensis, Dexter autem unus Chronici auctorem finxit, quòd suprà commodiore loco dictum, nunc non repeto, contentus hoc solum annotare hic, adjun-

u In Com-
ment. ad hunc
Dextri locum
pag. 405.

p Lib. 5. c. 37.

q De script.
Eccles. in Isido-
ro.

r Dissert. De
script. Eccles.
com. 1. pag. 645.

s Lib. 2. de
L. cap. 25.

t Ad ann.
CCCLXXXIV. n. 8.

adjungereque olim de Cordubensi ac seniore, ut audit, Isidoro dictis, Joannem Ægidium Zamorensem Franciscanum, qui innumera vidit & annotavit de Hispanis rebus, & in *Adversaria* sua adhuc inedita coniecit, non nisi duos Isidoros tractatu laudatorum Adversariorum sexto agnovisse laudasseque; nostrum scilicet Hispalensem seniore, ut vocat, alterumque, juniorem à se dictum, qui Pacensis est, qui ad Arabum in Hispanias irruptionem rerum in orbe gestarum memoriam continuavit.

110. Superfedemus & isto in loco amici nostri ac viri clarissimi D. Josephi Pellizerii regii chronographi sententiam de auctore hujus Chronici Isidoro alio Pacensi Episcopo in medium adducere & examinare, paullo post facturi lectoribus satis, quum de historia Gotthorum agemus. Celeberrimum sanè Isidorianum hocce Chronicon, quod cum *Chronologie* titulo Basileæ anno MDLXXVII. in 8°. Thomas Guarinus, fereque ante integrum seculum, anno scilicet MCDLXXIV. cum titulo *De temporibus*, ut apud Labbeum * legitur, alius ediderat, Notis suis illustrius Matrili cum *Sententiarum*, de quibus jam dicemus, libris, de novo publicavit Garfias Loaisa, cum Philippi III. dum adhuc pater magnus viveret, in literis magister esset, nondum sedi Toletanæ Ecclesiæ, quam postea obtinuit, initiatus. Deinde cum iisdem Notis in Matriliensi editione omnium operum, & in Breuliana Parisiensi prodit.

111. In bibliothecarum latebris y frequentia reperire est hujusce operis exempla. Quæ ad unum auctorem Isidorum nostrum omnia referri debent, quamvis in senioris & junioris Isidori nuncupationibus auctori attributis subsistant hæreantque viri docti, quorum in albo Joannes Vassæus est; qui tamen industriè se ab his vadis expedivit². Notà verò dignum est, quod Fredegarius Scholasticus, qui Gregorii Turonensis Episcopi continuavit historiam, Isidoriani hujus Chronici facta mentione vix de ejus auctore certum se esse ostenderit. Itaque (ait^a) B. Hieronymi, Idatii, & cujusdam sapientis, sive & Isidori, immoque & Gregorii (an Georgii, hoc est, monachi?) *Chronica à mundi origine diligentissime percurrens* &c. De Roderici autem Toletani testimonio ex libri 2. *Historiæ suæ De rebus Hispaniæ* fine, alibi, cum de Isidori Pacensis Chronicis agemus, lectorem monebimus. Attamen eo superior monachus auctor Chronici cujusdam adhuc manu exarati, quod *Exiliense* vulgus vocat, optimæ quidem fidei, sub Alphonso VI. sive sæculo undecimo conscriptum. qui auctor agens de Constantini Imperatoris rebus, quod in *Chronico* (inquit) *lucide declaratur, quod Isidorus Christi famulus Hispalensis Ecclesiæ Episcopus ab exordio mundi ad usque Heraclii Romani Imperatoris & Sisebuti Hispanorum religiosissimi principis tempus compendiosè scripsit*. Habemus nos editionem Italicam hujus Chronici cum hoc titulo: *Chronica de Sancto Isidoro minore, con alcune additione cavate del Texto & Istorie de la Bibia & del libro de Paulo Orofio*, &

de le Passioni de li Sancti. Editum fuit opus in civitate Friuli anno MCDLXXX. in 8°. Sed interpolat multa Isidoriano textui, continuatque opus interpret usque ad Frederici II. Imperatoris obitum annumque MCCL.

112. *De viris illustribus*. S. Braulio agnoscit *De viris illustribus librum unum, cui nos ista subjunximus*, nempe Isidori ipsius elogium. Hunc ad librum brevissimè auctor, ut solet, sic præfatus est: *Quamvis superius plurimi veterum tractatorum inter Græcos & Latinos scriptores doctissimi ammentur; tamen reor ipse etiam paucorum memoriam facere, quorum lectionem recolo me attigisse*. Matriliensi editio hanc primùm, nisi fallor, præfationem, atque item hunc librum XLVI. capitibus constantem dedit, qui alias xxxiii. tantum absolvitur. Nempe tredecim, totidemque auctores, Xystus videlicet Papa, Macrobius, Philastrius, Theodorus Mopsuestenus, Tyrannius Rufinus, Vergundus, Victorinus, Idatius, alter Idatius, Eusebius, Cerealis, Ferrandus, Petrusque, & Marcellinus, quos liber incerti auctoris Isidoro & Ildephonso appendi solitus comprehendit, in editione ista Matriliensi huic Isidori *De viris illustribus* libro initium dant, cæterisque xxxiii. editionum aliarum præponuntur. Excepto tamen quod quintum caput de Hosio est Cordubensi, decimum quartum de Marcellino. Quæ duo capita editiones aliæ in unum confuderunt. De Hosio & iis quæ de eo Marcellinus scripsisset consutum. Cætera conveniunt. Unde non jam opus erit, quare hunc anonymum, cum Isidorum possumus æquumque sit, laudemus. Quam restitutionem acceptam ferre Isidorus noster debet uni ms. codici *Montis-sancti* Galistæi oppidi Cauriensis diocesis, ut in Notis legimus viri doctissimi, cui liber hic fuit commissus, Joannis Baptistæ Perezii, Episcopi aliquando Segobricensis; cum autem de his ageret, adhuc Toletani canonici. Addidit idem Perezii Annotationes, quas Philippus Labbeus *doctissimas* vocat^b. Huic libro S. Isidori appensum à Braulione habemus ejusdem sancti viri elogium.

113. Editus est cum aliis operibus nec non & in collectionibus c eorum qui *De scriptoribus Ecclesiasticis* catalogos confecerunt; in quibus post Hieronymum & Genadium, tertius Isidorus, atque huic annexi Honorius Augustodunensis, & Sigebertus Gemblacensis monachus, ac tandem Henricus de Gandavo Tornacensis archidiaconus, conspiciuntur. Neque absque fructu erit moneri horum catalogorum lectores, Gemblacensi Sigeberto incognitum fuisse Isidori hunc libellum, æquè ac Honorii alterum; unde plures ab Isidoro dicti apud Sigebertum laudati etiam leguntur. Quod Suffridus Petrus Cartusianus in editione sua non semel observavit^d, confirmantque apud utrumque memorati Hosius Cordubensis, Julianus Pomerius, Proba Adelphi uxore, Possidius, Proterius, Eughipius, Fulgentius Ruspenfis, Justinianus Imperator, Martinus Dumienfis, sive Gallicienfis, Gregorius tandem Pontifex. S. Ildephonso verò appendicem cum suis

* In Biblioth. ib. ms.

y In Vaticana, nō fallor, cod. 698. ut in schedis Alph. Ciaconii legimus.

z In Chron. Hist. cap. 4.

a In prologo.

b In dissert. De script. Ecclesiæ. pag. 646.

c Auctore Suffrido Petro Cartusiano Colon. ann. MDCLXXX. Alberto Miræo Antuerpiæ MDCCXIX.

d In dedicatione epistolæ. & ad Genadium cap. 98.

luis rnantissis, Juliani, qui Ildephonfi, ac Felici, qui Juliani elogia formavere, de qua suo loco, ex editione Matritensi S. Isidori operum, omnes qui ab ea hos de novo recuderunt auctores, addidere. Exstare in schedis mss. hunc librum Isidori, tum Cantabrigiæ in collegio S. Benedicti, tum Oxonii in collegio Mertonensi scribit Vossius e.

e De H. L.
lib. 2. cap. 25.

114. De ortu & obitu patrum, qui in scriptura laudibus efferruntur, Braulione teste, qui ait: De ortu & obitu patrum librum unum, in quo eorum gesta, dignitatem quoque, & mortem eorum, atque sepulturam, sententiali brevitate subnotavit. Quæ verba is desumpsit ex præfatiuncula vel hodie huic libro præfixa. Meminit quoque Ildephonfus, atque item Sigebertus Gemblacensis, qui neque Braulionem, neque Ildephonsum viderat, ut ex collatione horum trium inter se auctorum planissime cunctis constare poterit. Ex novioribus idem opus nostro adjudicant Ferdinandus Perez de Guzman in *Valerio historiarum* sub Joanne II. Castellæ Rege elucubrato, Equilinus Episcopus f, Joannes Eifengreinius, Joannes Trithemius, Lipomanus, Surius, Philippus Bergomas, Possevinus, Andreas Schotus g, quem appellamus ante alios hujus scripti vindicem, quippe qui *De scriptis SS. PP. in dubium revocatis ac vindicatis* editurum se opus promisit h. Agnoscunt omnes Isidori editiones, & inter alias ea quæ antiquissima, ut reor, Hagenoræ prodiit apud Secerum MDXXIV. cum *De nativitate Domini, allegoriis, & proemiis*.

f Lib. 4. ca.
sal. 55. cap. 30.

g In Notis
ad catalog. Isidori,
De scriptis.
Eccles. vomo 2.
Hispan. illustr.

h In scholiis
ad Photii bi-
blioth. cod. 2.

115. Habent, inter alia, ejus opera codices antiquissimi manu exarati in bibliotheca Parisiensi S. Germani à Pratis. Vetusissimum ante annos DCCC. scriptum, in quo hic tractatus, cum aliis S. Præfatis libris, continetur, se vidisse testatur in epistola ad Henricum Valesium *De tempore quo primum in Gallis suscepta est Christi fides*, vir clarissimus Petrus de Marca Parisiensis antistes. Plusquam quingentorum annorum alium laudat Hieronymus Zurita in *Amalibus Aragonensibus*. Alius membranaceus annorum CCL. fuit in bibliotheca ms. Antonii Augustini, ut ex ejus apparet edito indice. In bibliotheca Casarea alius anno MCDLXXV. descriptus Petro Lambecio teste, viro eruditissimo. Duos alios antiquissimos codices ante oculos habuit is, qui Hagennensi, uti diximus, editioni præfuit. In Ambrosiana bibliotheca hic etiam cum aliis ms. asservatur. Octo non minus mss. libros contulit in emendando libello isto ad editionem Matritensem Petrus de Fuenti-duena Salmanticensis canonicus, de quo multis in bibliothecæ hujus posteriore parte.

i Lib. 3. Com-
men. de biblio-
thec. Casarea
cap. 8. cod. 57.
pag. 874.

116. Conspirant cum his veterum scriptorum ineluctabilia ferè testimonia, Bedæ in primis, qui sæculo octavo floruit, fereque centum annis post Isidori mortem ad superos & ipse abiit. Scripsit ille paullò ante obitum, teste ejus discipulo, qui magistri vitam elucubravit, *de libris Isidori Episcopi excerptiones quasdam*. Exstant quidem venerabilis viri etiam nunc collectanea, seu excerpta ex probabilissimis Ecclesiæ doctorum sententiis collecta, ut Xystus

Senensis ait *, volumine tertio ejus operum edita; quæ excerptiones illæ ex Isidoro conjectæ videntur: in quo libro quædam sunt iisdem verbis enunciata, quibus auctor utitur libelli nostri; præsertim capite *De divisione Apostolorum*, & quod S. Jacobus ad annunciandum Euangelium in Hispanias venerit. Auctor quoque sermonis *De Assumptione Mariæ Virginis*, inter sancti Augustini alios ab editionibus repræsentati, qui creditur Fulgentius esse Carnotensis, undecimi sæculi scriptor, de gladio qui Mariæ Virginis animam Simeone prophetante pertransire debuit, hæc habet: *Hinc & Isidorus, incertum, inquit, per hoc dictum, utrum gladium spiritus, an gladium significet persecutionis*. Legitur autem apud Isidorem in hujus libro cap. 67. aliis licet concepta verbis, eadem sententia. *Quod quidem incertum est utrum pro materiali gladio dixerit, an pro verbo Dei valido, & acutiori omni gladio ancipiti*. Ejusdem planè temporis testimonium est relictum nobis in monumentis Exoniensis in Anglia Devonienfis agri cœnobio apud scriptores monastici Anglicani i. Unde constat inter libros huic monasterio donatos à Leofrido loci Episcopo reperiri legique in donationis instrumento, quod Anglice prius atque inde Latine producit, *librum Isidori etymologiarum, & passiones Apostolorum*. quod ultimo dictum opus hic ipse, nec alius, liber est *de obitu patrum*. Obiit autem Leofridus, ut ibidem annotatum legitur, anno MLXXI.

* Biblioth.
sacrae lib. 4. in
Beda.

i Tomo 1.
pag. 221.

117. *Historia de Regibus Gotthorum, Wandalorum, & Suëvorum*. Quam nemo hætenus Isidori nostri Hispanensis esse in dubium vocavit. Braulionis certè præfatio seu *prænotatio in sancti doctoris opera*, seu mavis *vita* ejus, aut *elogium*, ab eodem Braulione formatum, ut, quem admodum inibi legitur, Isidori libro *De viris illustribus* subjungere, inter alia hoc opus agnovit. *De origine Gotthorum* (ait) & *regno Suëvorum & etiam Wandalorum historia librum unum*. Cui conspirant veteres libri omnes, nec dissentit ullus, prodiitque in lucem primum, ut credimus, ex bibliotheca Petri Pithæi cum libris XII. *Legum Visi-Gothorum* Parisiis apud Sebastianum Nivellium MDLXXIX. in folio. Quare nollem regum historicum, mihi quæ amicissimum, D. Josephum Pellizerium, hac tritissima nostrorum & exterorum hominum viâ relictâ, difficilem & avium calcare locum, ut nimis aliquando ingenio indulgere conjecturis solet, maluisse m. Cum ægrè, ac ne vix quidem, præstare possit, valida quamvis, & evitatu difficilia tela contorquens, hoc posse præscribi sæculo communi omnium præteritorum persuasioni, quæ Isidoro favet Hispanensi. At quia maximè huic, quæ nunc à nobis agitur, causæ interest impressionem viri sanè efficacis, ac præjudicatæ tot illustribus monumentis famæ, non indiligerenter excipere; age dum videamus quibus utatur machinis ad aheneum antiquitatis hunc murum impetendum.

118. Habet is uti certum, neque Chronicon, neque historiam hanc Gotthorum, Suëvorum, & Wandalorum, Isidori præfatis Hispan-

m In libro
vernaculæ lin-
guæ inscripto:
Maximo Obis-
po de Zarago-
za distinguendo
de Marco Man-
ge de Monte
Castro edito
Valenti
mccclxxi. in 4.
lib. 5. num. 29.

Hispalensis esse. Redditque suæ huius existimationis has causas. Prima est. S. Ildephonus in libro *De viris illustribus* Isidori opera recensens hominum non meminit. Secunda. Braulionis non est id, quo ad contrarium asserendum, vindicandaque Isidoro quæ verè ejus sunt, opera toties utimur, *elogium*. Nisi enim hoc admittamus, Ildephonsum eodem Braulione juniorem scriptorem, & qui ab eo haurire potuit Isidorum talia scripsisse, quomodo de silentio excusabimus? Accedit tertia, quam existimavit plusquam cæteras evincere rem, Isidoro Pacensis Ecclesiæ Episcopo, qui proximè sequenti sæculo, Mahometanis jam rerum dominis, in Hispania vixit, differatissimis verbis adscribi ab antiquissimo quodam scriptore, & in vetustissimo manu exarato codice, saltem Chronicon, historiamque Wandalorum & Suëvorum. Hic est Pelagius Ovetensis Episcopus duodecimi sæculi sub Alphonso VI. Rege Castellanorum & Legionensium scriptor, seu compilator potius cujusdam Chronici ex variis aliorum eo antiquiorum, quod ille rerum ad suum usque tempus gestarum perbrevis locupletavit augmento. Liber est penes Pellizerium ab ipsomet Pelagio, uti suspicatur, scriptus, quem & nos apud eum vidimus. Inscriptio hæc est: *Liber Chronicorum ab exordio mundi usque erà MCLXX. Præfatur inde auctor Pelagius: Charissimi fratres. Si Chronicam hanc, quam aspiciatis, bono animo eam legeritis, invenietis quomodo junior Isidorus, Pacensis Ecclesiæ Episcopus, sicut in veteri Testamento & novo legit, & per Spiritum sanctum intellexit, ita ab Adam usque ad Noë, & usque ad Abraham, Moysen, & David, & usque ad adventum nostri Redemptoris, & de judicibus & Regibus in Israël, & de Romanis regibus sive Imperatoribus, & de Evangelicis, & Alanis, sive & Suëvis Hispanis Regibus, sicut à majoribus & prædecessoribus suis inquisivit & audiuit, plenissimè scripsit. Et B. Isidorus, de quo nunc Legionensis gaudet Ecclesia, De Regibus Gotthorum à primo Athanarico usque ad catholicum Regem Wambanem Regem Gotthorum, prout potuit plenissimè scripsit. Hucusque is apud Pellizerium laudato jam loco.*

119. Sed aliunde scimus, ejusdem Pellizerii testimonio^a, ita Pelagium continuasse: *Et à prædicto Rege Wambane usque ad catholicum Pelagium Regem Gotthorum B. Julianus Toletanæ sedis Archiepiscopus, qui arcum cum sanctorum pignoribus, quæ nunc Ecclesia Ovetensis gloriatur, cum Rege Pelagio sæpius in Asturias transfudit, & sicut à majoribus & prædecessoribus suis inquisivit & audiuit, prout potuit plenissimè scripsit. Et à Pelagio Rege usque ad Adephonsum castum, & catholicum Regem Gotthorum Sebastianus Salmanticensis Episcopus, sicut à majoribus & prædecessoribus suis inquisivit & audiuit, plenissimè scripsit. Et ab Adephonso Casto usque ad Weremundum Regem podagricum Sampirus Ecclesiæ Asturicensis Episcopus, sicut à majoribus & prædecessoribus suis inquisivit & audiuit, de Gotthis Regibus, prout potuit plenissimè scripsit. Et à Weremundo podagrico usque ad Adephonsum Regem filium Raymundi Comitiss & Urracæ Reginæ Pelagii.*

Bibliotheca vetus Hispana Tom. I.

lagius Ovetensis Ecclesiæ Episcopus, sicut à majoribus & prædecessoribus suis inquisivit & audiuit, de Gotthis & Arragonensibus Regibus, prout potuit, plenissimè scripsit.

120. Hoc ex testimonio unum tantum è duobus quæ assumpsimus comprobari videtur, Chronicon haud Isidori esse Hispalensis Episcopi, sed alterius Isidori Pacensis; alterum verò, scilicet nec ejusdem esse *Gotthorum historiam*, adeò non probatur, ut ejus eam esse clarissimè hinc doceamur. *Et B. Isidori, de quo nunc Legionensis gaudet Ecclesia* (inquit, ad translationem sancti ejus corporis ab Hispali ad urbem usque Legionensem tempore Ferdinandi I. cognomento Magni, Alphonso VI. patris, respiciens) *de Regibus Gotthorum à primo Athanarico usque ad catholicum Regem Wambanem &c. scripsit.* In quibus verbis, quod de historiæ continuatione usque ad Wambanem Regem prodidit, Isidoro Hispalensi adscribens, errorem intolerandum continet. In quem non minus incurrit epistola Adephonsi Regis Magni, quam Sebastiano directam Salmanticensi Episcopo præambulam is voluit cujusdam à se formati Chronici, de quo postea dicemus: quam in editione Dulcidiani à se publicati Chronici Pellizerius in lucem protulit^o. Isidorus enim Hispalensis obiit anno DCXXXVI. Wamba autem non ante annum DCLXXII. inauguratus fuit Rex Gotthorum.

121. Jam, ut apparet debiliora hæc esse quam ut rem tantam conficere, hoc est Chronico suo Isidorum Hispalensem spoliare possint, argumenta hæc tria, hinc ab ultimo ordiemur; contententes hoc Pelagii testimonio abdicantis Isidoro Hispalensi Chronicon, & Suëvorum & Wandalorum historiam, atque Isidoro Pacensi adjudicantis, nihil enorme magis & exotum (quod pace doctissimi nobisque charissimi capitis dictum volumus) inveniri potuisse. Nullam enim prorsus in hac parte præstandam esse fidem auctori huius, præliminaris epistolæ (qui nec Pelagius forsitan Ovetensis, sed alius est) nec ipse Pellizerius inficiari debet; apud quem cæterorum omnium ejusdem epistolæ circa Chronicorum, quæ in unum ibi compilata sunt, auctores enunciatorum omnino decoxit fides.

122. Primò namque Isidorum Hispalensem, quod paullò ante annotavimus, putat epistolæ auctor usque ad Wambanis, qui tot annis post ejus obitum potitus fuit rerum Hispanarum, tempora, historicum egisse. Secundo B. Julianum Toletanæ sedis Archiepiscopum à prædicto Rege Wambane usque ad Pelagium, primum Sarracenorum dominatorem historiam continuasse. Quod quidem absurdissimum est mendacium: revera enim S. Julianus res Wambanis in Gallia gestas tantum literis mandavit, uti Felix in ejus vita scriptum reliquit^p. Immo ipse Julianus tertio Egicanis Regis anno, Christianæ salutis DCXC. vitæ concessit. quod idem affirmat Felix. Tantum abest ut ad Pelagii Regis potuerit etiam tempora stylo pertingere. In quo Pellizerius noster^q, epistolæ vitia dum recenset, minus quam solet perspicaciter vidit.

Kk

123. Ter-

^o B regione ipsius Chronici primo folio.

^a In alio libro. *Chronica de España de Dulcidio Obispo de Salamanca con observaciones.* Batcinone MDCLXIII. nu. 4. in observaciones fol. 15.

^p Appenditur *viris illustribus* Isidori, & Ildephonsi post appendiculam Juliani.
^q In observ. prædictis ad Dulcidii Chronicon fol. 16.

123. Tertiò, huic Juliano, qui tot ante annos ad superos abiit, sanctorum Hispaniæ reliquiarum exportationem in Ovetensem Ecclesiam unà cum Pelagio procuratam, epistola tribuit; cùm certè *Urbanus*, ille dictus fuerit, non *Julianus*, præsul Toletanus, qui huic translationi præfuit, ut apud Roderici historiam lib. 4. cap. 3. legitur, cujus etiam Urbani per id tempus invasæ ac debellate à Machometanis Hispaniæ doctrina & sanctitate florentis, Pacensis Isidorus in ea, quæ certò ejus est, epitome historiarum meminit. Pelagius autem, sive alius, qui Salmanticensis Episcopi Sebastiani iis quæ de Weremundo scribebat, relationem, tamquam pictacium importunissimè assuere voluit^r, *De arca reliquiarum è Toletò in Asturias translata*, qui Julianum pro Urbano hunc pium sacrorum pignorum exportatorem vocare visus fuit, in vitio cubat, rectèque lectioni restituendus est: quod ante nos Ambrosius Morales observavit^s.

124. Quartò, ibidem tribuitur Sebastiano Salmanticensi, quem nuper appellavimus, continuatio rerum Hispanicarum à Pelagio usque ad Adephonsum cognomento Castum, hujus nominis secundum, in quo & labi eum Pellizerius existimat^t, cùm hæc pars verè auctorem habeat Adephonsum III. aliàs Magnum, Legionis Regem, qui ad Sebastianum eam direxit. Huic uni epistolæ tot fædæ erroribus, totiesque in designandis Chronicorum, quæ laudat, formatoribus aberranti, nullo quidem jure contendit Pellizerius fidem aliquam in Isidoriano Chronico ab Hispalensi in Pacensem transferendo, priorique illi Wandalorum & Suëvorum abjudicanda historia nos præstare. Præterea non æquo jure nobiscum ab eo agitur, pertendente constare sibi ac veritati epistolam in asserendo Pacensi alteri Isidoro alterius Hispalensis existimato ad hunc diem Chronico; sibi autem non constare in adscribenda eidem Hispalensi nostro (quod Pellizerius inficiatur) Gotthorum historiâ.

125. Habemus enim Braulionem utrumque, opus inter nostri alia recensentem. Qui enim approbavimus non scripsisse hunc eam prænotationem S. Isidori librorum, quod in animum sibi prius inductum alterum adversus possessionem Hispalensis telum Pellizerius vibravit? Primum (ita est) *Prænotatio* ista in editione Matritensi lucem vidit; sed ex antiquis libris^u, quos optimæ notæ consuluerunt hi qui apud nos curam editionis habuerunt. Stylus quoque, istius quâ vixit Braulio, ætatis auctorem prodit; nec dissimilis est ab eo, quo scripta ab eodem Braulione habemus, cùm vitam S. Æmiliani^x, tum hymnum in ejusdem laudem, quod breviario Gotthico sive Isidoriano insertum legitur, & epistolas, quæ cum Isidorianis editæ sunt. Quale autem illud est, quod ex adverso nobis opponitur? Braulionem, si auctor esset *Prænotationis*, minimè accommodaturum (in more enim hoc non habent Christiani encomiastæ) Sancto Isidoro ethnicum illum seu philosophicum, ut vocat, elogium, quod

nempe Tullius de M. Terentio Varrone *Questionum* primo libro *Academicarum* usurpat, & superiori capite adduximus; Braulionis sanè ipsius studia & genius convincunt planè uti eum potuisse disciplinarum sæcularium testimoniis, quas in præfatione vitæ S. Æmiliani ex parte se attigisse modestè agnoscit; nec minùs in usu habuisse; qui in eadem vitæ præfatione utitur versu isto cujusdam (ut ait) veterum poetarum:

Hoc opus, hoc etenim forsam me subtrahet igni. Appositissimum præterea est, Isidoroque applicari sanctissimo Christianorum Varroni prorsus dignum vetus illud, Romano olim dictum à Cicerone; par utriusque studium indagandarum originum^y, par & circa idem argumentum sese prodens doctrina.

126. Nec urget, quòd S. Ildephonsus horum operum, tam Chronici quàm historiæ mentione cæterorum Isidori operum non auxerit catalogum. Unde duo sibi Pellizerius exculpit, quæ nobis opponat. Alterum est, non prætermisurum Ildephonsum laudare talia opera, si Isidorus auctor eorum esset, quæ eo plausu pretioque tunc temporis, quo recens scripta fuerant, excipi debuere, quo vel nunc habentur. Alterum est, Braulionis non esse *Prænotationem* superius laudatam inde etiam colligi, quòd cùm Braulio præmortuus Ildephonso fuerit, & post illius mortem libellum Ildephonsum suum *De viris illustribus* (quorum & ipse Braulio pars est) ediderit, non potuit non Ildephonsum ex Braulionis hac *Prænotatione*, si ab eo scripta esset, utriusque hujus tam utilis commentarii notitiam haurire, atque ad elogium Isidori suum derivare. Cùm ex contrario Ildephonfi silentium, tam Isidorum, ut hisce libris decedat historicis, quàm Braulionem ut *Prænotatione* ista, constringere videatur. Quibus tamen deterri non debemus. Facile enim contingere potuit brevissimam hanc *Prænotationem* in schedis Braulionis relictam ad Ildephonfi manus ante scriptum Isidori elogium non pervenisse. Cùm neque etiam omnium Isidori operum notitiam ille habuerit. Certum enim est de pluribus eum tacuisse, quæ certè illius sunt; puta libello *De viris illustribus*, duobus *De officiis Ecclesiasticis*, necnon quibusdam epistolis.

127. Dispulsis Pellizerii contra veterem Isidoro Hispalensi propitiâ, suisque viribus satis armatâ, persuasionem machinationibus, jam videamus, quòd hinc ille abiens mentis ictum injecerit. Fortè ingenuum æquè ut doctum hominem sic urgebimus, ut & abscedere isthinc, ut ab iniquo loco, satius ducat. Varius quidem ille, neque judicii constans, tam Isidoro Pacensi^y, cum Pelagii suo codice, quàm^z Isidoro alteri secundo Hispalensi, & Cæsar-augustano Episcopo, hætenus ignoto, Chronicon asseveranter; historiam autem Gotthorum Cæsar-augustano Episcopo Maximo, a ex conjectura tantum adscribit. Quam posteriorem partem in Maximi rebus disquirendam nunc relinquentes, de Chronici hoc gemino auctore pauca dicemus.

128. Ifi-

^r Uti est in editione Sandovalis Pamilonensis pag. 30. Quamvis non uti Sebastiani assumptum, sed uti Sampiri textum agnovit Morales lib. 12. cap. 71. fol. 206.

^t In iisdem observat. ad Dulcidii Chron. fol. 14.

^u Ita in Notis ad librum *De viris illustribus* Isidori, cui hæc prænotatio subjicitur, affirmavit Joannes Bapt. Perezus. ^x Editæ est in commentar. Bivarri ad Maximum pag. 475.

^y In lib. de Maximo Cæsar-augustano fol. 29. vers. paginâ.

^z In observat. ad Dulcidium fol. 16.

^a Libro de Maximo fol. 24.

128. Isidorus equidem Pacensis Episcopus, cui Pelagii Ovetensis codex ms. & huic plus æquo fidens Pellizerius, Chronicon Isidorianum attribuit, ipse Isidorus est Pacensis, cujus exstat *epitome Imperatorum & Arabum* à Prudentio Sandovalio edita^b cum cæteris Hispaniæ antiquis aliorum Episcoporum Chronicis. Quod opus confer, sodes, lector cum Chronico; & ipse tibi facillimo negotio ejusdem non esse auctoris utrumque persuadebis. In Chronico enim nihil est quod scabrositate & barbarie Latinas offendat aures; sed omnia ævum doctrinæ & facundiæ subactum redolent. Epitome verò plena est iis ubique verborum & orationis vitiis, ea barbari jam sæculi, & sub Maurorum dominatione gementis Hispaniæ vestigia passim ostendit, ut qui cum Chronico velit comparare, atque ad eandem scriptoris manum utrumque opus referre, profectò is omnem sibi prius abjudicare Latini sermonis sensum debeat. Immo injuri sumus, quum magis favemus eidem Pacensi, qui ipse adversus blandientes sibi, testimonium pro suo Chronici auctore S. Isidoro luculentissimum reddit. Loquens enim de anno nativitatæ Christi versus finem epitomes, quum epochas colligit, & *anno præfato* (inquit) *Octaviani XLII. Christum natum secundum historiam Ecclesiasticam domini Eusebii Cæsarensis Episcopi in libro 1. erà VI. vel nunc secundum Chronicam Domini Isidori adseverant* &c. Qui quidem XLII. Augusti Octaviani annus in Isidoriano vulgari Chronico huic almo natali assignatus legitur^c.

129. Non puto desideraturum ulterius quid claritatis aut fidei Pellizerium nostrum; ut Pelagio Episcopo suo, aut ejus, ut arbitror, prælocutori, dicam erroris, & inflicte Isidoro Hispalensi offensionis impingat. Nisi Pelagii tot sæculi posterioris affirmationem præ Isidori Pacensis ferè Hispalensi æqualis habeat. In qua eadem navi Alphonsum vehi Regem Magnum, laudatæ prius epistolæ ad Sebastianum Salmanticensem auctorem, non temerè dixeris. Omittimus in præsentiarum examini subicere distinctionem duplicis Isidori, quorum alterum *Pacensem*, alterum *de Beja*, vocat doctus vir (quasi diversæ sint Ecclesiæ *Pax* & *Beja*) proprio loco discutiendam.

130. Quisnam verò alter ille est Isidorus Hispalensis, qui pellexit ad se mentis aciem viri aliàs oculati & sagacis, cum à sanctissimo hujus Ecclesiæ antistite profectus esset? Remittit quidem se is pro hujus quæsitæ solutione ad ea quæ dicturus fuit, cum in observationibus ad Dulcidium istis, ad seriem Gotthorum, qui unus ex titulis sive partibus illius est, accederet; quò editæ quæ sunt hætenus non pertingunt. Hispalensis certè Ecclesia non alium cognoscit, facilève admittet Isidorum inter suos Episcopos: quod verò ad Cæsar-augustanam pertinet, ipsa viderit. Habemus planè adducta recens Isidori Pacensis verba, qui altero post Hispalensem floruit sæculo; quæ quidem non alium ab eo, qui celebratissimus erat Hispanorum scriptor, dominique ob venerabilem viri famam com-

Bibliotheca vetus Hispana Tom. I.

pellatione præ quolibet alio dignus, Isidorum significare posita nemo sanus neget.

131. Dicam semel quod res est, & ansam dedit nostrorum recentis ævi historicorum frequentibus in laudandis Chronicis veterum horum Episcoporum æquivocationibus. Horum nempe omnium hoc fuit propositum, ut his quæ jam ab alio descripta essent, ea tantum adjungerent quæ ad suum usque ævum in Hispania contingere. Sed ne, eo membro tantum historiæ à se formato, reliqui à legentibus artus caputque maximè desiderantur, initio ducto ab Isidori Chronico, quod res omnes mundanas usque ad Sisebutum continet, subjunxere unusquisque, uno atque eodem filo historiæ veluti ducto, tum quæ Ildephonsus, si id admittimus, & quæ Julianus Toletanus antistes usque ad Wambanem, tum quæ alii telam prosequentes ante se conscripserunt. Qui codices ita ex variis variorum compacti historiis, unum tamen compilatoris, & ultimi continuatoris, sive ab eo, sive ab aliis nomen & nuncupationem in fronte fortiebantur. Puta Sebastiani Salmanticensis is codex, quem Sebastianus; Pelagii Ovetensis alter is, quem Pelagius, cum sua quisque eorum continuatione, descripserunt. Quos cum separatos vidissent codices primi, qui eos in schedis mss. consulere, faciliè decepti sunt, existimantes unumquemque eorum Episcoporum codicibus inscriptorum non postremam Chronicorum illam partem seu continuationem, sed integram à principio rerum, aut saltem post Isidoriani Chronici tempora reliquam telam pertexuisse. Unde est quòd Ambrosius Morales, qui ante alios his Episcoporum Chronicis fuit usus, sæpius de iisdem rebus & Regibus loquens duos trèsvæ eorum in testimonium adducat, quasi de iisdem omnes rebus ac tempore scripserint. Sed quia de his quæ decerpit Ambrosius Morales, & laudavit, Episcoporum Chronicis opportunior nos exspectat locus, cum ad Isidori Pacensis res commentarius noster appulerit, videamus jam quisnam *historiæ Gotthorum, Wandalorum, Suëvorum* auctor Pellizerio fuisse videatur.

132. *Gotthorum historiam* suspiciatur^d eandem fuisse cum ea quam scripsisse Maximum Cæsar-augustanum S. Isidorus annotavit^e. In quam conjecturam faciliè descendit, ex quo Isidori non esse opus præjudicio quodam sibi persuasit. Nec non ut Pseudo-Chronicon hoc sæculo vulgatum, quod Maximi auctoris titulo sese venditat, subrogato eo quod germanum putavit loco isto, quem credulorum hominum facilitate non contemnendum occupavit, facilius deturbaret. Sed nihil nobis usque dum necessitatem injicit quærendi alium historiæ Gotthorum auctorem, cum Isidoro hanc apertè, unà cum Wandalorum & Suëvorum Braulio, & persuasio vulgaris omnium, tribuat. Nec tanti sit, ut vidimus, ea præfatio ms. codicis historiæ Pelagii Episcopi Ovetensis, ut Isidoro Pacensi, & hanc Gotthorum, & aliarum gentium historiam adscribamus, cui præfatio illa non minus quàm Chronicon adscribit. Satis enim jam debilitata manet hujus fides, quæ revera Isidorum ju-

^d In *Maximo Cæsar-aug.* lib. 1. num. 29. & 32.

^e *De viris illust.* seu *De script. Eccles.* cap. ult.

K k 2

nio-

^b Pampilonæ in folio.

^c Principio vi. ætatis.

norem Pacensem Episcopum, evo, sermone, operibus ab Isidoro Hispalensi toto cælo diversum, non eo iudicio, quo res pertractari debuit, distinxisse videtur. Stylus enim historie huius cum stylo Chronici, cæterorumque Isidori operum, & cum genio ejus, quo sanctissimus scriptor floruit, evi, maxime convenit. Pacensis autem barbariem tam longè post se relinquit, ut in proverbio est f,

f Philletis de animalibus Græci scripti apud Erasmum in Adagij.

ὅς ἀνέπικος τὰς ἀνέπικος τὰς ἐμπικὸς νύξ

Quantum aquila culicem vincit ala præperi.

133. Esto igitur Isidori nostri unus & idem liber, ut ex Braulione colligimus, harum trium nationum historia. De origine Gotthorum (ille ait) & regno Suëvorum, & etiam Wandalorum historia librum unum. Similiter auctor in præfatione ad Sisenandum Regem: Quia de origine Gotthorum Hispanorum (sic lego conjunctim) Suëvorum, Wandalorum, & Alanorum, & qualiter rexerunt Hispanias, sibi fieri notitiam postulasti &c. Quam editam in Tudenis Lucæ Chronico initio libri secundi, quartum Hispaniæ illustratæ volumen exhibet g. Neque resistat aliquis adhuc, eo quod de Hermenegildo principe ita loquatur auctor h. Hermenegildum deinde filium imperiis tyrannizantem, obsessum (Leovigildus) exsperavit. In quo sibi crucem frustra figunt, qui de Christi martyre, eoque ex sorore nepote, Isidorum non tyrannidis verbo usurum existimat.

g Pag. 40.

h Erā dcvr.

i Lib. 2. cap. 34. k In præfat. ad lect. suæ Matrit. edition.

134. Excusat enim exemplo è Roderico Toletano i, qui hunc locum excerpisse videtur, Joannes Grialius k. Sed cum non inde sequatur Isidori historiam esse, quod vindicare debet (potuit enim Rodericus, quin pro Isidoriana haberet, verba exinde ista sumere) convenientius est, ut Isidorum tueamur usitatâ vocabuli, tam apud Græcos quàm apud Latinos, acceptione, qui regis & tyranni nomine promiscuè usi sunt. Tyrannum pro iusto principe à Platone positum annotavit Bessarion Cardinalis lib. 4. Adv. calumniatorem Platonis cap. 10. idem ex Aristotele, ejusque Isagoge à Boëthio versâ, confirmat Loënsis lib. 5. Miscellaneorum cap. 1. Virgilius lib. VII. v. 266.

Pars mihi pacis erit dextram tetigisse tyranni. Horatius lib. 3. carm. 17.

Littoribus tenuisse lyrim

Ladè tyramus.

Avienus in descriptione orbis v. 665.

Hanc super est tellus Ithaci vetus aula tyranni. Plura dabunt exempla Vossius in Rhetorica l, & Dausquius ad Silium Italicum m. Pro omnibus tamen, ad rem Isidori habeo Joannem Biclarensem, qui non aliter loquutus fuit de Hermenegildo anno III. Tiberii Imp. Filius ejus Hermenegildus factione Gostvinibæ Regine tyrannidem assumens in Hispali civitate rebellionem facta se recludit. Improbavit fortasse principis factum Biclarensis, qui tunc in Hispania florebat, quamvis à Rege hæretico malè multatus, ut supra diximus.

l Lib. 1. pag. 39. m Lib. 4. pag. 194.

135. Surgit autem ex adverso alius, vero haud simile esse Isidorum omisisse Hermenegildo principi testimonium tribuere, cum tam idoneè posset, martyrii. Grialius suspicatur deesse aliquid huc pertinens. Quicquid sit de omissione ista, qualiscumque fuisset historie

auctor, dummodo catholicus, expostulari dignus est. Ea tamen brevitate constat opus, ut summa tantum capita, quæ ad res gestas Regum pertinent, attingere voluisse videatur. Certè has omnes historias Isidori nomine inter opera in omnibus editionibus legimus, prostantque post veterem Parisinam editionem, cujus supra mentio facta fuit, in Hispaniæ illustratæ semel volumine 3. n iterumque in Chron. Lucæ Tudenis lib. 2. volum. 4. Necnon à Philippo Labbeo editæ sunt longè audiores, ut ait, & emendatioræ hætenus editis, ex codice ms. collegii Claromontani Parisiensis societatis Jesu, in novæ bibliothecæ manuscriptæ volum. 1. o cum præfatione quadam, in aliis editionibus non apparente, eaque legi dignissima, De laude Spaniæ. ita enim illius ætatis homines loquebantur.

n Pag. 247.

o Pag. 61.

136. Quas quidem tres editiones non parum alias ab aliis discrepare observavimus. Prima illa, quam ex editione alia præcedenti, ut existimo, Petri Pithœi, harum historiarum & codicis legum Wisi-Gothorum, Joannes Pistorius 3. voluminis scriptorum Hispaniæ illustratæ compileret descripsit, ita incipit: Gotthorum antiquissimum esse regnum &c. Apud Tudensem sic: Gotthorum antiquissima origo de Magog &c. Labbeana, hoc est, ultima trium editionum, quarum meminimus, paullo aliter: Gotthorum antiquissimam gentem certum est, quorum originem quidam de Magog &c. quæ quidem absolvitur capitulatione quadâ de Gotthorum rebus gestis ac virtute; quæ quidem apud Lucam Tudensem initio historie Gotthorum collocata sunt. Pithœana quoque editio ad eam pertingit DCL. hoc est ad Sisebuti Regis mortem; Tudenis & Labbeus Svintilæ successoris elogium adjungunt, & hic postremus Riccimiri mentionem, quem parens Svintila socium sibi regni delegerat, de quo altum aliàs silentium. Eadem inter duorum Regum memoriam differentia est Chronici ab etymologiis quod jam de hoc opere agentes notavimus. Wandalica non minus differt Pithœanæ editionis historia ab aliis duabus, saltem in principio. Suëvica ubique eadem est. Unde colligi æquum est exscriptores in describendis his S. Isidori monumentis mirè sibi indulgisse. Planè monachus anonymus scriptor Chronici quod Exilienfè vocat sæculo undecimo, ubi de Paullina adversus Wambam rebellionem loquitur, magnum errorem admisit, Isidori historiam hanc in testimonium adducens, qui ante Wambanis imperium decesserat, cujusque non utique, sed Juliani Toletani præfatis ea est quam innuere voluit relatio. Verba Exilienfè monachi: Scripta sunt in libro B. Isidori, quem inter alios quatuordecim à se editor, de Wandalorum, & Suëvorum, Gotthorumque gestis diligenter composuit. Quæ quidem aliàs reprehendenda in Julianæ ab Isidorianis non distinguendis, quæ simul atque eodem quasi textu scripta habuit, in id saltem adduximus, ut has historias Isidorum confecisse undecimo credi, ac certum haberi, sæculo confirmaremus. Nec indignum observatione est, quod quatuordecim tantum libros Isidorum scripsisse referat.

137. Sententiarum libri III. Braulio quidem tres:

tres : Ildephonſus *librum* expreſſit . *De ſummo bono* id etiam opus aliquando nuncupatum , ab his illius primis verbis , ut Hebræi ſolent , *Summum bonum Deus eſt* . Quem titulum Pariſiis apud Joann. Peticum ſortitum fuit anno MDXIX. in 12^o . & apud Petrum Rainauld MDXXXVIII. Quomodo nuncupatum exemplum exſtat in bibliotheca canonicorum Lateranenſium S. Joannis in viridario Patavii , Thomasino teſte in *Bibliotheca Patavina* ms. & alterum in cœnobio S. Franciſci Pincianæ urbis , uti reſert Morales in ſuo libro ms. *Del ſanto viage* . Sed ſecundum ſententiarum librum laudaverunt patres Toletani Concilii viii. decretorumque omnes collectores , & mss. codices p non alio appellant opus nomine ; quod exſtat & in Ratramni *De prædeſtinatione* lib. 2. 9 & *Chronico Fontanellensi* , quod Lucas d'Acherius edidit , & in Jonæ Aurelianenſis lib. 1. *De inſtitutione laicali* cap. 10. apud eundem .

138. Pluribus veteribus manu exaratis libris uſus eſt ad correptionem atque editionem Garſias Loaiſa , quæ Auguſtæ Taurinorum unâ cum Chronico , & ad utrumque opus doctiſſimis ejuſdem Loaiſæ Notis , anno MDXCIII. in 4^o . procurata fuit , indeque Matriti & Pariſiis iterum tertioque præſentata . Gotthicos duos codices præſertim is laudat , alterum Eccleſiæ Toletanæ erâ CMLIII. exaratum , qui etiam nunc ibi aſſervatur , ut ex catalogo , qui penes me eſt ms conſtat ; alterum adhuc iſto antiquiorem Ovetenſis collegii Salmanticæ . Ambroſius Morales in *Itinere* ſuo ſe vidiffe teſtatur duos alios in monaſteriis S. Facundi , & S. Iſidori Legionenſis . Eſt etiam exemplum quoddam in Ambroſiana bibliotheca . Magna ex parte hoc opus conſtat ex S. Gregorii ſententiis ; ſed & Auguſtino , & aliis utitur . Quod quidem prodiſſe Lipſiæ anno MCDXCIII. & Venetiis MDLXXXIII. Geſneriana monet epitome .

139. *Myſticorum expoſitiones ſacramentorum* , ſeu *Quæſtiones in vetus Teſtamentum* . Scilicet in quinque *Pentateuchi* , *Joſuæ* , *Judicum* , *Regum* , & *Eſdræ* libros . Ildephonſus : *Sacramentorum expoſitiones ſacramentorum* , qui dicitur , *Quæſtionum liber* . Braulio : *Quæſtionum libros* duos appellat . Joannes Grialius videtur diſtinguere ; ſed nulla , ut credimus , congrua ratione . In *Pentateuchum* inſcriptum habent codex bibliothecæ Mediceæ , teſte mihi Spizelio ^u , aliſque S. Iſidori urbis Legionenſis , quem vidit Morales ^x . Ibidem ſeparatum eſt in alio codice , quod ad libros *Regum* pertinet . Eadem eſt , ut credo , *explanatio in hiſtoriam divinæ legis* , ſaltem ea pars quæ *Pentateuchum* exponit , cujus cum titulo iſto libri mentionem reperi in ſchedis Alphonſi Ciaconii , quæ Romæ in cœnobio S. Iſidori Minorum fratrum Hibernorum à Luca Wadingo eò illatæ , cuſtodiuntur , quas Rever. Pater Franciſcus Haroldus *Amalium Franciſcanorum* continuator , doctus vir & mihi valdè charus , benignè oſtendit . *Quæſtionum* titulum in uno Olivæ monaſterii codice Grialius reperit ; cum octo ille non minùs

libris manuſcriptis uſus ſit in emaculando iſto opere . In Ambroſiana bibliotheca Mediolanenſi legitur ms. codex ſuper *Pentateuchum* , *Jeſu Nave* , & *Regum interpretationes* S. Iſidori inſcriptus . *Gloſſam* (ita vocat) Iſidori ex hoc libro ad illud 4. *Regum* 2. *Aſcende calve* , puerorum Iſraëliitarum ad Eliſcū , laudat Raimundus Martini Dominicanus xiii. ſæculi ſcriptor in *Pugionis fidei contra Judeos* 2. part. cap. 3. §. 12. Quædam ſcilicet Iſidorus perſequitur in opere iſto , ex iis quæ in Scriptura figuratim dicta vel facta ſunt , & ſunt plena myſticis ſacramentis , ut ipſe ait ^y . Nam quæ ad literam pertinet , jam aliàs contexuerat , ut infrâ dicemus .

140. Vir doctiſſimus Joannes Grialius animadvertit primus , opus hoc , ut creditur , Iſidorianum vagari jam cœpiſſe , non ſolùm inter Bedæ , ſed etiam inter S. Eucherii Lugdunenſis Episcopii , S. Auguſtini æqualis opera . Ita eſt revera . Nam quæ Eucherio falſò tribuuntur in *libros Regum commentaria* literalia , & myſtica , ſeu allegorica , quæque fortasſe Bedæ ſunt , quicquid allegoricum literali enarrationi ſubjectum habent , eadẽ ipſæ ſunt *myſticorum ſacramentorum* Iſidorianæ *Expoſitiones* , ex quibus auctor ſubtemen telæ ſuæ fecit , ut hiſtoricum ac myſticum ſenſum ſimul in eodem commentario haberet . Diximusque Bedæ videri hoc opus , niſi aliud detur nobis Anglus eo ſuperioris , hoc eſt ſeptimi ſæculi ſcriptor , his ejus commentarii verbis credentes , quæ tum Eucherianam inſcriptionem planiſſimè falſam convincunt , tum hujus , quam poſuimus ætatis , auctorem produunt . Ad lib. 3. *Regum* illud cap. 7. *Et quatuor roſæ per baſes ſingulas* , &c. *Rota baſibus* (inquit) *ſuppoſitæ ad portandum lutem templi à terra ſuſtollebant* . Cum noſtris nuper temporibus B. Papa Gregorius euangelicis roboratus eloquiis Romanam rexit Eccleſiam . *Rota eadẽ curribus Dei ſubnixæ longè portabant* , cum reverendiſſimi PP. Auguſtinus , Paulinus , & ceteri ſocii eorum iſdem euangelicis confirmati eloquiis , jubente illo , *venere Britanniæ* , & *verbum Dei incredulis dudum commiſere gentibus* . Ad quæ advertere debuerunt qui editionem Eucherii Romanam (Manutii credo anni MDLXIV.) & quæ ab illa emanarunt , procuravere . Satis verò his indicatur verbis Britannum de Gregorii Magni , & Auguſtini Britannicæ Apoſtoli , hoc eſt de ſuo ferè ſæculo , ſcriptorem loqui . Quod cui tribuendum ſit , ſi à Beda diſceſſeris , qui non ampliùs uno ſæculo poſt Gregorium floruit , haud facilè invenias . Nec parum confirmat quæ de Anglo auctore tradita ſunt id quod de Tyle inſula ad Britannicæ ſeptentrionem poſita , occasione retroactæ umbræ in horologio Achaz Regis ab Iſaiâ propheta cap. 20. lib. 4. *Regum* , quaſi ab auctore rei gnaro , atque ab inde venientibus certiore facto , referuntur . Hæc per transfennam de Pſeudo-Eucheriano iſto opere Iſidori myſticis gemmis diſtincto .

141. Bedæ etiam operibus contribui ſolent *Quæſtiones in Geſen* , reliquoſque *Pentateuchi* , atque iem in *Joſuæ* , *Judicum* , & *Ruth* ,

y In præfat.

p Vide Loaiſam in Notis , in principio .

q Pag. 75. & ſeqq. in editione Eorum qui ſæculo ix. de prædeſtinatione ſcripſerunt .

r Tomo 3. Spicileg. pag. 221.

s Tomo 1. Spicil. pag. 27.

t In Notis ad lib. 1. cap. 19. lit. R.

u In Arcanis bibliothecar. reſeratis pag. 97. x Reſert in lib. *Del ſanto viage* .

Ruth, necnon & in quatuor *Regum* libros, quæ volumine eorum operum octavo editas leguntur. Eæ tamen, si *Genesin* demas, nil aliud continent, quàm Isidorianas, quibûsde loquimur, *Expositiones*, exceptis brevissimis præfationibus in singulos biblicos libros. Quas quidem ab alio esse auctore inde colliges, quòd in ea, quæ Deuteronomio præponitur, auctor annotat, quosdam ex Hebræis, pro quinque *Legis*, nonnisi quatuor libros agnoscere; quia *Deuteronomium* (ait) *repetitionem eorundem præcedentium quatuor librorum*, & *quasi quoddam legis mediatorium dicunt*. Quæ eadem verba primo statim capite repetuntur, quam vix commississet tautologiam auctor, si præfationis idem auctor fuisset. *Genesin* autem aliâ formâ enarratus ibidem legitur; nempe explicationibus literalibus & allegoricis ex Augustino, Ambrosio, Gregorio, sæpiusque ex Isidoro desumptis; quem quidem, aut alios, disertè vocat quandoque & sub titulo *Recapitulationis*, seu *Recapitulationis spiritualis*, quo nonnisi Isidorianas has *Expositiones* intelligit.

142. Quid ergo dicemus? Bedam, seu alium hujusce, quâ *Genesin*, formæ commentario cæteros percurrere libros proposuisse, nec tamen ulterius promovisse? Sic videtur. Nam quæ sequentes libros enarrant, Isidori nostri, vel ipsius Bedæ testimonio, sunt. Theophilus Raynaudus in opere *De bonis & malis libris*², quem Placcius² sequitur, non ita distinctè de his loquitur, sed omnino Bedæ adjudicat. In bibliotheca monasterii de Spina Cisterciensis ordinis apud nos, insigne volumen est *Expositionis super Pentateuchum*, sive catenæ ex diversis, plerumque ignotis, auctoribus, quos inter sæpius Isidorus (ex his ut credo commentariis) adducitur^b. Falsò autem existimavit^c, ne id omittamus, Ambrosius Morales hoc *Mysticorum sacramentorum*, sive *Questionum* idem esse opus cum altero *De summo bono*. Nec minus omiserim, quòd quidem *Prologus in Machabæorum libros*, Hieronymi operibus contribui solitus, Isidori esse dicatur à Roberto Cocco Anglo, ut refert Vincentius Placcius *De scriptor. pseudonymis* pag. 209.

143. *Allegoriarum quarundam sacræ Scripturæ* liber. In hoc opere Isidoro Hispanensi asserendo Braulionem ducem sequimur, qui ait eum scripsisse *De nominibus legis & Evangeliorum librum unum*, in quo ostendit quid memoratæ personæ mysterialiter significant. Quod germanum argumentum operis est, quod laudamus. Negant alii, sed parieti inclinato, ut sic dixerim psalmi verbis, & *maceriæ depulsæ* Pseudo-Dextri innixi, cujus supposititium Chronicon ad annum CDXXIII. hæc habet: *Scribit per hæc tempora Isidorus junior Cordubensis Episcopus Allegoriarum librum Paulo Orosio Tarraconensi*. Quæ tamen nihili esse habenda, jam superius, cum de Isidoro isto Cordubensi ageremus, nî fallor, demonstravimus, de Orosio, ad quem directus fuit liber, probabilia suggerentes. Stylus certè & œconomia operis non dissidet ad Isidori aliis.

144. *De fide catholica ex veteri & novo Testamento libri duo contra Judæos ad Florentinam sororem*. Marinæus Siculus malè *Floram* vocavit. *Florentiam* æquè malè princeps editio, de qua infra. Ildephonfus: *Libellos duos ad Florentinam sororem contra nequitiam Judæorum*. Braulio. *Contra Judæos, postulante Florentinâ germanâ suâ proposito virgine*, libros duos, in quibus omnia quæ fides catholica credit, ex legis & prophetarum testimoniis approbat. Inscriptionem tamen hanc, quam posuimus, Joannes Mariana, cujus hæc partes fuere, è duobus codicibus Gotthicis ante sexcentos annos descriptis prætulit; ut è Notis constet, quas breves, sed oppidò eruditas, ad editionem Matritensem subjunxit. Eandem inscriptionem præfert codex, de quo statim, Barberinæ bibliothecæ. Necnon *testimoniorum de Christo & Ecclesia* olim nuncupatum videtur ex Chronico Fontanellensi^d ubi inter alios, ab Ansigiso abbate eo in monasterio relictos libros S. Isidori, unâ cum *Etymologiarum*, & *Rotarum* (hic est *De natura rerum*, ut suprâ notavimus) hujus tituli codex laudatur. Manuscriptus exstat in amplissima & selectissima Francisci Cardinalis Barberini Romana bibliotheca inter mss. codices numero 230. detricto per antiquitatem titulo. Inscriptum quoque opus S. Isidorus contra Judæos, idque antiquissimè scriptum, servatur, Thomassino teste, in Veneta S. Antonii. Quo titulo insignitum opus prodiit Venetiis MCDLXXXIII. in 4^o. apud Petrum Lofsein, scilicet ex duobus prior tantum liber mutilus, & non parum varians. Appendunturque Judæorum quædam blasphemæ fabulæ de Christo, & Maria ex libris Thalmud, quæ edi minimè debuere.

145. Duo sanè addiscenda ex hoc opere suggestit nobis doctissimus annotator. Alterum est^e, Isidorum in referendis psalmorum locis, quædam ex Psalterio Romano, qui Gotthorum tempore apud nos, & in usu erat omnium Hispaniæ Ecclesiarum, desumpsisse. Hoc illud est psalterium ex quo psalmi recitantur etiam nunc Romæ in basilica principis Apostolorum, Mediolaniquæ, & ubicumque in usu est Ambrosiani ritus officium, in occidentalibus olim Ecclesiis ferè vulgare: de quo eruditè, ut solet, vir clarissimus D. Joannes Bona S. R. E. Cardinalis, dum viveret, mihi quæ multis nominibus excolendus *Rerum Liturgicarum* lib. 2. cap. 3. & æqua doctrinæ atque eruditionis laude inelytus Josephus Maria Suarezius Ex-episcopus Vasio-nensis, in principe totius orbis templo S. Petri de urbe, dum viveret & ipse, vicarius, speciali quadam observatione agunt. Alterum est, etiam in aliis sacris libris aliam, quam vulgarem nunc in Ecclesiæ usu, versionem ante oculos Isidorum habuisse; cum præsertim lib. 2. cap. 19. verbis illis utatur ex propheta nescio quo, de Judæis non cognoscentibus pastorem suum, *facti sunt mihi in sagittam reciprocâ*, quod nusquam apud prophetas testimonium his verbis exstat. Cujus varietatis alia exempla idem Jo. Mariana in Notula hujus capituli quadam collegit: suspicatus tamen

d In Spicileg. d'Acherii to. 3. pag. 241.

e Notis ad cap. 2. lib. 2.

² Parte 1.
erodem. 3. pag.
246.
^a Descriptis,
& scriptoribus
anonymis &
pseudonymis
pag. 215.

^b Ambrosius
Morales in lib.
Del santo via-
ge m. 2.

^c Lib. 12.
cap. 22. fol. 126.
pag. 2.

tamen alludi ad illud Osee cap. 7. num. 16. *Reversi sunt, ut essent absque iugo, facti sunt quasi arcus dolosus*. Potuit & ad simile, & quasi proverbiale illud Davidis prophetae ex Psalmo 77. v. 57. *Et averterunt se, & non servaverunt pactum; quemadmodum patres eorum conversi sunt in arcum pravam*. Hic enim est sensus verborum Hebræorum *וְהִסִּיחוּ כְּקַוֵּי חֶסֶד*, sive Græcorum, *μεταστρέψαντες οἱς τὴν*

εὐσέλειαν, ut Isidorus clarius interpretatur: *In arcum pravam (ait) vel dolosum, qui scopum non petit, sed fractus percussit eum qui tendit*. Eadem ista sunt apud Oseam Hebræica verba; idemque est sagitta reciproca veteris versionis & Isidori. Editum fuit hoc opus cum aliis sancti doctoris Hagenoe apud Secerium MDXXIX.

146. *Proemia in libros veteris ac novi Testamenti*. Braulio: *Proemiorum librum unum, in quo quid quisque liber sanctę contineat Scripturę, brevi subnotatione distinxit*. Idem Sigebertus^e. In Ildephonso de eo nihil. Sequitur in hoc fuit argumentum S. Hieronymi in *Prologo galeato*. Emendavit & ex septem codicibus inter se collatis, editioni maturavit idem qui superiores *De fide* duos libros, Joannes Mariana societatis Jesu, Hispaniæ decus singulare. Manuscriptus est in Ambrosiana bibliotheca Mediolanensi.

147. *De Ecclesiasticis officiis* libri duo ad Fulgentium fratrem Episcopum: Nec hujus recordatus est Ildephonsus, cum ex inscriptione satis liqueat germanum Isidori opus esse, quod agnovit quidem Braulio his verbis: *Ad germanum suum Fulgentium Episcopum Astigitanum officiorum libros duos, in quibus originem officiorum, cur unumquodque in Ecclesia Dei agatur, interprete suo stylo non sine majorum auctoritate eliciit*. Nec sine consilio, Braulionis verba subjungimus, pro expositione argumenti Isidorianorum operum. Meminit & Sigebertus. Hujus operis caput 29. ad opus suum *De divinis item officiis* integrum transcripsit Alcuinus, uti observavit Possevinus in *Apparatu sacro*, & Caroli Magni mentione. Meminit & Jonas Aurelianensis Episcopus lib. 11. *De institutione laicali* cap. 1. quem Dacherius edidit^f. Hos edidit primus anno MDX. ut reor, Joannes Cochleus cum titulo *De divinis officiis* è vetusto codice, in quo & erant Amalarii Treverensis ejusdem argumenti libri, ut ipse ait in epistola ad Robertum Ridlejum, artium ac theologiæ doctorem, Gutheberti Episcopi Dunelmensis à secretis, editionis suæ nuncupatoria; quam epistolam conservavit in omnium operum à se adornata editione Margarinus Bigneus. Prodiit quoque cum aliis ejusdem argumenti scriptoribus *De divinis similiter officiis* inscriptus Colonia MDLXVIII. Ex duobus codicibus mss. opitulatus fuit accuratè horum librorum emendationi Joannes Grialius.

148. *Synonymorum de lamentatione anime peccatricis* libri duo. Ildephonsus: *Librum lamentationum, quem ipse Synonymorum vocavit*. (*Synonymam* vitiosè olim hic legebatur: fortè *Synonyma*) Braulio *Synonymorum libros duos, quibus ad consolationem anime, & ad spem*

percipiendę venię, intercedente orationis exhortatione, erexit. E decem codicibus, quibus ad reddendam, quàm potis fuit, correctissimam hujus operis editionem usus est Joannes Mariana, unus *Dialogum inter rationem & appetitum*, tres *Soliloquia*, reliqui omnes *Synonyma* appellant. Ita & vocatur in Concilio Toletano VIII. cap. 2. & apud Gratianum non semel^g. Ita vocat ipse auctor in quadam ad Braulionem epistola. Et confirmat prologus auctoris. *Venit nuper (ait) ad manus meas quedam schedula, quam Synonyma dicunt, cujus formula persuasit animo quoddam lamentum mihi vel miseris condere: imitatus profectò non ejus operis eloquium, sed meum votum*.

149. Ciceronis quidem nomine ad Lucium Veturium inscriptus circumfertur libellus, in quo voces synonymę colliguntur, ad quem respexisse Isidorum codices duo ex prædictis Joannis Marianæ indicant, ita legentes in prologi initio isto: *quedam schedula Ciceroni*: sed magis est ut glossema sit ab eo, qui libellum jam laudatum, Ciceroniq; tributum legisset, Isidoro affixum. Sed nec *Soliloquiorum* nuncupatio contemnenda est: hæc enim videtur causa cur Gratianus in cap. *Inanis* 12. *De penitentia* dist. 3. quasi ex S. Augustini *Soliloquiorum* libro, hæc verba desumpserit. *Inanis est penitentia, quam sequens culpa cõ inquinat*. & quæ sequuntur; quæ & Petrus Blefensis in libello *De confessione* eidem sancto doctori attribuit; Cum non ejus, sed Isidori in fine prioris horum librorum sint. E contrario Jonas Aurelianensis Isidori synonymis tribuit quæ Augustini sunt lib. 11. *De institutione laicali* cap. 18. nisi utriusque sint. Imitatus forsitan est Boethii librum *De consolatione philosophiæ*: ut tamen pietati simul & eloquentiæ facultati de tam salutari negotio congruenter copioseque loquendi prodesset. Italicè *Synonyma* hæc leguntur versa per Josephum Alchaïnum Venetiis MDLXX. cum aliis. Sequuntur in nostra editione

150. *Epistolæ* quædam, quarum neque Braulio, neque Ildephonsus, neque Sigebertus meminere, utpote vix inter opera reputandarum. At quæ aliis longior est,

Prima est *ad Leudefredum* Episcopum: De muneribus, scilicet, in Ecclesia, & in monasterio ex ordine adimplendis. Hanc Isidoro adscribentes laudant Gratianus in cap. 1. 75. distinctione, Ivo Carnotensis epistolâ 73. Edidit hanc Garfias Loaisa in Conciliorum Hispanorum Collectione ex Laurentinæ regiæ bibliothecæ ms. codice perantiquo. Hic fortè est qui in subscriptionibus Toletani Concilii IV. *Leudeficus* audit *Cordubæ Episcopus*.

II. *Braulioni archidiacono*.

III. *Ad eundem*.

151. IV. *Ad Massonam* h Emeritensem antistitem, gravissimum ejus ætatis virum. Explanat hæc Ancyritani Concilii sententiam, & an post lapsum restituenda sit, an non, Episcopo sua dignitas. Eadem utitur, cum Burchardus lib. 19. cap. 73. & Ivo lib. 3. tit. 11. cap. 17. suorum decretorum, tum Algerus præfatione in librum *De misericordia* & ju.

^g Cap. *In manibus* 5. 22. quæst. 4. cap. *Omne genus* 16. 22. quæst. 2. cap. 1. dist. 11.

^e De scriptis. Eccl. cap. 55.

^f Tomo 1. Spicilegii pag. 64.

^h Aliàs *Massona* vocatur, de quo nomine Ant. August. ad Rhabani *Penitentiale*. Tamajus de Vargas in Notis ad Paulum Emeritensem cap. 9. Cajetan. infra citandus.

de *justitia*, in *Analectis* Joannis Mabillonii, ubi malè editum est ad *Messanum Episcopum*, tum Gratianus in cap. *Damianus* 28. distinct. 50. ubi *Massanus* quoque pro *Massana* perperam legitur, & in cap. *Hoc ipsum* 11. 33. quæst. 11. Cujus capitis titulus quicquam ampliùs continet. Legitur enim ibi descriptum esse ex *Isidoro ad Massonem Episcopum in præfatione ad librum De summo bono*. Cuinam nuncupaverit *Sententiarum*, sive *De summo bono* libros, an *Massonæ*, an alii, nondum liquet; attamen epistola hæc nihil, quo præfationi affimiletur, continet. Fragmentum inde legitur in *Penitentialis* Rhabani Mauri cap. 1. quod Antonius Augustinus edidit, & in ejusdem epistolæ ad Heribaldum Antifiodorensis Episcopum (quam edidit cum Petrus Stevartius tum ad calcem Reginonis *De Ecclesiasticis disciplinis* Stephanus Baluzius) cap. 10. Integram dedere Joannes Grialius, & Jacobus Breulius, atque item Henricus Canisius *Antiquæ lectionum* 5. volumine; tandemque Constantinus Cajetanus. Exstat quoque inter S. Bonifacii martyris Episcopi Moguntini epistolas¹. Comprehendit quoque eam in Vita S. Isidori ejus auctor, quem sæpè laudavimus, ubi tamen pro *Nicetio* Massonæ famulo, & epistolæ ejus gerulo, *Vincentium* habet liber ms. noster. Est quidem notula hæc addita epistolæ, datam fuisse sub die xi. Kal. Martii anno III. regnante nostro Viterico glorioso Rege. quæ, si ex vero est, annum designat DCVI. nam Vittericus, seu Vitericus, anno DCIII. regnare cœpit.

152. V. Helladio caterisque cum eo congregatis, ut de Cordubensis Episcopi in crimen carnale delapsi causâ agerent. Hic est Helladius Toletanus Episcopus, qui nostro Isidoro equalis vixit sub Sisebuto, Svinthila, & Sisenando regibus, ejusque præcipuè cura fuit Concilium cogendi in suffraganei præsulis dirimendo negotio. Quod vero Isidorus rem à se non alienam existimaverit, poterit eo quis reducere, ut Apostolicam sibi delegationem, seu primatis jura, commissâ innuere aliquo modo videatur.

153. VI. Claudio duci clarissimo ejus temporis, noto ex historiis nostris, & ex S. Gregorii Magni epistolâ 124. lib. 7. De obediendo eum Isidorus monet quibuscumque prælatis in rebus quæ non manifestè mala sunt, ac de non communicando hereticis, etiam sub specie eis salutis viam monstrandi.

154. VII. Redempto archidiacono, de usu panis azymi in occidentali Ecclesia ad conficiendam Eucharistiam. Quæ Isidori epistola quantæ esset auctoritatis ad perpetuum hunc panis azymi Ecclesiæ Hispanæ usum asserendum, contra id quod ex Conc. Tolet. XVI. cap. 6. conjectabatur olim doctissimus Cardinalis Joannes Bona in *Liturgicarum rerum* lib. 1. cap. 22. nemo non videt; si non ille hanc, ut supposititiam, configeret; similiterque Joannes Mabillonus Benedictinus, qui azymi causam adversus eum egit¹, hoc aliàs validissimum futurum ab epistola argumentum inter alia dubiè fidei conjecerit, epistolamque suspectam, peneque spuriam merito

videri, ob injectam controversiæ inter utramque Ecclesiam super azymo & fermentato, quæ non ante XI. sæculum orta fuit, mentionem, affirmare non dubitaverit. Hic ille Redemptus fuerit archidiaconus Ecclesiæ Hispanensis, qui obitum S. Isidori brevi narratione, quam ad nostra usque servatam habemus tempora, descripsit. Agebat forsitan eo tempore in curia regia Isidorus, ut ad Hispani existentem archidiaconum convenienter scripserit. Ejus autem in curia versantis testimonium in epistola quadam ad Braulionem exstat, quæ 10. est Isidorianarum.

155. VIII. Eugenio Episcopo Toletano, qui Helladio & Justo successerat. De auctoritate summi Pontificis tractat. Hujus fragmentum *Historiæ suæ de Albigensium heresi* Lucas Tudenfis olim inferuit: quod & Joannes Mariana hoc sæculo fecit lib. 6. cap. 6.

156. IX. Braulioni Episcopo. cui subnectitur Braulionis alia ad Isidorum, de qua, & aliis ejus, in Braulione agemus. X. & XI. Eidem. Subjungitur harum priori Braulionis altera, quæ Isidoro respondet, librumque *Etymologiarum* ab eo flagitat. Cui Isidorus posteriori satisfacit. De aliis epistolis, quum absolvemus quæ Matritensem editionem componunt, mentionem habebimus.

157. *Regula monachorum*. Braulionis testimonium pro ea est. *Monastica regula librum unum, quem pro patriæ usu & invalidorum animis decentissimè temperavit*. Hujus recognitio Petro Ciaconio viro cl. contigit, de quo, atque hujus, & sua opera Joannes Grialius, *Regulam* (inquit) *monachorum in codice tantum unoprius repertam admodum depravatam P. Cbacon ex Smaragdo & libro Sententiarum patrum bona ex parte direxerat; cujus operam nos alterum codicem nacti, & quidem Longobardicum, sed & ipsam tamen mendis oppido deformem, permultum proveximus*. Quam, cum ex hac editione Hispaniensi, unâ cum notulis, ad suam Parisiensem derivaverit Breulius, quam de causâ inter ea quæ primum tunc prodirent, asterisco notavit in operum elencho? Plura quidem sunt unde Regulam istam ab Isidoro esse descriptam novimus. Conveniunt hic non solum res, sed verba, cum alijs ejus libris, de quo in notis brevissimis admonemur. Smaragdus quoque in *Diamate monachorum*, seu *Expositione in S. Benedicti regulam*, decimi sæculi scriptor, Isidori hanc laudat, & in ejusdem argumenti opere Petrus diaconus Cassinensis; Gratianusque ejus verbis utitur in cap. *Cum excommunicato* 18. 11. quæst. 3. Ante hos S. Benedictus quoque Anianensis abbas in *Regularum* sua concordia ab Hugone Menardo in lucem edita, noni sæculi auctor.

158. Exstat apud nos Gotthicis characteribus exarata, inter alias *PP. Regulas*, in monasterio Sancti Petri Caradignensis, & in alio Sancti Petri de Arlanza, uti affirmant domestici testes Benedictini^m. Ex Colonienfi domûs canonicorum regularium codice, qui exscriptus fuerat ex alio S. Maximi prope Trevirensis urbem, antiquissimo, habuit exemplum suum, quod in *Codice regularum* ejus-

¹ E. H. Mogunt. à Nicolao Seratio procuratore anni MDCCXXX. epist. 22.

¹ In Dissert. De pane Euchar. azymo, & fermentato. cap. 6. edita Parisiis anno MDCLXXIV. in 8.

^m Vide Bivar. ad Maximam pag. 85.

n Secundæ
partis pag. 196

eiusdem S. Benedicti Anianensis ediditⁿ eruditione vir inter paucos celebris Lucas Holstenius, bibliothecæ Vaticanæ, dum viveret, vice-præfectus & ad S. Petri canonicus, quem nos adhuc superstitem nacti Romæ sumus. Incertum verò an huc pertineant ex epistola ad Braulionem hæc Isidori verba: *Quaternionem Regularum per Maurentionem primicerium direximus*. Hanc Regulam conformem non esse Regulæ S. Benedicti notavit Benedictus Haftenus lib. 10. *Disquisit. monasticarum tract. 6. disq. 3.*

159. *De consuetudine vitiorum & virtutum* liber, cuius meminit unus Sigebertus. Hunc (ex quot aut qualibus veteribus libris ambigitur) Cyprianus Suarez Jesuita emendavit, atque editioni apparavit, sine illa tamen appendice, sive epilogo, ut vocant, quo liber absolvitur, sæpè aliàs editus. In quo facta mentio Anglicorum, non Isidoriani ævi nominis, & Mediolani, qua in urbe agere se qui scribit, non obscurè significat, Isidorum hujus saltem partis non esse auctorem plenè comprobatur. Profectò libellus hic, non Sancto Leoni solum Papæ, inter cujus opera editus fuit Parisiis anno MDXI. Venetiisque MDLIII. sed & S. Augustino, cujus etiam operum tomo nono legitur, à Lovaniensibus iustâ censurâ confixus, & S. Ambrosio in editione Romana MDLXXXV. falsò adscribitur; cum nullius eorum styllum sapiat, nedum eorum alicujus esse possit *Appendix* illa quæ Sancti Benedicti etiam meminit. Verisimile est S. Ambrosii Autperti esse, abbatis S. Vincentii ad Vulturum in Benevento; cui quidem anonymus auctor Chronici hujus monasterii sæculo xi. scripti librum *De consuetudine vitiorum* tribuit^p. Unde forsan error hunc Ambrosio Mediolanensi adscribendi. Joannes Grialius^q conjectabatur eundem hunc Latinum in hanc linguam conversum, cum Græco esse S. Joannis Chrysostomi ejusdem inscriptionis, quem ipse Isidorus noster ei tribuit, libro, recisa appendice. Arnoldus Uvion^r S. Gregorio adjudicare satius duxit. Constantinus tandem Cajetanus Benedictinus^s *Appendicem* ex mss. Calinenfi & Mantuano approbans, propriumque operis limbum credens, Mediolanensi alicui scriptori adjudicat. Nos ampliamus. Sequitur tandem in Matritensi nostra editione

160. *Expositio in cantica canticorum Salomonis*. brevissima quidem ea, sed pulchra, & satis apta. Quam Isidorianis idem Cyprianus Suarez, alicujus ms. libri sequutus fidem contribuere non dubitavit, auctoritatem quoque Braulionis illius *prænotationis* ad Isidori opera, in quam offenderat, & uberiores quidem eam, quam hucusque edita fuit, perplexis objiciens, ubi *cantica canticorum facunda expositione* Isidorum elucidasse scriptum se legisse ait. Quæ sic brevi paraphrasi congruenter adaptari verba Grialius non credidit.

161. Est tamen prolixior quàm ut in brevioris hujus locum subrogemus, *Commentarius* alius in *cantica*, cujus ignoratur quidem verus auctor; is scilicet, qui operibus Gregorii Magni ab aliquo tempore unà cum *Bibliotheca vetus Hispana* Tom. I.

aliis in *Regum* libros, & in psalmos inferi solet; quem tamen ejus non esse, contra vindicantium aliorum sententiam, Petrus Guffanvilæus Carnotensis presbyter in exornatæ à se postremæ S. Gregorii operum Parisiensis editionis præfatione ad tertium volumen, & ad hanc Canticorum explanationem acriter defendit. Quo cum stat idem hoc opus in mss. codicibus tributum S. Isidoro legi Jacobum Pamelium observasse; de quo testis est Vincentius Placcius *De pseudonymis scriptoribus*^t.

162. Præter superiora, quæ habet Matritensis editio, sunt & alia tributa Isidoro, sive edita jam, sive in schedis adhuc, opuscula. Jacobus de Breul hæc adjecit in Parisiensi:

163. *De contemptu mundi*. Quod idem est opus cum *Synonymis*, aliquantulum licet varians, ut ferè sunt quæcumque ex antiquis ad nos pervenerunt.

164. *Norma vivendi*. Idem de hac dicendum; videlicet excerpta continere ex *Synonymis*; quod vidit ipse Breulius, & Bellarminus admonuit.

165. *Exhortatio pœnitendi cum consolatione & misericordia* (legerim ex *misericordia*) *Dei ad animam futura judicium formidantem*. Quam ex ms. codice bibliothecæ S. Mauri Fossatensis Nicolaus Faber transcribi curavit. Nec abhorret ab stylo & instituto, ac more nostri piissimi scriptoris. Auctor vernaculus libri *Valerio de las historias* inscripti meminit, inter alia Isidori opera, *De consolatione animarum* libri 6.

166. *Lamentum pœnitentiæ duplici alphabeto editum, exceptis tribus literis, idest A. B. N. in quibus aliquantis versibus multiplicatur, ubi exorat pro indulgentia peccatorum*. Metricum opus more ætatis, quæ sonum tantum, non strictas prosodiarum leges observabat. cujus hoc initium

*Audi Christe tristem fletum,
Amarumque canticum,
Quod percussus & contritus
Modulatur spiritus,
Cerne lacrymarum fluxus,
Et ausculta gemitus.*

Omnia sunt cx. hujus tenoris hexasticha: Quod ipsum carmen, multis tamen strophis mutilatum, sexaginta duas nempe continens, habemus nos in opere illo quod vitam sancti Isidori Lucas Tudensis Episcopus inscripsit; cujus exemplum (uti jam monuimus) ante aliquot annos ad clarissimos sanctorum illustratores Godefridum Henschenium, Danielemque Papebrochium, quarto diei Aprilis inferendum, quod factum fuit, transmisimus. Illic Tudensis hæc leguntur verba: *Præterea futurorum providens utilitati, innumerabiles ferè sententiis & verbis præclaros edidit libros, quos enumerare longum est. Tamen eos B. Braulius Cæsar-augustinus Episcopus in parte enumerat. Scripti postquam edidit alphabetum rudium, alphabetum verbalium, alphabetum theologicarum distinctionum, atque alphabetum librorum, oratione finem faciens, orationis, scripsit, alphabetum futuros plangens Gothice gentis errores,*

L1 simul

o Vide Bellarminum & Labbeum *De scriptoribus*.

p In *ABis SS. Ord. S. Benedicti* sæcul. in part. 2. pag. 263 & in *Nosis præ viis Joann. Mabillonis ad vitam S. Ambr. Autperti* pagina 259.
q In *præfat.* toties laudata.
r Lib. 5. *Ligni vici*. cap. 12.
s In *SS. triū Episcoporum vitis*. pag. 11. & sequent.

t Pag. 2076

simul. eversionem, in quo quotidie Domino psallebat, quod in hoc opere duximus annotandum. Sequiturque carmen jam dictum, sub hoc tamen titulo: Incipit alphabetum orationis ad temptamenta repellenda adversarii, & Dei gratiam promerendam, editum à sancte recordationis Isidoro Hispalensis Ecclesie Archiepiscopo. Hujus hymni Morales meminit, sequē in libro manuscripto collegii S. Ildephonsi Complutensis hunc legisse ait x. Quo magis mirari subit, desiderari eum in editione regia Matritensi. Existare etiam in Tigurina bibliotheca, tum synonyma, tum exhortationem penitentis, tum demum alphabetum hoc, & orationem, de qua jam dicimus, Conradus Gesnerus in bibliotheca sua scriptum reliquit.

x Lib. 12
cap. 21. fol. 127.

167. *Oratio: pro correptione vite stenda semper peccata. Utitur quidem in hac oratione auctor Psalmorum interpretatione vulgata, quod non alias Isidorus solet, uti notavimus. Pœnitentiæ autem etymologia descriptioque iisdem verbis hic & in cap. ultimo sexti libri etymologiarum legitur. Eiusdem sane auctoris hæc omnia cum synonymis esse facile mihi cum Breulio persuadeo. Appenditur huic alia perbrevis contra diaboli insidias oratio. Quæ alia editio hæc Breulii Parisiensis, quasi tunc primum edita essent, asterisco notavit. Cuncta habet Matritensis quæ præcesserat, & ex qua Breulius profecerat, nostra. Præter hæc omnia hucusque edita duo alia opera prænotatio Braulionis laudat, scilicet.*

168. *De numeris librum unum. in quo (ait) Arithmeticam propter numeros Ecclesiasticis scripturis insertos ex parte tetigit disciplinam. Item*

169. *De heresibus librum 1. in quo majorum sequutus exempla (inquit) brevitate quâ potuit diffusa collegit. In quo ultimo facta est, ut existimare datur, non parva jactura. Lucas Dacherius Benedictinus in Spicilegio suo veterum aliquot scriptorum primo volumine S. Isidoro tributum edidit*

170. *De ordine creaturarum librum xv. capitibus comprehensum, quem ait y se habuisse è codice non procul ab auctoris ævo exarato Rhemenfis S. Remigii Benedictini sui ordinis monasterii. At quod ibidem in ora libri monet, citatum hunc librum se anno MDCLXV. reperisse ab Ænea Episcopo Parisiensi in tractatu contra Græcos, sed sub alio titulo, nempe Isidorus in fide catholica; ve-reor ne referendum potius sit ad libros De fide catholica contra Judeos ad sororem directos, quos sæpius laudavimus. Stylus quidem ævum Isidori sapit: quædam tamen sunt de statu animarum post mortem, ac de purgatorio igne in fine operis, quæ non omnino mihi arrident.*

171. *Nuncupatio autem illius ad Braulium Episcopum urbis Romæ concepta, suspensionem suppositionis jam Labbeo movit. Sed è contrario hæc ipsa dedicationis novitas advertere animum facit, si quod in rerum nostrarum antiquis literis relictum sit hujus rei vestigium. Videtur enim in quo verisimilitudo apparet nulla, consilium fallendi, quod*

verisimilia quærit, inde abfuisse. Dacherius addidit explicationis gratiâ (ut ipse fatetur in præfatione) *urbis Romæ*, hoc est, Cæsar-augustæ. Planè Romæ urbis in Hispania meminit legum Gothicarum liber, *Forum Judicum* apud nos appellatus, quod in vernaculam antiquissimo habemus sermone conversum. In ejus enim proœmii lege ii. hæc verba sunt: *Doncas establecemos que de aqui adelante debenser es leidos en la ciudad de Roma, ò en aquel lugar, donde murio el otro Rey con consejo de los Obispos &c.* hoc est, *stabilimus ergo quod in futurum (Reges) eligi debent in urbe Roma, sive in loco illo, ubi defunctus Rex obierit, cum consilio Episcoporum &c.* Hæc est illa Wisi-Gothorum lex, quæ cum aliis similibus edita est, prostatque item in *Hispaniæ illustratæ* volumine 3. Deest tamen in his editionibus proœmium illud, adjunctum forsan ab eo nostræ, recuperari jam per partes cœptæ à Mauris, Hispaniæ Rege, cujus auspiciis iussive, unâ cum Gotthorum jurisprudentiæ codice, cui adhuc adherere consilium fuit, nova illa de Regis electione sanctio fuit promulgata.

172. *Romam verò pro regia curia, sive urbe, in qua Imperii sedes erat, dictam existimo. Proinde ibi, aut in eo loco, ubi defunctus Rex obisset, electionem fieri novi Regis debere placuit. Eodem planè sensu sedis Romuleæ nomine usum legimus Cixilanem Toletanum Episcopum in vita S. Ildephonsi. Cujus statim virtus enucleata cluens in sede Romulea refulsit, & veluti facula ardens omnem Hispaniam perlustravit. Quibus verbis fulsisse Ildephonsium prius Toleti in urbe regia, deinde per totam Hispaniâ, aptissimè significavit: quod & Joannes Mabillonus Benedictinus, vir eruditione præstans, ad oram in editione hujus Vitæ inter Acta SS. Ordinis Benedictini à se observatum significare voluit. Nempe uti Roma in profanis antonomasticè regia urbs quælibet, sic in sacris Hierusalem dicta metropolitana quælibet inter nos Ecclesia, ut apparet ex principio Conciliorum, Hispalensis ii. Emeritensisque sub Reccesvindo a.*

173. *Quid hoc tamen ad Cæsar-augustæ Ecclesiam quæ nunquam tempore Gotthorum, nedum Braulionis, regia urbs fuit? Quare inscriptionem ad Braulionem urbis Romæ Episcopum istam Rhemenfis codicis meritò suspectam habuit Lucas Dacherius in proœmio ad lectorem hujus primi spicilegii sui voluminis. Nisi dixeris eas quoque urbes, quæ aliqua Romæ urbis prærogativâ, sive sacrâ sive profanâ, quandoque functæ essent, secundæ, sive alterius Romæ appellationem ab obnoxiiis aut officiosis hominibus promeruisse. In epitaphio Ivonis Cardinalis apud Tre-viros sepulti hic versus legitur:*

Roma secunda mihi dedit exsequias venerandas. apud Browerum lib. 14. *Annal Trevirensium.* Gerardus in *De miraculis S. Adelhardi* cap. 6. *Exinde (ait) huiusmodi fama ita longè lateque cæpit vulgari ut Corbeja (Corbejense monasterium) meritò duceretur altera Roma appellari. Exemplum aliud de urbe Turonensi, secunda sede Romæ urbis, in quodam codice ms nuncupa-*

z In fine.

y In Præfatione ad lectorem.

a Observant Franc. Padilla cent. 7. cap. 12. & 47. Thomas Tamajus in notis ad Paulinum diaconum Emeritensem, pag. 97.

b Pag. 126

cupata, Joannes Mabillonus Benedictinus affert in *Analectis* suis veteribus ^b, quibus & superiora duo accepta ferimus. Perplacet quidem conjectura doctissimi Henschenii dum de Isidoro nostro agit die 4. Aprilis, & hoc libro in commentario prævio num. 9. suspicantis, siquidem hunc Isidoro non abnegemus, inscribi potuisse Bonifacio Papæ ejus temporis, confundi quæ cum hoc in ms. codice Braulionis nomen, errore ducto ex initiali littera B. quæ erat exaratum. Certè si ita esset, facillimo negotio ex his salebris emergeremus.

174. *Exegesis in Missæ canonem*, Parisiis editam per Carolum Guillard MDXLVIII. in 8^o. vidimus in bibliotheca sapientiæ Romanæ.

175. *De prælatis* librum, unà cum Valeriano Cimeliensis *De bono disciplinæ* sermone, & Dosithei magistri libro continente *Hadriani Imperatoris sententias* & epistolas, Melchior Goldastus Haiminsfeldius emendata à se omnia & illustrata Genevæ anno MDCII. in 8^o. edidisse dicitur. quem non vidimus. Barthius tamen laudat lib. 28. cap. 13. *Adversariorum*.

c Pag. 223.

176. *De miraculis Christi* librum Isidori præ se aliquando tulisse nomen auctoris liquet ex monumento quodam Anglicè scripto, sed Latine translato: quod in *monastico Anglicano*, & memoria Exoniensis, agri Devonienensis, monasterii, olim Benedictinorum, prostat. Hæc est donatio eidem facta à Leofrido Episcopo ejusdem loci prædiorum, ornamentorum, librorum quæ è quorum numero est disertis verbis nominatus *liber Isidori de miraculis Christi*. Obiit hic Leofridus anno MLXXI.

177. *Commentarios literales*, sive in majorem partem sacrorum librorum, sive in Pentateuchon, seu quinque libros legis, scripsisse eum ostendere forsitan possumus ex his quæ ad *mysticorum expositiones sacramentorum* præfatus posuit, verbis: *Et quia jam pridem juxta litteram à nobis sermo totus contextus est, necesse est, ut præcedente historiæ fundamento allegoricus sensus sequatur*. Joannes Grialius in Notis hic de horum jactura conquiritur, nisi fortè id (ait) glossæ sunt, quæ vocantur ordinariæ. At Straboni Fuldenfi glossa hæc ordinaria communiter tribuitur. Isidori hæc verba sic non malè intelligimus forsitan, ut scribere fecerit per amanuenses suos Biblia sacra, hoc est textum sacrorum librorum, & in fine cujusque capituli sive sectionis *expositiones* suas has *mysticas*, veluti glossam, subtexti. Quo videntur ea ex initio capituli respicere: *Creatura celi & terre quomodo historialiter ab exordio principii condita sit, legimus; sed qualiter in Ecclesia spiritualiter à doctores accipiantur intelligamus*. Joannes quidem Trithemius commentariorum in omnes sacros libros auctorem facit: quod ad proemia, seu procemiorum librum, sive ad *mysticorum expositiones sacramentorum* referri posse jam animadvertunt alii ^d. Neque enim tam amplum & illustre, ut sonat, opus Ildephonsus Braulio quæ illaudatum reliquissent. Idem habemus dicere de *Commentariis in Evangelia* & *Pauli*

Bibliotheca vetus Hispana Tom. I.

epistolas doctissimis, quorum Eifengreinius disertè recordatur,

178. Similiter Trithemius aliorum, quæ nusquam aliàs innotuere, operum Isidori meminit; quem Eifengreinius ferè transcribit. Nempe

De sancta Trinitate. lib. 1.

De officio Missæ. Nisi is *Missale* sit Gothici ritus, de quo infra dicemus.

Sermonum. lib. 1.

De astronomia. Hic fortè est liber *De natura rerum*. Attamen in Medicea bibliotheca *Isidorus de astris* reperitur.

De grammatica & vocabulis. Idem forsitan cum *differentiarum* libris, aut *Glossariis*, quæ Isidoro tribuuntur, de quibus mox agendum.

De hæresibus. Jam ex Braulione fuisse hoc opus, ac periisse, collegimus.

De corpore & sanguine Domini. lib. 1.

Decretum Canonum. Loquitur fortè de collectione *epistolarum decretalium*, quæ ei falsò tribuuntur, ut mox videbimus.

De proprietate rerum. lib. 1.

Ecclesiasticorum dogmatum lib. 1. Opus hoc S. Augustino, & Alcuino, & Fulgentio, & Gregorio Papæ, præter Isidorum tribui solitum docet Vincentius Placcius *De scriptis & scriptoribus anonymis & pseudonymis*. Nec his contentus, alia quidem (ait) multa scripsit, quæ ad notitiam meam non venerunt. Certè Braulio eodem ferè modo loquutus videtur. *Denique de his (ait) quæ ad notitiam nostram venerunt, ita commemoravi*. Joannes Eifengreinius ad Trithemii catalogum addidit *historiam Longobardorum*, è Lucio Marinæo, ut credimus, qui *Gothorum* aut *Vandalorum* historias per errorem ita significavit.

179. In Ambrosiana Mediolanensis urbis amplissima bibliotheca hæc alia, indicta hætenus, inveniri opera legimus.

Soliloquia de institutione bonæ vitæ. Non aliud exultimamus ab *synonymorum* libris.

De regulis canonicorum. Fortè liber 2. *De Eccles. officiis*, qui de personis tractat Ecclesiæ.

De sapientia liber secundus. Ita hoc opus designatur in catalogo.

Dialogus de conscientia summentis corpus Christi.

180. Auctor *Valerii historiarum* supra laudatus duo alia Isidoro attribuit, quæ Hispano sic sermone quo scripsit, effert:

Del proposito de la perfeccion de la virgindad; ad sororem Florentinam. In quo deceptus fuit, ut videtur, S. Leandri libro *De institutione virginum*, eidem Florentinæ directo.

De los nombres de las leyes. Neque hic alius est ab *Allegoriarum* libro, è cujus præfatione hæc sunt, quæ dedere anam errori: *Quædam notissima nomina leguntur legis, Evangeliorumque &c.*

181. In martyrologio Hispano Joannis Tamaji ^b nunc denuò producta videmus quædam S. Patris carmina, quæ ex mss. se dare ait Cujus liberalitati occinere libet Virgilianū illud:

— *Timeo Danaos & dona ferentes*.

Non enim tales sunt, quales videri volunt, manuscripti Tamaji codices. Quod quidem à me haud calumniosè dici sæpius testatum facimus.

L1 2 182. Tri-

e Vide ejus
catalogum
pag. 41.

f Pag. 152

g De laudibus Hispania
lib. 4.

h Die 17.
Aprilis in actis
S. Isidori pag.
491.

d Morales
lib. 12. cap. 21.
fol. 126. Bellarminus
De scrip. Eccles. Pa-
cilia.

s Pag. 19.

182. Tribuit quoque Constantinus Cajetanus Benedictinus in libro cui inscripsit: *Sanctorum trium Episcoporum Religionis Benedictine luminum vite & actiones* 1, Isidoro nostro ex tribus uni, ultra *Regulam monachorum*, huiusmodi aliud majoris adhuc molis opus, scilicet in *Regulam S. Benedicti commentaria*, ut eo magis sanctissimum presulem ordini ac professioni Benedictinorum vindicare possit. Sed verè fragmenta illa, quibus, tanquam sectiones horum commentariorum fuerint, (ut Cajetanus credit) Petrus diaconus Casinensis & Smaragdus S. Michaëlis in Lotharingia abbas, in *expositionibus* ejusdem *regule* usi sunt, quæque idem Cajetanus in unum collegit, non aliunde quam ex *Regula monachorum* desumpta esse nemo utrumque textum columnatim ibi, & quasi *παράλληλος* adductum, conferens inficiabitur. *Non quidem* (Cajetani verbis) *illorum breviarium quoddam, aut illis stylo subiectoque similia*; sed, uti demum ille ait, *verius eadem cum Regule monachorum verbis*. Quamvis enim tria quatuorve horum segmentorum sine parallelo ex regula sint, ea ex aliis S. Isidori libris partim habita, nec diffitetur ipse Cajetanus; partim ex *Regula* ipsa esse *monachorum* locupletiore his capitibus apud eos qui citant Smaragdum Petrumque Casinensem, ratio ipsa persuadet; quin Isidorum, *Regule* peculiaris formatorem, Benedictinæ explanandæ muneri se ad dixisse, nullum aliud ab his fragmentis fundamentum rei producentibus statim credamus. Nam & quod in præfatione commentarii sui Petrus diaconus posuisse dicitur (habere se ex bibliotheca Casinensi ms. Cajetanus ait¹) breviter se *Regulam* expositurum, *quia in hujus rei negotio operam dederunt* (inquit) *Paullus Casinensis diaconus, Rhabanus Maurus, doctor Isidorus, Stephanus, ac Paullus, abbates*, commodè possunt intelligi; quatenus ad Isidorum pertinent, de *monachorum Regula* ab eo descripta, unde, nec aliunde, testimonia desumit auctor, quæ ad illustrandum & instruendum monachi propositum in *Regula* Benedictina contentum, ei deservire poterant; quantumvis ad Benedictum nihil Isidorus, nec hujus ad istius *Regulam* respectus ullus fuisset. Potuit quoque Petrus Casinensis in hoc cum aliis decipi, ut ex *Regula* ab Isidoro præscripta monachis, interpretem eum Benedicti egisse suspicaretur.

183. Idem Constantinus Cajetanus quasi prætermissa post editiones omnes ejusdem S. Doctoris septem alia opuscula, unâ cum ejus vita & actis produxit: nempe

Sermonem brevissimum S. Isidori in die *nativitatis Domini*. Legi cum in Alcuini *Homiliario* Cajetanus monet Gesneri fide in *Bibliotheca*.

184. *Sermonem de sanctis angelis*; e duobus codicibus bibliothecæ Vaticanæ, quorum alter antiquior signatus numero 3836. hanc habet inscriptionem: *Incipit sermo S. Isidori in S. archangeli*. alter verò recentior signatus numero 1269. hunc habet titulum: *Sermo S. Isidori Episcopi in S. Michaëlis archangeli*. Atque utrobique divisus est in tres sectiones,

seu lectiones, pro nocturnorum usu. Vidit, & in aliis Casinensis monasterii mss. lectionariis Cajetanus.

185. *Fragmenta commentariorum in Regulam sancti Benedicti*. de quibus paullo antè quæ scire opus fuit annotavimus.

186. *De conversis* ad monachos librum, Edidit hunc Henricus Canisius ex ms. codice monasterii S. Galli apud Helvetios, laudatus ob id à Possevino². Sed utrumque falli Cajetanus monuit, cum liber hic *De conversis* inscriptus pars quædam sit libri primi *sententiarum*, nempe undecim priora hujus opusculi capita & totidem dicti libri 1. *sententiarum* capitibus, à septimo nimirum usque ad decimum septimum, necnon caput 12. *De superbia*, & 13. *De fornicatione*, è tricesimo octavo ac tricesimo nono desumpta sint.

187. *Epistolam ad Masonem Episcopum De restauratione sacerdotis*. Ait se hanc edidisse, licet à Grialio & Breulio prius integram editam, ut varias lectiones è diversis codicibus, quorum lectionem sequuti sunt editores, observaret.

188. *Prologum & argumentum quoddam libri synonymorum*, ex ms. codice Vaticanæ bibliothecæ signato numero 628. Prologus deest in Breulii editione. Utrumque autem in Martitensi, sed inverso prostat ordine. Neutrum putat Cajetanus Isidori esse: sed quàm non reatè id de eo quod incipit: *Venit nuper ad manus meas*, existimet, quilibet judex esto.

189. *Orationem, vel confessionem S. Isidori Episcopi & doctoris*, è codice Sublacensis bibliothecæ; similem eam cæteris hujus argumenti superioribus opusculis, & à pœnitentibus in ore & corde habendam. Hanc iterum edidit, integramque, ut ait, ex codice Gotthico Garfiaz de Loaisa, volumine 2. *Martyrologii sui Hispani* Joannes Tamajus Salazar. Latet adhuc eidem tributum.

190. *De institutione jejunii quadragesimalis* liber. De quo hæc Marcus Zuerius Boxhornius in *Notis ad scriptores Hist. Aug.* in *Cloadio Albino Spartiani*. *Non possum* (ait) *eruditum & Ecclesiasticæ antiquitatis studiosum lectorem hoc loco gaudium meum celare; repertum nempe à me esse superioribus diebus illustre & bene longum Isidori Hispanensis Episcopi fragmentum De institutione jejunii quadragesimalis, quod alibi, & commodiore loco, si vitam Deus dederit, publici juris faciam*. Hæc ille. Inter sermones quoque S. Isidori, quorum Sigebertus, & ex eo Trithemius, recordati sunt, cur non collocabimus

191. *Sermonem in natali S. Æmiliani Episcopi Vercellensis*; qui incipit: *Vir Ecclesiasticus & crucifigi mundo per mortificationem propriæ carnis debet &c.* Nam reperiri hunc in tabulario antiquissimo Ecclesiæ Vercellensis affirmant Joannes Stephanus Ferrerius, hujus urbis & ipse Episcopus, in *S. Eusebii Vercellensis, ejusque in eo Episcopatu successorum, vita & rebus gestis*³, dum res gestas narrat istius S. Æmiliani, quem undecimum facit ejus Ecclesiæ antistitem, & hunc ex *Lybio* Aragoniæ oppido oriundum fuisse ait, atque interfuisse Conciliis Romanis III. IV. & VI. sub

Sym.

m Tomo.
Antiq. lectio-
num.
n in Appen-
dix.

x Pag. 16. &
sequentibus.

1 Pag. 204

o Romæ edi-
to libro ann.
MDCL. apud
Albium Zan-
nuetum in 4.

Symmacho Papa annis DI. DII. & DIV. & quod ejus corpus inventum fuit ac translatum in cathedralem Ecclesiam ann. MCLXXXI. xvi. Kal. Junii, ejusque diem festum in eadem Ecclesia III. Idus Septembris quotannis celebrari. Hæc omnia Ferrerius. Quæ quidem Aragoniæ regni, peculiarisque ejusdem sancti præsulis loci natalis, cives non ignorare æquum est.

192. *De partibus quoque orationis* librum Isidoro adscriptum reperiri cum aliis aliorum in cod. 99. bibliothecæ D. Caroli de Montchal Tolosani præsulis refert Labbeus in *Specimine antiquarum lectionum*, seu *Bibliotheca nova* MS. P. Præterea extra editiones Isidorianas leguntur alia non minoris ponderis & fructus lucubrationes, quarum doctor sanctus auctor dicitur. Et est certe auctor

193. *Orationis synodalis in Concilio Hispanensi secundo dictæ*, de qua Braulio: *Quo verò summe eloquentiæ, & quot jaculis divinarum scripturarum, seu patrum testimoniis, Acephalitarum hæresin confoderit, synodalia gesta coram eo Hispani acta declarant; in qua contra Gregorium præfatæ hæresis antistitem eam asseruit veritatem*. Tribuitur quoque ei

194. *Missale & Breviarium*, quibus Ecclesiæ Hispaniarum in sacris celebrandis, & quotidianis precibus persolvendis usque fuere ex Concilii Toletani IV. decreto illo (ut creditur) quod canon secundus continet, *De uno ordine in ministeriis vel officiis in cunctis Ecclesiis celebrando*. Cum enim hæresis Arianorum non potuisset non ordinem omnem rectum in Ecclesiastica disciplina observandum turbare, varietatemque, erroris sequelam, ubique inducere; nihil magis curandum fuit catholicis præsulibus quam sacrum omnem ritum, & cæremonias, tum fidei rectæ conformes, tum universis Gotthicæ ditionis, tam in Hispania quam in Gallia provinciis uniformiter observandas præscribere. In quo vix dubitari potest, quin Leander, dum vixit, Arianismi exturbator, muneri suo satisfecerit. Sed cum Isidorianum communiter hocce audiat *Missalis & Breviarii Gotthici officium*; denegare non possumus Isidoro nostro præcipuum aliquem hujus fabricæ, doctissimæque atque gravissimæ, simul & piissimæ compositionis, honorem & laudem. Quod confirmat Guitmundus lib. 3. *Adv. Berengarium*, cujus hæc verba: *In quodam Missali Hispano, quod dicunt sanctum distasse Isidorum &c.* Elipandus quoque eo longè superior in epistola quadam ad Albinum, seu Alcuinum, orationem quandam in vigilia Paschatis cani solitam eadem sancto viro tribuit.

195. Quamquam, ut verum fatear, nollem ex Concilii decreto isto supra dicto factum admittere, ut hæc Isidoro conficiendi perpetui ritus sacri (quod vulgò existimant) cura demandaretur, ne eam, & quæ inde natum est, haud exigui laboris & contentionis opus intra sic breve tempus, quod à celebrato Concilio usque ad sancti præsulis intercessit obitum, necessariò restringamus. Vero etenim mihi similis est, pridem jam eum, post antiquiorem aliorum operam, incubuisse

se huic rei conficiendæ, cum Concilium celebraretur, sive in usum jam tempore Concilii hunc ritum venisse Isidorianum; eò autem direxisse sanctionem suam Toletanos patres, ut per universam Gotthici nominis ditionem eundem *orandi ordinem atque psallendi* (Breviarium indicatur) eundem *in Missarum sollemnitatibus modum* (Missalis significatur liber) observari præciperent. Nisi enim jam promulgatus, aut in usu esset ritus aliquis approbatus, quo uti deberent sacri homines, frustra fuisset de evitanda diversitate, atque ex ea scandalo, legem dicere. Eminentissimus tamen S. R. E. Cardinalis Joannes Bona vix auctorem admittere vult Isidorum lib. I. *Rerum liturgicarum* cap. II. eo quod inter libros ei tribui solitos, & ab Ildephonso & Braulione laudatos, hujus mentio absit laboris; tum quod in Missæ S. Martini quadam oratione, confessoris sanctissimi ætate eam fuisse confectam satis indicetur; tum demum, quod & Leandro, & Ildephonso, & Juliano Toletano, & Petro Ilerdensi, Missæ & orationes, sive earum libri, tribuantur. Ad quod minime applicuissent animum sancti viri & Episcopi, si jam ex conciliari decreto publicis privatisque sacris, quem transgredi fas non esset, præscriptus ordo fuisset. Accedit, diversum esse Mixt-arabici Missalis, quod idem vulgò cum Isidoriano creditur, ordinem, ab eo quem libri I. *De ecclesiasticis officiis* cap. 15. Isidorus servari tempore suo apud universum orbem prodidit. Quod, tum Jacobus Pamelius, indicatis iis in quibus differrent, partibus, in *Latinis suis liturgiis*, tum Joannes Grialius in Notis ad istud Isidori testimonium, quod nuper laudavimus, annotaverunt. Quæ omnia sanè cum judicio excogitata, quantumcumque solidam incepti & absoluti officii laudem Isidoro nostro denegent; Isidorianum vulgò datum iis libris, & ab ultima antiquitate derivatum nomen id saltem conficere apud omnes recta ratione utentes debet, ut inter alios huic negotio deditos non ultima Isidori laus habeatur.

196. Quod autem, post præscriptum semel ordinem sacramentorum, orandi atque psallendi, necnon & Missarum, & quotidianarum precum per horas recitandarum ex Concilio sanctionem, adhuc sancti doctique antistites formandis orationibus atque Missis vacarent, sibi que viderentur operæ pretium facere; ita interpretari possumus, ut id ipsum, quod nunc solet, eo tempore acciderit. Romana enim hodierna Ecclesia nihil turbato in substantialibus regulis ordine, tandem à B. Pio V. sanctissimo Pontifice stabilito, plures Missas, officiaque integra, aut eorum partes, pro diversis Ecclesiis, aut pro universo fidelium cœtu, frequenter postquam approbata sunt, vel permittit recitare, vel præcipit.

197. Quare inter Elipandum, & qui cum eo contenderunt olim Francofordienfis Concilii antistites, è diversis, Toletanæ præsertim Ecclesiæ, præsulibus, præter Isidorum Hispanensem, derivata olim Gotthici ritus fuisse dogmata planè convenit. Ex libello Eli-

p Supplem.
4 pag. 198.

r Tome 4
pag. 642.

q Baronius ad
ann. DCXXXIII.
cum nostris
historicis in-
tra laudandis.

Elipandi Toletanæ Sedis Episcopi, hæc sunt quæ recitant Francofordienses PP. in epistola eidem directâ: *Item prædecessores nostri Eugenius, Ildephonsus, Julianus, Toletanæ sedis antistites, in suis dogmatibus ita dixerunt in Missa de Cæna Domini, qui per adoptivi hominis passionem dum suo non indulsit corpori. Item in Missa de Ascensione Domini &c.* Sed quia hic locus non est de hoc insigni sacræ vetustatis monumento pluribus agere, quod captivitatis tempore inter Mixt-arabes, hoc est Christianos Arabibus subditos, semper retentum, & promiscuè in tota Hispania diu in usu habitum, vel hodie in Toletanæ Ecclesiæ cathedralis cappella quadam ab inclytæ famæ viro D. Francisco Ximénio Cisnerio Hispaniarum primatè conservandæ hujus rei memoriæ causâ ædificatæ, atque item alia Ecclesiæ Salmantiniæ cappella solenniter ex præscripto usurpatur, frequenter id argumentum exornantes auctores^s, cum nostri, tum quoque exterorum nonnulli, adiri poterunt.

198. *Codex item legum Wisigothorum, seu Gothica lex*, aut Gothicum Jus. Quod iussu Sisenandi Regis à Toletanis sexaginta duobus patribus in eodem Concilio Toletano quarto, cuius præses Isidorus & pars magna fuit, ordinatum & promulgatum falsò creditur, errore hausto ab inscriptionibus veterum codicum, qui opus Sisenando tribuunt. Cum enim duodecim libri, quibus totum continetur opus, maiorem partem Cindasvindi, ac Reccesvindi ejus filii legibus constet, qui Sisenando atque Isidoro ætate posteriores fuere; omnino tenendum est, aut Egicanis tempore confectum volumen, (quod Ambrosius Morales existimat^t) aut ejus filii Wittizæ, cuius est Lex 3. tit. 1. lib. 6. Nam quòd ad Alphonsum Castum ab quibusdam descenditur, congrua nulla sustineri ratione potest. Porro collectionem istam, quam Latinam, tum in *Veterum legum Septemtrionalium populorum codice*, qui editus est Francofurti ann. MDCXIII. duobus voluminibus comprehensam, tum in *Hispaniæ illustratæ* tertio volumine^u à Joanne Pistorio cum inscriptione *codicis legum Wisigothorum* editam habemus; quæque liber *Judicum* apud nos audivit, quo nomine in quodam Concilio sub Ferdinando Rege I. Legionis & Castellæ, in Castro Cojanza prope Ovetum habito appellatum legi Morales idem refert^x.

199. Aliquando nostri majores in vernaculum gentis sermonem convertentes, pro Latino libri *Judicum*, Hispanum *Fuero Judgo*, seu *Juzgo*, titulum inscribere; quasi *Forum* (idest leges: ita enim quodcumque legum systema, quod servandum promulgaretur, appellabant) *Judicum*, hoc est, quod sequi deberent Judices. Potuit sanè Isidorus auctor esse quarundam ejus codicis legum, quas equales ei Reges in publicum edidissent. Unde Lucas Tudenfis potuerit *Hispaniarum legislatorem* vocare^y. Atque hæc fortasse illæ sunt, quæ sub antiquarum epigraphe, sine ulla promulgatoris mentione, per totum ubique opus sparsæ conspiciuntur. Sed, ne certum aliquid hac re super statuere possimus,

iis quæ Sisenandi Regis, sub quo Isidorus floruit, nomen fronte gerunt, inscriptionibus fidem habentes, ipsa partium, è quibus corpus coagmentatum est totum, inspectio persuadet. De hoc Foro seu lege *Wisigothorum* laudare interim contenti erimus eos, qui peculiariter de re ista disserunt, scilicet ante alios Ambrosium Moralem lib. 12. cap. 20. & 61. Joann. Marianam lib. 6. cap. 5. Bernardum Alderete lib. 2. *Del origen dela lengua Castellana* cap. 2.

200. Magis adhuc certum est Isidorum nostrum non esse illum Isidorum Peccatorem, qui auctor collectionis epistolarum decretalium vulgò laudatur. Cui præfigitur ordo quidam de celebrando Concilio. Hujus falsæ persuasionis fundamentum posuit Hincmarus Rhemensis Episcopus in epistolâ illius, seu libri potius, ad Hincmarum Laudunensem Episcopum cap. 24. *Cum de ipsis sententiis plena sit (inquit) ista terra, sicut & de libro collectarum epistolarum ab Isidoro, quem de Hispania allatum Riculphus Moguntinus Episcopus in bujismodi, sicut & in capitulis regis, studiosus obtinuit, & istas regiones ex illo replevi fecit.* Clariusque significans de quonam Isidoro loquatur, in opusculi *De presbyteris criminosi, de quibus approbatio non est*, cap. 21. *Scriptum nanque est in quodam sermone (ait) sine exceptoris nomine de gestis S. Sylvestri excepto, quem Isidorus Episcopus Hispalensis collegit cum epistolis Romanæ sedis Pontificum à Sancto Clemente usque ad B. Gregorium.* Hincmarus autem fide auctor in primis dignus videtur, qui ferè ducentis annis post Isidori obitum florebat. Quare ultra Joannem Gersonem, plures cum eo sensere^b. Quorum sententiam in apologetico adversus Blondellum pro his epistolis & collectione Bonaventura Malvasia Bononiensis Franciscanus tueri prolixè conatur lib. 1. pag. 35. & sequentibus. Resistunt alii^c Isidorum Hispalensem distinguentes ab Isidoro Mercatore, seu Peccatore; quomodo aliàs audit qui collectioni nomen suum inscripsisse fertur. Eo magis quòd sanctissimo Episcopo, sui quæ ævi fulgentissimo lumini, vix tribuere has merces audeant, quæ aliis suspectæ, aliis omnino falsæ ac supposititiæ bonæ ex parte sunt.

201. Attamen distinguere possumus, utrumque extremum declinantes, Isidorum Hispalensem esse quidem auctorem collectionis epistolarum decretalium, quæ ejus præsefert nomen, sed non ejus formæ & extensionis, quam revera à quocumque alio postea induisse videtur. Dionysius quidem Exiguus ante sæculum ediderat suam illam principem decretorum compilationem, in qua Apostolorum canones, Græca Concilia in Latinum conversa, tum Africana Latina, tum denique Pontificum Romanorum à Syricio usque ad ævum suum decreta eum comprehendisse novimus. Vestigia Dionysii per me fuerit Isidorus sequutus in germana sua (si quæ illa fuit) collectione, ubi Dionysianis illis addidisse videri potest Africana, Gallicana, & Hispana Concilia, epistolæque Romanorum Pontificum, qui post Damalium universali Ecclesiæ præfuerunt. Namque

2. In editione Hincmarii operum Faciensii anni MDCXIV. tom. 6. postiore pag. 476.

a. Pag. 751. eodem tom.

b. Vincent.

Bellorac, &

ex eo Equilinus lib. 4. c. 1.

J. S. cap. 30. Joachinus Veda-

nus in *Fæderis*

antiquitatum

tom. 3.

scripsit. ver. Alem-

maur. Goldasti

pag. 12. ubi &

Annotator

Bartholomæus

Scobingerus,

Genebrardus

in *Chron.* anno

dexviii. alii

apud Malva-

tiam pag. 17.

c. Baronius

tom. 1. ad ann.

cii. num. 2. &

ad annum

dccclxv. n. 7.

6. 7. & 8. in *No-*

tis ad marty.

iv. Aprilis. Vell-

fusus *De H. L.*

lib. 2. cap. 25.

Morales lib.

12. cap. 21.

fol. 127. Mariana

lib. 6. cap. 5.

Thomas Tam-

ajus *ad Luit-*

prandum pag.

83. Labbeus

De script. Eccl.

tom. 1. pag. 648.

Gonzalez in

introduc. seu

Apparatu ad

decretales

num. 45.

d. Baronium,

Antonium Au-

gustinum, An-

tonium Con-

stantium, Per-

ronium Card-

inalem, Petrum

Marca, Sirmo-

dum, harum

reprobatores

laudat Philip-

pus Labbeus

in *Dissert. hi-*

storica ad Bel-

larmini script.

in Isidoro Hi-

spalensi de qua

te nos in Ju-

liano Hypobo-

limæ fecit.

ubi de primatu

Toletano n.

^s Vossius in *Chron. Hisp.* ad ann. dcccvi. Mariana lib. 6. cap. 5. Morales lib. 12. cap. 19. Alvarus Gomez *De rebus gestis Ximenii* lib. 2. in fine. Villegas in *vita S. Isidori*. Eugenius de Robles *Del oficio Mozarabe*. Card. Bona *Rer. Liturgic.* lib. 1. cap. 2.

^t Lib. 12. cap. 61.

^u Pag. 841.

^x Lib. 12. cap. 20.

^y Lib. 3. *Ch. or.* in principio.

que hujusmodi collectionis exemplar, absque illis epistolis, quæ ab antiquis ante Damasum & Syricum Pontificibus conscriptæ feruntur, cum Antonius Augustinus, Magnus Apollo harum literarum, alicubi se vidisse affirmavit, tum in Ecclesiæ Urgellensis bibliotheca etiam nunc adservari Stephanus Baluzius præfatione ad Reginonis *De Ecclesiasticis disciplinis* libros, docet. Escorialensis quoque alterius codicis, qui monasterii S. Æmiliani prius fuerat, Ambrosius Morales meminit, quem pro usu Alphonsi Regis VI. ante sexcentos ferè annos scriptum, Isidorianam istam continere collectionem existimari vulgò ait, eo præsertim argumento, quòd nulla ibi epistola decretalis legatur, quæ Isidori ætatem excedat.

202. Hic tamen postremò dictus codex, illas ne epistolas veterum Romæ Episcoporum, quæ sibi adhuc fidem frustra quærunt, gremio exceperit, Morales non dixit; in quo vellem eum accurate fuisse majorem usum. Sed nondum ejus doctissimi viri ævo in mentem venerat eruditæ antiquorum monumentorum censoribus, ut de auctoritate harum epistolarum dubitarent. Apponam tamen brevem auctoris ejus collectionis, seu libri, quem se vidisse Morales ait, prologum, unde explicari possimus, cujusnam operis auctoris specimen sive indicium faciat. *Sedis Apostolicæ præsulum constituta, quæ ad fidei regulam, vel ad Ecclesiasticam pertinent disciplinam, in hoc libro diligenti cura collecta sunt; ita ut singulorum Pontificum quotquot decreta à nobis reperiuntur, sub uniuscujusque epistolæ serie propriis titulis prænotarentur. Eo modo, quo superiorum patrum canones nostro studio ordinati sunt. Quatenus lectoris studium facilius intelligere possit, dum capitulis propriis distincta intendit.* Hæc ibi. Quæ cum legissem, & ad veteres alios similium decretorum collectores oculos intendissem, si fortè aliquis eorum ita præfatus fuisset, inveni iisdem ferè verbis conceptam præfationem Dionysii Exigui ad suam decretorum collectionem^f, sive ad Julianum epistola tituli S. Anastasiæ presbyterum.

203. Quòd autem ad Gregorii Papæ tempora Escorialensis codicis collectio illa pertingat, nos non movet. Nam licet Dionysius Exiguus Syrici tantum, & Innocentii, Zosimi, Bonifacii, Cælestini, Leonis, Gelasii, & Anastasii constituta, usque ad annum scilicet CDXCVI. libro suo comprehenderit; alius tamen his adjunxit Hilari, Simplicii, Felicis, Symmachi, Hormisdæ, atque Gregorii decreta; quem *juniorum Gregorium* appellans auctor, abundè significat loqui se de præfati Pontifice. Quare oportet renunciare nos conjecturam suam Ambrosio Morali, & de Escorialensi codice nihil deduci ad Isidorianam collectionem posse, pro certo agnoscere. Ejus sanè auctor, tum *Isidorus Mercator* (in codice quodam bibliothecæ Vaticanæ, quem existimo citare Alphonsum Ciaconium in schedis suis à me suprâ laudatis, notato numero 698. non *Mercator*, sed *mercatus servus Jesu Christi* legitur) tum etiam *Isidorus Peccator* audit in libris manu exaratis^g, atque

ultimum quidem, sæculi fortè sui more: nam & Fulbertus Gemeticensis in *vita B. Aichadri* ejusdem monasterii abbatis *Fulbertum* se *peccatorem* vocavit. Similiter Rhabanus libro *Pœnitentium* se inscripsit. Eodem modo Concilii Parisiensis III. aliorumque Gallicanorum patres majore ex parte sese actis *peccatores* subscripserunt; sicuti Willermus abbas Metensis ad Gregorium VII. Papam epistolâ in *Analektis* Mabillonis^h.

204. Si ergo Isidorus noster alicujus *decretalium ac decretorum* auctor est collectionis, abscondi omnino ab ea oportet quicquid suspexit suppositionis est, & ut magnus Baronius loquiturⁱ, *germano recte rationis temporis signo minime signatum*. Quomodo enim ferri potest hoc ejus esse Isidori, qui anno DCXXXVI. vitâ decessit, opus, cujus in præfatione & mentio fit Agathonis, non ante annum ejusdem sæculi LXXIII. Papæ Romani, quemadmodum & in *ordine Concilii celebrandi*, qui eidem præfationi subjicitur connectiturque, atque omnino ejusdem auctoris est, Concilii XI. Toletani anno DCLXXV. celebrati, quidam designatur canon ab archidiacono recitandus. In quo antiquitatis monumento, scilicet *ordine* isto, observamus, pro canone seu capite usurpatum *era* vocabulum; legenda nempe indicit de Conciliis agendis capitula ex canonum codice, *idest ex Concilio Chalcedonensi era XVIII.* (reperitur lex de Concilio singulis bienniis celebrando canone XVIII. ejus Concilii) *Item ex capitulis orientulium PP. quæ Martinus Episcopus Bracarenfis de Græco in Latinum vertit era XVIII.* (respondet in ea collectione idem caput) *Item ex Concilio Toletano IV. era III.* (similiter hoc responder caput in hoc Concilio) *item ex Concilio Agathensi era XVI.* Sed hic corrigendum est *era XL.* Nam in capite seu canone XL. hoc est, ultimo hujus Concilii, necessitas indicitur singulis annis colligendæ Synodi. Fortè dicta *era* seu *era*, quasi divisio, seu sectio: nam Græcis *ἀπορί* secta est.

205. Sed, ut revertamur, ea quæ Isidoriani temporis non sunt, superaddi postea forsitan potuerunt. Quod mihi primum est credere, cum videam *ordinem Concilii celebrandi* ex can. IV. Concilii Toletani IV. cui præfuit Isidorus, majorem partem formatum fuisse: desintque ibi quæ de inferioris ævi sacris monumentis, veluti additamenta, recentior aliquis in eundem ordinem conjecit. Fuerit ergo hujus ordinis, quomodo primum conceptus fuit, auctor Isidorus noster, reliqua verò alterius. David Blondellus, damnatæ apud orthodoxos omnes viri memoriæ, exactissimus tamen harum *decretalium epistolarum* à *Clemente I. usque ad Syricum*, quas Isidorus hic primus foras protulit, inspector & censor, multis probat decretalium hunc collectorem minime fuisse Isidorum nostrum^l, neque alium ullum Hispalensem Episcopum^m, tum etiam nec Hispanumⁿ, ut os iis obstruatur, qui Rheimensi credentes Hincmaro genti nostræ hoc mangonium impropertant. Conjectatur inde non improbabiler Germano-Francum,

h Pag. 247.

i Ad ann. CCCXXXVI.

k In hanc præfationem prolixè nos commentati sumus tomo I. *Collect. max. Conc. Hisp.* à pag. nempe 32. usque ad 162. ubi quicquid ab Isidori Hispalensis everforibus adduci solent, maturè diluuntur, ac penitus enucleantur. CARD. DE AQUILANA.

e Lib. 12. cap. 25. fol. 127j

f In *Biblioth. juris canon. veteris* Justelli tom. I. pag. 183. & in *Collect. Concilior. Biniiana, & Labbei*.

g Vide Malvasiam apolog. contra Blondellum pag. 32.

l In *Prolegomenis Pseudor. Isidori* cap. 2. m Cap. 3. n Cap. 4.

o Cap. 5. cum, vel Gallo-Francum esse °, forteque
p Ibid. pag. 23. Benedictum illum levitam P, qui Autgarii Moguntini præfultis jussu Gallicano *capitulorum Ansegisi abbatis* operi postremos libros tres adjunxit, Ludovicoque, Lothario, & Carolo, Ludovici Pii filius, circa annum DCCCL. dedicavit.

206. Ac demum in *Mercatoris* titulum defigens mentis aciem, suppositas ab eodem Benedicto, seu quovis alio, has merces Isidoro cuidam Hispano suspicatur q, qui cum frater Eulogii Toletani Episcopi, ac inclyti postea martyris, esset, Sarracenorum fugiens tyrannidem unâ cum altero germano fratre Alvaro usque ad ulteriorem Franciam, Moguntia aliquamdiu exsulavit mercaturam exercens, circa id ipsum tempus, quo Benedictus ille diaconus cum Autgario suo eiusdem urbis Episcopo in vivis erant. Quæ omnia ex Eulogii jam laudati martyris quadam *ad Willelindum Pampilonensem præfulem epistola*, circa annum DCCCL. exarata, necnon & quibusdam compertæ fidei chronicis & monumentis alia convenire aliis accuratè confirmat. Hujus inquam Isidori Mercatoris, sed nihil aliud quàm liberam à Sarracenorum iugo vitam sibi è peregrinatione Moguntina quærentis, dolique, aut inscii aut concii, nomine, abusum fuisse istius collectionis, decretaliumque epistolarum in ea contentarum auctorem, ut inde increbuerit fama, *de Hispaniis* (quod Hincmarus ait) *allatam*, à verò existimat non abluere.

207. Aliquantulum tamen obstat, quòd Hincmarus, ut vidimus, Ricolphum Moguntinum Episcopum eum fuisse ait, qui collectarum epistolarum librum ex Hispania allatum obtinuit, & Gallias eo replevit. Ricolphus autem annum hujus noni sæculi decimum quartum, aut decimum quintum prætergressus non fuit; quod idem Blondellus agnoscit r. Quòcum stare vix posse videtur ab Isidoro Eulogii martyris fratre, post aliquot annos, à Ricolphi obitu in eam regionem veniente inditum formatoris dolo fuisse nomen huic operi, atque id pro Hispana merce venditatum. Aut fateri quidem compellimur, si Blondelli conjecturam, cæteroqui sagacem, non improbamus; Hincmarum perperam Ricolpho adscribere, quod successoris ejus Autgarii, alteriusve factum fuerit. Minime quidem, ait ad aurem aliquis, & quòd importunè fundimus verba. Nam Luitprandus, antiquitatum ille inter vindices Hispaniarum, apertè docet quisnam Isidorus fuerit hujus collectionis auctor. *Isidorus Setabitanus* (ait ille in Chronico t) qui interfuit

r Cap. 3. pag. 22.

s Scilicet anno DCCCXVII. ut Blondellus admittit p. 30.

t Brà DCCXIX. five ann. Christi DCLXXXI.

Concilio XVI. Toletano, composuit ordinem Concilii, & collectionem Conciliorum, quæ dicitur Isidori Peccatoris, seu Mercatoris, quo cognomento vocatus est super Isidori nomen. Quo nihil potuit expressiori ad fictionis vultum stylo, veluti ungue, duci, aut quod hoc tempus nostrum, quo ambigi cœptum fuit de auctore collectionis, ac de *Mercatoris* & *Peccatoris* agnominibus, magis referret. Planè simplicitatis vultus innato statim se colore prodit, cerussam & purpurissum omne respuit, nec incrustari

amat, sed apparere. Germanus certè Luitprandus nihil dixisset ultra quàm Isidorum Setabitanum epistolas decretaque Pontificum collegisse. Et cur potius interfuisse hunc Isidorum uni decimo sexto Concilio Toletano à Pseudo-Luitprando annotatur, quàm & interfuisse decimo quinto, cum utrique subscripserit? Planè collectio ista primùm forsan prodiit Parisiis ex officina Francisci Regnault MDXXXV. in 8°. hoc est tomo primo editionis Conciliorum, quam fecit u.

208. Præsertim & Isidori nomen *Glossarium* quoddam, seu *Glossæ* liber dictus Isidori, qui frequens in manibus eruditorum est. Hunc tamen compilationem esse à pluribus, nec semel aut simul factam, criticis placet sagacioribus. Cujus tamen aliquam partem quin Hispanensi attribuam, hoc est, prima operis elementa, & quod antiquissimè in eum librum conjectum novis accessionibus fundamentum præstruxit, ægrè inducar. Thomam Reinesium consule sis lib. I. *Variarum lectionum* cap. 8. & lib. 2. cap. 14. quibus locis plura ex eo *Glossario* restituit acutè ac eruditè, cæterorum omnium id existimans opinatissimum, lectionisque minus impeditæ. Immo & Gasparem Barthium lib. 16. *Adversariorum* cap. 24. ubi Isidori alterius cujusvis, non inhumani auctoris, opus prorsus necessarium ad dignoscenda Gotthica verba, quæ in Latinam linguam irrepererunt, censet; & lib. 19. cap. 22. quo loco ex iis glossis, si accuratè inspiciantur, multa disci posse, ait, aliis locis minus obvia, aut frustra querenda, qui & lib. 26. cap. 15. multa esse, inquit in *Glossario* isto *Isidori junioris egregia, multa ridiculè corrupta, omnia non negligenda iis qui latinitatis, præcipuè cadentis, intellectui student.* tandemque lib. 4. cap. 9. ubi ad Isidorum Hispanensem, auctorem *Glossarii* primū, uti nos, inclinatur; quibus omnibus locis par istud celeberrimorum hujus ævi criticorum pluribus hujus libri plagis desperatis, salutem & medicinam, ex conjectura tantum, quæ sæpè viros etiam sagacissimos fallit, attulerunt. Editum hoc exstat *Glossarium* in auctorum lingue Latina corpore postrema editione Colonienſi anni MDCXXII. Antea tamen admiserat in suam S. Isidori operum editionem Breulius, non item in Matritensem Grialius. Est & in *Glossariis* Vulcanii.

209. Ut finiamus, quid à vero potuit abnormius excogitari, quàm quòd in fragmento, seu continuatione Isidoriani Chronici, quæ S. Ildephonso attribuitur Episcopo Toletano, Tudensisque Lucas inseruit suo, ita legitur: *Successit beatissimo doctori Isidoro Theodiscus, natione Græcus, varietate linguarum doctus, exterius locutione nitidus, interius autem, ut exitus demonstravit, sub ovina pelle lupo voracissimus. Nam libros quosdam De naturis rerum, & arte medicinæ, necnon & De arte notoria, quos pater Isidorus facundo stylo composuerat, & nedom ad publicum venerant, in odium fidei corripuit, refecans vera & inserens falsa, atque per quendam Arabum nomine Avicennam de Latino in Arabicum transtulit. Hic in his & aliis pluribus infidelis inventus, &*

erro.

u Adilector, collectionis nostræ Conciliorum. tomum 1. cujus bona pars in discussionibus quæ Isidoro opponi solent, insumpta est. Invenies forsitan quæ animum tuum confirmant, quæ inter implicita ac prærupta iter expediant. Cap. D. A. G. M. A.

erroneus in articulis fidei comprobatus, per Synodum ab Archiepiscopali dignitate degradatus est. Afferebat enim Dominum nostrum Jesum Christum cum Patre & Spiritu sancto non esse unum Deum, sed potius adoptivum. Hic, ut dictum est, privatus honore sacerdotii ad Arabes transiit, & sectæ pseudo-propheta Machometi adhaesit, & plura docuit detestanda sub Imperatore Heraclio. Tunc temporis dignitas primatiae translata est ad Ecclesiam Toletanam.

210. Profectò indigna hæc sunt quæ gravem suorum temporum antistitem Lucam, uti ab Ildephonso profecta deceperint, ut historicis melioris commatis nostris placet. De Avicennæ hac fabula dicemus infra cum lib. 8. cap. 2. ad eos auctores deventum à nobis erit, qui è sæculo undecimo Hispaniæ perperam adjudicantur. Ridiculumque prorsus est Theodiscum in libris *De medicina* & *rebus naturalibus* in odium fidei vera refecasse, atque inseruisse falsa; cum hoc potius ad scriptos ab eo de rebus sacris libros esset referendum. Quid enim medicina, aut ars illa, quam appellat *notoriam* (superstitiosissimam illam intellige, y quam sub Salomonis *clavicula* nomine explanavit integro libro Cornelius Agrippa) cum fide, & contra eam erroribus? Aut qua fronte Lucas admittere potuit, execrandæ doctrinæ librum notoriæ hujus artis sanctissimo Isidoro absque injuria maxima posse adscribi? Nisi *De arte notaria* legendum sit, hoc est quæ per notas scribere docet: quam, præter Latinos, Hebræi etiam inferioris sæculi cognoverunt. de qua re Mullerus lib. 2. *Miscellan.* cap. 13.

211. Theodiscum sanè, sive Theodiscum, Honorati Hispalensis post S. Isidorum Episcopi successorem, synodali sententia, sub Cindasvintho Rege in exilium missum, dignitatemque primatiae, quam ab antiquo habuerat, totius approbatione Concilii, Toletanæ Ecclesiæ confirmatam, Rodericus Toletanus antistes docuit lib. 2. cap. 21. Nil tamen de falsatis ab eo Isidori operibus. Immo Græcum, hoc est, Romanæ ditionis hominem, eo tempore, quo recens sub Sisebuto & Svinthila Romanum in Hispania imperium omnino disiectum fuerat, recuperatæque omnes eorum à Gotthis urbes, quod Isidorus ipse in *Chronico*, & *Gothorum historia*, necnon & alii affirmant, in sedem Hispaniarum nobilissimam, primatiaeque dignitate fulgentem irreperere potuisse, aut vocatum fuisse, ut statim credamus, vix eò tam magnus auctor duxerit. Inter enim annum DCXXXVIII. quo sexto Concilio Toletano Honoratus, & DCXLVI. quo septimo Antónius, Hispalenses interfuere antistites, tragediam hanc recitatam fuisse oportet: quæ duo Concilia, Cynthilæ & Cindasvinthi temporibus, hoc est post integram Hispanam ditionem à Svinthila Gotthis vindicatam, coacta sunt.

212. Increbuit hæc forsàn de corruptis Isidorianis libris fama, ob ei aliquando ab Hincmaro Rhemenfi calumniosè atque injuriâ objectum, de quo suprà nos opportunè monuimus, in prædestinationis negotio erro-

rem. Quamvis directè altera de Christo adoptivo Dei filio hæresis apostatæ huic impu-
tetur à Luca Tudenfi. Quod nec sine difficultate mihi est. Qui enim potuere recens damnatum in Theodiscli causa execratione-
que conciliaris decreti sententiâ errorem, paullo post aliquo tolerabili prætextu suade-
re ac tueri Elipandus Toletanus, Felixque Urgellenfis, Episcopi, quorum hæc de adoptione Christi abominanda, & ex Arii sive Nestorii rogo excitata hæresis fuit? Quorum quidem tota historia vix admittere possè vide-
tur præjudicium id quod refertur in Theo-
discli causa non ita pridem factum. Cur enim, si Elipandus & Felix dissimulaverunt recenter judicatæ rei conscientiam, nullus eorum, qui sumptis in manus orthodoxæ fidei armis, perniciosissimam, & in Hispaniis redi-
vivam hæresin opportunè conati sunt excin-
dere, argumento isto & exemplo confirmatæ demum rei conciliari canone apud Hispanos ipsos, fortasseque Toleti, cujus Ecclesiæ Eli-
pandus præerat, & in qua celebrabantur jam eo tempore vulgò Concilia, & abdicatione Theodiscli tam celebris Ecclesiæ præsulis memoriæ posterorum commendatæ, usus unquam fuit?

213. Exstat enim, hucusque licèt ineditum, in aliquot bibliothecis nostræ Hispaniæ opus insigne vastumque adversus Elipandum, ejusque hanc de adoptione Christi hæresin, Beati presbyteri, Heterique Uxamenfis Episcopi; ex quo nusquam comprobatum legi Theodiscum huic eidem luto hæsisse, penamque impietati suæ consentaneam luiffe. Præterea, non solum Ragenespurgenfis, seu Ratisponensis in Bajoaria ann. DCXCII. cujus Alcuinus paullo post laudandus meminit, verum etiam Franco-fordienfis anno DCXCIV. coactæ Synodi sub Hadriano I. Papa & Carolo Magno Francorum Rege, eidem huic impietatis prosternendæ belluæ laudabiliter incubuere. Unde ad posteros emanarunt epistolæ plures, vel nunc in corpore Conciliorum exstantes, Hadriani videlicet Papæ, Paullini Aquilejensis, Petrique Mediolanensis, cum cæteris Italiæ Episcopis, necnon Galliæ, & Germaniæ Episcoporum ad Hispaniæ directæ Episcopos, qui Felicianam istam luem contraxerant, tandemque ipsius Caroli Regis nomine alia ad Elipandum eosdemque Hispaniæ Episcopos directæ. Nec in ulla harum tamen Synodi hujus Hispanæ adversus eundem in Theodisclo Hispalensi compressum errorem celebratæ vola aut vestigium exstat.

214. Alcuinus item, Caroli ejusdem Magni magister, librum inscripsit seu epistolam ad Elipandum, necnon & contra Felicem Urgellitanum libros VII. qui sub nomine Paullini Aquilejensis vulgati in *Bibliotheca patrum* fuerunt, aliaque sunt ejusdem Alcuini huc spectantia in ejus operum editione Parisiensi; immo & in eorum appendice Paullini jam laudati Aquilejensis contra Felicem libri III. aliisque *Adversus Elipandum*, libellus continentur. Quos omnes in tam controversa & famosa ejus ævi quæstione, latere potuisse

Mm Fe

Bibliotheca vetus Hispana Tom. I.

x Morales lib. 12. cap. 212. fol. 137. Maria-na lib. 6. cap. 7.

y De qua plures agunt. Del-rius *De magia* lib. 2. quæst. 24. Torre-blanca lib. 1. cap. 14. Jo. Alberghinus in *Manuale qua-lificationum* cap. 12. sect. 3. §. 1.

Felicitis & Elipandi causam jam olim fuisse præjudicio Theodisclii causæ in Concilio, quod ajunt, damnatam, incredibile prorsus videtur. Latuisse autem, obstinato isto universorum, quæ contentio hæc peperit, monumentorum silentio persuaderetur. Elipandus autem & Felix, ut supra tetigimus, qua fronte adversus Concilii hanc sanctionem judiciumque, nulla ejus mentione, vel ad interpretationis aliquo eludendum colore, habitâ, coram tota Hispaniarum Ecclesia insurgere, libellumque doctrinæ suæ, Ildephonsi etiam, Eugenii, Julianique, Toleti Episcoporum testimoniis munitum, ad Carolum dirigere ausi sunt; quo eodem Eugenio, ut Toleti Episcopo, Concilium illud Theodisclio infensum fuisse habitum, rationem temporum sequenti affirmare cogimur?

215. Tandem movet salivam, quominus Pseudo-Ildephonsi, seu, quod verius credimus, Lucæ ipsius Tudensis, relationi de Theodisclii impietate atque exitio credamus*, id quod in fine audimus: *Tunc temporis dignitas primatiae translata est ad Ecclesiam Toletanam*. Quæ ipsa legitur rei causa apud Rodericum Toletanum lib. 2. cap. 21. Unde Lucas Tudensis per me desumpserit, *Hinc* (Cindasvinthus Gotthorum Rex) *perfidum* (Theodisclium Hispalensem) Episcopum synodali sententia in exilium misit, & dignitatem primatiae, quam ab antiquo habuerat, totius approbatione Concilii Toletanæ (ait) Ecclesiæ confirmavit. Nam, ut antea docuerat, Rex ille à Romano Pontifice privilegium obtinuit, ut secundum beneplacitum Pontificum Hispanorum primatiae dignitas esset Toleti, sicut fuerat ab antiquo. Suspecta enim quodammodo hæc mihi sunt è Roderici calamo venientia, qui perpetuam hanc Toletanæ primatiae prærogativam ita acriter omni tempore tutatus fuit, ut brevissimo etiam, quod laudavimus, capite, bis eam, neque necessariò, expresserit. Ecclesiæ quidem Toletanæ aliqua major aliis, citra primatiale, dignitas à Regum in ea urbe regiam suam habentium accessit præsentia. Inde ibi crebrò acta Concilia, quæ aliquo modo erant regni totius comitia, interveniebantque his Reges, & curiæ magnates; non à primatiae munere: quod neque nomine tunc in Hispania notum. *Primas* enim pro metropolitano, non pro metropolitanorum principe, ubicumque in Conciliis ejus dignitatis mentio est, accipitur. Nec si revera esset, metropolitani antiquiores recentioribus antistitent sedendi ordine; sed omnes Toletano antistiti, si talis fuisset, loco cederent.

216. Pariter honori regiæ curiæ atque ejus antistitis datum, quod convicinos Toletanæ sedis Episcopos (è suffraganeorum numero scilicet) singulis per annum mensibus in eadem urbe commorari debere statutum fuerit, can. 5. Toletani Concilii septimi: quod item Toletani Episcopi Reges urgerent, & quod Episcopis in propriis sedibus decedentibus, quos iis successores elegissent Reges, eos non exspectata uniuscujusque pro-

vinciæ Concilii, quod in more antea fuerat, approbatione, ne plus æquo electiones protelarentur, salvo tamen uniuscujusque provinciæ jure, Toletani deinceps ordinarent Episcopi: quam ei prærogativam Toletani XII. Concilii patres canons 6. decrevere. His saltem delati Ecclesiæ huic honoris gradibus veluti munita est via, qua recuperata à Mauris Toletanæ urbis tempore in eam emerisset primatiale totius Hispaniæ dignitatem, quam divine Incarnationis anno MLXXXVIII. Urbanus ei Pontifex Romanus tandem concessit. Dicta hæc suntque liberè ab studio partium^a, ac saltem ne inflicte ob indignum ejus antistitem Ecclesiæ Hispalensis urbis pœnæ famam, à Luca Tudensi & Roderico Toletano Episcopis propagatam, absque ullo examine susciperemus.

^a Uti scilicet Franciscus Padilla Hisp. Ed. hist. cent. 7. cap. 31. & 32. & post eum Rodericus Caro De las antigüedades de Sevilla lib. 2. cap. 14.

CAPUT V.

De BULGARANI Comititis epistolis mss. De REDEMPTO, qui de obitu S. Isidori scripsit. Et de SISEBUTO Gotthorum in Hispania Rege. Atque item JOANNE Caesar-augustano Episcopo, Braulionis fratre. De canonibus paschaliibus. ARTHUAGI monachi incerta memoria. JUSTUS Toletanus Episcopus diversus à Justo diacono apud Isidorum. Pseudo-Luisprandi oscitantia in exscribendis S. Ildephonsi verbis. PAULLUS diaconus Emeritenfis. BRAULIO Caesar-augustanus præsul. Ad hunc epistola S. Isidori explicatur. Antecepta questio de quoniam S. Emiliano is scripserit. Additionum Braulionis nomine ad Maximii Chronicon confictarum insigne documentum. EUGENII duo Toletani, quorum junior scriptorum album ornat. Figmentum de Itinerario Antonini ab Eugenio correcto. FRUCTUOSUS Bracarenfis Episcopus an Benedictinus. Hujus regula à Benedictina multum differt. Joannes Mabillonius taxatur. FRUCTUOSUS alter senior fictitius. Pseudo-Juliani de Fructuoso nugæ. Anonymi carmen.

217. TEMPORIS quo Isidorus Hispalensis floruit, æquales aliquot, ex quocumque lucubrationum genere dignos qui recenscantur, nunc subjiciam.

218. BULGARANUS Comes sub Gundemaro Rege (biennium hic Gotthis, usque ad annum DCXII. imperavit) Gallie Narbonensis præfectus, plures epistolas ad diversos direxit, quæ ad nostram usque ætatem adhuc inoditæ in quodam Ovetensis Ecclesiæ codice membranaceo ante quingentos annos jussu Pelagii Episcopi ad usum Alphonfi Castellæ ac Legionis Regis VI. exarato, atque in alio codice Complutenfis S. Ildephonsi collegii, Ovetensi isto antiquiore, servatæ sunt. Quibus quidem epistolis, quarum una ad Regem, duæ ad Episcopum quendam nomine *Illustrem*, aliæ ad alios scriptæ, leguntur^b, nonnulla illius temporis gesta, nec aliunde nota, manifestari, Ambrosius Morales, rei auctor, & oculatus testis, lib. 12. cap. 11. Historiæ suæ nos docuit.

^b Bulgarani epistolarum *extrema* apud nos habemus, ex codice Ovetensi exscriptarum: quarum prima est ad Episcopum quendam Franciæ. II. ad eundem. III. ad Episcopum nec scio quem. IV. & V. ad Agapium Episcopum. VI. ad Gundemarum Regem. Quas omnes, simul cum aliis diversorum, quas inter *antiquiores* servamus, publici juris aliquando faciemus. CARD. DE AGUIRRE.

219. Ejus.

* Hanc de Theodisclio fabulam sibi nos olim exploravimus in Collect. Max. Concil. Hisp. tom. 1. pag. 85. & seqq. ubi totum negotium ad exactam criteriū trutinam examinavimus. CARD. DE AGUIRRE.

^a Desunt hæc parenthesi contenta in quibusdam libris.

219. Ejusdem Isidori clericus fuit RED-
EMPTUS, qui brevem *Narrationem beatissimi*
Pontificis obitus nobis reliquit; ad quem,
cum additamento *archidiaconi* directa legitur
epistola quædam ejusdem Isidori *De usu panis*
azymi in occidentali Ecclesia: quam tamen ali-
qui eapropter non admittunt, quia res ista
inter utramque Ecclesiam diu post Isidori
ætatem agitari cœpta est. Conservata fuit
Narratio hæc obitus in eo, quo de nuper lo-
quuti sumus, Ildephonfina apud Complutum
collegii septingentorum annorum, ut credi-
tur, codice; cujus Ambrosius Morales cum
rei notitia meminit lib. 12. cap. 21. c. Existat-
que in editionibus Isidorianis Matritensi ac
Breulii Parisina.

c. Pag. 225.

220. SISEBUTUS quoque Rex Gotthorum,
non minus quàm dignitatis culmine, armo-
rumque præstantia, literis atque eruditione,
Latinæque linguæ peritiâ inclytus, inter scri-
ptores loco suo donandus est. Etenim fuit
(Isidorum audis) eloquio nitidus, sententiâ
doctus, scientiâ literarum magna ex parte im-
butus. Quare idem Isidorus libro suo *De*
natura rerum ad eundem directo sic præfatur:
Dum te præstantem ingenio, facundiaque, ac
vario flore literarum non nesciam, impendis ta-
men amplius curam, & quædam ex rerum na-
tura vel causis à me tibi efflagitas suffraganda.
Isidorus alter Pacensis Episcopus in Chroni-
co seu *Epitome Imperatorum & Arabum* vocat eum *virum sapientem, & nimium literaturæ*
deditum. Quæ Rodericus Toletanus lib. 2.
cap. 17. verba exscripsit. Anonymus Benedi-
ctinus in *Chronico abbatiæ S. Remigii Divio-*
mensis f. ad annum XII. Regis Theoderici
(quantumvis Sisebodus nuncupet) *vir* quo-
que *sapientis, & in tota Hispania laudabilis,*
valdeque pietate pleni elogio commendatum
dimittit. Gundemaro hic suffectus regnum
Gotthorum octo cum dimidio annis usque
ad DCXXI. tenuit, belli & pacis artibus,
religione, justitiâ, & benignitate, clemen-
tiæque in paucis clarus. De rebus ejus ge-
stis nunc disquirere non est præsentis argu-
menti.

d. Hist. Got-
thorū etā dcl.

e. In Hera-
clio etā dcl.

f. A Dache-
rio edito to. 1.
Spicil. pag. 177.

g. Tomo 2.
Hist. illustrata
pag. 1022.

h. Martinus
Ximena in Ar-
nalibus Eccles.
Grenensis. pag.
33.

221. Quodd enim ad bibliothecam ejus
pertineat nomen, unus & alter vetus codex
apud nos servatus, in iisque aliquot ab eo
auctore profectæ, cum epistolæ, tum alia
contenta opera, in caussa sunt. Ii sunt toties
laudati libri Ovetensis Ecclesiæ, & Complu-
tensis collegii, quos vidit Morales, lib. 12.
cap. 3. & in epistola ad Andream Resen-
dium g, & in prologo ad secundum historiæ
suæ volumen, ubi de libris antiquis agit,
consulendus. Tertium adjungo, quem repe-
riri ajunt h in Toletanæ Ecclesiæ bibliotheca.
In his omnibus exstant Sisebuti Regis Epi-
stolæ ad Cæcilium Mentefanum Episcopum, ad
Cæsarium Patricium Romanum, sub quo
fuisse tunc videtur quicquid intra Hispanias
Romanæ erat, hoc est, Imperatorum, ditio-
nis; ad Eusebium Barcinonensem antistitem,
ad Theudilam & Sandrimerum quosdam,
ejus argumenti omnes, quod apud eundem
Moralem interim videri potest, dum præteritæ
incuriæ nostræ vindex aliquis sacra hæc anti-
Bibliotheca vetus Hispana Tom. I.

quitatis monumenta luci non ultrà invidet.

222. Legitur cum his etiam *Vita & mar-*
tyrium S. Desiderii Viennensis in Gallia Epi-
scopi, quem Theodericus Rex, instigante
Brunichilde ejus avia, ab exilio insulæ, quod
missus antea fuerat, reductum, lapidibus ob-
rui fecit Lugduni xxiii. die Maji an. DCXII.
Cujus, Sisebuto æqualis, martyris Beda,
Ufuardus, Ado in Martyrologiis, Romanum-
que II. die Februarii, post Siebertum * &
Fredegarium Scholasticum¹, meminere. Joan-
nes tamen Mariana noster eò inclinare vide-
tur, ut magis esse alterius Sisebuti hanc Vi-
tam putet, nullâ tamen hujus sui judicii ra-
tione proposita. Quæ cum in antiquissimo
non uno codice, ut jam diximus, ad Regem
Gotthorum referatur, illeque doctrinam
suam & pietatem & eloquentiam gravissimo-
rum scriptorum ore posteris commendaverit;
nihil est cur de alio auctore solliciti simus^m.
Scripsisse autem eum ulterius aliquid histo-
ricum, aut geographicum, inde colligere
posse videmur, quod Joannes Ægidius Za-
morensis Franciscanus in *Adversariis* (qui li-
ber vastus immensæque lectionis in schedis
adhuc bibliothecarum latet ineditus) seu in
tractatu 1. *De præconiis Hispaniæ*, de Carpe-
tania provincia loquens, quæ tamen (inquit)
sicut referunt Plinius & Sisebutus, ad Car-
thaginensem provinciam pertinet.

i Ita nobis
animo hæret,
si aliquando li-
cuerit accura-
tius ea cõferre
cum mss. Got-
thicis biblioth.
Toletanæ, unde
negis ac sphal-
matis deforma-
ta, crassissimâ
exscriptorum
infectâ, ad nos
pervenerunt.
Epistolarû in-
scriptiones sũt:
1. *Ad Episcopũ*
Mentefanum,
qui se recitasse
in monasterio.
II. *ad Cæsarium*
Patricium, re-
scripta per An-
fermandum. III.
ad Eusebium
Episcopum. IV.
ad Theudilam,
cũ ex laico
habitu in mo-
nasterio accepit.
V. *ad Ad-*
valicidũ Regẽ
Longobardorum
& Theudilin-
dam Reginam,
pro fide Christi,
per Theudilam
directa. CARD.
DE AQUILA.
In Chron.
ann. dclviii. &
dclxii.

1 In Append.
ad Greg. Tur-
onensem anno
Theoderici Ra-
gis VIII.
m In apo-
grapho nostro
ex Toletano
autographo
transcripto, d
Sisebuto Rege
composita dici-
tur Vita hæc
S. Desiderii.
Quapropter nõ
est cur Sisebu-
to huic nostro
opus hocce in-
videamus.
CARDINALIS
DE AQUILA.
n De Scripto.
Ecclesiæ.

223. Sub Sisebuto, & Svinthilano ejus
successore vixit JOANNES Cæsar-augustanus
Episcopus, Maximi successor, Braulionis
fratris decessor, de quo S. Ildephonfus: *Joannes*
(ait) *in pontificatu Maximum sequutus, Ec-*
clesiæ Cæsar-augustanæ sedem ascendit, primò
pater monachorum, & ex hoc præsul factus in
regimine populorum; vir in sacris literis erudi-
tus, plus verbis intendens docere quàm scriptis,
tam largus & hilaris dato, quàm hilaris etiam
vultu. Unctionem namque Spiritus Dei, quâ
fovebatur intrinsecus, tam largitate muneris
quàm habitudine vultus adeò peferebat, ut
& datum gratia commendaret, & non datum
gratia excusaret. In Ecclesiasticis officiis quæ-
dam eleganter & sono & oratione composuit.
Hoc est, non solum duxit stylo, sed &
musicam modulationem cantui præscripsit.
Annotavit inter hæc (subjungit) inquirendæ
pascualis solennitatis tam subtile atque utile
argumentum, ut lectori & brevitæ contra-
cta, & veritas pateat patefacta. E Con-
cilii Toletani IV. canone g. constat, solere
in Hispaniis de solennitate pascuali varietatem
existere prædicationis, hoc est publicationis:
diversa enim observantia laterculorum pascualis
festivitatis interdum errorem parturit. Proinde
(eidem Concilio) placuit, *ut ante tres menses*
Epiphaniarum metropolitani sacerdotes. literis
invicem se inquirant, ut communi scientiâ edocti,
diem resurrectionis Christi & comprovincialibus
 suis insinuent, & uno tempore celebrandum an-
nuncient o.

224. Vulgarius est, quàm ut hic incul-
care sic necesse, cum Græcorum, tum La-
tinorum veterum, hanc circa rem studium,
Hippolyti Portuensis, Prosperi, Anatolii
Laodiceni, Theophili Alexandrini, Victoris
Mm 2 Aquil.

o Confirmat.
Concil. Bracar.
II. cap. 9. Are-
laten. I. cap. 7.
Carthagin. III.
cap. 1. & V. cap.
7.

Aquitani, Dionysii Exigui, aliorumque; de quibus latè hujus argumenti enarratores, atque inter alios Ægidius Bucherius Jesuita in *De doctrina temporum*, seu in *Victoris*, & aliorum canones paschuales commentario, egit. In difficili ergo & controversa re, cujus post tot doctissimorum hominum vigilias nondum tota constabat ratio, nonnullam, atque adeò laudabilem posuisse operam Joannes Cæsar-augustanus videri debet. Ildephonso inde ait: *Duodecim annis tenuit sedem bonoris, adeptus vitam gaudii, ad quam anhelavit desiderabili voto. Substitit in sacerdotio temporibus Sisebuti & Svinthilani Regum*. Inter annum scilicet DCX. quo Maximus, tunc Cæsar-augustæ Episcopus, Toleti decretum Gundemari Regis confirmavit, ac DCXXXIII. quo Braulio Joannis nostri frater & successor Toletano IV. Concilio interfuit. Sisebutus quidem anno DCXII. Svinthila (ut Reccaredi II. trimestre imperium cum Ildephonso nunc omittam) anno DCXXI. regnum obtinuit, DCXXXI. vitâ functus.

225. ARTHUAGUM quendam, cognomento GOTTHUM, usque ad Svinthilæ tempora sanctitate ac literis floruisse, scriptamque reliquisse *Gothorum historiam*, ex Augustiniani ordinis Chronicis Ambrosius Morales lib. 12. cap. 19. refert. Cislæ monasterii, olim Augustinianorum, ut ajunt, nunc Hieronymianorum, Toletani fuisse alumnus credi voluit Pseudo-Maximus p; cujus quidem verba in Estepano codice ita concepta: *Arthuagus q cognomento Gothus, ex ordine S. Augustini floruit*. (quæ si aliquo probabilitatis solonituntur, hæc saltem ex ordine S. Augustini, uti glossema, omnino erunt furcillis rejicienda) ita leguntur in Bivariana editione: *Arthuagus cognomento Gothus, ex ordine Sancti Augustini, Toleti floruit opinione sanctitatis*. Aliàs r: *Scislæ Toleti floruit sanctitate*. Pseudo-Luitprandus item s: *Prima die Maji moritur sancte compositæque Toleti Arthuagus monachus Augustinianus Scislæ Toletanæ*. Tandemque Pseudo-Julianus ferè iisdem verbis t.

226. Et hanc, similemque aliam, ex his fontibus derivatam, alterius Artinodi ejusdem Cislæ domus cœnobitæ notitiam jactant Augustiniani u, cum quibus nunc non agimus, sed solum quæ in hac historia salutarum & vadorum est significare intendimus. Arthuagum ann. DLXXXIV. sanctitate floruisse (quod Maximus ait) jam monachum, quibus saltem virilis ætas, seu tricennaria, innuitur, vix convenire cum eo ad quem prorogasse dicitur ætatem, hoc est, DCLIX. anno, inficias nemo iverit, qui non in macrobiorum Dextri & sequacium reipublicæ constitutionem, cum eorum auctorum juratis defensoribus, conspiraverit. Nam ætatis plusquam centenariæ tempus hi duo anni, quorum postremum ejus vitæ ultimum Pseudo-Julianus prodit x, includunt. Necessè est ergo ut testimonium hoc resistentes conferamus nos ad Pseudo-Luitprandi chronologiam, qui anno DCXXXII. emortualem Arthuago dixit. Sed Luitprandus, si germanus aliquis Chronici auctor, in Estepano

fragmento servatus non ultra ann. DCXXX. progreditur: quare frustra eum, uti veri anni Arthuagi obitus sequestrem & arbitrum consulemus. Deinde prima die Januarii decessisse eum Julianus ait, prima die Maji Luitprandus. Quæ conciliare inter se ipsa invicem pergant, qui solidi quicquam horum nominum præstigiis atque umbris attribuire non verentur.

227. Fertur & hujus met Arthuagi epistola ad Isidorum Hispalensem Episcopum data ab Augustinianis Salmantinæ urbis haberi. De qua hæc Hieronymus Romanus de la Higuera Jesuita, in suis ad Luitprandum Notis, quæ in Ramiriziana Antuerpiensi hujus operum omnium editione leguntur, y *Ad annum DCXVI. num. 24.* *Ex epistola Deus-dedit Gordiano Hispalensi, hoc (Isidorum nempe extrusum à sede sua, Gordianumque hunc intrusum fuisse) manifestè patet ex libris epistolarum Romanorum Pontificum Romæ impressis: nec mirum aliqua tacuisse scriptores, quæ in dies magis tempus retegat. Idque confirmatur ex epistola Gotthica manuscripta, quam habent PP. Augustiniani Salmantenses, Arthuagi Gotthi Toletani monachi Augustiniani ad eundem Isidorum. Quid autem Gotthica adjecto significare de epistola ista voluerit Romanus rei auctor unicus, ovesponitur aliquis interrogandus erit. Nam si Gotthica linguâ scriptam fuisse eam accipiamus, quisnam ejus interpretem Augustinianis Salmantensibus aut Romano Higuera præstitit? Vix enim est ut è contrario credam de Gotthica scriptura seu charactere, doctum latinitatis hominem sic loquutum.*

228. Præterea ex domesticis nullus, quod sciam, neque Thomas de Herrera?, qui cœnobii Salmanticensis tabularia, omniaque vetera monumenta consuluit, hujus epistolæ meminerunt. Unum Higuera conformare Julianum, hoc est, vas figulo suo, noveris. Nam in hujus *Collectione variorum carminum*, importuno satis loco, hæc leguntur: *Nunc vero post hæc carmina sequuntur quedam epistolæ, quarum prior est Arthuagi monachi Gotthi ad D. Isidorum, quæ sic incipit: Reverentissimo domino Isidoro &c.* Sequuntur tamen post hanc notam adhuc alia carmina, nec deventum unquam fuit ab auctore ad præmissas epistolas. Extra hos duos, qui mutuo sibi morem gerunt, nullam hujus epistolæ notitiam invenias.

229. Sisenando, qui Svinthilæ successit, Gotthorum Rege, Justus, Helladii successor in Episcopatu Toletano, à S. Ildephonso elogium hoc promeruit a: *Justus post Helladium discipulus ejus illique successor innexus est, vir habitudine corporis ingenique meritis decorus atque subtilis, ab infantia monachus, ab Helladio ad virtutem monasticæ institutionis assatim educatus pariter & instructus, in Agaliensi monasterio tertius post illum rector est factus. In Pontificatu autem mox illi successor inductus, vir & ingenio acer, & eloquio sufficiens, magna spe profuturus, nisi hunc ante longævam vitam dies abstulisset extrema. Quid verò hæc dotes ad bibliothecam si quæris, audi jam elogii clausulam: Scripsit ad Ricbilanem Agaliensis monasterii*

p In Chron. ad an. DLXXXIV. num. 2.

q Abbreviatum ita coc. legitur in codice isto.

r Ita citat Ramirezius in Notis ad Luitprandum anno DCXXXII. n. 46.

s In Chron. ad an. DCXXXII. num. 46.

t In Chron. ad an. DCLIX. num. 325.

u Marquez De origine cremonensis cap. 11. §. 2. & 3. Hier. Roman. in Augustinian. histor. cent. 3. Vide Bivarium ad Luitprandi an. DLXII. num. 8. & DLXXXIV. num. 2. Ramirez ad Luitprand. m. anno DCXXXII. nu. 46. & ante eos Jordanus Saxoferratensis, & Amb. Coriolanus, quos Romanus laudat.

x Num. 325.

z Auctor Historie cœnobii S. Augustini Salmanticensis.

a In libello De script. Eccl.

sterii patrem epistolam debita & sufficienti prosecutione constructam, in qua patenter adstruit susceptum gregem relinquere penitus non debere. Exstuit rector (hoc est Toletanus praesul) annis tribus, & tempore Sisenandi obiit, qui Rex post hunc die nono decimo defunctus abscessit.

230. Concilio IV. Toletano Iustus ejus urbis jam Episcopus interfuit, quod sub Sisenando habitum fuit anno DCXXXIII. Hunc iterum S. Ildephonsus laudat in proemio suae ad Isidorum De viris illustribus additionis, Gerontii presbyteri ei adversantis facinus horribili poena vindicatum à Deo memorans, Iustumque Toletanum Episcopum ab altero Iusto, Helladii ejusdem Ecclesiae antistitis diacono, qui aequè Episcopo suo haud impunè insultavit, apertè distinguens, ut in tam aperta re Higueræ prolixa quadam ad Luitprandi id ipsum confirmantis quoddam segmentum^b notà non multum indigeamus. Paullisper tamen manendum est in alio ejusdem Luitprandi testimonio^c de Iusto nostri Toletani praesulis pontificatu, quod convincendæ imposturæ hujus Chronici unum satis mihi videtur. Eligitur (ait) praesul Toletanus S. Iustus monachus Benedictinus ex monasterio Agaliensi, rector patrimonii. Hic longè alius à seculari, qui vir sanctus, pius, innocens, & optimis moribus instructus, praestitit tres annos suis monachis. Potuit ne stupidè magis Ildephonsi de Iusto intelligi ac exponi relatio? Rectorem eum Ildephonsus dixerat in Agaliensi monasterio factum ab Helladio tertium, extitisseque rectorem (Toletanæ sedis intellige) annis tribus. At rectorem patrimonii Luitprandus exposuit, tribusque annis monachis suis praefuisse. Patrimonii rector inter Gotthos nullus, sed Comes patrimonii seu patrimoniarum, ut ex Conciliorum liquet subscriptionibus^d. Demus tamen rectorem aliquando dictum, qui revera patrimonium regebat principale; hoc tamen nihil proficit Iusti causæ, qui ab infantia monachus, Ildephonso teste, nequiquam potuit huic muneri praesse. Rexisse item annis tribus (suam scilicet Ecclesiam) ita refertur à Luitprando, quasi de praefectura monasterii S. Ildephonsus sit loquutus. Quo nihil potuit ab ejus excogitari mente magis devium.

231. Hujus temporis PAULLUS ille est EMERITENSIS diaconus, qui De vita & miraculis patrum Emeritensium librum nobis reliquit. Hunc à multis desideratum primus edidit Barnabas Moreno de Vargas Emeritensis urbis decurio, qui ejusdem quoque historiam conscripsit, Matriti anno MDCXXXIII. in 4°. Deinde iterum D. Thomas Tamajus de Vargas, vir clarissimus, ad veteres, cum Gotthicæ tum Latine scripturæ membranas collatum, ac propriis notis illustratum, Antuerpiæ apud Joannem Meursium MDCXXXVIII. in 4°. Octo scilicet exempla is ad manus habuit; quatuor Gotthicis literis, totidem Latinis exarata. Ambrosius Morales in scholiis ad S. Eulogii Toletani Episcopi & martyris caput primum libri 2. Memorialis sanctorum, alterius quoque ejusdem operis meminit. Paullus hic Emeri-

tensis (ait^e) diaconus, cum Emeritensis Ecclesia & antistitem ejus historiam scripsisset, tum etiam de aliis sanctis viris quædam adjunxit. Exstat etiam ejusdem confessio catholica. Quæ duo opera mss. non parum antiqua, in S. Ecclesie Toletanæ bibliotheca habentur. Eadem multò vetustiora in nonnullis aliis bibliothecis conspeximus. Laudant Paulli hanc historiam, cum idem Morales aliis locis^f, tum alii, tam nostri quàm exteri scriptores^g. Inter quos Hieronymus Romanus Augustinianus De republica Christiana agens lib. 1. cap. 15. in suis mundi rebus publicis, quoddam hujus operis exemplum ms. se redemisse ait, & veluti ex orci faucibus eripuisse à quodam bibliopola Complutensi, dum perdere id jam vellet; atque cum aliis libris Toletanæ Ecclesiae donasse. Eaquæ eo videtur proposito ab auctore formata, ut exemplis rerum domi, hoc est, in urbe Emeritensi, mirabiliter patratarum fidem eorum confirmaret, quæ de Italiae suæ miraculis S. Gregorius libris IV. dialogorum collegerat. Quos libros non alium habuisse auctorem, præter alia argumenta^h, non Isidorus tantum in libello De scriptoribus Ecclesiasticis, sed & in prologo Paullus noster, ejus sancti Pontificis æquales, egregiè comprobant. Latè agit de aliquot Emeritensium Pontificum, præsertim Paulli, Fidelis, & Massonæ, rebus gestis.

232. Diaconum se ipse appellavit cap. 1. Ego indignus & omnium peccatorum primus, levita Christi &c. diversusque fuit à Paulo Emeritensi Episcopo, cujus ipse cap. 4. meminit. Scriptorem autem nostrum hoc vixisse tempore inde vulgò colligitur, quod in Renovato Emeritensium antistitem seriem absolverit, qui Innocentio, ut in eodem Paulli ultimo capite docemur, ei, quem Gundemari decreto anno DCX. subscripsisse novimus, successit, locumque suum reliquisse videtur Stephano, qui Concilio Toletano IV. anno DCXXXIII. interfuit. Non tamen video cur Paullum sub hoc Stephano, potius quàm sub alio vixisse & scripsisse, necessariò admittere debeamus. Fortè enim in Renovati successoribus non eam animi virtutem is invenit, quæ decessorum virtutibus æquiparari digna esset. Non enim historiam Emeritæ urbis praesulum, quæ omnes comprehendere debuit, sed De vita & miraculis patrum Emeritensium, ut habent omnes ferè mss. codices, scribere voluit. Et forsitan inferiorem aliquando ætatem significare videtur auctor ipse, cum de Leovigildi loquens temporeⁱ, ante multa jam curricula amorum id contigisse dicat. Nos tamen à conjectura doctorum virorum non facile discedentes, Paullum hoc sistimus ævo Stephani Emeritensis praesulis, & Sisenandi Regis, Conciliique Toletani IV. cui uterque interfuit. Ambrosius tamen Morales S. Fructuosi res gestas memorans^l, qui Bracaræ Episcopus factus fuit anno DCLVI. in Toletano decimo Concilio, Paullum hunc Emeritensem diaconum auctorem laudat miraculorum ejusdem sancti viri, tot postea annis adhuc florentis. Sed errorem hunc puto magni hujus historici. Paullus enim De viris

^e Hist. illust. tom. 4. pag. 282

^f In Prolegom. tom. 2. sub titulo Las ayudas que tuvo, & lib. 11. c. 72. ^g Baroñius ad an. DLXXXIX. tomo 7. Mariana lib. 5. cap. 13. Padilla cent. 7. cap. 17. pluresque alii, quos Tamajus collegit in principio Notarum.

^h De Dialogorum S. Greg. lib. 5. Labbeus De script. tomo 1. pag. 391. Mabillon. Prefat. ad acta SS. Benedicti. §. 2. tomo 1.

ⁱ Padilla dicta cent. 7. cap. 17. fol. 203. Tamajus in fine Scholiorum pag. 116.

^k Cap. 3. principio.

^l Lib. 12. cap. 35.

^b Anno DCXXXIII. n. 48.

^c Eodem ann. DCXXXIII. num. 51.

^d Recitatio Comitis patrimoniarum in Concil. VIII. & IX. Virali Com. patrimonii Conc. XIII. & XVI.

tantum *Emerisenſium patriam* ſcripſit, ut vidimus, nec ullum in hoc ejus libro verbum de ſancto Fruſtuoſo repræſentant editiones. Qui autem miracula ſanctiſſimi Bracar-enſis antiſtitis literis tradidit, auctor Vitæ ejus eſt, quem idem Morales S. Valerium monaſterii S. Petri de Montibus abbatem fuiſſe ſuſpicatus eſt, ut in S. Fruſtuoſi mentione infra monebimus.

233. Laudatur apud ſanctiſſimum ſcripto-
rum historicum Ildephonſum BRAULIO, frater Joannis ſuprà laudati, cujus in *Ceſar-auguſta decedentis* (Ildephonſus ait^m) *adeptus eſt ſecum, vir, ſicut germanitate conjunctus, ita non minimum ingenio memoratus. Clarus & iſte habuit oanonibus & quibuſdam opusculis. Scripſit vitam Amiliani cujuſdam monachi, qui & memoriam hujus, & virtutem illius ſancti viri ſuo tenore commendat pariter & illuſtrat. Habuit ſacerdotium ſerè viginti annis, quibus exple-tis clauſit diem vitæ præſentis. Duravit in regi-mine temporibus Siſenandi, Chindilg, Tulganis, & Cindaſvindi. Subſcriptio ejus legitur in Conciliis omnibus hujus, quo vixiſſe refer-tur, temporis, Toletanis iv. v. & vi. In vii. ſub Cindaſvintho anno DCXLVI. deſt Ceſar-auguſtani Episcopii nomen. In viii. ſub Recceſvintho anno DCLIII. Tajo Episco-pus Ceſar-auguſtani jam apparet. Quantum ejus de Eccleſia meritum in iis fuerit cœti-bus, Iſidorus Pacenſis Episcopus ſatis docet, qui de quarto loquens, quod Siſenandus cœ-gerat, *huic ſanctæ* (inquitⁿ) *Synodo inter ce-teros Braulio Ceſar-auguſtani Episcopus cla-ruit; cujuſ eloquentiam Roma urbium mater & domina poſtmodum per epistolare alloquium ſatis mirata eſt. Et paullo inferius de Concilio Tole-tano vi. ſub Chintilane: Huic Synodo Braulio Ceſar-auguſtani Episcopus præ ceteris illuſtris excellit, atque piam doctrinam Chriſtianiſ men-tibus decenter inſundit, cujuſ & opus nunc uſque Eccleſia relegit. Que duo teſtimonia in unum redegit ea exſcribens Rodericus Archiepisco-pus Toletanus lib. 2. cap. 19. Huic Synodo (ſex-tæ, juxta noſtrarum editionum ordinem, quam ipſe tamen quintam vocat) Braulio Ceſar-au-guſtani Episcopus præ ceteris illuſtris (ait) ef-fuſiſ, atque piam doctrinam Chriſtianiſ men-tibus decenter inſudit; cujuſ & opuscula nunc uſque Eccleſia veneratur. Hujus eloquentiam Roma, urbium mater & domina, per epistolare alloquium eſt mirata.**

234. Nihil verò aliud inſuſione illa do-ctrinæ ſignificatum nobis exiſtimo, quàm quòd ſextæ hujus Synodi canones Braulionis ſtylo ſint formati. Fuit enim, ut ex aliis ejus apparet, notatque Andreas Reſendius ad Quevedum ſcribens^o, non paullo caſtigatoriſ, ac limatoriſ evi illius aliis ſtyli. Et fatetur ipſe verſus finem præſationis S. Amiliani Vi-tæ, de qua ſtatim agemus, *diſciplinariſ ſecu-lariſ ſtudium ex parte ſe adtigiffe*. Archidia-conus hic erat, cùm S. Iſidorus literas ei di-rexit, quæ inter Iſidorianas leguntur; Ceſar-auguſtanæ urbis, ut credimus, & Joannis ger-manii fratris, ut contra Truxillum noſtrum cenſuit iſ, qui in magno opere *De actis San-ctorum* die xviii. Martii ſynopſin de Braulione

hiſtoricam formavit; cujuſ & conjeſturam de quibuſdam in errore cubantibus S. Iſidori hujus epistolæ ad Braulionem directæ verbis, ſerè eſt ut probemus. *Postulavi te* (ait Iſido-rus) *ut mihi decadem ſextam S. Auguſtini trans-mitteres. & ſtatim ſubjungit: Poſco ut quoqua-modo me cognitum ei facias.*

235. Quas cùm nequeant de S. Auguſti-no ante duo ſæcula vitâ ſuncto intelligi, ne-ceſſarium videretur ut ita corrigantur: *Poſco ut quoquo modo mihi cognitam eam facias*. Atta-men libentiùs ea intacta relinquerem, cùm cognoscendi, ſive incogniti verbum idem Iſido-rus ita uſurpare amet. De Juſto enim Ur-gellitano ait cap. 21. *Hujus quoque fratres Nebridius & Elpidius quædam ſcripſiſſe fe-runtur, è quibus (malim, de quibus) qui incogniti ſumus, magis reticenda ſatemur*. Sicut enim incognitum hoc loco, pro nondum docto, ſeſe dixit, ita & cognitum ſe S. Auguſtini ſex-tæ decadi ut faciat Braulionem rogavit. Niſi hoc eodem ſenſu levior iſta alia mutatio placeat: *quibus quia incogniti ſumus*, in Juſti elogio, aut *me cognitum de ea facias*, in ad Braulionem epistola. Cùm eſſet ergo jam Epiſcopus Ceſar-auguſtani ſcripſit

236. S. Amiliani preſbyteri vitam (qui an-nò DLXIV. centenariò major ad ſuperos abiſſe dicitur) cum epistola dedicatoriâ ad Fruminianum preſbyterum, quem *dominum ſuum, & germanum* appellat. Unde Bivarius rectè collegit^p, non ſolùm Joannem deſceſſo-rem in Episcopatu, ſed & hunc Fruminia-num fratres Braulionem habuiſſe. Quod ſi-gnificâſſe in principio ejuſdem Vitæ iſ videtur, Joannem *germanum majorem natu communem*^q, hoc eſt, ſuum & Fruminiani, appellans. Edi-ta hæc primùm Vita fuit, ut credimus, à Prudentio Sandovalio Benediſtino, Tudenſi; ac Pampilonenſi poſtea Episcopo, regio chronographo, in libro *Foundationum Bene-diſtini ordinis in Hispania ſub Goſthorum impe-rio*, ſive originum Hiſpaniæ Benediſtinarum, cùm de monaſterio S. Amiliani cucullati (vulgò *de la cogulla*) ageret. Quem hac Braulionis hiſtoria deſcriptum communis Caſtel-lanorum perſuaſio eſt^r, quàmquam Arago-nenſes^t non hunc Amilianum, cujuſ cor-pus in monaſterio dicto aſſervatur, ei que mo-naſterio nomen dedit; ſed alterum Aragoniæ regni eremitam, cujuſ ſacra pignora in op-pido Torre-la paja diœceſis Turiaſonenſis ex-ſtant, Amilianum Braulionis eſſe conten-dant.

237. Quam utique magnis animis decer-tatam huculque controverſiam non eſt inſti-tuti noſtri ut propriam faciam, aut cum Pſeudo-Maximi gladio nodum ſolvam; qui poſt ortam controverſiam ab inventore ſuo formatus, aut deformatus, ut morem utri-que parti gereret, alterum & alterum Ami-lianum laudâſſe ad annum DLXII. & ad an-num DLXXVIII. non contentus, hæc ad-didit poſtremo iſto loco, ubi de Amiliano Aragonenſi agit, quæ novitatem ſuam aper-tiſſimè produnt: *Fuit alius antiquior etiam preſbyter & abbas S. Benediſti* (Maximùmne ita loquutum credis?) *de quo ſuprà dictum eſt.*

In-

p Ad Maxi-mum anno DLXII. num. 7. pag. 475. in margine.

q Aliter hoc verbum alii accipiunt. Vide Bivar. ibidem ad an. DLXXVIII. n. 2. pag. 363.

r *Principia parte de las fundaciones de los monasterios de S. Benito.* Marrit mdei.

s Venenſis in *Enchiridia*, Morales lib. 21. cap. 38. Mariana lib. 3. cap. 9.

t *María Santos de España* lib. 6 cap. 6. Santoro, Villag.

gas, Tamajus plures laudat, Bivarius ad

Maximum an. DLXII. pag. 468. M. billon.

in actis S. S. Benediſti. tom. 1. pag. 205. in ob-

ſerv. præſis ad hanc Vitam, Padilla cent. 6. cap. 31. & in

addendis huic centuriæ, in principio vol. 2.

t Michael Martinez del Villar *Del Pa-tronato*, *arri-guedades*, *va-rones illuſtres*

de Calatayud, y Ju A-xedia-nato fol. 128.

Lanuza *hiſto-rias de Aragen.* tom. 2. lib. 4. c. 3.

a In epitoma Imp. vel Ara-bum ſub Siſe-nando.

o Epistola quæ edita eſt inter Reſendii opera pag. 127. & Hiſp. illuſt. tom. 2. pag. 199.

In fragmento sanè nostro, seu Estepano, ita semel fit Æmiliani mentio ad ann. DLIII. S. Æmilianus monachus & presbyter in Cantabria moritur. Supposititium Helecanem pariter habeo, qui huic etiam dispellendæ quæstioni intentus, Vercellensem Episcopum eum esse garrit, qui apud Aragonenses colitur, vel à Bivario ipso malè acceptus.

238. De Æmiliano agunt quidem, ac de ejus vita à Braulione conscripta, Ushardi, & Romanum, martyrologia. Prodiit secundò in commentario Francisci Bivarii ad Maximi Chronicon, tertio in Martyrologii Hispani Joannis Tamaji de Salazar sexto volumine die XII. Maji, tandemque in *Actis sanctorum ordinis S. Benedicti* Lucas Dacherii & Joannis Mabillonii operâ collectis & evulgatis volumine seu sæculo I. *Hymnum quoque in ejusdem sancti viri laudem* composuit Jambico senario metro, ut in hujus vitæ nuncupatoriæ epistolæ fine auctor ait. Transivit hymnus hic, ut creditur, ad Isidorianum Breviarium festumque hujus sancti viri Æmiliani, ubi & nunc legitur. Incipit:

O magne rerum Cbriste restor inclite,
Parens Olympi, perpetim cui sidera, &c.
Editus exstat in Bivarii ad Maximum commentario post Æmiliani vitam prædictam.

239. *Vitam SS. MM. Vincentii, Sabine, & Christetidis.* Huic enim ea tribuitur, quæ aliàs absque auctoris nomine circumfertur, in codice quodam Toletanæ Ecclesiæ, quem *Smaragdium* appellant: de quo Bartholomæus Quevedo, ejusdem canonicus, vir planè doctus, Andreæ Resendium olim monuit, ut ex Resendii ad eum responsoria constaret epistola, tali viro dignissima, cujus paullo antè meminimus. Resendii verba: *Age, Braudio sanctus Cæsar-augusta Pontifex, ut ais, bonum trium martyrum historiam posteritati mandavit, & Braulionis nomen liber Toletanæ Ecclesiæ, Smaragdinus appellatus, ostendat. De auctore certi nihil habebam, nec Ecclesiæ nostræ Eborenensis lectionarius, sanè ante annos trecentos viginti scriptus, nomen auctoris præfert. Credo tamen libro isti Smaragdino oppidò non inuitus.*

240. In bibliotheca monasterii S. Æmiliani cucullati servatur ingens codex ms. *Vitæ patrum* inscriptus, cujus fini hæc nota affixa legitur: *Explicitus est liber iste à Braulione Episcopo Cæsar-augustano erâ sexcentesima septuagesima quarta.* hic est an. DCXXXVI. Quamplures veterum patrum tam Græcorum quam Latinorum vitas continet, quorum major pars in Rosweidi hujus argumenti syntagmate jam publicata fuit.

241. Inter alia est libellus *De adventu SS. Apostolorum Jacobi, Petri, & Pauli in Hispanias.* Item *De vita vel mirabilibus sancti ac beatissimi Æmiliani presbyteri & confessoris, qui obiit Vergegi pridie idus Novembris.*

242. Sequitur aliud opusculum, seu carmen, *De vana sæculi sapientia*, ejusdem forsitan auctoris. Immo omnia in eo codice contenta, paucis exceptis quæ suis quæque auctoribus disertè adscribuntur, Braulionis esse exi-

stimabat is, qui de codice isto Æmilianensi monuit olim nos oculatus testis D. Antonius Zapata & Aragon, vir antiquis literis exercitatus, plurisque habendus, si obtinuisset à se è manu sua non emittere quædam Chronica uti in schedis reperta, quorum fides apud eruditos nulla omnino est.

243. *Passionem sanctorum innumerabilium Cæsar-augustanorum martyrum, qui passi sunt sub Diocletiano & Maximiano Imperatoribus die III. Kalendas Novembris,* ante paucos annos unà cum commentario ad leg. 12. cod. *De religiosis & sumptibus funerum* Cæsar-augustæ edidit Joannes Ludovicus Lopez jurisconsultus Cæsar-augustanus exculti judicii doctrinæque, quam habuit ab amico nostro D. Joanne Luca Cortesio ex codice ejus membranaceo quingentorum, & ampliùs, ut videtur, annorum, Gotthicis literis scripto. Hanc septimi sæculi redolere stylum affirmatè, & Braulionis nostri sibi videri, ex conjectura existimat laudatus D. Joannes Lucas, cui consentit Joannes Ludovicus *Passionis* editor, in præludio secundo, & in Notis quibus eruditè hoc opusculum, germanamque antiquitatis gemmam illustravit. Id quod vel tantorum virorum præjudicio nobis arridet. Planè Joannes Tamajus *acta hæc innumerabilium MM.* die III. Novembris, prorsus tamen diversa, deprompsit.

244. De epistolis Braulionis ad Isidorum, & Isidori ad Braulionem, aliqua diximus cum in Isidoro versaremur. Exstat quidem inter Isidorianas Braulionis una & altera ad eum scripta, quæ varia continent, & in his præcipuè urgentissimam expostulationem, urbanis tamen verbis conceptam, ut *Etymologiarum* librum, jam, ut fama sparserat, absolutum, ad se mitteret, cessaretque post sex annos, quibus expectaverat opus hoc, cujus promotor fuerat, ultra se frustrari. Inter epistolas & ea venit laudanda quæ ad summum ejus temporis Pontificem, Isidoro Pacensi & Roderico Toletano testibus, scripsisse dicitur; quamque, illorum verbis jam adductis, *Roma urbium mater & domina satis mirata est.* Qui quidem Pontifex necessariò erit Honorius, qui ab anno DCXXVI. usque ad annum DCXXXVIII. Romanam rexit Ecclesiam; si de rebus in Concilio IV. Toletano, quod anno DCXXXIII. celebratum fuit, peractis, concepta fuit epistola, ut subindicare Pacensis videtur; sive aliquis ex tribus Honorii successoribus, Severinus puta, Joannes, Theodorúsve, qui æquales inde Braulioni vixere. Ejusdem aliam ad Fructuosum Bracarensem presbyterum datam se vidisse in archivo S. Justæ Toletanæ finxit more suo Pseudo-Julianus Advers. 488.

245. De labore hujus magni præfulis in etymologiarum S. Isidori magistri ejus opere exantlato, diximus jam in Isidoro. *Etymologiarum* (ait) *codicem nimia magnitudine distinctum ab eo titulis, non libris; quem quia rogatu meo fecit, quamvis imperfectum ipse reliquerit, ego in viginti libros divisi, in præfatione ad sancti Pontificis opera.* Præter hæc reliquisse Braulionem & alia opuscula, non solum Ildephon-

u Ad Maximianum anno DLXXXVIII. n. 2. pag. 562.

x Ad ann. DLXXXVIII. num. 7. pag. 478. y Pag. 111.

z Pag. 207.

a Laudatis suprà locis.

phonfus, sed & Isidorus Pacensis, ex eoq̃ue Rodericus Toletanus, referunt.

246. Circumfertur etiam Braulionis nomine inter ficulneas merces Toletani Chroniconum pseud-onymorum auctoris, ad calcem illius, quod Marci Maximi titulo insignitur, appendix quædam veluti additionum potius quam historiæ continuationis, additionibus aliis similibus, quæ Helecanem, seu Helecam, ejusdem Cæsar-augustanæ urbis nono sæculo Episcopum præferunt auctorem, ita commistarum, ut Bivarius ipse fateatur in Maximi editione, difficile admodum sibi fuisse de uniuscujusque auctore dijudicare. Planè non hæc torfit difficultas editores Cæsar-augustanum & Hispalensem; quibus præter segmenta seu Adversaria sex priora, quæ Braulioni, cetera usque ad finem omnia Helecani adscribuntur. Mirè autem variat Matritensis Bivariana à duabus istis prioribus in collocatione Adversariorum: ut videantur planè non ex uno fonte exempla fuisse omnia derivata; sed ab eodem auctore, seu inventore, ad diversos, eo ordine qui sibi placuisset distributa, promanasse.

247. Conficta hæc omnia sunt ab eo qui cogitationes suas, plerumque temerarias, sive potius insanas, ne frustra vanales proponeret, eis titulum affixit veteris alicujus nominis, quod pretium his conciliaret, curiososq̃ue abstrusarum rerum provocaret. Euangelicorum nempe hominum genealogias, propinquitates, peregrinationes, ordines, dies mortis, formasq̃ue, quasi memorata ab aliis, quæ somniavit ipse, falsò & absurdè prodit. Aliorum sanctorum virorum historias ad arbitrium suum fingit. Ut natas de aliis, hinc inde urgentibus documentis, quæstiones refecandi sibi palmam arroget, ex uno duos homines compingit. Denique is gemellus Dexter, atque Maximi, omnes eorum artes fallendi atque mentiendi gnavus exercet. Cujus experimentum rei unicum hic exstare velim, interim dum copia non datur hos veritatis hostes styli clavâ conficiendi. Helecanis verè ad segmenta hoc pertinet quod nunc exagitare intendimus; sed in Helecanem Braulionem, qui cum eo coagmentatus est & commixtus, sive unus & idem cum eo est, argemus.

248. Agitur apud nos & Gallos jam diu quæstio de S. Vincentii levite ac martyris Hispani, Valentie prius tumulati, hodierno sepulchro. Lusitani Utyssipponem se id habere, Galli se in Castrensi Aquitanorum oppido jactant. Qua super re, ne sim prolixus, Andream Resendium adeas, lector, in epistola doctissima ad Quevedum data, cujus non ita pridem mentionem fecimus. Utrobique cum sacra colantur pignora, Vincentio martyri, cognominum aliorum celeberrimo, adscripta, credit sibi laudi futurum Pseudo-Braulio hic, de quo agimus, si unius & alterius Vincentii, Valentie olim terræ conditi & asservati, indeque prioris ad promontorium sacrum Lusitanie, posterioris ad Gallias translati, composita ad historie similitudinem fabulâ, partes dudum sine missione invicem ad-

versantes, in concordiam redigendi sibi consilium succederet. Eò tendunt ea quæ num. 7. Bivarianæ editionis de duobus Vincentiis referuntur, altero Osenfi ex Hispania, Agennensi altero ex Gallia, sub eodem Valerio Cæsar-augustano præfule archidiaconis, utroque autem post martyrium in Valentia Hispanie nostræ sepulto. Quibus adjungit: *Hispanus prius allatus est ad promontorium sacrum: hic verò (Gallus) ad Gallias ad monasterium Castrense anno circiter DCCCL. Hispanus DCCCLVII. obsidente Valentiam Abderregmane. Annum audis, quo ex Valentia urbe Vincentius Agennensis ad Castrense oppidum fuit exportatus. Et tamen hujus translationis mentionem Juliano Archiepiscopo Toletano, qui ante ducentos annos fere vixerat, paullo post attribuit. Toleti fuit à Gundemaro edificatum (templum) in laudem S. Vincentii Hispani levite: & à Juliano Archiepiscopo Toletano alterum in honorem S. Vincentii Agennensis in edita parte urbis regie, cujus devotissimus fuit, & fecit illi hoc carmen:*

Vincenti, pateris constans qui martyr Agemi,

Et levita sacer sanguine ad astra volas;

Mucro tibi caput eripuit funestus; at illo

Laurea sacra tibi non moritura datur.

Gallia te genuit, docuitque Augusta ministrū

Cæsarea, & Valeri sub pietate viges.

Gallia teque iterū recipit sacra verba docemē:

Maximianus inops mentis at ense necat.

Post cineres te præsul amās quoq; Murila vèstat.

Ipse Valentinus ad sua tecta vigil.

Tandē te ad patrios revocat volventibus annis

Andualdus ovans, jussus & ipse, Jares.

Ora pro nobis Vincentii &c.

249. Hæc illa translatio est ad Castrense oppidum ex Valentia, sive ex Cæsar-augusta, quam fecit Audaldus monachus Gallus monasterii Conkittas, aliàs Okatas nuncupati, post annum DCCCLV. regnante in Galliis Carolo Calvo; cujus translationis historiam ab Aïmoïno monacho^b, qui hoc ipso tempore vixit, & ab ore ipsius Audaldi, quæ retulit, se accepisse ait, scriptam, Jacobus Brèulius monachus S. Germani à Pratis primus publicavit, exstatq̃ue iterum edita in magno *De actis sanctorum* opere xxii. Januarii^c. Idem Aïmoïnus eandem historiam carmine composuit, in cujus initio annum sic expressit:

Bis quadringentis decies quimisq̃ue volutis,
Quatuor inque super cyclis à præfule Christo,
Virgineo semperq̃ue sacro de germine nato,
Audaldus fuerat tali de nomine notus
In Castro monachus.

250. Cessasne adhuc, lector, impostorem pessimè in fingendo cautum, & anachronismo duorum sæculorum risui sese dantem, naso suspendere? Julianus Toletanus Episcopus Quirici successor, qui *Prognosticum futuri sæculi*, ac *De sextæ ætatis comprobatione* librum, aliaq̃ue scripsit, anno III. Egicanis Gotthorum Regis, florebat adhuc in Hispaniis eorum imperio, erâ DCCXXVIII. (hoc est anno Christi DCXC.) diem vitæ clausit extremum, quod Felix, ejus in eadem Ecclesia Toletana successor, prodidit^d. Et hic, si ficulneis

^b Diverso ab Aïmoïno Floriacensi ætatis inferioris, de quo Labbeus multis altero volum. *De scriptor. Eccles.*

^c 2. tomo Januarii. pag. 400.

^d Exstat cum S. Ildephonsi libello *De scriptor. Eccles.*

Brau-

Braulioni aut Helocani bibulas commodatus aures ; de translatione S. Vincentii reliquiarum ab Audaldo carmen fecerit , quam anno DCCCLV. uti Aimoinus, aut circiter annum DCCCL. ut hic ipse rei absurdus & incautus enarrator agnoscit , contigisse comperit . Reliqua hujus appendicis additionum, sive Braulionis, sive Helocanis præferant nomen , hoc pede , lector, moduloque metiri debebis , faterique non injuriâ dictum ab auctore synopsis historice ex *Actis sanctorum* jam laudatæ: Multo autem magis indubitanter audemus asserere illas decem annorum (ab era CCCXLII. ad eram CCCLII.) additiones, fœlitiis, quod sub Maximi Cæsar-augustani nomine proditi, Chronico subtextas, ab eadē prodisse officina, unde & Pseudo-Dexter, & alia similis figmenti portenta prodire . Nos ad alia . Dies S. Braulionis festus agitur XVIII. Martii in Cæsar-augustana Ecclesia, uti nos docent Aragonenses ipsi ^e, non XVI. ejusdem mensis, ut per errorem primus scriptum reliquit Thomas Truxillus, qui & errare fecit Baronium, hic autem Pseudo-Luitprandum, Pseudo-Luitprandusque demum Ioannem Tamajum, ut notatur in *Synopsi historica* jam laudata nu. 20. Plura addunt nostri historici de regio Braulionis sanguine , miraculis in electione & obitu ; sed quæ vetustatis fundamento deficiuntur.

251. EUGENIOS duos, Toletanæ sedis, alterum post alterum, præfules, S. Ildephonfus miris extulit laudibus, quorum prior Cinthila, Tulganis, ac Cindasvinthi Regum tempore huic præfuit Ecclesiæ. Non hic prior Eugenius scriptor fuit, quamvis scientiâ clarus & ingenio callens. Numeros enim, statum, incrementa, decrementaque, cursus recursusque lunarum tantâ peritiâ novit, ut considerationes disputationis ejus auditorem in stuporem vertent, & in desiderabilem doctrinam inducerent.

252. Primum Gotthis inter Toletanos antistites hunc Eugenium (eo enim antiquiorem alium haud noverunt) sequutus est alter sive secundus Eugenius, vulgò tertius. Quem ita describit Ildephonfus: *Item Eugenius alter post Eugenium Pontifex subrogatur. Hic cum Ecclesiæ regis clericus esset egregius, vitâ monachi delectatus est. Qui sagaci fugâ urbem Cæsar-augustanam petens, illic martyrum sepulchris inhaesit, ibique studia sapientiæ, & propositum monachi decenter incoluit.* (monasterium incoluisse innuit S. Engratiæ, aliàs sanctarum Massarum XVIII. martyrum Engratiæ sociarum, quod tunc temporis præcipuo cultu frequentabatur. Vide Anton. de Jeps cent. 2. ord. Benedictini ad annum DCLVII. cap. 1.) Unde principali violentia reductus, atque in Pontificatum adscitus, vitam plus virtutum meritis quàm viribus egit. Fuit namque corpore tenuis, parvus robore; sed validè fervescens spiritûs virtute. Deinde refert ejus opera, quibus de nos postea, & absolvit his caput: *Clarus habitus fuit temporibus Cindasvinthi & Recesvinthi Regum, forè duodecim annis tenens dignitatem simul & gloriam sacerdotis; sicque post lucis mundialis occasum in basilica sanctæ Leocadiæ tenet habitatione sepulchrum.* Erâ nempe *Bibliotheca vetus Hispana* Tom. I.

DCLXXI. hoc est anno DCXXXIII. Toleti adhuc sedebat Justus, cum celebraretur quartum Toletanum Concilium, Sisenandî tempore. Inter hunc annum & DCXXXVI. necessariò ei successit prior Eugenius, qui Toletano V. provinciali præfuit, sextoque nationali anno DCXXXVIII. tertio loco subscribens interfuit. Diem autem suum ante annum DCXLVI. obiens vacuum jam hoc anno reliquerat Eugenio nostro locum: quo scilicet, tertius etiam ordine subscribendi, septimi Toletani pars fuit. Falsus ergo Pseudo-Luitprandus, qui ad ann. DCXLIX. Eugenii prioris mortem constituit. Patet autem non hunc, sed posteriorem esse hujus Concilii Eugenium, ex eo quòd in sexto posterior Eugenio legitur Honoratus Hispalensis, in septimo verò Antonius Hispalensis Eugenium præcedit; quod, nisi decedente post Antonii creationem priore Eugenio, contingere haud posset. Ordo enim inter metropolitano-juxta ordinationis ætatem servabatur prædriæ. Interfuit quoque Toletano VIII. anno DCLIII. Recesvinthi tempore. Præfuit nono provinciali DCLV. decimoque nationali DCLVI. sub eodem Rege. De his omnibus agit Rodericus Toletanus Episcopus lib. 2. cap. 22. Isidorus autem Pacensis, quamvis crebra memoret facta sub Eugenio Concilia; unum tamen octavum descripsisse videtur, licet de Episcoporum numero inter ejus Chronici & Conciliorum editiones aliquantulum interfuit.

253. Die XIII. Novembris, quo obiisse dicitur, celebrat viri clarissimi sanctitatem Ecclesia Toletana, ejus olim sedes, ab anno MDCXIII. ^f Habeturque ejus memoria in additionibus ad Usuardum, in Romano martyrologio, & aliis, quæ noviores laudant ^g. In divorumque numerum eum relatum fuisse Vaseus annotavit in Chronico ad ann. DCLI. Cujus rei auctorem producere debuit, ne Ambrosio Morali, qui sciebat nondum etate sua festum de eo in Toletana Ecclesia diem agi, temerè ac sine auctore ullo id scripsisse videretur. Idem Joannes Mariana observat lib. 6. cap. 9. sed nonnisi ad memoriam ejus Sancti à martylorogis factam Vaseus respexit; recentioribus nempe, Maurolyco & aliis nostratibus, non primo Cabilonensi, aut Equilino, aut Galesinio. Exstat quidem in Romani martyrologii ab Alexandro de Peregrinis facta editione Veneta anni MDLX. Natum quoque Eugenium è regis stirpis parentibus, avunculumque S. Ildephonfi fuisse, iis credendum relinquimus, qui Pseudo-Juliani nenas ^h aliquo pretio habent, aut quicquid alicubi scriptum est, è larario ipso Veritatis desumptum existimant.

254. De operibus verò sic prosequitur Ildephonfus: *Studiorum bonorum vim persequens, cantus pessimis usibus vitiatos melodiæ cognitione correxit; officiorum omissos ordines curamque discrevit. Scripsit De sancta Trinitate libellum, & eloquio nitidum, & rei veritate perspicuum, qui Libyæ & orientis partibus mitti quantocius poterat (ubi forsan Arianorum hæresis, aliave Trinitati sacrosanctæ inimica,*

N n

etiam-

^e Carrillo Hist. de S. Valero, y catalogo de las Preladas de Zaragoza pag. 231.

^f Quisana- dueñas Santos de Toledo siglo 7. dia xiii. de Nov. pag. 297. ^g Idem Quisana- dueñas & Tamajus hoc die.

^h In Collect. veter. carm. ad finem edit. ejus operum. Vide Moralem lib. 12. cap. 14. principio, Marian. lib. 6. cap. 9. Padilla cent. 7. cap. 45.

etiamnum serpebat) nisi procellis resultantia freta incertum pavidis iter viatoribus distulissent. Scripsit & duos libellos: unum diversi carminis metro, alium diversi operis prosa concretos, qui ad mylitorum industriam ejus ex hoc tenaciter sanctam valuerunt commendare memoriam. Cuncta hæc periere. Nisi ex aliquo eorum sint testimonia illa quæ de resurrectione carnis, & beatitudinis statu, S. Julianus ejusdem Ecclesiæ Toletanæ præsul egregio & sacro præceptorum suo Eugenio adscribit lib. 3. Prognosticorum futuri sæculi cap. 17. & 24. Unum autem exstat, de quo tandem Ildephonsus: Libellos quoque Dracontii De creatione mundi conscriptos, quos antiquitas protulerat vitiatos, ea quæ inconvenientia reperit subtrahendo, immutando, vel meliora conjiciendo, (conficiendo melius est) ita in pulchritudinis formam coëgit, ut pulchriores de artificio corrigentis, quàm de manu processisse videantur auctoris. Et quia de die septimo idem Dracontius omnino reticendo semiplenum opus visus est reliquisse; iste & sex dierum recapitulationem singulis versiculis renovavit, & de die septimo, quæ illi visa sunt, eleganter dicta subiunxit. Cujus viri sanctissimi judicio de utroque poeta non parum detrahit autem ipsa, quæ docet affatim quantum valuerit unusquisque eorum facultate pangendi carminis, etatisque barbaræ sub qua natus Eugenijs fuit, consideratio.

255. Dracontium temerè ajunt gente Hispanum fuisse nonnulli, credentes auctoribus heri & nudius tertius confectis; quorum ex numero Haubertus Hispalensis fabulosissimus omnium ceterorum ad annum Chronici sui CDXXX. num. 24. S. vir Dracontius (ait) *Oscæ Celibero- rum obiit, ubi erat presbyter*. Pertinet ad eundem poetam Julianus archipresbyter Toletanus Adversario 498. Dracontii autem hoc opus inventum videtur fuisse anno MCDXCIV. in Bobiensi cænobio Longobardiæ, si non aliud est Dracontii varium opus, quem inter alios ibi tunc repertos libros Raphaël Volaterranus in *Geographia sua*, sive *Commentariis*, versus finem enumerat. Meminit sanè Dracontii noster Isidorus, operisque ejus *De creatione mundi*, cap. 24. *De scriptor. Eccles.* Multa de *Hexaëmero* Dracontii Gaspar Barthius lib. 7. cap. 20. lib. 9. cap. 7. & lib. 23. cap. 19. *Adversariorum*. Quem quidem poetam ad incertæ etatis auctores minimè debuit Vossius referre; cum ex versibus ejus constet sub Theodosio juniore, qui ad quinquagesimum quinti sæculi annum vitam produxit, ipsum floruisse.

256. Editum fuit duobus libellis constans, cū Eugenijs recognitione, & septimi diei appendice, aliisque ejusdem poematis. Ex bibliotheca S. Victoris Parisiensis primum prodiit auctore Gesnerio, deinde Basilicæ cum poetis Christianis aliis Georgii Fabricii operâ, & in *Bibliotheca veterum patrum* editionis secundæ anni MDCXXIV. quam præcessit altera editio Jacobi Sirmondi Parisiensis anni MDCXIX. Horum aliqua carmina inseruit actis Eugenijs ad diem XIII. Novembris Joannes Tamajus Salazarius. Poëtica sanè ejus facultas pro captu illius temporis tam ex his

apparet, quàm ex carmine quodam artificiosè elaborato, quod ex ms. codice Michaëlis Ruizii Azagrii dedit nobis Ambrosius Morales lib. 12. cap. 34. in quo singulorum versuum initiales & postremæ literæ EUGENIUS MISCELLUS conficiunt.

Excipe Christe potens discretâ corpore mente
Et possim picci pœnam vitare barabre
Grandis inest culpa, sed tu pietate redunda
Mille probra pater, & vitæ crimina toll
Non sim pro meritis sanctorum caribus exsu
Judice te proposit sanctorum videre tribuna
Nis, lector, uno qui sim dignoscere vers
Signa priora lege, mox ultima, nôsse valebi

257. Michaël enim Ruizius Azagra paraverat olim editionem horum Dracontii & Eugenijs carminum ex codice Gotthico ante septingentos annos, ut ipse credebatur, scripto, quæ quidem cum epistola ejus ad decanum & capitulum Toletanæ Ecclesiæ Kalendis Aprilis MDLXXVII. data vidimus in mss. bibliothecæ Villumbrosanæ tomo 7. *Miscellaneorum*. Adjunxerat & breves notulas: non utique à veteri proposito edendi deterritus notitiâ duarum editionum quæ præcesserant, Gallicæ & Germanicæ, de quibus certior factus fuit ex Belgio à Benedicto Aria Montano, cū exemplum Parisiense ad se transmissum agnoverit mutilum sanè & incorrectum editum fuisse, ac in eo alterum Dracontii librum, & epistolam Eugenijs, præfationemque deesse: sed omnia hæc supplevit editione sua Sirmondus, correctiore, ut existimo, quàm illa esset ab Azagra promissa. Nescio autem an Sirmondianam hanc præcesserit Joannis Weitzii, alia adjectis ejus Notis, cujus ipse meminit ad S. Hilarii Pictaviensis *Genesim*, Francofurti anno MDCXXV. editam. Thomas sanè Reinesius, vir singularis eruditionis, hanc editionem alicubi laudans, Sirmondianam priorem facit.

258. More autem suo Pseudo-Julianus, hoc est incautus & immemor, id quod priori Eugenio Ildephonsus, posteriori ipse attribuit¹, dum non solum *magnum poetam*, in quo se continere debuit; sed & *magnum astrologum* vocat, confundens utriusque inter se laudes. Posterior enim poeta, prior autem astrologiæ doctrinâ insignis fuit.

259. *Missam S. Hippolyti martyris* scripsisse etiam dicitur instante Protasio Tarraconensi metropolitano; ad quem data epistola xx. Maji erâ DCLXXXVI. hoc est anno DCXLVIII. exstare dicitur in codice Gotthico ms. S. Emiliani cucullati, qui hodie ad regiam Scorialensem bibliothecam pertinet.

260. Merè autem nugæ impostoris Pseudo-Juliani hæc sunt, quæ his verbis ejusdem supposititii Chronici continentur²: *S. Eugenijs correxit Itinerarium provinciarum factum jussu Trajani Antonini Augusti, & senioris Theodosii Imperatoris*. Nam quicquid de Itinerarii istius auctore, inter varios omnium ætatum scriptores nunquam non controverso³, divinare huic fabulatori, eruditum antiquitatis hominem ridiculè ostentanti, licuerit; nullo tamen ve-

* Habemus & nos acrostichidem hanc inter Eugenijs poemata, cum epitaphii titulo. CARD. DE AGUIRRA.

* Epistolam Eugenijs ad Regem (Reccesvinthum forte aut Chindasvinthum) de emendatione Dracontii inter apographa nostra habemus ex codice Gotthico bibliothecæ Toletanæ. Item præfationem ad idem opus versibus scriptam, licet *ἀνέκδοτον*. Ac tandem recapitulationem septem dierum, ad finem libri Dracontii appendicem. CARD. DE AGUIRRA.

¹ Ut. cap. De etate poetar. Latin.

* Habemus penes nos, ex codice supra laudato, poematum Eugenijs sequicenturiam; inter quæ lepidissima multa, & nullo non sale condita: quæ aliquando è tenebris sitaque, in quibus tamdiu latuerant, emeritura speramus. Simulque epistolam quandam ad Protasium Episcopum. CARD. DE AGUIRRA.

* Epist. 7. ad Daonium pag. 18.

¹ In Chronico num. 320.

² m Quintana-duenas ubi supra pag. 291. n Numa. 129. ad ann. DCXIX. o Flodoardus lib. 1. *Hist. Rhemensis* cap. 1. *Ætico* tribuit. Videndi Vossius De H. L. lib. 3. pag. 691. Barthius lib. 45. *Advers.* 13. Usserius De Britann. Eccl. origin. cap. 5. Simlerus ad *Ætici Itiner.* Schotus ad hoc *Antonini Itiner.* à Summa illustratum.

teri

terî monumento, sive inciso, sive fuso, sive scripto, usquam unquam auditum lectumve fuisse credimus Antoninum aliquem, sive pium, sive philosophum, multoque minus iis inferiores, Trajani sibi adaptasse nomen. Leguntur quidem passim inscripti lapides Pii P, quibus se se *Hadriani filium, Trajani nepotem, Nervæ pronepotem*, philosophique q, quibus *Antonini Pii filium, Hadriani nepotem, Trajani pronepotem, Nervæ abnepotem* vocant: hoc tamen fuit familiam, seu adoptionis honorem iactare, ac posteris transmittere; non tamen ita sese nuncupatos ostendere velle.

261. Suppar fuit Eugenio huic; à quo jam discedimus, S. FRUCTUOSUS, qui Bracarensis cum esset Ecclesiæ metropolitanus, unà cum Eugenio interfuit Concilio Toletano x. Editus hic è nobilissimo, immo & regio sanguine, ducis cujusdam exercitus Hispaniæ proles, spreto mundi fastu monachale institutum amplexus, primum sese Conantio Palentino Episcopo viro sanctissimo spiritualibus disciplinis imbuendum tradidit. Condito hinc monasterio Complutensi (vulgò *de Compludo* non longè ab Asturica Castellæ veteris urbe, in regione illa quæ *Bergidum* olim, nunc autem *el Bierzo* audit) in honorem ss. MM. Iusti & Pastoris, non ibi solum accurrentes undique ad portum religionis viros saluberrimis ordinationibus innocentissimæque vitæ exemplo viam salutis docuit; sed & plura alia monasteria construxit, quæ vitæ ejus auctor *Rufinianense, Visumense, Pheonense, Gaditanum, Nonum, ac Tironium* disertis, plurimæque alia generalibus verbis appellat, neque solum viro- rum hæc, sed & fœminarum aliud cœnobium ædificavit.

262. Evectus è monacho ad pastorale munus, Bracarensi metropolitane Ecclesiæ imponitur in locum Potamii, auctoribus Toletani decimi Concilii, quod habitum fuit anno DCLVI. sub Reccevintho Rege, patribus; in quorum decreto vocatur ipse jam Dumien- sis Ecclesiæ Episcopus; quamvis de hac ejus sede in actis ejus altum silentium. Ad quam quidem præambulam metropolitæ dignitatem non ita pridem ascendere potuit, cum in octavo Toletano ante triennium celebrato, Avianchimari Dumien- sis Episcopi nomine subscriptus legatur Osdulphus ejus procurator. Floruit sub Reccevintho & Wambane, locum, ut apparet, Leodicisio relin- quens, qui Bracarensi tertio præfuit, quod anno DCLXXV. celebratum novimus. Magnis virtutibus atque insignibus miraculis per totam Hispaniam vixit clarissimus, obiitque ob sanctitatis famam dignus ut à Bracaren- sibus, apud quos primum habuit sepulturam, & à Compustellanis, ad quos post aliquot sæcula exportata ejus venerabilia ossa fuere, decima sexta Aprilis die quotannis colatur.

263. Vita ejus exstat ab anonymo scripta, qui res, quas narrat, à Bene-nato & Juliano presbyteris, & à Cassiano abbate primo ejus discipulo, se excepisse ait. Quem quidem S. Valerium esse, monasterii S. Petri de Montibus abbatem, de quo postea acturi sumus in *Bibliotheca vetus Hispana* Tom. I.

sæculi sequentis scriptoribus, ex eo quod cum aliis hujus operibus hæc Vita legatur, Ambrosius Morales, cum eoque Sandovalius, & Tamajus, non temerè conjectantur. Scabrosa quidem ea est, & Gotthicum sonans; quod verò cōtra Latine grammaticæ regulas peccat, ad exscriptores libens retulerim: nec omnino similis est aliis S. Valerii, quæ exstant in *Concordia regularum*, notante viro nostri temporis planè docto Joanne Mabillone in *Actis SS. Benedictinorum*, qui post u Prudentium Sandovalium & Joannem Tamajum hanc Vitam in iis actis tertio edidit x. Miraculo- rum autem ejus enarratorem non hunc, qui Vitam scripsit, eaque exactè refert, sed Paul- lum Emeritensem diaconum laudavit, quod mirum est, Ambrosius Morales lib. 12. cap. 35. deceptus forsàn eo quod in eodem codice monasterii Carracedani Cisterciensis ordinis, qui subministravit ei laudatum S. Fructuosi ab anonymo, sive à S. Valerio conscriptam Vi- tam, Paulli etiam Emeritensis liber *De vitis PP. Emeritensium* simul fuerit; unde æquivo- co anfa data. Certè ea omnia miracula, quæ è Paulo is refert, legimus apud Vitæ auctorem: quem cur clarissimus historicus ante oculos habens, non ejus, sed Paulli, in quo nihil ho- rum occurrit, testimonio usus fuit? Paullus ne etiam, præter Emeritensium patrum vitas de Fructuoso quicquam scripsit? Ego neque affirmare neque negare ausim, præcipuè cum ex eodem Paulo Morales referat Fructuo- sum carmina quædam scripsisse, de quibus postea, quæ quidem in auctore Vitæ non inve- nimus laudata.

264. Benedictini suo asserunt Fructuo- sum ordini: quod vellem, ut amplissimæ & religiosissimæ familiæ res sponte omnium fe- liciter cederet, solidioribus, & ab antiquitate venientibus fundamentis innixum. Liber enim ejus, qui exstat unicus, regula mona- chis data, diversa prorsus est à Benedictina. Quæ frustra fuisset sic prudenter copioseque à sancto parente Benedicto formata, si sub ejus vexillo militantes ita citò aliam vivendi normam sibi præscribere & arrogare præsum- turi erant. Ac profectò aërem verberant qui has illorum, quos huic ordini addictos vixisse contendunt, Isidori nempe, Leandri, ac Fru- ctuosi nostri, regulas, veluti additionum seu commentationum Benedictinæ regulæ loco habent. Quid enim importat hanc cum il- lis in uno aut altero convenire, cum plurima, & ferè omnia, diversa sint? Inurbanè omni- no aut inciviliter, ne dicam arroganter & ir- religiosè, Fructuosus, Leander, atque Isido- rus parentem sectæ suæ providentissimum tra- ctassent, si vel ea quæ Benedictus præscrip- rat aliis verbis efferentes, vel ab iis quæ præ- scripserat discrepantia commendantes, tam verba ejus quàm præceptiones, parvipendere se palam significassent.

265. Ad regulam (ais) patrumque institu- ta Fructuosus provocat. Non statim hæc re- gula Benedictina est, sed forsàn veterum mo- nachorum documenta, quos imitatus & emu- latus, vel auctoris Vitæ ejus testimonio, Fru- ctuosus apparet. Audi illum ab initio ipso:

Nn 2

Post-

s Morales lib. 12. cap. 35. Sandoval. *Fundaciones de los monasterios de España del orden de S. Benito* 1. parte, Tamajus in *Martyrol. Hisp.* die xvi. Aprilis.

t Sæculi 12. pag. 381. in ob- servatione præ- via.

u Ubi pro- ximè.

x Habemus quoque ea in magno opere *De actis san- ctorum* xvi. April.

y Ut ipse ait ubi proximè.

z Quod & Henschenii votum est xvi. Aprilis ad vi- tam Fructuosi.

a Mabillon. in præfatione ad *SS. Bene- dictin. Acta* to- mo 1. pag. 16.

b Cap. 2. prioris *Regule* & 15. postero- ris.

p Apud Onu- phrium lib. 2. *Fæst.* pag. 319. & seqq. & in Thef. Gruter.

q Apud eun- dem Onuphriū pag. 345. & in Thef. Gruter.

r Ambrosius Morales lib. 12. cap. 16. qui in- strumentum fundationis, à Cinda(vincho Rege confir- mate laudat anno dclxv. formatum.

Postquam antiquas mundi tenebras superna veritatis nova irradiavit claritas, & à sede Romana, prima sanctæ Ecclesiæ cathedra, fidei catholice dogmatum fulgurans rutilaret immensitas, atque ex Ægypto orientali provincia excellentissima sacre religionis præmicarent exempla, & hujus occidue plagæ exigua perlucet extremitas, præcipue claritatis egregias divinas duas illuminavit lucernas, Isidorum reverentissimum scilicet virum, Spalensem Episcopum, atque beatissimum Fructuosum ab infantia immaculatum & justum, illo autem oris nitore clarens, insignis industria, sopsistica artis indeptus primitias, dogmata reciprocavit Romanorum. Hic verò in sacratissimo religionis proposito Spiritus sancti flammæ succensus, ita in cunctis spiritualibus exercitatus, omnibusque operibus sanctis perfectus emicuit, ut ad patrum se facile, quorum æquaret (forlan legendum, ut & patrum se facile cœquaret) antiquorum meritis Thebeorum. Ægyptiorum ergo monachorum exemplar, non Benedicti, noster sequutus dicitur; aut regulæ nomen non semel in Fructuosi hac, sed sæpius repetitum, non aliam ab ipsa regula, quam insinuare pergit, significare posuit.

266. In prioris partis cap. 1. regularis traditio ea vocatur. Cap. 3. institutum esse regulariter dicitur nullum omnino monachum in secessu loqui debere. In 5. contra sanctionem regulæ usumque veterum agere eum, qui comederit carnes, quibus nimirum eodem regulæ capite abstinere jubentur monachi. In 8. verba sunt quæ perpendit ad Benedictinam regulam huc immittendam Mabillonius ^a. Obedientia præceptum est regulæ, ut impossibilibus quoque rebus opere atque affectu ostentetur & teneatur, usque ad mortem videlicet; sicut & Christus factus est obediens usque ad mortem. Quæ, quamvis importuna parenthesi ab eo divaricata, non alium sensum à communi, quem tot aliis ex ea regula locis comprobamus, habent. Convenit autem caput hoc de obedientia sic stricta cum sexagesimo octavo Benedictine regulæ capite, cujus lemma est: Si fratri impossibilia injungantur, ait idem Mabillonius. Sed quid inde? tum nullus prohibuerit Fructuosum, quin ex Benedicti, aut aliis regulis, flores ad suam decerperet, sicuti & Benedictus aliis usus fuit: quod quidem Concordia regularum, hoc est, Benedictinæ cum cæteris, à Benedicto Anianensi abbate scripta, & ab Hugone Menardo ante aliquot annos publicata, quemlibet abunde docere potest. Idem quoque reperitur in S. Columbanii regulæ cap. 1. ^b quam nemo dixerit è Benedictina excerptam. Obedientia (ait) usque ad quem modum definitur? usque ad mortem certe præcepta est: quia Christus usque ad mortem obediuit patri pro nobis. Convenit S. Basilii regula interrogatione 65. ^c & 69. ^d Quæ satis pro argumento quo utitur Mabillonius.

267. In eodem cap. 8. regulæ Fructuosi multa præfixa esse dicuntur regulari sententia, multa quoque diuturna consuetudine iussa: quæ quis dixerit ad Benedicti regulam respicere? In 6. quoque posterioris partis regulæ capite legitur: qualiter debeant viri cum uxoribus ac

filiis absque periculo vivere in monasterio: quod quidem lemma ejus est. ac respondet quaesito: Cum venerit quisquam cum uxore vel filiis parvulis, id est infra septem annos, placuit sanctæ communi regulæ, ut tam parentes quam filii in potestatem se tradant abbatis. Quibus quidem verbis Benedictinam significari, quæ nihil de hujusmodi re cautum habet, dicere nemo audebit. Præterea de iisdem rebus diversissima utrobique, scilicet in Fructuosi & Benedicti regulis, fanciuntur: quod per singularia demonstrare capita facillimum esset. Ex quibus omnibus hucusque adductis contrarium potius ei sententiæ, quam Benedictini recentiores propugnant, de Fructuosi monachatu colligere debemus. Quod similiter de his dicimus qui ad Augustinianum ordinem referunt^e. Sed jam ad opera.

268. Præcipuum hæc regula est sæpius laudata, quam fecisse eum monachis in Compluteni seu Compluticensi monasterio à se susceptis indicare id videtur, quod Quadragesimam quandam pro festivitate sanctorum Justi & Pastoris, quibus hocce dicatum fuit monasterium, indixerit ^f. Divisa hæc est in duas partes, quarum posterior speciatim dicitur *Regula monastica communis*, in editione quam *Regularum codicis* à S. Benedicto Anianensi abbate collecti è Romana Vitalis Mascardi officina ann. MDCLXI. Lucas Holsthenius vir clarissimus exire fecit ^g. Qui titulus ex illis quæ adducta nuper sunt, ex capite sexto hujus partis verbis: placuit sanctæ communi regulæ, comprobari videtur. Menardum tamen ^h, alteri & alteri Fructuoso priorem & posteriorem regulam tribuere scimus; quam utique mentem instillasse ei videtur Pseudo-Maximi locus ad annum Christi DLIX. i constitutis Constantiæ in agro Bracurense sanctum quendam Fructuosum Benedictinum abbatem, S. Romani discipulum. Sed quicquid de hoc antiquiore Fructuoso, & Romano ejus magistro, in Hispaniis diem suum obeunte, cujus alibi meminit idem Pseudo-Maximus ⁱ, ab eoque Menardus, non omnino tamen rei sive auctoris fidei certus, habuit, commenta sunt vanissimi capitis, quæ & in codice Estepano, seu fragmento, quod ad calcem excudemus, Dextri, Maximi, & Luitprandi primordiali illo, defideratum, & iis quæ de S. Romano in Galliis abbate Gregorius Turonensis ^j, equalis ejus, in viri ejusdem sancti Vita, qui uno ante S. Benedictum sæculo vixit, ut martyrologi omnes ^k referunt, contraria sunt.

269. Pro omnibus adiis, lector ingenue & veritatis amans, Godefridi Henschenii commentarium prævium ad S. Romani Jurenensis abbatis acta die xxviii. Februarii, & confer cum Bivarii ad Maximum, Tamaji, Cardosique in martyrologiis Hispano & Lusitano, aliorumque hujus sæcæ hominum, quorum idola Dexter, Maximus, aliique ficulnei sunt historici, rationibus, conciliationibus, tergiversationibus, hesitationibus, in Romani historia, futilitatis & vanitatis plenis; quo luto herere oportet eos qui, quamvis aliàs docti ac probi sint, horum pseudo-

^e Ant. à Purificatione in Chronol. monastica Ulyssippe edita MDCLXII

^f Cap. 18. prioris partis.

^g Ms. existat pluribus in locis. Codicem monasterii de Carracado Cisterc. ord. Morales vidit. Alterum S. Petri de Asloma Sandovalius, alterum Nucleensis monast. Bivarius, uti refert ipse ad Maximum pag. 511.

^h In præfatione secunda ad concordiam regularum.

ⁱ In editione Bivariensi pag. 512.

^k Ad ann. DLXVIII. n. 13. pag. 495. & 510.

^j De Vita Par. cap. 1. m Die xxviii Feb.

^a Ubi supra, como 1. pag. 36

^b Existat in codice regularum Holsthenii tom. 1. parte 2. pag. 154.

^c In ejusdem codicis como 1. par. 1. pag. 223.

^d Pag. 225.

n Regula
S. Fruſtuofus,
hujus memi-
nerunt Egber-
tus Eboracienſis
Archiepiſco-
pus, Burchar-
dus Worma-
tienſis, Bene-
dictuſque
Anianenſis
abbas, locis ab
Henſchenio
adductis in
preſatione ad
Vitam S. Fru-
ſtuofus xvi.
Aprilis.
o Lib. 12.
cap. 36. fol. 51.

p Penes nos
habemus ex
codice Gotthi-
co olim Eccle-
ſiæ Ovetenſis,
nunc autem
bibliothecæ
Toletanæ.
Quam in colle-
ctione noſtra
TOM. IV. 60.
TOM (quamvis
à Ramirezio
luce donatam)
cultiorem ac
emendatiorem
iterum forſan
luci publicæ
committemus.
CARD. DE
AGUIRRE.

q Adverſ.
310.

r Quamvis
hoc credat
Mabillonus in
Notis ad S.
Fruſtuofus Viſa.

s Maximus
ad ann. DC.
num. 1. Julia-
nus in Chroni-
co num. 312.
c Cap. 5. De
ſcript. Eccleſ.

u Itacen-
ſuere Morales
lib. 12. cap. 35.
Loaiſa ad
Conc. Tol. x.
pag. 504. Acu-
ſia Eſp. de las
Obiſpos de Bra-
ga 1. par. cap.
36. Sandoval in
Fundacionibus
fol. 16. Bivar.
ad Max. pag.
705.

x Uti dici-
tur in eodem
Adverſ. 310.

y In Chron.
num. 313.

Conſpergunt aras, adoleſcentque altaria domus.

270. Fragmentum quoque exſtat quod-
dam *De diverſitate culparum ſuper regulam*
S. Benediſti, quod in nonnullis libris mss. Fru-
ſtuofus adſcribi ſolet. Indignum tamen id
Fruſtuofus eſſe Mabillonius rei auctor fatetur.

271. Paulo Emeritenſi diacono acce-
ptam referre nos debere quorundam carmi-
num S. Fruſtuofus notitiam apud Moralem
legimus^o, duorum ſcilicet epigrammatum in
laudem Narbonenſis Episcopi, cui Petro no-
men, Regiſque Siſenandi, & cujuſdam dia-
coni.

272. Exſtare quoque ait in Complutenſis
majoris collegii libro ms. epiſtolam ad Re-
ceſvinthum Regem^p ſcriptam, quâ precari
eum videtur, ut cum quibuſdam nocentibus
clementer ſe habeat, in quo ejuſdem temporis
res agi videtur, quam Concilii octavi Toletani
patres toto ſecundo capite ſatis prolixo expe-
dire ſunt conati. Edita fuit epiſtola hæc à D.
Laurentio Ramirez de Prado in Luitprandi
operum collectione Antuerpiæ ex officina
Plantiniana Balthaſſaris Moreti an. MDCXL.
ſed tanquam ex collectione Juliani S. Juſtæ
Toletanæ archipreſbyteri quarundam veter-
um præſulum epiſtolarum, Julianus nempe
noſtræ ætatis eas quas in mss. codicibus, quo-
rum copiam habuit, lectu dignas exiſtimavit,
in unum à ſe coactas, Juliano illi antiquo, ſi
verè aliquis fuit, ſuppoſuit.

273. At quàm impudenter idem Pſeu-
do-Julianus, præſectæ audaciæ bipes, noſtri
Fruſtuofus hiftoriam ſuis ſædare fabulis auſus
fuit! Pertinent huc ex portentoso *Adverſa-
riorum* ejus opere, quingentefimus decimus
cum duobus ſequentibus numeris, in quibus
hoc in primis falſum eſt q, Conantium Epi-
ſcopum, ſub quo, ut in ejus refertur Vita,
Fruſtuofus aliquo tempore vixit, non Pa-
lentinum fuiſſe illum, cujus S. Ildephonſus
meminit, Episcopum; ſed Agalienſem Tole-
ti abbatem, ex quo ad ejuſdem urbis ſedem
aſcendit. Conantium, fateor, aliquem, aliàs
Venantium, inter Adelphium & Auſaſium,
Toletanum Episcopum habet Loaiſa cata-
logus, largeque pſeudo-hiſtorici ſiculnei huic
nomini favent^s. Sed cum S. Ildephonſus di-
fertiffimis verbis Auſaſium poſt Adelphium
referat^t huic Eccleſiæ datum Episcopum
fuiſſe; non eſt cur ei fidem derogemus. Et
cuinam alii credas Conantio tributum fuiſſe
viri ſanctiffimi elogium ab auctore Vitæ S.
Fruſtuofus, quàm Palentino Episcopo, quem
elogio ſuo Ildephonſus commendavit^u? Ac-
cedit vicinitas Bergidenſis territorii, unde ſe
Fruſtuofus ad Conantii Episcopi diſciplinam
proripuit, longè major cum Palentina, quàm
cum Toletana urbe.

274. Nodum quoque pluſquam Gordium
continet, non quidem ſiculneo ſcindendum
gladio, Fruſtuofus anno DCVII. fuiſſe
monachum ſub Conantio monacho Aga-
lienſi, Toletano præſule^x, qui Conantius
(ſi revera fuit aliquis Toleti hujus nominis
præſul) anno DC. juxta Mæximum, Adelphio
ſucceſſerit, eodemque anno, aut ſequenti, ſi-
ve ut plurimum tertio, juxta Julianum^y mar-

tyr in Gallia Narbonenſi factus, locum Au-
raſio vacuum reliquerit. Falſiffimum quoque
eſt Receſvinthum Regem dediſſe multa
Complutenſi monaſterio; ac ſi hujus fuerit
privilegium quod *de Compludo* vocant, ann.
DCXLVI. indultum; & non Cindaſvinthi,
de quo Morales lib. 12. cap. 26. exſtatque apud
Tamaſum die xvi. Aprilis². Deinde num.
511. Pſeudo-Julianus Siſenandi tempore flo-
uiſſe refert Episcopum Bracarenſem S. Pe-
trum, poſtea Narbonenſem, ad an. DCXLVI.
mortuum. quod factum celebrare ait epi-
grammate quodam Latine S. Fruſtuofus no-
ſtrum. Hocce carmen illud eſt, de quo nos
ſuprà.

275. Sed Petrum illum Narbonenſem
Episcopum à Fruſtuofus celebratum, Braca-
renſem antea Episcopum, floruiſſe Siſenandi
tempore merum ſomnium eſt. Nam vel flo-
ruit Siſenandi tempore adhuc Bracarenſis, vel
Narbonenſis jam Episcopus. Narbonenſem ſi
dixeris, opponam, Selvam hujus ſedis antiſti-
tem altero poſt Iſidorum Hiſpalenſem loco
ſediſſe, quatuorque alios metropolitanoſ præ-
ceſſiſſe in Concilio Toletano iv. quod habitum
fuit anno tertio Siſenandi Regis: quam præ-
dixæ prærogativam ex antiquiori ordinatione
provenientem incredibile eſt tricennali recen-
torem, hoc eſt ejuſdem Siſenandi Episcopum,
conſequi potuiſſe. Aliter enim non
potuit quatuor aliis antiſtare, quàm ſi qua-
tuor illi, intra ſic breve temporis intervallum,
omnes metropolitæ ordinati fuiſſent. Si au-
tem Bracarenſem adhuc Episcopum ſub Siſe-
nando vixiſſe credideris, admitto nihil con-
trarium ex ejuſdem Concilii ordine ſubſcri-
ptionum paullo antè conſiderata inſurgere:
nam quod in eo Julianus Bracarenſis Episcopus
interfuerit, duosque alios metropolitanoſ,
Juſtum Toletanum & Audacem Tarraco-
nenſem poſt ſe habuerit, non omnino evin-
cit Julianum veterem jam tunc fuiſſe Braca-
ræ Episcopum, neque intra idem Siſenandi
triennium tam ipſum quàm Petrum à Fru-
ſtuofus decantatum præſeſſe Bracaræ haud po-
tuiſſe. Ex S. Ildephonſo enim certum eſt,
Juſtum Toletanum trium annorum dumtaxat
Episcopum, ejuſdem Regis Siſenandi tem-
pore, novemdecimque ante eum diebus ob-
iſſe, & conſequenter ſub eodem Rege, qui
tres annos & undecim meſes regno præſuit,
creatum fuiſſe. Quo cum bene ſtat Juſto To-
letano antiquiorem vel paucis diebus Julia-
num Bracarenſem, tertio Siſenandi anno,
fuiſſe; atque in Petri ſub ejuſdem Siſenandi
principia florentis locum ſuccedere potuiſſe.

276. Attamen inde, ne in præceps ſeſe
dent, ſtatim pedem revocare debent Pſeudo-
Juliani defenſores. Fateri enim hiſ neceſſa-
rium erit Petrum ex Episcopo Bracarenſi Si-
ſenandi tempore translatus fuiſſe ad Narbo-
nenſem Eccleſiam: quod præterquam quod
Bracarenſes malè habebit, ſanctiffimumque,
qualis audit, Episcopum parum deceat nulla
ſpe majoris fruſtus æqualem pro æquali com-
mutare ſedem; impoſſibile factu eſt, cum
Concilii iv. Toletani tempore Narbonenſem
Selva habuerit, vetus antiſtes, Julianuſque
Bra-

2 Pag. 677.

2 De ſcript.
Eccleſ. cap. 1.

Braearensem, & adhuc Petrus in vivis fuerit. Vixit enim, eodem Pseudo-Juliano teste, usque ad DCXLVI. Quonam ergo abiit Petrus, quum sub ann. DCXXXI. aut circiter, & Sisenandi initia, locum fecit in Braearensi Ecclesia Juliano? Nam plena tunc temporis erat Narbonensis, cui jam diu præsuerat, præsuitque etiam usque ad DCXXXVIII. annum, quo sexto Concilio Toletano interfuit, Selva. His salebris cum se extricaverint, Achillem eorum nonnihil habebimus. Et jam satis multa. Sed tanti constare solet, ea quæ antiquitatis specimine sese venditant, fide, quam fortè invenerunt, exauctorare.

277. Neque dedecet laudare hic poetam ANONYMUM qui nomine Chintilani nostri Gotthorum Regis carmen formavit, quod cum velo ab eodem Romam destinato legeretur. Produxit carmen id, hætenus invisum, ex codice monasterii Elnonensis in Belgio Joannes Mabillonius Benedictinus, Gallus, nunquam sine præcipue laudis elogio nominandus, inter *Analecta sua*² *vetera*. Quod ita incipit sub hoc lemmate: *In velo, quod à Chintilane Rege Romam directum est*.

*Discipulis cunctis Domini prælatus amore
Dignus Apostolico primus honore coli;
Sancte tuis, Petre, meritis hæc munera supplex
Chintila Rex offert. pande salutis opem.*

Sed quod advertere debuit vir eruditissimus, hætenus pertinet carmen tetrastichon velo scribendum. Cetera alterius telæ & argumenti sunt, nempe illius poetæ, qui planè voluit sub exemplis rerum inter se disparatarum significare adhuc difficilius esse ac indecentius Rusticum Euceriz conjungi.

CAPUT VI.

De S. ILDEPHONSO Toletano præfule, atque ejus rebus gestis & scriptis. De virginitate S. Mariz contra tres infideles liber. *Quinam* bi infideles. *Laudatur* Alphonsus Vasquez de Miranda abbas S. Anastasie. *Plura* de his operibus Ildephonsi. *Missæ* quedam in codice Toletano: & quidnam hujus temporis Missa. *Epigrammatum* Ildephonso adscriptorum quedam supposititia & falsa: immo & germana alia corrupta & adulterata. *Pseudo-Juliani* adulatoria levitas in formanda S. Ildephonsi stirpe. De Bonito Arvernensi Episcopo ejusdem ac Pseudo-Luitprandi somnia. *Additio* ad Chronicon S. Isidori quale opus. *Roderici* Toletani locus depravatus corrigitur. *Joannis* Gerundensis Episcopi error notatur. *Francofordiensis* Concilii non æqua de S. Ildephonsi doctrina opinio. *Liber* adversus eos qui disputant de perpetua virginitate Mariæ, non est Ildephonsi. *Hujus* & aliorum sui temporis in Hispania scribentium phrasibus & eloquentia describitur. *Paschasius* Ratberto hic liber jam hoc tempore adjudicatur. *Pseudo-historicorum* licentia in assignanda Ildephonso hujus scripti occasione multis refellitur. *De modo* partitionis Deipare anceps etiam inter catholicos judicium. *S. Amando* Trajectensi antistiti falso tributa in Hispaniam adventus & munus Episcopi. *Francia* non de tota Gallia tunc

dicta. *De Genesii duobus, Arvernensi Episcopo & Corbejensi abbate, eorundem pseudo-historicorum figmenta*.

278. SANCTUS ILDEPHONSUS Toletanus antistes sequitur, qui sub iisdem Regibus Cindasvintho & Reccefvintho maximè floruit, cujusque postremi nono anno (ut Julianus ait, Episcopus & ipse Toletanus, in brevi ejus elogio) *ascitus in Pontificatum, novem annis & duobus ferè mensibus clarus habitus, vitæ meritis, & retentatione a regiminis, expleto octavodecimo ejusdem principis anno, decimo Kalendarum Februariarum viam universæ carnis fuit ingressus*. Ordinatus igitur an. DCLIX. ad superos abiit an. DCLXIX. die Januarii xxiii. ad quem diem refertur ejus memoria in Romano Martyrologio, quam & reperiri apud vetustissimum Adonis Martyrologii exemplar Joannes Mabillonius prodit^b. Planè ea quæ de rebus sanctè ac laudabiliter ab eo gestis dicuntur, conservantque libri recentiores, omnia è duobus celeberrimi sui temporis viri encomiis derivata sunt, quorum auctores fuere, prioris quidem Julianus is, quem diximus, post Quiricum Ildephonsi successorem Toletanus antistes, ei, quem descripsit, coævus; posterioris Cixila, & ipse aliquando, hoc est sub Maurorum tyrannide, ejusdem Ecclesiæ præfectus, qui è coævis audit. Nonnihil etiam S. Eugenii III. de quo loquuti jam sumus, quædam carmina præstant. Luitprandum, Julianumque, & si quos alios pseud-onymos adorat cæca noviorum superstitio, pariter cum his haberi debere auctores sumus, qui nec unius quidem sæculi ætatem habent, neque ipsi auctoritatem olim notis præstare possunt; sed ab ipsis, quum in ordine suo sese continent, mutuo accipere contenti esse debent.

279. Natum Toleti ex nobilissimis parentibus Stephano & Lucia Ildephonsum fama fert; sub Rege nimirum Witterico, anno hujus sæculi septimo^c. Lucia soror germana dicitur fuisse Eugenii III. Toletani præfulis, qui puerum Ildephonsum, primis à se literis ac pietatis amore^d, cum adhuc ipse in Ecclesia Toletana, priusquam Cæsar-augustæ induisset monachum, Ecclesiastico munere distineretur, imbutum, ad S. Isidorum Hispalim disciplinis omnibus instruendum remisit. Hinc ille evadens, qui jam inde apparere cœpit, vir omnibus doctrinæ & sanctitatis numeris absolutus, Toletum rediit; & sub Helladio antistite monachale institutum in SS. Cosmæ & Damiani monasterio, quod & Agaliense audit, ejusdem urbis amplexus fuit. Helladius levitæ ordinem ei contulit sub vitæ suæ finem, qui Sisenandi principio, hoc est circa annum DCXXXI. contigit, quod Ildephonsus ipse de Helladio loquens sibi testimonium præstitit. Abbas deinde electus sui monasterii, non alterius, (aliis aliter placet^f) quod à Juliano apertè dicitur, è monachorum præfectura, Eugenio ejus avunculo diem suum obeunte, ad Toletanæ Ecclesiæ regimen invitatus, principalique (uti Julianus idem vocat) violentiæ cedens, transfer-

a Alias orationes: sed nihil mutandū. *Reservatio* pro retentione; frequentativum pro simplici. Sic alibi remota pro notare in Prologo: retinere pro temperare in Montano.

b De *Actis* SS. Benedicti. sæculo 11. in *Vita* S. Ildephonsi. pag. 516. lit. d. in *Notis*.

c VI. visum Pseudo-Luitprando in Chron. era DCXLIV. d Animadvertit hoc Morales. lib. 12. cap. 39. confirmantque Acta Breviarum Asturicensis. ms. apud Tamajū xxiii. Jan. pag. 247.

e De *Vitis* illiq. cap. 7.

f Tamajo 1. tomo *Martyr.* Hisp. die xxiii. Jan. pag. 255. & 256.

fertur. Abbas adhuc interfuit monasterii Complutensis à S. Fruſtuoſo ereſti dotationi, ſæculi hujus anno ſexto ſuper quadrageſimum; inde Toletano Concilio viii. anno quinquageſimo tertio, necnon & ix. circa annum DCLVII. ut è ſubſcriptionibus conſtat.

280. In pontificio Toletano, cui poſt biennium initiatus creditur, veluti ſacula ardens, ut Cixila loquitur, omnem Hiſpaniam caſtimoniæ ſcilicet, prudentiæ, Chriſtianæque univerſæ doctriinæ, hæroicarumque omnium virtutum radiis perlustravit. Ut dignus habitus ſit, ſtupendis duobus ſibi à Deo collatis beneficiis ſignatam & conſecratam ſui memoriam poſteris transmittere. Sacrum enim celebranti coram Recceſvintho munus Leocadia virgo & martyr apparuit, locumque ſepulturæ hætenus fruſtra quaſitum oſtendens, gratias viro ſanctiſſimo pro deſenſa Deiparæ matris virginitate, quod paullo ante libris editis præſtiterat, ejus nomine habuit. Cujus martyris ſanctiſſimæ, civis ſuæ, veli ſegmentum cultello h raptim à Rege miniſtrato ab Ildephonſo præciſum, ſervari apud Ovetum in arca ſancta reliquiarum conſtans fama eſt. Nec diu poſt in Eccleſiam die feſto exſpectationis partus B. Mariæ Virginis ad peragendum matutinum officium veniens, eandem filii Dei matrem in Episcopali cathedra ſedentem oculis mortalibus conſpicere, ſibi que benignè alloquentem audire, ac de theſauro cœleſti acceptam veſtem, quâ ipſe in hoc ſolenni feſto ſolus uteretur, ſibi porrigentem, adorare promeruit: quod cum aliis per eum ab Spiritu ſancto peractis miraculis retuliſſe ſibi Urbanum & Euanthum Cixila teſtatur; quorum prior ab Iſidoro Pacenſi dictus Toletanæ Eccleſiæ veteranus melodizus, hoc eſt cantor; Euanthius autem ejuſdem Eccleſiæ archidiaconus, doctriinæ, & ſapientiæ, ſanctitateque, & in omni ſecundum Scripturas ſpe, fide, & charitate, ad confortandam Eccleſiam Dei Hiſpaniam, jam ſub captivitate gementem, uterque clarus. Hos auctores Cixila habuit, quorum teſtimonio fidem rei adſtrueret: quantumvis de ea ſiluerint Julianus, & Iſidorus Pacenſis.

281. Egregiè autem confirmat famam rei ubique vigentem duodecimi ſæculi ſcriptor Hermannus monachus, quem hiſtoricum Voſſius ignoravit De miraculis ſanctæ Mariæ Laudunenſis, in epiſtola ad Bartholomæum ejuſdem Eccleſiæ Episcopum. Cum dudum (inquit) in Hiſpaniam ad videndum gloriolum Regem Ildephonſum (Alphonſus hic Aragoniæ Rex, atque item Caſtellæ per Urracam uxorem) Felicia materteræ veſtræ filium, profeſtus, feliciffimum ab eo promiſſum ſuſcepiſſemus, quod ſi ſecundò ad eum videndum reverteremini, daret vobis corpus B. Vincentii leviſtæ & martyris, necnon & caſulam pretioſiſſimam, quam B. Dei genitrix S. Ildephonſo Toletanæ civitatis Archiepſcopo dederat ob remuneratiorem trium libellorum, quos de virginitate ſua compoſuerat, &c. Sed de hac re commentaria oſtendunt hominum queſo adeas leſtor; ne nos ampliùs ea que ad bibliothecæ

argumentum ex Ildephonſi rebus geſtis pertinent differamus.

282. Scripſit (Julianus ait) quamplurimos libros luculentiore ſermone poſſiſſimos, quos idem in ſor partibus cenſuit dividendos, ideſt:

283. Librum proſopopeiæ imbecillitatis propriæ, qui deperditus fuit.

284. De virginitate S. Mariæ contra tres infideles libellum. Hic liber primùm, quod ſciam, editus eſt ab æquè pio ac docto viro Michaële Alphonſo Carranza Valentino, inſtituti Carmelitarum; qui quidem collatis inter ſe duobus mſs. codicibus, altero Gregorii Mirandenſis Valentini, Fidei rerum Judicis, altero Hieronymianorum Gandienſi, prodire eum fecit Valentii an. MDLVI. in 8º. ita inſcriptum: Sanctiſſimi patris noſtri Ildephonſi Toletanæ Eccleſiæ Archiepſcopi libellus De illibata ac perpetua virginitate ſanctæ ac gloriſſæ genitricis Dei Mariæ anti typum æviſum, adverſus tres infideles (haud credimus Græca iſta ab Ildephonſo eſſe, ſed à noviore aliquo, qui græciſſare importunè voluit) ordine ſynonymorum conſcriptus. Adjunxit & Vitam; quam & emiſit Hieronymus Welæus Lovanii anno MDLXIX. cum eodem hoc libro. Anno ſequenti MDLVII. à Baſilio Melanio, Congregationis Caſinenſis monacho, Baſileæ in 8º. etiam publici juris iterum factum hunc eundem libellum ſcio.

285. Poſt aliquod tempus Franciſcus Fev. ardentius Minorita cum aliis Ildephonſo, non ita rectè, adjudicatis, Pariſiis apud Nivellium MDLXXVI. & Bigneus nono volumine Bibliothecæ veterum PP. MDLXXXIX. recuderunt. Inſcriptio tamen in his variat. Nam quæ De illibata eſt apud Carranzam & perpetua virginitate, &c. in Fev. ardentii & Conſtantini Cajetani libris mſs. De laudibus erat B. Virginis Maria. In quodam ejuſdem Cajetani codice annotavit is, qui olim exſcripſerat p, ſe Gomelanum abbatem Ildenſem in finibus Pampiloniæ eſſe, qui libenter conſcripſerit libellum à S. Ildephonſo Toletanæ ſedis Episcopodudum luculentiffimè editum, in quo continetur De laude virginitatis ſanctæ Mariæ perpetuæ virginis. Sed infrà de hac nota iterum.

286. Tres hi infideles quinam fuerint, compellatio ipſa eos argumentis extra dubium ponit. Jovinianus nempe Helvidiuſque, noti admodum ſuperioris ævi hæreſiarchæ, & à Maximo doctore Hieronymo peculiaribus libris conſutati, ac tertio loco Judæus quidam, ſectæ ſuæ tantùm appellatus nomine, hic ſiſtuntur, & ex adverſo maxima vi atque impetu ſermonis doctriinæque impugnantur. Primus olim negaverat q Mariam Deiparam in partu virginem permariſſe. Secundus poſt partum ſemper virginem fuiſſe. Tertius verò integritatem in puerpera omni tempore ſacrilegus reſpuebat. Jovinianum igitur primo capite (libellos appellat Hermannus monachus ſuprà adductus) Helvidium altero, Judæum tertio, & his quæ tertium ſequuntur, reſutat. Hic enim poſtremus hoſtis proſligandus fuit majoribus copiis argumentorum, in quo etiam Jovinianus & Helvidius ſeorſum priùs impetiij de novo proſternerentur.

287. Ve-

g Morales lib. 11. cap. 26.

h In proſa quadam ſæcti olim officii, quod adducit Tamajus pag. 260. ganipulo Regis id factū dicitur. Ganipote de meſa vocabulum eſt noſtræ gentis antiquatum.

i In Chron. ad eſt. dccc. vii. & In elogio laudato.

l In Chron. ad eſt. dccc. xxi. ubi de Ildephoſo.

m Apud Sammarthanos fratres in Gallia Chriſtiana in Episcopis Laudunenſibus fol. 61a. pag. 2.

n Felicia Sæc. ii. Ramirezii Regis uxor, Alphonſi parens, filia fuit Hilquini Rociſſi in Gallia Comit. ut ex eodem Hermanno lib. 1. cap. 2. cuius verba legi poſſunt apud Sæmarthanos; unde apparet. Surites error, qui lib. 1. Annot. Arag. cap. 19. Feliciam Uigellens ſis Comit. natam fuiſſe credit, quem ſequutus fuit Hieron. Blancas in Aragon. rerum commentariis, & Sancio iv. Rege.

o Integer hujus argumenti liber exſtat Franciſci Portocarrero Jeſuitæ; lateque Petrus Salazar de Mendoza in Viſa S. Ildephoſi. Collegit omnes Tamajus hac die xxiii. Januarii, & xxv. ſequentiſ.

p In 55. viii. Epiſt. Benediſt. ord. viſa à Conſtantine Cajetano edita pag. 241.

q Joviniano hanc hæreſin S. Auguſtinus adſcribit, quævis S. Hieronymus in libris adv. eum ſcriptis non meminit, ut Eraſmus notat in argumento horum librorum. Helvidiuſ affirmabat Deiparam poſt editum Salvatorē à Joſepho cognitam, ut è libro Hieronymi adv. eum conſtat, volum. 2. ejus oper.

287. Verè enim in hoc versari debuit Marianæ integritatis tota defensio, ut verum Dei filium ex ea natum disputatio stabiliret: hoc enim uno dato, quis deinde sanus inficiaretur potuisse Deum in claustra se penetrare incorruptæ matris, atque inde formatum sibi corpus æquè inviolato pudore virginis in dias luminis oras educere? Hoc ergo inculcandum prolixius fuit Judæo infideli, quod sectæ ejus maximè repugnabat; & per Judæi corpus cæterorum cæcæ mentis Antidicomarianitarum, quomodo Epiphanius in *Panario* appellat, jugula petendum, Hi enim posteriores Christum in ore Christianismumque habentes, ferè ab omnibus Mariæ propugnatoribus, Ambrosio præsertim epistolarum lib. 10. epist. 79. & 81. Hieronymoque *Adversus Helvidium*, tanquam assecræ Hebræicorum dogmatum traducuntur. Ita nempe de his tribus veri hostibus hoc libro debellatis rectè sensit Alphonsus Vazquez Mirandensis, defæcati judicii ac plurimæ doctrinæ, Mercenariorum sodalis, abbas, cum viveret, S. Anastasiæ in regno Siciliæ, conscripto vernaculo libello *De S. Ildephonso ejusque scriptis* agens cap. 4. libri 4. Idem Gabrieli Valquio Jesuitæ venit in mentem in commentario ad tertiam S. Thomæ partem disp. 121. cap. 11. nisi quod Cherintum aut Carpocratem, qui ambo fatum ex Josepho & Maria Jesum Dominum nostrum Judaica persuasione olim docuerant, ut ex Epiphanio 1. *Adv. hæreses* libro, & aliis constat, in persona Judæi, quem hic appellat Ildephonsus, configi asseveravit. Verum hæc ejus sententia planè impugnatur ex hujusmet operis cap. 3. & 4. in quorum utriusque principio de diva Virgine ad Judæum dicitur, ex stirpe sive gente ipsius eam esse: quod non bene accommodes ei, qui verè non est Judæus origine, sed sectæ aut heresi dumtaxat. Ego magis puto non privatum aliquem, sed totam sectam Judæorum, confecto sibi ex iis uno, quem argueret, tot capitibus ab Ildephonso refutari. Nec aliter rectum sensum habere capitis septimi ad Judæum verba hæc possunt: *Nam de passione, contumeliis, cruce, clavis, morte, & sepultura, quid tibi jam loquar? cum te fecisse illa non dubites. Et mox: Quando de homicidio innocentis reus teneris, & hanc mortem ejus à te quidem crudeliter illatam, ab illo autem sponte susceptam, &c.* Quod vidit etiam Gomesanus ille transcriptor libri hujus *De virginitate*, quo usus est Cajetanus, jam à me vocatus ad testimonium, sæpèque vocandus.

288. Hi ergo sunt tres illi infideles, quibuscum in hoc libro congredi voluit Ildephonsus. Sive quod ex devotione in beatissimam Dei genitricem novos sibi hostes ex veteribus etiam profligatis suscitare voluerit, quo stylum pietatis, veluti declamatores solent, exerceret. Quod quidem vocasse eum genius videtur proprius, ut in laudandis paulo infra epistolis ejus clarebit, atque item è testimonio Quirici Barcinonensis tunc adducendo, & ex Gomesani presbyteri verbis infra producendis; demumque ex testimonio frag-

menti *De translatione reliquiarum à Toletis in Asturias*. quod inferius quoque à nobis sistetur: sive quia impudens horum heresis novos aliquos sortita esset, sive in Hispania, sive extra Hispaniam, hoc tempore sectatores. Planè hanc posteriorem partem ii qui scilicet adhærescunt Chronicis, mordicus tenebunt. Frequenter enim horum Luitprandus & Julianus inculcare amant, Ildephonsum cum Theudio & Helladio Gotthis hæreticis Narbonæ venientibus congressum scriptis fuisse. Quibus dedit fundamentum Rodericus Toletanus lib. 11. *De rebus Hispaniæ* cap. ult. his verbis: *Hujus tempore cum Helvidius & Pelagius à Gallis venientes plerasque partes Hispaniæ infecissent, virginitatem beatæ Virginis infamantes; B. Ildephonsus illis occurrens, sacram Scripturarum testimoniis, & lingua melliflua, & gratia in labiis suis diffusa, eorum dogmata confutavit, & ab Hispania confusos abegit.* Quod sequitur *Historia generalis* Alphonsi X. Regi communiter attributa. Neque id tenentibus cum Roderico enixè adverbiorum: de quo tamen opportunior alius hanc rem expediendi locus paulò postea occurret.

289. Jam ut confirmemus aliis testimoniis hoc opusculum S. Ildephonsi esse, Ambrosius Morales alicubi testatur se vidisse manu exaratum codicem, in quo exscriptus erat hic liber *De virginitate Deiparæ Virginis*, manu ipsa Atilani Senticæ, sive Zamoræ Episcopi, viri sanctissimi, de quo præfixa ibi admonuit eum notula. Porro is liber, quo usus fuit Cajetanus, perantiquo eo, manuque exarato, non sine exscriptoris nomine consignatus venit ad posteros. Exstat enim ad calcem adnotatio, ut jam indicavimus, prolixior ea quàm ut hic integra referatur; sed quæ id continet Gomesanus abbatem Ildensem rogatu Gotthiscalci Episcopi illac (in finibus Pampiloniæ, ut jam diximus) ex Aquitania in Galliciam invivendi Sancti Jacobi corporis gratiâ transeuntis conscripsisse hunc libellum; eundem verò Episcopum transfuisse eum ex Hispania in Aquitaniam erà CMLXXXIX. (sive anno CMLI.) tempore hyemis, diebus cœptis Januarii mensis, quibus ipsis diebus obiit Gallicianensis Rex Ranimirus. Hæc ferè Gomesani notula. Hic est Ranimirus, seu Ramirus II. Legionis Rex, qui obiit Januario mense anni CML. Quare ad hunc numerum reformanda est era, seu annus notulæ, ne clarissimis refragetur documentis à Morali adductis.

290. Membranaceum alium codicem literis Gotthicis ante DXL. annos exaratum servari ad sanctæ Trinitatis Toletanum cœnobium Hieronymus Higuera testatur in Notis ad Luitprandum^x, nempe à Salomone archipresbytero, ut credimus, Toletano, erà MCV. sive anno MLXVII. quod idem alibi monet y in iisdem Notis. Meminit ejusdem libri Isidorus Pacensis in Chronico^z his verbis: *Quod præsentente presidente tunc sanctissimo Ildephonso, mellifluæ os aureum in libris diversis eloquentiæ, atque de virginitate nostræ claminæ Mariæ semper virginis, nitido politoque eloquio*

^s Luitprandus in Chron. anno dclxi. num. 101. & anno dclxviii. num. 111. Julianus in Chronico num. 337. & 338.

^t Exstat in laudata *Vita* *Sancti Episcopi Ranimirus*. pag. 141.

^u Lib. 16. cap. 20.

^x Ad annum dclxviii.

^y Ad annum cmlxxvii. ^z Erà dclxxviii. ut in editis à Sandovalio, re vera cml. dclxxvii.

a Ita Sandovalius ex codice, ut videtur, corruptissimo edidit. Aliter Miræus.

eloquio ordine synonymo (sic lego, pro synonyme) perflorentem^a, &c. Corrupta hæc & improprio loco posita sunt, ut ex Roderico Toletano lib. 2. cap. ult. & lib. 3. cap. 12. inter se collatis his quæ ex Isidoro, ut in more habet, utrobique scripsit, liquet.

291. Auctor *historiæ translationis reliquiarum à Toletis in Asturias*, quæ Sebastiani Salmanticensis (sive ea sit Alphonfi III. cognomento Magni, de quo nos suo loco) historiæ inserta legitur apud Sandovalium editorem in mentione harum quæ in arca sancta conditæ sunt apud Ovetum reliquiarum, inter alias pallium laudat, quod dedit ipsa Regina celi Ildephonso Toletanæ sedis Archiepiscopo pro laudibus in honore sanctæ ipsius virginis celebratis, ubi ipse sanctus Episcopus gloriosus contulit adversus hæresarchas Helvidium atque Lovinianum, &c. ubi Helvidium atque Jovinianum legi debere manifestissimum est. Ms. exstabat in Ecclesiæ Eborensis bibliotheca, teste Resendio in epist. ad Quevedum^b, item in cænobio de la Mejorada Ord. S. Hieronymi prope Ulmetum. Alium codicem fuisse ad S. Franciscum Pinciæ urbis Morales alicubi refert^c. Antiquissimo alio usus fuit Constantinus Cajetanus^d.

292. Culpabunt forsitan aliqui synonymorum coacervationem in hoc libro, cum ex rhetorum regulis dedecet eandem rem pluribus idem significantibus verbis exprimere. At in hoc sequutus fuit Ildephonsus Isidororum magistrum. Et licet quandoque in magna animi commotione non satiari loquentem prius quam omni, quo potis est, modo, & verborum differentiâ, quæ concepit intus foras producat. Talia patiebatur Ildephonsus, quum exorbitavit à frequenti loquendi usu, amoris erga beatam Dei matrem ignibus extra se veluti positus. Qualibus agitati affectibus chori aliquot in Euripidis tragediis leguntur. Pergamus ad reliqua opera cum Juliano.

293. *Opusculum de proprietate personarum Patris, & Filii, & Spiritus sancti*. De sancta Trinitate vocat Eisengreinus.

294. *Opusculum adnotationum in sacris, & Opusculum adnotationum in sacramentis*. Quæ duo opera disertè Julianum distinxisse confirmat ms. Casinensis codex, quem vidit Cajetanus, Vitæ hujus, & sic edidit Mabillonius; agnovitque utrumque Vincentius Bellocensis^e. At Parisina editio, & Matritensis S. Isidori operum, quæ hanc & exhibent cum Isidori & Ildephonsi catalogis, unum duntaxat *Adnotationum in sacris* librum; Francofordiensis^f pro eo alterum tantum *Adnotationum in sacramentis*, cui Henschenius calculum addit, agnovere.

295. Librum *De cognitione baptismi* unum. Hunc ms. exstare in bibliotheca Carmelitarum exalceatorum Claromontensium in Arvernens, cum libris quibusdam Ferrandi diaconi, ex Ludovico Jacobo à S. Carolo refert Labbeus in bibliotheca ms. pag. 207. *De gubernatione baptismi* Francofordiensis editio habet. Alii omnes *De cognitione* habent.

296. *De progressu spiritualis deserti*, alium. *Bibliotheca vetus Hispana* Tom. I.

297. *Opusculum adnotationum actionis diurnæ*. Fortè diurni temporis exercitia spiritua-liter impensi. Francofordiensis habet: *actionis diurnæ*; quomodo edidit Henschenius. Mabillonius hunc librum omisit. Quod totum (ait Julianus) *partis primæ volui volumine connectendum*. Deinde (ait) *partis secundæ*.

298. *Liber epistolarum* est, in quo diversis scribens, enigmaticis formulis egit, personæque interdum induxit: in quo etiam à quibusdam luculentiora scriptorum responsa promeruit. Exstat quidem ad calcem Pseudo-Juliani systematis *variorum carminum collectio* ab eo facta, in quo ait quasdam epistolas & carmina ex libro Gothico membranaceo S. Justæ Toletanæ se collegisse, atque Fuldam (fundus hic fictionis) misisse. Desunt quidem eæ in hac editione, nec ultra carmina & eorum explanationem ab eodem Pseudo-Juliano factam, quicquam aliud. Sperabam promissorem hunc fortè aliquid Ildephonsinum è penu illa sua S. Justæ commentitiæ bibliothecæ locupletissima depromere voluisse. Maxime postquam in expositione epitaphii S. Isidori eundem Julianum referentem se ad quasdam Isidori ad Ildephonsum, hujusque ad illum, aliquot epistolas legissem. Sed cum in editione operum Luitprandi à D. Laurentio Ramirezio procurata^h, easdem, ut credo, epistolas, quarum spes nobis facta fuerat sub *epistolarum presulum à Juliano collectarum* titulo vidissem; excidisse me curiositatis voto comperi.

299. Delevit ergo invidia etatis clarissima futura sanctissimi doctoris monumenta, è quibus historia ejus temporis apprimè illustraretur. Attamen exstant ex his duæ ad Cyricium, sive Quiricum Barcinonensem Episcopum, quarum priore respondet illius gratulatoriæ ob sibi remissum *De virginitate Virginis Mariæ* opus; alterâ verò suasoriæ ejusdem epistolæ de edendis similibus aliis operibus respondet. Quatuor has Cyriaci, seu potius Quirici, & Ildephonsi, è bibliotheca Corbejensis in Gallia monasterii, primus, nisi fallor, in lucem protulit Lucas Dacherius in *Spicilegio* suoⁱ. E prima sanè Quirici constare videtur, libro, de quo ad se transmissa gratias habet Ildephonso, nihil præsentis cum præsentibus æqualibusve hæreticis congressus occasionem dedisse. Verba ejus hæc nonne aperti sensus? *Atque, ut ita dicam, ea quæ opaca videbantur pro sui quantitate mysterii luce clariùs manifesta, ac nota pusillis & magnis effecerit; ita ut ex hoc bebetescat Jovinianus, dissipetur Helvidius, simulque & incredulus ac mente perfidus decidat Judæus*. Quiricus hic Barcinonensis Episcopus Tolet. X. Concilio interfuit anno DCLVI. quo adhuc abbas Ildephonsus erat. Huc refero epistolæ hujus primæ hoc initium: *Cum à vobis remeans* (hoc est à Toletano isto congressu) *ad ovis crediti loca rediissem, ita laboris magnitudine fessus, &c.* Unde titulum ei epistolæ inscriptum hunc: *Rescriptum Cyriaci Episcopi Barcinonensis ad Ildephonsum Toletanæ sedis Episcopum pro opere De virginitate S. Mariæ*, germanum auctoris non esse, sed exscriptoris, præter insolitam designandi hoc

Oo loco

g Parte 2. Adversariorum pag. 143.

h Pag. 515.

i Tomo pag. 102.

b Hist. illustrata tomo 2. pag. 224.

c Ex el savage. ms. d Refert ipse ubi supra pag. 119.

e Spec. hist. lib. 7. cap. 120.

f Tomo 2. Hist. ill. pag.

loco argumentum epistolæ formam, id plane convincit, hoc nondum fuisse tempore Toletanum antistitem Ildephonsum. Quod mihi confirmat secundæ, quâ Quirico Ildephonsus respondet, & quartæ similiter responsoriæ epistolarum inscriptio: *sanctissimo ac honorabili domino Quirico Episcopo Ildephonsus famulus vester*. Non enim se famulum, sed potius fratrem, alterius Episcopi Episcopus Ildephonsus, dignitatis suæ memor, quantumvis humillimus, appellasset. Fateor inveniri hunc *servuli* demissum nomen in Quiricii tertiæ epistolæ titulo, reciprocamque *domini* appellationem in hacce, & quarta Ildephonsi. Sed excusabilius est Barcinonensem Episcopum se submisisse Ildephonso superioris ordinis metropolitano, quàm vice versa: ac *domini* compellatio alterius ad alterum in vulgari consuetudine semper fuit.

300. Quarta quidem Ildephonsi epistola truncata ad nos pervenit eo, quo minus debuit, loco, ubi nempe excusat Quiricio quod necessitate temporum, & incumbendum maiorum metu scriptioni non incumberet. Ne autem id prætermittamus, aliam Quirici Barcinonensis Episcopi ad Tajonem Cæsar-augustanum epistolam protulit ex bibliotheca Thuanæ Joannes Mabillonius *Analectorum* secundo volumine, quâ is Tajoni respondet, & gratias habet pro remisso ad se *Collectaneo* quodam *ex operibus SS. Gregorii & Augustini*, de qua in Tajonis rebus mentio iterum occurreret. Prosequitur Julianus:

301. *Partem sanè tertiam Missarum esse voluit bymnorum atque sermonum*. unde in albo isto operum collocamus.

302. *Missas aliquot. Solenne erat tunc temporis Missas confici pro aliquo festo die Christi Domini, Mariæ Deiparæ, aut Sanctorum. Meminit quidem duarum Cixila, ubi statim in officio (abbatis) clarens, duas Missas in laudem ipsorum dominorum (SS. Cosmæ & Damiani martyrum, quibus monasterium dedicatum) quas in festivitate ipsorum psallerent, miro modulationis modo perfecit, quas Missas infra adnotatas habemus*, ait. Item alterius paullo post meminit Missæ de sancta Leocadia. *Ipsæ verò manibus (inquit) statim complexans & astringens, talia fertur depromere vota, vociferans cum omni populo, & clamans: Deo gratias. Vivit domina mea per vitam Ildephonsi. Et id ipsum repetens clerus vehementer psallebat, alleluja, & Canticum, quod ipse dominus Ildephonsus nuper fecerat: Speciosa facta es, alleluja: & odor tuus ut balsamum non mistum, & alia quæ in ipsa Missa subter adnotata in laude ejus deprompserat. Unde videmus non verba esse Leocadiæ martyris, ea quæ vulgò ei tribuuntur: Vivit domina mea per vitam Ildephonsi; sed populi acclamantis eidem martyri è tumultu veluti resurgenti.*

303. Idem paullo post cuiusdam *Missæ de Maria Virgine*, sive de ejus *Annuntiatione* meminit. Præstat verba audire gravissimi historici, ad quem oportet, veluti ad fontem, sæpius recurrere. *Superveniente verò die sanctæ & semper Virginis Mariæ (hic est à Gotthis*

in X. Concilio Toletano institutus dies B. Mariæ Virginis, alias incarnationis Verbi divini in ejus sacro utero, cum non aliud sit, ajunt patres Concilii, *festum matris, quàm incarnatio Verbi*, xv. Kal. Januarii in tota Hispania, post tot alios Deiparæ sacros dies, vel nunc celebris sub titulo *Expectationis partus*, alias *de nuesta Señora de la O*, ut vulgus loquitur, propter antiphonas ab hoc die, quarum principium ab O. litera, seu vocandi interjectione concipitur, usui præscriptas) *ante tres dies tribus diebus litaniis peregit, & Missam superscriptam* (forte *subscriptam*: hujus enim non prius meminerat) *quæ in ejus laude decantaretur perfecit, quæ est septima*. Hunc autem habueritne in iis, quæ de B. Virgine, an in omnibus de aliis solennitatibus ab eo formatis Missis numerum, non satis explicuit.

304. Adjungemus tamen nos opportunam notitiam libri ms. Ecclesiæ Toletanæ, qui, ut ex ejus indice, quo utimur, apparet plutei xxx. vicesimus nonus est. *Breviarii Mozarabis* hic partem continet, & ab ea titulum habet. In pagina autem ejus nona moderno charactere hæc habentur, partim Latino, partim vulgari Hispaniæ sermone: *Hic liber continet sequentia*.

3. }
4. } *Missæ de B. Virgine Maria.*
5. }
6. }
7. }

Officium Annuntiationis mense Decembri. Mas largo que en el Mozarabe.

Officium in Assumptione B. Mariæ.

Officium in Nativitate Domini.

Officium S. Stephani. ^m No tiene principio, y otras dos hojas suyas estan atras enquadernadas entre la Missa: *Qui non*. De nuesta Señora.

Officium S. Joannis Evangelistæ.

Officium Circumcisionis Domini.

Officium in Capite anni.

Officium in Apparitione Domini, sive Epiphania. ⁿ Yen medio del hay seis hojas, que son de arriba de la Missa 2. o 3. de nuesta Señora.

Sequitur ad hæc, Latina hæc nota Joannis Bapt. Perezii, olim bibliothecarii, viri doctissimi ac diligentissimi, quod ex ejus subscriptione manifestum redditur: *Hic liber in magno pretio habendus: nam septem Missas de B. Maria credo esse compositas à D. Ildephonso: primum ex stylo, deinde quia Cixila Archiep. Toletanus in vita D. Ildephonsi ait illum edidisse septem Missas de B. Maria. Vocant autem Mozarabes Missas, non totum officium, sed quedam quasi præambula, sive adhortationes ad celebrandum tale officium.*

Perez.

De quo antiquarum rerum, præcipueque sacrarum, curiosos, divique Ildephonsi devotos admonere hic operæ pretium duximus.

305. Quibus nec ignotum est quid scriptum reliquerit Franciscus Portocarrero Societatis Jesu in libro vernaculo *De S. Mariæ Virginis descensu in Ecclesiam Toletanam* p, scili.

^l Hoc est, Longius quam in Breviario dicitur arabico.

^m Hoc est: Principium non habet, ac duo alia ejus folia per errorem ligata sunt inter Missam: Qui non &c. Deiparæ Virginis.

ⁿ Hoc est: Inque ejus medio sex folia inserta sunt, quæ ad Missam S. Mariæ Virginis secundam tertiamque pertinent.

^o Quæ Missæ nominis acceptio adjungenda est his, quas doctissimus vir Joannes Bona S. R. E. Card. post alios collegit lib. 1. *Rev. Liturgicæ* cap. 2.

p Cap. 12.

x Abauquo-
ribus nostris,
Morali lib. 12.
cap. 19. Maria-
na lib. 6. cap. 10.

scilicet visam fuisse WORMATIÆ à Thoma de Torr-alba ejusdem Societatis in quodam Missali Gotthico Juliani Petri manu descriptam Missam quandam *compositam ab Isidoro Hispanensi, & modulatam sancti per dominum Ildephonsi præfulem*. Merces tamen has Fuldo WORMATIENSIS, Torr-albæque, & qui cum eo habuit Germanicum hocce commercium, Hieronymi Romani de la Higuera, nomina, toto hoc opere proscripta volumus, jureque tam severè cum iisdem agi, quotiescumque occurrit occasio (& occurrit sæpe) contendimus.

306. *Hymnos*. Meminit Cixila, ut vidimus, *cantici*, quod Ildephonsus fecerat in Leocadiæ virginis laudem; fortè ejus, qui immixtus fuit in Breviarium Gotthicum, vulgò dictum Isidorianum.

307. *Sermones*. Præferunt aliquot Ildephonsi nomen qui ejus non sunt, ut mox dicemus. Julianus jam loquitur: *Ulterioris demique partis liber est quartus versibus prosaque concretus, in quo epitaphia & quedam sunt epigrammata æquè adnotata. Scripsit autem & alia multa, quæ, variis rerum ac molestiarum occupationibus impeditus, aliqua cepta, aliqua semiplena reliquit*. Cujus fide affigimus scriptorum, quod continuamus, albo.

308. *Epitaphia & epigrammata quedam*. Quorum nonnullis gaudere datum posteris esset, si germanam obtulisset poetæ magis pii quàm terfi & facundi prolem Collectio illa *variorum carminum à Juliano (archipresbytero S. Justæ, & Chronici auctore) facta, & scholiis explanata, quam editioni ejusdem Chronici, & Adversariorum, libelli que De eremitiis Ramirezius subjecit*. Continet ea collectio carmina, sive epigrammata, & epitaphia decem & septem, ex quibus duodecim Ildephonso tribuuntur. Ea nunc ad obrussam examinabimus, quam Hieronymus Romanus de la Higuera, hujus collectionis, ut contendimus, ceterarumque Julianarum fabularum, sive auctor, sive propola, in *historia sua Toletanæ urbis & regni* opportunè suppeditavit. Is cum historiam hanc scriberet, inciderat jam in hæc epigrammata, ut fateatur ipse lib. 12. cap. 5. sibi ostensa à prædicatorum quodam sodali, necnon & ad se ex Germania transmissa. Verba Higuere vulgaria orè affiximus. Descripsit quoque ea, quæ ex his germana & vetera sunt Ambrosius Morales ex codice quodam Michaëlis Ruizii de Azagra, cujus sæpè meminit. Hic tamen ea tantum laudat, quæ S. Eugenium auctorem præferunt, Ildephonsi autem nullum, quod viderim. Higuera Ildephonsina quædam, sicut & Eugeniæ alia, historiæ inseruit; quæ nobis dux viæ erit ad pertingendum quod veritatis vocat amor.

309. Primum quod incipit: *Luca sacravit supplex Euanthus ædem &c.* Supposititium est, continetque cogitationes

omnes, quas de S. Ildephonsi stirpe & cognatione conceperat artifex; indignum ut imputetur sanctissimo viro, à quo omnis mundanæ superbiæ & arrogantiae fastus abesse debuit. Parentum enim & avorum, & fratrum, atque sororum meminit. Aviam Blefillam illustri de sanguine Gotthorum natam, patrem suum Stephanum, unâ & Ophilonem materteræ suæ Euanthiæ conjugem, Athanagildi Regis filios fuisse ait. Athanagildum quoque, uti diximus, avum, qui Ariannus vixit, nulli pietate secundum vocat, construxisseque ait alterum Eulaliæ, alterum Justæ martyribus templa. Verbo dicam: Ervigii meminit, qui Rex Gotthorum inauguratus anno DCLXXXI. duodecim nempe annis post Ildephonsi obitum, fuit. Consequitur scholium Pseudo-Juliani, in quo prius dicta confirmare secundo ac tertio epigrammate, quæ S. Eugenii germana proles sunt, contendit.

310. Inseruit duo hæc historiæ suæ Toletanæ Hieronymus de la Higuera. Aliter tamen in laudata historia, aliter à Pseudo-Juliano contrectata loquuntur. Namque, ut alia omittam parvi ad rem momenti, sesquidistichon hoc:

Hanc in honore Dei supplex Euanthus ædem sacravit, fabricans hanc in honore Dei.

Hic patrios cineres præciso marmore clausi. quod ita effert *historia Toletana*, necnon exemplum quod nos habemus ex schedis D. Joannis de Fonseca, qui & ipse descripsit ex eo exemplo, quod Ambrosius Morales ex codice Azagrii exculpfit, mutatis in tertiam primæ personæ verbis sic protulit Pseudo-Julianus:

Hanc in honore Dei supplex Euanthus ædem sacravit, fabricans hanc in honore Dei.

Hic patrios cineres præclaro marmore clausi. Magna hac inter utrumque differentiâ, quod in priore ac vera forma Eugenius patrem suum Euanthium loqui facit, compellareque Nicolaum parentem in eo versu:

Nicolæ genitor pro te devotio summa est.

In posteriore autem & adulterata loqui Eugenius fingitur, laudareque Euanthium, uti avum forsân; Nicolaum verò certè ut patrem; quem se ex his versibus exculpfisse sensum in subiecto scholio Pseudo-Julianus ostendit.

311. Qui autem vera Eugenii corrupit, aut corrupta inventa commentariis aucta edidit, idem S. Ildephonso primum hoc falsò imputavit carmen, eo quod certissimum nobis est, consilio, ut ad Euanthiam Ildephonsi materteram, & Ophilonem ejus conjugem, Athanagildi Regis filium, Toletanorum procerum, & Hispaniæ magnatum; ad Euanthium verò ejusdem Ildephonsi avunculum, Barroforum, claræ apud eandem Toletum urbem familiæ, origines referret, ut constat ex Pseudo-Juliano subiecto hoc stemmatismo:

u Morales lib. 12. cap. 52. in fine, & cap. 53.

Exstat apud Bivar. in eorum. ad Dext. pag. 345.

Paris. mcccxxviii. apud Sonnius.

Assi lo hal- to en un libro antiguo, que me dió el P. Fr. Domingo de Medellin, gran servo de Dios, y P. Maestro de la orden de S. Domingo, que vive en el monasterio de S. Pedro martyr de esta ciudad: lo qual fue tomado de unos versos que me truxeron de Alemania con titulo de S. Ildephonso, y di- men de esta manera, &c. Tomo 2. ante lib. 2. sub titulo: De las ayudas para lode à qui ade- lanta fol. 10. pag. 2. & lib. 12. cap. 14. fol. 147. pag. 2. in fine.

EUANTIUS

NICOLAUS ex Blefilla
Cindasvinthi genuitJulian.
pag. 145.
& 147.EUGENIUM III. Arch.
Tolet. Julian. pag. 145.
& 147.EUANTIAM, quæ ex
Ophilone Athanagil-
di filio peperit (Ju-
lian. pag. 147.)LUCIAM, quæ ex Ste-
phano Athanagildi
Regis filio suscepitEUANTIUM, qui ante-
quam fieret archi-
diac. Tol. ex Euphra-
sia genuitOPHILONEM. Unde
Toletani. (Julian. pag.
147. & 148.) ex quo

RECCAREDUS

VITULUS

ELLAS

PELAGIUS

VITULUS II.

WIMIRANUS

HELECA

RODERICUS

EUANTIA nuplit Hi-
lario cuidam Gal-
lo, cui inscriptum
est carmen Venantii
Fortunati quod inci-
pit: *Omnes una ma-*
ner &c. Apud Julia-
num pag. 147.
SYAGRIA Theodato
Arverno nupta, ex
quibus natus S. Boni-
tus Arvernensis Epi-
scopus. Julian. pag.
155.ILDEPHONSUM Arch.
Toletanum. Julian.
pag. 145. & 147.NICOLAUM Barroso-
rum progenitorem.
Julian. pag. 146. Luitp.
Adv. 140. alias 123.

GUTERIUS RODERICI, sub Comite Ferdinan-
do Gundisalvi Castellæ Comite, qui Guterius
ex conjuge sua Roderici Armildez filia pro-
creavit Quirinorum Toleti urbis familiam;
qui Rodericus ipse etiam ex Ophilone &
Athanagildo veniebat, ut alibi monet idem
Pseudo-Julianus*. Alia est hæc Quirino-
rum (vulgò *Chirinos*) familia, cui obtrudere
voluit, regiam Gotthorum propaginem ei
appingens.

* In Chron.
num. 379.

312. Arbor hæc è cerebro auctoris hujus
collectionis germinavit, ramis suis latissime
luxurians, quæ, quo tempore formabatur ab
eodem (si Deo placet) *historia Toletana*, in-
tra brevem hanc, neque ambitiosam sanè
pompa, quam stemmatismus alter hic sub-
jectus præferebat, se continebat; atque eam qui-
dem, à primigenia exorbitantem, seu potius
ei contrariam.

NICOLAUS, qui subscripsit
Concil. Tolet. III.EUANTIUS Comes Scantiarum Cindasvinthi
Regis, qui ex Blefilla genuitEUGENIUM III. Arch.
ToletanumLUCIAM, quæ ex Ste-
phano procreavitS. ILDEPHONSUM Ar-
chiep. Toletanum.

EUANTIUM Comitem.

CAXILONAM Cindas-
vinthi Regis uxorem.

313. Primam ergo Ildephonsini stemma-
tis descriptionem carmine illo primo, scho-
liisq; ad eum subjectis contentam, pro no-
this & mendacibus; carmina autem duo, se-
cundum nempe ac tertium, Eugenio adscri-
pta, pro legitimis & germanis ævi illius reli-
quiis lector habeto.

314. Quartum ordine carmen, sive Ilde-
phonsi secundum, de hospitali domo ab Ste-
phano & Lucia parentibus ædificata, quod
incipit:

*Lucia cum Stephano genitrix, sed avunculus
illam, &c.*

ger-

germanum illius, quem ostentat, esse videtur; adduciturque ab auctore *historie Toletanae* tamquam ad se ex Germania cum aliis remissum, non ut partem collectionis Juliani, quam ut architectaretur nondum ei in mentem venerat.

315. Prætermisso quinto, quod Venantius Fortunatus idoneum, in quo *Euantie* nomine collector abuteretur, suppeditavit, quodque miris modis truncatum in hoc habemus systemate, de quo alio loco arguemus incautum scriptorem; sextum carmen pro Helladii Toletani præsulis sepulchro, verum est antiquitatis monumentum; id tamen ab eo, quod fuit scriptiois Toletanae historiae, cui insertum habemus, tempore non parum declinasse inter collectoris manus deprehenditur. Utrumque dabimus, ac diversitatem notabimus.

316. Ex historia Toletana.

*Præsulis Helladii tumba requiescit in ista
Corpus, at illius spiritus astra tenet.
Toleti RECTOR fuit hic dum degit in aula,
Ex monachoque ABBAS Agaliensis erat.
Hinc Toletanam rapitur violenter ad urbem
Confectus senio, sed pietate vigens.
Corporis exuvias martyr Leocadia cepit.
Ista domus Reges Pontificesque capit.
Unde die extremo surget redivivus ad auras,
Ut capiat meritis premia digna suis.
Ildephonsus ego, quem fecerat ille ministrum,
Perfolvi sancto carmina pauca seni.*

317. Quæ insurgunt majori charactere, ea sunt, in quibus alterum discrepare ab altero observari debet. Integrum distichon de Helladii ætate novit unus collector. Quod autem notâ, seu potius risu dignum judicamus, RECTORIS nomen & munus est in LECTORIS mutata, quarto nempe carminis illo versu:

Ex monacho Lector Agaliensis erat.

Nam in tertio, quin scribere is voluerit *Rektor*, erroremque typorum esse, minimè dubitamus. At ex monacho lectorem Agaliensem factum Helladium fuisse, credi eundem collectorem voluisse, hujus affixum scholion palam facit; siquidem hoc lectoris officium apud Benedictinos idem esse cum arcarii aut œconomi, idque ex Isidoro in libro *De officiis* constare ait. Sed impostura est quæ veræ sit lectioni. *Rektor* enim pro abbate apud eundem Ildephonsum significare consuevit². *Lectoris* autem pro arcario aut œconomo, neque Isidorus in libro *De officiis*, neque alius, credo, aliquis mentionem habuit. Equidem infani esset hominis memorare Helladium arcæ, non autem toti monasterio præpositum fuisse.

318. Septimum pro Eugenii sepulchro factum germanum videtur Ildephonsi, quantumvis Morali invisum, agnovitque purus adhuc labis Toletanus historicus. Nec adeo totum germanum dicimus, sed qua parte ab eodem historico uti tale agnitum olim fuit. Tetraastichon ille vocat, quod octastichon apud collectorem apparuit²: quare secundum & quartum disticha vix in censum aliorum duorum retulerim.

319. Octavum pro SS. Leandro & Mascone metropolitanis Hispalensi & Emeritenfi. Nonum de S. Fulgentio. Decimum de S. Isidoro. Undecimum de S. Florentina. Duodecimum de S. Leocadia martyre To-

Ex collectione Juliani.

*Præsulis Helladii tumba requiescit in ista
Corpus, at illius spiritus astra tenet.
Toleti LECTOR fuit hic dum degit in aula:
Ex monacho LECTOR Agaliensis erat.
Hinc Toletanam rapitur violenter ad urbem
Confectus senio, sed pietate vigens.
Corporis exuvias martyr Leocadia cepit.
Ista domus Reges Pontificesque capit.
Unde die extrema surget redivivus ad auras,
Ut capiat meritis premia digna suis.
JAMQUE OCTOGINTA SENIOR TRANSEGERAT
ANNOS:*

*GLORIA PONTIFICUM, FAX ANIMOSA DEI.
Ildephonsus ego, quem fecerat ille ministrum,
Perfolvi sancto qualiacumque seni.
tana, pro supposititiis habeo.*

320. De carmine decimo tertio, quod incipit:

Crux hæc alma gerit geminorū corpora fratrum. hoc est de Leandro, Isidoro, & Florentina eadem sepulturâ conditis, neque Ildephonsi, nec alterius antiqui esse, quâ formâ apud collectorem apparuit, ab ea quæ ex codice Nicolai Fabri propria forma fuit, non parum diversâ, diximus jam, cum de Fulgentii rebus ageremus^b.

321. Decimo quarto tandem factum videtur, ut, si quæ aliis præstita, huc demum venientes omnem fidem, qui ratione utuntur, abrogarent. Eò enim direxit mentem confictor carminis, ut S. Bonitum Episcopum Arvernensem, cui, sicut & Ildephonso, Deipara Maria cappam miri candoris apparet ei donasse dicitur, ex eadem, quâ Ildephonsus gente & familiâ, hoc est Ophilonis & Euantie S. Ildephonsi matertera, nepotem fuisse. Forsan ut cappæ celestis, à Deipara Virgine semel Ildephonso concessæ, donum, siquidem in altero repetendum fuit, de familia tamen, quæ est lex fidei-commissorum, non exiret. Constat quidem ex Boniti actorum historia ab æquali conscripta^c, Theodato & Syagrio parentibus editum eum fuisse *è senatu Romano dumtaxat nobili prosapia*, ut illius anonymi utar verbis. Quæ quantum distent à Gothica stirpe, & Athanagildo Rege Gothorum proavo, nullus non videt. Et nonne ridiculum est ac demens, ut Ildephonsum credamus, Syagriae sororis matruelis nomine hos versus pangentem, ob prænunciatam olim Bonito, dum adhuc in ventre matris esset, à sacerdote quodam sanctitatem, hæc inter alia concepis-
*Mira canunt puero sæclis volventibus ævi
Eventura. Deus sospitet ista mihi.*

Fœ-

² Ut in *7^a*.
p. cap. 8.

² Exstat quoque in *Noëis* Ramirezii ad Luitprandum pag. 330.

^b Lib. 5.
cap. 1.

^c Apud Surium & Bolandum xv. Januarii. Item Franciscum Lanovium De SS. *Francisco* Cancellarii.

Fœmineo levi sexui facile id concederemus , gravissimo ac prudentissimo Ildephonso minime possumus . Neque stetit hic de Bonito fingendi licentia . Ille enim ipse , qui apud Julianum in scholio isto, cum à Virgine Dei genitricis vestem accepit , Arvernorum erat Episcopus , Toletanus idem Episcopus, non Arvernorum, sed patriâ dumtaxat Arvernus , apud eundem Julianum , necnon & Luitprandum in Pseudo-Chronicis suis^d publicatur. Hæc tamen hujus loci propria non sunt, sed ejus quo Julianus legitimitatis causam dicit.

322. Præter hæc attributa Ildephonso à Juliano encomiaste, duo alia exstant opuscula, quorum is non fuit recordatus; forte quod non justa opera, sed veluti additiones essent, ut revera sunt, scilicet

323. Libellus *De vtris illustribus*, aliàs *De scriptoribus Ecclesiasticis*, sive additio ad ejusdem argumenti librum S. Isidori . Cujus in præfatione ipse se prodit auctor, successorem se alterius Eugenii in sede gloriosa Toletanæ urbis referens. Sequitur tamen animadversione isthæc ampliatio dignissima : *Quam (inquit) non ex hominum numero gloriosam dica, cum hanc etiam gloriosorum illustres præsentia principum; sed ex hac quod coram timenibus Dominum iniquis atque justis habetur locus terribilis, omniq̃ veneratione sublimis.* Id propter exhibitam sibi ea in Ecclesia, sive Leocadiæ martyris, sive Deiparæ Mariæ præsentiam, dubio procul, innuens tantum, ait, Unde colligas libellum hunc post alteram ex duabus his apparitionibus, hoc est sub vitæ finem, exaratum ab eo fuisse. Quiquidem editus est, atque edi semper solet, cum laudato S. Isidori libello, mss. ejus exempla habere Romæ Cæsar Cardinalis Baronius, & Alphonfus Ciaconius, apud quos vidit Arnoldus Uvion^e, Cajetanus item habuit ex bibliotheca Casinensi, qui & refert^f in Vaticana, sine auctoris tamen nomine, reperiri. Andreas quoque Resendius aliud penes se habuit^g.

324. *Supplementum* item seu *continuationem Chronici ejusdem S. Isidori* usque ad sua tempora, deinde edidit cum Lucæ Tudensis Chronico Franciscus Schotus, Andree frater, hujus operæ succenturiatus in publicandis Hispaniæ, ut vocant, *illustrato* auctoribus. Lucas enim Tudensis Ecclesiæ Episcopus Berengariæ Reginæ jussu scripturus mundi Chronicon jecit pro fundamento hujus operis id quod ab Isidoro scriptum noverat. Est quidem aliquantò diversum hocce, quod Tudensis pro Isidoriano nobis dedit, ab eo quod vulgò ei tributum circumfertur. Sed aliqua de hoc diximus, cum in Isidoro versaremur. Differunt quoque hæc duo in conclusione: nam Isidorianum vulgare Heraclii quintum annum, ac Sisebuti quartum, hoc est eram DCLIV. non pretergreditur; Tudensis autem alterum Sisebuti reliqua, & qui post eum regnavit, Svinthilæ totum Imperii ac vitæ tempus adjecit. De qua differentia quid sentiendum sit, non facile dixerim. Planè huic existimato à se Isidori Chronico hucus-

que pertingenti, quod duobus ipse Lucas divisit libris, tertium appensurus, incipere hinc ait *Continuationem Chroniconum B. Isidori per B. Ildephonsum Archiepiscopum Toletanum compositam*. Isthæc ab initio Sisenandi usque ad Reccefvinthi mortem extenditur.

325. At si revera Ildephonsi est aliqua ex parte (quod non aliâ quàm Lucæ ejusdem Tudensis auctoritate affirmare possumus) certè plura sunt novæ & alienæ manus antiquis consuta, quæ Ildephonsi non esse pro comperito habemus; utpote primò Machometi pseudo-prophetæ in Hispanias adventum & prædicationem, ejusdemque expulsionem S. Isidori operâ. Hoc enim præterquam quod insipidum esse figmentum loco suo demonstravimus; minimè Isidorus ipse tacuisset in Chronico, aut Gotthorum historia, quorum illud ad an. DCXVI. hæc verò usq; ad DCXXVI. quos quidem tempus huic anili fabulæ Machometi in Hispanias expeditioni præscriptum jam præcesserat. Nam quod apud eundem Lucam Tudensem libri primi finem, & intra cancellos, ut significatur, laudati Chronici Isidoriani ad eram DCLIII. legatur, Sisebuti tempore Machometum ab Hispania turpiter fugatum, in Africa nequitiam nefariæ legis stultis populis prædicasse; ejusdem commatis est cum Ildephonsinis assumentis ejusdem Tudensis, sive alterius, rumores vulgi, non veras hujus perversi hominis historias sequuti. Nec aliter hi censebunt de hac additione, qui perpetuò exercitam Ecclesiæ Toletanæ super alias primatiales dignitates, tamquam Palladium Hispaniæ quoddam, tuentur. Hic enim disertè enunciatur legimus Hispali Sæctum Isidorum primatiæ dignitate floruisse.

326. Paria sunt commenta quæ adjunguntur de corruptis ab Avicena sancti doctoris *De medica arte* libris, translata ob apostasiam Theodiscli ab Hispalensi Toletanam in Ecclesiam primatiali sede, & obtento per Cindalvinthum à Romano Pontifice privilegio, ut secundum beneplacitum Hispanorum Pontificum primatiæ ista dignitas vel Hispali vel Toleti esset, quam idem Rex Toletanæ adjudicavit: cujus rei tam seriæ, & quæ ex beneplacito, uti dicitur, Pontificum Hispanorum, simul intelligo congregatorum, expediri debuit, ne minima quidem nota aut vestigium in Cindalvinthi & Reccefvinthi, necnon Wambanis, & successorum, Conciliis Toletanis relicta est.

327. Demum Ildephonsus moriens decimo octavo Reccefvinthi Regis anno, ut vidimus, nisi Pythagorica usus aliqua metempsychôsi, minimè potuit additionem hanc Reccefvinthi obitus relatione concludere, quod Tudensis credidit. Hanc enim sequitur hæc hujus auctoris nota: *Hucusque B. scripsit Ildephonsus. &c.* Aliter Rodericus Toletanus, cujus hæc re super verba corruptissima sunt in vulgatis editionibus: *Et cum B. Isidorus scripsisset Gotthorum originem usque ad annum quintum Regis Svinthilæ, S. Ildephonsus scripsit tempora Gotthorum, Alamanorum, Wandalarum, & Suevorum, à quinto anno Svinthilæ usque ad octavum decimum Reccefvinthi*, [at Isidorus junior

Ubi de S. Isidoro libro 1. cap. 1.

^a Refert ipse in *Ligno vite* lib. 1. cap. 63.
^b In *Vitis* salum sec. pag. 140.
^c Epist. ad Quevedum pag. 224.

^d Volum. 4.

^e *Hisp. ill. tom. 2. pag. 52.*
^f Quæ sic leguntur intra ansulas, deesse in mss. Schotus adnotavit in margine suæ editionis Francfortensis. Similiter errat historia generalis 2. parte cap. 50. & Joannes Aegidius Zamorensis mss. verbis Roderici corruptis usus.

junior, qui à principio mundi incipit Chronica usque ad octavam decimum Reccesvindi annum fideliter prosequutus, & usque ad destructionem Hispanie per Arabes ipse scripsit. Quæ ita corrigenda esse censeo: Et cum B. Isidorus scripsisset Gotthorum, Alavorum, Wandalorum, & Suevorum originem usque ad annum quintum R. Svinibile, S. Ildephonsus scripsit Gotthorum tempora à quinto anno Svinibile usque ad octavam decimum Reccesvindi annum, & Isidorus junior prosequutus usque ad destructionem Hispanie per Arabes ipse scripsit. Quæ sic lecta recte currere talo, aliter sibi non constare, nemo non videt. Hæc nos de hac additione habuimus dicere; quam quidem admittunt præter laudatos Episcopos Toletanum ac Tudensem, Historiæ generalis auctorem, Joannem Ægidium Zamorensis in fragmentis suis mss. Joannes Gerundensis in prologo Anacephalosis Hispanie, qui, quum de ejus historiographis tractat, addidisse ait Isidoriano operi de Gotthorum successibus aliqua Ildephonsum Toletanum & Sulpicium. Qui emendandus est, ut pro Sulpicio Julianum, sive Isidorum juniorem scripsisse credendus sit. Alii hoc totum, quod sub Ildephonsi nomine sese venditat, Lucæ Tudensi attribuunt, quorum è numero est Laurentius de Padilla in Vita S. Isidori.

328. Ad Officium, seu libros Ecclesiasticos Isidoriani, ut vocant ritus, Breviarium scilicet ac Missale, nonnulla contulisse Ildephonsum, inde colligere possumus, quod in epistola synodali, quam ad Hispaniarum Episcopos Francofordiensis Concilii sub Carolo Magno habiti patres undique eo collecti pro damnanda hæresi Felicis Urgelitani atque Elipandii Toletani antistitem nuncupavere, allegatis ab eodem Elipando pro se in libello fidei suæ ad Carolum eundem Magnum directo sanctorum Eugenii, Ildephonsi, atque Juliani testimoniis, sic reponitur: Sequitur in eodem libello vestro: Item predecessores nostri Eugenius, Ildephonsus, Julianus, Toletanus scdis antistites, in suis dogmatibus ita dixerunt in Missa de Cena Domini: Qui per adoptivi hominis passionem &c. Sequuntur testimonium unum atque alterum ex hac Missa, & ex alia de Ascensione Domini, quibus adjungitur: Et cetera, quæ ex parentum vestrorum dictis posuistis; ut manifestum sit quales habeatis parentes, & ut notum sit omnibus, unde vos traditi sitis in manus infidelium.

329. Injuriâ exprobrant a calamitatem captivitatis, tamquam poenam falsæ doctrinæ ab antiquis patribus, qui verè sanctissimi & catholicissimi fuere, traditæ; quos datâ operâ ruetur Baronius a impressione hac synodalis censuræ in tales Hispaniæ doctores, una tantum fide Elipandi eorum doctrinâ abutentis, tam acriter factâ. Id quod censendum pariformiter est de iis quæ adjungunt Francofordienses patres: Et melius est testimonio Dei Patris credere de suo Filio, quàm Ildephonsi vestri, qui tales vobis composuit preces in Missarum solemnibus, quales universalis & sancta Dei non habet Ecclesia. Nec vos in illis exaudiri putamus. Et si Ildephonsus vester in orationibus

suas Christum adoptivum nominavit; noster verò Gregorius Pontifex Romane sedis, & clarissimus toto orbe doctor, in suis orationibus semper eum unigenitum nominare non dubitavit. Quibus, quod æquum fuit, Baronius, & alii e nostratibus responderunt, aliis, sancti præsertim Ildephonsi nostri, laudatis testimoniis, quæ adoptionem carnis eo modo quo Elipandus sentiebat, & Francofordienses patres intellexerunt, ab ejus mente doctrinæque omnino excludunt. Quæ cum Elipandus sæculo suo, hoc est sequenti, in styli venerit, retractanda erunt. Interim enim adduximus eo consilio tantum, ut ostenderemus Ildephonsum in rituales & Ecclesiasticos libros nonnihil operæ contulisse,

330. His tamen, quæ verè ei tribuuntur, adjunxit nostra ætas quædam alia, quæ vel nec ejus, nec alterius unquam fuere, vel nulla congrua ratione ejus esse evincere possumus. Franciscus quidem Fev. ardentius Galus, ordinis Minorum, Ecclesiasticæ totius historiæ sacrarumque disciplinarum peritissimus, merito suo pietatis doctrinæque à magno Baroniō laudatus, superiore sæculo Parisiis edidit anno MDLXXVI. è Nivellii officina S. Ildephonso adscriptos, primò librum contra eos qui disputant de perpetua virginitate S. Mariæ, & de ejus parturitione. II. Homiliam contra eos qui mendose affirmant Mariam Virginem contra legem Dominum peperisse. III. Sermones sex de Assumptione B. Mariæ. IV. Sermonem duplicem in Nativitate B. Mariæ. V. Sermonem de ejusdem Purificatione. Quod opusculum editum quoque inter veterum Patrum opera habemus.

331. Nec non Petrus de Alva & Astorga, ejusdem Franciscanorum ordinis, Hispanus, in magno opere à se tantum initiato, Bibliothecæ virginalis, hoc est eorum auctorum collectione, qui peculiariter in laudem Deiparæ matris opera scripsere, Coronam B. Mariæ Virginis Ildephonsi nomine in lucem edidit. Pseudo-Julianus quoque vitam S. Eugenii decessoris sui, hoc est junioris, scripsisse eum credi voluit. Nuper vir doctissimus Joannes Mabillonius Benedictinus Revelationem quandam Ildephonso quidam Hispano Episcopo tributam, unâ cum dissertatione De pane Eucharistico azymo & fermentato, Parisiis anno MDCLXXIV. in lucem emissâ, publicavit. Quæ omnia singillatim absque ulla verisimilitudine adscribi ei, aut ejus esse credi, jam persuadere contendam.

332. Certè, ut ordine agamus, eaque præstiuamus quæ legitimitatem comprobare videntur, librum contra eos qui disputant de perpetua virginitate S. Mariæ, & de ejus parturitione, olim pro Ildephonsi commentario agnovit Vincentius Bellovacensis Episcopus lib. 7. Speculi histor. cap. 120. Necnon & Michaël Alphonsus Carranza Carmelita Valentinus, is qui libros De virginitate perpetua B. Mariæ jam laudatos in lucem primus edidit, in eo tractatu, quo de eodem mysterio neophytum instruere voluit, superiorique subjunxit, aliqua exinde utitur Ildephonso adscripto testimonio. Ac præstò est huic sufful-

p Ubi supra ad an. mcccxiv. num. 10.

q 9. volum.

r In explicita plane epigram. Ildephonsi de Eugenio, seu in Collectione Var. carm. pag. 130.

m In opere de las santas de España.

n Vindicavimus nos olim S. Ildephonsum ab ea labe, quâ inustus fuerat à patribus Concilii Francofordiensis, à Felice & Elipando per errorem facti deceptis. Vide tom. II. Collect. Max. Concil. Hisp. pag. 669 & 670. CARD. DE AGUIRRE. O Tom. 9. ad an. mccciv. ex num. 6.

tiendo iudicio historia, quæ scripto isti porrexisse occasionem dicitur. Rodericus enim Tolletanus lib. 2. cap. ultimo hæc ait; *Hujus tempore cum Helvidius & Pelagius à Gallis venientes plerasque partes Hispaniæ infecissent, virginitatem B. Virginis infamantes; B. Ildephonsus illis occurrens, sacrarum Scripturarum testimoniis, & lingua melliflua, & gratia in labiis suis diffusa, eorum dogmata confutavit, & ab Hispaniis confusos abegit.* Deinde narrat B. Mariæ factam ei apparitionem, & gratias habitas ob defensionem ejus virginitatem.

333. Sed plura, & graviora sunt argumenta, quibus persuademur, quominus librum hunc in album Ildephonsinorum operum admittamus. Primum & masculinum quidem ex stylo est, quæ vera & germana doctissimorum iudicio auctoris censetur sui nota. Verè enim sermo is, quo Ildephonsus utitur in opere *De virginitate*, quod indubitatè ejus est, tam distat ab illo alterius libelli adversus disputatores editi, ut mirari fubeat homines eruditissimos nunquam hujus differentia sensum ad animi sui examen reduxisse. Illius quidem stylus, characterem ejus ætatis, & Gothicæ latinitatis, quâ vixit, & quâ imbutus fuit Ildephonsus, præferebat manifestissimum; nempe Latinæ orationis jam declinantis ad ruditatē & scabrositatem genus quoddam, longè discedens ab antiquæ veræque Romanæ dictionis puritate ac facilitate. Hoc genus, scilicet, quod verbis aut insolentibus, aut improprie usurpatis, maximè delectatur, phrasi horret, dictioneque insuaviori, numerosque non tam in structura totius, quod oportebat, orationis, servat, quàm in exitum periodi cujusque laboriosa anxietate compingit. Verbis consonis, aut certè ejusdem naturæ & generis, nisi orationes cadant, mutuoque respondeant, sermo frigescebat, ac sine lumbis esse, prorsusque *avēzados*, creditur.

334. Accedit affectata etiam verborum congeries, inopsque, ut sic dicam, copia, cujus negotium in eo totum fuit positum, ut circumloquendo, anxiaque molitione quicquid pervium esset ac simplex, distuque facile, verborum cumulus involveret. Hic istius ævi eloquentiæ characterismus fuit, quo Ildephonsus, & pares ferè omnes, in Hispania maximè, usi sunt. Ævum nos, non homines carpinus. At verò ductum libelli *Adversus disputatores* nulla affectatio, sed forma illa simplex & aperta dicendi, quæ apud alias gentes, & inferioris sæculi scriptores invaluit, eaque perpaucis verbis insolentioribus aspera, comitatur.

335. Sed ne hujus argumenti pondus intimatio hæc generalis extenuet, age, videamus singularia ista in exemplis clara. Primo loco verba ex libello *De virginitate* parum Latina, Latinève usurpata, hæc notamus: *Connectatio* pro copula, ut credimus; *fatuissimus*; *factosa* pro facta (quod S. Isidori exemplo in quodam hymno dixit) *rememoratus*, quasi recordatus, aut reminiscens; *inconstabilis*; *tantundem* pro tantum; *ducere* pro ducere; *vetustatus*, quasi antiquatus; *plausibilis* pro libens; *audientia* pro audiendi sensu; mo-

mitationes pro monitiones; *almificus*, pro sanctificans; *impudoratus* pro eo qui pudore caret, quem Isidorus in glossis *expudoratum* dixit; *evadens* passivè pro evadibili; *impenitudo*, & *impromptissimus* haud negant hic plenitudinem aut promptitudinem, aliaque.

336. Sequuntur affectatè dicta & redundanter. *Quid copiosæ frugis infamis?* (nam sic malo quàm jugis) *audientia tuæ intulisse*: de Anna prophetissa ait, *comitatu, conjugis non longeva, duodecies septies viduitatis annositate longinquâ & obsecrationibus opulentâ*. Item: *Licet ego non explicaverim omnes talium & tantorum innumeros & innominabiliter existentes veridicos testes &c. Stellam novo nativitatibus exordio, novo processione apparatu prolatam*. Hæc notatu digniora sunt, quibus paria resperfa alia per integrum librum facillè quivis observabit. Quæ quidem omnia hucusque dicta volui, ut styli hoc genus, quæ illius temporis elegantia fuit, divo nostro, istius operis fabro, consignarem. Quod piorum omnium veniâ dictum sit, virique sanctissimi, cujus hæc vel impolita sermonis vestigia relegens avido ore pronus exosculor. Planè in opusculo altero adversus eos qui disputarent de Mariæ parturitione, diversa omnia, genus scriptoris prorsus alterum, oratio liquidior & simplicior, vix ullum quod offendat aures verbum, nulla omnino affectatio aut circumducendi res, aut versus pariformiter absolventi.

337. Secundò, movet hujus operis apud Julianum aliorum descriptorem silentium. Vix enim credibile est adeò sedulum & curiosum recensitorem librorum, quos quidem absolutos & integros reliquisset, nostri Ildephonsi, absolutum hunc & integrum, in eoque periclitantis in beatam Virginem pietatis articulo emissum, ignorasse aut prætermisisse. Unum enim laudat is libellum *De virginitate S. Mariæ contra tres infideles*, qui manifestissimè alius ille est, & ab hoc diversus. Nec Isidorus Pacensis divagatur ab isto unico opere, laudans eum, quem *De virginitate nostræ Domine Mariæ semper Virginis nitido politoque eloquio, ordine synonymo* (vides quod eloquatur) *perflorantem libellum*. Pelagio similiter Ovetensi, aut Sebastiano Salmanticensi nullum aliud opus cognitum dixeris; quo scilicet meruit sanctissimus doctor cappæ cœlestis Marianum donum, quàm id quo contulit (verba ejus audis) *adversus heresiarchas Helvidium atque Jovinianum*, qui verè hostes sunt ab Ildephonso sibi in eo, quem unicum contendimus ejusdem esse librum, ad concertationis exercitationem propositi. Quibus iisdem notis deprehenduntur haud quidem ad aliud opus eidem Ildephonso scribens Quiricus, necnon & Hermannus monachus ad Laudunensem Episcopum directis literis respexisse.

338. Tertiò, Ildephonsumne tam peregrinum existimabimus, herentemve in dimentiendo carmine, cujus artis tam studiosus nobis à Juliano describitur, cui hæc exciderint? Hinc est sanè quòd *Ecclesia ex auctoritate sanctorum patrum, canit de nativitate ejus*: (Christi Domini) & gaudium matris habet cum

s In epistola illa apud Dacherium 1. tomo Specul. pag. 308.

t Legitur apud Cajetanum laudato loco, & apud Mabillonium laudato item volum. 2. De Abbat. S. S. Benedicti pag. 520.

virginitatis pudore, ubi alii quamegregii viri emendaverunt, cum virginitatis honore. Agnoscis versum ex Paschalis operis Sedulii secundo libro, nempe illius hymni, quem sanctæ Dei genitrici Ecclesia canit, *Salve sancta parens* &c.

Versus hic est, nec aliter constare potest:

Gaudia matris habes cum virginitatis honore. Quid ergo dicemus de illo vitio? an existimasse auctorem, qui carmine utitur, hanc labem apud Sedulium ipsum contractam, an secus? Utrum videbitur, absurdum dixeris. Planè Ildephonso, artis non ignaro poetice, sedere non potuit, lapsus fuisse adeo turpiter Sedulium.

339. Rursus è contrario, quis prudens & sanus credat ab Ecclesia, hoc est universo Christiano orbe, tot literis ac disciplinis præstantium virorum, sive vitiatum, sive vitiosum susceptum in usus suos hunc versum; eo quidem tempore quo nondum extincta erant, vel in Hispania ipsa, poetice artis lumina? Præterea quod Ecclesiam dixerit ex auctoritate SS. Patrum hunc hymnum, seu hymni versum, canere; si loquatur Ildephonsus, de eo Ecclesie ritu, & psallendi consuetudine loquutus videri debet, quæ ex constitutione duorum Toletanorum, quarti & quinti, Conciliorum, tam in Hispania, quam in Narbonensi provincia Gotthorum ditionis (unde ii, quos improbasse liber dicitur, heretici venire) constanter viguit, non de Ecclesiastici officii, nempe Romani, extra eos limites vulgata forma. Atqui in Gotthico Missali libro nunquam fuit iste Sedulii receptus hymnus.

340. Quartò, hunc librum, de quo loquimur, non Ildephonsi, sed Paschasii Ratberti Corbejenfis abbatis, qui sub Ludovico Pio vixit, partum esse, Joannes Mabillonius & Lucas Dacherius Benedictini, sæpe jam præconio solidæ virtutis à nobis excepti, certissimis alter, ut putat^u, argumentis, conjecturis alter^x usus, contendunt. Orta nempe fuit Ratberti tempore in Germaniæ partibus nova sententia de modo nativitatis Christi Salvatoris ex utero Deiparæ Virginis, dogmatizans Christi infantiam per virginis januam vulvæ, humane nativitatis verum non habuisse ortum, sed monstruosè de secreto ventris incerto tramite luminis in auras exiisse: quod non est nasci, sed erumpi, ut Ratramnus inquit, Corbejenfis & ipse monachus, Ratberto æqualis, in libro, *De eo quod Christus ex Virgine natus*, contra ita sentientes elucubrato, & à Luca Dacherio primo Spicilegii sui voluminis in lucem edito^y. Adversus hunc Ratramni librum, sive alium alterius, qui virginitatem quidem asserbat Mariæ in partu cum catholicis, sed malè interpretabatur, id ipsam, quod confiteretur negans, dum diceret eam communi lege naturæ puerperam filium edidisse; quæ verba ejus sunt opusculi nostri, cui insistimus, auctor calamus strinxit.

341. Descriptum hunc in bibliothecæ Corbejenfis apographis Mabillonius vidit cum hac inscriptione^z: *Venerabili matronæ Christi unæ cum sacris virginibus Vesona* (legendum *Bibliotheca vetus Hispana* Tom.I.

Suëffona Mabillonius existimat) monasticè degentibus P. R. monachorum omnium peripsema. *Questionem, charissimæ, de partu B. Mariæ Virginis mihi nuper allatam vobis persolvere decrevi, quoniam vos eam plurimum amare non ambigo: ut ex hoc sciatis, quantum vos diligam longè diu ab utero vester alumnus, multo jam senio confectus.* Grandioribus nempe his in literis P. R. Paschasii Ratberti nomen latere Mabillonius certè judicat. Immo Dacherius ait, binos ejusdem bibliothecæ Corbejenfis codices mss. Paschasii Ratberti nomen præfixum habere. Extra verò rem concertationis cum hæreticis, quod volunt hi, quibus Ildephonsus videtur auctor, librum consistere, inde is colligit, quod fratres, non hostes, in eo impetantur. Verba ejus audis ex eadem præfatione: *Sed quia quorundam nunc fratrum rursus impudica quasi percunctando laborat temeritas; decrevi ad vos, matronæ Christi, de his scribere, quæ ipsi curiosius (verbum attende) contra ejus pudicitiam, quam religiosius (fortè irreligiosius) conantur explorare.* Sed quæ sequuntur infra, extra controversiam ponunt, opere isto, non Ildephonsi, sed Paschasii, sive alterius (ut nos interim hoc demus refragantibus huic posteriori de Paschasio auctore judicio) impeti ac refutari Ratramnum, ejusque istum *De eo quod Christus ex Virgine natus est* Dacherianum librum. Quod manifestissimè ex his utriusque similibus notis & sententia constat.

342. Prioris illius *De parturitione, sive adversus eos qui disputant* &c. hæc sunt: *Dicunt enim non aliter B. Virginem Mariam parere potuisse, neque aliter debuisse, quàm communi lege naturæ, & sicut mos est omnium feminarum, ut vera nativitas Christi dici possit: aliàs autem inquirunt, si non ita natus est ut ceteri nascuntur infantes, vera nativitas non est, & ideo ne phantasia pueri, aut ne sicut aqua per alveum transisse, ita per uterum Virginis absque nascentis ordine credatur natus; pium est sentire sic eum legem naturæ natum fuisse, quomodo nascuntur ceteri infantes, & eam sic peperisse, sicut reliquæ pariunt mulieres. O cæca pietas! (infit) quæ tam impie sentit de Maria Virgine, & cæca præsumptio, quæ tam impie loquitur de Christo!*

343. Audi nunc Ratramnum cap. 1. postquam Germanorum sententiam retulisset: *Jam ergo (infit) nec verè natus Christus, nec verè genuit Maria.* Et mox: *Ita nec ipsa mater diceretur integra, nec Salvatoris nativitas ex matre perfecta.* Et cap. 2. *Non peperit autem, si partus aliter quàm per naturæ januam processit. Siquidem jam talis ortus non Virginis est partus, sed proprius, videlicet ipsius infantis egressus.* Liber totus hoc ferè argumento urget adversarium. Perpetua multorum sæculorum diversitas inter auctores catholicos hoc super articulo, de Christi Domini nativitatis & Mariani partus modo, huic dedit controversiæ locum inter Germanos illos, Ratramnum & Paschasium, hoc sæculo mox; quam pars major nostrorum theologorum cum D. Thoma eorum Principe tandem diffinivere^z.

344. Quintò, cum Hermannus monachus

^u In observationibus de quibusdam Ildephonsi scriptis tomo 2. De Altis SS. Benedictinis. pag. 519. & in præfatione partis 2. sæculi ur.
^x In præfatione ad lectorem primi tomi Spicilegii.

^y Pag. 318.

^z Edidit eam Dacherius in laudata præfatione ad lectorem 1. tomi Spicil.

a 3. parte q. 28. art. 2. junde 1. part. q. 98. art. 2. ad 4. Suarez in 3. par. tom. 2. q. 25. art. 8. disp. 13. sect. 1. Vasquez in 3. par. tom. 2. q. 28. art. 3. disp. 121. cap. 5. Durandus in 4. sent. dist. 44. q. 6.

chus ad Bartholomæum Laudunensem scribens referat, se auspiciis ejus quæsisse, & in Catalaunensi urbe reperisse tres libellos, quos *De virginitate Virginis Mariæ* Ildephonfus composuerat, & ob quorum remunerationem casulam pretiosissimam ab eadem Dei genitrice acceperat; satis innuit non aliud esse hujus argumenti opus Ildephonsum, novoque huic invento libros ejus multiplicandi, quos *De virginitate, & parturitione* diversos scripsisse fingitur, antiquam ejus evi persuasionem præscribere.

345. Sexto, plena sunt erroribus, cum in historia, tum in theologia commissis, quæ de hoc libro referuntur apud eos auctores, qui recens erupere, ut quamplurimos veterum in libris nodos incidere, vel falsa pro certis venditare ausi, tanquam Dei è machina profilientes, acclamarentur. Nec enim contenti Roderici Toletani vestigia sequi, nova ipsi posuere, quibus sufflaminandis jam insitimus. Hujus tempore (ait Rodericus^b) *cum Helvidius & Pelagius à Gallis venientes plebasque partes Hispaniæ infecissent, virginitatem B. Virginis infamantes; B. Ildephonfus illis occurrens, sacrarum Scripturarum testimoniis, & lingua melliflua, & gratia in labiis suis diffusa, eorum dogmata confutavit, & ab Hispaniis confusos abegit. Unde & in festo gloriæ Virginis &c.* Quibus prosequitur de Virginis sanctissimæ apparitione, Ildephonsoque ab eadem Virgine Maria cœlesti veste ob ejus virginitatem defensam remunerato.

346. Planè nullus dubito, quin hæc historia vera sit, perverisquæ è Gallis heretici Helvidianum virus jam ab Hieronymo dissipatum per Hispanias disseminare conati sint. Nullo enim operæ pretio, aut potius temerè, Ildephonfus hæresin extinctam, etiam ut stylo configeret, è tumultu excitare, atque hominum advertere mentibus præsumpsisset. Sed quòd Helvidium & Pelagium propriis hos nominibus fuisse Rodericus scripserit, errore factum existimamus. Nomine veterum Deiparæ virginitatis allatrantium hereticorum, Helvidii nempe & Joviniani, proposuit sibi arguenda, iterumque damnanda, Ildephonfus, ut sub utriusque Antidico-Mariani heresiarchæ larva, nova illa, quæ proprio vocare nomine fuit dedignatus, hominum excinderet monstra. Facem præbet Pelagius Ovetensis: *Contulit adversus heresiarchas Helvidium atque Jovinianum*. Quibus Ildephonfus adjunxit innominatum tertium hostem, sub Judæi appellatione, in communionem triumphi, ut in cunctis suis propugnatoribus impudentem illam hæresin debellaret. Hinc Roderico in mentem venisse credimus, quòd hæreticum alterum ex Gallis illis, quibus noster occurrit Ildephonfus, Helvidium appellatum crediderit.

347. Quod item Pelagium pro Joviniano dixerit, errore id factum suspicamur. Hoc sensu accepisse videtur eum Joannes Magnus Archiepiscopus Upsalensis in *Gothorum & Suevorum historiæ* ab Olao fratre ac successore ante sæculum editæ lib. 16. cap. 21. *In cujus tempore (ait) duæ hereses, Pelagiana & Helvi-*

diana, ex Galliis in Hispanias irruerunt, maximam Hispaniarum partem corruperunt. Historici autem plerique^d nostri videntur in Roderico legisse pro *Helvidio Helladium*, propriaque non rectè putant recentium nomina hæc, quibus ille usus fuit: quamquam alii Helvidium retineant.

348. Aliter autem qui Luitprandi & Juliani nomina ætate nostra subiit, ut vetustatis mantellum fabulis sive cogitationibus suis obduceret. Hi enim non *Helvidium & Pelagium*, sed *Theudium & Helladium* appellant. Luitprandus f: *Hereticos Narbonæ venientes, natione Gothos, Theudium & Helladium, per Hispanias teterrimè vagantes, & de virginitate B. Mariæ Virginis temerè sentientes, quod more ceterarum mulierum dilatatis claustris virginalibus peperit Christum Dominum verum Deum & hominem filium suum, sermonibus, & quatuordecim editis libris* (ita habet Thomæ Tamaji editio Matritensis; at Ramirezii Parisina loco eorum, *sermonibus quatuordecim, & editis libris*) Ildephonfus, *diversis ab illo (soliloquiorum) incipiente: Domina mea, viriliter confutat, & castigatos iussu Regis Reccesvindi catholici serenissimique principis totâ Hispaniâ cogit exsulare*. Nec semel tantum, sed & iterum post septennium ex Hispania, quò redierant, signateque ab Elbora ejectos (quod in gratiam Carpetanorum suorum, ac Talaveræ urbis civium dictum puta) Pseudo-Luitprandus refert. Eadem ferè Pseudo-Julianus^h: *Hereticos Gallos Theudium & Helladium loquentes de parturienti modo B. Virginis Mariæ, editis libris, quos ad moniales Deliviensis (Deibiensis aliàs) monasterii in agro Toletano positi dedicarat, confutat. Concilium multorum Episcoporum contrahit, in quo interfuit ipse Ildephonfus & multi Episcopi, inter quos fuit unus S. Amandus primus Episcopus Trajectensis, deinde verò Castellonen-sis in Hispania, vir doctus & sanctus. Et infra: Multis habitis concionibus sanctus Ildephonfus defendit mirabilem parturitionis modum B. Mariæ Virginis, contra illos hereticos, dicentes more ceterarum mulierum peperisse; nihilominus permansisse virginem: quod fieri non potest.*

349. Somnia hæc sunt in cerebro ejus nata, quem toties damnamus. Helladium nempe vocavit hereticorum alterum, eò quod in Roderico Toletano ita pro Helvidio, quæ vera lectio est, alicubi legitur; Theudium verò alterum, sua unius fide, quæ nulla est; quasi factò ex parte sibi bono nomine in Roderici auctoritate, quod reliquum assis fuit mendacio commodare tutò posset. Ad hæc injustè agunt ficulnei historici cum supposititiis suis Theudio & Helladio, hæreticos eos vocantes, propterea quòd B. Mariam cæterarum more fœminarum peperisse Christum Salvatorem, absque tamen virginitatis suæ detrimento, contenderent. Nam neque ipsius libri auctor (Ildephonfus eis) ampliùs quàm impudicam in percontando temeritatem, eamque eorum, quos fratres (quantum ab hereticis compellatio hæc distat!) sugillare ausus est; clarissimè hanc distinguens ab hereti-

c Perperam pro nominibus Luitprandianis horum hæreticorum laudat Jo. Magni Thomas Tamajus in Notis ad Luitprandi Chron. anno DCXXI. pag. 62. d Morales lib. 12. cap. 39. Padilla cent. 7. cap. 48. Vafius in Chron. ad ann. DCXXII. Mariana lib. 6. cap. 20. Portocarrero De Descriptione Deip. in Eccles. Toletanæ. Vazquez in suo Ildephonso lib. 4. cap. 3. necnon & Vazquez theologus in 3. par. disp. 121. cap. 2. e Mariæ lib. 5. de SS. Hisp. cap. 50. Higuera in Notis ad Luitprandi ann. DCXXI. num. 113. f In Chron. ad ann. DCXXI.

g Ad ann. DCXXVIII. h In Chron. num. 338.

i Immo prius, ne calumniosè audiamus, legendum. k Num. 341.

b Lib. 2. c. 22.

reticorum caussa; & Helvidiana jam ab Hieronymo debellata hæresi.

350. Neque defensoribus catholicis tam antiquæ quàm nostræ ætatis sententia hæc destituitur. Planè ita existimasse videntur Tertullianus *De carne Christi* cap. 4. & *Adv. Marcionem* lib. 3. cap. 11. & 16. Hieronymus epist. 22. ad Eustochium *De custodia virginitatis*, Leo Pontifex ad Leonem Augustum epistol. 97. cap. 3. Gregorius Nazianzenus orat. 51. five ad Chelidonium epistolâ 1. Epiphanius hæresi LXXVIII. 1. Damascenus item in oratione *De dormitione Mariæ*. Durandus ex scholasticis ^m, Gregorium & Ambrosium laudans. Huncquæ parturiendi modum, laxatis, sicut & concipiendi, non luxatis membris, & absque eo quòd læderetur integritas, in statu innocentiae S. Augustinus admisit, ex quo S. Thomas 1. parte quæst. 98. art. 2. ad quartum, Riccardus in secundum sent. distinct. 20. quæst. 4. & alii recentiores ⁿ. Ratramnus certè Corbejenfis monachus, cui oppositum diximus hunc, Ildephonfi existimatum, verè Paschasii Ratberti, librum, aliter sentiens de nativitate Christi Domini, quàm de solenni & communi (attamen integra) parturitionis forma, *veneni novæ perfidiæ* appellatione notare non dubitavit. Verè articulus catholicis semper in controversus, quòd servata fuit, sicut in conceptione, ita & in partu, Mariæ integras: de miraculi autem forma, quâ divinus fœtus è clauetro virginali fuit solutus, liberum fuit unicuique argutari; quamvis hodie jam recentiorum calculo prævaluerit sententia de miraculo penetrationis, de quo ad scholasticos ^o recurrere te lector moneo.

351. Quàm verò sapiunt recentem manum, putidæque affectatione ea turgent, quæ Luitprando imputantur! Ildephonsum nempe ^p sermonibus quatuordecim, atque editis libris diversis ab illo Soliloquiorum, incipiente: *Domina mea*, hæreticos illos viriliter confutasse. Ad Fev-ardentii editionem S. Ildephonfi operum respicere hîc nugatorem, in qua tredecim ei sermones adjudicantur hætenus invisi, nonne vides? Quamvis enim non omnes hîc editi mysterium hoc agant intemerati & purissimi partus, sed vel assumptionis, vel nativitatis, ut jam dicemus; non adeò strictè ponendæ sunt cum eo rationes, qui nullâ aliâ, quàm libidinis suæ, ratione circumagi se passus fuit. Numerum autem decimum quartum pro decimo tertio typographo libenter imputamus. Item ^q composuisse S. Ildephonsum ad privatam devotionem suam *soliloquiorum* librum, five *synonymorum*, ac postea *sermones*, ac *libros elegantiori sermone* (ut declinaret telum à diversitate styli) *contra hos hæreticos*.

352. Quod autem de Concilio additur hac super re Toleti habito, falsissimum est, non ea solùm ratione, quòd cum aliis superioris ac inferioris sæculorum Toletanis in veteribus libris servatum non habeamus, nullæque ejus mentione apud scriptorem aliquem integræ fidei, neque etiam in his falsò creditis Ildephonfi libris & sermonibus, eo tempore celebratum comprobetur; sed præ-

Bibliotheca vetus Hispana Tom. I.

sertim quia ex Concilio Toletano XI. Wambanis anno quarto, idest redempti orbis DCLXXV. sexto autem post Ildephonfi obitum coactò, totis antea XVIII. annis nunquam convenisse Hispanos patres manifestissimè constat: quo intervallo temporis, præter Wambanis quadriennium, Ildephonfini Pontificatus novennium contineri quis non videt? Et tamen id non animadvertentes, pro Juliani Concilio stant adhuc ex nostris quidam ^r, eo solùm moti quòd parum verisimile iis videatur, toto Ildephonfi tempore, talis Pontificis, lucem Conciliorum extinctam fuisse. Vero tamen hi, non conjecturis fidere suis, debuere.

353. Cujus farinæ historicis credere quando desinent tot experimentis edocti? Cum vel unum hoc satis deberet esse, quòd Amandum, Trajectensem prius Episcopum, deinde verò Castellonensem in Hispania, virum doctum & sanctum, interfuisse huic Toletano Concilio insulsus idem fabulator Julianus ^s effutire non dubitaverit. Planè sæculo isto S. Amandus floruit, vitamque usque ad annum ejus octogesimum quartum (alii ^t septuagesimum nonum præferunt) produxisse creditur ^u. Episcopus tamen hic fuit dumtaxat urbis Trajectensis in Belgio sub Sigeberto Austrasiæ Rege, ac post triennium, circa annu DCXLIX. annuente, ut creditur, Martino Papa, ei renunciavit ^x, privata, sed actuosissimæ persanctæque actæ vitæ deditus, nunquam extra Galliam, Vasconesque à meridie, Belgium à septentrione, Romam ab oriente pervagatus, nedum ut in Hispania (ubi ubi Castellonenfis collocetur sedes ^y) humeros olim oneri subductos inconstanter iterum supposuerit.

354. Nullus forsan Amando plures fortitus fuit vitæ ac rerum à se gestarum scriptores. Baudemundus abbas Blandiniensis, qui testamentum ejus scripsit, Alanus, Harigerus abbas Lobienfis, Philippus Bonæ-spei abbas, prosa oratione; Milo autem presbyter Elnonensis versu, in his enumerantur: qui hodie omnes exstant, & in *Actis sanctorum* Antuerpiensibus, ac *Benedictinorum* Parisiensibus Joannis Nabillonii, vel primùm vel iterum prodire. Cum autem horum nulli Hispaniensis hujus habitationis, habitæque in ea gente dignitatis mentionem debeamus; profectò stipes truncusve is fiet, quem tot admonitum testibus, ipsæque rei incongruentiâ, doli tamen adhuc Toletani præstigiatoris ludificentur.

355. Allucinatus forsan vir fuit, occasiones undique captans ornandi, vel fabulis, suam Spartam, (Hispaniam nostram scilicet) ex eo quòd præsul sanctissimus Amandus sacram quandoque expeditionem in Vasconas fecerit. Quam interpretantur noviores ^z Pseudo-Juliani dicto audientes, de gesto in Hispania Castellonenfis Episcopatus munere (*Castellon de Empurias* in Catalonia) atque interim coactò Toletano, & ab eodem Amando eodemque subscripto, Concilio. Sed res non obscurè narratur ab ejus historicis. Baudemundus: *Audivimusque ab eis gemem quam Vaccæ-*

Pp 2 jam

^r Higuera in No- is ad Luitprandum anno DCLXI. num. 101.

^s Num. 338. in Chronico.

^t Mabillonius in Notis ad vitam S. Amandi pag. 723. ^u Vide *Acta S. S. Antwerp. edit. vi Febr. in J. Amandi* §. 2. ^x Ibid. §. 2.

^y Disputant Tamajus Salazarus s. tonno Martyr. Hisp. vi. Febr. Franciscus Russpuerta in *Hist. Eccles. Gienensis* (æc. 7. cap. 2.

^z Tamajus vi Febr.

^a Aliàs *Vasconiam* ^{scjam}.

jam * appellabat antiquitas, quæ nunc vulgò nuncupatur *Vasconia*, nimio errore deceptam; ita ut auguriis vel omni errori dedita, idola etiam pro Deo coleret. Quæ gens erga Pyrenæos saltus per aspera & inaccessibilia diffusa erat loca, fretaque agilitate pugnandi, frequenter fines occupabat Francorum. Hæc de situ gentis, quam aggressus fuit gladio armatus veritatis Amandus. Cui cum prædicasset Euangelium, nec proficeret, brevi ad fines Francorum ait reversum. Similiter ceteri. Hæc illa est peregrinatio in Hispania, ut visum fuit; in cuius brevi circulo Pontificatum pacificè gestum Castellone, curamque purgandi novo errore Hispaniam, ita longè hinc, Toleti nempe, convocato Concilio, belluli nostræ antiquitatum Ecclesiasticarum gentis vindices comprehenderunt. Profectò alia cura fuit Amandi, Vascones nempe suos (Aquitani enim is patriâ) ut ab idolorum ac demonum cultu averteret; non ut peregrinam gentem, Hispanos, Marianæ parturitionis formam, quæ inter adiaphora est, eo conatu doceret.

356. Nec fallaris cum Pseudo-Juliano, rem intra Hispanias & ad saltus Pyrenæos, qui ad nos pertinent, gestam credens, eo maxime quod *Francorum fines* occupasse frequenter hos Vasconas, Baudemundus, atque idem cum aliis, remeasse hinc Amandum in fines Francorum, sive in Franciam, scripserint. Francia enim, eo ferè tempore, Francis Regibus subiecta ditio audiebat, quorum imperio Vascones vix parvere, immo frequenter in eorum fines impetus faciebant. quod ex Arnaldi Oihenarti utriusque *Vasconie* notitia b liquet. De Ristrude abbatis Marcianensi, in *Vasconia* edita, quæ causa ei fuerit in *Franciam* veniendi dicturum se auctor vitæ ejus c Hucbaldus Elnonensis annotat monachus. Unum hoc expressimus de ista *Francie* acceptione testimonium, ne innumeris lassaremus legentes.

357. Duplex fuit (non negamus) *Vasconia*, cis Pyrenæum Hispanica, ultra illum Gallica: quod notum geographis. Sed Baudamundum de hac posteriore agere, neque extra illam se extendisse Amandum, monachus Milo clarissimè significat. Narrans enim hanc ipsam Amandi expeditionem ait:

*Eia, age, Vaccejam latè, mea Musa, vagantem
Fidentem frænis, torquentem tela lacertis,
Pande, rogo, & vulgo vulgari voce notato.
Si demas, mutescque apices, Vasconia fertur.
Que gens dura satis, variis incursibus instans,
Ictibus ac telis hostilia tela rependens,
Extremis fuerat Francorum sinibus hostis.*

Amandi nempe tempore: eadem autem postea subacta; nam subjungit;

*Sed nunc vulnificis substrata est pacifica armis,
Frænaque consilio tandem conducta salubri,
Non laniat morsu, sed pacis in oscula tractat.*

Quod ad Vascones Gallicani limitis pertinere, non verò ad Hispanici, qui nunquam Francis subiecti fuere, certissimum est. Dagoberti tempus fortè respicit Milo, qui ferocissimos etiam *Vacceos* ditioni suæ hostili gladio subegisse, in actis S. Eligii Noviomensis Episcopi à S. Audôeno Rothomagensi conscriptis re-

fertur d. Notum quid de Vacceis, in cuius nomen Vascones successisse, præter Baudamundum, Fredegarius e, & alii produnt, & *Vaccæ*, sive *Vaccæ*, eorum urbe, Isidorus scriptum reliquerit f, in cuius testimonium plura conferunt viri eruditi g.

358. Non ergo ad nos pertinet Hispanos S. Amandi illa brevis atque irrita expeditio Vasconica; quantumvis duplex forsan ea fuerit, prima cum à Dagoberto in exilium amandatus, sanctæ Ristrudis (hoc est Vasconiam) aggressus est patriam, uti Hucbaldus in hujus Vita loquitur; quod circa annum DCXXXIV. ex sententia fuit Henschenii h. At eo tempore Castellonenfis in Hispania Episcopus Perseverantius erat, qui anno DCXXXIII. Concilio quarto Toletano præfens, anno DCXXXVI. quinto per procuratorem interfuit. Ante hunc autem annum Amandus ab exilio revocatus fuit, & in curiam à Dagoberto vocatus i. Non ergo hujus prioris Vasconicæ expeditionis tempus attingit, ut fallat, Toletanus impostor. Nec item posterioris: quam licet alius Castellonenfis Episcopus, Marcus nomine, qui ab anno DCXLVI. usque ad DCLVI. Conciliis septimo, & sequentibus, usque ad decimum subscriptus legitur, nò excludat admittentibus Amandum circa annum DCLXV. (quod observat idem Henschenius k) ad Vasconas rediisse, ibique Euangelium prædicasse; re tamen ipsa & successu istius prædicationis, uti supra monuimus, convincitur non potuisse hujus temporis esse somnium hoc Amandi Pontificium. Unde hanc fabulam de Castellonenfi ejus sede in Hispaniis meritò refutat Henschenius l.

359. Sed neque finem sibi fallendi præscribens ullum Pseudo-Julianus, eundem S. Amandum anno etiam DCL. (sic enim admittimus legi verba ejus debere) Castellonenfi jam præesse apud nos Ecclesiæ jactat. S. Amandus (ait m) Episcopus Castellonenfis in Hispania per id tempus floret, ad quem literas mittit S. Martinus Papa. Certè hic Pontifex ad Amandum, Trajectensem tunc Episcopum, deprecantem ut huic Ecclesiæ renunciare sibi liceret, literas misit, quas Philippus abbas in vita Amandi n, necnon & Milo ejusdem biographus o, conservavere. Pergit tamen is auctor: Contrahitur Amando impulsore Concilium contra Monothelitas anno Domini DCL. Hæc illa est Lateranensis Synodus statim à Martini Papæ I. inauguratione convocata, non impulsu Amandi, quod fingit Pseudo-Julianus, ipsaque jam laudata evertit epistola, sed Maximi abbatis, ut scribit Thophanes, atque ex eo Baronius p.

360. Non dum tamen finis. Nam quod dicimus ex Luitprando, præter synonymorum libros, scripsisse Ildephonsum libros alios & sermones elegantiori stylo adversus hos hereticos, constare idem ait q ex literis Genesii, secundi hujus nominis, Lugdunensis (qui dictus est etiam Abeldardus) abbatibus Corbej prius, post Episcopi Urcitani. Hunc Luitprandi locum unum ex his noveris, lector, qui inter manus figuli sui Toletani aliam & aliam vultus formam

d Rev. Franciscorum 1. vol. pag. 631.
e In Chron. ad an. DCXLVI. eodem volum. Rev. Franciscorum. pag. 778.
f Lib. 9. Orig.

g Marca Hiss. de Beau. lib. 1. cap. 12.

h Die vi. Feb. 9. 10. De Amandi reb. pag. 831.

i Ut ibidem Henschenius innotet.

k 5. 14. pag. 835.

l 5. 22.

m In Chron. num. 336.

n Tomo 2. De actis SS. Februarii die vi. pag. 866.
o In Actis SS. ord. S. Benedicti Mabillonii seculo seu tomo 2. pag. 719. Exstat quoque tomo 6. Concil. edit. Labbei columna 383.

p Tomo 8. ad an. DCXLIX. num. 5. & 6.

q Num. 103.

b Lib. 3. cap. 1. & 2.

c In Actis SS. Benedicti, monach. Mabillonii tomo 2. pag. 941.

mam induit. Apud enim Franciscum Portocarrerum Jesuitam in libro *De descensione Beatae Virginis in Ecclesiam Toletanam* cap. 14. hæc è Luitprandi Chronico verba transcripta sunt, quæ vel ex illis quæ præmisimus non parum mutatis, erupere; vel Luitprandus idem nunc ait, nunc negat. *Genesius primus Episcopus Arvernensis admonet D. Ildephonsum per literas de heresi Joviniani per quosdam excitata Arvernensium, qui dicebant beatam Virginem in partu corruptam mansisse, & eos tendere in Carpetaniam, ut urgentem (seu potius vigentem) in sanctissimam Virginem suis falsissimis rationibus labefactarent, & omnino perderent. Quæ cum in mss. suis Luitprandini Chronici libris Thomas Tamajus non haberet, jure ait nescire se unde ista Portocarrerus hauserit. Et bene est quod recentem alicujus manum subodoretur. Recens quidem ea, sed ejusdem auctoris Chronici est, jam hoc jam illud cogitantis, codicique quæcumque in mentem venirent committentis, nec raro ad aliquem amicum, ita nunc, postea ad alium aliter, concepta transmittentis.*

361. Vides unum & eundem S. Ildephonsi monitorem, apud unum & eundem rei scriptorem Luitprandum, jam Genesium Abelardum, Corbejæ abbatem, sive Lugdunensem Episcopum, hujus nominis secundum; Urci tamen deinde apud nos antistitem; jam Genesium primum Episcopum Arvernensem fuisse. Genesius quidem, Ildephonsi æqualis^s, Arvernorum Ecclesiam rexit; sed neque ordine primus, neque altero ejusdem nominis prior. Quod igitur tendant infans hæc molitiones, haud facile est dijudicare. Nam & Lugdunensis hic idem fuisse Episcopus, nisi fallor, dicitur à Luitprando; quod quidem per me Julianus respexerit, Genesios duos Lugdunenses Archiepiscopos fuisse referens, alterum altero antiquiorem. Planè quod jactatur de Genesii literis ad Ildephonsum, ad Laurentii Surii hæc respicit in S. Boniti vita xv. Januarii: *Hunc autem locum (de Magnilocensi monasterio loquitur, Marliu hodie, diocesis Claromontensis) jam pridem Genesius nobilissimus Pontifex (Arvernorum) in solo proprio voluit esse monasterium &c. Qua tempestate heresis Novatiana, sive incuria sive ignorantia quorundam, in Arvernorum irrepsit urbem: impurum quoque Joviniani dogma illic exstitit. Contra quas hereses in eodem Magnilocensi monasterio edita exstat epistola (cujus non dicit) quam fortassis operæ pretium fuerit quandoque in lucem proferre. Hæc parum diversa in prototypo anonymi apud Bollandum xv. Januarii, quem Surius more suo reformavit. Atqui ea est epistola, quam innuere voluit Pseudo-Luitprandus^u, ad Ildephonsum à Genesio directam.*

362. De Amando autem & Genesio huc ista congeffimus, ut constaret quanta hinc inde moverit, quanta invicem sibi opposita incautè ac stolidè infelicibus his lucubrationibus fabulator intulerit, eo dumtaxat fine, ut Ildephonso librum hunc *De parturitione Virginis Deiparæ* vindicaret. Quem eius non esse, primus, ut credo, Joannes Baptista Po-

za, ingenio vir atque eruditione singulari, alias studiis infelicissimus, observavit^x, atque hunc sequutus est Theophilus Raynaudus^y, uterque Jesuita, rationibus agentes; tandemque rationibus & scriptis libris, qui Paschasius Ratberto disertè adjudicant, Lucas Dacherius^z, & Joannes Mabillonus^a, Benedictini; quantumvis Baronius^b, Bellarminus, Posselinus, & alii, Fev-ardentii editionem admissent.

363. Ejusdem Fev-ardentianæ editionis sunt, æqueque Ildephonsi nostri non sunt, sermones xiii. scilicet 1. *De parturitione ac purificatione S. Mariæ*. 11. *Contra eos qui mendose affirmant Mariam Virginem contra legem Dominum peperisse*. 111. 1v. v. vi. *De Assumptione B. Virginis*. vii. *De eadem Assumptione, super illa verba Lucæ cap. 10. Intravit Jesus in quoddam castellum*. viii. & ix. *De eadem Assumptione*. x. *De Nativitate*. xi. & xii. *De eadem*. xiii. *De Purificatione, super illa verba Lucæ cap. 11. Postquam impleti sunt dies purificationis Mariæ. Audi Joannem Baptistam Pozam, cujus verba damus^c, quia Elucidarium Deiparæ, unde hæc sunt, in censuram incurrit sacrosanctæ fidei patrum, neque in manibus omnium est. Reddit ille causas, quare Ildephonso abjudicet hos sermones. In sermone 1. de Assumptione (ait) minus cautè de adoratione corporis est loquutus. Ibidem voces sunt peregrinæ, & inconcinnae phrasibus, à legitimo spiritu Ildephonsi aliena. Sermone 11. ait, de carnis incorruptione jam me supra satis in priore tomo dixisse credo &c. Ecce ubi non sermo ad plebem, sed fragmentum alicujus scripti. Sermo 111. ex centonibus compilatus ab Ambrosio & Augustino desumptis. Sermone 1v. insinuat B. Virginem necdum corporis resurrectionem obtinuisse. Et tandem sermone 1v. hunc errorem expressè profitetur. Sermone v. ait: Non audent ministri tartarei hodie attingere suos captivos, quos recolunt redemptos illius sanguine, qui pro mundi salute est dignatus nasci de Virgine. Sermo vi. cum habet errorem, quem diximus supra in sermone quarto, & ex fragmentis Augustini est. Sermo 1. & 11. De nativitate Virginis nihil ferè habent, quod ad ortum Mariæ pertineat. Plura capit ex Augustini sermone secundo De Assumptione, cujus nomen dissimulat. Sermone de Purificatione peculiaria quædā scribit de peccato originis, & tamen erroneam illam doctrinam sectatur, quæ negat Christi corpus in momento perfectum & absolutum. Quadraginta (inquit) dierum numero corpus Dominicum in utero Virginis formatum credimus; cujus oppositum scripserat in Synonymis. Quæ omnia persuadent non esse opuscula Ildephonsi. Hæc ille, cui nos suffragamur. Jam ex aliis, quæ falsò attribuuntur eidem nostro Pontifici Toletano, vita est S. Eugenii, ejus decessoris, quam solus ei tribuit sopposititius Julianus^d.*

364. Coronam quoque B. Mariæ Virginis inter Mariana alia depromptam è codice ms. Toletanæ Ecclesiæ vulgavit ante aliquot annos Petrus Alva & Astorga Franciscanus, in Bibliotheca virginali, S. Ildephonsi nomine, eo argumento maximè motus^e, quod in eodem codice alia sint Ildephonsi hastenus inedita opuscula sub ejus expresso titulo & nomine,

^r Quem reperies apud Thom. Tamajum in Notis Luitprandi pag. 61.

^s In Gallia Christiana 2. tomo, & Episc. Claromontensis fol. 126.

^t Adversar. 111.

^u Num. 107.

^x In Elucidario Deip. Virg. Mariæ lib. 4. tract. 4. cap. 6.

^y De bonis & malis libris partit. 1. erodem. 10. num. 228.

^z In præfatione tom. 1. Specile-gil.

^a In Actis S. S. Benedicti. præfatione part. 2. sæculi 11. pag. 13.

^b Ad ann. dcccxiiv. num. 8. & 10.

^c Elucidarii Deip. lib. 4. tract. 4. cap. 6.

^d In varior. carmin. collect. pag. 190.

^e Ut ex præfatione constat.

mine, quæ factum ejus esse, neminem, qui sapiat, dubitaturum ait. Fidem insuper obstringit se in lit. I. Ildephonfi initiali (alphabeti enim ordinem sequitur) tomo 4. hæc editurum opuscula. Miror quidem Ildephonfi tot amatores & illustratores, Toletum frequenter adcurrentes, aut ibi commorantes, Toletanæque bibliothecæ custodes, hæc latere potuisse. Planè in catalogo penes me ms. hujus bibliothecæ ita habetur: *Corona B. Virginis cum ejus psalterio parvâ formâ*. Et in ora libri annotatur: *Titulus psalterii est: Incipit psalterium B. Mariæ semper Virginis, editum ab Ildephonso Toletano Archiepiscopo, unaquaque die devota mente canendum*. In margine signantur dies, in quibus dicendum est. *In Dominica die, feriâ iv. feriâ vi. & in die sabba*bi.

365. Est in eodem catalogo alius codex, *Corona B. Mariæ* inscriptus, reperiunturque simul, nisi nos numeri fallunt, pluteo i. num. 13. & 14. inter ms. theologicos. Attamen nemo est qui ignoret (ait Baronius f) qui antiquorum codicum habet usum, sæpe sapius solere contingere, ut non unum vel duos, sed & tres, quatuorve, & amplius habeat idem volumen diversorum auctorum tractatus, & aliquos ex illis inveniri sub nomine unius auctoris exscriptos; ut, nisi quis oculos lynceos habeat, sæpe accidat, ut inscripto auctori tribuatur quicquid inferius eodem codice continetur. Quare non inde quod psalterium sit Ildephonfi, *Corona* ejusdem erit. Sunt, fateor, in *Corona* ista, non minùs quàm in germano & certo Ildephonfi fœtu *De perpetua B. Mariæ virginitate* libris, vocabula quædam ejusdem formationis, à puritate Latinæ linguæ exorbitantis, Gotthicumque sapientis, uti inter alia *nectura*, pro *nexu*, quam *conneftationem* vocant laudati libri *De virginitate*. Sed plura alia sunt, quibus magis deferendum est quàm huic indicio, aliis etiam scriptoribus, non tantùm illius, quàm sequentium etiam sæculorum communi.

366. Carmina interferit, aliena etiam, plerumque profæ orationi; quod secundum Ildephonfi stylum non est, quamvis editor non distinxerit. Talia sunt de nomine Mariæ s. De nomine Mariæ (ait quidam) *Mariæ nomen aurum-fragrans & aromaticum-velut pigmentum cælicum-ut sol est, luce fulgidum, & mortuis vivificum-& monachis mellifluum-sanctum & anagogicum-divinum & estaticum*. Et alibi h: *Porta clausa post & antè-via veris introia: -fusa rore cæli tellus-fusum Gedeonis vellus-deitatis pluvia-placa Maria maris stella-ne involvat nos procella-& tempestas omnia*. Iota itidem capitis noni oratio metrica est, quantumvis malè sibi constantibus versibus. Et auctor: *Hos (inquit) quos tibi offero versus, domina digneris suscipere: ut nec sonus constet, & aurium judicium falli possit*. Quæ rhithmica poësis ævi non est Ildephonfini. Utitur aliorum testimoniis frequenter, quos haud nominat; nec difficile fuerit cum cura legentibus observare unde illa sint. Ut cap. 11. *Cujus stellæ patrociniū quidam servitor tuus, & laudator devotus, in suis opusculis nos corde*

attento flagitare admonet, dicens: In periclis, in rebus dubiis, respice stellam, invoca Mariam, non recedat à corde, non recedat ab ore.

CAPUT VII.

De S. VALERIO abbate, & ejus operibus. De S. JULIANO Toletano antistite: non quidem Pomerio cognominato, nec monacho. Ejus opera. Reprehensus propter quoddam ejus opus Romæ Julianus, validè se alio scripto defendit. Cujus rei historia curiosè enodatur. Baronii Cardinalis erratum è Petri Siculi prava versione. Pseudo-historicorum de eadem re nugæ. Ἀντιμνησίων liber, usurpato aliis scriptionis titulo. Alia opera. IDALIUS Barcimonensis, FELIX Toletanus, & TAJO Cæsar-augustinus, Episcopi. Carmen sepulchrale Hispanense supplementum à pseudo-historicis. Libri quinque Sententiarum ex S. Gregorii operibus Tajoni tributi. Quando scripti. Carmen quoddam hujus operis præfationi ab eo affixum.

367. **A**CCEDIMUS ad Wambæ Gothorum victoriosissimi & catholicissimi Regis tempora, qui LXXII. hujus sæculi anno electus, LXXXI. vitam cum morte commutavit, Ervigio locum vacuum relinquens. Sub hoc maximè floruisse scimus S. VALERIUM, abbatem vulgò dictum celebris monasterii S. Petri de Montibus. De quo insignis hæc memoria in eodem usque nunc legitur marmori inscripta *.

368. *Insigne¹ meritis B. Fructuosus postquam Complutense condidit cœnobium (diximus de eo in mentione S. Fructuosi cap. 5.) sub nomine S. Petri, brevi opere in hoc loco fecit oratorium. Post quem non impar meritis Valerius sanctus opus Ecclesiæ dilatavit. Novissimè Genadius presbyter cum duodecim fratribus restauravit. Erâ CMXXXIII. m Pontifex n effectus à fundamentis mirificè, ut cernitur, denuò erexit, non oppressione vulgi, sed largitate pretii, & sudore fratrum hujus monasterii. Consecratum est hoc templum ab Episcopis quatuor, Gemadio Astoricensi, Sabario Dumienfi, Frumínio Legionensi, & Dulcidio Salmanticensi, sub era o novies centena decies quaterna & quaterna, IX. Kalendarum Novembris. Videndi de eo Ambrosius de Morales lib. 12. cap. 51. Mariana lib. 6. Hist. Hisp. cap. 8. & 14. Arnoldus Uvion lib. 2. De ligno vitæ cap. 79. Tamajus die xxv. Februarii. Sandoval in *Fundationibus Benedictinis*, ubi de monasterio S. Petri de Montibus. Scripsit hic sanctus abbas, inter alia opera,*

369. *De vana sæculi sapientia p librum, in cuius fine verba de se ipso faciens, ex Asturicensis urbis territorii quodam loco se esse oriundum ait, eremiticam egisse vitam vicennio integro variis persecutionibus agitatam, demumque in cellula pedem fixisse, quam S. Fructuosus juxta oratorium Sancto Petro Apostolo in Bergidenfi eremo à se dicatum olim construxerat. Manet ibi nunc sub Benedictinorum regula Sancti Petri de Mon.*

f Ad annum CDXLI.

g Cap. 1.

h Cap. 6.
i Editum tamen est via veris de via; aliaque malè distincta. In fine pro omnia fortè legendum obstat.

* Apud Moralem lib. 12. cap. 35.
† Ita apud Moralem.

m Est annus DCCCXCV.
n Astoricensis, ut postea dicitur.

o Erâ CMXLIV. est an. CMVL.

p Exstat id opus in apographo nostro ex codice monasterii Carracedi exscripto.
CARDINALIS DE AGUIRRE.

Montibus dictum, totaque Hispaniâ inclytum monasterium; ex oratorio nempe in Ecclesiâ, ut in monumento jam laudato legitur, dilatatum. Cui Ecclesiâ adhâsisse etiam tunc operâ ejusdem, monasterium, ex quo abbas in ea Ecclesiâ Valerius dicitur, vero simile est. Inde eum honoris causâ deducere, & in Toletanum orbem secum perducere conatus fuit ejus Episcopus, Isidorus scilicet Asturicensis. (interfuit is Bracarense Concilio Wambanis tempore an. DCLXXV.) pervicissetque precibus jussioni paribus, ut ab amatâ Rachelis suæ amplexibus avelleretur, nisi Deus ad se vocato Episcopo quieti & solitudini servi sui opportunè prospexisset. Hæc in compendio sunt quæ ex eo opere Valerius de se communicatum posteris voluit. Fortè hujus *De vana sæculi sapientia* libri fragmentum est illud in quo de hypocrisi quorundam sui temporis monachorum altè conqueritur, à Tamajo adductum in Martyrologio Hispano die xxv. Februarii, qui & typis mandavit

370. *Epistolam sive tractatum de institutione novæ vitæ*, ex quodam ms. codice, in cuius ora notaretur, hanc non Isidori Hispalensis, cui adscribitur, sed potius Valerii esse, Scripsit item

371. *Vitam Sancti Fruktuosi* abbatis Dumienensis, posteaque Archiepiscopi Bracarensis. Hanc edidit primus è codice monasterii S. Petri de Arlanza anno Christi DCCCCXII. manu exarato Prudentius Sandovalius Pamplonenfis Episcopus, atque exinde in Martyrologium suum Hispanum Joannes Tamius misit. Tertiò habemus editam, nec parum emendatorem, à Joanne Mabillone in *Actis SS. Benedictinorum*. Tandem in *Actis Sanctorum* die xvi. Aprilis. Valerii autem nostri esse creditur ex conjecturis tantum. Unâ enim cum aliis ejusdem operibus prostat, non solum in codice illo Arlanzensi, sed & in alio monasterii Carraceti Cisterciensis ordinis, non procul à S. Petri de Montibus dicto, quem Morales vidit, scripta. Consonat & stylus utriusque operis, uti visum Morali, item quòd Bene-nati & Juliani, atque item Cassiani, S. Fruktuosi familiarium, ac discipulorum testimonio sic utitur vitæ auctor, ut & ipse familiares eos in eodem Bergidenfi tractu, in quo monasterium S. Petri est, habuisse facillè appareat. Reperiuntur in iisdem codicibus, atque in alio Ovetensis Ecclesiæ, quem & vidit Morales, sub S. Valerii jam nomine,

372. *De vita & sancta peregrinatione* feminæ cujusdam, sanctæ Eucherie nomine, ad Bergidenfes monachos polixa epistola.

373. *Historia brevis Dona-dei abbatis*.

374. Item *De quibusdam miraculis & revelationibus duorum monachorum Maximi & Bonelli, cujusdamque S. Fruktuosi famuli*.

375. Poëtica quædam alia opera se reperisse in eodem codice Ovetensis Ecclesiæ Morales ait.

376. In psalmos fortasse scripsit: si quidem prologum ad eos Valerii nostri se vidisse in codice illo Ecclesiæ Ovetensis Morales

scriptum reliquit in libro cui titulus est: *El santo viage*, agens de libris Ecclesiæ Ovetensis mss.

377. In *concordia regularum* S. Benedicti Amanensis abbatis, quam vir doctissimus Hugo Menardus publicavit cap. tertio, quod est *De generibus monachorum* §. 7. dicta, hoc est, fragmentum S. Valerii *De genere monachorum* insertum legitur, quod septimum genus quoddam eorum, & quidem prioribus pejus, descriptum it, quo satis ostendit sex alia se antea descripsisse. An verò ex aliquo eorum operum, quæ jam memoravimus, hoc sit fragmentum, illi viderint qui mss. codices habent ad manum. Mabillonius certè aliquantulum variare hujus segmenti stylum ab eo quo utitur vitæ Fruktuosi auctor admonuit; sed solæcis quibusdam, quæ tribui exscriptoribus possunt, è vita ista sublatis, & in rectum sensum reductis, quod Mabillonius ipse fecit: in quonam autem alter ab altero auctore differat, non facillè invenio. Saltem de legitimitate inscriptionis fidem faciunt hæc ejus fragmenti verba: *Et cum in ista ultimæ extremitatis occidua partis confinia, rara videlicet & exigua pullularent sacræ religionis crepundia*. quibus ultimi occidentis scriptorem se esse satis prodit, hoc est Galliciæ terrarum ultimæ finibus inclusum, quod observavit & Menardus.

378. Jacet sanctum ejus corpus, non quidem in suo S. Petri de Montibus monasterio, sed in Ecclesiâ quatuor ferè milliaribus inde distita S. Michaëlis archangeli; ubi magna religione & peregrinationibus frequentibus, uti & solenni festo die xvi. Aprilis in Asturicensi Ecclesiâ ritè colitur.

379. Valerio subjungimus celeberrimum suæ ætatis virum, orbique Christiano bene notum, JULIANUM Toletanum antistitem, quem Felix, & ipse aliquando eidem sedi præfectus, graphicè descripsit eo elogio, quod Ildephonsi *De scriptoribus Ecclesiasticis* libello subijci consuevit. Distinctum esse hunc à Juliano Pomerio, quem cum laudasset sub nudo *Pomerii* nomine Gennadius, revocavit iterum in scriptorum catalogum sub integro *Juliani*, cognomento Pomerii, nomine S. Isidorus, quinti sæculi scriptorem, Mauritanum, sed in Galliis florentem, nemini dubium est. Attamen non pauci contendunt, Julianum quoque Toletanum, de quo agimus, *Pomerium* similiter fuisse cognominatum, quos inter Bellarminus, & Labbeus, & Barthius lib. *Adversar.* 19. cap. 14. Innituntur nempe Roderici Toletani testimonio, qui & lib. 3. cap. 13. sic appellat, & libri 4. capite 3. detulisse ait Urbanum pariter Toletanum Episcopum ad Asturias ob Maurorum metum scripta B. Ildephonsi & Juliani Pomerii, quo nomine verisimilius est non alium quàm nostrum intelligi. Sed planè Rodericus, aut falli æquivoco nominis, aut glossemate ascititi cognominis à transcriptore aliquo fædari potuit. Saltem is auctor in causâ videtur fuisse aliis, ut ex duobus eundem facerent, in quo errore confirmati sunt exinde quòd alter *Prognosticum* scripserit *futuri sæculi*, ut ex Felice, alter *Prognosticos tres de future vitæ*

a Parisiis apud Dionysium Bechet MDCXXVIII.

b In observatione prævis ad S. Fruktuosi vitam sæculo SS. ordinis S. Bened. pag. 381

c In fine præfationis *De concordia auctore* &c. pag. 66.

* Acrostichidem quandam inter ejus opera apud nos habemus, cujus summæ litteræ sunt: MISA VALERIUS. cujus aliquando copiam vulgo faciemus. CARD. DE AGUIRRE. c De script. cap. 93.

f De script. cap. 12.

g Rationibus tamen agunt Morales lib. 12. cap. 38. Vossius De H. L. lib. 1. cap. 27 Baronius ad ann. 481. Marti. Vassus in Chron. Hisp. ad ann. 481. Padda Hist. Eccl. de España cent. 7. cap. 66.

h De script. ad annum 481.

i Differt. De script. tom. 1. pag. 632.

k Trithemio De script. Eccl. & ut videtur, Matamoros De Academiis &c. Roderico Sancti Palæ. Episc. part. 2. Hist. Hispan. cap. 33. Alph. à Carthagona Anacaphal. Reg. Hisp. cap. 40. Justo Marineo Siculo De reb. Hisp. lib. 5. Padda De los rîas de España fol. 30. Eisenreio in catal. testium verit.

con-

q De las fundaciones de S. Benito en España. Tomo 2. die xvi. April. s Sæculo 11. pag. 381.

r Uti refert ibi. cap. 35.

u Lib. 12. cap. 51.

x Eucherie est in codice Carraceti, unde nos exscriptam habemus hanc epistolam, lucem aliquando, unâ cum aliis monumentis, visuram. CARD. DE AGUIRRE.

y Habemus etiam hanc historiam inter avindora ex eodem codice. CARD. DE AGUIRRE.

z Hujus exemplar apud nos est ex eodem codice Carraceti. CARD. DE AGUIRRE.

contemplatione libros, ut ex Honorio, post Isidorum, constat. Planè nullus dubito, quia si Toletano huic nostro præfati *Pomerio* nomen fuisset, id Felix vitæ scriptor non retinisset. Quinimmo tertium *Pomerium* obtrusit Pseudo-Julianus in Chron. n. 369. duobus non contentus. Frustrà tamen jacitur rete ante oculos pennatorum, ut sacro utar eloquio.

380. Increbuit apud posteros fama, Julianum ex traduce Judæorum, uti idem Rodericus Toletanus loquitur, productum fuisse; quod cum annotare idem vitæ auctor omiserit, subdubitari à quibusdam video. Plures tamen Roderico credunt^m, nec temerè, cum Isidorus ei Pacensisⁿ iisdem verbis auctor rei fuerit. Natus autem, baptizatus, & educatus Toleti, tam literarum quam veræ sapientiæ studiis, sub Eugenio secundo Ildephonfi decessore, unà cum Gudila diacono, quem strictissimo amicitiae vinculo habuit obstrictum, mirè profecit. Avebant ambo sese addicere monasticæ vitæ; sed frustratam fuisse eorum devotionem apertissimis verbis ait Felix. Quare impotentia quadam favendi rebus suis actos jure dixeris, qui catalogo Benedictinorum Julianum adscribunt^o.

381. Atque ideo alium fuisse oportet Julianum S. Michaëlis abbatem, qui Toletano Concilio undecimo inter alios subscriptus legitur in eadem Ecclesia Toletana. Levita fuit, presbyter, ac demum post Quiricum, qui anno obiit DCLXXXI. electus antistes; iisque in sacerdotio isto virtutibus verè pastoralibus instructum se prodidit, quas vitæ scriptor sigillatim enumerat, usque ad Egicanis tertium scilicet annum, redemptionis verò humanæ DCXC. Pontificii ejus ultimum. Interfuit, & ante alios subscripsit, quatuor Conciliis Toletanis, duodecimo, anno DCLXXXI. decimo tertio, an. DCLXXXIII. decimo quarto, anno DCLXXXIV. Ervigii Regis primo, quarto, & quinto, necnon decimo quinto, Egicanis primo, redemptionis autem Christianæ DCLXXXVIII. sanctorum legitur albo adscriptus, non solum in *Breviario Toletano* die viii. Martii, & aliis nostrarum Ecclesiarum^p; sed & apud Usuardum vi. ejusdem, ita: *Civitate Toleta depositio Juliani Episcopi, qui apud ejusdem loci incolae famossissimus habetur*. Lipomanum, Suriumque xxiii. Junii, & recentiora Martyrologia cum Romano die octavo.

382. Plurima is reliquit doctrinæ suæ monumenta posteris commendata, quæ tamen magnam partem perire. Et ex illorum serie, quam Felix accuratè persequutus fuit, scripsisse eum *sancti spiritus ubertate repletum, & irrigui fontis affluentia præditum*, ut idem ait Felix, Latino, & ultra vires illius ætatis elegantis sermone, *ingeniaque facili, copioso, atque suavi*, quod Joannes Mariana censuit, novimus.

383. *Prognosticorum futuri sæculi librum*, ad B. Idalium Episcopum (Barcinonensem) directum, habentem in capite epistolam, quæ ipsi est directæ, & orationem. Superest quidem hoc *Prognosticon futuri sæculi*, quomodo id ab auctore appellatum ex epistola constat

Idalii Barcinonensis Episcopi, ejus, ad cuius preces sese operi accinxit Julianus, quam nobis conservavit codex monasterii Corbejenfis, indeque Dacherius in *Spicilegium* suum immisit^q. Quæ ipsa, credo, est epistola ipsi (hoc est Juliano nostro) ab Idalio directæ, cujus meminit Felix. Ac descripsit quidem is germanis notis *Prognosticum*. Cujus codicis opus (ait) *discretum in tribus libris habetur, ex quibus primus de origine mortis humana est editus, secundus de animabus defunctorum, quomodo sese habeant ante suorum corporum resurrectionem, tertius de suprema corporum resurrectione*. Non hæc divisio ab alio quàm ab auctore, quantumvis Felix id subindicare videri possit, quod ex Idalio hac de toto opere censura, quam subjecimus, constat. In quo quidem quamlibet primus liber quadam ex parte peccantibus asperitatem metumque incutere videatur; duo tamen subsequentes libri maximâ fiduciâ Christianorum relevant corda ob spem future resurrectionis, & regni, quod se fidelibus Christus daturum promissit.

384. Editum est hoc *Prognosticon* in bibliothecæ VV.PP. volumine nono; olim tamen Lipsiæ in Germania publicatum per Michaëlem Blum anno MDXXXVI. in 4^o. secundo Parisiis MDLIV. cujus editionis Morales meminit^r, & ad hanc Andreas respexit Resendus, quum in ad Quevedum epistola doctissima, eoque viro dignâ, sublaturum sibi refert à Parisiensi quodam hospite ante annos viginti suum hujus libri codicem, quem librum postmodum ait se recepisse typis excusum; non tamen à mendis, quibus scatebat, repurgatum. Tertio inde Duaci MDLXIV. per Ludovicum de Winde, auspiciis tamen & operâ Boëthii Eponis Belgæ doctissimi; qui tamen ignorasse mihi videtur superiores editiones. Manu exarati operis hujus codices aservantur apud nos in monasterio Spine Cisterciensium, quem vidit Morales^s, ubi præponi huic aliud opus *De doctrina novitiorum* inscriptum asseverat. Vidimus nos unum & alterum in 4^o. & in 8^o. penes Martinum Vasquium Siruelam Hispalensem portuonarium, eruditissimum virum. Exstat & alius in bibliotheca Basileensi, de quo Spizelius testis est^t. Alius ille est, quem Resendus sibi involatum dolebat.

385. *Responsionum item librum, ad quem supra (Idalium) directum, in defensionem canonum & legum, quibus prohibentur Christiana mancipia dominis infidelibus deservire*. Cautum id Toletano Concilio III. cap. 14. & IV. c. 66. lege 13. & 14. (quæ Sisebuti sunt) tit. 2. lib. 12. *Legum Visi-gothorum*. Post hæc omnia Ervigijs Rex primo regni sui anno prohibitionem eandem instituit, pœnâ tamen capitis, quam Sisebutus transgressoribus indixerat, sublata, & in molliorem transformatâ, leg. 22. & 13. & 16. tit. 3. eodem lib. 12. Quam spero illustratum & confirmatum ivisse Julianum veterum testimoniis & congruis argumentis in his responsionibus.

386. *Apologeticum fidei, quod Benedicto Romane urbis Papæ directum est*. Et occasione hujus scripti

387. Aliud

^l Vaseo ad ann. DCXXXV. Pjfa Hist. de Toledo lib. 2. cap. 24. Thoma Tamajo Xerda de Dextro pag. 225. Joanne Tamajo ad diem viii. Martij.

^m Mariana lib. 6. cap. 18. Morales lib. 12. cap. 58. Did. Rodriguez de Almela *Valerio de las historias* lib. 1. cap. 5. tit. 1.

ⁿ Ad eam Decxxviii. in rebus Ervigii Regis. o Arn Uvion. in *Ligno vite*. Menardus lib. 1. *Observat. ad Martyrologium Benedictinum* fol. 206.

^p Vide Tamajum hac die pag. 125.

^q Tomo 1. pag. 313.

^r Lib. 12. cap. 58.

^s Refert in relatione sui itineris inedita.

^t In Arcanis bibliothecarum reseratis pag. 40.

387. *Aliud item Apologeticum De tribus capitulis, de quibus Romanae urbis praesul frustra visus est dubitare.* Res sic se habet. Sub Agathone Papa & Constantino Pogonato Imperatore Constantinopoli habita fuit sexta Oecumenica Synodus contra Monothelitas, qui negabant in Christo esse duas voluntates, duabus naturis, divinae atque humanae, correspondentes, anno DCLXXX. & sequenti. Cujus praecipuam actorum partem, idest definitionem, Leo II. Pontifex, qui Agathonem diem suum obeunti anno DCLXXXII. post septem menses eodem anno successerat, ad Hispaniarum Ecclesiam solenniter misit, ut praedicta synodalia instituta, auctoritate etiam hujus nostratis Ecclesiae suffulta manerent, ut loquuntur PP. Toletani decimi quarti Concilii capite secundo. Leonis epistolas ad Episcopos Hispaniae unam, ad Quiricum tunc adhuc in vivis agentem, Toleti praefulem, alteram, Simplicio quoque Comiti tertiam directam, Garfias Loaisa noster ex codice coenobii Sancti Joannis Regum Toletani publicavit in Notis ejusdem Concilii^u. Quarta ad Ervigium Regem adjecta est ab aliis. Exstantque omnes in communibus editionibus Conciliorum^x. Quas injuriarum exclusit Baronius^y à Leoninis compertae fidei monumentis inquirendi non est hic locus.

388. Allatae sunt Leonis hae literae ad Hispanias hyeme exeuntis an. DCLXXXIII. aut ineuntis DCLXXXIV. post nuper dimissum Concilium Toletanum decimum tertium, quod Novembri mense anni DCLXXXIII. sub Ervigio Rege, & Juliano, jam tunc praefule Toletano, habitum fuit; ut colligi datur ex canone tertio sequentis decimi quarti Concilii. Cum autem importunum esset dimissos à Toletana urbe & nationali Concilio patres adhuc hyemali stricta gelu terram, ut ajunt, singulos provinciarum conventus iterum convocare; placuit interim Juliano nostro *Apologeticum* scriptum ad eundem Romanum Pontificem, Constantinopolitanam fidei confirmatorium, dirigere, interim dum cogendae Synodi ex dioecesis suae Episcopis opportunitas adveniret. Hujus *Apologetici* mentio existat in ejusdem decimi quarti Toletani Concilii capite quarto. *Placuit proinde illo tunc tempore (ajunt PP.) apologeticae responsionis nostrae responsis satisfaciens Romano Pontifici ea ipsa gesta (Constantinopolitana) firmare &c.* Sed cuinam Pontifici? Non Leoni, qui paullo post datam epistolam, cujus antea meminimus, eodem scilicet anno DCLXXXIII. Junio mense obierat; sed Benedicto II. ejus successor, qui post decem à Leonis obitu menses anno DCLXXXIV. fuit creatus Pontifex^z. Ita expressè Felix in hujus *Apologetici* mentione.

389. Paullo post eodem anno convocata dioecesanorum provinciae Carthaginensis Synodus ab eodem Juliano (quod est inter Toletana decimum quartum Concilium) cui & vicarii caeterarum provinciarum metropolitane suorum nomine interfuerunt; Constantinopolitana eadem acta^a, necnon & *Apologeticum* super iisdem praemissum^b, ple-

nè laudavit & approbavit. De *Apologetico* autem hocce Juliani scripto non ita solidè placuit Benedicto Pontifici. Quinimmo Juliano rescribens, cuidam ejus homini nonnulla verbis intimavit, quae in laudato *Apologetico* exorbitare quidem à recto Ecclesiae dogmate sibi viderentur; nempe quòd dixisset auctor, *voluntatem genuisse voluntatem in divinis*, sicut & *sapientiam sapientiam*: item *tres substantias in Christo esse*, corpus scilicet, animam, atque deitatem, duoque alia, quae ignoramus. De quibus omnibus explicatè magis proditis, ac recto sensu donatis, veterumque patrum testimoniis confirmatis, Julianus ipse statim ad Benedictum responsionem adornavit, cujus meminit ipse, Toletanorum, qui Concilio decimo quinto interfuerunt, patrum ore; atque ipsum est alterum, sive secundum *Apologeticum*, cujus Felix meminit, *De tribus capitulis, de quibus Romanae urbis praesul frustra visus est dubitare*; cujusque tenorem contextumve, patres iidem Toletani si actis ejusdem xv. Concilii intexerent, operae pretium sese facturos existimavere^c. Quo de rectè, ut solet, Ambrosius Morales lib. 12. cap. 58. aliique^d.

390. Rem quoque narrat Rodericus Toletanus lib. 3. cap. 14. *Ejus in tempore (Ervigii Regis) librum de tribus substantiis (ab uno è tribus capitulis, quod majores forsitan turbas dederat, ita denominatum) quem dudum Romanam miserat primas sanctissimus Julianus, & minus caute tractando Benedictus Papa Romanus indixerat reprobandum (non eo usque perductam rem fuisse Concilium innuit) ob id quòd voluntas genuit voluntatem; sanctus Julianus veridicis testimoniis in hoc Concilio ad exactionem praefati principis per oracula eorum quae Romanam transmisserat, verum esse firmavit, & Apologeticum fecit, & Romanam misit per suos legatos presbyterum, diaconum, & subdiaconum, viros eruditissimos, & in omnibus Dei servos, & in divinis Scripturis imbutos, cum versibus etiam acclamatoriis, secundum quod olim transmisserat De laude Romani Imperatoris. Quod Roma dignè & pie recipiens, cum illis legendum indixit, atque Imperator acclamando: Laus tua Deus in fines terrae, lectum sepius notum fecit. Qui & rescriptum domino Juliano per supra factos legatos cum gratiarum actione, & cum honore remisit, & omnia quaecumque scripsit iusta & pia esse deprompsit.*

391. Caesar Baronius^e increpat Rodericum eo quòd durè nimis expresserit Benedicti Papae de *Apologetico* sententiam, reprobationis usurpato nomine; quòdque minùs caute hanc eum interposuisse, inconsultè idem scripserit. Sed durius planè concepta sunt Concilii xv. Toletani hae de eadem re verba, quae tacito Benedicti nomine, quod decuit, caetera Rodericianis longè magis aculeata sunt. Jam verò si post haec, & ab ipsis dogmatibus patrum, quibus haec prolata sunt, in quocumque dissentiant, non jam cum illis est amplius contendendum; sed majorum directo calle inherentes vestigiis, erit per divinum judicium amatoribus veritatis responsio nostra sublimis; etiamsi

^c Vide quae consequuntur Symbolum §. Post hujus, in edit. Loaisae pag. 662. d Baronius ad ann. DCLXXXV. num. 5. 6. 7. Loaisa in Notis ad xv. Conc. Toletanum. Baronius ex Baronio, ut solet, in notis ad Benedicti Papae vitam. Vazquez in 3. part. dist. 37. cap. 3. in fine. Padilla cent. 7. cap. 65. e Deesse aliquid videtur. f Quos forsitan.

^g Ad ann. DCLXXXV. nu. 5. 6. & 7.

^m Pag. 650.

^x Noviss. Paris. tomo 6. column. 1246. ^y Ad ann. DCLXXXIII. nu. 56. tomo 2.

^z Baronius hoc anno DCLXXXIV. n. 2.

^a Cap. 5. & seq. ^b Cap. 11.

etiam si ab ignorantibus emulis conseatur indoci-
lis. Quæ aliquantò liberiora, quàm ut Julia-
ni modestiam (fuit absque dubio is auctor)
erga Romanum Pontificem decerent, Joan-
ni Marianæ visa sunt ^h. Non autem dubi-
to quin in errore cubet ejusdem Roderici le-
ctio vulgaris, dum Imperatori (Constantino
scilicet Pogonato, aut Justiniano ejus succes-
sori) Constantinopoli degenti, id quod Ro-
mæ factum fuit, nempe Apologetici à Julia-
no transmissi, lectionem & approbationem,
quæ quidem non alii quàm summo Ecclesiæ
præsuli, ad quem directum fuerat, compete-
bat, incongruenter attribuit.

^h Lib. 6. cap.
28.

ⁱ Lib. 12.
cap. 58.

392. Clarissimus vir mihi quæ pro Theseo
nostratis historiæ Ambrosius Morales ⁱ, ad
hunc locum veniens observavit plura in libris
Roderici vulgaribus menda contra veterum,
quos se se vidisse testatur, manuscriptorum
codicum fidem, atque, inter alia, istud, quod
nunc arguimus, de Imperatoris importunè
facta hoc loco mentione, cujus loco mentio-
nem Pontificis laudati codices diserte habent,
inolevisse. In duobus etiam codicibus Tolet-
anis, altero cœnobii S. Joannis Regum ordi-
nis S. Francisci, altero bibliothecæ templi ma-
ximi, ex quibus variantes lectiones curiosissi-
mè olim decerptas apud me habeo, pro illis
atque Imperator acclamando &c. constanter
legitur: *atque Imperatori acclamando*. quam
lectionem absurdi nihil continere contendimus;
si nempe summus Pontifex lecti & ap-
probati Juliani opusculi exemplum, cum ac-
clamatione seu elogio: *Laus tua Deus in
fines terræ*, ad Imperatorem Constantinum
religiosissimum principem, qui Constantino-
politaneæ magnæ Synodi congressum, & Mo-
nothelitarum damnationem promoverat, te-
stimonio ei futurum, ultimæ orbis terrarum
Hispanæ Ecclesiæ, cum Græca & universali
conspirantis, transmissit.

393. Nisi placeat Rodericum ex Isidoro
Pacensi, è cujus ore verba sæpius capere
amat, corrigere; ut *atque summo Imperatori
acclamando*, quomodo editum est in Sando-
valis Isidoro, legatur. Sergium quidem Pa-
pam laudant Morales & Mariana, atque hic
Rodericum in re laudans, ad cujus manus
jam Petri regentis cathedram liber pervene-
rit. Ego in Roderico Sergii nomen haud in-
venio. Item cum hic post Benedicti, & qui
Benedicto successerunt, Joannis V. & Cononis
obitum, non ante annum DCLXXXVII.
exaltatus fuerit, vix admittendum existimo,
alii quàm Benedicto Apologeticum directum,
quod ait Felix, aut ab alio quàm à Joan-
ne ejus successore, qui Novembri mense
DCLXXXVI. in Pontificatum ascendit, re-
ceptum fuisse. Quòcum bene convenit quòd
Julianus ipse inter patres Toletanos anno
DCLXXXVIII. Concilium xv. celebrantes,
ante biennium sese scriptum illud ad partes
direxisse asserit. *Has sanè* (inquit ^x) *quatuor
specialitates capitulorum* (tria tantum libri
titulus apud Felicem cur expresserit scire
aveo) *quæ ut à nobis solida efficerentur, hortati
sunt, quid à quo fuerit doctore prolatum, conge-
sto in uno responsionis nostræ libro catholicorum*

^x Edit Loati-
se pag. 671.

dogmate patrum ante hoc biennium parti illi por-
rexissemus dignoscendum.

394. Unum autem & alterum, antequàm
ab Apologetici hujus mentione discedamus,
annotare opus. Primum est Pseudo-Julianum
falsa dicere in suppositio Chronico ¹, quum
ita ait: *S. Julianus misit Apologeticum cum expo-
sitionibus ad Papam Sergium, & carmine ad
Imperatorem Heraclium Justinianum in laudem
ipsius. Respondent illi eleganti epistolæ* ^m. Similia
Pseudo-Luitprædus ad an. DCLXXXIX. Ser-
gius, uti jam monuimus, ann. DCLXXXVII.
cathedræ Petri fuit impositus. Julianus verò in
Synodo Tolet. sequenti an. DCLXXXVIII.
habita, professus fuit se ante biennium Ro-
mam direxisse. Non ergo ad Sergium, non-
dum eo tempore Pontificem, quod ait Julia-
nus, mittere potuit, nisi ter scripserit Romam
asseramus antistitem Julianum; semel quidem
cum confessione Ecclesiæ Hispanæ, seu Con-
stantinopolitani dogmatis approbatione; ite-
rum privata destinatione Benedicto dirigens
Apologeticum jam dictorum; tandemque ter-
tiò eundem Concilii nomine & auctoritate
præsignatum, cum Sergius jam esset Ponti-
fex. Quod quidem innuere videtur Isidorus
Pacensis,

395. Planè tamen à vero abit in eo, quòd
Justinianum II. cognomento *Rhinormatum*,
hoc est, *naso truncatum*, Constantini Pogonati
filium, Heraclium Justinianum appellat. Si-
lent enim de hoc agnomine Græci omnes &
Latini; quo tamen alicubi, scilicet apud Lu-
cam Siculum, veterem historicum, appella-
tum fuisse Constantinum saltem Pogonatum
patrem, testimonio contendere potest Baronii
Cardinalis ⁿ. Hic est Petrus Siculus, non
Lucas, *De vana & stolidâ Manichæorum heresi*
scriptor, quem cum Latina versione publica-
vit primus Ingolstadii Matthæus Raderus ^o,
quemque laudatus Cardinalis nunc Lucam,
nunc Petrum, annotante Vossio in *De histo-
ricis Græcis* ^p, vocat. Sed fefellit; summum
virum is, qui ei Græca Siculi Latine submi-
nistravit. Quæ enim Latine apud Baronium
sonant, *de singulis è vestigio refert* (Episcopus
Coloniz Armeniz) *ad Imperatorem Justinia-
num Augustum, qui post Heraclium Constanti-
num imperii sceptrâ gubernavit*, Græcè aliter
habent, scilicet: *ἀνίσταται πρὸς τὸν βασιλῆα Ἰου-
στινιανὸν, τῷ μετὰ Ἡρακλεῖον Κασιδιάρτῃ*. Quæ Ra-
derus vertit: *De singulis è vestigio refert ad
Justinianum Augustum, qui post Heraclium
imperii sceptrâ gubernavit*. Miminè quidem
Heraclii nomine Constantinum Justiniani
junioris patrem, ac in imperio antecessorem,
significare voluit, quod existimavit Baro-
nius, Græcus auctor; sed cum Justinianos
duos, alterum ante alterum post Heraclium
imperio præfuisse nōset, posteriorem hunc
intellexit subindicavitque. Nec novum est
aut infrequens, cum bono illo Homero,
pseudo-historicos dormire nostros.

396. Prosequitur idem hypobolimæus
Julianus, misisse Julianum Toletanum unà
cum Apologetico, & ejus expositionibus, car-
men ad Imperatorem in laudem ipsius. Quin-
immo & ad Sergium Papam carmen aliud,
Isido-

¹ Num. 361.

^m Epistola
forlan.

ⁿ Ad ann.
DCLXXXV. num. 2.

^o Anno
MDCIV.

^p Lib. 4. cap.
19.

Isidorus Pacensis ansam dedit. *Apologiticum factum Romæ* (Romam dicere voluit) per suos legatos &c. Iterum: cum versu acclamatorio q, secundum quod & olim transmisserat, De laude Imperatoris, mittit. Hac super Isidori area (bone Deus!) quam sumptuosè ædificavit Pseudo-Juliani architectus! Prolixam quidem totius rei narrationem, cum duplici carmine, altero ad Justinianum Imperatorem, altero ad Sergium Papam, tanquam Chronici partem, ab Hieronymo Higuera in Notis ad Luitprandum r exhibitum legimus. Quæ quidem olim, ut coagmentaretur postea corpori, formata, prætermissa est tamen eò immitti, & in armariis Toletani Promethei tanquam truncus iners relicta; è quibus tandem à Ramirezio s educta, insignem oppidò figlinæ Toletanæ indicem atque vestigium chartis impressit. Tota enim illa, quæ uti Julianæ Chronici portio ab Higuera laudatur, è Chronico nunc abest. Quare nec præstabimus ei fidem, quæ & auctori ipsi parum digna, & inepta etiam Julianæ quif. quiliis commiseri, visa est.

397. Qua in censura, interim dum nobis de codice Juliani Archiepiscopi carminum aliquo præjudicatæ auctoritatis non aliàs constat, duo illa carmina, ad Imperatorem, & ad Sergium Papam, comprehensa velim, tamquam supposititia & recentioris manus. Non enim alia, quàm è Juliani Pseudo-Chronico excepta verba producere voluit notæ auctor Higuera; quantumvis partem ejus rotundo, uti vocant, partem vero cursivo characterè, quasi non ejusdem auctoris verba essent, typographus per errorem ediderit. Quod enim se è manuscripto libro sanctæ Justæ carmina ista deprompsisse auctor ait, non ad Higuera, qui nullà fuit unquam S. Justæ bibliothecà aut codice usus; sed ad eum, qui simulavit se Julianum sanctæ Justæ archipresbyterum, absque dubio referri debet. Sed jam pergamus ad alia opera.

398. De remediis blasphemie libellum, cum epistola ad Adrianum abbatem.

399. De sextæ ætatis comprobatione (aliàs demonstratione) adversus Judæos; qui habet in capite (ait Felix) orationem & epistolam ad dominum Ervigium Regem. Describit & ipse argumentum & partitionem operis. Est tamen (ait) idem codex tribus libris distinctus. Nam primus eorum habet veteris Testamenti quamplurima documenta, quibus absque aliqua supputatione amorum Christus Dei filius, non nasciturus, sed jam natus, patulè declaratur. Secundi verò series libri decurrit per ostensam Apostolorum doctrinam, quæ dilucidè monstrat Christum in plenitudine temporis de Maria Virgine natum, non in annis à principio mundi collectis. Tertiū quoque libri excursus sextam ætatem, in qua Christus natus est, baud dubiè adesse veris documentis ostendit; in quo quinque præteritæ ætatis sæculi, non in annis, sed præfixo generationum limite, distinguuntur. Huc usque Felix.

400. Exstat opus inter Veterum patrum opera volumine quarto, quod & olim, ac primum lucem viderat Hagenoæ per Joannem Secerium MDXXXII. in 8°. unà cum Testa-
Bibliotheca vetus Hispana Tom. I.

mento xli. Patriarcharum filiorum Jacobi, per Robertum Lincolnensem Episcopum è Græco in Latinum converso. Suam huic editioni commodavit operam Menardus Moltherus Augustanus, vetusto exemplari usus Laurentii, monasterii Eberbacensis in Phenigoia abbatis, præfationemque multa cum operis commendatione adjecit. Laudavit quoque olim Isidorus Pacensis in fine sui Chronici. Sic enim (ait) sanctissimus Julianus Toletanus Episcopus in librum t, quem contra Judæos de sex ætatibus sæculi scripsit, dicens &c. Sequuntur verba ipsius Juliani, ac post integrum ejus testimonium, denique (ait) sanctissimus, & valde in hoc opere pretium u doctissimus Julianus sic in libello inquit, quem supra fati sumus. At quæ libro tertio hujus demonstrationis continetur, annorum supputationem, paulò aliter digestam, & emendatiorem eà, quæ apparet in editionibus Bibliothecæ SS. PP. Parisiensi & Colonienfi, inventam à se in ms. exemplari, annotatum voluit Philippus Labbeus in Nova bibliotheca mss. librorum, sive spectamine antiquarum lectionum x. Possevinum consule in Apparatu, Barthium lib. 19. Adversariorum cap. 14. ubi & multis aliis operis vasti ac doctissimi locis quædam ejus sanat, explicat, illustratve testimonia. Absolutum sanè hoc à se opus fuisse anno Domini DCLXXXVI. sub Conone Pontifice Romano, jussuque Ervigii Regis, testatur ipse auctor in epistola præliminari ad Ervigium, & in fine libri tertii.

401. Librum carminum diversorum, in quo sunt bymni, epitaphia, atque de diversis causis epigrammata numerosa. Ita Felix. Andreas nosster Resendius ad Bartholomæum Quevedum scribens z ait, se in Germania vidisse carminum Juliani libellum, sed apud hominem, qui neque unius diei usuram præstare voluerit. Venetiis in bibliotheca S. Antonii, quæ fuit Cardinalis Grimani, opusculum quoddam Juliani Toletani Ecclesiæ Episcopi extare docet Thomassinus a, cui annexitur (ait) opusculum carminibus exaratum antiquissimo characterè. Quæ verba an huc pertineant, lectoris judicium esto. De carminibus ad Sergium Papam, & ad Justinianum Juniorem Cæsarem directis, interim abstinemus, dum non ostendatur nobis unde ad posteros ea pervenerunt, censuram adjicere.

402. Librum epistolarum, plurimarum, ut ait Felix.

403. Librum sermonum; in quo (idem ait) est opusculum modicum de vindicatione domus Dei, & eorum qui ad eam confugiunt. De eodem argumento est liber Responsionum, de quo infra.

404. Ἀντικείμενον librum, de quo Felix. Item librum (ait) De contrariis; quod Græcè ἀντικείμενον voluit titulo adnotari; qui in duobus divisus est libris, ex quibus primus dissertationes continet veteris Testamenti, secundus novi. S. Isidorus lib. Originum 2. cap. 31. Contrariorumque genera quatuor sunt, quæ Aristoteles anticimena, idest opposita, vocat. Sive τὰ κίμιστα apud Græcos ii sunt loci, sive Sacræ scripturæ, sive aliorum auctorum, qui explicandi proponuntur, quos

q Maltè apud Sandovalis editionem veteris acclamatoris.

r Ad ann. DCLXXXVIII. pag. 369.

s Edidit hic Luitprandi opera cum Hieronymi. Higuera Notis ad Chronicon, Antuerpiæ MDCCI.

t Libro.

u Anpre-
sio?

x Pag. 2.
edit. Paris.
MDCLIII.
y Tomo 1.
pag. 986.

z Exstat
epistola beati
docti tomo 2.
Epist. illustrata

a Bibliotheca
Veneta
pag. 9.

quos vulgò dicimus *Textus*. S. Joannes Chrysostomus homiliâ 39. in *Genesin*: "Εὐδὲτε ἀγαπᾶται πᾶς ἰδὲν ἀπὸν τῶν παρὰ τῷ θεῷ γράφει κειμένων. hoc est, vidistis, dilectissimi, quomodo nihil est otiosè in divina Scriptura positum. Ex quo præcipuè testimonio hunc vocabuli usum aliud agens confirmavit vir doctissimus ac diligentissimus Petrus Lambecius Cæsareus Leopoldi I. Imperatoris chronographus & bibliothecarius *Commentar. de bibliotheca Cæsarea* lib. 6. ^b Ἀντιθέμια igitur contrapposita, sive opposita, utriusque Testamenti sunt, quæ explanantur, testimonia.

^b Pag. 76.

405. Editum fuit jam olim absque auctoris nomine Joannis Alexandri Brassicani jurisconsulti operâ Basileæ MDXXX. Deinde ex officina Colonienſi Cervicorni in 8^o. anno MDXXXII. ex codice, nî fallor, Fuldensî longè antiquissimo, Parisiis quoque cum Junilio Africano in *Genesin* prodit. Sed Andreas Schotus Juliano Toletano restituit, ut infereretur cum ejus nomine magnæ veterum patrum bibliothecæ Colonienſi, in cuius xv. volumine nunc legitur. Felicis quippe fidem sequutus, habuit & alium rei sponſorem, Samsonem abbatem in libro adhuc inedito, sed à Garſia Loaiſa in bibliotheca Toletanæ Ecclesiæ reperto, adversus Hostigesium Malacitanum Episcopum, qui ſab annum DCCCLXIV. scriptus fuit.

406. Xystus tamen Senenſis ^c hoc Ἀντιθέμια opus, quod incipit: *Cur in Genesi septem*, Richardo tribuit Cluniacensi monacho, qui floruit xii. sæculo sub Adriano IV. Papa, & Imperatore Frederico I. cui tamen unicum, quod exſtaret, historicum opus Philippus Bergomas ^d, & Raphaël Volaterranus ^e tribuere. Alphonſus Caſtrenſis ^f Salviano Maſſiliensi eadem adſcribit Ἀντιθέμια. Necnon & ſimiliter inſcriptum opus edidiſſe olim Bertharium Caſinenſem abbatem, teſtes ſunt Leo Oſtienſis lib. 1. cap. 33. *Chronici Caſinenſis*, & Petrus Diaconus *De viris illuſtribus Caſinenſibus* cap. 12. quod Berthario huic adſcriptum poſſediſſe olim D. Conſtantinum Cajetanum teſtis eſt Leo Allatius in *Apibus Urbanis*, & vel nunc exſtare in Caſinenſi bibliotheca, D. Angelus de Nuce. Roſanenſis Archiepiſcopus, amicus noſter, vir optimus & eruditiffimus, in Notis ad Leonis *Chronicon* ^g monitum voluit. Fortaſſe tamen hic diverſus liber eſt à ſuperiore, quantumvis ſimiliter inſcriptus. Ut ut ſit, procul dubio eſſe debet, Ἀντιθέμια opus Julianum Toletanum ſcripſiſſe.

407. *Librum item hiſtorie* (proſequitur Felix) *de eo quod Wambæ principis tempore in Galliis exſtuit geſtum*. Inferuit hiſtoriæ ſuæ hanc hiſtoriam Lucas Tudenſis, ediditque cum nota diverſi auctoris Franciſcus Schotus in quarto volumine *Hiſpaniæ illuſtrata*, ſeorſumque, & Duchefnii poſtea inter ſcriptores *hiſtoriæ Francorum* tomo 1. ^h in multis autem diverſè. Incipit: *Solet virtutis eſſe animorum incitamentum* &c. Veſtigiaque exſtant, vel in principio ipſo, æqualis eorum temporum geſtorumque ſcriptoris. *Hac de re* (inquit) *ut timidus & piger mederi poſſit, relationem præ-*

^h Pag. 321.

teritiæ rei noſtris temporibus geſtam inducimus, per quam ad virtutem ſubſequentia ſæcula provocemus. Affuit in diebus noſtris Wamba &c. Quam quidem Juliani hiſtoriam in Wambanis in Toletanam urbem ingreſſu triumphali, & illis verbis: *eternis proſcriptionibus recognoscat*, tam priore Schoti, quàm poſteriore Duchefnii editione concludi, non rectè, iudicio meo, exiſtimabimus. Julianæ enim proſus eſt, quod ad finem hunc in utraque editione præſcriptum ſequitur, deeſtque in Duchefniana, exſtat verò in Schoti alia; ſed tanquam Lucæ Tudenſis jam ſcriptura ſit; incipitque: *Perfidorum denotata tranſgreſſia* &c. Quod cuicumque, vel minùs attentè legenti, ſtatim liquidò apparet. His quidem nunc primum à nobis Juliano reſtitutis Lucas prædiſtus ſermonis ſui tenorem ibi tandem attexit: *Et quia præpediente malignitatis auctore* &c. Et hiſtoriam hanc publici eo tempore, quo dicimus, juris factam eſſe non animadvertit, cum *De hiſtoriciſ Latinis* ſcriberet, Voſſius, dum ignorare an lucem viderit, attamen propediem viſuram ſperare ſe ait.

408. Hic & Pſeudo-Luitprando argutari in mentem venit; ſed quàm frigide & incogitantè! *Sanctus Julianus ſcripſit vitam S. Ildephoni. Felix præterea ſcripſit vitam S. Juliani Toletani Epilcopi. Idemque adjeçit Chronico, quod ſic incipit*: In nomine Domini incipit *Chronicon*, quod S. Julianus compoſuit. *Illud*: Natus eſt autem Witiza; alii tribuunt *Gunderico*. Nihil de additione certè hætenus reperitur. Falſus eſt & ſtupiditate ſua ſe prodit planus. Julianus non ſcripſit *Chronicon*, ſed de uno Regis Wambanis bello Gallico hiſtoriam. At in quo hiſtoria & *Chronicon* differant, germanus Luitprandus ignorare non potuit, quod pueri ſciunt.

409. Hic non tamen moratur in huius loci notis Pater Higuera. Ait enim: *Chronicon quod nomine Wuſſæ circumfertur, etiam eſt Juliani, niſi quòd illud de Witiza additum eſt à Gunderico, quamquam hoc ultimum tanquam incertum relinquit*. Scripſit igitur, ſi fidem huic habemus, *Chronicon* Julianus noſter. Ita videtur is cenſuiſſe de Wuſſæ *Chronico*, & hanc ſuam ſententiam ut proferret, impoſuiſſe huic ſuo Luitprando, necnon gemello ejus Juliano ad ann. DCXCII. num. 359. de quo nos alibi. Verba etenim illa, quæ Felicis eſſe aut Gunterici annotat, in Juliani hæc, qua de loquimur, hiſtoria, non leguntur. Fortè autem in illa ſunt, quæ Wuſſæ adſcribitur, neque hætenus prælo ſubjecta fuit; ſed tamen proprium hoc fuiſſe nomen illius, qui per brevem Gotthorum uſque ad Hiſpaniæ excidium, ſub quo vixiſſe creditur, hiſtoriam ſcriptam reliquit, & absque ulla cauſa Juliano attribui, loco ſuo, ubi de Wuſſa nobis agendum erit, confirmabimus. Profectò hæc Juliani hiſtoria, veluti continuatio Iſidorianæ de Gotthorum Regibus hiſtoriæ, atque Ildephonſi appendicis, habita fuiſſe videtur: immo & cum Iſidorianis confuſa. *Chronici* etenim Exilienſis auctor anonymus Iſidoro tribuit, & Gotthorum ab eo ſcriptæ hiſtoriæ Wam-

ⁱ Lib. 2. De H. L. cap. 27.

^u In Chron. ad ann. cmlx. num. 361.

^c Libro 4. Bibliotheca.

^d In ſupplemento lib. 12. ad an. mclxxx. e *Anthropologia* lib. 20. ſub tit. *Benedictus*, ejuſque ordo multiplex.

^f Lib. 4. Adv. hæreſes.

^g Cap. 33.

Wambanis adversus rebellem Paullum gesta, uti jam diximus in Isidoro.

410. *Librum sententiarum ex decade Psalmorum B. Augustini breviter summariūque collectum.* Ita Felix obscurā sententiā, Nili decadē tantum primam Psalmorum innuere voluerit.

411. *Excerpta de libris S. Augustini contra Julianum hæreticum collecta.* Hi sunt elaboratissimi illi Augustini, vel ipsius iudicio¹, contra Julianum Eclanensem Episcopum libri sex, de quibus post alios Henricus de Noris Augustinianus noster agit lib. I. *Historiæ Pelagianæ* cap. 21.

412. *De divinis judiciis libellum ex sacris voluminibus collectum, in cuius principio (inquit Felix) est epistola ad dominum Ervigium Comitatus sui tempore* (hoc est cum sub Wambane Comes adhuc & privatus esset, ut constat ex fine, quem assignavimus historiæ Juliani de Wambane Rege in Lucæ Tudensis Chronico) *pro eodem libello directā.* Hic postea Ervigius adversus Regem conspirans, exaudivit eum, & monasterio inclussit iudiciorum divinatorum securus, Casilone autem filiā & hærede in uxorem datā Egicæ Wambanis consobrino, iustaque regnandi formā pii quidem atque modesti principis appellationem obtinuit.

413. *Librum responsionum contra eos qui confugientes ad Ecclesiam persequuntur.* Oportet diversum opus hoc esse ab eo, quod appellavit Felix *De vindicatione domus Dei, & eorum qui ad eam confugunt*, de quo supra, ejusdem tamen argumenti. Quæ quidem duo scripta pro sacrarum ædium immunitate occasionem forsan dedere Concilii Toletani XII. patribus, quos inter fuit Julianus noster, de hac re, canone nempe decimo, cavendi; cum scilicet Reccesvinthi Regis quadam lege, quæ nunc decima sexta est quinti tituli sexti libri *Legis*, ut liber audit, *Wisi-gothorum*, minus ad religionem templorum attentē aut piē sanctum non ita pridem fuisset.

414. *Librum Missarum de toto circulo anni in quatuor partes divisum, in quibus aliquas vetustatis incuriā vitiatas ac semiplenas emendavit atque complevit, aliquas verò ex toto composuit.* Hæc Felix. Pars igitur fuit Julianus integri corporis *Isidoriani* (quod nomen vulgò assumpsit) *libri Missalis*, quo Mixt-Arabes usi postea sunt, de quo egimus in Isidori & Ildephonsi monumentis.

415. *Librum item (Felix tandem ait) Orationum de festivitatis, quas Toletana Ecclesia per totum circulum anni est solita celebrare, partim stylo sui ingenii depromptum, partim etiam in solita antiquitate vitiatum, studiosè correctum, in unum congeffit, atque Ecclesiæ Dei usibus ob amorem reliquit sanctæ religionis.* Hunc librum, & vasto quidem volumine, in Toletanæ Ecclesiæ bibliotheca servari docuit me olim Hieronymus Romanus de la Higuera, historiam ejus adhuc ineditam Toletanæ urbis & regni in schedis legentem. In eo autem, qui penes nos est, accuratissimè transcripto ejusdem bibliothecæ catalogo nihil, quod ad hunc Orationum librum respicere videatur, offendimus.

416. Adjicienda sunt ad Felicis hanc librorum Juliani enarrationem, quæ aliàs de his legitur. Hujus namque esse pro certo habetur.

417. *Appendix ad librum sive additionem S. Ildephonsi De viris illustribus.* sive potius unicum ejusdem sancti viri elogium. Quod tamen Cardinalis Baronius Juliano alteri, hoc est Toletanæ Ecclesiæ, non quidem Episcopo, verum diacono, attribuit^m, existareque ait loco præfationis in volumine S. Ildephonsi operum, quæ in lucem protulit Franciscus Fev-ardentius. mss. libri, vel Juliano diacono, vel Juliano Episcopo adscribunt. Nec diversi sunt inter se. Julianus enim, quum Ildephonsus ad superos abiit, diaconus adhuc fuisse refertur, unde potuit elogio inscribere Julianum diaconum. Patet id quod assumimus ex Felice. *Post decessoris sui obitum divine memoriæ Ildephonsi à decimo septimo ferme anno Reccesvinthi principis, necnon & per omne Wambanis imperii tempus, usque ad tertium regni gloriosissimi Egicani Regis annum, in levitici, presbyterii, ac Pontificatus honore confiscentis celebre nomen obtinuit.* Sunt & codices, qui Felici duo hæc elogia, & Ildephonsi & Juliani, attribuunt^a. Ediderunt hanc appendicem Lipomanus & Surius die xxiii. Junii. Quæ & existat in catalogo scriptorum Ecclesiasticorum, qui editus fuit in S. Isidori operum Matritensi editione, unde Miræus ad suam transtulisse videtur.

418. Henricus Canisius ex codice bibliothecæ Bavaricæ ms. publicavit 1. tomo *Bibliothecæ SS. PP.* Bignæi, Juliano nostro adjudicans,

Commentarium in Nahum Prophetam; at tamen mutilum, aut vix ceptum: quatuor enim tantum expositionem Prophetæ verbum laudatus codex continebat. Sed de Juliano hæc satis.

419. Ad Idalium Barcinonensem Episcopum direxisse Julianum jam audivimus cum *Prognosticum futuri sæculi*, tum quoque *Responsionum* quendam librum. Quiquidem IDALIUS, & ad nos pertinere videtur, si vera sunt quæ de eo Hieronymus Paullus, vir doctissimus, ducentis ab hinc ferè annis, & Franciscus Tarrafa, Hieronymi Pujades testimonio^o scriptum reliquere; plura nempe ipsam elucubrassè opera, è quibus pauca exstant.

420. Habemus certè unam & alteram epistolam, quarum prior ad Julianum directā est, cujus supra mentionem fecimus, in *Spicilegio Dacheriano* conservata ex ms. libro Corbejenfis monasterii. Posterior hanc sequitur in eodem *Spicilegio* ad *Zunifredum Narbonensis primæ sedis Episcopum*; mittens ad eum Juliani Toletanæ primæ sedis Episcopi, hoc est metropolitani, *Prognosticon futuri sæculi*. In qua epistola notandum est parvam tunc fuisse urbem, quæ nunc adeò increbuit, Barcinonem: siquidem ait, *cum devotus essem in hac civitatula, cui indignus presideo.* Hunc Narbonensem antistitem Zunifredum vocat Rodericus Toletanus lib. 3. *Histor. Hisp.* cap. 12. & 13. ex eoque *Gallie Christianæ* auctores. Concilio quidem is inter-

1 Lib. 2. Re-
v. ad. cap. 62.

m Tomo 8.
ad an. dclviii.
num. 43.

n Notas
consule Jo.
Bap. Perézii
ad hoc Ilde-
phonsi elogiū
in edit. Matrit.
Oper. S. Isidori
tomo 2. pag.
137.

o Lib. 6.
De la corona de
Catalunya.
cap. 132.

p Tomo 2.
pag. 113.

terfuit Toletano decimoquinto primus post metropolitanos: quod Concilium cum celebratum fuerit anno DCLXXXVIII. Idalii in eo locus satis indicat antiquioris ordinationis prærogativâ cæteros præcessisse. Certè in huic proximè antecedenti Nationali, quod inter Toletana decimumtertium audit, ante quinquennium habito, Laillus diaconus ejusdem Idalii vices egit. In XII. similiter totius Hispaniæ, quod in ann. DCLXXXI. incidit, ejus nomen desideratur; sed neque ullius Barcinonensis exstat Episcopi. Quare ab anno DCLXXIV. successisse Raymundo Idalium credit Pujades^q, vixisseque usque ad annum DCXC. vel circiter^r.

421. Eundem Julianum Toletanum antistitem laudavit, sive elogio ornavit, FELIX, & ipse Toletanus post Hispalensem (quod ex Concilii XVI. hac in urbe celebrati constat actis) præsul. Subjicitur vulgò id elogium Ildephonsi libello *De scriptor. Ecclesiast.* & Juliani ejusdem *De Ildephonso* appendici. Erat in vivis adhuc anno DCXCIV. quo celebratum fuit Concilium Toletanum XVII. cui hunc interfuisse, subscriptiones licet intercederint, Rodericus Toletanus docet. Hunc Felicem Pseudo-Luitprandus Iriensem fuisse ante alia Episcopum, Julianique Chronicon nonnihil auxisse, concionatorem magnum, necnon acerrimum Fidei defensorem, ac B. Virginis Mariæ clientem exstitisse, credere nos voluit^s. Iriæ fuit revera Episcopus Felix quidam, ut ex subscriptionibus Conciliorum Toletanorum XII. anno DCLXXXI. XIII. DCLXXXIII. XV. DCLXXXVIII. novimus. Hunc tamen Felicem Iriensem, Hispalensibus inde mactum infulis, ut credamus, aliis testimoniis pervincendum est. Quale autem Juliani Chronicon idem continuaverit Felix, edoceri cupimus, qui nec fidem habemus Pseudo-Juliano, eundem libelli de XII. scriptorum Vitis auctorem jactanti^t.

422. TAJUS Cæsar-augustanus antistes, S. Braulionis successor, notior est quàm ut necesse nunc sit referre, missum vulgò jactari eum à Cindasvintho Rege, sive à Concilii VII. Toletani patribus, Romam, cui tunc præerat Pontifex Theodorus, venisse pro quærendis S. Gregorii *Moralium in Jobum* libris, qui olim ab auctore ad Leandrum Hispalensem antistitem remissi jam non invenirentur; revelationem ei Romæ in Ecclesia S. Petri factam, locumque ab eodem Sancto Gregorio digito monstratum, in quo exemplar Romanæ bibliothecæ consignatum latebat. Cujus rei historia vulgò edi solet inter sanctissimi doctoris opera in *Moralium* limine, atque apud auctores rerum Hispanarum^u celebris est, de qua nos infra.

423. Hujus carmen in sepulchro apponendum Honorati, quem *germanum suum*, *Cæsar-augustanumque* vocat, atque insuper *Hispalensem Archiepiscopum*, in additionibus ad Maximi Chronicon^x legimus. Epitaphium certè quoddam in lapide Hispalensi semeso atque divulso servatum fuit mutilum à Benedicto Aria Montano, posteaque à Joanne de

Torres, uti refert in Notis ad hocce carmen Rodericus Carus: sed neque in illo Honorati nomen, nec Hispalis urbis mentio ulla. Insuper, non omnino conveniunt epitaphium hocce lapidi insculptum in iis quæ legi possunt, & epitaphium quod Tajoni tribuitur: quod utique necessarium esset, unum ut existimaretur idemque Tajonis carmen Honorati sepulchro destinatum. Quare potius credimus fabricatum hoc Tajonis nomine carmen sepulchrale ab eo, qui vidisset Hispali, aut exemplum habuisset, mutilæ illius inscriptionis ab Aria Montano inventæ, atque deletas & fugientes literas ex conjectura eum supplevisse, ut inscriptio esset Honorati Episcopi Hispalensis sepulchro adaptata. Cujus cogitationis nostræ censuram eruditis viris relinquimus examinandam. Certè Rodericus Carus in Nota ad hocce epitaphium suppositionem & imposturam clarissimè arguit.

424. Huic eidem Tajoni adscriptos fuisse scio ab Joanne Mabillone Benedictino in Notis ad *Analecta sua vetera*^y, *libros quinque Sententiarum ex S. Gregorii operibus*. Hos aliàs vocari *Collectaneorum* constat: nam exstare in bibliotheca Parisiis antiquissimo & optimæ notæ codice exaratum *Collectaneum ex operibus Sancti Gregorii à Tajo Cæsar-augustano Episcopo anno DCL. compositum*, docuit nos Petrus Guffanvillæus Carnotensis presbyter in præfatione ad tertium tomum operum magni doctoris editionis ultimæ Parisiensis anni MDCLXXV. Post quam laudatus nuper Mabillonus altero in publicum dato *Analectorum* volumine publicavit *Tajonis Episcopi Cæsar-augustani præfationem ad Quiricum Barcinonensem antistitem, in quinque libros Sententiarum à se collectos ex operibus Sancti Gregorii Papæ*, cum initio ipsius operis. Quod quidem pretiosissimum antiqui illius ævi fragmentum haberi debet, cum in hac præfatione mentio fiat cujusdam Froiæ rebellionis adversus Reccesvinthum Regem, & Vascanum è Pyrenæis montibus à tyranno promotorum in Hispaniam, præcipue Tarraconensem proximam, incursionis, victoriæque de his à quodam Regis duce reportatæ: de quibus Rodericus Toletanus breviter lib. II. cap. ultimo. Quo quidem tempore ait se in urbe Cæsar-augusta inclusum ob hostium metum per nocturnum otium S. Papæ Gregorii Romenis sententiarum capitula in quinque libros discretæ uno codicis textu colligendo decerpisse; ita ut ab ipsa protoplasti formatione Hierusalem & Babylonis cives, electos scilicet ac reprobos, virtutibus ac vitiis deditos, discreto rationis ordine protulerit; monetque se ubi ad supplenda titulorum capitula in Gregorii opusculis reperire minimè potuit, ex libris S. Augustini pauca congerere curasse.

425. Hæc totidem ferè verbis ille: cujus & affixum præfationi carmen hoc edidit Mabillonius:

*Quisquis amat sacram lector addiscere legem,
Hunc nostri studii librum percurrere legendo:
Repperies facillè quicquid cognoscere malis.
Florea cuncta gerit [tum] præta virentia gestat.
Pascit*

^q Lib. 6. cap. 123. & 127.
^r Cap. 132.

^s Chronico ad an. DCXCIII. & CCC.

^t Chronico p. 363.

^u Roderic. Toletan. lib. 2. cap. 20. Mariana lib. 6. cap. 8. Morales lib. 11. cap. 25. Padilla cent. 7. cap. 36.

^x Edit. Hispal. fol. 232. Matrit. Bivarri pag. 56.

^y Tomo 1. pag. 317.

*Pascit imantis oves sincera animalia Christi,
Ostendit patriam celsam, regnumque potentem,
Tartareos ignes, & tristia non finienda.
Entibi Christus adest regnum conferre beatis,
Impiis è contrà horrenda supplicia confert.
Sublimis anima conscende ad regia celi:
Impiger adcurre, careas ne premia tanta;
Es piceis fontis horrendas despice flammis.*

426. E quibus utiq; constat non viri tantum doctum, sed & poetam idoneum Tajum fuisse. Sequitur principium & primus titulus primi sententiarum libri, quod Deus immutabilis, summas, & æternus existat, paucaque è textu verba, necnon & Quirici responsoria epistola; de qua in Quirico dicimus. Mirum autem videri debet, nullam, occasione laudandi Gregorium atque eo utendi, factam ab eo mentionem repertorum à se miraculose Romæ librorum *Moralium* sancti doctoris, cum id contigisse Cindasvinthi auspiciis feratur; hæc autem jam Reccesvintho Rege scripserit. Subnectit omnibus his notam Mabillonius, admonens se opus istud in codice illo Thuanæ bibliothecæ vidisse; primumque sibi videri Tajonem, ad cuius exemplum alii cum Petro Lombardo collectiones hujusmodi aliàs condiderint, commendatque hanc præfationem uti rebus Hispanis illustrandis utilem.

427. *Tagii sententiarum volumen*, quod Fontanellensi monasterio donasse Ansigisum ejusdem abbatem circa ann. DCCCXXIII. ex Fontanellensi Chronico Dacheriano constat, de hoc eodem opere intelligendum est.

428. Nihili autem sunt fragmenta, ut jactant, hujusmet Tajonis, quæ cum aliis Braulionis & Helece Cæsar-augustanorum præsulum Pseudo-Julianus laudat in Chroniconum. 414. alludens ad epitaphium Honorati Hispalensis, de quo supra diximus.²

CAPUT VIII.

Falsò attribui scriptoribus nostris VERECUNDUM, seu VERGUNDUM Episcopum Africanum à Pseudo-Luitprando, RECCESVINTHUM abbatem ab eodem, GAUDIOSUM Turiassonensem Episcopum à Pseudo-Braulione. De hoc & S. VICTORIANO ejus magistro quædam annotantur Venantii Fortunati carmen ad Victorianum hunc pertinens producit. Spata verbum Pseudo-Hauberti fabula impudens de BONIFACII IV. Pontificis Hispanis natalibus. Argazii contumacia & temeritas. Pseudo-Haubertini hujus sæculi scriptores, LIBERATUS & BERITUS monachi. Ejusdem Pseudo-Hauberti in SOPHRONIO Hierosolymitano Patriarcha impudens mendum.

EXSTAT, in septimo isthoc sæculo non unus alterve, qui nomen invaserit Hispanum, in ordinem suum reducendus auctor.

429. Primus est VERECUNDUS, aliàs VERGUNDUS, cujus recordatur anonymus (quem Isidorus, nec alium, diximus) de XII. scriptoribus Ecclesiasticis, qui Isidoriano & Ildephonsino syllabis appendi solet. *Vergundus*

(ait) *Africanus Episcopus studiis liberalium litterarum disertus, edidit carmine dactylico duos modicos brevesque libellos, quorum primum De Resurrectione & judicio scripsit, alterum verò De poenitentia, in quo lamentabili carmine propria delicta deplorat.* Posteriores hunc vidit in codice Ovetensis Ecclesiæ Joannes Baptista Perezus, cujus hoc erat initium:

Quis mihi mæsta dabit lacrymosis imbribus ora? ut monet ipse in Notis ad hunc locum, quas cum crederet Garfise Loaisæ esse Haubertus Miræus, falsò hunc auctorem rei laudat.^a Hunc ipsum *De poenitentia* librum cum scholiis Joannis (Michaëlem dicere debuit) Ruizii Azagrii à secretis Bohemiæ principum, viri doctissimi, possidere se, in nota quadam ad Luitprandi Chronicon, cujus statim nova mentio incidet, Hieronymus Romanus de la Higuera nos docuit.

430. At eundem fuisse Vergundum istum cum Verecundo Nicensi, provinciæ Byzacenæ Episcopo, trium capitulorum defensore, qui jussu Justiniani Imperatoris exsul Chalcedone diem suum obiit, Victore Tunnunenfi referente^b, idem Perezus, necnon & Azagrius, quem scholia ad hunc auctorem scripsisse ex Higuera annotavimus, non temerè existimaverunt. Quem quidem bene potuit Isidorus eo posterior (si auctor is fuerit hujus operis) laudare. Non autem Verecundum monachum, S. Eugenii Toletani præsulis diaconum, quem postea fuisse Uticensem in Africa Episcopum, hujusque præconii argumentum, cum Pseudo-Luitprando suo idem Hieronymus Romanus finxit, Pseudo-Luitprandum audi sis: *Verecundus Episcopus Uticensis in Africa, vir magnus ingenio & piis editis libris, moritur.* Qui prius scripserat^d: *Floret Toleti archipresbyter Verecundus, cujus meminit S. Isidorus. Fuit postea idem Episcopus Africanus.* Juxta quæ duo testimonia Hieronymus Romanus de la Higuera in Nota ad prius istud, archipresbyterum Toletanum hunc, & Uticensem Episcopum fuisse contendit, atque eundem cum laudato in appendice *De viris illustribus* Vergundo. In Isidori *De viris illustribus* libello dicere debuit cum Luitprando suo.

431. Sed mirare jam viri docti crassissimum errorem. Hunc (Michaël Ruizius Azagra) putat fuisse illum, cujus meminit in Chronico Victor Uticensis. At fallitur. Utica in Italia est, non in Africa. Felix (quem auctorem credit appendicis) vocat Episcopum Africanum. Fallitur quidem ille adeò, ut vix credibile fiat ignorasse virum talem geographiæ amantissimum celeberrimam Africæ urbem Uticam, à quo Uticensis, quod ibi sibi manus intulerit, Cato. Maximè cum alibi in schedis ejus legerim non ea propter reprehensum ab eo Azagram, quod Uticam, sed quod Niceam & Nicensē urbem in Africa dederit, ut Victori Tunnunenfi secundaret, qui hanc sedem Vergundo tribuit: ut jam dicimus. Conveniunt ergo in assignanda Episcopatus plaga Pseudo-Luitprandus cum auctore appendicis, & Tunnunenfi Victore. At primus ille *Uticensem*, Victor (uti diximus) Ni-

^a In Notis ad hunc anonymum cap. 6.

^b In Chronico post Consul. Basilii anno undecimo & duodecimo

^c Ad ann. DCXLVII.

^d Ad ann. DCXXXVI.

² Exstat apud nos epistola quedam nondum edita, cum hæc inscriptione: *Sacristano & venerabili domini meo Eugenio Episcopo Toletano urbis, Tajus ultimas serous servorum Dei Cæsar-augustinus Episcopus.* Quam aliquando publici juris faciendus. CARD. DE AGUIRRE.

ccn-

e In The-
sauro Scalige-
riano, & 4. to-
mo Hisp. illust.
& alijs.

censem, quod vulgò editur *, sive *Juncensem*,
uti legisse videtur in mss. codicibus, quibus
utebatur, Joannes Baptista Perezius, vocant.
Quicquid sit, transmigrationis hujus auctor
ex Toletana Ecclesia ad Uticensem Vergun-
di, seu Verecundi, unicus assertor Higuera
est, ficulneæ, immo falsissimæ, rationi sub-
nixus.

f Ad Ann.
DCLVIII.
num. 117.
g In Chron.
num. 349.

432. Majori opera contentum fuit, ut
crederemus de RECCESVINTHO abbate. Pseu-
do-Luitprandus: *Reccesvinthus abbas Bene-
dictinus Bracarenfis floret*. Pseudo-Julianus
ambitiosè magis: *Reccesvinthus abbas Bra-
carenfis patriæ ex Benedictinis floret*. Poëta
& orator egregius, cujus ad Ildephonsum ex-
stant epigrammata, & nonnullæ epistolæ spiran-
tes pietatem. Scripsit etiam in laudem XVIII.
martyrum, & S. Ucatridis Bracarenfis, qui
SS. MM. omnes prius jacuerunt in B. Virgine
de Pilari. Hæc ille Julianus, qui lucem post
Higueræ obitum vidit, non verò ille, quem
sub oculis eidem erat Higueræ, quum *Toleta-
nam* formabat historiam. Urgemus frequen-
ter, jureque fictitios auctores istos ejus Higue-
ræ testimonio, qui primus excepisse eos, lau-
dasse, atque alijs communicasse, totius Hispani-
æ judicio & existimatione verè creditur.
Meminit is lib. 13. cap. 6. Reccesvinthi ab-
batis his verbis, quæ ex vernaculis Latina de-
dimus: *Hoc tempore floruit quoque Reccesvin-
thus abbas ordinis S. Benedicti urbis Bracaren-
sis, magnæ vir existimationis ac doctrinæ, quem
Julianus ait archidiaconus his diebus floruisse*.
Devotissimus fuit quorundam Sanctorum, fecit-
que in eorum laudem quoddam epigramma, quod
undè cum alijs S. Eugenii III. circumfertur. Mi-
sit hunc Liuba Bracarenfis metropolitani uti
precipuum suum vicarium ad Concilium istud
Toletanum. Intelligit xiv. sub Ervigio anno
hujus sæculi octogesimo quarto.

h Vulgaria
hic in margine
apponere pla-
cuit. En este
siempo floreció
sambien Recce-
vindo abad de
la Orden de S.
Benito de la ciu-
dad de Braga,
persona de mu-
cha cuenta, y
letras; de quien
dize el acedia-
no Julian, que
floreció en estos
dias. Fue muy
devoto de algu-
nos Santos, y co-
mo tal les hizo
cierto epigrama
que anda con
los epigramas
de San Eugenio
tercero. Embiòle
Liuba metropo-
litano de Braga
por su principal
Embaxador à
este Concilio, &c.
Et postea: Esto
he dicho por la
obligacion deste
abad, que era
grande, y mayor
seran el y ellos
naturales de
Braga, que nolo
he yo podido a-
veriguar. Tan-
demque post
hymni seu car-
minis mentio-
nem: Ambrosio
de Morales (ait)
haze estos ver-
sos de San Eu-
genio. Yo no los
hallé sino entre
los de Reccevin-
tho, entre otros
que compuso à
Santos.

433. Inde ait, composuisse eum in lau-
dem S. Encratidis, sive Engratiæ, atque ejus
sociarum martyrum Cæsar-augustanarum, eo
nempe motum, quod sibi concives, hoc est
Lusitanæ, fuissent. Infit inde: *Hoc diximus
propter abbatis debitum, quod magnum fuit,
atque eò majus, si tam ille quàm hic Bracaren-
ses natu fuere, quod nondum certò scire potui-
mus*. Hymnum deinde producit, absolvitque
his de Reccesvintho mentionem: *Ambrosius
Morales credit carmen hoc S. Eugenii esse*. At
ego illud reperi cum alijs Reccesvinthi, quæ in
Sanctorum laudem composuit. Ex qua Higueræ
confessione colligimus Juliani adhuc puri &
incorrupti, si talis aliquando fuit, verba Hi-
guerae laudata, pauca illa esse, quæ postmo-
dum turbatis rebus in Pseudo-Luitprandi vi-
ciniam migravere, totumque illud, quod Ju-
liano affictum fuit, Reccesvinthi elogium,
ex Higueræ conjecturis, quas ex ore ipsius
nuper excepimus, fabricatum postea fuisse.
Cur autem de Reccesvinthi carminibus fidem
ei habebimus, qui adeò inhonestè suam ipsius
fidem his postea fictionibus decoxisse credi-
tur, & Morali denegabimus, asserenti carmen
id, Encratidi atque ejus sociis martyribus di-
catum, S. Eugenii esse, utpote inter ejus alia
reperit opera, quod nec Higueræ ipse ne-

gat? Fuerit ergo Reccesvinthus saltem abbas,
Liubaniſque Bracarenſis in Toletano xiv.
Concilio vicarius, interim dum ad hæc no-
ta & comperta, poëtam quoque illum, &
hymni laudati auctorem existitisse, atque adeò
bibliothecæ nostræ albo inferri dignum, alijs
quàm Higueræ, etiam Luitprando atque
Juliano symmictis suis expoliatus, persuaserit.

434. S. GAUDIOSUS Turiasonenſis Episco-
pus discipulus fuit S. Victoriani abbatis ejus
monasterii, quod ab eodem fundatore nomen
habuit, totius regni Aragoniæ celeberrimi &
antiquissimi; qui Victorianus quinto sæculo,
aut sexto ineunte, ex Italia ad Celtiberos
veniens, intra idem sæculum ad superos abiit:
sanctus autem Gaudiosus, ajente etiam ex
novorum incomptæ originis auctorum ag-
mine, Maximo Cæsar-augustano, utpote
S. Victoriani ejusdem discipulus, hoc eodem
tempore floruit. Et tamen ausus fuit, ana-
chronismi securus, Pseudo-Braulio in addi-
tionibus ad eundem Maximum hanc de S.
Gaudioſo crudè & indigestæ fictionis offam
evomere: *Miraculis multum fulget S. Gau-
diosus Episcopus Turiasonenſis, S. Victoriani in
teneris annis discipulus, postea adultior uxorem
duxit, gratissimus Mauricio Augusto factus est
præfectus prætorio Africæ. Postmodum relicta
uxore Syrica, electione populi clerique Turiaso-
nenſis, ac Gundemari gloriosissimi Gothorum
Regis, Stephano sufficitur. Vivens mortuusque
multis miraculis nobilitatur. Obiit in pace san-
ctus vir erà DCLXVIII.* Fuit adhuc sæcu-
laris Gregorio Magno charissimus, ad quem scri-
bit epistolam, & ejus perbenorificè meminit.

435. Sed quid nobis cum Braulione hic
& Gaudioſo, qui de scriptoribus commenta-
mur? ais. Mane, quæſo, & quæ adjunguntur
audiens; ipse tibi responsum dabis. Exstant
Gaudioſi literæ ad Isidorum Hispanensem, Ma-
ximum, Braulionemque Cæsar-augustanum, &
Fulgentium Astigitanum, de rebus sacris, &
quædam poemata, contraque eorundem ad ipsum
etiam responsiones. Putidissimum hoc de san-
cto isto Tirafonenſi præfule commentum op-
pugnavit jam D. Josephus Pellizerius amicus
noſter in opere suo *De Maximo Cæsar-au-
gustano Episcopo distincto à Marco levià Ca-
nenſis monasterii*, vernacula Hispaniæ linguâ
scripro, cui nos aliqua non inutilia adjunge-
mus. Sufficere quidem posset redarguendo
mendacio ætas Victoriani atque ejus discipuli
Gaudioſi, si hæc satis appareret. Neque enim
quinti, aut saltem sexti sæculi, homines na-
turâ possunt ad septimum pertinere, nisi res
ad primæ ætatis Moſaicos patriarchas deduca-
tur. Sive enim sequimur veterem quandam
relationem Vitæ ejus, quæ servatur in tabu-
lario ejusdem S. Victoriani monasterii, inde
habebimus venisse eum in Hispanias regnan-
te Theoderico Rege anno CDXLII. octo-
genariumque obiisse.

436. Duæ tamen istæ anni & Regis notæ
malè inter se cohærent, atque ideo, aut pro
Theoderico corrigendum est Theodoredò, qui
in Catalaunico cum Attila Hunnorum Rege
quingagesimo primo anno hujus sæculi com-
misso prælio cecidit, aut, si Theodericum
fervare

i In Chron.
adan. XXXIV.

x Num. 11.

i Anno
DCLX.

m Valentia
edito MDCLXXI.
per Benedictum
Macé in 4.

n Fol. 64.

servare malumus, pro anno CDXLII. annus CDLXII. leni mutatione restituendus. Quó cum optimè conveniet S. Gaudiofi, qui discipulus fuit S. Victoriani, parentem, Guntham nomine, Theoderici Regis (hujus scilicet de quo loquimur) Protospatharium fuisse, uti epitaphio S. Gaudiofi ab eo tempore, quo facta fuit ultima ejus corporis ad S. Victoriani monasterium translatio, inscriptum reppererunt ii, qui anno MDLXXIII. Gregorii XIII. P. M. auspiciis, ut ad Ecclesiam Turiasonensem venerabilia transportarent ossa, ejusdem sepulchrum aperuere^o. Sive communem nostrorum historicorum opinionem approbamus, qui anno DCVI. exstruatum S. Victoriani laudatum monasterium existimant à Gefelaico Rege Gotthorum. Sive tandem alià viâ progredimur, quâ nos ducit, in *Actis sanctorum Benedictinorum*, & mentione S. Victoriani Joannes Mabillonius doctissimus eorum historicus & illustrator, existimantes Venantii Fortunati epitaphium, quod inscribitur P, *Victoriani abbatis monasterii Agaunensis* ad nostrum pertinere. Notatur quidem ad oram libri à Browero editore inscriptum aliàs sic: *abbatis de monasterio Asanense*. quomodo & se deprehendisse in membranceis poetæ libris Mabillonius confirmat. *Asanense* autem, sive *Asanense monasterium*, id est, de quo loquimur, ab Asanio Aragoniæ regni vico juxta flumen Cinga olim dictum, prius quàm S. Victoriani, à quo ampliatum est, appellationem sortiretur.

437. Epigramma sic habet Venantii.
*Quisquis ab occasu properas huc, quisquis ab ortu,
Murus in hoc tumultu, quod veneris, habes.
Respice diuturni celesti dote talentum,
Cujus semper habet pectoris arca Deum.
Religionis apex, vitæ decus, arma salutis,
Eximius meritis Victorianus adest.
Dignum opus exercens, qui fructificante labore,
Cumctis, non soli vixit in orbe sibi.
Plurima per patriam monachorum examina fundens,
Floribus æternis mellificavit apes.
Lingua potens, pietas presens, oratio jugis,
Sic fuit, ut jam tum totus ad astra foret.
Plura salutiferis tribuens oracula rebus,
Sæpe dedit signis vita beata fidem.
Bis senis rexit patrio moderamine lustris
Ritè Deo placitas pastor optimus oves.
Calle sequens recto sacra per vestigia Christi,
Nunc fruitur vultu, quem cupiebat amor.*

438. Suadet verò non unum argumentum, Asanensem abbatem Victorianum illum esse, de quo Venantius hoc egit carmine. Nam inter Agaunensis monasterii abbates, quos præfert vulgaris lectio, nullum habent Victorianum illius tabulæ, ut ex catalogo abbatum apud San-marthanos fratres constat^r. Deinde Venantio adeò notum Victorianum, quem Gallus homo in Hispanis florentem, dieque suo functum celebraret, mirum non est, cum sanctus vir ex Italia dicatur^s in Gallias, priusquàm in Hispanias, venisse, atque apud Gallos in magna fama diu vixisse, pluraque monasteria ædificasse. *Bibliotheca vetus Hispana Tom. I.*

Ad hæc Mabillonius existimat sibi haberi debere ab Hispanis gratias eo quòd ignotum hætenus nobis civem restituerit VICTORIANUM. Talem enim esse, & non Italum, ut vulgò creditur, innuere Venantium autumat, dum *plurima per patriam monachorum examina fuisse eum, bisque senis oves rexisse patrio moderamine lustris* ait. Nondum tamen id nobis persuadet vir doctus, qui scimus nonnisi unius Asanensis apud nos monasterii auctorem, sive ampliorem, ferri Victorianum; unde plura monachorum examina per patriam Hispanam fuisse is non verè dici poterit. Nec rectè ad patriam Hispaniam refertur à Mabillonio, quòd *patrio*, hoc est, paterno (ita credimus) *moderamine* id monasterium, Asanense nimirum, in quo vitâ functus fuit, rexit. Forfan Venantius virum famâ in Galliis clarum, civem Galliarum existimavit, & ad plura in his structa, uti jam diximus, cœnobia respexit.

439. Floruit verò, ut ad argumentum S. Victoriani ætatis transeamus, sub Justino Juniore circa ann. DLXXV. quo anno Sigebertus ejus meminit, Venantius Fortunatus, quem exeunte hoc sæculo sexto Pictaviensem Episcopum obiisse idoneis rationibus Browerus existimat^t. Quo igitur tempore Venantius hocce ad superos translatus jam Victoriani epitaphium scripsit, necesse est Gaudiosum ejus discipulum monachatum jam additum fuisse. Nihil enim aliud significare credendum est id quod de Gaudioso dicitur, Victoriani videlicet discipulum fuisse, nisi quòd sub ejus institutione & regula monachum & ipse sit professus. In epitaphio supra laudato in sepulchro S. Gaudiofi reperto, quod semigothicè scriptum erat, ita habetur: *Ab eisdem parentibus B. Victoriano infra annos pueriles docendus est traditus; qui pii patris prius alumnus crescente merito, Tirasonsi Ecclesie præficitur Episcopus.*

440. Memini hoc ita interpretari ficulneos auctores, ut puerilem in schola, non religiosam in claustro, educationem Gaudiofi à Victoriano curatam intelligant. Quòcum stat, ut post tempestivam à discipulatu Victoriani dimissionem, Gaudiosus sæculo additus uxorem duxerit; civilibus, & inter hæc Prætorii Africæ præfecturæ, functus sit muneribus, tandemque Turiasonensis creatus antistes decesserit; quæ omnia sive Helece, sive Braulionis supposititiorum verbis, tam in eo quod antea de Gaudioso deprompsimus, quàm in præcedenti de S. Victoriano, fragmentis, repræsentant nobis fabulosissimæ hujus historiæ auctorum editiones^u.

441. Dispellemus mox offusam hanc errorum & falsarum assumptionum de Gaudiofi vitæ sic vario tenore caliginem. Parum autem verisimilia aut inter se conformia de ætate ab his jactari, nunc contendimus. S. Victorianus obiit, horum fragmentorum fide, anno septimo Regis Athanagildi, hoc est DLX. * ab hinc ad DCXXX. quo obiisse dicitur S. Gaudiosus, septuaginta intercurrerunt. His verò nunc eos annos addere opus est, quos S. Gaudiosus in ætate habebat, quum

Rr S. Vi.

^t Vitæ ejus cap. 6.

^u In Additione ad Maximum num. 32 & 33.

^x Vide Mærale lib. 111. cap. 56.

^e Vide Pellicarium De doctus Maximis lib. 2. n. 34 fol. 64.

^p Inter Venantii opera libri 4. carmen undecimum.

^q Franciscus Didacus de Ainsâ in *Historia Oseensis* lib. 2. versus in Latinum apud Bollandum *De Alis* SS. die XII. Januar. pag. 740. Zurita lib. 1. *Annal. Ara.* pag. 13.

^r In Gallia Christi. como 4. pag. 24.

^s Apud Bollandum ubi proxime in *Alis* cap. 2. pag. 740.

S. Victorianus ad superos fuit vocatus. Certè ad id prodendum nonnisi conjecturis agere possumus, iis tamen sobriis ac verosimilibus. Si Gaudiosus parentem habuit (cur enim epitaphio sic antiquo, & ignota prius nomina sancti viri parentum, aliaque ejusdem gesta præferenti fidem non habebimus?) Guntham, Theoderici Regis Spatharium, hoc est corporis custodem, sive corporis custodum, aut prætorianorum, quos Romani vocabant, militum Præfectum & Comitem, ut videre est in Concilii xii. Toletani subscriptionibus (ab *Spatha* Germano, seu Gotthico verbo, aliis Gallico, sive etiam Græco, cujus meminit non solum Tacitus, Vegetius, Isidorus, Apulejus, & è Græcis Diodorus; sed & Anastasius Bibliothecarius in Gregorii II. rebus) ab quo Guntha & ejus uxore filius Gaudiosus in disciplinam Victoriano traditus ibidem dicitur; res ergo agitur sub Theoderico aâta Ofiro-Gotthorum Rege in Italia, qui pro Amalarico ex filia nepote regnum Wisi-Gotthorum in Hispaniâ & Galliâ dominantium, diu, scilicet usque ad annum DXXVI. quo obiit, Ducum suorum operâ usus rexit.

442. Ab hujus Theoderici morte, Gunthæque apud eum exercito munere, anni plus centum usque ad Gaudiosi obitum Gunthæ filii intermedii, suspensionem statim cuique injiciunt, malè sibi veram ætatem sancti Episcopi, & Braulionis pseudo-historiam convenire. Accedit quòd in epitaphio etiam dicitur superfuisset Gaudioso matrem, à qua & marito ejus Guntha traditum olim fuisse in disciplinam S. Victoriano audivimus. Qui ergo potuit Neumantia uxor ejus, qui Theoderici Regis, ineunte sæculo sexto, familiaris fuit, usque ad tricesimum sexti sæculi annum, quo è vivis abiit filius Gaudiosus, vitam extendere? Immo non ita senem obiisse eum, hymnus in missali quodam antiquo monasterii S. Victoriani versibus, ut appellant, Leoninis confectus indicat; nempe verfu isto:

Donatus sub Agila, translatus sub Petronilla. Agilam intellige Gotthorum Regem, qui occisus fuit à suis anno DLIV. ² sub quo Gaudiosum obiisse verosimile est. Petronillam verò, sub cujus regno translatio facta dicitur, illa erit, quæ cum unica esset proles Ranimiri, cognomento monachi, ann. MCXXXVII. Remondo Berengario Comiti Barcinonensi nupta, regnum Aragonense in domum illius transfudit; ipsa tamen sola regium nomen & auspicia retinens, ut historiæ tradunt hujus gentis. Ideoque in Dipthyca Turiafonensis Ecclesiæ, & apud Aragoniæ historicos ² vulgò dicitur sanctus Gaudiosus Episcopatus scilicet anno DXXX. initiatus. Quo tempore anno DXXXIII. eum floruisse, apud Maximum, non eum solum qui editus fuit, sed & Estepanum nostrum, legimus. Ad quem locum Bivarius hæret nescius modi Maximum cum Braulione conciliandi.

443. Epitaphium subjunximus, ne hic desideretur, aliàs quærendum in parum noto extra Hispaniam libro Pellizerii nostri de

duobus Maximis: In nomine nostri Jesu Christi. In hoc loco clauduntur ossa gloriosi Gaudiosi Episcopi, cujus spiritus in mansionibus summi Patris feliciter spatietur. Hic genere Iberus, nobilissimo patre Guntha nomine progenitus, qui fuit Theoderici Gotthorum Regis Spatharius, non minus illustri matre procreatus, Neumantia nomine. Ab eisdem parentibus B. Victoriano infra annos pueriles docendus est traditus. Qui pii patris prius alumnus, crescente merito Tirafo-nensi Ecclesiæ præficitur Episcopus. In quo regimine post multa temporum spatia causâ visendæ matris ad proprios lares revertens, incumbente ægritudine diem clausit extremum sexto Kal. Novembris, sepultusque est in Ecclesia B. Mariæ in proprio prædiolo, quod Scurrius nominatur. In quo loco invadentibus omnem Hispaniam infidelibus Mauris diu sub neglectu delituit. Postea Dei virtute, inimicis Christi à Pyrenæis montibus longiusculè expulsi, quidam vulgares homines rusticana præsumptione, fideli tamen animo, inde effossi ad propriam Ecclesiam detulerunt, quæ est in villa Fossatensi, sub honore S. Martini Episcopi fundata. Unde multis emerfis annis, præmissa divina revelatione à tribus religiosiis monachis ad monasterium S. Victoriani nocturno silentio est delatum vii. Kal. Octobris, & hoc vasculo collocatum; quatenus ubi cineres magistri honorificè columtur, ibidem discipuli ejusdem honoris participio fruantur; & cum magistro sit præsens precantium exauditor, qui magistri virtutum cum viveret fuit promptus imitator. Amen.

444. Haberi certè hæc pro certiore aliis S. Gaudiosi historia, quam scripturæ antiquitas, & inventionis locus non parum commendant, & ad ejus obruzam apocrypha quæque de eo jactata dirigi debent. Unde cadit fabula illa de S. Gaudioso cum S. Gregorio Pontifice familiaritate, quæ fabulatori venit in mentem ob lectam hujus sancti Papæ ad Gaudiosum quandam epistolam, quâ impune se abufurum credidit ad transformandos alios in alios homines Chemiæ suæ artificio. Legebatur olim hæc inscriptio epistolæ 74. libri primi Gregorianarum, indictione ix. hoc est anno DXC. aut sequenti scripta, hoc modo: *Gregorius Gaudioso matris Africæ.* Manifestissimo errore. Sed in Romana, & aliis, quæ sequutæ sunt, restituta fuit vera lectio: *Gregorius Gaudioso magistro militum Africæ.* Nugator ad hanc respexit, ut statim liquet, quum ait Gaudiosum adhuc sæcularem Gregorio Magno charissimum fuisse, per honorificamque sui mentionem ab eo in quadam epistola meruisse.

445. Prorsus hic Gaudiosus tam alius fuit à Tirafo-nensi Episcopo, quam ab utroque alius ego sum. Sed hoc est germanum horum auctorum cacoëthes, ut plures aliarum gentium, aliarum conditionum, & generis mortales in unum coagmentare iis ludus sit. Noster Gaudiosus in Hispania natus, ut in epitaphio legitur; Africanus alter, ad quem literas dedit Gregorius, ut ex illis verbis constat: *Et quidem maximas Deo gratias referimus, cum tales habere proprios provincias habitatores agnoscimus, qui ingenua nobilitate polleant,*

¶ po.

^y Loaisa in Notis ad Concil. viii. Tolet. pag. 461. Spelmanus in *Glossario*. Scwewichus ad lib. 3. Vegetii cap. 14. Menagius in *Originibus linguæ Gallicæ*.

² Morales lib. 11. cap. 55.

² Surius lib. 2. cap. 1.

¶ *potentibus viris adherere, provincialibusque suis ad remedium adepta temporum opportunitate consistant.* Nec verba hæc exprimere nata sunt præfecti prætorio munus, quo gavisum à Mauricio Imperatore Gaudiosum nostrum fuisse blateravit Braulionis simia. Adhærere enim potentibus viris, consiliumque, ut & in superioribus refertur, administratoribus ejus provincie dare, non est ejus qui cum summo imperio rebus Africanis præfesset. Et in hoc dignoscendo munere, & ab alio magistri militum distinguendo, misere decepit fabulatorem sua ipsius somnolenta securitas.

446. Magistris militum cura data est militum à Constantino Magno, relicta provincialium curâ prætorio præfectis, ut ex Panciroli ad Notitiam commentario^b constat. Consistere autem, seu adistere, quod idem hic significat, provincialibus suis adepta temporum opportunitate proprium fuit pietatis munus, ab eo exercitum, qui non ipse præerat iis, sed pro iis apud prætorio præfectum officia interponere opportuna consueverat. Et fruebatur quidem hujus præfecturæ dignitate Gennadius quidam, cujus forsitan Theophilactus Simocatta lib. 7. cap. 6. historię suę meminit, hoc ipso tempore, quo Gaudiosum militum fuit magister; quamquam non jam sub Latino isto præfecti nomine, sed exarchi, quod idem sonat, Græco, cui inscriptas ejusdem libri primi, sive ejusdem anni, septuagesimam secundam, & septuagesimam tertiam epistolas, *Gemadio patricio & exarcho Africę* nimirum, legimus. De qua muneris appellatione, & à Justino Imperatore usu, non hic eruditorum compilamus scrinia^c. Non ergo vel ipsa Pseudo-Braulionis narrata inter se coherent; nec aliqua verisimili inductione confirmatur Gaudiosum Tirasensem Episcopum sæcularia munera obiisse, aut coævum Gregorio, Isidoro, Fulgentio, atque vero Braulioni fuisse, cum iisdemque commutasse literas, poemataque scripsisse.

447. Diximus jam sæpius Braulionis hæc & aliorum supposititia monumenta Hieronymum Romanum de la Higuera nominare auctorem debere. Quod nunc in Gaudiosi rebus insigni alio argumento persuasissimum faciam. Exstant ejusdem Higuere optacula multa manu exarata, in quibus Vitę sanctorum quorundam, & inter alias, S. Gaudiosi hujus Vita, ex tabulis, ut ait, Turiasenensis Ecclesię deducta, quampluribus autem propriis cogitationibus, in quibus expressissimè suum, aliàs notum, genium ostendit, formata. Ibi ex hoc Braulionis, quod olim fabrefecerat, immo potius Valderedi, cui quidem id tribuit, fragmento, non solum munus istud præfecturæ ab eo gestum comprobatur; sed & profectum eum ab Hispania uxorem duxisse Syricam nomine, quâ relicta, non dubitavit bonus vir Pseudo-Valderedus asserere Gaudiosum in Hispanias rediisse, & in Episcopum Turiasenensem inaugurari se permisisse. Verba fragmenti: *Postmodum relicta uxore Syrica, electione populi clerique Turiasenensis, ac Gundemari gloriosissimi Gottiborum Regis, Stephano sus-*

448. Hominis inventum quæris jam noscere quò respexerit? Et jure quidem. Solet enim horum commentitiorum librorum artifex non ex nihilo chimeras suas struere. Exstat nempe inter S. Gregorii epistolas quædam Anthemio subdiacono directæ, quę libri primi quinquagesima tertia est. Fundus hæc fictionis. Refert ibi sanctus Pontifex, hujus epistolę latorem Gaudiosum quendam sibi insinuasse quòd filios suos vellent sibi vindicare sanctę Romanę Ecclesię actores, quasi nati ei fuissent ex ejusdem Ecclesię ancilla Syrica nomine: quam tamen documentis probaverat, à domina sua fuisse per literas manumissam. Committit ergo Anthemio ut hominem tueatur, nec permittat Ecclesiam revocare, quas defendere potius debebat, libertates. Hęc summa Gregorianę hujus epistolę, quam de Gaudioso nostro, gravissimo & sanctissimo viro, conceptam fuisse, Hieronymus Higuera cum Valderedo, sive Braulione, suis, contendit: dummodo Gaudiosi omnes qui hoc tempore ubivis gentium vixerint in unum & eundem Gaudiosum Tirasensem antistitem compingantur, quid decuerit magis de tanto viro credere susque deque habens. Gaudiosus ergo nobilissimo patre genitus Theoderici Spathario, & qui natalium splendori præfecturæ Africanę dignitatem addidisse fingitur, Syricam libertinam, hoc est paullo antè mancipium, duxerit, adeoque abjectę conditionis fuerit, ut actores Ecclesię Romanę litem ei de filiis ex Syrica genitis, quasi de ejusdem Ecclesię servis, moverint, si has nugas sequimur. Quę quidem nec tempori convenientia concipiunt, ut sibi caveant. Nam epistola hæc anno DXC. indictione ix. (cujus sunt omnes libri primi) data est, quo anno vindicias egisse suorum filiorum Gaudiosum credemus, qui, ut diximus, ante annum ejusdem sæculi LIV. Episcopus jam Turiasenensis è vita decesserat? Hęc de Gaudioso, ut rem obscuram quomodocumque illustraremus, nec extra rem scriptorum, quorum albo temerè adscriptum à Pseudo-Braulione indicare & comprobare opus fuit.

449. Sed & huic sæculo merces suas supposititiorum Hispaniæ scriptorum intrusit fictitius ille & ridiculus Haubertus Hispanensis, dehonestamentum historię nostrę, nisi figmenti fraus jam apparuisset, paullo post futurum. BONIFACIUM planus hic Papam hujus nominis IV. quorundam operum auctorem existimatum^d, Hispanum ex Toletis, sive Valeria urbe, fuisse; impudenter finxit. *Bonifacius (ait^e) prius presbyter in Ecclesia Valerienti in Carpetania, post monachus Agaliensis, creatur Papa. Fuit filius Joannis medici Toletani, & Ildibildis uxoris ejus.* Ad quem locum deveniens Argaizius interpretes & annotator, arroganter se jactat, præque hoc uno stramentitio Hauberto saniores ac certiores historię atque geographiæ veteris auctores, antiquissimosque pontificalium rerum enarratores, quibus tota credit Ecclesia Christiana, nauci habet. Cum enim nescio ubi legisset Bonifacium patriâ Valerientem fuisse, de Valeria Italię provincia id negat posse intelligi,

d De quibus Biblioth. Pontif. auctor. in Bonifacio IV. pag. 28.
e Ad ann. MCVI.

cum neque de urbe possit, quæ in eadem Italia hoc tempore nusquam fuit. Quamvis enim Valeriæ urbis Ptolemæus meminerit, Plinii tempore ea jam non exstabat; siquidem ejus desit apud eundem mentio. Incirco recurrendum esse ad Valeriam Hispaniæ ait, fidemque Hauberto, & plurimas gratias habendas.

450. Huic plumbeo gladio scutum veritatis ferreum opponimus. Anastasius Bibliothecarius, Bonifacius (ait ^f) natione Marforum de civitate Valeria, ex Joanne medico &c. Et postea: Hic domum suam monasterium fecit, quod & ditavit. Luitprandus, sive alius in ejusdem argumenti libro, Bonifacius (inquit) natione Marfus ex civitate Valeria, ex patre Joanne medico. Et quidem Valeriæ urbis Marforum apud Strabonem (non Ptolemæum, ut Argæizius ait) lib. 5. mentio est, uti & viæ Valeriæ, quæ à Tiburtinis Marfos usque & Corfinium Pelignorum metropolin ducebat. In ea (via Valeria) Latine urbes sunt, Valeria, & Carsoli, & Alba, inquit ille. Sed Plinius non meminit Vespasiani tempore, cum Marforum urbes recenseat lib. 3. cap. 12. At non statim inde fit non fuisse; cum ejus iterum factam inveniamus mentionem in Anastasio Bibliothecario, qui sæculo vixit novo, hodieque ostendantur vestigia ejus, lacu forsan Fucino (hodie de Cellano, in Aprutio) cui adiacebat, uti olim Archippe oppidum, cuius rei meminit Plinius ^g, hausta. Quod produnt Itali descriptores Leander Albertus ^h, & Ferdinandus Ughellus ⁱ, Aliis, ut Cluverio, aliter placuit, Vicojaro nempe Urfinorum oppidum, Valeriæ succenturiatum, in quo assentientem habet Sabellicum ^k, quamvis eum non laudet; immo Variam pro Valeria, apud Strabonem Cluverius idem prætulisset, nisi Anastasius obstitet, cui majorem, quam Argæizius, adhibebat fidem vir doctissimus.

451. Quicquid autem de Valeria urbe credamus, complexio illa nationis Marforum, & Valeriæ apud Anastasium & Luitprandum minimè potest, nisi obtorto collo, ad Hispaniam, & Valerienses nostros, quorum recordatur Plinius ^l, sive Valeriam urbem trahi. Unus ergo Haubertus vera dixerit, Argæizio fide-jubente, cæteri tanquam umbræ prætervolabunt, Sabellicus ^m nempe, Equilius ⁿ, Stella & Platina ^o, Volaterranus ^p, Gobelinus Persona ^q, Onuphrius Panvinius ^r, Baronius ^s, Genebrardus ^t, Donatus Bossius ^u, Trithemius ^x, alii; quos Italos, rerumque suarum gnaros, Hispani sequuntur omnes, qui de Bonifacio & Pontificum vitis scripserunt. Ludebatur nempe hæc fabula inter Benediſtinos ab eo qui Bonifacium IV. Benediſtinum fuisse monachum, Joanni Trithemio, & aliis, contra saniorum ^y opinionem facile credens gratam rem his, quorum vivebat quadrat, se facturum censuit, si & eum civitate Hispana donaret, Toletanisque, & Agaliensi monasterio civem & sodalem quoquo modo assereret.

452. Sequuntur alii Haubertini literarum pseudo-heroës, totidem supposititiæ historiæ

segmentis laudati, quorum verba huc transferre libuit.

453. Anno DCXIV. LIBERATUS monachus Benediſtinus Pampilone obiit. Fuit valde historicus. Hic ille est Liberatus, qui pro tuenda Dextri, Maximi, & Hauberti desperata causa, nuper è tenebris caput extulit: de quo erit infra tractandi locus.

454. Anno DCXCVII. Florebat hoc eodem anno BERITUS monachus, qui scripsit vitas Regum Gosthorum & Suëvorum.

At quod impudentissimum & absurdissimum est mendacium sequens continet nota:

455. Anno DCXXXIII. SOPHRONIUS monachus Emilianensis Romæ consecratur Episcopus Hierosolymitanus. Pertinet quidem is ad scriptores, utpote qui præter Vitam S. Mariæ Egyptiæ, SS. Cyri & Joannis martyrum, quasdam epistolas & orationes Græco elucubravat sermone; de quibus Bellarminus, Possevinus, Labbeus. Hic celeberrimus Asiæ suæ vir Damasci in Phœnicia natus, quod omnis comprobabit paullo post antiquitas, eo solum, ut hanc fabulam luderet, Hauberto in mentem venit, quia in vita S. Emiliani presbyteri à Braulione Cæsar-augustano conscripta Sophronii cujusdam monachi habetur mentio; à quo inter alios viri venerabilis res gestas se didicisse fatetur auctor. Patria quidem ejus adeo fuit Græcis, cujus linguæ & Ecclesiæ erat, nota, ut vel in fastis suis Ecclesiasticis, quorum tabulis, ob sanctitatem vitæ, & in Ecclesiam universalem. insigne viri meritum, inscripserant, annotatum habuerint.

456. Menologium Græcorum ex interpretatione Cardinalis Sirleti xi. die Martii: Eodem die S. Patris nostri Sophronii Patriarchæ Hierosolymitani ex regione Phœnicia urbe Damasco, multiplici eruditione, divinarum literarum scientiâ, & pietate insignis. Res ejus gestas, eorundem cum natalium mentione, tam Græcorum Menæa, quam novum ejus Ecclesiæ Anthologium, continent. Menæorum elogium in magno opere De actis Sanctorum die xi. Martii ^z habetur. Nos ex Anthologio hæc damus: Σωφρόνιος ὁ ἐν ἀγίῳ, πατὴρ ἡμῶν, γέννηται ἐν τῇ χερσὶ Φοινίκης, ἀπὸ πόλεως ὃς Δαμασκίου, εὐσεβὴς καὶ σωφρόνων γένειον ἔχων. Ἐκείνῳ ὡς ἐμαρὶ πᾶσαν ἑλληνικὴν καὶ χριστιανὴν γραφήν. Ἐταπὼν μὲν τὴν μεγάλου Θεοδοσίου κατέλαβεν, ἐν τῇ πᾶσι διήλθε γραφῇ. Ἐπειτα ἐπὶ τῷ Ἀλεξανδρείᾳ ἀπῆλθε, πλείονος γνώσεως ἐρεμνός. διὰ τὸ τῷ γένει, καὶ τῷ ὑπεράλλυσται αὐτῷ ἀρετῇ ἐπίσκοπος Ἱεροσολύμων γίνεται. τῆς δὲ ἀγίας πόλεως πολιορκηθείσης, πάλιν πρὸς Ἀλεξανδρείαν πρὸς τὸ ἔργον ἰσχυρῶς ἐλθὼν ἀπέρχεται, καὶ μετὰ τῷ τελεστικῷ ἐκείνου πάλιν ἐπὶ τῇ Ἱεροσολύμῃ ὑποσέφει πολλὰς δὲ εἰς τοὺς συγγραφέας, καὶ διαφόρους ἀγίας ἐκκαμύσας, καὶ σωθεὶς τὸ ὑπὲρ ἀνθρώπων διήγημα τῷ βίῳ τῆς οἰκίας Μαρίας, καὶ καλῶς τὸ ποίμνιον τῆς τῷ Χριστῷ ἐκκλησίας χειραγωγῆσας. Ἐθνήσας ἐν εἰρήμῃ πρὸς κύριον ἐξεδήμιον. Hoc est: Sophronius, qui inter Sanctos est, pater noster, natus in regione Phœnicia, & urbe Damasco, primum & prudentium genitorum (patri Plinthas, matri autem Myro fuere nomina, uti Menæa habent) proles fuit. Cum autem ingenio polleret, ethnicus & Christianas omnes

f De Vita Pontificum.

g Lib. 3. cap. 12.

h Lib. 1. Italiae sue. i Italia sacra tomo 1. in Mariscanis Episcopis. k Ennead. viii. lib. 3.

l Lib. 3. cap. 3. m Ennead. viii. lib. 6. n Lib. 4. Catal. cap. 161. o In Bonif. IV.

p Lib. 22. q Cosmodromie ætate vi. cap. 35.

r De Pontif. Romanis pag. 27.

s Ad ann. dcxvii. tomo 8. Annal. t In Chron. lib. 2. u In Chron. usque ad ann. mccccxxxix. scripto.

x Lib. 4. De viris illustribus ordin. 3. Bened.

y Vide Millionium ad Aita SS. Benediſtin. tomo seu sæculq. 2. in indice prævio SS. prætermisso.

z In fine Actuum S. Sophronii tom. 2. Martii

omnes litteras didicit. Inde cenobium magni Theodosii ingressus, omnem ibi percurrit Scripturam. Postea in Alexandriam venit plenioris doctrinae cupidus, ac propter scientiam & excellentem virtutem Hierosolymitanus Episcopus fieri meruit. Alma autem ista urbe obsidione cinctâ, iterum in Alexandriam ad Joannem sanctum Eleemosynarium se contulit, ac post ejus obitum denuo Hierosolymam rediit. Post plures libros scriptos, diversosque Sanctos encomiis celebratos, compositamque supra humanam vitam sanctae Mariae (Aegyptiacae) narrationem, & Christi Ecclesiae gregem pulchrè gubernatum, directumque, in pace ad Dominum è corpore abiit. Hucusque Graeci libri Ecclesiastici, quamvis non uno anachronismo à vera historia deviantes ^a.

457. Magnus quidem hic fuit Sophronius, qui adhuc privatus, & monachus Alexandriae manens, Cyro Alexandrino Patriarchae, Monothelitarum haeresin, quae Christo unicam tribuit voluntatem, suscitanti, deinde Sergio Constantinopolitano etiam Patriarchae, eadem labe infecto, cum ipse jam esset factus Hierosolymorum antistes, validissime usque ad mortem restitit; de cujus rebus gestis agunt Theophanes ^b, Cedrenus ^c, Nicephorus Callistus ^d, Maximus martyr ^e, Graeci omnes, & cum eis Baronius Cardinalis multis locis ^f, Franciscus Combefisius in *Hist. haeresis Monothelit.* disp. I. §. 8. auctores *De Actis SS.* die XI. Martii. Quae omnia ita contraria sunt Haubertine absurdissime de Sophronii monachatu apud Hispanos, immo & patriâ (nam & id subintelligere voluit) & consecratione in Episcopum Romae factâ inventioni, ut ferè pudeat in refellendis his tempus terere. Sed respondendum stulto est juxta stultitiam ejus, ne fortè his qui omni spiritui credunt, suam ipsius affricare insipientiam possit. Planè tantum abest, ut à nostris oris, & Hispanis natalibus & commoratione transierit sanctus & inclytus vir Sophronius ad Hierosolymorum insulas, ut de omni vita ejus in oriente gesta omnino liqueat.

458. De patria Graecos audivimus. In studiis sacris, praeter alios, Joannis Moschi, sive aliàs Evirati, fuit discipulus, qui Moschus in Theodosii monasterio, uti Sophronius, monachali instituto nomen dederat. Theodosium verò hunc abbatem & archimandritam omnium, quae sub Hierosolymis sunt, cenobiorum, vocat elogii praedicti Moschi auctor ^g. Qui quidem Moschus λεμοναριον, vel *Pratum*, suum, sive utriusque, ut credunt plures ^h, opus eidem Sophronio inscripsit.

459. Sanctus item Joannes cognomento Eleemosynarius in Patriarcham Alexandrinum, anno DCX. hoc est Heraclii Imperatoris primo, electus, cum ab initio ipso suae administrationis singulis duobus hebdomadae diebus omnes qui supplicare ab eo aliquid vellent ad se admitteret, atque aliquando accedente nullo tristis & lacrymans vespere recessisset, praestò fuit Sophronius, qui jam tunc Alexandriam venerat, & unà cum Joanne Moscho consiliarius ac domesticus erat Patriarchae, eundem sanctissimum praesulem

consolaturus. Quod iis verbis Leontius Neapolis Cypri Episcopus, S. Joannis hujus Eleemosynarii vitae scriptor, atque aequalis, narrat ⁱ. Nullo verò audente rogare caussam, cur esset tristis, divinus qui aderat Sophronius; Quid est, inquit, ò vir divine, quod te afficit molestia &c. Et postea: Cum itaque sacrosanctus intellexisset Sophronius, quid sibi vellet quod ab eo dictum fuerat, Te potius, inquit, lesari oportet, ò beatissime domine, quod tibi commissum gregem feceris vivere in tanta pace, ut nullus de re aliqua cum vicino habeat controversiam. Dixerat idem prius, misisse ei Deum viros sapientes, & semper memorandos Joannem & Sophronium, quibus tanquam patribus indiscretè obediebat ^k. Joannem Moschum scilicet, & Sophronium nostrum, ejus contubernalem & individuum comitem. Idem Leontius in principio vitae amborum meminit, uti ejusdem Joannis Eleemosynarii clararum actionum post ejus obitum celebratores.

460. Rursus de eodem adhuc etiam monacho sensisse videtur (ne quidem abnuente nuper laudato viro hujus nostrae aetatis à Graecis patribus, & totâ doctrinâ, optimè merito, Francisco Combefisio ^l) S. Maximus martyr horum temporum, & Sophronii aequalis, in epistola quadam ^m. Ceterum habetis (ait) apud vos benedictum dominum meum patremque ac magistrum abbatem Sophronium, hominem verè pro nominis ratione sobrium, & castum, sapientemque veritatis patronum, atque invictum divinarum dogmatum defensorem, qui adversus omnes haereses opere simul atque sermone strenuè defungi certamine valeat; cui etiam praeter alia omnia ornamenta ingens divinarum librorum copia in promptu sit &c.

461. Idem adhuc monachi gerebat schema, quum Cyro Alexandrino unius Christi voluntatis haeresin pro concordia aliarum in Aegypto vigentium haeresum stabilire cogitanti catholicum opposuit dogma. Nec eo contentus, ad Sergium Constantinopolitanum Patriarcham cum literis ejusdem Cyri, sermonemque de re ipsa cum eo habiturus accessit. His itaque praedictis (ait Sergius ipse ad Honorium Papam scribens ⁿ) Sophronius venerabilis monachus, qui (ut ex nunc auditis didicimus) Hierosolymorum praesul est ordinatus (nec enim hactenus ejus ex more synodica suscepimus) apud Alexandriam tum temporis positus cum praefato sanctissimo Papa (Cyro) &c. adversatus est. Et quae de veniente ad eum, & coram de his agente Sophronio annectit. Convenit Maximus martyr ad Pyrrhum Sergii successorem datis literis ^o, ubi ait Sophronium admonuisse Sergium humilitate; quae ejus habitum decebat, ad ejus vestigia provolutum, ne vocem haeticorum renovaret.

462. Post reditum à Constantinopolitana urbe, cum scilicet ad Honorium hanc scriberet Sergius, Hierosolymis promotus fuit à clericis, & reverendis monachis, & fidelibus laicis universis sanctae hujus civitatis Christi manu & violentiâ eum cogentibus. quae verba ejusdem Sophronii sunt ad Honorium Papam, sive ad eundem Sergium Constantinopolitanum (nam directâ modò uni, modò alteri epi-

ⁱ Apud Baronium eodem tomo 8. ad annum DCX. num. 9.

^k Verba reserpsit in *Actis SS.* cap. 2 n. 17.

^l In *Notis S. Maximi* pag. 712. tom. 2. in *Ad Petrum ill. item* postea volumine Operum S. Maximi Paris. editionis anni MDCLXXV. pag. 306.

ⁿ Apud Baronium tomo 8. ad annum DCXXXIII. n. 19.

^o Exstat apud eundem ibidem nu. 53. & in S. Maximi oper. tomo 2. pag. 182.

^a Ut observatur ab autore *De Actis SS.* cap. 4 n. 42.

^b In *Chronog.* anno DCXXVII.

^c In *Comp. hist.* anno XXV. & XXVI. Heraclii.

^d Lib. 17. cap. 5.

^e *Disp. cum Pyrrho.*

^f Tomo 8. ad annum DCXXXIII. n. 8. & seqq. ann. DCXXXVI. & n. 9. ann. DCX. n. 9.

^g Quem scripsit Photius cod. excix. sed plenius in *Vitis PP.* Rosveidus edidit. ^h De auctore *Prati* plura in opere de *Actis SS.* in *Sophronio* XI. Martii cap. 1. Labbeoque *De scriptis in Joanne Moscho.*

p. Apud Ba-
ron. eodem an-
no num. 11.

ri epistola legitur) scribentis P. Sophronius ergo, si totius veræ historiæ ac monumentorum veterum auctoritati fides præstanda sit, Damascenus patriâ, Theodosiani juxta Hierosolymam cœnobii monachus, Joannis Moschi discipulus, & omnium ferè ejus peregrinationum, ut ex *Prato* liquet, comes; Alexandriæ diu commoratus, Græcè, uti vernaculo sermone, non solum ad Græcos, quibuscum semper vixerat, sed & ad Latinos, qualis Honorius Pontifex erat, scribens, non quidem ab eo, sed à clero & Hierosolymorum tota Ecclesia in Patriarcham sanctæ civitatis admotâ vi promotus.

463. Si autem præ his omnibus Hauberti sint quisquilie, nihil horum, sed in Hispania natus; certè monachus Æmilianensis monasterii, Romæque in Patriarcham consecratus fuerit. Quod vel audacissimis hujus pleudq-

historiæ propugnatoribus admittere nec in mentem veniet. Immo hunc Sophronium Asiæ suæ, sicut & Joannem Constantinopolitanum Patriarcham, Græcis natalibus restituere satius videbitur; de quo ultimo hæc apud eundem ridiculum Haubertum anno DCLXXII. S. JOANNES monachus *Benedictinus*, & abbas *S. Mariæ (de Valvanera)*, ut interpres explicat) *Episcopus Constantinopolitanus, natione Hispanus, floret*. Ad illum fortè manus porrexit avidas, qui post Thomam anno DCLVIII. huic Ecclesiæ præfectus dicitur. Sed hic syncellus, & custos vasorum in ea Ecclesia ante pontificatum fuit. Cur non (inquis) *Benedictinus* monachus gerere ista potuit munera? Cedo unum hujus sectæ hominem inter Græcos florentem; & auctore me, Haubertus saltem loco isto non desipuerit.





BIBLIOTHECÆ

V E T E R I S

H I S P A N Æ

LIBER SEXTUS,

De scriptoribus sæculorum octavi,
noni, ac decimi.

CAPUT PRIMUM.

Subjugatâ à Mauris hoc sæculo Hispaniâ, infrequens literis & scriptoribus locus datus.

GUNTHERICO, SINDEREDO, CONCORDIO, Toletanis præsulibus relictis, CIXILA ejusdem urbis Episcopus laudatur, vitæ S. Ildephonsi auctor. Pseudo-historicorum de Egilane Eliberitano Episcopo curiosum figmentum. PETRUS PULCHER incertus auctor. SERVANDUS Auriensis præsul, quale opus historicum & genealogicum reliquisse dicatur. JULIANUS diaconus, LUCAS cognomento, Græcus Thessalonicensis, à Floriano de Ocampo laudatus, quamquam fide subnitatur, atque item Bernardi Britti LAIMUNDUS, eorum temporum historici.

I.



AGGREDIMUR fatale atq; infelicissimum Hispaniæ nostræ octavum sæculum, quo vix incunte, ira divini numinis ad vindictam sui, atque erratorum Gotthico-Hispanæ gentis punitionem, quæ ab antiqua illa morum doctrinæque integritate, tot Conciliis ac legibus confirmatâ, sub Witiza & Roderico iniquissimis Regibus miserrimè præcipitaverat, è vicina Africa accitos Mauros, seu Arabes, Machometi assecclas, nobis intulit, hostes teterrimos; vultumque omnem felicissimi regni, atque Gotthici sic ad eum diem florentis imperii, ad exterminationem usque lacrymabiliter defædavit. Quod hostium Christianæ fidei jugum octavo isto cervicibus suis impositum, multis deinde sæculis Hispania tulit, vixque tandem

decimo quarto excussit. Nec miraberis, lector, magnæ hujus calamitatis defuisse tempore viros illos doctrinâ olim inter nos ac toto terrarum orbe inclytos, quorum nomina huic albo infereremus. Raras igitur scriptorum spicas, quibus malignum ab austro & oriente veniens pepercit sydus, ac tritura Sarracenorum non decussit, legere nunc erit nobis opus, ac veluti disciplinæ ignis ferè extincti stricturas quasdam historiæ hujus gremio, ne pereant, confovere.

2. Numerantur in his Toletanæ urbis quidam antistites, Gunthericus, Felicis, de quo sæculo diximus ^a superiore, successor, Sinderedus, Concordius, Petrus Pulcher, Cixila, Elipandusque; sed numerantur, & sic ordinantur fide sola pseudo-historicorum nostri sæculi.

3. GUNTHERICUS nempe, aut Gundericus, ab Isidoro Pacensi ^b & Roderico Toletano: sanctitatis morum ac mirabilium supra naturæ vires operum nomine laudatus, tanquam auctor epitaphii decessoris sui Felicis; de quo epitaphio distichis novem comprehenso, atque ipsius Gunderici rebus, multis blaterat Pseudo-Luitprandus ^d.

4. SINDEREDUS Romanus, olim ejusdem Gunterici archidiaconus Toletanus, composuisse dicitur apud eundem Pseudo-Luitprandum ^e Gunderico epitaphium, notus aliàs ex catalogis Toletanæ Ecclesiæ præsulum ^f, & ex Isidoro Pacensis, malè ab eo habitus ob derelictum gregem suum Arabum hostium metu.

5. CONCORDIUS item quasi scripserit homiliam in laudem S. Toribii ex monacho Palentini Episcopi, ejusdem malè consuti Luitprandi testimonio ^h. Omnes quidem hi præ-

^a Cap. 7.
lib. 5.

^b In Chron.
era dcccxxxix.
^c Lib. 3. cap. 14.

^d Ann. dccc.
dccc. dccciv.
dccciv.

^e An. dccciv.
^f Morales
lib. 13. cap. 7.
^g Era dccc.

^h An. dccc.

presules fuere Toletani, sed quod eos inter scriptores recensenti falso & stramentitio auctori denegemus fidem, à doctis & prudentibus viris, ut spero, iniquitatis non arguemur. Aliter cum Cixila, Petro Pulchro, atque Elipando agemus; qui non modò Pontificum ejusdem Ecclesiæ, sed & scriptorum albo jam olim, & ante nugatoria ista Chronica, quæ suis, unde exierunt, damnamus sæpè atque addicimus tenebris, immissi laudantur.

1 In 888, Cixilii codicis S. Emilianii.
2 An. DCCCLII. DCCCLXXV.
3 In Chron. an. 390. & seqq.

6. CIXILA, Concordii successor, aliàs CIXILANES, cujus nomen, ut omittamus interrim supposititios Luitprandum¹, & Julianum², in catalogis exstat, atque item in hymnis Isidoriani officii, auctor est brevis *Vite, seu gestorum S. Ildephonsi Episcopi Toletanensis sedis metropolitani*, quo titulo descriptam in antiquissimo S. Emilianii cucullati codice ante sexcentos annos manu exarato legi ajunt³, adjectumque: à *Cixilane Episcopo ejusdem urbis edita x. Kal. Februarii*. quomodo scriptum in eo libro, unde emanavit hoc apographum, fuisse videtur. Exstat item eodem modo, atque ab eodem auctore appellata, in schedis Toletanæ sedis bibliothecæ⁴. Concurrunt vestigia ætatis ab auctore ibi relicta: nam audivisse ea se, quæ de Ildephonso scribit, ab Urbano & Euvantio, quorum circa eram DCCCLXXV. sive annum Christi DCCXXXVII. Isidorus Pacensis meminit, refert.

4 In editione quæ facta fuit post Juliani Chronicon ad oram libri. Portocarrero in lib. *De descriptione Deip. in Ecclesiæ Toletanæ*. cap. 18. Morales lib. 12. cap. 39. in principio.
5 Pluteo. 70. num. 15.

7. Toto autem cælo errant illi codices, quos ad manus habuerunt Constantinus Cajetanus, & Franciscus Fev-ardentius, quorum alterius, Cajetani nempe, ms. codex⁵ pro *Cixila* nomine præferebat *Eladii* nomen; alter, scilicet Fev-ardentius, in editione sua S. Ildephonsi operum Juliano Pomerio Toletanæ sedis diacono hanc Vitam adscribere, libro forsan aliquo deceptus, non dubitavit. Cum Helladius Toletanus Episcopus Ildephonsum præcesserit, Juliani autem, non Pomerii, sed hoc tantum noti nomine, scriptum de Ildephonso elogium diversum prorsus sit ab Cixilani de vita & gestis ejusdem opusculo, cujus initium est: *Ecce dapes mellifue*, &c. atque huic Juliano convenire nequeat Siseberti Episcopi mentio in hac Vita facta, qui Juliano posterior fuit. Editum hoc post Pseudo-Juliani Chronicon à viro eximio D. Laurentio Ramirezio à Prato habemus, & in Constantini Cajetani in *De SS. trium Episcoporum, Isidori, Ildephonsi, & Gregorii Ostiensis vita & actionibus*. Sed pridem ante hos unà cum laudati Ildephonsi libro *De laudibus B. Virginis* Basilii Melanici Casinensis monachus Basileæ ann. MDLVII. publici juris fecerat.

6 Meminit ipse in vita S. Ildephonsi.

8. Hæc de Cixilane certa & comperta. Quibus autem libuerit ex cænosis pseudo-historicorum ficulneæ scaturiginis fontibus haurire de eo alia, meras fabulas discent. Cujusmodi sunt⁶, Carolum Francorum Regem magnum desponsasse Toleti uxorem Galianam Galafri Regis filiam, à Cixilane Christiana fide prius imbutam; cui consutandæ putidissimæ fictioni alia forsan opportu-

7 Luitprand. ann. DCCCLXXV. sive erà DCCCIX Julianus n. 397.

nior occasio dabitur⁷, consecrassè Toleti sancti martyris Thyrsi templum, quod ut civibus suis persuaderet olim factum, occasione usus cæmentorum quorundam veterum à fossoribus aliud agentibus inventorum Hieronymus Romanus de la Higuera, fabulosæ hujus totius historiæ ac ficulneorum historicorum, ut creditur, artifex, nihil non movit. Attamen re comperta, deridiculo auctor habitus, & in ora libri hac super inventionem ab eo confecti, qui vel hodie servatur in Ecclesiæ Toletanæ bibliotheca, jussu collegii ejusdem sacri monendæ posteritati notata impostura fuit: de quo etiam nos alibi proprio loco dicemus⁸. Habuisse item Cixilanem ann. DCCCLXXVI. Toleti Concilium ex mandato literisq; Adriani Papæ contra Egilannem Episcopum Eliberitanum nolentem die sabbathi à carnibus abstinere, ad quod ex omnibus Hispaniæ partibus fuit concursus: in quo etiam, Juliani testimonio, actum est de canonibus pœnitentialibus Theodori Anglorum Archiepiscopi.

8 Luitprand. ibidem. Julian. num. 397.

9. Scire aves, lector, undenam arripuerit hæc omnia confingendi ansam? Nempe Baronius Cardinalis⁹, dum scriptarum ab Adriano I. hujus nominis Papa, quæ vel nunc exstant, epistolarum meminit, deperditarum quarundam aliarum summaria tantum in Vaticana bibliotheca servari docuit; unde novimus scripsisse eum *ad Egilannem in Hispania Episcopum, ipsumque hortatum fuisse de Fide orthodoxa tuenda. Pro jejuniis sextæ feriæ ac sabbato celebrando. Item ad eundem, seu Joannem presbyterum, de conservatione continentie in Hispaniæ partibus epistolam scripsisse, ac de Paschali celebritate, ut eo tempore celebraretur, quando à Romana celebratur Ecclesia. Item eum (inquit nota hæc) monuit de prædestinatione hominis, sive ad bonum sive ad malum, de cōtaminatione eorum tam in escis quàm in potu, de diversis erroribus, & eorum pseudo-sacerdotibus, qui vivente viro¹⁰ sortiantur uxores; de libertate arbitrii, atque aliis multis capitibus in partibus illis contra Fidem catholicam exortis. In fine ipsos hortatur, ut omnes sint conformes, ut canones sciant, ut omnes non obediētes salubribus præceptis excommunicent.*

9 Luitprand. ibidem. Julian. nu. 394. & 396. & 399.

10 Tome 9. ad ann. DCCXCV. num. 9.

10. Verum tot inter Hispaniæ Ecclesiæ sub Sarracenorum jugo tunc gementis, & ignorantie tenebris circumseptæ, vitia nostris pastoribus ab Adriano imputata, nil aliud prorsus Toletanum doluit figulum, quàm Egilæ nomen duabus his epistolis Adriani inscriptum; ne fortè aliquis suspicari posset eundem cum Cixilane nostro hunc esse Egilannem, qui quidem ita promeruit de tot capitibus violati pastoralis muneris, habitæque negligenter curæ gregis admoneri. Id quod nonnulli jam in mentem venisse, moderno, ut ait, ac docto homini, conqueritur ipse, quodè loquimur, Hieronymus Romanus *Toletanæ historie* adhuc ineditæ lib. 14. cap. 11.

11 Ita legitur.

11. Inde huic evertendæ conjecturæ, quæ quidem aliorum¹¹ etiam animis sedit, omnes intendit mentis nervos, in historia quidem ista Toletana, rationibus dumtaxat usus, quæ rem parum, aut ne vix quidem, promovent, qua-

11 Thomæ Tamaji. *Notæ dades antiquas* fol. 126.

quarum tamen levitati pondus dare aliquod muneris sui esse existimans, quanto dein molimine, ut dedecus hoc Toletanę Ecclesię tollere procurarent, Luitprando & Juliano emissariis suis imposuit ! Nimirum Egila quidam fuit vivis, ne res dubia esset, coloribus describendus x, ut in urbe Tadera sive Secura natus, Agaliensis abbas & Eliberitanus tandem creatus Episcopus existimaretur, non Cixila Toletanus, is qui dedit reprehensioni, aut saltem epistolis, causam.

12. Attamen observatione dignum puto, nihil eorum, in quibus Hispani exorbitabant, præter unum de sabbathino carniū esu, cum tam multa ex Baronii relatione constent, Luitprandum Julianumque inculcasse. Nondum enim ad manus eorum formatoris Baronii Annalium volumen hoc nonum, cum distringeretur his plasmandis, forsitan pervenerat. Nuncupatus enim ab eximio annalista hic tomus fuit Henrico Galliarum Regi IV. circa annum sæculi anterioris ultimum, quo Mariam Mediceam, ut ex ipsa nuncupatoria epistola colligere pronum est, conjugem duxit. Certè cum Toletanam scriberet historiam ante hunc annum aut circiter Higuera, nondum Baronium viderat, nec vidisse item tunc videtur, cum dabat aliis suis libris operam, qui tam longè ab Adriani epistolarum scopo dirigere eos ictum fecit.

13. PETRUS, cognominatus ab oris specie PULCHER, descriptusque à nonnullis y in Toletanorum præsulū albo, ut Cixilę successor, aliis decessor, qui tamen in catalogis quę apud hanc Ecclesiam servantur, deest, scripsisse dicitur *De paschatis recta celebratione ad Christianos Hispani habitantes, qui à vero computo deerrabant, libellum elegantem*, uti apud Vaseum legimus, qui nullo alio nititur antiquo rei auctore. Quantumvis enim Morales noster Vaseo imputet Isidoro Pacensi laudato id affirmasse; nullum tamen nos apud Vaseum Isidoriani testimonii ad hanc rem adducti vestigium deprehendimus. Quod enim paullo ante Pacensem in testem appellaverit, ad visos Cordubę hoc anno tres soles omnino pertinet. Verumque est quod Morales Vaseo modestè opponit, in codice suo Isidoriani hujus Chronici bene antiquo desiderari hujus scripti mentionem. Nec item ea fit in Sandovaliana ejusdem editione. Unde Joannes Mariana z præstaretne fidem rei, ambiguum habuit. Pseudo-historicos nostros a ad hunc librum injecisse oculos, cum Petrum Pulchrum, scriptorem nobilem, doctrinamque præclarum appellavere, certum haberi debet. Cæterum Elipandus, quem inter scriptores Toleti præsules revera dicendum esse antea affirmavimus, quia ferè ad sæculi finem vixit, post alios paullo antiquiores infra describetur.

14. SERVANDUM Aurientem Episcopum fama est, non satis certa, Roderico Gothorum ultimo Regi à Confessionis sacramento ministrum fuisse, ejusque lateri hæsisse in eo prælio, quo à Sarracenis debellata fuit Hispania, immo & historiam, sive *Hispanicarum rerum* usque ad ætatem suam (vixisse autem

dicitur post fatale hoc prælium quatuor supra viginti annos) ex Idatio præsertim, *Historie compendium* scripsisse. Existat quidem, qualis ea est, adhuc in schedis manu exaratis, cujus exempla in magno pretio non ante multos annos apud eos haberi, qui in describendis nobilibus ab antiquitate venientibus familiis operam ponunt b, rectè memini. Adjunctum enim legitur, veluti historię appendix, domorum quarundam, seu palatiorum, ad quæ veteres referuntur, sive referri amant, familię (*Solares*, à solo, vulgus vocat) quoddam summarium.

15. Liber qui existat non ille Latinus est, quem Servandus composuisse dicitur, sed interpretatio ejus vernacula, hoc est, proprio Gallici sermone, à Petro quodam Seguino ejusdem Aurientis Ecclesię antistite anno MCL. facta. Qui Seguinus suę interpretationi tractatum & ipse addidit, de iisdem familiis tesseras conferens, sive stemmata gentilitia, & successiones earum, aliarumque ad suam usque ætatem. Deferbuit tamen jam apud eodem, qui olim auro contrā carum non habuere, utendi eo in genealogiis, ut vocant, deducendis amor & cupiditas c; pluramque observata fuere, tam in Servandi, quam in Seguini scriptis, vel parum vero similia, vel eventibus ipsis aliis certis, eorum ætate, à quibus referuntur, posteriora. De quo tamen quia librum non vidimus, judicium nostrum abstinemus. Nihilominus & ipsi ejus propugnatores d fatentur, factum jam extare ac deturpatum additionibus & commentis pluribus ineptis.

16. JULIANUS, præter alia cognomina, diaconus Toletanus, hujus temporis reputatur auctor fuisse cujusdam alterius historię, seu *Hispanicarum antiquitatum*, rerumque upud nos, & à Pelagio quoque, primo post captivitatem Rege, olim gestarum *commentarii*. Id omnes notum habent historici nostri, pars obnoxii, pars ambigui. Unus enim Florianus Docampius, Caroli V. Cæsaris & Hispaniarum Regis chronographus, ejus scripto isto usus fuisse dicitur, quod aliis commendavit; nulli verò codicem, requisitus etiam hoc super ab amicis, ostendit. De quo Ambrosius Morales jure eum expostulat lib. 13. cap. 7. ut postea dicemus. Floriani verba de hoc auctore Latina è vulgaribus dabimus, syllabumque eorum omnium locorum ejus, ubi Juliani testimonium pro rebus à se narratis laudat, subjiciemus. Qui velut quædam erit argumenti ejus, quo de agimus, operis tabella, è disjecta vi tempestatis nave, si quæ fuit, servata.

17. Hęc nempe Floriani ex prologo *Generalis Hispanię Chronici* e vernaculè scripti, seu potius incepti, verba sunt, Hispanis ad oram collocatis respondentia: *Post dictum Julianum rerum Hispanicarum seriem prosequutus fuit, ceteris melior, Julianus alter, diaconus, & ipse Toletanus, hujusce urbis civis, quantumvis natione Græcus, quod ipse in principio Chronici sui indicare videtur; quo quidem, antequam temporis sui res gestas aggrediatur, antiquitates Hispanię plurimas summarie colligit,*

b Videndi D. Josephus Pellizer en el Memorial de la casa, y servicios del Marqués de Ribade Don Joseph de Saavedra, Egidius Gonzalez de Avila in Theatro Ecclesię Aurientis tomo 3. Theat. Ecclesię Hispan. pag. 383. & in Ecclesię Composit. tom. 1. cap. 2. pag. 30. Caidolo in Haglogio Lusitano die iv. Maji lib. 6. Gandara Nobilitario de Galicia lib. 2. cap. 1.

c D. Josephus Pellizer in Bibliotheca suorum librorum fol. 145.

d Gandrea ubi proximè.

e In prologo fol. 7. *Después del Julianio subdicho se sigue la relacion de los hechos Españoles, mucho mejor que todos, otro Julianio diacno, tambien Toledano, morado en aquella misma ciudad puesto que Griego de nacion, segun el pareço declarar en el principio de su Chronica, dentro de la qual, primero quetrate los acontecimientos de sus tiempos, recapitulo sumariamente muchas antigüedades Españolas, donde se muestra leido y muy exercitado en letras, y ciencia de la gente Griega. Después de lo qual viene à contar la mayor parte de los trabajos, y victorias del santo Rey D. Pelagio, en cuya edad el dice que fue, con la entrada de aquellos Alabares, y Moros Africanos, que diuimos arriba.*

x A Luitpr. ad annum dccxxxvi. Julian. in Chron. num. 382. 395. ac 396.

y Vaseus Chron. ad ann. dccxlvii. Morales Vaseo laudato lib. 11. cap. 7. Loaisa ad decret. Gundemari pag. 210. Concilio. Hispania Pifa in Hist. Tolet. lib. 3. cap. 5. Tamarus de Vargas Novedades antigüas fol. 126. & ad Luitprandum pag. 132.

z Lib. 7. cap. 6. a Luitpr. ann. dccxlvii. Julianus num. 384.

non parum se in doctrina & literis Græcis versatum ostendens. Post inde is Pelagii Regis sancti, sub quo vixisse dicitur, laborum ac victoriarum maiorem partem, Arabicorumque & Maurorum Africanorum, de quibus diximus, ingressum narrat. Hoc illius operis argumentum hinc fuisse novimus.

18. Testimonio autem ejusdem Juliani diaconi Florianus sæpe utitur; nempe

Lib.1. cap.38. ait Julianum prædictum de origine Calpes, in freto Herculeo antiquissimæ urbis, multa narrare.

Lib.2. cap.31. in *Turdetanorum* gentis etiam nostræ mentione.

Lib.3. cap.32. Dum legationem Hispanorum ad Alexandrum Macedonem destinatam refert.

Cap.41. Quum de *Astorum*, sive *Asturum* populo, atque ejus rebus gestis agit.

Lib.4. cap.5. Hamilcarem Annibalis patrem in Sicilia bellum adversus Romanos gesturum, ex Balearibus insulis, cum Hispanorum duobus millibus, atque earundem insularum trecentis fundibulariis solvisse, ex eodem Juliano memorat.

Cap.9. Distingueret eum ait *Caribaginem*, cognomento *veterem*, ac *Dertusam* urbes, quas nonnemo inter noviores confundere voluit, quasi una eademque esset Ilercaonum urbs, *Toriosa* hodie dicta.

Cap.10. Dum de *Turdeto* urbe à Turdetanis sub Hamilcare militantibus ædificata mentionem habet.

Cap.14. Eundem Julianum, dum de *Barcinonis* fundatore agit Hamilcare cognomento *Barcino*, plura collegisse ait Latinorum poetarum de hac re carmina.

Cap.44. Quum de anno agit, quo Annibal cum exercitu Pœnorum & Hispanorum Italiæ expeditionem aggressus fuit.

19. Novem his, nec aliis, ut credo, locis Juliani diaconi Florianus meminit. In eorum autem quibusdam recordatur etiam alterius Juliani, quem *Pomerium* in prologo appellat, earundem Hispanicarum antiquitatum illustratoris, quemque eundem esse cum eo existimavit, qui res sub Wambane Gotthorum Rege contra Paullum rebellem gestas luculenter enarravisse scimus. De quo suprà diximus quæ de hac re scire oportuit, cum de Juliani Toletani Archiepiscopi, hujus de Wambane historiæ vulgò existimati auctoris, rebus ageremus.

20. Sed vide sis nunc de Juliano isto, & ejus hoc à Floriano laudato Chronico, quid Ambrosius Morales, probitate non minori quàm doctrinâ & industriâ vir, quem Floriano ante tempus defuncto in continuandæ *Generalis Historiæ* cura Philippus Rex secundus subrogavit, libri 13. cap.7. existimaverit. Verba ejus vulgaria in ora posita Latine ita sonant: *Florianus de Ocampo ait in suo prologo, quandam historiam horum temporum penes se habuisse Juliani Thessalonicensis, qui florebat tunc Toleti, sanctæque ejus urbis Ecclesiæ erat diaconus. Habeo tamen de hac re dicere, mecum plures Floriani amicos videre hunc librum desiderasse, quem nunquam nobis ostendit, nec*

postea visus ab aliquo fuit. Quinimmo in ejusdem Floriani schedis non unquam existisse hunc librum, vestigia plurima deprehendi.

21. Nescio culpæ quid in his verbis D. Laurentius Ramirezius de Prato, cætera vir doctissimus, spiritui tamen (quod veniâ ejus dixerim) cuicumque credens, invenerit; cujus nomine probitate conspicuum & pietate virum, quarum virtutum in omni vita sua, & quæ supersunt ab eo, scriptis, documenta clarissima ostendit vivus, posterisque reliquit, ob hoc sincerè interpositum de Juliani Chronico judicium deridiculo habuerit. Si enim historicis non licet de rebus dubiis ambigere, & nullo præjudicio, etiam doctorum hominum, impediri, quominus id, quod mente conceperint, eloquantur; frustra calamum in manu arripimus, & veritati, proprio historiæ genio, sacramentum dicimus. De hoc sanè Juliano Thessalonicensi quicquid habent auctores nostri, ex Floriano hauserunt; cætera ignotus ivit per omnem ætatem, & cum assertore suo interit. Petrus unus de Medina in libro *Grandezas de España* inscripto, Julianum Lucam vocans laudat eum, quod scripserit Medinam Sidoniam, quæ *Assido* vetus fuit in Bætica, ex antiquissimis fuisse nostri regni urbibus: quod in Floriano non dum reperi.

22. Neque enim morantur nos pseudo-historicorum ficulneorum ea testimonia, quæ potiùs succollandæ Floriani fidei apud Moralem vacillanti, quàm asserendo hujus sæculi scriptorum albo Thessalonicensi Juliano Toleti diacono nata, facta fuere. E quibus est Luitprandi illud: *Floret Toleti Julianus Lucas, qui multa de utroque Beroso collegit & continuavit*. Et Juliani quoque hoc: *Hinc auspiciatur suam historiam Julianus Lucas Thessalonicensis, & in sancta Ecclesia Toletana celeberrimus archidiaconus; qui vixit sæculo sanctissimi Regis & reparatoris Hispaniæ Pelagii*. Quasi non contentus fuerit horum verborum artifex uno fabulis dolisque confuto Beroso Anniano, quin & alterum nobis hoc loco intrudere voluerit. Tamajus autem suspicatur posse intelligi pro altero Beroso Lucium illum Valerium Hispanum à Pseudo-Dextro laudatum, qui Berosi fragmenta in quinque partes digessit. Sed frustrâ lavat Æthiopem. Potius credo Luitprandum voluisse præstigiis suis fallere eos, qui sciunt Annianum Berosum ab eo Beroso, cujus in veterum scriptis fragmenta conservata sunt, toto cœlo differre, idque memoratis duobus, hætenus inauditis, pro uno Beroso. Hæc enim est ejus & similium fallendi ars, Salomonico, sed pravo, judicio, infantem, hoc est veritatem dividere, ut partium rixas quoquo modo sedare possint.

23. Adjungimus pro arguenda Juliani etiam apud suum Florianum fide, D. Josephum Pellizerium regium chronographum, virum scriptis suis perennaturum, affirmare alicubi habere excerpta, seu eclogas, ex Juliani hujus Chronico ipsa Floriani manu scripta; quorum tamen, sive in iis contentorum, nullam habitam ab eo in Chronico Hispaniæ men-

g. In Notis ad Luitprand. Adversaria num. 36. aliis 34.

h. Garibay lib.9. cap.3. Mariana lib.7. cap.6. Paulus Espinosa. Historia de Sevilla 1. par. lib.1. cap.1.

i. Luitprandi in Chronico an. dcccviii. & Adver. 14. aliis 36. Juliani in Chron. nu. 234. & 385.

x. Ad ann. dcccviii.

l. In Chron. num. 234.

m. Ad ann. ccc. pag. 326. in Bivariana editione.

n. In libro Trofeo de la verdad fol. 86. horum quoddam excerptum offert. fol. 88.

f. Florian de Ocampo dice en su prologo, como tuvo una historia de los tiempos de un Julianio Thessalonicense, que florecia agora en Toledo, y era diacono en la santa Iglesia. Lo que se dezir desto es, que muchos de sus amigos de Florian desframos ver este libro, y nunca nos lo mostrò, ni despuës ha parecido; antes hallè yo en sus papeles estas haras de no haver havido tal libro.

mentionem Pellizerius tradit, simul & miratur. Quasi hujus mercis pretium apud ipsum etiam Juliani proxenetam viluerit.

24. Juliani Lucæ diaconi in *Historicis Latinis* suis Vossius ex Floriano meminit. Quem Julianum eundem cum Juliano Petri archidiacono S. Justæ Toletanæ urbis à Petro Marca in *Historia Bencarnensi*, ut ait, laudato fuisse, non rectè censuit Christophorus Christophori Sandius in *Notis & Animadversionibus* ad dictum Vossii opus °.

o Pag. 176.

C A P U T II.

De FELICE Urgellensi Episcopo, atque ejus hæresi, Christum Dei filium adoptivum blasphemè appellante: cui consensit ELIPANDUS Toletanus Episcopus. De Migerii errore circa celebrationem Paschatis. De Concilio Francofordiensi sub Carolo Magno. Elipandi & Felicis hæresis quibusnam Conciliis & scriptis refutata fuerit. BEATI præbiteri, & HETERII Uxamensis Episcopi commune opus de hac re. Levana bodie Lievana in Asturiis. Beatus an monachus. Paullinus Aquilejensis exponitur. Iberia etiam Italia dicta. Pseudo-historicorum Luitprandi & Juliani ad excusandum Elipandum stultæ machinationes. Ludovicus Pius Caroli Francorum Regis ex Ildegarde filius, non ex Galiana Toletani Regis nata. Concilium Toletanum hujus temporis fictitium. Ficulnei generis, sive Higuerarum Toletanorum civium, jacta fundamenta. ARCARICI Bracarenfis Episcopi suppositiue literæ ad Elipandum.

25. **E**NATUS verò, cum exiret hoc sæculum, novus ob ignorantiam gentis sub jugo Sarracenorum Hispanæ gentis error de persona Christi Domini nostri, puriorem Christianitatis aëra, quo illius ætatis fides vivebat, infecit. Quæ tamen ansam dedit aliter ac rectè sentientibus cudendi monumenta doctissima; scriptisque suis pudentas, si brevi non succurreretur, futuras maculas extergendi. FELIX URGELLENSIS atque ELIPANDUS TOLETANUS antistes mali fundus occasioque. Deceptus enim uterque contagione forsan infidentium cervicibus, aut è proximo blasphemantium Machometanorum, Jesum Christum adoptivum Dei filium appellare ac docere non erubuerunt. Quorum primus Felix in Concilio Ratisponensi semel, idemque iterum cum Elipando, sive eorum hæresis, in Francofordiensi damnata fuit.

26. Rem luculentius aliis Jonas Aurelianensis in libris *Adversus Claudium Taurinensem* statim in limine his verbis narrat, nec sine eximia quadam nostræ gentis laude: *Disertissimos viros, & eloquentissimos, atque catholicæ & Apostolicæ fidei invictissimos defensores, Hispaniam protulisse, manifestum est; quorum imitanda exempla, & documenta sequenda, quia in promptu habentur, & Ecclesiæ amplectuntur, ab eis, Christo favente, non ab jure sancta salubriter instruitur & fovetur Ecclesia. Sed quoniam sæ-*
Bibliotheca vetus Hispana Tom.I.

pissimè, & hæresiarchas simplicitatem catholice fidei perversis dogmatibus commaculare conantes, & multifariis superstitionibus auctoritati sanctæ Dei Ecclesiæ contrà euntes creavit, & hætenus creare non cessat; cunctis valdè fidelibus dolendum est. Ut igitur ceteros omittam, emerfit ex eadem Hispania tempore sanctæ memoriæ Caroli piissimi atque invictissimi Augusti quidam Felix nomine, actu infelix, Urgellitanensis civitatis Episcopus, qui juncto scelerato errori Elipando Toletanæ urbis Episcopo, secundum humanitatem non esse proprium filium Dei, sed adoptivum prædicare ausus est, & hac virulenta doctrina uterque Hispaniam magna ex parte infecit.

27. Narrat inde Felicem propinare Gallis & Germanis conatum veneni hujus haustum; Caroli ejusdem Magni jussu, & Adriani I. Papæ auctoritate congregatam Synodum (Ratisbonæ, sive Raiginisburgi: nam ita vocat Alcuinus) cum erroris sui auctore Nestorio præsentem condemnasse. Quando hæc habita Synodus fuerit observavit Jacobus Sirmondus q, nempe anno DCCXCII. Immo ductus inde Felix Romam, coram Adriano in Basilica S. Petri hæresin confessus, eam abdicavit, libereque redire in urbem suam fuit permittus, uti refert Eginhardus in *Annalibus* suis, sub Ludovico Pio conscriptis r, quem auctorem, quia ignotus antea fuit s, non ullo nomine Baronius, & alii appellant. Qui & scripsisse de errore suo libros ad Elipandum directos ait u. *Orgellis est* (inquit) *civitas in Pyrenæi montis jugo sita, cujus Episcopus, nomine Felix, natione Hispanus, ab Elipando Toleti Episcopo per literas consultus, &c. valdè incautè ac inconsideratè, & contra antiquam catholicæ Ecclesiæ doctrinam adoptivum non solum pronuntiavit (Christum Dei filium) sed etiam scriptis ad memoratum Episcopum libris pertinacissimè pravitatem opinionis suæ defendere curavit.*

28. Ex quibus verbis natales Hispanici Felicis adeò indubitati esse debent, ut frustra sit, profapià eum fuisse Gallum Joannes Tammajus volens. Ab eo enim interpolata Vita fuit Beati, in qua hoc legimus edita die XIX. Februarii, quamquam affirmet se eam ex legendario Asturicensi desumpsisse. De quo iterum quum de Beato agemus. Exstant quidem in appendice operum Alcuini *epistola & confessiones Felicis Episcopi Urgellensis & Elipanti Archiepiscopi Toletani*. (Quam confessionem etiam Lalandus edidit in *Supplemento Conciliorum Gallie Sirmondi* x.) Item *epistola Felicis ad filiam in Christo charissimam*. Nec non *epistola Elipanti ad Felicem nuper conversum*. Demumque *Elipanti ad Alcuinum, sive Albinum*. Alia *responsiones continens prioris epistolæ ejusdem*.

29. Neque tum recens natus error hic: namque ab anno DCCLXXXIII. (si recto it calculus talo, ac nota numeri nos non fallit) in quodam codice ms. Toletanæ Ecclesiæ, in quo, uti & in aliis, conservatur magnum quoddam adversus Elipandi hunc errorem Beati atque Heterii, quibusde statim agemus, opus, epistola quædam legitur ab Eli-

Ss 2 pan-

p Advers.
Elipandum.
lib. 1.

q In *Notis*
Conciliorum
Gallie tom 2.
pag. 160.

r Editus fuit
inter Germaniæ
scriptores
absque nomine
à Justo Reubero,
deinde sub
Eginhardi à
Duchefnio tomo 2.
Scripte.
Francia pag. 233.

s Ante editionem auctoris.
coeran. Gallie
Duchefnii.
t Tomo 9.
an. an. DCCXCII.
num. 10. Morales
lib. 13.
cap. 26.
u Ad ann.
DCCXCII.

x Pag. 89.

pando Toletano Episcopo ad quendam abbatem, *Fidelem* appellatum, cujus loci ignoramus, sed in Asturiis manentem, Octobri mense hujus nuper laudati anni Toleti, ut videtur, scripta. Quo anno, Silone Rege Asturiarum defuncto, Mauregatus Alphonso catholici nothus, Alphonso Casto ejecto, regnum usurpavit. Argumentum hujus epistolæ apud Ambrosium Moralem videtur; quæ tamen hætenus in schedis latet. Hoc autem primum scriptum fuit, quo Elipandus pro vana sua sententia stylum strinxit, Beatum incusans eum, quem nuper laudavimus, unaque Heterium Oxomensen nuncupatum Episcopum, ejus amicum & affeclem, eo quod inconsulto præfule Toletano, immo contra sentiente, Asturiarum incolæ ipsi, quod veluti opprobrii loco jacit, quæ sibi viderentur, docerent populos; laudansque Arcarium quendam Episcopum prudentiæ & obsequii nomine, qui super utriusque Beati atque Heterii doctrina officiosè eum consulisset. Refert inibi se errorem alium circa celebrationem Paschatis, cujusdam Migetii, unâ cum aliis præsulibus, Hispali serpentem extinxisse, sperareque similiter extincturum *Beatianam* (sic à Beato appellat) in Asturiis heresin. Huic sanè epistolæ repouere ii, quos diximus, Beatus & Heterius, de quo paullo post dicemus, veræ sententiæ apologema.

30. Neque admonitus aut repressus Elipandus Felicis pœnitentiâ, immo eandem hujusce erroris causam iterum ipse tueri satagens, ad Carolum Francorum Regem, immo & ad quosdam dedit Episcopos literas, in quarum (ait ipse Carolus^b) serie non satis elucebat, an quasi ex auctoritate magisterii nos vestra docere disposuistis, an ex humilitatis discipulatu nostra discere desideratis. Certè in his quæ Caroli Regi sunt directæ, ab eo petiit, ut libelli sui de re conscripti (idem est cum epistola) textus in præsentia ejus legeretur. Quod Carolus exsequutum sese ait, ex omnibus suæ ditionis Ecclesiis vocatis ad Concilium Episcopis, coramque iis recitatâ epistolâ. Hoc est Concilium illud Franco-furtense, seu Franco-fordienſe, anni DCCXCIV. celeberrimum, at non omni ex parte beatum; in quo sanctè quidem anathematizata fuit *impia ac nefanda heresis Elipandi Toletani sedis Episcopi, & Felicis Orgellitani, eorumque sequacium, qui malè sentientes in Dei filio asserbant adoptionem*; ut canon primus loquitur: temerario autem ausu catholicum de adoratione imaginum. Nicænæ secundæ Synodi generalis c tunc forsan haud satis in Græco fonte intellectum dogma, in canone secundo damnatum.

31. Unde emanavere ad Elipandum, simulque generaliter ad Hispaniæ Episcopos, qui non omnes tamen luto isti hæsisse verosimilius est, refutatoriæ epistolæ; prima, quæ Episcopis dumtaxat Italiæ eo in Concilio coëuntibus adscripta, & ad provincias *Gallicie ac Spaniarum* directâ: secunda Episcoporum Germaniæ, Galliæ, & Aquitaniæ *Præsulibus Hispaniæ* inscripta: tertia verò Caroli ipsius ad Elipandum responsoria, cujus ad eundem,

& ceteros in partibus Hispaniarum consacerdotes nuncupationem esse voluit. Quæ omnes in Concilii hujus actus conjectæ sunt, uti & Adriani Papæ I. alia^c, non jam ad Elipandum, sed contra eum, *Galliciis Spanisque* (ita legitur) *Ecclesiis præfidentibus* inscripta, & ante Concilii jam dicti celebrationem, statim atque de missis ad se ab Elipando literis Carolus ipsum admonuit, exarata. Leguntur & aliæ ejusdem Pontificis tertio volumine collectionis Duchesnianæ *Historiæ Francorum*.

32. Strinxit & contra Elipandum calami aciem, multisque cum eo super dogmate isto Alcuinus egit. Alcuinus, inquam, Caroli Magni magister, quem ille hoc ipso tempore propter doctrinæ existimationem à Britannia evocaverat. Leguntur namque in hujus operibus Parisiensis editionis^d ab Andrea Duchesnio procuratæ, tum ejus *epistola ad Elipandum Toletanum Episcopum cohortatoria in catholica fide*; tum alia *Elipanti ad Alcuinum, continens responsiones prioris alterius*. (de qua jam supra diximus) item *libelli duo Alcuini contra epistolam sibi ab Elipando directam, quibus evacuat pravas illas assertiones*. Nec non ibidem extant contra *Felicem Urgellitanum* libri VII. sub nomine Paullini Aquilejensis, in *Bibliotheca veterum Patrum* vulgati, quos idem Duchesnius Alcuino asseruit.

33. Sunt enim diversa, quæ adversus hunc errorem Paullinus ejusdem temporis scriptor Caroloque valdè charus exaravit, nempe *libellus de sanctissima Trinitate adversus Elipandum Toletanum, & Felicem Urgellitanum, antistes, dictus sacro-syllabus* (hec est epistola superius memorata hujus Paullini, aliorumque Italiæ Episcoporum nomine ad provincias Hispaniæ destinata) atque item *libri tres contra eundem Felicem Urgellitanum Episcopum, cum epistola ad Carolum Magnum*, quos jam laudatus Andreas Duchesnius ex codice ms. Puteanorum fratrum cum Alcuini operibus emisit in publicum. Agobardus etiam Lugdunensis præsul contra *Felicem Urgellitanum* ad Ludovicum Imperatorem directum librum emisit.

34. Tantæ molis fuit redivivi apud nos erroris, ut jactabatur, Nestoriani machinationes, & falsissimas duorum Episcoporum assertiones veritatis malleo confringere. Et tamen post conciliare ac pontificium anathema (laudantur hac re super celebrata Concilium Narbonense^h, Romanumⁱ, Urgellense^k, Aquisgranense, apud varios) movebat adhuc in Hispaniis caput excetra erroris in discipulis quibusdam Elipandi, quos sese in Asturiis cognovisse, & quia post trinam admonitionem adhuc etiam in eodem errore permanebant, ut hereticos devitasse, Jonas prodit Aurelianensis. Videantur tamen ab iis qui Elipandi errorem quodammodo excusari vellent, Franciscus Suarez, Gabriel Vasquez in *Commentar. Theologicis*, & post eos Joannes Eusebius Nierembergus in epistola^m ad D. Laurentium Ramirezium de Prato scriptam, & cum Luitprandi operibus ab hoc publicatam.

35. Nulli autem fuit inferius BEATI Hispana-

y Morales lib. 13. cap. 25. & 26.

z Cap. 28.

a Meminit hujus Adrianus Papa in epist. ad omnes Hispaniæ Episcopos contra Elipandum, quæ Sirmondus edidit 2. tomò Concil. Gallie pag. 161. quam. que postrema editio Parisiensis omnium Conciliorum exhibet.

b In epist. de qua infra.

c Rem forſan acu retigit post diverſas hæc super diſſectâ utriusque Concilii conjecturas Ludovicus Maimbourg Societatis Jeſu Gallus in *Hiſtoriæ Iconoclaſtarum* volum. 2. lib. 5. ad an. dcccxiv. & plura confert doctè animadverſa poſt Sirmondum ad hoc Concilium Francofordienſe Notis Joannes Mabillonius in præſatione ad primam partem ſæculi quarti *De Actis SS. Benedic-tinorum* 9. 3.

d Edit. Paris. ultimæ tomò 7. columnâ 1022.

e Ibidem col. 1014.

f Anni MDCXVI.

g Notat & Placcius De ſcripſe. Pſendonymis pag. 235.

h Anno dcccxxviii. in *Gallia Chriſtiana* tomò 1. pag. 368. Synopſi Labbei pag. 373.

i Apud eundem Labbeum ſub Leone III. anno dcccxcix.

k Apud Baluzii append. ad Agobardum.

l Apud Landum in ſup. plem. Concil. Gallie pag. 89. m In edit. Oper. Luitprandi pag. 518.

spani de nostris Ecclesiis, super eadem re, atque his ipsis diebus, meritum, cuius, & HETERII (fuit hic Oxomenfis Episcopus) liber exstat *Adversus Elipandum*. Opposuit sese, uti jam diximus, novo Elipandi dogmati Libaniensis in Asturiis Beatus, doctus vir, ac testimonio Alcuini tam vitâ quàm nomine sanctus: & quia cum Heterio sibi erat intima consuetudo, ejus etiam nomen inscripsit operi, quod sub hac inscriptione officii plena in Toletanæ Ecclesiæ codice quodam nuper à nobis memorato legitur: *Eminentissimo nobis & Deo amabili Elipando Toletanæ sedis Archiepiscopo, Heterius & Beatus in Domino salutem*. Tantum abest, ut veritatis amantes viros irritaverit superba illa, suprà à nobis dicta, Elipandi ad Fidelem abbatem, utriusque horum operæ reprehensoria epistola.

36. Primus, quod sciam, in lucem protulit antiquitatis hoc monumentum Petrus Stevartius in *Collectione insignium auctorum, tam Græcorum quàm Latinorum, de rebus Ecclesiasticis*ⁿ. hac scilicet inscriptione: *Heterii Episcopi Uxamenfis & Beati presbyteri adversus Elipandum Episcopum Toletanum de adoptione Christi filii Dei libri duo*. Deinde in *Bibliotheca Patrum* editionis quartæ Parisiensis tomo 4. & aliis. Ms. exstat in duobus codicibus Ecclesiæ Toletanæ^o, quorum alterum vidit Morales, uti jam diximus, & Franciscus Piffa^p. Meminit hujus operis, ad Carolum scribens, ipse Elipandus, ut constat ex his Carolinæ responsionis verbis^q: *Exemplum mihi Constantini Imperatoris proposuistis, cujus initium Beatum Isidorum laudasse dicitis, & finem doluisse, quod ne mihi accidat per quendam Beatum (malè beatum in editis) quem Antiphrasium cognominastis, benignè suaderis*. Hac *Antiphrasii* compellatione, quasi irrisoriâ, usus fuerat Elipandus: *contradictorem* Latine dixeris) Beatum significaturus. Immo & in eo conspirans Felix, qui Alcuino rescribens *Reverentissimo fratri Albino diacono, non Christi ministro, sed Antiphrasii Beati fœdissimi discipulo* epistolæ inscripsit, uti Joannes Mabillonius rectissime emendavit^r. Qui & de hoc ipso *Antiphrasii* nomine duo alia testimonia, epistolæ scilicet Elipandi ad Felicem, & Vitæ Alcuini, produnt Beati.

37. Laudat quoque idem opus Beati Alvarus Cordubensis, hætenus ineditus, sequentis sæculi scriptor, variis in locis suorum operum, ut ait Morales, ibique eum notare, Beatum impeditiore lingua fuisse, iccircoque ad scribendum quàm ad disputandum habiliorem & promptiorem. Nos hunc ejus locum non vidimus, quo ita de Beato censet, sed tantum quod in epistola 1. ad Aurelium Flavium Joannem inter alia SS. PP. testimonia argumentum ejusdem epistolæ promoventia, *Item* (ait) *ex libro Beati Heterii contra Helipandum* (lege sis *Beati & Heterii*; nam duo sunt: & *Heterium & Helipandum* cum nota aspirationis non inculpamus) *quum dicit: qui me misit, mecum est &c.* Confirmatque emendationem, eundem laudans statim: *Item superius nominatus Livanensis Beatus. Quod si discutere volueris &c.* Et in alia ad eundem: *Sed ut Bea-*

tus Libaniensis presbyter dixit. Ibidemque mox: *Penè temporis nostri Beati Livanensis presbyteri*.

38. Quibus locis five patriam five locum commemorationis ejus indicat. Apud Sebastianum Salmanticensem Episcopum, five Alphonsum Regem, in Chronico, inter alios terræ tractus quò immissi denuò sunt sub Alphonso Catholico, Pelagii genero, fideles Hispaniæ populi, Asturiarum quibusdam angulis ob Sarracenorum metum usque ad eum diem restricti, *Levanam* nominatam legimus. *Eo tempore populantur* (ait) *Primorias, Levana, Transmera, Supporta, Carranza, Burgis, quæ nunc appellatur Castella, & pars maritima Galliciæ*. Hodie non ullum certum oppidum, quod sciam, sed pars quedam Asturum, inter Oveti & Sanctæ Julianæ, five *Santillanæ*, ut vocant, Asturias, totius provincie altissima & asperrima, novem longa, quatuor autem leucis lata, provincia *de Liebana* nuncupatur sub Ducis Infantatidis ditione. In eo tractu oppidum est, *Vallemcavatam*^s vocant, juxta *Saldaña*, in cujus Ecclesia corpus quoddam sancti viri, quem *Santo-Vieco* populares corruptè, ut videtur, pro *Santo Beato* appellare amant, religiosè aservatur, seorsumque alterum ex ejus brachiis colendum palam ostendi plures affirmant^t. Monachum suum Benedictini^u, Jepes, Uvion, & Menardus, immo hypobolinæus Haubertus in Chronico ad ann. DCCXCII. *Mabillonius*^x autem aliquando, & alii omnes, non ejus instituti, presbyterum tantum fuisse ajunt. Sed retraxit judicium suum Mabilonius quum ad Beati accessit res gestas, priore parte sæculi quarti, monachum & abbatem ex Alcuini, atque ejusdemmet Beati libris, ostendens. Ex legendario quodam Asturicensis Ecclesiæ Beati hujus actus, seu Vitam, ad Februarii diem XIX. quo vir sanctus colitur, Jo. Tamajus produxit. Sed qui parvam aut nullam fidem huic habent martyrologo, non faciunt ei ullam injuriam. Quò de infra agemus. Quibus aliter visum fuerit, Beati obitum anno DCCXCVIII. inde docti assignabunt.

39. Quod verò ibi, & apud eundem Haubertum anno DCCXCII. annotatum legitur, Heterium & Beatum pro catholicis Hispanis missos Franco-fordienfi Concilio interfuisse, iisdem suprà laudatis patrum, eò vocatorum, & Caroli Regis præcipuè literis ad Hispaniæ Episcopos directis, redarguitur^z. Nulla enim Beati, uti præsentis, cum verè fiat, uti adversus Elipandum scriptoris, inibi mentio. Et ex eodem Carolo novimus convocatos in hunc cœtum omnes ejus ditionis, quæ tunc Francorum Regi parebat, Episcopos, necnon & ex Britannii aliquos, tandemque ex Italia Petrum Mediolanensem, Paulinum Aquilejensem, & ex Germania, Gallia, Aquitania alios, quin adjungat ex Hispania aliquos. Paullinus^a autem Aquilejensis quod *ex Hesperia* addit^b, *Liguriaque, Emilia, & Austria provinciis*, potius ad Italicam, quàm ad Hispanicam Hesperiam pertinet. Nam & ipse sedem suam Aquilejensem, five Foro-Julien-

^s Val-cava, do vulgò.

^t Morales lib. 13. & 27. Lobera in *Histor. Legion.* cap. 33. Tamajus in *Martyr. Hisp.* x. Feb. ^u Jepes in *Chron. Bened.* ad annum. DCCXXXIII. tomo 3. & ad ann. DCCXXXIII. cap. 3. tomo 1. Uvion in *Ligno vite* lib. 2. cap. 63. Menardus in *Appendice Martyr. monastici* lit. B. ^x In *Astis SS. Bened.* sæculi III. parte 2. ^y Morales lib. 13. cap. 26. Mariana lib. 7. cap. 8. Tamajus in *Martyr. Hisp.* die XIX. Feb. pag. 184. Bollandus *De Astis SS.* eadem die.

^z Consentit Mariana dicto cap. 26. & Tamajus ibidem.

^a In *sacrosyllab.* seu epist. jam laudata Episcop. Italiæ contra Elipandum. ^b Liguria, Histriæ Hesperia, Emilia, vel Histriæ, Venetiæ, Emiliæ valent alii legere

ⁿ Ingolstadtii mdcxvi. in 4.

^o Ploteo 30. num. 13. sub nomine *Eserii* adv. *Elipandum*. ^p Vide *Hisp. Tolet.* fol. 137. ^q Edit. Paris. col. 1051.

^r Prefatio- ne ad primam partem sæculi IV. de Actis SS. Benedictinorum f. 1.

326 Bibliothecæ veteris Hispanæ

liensem, quæ pars Italiæ vel nunc est, *Hesperii oris accinctam* paullo prius appellaverat.

40. Ex eadem certè constat Felicem scriptæ hujus synodalis Paullini stylo epistolæ, hoc est Concilii Franco-fordienfis tempore, nondum verè pœnituisse, sive ad heresin suam unà cum Elipando tuendam denuò lapsum fuisse; immo impœnitentem vitâ functum in Lugdunensi relegatione, Ado Viennensis auctor est. De Elipando aliter vulgò sentiunt^c. Profectò, si germana est Archarici Bracarenfis Episcopi ad eum epistola, quam Tamajus ex ms. codice se desumpsisse ait^d, revera autem inter epistolas præfulum, quas collegit, & notis illustravit Julianus (omnia officinæ Higuerianæ merces) à D. Laurentio Ramirez edita jam fuerat; certè inibi Toletani Concilii ab Elipando coacti, retractatiq; coram patribus veteris erroris mentionem legimus: quæ omnia more suo amplificavit Pseudo-Luitprandi artifex, ac Pseudo-Juliani, pluribus in locis, de quibus mox aliqua dicenda sunt, postquam annotabimus Beati, præter dictum opus adversus Elipandum (in quo notandum est cum Joanne Mabillonio facta S. Andrea, quæ recentiora creduntur, laudari) exstare adhuc inedita in *Apocalypsin commentaria*, sive catenam, ut vulgari similis formæ scribendi verbo utar, ex sanctis patribus, quorum aliqui iam non exstantes ibi laudantur, atque iccirco magnum operæ pretium esset ea in publicum post tam longum silentium exire^g: quod idem Mabillonius desiderabat.

41. At hoc esse Beati opus, quamquam desit omnibus in exemplis auctoris nomen, ambiguum haud est apud nostros. Argumenta sunt, primum Heterio nuncupatum fuisse, quocum Elipando Beatus obstitit, verbis his quæ indicant Vitæ consuetudinem & amicitiam: *Hec ego, sancte pater Heteri, te petente, ob edificationem studii fratrum tibi dicavi, ut quem consortem perfruor ordinis, cogerem etiam faciam mei laboris*. Secundum, servari codicem in Ecclesia Vallis-cavatæ membranaceum, in quo descripta sunt ante septingentos annos commentaria ista, famamque ibi perpetuò viguisse, ejus ea esse auctoris, cujus est sepultum ibidem ac religiosè cultum sancti viri corpus. Codex hic descriptus fuit erà MVIII. hoc est ann. Domini CMLXX. sed hunc se vidisse apud privatum quendam Hieronymus Romanus de la Higuera *Historiæ Toletanæ* adhuc ms. lib. 14. cap. 17. scriptum reliquit. Qui auctor ibidem conjectatur hunc eundem esse Beatum, cujus mentio fit in *Martyrologio Romano* & Usuardi die 19. Maji. In castro Vindecino depositio S. Beati Confessoris. Beda, & ex eo Galestinus, Romæ habent. Sed castrum Vindecinum, seu Vindocinum, in Gallia est urbs Vendome, in qua parécia est Beato dicata, & spelunca ostenditur, in qua vixit & sepultus fuit, Augustino Lubino teste in suo *Martyrologio illustrato*^h. Dies quoq; diversa est. Similis alius codex fuit in monasterio S. Isidori urbis Legionensis, descriptus & is erà MLXXXV. sive an. MXLVII. qui nunc est penes Excellentissimum Mar-

chionem de Mondexar. Exstant & duo alia hujus operis exemplaria: prius satis antiquum in bibliotheca S. Ecclesiæ Overensis, & alterum in monasterio regio divæ Virginis de *Guadalupe*: quos omnes vidit Ambrosius Moralesⁱ. Fuit & aliud in bibliotheca Eminentissimi domini D. Antonii S. R. E. Cardinalis de Aragonia, ut nobis retulit Martinus Vazquez Siruela, amicus noster doctissimus: & aliud adhuc est in bibliotheca Toletanæ Ecclesiæ, ut ex ejus catalogo, quem ms. servamus, liquet^k.

42. Diximus multos esse in excusando Toletano antistite Elipando, aut amplificanda ejus pœnitentia, rebusq; ue ejus enarrandis, Toletanæ creationis pseudo-historicos, Julianum scilicet Luitprandumq; ex quibus aliqua hîc dabimus, ut vanitatem eorum auctoris ostendamus. Archidiaconus Julianus ait^l fuisse Toletanum sub Cixilane archiepiscopo Elipandum, quo tempore Carolus Magnus Toleti fuit, desponsavitq; Galianam Galafri ejus urbis Regis filiam, ex qua, ut quidam auctores ajunt, Ludovicus Pius Imperator natus fuit. Hæc magni Juliani eruditio est, quam stupent nostri homines, unum veteres omnes contrà niti & credi velles. Nihil certius est, m quam Ludovicum Carolo Regi ex Hildegarde Suëva uxore procreatum, prope cujus sepulchrum Metis apud S. Arnulphum jacere dicitur; nihilq; à veritate magis absonum, quam Toleti Carolum aliquando fuisse, Galianamq; in uxorem duxisse. Hæc enim posterior una est ex anilibus fabulis, quæ temerè in aliquot ex nostris historiisⁿ prorupere; jureq; prudentiores abjudicant^o.

43. Texit deinde gesta Elipandi, aitq; eum Toletanum fuisse civem, sed ex genere Gotthorum (Gracchorum corruptè, ut credimus, editum fuit^q) deceptumq; à Felice Vincentioq; scripsisse de adoptione Christi ad Carolum Magnum sibi amicissimum. Vellem quidem in epistola Caroli ad eum directâ vestigium hujus amicitia exstare aliquod. Sub Elipando refert^r Muz-arabes sub Sarracenorum jugo vehementissimè passos fuisse. Et tamen paullo post, (quod in altissima quiete ac rebus prosperis Christianorum obtinere à Mauris arduum fuisset) Elipandus in eadem Toletana urbe Concilium plurium Episcoporum habuisse dicitur, atque eo quidem tempore quo (ait idem Julianus alibi^t) *Muz-arabes vehementissimè passi sunt injuriis Sarracenorum provocati, propter quod multi ad Asturias, alii ad Gallias fugere coacti sunt*. ut ejus telo Julianum petam, quo cum Luitprandus, ejus ævi homo, ut fingit, conspirat omnino^u, de his iisdem annis Concilio adscriptis loquens.

44. Postea idem Julianus missos ait ad Carolum Magnum cum Elipandi legatione & literis Gumesindum ejus archidiaconum, & Lupum Andreae ficulnei; cujus Andreae, Lupi patris, memoranda ibidem facinora & originem familiæ suæ *De la Higuera*, cui ficulnei Latinum cognomen convenit, & aliarum Hispanarum ejusdem stemmatis, Hieronymus Roma-

ⁱ Vide eum lib. 13. cap. 27.

^k Num. 30. 13.

^l In Chron. num. 395.

^m Eginbartus in *Vita Caroli*, versus finem, Paulus diaconus in *fragmento de Caroli majoribus & liberis* tomo 1. *Hist. Francorum* pag. 202. San-Marthani *fragmentum de la Maison de France* tom. 1. lib. 3. cap. 6. ⁿ *Hist. generalis* Alphonsi Regis, Beuter, & alii ex Turpini fabulosa historia, in cujus cap. 1. & 12. & aliis hæc habitatio Caroli Toletana cum aliis legitur.

^o Morales lib. 13. cap. 20. Garibayus lib. 37. cap. 15. Mariana lib. 6. cap. 10. Pisa in *Historia Toletana* lib. 1. cap. 17. Barreiros in *Itinerario* fol. 98. Vassæus in Chron. ad ann. dclxvii.

^p Num. 401. & seqq.

^q In edit. unica Paris. mdcxxviii.

^r Num. 402. s Num. 411.

^t Num. 402. u Ad ann.

dclxxxiii. num. 241. & dclxxxvii. num. 251.

^c Morales dicto cap. 26. Mariana dicto cap. 8. ^d Die xix. Feb. 1817.

^e Luitp. ad an. dcccxcv. & dcccxc. Julianus in Chronico num. 402. 411. ^f In observ. prævia ad Beati vitam pag. 714.

^g Vide Ludovicum Alcazar in *Apocalypsin* pag. 89.

^h Tabula v. pag. 108.

Romanus de la Higuera, Pseudo-Juliani architectus (ut creditur) conglomeravit; de quibus non alibi. Mox, Heterio Episcopo dumtaxat, nulla Beati veri auctoris habita mentione, tribuit *Apologeticum adversus Elipandum*. Immo Archaricum Bracarensem Episcopum literas ad eundem dedisse, & ab eo accepisse super questione de adoptione Christi, paullò post refert.

45. At quia hujus ARCHARICI, sive ARCHARICI epistolæ duæ ad Elipandum in eam collectionem epistolarum conjectæ sunt, quas Julianus noster auctor procurasse, ac Notis illustratas in schedis reliquisse dicitur; hodie jam cum Luitprandi operibus à D. Laurentio Ramirezio à Prato juris publici factam, hic sistendum paullisper est; ne illaudatus à nobis hic scriptor Hispanus, si verè scriptor fuerit, dimittatur. Epistolæ quidem ab Archarico quodam præfule ad se scriptæ super Beato & Heterio Elipandus meminit in ea, quam superius laudavimus, ad Fidelem abbatem data. Multa tamen sunt, quæ novitatem & suppositionem in his epistolis, de quibus nunc agimus, redolent. In prima *eminentissimi* titulus Elipando tributus ab Archarico, fastus sæcularis eo tempore potius quam Ecclesiasticæ modestiæ proprius, quantumvis Ramirezius laudatus uberi nota hic præstò esse curaverit. Habemus enim Isidori, aliorumque, immo & Alvari Cordubensis ferè æqualis epistolas, quæ focco isto non ambulant.

46. Metropolitanorum item, Hispalensis, Emeritensis, Tarraconensis, mentio, quos consuluisse se Archaricus ait. De Tarraconensi etenim debellata à Mauris ab anno DCCXIX. ac funditus excisa urbe, quod vulgò scribitur apud Cataloniæ auctores, ægrè id credimus, durasse Ecclesiam, nedum sedem metropolitanam. Emeritensis verò Episcopi post Maximum, qui florebat adhuc Gotthorum imperio Conciliis duobus Toletanis xv. & xvi. interfuit, nulla ulterior mentio. Eversa fuit à Mauris urbs, ut apud Rasmum Arabem historiographum legitur, eaque sub jugo illorum passa est, quæ in epistola quadam Ludovici Francorum Regis Pii, Caroli Magni filii, quæ inter Eginharti est epistolas, ad Emeritensem universitatem data, recensentur. De Hispali certum est Joannem sacra rexisse adhuc proximo huic nono sæculo, magni apud omnes, atque etiam Mauros, habitum, de quo nos suo loco ob doctrinæ ac monumentorum ejus laudem plura dicemus. Sed quicquid de durante in his urbibus Episcopali dignitate dicendum sit, quòd tamen duraret adhuc inter captivitatis & perpetui belli turbas illa sacræ politiæ vetus œconomia, & metropolitanorum inter se tot parasangis divisorum communicatio, & non potius super religionis capitulis promptius & expeditius inter vicinos antistites conferretur, vix mihi persuadeo.

47. Tertiò movet, Archaricum dicere se Adrianum Pontificem consuluisse, idque de eo tempore dicere, quo jam Adrianus ad Hispaniæ Episcopos, & Carolus Rex ad Eli-

pandum epistolas, quæ vel hodie existant, (de aliis quippe nil scimus) scripsissent. Qua tamen in epistola Adriani oportuit utique non prætermitti, Archaricum ad eundem hac super re dedisse literas. Quod minimè factum ostendit Adrianus, qui epistolam suam ita inscripsit: *Consecratoribus nostris Gallicis Spanisque Ecclesiis præsidentibus*. In quibus dubio procul, & ante plures, venit intelligendus Bracarensis. Immo universos, nullo dempto, statim ab initio, *non sinceris sensibus ejus fidei communioni sociatos*, ac totâ epistolâ temeritatis dementiâ delusos, querulos, obrectatores, Deo odibiles, cacos, scelestos, immites, & incompósitos esse ait, tandemque, nî resipuerint, extremum omnium malorum anathema imponit. Nolim utique injuriosus esse magno viro & Pontifici. Certè apparet magnâ eum injuriâ Archaricum Gallæciæ Episcoporum primatem affecisse, si ab eo consultus, nulla ejusdem facta mentione, generaliter universis ejus provinciæ Episcopis eandem erroris notam impingere non dubitavit.

48. Quartò, has dedit epistolas bibliotheca S. Justæ Toletanæ, ut legitur in Juliani Nota ad primam epistolam, quæ mera est mendaciorum, quæ ficulneus Julianus architectatus fuit, officina. Quare album calculum adhuc his denego, dum fontes legitimi desiderantur.

49. Persequamur jam quæ Julianus temerè de Elipando finxit, quibusque suam ipse fidem evertit. Actum fuisse ait in Toletano Concilio isto, quod nobis nullum fuit, de mutando officio Gotthico, eo quòd patres Concilii Italiæ perperam intellexissent, aut veriùs imposuissent, ea quæ de adoptione Christi non dixere, sanctissimis Ildephonso & Juliano Toletanis patribus. Cespitavit hæc referens planus. Hæc enim fugillatio doctorum Ildephonso & Juliani, quorum testimoniis peragere rem suam Elipandus atque ejus affecit contendebant, non in Italiæ ea, quam dicit, sed in Galliæ & Germaniæ Episcoporum ad Hispaniæ Episcopos altera epistola leguntur. Neque hi imposuere aliqua Ildephonso & Juliano, sed tantum illa eorum testimonia sibi non visa, quæ pro se adducebat Elipandus, non eo, quo sanè oportuit, loco habuere, uti habuit Cæsar Baronius hac nostra ætate, & alii, qui ut has imputatas ab Elipando sanctissimis Pontificibus maculas ab opinione hominum abstergerent, religiosè ac prudenter elaboraverunt.

50. Quòd ergo pœnituerit Elipandum in Concilio isto, sic solenniter, videntibus & consentientibus Mauris congregato, hic nobis aqua heret. Scio in actis seu Vita S. Beati, quam ex legendario Asturicensis Ecclesiæ, ut ait, deductam, Joannes Tamajus xix. Februarii, atque ex eo Actis Sanctorum inferre viri clarissimi operis magni compilatores, hujus Concilii Toletani mentionem haberi. Sed Joannis Tamaji hic mos fuit præposterè quidem judicii & abominandæ audaciæ, actis genuinis legendariorum ac Breviariorum inventa pseudo-chronicorum, quibus adhebat, inferre, tamquam hæc ejusdem texture & auctori-

x In Juliani hypobolismo sect. ... y Num. 406.

z Num. 409. & 410.

a Icart. *Grandezas de Tarraçona* cap. 4. & cap. 21. Beuter *Hist. de España* part. 1. cap. 28. Puja-des *Hist. de Caralima* lib. 6. cap. 148. Zurita lib. 1. *Annal. de Aragón* cap. 28. b In *Hisp. descriptione*.

c Apud Sirmondum post Notas ad *Capitulæ Caroli Calvi*, & apud Thomam Tamajum in *Apospasmario de rebus Emeritis* cum Paulli diaconi libro *De Visis PP. Emer.* edito pag. 151.

d Num. 411.

e Ad ann. DCCXCIV. n. 8.

storitatis essent cum Ecclesiasticis illis, quæ traditiones nostræ gentis antiquas conservabant, veteribus monumentis. Cujus sic temerarii ausus securi, Henschenius in commentario hujus *Beati vitæ*, atque item Joannes Mabillonius Benedictinus *De actis Sanctorum* istius ordinis agens priore parte sæculi quarti, acta hæc seu Vitam, ut germanum historiæ scriptum acceptavere. Quo præjudicio ductus Henschenius, credidit Joannem Marianam ex hac Vita à se visa quædam verba mutuasse: cum certius sit confectorem Vitæ Tamajum Marianæ verbis usum fuisse. At inter ea quæ sunt Tamajanæ manus omnia hæc haberi debere censeo, quæ de præsentia Heterii & Beati in Franco-fordienſi Concilio, ut jam diximus, & quæ de Toletano altero (ex Luitprando scilicet & Juliano) hic dicuntur: atque itidem quod Felicem audimus *Gallum profapiâ*, qui vero Eginharti testimonio, cui debemus, potius quam Tamaji, credere, Hispanus fuit. Mabillonius acutum huc deveniens, ut solet, vidit, Eginhartum opponens Gallicæ hujus Felicis patriæ, notansque Joannem Marianam afferere id non ausum. (tam à vero abest profecisse eum à Vita ista, quod Henschenio excidit) Non jure tamen in nos inductus, quasi omnes Hispani has adoremus fabulas, hisce verbis: *Festivi verò sunt Hispani, qui si quos habent nebulones, Francis aut Gallis adscribunt: quos autem insigniores habemus sibi vindicant, ut multis exemplis patet in Martyrologio Hispano*. Meretur hocce scriptum ut hæc & aciora adhuc audiat; sed non omnes Hispani cum eo consentimus; immo & pudet nos quotiescumque id in manus sumimus, enixeque cupimus Martyrologium Hispaniæ verum huic Tamajano, innumeris fictionibus fædo, in quo vera falsis interpolata passim leguntur, à viro aliquo veritatis & boni gentis nostræ nominis amante subrogatum iri. Et nos hanc Galli viri eruditissimi & modestissimi fugillationem, quam expressit ei nostra credendi quæque facilitas, chartis his illinere volumus; documento fore cupientes, quam oporteat & nostra intersit, ut non ita malè audiamus, vindicare gentem in pristinae sinceritatis, ac bonæ fidei famam, nil parcentes labori & operæ, quam debellandis nostræ pseudo-historiæ monstris optimus ac doctus quisque impendere debet.

51. At quantâ operâ Elipandianæ huic pœnitentiæ, obnoxioque animo erga Carolum Regem, ab eodem Juliano Fuldensis imponitur & quasi succollatur inventio illa & effusio tot, vel Cræso invidendorum, thesaurorum, quot inde fuisse ad se missa volumina Hieronymus Romanus de la Higuera olim jactavit! Eo enim fundamento nititur tota machina, Elipandum scilicet officii memorem tunc temporis misisse ad Carolum plura Hispanorum hominum omnis generis monumenta, & in his *Chronica Dextri & Maximi; fragmenta Braulionis, Helece, Taronis, & aliorum*, ut ait ille^f. Quod quidem tam ipse alibi^g, quam Luitprandus ejus gemellus^h putidè inculcant, ita ut suppositio ac dolus non prorsus obesse naris hominibus

fese ipsa prodant. Obiisse autem Elipandum in pontificatu ferè jam xxx. annorum, id est quod tandem Julianus sui admiratores docuitⁱ, in quo non discedit à Luitprandi calculo^k. Sed jam nos ad alia.

ⁱ Num. 401.
^k Ad ann.
800. lxxx.

CAPUT III.

De ISIDORO Pacensi Episcopo, & ejus Chronico, seu epitome: quod corrigitur in annorum epocha. Moralis error circa hujus ætatem. Chronicon is non vidit, quamvis Isidoro utatur. Rodericus Toletanus id transcribit sæpè. D. Josephus Pellizerius, Marchio Acropolitani, & D. Joannes Lucas Cortesius laudantur. Pelagii Ovetensis Episcopi error, confundentis hunc Isidorum cum Chronici ab initio mundi, qui Hispanensis est, auctore. Pellizerii sententia de septem Isidoris examinatur.

52. **S**I quid aliud in rebus nostris, & inter auctores nostros, implicatum & obscurum est, id quod ad Isidorum Pacensem Episcopum attinet haberi debet. Fuit quidem inter alios cognomines (septem non minus scriptores sic appellatos (rectè ne?) Pellizerius constituit) ISIDORUS vulgò dictus PACENSIS à Pace Lusitaniæ urbe (*Beja* hodie vocant) cui adhuc Mauris subjæctæ antistes præfuit; cujus nomen præsefert in codicibus MSS. Complutensi & Oxomenſi sic appellatum Chronicon quoddam, barbarum quid sonans ab inscriptione ipsa, nempe *Epitoma Imperatorum vel Arabum ephemeridis unâ cum Hispaniæ Chronico*. Ita in editione unica, quam habemus, hujus Chronici à Prudentio Sandovalio Pampilonensi Episcopo, unâ cum *Idatii, Sebastiani, Sampiri, & Pelagii*, Hispaniæ Episcoporum, aliis Chronicis, procurata.

ⁱ Morales
lib. 12. cap. 40.

53. Hæc historia (quæ veluti continuatio est Isidori Hispanensis præfatus Chronici, ut rectè observavit Petrus de Marca vir doctissimus lib. 2. *Hist. Beneventanæ* cap. 1.) incipit ab era DCXLVIII. (sic emendandum est pro era de XLIX.) sive anno DCX. quo extincto Phoca Heraclius imperium suscepit; pertingitque usque ad eram DCCXCII. sive annum Christianum DCCLIV. Constantini Copronymi imperii, non x. uti editum est, sed xiv. Aliæ epochæ annorum Arabicorum, & Mundi, eadem in editione, non huic anno, sed superiori conveniunt DCLIII. nempe annus mundi Eusebianus MMMMMCMMLIV. & Arabum, seu Hegiræ, CXXXVI. Quod chronologicis relinquimus.

54. Hoc verò tempore scriptam fuisse hanc, ut auctor vocat, *epitomam*, ex his illius verbis patet: *Fiunt igitur* (versus finem ait) *ab exordio mundi usque in eram ceptam septingentesimam nonagesimam secundam &c.* Prius autem eodem sensu, quamvis obscuriore aliquantulum propter incorrectam lectionem, ac stribiliginem styli, sententiâ, era DCCLXXXII. completâ, atque incipiente jam tertiâ (dicere vult DCCLXXXIII.) Romano-rum sexagesimus octavus (Imperator) Constantinus

^f Num. 474.
^g In epistola
ad Albertum
Furnessè Chronici præliminari.
^h In epistola
ad Trahemundum, cui Chronicon dedicat.

quior, atque iccirco dictus *senior*, minus fuit notus. Quem incurrisse errorem eos qui *Generalem historiam* jussu Alphonfi Regis X. cognomento *sapientis*, composuere ^a, atque item Joannem Ægidium Zamorensem Franciscanum sæculi xiv. scriptorem ^b, qui *Historiam istam generalem* ducem erroris habuit, minus mirandum est, quàm hoc eodem hæsisse vado Pelagium Ovetensem Episcopum, duodecimi sæculi historicum: siquidem hic auctor est ejus operis sive *Chronici*, ex variis *Chronicis* coagmentati, & usque ad ætatem suam continuati, cujus & supra habuimus, & de rebus hujus Pelagii agentes mentionem habebimus. Qui sanè auctor in præfatione ita scribit: *Charissimi fratres, si Chronicam hanc, quam aspiciatis, bono (non dono, ut excusum est c) animo eam legeritis, invenietis, quomodo junior Isidorus Pacensis Ecclesiæ Episcopus, sicut in veteri Testamento & novo legit, & per Spiritum sanctum intellexit, ita ab Adam usque ad Noë, & usque ad Abraham, & David, & usque ad adventum nostri Redemptoris, & de Judicibus, sive & de Regibus in Israël, & inde de Romanis Regibus, sive Imperatoribus, & de Wandalis, & Alanis, sive & Suëvis Hispaniæ Regibus, sicut à majoribus & prædecessoribus suis inquisivit & audivit, plenissime scripsit.*

60. Quibus verbis non tantum generale, S. Isidoro Hispalensi attributum, ab exordio rerum *Chronicon*, sed & *Wandalorum, Alanorum, & Suëvorum historie* eidem sanctissimo Hispalis præfati adscriptæ, Pacensi Episcopo, seu juniore Isidoro, adjudicantur. Quinimmo cum *particularis* hujus, de qua nunc agimus, Pacensis epitomes, tot inter *chronographos*, ex quibus *systēma* suum historicum se confecisse Pelagius Ovetensis prodidit, nusquam inmemerit; simile vero est quandam partem generalis *Chronici* jam laudati fuisse ab eo hanc epitomen existimata. Profecto quidem nec oculos nec mentem habent qui ab eodem pectore atque eodem calamo *Generale* illud mundiale, ut ita dixerim, *Chronicon*, è nullo sermonis dehonestamento turpe, sed bene Latinum, simulque barbarum hocce aliud, vix semi-latinum, Pacensis Isidori nomine publicatum, derivare potuisse, sive aliorum sive suis oculis credunt.

61. Huic errori proximus error est vulgaris typis factæ Roderici Toletani historiæ. Hæc enim fine libri 2. cum beato Isidoro, hoc est Hispalensi Gotthorum originis usque ad quintum annum Svintilæ Regis historiæ adscripsisset, & S. Ildephonso eorundem Gotthorum, Alanorum, Wandalorum, & Suëvorum, à quinto Svintilæ anno usque ad xviii. Reccesvinti rerum gestarum continuationē; subjunxisse creditur: *Et Isidorus junior, qui à principio mundi incipit Chronica, usque ad octavum decimum Reccesvinti annum fideliter prosequutus, & ad destructionem Hispaniæ per Arabes ipse scripsit.* Ita enim concluditur hic liber Roderici secundus in editionibus. Quod quidem glossēma est, furcillisque hinc ejciendum, idque à mss. libris abest; quod in ora Franco-furtensis hujus historiæ editionis in

Hispaniæ illustratæ annotatur *systēmate*. Cum præsertim Hispalensem scripsisse *Chronicon* ab initio rerum, non utique Gotthorum tantum temporis, jam quum de eo egimus liquiddò ostensum fuerit, Isidori verò hujus Pacensis operum nullo, ad quæ ipse refert se, nedum in hac epitome, qua de agimus, significetur ab illo usque primordio rerum historiæ eum pertexuisse. Legerem planè libens Roderici testimonium istud inverso parum ordine, ut constet sibi, & sustineri possit: *Et Isidorus junior, quod à principio mundi incipit Chronicon, usque ad XVIII. Reccesvinti annum fideliter prosequutus* (ab Ildephonso scilicet) *& ad destructionem Hispaniæ per Arabes ipse scripsit.* Quod verum est.

62. Æquè, sed aliâ quidem viâ, deerâsse mihi videntur, qui tot Isidoros multiplicant, quot fermè opera hujus nomine sciunt inscripta. In quorum numero habeo D. Josephum Pellizerium *chronographum* regum, mihiq; sine præjudicio tamen veritatis, amicissimum (dum viveret) caput. Qui in observationibus ad *Chronicon*, quod superioribus annis primus edidit, existimabatque Dulcidii esse Salmanticensis Episcopi, septem non minus agnoscit. Primum Isidorum Cordubensem circa annum CD. ad libros quatuor Regum commentarii, & utriusque Testamenti allegoriarum auctorem. Hunc Pseudo-Dexter in duos divisit ^e, Cordubensem utrumque Episcopum, qui fortè nullus usquam unquamve fuit, uti de quinti sæculi scriptoribus loquentes suspicari nos diximus: Pellizeriusque Hispalensi est injurius, qui *allegoriarum* librum ei abjudicat.

63. Secundus ejusdem Isidorus est Hispalensis nuper laudatus, *etymologiarum* scriptor. Tertius verò alius ejusdem sedis Episcopus, eo junior, idemque Cæsar-augustanus antistes. Et huic quidem non tantum *Chronicon* Isidori nomine inscriptum, & ab exordio rerum usque ad Wambanis primum annum continuatum; sed & historiæ Alanorum, Wandalorum, atque Suëvorum, Isidoro Hispalensi equè tribui solitam, adjudicat. In quo inflictam Hispalensi magno Isidoro alteram à Pellizerio injuriam depulsavimus, dum de hujus viri sanctissimi rebus & libris commentaremur. Eoque magis quod non alium nisi hunc Isidorum Ecclesia Hispalensis, nullumque Cæsar-augustana in catalogis suorum Episcoporum annotatum habeant. Remittit quidem hujus diæi sui probationes ad ordinem Gotthorum Pellizerius; de quo nihil scripsit, neque eo loci, neque alibi; saltem *Chronicon*, de quo loquitur, id esse ait, quod, tamquam si Isidori Pacensis esset, Pelagius Ovetensis Episcopus centoni suo paullò antè laudato intexit; ac Lucas Tudenis, tamquam si magni Isidori esset, continuavit, hoc initio conspicuum: *Brevem temporum seriem per generationes & regna primus ex nostris Julius Africanus &c.* quæ quidem præfatio est ad *Chronicon*, non ipsum *Chronici* initium. De his tamen satius erit eò lectorem nos remittere, ubi de sancto Hispalensi Archiepiscopo, & ejus *Chronico* abundè egimus.

64. Quar-

a 2. par. cap. 50. pag. 242.

b Tra&. 6. Adversarium mss. qui est De philosophorum, & Hispaniæ doctorum perspicacitate.

c A Pellizerio in observatione ad Chron. Dulcidii Salmantic. fol. 15. Barcinone MDCLXIII.

d Fol. 16.

e Adamum CCLXXXIV. B. J. CDXXIIII. num. 5. & CDXXX.

64. Quartus Pellizerii Isidorus ille est, qui peccatorem sese appellans, collectionem epistolarum decretalium & Conciliorum edidit. Sed neque hunc fuisse usquam forsan apud nos revera hujus operis auctorem, in Isidorianis quoque rebus annotatum relinquimus. Quintus ejusdem Isidorus est Setabitanus Episcopus, cujus esse inquit librum *De significatione nominum*. Sed est ne hic idem cum *allegoriarum* libro, quem *De nominibus legis* & *Evangeliarum* Braulio appellat; an glossarium, quod Isidori, seu Isidorianarum glossarum adnotatur titulo? Ampliamus interim ab aliquo qui ejus schedis utatur, docendi. Sanè auctor hujus Setabitani Episcopi Luitprandus est ad annum DCLXXXI. cui tamen ille collectionem Conciliorum attribuit. Mirorque Pellizerium in hoc homine constituendo, quod aliàs minimè solet, Luitprando detulisse.

65. Sextus illi Isidorus Pacensis, de quo nunc sermo, qui scripsit *Chronicon Arabum* anno DCCLIV. quod verissimum est. Septimus tandem Isidorus alter *de Beja* Episcopus (cur non *Pacensem* & hunc dixerit ignoro, cum Pax, sive Pax-Julia, *Beja* sit) quem semper hoc dignitatis nomine Ambrosius Morales passim hujus historiam laudans appellare solet. Cujus esse ait Pellizerius *Chronicon*, quod sic incipit: *Sex diebus rerum omnium creaturam formavit Deus*, quasi hæc non essent ex initio illius *Chronici* verba, cujus præfationem esse diximus illam antea, uti *Chronici* ab hoc diverfi principium, laudatam. Saltem hoc ultimum, duos nempe Isidoros ejusdem Pacis-Julie Episcopos fuisse, alterum epitomes Imperatorum & Arabum, quâ utimur, auctorem, junioremque alterum qui hanc continuaverit, quaque nos caremus, ex indicio tantum *Moralis* notum, ut admittamus persuadet bona fides candidi hujus historici, & quod is Arabum istum chronographum Isidorum non vidit, posteriorem verò in manibus semper habuit. Nec prior ille vivens & scribens erâ DCCXCIII. sub Constantino Leonis filio Imperatore orientis pertingere vitâ aut commentariis potuit ad Garfiam Legionis Regem atque eram CMXL. sive annum CMII. Si ergo Pseudo-Dextro ac Pellizerio aures dabimus, Isidori duo Cordubenses, duo Hispalenses, duo denique Pacenses erunt, scriptores omnes, ultra illum Setabitanum. Sed ego cras fortè, ut in proverbio est, hodie nihil credam.

66. Multiplicatione ista nunc afflictâ, duplicique Isidoro, Hispalensi altero, Pacensi altero, junioreque isto respectu illius senioris, contenti, ad alia ejusdem Pacensis opera nos conferamus. Meminit ipse unius, duorumve, ab hac epitome diversorum, nempe alterius epitomæ, sive epitomæ temporalis, ut ex his ejus verbis patet, cum de orientalium Arabum duce Belgi, & occidentalium ductore Humeja Abdelmelici filio, inter se præliis ageret. Sed quia nequaquam (ait ^f) eam ignorat omnis Hispania, ideo illa minimè recensere tum ystrâica (sic editum est) bella ista decrevit historia, quia jam in alia epitoma, qualiter cuncta exstiterunt gesta, patenter & paginaliter manent nobis Bibliotheca vetus Hispana Tom.I.

stro stylo conscripta. Et postea: Quisquis ergo hujus rei gesta cupit scire, ad singula ad epitoma temporalia, quod dudum collegimus, cuncta reperiet enodata, ubi & prælia Maurorum adversus cultum (Christianum scilicet) dimicantium, cuncta reperiet scripta, & Hispanie bella eo tempore imminencia releget adnotata. Ex quibus videtur in hac eum historia prolixè & specialiter de Maurorum cum Gotthis, & inter seipso præliis, tractasse.

67. Aliud ab hoc opus, verba dierum sæculi nuncupatum, significari ab eodem de Arabum adhuc mutuis cædibus agente his verbis videtur: Reliqua verò gesta eorum qualiter pugnando, & nonne hæc scripta sunt in libro verborum dierum sæculi, quem *Chronici* præteritis ad singula addere procuravimus? Dicis paraleipomena, seu prætermissa quædam in superiorum ætatum *Chronici* hoc libro contineri. At habuerene ex duobus his aliquem aut *Morales*, qui toties Pacensi ea tribuit ^h, quæ in ejus edita epitome non leguntur, aut Joannes Mariana, qui ex Isidoro eodem Pacensi constare ait ⁱ Reges nostros à Reccardo descendere, ac ⁿ postremum Regum Gothorum Rodericum exstructum à Witiza parente ejus prope Cordubam urbem palatium amplificasse? quæ duo etiam in epitome frustra quæsieris. Nil aliud, respondebo, quàm, ut rem acu tangere possis, exempla illa, quibus uterque auctor olim fuit usus, consuli oportere. Hæc autem de Isidoro Pacensi habuimus dicere.

CAPUT IV.

Hujus octavi sæculi scriptoribus falsò adjudicantur à pseudo-historicis VENANTIUS monachus, JOANNES Hispalensis antistes, GUDILA, sive GULLITA, Toletanus, ISIDORUS Setabitanus Episcopus, SEVERUS monachus, & LAIMUNDUS cognomento de ORTEGA. Hujus opus De antiquitatibus Lusitanorum. Quando, & à quibus inventum. Ejus suppositio detegitur pluribus argumentis. Bracara unde dicta.

68. MISIT quoque huic sæculo manum cacoëthes fingendi scriptores Hispanæ gentis. Pseudo-Luitprandi hæc sunt: Sub Egila stoluit Toleti VENANTIUS monachus, qui fecit Homiliam S. Adelphi Toletani pontificis, quæ falsò adscribitur Petro Episcopo Ravennati. Significare nempe voluit sermonem 126. eorum qui S. Petri Chrysologi Ravennæ Episcopi nomine circumferuntur, ingeniosissimi & elegantissimi. Incipit: Habet hoc Adelphi antistitis sanctus animus. Atque hunc quidem sermonem, Adelphiique nomen, in cujus laudem conceptus fuit, ad Toletanum Adelphium referri non improbabilius posse credidit Toletanus Pseudo-Luitprandi ac similibus profligatæ fidei librorum architectus. Sed quamvis non persuetorise hanc Episcopo urbis suæ laudem asserere, corrogatisq; undiq; officinæ suæ auctorum testimoniis confirmare sit conatus; miserè is suis ipsius probationibus adeò se illaqueavit;

T t 2

ut

g E12
DCLXXXI. pag.
12.

h Uti supra
notavimus.

i Lib. 6. cap.
1.
n Lib. 6. cap.
21.

^f Erâ DCLXXX.
pag. 21. editio-
nis Sandovalis.

i E14
DCLXXXVI.

ut non allunde opus sit refellendo huic falso argumenta colligere. Inde enim constat eundem Venantium, qui Adelphii laudes eo sermone compilasse dicitur, & circa annum DXCVIII. florente adhuc sub Reccaredo Rege Gotthorum imperio, & post annum DCCLXXI. adulta jam captivitatis calamitate, Adriani Pontificis tempore, hoc est duobus ferè post integris sæculis, vixisse.

69. Primum sic probō. Adelphius, & Sermonis auctor æquales fuere: nam hic grates ibi Adelphio habet, quod in domum ipsius venerit, atque ejus *audientiam* (hec ejus verba) *concupierit*. Adelphius autem Toletanus factus fuit Episcopus anno DXCVIII. referente Maximo ad hunc annum. Qui ipse Maximus Venantii meminit ^m. In cujus laudem (Adelphii) *Venantius Toletanus composuit homiliam, quæ incipit: Habet hoc Adelphii Pontificis sanctus animus, quæ falsò inscribi solet Petro Ravennati cognomento Chrysologo. Et in fine Chronici: Venantius Toletanus eximius fuit concionator, quem rediens (Metis, quò transferat, Toletum) optavit audire sanctus Adelphius Episcopus. Is ex Metensi civitate Toletum misit ad Venantium tunc Toletanum archiepiscopum &c. Gerræ, gerræ. Sed quæ ad minus evincunt, Maximi saltem hujus fide, quem dedit Fuldensis inventio, Venantium Adelphio, atque utrique Maximum fuisse æquales. Maximus autem obiisse dicitur an. DCXVI. ^o Huic autem concordat etiam Pseudo-Julianus, qui Venantium notat, anno DCIII. Toletanam sedem Aurasio vacuam reliquisse.*

70. Alteram propositionis partem, nempe post ducentos ferè annos eundem auctorem homiliæ, hoc est Venantium, vixisse, Pseudo-Luitprandus nos docet. *Sub Egila* (inquit ^q) *floruit Toleti Venantius monachus &c.* Hunc autem Egilam, seu Egilanem, abbatem prius Agaliensem, Episcopum deinde Eliberitanum, eum esse, ad quem Adrianus Papa, scilicet hujus nominis primus, scripsit epistolam, idem testatur auctor ^r. *S. Papa Adrianus scribit ad Egilam Episcopum Eliberitanum ex-abbatem monasterii Agaliensis Toletani.* Adrianus autem in Pontificatum non ante annum DCCLXXI. assumptus, viginti quatuor annos administravit. Si ergo sub Egila Adriani Papæ equali monachum adhuc octavo jam exeunte sæculo egisse in monasterio Agaliensi Venantius dicitur; nec potuit Adelphium domi suscipere, nec Maximo esse notus, quæ omnia sub finem sexti sæculi contingere debuerunt. Hec autem mala conditio est mendacis, vestigia sepe sui, quibus deprehendatur, incautum relinquere.

71. Hujus commatis, hoc est falsi, in Luitprando est, quod sæculo isti JOANNEM adjudicat Hispanensem archiepiscopum Arabicæ linguæ callentissimum, & biblicorum sacrorum in hanc linguam interpretem, cum vel proximè sequentis, vel eo adhuc inferiorum, revera sit: quòde loco suo videbimus.

72. Fingit etiam larvatus alter historicus ejusdem farinae Julianus, GUDILAM, sive GULITAM, Toletanum, historiam quandam sub

captivitatis tempora conscripsisse. *Obsessa mansit civitas* (de Toletis inquit ^s) *plusquam tres annos; veneruntque utrinque res magnæ, quas Gullita Toletanus historice mandavit ad posteritatem, quæ manet adhuc in tabulario S. Justæ, unde hæc ego descripsi.* Valdè suspicor pro Gullita substituendum Gudilam, scilicet ficulneum, cujus paulò antè meminerat Hieronymus Higuera, genus suum ficulneorum, sive (quod idem sonat vulgari lingua) *Higuera*, ut sic dicam, omnibus numeris absolutum, antiquissimum, patriæque proficuum describere voluit. Tabularium verò S. Justæ Toletanæ Lararium fuit prorsus Deę Fabulinæ, cui nullus, qui sapiet, ut spero, litare cupiet.

73. Eidem auctori affigere lubuit huic sæculo ISIDORUM quendam Setabitanum Episcopum, eundemque cum eo, qui collectionem dedit epistolarum decretalium, & Conciliorum, cognomento *Mercatorem*, seu *Peccatorem*, comminisci. *Florbat Isidorus* (inquit ^t) *Mercator, venitque ad ann. DCCCCVIII. fuitque Episcopus Setabitanus* (malè editum *Setabitanus*) *scripsit amico suo fideli (an Fidelis?) monacho Benedictino, qui fuit collector ejusdem Isidori. Vixit plusquam CXVIII. annos, scilicet, ut dixi, ad an. DCCCCVIII. die xv. Maji.* Huic testimonio præterquam quòd veriora & solidiora, de rebus agentes S. Patris Isidori, & hac Isidoriano sub nomine vulgari collectione Conciliorum, opposuimus; repugnat quoque collataneus Juliani Luitprandus, qui ann. DCLXXXI. hoc est annis cxxvii. ante eum annum, quo vitâ functus à Juliano dicitur, Episcopum jam urbis suę Setabis Toletano Concilio xvi. interfuisse ait. Nempe hi terræ filii sic se ipsi debellant.

74. Scurra item pseudo-historicorum Haubertus centenario annorum huic SEVERUM ^u contribuit monachum Cæsar-augustanum; qui cum *valdè concionator* (verbo ejus) esset, anno hujus sæculi DCCLIX. Romæ obiit.

75. Sed LAIMUNDUS dici ante alios debuit inter huic sæculo temerè adscriptos historicæ rei auctores. LAIMUNDUS, cognomento de ORTEGA, Lusitanus, omnibus antè ignotus auctor, nec ulli unquam visus, venit in posteritatis cognitionem, & è latebris emerfit Alcobaziensis monasterii Portugalliæ amplissimi bibliothecæ, operâ Bernardi Britti ejusdem ordinis ac domus Cisterciensis monachi, & Portugalliæ clarissimi historiographi; qui primum in vestibulo *monarchie* suæ Portugalliæ vulgaris linguæ, quasi viam præstruendæ fidei rebus his, quæ testimonio hujus dicendæ erant, prudenter munies, repertum à se in laudata bibliotheca Laimundi hujus multis libris constans opus de *Antiquitatibus Lusitanorum* Latinâ linguâ scriptum, Gothicisquæ characteribus in membranis crassioribus exaratum, tabulisquæ vaccina pelle alba cooperitis, æneisquæ ornamentis exterius munitis compactum, non sua ipsius dumtaxat, sed & cujusdam Hieronymi de Souto, districtus ejus auditoris, ut vocat, sive Juridici, nec non & Francisci à S. Clara, ejusdem domus Alcobaziæ abbatis, simulque Generalis Ordinis sui

s Num. 384.

t Num. 378. in Chron.

u Ad ann. DCCLIX.

m Eodem anno DXCVIII. §. 11.

n Ad ann. DCXII. §. 16.

o Luitprandus ad hunc annum. p Chronico num. 312. & 313. & Adversario 452.

q Ubi supra crâ DCCLXXXVI.

r Erâ DCCLXXXVI. an. DCCLVIII.

sui Cisterciensis per Portugalliam Reformatoris, attestationibus in publica instrumenta deductis comprobare curavit, posterisque rei novitatem haud equo forsitan animo suscepturis, quomodo posset, commendare.

76. Ex his autem instrumentis deducitur inscriptum fuisse operi undecim libris contento: *Laïmundum De antiquitatibus Lusitanorum*. cujus principium: *Lusitaniae initium &c. finisque: Lusitaniae gentes sub Mauris annis pluribus quievire*. Ostendique ex ipso codice scriptum fuisse eum anno Christi octingentesimo septuagesimo octavo. Hujus verò auctorem Laïmundum tempore eo vixisse ac scripsisse, cum Hispaniarum regnum Gothicum in Maurorum ditionem miserabiliter sub Roderici Regis tempora conversum fuit; cujus Regis cappellanum se fuisse eundem ostendere videri alibi, nempe altera parte *Monarchie Lusitane* lib. 7. cap. 1. Brittus annotavit. His notis Brittus conspicuum reliquit novum suum atque illaudatum anterioribus sæculis Laïmundum, qui ante octo sæcula floruerat: eum nempe, qui ab initio rerum & conditura Hispaniarum populi, immisissique huc post diluvium Noachi nepotibus initium historiæ sumpsit, & ad ætatem usque suam, hoc est, usque ad Hispaniæ excidium, perduxit.

77. Nec dubitari debet, hoc Laïmundo adscriptum opus in laudata monasterii Alcobaziæ bibliotheca aliquando exstitisse, eo quòd Antonius Brandanus, & is Cisterciensis ejusdem domus, qui Bernardo Britto in scribenda Lusitanorum historiæ munere aliquando successit, liquidò id affirmat, adjungens, visum quandoque librum ibi à D. Fr. Augustino à Castro Bracarense archiepiscopo, cujus tunc adhærebat lateri Gaspar Alvari à Lofada Portugalliæ archivi custos, à quo ipse certior de re factus fuit Brandanus. Et, quod potiori loco habeo, testis oculatus Franciscus Macedo à S. Augustino Lusitanus horum temporum, multorum omnis generis librorum confector insignis, vir multiscius & eloquens, qui ante paucos annos Patavinus professor sub Venetis in eorum urbe principe, aut Patavii degebat, in quadam responsione ad Notas nobilis critici anonymi, (is est N. Sparverius Veronensis, in *Apologiam Thomæ Mazzæ Dominicanæ pro Joanne Annio Viterbiensi Veronæ* anno MDCLXXIV. excusa pag. 41.) *In Lusitania nostra (inquit) nobilis quidam fuit Regum chronologus, monachus Cisterciensis (S. Bernardi vocant Ordinis) dictus Bernardus Britto. Hic multa in suis libris retulit cujusdam scriptoris antiquissimi (Laïmundum appellabant) quæ quia inaudita antea fuerunt, & auctor ignotus, putabantur vulgò commenta, idque multi Britto cum fama exprobrabant, quasi ille auctorem illum confinxisset. Quinetiam contra scripserunt nonnulli eruditi. Pupugit hoc dictum quemdam ejusdem instituti monachum, qui bonorem & fidem Britti scripta quadam apologia vindicavit, probavitque Laïmundum inveniri manuscriptum in regia bibliotheca insignis conventus Alcobaziæ, ubi ego eum ipsemet vidi, quem etiam reddiderant ambiguum illæ cavillationes criticorum: ac exinde didici minus temerè de*

scriptoribus judicare. Huc usq; Macedo. Quantumvis mirum videri debeat Antonio Brandano ejusdem cœnobii sodali, atq; ejus bibliothecæ libros quotidie contrectanti, Laïmundi codicem latuisse, ut pro eo asserendo aliorum fide opus ei fuisset uti; ipsum autem codicem hoc nostro tempore Francisco Macedo ibidè representatum, quasi è tenebris iterum emeris-

78. Quicquid autem sit, librum contendimus ementito nomine antiqui auctoris, qui novæ sit conditura, in album legitimum veteris evi fœtum, quo tempore ignoratur, intrusum, eum minimè, aut non facile admittendum videri. Quod multa neque eludenda persuadent. Primum fabulas Berofianas de antiquis Hispaniæ Regibus ab operis sui initio asserit, quæ primum ab Anniana Berosi publicatione auditæ sunt, & communi eruditorum omnium, qui aures acetotalas habent, exceptis paucis, qui novo invento parum providè, idque in examen nondum vocantes, crediderunt, suffragio damnantur. Adeò ut necesse sit, huic si credimus, quisquilias Berosi cœno jam demersas, querere iterum, & aliquo existimationis loco habere. Quæ adeò indigna hoc erudito sæculo rerum catastrophe non multos ab orchestra fortietur-plausores. Tam enim ille adhæret Berofiano confictorum Regum catalogo, ut & Laïmundus & Berofus verax uterque, aut mendax & commentitius haberi debeat. Quid quòd siccam & jejunam Berosi, qualis ille est, relationem, ea rerum singularitate atque expositione adjuvat & auget, ut Berofum alium eo, quem dicimus, antiquiorem, aut facti rerum locupletiore, ante oculos habuisse videatur, quem viæ ducem in ultimæ antiquitatis dirumpendis tenebris sequutus sit.

79. Huic parti adjungimus, quòd & Fabium Prætorem sequitur ex libello de *Aureo sæculo*, quem dedit quoque nobis Annius, ut idem Brittus lib. 1. cap. 10. observavit: quem libellum quo loco habeat Vossius post innumeros è cap. 3. libri 1. *De Historicis Latinis*, docebere. Urget secundo Laïmundi fidem rarum illo sæculo, quo vixisse is dicitur, cognomen *de Ortega*, quod ei nescio unde, calculo Britti, accessit, propinquum illi *de Salazar*, quo (ridentes dicimus) Laurentium inclytum Aragoniæ regni ac tertii Ecclesiæ sæculi martyrem indigitare ausus fuit, Gallus quidem scriptor, eique nimio plus in re adeò antiqua atque inpersuasibili deferens è nostris aliquis novæ cujusque rei sectator ardens, magni nominis aliàs historicus & philologus, cujus nomen, quod in hoc non probamus, silentio involvere satius duximus.

80. Pertinet ad rem itidem, quòd cum antiquissima & princeps Lusitanorum appellatio non ad totam, quæ à Romanis ita dicta fuit, in provinciarum distributione Lusitaniam pertinuerit, sed hæc à Lusitanis quodam hujus plagæ sive occidentalis Hispaniæ populo, ut Bætica à Bæti fluvio, & à Tarracone urbe Tarraconensis, dicta, postmodum fuerit; Laïmundus in enarrandis antiquissimis Hispaniæ rebus, describendoque mythico il-

x Didac. Paiva Exame de Antiquedades.

y Bernardinum de Sylva Defensa de la monarchia Lusitana.

lo Regum Berofianorum ævo, Lusitanie sue, quam laudare pergit, totum Lusitanie Romanæ tamdiu postea natæ, tractum attribuat. Lusitanos autem peculiarem populum Lusitanie integræ, quam hi non soli, sed cum aliis habitabant, nomen peperisse non difficile est è Ptolemæo colligere. Apud quem inter Lusitanie jam tunc Romanæ populos, cum *Lusitani*, tum post Anæ fluvii ostia *Turdetani*, usque ad *Salaciam* & *Cetobrigem*, *Sarum* ultra promontorium, quæ hodie *Alcazar do Sal*, *Setubal*, & *Cabo de S. Vicente*, in meditullio nunc Portugallie, immo & Lusitanie Romanæ, vocant, *Celtici* item, *Vergonesque*, quos *Vettones* intelligo, descripti habentur. Non ergo debuit Lusitanorum res veterimas Laïmundus describens, Lusitanie vocabulum, sic suo tempore extensum, jam tunc ad populum finibus contentum haud paullo brevioribus significandum usurpare. Ut colligere inde audeam Lusitanie seu Lusitanorum hunc laudatorem non temporis Gotthorum esse, ut jactant, quo iisdem Regibus Gotthis integra Hispania (hoc est, tres ejus prioris divisionis provinciæ, sive posterioris quatuor aut quinque) omnes penè indistinctè subjacebant. Eo enim quid opus fuit, aut quo exemplo, unius partis Hispanie cum aliis jam confusæ, historiam subtexere? immo ejus sanè temporis fuisse Laïmundum inde colligas, quo hæc ejus portio sub Portugallie nomine, jam in particularem Regum ditionem à Maurorum manibus ereptam iverat: quo tempore opportunum ac decens fuit propriæ gentis seorsum regnatæ laudes, resque olim gestas colligere ac literis consignare.

81. In hoc eodem Lusitanie nomine alio argumento Laïmundum premimus. Regio Interamnensis, quam vocant, inter Durium & Minium amnes sita, Portugallie jam hodie portio, non utique ad Lusitaniam olim, sed ad Tarraconensem prius, atque inde ad Gallæciam pertinuit: quod intelligi debet non solum de eo tempore, quo Romanis parvimus Hispani; sed etiam de eo, quo Gotthis Regibus. Nec nisi restaurata ea regione Interamnensi à Maurorum imperio, stabilitoque peculiari Portugallie regno, auditum lectumve fuit, Lusitanie vocabulo Interamnensem istam regionem comprehendendi. Portugallie enim novum regnum ejus incolæ, ut Latino verbo appellarent, Lusitaniam, à majori ejus parte, quam Portugallie regnum comprehendebat, tunc primum vocavere.

82. Quod cum ita sit, nonne debuit Laïmundus tempore Gotthorum de Lusitanie sive Lusitanorum rebus tantum scribens, ea solum in literas referre, quæ Lusitanæ tunc dictæ gentis propria essent? profecto id fines fuerit sibi præscriptos non transilire, & propositum exsequi. Contrarium tamen per omnes hujus historie sue libros agere eum dicit, qui Brittum attentè legerit. Non minus enim res Interamnensium, qui Gallæci tunc erant, quam suorum Lusitanorum prosequitur, atque iis insitit, ut jam iterum inde conjectari pronum sit, non Laïmundum Gotthorum temporis, sed Pseudo-Laïmundum ejus,

quo Interamnenses jam in Portugallie ditionem conjecti fuerant, hujus historie auctorem fuisse.

83. Sed persequamur tandem hunc leporem quærere, vestigia ejus colligentes, quæ quidem nobis, ut capi posset, apud Brittum reliquit. Adducit enim hic per totam historiam aliquot è libris Laïmundi testimonia, in quæ nobis inquirere relictus est locus. Primum est è libro ejus *Antiquitatum Lusitanarum* secundo. Audi sis, lector, Gotthici temporis stylum: *Celticæ enim, quicquid patriæ nostræ hac ætate boni evenit, deberi necesse est. Illi enim turres fracassatas, si fortè erant, levaverunt.* Et postea: *Quasi enim de novo Lusitaniam nostram ipsi fecerunt, & à populis alienigenis, qui tunc Wandaluziam tenebant, armis defenderunt non semel.* Canterius (ut dici solet) in porta. *Fracassare* verbum Italicum, & *fracasser* Gallicum, unde nos Hispani *fracaso* dicimus, Gotthicus scriptor, sagacium narium securus, usurpavit. Necdum inveniri hoc annumeratum his, quæ corrupta latinitas, aut exterarum gentium colluvies, tribus his linguis novioribus infudit, quæ multi collegerunt viri eruditione ac inexplebili lectione clarissimi. Deinde Wandaluziam tunc temporis & ante Maurorum ingressum (qui, & non Wandali, hujus vocabuli auctores sunt, ut alibi dicimus) loco Bæticæ positam si testimonio aliquo idoneo Laïmundi assertores confirmare possunt, Laïmundus ipse verus & magno in pretio habendus per me scriptor esto: quo quidem verbo is, non hic tantum utitur.

84. In alio etiam testimonio, cujus idem auctor verba affert, novitatis sue indicium Laïmundus præstat. *Bracadam, vel Bragadam* (ait lib. 11.) *ut alii malunt, fundaverunt Afri, qui undis jactati buc appulerunt, & inito fœdere cum Graviis, postulavere sibi locum urbis, quo dato Bragada exsurgit, indito illi nomine à fluvio Bragada, & oppido, unde originem traxerant.* Hoc planè est Joannis Episcopi Gerundensis somnium, quod ante eum nullus somniavit, unde Laïmundus tam absurdam rem haurire posset. Bracarios hic posuit Libycam gentem Bracadæ fluminis riparum incolam; Bracariosque istos Carthaginensium milites huc appulso Bracaram constituisse urbem; cujus rei testem Ptolemæum laudat versus finem lib. 3. *Paralipomenon Hispanie*. Quam opinionem in medio relinquit Vascus, alii jure rejiciunt. Sed nec Ptolemæus Bracarorum gentis Libycæ, nec nisi *Bagradae* (non *Bragadae*) fluvii meminit, quomodo frequentius appellant veteres. Callaïcorum Bracariorum (non Bracariorum, uti alicubi editum ait) recordatur quidem Ptolemæus lib. 11. (quem Gerundensis laudat) cap. 6. inter Durium & Minium gentis.

85. At hoc quid pertinet ad coloniam Bracarorum Libycorum hic positam? Conjecturâ ergo hæc pars nititur unius Gerundensis, qui nimium sanè in originibus nostris deducendis ingenio suo & patientiâ lectorum eruditorum abusus est. Planè Bracares nomen Græcum; cujus nationis tota hæc Hispanie pla-

z Apud Brit-
tum lib. 1. c. 3.

a Vossius
De visis ser-
monis, Mena-
gius De origi-
nibus lingue
Gallicæ.

b Vide Brit-
ti lib. 1. cap. 27

c Lib. 2.
cap. 6.

d Chron.
cap. 11.

e Lib. 4. cap.
3. & lib. 4. c. 6.
f Bochar-
tum vide lib. 1.
Chanaam cap.
24. pag. 532.

plaga, quod frequentia ejusce linguę ostendunt nomina, incolatus fuit ^g, sive à Brachatis Gallis dicti, quod Florianus & Garibajus censent ^h, sive à Græco nomine *ερανος*, seu *ερανα*, quo velum, quod pudenda cooperit, significatur. *Bracarum* urbem Galli hodie *Brugues*, quomodo femoralia, appellant. Scio ab originum studiosis *brachas* Gallicum esse vocabulum ⁱ.

86. Existimat autem Vossius antiquissimum videri sibi orientalis linguarum divisionis nomen. Unde tam ad Hispanos, quàm ad Gallos (omnes enim Europę incolę inde venire) derivatum qui dixerit, non ineptè censebit. Nihilominus tamen Brittus Laïmundo suo adhærens, & Florianum sequutus, qui Himilconis Pœnorum ducis *Periplum*, sive meridialis & occidentalis Hispanię orę maritimę illustrationem, quam Carthaginensibus navibus fecisse dicitur lib. 3. cap. 11. descripsit, Florianę huic narrationi alia quędam addit, & inter ea Pœnorum ab Himilcone in Interamnenſi provincia relictorum cum provincialibus pacem idam, atque inde natam Bracarę urbis conditionem à populis Bragadis nuncupata. Planè Hannonis & Himilconis Carthaginensium fratrum *Periplos*, seu navigationes, habuit antiquitas, literis Punicis consignatas, unde ad Gręcas transire potuerunt. Nam Hannonicę Pomponius Mela ^k & Plinius ^l sæpè, at verò alterius ab Himilcone descriptę, Plinius idem ^m & Festus Avienus ⁿ meminere. Quarum duarum solius prioris fragmentulum quoddam exstat non semel Basileę excusum ^o, Italicequę à Ramusio in suis *Navigacionibus* ^p, quodquę expectare debemus insigniter ab Isaaco Vossio, Gerardi filio, uti ad Melam promisit, illustratum. Himilconis verò illa omnino periit; adeò ut fabulis annumerandam esse Camdenus censuerit, quem iccirco Bochartus ^q reprehendit, cum eam se legisse in *Punicorum amalibus* idoneus sanè testis Avienus tradat. Quem Avienum si demas, vix est ut ab aliis quicquam de Himilconis re geographica exsculpere possis: & tamen Florianus Avienicis aliquid nescio unde superstruxit, quem Joannes Mariana exscripsit Latine lib. 1. cap. 21. Atque adhuc plura Brittus Laïmundo huic, incertis (Florianus ut solet) auctoribus. De quo admoneri lectorem hujus Laïmundi testimonii occasione, non importunum existimavimus.

87. Alia innumera sunt Laïmundi fragmenta in utroque *Monarchie Lusitanæ* volumine per Brittum historię huic intexta, partim è Latinis antiquis scriptoribus desumpta, quos haud semel non capit, è quibusest *Ælii Spartiani* locus in *Vita Adriani* de delectu Tarracone habito apud Brittum lib. 5. cap. 13. qui non potuit aliter magis contra hujus Latini historici mentem concipi, de quo lectori judicium relinquimus; partim incertum unde deducta, totquę gestis rebus Lusitanorum, indictis hætenus & inauditis, sive rerum circumstantiis, ut barbaro isto utar verbo, locupletia & ornata; ut otio suo non perfunditorie abuti opus ei fuerit, qui Laïmundum

se finxit. Sed hanc rem admiraremur hodie magis si Dextros, Maximos, Luitprandos, Julianos, Haubertos, Liberatos, & hujusmodi monstra, nondum passi essemus.

88. At sistamus aliquantisper Laïmundum excusantes, qui potuit quidem plura veterum auctorum jam nunc deperditorum monumenta per ætatem adipisci; de quorum jactura noviores exquisitè queruntur; ut inde instructus historiam texeret Lusitanam integram, & non laceram aut jejunam, utpote ex Romanorum, qui ad hoc tempus supervivere, libris dumtaxat confectam. Sed an ne Laïmundus, ut alibi veteres scriptores, quorum studium fuit, antiquissimos rerum eventus in commentariis suis præsentare reddere, fidei suę consulentes consuevere, aliquos rerum Hispaniensium enarratores antiquos, quorum relationibus ipse nitatur, in his suis *De Lusitanorum antiquitatibus* laudare solet? Passivum hoc enim est in quibuscumque historicorum vel geographorum lucubrationibus præfatos appellari rerum auctores, ne lubrica maneat narratorum auctoritas. Legimus sanè omnia hujus, à Britto passim, perquę omnes paginas adducta testimonia; nihilquę invenimus hujusmodi, excepto quòd alicubi sequutum se ait ^r regestum quoddam antiquitatum à Reccaredo Gotthorum Rege confici jussum, collectà ex pluribus Hispaniarum locis materià; quod quidem adhuc Roderici tempore, cui à confessionibus fuit, superstes erat.

89. At hoc certè mera fabula est ad arbitrium formata, tamquę facilis rejici quàm confingi. Quod palmari argumento evincimus, imputata Laïmundo ipsi altera veteris monumenti allegatione, quo miserè deceptus, nihilquę in tenebris suę fictionis videns, se profecisse loco alio affirmat ^s. Nempe dum res apud nos gestas eo tempore, quo de Romano Imperio Julius Cæsar Antoniusquę decertabant, referre Brittus pergit; nihil se è Romanis scriptoribus exculpturum. His enim annis cum res alibi gererentur reipublicę, altum de Hispanis silent, sed ex uno Laïmundo suo, lectores admonet. Hunc tamen belli cujusdam tunc temporis inter Gallicos & Interamnenses gesti memorem fidem sequi ait Catonis operum: quod ipse de se affirmat Laïmundus. Quę verè affirmatio absurditatem continet enormis cujusdam parachronismi. Sive enim Catonem Censorinum intelligat, cujus & *Historiarum*, sive *Originum*, atque item *De re militari* ab eo conscripti laudantur ^t, neque jam exstant, libri; sive Catonem Uticensem, à quo nihil in scripta redactum fuit, intelligat, uterque ante Octaviani imperium ac triumviratûs tempora. Et quidem Censorinus cvi. ferè annis, hoc est, belli Punici tertii exordio, ut Plutarchus refert in ejus *Vita*, urbis nimirum conditę dclv. Uticensis verò anno ejusdem urbis dccvii. obiere. Vade nunc, & Laïmundo (Britte) fidem præsta, qui Catonem ejus rei auctorem laudat & sequi se ait, quę sæculo integro post Catonis scriptoris, Censorii scilicet, ferèquę

^g Justinus lib. 44.

^h Florianus lib. 3. cap. 26. Garib. lib. 5. cap. 10.

ⁱ Vossius lib. 1. De visis sermonis cap. 2. Menag. in Orig. ling. Gall. M. rula Cosmogr. part. 2. lib. 3. cap. 14.

^k Lib. 3. cap. 9.

^l Lib. 2. cap. 65. lib. 5. cap. 1.

^m Lib. 6. cap. 32.

ⁿ Lib. 3. cap. 9.

^o In ora maritima.

^p testatur Isaac. Vossius ad locum Melę laudatum.

^q Vol. 1. folio 114.

^r Canaan lib. 1. cap. 39. pag. 724.

^r Apud Britum lib. 4. cap. 26.

^s Apud eundem Brittum lib. 4. cap. 24.

^t Vossius De hist. Lat. lib. 1. cap. 5.

reque triennio post alterius, qui nihil scripsisse legitur, mortem contigit.

Hæc sufficiant pro necessitate de scriptore isto censendi, dum alios nondum amor corripit veram historiam ab his abominabilibus malè feriatorum hominum fictionibus distinctius & enucleatius expiandi.

CAPUT V.

De CLAUDIO Taurinensi in Italia Episcopo: ac de ejus erroribus, præsertim negantis imaginum sacrarum cultum. Adversus eum qui scripserunt. Claudius hic diversus à Claudio Clemente Scoto. De tribus Claudiis Clementibus Thomæ Dempsteri opinio: & qualis in historia Dempsterus. ANONYMUS quidam Floris Sanctorum scriptor. De RODERICO LUCENSI. Historia De memorabilibus Hispaniæ hujus forsitan non est. Ægidii Gundisalvi lapsus. THEODULPHUS Aurelianensis Episcopus ex non vana conjectura Hispaniæ adscribitur. Carmen ejus circa hoc expenditur. De hujus Theodulphi operibus.

90. **SCRIPTORES** sæculi noni caput hoc, & quæ sequentur, elucidabunt. Primus verò ætate, & contemporalis adhuc Carolo Magno, qui anno DCCCXIV. vitâ decessit, CLAUDIUS fuit TAURINENSIS Episcopus, pudendum genti nostræ, plusquam literis celebrandum, hominis Hispani nomen. Sed ita postulat bibliothecæ formandæ negotium, quæ non minùs pravè, quàm innocuè, aut utiliter sapientibus, dummodo scriptoribus, constat. Iconoclasta hic obstinatissimus, sive imaginum sacrarum hostis, Felices Urgellitani præsulis, de quo jam antea egimus, discipulus, ex Hispania nostra, unde ortum habuit, ad Italos venit Ludovici Pii destinatione, ut sacram, quâ vigeat, doctrinam Italos doceret, factus in eum finem Augustæ Taurinorum in Gallia subalpina, sive Pedemontana regione Episcopus.

91. Jonas Aurelianensis præsul, quem antagonisten Claudius habuit, cuncta hæc indubia reliquit in opere adversus ejus blasphemias conscripto. *Quo feliciter* (ait) *imperante* (Ludovico Imperatore Caroli filio) *idem Felix* (Urgellitanus) *in quodam discipulo suo, nomine Claudio, utpote* (ut verbis B. Hieronymi utar) *Euphorbus in Pythagora, renascitur; qui utique etsi non fidei catholica regulam* (uti Felix præceptor Nestorianus hæreticus) *Ecclesiasticas tamen traditiones quàm venenatis telis per eundem discipulum suum jaculari nisus est.* De ejus patria & educatione & in Italiam profectio, atque infulis Taurinensibus, idem paullò post: *Is itaque, de quo agitur, exortus ex eadem Hispania, ejusdemque Felices discipulatus ab ineunte ætate inherens, per aliquot temporis in palatio memorati gloriosissimi ac serenissimi, Deoque amabilis Augusti* (Ludovici) *in officio presbyteratus militavit. Sed ut aliorum utilitati doctrinam prædicationis Evangelicæ, quæ illi admodum inesse videbatur, consuleret; ipsius piissimi principis piissima devotione præsul Tauri-*

nensis subrogatus est Ecclesiæ. Ibi reprobasse eum, serioque damnasse sacrarum imaginum crucisque salutarium signorum usum, Sanctorum reliquias, sepulchraque, prosequitur. Quibus auditis, Theodemirum quendam patrem monachorum, ut ab eis desisteret, literis eum admonuisse ait. Theodemirum hunc postea fuisse Calagurritanum Episcopum pseudo-historici nostri contendunt^u; verè tamen is fuit pars Gallicanæ Ecclesiæ, ut ex Jonæ verbis lib. I. Joannes Mabillonius, vir eruditissimus, in annotationibus ad *Analecta vetera*^x, prudenter vidit.

92. Claudium tamen ad has aliis literis sic insolenter respondisse Jonas prosequitur, ut Gallos omnes & Germaniæ fideles idololatriæ vanarumque superstitionum laqueis irretitos esse jactaverit. Falsus tamen ipse Jonas, & in contrarium è via recta devians, qui imaginum usum non ad adorationem, sed ad instructionem tantum cum Franco-fordensi hujus temporis Synodò permittebat^y. Hujus Claudii literas hæc in grande ac prolixum scriptum transiisse hæc ejusdem Jonæ convincunt: *Fertur interea in sugillatione ejusdem abbatis, totiusque Gallicanæ Ecclesiæ tantæ prolixitatis evomuisse libellum, ut magnitudine sua quinquagenis psalmis Davidicum superaret psalterium, de quo nominis quoddam excerptum in manus parvitatis nostræ est perlatum, cujus hoc est exordium: Titulus libri: Apologeticum atque rescriptum Claudii Episcopi adversus Theodemirum abbatem.*

93. Hoc scriptum Jonas refutavit tribus libris, *De cultu imaginum* in editionibus antiquioribus nuncupatis; revera autem primo *De imaginum cultu crucisque adoratione*. Secundo specialiter atque iterum *De crucis cultu*. Tertio autem *De peregrinationibus in urbem conceptis*. Quorum totus tenor, præcipueque jam dicta testimonia, & præfatio integra primi libri ad Carolum Regem Calvum, Ludovici Pii filium, cujus Ludovici jussu rem aggressus fuerat, directâ ostendit perniciosissimum Ecclesiæ hostem Claudium fuisse; neque illum tamen vivere, cum hæc in publicum ederet (præmortuus enim fuerat superstitè adhuc Ludovico Pio, qui anno DCCCLX. obiit, aut paullò post ejus mortem: nam pervenisse ad an. DCCCXXXIX. saltem habetur ex monumento quodam Herigarii Secusiar Marchionis, cujus Ferdinandus Ughellus meminit^z; sed tamen reliquias ejus hæresis extirpatum ire sese ait, adjungens de aliis ejus operibus æternâ infamiâ damnandis: *Sed quia, ut relatione veridica* (inquit^a) *didici, non modò error, de quo agitur, in discipulorum suorum mentibus reviviscit, quin potius eo docente hæresis Ariana pullulare deprehenditur, de qua fertur quædam monumenta librorum congeisse, & ad simplicitatem & puritatem Fidei catholicæ & Apostolicæ oppugnandam in armario Episcopi* (fortè Episcopi) *sui clandestina calliditate reliquisse; non sum ausus, quin monitu & bortatu filiorum sanctæ Dei Ecclesiæ, opus, quod prætermiseram, enucleatim discutiendum repeterem.* Hæc Jonas.

94. Ejusdem temporis scriptor Walafri-

^u Luitpr. ad annu dcccxi. Julian. nu. 431.

^x Pag. 45.

^y Baron. to. 9. ad an. dcccxxv. num. 61.

^z Italia sacra tomo 4. inter Taurin. Episcopos, col. 1432.
^a In Prefat. 1. libri.

dus Strabo simile quid de Claudii obitu, suo
 ipsius iudicio, etiam prius quam adversis scri-
 ptorum catholicorum telis confoderetur, *dam-
 nati* refert. At quia in apologetico ipso
 Claudii hæc verba ad Theodemiri, quod
 præcesserat, scriptum referenda leguntur, *hoc
 dixisti, inquis, de Paschali Ecclesie Roma-
 ne Episcopo, qui præsentis jam corruit vita;* ne-
 cesse est Theodemirum ante annum huius
 sæculi vicesimum quartum, qui ultimus vite
 Paschalis fuit, dedisse ad Claudium admoni-
 torias suas literas; Claudiumque paullo post,
 Eugenio jam Pontifice huius nominis II. ad
 nefandum apologeticum scribendum se ac-
 cinxisse. Cuius hominis falsa dogmata, præ-
 ter Jonam, Dungalus presbyter ejusdem tem-
 poris (*Dungalus* aliis, & in his Barthio lib. 19.
Advers. cap. 12.) & Eginhardus ipse *Caroli
 Magni Viæ* auctor illustris, scriptis suis convel-
 lere curarunt. Prioris liber, *pro cultu sacra-
 rum imaginum adversus insanas blasphemiasque
 nemias Claudii Taurinensis Episcopi*, Ludovico
 Pio, ejusque filio Lothario Imperatoribus
 datus, exstabat olim in Petri Pithæi biblio-
 theca^b, editus jam inter veterum PP. mo-
 numenta tomo iv. bibliothecæ. Eginhardi
 autem libelli jam hodie non exstantis, *De
 adoranda Cruce*, quem cultum Claudius re-
 probabat, meminit Lupus Ferrariensis abbas
 epist. 4. ad eundem Eginhardum directæ c.

95. Hactenus Claudius Dei, ac veræ fi-
 dei hostis. Sed nonne & quædam catholicè
 scripsit idem, priusquam bonam exuisset
 mentem? Utique, si vera certaqué dixerit
 vir diligentissimus Philippus Labbeus in dis-
 sertatione *De scriptoribus Ecclesiasticis*^d, à Bel-
 larmino suo recedens. Nempe Labbei sen-
 tentiâ idem fuerit Claudius Clemens, quem
 Bellarminus laudat, uti catholicum plurimum
 operum in sacros libros scriptorem, cum
 Claudio Taurinensi hoc Episcopo, de quo
 nunc agimus. Peccat autem valde Labbeus:
 nam Claudium Clementem hunc Scotum na-
 tione fuisse agnoscit, quia alterum Taurinen-
 sem ex Hispania fuisse ex Jonæ scriptis li-
 quidissimè constare, ante oculos habere de-
 buit. Et hunc quidem Claudium Clemen-
 tem Scotum, à Claudio Taurinensi Episcopo
 distinguere vulgò solent^e. Sed quicquid sit,
 inde ansam arripuit multorum error, qui
 Claudium Iconoclastam hereticum, non Hi-
 spanum, quod fuit, sed Anglum^f, quando-
 que & Scotum^g, cum altero Claudio Scoto
 confundentes, appellant. Philippus quoque
 Labbeus in *Novæ bibliothecæ manuscriptæ* pri-
 mo volumine Claudii cujusdam quoddam
Cbronicon breve ab initio mundi ad Christi na-
 tivitatem pertingens, imperfectum tamen,
 edidit, quod Claudii huius Taurinensis esse
 suspicabatur.

96. Thomas utique Dempsterus, ut lar-
 gus fuit in constituendis Scoticæ suæ gentis
 illustribus famâ viris, tres non minùs simili-
 ter appellatos, ex Scotia omnes, ejusdem
 temporis, librorumque scriptores, laudavit.
 Primum S. Claudium Clementem Benedi-
 ctinum monachum Alcuini collegam, qui
 in Academiis Parisiensi ac Ticinensi erigen-
 Bibliotheca vetus Hispana Tomo I.

dis navavit operam; cuius Trithemius^h, Paul-
 lus Langiusⁱ, Possevinus^k, Arnoldus Uvion^l,
 aliique apud eundem Dempsterum videndi,
 Cæsar quoque Egasius Bulgus in *Historia uni-
 versitatis Parisiensis* non semel^m, meminere.
 Ad quem iudicio meo spectant quæ ex ms.
Indice Fuldensium abbatum communicavit no-
 bis Christophorus Browerus in scholiis ad
 Rhabani carmen xiii. de Brunone, Einardo,
 Modesto, & Candido ad Clementem Scotum
grammaticæ studendæ gratiâ destinatis; licet
 aliter Dempsterus existimaverit. Nam primi
 hi reviviscentium literarum instauratores, en-
 cyclopædiam profitebantur, uti Beda, Alcuï-
 nus, alii, non dedignati grammaticam, quâ
 intrandum est ad scientiæ & sapientiæ arcem,
 docere. Labbeo autem in hoc displicet, quod
 unum ex fundatoribus Academiæ Parisiensis
 eum plerique dixerint, quæ nulla tunc fuit,
 nec nisi aliquot post sæculis emerfit. Displicet
 etiam quod Benedictinus monachus & Alti-
 fiodorensis Episcopus ab iisdem audiat. Nos
 Gallis disputandum relinquimus de amplissi-
 mi sui gymnasii origine. Cæterum Clemen-
 tis (si hic est Claudius Clemens) & Alcuini
 monachatum San-Gallenensis monachus *De
 gestis Caroli M.* sub Carolo Calvo ejus nepo-
 te scriptor, quem Henricus Canisius ediditⁿ,
 subindicare videtur, præter suprâ jam lauda-
 tos eo recentiores.

97. Hunc Clementem ex Hibernia Sco-
 tum, atque Alcuinum, seu mavis Albinum, in
secularibus, & in *sacris Scripturis incompara-
 biliter eruditos* ejusdem San-Gallenensis elogio,
 honorificentissimè à Carolo M. exceptos fuisse,
 ut juventutem Gallicam sapientiam docerent,
 cum idem monachus auctor sit, pro-
 clivis sit aliquis ad credendum huius esse, non
 Taurinensis Claudii Hispani, cujus nullum
 de literis sacris meritum in memoria homi-
 num perduravit, quicquid commentariorum
 ad sacra Biblia sub Claudii laudatur nomine;
 scilicet, in epistolam Pauli ad Galatas, Drun-
 teranno abbati dicata^o, Parisiisque anno
 MDXLII. in 8°. indeque in Bibliotheca VV.
 PP. edita; item ad Romanos, duarumque ad
 Corinthios, in Evangelium S. Matthæi^p, quæ
 in aliquibus Galliarum musæis mss. asservantur;
 & si vera Trithemius retulerit de ejus ope-
 ribus, etiam in Genesin, Exodum, Numeros,
 Deuteronomium, libros Judicum, &
 Ruth, & in libros Josuë, sive commentaria,
 sive explanationes; tractatum item super Le-
 viticum, cujus præfationem & epilogum præ-
 manibus se habere Labbeus retulit^q.

98. In quo tamen hæremus, Claudii que
 Taurinensis esse opus cum Labbeo contem-
 dere possumus, ideo quod directus dicatur an-
 no DCCCXXIII. ad Theodemirum abba-
 tem, qui esse videtur ille, quocum concerta-
 tionem *De imaginum cultu* Taurinensis no-
 ster paullo post habuit. Exstat quidem hoc
 jam tempore à Joanne Mabillione Benedi-
 ctino, viro industriæ atque eruditionis singula-
 ris, edita in *Analectis veteribus* Claudii Epi-
 scopi Taurinensis præfatio jam prius laudata
 in *libros informationum literæ & spiritus super
 Leviticum*, Theodemiro abbati directæ, in

V u

qua

h Lib. 2. De
 Vitis illust. Be-
 ned. cap. 28.
 i In Chron.
 Ciceroni ad fi-
 nem.
 k Suprà lau-
 datus.
 l In adjun-
 ctis ad Lignum
 vite.
 m Tomo 1.
 ad an. dcccxxv.
 pag. 146. & in
 Casal. illustri
 Academicorum
 pag. 568.

n Tomo 1.
 Ant. lectio.

o Consentit
 Bulgus in Ca-
 sal. Academic.
 Paris. laudato.

p Consentit
 idem Bulgus.
 ibidem.

q De script.
 Tomo 1. pag.
 228. & in Novæ
 Biblioth. speci-
 mine parte 1.
 pag. 24.

b Baronius
 Tomo 9. ad an.
 dcccxxv. n. 62.
 Labbeus De
 script. in Du-
 galo.

c Inter ejus
 opera à Balu-
 zio edita ann.
 mdclxiv. Pa-
 risiis post vete-
 res editiones.

d Tomo 1.
 in Claudio Sco-
 to pag. 227.

e Xyrtus Se-
 nen. lib. 4. Bi-
 bliothecæ. Pos-
 sevinus in Ap-
 paratu. Bul-
 gus, Tomo 1.
 Hist. univers.
 Paris. in cata-
 logo Academi-
 corum.

f Amb. Caf-
 sin. in Trium-
 pho cathol. ve-
 rit. Verbo Ade-
 ratio. Francisc.
 August. ab Ec-
 clesia in Hist.
 Chron. Cardin.
 Episcoporum. Pe-
 demont. post
 Præteolum in
 libro De here-
 ticis.

g Laudatus
 Labbeus, Th.
 Dempsterus in
 Hist. Eccles.
 Scotor. c. 304.

qua Claudius noster manifestissime iudicio meo sese prodit auctorem operis. Lamentatur enim apud charissimum, ut vocat, fratrem prædictum Theodemirum, cruciari se malorum hominum perversitate, ut sibi tædium sit vivere: & in ipso opere, cuius memoratæ præfationi appenditur quoddam fragmentum, adductis S. Augustini verbis ex libro *De vera religione*, de non colendis angelis, subiungit auctor: *Hoc fidei nostræ munusissimum atque altissimum sacramentum, & cordi nostro firmissimum character impressum, banc adstruendo & defendendo veritatem, opprobrium factus sum vicinis meis, & timor notis meis, in tantum, ut qui videbant nos non solum deridebant, sed etiam digito unus alteri ostendebat*. Ex quibus jam apparet homo sanctorum spirituum adorationi cultuque infensus. Videtur autem hæc ante apologeticum eidem Theodemiro directum scripsisse, cum inciperet de cultu beatorum præposterè sentire.

99. Idem verò in præfatione memorat sese ad eundem Theodemirum *expositionum atque informationum literarum & spiritus in Exodo* libros quatuor ante biennium misisse; quorum initium fuit: *Post expositionem libri Geneseos*. Meminit quoque ibidem huius *expositionis in librum Geneseos* ante octo annos ex dictis SS. PP. *de litera & spiritu tribus libris* comprehensæ. Quæ quidem opera duo non usquam extare audivimus.

100. *Leuitici* autem *commentarium* sese in codice Remigiano habere ait Mabillonius in annotationibus ad hæc *Analecta* ^r.

101. Quidni & suspicabimur eundem hunc auctorem habere *Commentaria in epistolam Pauli ad Galatas*, ejus nomine jam olim vulgatam; item *in epistolam ad Ephesios*, & *ad Philippenses*, cuius præfationem Ludovico ipsi Augusto nuncupatam edidit quoque Mabillonius? In hac quidem superioris *Commentarii ad Galatas epistolæ* meminit præterito anno à se elaborati. Expositiones verò in S. Pauli has, & fortasse alias omnes epistolas, asservari in Floriacensi bibliotheca idem Mabillonius testatur.

102. Fragmentum itidem præfationis in S. Matthæum in lucem emissum à Jacobo Usserio inter *Hibernicas epistolas* idem refert. E præfatione sanè superius dicta in *epistolas ad Ephesios* & *ad Philippenses*, illa quidem ad vexationes Claudio propter ejus dogmata exhiberi cæptas pertinere videntur. *De cæteris verò epistolis licet plurima penes me teneantur excerpta, multa tamen adhuc supersunt perquirenda*. Sed quia me anno præsentis præpedientibus peccatis meis graviter obligasti, & nimis anxietatibus deditus mihi vivere non libet, neque *Scripturas perscrutari licet*. Hæc ille.

103. In Vaticano etiam codice, cui affixus est numerus 5775. inter ms. Claudii Taurinensis nomine inscriptus est *Tractatus in epistolam ad Corinthios*, qui incipit: *Præcepto Domini admonitus* &c. & folio 97. incipit ad eisdem secunda cum hoc principio: *Sciens sanctus Apostolus*. Præcedit utrumque præfatio cum hoc titulo: *Venerabili in Christo, sinceræque charitate diligendo, Theodemiro abbati*

Claudius inspirante gratia Dei Episcopus &c. Sequitur epistola Theodulphi Terdonensis Ecclesiæ indigni Episcopi, qui, ut ait, fecit scribere. & prosequitur: *Offero eum pro amore Dei & avunculi mei Joannis venerabilis Episcopi, qui huic Ecclesiæ, ubi ego præsideo, præfuit episcopus; & pro remedio animæ meæ B. Columbano confessori Christi, quatenus eum & præfentes & futuri monachi inibi commorantes in sua habeant potestate*. &c. *Actu est anno ab Incarnatione Domini Jesu Christi octingentesimo sexagesimo secundo indictione decima*. Theodulphus Episcopus. Nota sequitur recentioris characteris ante CC. aut CCC. annos vulgaris. *Iste liber est monachorum S. Justine de observantia ordinis S. Benedicti, residentium in monasterio S. Columbani de Bovio, scriptus sub an. XLVII*. Ex quibus constat librum fuisse sæculo isto nono, quo in vivis Claudius erat, scriptum, quo quidem ignorari haud potuit hunc ejus factum germanum esse.

104. Secundus Dempsteri Claudius Clemens Scotus alter est, cui Taurinensi Episcopo, ac Jonæ libris dilacerato is tribuit commentaria in epistolam ad Galatas, Ludovici Pii tempore scripta; cuius in Nortmannos susceptæ expeditionis recordatur auctor in præfatione. Hunc & ait inter Latinos poetas à Lilio Giraldo Ferrariensi laudatum. Sed, nisi fallor, unius Clementis poetæ Giraldu meminit ^s; hunc autem Appuleji familiarem, quem in *Floridis* suis idem laudat. *Sententiarum* quoque *Theologicarum* auctorem ait Dempsterus; contra quas scripsit Dungalus: item commentariorum in Matthæum libris tribus, quem primus (ait) exposuit Baronijs *tomo x. Annalium*; quæque mihi meræ tenebræ sunt. Deinde accumulatur eidem lucubrationes in Pentateuchum, Judices, Ruth, Psalterium, Pauli epistolas omnes; *De Evangelistarum* item *concordia* libros xiv. *Memoriale historiæ*, *summam* quandam, ac tandem *homilias*. quod Bostonum tradere ait. Sed sci-
mus quid de Thoma Dempstero censuerint viri eruditissimi ^t: cui scilicet (Usserius ait ^u) *familiaris fuit librorum, qui nunquam scripti sunt, ex ipsius otioso deprompta cerebro recensio*. qui alibi *hominem multæ lectionis, sed nullius planè judicii*, appellat.

105. Jam tertius & ultimus Claudius Clemens Dempsterianus, ejusdem & ipse cum duobus superioribus ætatis & nationis, ille est Clemens Scotus in Francia orientali hereticus, qui Bonifacio martyri Moguntino antistiti, & Germanorum apostolo, molestus & adversarius fuit in propagando Evangelii semine ^y. Sed hic non æqualis, sed multò est antiquior duobus aliis; damnatus quippe à Zacharia Pontifice in Concilio Romano anni DCCXLV. Nec ad hunc, sed ad Clementem illum Alcuini collegam, pertinent quæ in indice Fuldensium abbatum Christophorus Browerus legit, ut supra jam annotavimus.

106. Ut finiamus tandem, Claudio Hispano Episcopo Taurinensi, quem unicum hujus ætatis ita vocatum existimamus, alias etiam, quàm nefarias de suis hæresibus lucubra-

^s De poësis dialogo 4. pag. mibi 187.

^t Labbets in Bibliotheca biblicarum pag. 159. Haltervordius in Specim. de Latin. Hist. pag. 8. ^u De Britanniar. Eccles. primordiis cap. 13. pag. 463. ^x Ibidem cap. 1. pag. 17.

^y Vide Baronium tom. 9. ad an. DCCXLV. num. 21. 24. 25. 37.

brationes non denegamus ; quantumvis omiserit Jonas , qui adversus eum fato jam fundum scripsit , quemadmodum & Dungalus , aliquam ab eo pridem derivatorum operum catholicorum mentionem habere . Quod planè debuerit , ut vel sic castrorum fidei desertorem iniquissimum validius premerent .

107. Alterum fortè dedit Galliæ non Cifalpinæ cum Episcopum tum scriptorem Hispania , sub eodem Caroli Magni , ac Ludovici Pii tempore , quo se jactare , atque efferre , quemque Galliis præ Claudio imputare possit . Is est Aurelianensis præsul , Jone decessor , THEODULPHUS , sive THEUDULPHUS , quem cum Hispanæ genti ex conjectura non imbecilli asseruero , rerum gestarum , & operum editorum nomine laudabo . Italum , fateor , credit fama vulgatio , cui Jacobus Sirmondus operum ejus postremus editor , & Philippus Labbeus² assensit . Remque confirmare videtur vetus Chronicon à Quercetano editum . *Floruit etiam (verba hujus legis) bis temporibus apud urbem Aurelianensem Theodulphus Episcopus , qui propter scientiæ prerogativam , quâ pollebat , à memorato Imperatore Carolo Magno ab Italia in Gallias adductus , & Floriacensem ab eo abbatiam , & Aurelianensem simul meruit episcopatum .*

108. Ceterum Joannes Mabillonius Galus Benedictinus monachus hac ætate nostra singularis eruditionis , qui in *Analectis* suis veteribus hanc de Theodulpho questionem primus , ut credimus , excitavit , anonymi hoc testimonio , quod nos ejus indicio tomi quarti Francorum historiæ pag. 36. minimè invenimus , adducto . *At his obstat (ait^a) quòd Theodulphus ipse se ex Hispania ortum esse non obscure innuit in Parenesi ad judices , bis versibus :*

Mox sedes , Narbona , tuas urbemque decoram Tangimus , occurrit quò mibi læta cohors . Reliquiæ Getici populi , simul Hespera turba Me consanguineo fit duce læta sibi . ubi Theodulphus consanguineos vocat Hesperia populos in Septimania degentes , qui ex Hispania eò confluxerant . Sed addit : Nisi consanguineos dicit hoc nomine , quòd ex eadem gente tam Gotthi illi Septimaniæ populi , quàm Ostro-Gotthi in Italia degentes , ex quibus procreatus esset Theodulphus , processissent . Hæc pro utraque parte Mabillonius .

109. Nec dubium tollit epitaphium Theodulphi apud eundem^b :

Illius cineres saxo servantur in isto , Qui quondam populis præsul & abba fuit . Non noster genitus , noster babeatur alumnus : Protulit hunc Speria , Gallia sed nutrit . &c . Nam Speria sive Hesperia utramque & Italiam & Hispaniam significat . Nobis autem nostram causam agentibus quidnè Hispanum agnosceremus Theodulphum ? Qui duarum gentium populos occurrisse sibi Narbonæ ait , nempe Getici populi reliquias , hoc est Gothos , qui à Mauris expulsi Septimaniæ asylo se commiserant , simulque Hesperiam turbam , origine videlicet Hispanos , non Gotthici sanguinis , qui eodem confluxerant . Utrumque populum , & Gotthicum , & Hispanum , *Bibliotheca vetus Hispana Tom.I*

se consanguineo duce , lætatos haud poterat Italus dicere , quantumvis ex sanguine Ostro-Gothorum in Italia olim dominorum procreatus fuisset .

110. Quicquid rei sit , virum sui temporis undecumque doctissimum , uti eum appellat auctor incertus *vita Ludovici Cæsaris*^c , volentes non abdicabimus . Fuit is Floriacensis abbas , & ex monacho sedi Aurelianensi à Carolo præpositus . Nec inverisimile est hunc ipsum Theodulphum fuisse Episcopum , quem à Carolo missum ad Adephonsum III. Galliciæ & Asturiarum Regem , apud Sampirum in ejus historia legimus . *Sicut prædictus (ait) Magnus Carolus per Theodosium Episcopum nobis significavit .* Incurrit postea , Ludovico Pio rerum domino , in calamitatem carceris & exauktionis , eo quòd cum Bernardo Italiæ Rege adversus Ludovicum patruum conspirasse diceretur , uti narrant Francici annales^d .

111. Restitutus demum Ecclesiæ suæ à Ludovico , sive antequàm restitueretur , ut aliàs dicitur , veneno sublatus fuit^e . Ante annum DCCXCIV. Aureliis præerat Episcopus ; hoc enim anno Franco-fordienfi Concilio interfuit subscripsitque ; immo ante annum DCCCLXXVII. si Theodulphus fuit ille ad Alphonsum missus : hoc enim anno erecta est Ovetensis Ecclesia in metropolitana , de qua re Theodulphus cum Alphonso egerat . Quemadmodum & an. DCCCXI. Caroli testamento subscripsit , & ante DCCCXXIII. decessit , successore Jona , qui conventui Parisiensi de imaginibus hoc anno interfuit , uti Labbeus observat , auctores omnes qui de eo meminerunt è veteribus colligens . Opera Theodulphi primus omnia edidit Sirmondus anno MDCXLVI. in 8^o. metricaque in sex libros distinxit , notisque illustravit . Quædam prius seorsum prodierant . Eccilla .

112. *Capitula* ad presbyteros parochiæ suæ , hoc est Ecclesiæ seu diocesis Aurelianensis . Quæ Baronius sub lemmate epistolæ tantum , utpote quæ multa contineret notatu dignissima , annalibus suis inferere non dubitavit , anno quidem DCCCXXXV. num. 5. cum citius debuisset , aliquo ex his annis , quo Theodulphus adhuc superstes erat . Joannes item Buzæus cum quibusdam Hincmari epistolis Moguntia anno MDCII. Sirmondus iterum tomo 2. Conciliorum Galliarum , & cum Labbeo Cossartius tomo 7. postremæ collectionis Conciliorum omnium^f edidit . Legitur & in codice Vaticano Palatinæ bibliothecæ num. 485 .

113. *De ordine baptismi* ad Magnum seu Magnonem Senonensem Archiepiscopum . In codice ejusdem bibliothecæ Palatinæ num. 278 .

114. *De Spiritu sancto* ad Carolum Magnum Imperatorem metrica , cujus facultatis nomine ab Hincmaro promeruit , ut *orthodoxus & insignis poëta* , licet innominatus , audiret .

115. Carmina sunt ad diversos , & de diversis argumentis , inter quæ *Parenesis* ad judices , seorsum edita anno MDCXIV. *Elegia* ad Aigulphum Bituricensem Archiepiscopum ,

c Ad ann. DCCCXIV. tom. 2. Hist. Franc. pag. 294.

d Apud auctores Gallie Christ. in Aurelian. Episcopia pag. 238. e Mabillonius ubi supra pag. 434.

f Col. 1136.

g De divotio Lotbarii , & Tasberga tomo 1. operum pag. 602.

a De script. Eccl. tom. 2. pag. 496.

a Pag. 433. edit. Paris. an. MDCLXXV.

b Pag. 426.

pum, & alios, in carcere scriptæ, quas & Henricus Canisius volum. 5. *Antiquarum lectionum* vulgaverat. *Hymnus*, ut in die Palmarum caneretur, compositus, unde est ille versus:

Fruges, ope, nundinis, pulchris & rebus abundans.
Ad quem Lupus Ferrariensis abbas, Theodulphum laudans, allusit epist. 20. ad Altuinum, & alia ibidem videnda.

116. Quædam tamen Sirmondianis his adjunxit ex bibliothecæ monasterii S. Vitoni codice Joannes Mabillonius in laudatis *veterebus analektis* h. Scripsisse Theodulphum Annales Caroli Magni & Ludovici Pii, Arnoldus Uvion in *Ligno vitæ* ait. Sed & Vossius annotavit *De historicis Latinis* i referens. Ejus rei nec Siebertus meminit, nec Trithemius in *Catalogo*, nec Philippus Bergomensis in *Supplem. Chronicorum* lib. 11. nec, quod sciam, veterum aut noviorum ante Arnoldum Uvionem ullus.

117. Sub Alphonso cognomento *Casto* Rege Oveti ANONYMUS quidam *Florem Sanctorum* scripsit, quem laudat Franciscus Bivarius in commentario ad Maximi Chronicon k.

118. Anno hujus sæculi quadragesimo secundo Alphonfus jam dictus obiit, cui successit Ranimirus primus. Ab hoc obtentam fuisse juxta *Clavijum* oppidum, à quo denominata venit ad posteros, clarissimam de Sarracenis victoriam, Hispanicarum rerum enarratores memorant. Huic prælio post biennium Ranimiri commisso RODERICUS Episcopus LUCENSIS interfuisse dicitur, scripsisseque *De memorabilibus Hispaniæ* quandam historiam. Auctorem rei laudare possum Ægidium Gundisalvi de Avila in *Theatro Lucensis Ecclesiæ*. Sed quum idem alterius Roderici Lucensis Episcopi, qui prælio interfuit sub Alphonso VIII. Castellæ ac Legionis Rege ad *Nuvas Tolosanas* cum Mauris ad internecionem usque eorum anno MCCXII. commisso, quem si niliter historiæ cujusdam auctorem ait, virum optimum hic, ut sæpè aliàs, lapsum credimus; cum præcipuè nullus alius è nostris compertæ diligentie scriptoribus Roderici hujus historiæ meminerit.

C A P U T VI.

De S. EULOGIO martyre Cordubensi, vitæ ejus, & scriptis, *Alvaro Cordubensi auctore*. *Causa huic scribendi Memoriale Sanctorum*, & Apologeticum, aliaque. *Petri de Alva error tribuentis ei tractatum De scriptoribus Ecclesiasticis.*

119. AD sanctum Christi martyrem EULOGIUM devenimus, qui sub eodem Ranimiro atque ejus filio Ordonio I. hujus nominis, Oveti Regibus, præcipuè floruit. Hujus vitæ & rebus gestis nihil desiderari certius potest: scripta quippe ab Alvaro Cordubensi ejus perfamiliari; qui non incerta, & quorumcumque hominum narratione comperita, sed secum gesta & per se cognita narrare se ait. *Quia sicut de incertis temerè referre sententiam periculosum fore profiteor; (subjungit)*

ita de cognitis suppressere ea que nosci debent, vacuum periculis esse non reor. Et mox (quæ memoriâ tenere omnes, qui sanctorum hominum vitas hodie proferunt, ante omnia deberent) *Quoniam melius est de multis præclaris nihil facinoribus dicere, quàm ex parvis bonis multa falsa differere; tutiusque est omnia que gesta sunt præterire, quàm ea que non fuerunt, aliqua fingere.*

120. Eulogius Cordubæ natus è clara & senatoria stirpe, ad S. Zoili templum presbyter, multis & clarissimis virtutibus (ait Alvarus) floruit, magnis & laudabilibus operibus viguit. Sub doctrina, tum aliorum, tum etiam Spera-in-dei abbatis sanctissimi, unâ cum Alvaro domum ejus frequentans, evasit non solum in literis valdè doctus, sed & in moribus, nunc clericum in Ecclesia, nunc inter cœnobitas monachum agens, ante alios probatus. Monachum Benedictinum quidam temerè crediderunt; quod nec placet hujus familie prudentioribus l.

121. Itaque ingruente persecutionis turbine, qui Christianis sub Habdaraghmane II. Rege Cordubæ, instigatione cujusdam Reccafredi Episcopi, anno hujus sæculi quinquagesimo excitatus fuit, contumelias, terrores plurimos, carcerem quoque infractus ipse sustinuit, magno animi robore invictos martyres, qui eum ad palmam præcesserunt, utriusque sexus, non solum ad martyrii subeundum agonem incendit, sed & decollatorum cadavera collegit, ac tumulo composuit. Seges hæc sanctorum Christi athletarum per reliquum Habdaraghmanis regnum usque ad Mahomadis filii tempora Cordubensem urbem prædictam lætissimo proventu sæcundavit, ac inter tot decussa propinquorum amicorumque capitum culmina stetit ipse, dono Dei servatus, ut victorum triumphalia gesta stylo suo ad posteritatem omnem propagaret. Passus tandem ipse fuit anno, ut creditur m, DCCCLIX. Martii die xi. caput scilicet ei solenni gentis more amputatum.

122. Inscripterunt albo martyrum ejus nomen Romanus martyrologus hac die, Usuardus, sive aliquis alius qui eum auxit, die xx. Septembris, falsus ex eo forsan, quod Eulogium alterum antiquiorem presbyterum, eremi cultorem, & in Vitis Patrum n laudatum hac die obiisse ibidem legerit. Qui & errare post se alios recentiores fecit. *Erat ille vir (ait Alvarus) in omnibus professionibus principaliter, & non mediè decoratus, cunctis ex æquo deserviens, & cum præiret omnes scientiâ, humilior certè etiam infimis videbatur. Clarus vultu, & honore præcipuus, eloquentiâ fulgidus, & vitæ operibus luminosus: incitator martyrum & laudator; tractator peritissimus & dictator. Quis ardorem ingenii, quis decorem eloquii, quis fulgorem scientiæ, quis affabilitatem usualem officii, quocumque potuit prudentiæ dicere flumine? Quæ enim illi non patuere volumina? quæ potuerunt eum latere ingenia catholicorum philosophorum, hæreticorum, necnon & gentilium? Ubi libri erant metrici, ubi prosaici, ubi historici, qui ejus investigationem effugerent? ubi versus, quorum ille ignoraret canora? ubi*

h Pag. 376.
& seqq.

i Lib. 3. par.
4. cap. 4.

k Anno
CDXLVIII. n. 6.
pag. 153. in
principio.

l Jeyes to-
mo 4. Hist. Ben.
ad an. MCCCLIX.
cap. 1. Vide
Alva SS. edit.
Antwerp. tom. 2.
Martii die xi.

m Morales
lib. 14. cap. 30.

n Rufino
lib. 2. De vitis
PP. cap. 14.
Palladio Lau-
sacæ hist. cap.
73. Acta SS.
die xi. Martii
pag. 89.

ubi hymni, vel peregrina opuscula, quæ ejus non percurreret pulcherrimus oculus? Quotidie enim nova & egregiè admiranda, quasi à ruderibus & fossis effodiens, thesauros elucidabat invisos. Quanta docibilitas tam pretioso munere ornata inesset animæ, quanta & inexhausta cura solertiæ, nullus sapiens comprehendere poterat. Et (ò admirabilis suavitas mentis!) nunquam private scire aliquid volens, nobis omnia præstabat, vitia corrigens, fracta consolidans, inusitata restaurans, antiqua repriorans, neglecta revocans, & quæque poterat ex antiquis viris gesta competere, satagebat operibus adimplere. Severitatem Hieronymi, modestiam Augustini, lenitatem Ambrosii, patientiam Gregorii in corrigendo errores, in sustentando minores, in demulcendo majores, in sufferendo horrores, unus idem se multipliciter varium exhibebat. Hactenus ex Alvari descriptione, verbis ejus potius quam nostris doctissimum ac sanctissimum doctorem & martyrem ob oculos ponere animus fuit.

123. His virtutibus quoque inter homines meruit, ut etiam peregrinus, hoc est alterius urbis civis, famâ autem notissimus, à comprovincialibus Episcopis decedenti Wistremiro Toletano subrogaretur. Cujus tamen exercitio muneris eum arcuere, tum nata quædam obstacula, quæ non satis declarat Alvarus, tum majus omni dignitate atque excellentius à Deo ei per eosdem dies opportunè impositum martyrii diadema.

124. At hujus illustrissimi martyris operum inventionem lectissimo ac eruditissimo præfati D. Petro Pontio de Leon & Corduba Placentinæ urbis Episcopo, emendationem verò, expositionem, ac tandem editionem, summo viro Ambrosio Morali, magno Philippi Regis II. historico, atque Hispanarum rerum illustratori, debemus. Reperit ille in Ovetensis Ecclesiæ codice adeò antiquo, ut (quemadmodum ipse ait in Latina quadam & eleganti Ecclesiæ civitatis Cordubensi directâ epistola o inventionis hujus nuncia) eo cum aliis, quos ante sexcentos penè annos scriptos fuisse constabat, collatò, paucis retrò annis illi prorsus scripti fuisse viderentur. Ambrosius autem Morales hæc omnia opera, unâ & S. Eulogii vitam & martyrium, ab Alvaro descripta, aliæque similia, cum scholiis propriis oppidò eruditis eidem Episcopo nuncupavit, Compluti quæ in lucem emisit anno superioris sæculi septuagesimo quarto. Deinde Franciscus Scotus juris consultus, ab Andrea fratre instructus, post ejus obitum in Hispaniæ illustratæ systematis volumen quartum conjecit p. Præcedit opera

125. Vita S. Eulogii per Alvarum Cordubensem descripta. De qua nos in rebus Alvari. Vitam hanc S. Martyris vidit in codice ms. septingentorum & amplius annorum Michaël Ruizius Azagra, cujus verba ex epistola ejus nuncupatoria Dracontii & Eugenii Toletani præfatis carminum ad decanum & capitulum Toletanæ Ecclesiæ in rei testimonium dabimus. Admirabili quidem certè facto pervenit ante aliquot annos ad manus meas volumen satis magnum & vetustissimum, literis Gothicis in charta pergamena (ut vocant) con-

scriptum, quod vel solius antiquitatis nomine esset profectò venerandum, cum non ex conjecturis, sed fide argumentisque planè certissimè constet ante septingentos & amplius annos fuisse descriptum. In eo continentur varia opera diversorum auctorum ejus ætatis, quæ jam imperium Romanum declinare, barbariesque latè omnia occupare cœperat; eaque, præter unam D. Eulogii Cordubensis martyris vitam, carmine conscripta &c. Quæ cum scripta sint anno MDLXXVII. paullò post martyris obitum exaratum fuisse librum, si conjectura sua de antiquitate ejus Azagram non fefellit, oportet. Sequuntur deinde Eulogii ipsius monumenta (ut Baronius ait q) præclarissima, quæ Apostolicum spiritum redolent, & purissimam pristinam illam sinceritatem præseferunt.

q In Notis ad Martyrol. die xi. Martii.

126. Memoriale Sanctorum, tribus libris: primo in eum finem formato, ut ora eorum occluderet, qui martyribus, quorum gesta narrare proposuerat, martyrii gloriam adimere non verebantur, eo quòd propria se ipsos voluntate discrimini offerrent, non ullâ violentiâ fidem suam negare compellerentur. Secundo refert agones eorum qui sub Habdaraghmane usque ad annum passi sunt; cui tertium post intervallum aliquod temporis adjunxit novâ superadditâ materiâ eorum, quos Mahomad Habdaraghmanis filius usque ad annum DCCCLVI. martyrio affecit: sive (ut Alvarus ait) passiones sigillatim martyrum claro fonte locutionis explicuit, & prosecutione sufficienti quæcumque acta sunt in martyribus Domini & dicta, sequuntur generationibus propalavit. Nec notatu indignum est Ambrosium Moralem editorem ex primo libro, atque item ex secundo, aliquot versus dempsisse, ubi sanctus martyr quæ pessimè de Christo Salvatore & sacratissima ejus matre Machometus tradidit ex nefando Alcorano persequeretur: quod ex sapientissimorum consilio se fecisse in scholiis r ait, non æquè ob id reprehensus à viro doctissimo Thoma Maluenda lib. 1. De Anti-christo cap. 24. versus finem, quem laudat in notis & animadversionibus ad Vossium De historicis Latinis Christophorus Sandius pag. 294.

r Ad lib. 1. num. 4. & ad lib. 2. cap. 1. n. 7.

127. Ex omnibus his quinque tantum, Aurelii scilicet, Felicis, Georgii, Sabigotonis, ac Liliofæ martyrium ex libri 2. cap. 10. Memorialis Laurentius Surius, nonnullis aliunde additis, exscripsit xxvi. die Augusti. Desumpsere autem ab Eulogio quorundam ex his sanctorum martyrum memoriam Breviaria Ecclesiarum Hispaniæ aliqua, ut notat Morales lib. 14. cap. 20. qui pius æquè ac disertus scriptor omnem horum trium librorum laudati Memorialis materiem distinctè & eleganter paraphrastice in historiam suam à cap. 4. usque ad 26. libri 14. conjecit. Ex his iisdem Breviariis (nam Eulogii non meminit) Laurentius Padilla eorundem quinque martyrum, quorum Surius, atque item Nunilonis & Alodiæ sororum, martyria exscripsisse videtur s. Sequitur

s De SS. Hisp. fol. 33.

128. Liber apologeticus SS. martyrum. quo non solum Roderici & Salomonis novum post

o Tomo 4. Hisp. illustrata pag. 342.

p Pag. 217.

post absolutum *Memoriale* triumphum commemorat ; sed & rursus ultroneam sui exhibitionem, & Fidei confessionem sanctissimorum heroum, à quibusdam reprehensam, meritoque evacuata, tum iisdem, quibus in *Memoriali*, tum novis aliis argumentis, validè tueretur. Laudati martyres erant DCCCXCV. hoc est anno DCCCLVII. coronati sunt, ut ex libri fine constat. Deinde scripsit

129. *Documentum martyrii, quod in carcere positus virginibus Christi Floræ & Mariæ ergastulo mancipatis dicavit.* uti conceptus exstabat in veteri libro titulus. *Documentum martyriale* appellat Alvarus¹; in quo SS. Virgines Floram & Mariam pro fide comprehensas ad martyrium verbis tenacibus solidavit. Sequuntur in editionibus

130. *Epistole.* Prima ad Wiliesindum Pampilonensem Episcopum è carcere data, ubi detinebatur, anno DCCCLI. In hac meminit duorum suorum fratrum Alvari & Isidori, qui olim apud Ludovicum Bajoariæ Regem (Ludovici Pii filium, Caroli Calvi fratrem) peregrinati fuerant mercaturæ causâ. Hic Isidorus est, cui suppositam à Gallis fuisse sub Isidori Mercatoris (aliàs Peccatoris) nomine collectionem epistolarum decretalium & Conciliorum, suspicatus olim solerter fuerat David Blondellus, de quo nos alibi. Meminit item Josephi fratris junioris, Niolæ & Anulionis sororum, atque Elisabeth matris. Hujus epistolæ mentionem facit in vita Eulogii Alvarus.

131. Attamen non tam ambiguum sese esse de hujus epistolæ fide, dum viveret, & *Analibus Hispaniæ* tandem edendis vacaret, quidem imperfecti remanserunt, D. Josephus Pellizerius (lib. 5. num. 52. & 53.) ostendit, quinimmo certò sibi suppositâ constare ait ab eodem, qui Juliani Chronicon supposuit, auctore, spondens id à se probandum clarissimè, cum ad Eulogii tempora historia descenderit: hæc enim anticipat occasione quadam data. In quo quidem præter argumenta quibus hanc censuram superioribus auctoribus contrariam egregius historicus Petrus Abarca Jesuita in *Regibus* suis *Aragoniæ* non dudum affixit de Eneco Arista loquens², is certè qui Juliani formator non temerè creditur, Hieronymus Romanus ab Higuera, diu post hanc Eulogii operum inventionem, & annum superioris sæculi septuagesimum, quo in publicum prodire, animum applicuit edendis fabulosis auctoribus, contra quos sæpius agimus.

132. Secunda ad Alvarum prædictum, cum qua remisit ei librum jam laudatum *documenti martyrii*.

Tertia ad eundem Alvarum, in qua gratias agit pro libro ab illo ad se misso, scilicet, ut existimamus, *Indiculo* (quomodo nuncupavit auctor Alvarus) *luminoso*, de quo nos opportuno tempore.

Quarta est ad hunc ipsum Alvarum de martyrio SS. Floræ & Mariæ. De qua in Vita hæc legimus: *Exstat super hoc illustriore stylo confecta, & mihi his diebus directâ epistola, passionem earundem virginum, & ereptionem sacerdotum ipsarum virginum meritis continentem.*

Ibi metricos, quos adhuc nesciebant sapientes Hispaniæ, pedes perfectissimè docuit, nobisque post egressionem suam ostendit. Quæ ad orationis harmoniosum, & quasi metricum tenorè, referri possunt; aut cum Morali significare hymnos eum in carcere, Hispanis tunc temporis nondum in usu, composuisse.

Quinta ad Baldegotem, Floræ jam laudatæ martyris sororem.

Sexta ad Alvarum, quem arbitrum vocat scientiæ suæ justissimum, mittens ei atque censuræ ejus subjiciens *Memoriale Sanctorum* ante alia opera memoratum. Subnectitur epistola Alvari responsoria. Hæc Eulogii sunt scripta quæ usque ad superius sæculum in schedis delitescens Petrus Pontius laudatus Placentinus Episcopus, cujus elegans ad Philippum Regem II. directâ epistola de inventionem hujus veri thesauri cum iisdem edita est, & Ambrosius Morales Hispaniæ decus, & ornamentum pietatis, curiosæ posteritati laudabiliter communicarunt.

133. Nescio tamen ubi oculos habuit Petrus Alva & Astorga Franciscanus sodalis, ex operibus suis sat notus, dum in *Sole suo veritatis*, notante Philippo Labbeo in *Bibliotheca Bibliotecarum*³ (neque enim apud eum vidimus) ait se in bibliotheca S. Ecclesiæ Toletanæ Eulogii tractatum *De scriptoribus Ecclesiasticis* ms. vidisse. Qui valde in hoc errat: verum enim si esset, non utique latuisset hætenus, hoc literarum meridie, inter tot eruditissimorum hominum, qui bibliothecæ præfuerunt, eamque contrectaverunt, manus, liber luce dignissimus; neque in prædicta bibliotheca invenitur: quod asseverare possum; habeo enim penes me catalogum diligentissimè formatum librorum illius omnium, tam manu exaratorum quam typis editorum, anno MDXCI. primùm scriptum, postea anno MDCXIV. recognitum, denique anno MDCXXIV. denuò recognitum & auctum.

134. Elogia relique gestas S. martyris ac celebratoris martyrum Eulogii reperies apud Constantinum Ghinium in *Natalibus sanctorum canonicorum*, Martinum de Roa *De Sanctis Cordubensibus*, Joannem Marieta lib. 2. *De SS. Hispan.* cap. 83. ac duobus sequentibus, apud Toletanorum præfulum descriptores⁴, & eos qui Acta Sanctorum publici juris fecerunt⁵.

CAPUT VII.

De SPERA-IN-DEO Cordubensi, & SAMPSONE Malacitano, abbatibus; LEOVIGILDO presbytero, & CYPRIANO Cordubensi; cui falsò tribuuntur plura carmina. Veri ejus sætus recensentur, supposititi carbone notantur. Joannis Tamaji passivæ locutiones in his omnibus occurrunt. Impudentes Pseudo-Juliani & Pseudo-Cypriani de Joanne & Paulo Hispanis martyribus, & aliorum cum hoc pseudo-historicorum de Rutilio martyre & aliis fictiones.

135. **D**IXIMUS Eulogium consuetudine doctrinæque sancti Spera-in-dei abbatis multum Cordubæ profecisse; qui

¹ Num. 7.

² Pag. 24.

³ Fol. 52.

⁴ Pifa in Hist. Tolet. lib. 3. cap. 8. Ca-
stejon De
prim. Toletan.
tom. 2. parte 3.
cap. 1. §. 6.
⁵ Tamajus,
Bollandus &
socii de Martib.

qui & ipse inter scriptores numerandus pone eundem Eulogium opportuno venit loco. SPERA IN-DEUS, sive SPERANDEUS, in Cordubensi hac urbe vocatus abbas, absque eo quod sciamus an monachorum, & qualium, an verò clericorum fuerit præfectus, his venit notis ab Alvaro Cordubensi jam memorato in vita Eulogii martyris dignoscendus: *Nam & abbatem bonæ recordationis & memoriæ (mortuum ergo jam, quum sic agebat) Spera-in-deum, opinabilem & celebritate doctrinæ præconabilem virum, sæpius invisebat, auditorioque more ex illius ore disertissimo dependebat, qui ipso tempore totius Beticæ fines prudentiæ rivulis dulcorabat.*

136. Hic tantus vir, vel inter Machometanos, & sub iugo eorum positus, haud veritus fuit (quod unum Christianis minimè permittebatur) adversus Coranum, seu Sarracenorum legem, scribere. Cujus commentarii cum ejus & auctoris ejusdem recordatione elogium conservavit nobis primus liber *Memorialis Sanctorum Eulogii martyris discipuli. Quam quæstionem* (ait) *vir disertissimus, magnam temporibus nostris Ecclesiæ lumen, Spera-in-deo abbas, cum contra nugæ hujus nefandæ (Machometi) stylium admovent, & uno opusculo ex ejus deliramentis nonnulla niteretur arguere; in sexto ipsius libelli capitulo, quasi ex voce cultorum ejus objectionem inducens, ac deinceps suam proponens sententiam, ita disseruit dicens.* &c. Sequitur inde locus, quo Coranicum voluptatum in Paradiso beatis suis præparatarum articulum acriter atque eleganti præ aliis æqualibus stylo urget ac refutat.

137. Alibi eundem vocat, Eulogius doctorem illustrissimum, quum scripsisse eum docet Adulphi & Joannis martyrum triumphalem obitum, & de matre eorum Artemia obiter loquitur. *Quæ & ipsa* (ait) *geminum pignus per martyrialem obitum olim cælo præmiserat, (editum est promiserat) Adulphum scilicet & Joannem, qui in primordio regni principis hujus (Habdaraghmanis scilicet, circa annum DCCCXXV.) viriliter de hoste triumpharunt. Quorum, instar siderum cæli, gesta micantia ad emolumentum Ecclesiæ sanctæ, & exemplum debiliū, senex & magister noster, atque illustrissimus doctor (de quo in libro 1. meminimus) beatæ recordationis & memoriæ Spera-in-Deo abbas stylo latiore composuit. Pepercit ergo Eulogius calamo, ne rem ipsam repeteret; quo factum fuit ut deperdito sancti abbatis nostri commentario, nihil de iis SS. martyribus Hispalensibus^a (quorum lib. 3. cap. ultimo *Memorialis* iterum fit mentio) ex Eulogii commentariis discere possemus. Quamvis non prorsus extincta sit eorum memoria. Ea enim ex Ufuardi ab alio quodam aucti, ex Adonis, aliorumque iis recentiorum Martyrologiis, XXVII. die Septembris^b, festumque eorum apud plures Hispaniæ Ecclesias celebratur.*

138. Exstat quoque in Ecclesia Cathedralis Cordubensis bibliothecæ antiquissimo manuscripto volumine *Alvari ad Spera-in-Deum*, hujusque *ad Alvarum* duplex epistola, quarum cum aliis Alvari exemplum apud nos habemus. Poposcera Alvarus à

doctissimo præceptore, quem, ait, *ab omnipotenti & præscio Deo, eorum, in quæ devenissent, temporum, ac verbi ejus (ita vocat) esurie, validam appositum fuisse destinam*, ut contra resurgentem illis diebus multiplicem heresin, cujus præcipuum & ferocissimum omnium aliorum erat caput, Trinum in Unitate, & Unum in Trinitate Deum negare, Christumque Deum ac dominum nostrum hominem tantum asserere, aciem styli, ut in aliis solebat caussis, stringeret. Respondet Spera-in-deus graviter & modestè, recusans quodammodo, S. Hieronymi verbis, Dei inenarrabilia scrutari velle; aut saltem prætendens Alvaro ipsi potius id competere, qui verè ad id sufficiebat, nullamque tribulationem adversitatemve fuerat passus; cum è contrario ipsum multis modis ejus sæculi acerbitas contrivisset. Aggreditur tamen *humiliter ea proferre, quæ credit, ac suppliciter enarrare in quæstionibus suscitatis quæ sentit*. Malo tamen doctissimi commentarii fato contigit, ut trunca hoc loco remanserit

139. *Epistola*. Ab Alvaro scripta sic incipit: *Præscius & omnipotens Deus &c.* Sancti verò abbatis responsio ista: *Dum à tribulationibus validissimis*. Reparare tamen sese hanc nobis jacturam credi voluit Joannes Tama-jus è legendario Asturicensis Ecclesiæ quodam, producta martyrii SS. Adulphi & Joannis relatione. in qua tamen videre mihi videor plura Tamajanæ telæ: de quo testes voco eos, quorum palato non alienus sit hujusmodi dapilium epularum gustus. Quod ipsum de Cypriani Cordubensis epigrammate, quod Relationi adjungitur, sentire nos, in mentione ejusdem Cypriani, quæ paullò post sequetur, admonebimus. De Spera-in-deo agit Morales lib. 14. cap. 3.

140. SAMSON quoque, abbas vocatus, rectorque, anno DCCCLXIII. S. Zoili Ecclesiæ urbis ejusdem Cordubensis factus, his diebus, longoque postea annorum tractu, usque ad finem penè hujus sæculi, doctrinâ catholicâ Bibliorum sacrorum, & philosophiæ studiis floruit. Scripsit hic apologeticum tribus libris distinctum pro se *adversus Hostigesium Malacitanum præsulem*, qui lupi gerens, non pastoris vices, lucro deditus, & ut facilius à Christiana plebe nummos extorqueret, cum Sarracenis conveniebat contra Christianos ipsos sibi subditos, suggerebat iis artes opprimendi hos vestigalibus, & jam satis odio fidei adversus fideles Christi oves inflammatis Machometi affeculis, novas ipse indignationis faces admovebat. Rem hujus defensionis, perpeffasque, instigantibus Hostigesio atque item Servando quodam Cordubæ Comite, à Christianis vexationes, multaque alia de Concilio Episcoporum Cordubæ coacto, & producta ibi Samsonis quadam fidei confessione, Hostigesii tamen vi & impotentia ab cæteris inique tunc rejecta, licet paullò post à pœnitentibus & ad se reversis laudatâ & approbatâ, Samsonisque ejusdem Tuccitana (*Martos* hodie est) relegatione, hic liber prosequitur; qui in vetustissimo codice c. Tolentanæ Ecclesiæ, in quo & *Heterii* seu *Beati adversus*

^a Lib. 2. Memor. cap. 1.

^a Tama-jus tom. 5. Martyr. Hisp. xxvii. Septembris.

^b Morales lib. 14. cap. 4. & in Notis ad Eulogii lib. 2. Memor. cap. 3.

^c Arch. 36. num. 13.

d Morales lib. 14. cap. 3. & 31. & in Notis ad S. Eulogii lib. 1. num. 9. Roa *Santos de Malaga* fol. 41. Martinus Ximena *Annales de Jaén* pagin. 49.

e d. lib. 14. cap. 3. & 31. lib. 15. cap. 7. & 21. videndi Mariana lib. 17. cap. 15. Baronius tomo 10. ad annū dcccxc. num. 10.

f Lib. 1. n. 9. g Lib. 15. cap. 21. legitur quoque in Notis ad Luitprandi annū dcccclix. num. 301. edit. Ramirezianæ.

h Lib. 2. *Li-gni vite* cap. 77

i Pag. 50.

k Tria apud nos exstant ex Toletano codice sæpius laudato, quorum primum est *super sepulchrum Oslonis abbatis* secundū *Arhanagildis* abbas, tertium *Valensini* presbyteri. CARDIN. DE AGUIRRE.

l Ad annū dcccclix.

m Num. 440.

n Num. 444.

versus Elipandum liber est ineditus adhuc, luceque dignissimus, conservatur^d. Luculenter ea omnia quæ in eo continentur, cæteraque ad Samsonem pertinentia, non uno aut alio loco apud Moralem tractata repiuntur^e.

141. Vixit enim Samson usque ad eræ annum CMXXVIII. ut in quodam sepulchrali carmine, quod inter Cypriani Cordubensis alia superest, annotatum legitur, qui annus est hujus sæculi nonagesimus. Sepulchrale hoc etiam carmen & in Notis ad Eulogium^f, & in *Hispanica historia* & idem produxit auctor. Sed Anthropomorphitarum quoque hæresin, quæ veram Christi Domini humanitatem respuebat, incurrisse hos Christianorum, quos diximus, malè Christianos hostes, consequenterque hunc errorem hoc ipso apologetico libro Samsonis doctè non minùs quàm efficaciter everti scias. Hæc certiora sunt, quàm damnatam in Concilio jam dicto Cordubensi hanc hæresin fuisse, quod in mentione Samsonis abbatis, quem Benedictinum existimavit, Arnoldus Uvion scripsit^h; cum è contrario fidei hostes in eo prævaluisse ab eodem Samfone habeamus.

142. Necnon & quædam ejusdem Samsonis epigrammata in eodem legi codice Martinus de Ximena Jurado in *Giennensibus annalibus* i annotatum reliquit, sive *epitaphia* & *epigrammata*, quomodo hæc effert è codice suo datis ad me literis D. Joannes Lucas Cortesius amicus meus, in paucis doctus. Falsum sanè est & ridiculum quod Pseudo-Luitprandus de Samfone finxitⁱ, absolutum eum literis Toleti datis à Bonito præfule Toletano, nempe, ut credimus significatum, à damnatione Cordubensis conventus prædicti aliquot Episcoporum. Perpetuum etenim sanctissime istius Ecclesiæ adulatoris consilium fuit, nunquam cessantem, aut controversum ejusdem primatum supra alias omnes Hispaniæ, etiam captivæ, Ecclesias frequenter asserere, factisque ipsis, quantumvis commentitiis, constabillire. Quod itidem hic fecit ore Juliani scribentis in pseudo-chronico^m, noluisse Bonitum Toletanum interesse Concilio Cordubensi, in quo graviter erratum est contra Samsonem abbatem. Iterumqueⁿ Julianum Boniti successorem coëgisse *Synodum in defensione Samsonis cum Concilio*.

143. Emendicatis his à fictione suffragiis minimè indiget Ecclesia Toletana: verè enim, ut ex eodem Samfone liquet, viciniore tantum Cordubæ Episcopi eò tunc ad Concilium convenere, ut ex his colligitur, qui suis vocantur ab eo notis, Valentio Cordubensi, Reculpho Egabrensi, Beato Astigitano, Joanne Bastensi, Genesio Urcitano, Theudeguto Ilicitano, Mirone Asidonensi, hoc est *de Cordova, de Cabra, de Ecija, de Baza, de Almeria, de Elche, de Medina-Sidonia*, ut vernaculis urbium utar nominibus. At libentes etiam Juliano nos remittimus Samsonis atque ejus apologetici mentionem à Corduba Toletum Cypriani operâ transportati. In officina enim hujus Bibliothecæ mercibus istis licitator deest.

144. Æqualis & civis Samsonis, Eulogii, Sperandei, & Alvari Cordubensium, LEOVIGILDUS fuit presbyter, qui *De habitu clericorum, atque ejus significatione* libellum edidit. Superest hic adhuc non publici juris factus, malo antiquitatum nostrarum fato, in libro magnæ vetustatis Gotthicis characteribus exarato, qui regia in bibliotheca Laurentina exstat^o. Atque hunc eundem esse cum eo Leovigildo, qui in Samsonis toties dicto apologetico laudatur, Ambrosius Morales prudenter existimavit. Ego autem nullus dubito, quin ad hunc spectent versus Alvari Cordubensis, quos sub hoc lemmate habet codex meus: *Versi in bibliotheca Leovigildi ejusdem Alvari*. Initium hoc: *Sum hic plura sacra, &c.* Abstinerunt certè ab hoc manus logo-dædali Toletani.

145. His omnibus convixit CYPRIANUS^p, Cordubensis Ecclesiæ archipresbyter, poeta suo tempore nonnullius nominis, cujus aliqua exstant etiamnum germana, sive epigrammata, sive epitaphia, sive hymni, aliaque carmina in libris mss. aliqua eidem supponuntur ab eis, qui larvam antiquitatis sibi adaptantes, nihil magis quàm fallere ac de historia ludere amant. Vir literis & probitate magnus, ac mihi perfamiliaris, quem nuper appellavi, D. Joannes Lucas Cortesius Hispanensis, regius nunc Matritensis in causarum criminalium dicasterio judex, codicem quendam habet, qui fortè idem cum eo est, qui olim fuit Michaëlis Ruizii Azagræ, viditque Ambrosius Morales^q, in quo carmina hæc Cypriani leguntur tantum, sub hoc lemmate:

146. *Incipiunt epigrammata domini Cypriani Cordubensis sedis archipresbyteri*.

I. *De Bibliis sacris repositis à comite Adulpho Cordubæ in Ecclesia S. Aciscii*.

II. *Item ejusdem ad petitionem Zöili filii sui in finem bibliothecæ, quam scripserat Saturnino archidiacono*.

III. Aliud epigramma sine titulo.

IV. Epigramma ad Comitem Guifredum, & illius conjugem Guisindam.

V. *Item aliud ejusdem in flabellum ejusdem Guisindis Comitissæ*.

VI. Epitaphium, quod idem in sepulchro domini Samsonis edidit metro heroico. Editum fuit ab Ambrosio Morali lib. 15. *Histor. Hisp.* cap. 21.

VII. *Item epitaphium ab eodem editum super sepulchrum Hermildis famulæ Christi*.

VIII. *Item super tumulum Sancti Joannis Confessoris*. Unicum est distichon apud Moralem legendum^s.

IX. *Hymni duo ejusdem in festivitate Sanctæ Leocadiæ virginis & martyris, civis, & patronæ urbis Toleti*. Hos tamen desiderari in suo isto codice Cortesius adjunxit.

147. Hæc Cypriani carmina^t sunt, quæ pro germanis ejus haberi debent, nisi producantur aliunde alia minimè suspecta. Qualia sunt ferè omnia, his exceptis, quæ in *Martyrologio Hispano* Joannis Tamaji passim leguntur. Quorum elenchum hic damus, ex codice quodam ms. carminum Auli Hali, & alio-

o Morales lib. 14. cap. 3.

p Morales lib. 10. cap. 23. & lib. 14. cap. 3.

q Refert in Notis ad lib. 1. Memor. S. Eulogii in præfationis num. 6. & lib. 15. cap. 21.

r In exemplari nostro ex codice Toletano transcripto aliquot latius, scilicet: *Incipiunt epigrammata domini Cypriani Cordubensis archipresbyteri sedis, ad petitionem Adulphi edita*. CARDIN. DE AGUIRRE.

s In Notis ad lib. Memor. S. Eulogii præfationis. nu. 6. t Omnia apud nos servantur ex codice Toletano (licet ob exscriptoris inscitiam aliquibus mendis deformia) præter hymnos, quorum in exemplari nostro nulla mentio. CARDINALIS DE AGUIRRE.

aliorum, quo ferè omnibus utitur paginis, uti ait, desumptorum.

TOMO III.

Die Junii III. Carmen quoddam producit *De S. Isaaco monacho & mart. Cordub.* quod ex conjectura tantum, aut Cypriano, aut Alvaro tribuit pag. 430.

XV. *In tumultu S. Benildis mart. Cordub.* pag. 533. *Blasii Toletani Pontificis epitaphium.* pag. 534.

XXV. *Pro S. Gallicano Ovino, viro consulari, mart.* pag. 604.

XXVI. *In SS. Joannem & Paullum martyres Hispanos.* pag. 620.

TOMO IV.

Die Julii XVI. *De S. Sisenando M. Cordubensi.* pag. 144.

XX. *De S. Paulo diacono & martyre Cordubensi.* pag. 182.

XXV. *De S. Theodemiro abbate & mart. Cordub.* pag. 254.

Augusti II. *De S. Flavio Rutilio M. Africano.* pag. 340.

XXI. *Epitaphium S. Samsonis abbatis.* pag. 536.

Hoc est illud germanum ab aliis laudatum sacri poetæ carmen, iccirco eximendum huic suspectorum notæ.

XXV. *Ad S. Genesium M. Cordubensem.* pag. 570.

TOMO V.

Die Septembris III. *Pro S. Sandalio mart. Cordub.* pag. 39. *Pro SS. Habundo, Marco, & sociis martyribus Cordubensibus.* pag. 43. quod à se ait desumptum ex codice hymnorum SS. Cordubensium, non jam ex codice carminum Auli Hali, & aliorum, uti diximus.

XV. *De SS. Emila & Hieremia mart. Cordub.* pag. 190.

XVI. *De SS. Rogelio & Leovigildo mart. Cordub.* pag. 204.

XVII. *In tumultu S. Columbae Virginis & mart. Cordub.* pag. 223.

XIX. *De S. Pomposa virg. & mart. Cordub.* pag. 272.

XXVII. *Pro SS. Adulpho & Joanne fratribus mart. Cordub.* pag. 342.

Octobris XIV. *De Lupo & Aurelia ejus conjuge mart. Cordub.* pag. 525.

XIX. *De S. Laura vidua & mart. Cordub.* pag. 585.

TOMO VI.

Decembris IX. *Hymni duo in officio S. Leocadie antiquo Ecclesiae Toletanae Cypriano tribuuntur* pag. 430.

XX. *De S. Gregorio Illiberitano Episcopo.* pag. 491.

XXI. *De S. Amasindo abbate.* pag. 524. Quod carmen seu epitaphium ex parte publicavit Ambrosius Morales in postremo folio tomi tertii.

148. Fatetur quidem Joannes Tamajus habere se, beneficio D. Martini de Ximena Jurado, ea omnia carmina, quæ habet codex quidam Toletanae Ecclesiae, quem vidit Morales. *Et licet in illis (ait) hac desiderentur elogja; in alio meo codice Ms. Auli Hali inter aliorum epigrammata recensentur cum Bibliotheca vetus Hispana Tom. I.*

tulo superius scripto. Non enim in illo codice Toletano omnia Cypriani carmina inseruntur; sed tantum octo epigrammata diversis scripta successibus, cum tamen alia plurima scripserit, ut ex hujus operis tabulis suis locis manifestè constabit. At cum probare hoc esset ei opus, adjungit, ut patet ex relatione Juliani archipresbyteri Toletani (idonei scilicet in causa testis!) qui dicto num. 284. recenset hunc Cordubensem Cyprianum scripsisse hymnum, qui incipit: *Letare Toletum.* & hic haud quaquam in Toletano codice reperitur.

149. Putabam egere testibus probatissimis Julianum ut sua illi fides constaret, potius quam sufficere ejus testimonium, ut de re aliqua nonnullam fidem faceret. Sed conferentibus duo germana, quæ jam edita sunt, Cypriani carmina cum cæteris de Tamaji penu depromptis, non ægrè apparebit, prædicta duo, quæ subjicimus, temporis sui & auctoris lineamenta prodere, Tamajanis verò illis omnibus novitatis impressas durare notas.

7 *Epitaphium quod idem (Cyprianus) in sepulchro domini Samsonis edidit metro heroico.*

*Quis, quantūve fuit Samson, clarissimus abba,
2 Cujus in una manent hac sacra membra sub aula*

Personat Hesperia illius fame a fota.

Flecte Deum precibus, lector, nunc flecte, peroro,

Aibera uti culpis valeat, conscendere terfis.

Discessit longè notus, plenusque dierum:

Sextilis namque mensis die vicesima prima,

Sexti namque mensis primo & vicesimo sole.

Erà CMXXXVIII.

c *Item super tumulum Sancti Joannis Confessoris.*

*Carceres, & dira Joannes ferrea vincla
Christi amore tulit. Hac functus in aula quiescit.*

150. Proprium in his duobus unius hominis, ejusque ævi sermonem agnoscis. *Aula* utrobique pro sepulchro, sive sacra æde, in qua sepulchrum. *Functus* in posteriore horum carminum pro defuncto. Alvarus enim coævus ita verbum usurpat^d, aut *functum* telluri reddam humandum. Adamussim ergo reliqua examinare oportet Cypriano falsò tributa. Quæ quidem, sive de martyribus Cordubensibus captivitatis tempore concepta sunt, sive de aliis, quorum verè Hispanorum in obscuro gesta remansere, sive de aliis tandem, quorum natales ad Hispaniam non jure refert grex ille historicorum, quos toties evertimus, ab omni veritatis via sunt, ut cum Lucretio loquar, *sejuncta seque gregata*. Nul- lum eorum carminum, si laudata demas Cordubensium sub Machometanis martyrum elogia, confirmandis germanis olim cognitorum, & nunquam non à nobis susceptorum martyrum, sive aliàs Sanctorum, quorum notitia clara est & constans, actibus formatum offe-

des; X x

x *Adversarium.*

y *Apud Moralem lib. 19. cap. 21.*

2 In nostro exemplari aliter: *Cujus in urna manet ac sacra membra in aula.* CARD. DE AGUIRRA.

a *Famini* verbo utitur Alvarus in *Carmin. pro bibliotheca Leovigild.*

b *Valeas fortè.*

c *Apud Moralem in Notis ad lib. 1. Memorialis SS. Eulogii martyris num. 9. præfat.*

d *In epistol. ad Joann. Hispal.*

des; sed illis tantum, quæ intrusit nobis præpostera, immo damnanda prorsus ficulnei Toletani ars per emissarios suos Dextrum, sequacesque, Dextri suffulciendis commentis. Quæ certissima nota est suppositionis, omnibus his profundissime inhærens auctoribus, qui ea ex officina, & quacumque alia ad ejus imitationem & exemplum deinde adaptata, profiluere. Quasi præviderint inventores, & talium mercium propolæ, clara aliàs gesta nullis egere testimoniorum, ut ita dixerim, substructionibus; illa tantum egere, quæ finguntur.

151. Necnon & in martyrum Cordubensium celebrandis agonibus id fuit Pseudo-Cypriani consilium, ut S. Eulogii verissimam narrationem, aliis ipse, sed falsis eventibus, locupletare videretur. Exempli causâ, Eulogius de Benilde mart. pauca hæc dixerat: *Denique hos (Anastasium & socios martyres, de quibus paullo prius) sequens Benildis, femina ætate jam provecta, & ut ferunt, non mediè timorata, sub professione caterorum occubuit xvii. Kalendas Julii, erâ quâ supra (DCCCXCI.) quorum cadavera post aliquot dies ingenti concremata incendio, ad ultimum fluvii projecta dispersa sunt.* Obscura hæc & pauca Pseudo-Cypriano sordere. Deo igitur plenus, sed illo deo, qui furorem insanum, non autem sanam inspirat poësin, rudere illi potius quàm canere de Benilde carmen illud placuit, quod martyrologus noster Junii xv. die protulit. En primum distichon, ut ex ungue leonem discas:

*Corduba me genuit nascens, me Corduba vivēs
Edocuit Christi dogmata sacra, fidem.*

Affirmare ausim nullam prorsus vel afflictissimæ Latinitatis licentiam admittere potuisse ut nascens pro nascentem, vivens pro viventem, usurparet: hoc tamen, quod ruditer omnem & imperitiā grammaticæ artis ex æquo provocat, in martyrologi grammatica peregrinum non est.

152. Alterum exemplum. S. Eulogius de Sisenando mart. Cordubensi agens, ex Pacensi oppido eum ortum dixerat s. Quod non iniquè de Pace-Julia Lusitanæ urbe interpretantur saniores^h. At cum sedisset nostro Tamajo quicquid ad Pacem (hodie *Beja* oppidum) Portugalliæ spectare posset, Paci-Augustæ Castellæ, & Extremadurense suæ provinciæ (*Badajoz* hodie) adjudicare; more suo hic egit Cypriani gerens personam, in carmine, quod ex parte dedimus, aliàs apud eundem Tamajum i quærendum.

*Sisenande, tuos custodit theca, levita,
Artus sacros Acicli in limine sancto,
Quos pia feminei junxit audacia sexus.
Pax-Augusta Dei nutu te provida nobis
Concessit, &c.*

153. Tertium exemplum. De Sancto martyre Paulo Eulogius egerat^k. Quem quidem sui ordinis monachum fuisse quidam Benedictini asseruere^l, reclamantibus aliis^m. Tamajus voluit Benedictinis occludere os carmine Pseudo-Cypriani, ubi clericus, non monachus, Paullus ille asseritur.

154. Quartum exemplum. Paulli hujus

cadaver cum beati Theodemiri Carmonensis monachi corpore apud sanctuarium martyris Zoili conditum fuisse (qui & ipse juvenis post sexta die, qua sanctus decedit Paullus, idest viii. Kal. Aug. ser. vii. erâ quâ supra, occubuit) nil ultra de eo referens, scribit Eulogiusⁿ. Calagurritanum verò hunc aliquando fuisse antistitem, atque eum prorsus, quem vera de imaginum sacrarum religione admonentem Claudius Taurinensis impiissimo apologetico excepit, Pseudo-Juliano^o credens Antonius Quintanadueñas *Sanctorum Hispanensis diæcesis* historicus, scriptum reliquerat. Quod cum jure displicuisset Tamajo, ad Pseudo-Cypriani sui cucurrit hoplotheam, unde telum defumeret, quo feriret contrâ sentientis jugulum, carmen scilicet p, quo nulla Episcopalis muneris, sed martyrialis tantum palmæ, habetur mentio.

155. Quintum exemplum. Adulphi & Joannis MM. Eulogius per transfennam meminit lib. 2. cap. 8. Ideo egere prorsus hi Pseudo-Cypriani eo carmine, quod xxvii. Octobris legimus.

156. Sextum. De Emila & Hieremia Eulogius egerat^q. Quorum prior aliis *Emila*, *Emilianus* aliis audiebat. Neutrubi consistere amavit Tamajus; sed novum, & nullius linguæ nomen adinvenit *Emiliam*, quo sanctum vocaret martyrem primo isto carminis versu, quod Cypriani esse persuadere nobis voluit:

*Emilias sequitur levita ex sanguine primus
Cordubensis.*

Sed sequitur, ut grammatici rectè loqui vel hinc jam discant,

*Hieremias, qui gentibus unâ,
Et quoque nobilibus Christi admirabile nomen
Extollunt sanctum.*

Abusus iste quoque adverbii, unâ cum & conjunctione, atque aliàs male collocati, hyperbatonque intolerandum, & stribiligo mera prioribus verbis contenta, quasi dicere vellet Hieremiam quoque, uti Emilam, genere nobili Cordubæ natum, omnia sunt, ita ut ovum ovo, similia Tamajanæ, atque illorum eloquentiæ, quibus frequenter è ms. suo *codice diversorum carminum* gemellis versificatoribus Tamajus utitur. Quod ex horum quibusdam representatis hic opportunè locis, patebit; indeque omnia ferè sub tot capitibus producta unius tantum cerebri unicam hydram esse.

157. Miraberis, lector, quantum sibi placerit bellulus homo in hocce vitio sæpè atque sæpius barbarè utendi quoque adverbio. Juliani carmen de SS. Socrate & Stephano MM. die xvii. Septembris:

Per quoque verbera Christum.

Alterum ejusdem xv. Octobris de S. Caribina V. & M.

Quam quoque virgo favet.

aliud iv. Novembris de S. Claro M.

Ardua carpenti dum quoque voce premit.

aliud i. Decembris de S. Euasio Episcopo & martyre.

Quos quoque cruce capit.

Aulus Halus non aliter loquitur viii. Novembris de SS. Castorio & sociis.

Clau-

n Eodem
cap. 6. lib. 2.

o In Chron.
num. 416.

p Eodè to. 4.
die Julii xxv.
pag. 234.

q Lib. 2. cap.
12.

h Lib. 3. Morales.
cap. 9.

f Pro medio-
cris.

g Lib. 2. cap.

h Ambros.
Morales lib. 14.
cap. 9. & in No-
tis ad Eulogii
hunc locum.
Marieta lib. 2.
cap. 71. Roa De
SS. Corduben.
fol. 117.

i Tomo 4.
die Julii xvi.
pag. 144.

k Lib. 2. cap.

l Uvlon &
Menardus.
m Jepses Ann.
Benedict. c. 4.
ad an. dcccxi.

Claudius adberet, cui quoq; turba sequens.
item primo Septembris *De Vincentio & La-*
to MM.

Hos colit ut proprios Toletum regia sedes,

Hos & Aquensis amat, ut quoq; matre suos.
Non alius sermo est incerti cuiusdam, unius,
sive plurium, qui omnem ferè paginam Mar-
tyrologii complent. Sept. xxiv. de S. Firmino:

Dum vitam civis, dum quoque presul agit.

Octobris iv. de Juliano Urbano præsule To-
letano:

Qua quoque in astra volat.

xiii. ejusdem de S. Petro Episcopo Braca-
rensi:

Quos quoque stipe foves.

iii. Decembris de S. Anthemio Episcopo
& M.

Qui quoque membra secat.

Tamajus tandem non magis est elegans, quum
proprio loquitur nomine iii. Novembris de
immagine S. Dominici:

Sed undique fulges

Signis, vel vivens, vel quoque pictus eas.

& alibi pluribus locis. Idem dicimus de S. Co-
lumbæ epitaphio die xvii. Septembris apud
Tamajum, cujus martyris Eulogius meminit
lib. 3. cap. 10. alteroq; S. Pompasæ die xix.
Octobris, memoratæ similiter ab Eulogio lib.
3. cap. 11. in quo non unum emicat signum
Tamaji eloquentiæ.

158. Sunt & alia Pseudo-Cypriani car-
mina vestiendis nudis Sanctorum verè Hispa-
norum historiis excogitata. Hujus rei exem-
plum esto primum

S. Sandalius, quem Cordubæ celebrari
martyrem, ejusque acta excidisse, vulgò re-
fertur. Præstò igitur fuit Pseudo-Cyprianus
huic defectui actorum supplendo in carmine
illo, cujus lemma est: *Pro S. Sandalio M.*
Cordubæ die iii. Septembris.

159. Alterum. Lupus & Aurelia Cordu-
bæ in Hispania Octobris xiv. die laudantur in
Martyrologiis Bedæ atque Adonis; quibus re-
centiores nil ultrà de his addentes, consen-
tiant. Apertus invitavit campus Tamajum,
ut liberè sub Cypriani persona divagaretur,
eorumque conditionem, tempus martyrii, &
quod maximè fuit pretii, habitationem mar-
tyrum, in Illipa urbe Tamaji patria his versi-
bus comprehenderet:

Corduba, Lupe, tuos veneratur provida sacros

Artus, & Aureliæ conjugis ultro simul.

Insidias fugiens fallacis uterque Neronis,

Italiam linquens quæris in urbe lares.

Illipa vos capit alumnos Beturica, sed post

Corduba vos felix martyrioque rapit.

Quelibet urbs simul exhinc computabitur ingens,

Illæ prout cuna, ista prout tumulus.

Natus in Zalamea oppido, quod Illipam
olim fuisse credebatur, Joannes Tamajus (cùm
revera Julipa fuerit, de quo nos alibi) Lupum
& Aureliam quoquomodo illuc advocans, in
solo suo edificavit, palpumque civibus suis
obtrudere voluit.

160. Tertium. S. S. Habundus, Marcus,
& socii, Cordubæ celebrati jam diu martyres,
quorum ex tabulis hujus Ecclesiæ Ferrarius
meminit die xi. Julii. Horum quoque Cy-
Bibliotheca vetus Hispana Tom. I.

prianus vestivit nudam aliàs memoriam apud
Tamajum die iii. Septembris.

161. Ceterorum carminū Cypriano suppo-
sitorum causa & origo fuit eadem illa, quæ
communis aliorum plurium, Tamaji credu-
litas, & fides habita pseudo-historicis Toleta-
næ officinæ; quibus ut majorem in modum
auctoritas conciliaretur, non dubitare dol-
lis & inventionibus eò obniti plumbei cordis
homines, & in id tantum nati, ut, quem-
admodum sepia solet, ne veritas deprehen-
di posset, effuso atramento historiæ aquam
infusarent. Ad rem veniamus.

u Plin. lib. 9.
cap. 29.

162. In primis notissimi sunt Romanæ
urbis MM. Joannes & Paullus, quorum na-
talis dies Junii vicesima sexta est, item Galli-
canus vir consularis, duxque Romani exer-
citus contra Persas & Scythas, qui sub Ju-
liano Apostata, uti & memorati Joannes &
Paullus, qui eum ad fidem converterunt,
Alexandriæ tamen ipse Ægypti, xxv. ejusdem
mensis passus fuit. Quorum acta martyrii qui-
dam Terentianus, qui Joannem & Paullum
capite cedi jussit, in scripta redegit, & usque
nunc apud Surium aliosque die xxvi. Junii
legimus. Hos tres habendi furiosa cupido in-
cessit quondam bipedum omnium levissimum
hominem, Juliani artificem, quem verbis his
litare mendacio fecit, *Adversariorum* num. 8.
S. S. Joannes & Paullus (ait) & Ovinus Gal-
licanus vir consularis, quorum hic Alexandriæ,
illi Romæ passi sunt, Hispani, Saguntini, & in
aula Cesarum diu versati. Idem num. 399.
Eodem tempore (dum Bracaram cum Archie-
piscopo Toletano Bernardo venisset) cognovi
sanctos Ovinum Gallicanum martyrem virum
consularem, & Joannem & Paullum cognatos
ejusdem, natos Bragantii non procul admodum
Bracaræ, Romam delatos martyres fuisse cla-
rissimos.

163. Quod mera fabula est, ipsa sibi in-
vicem, eodem ipso, quo nata fuit, auctore
litem falsi intendens. Neutiquam enim &
Saguntinos, & Bragantinos, natu scilicet,
esse potuisse palam est. Ideo conciliatio eo-
rum, quæ temerè effudisset blatero, statim
quæsitæ: Bragantiæ scilicet natos martyres
originem suam ad Saguntum urbem retulisse.
Cumque nec Terentianus actorum scrip-
tor, nec alius aliquis, post Adonem &
Ufuardum, è recentioribus quicquam de Hi-
spana horum patria expresse-rit, asserendo,
ut sic dixerim, Julianæ mendacio Cypriani
hoc statumine uti opus fuit:

In tumulo hoc jacet almus Gallicanus Ovinus,
Qui fuit Hispanus, grandi & ex origine quondam
Saguntina, cujus urbs memorabilis actus
Vidit, & illustres, Consul bis, Roma triumphos;
Cujus & ostia post fidei durasse trophæa
Cognovit &c.

Item de Sanctis Joanne & Paulo
Paulle decus nostri, nec non venerande Joannes,
Hispani proceres, Romani martyres almi,
Amboque progeniti Saguntæ & origine, fratres
Opibus illustres, fide & insuperabiles ambo.
Vestri Hispania vestra cupit consortia semper,
Et licet ossa tenet Roma, hic in corde jacetis.

164. Aliud carmen Cypriani ex his, in
X x 2 qui-

x Sic aptud
Tamajum xxv.
Jun. pag. 602.
Pater Higuera
in Martyrol.
Hispano m.

y Ovinus
Gallicanus in
inscript. apud
Gruter. pag.
284. & Onu-
phrium in Fa-
stis ad annum
MLXVII.

z Gramma-
tica Tamaji.

a xxvi. Ju-
nii.

b Nostrum
dicere debuit.

c Progeniti
Saguntæ ex
origine.

s Baronii
Martyrol. iii.
Sept. & plures
alii apud Ta-
majum eodem
die.

t Vide tom.
i. die xiv. Sept.
pag. 183.

quibus cum pseudo-historicis conspirat, de Rutilio est martyre Africano, cuius Tertullianus unus meminit in libro *De fuga in persecutione* cap. 5. *Rutilius sanctissimus martyr* (inquit) *cum totiens fugisset persecutionem de loco in locum, etiam & periculum, ut putabat, nummis redimisset; post totam securitatem, quam sibi prospexerat, ex inopinato apprehensus, & præfidi oblatus, tormentis dissipatus (credo pro fugæ castigatione) dein ignibus datus, passionem quam vitærat, misericordiæ Dei retulit. Ne quidem ullum verbum Tertullianus de locis fugæ martyris. Restabat ergo argutandi, aut somniandi potius, de his licentia; quod Pseudo-Dextri^d, & Pseudo-Maximi^e quadruplici testimonio ab eorum architecto fuit procuratum, Cordubam venisse Rutilium exsulem affirmantium. Nec deesse hîc sibi Pseudo-Cyprianus voluit, fictionem fictione cumulans, & Italum natu eum affirmans in carmine, quod Augusti die secunda apud Tamajum legitur, incipitque:*

*Italus en nostras Rutilius corpore casus
Trajani metu invisit &c.*

165. Aliud carmen est de S. Genesio M. Cordubensi, ut persuadere nobis eadem turba pseudo-historicorum voluit, ne S. Genesii titulo Ecclesia ejus urbis apud Eulogium & alios celebris, martyre cive casta & vacua esset. Eò igitur, quasi uno capite & uno ore, concursum ab his fuit^f, ut novus martyr Cordubensis sub Nerone, nusquam aliàs dictus, fingeretur; quasi religio esset non civibus aut exteris martyribus dicari templa; cum verè non Cordubæ tantum, sed & Toleti quoque, Matriti, & Hispali, Salmanticaeque, & fortè alibi, Genesii martyris (Arelatenensis, ut credimus, propter majorem viciniam, Galliaequè Gothicae, & Hispaniae sub eodem domini jugo antiquæ unionis) ædes sacrae olim constructæ sint. Huic ergo novi martyris inventioni suffragium suum conferre Cyprianus supposititius non dubitavit in eo carmine, cuius hoc est principium: *Corduba te genuit Genesi post martyr, & ipsa Te quoque martyrio sublatum novit &c.*

166. De S. Laura martyre etiam Cordubensi carmen habemus Cypriani die xix. Octobris; ne solus esset Luitprandus asserendæ huic nobilissimæ urbi novæ protectrici, utinam certæ. Luitprandum lege sis *Adversario* 281. g de hujus Lauræ corporis inventionem in hac ipsa urbe.

167. Tribuit etiam Cypriano Tamajus hymnos duos, qui in veteri aliquo Toletanæ Ecclesiæ de S. Leocadia V. & M. officio legabantur, ut Juliano testimonium diceret, qui prius id notaverat *Adversario* 284. ubi & composuisse refertur Cyprianus alterum eorum, qui incipit: *Lætare Toletum*. ad petitionem Adulphi Comititis, Athanagildi abbatis, & Valentiniani presbyteri Toletano oriundorum, anno MCXX. Certè in elencho hujus poëtæ carminum ad nos transmissis, cuius supra meminimus, hi duo hymni laudantur. Quare interim pro ei suppositis non habemus.

168. Et sanè Adulphi Comititis mentio est in primi, è germanorum serie, carminis

lemmate; nisi sumpta inde sit fallendi occasio. At, si Juliano aliqua haberi fides deberet, non quidem nos opportuno loco duodecimi sæculi poëtam sæculi noni scriptoribus adscripsissemus, cum, ponè verba superius ex isto *Adversario* ejus adducta, hæc sequantur: *Obiit ipse Comes (Adulphus) anno MCIV. Cyprianus MLX. jacet Cordubæ*. Sed malumus nos cum Morali è via discedere, quàm cum larvis istis ficulneis rectum tramitem sequi. Prius enim errori, posterius autem stoliditati atque insipientiæ imputaretur.

169. De Gregorio Eliberitano Episcopo, quem celebrat aliud Cypriani carmen apud Tamajum die xx. Decembris, satis multa jam dicta sunt, cum de Gregorio isto ageremus; quæ huc reduci possunt ad evertendam hujus carminis fidem.

170. Extra ordinem hujus ultimæ classis eorum carminum, in quibus auctoris temeritas cum pseudo-historicorum conspiravit temeritate, ponimus ultimum in laudem Amasindi abbatis conscriptum Cypriani supposititii carmen; quod Joannes Tamajus sigillo suo munivit, ut veluti germanum exciperetur, xxi. die Decembris^h. Hic est Amanfvindus ille monachus, cujus repertum in montibus Malacitanis superiore sæculo epitaphium produxit primus Ambrosius Morales in annexo folio ultimi libri suæ *Hispaniarum historie*, deinde Bernardus Alderetus lib. 3. *Originis linguæ Castellane* cap. 18. & Martinus de Roa *historiæ Malacitanæ* cap. 14. Hujus quasi paraphrasin dedit auctor carminis, quod incipit: *Hac & Amasindi jacet urna corporis almi Compago insignis &c.*

Definitque:

*Cui posui Cyprianus ego hoc in marmore carmen,
Impetret ut mihi jam veniam celestis amicus.*

Quod si verè Cypriani nostri esset, cum Amanfvindum erâ MXX. hoc est anno DCCCCLXXXII. ad superos abiisse lapis ostendat, jam haberemus inde compertum, non hujus, sed undecimi saltem sæculi æqualem Cyprianum fuisse, & Amanfvindo posteriorem. Sed planissimè hæc Tamaji merx est, quam profitetur ipsa ejus facilitas barbarè quicquid in mentem venerit in versus fundendi. Sed satis jam de Cypriano poëta Cordubensi, & Joannis Tamaji eidem suppositis carminibus.

C A P U T VIII.

De ALVARO PAULO Cordubensi. An sit ex stirpe Gothorum, an Hebræorum? Studia ejus & cum Eulogio martyre amicitia. Omnia ejusdem opera adhuc manuscripta. D. Thomas Tamajus laudatur. Indiculi luminosi non alius auctor. Pbrasis hujus scripti, & aliorum Alvari. D. Josephi Pellizerii conjectura de Eulogio auctore improbat. Alvari quædam epistola corrigitur, caterarum notitia exhibetur. Joannis Tamaji levitas.

171. **S**YNCHRONUS omnibus his fuit ALVARUS CORDUBENSIS, de quo memoriæ quicquid est, compilavit Ambrosius Mo-

d Ad ann. ex. num. 5. & ann. cxvi n. 5.
e Ad ann. dext. num. 22.

f Luitprandus anno dclxviii. Julianus n. 376. in principio, & *Advers.* 149. 389. 481. Videndus Bivarrius in *epist. ad Ramirezium* in editione Luitprandi operum pag. 345. Tamajus xxv. Augusti.

g In editione Ramirezii: nam in altera Thomæ Tamaji multa, idque inter alia, defunt.

Morales lib. 14. cap. 3. Nobis tamen non omnia placent quæ de eo, uti comperta, referuntur. Ait Morales, illustri eum genere ortum Cordubæ fuisse, atque iccirco *serenitatis* & *serenissimi* vocabulo compellatum ab Eulogio eundem putat¹. Sed, si non alius est auctor epistolæ cuiusdam, inter alias Alvari ad Eleazarum se&â Judæum ex idololatra, quæ incipit: *Confestim mendacio* &c. fateri opus est, de genere Hebræorum esse eum, qui hæc de se ad Eleazarum: *Quia ex ipsa stirpe Israëlita orti parentes olim fuerunt nostri; sed ubi desideratus cunctis gentibus venit, illico jam venisse cognovimus*. Et clariùs expressiusque infra: *Et hæc dicimus, ut vestra frangatur superbia, & retundatur assertiois versutia*. Cæterum liberior mihi responsio & brevior, immo clarior exstat, eò quod ex Israëlitis stirpe descendens cuncta mihi gloriôr dicta, quæ tibi tu applaudis excerpta. Prudenter intellige, & collige sapienter, & æquus arbiter esto. Quis magis Israëlitis nomine censi est dignus, tu qui diu ex idololatria ad summi Dei cultum revertis, an ego, qui & fide & genere Hebræus sum? sed ideo Judæus non vocor, quia nomen novum mihi impositum est, quod os Domini nominavit. Nempe pater meus Abraham est, quia majores mei ex ipsa descenderunt traduce. Exspectantes enim Mesiam venturum, & recipientes venientem magis illi videntur Israël esse, quàm qui expectabant, & venientem respuerunt, nec tamen eum expectare cessarunt.

172. Aliquo autem modo videtur & mihi Gotthum se esse affirmare ad eundem Eleazarum rescribens epistolâ, quæ mutila est in postremo loco, & incipit: *Quæ stylus tuæ prosecutionis*. nempe his verbis: *Sed ut me, qui sim ipse cognoscas, & amplius me tacendo devites, Virgilium audi* *:

Mortem contemnunt laudato vulnere Getes.
Necnon & illud:

Getes (inquit) quo pergit equo.
Unde & illud exstat poetæ:

Hinc Dacus premat, inde Getes, occurrat. Ego sum, ego sum, quem Alexander vitandum pronuntiavit, Pyrrhus perimuit, Cæsar exhorruit. De nobis quoque & noster Hieronymus dicit: Cornu habet in fronte, longè fuge. Quæ nisi ad genus scribentis referantur, quasi ludens jactaverit Gotthicam ferociam provocanti adversario pertimescendam, nescio quem alium idoneum sensum habeant. Cæterum quod de *Serenitatis* salutatione Alvaro attributa priùs dictum fuit, alius omnino, quàm hodiernus est, stylus erat illius temporis; quo tam isto quàm *Excellentiæ* & *Sublimitatis* honore sese invicem non præcipuæ alicujus dignitatis homines excipiebant.

173. Exempla habemus in his ipsis Alvari, & aliorum ad eum, epistolis. Cujusdam inscriptio talis est: *Serenissimo omnium catholicorum domino meo Romano*. Quem Romanum medicum vocat lemma epistolæ. Ad eundem, *Anteriorum meorum* (inquit) exordiens, *serenissime domine erga vos* &c. Paullò infra *sublimissimum* hunc ipsum vocat. Ac deinde: *Mi sublimissime domine, dilectionem meam erga vos*

&c. Ejusdem generis fuit *Excellentiæ* compellatio. Spera-in-deus ad Alvarum: *Et ad ea quæ vestra excellentia posuit, revertam*. Animadvertendum est tamen quodd, sive à Gothica origine, sive aliam ob causam, videtur is Flavii & Aurelii cognominibus ab his, qui literas ei dabant, compellatus: sed proprio nomine *Alvarum Paulum* se ipse vocat in plerisque epistolis.

174. Sed quicquid de stirpe sit Gotthica, an Hebræa, modestè ipse in *Indiculo luminoso*, cujus auctor fuisse creditur, de suis studiis loquitur: *Quia nec in liberalium artium disciplina* * non excultum proprium ignoro studium, & nescientiam meam ipse non nescio, & quod magisterio humano non didici, exhibere aliis, utpote ignarus, non valui. Sed licet eloquentiam desideremus in viro densis captivitatis tenebris immerso; ingenium doctrinamque suspicimus. Sub Spera-in-deo, unâ cum Eulogio martyre, bona mente & feriis cogitationibus admodum profuisse eum aliàs novimus.

175. Calamitates etiam ab adversariis passus dicitur, de quibus ipse ad Romanum medicum: *Omnes adversantes mihi amicissimos feci, & quibusdam pacificis nexibus utens solertia animi, manu dilectionis contrarios amplexavi, humilitate leniens, & affectione demulcens*. S. Eulogii martyris amicitia in primis claruit, scriptisque ejus vita & martyrio; cujus scripti frontem hac inscripsit notâ, conditionemque status sui laicalis & sæculo hærentis omnibus notum reliquit. *Profiteor* (inquit) *me non audita & dubia, sed visa & per me probata retexere*: (de Eulogio) *quoniam gratia Dei cooperante à primævo adolescentiæ flore charitatis dulcedine, & Scripturarum amore uno vinculo concordi innexi hujus vitæ, licet non pari ordine, tamen pari affectu, in cunctis questionibus duximus jugum*. Sed ille sacerdosii ornatus munere, pennis virtutum in sublime evehitus altius evolabat, ego luxuriæ & voluptatis luto confectus, terrâ tenuis repens hætenus trabor. Conjugio autem adstrictum fuisse Alvarum, Joannes Hispalensis ei scribens innuere his videtur: *Salutare præsumo per os vestrum omnem decorem domus vestræ. Salutat vos domina Froisinda* &c.

176. Plura ex eodem Vitæ Eulogii exordio de communi utriusque sub Spera-in-dei abbatis ductu consuetudineque subjicere, quia de studiis concepta sunt, libet. *Agebamus* (ut alia præteream in editis videnda) *utrique Scripturarum delectabilem* (inquit) *lulum, & scalum in lacu nescientes regere, Euxini maris credebamur fragori*. Nam pueriles contentiones pro doctrinis, quibus dividebamur (fortè in philosophorum placitis) non odiosè, sed delectabiliter epistolatim in invicem egimus, & rithmicis versibus nos laudibus mulcebamus. Et hoc erat exercitium nobis melle suavius, favis jucundius, & in ante nos quotidie extendentes multa inadabilia tentare in Scripturis puerilis immatura docibilitas egit. Ita ut volumina conderemus, quæ postea ætas muta abolenda, ne in posteros remanerent, decrevit.

177. Opera hujus Alvari nobis feliciter conservavit codex quidam Ecclesiæ Cordubensis à septingentis, ut colligere datur, annis scri-

i Eodem argumento Higuera utitur in Notis ad Luitprandum anno dcccxlvi.

* Fortè disciplina excultus.

* Falsò tribuuntur hiversus Virgilio.

l In præfatione ante lib. 11. *Hist. Hispan.* sub epigraphæ: *las ayudas para lo de aqui adelante*, & lib. 14. cap. 3. m In Notis ad Luitprandum ann. DCCCLXIX. pag. 209.

scriptus, quem vidit Morales, laudatque non uno loco^l. Codicem alium Toletanæ Ecclesiæ Thomas Tamajus laudat^m. Nos inde dimanans omnium, quæ ibi exstant, habemus exemplum, transcriptum ex altero nobis communicato ex amplissima Francisci S.R.E. Cardinalis Barberini Romana bibliotheca, in qua asservatur; olim eidem purpuratorum magno decori, & literatorum ac literarum protectori beneficentissimo, Matriti, dum eò sanctæ memoriæ Urbani VIII. à latere venisset legatus, ab eodem Thoma Tamajo de Vargas regio chronographo, unâ cum aliis antiqui ævi monumentis Hispanis, ex apographo suo scriptum & oblatum.

178. Hujus conspectum hic dabimus, quemadmodum ex eo, quod fuit laudati Thomæ Tamaji, exemplo prodiit: *Aurelii Flavii Alvari viri illustis, patricii Cordubensis, S. Eulogii Archiepiscopi Toletani martyris amici, & studiorum collegæ, opera omnia, quæ in bibliothecis Hispaniæ exstant, à multis hætenus desiderata, nunquam edita, è codice pervetusto Ecclesiæ Cordubensis literis Gotthibicis exarato, bona fide primum transcripta, tandem è bibliotheca D. Thomæ Tamaji de Vargas historiographi regii, libenter communicata.* Nempe hac inscriptione insignitum habebat vir ille doctissimus, quod editioni præparabat, Alvari operum corpus, quo hæc continetur.

179. *Indiculus luminosus.* Incipit: *In defensione fervorum tuorum Domine.* &c. Scriptus ab auctore anno DCCCLIV. ut ex his liquet: *Siquidem in hoc (ait) Incarnationis Domini anno octingentesimo quinquagesimo quarto, & erâ, quæ currit, octingentesimâ nonagesimâ secundâ, anni Arabes lunares ducenti computantur quadraginta, solares verò anni ducenti.* *ex qua summa supersunt anni solares sexdecim.* Opus non est in computum hocce diligentius inquirere, dum Incarnationis eræ Hispanæ, Arabumque, seu Hegiræ annos habemus. Alvari esse hoc opus negaverat olim Moralesⁿ ex eo maximè, quòd nullum in eo verbum de Eulogio factum reperiatur, Alvari amicissimo capite; quod vix committere hic potuerit, idem cum illo argumentum tractans. Attamen postea renunciavit huic opinioni, cum historiam scriberet^o, & ex animi sententia hunc nostrum librum adjudicavit. Jure quidem: ipse enim stylus & verbis & compositione cæteris Alvari scriptis simillimus, eademque res, idem utriusque tempus Eulogii & Alvari, necnon & mentio in Eulogii Vita exstans, scripsisse Alvarum aliquod opus, quod ad historiam illius persecutionis pertineret, in tuto ponere videntur, non alium esse libri auctorem.

180. Quare has partes sequuntur frequenter nostri^p, excepto uno usque ad suum tempus Hieronymo Romano de la Higuera; eâ tamen ipsa inconstantia, quæ in aliis ejus operibus apparet, & maximè in præstituendo Indiculi hujus auctore. Nam si Luitprandum^q, Higuerae opus, consulas, Bonitus Episcopus Toletanus; si autem ejus-

dem Julianum, Wistremirus, & idem Toleti præsul, fuerit. Necnon & unus idem Julianus id posterius in Chronico effert, & in epistola Chronici præambula pro Bonito stat. Et hunc hominem suspiciunt plures, de quo aptè cum Ennio dixeris: *Imus hinc, imus illinc: cum illuc ventum est, iri illinc lubet*, aut cum Græco alio: *Ajo, negoque, quidque dicam nescio*. Cujus quidem nihili auctoritas hæere tamen fecit Thomam Tamajum, virum falli præstigiis hisce minimè dignum; qui demum post inculcatam omnem viam, ad Alvarum flestit. Eoque movetur maximè, quòd *luminosi* hoc epitheton *Indiculi* adaptatum, quasi proprium, & uti tunc loquebantur, scriptorum aliorum Alvari verna sit. Hujus rei aliquot is exempla adducit, ex Vita nempe Eulogii, & ex ad eundem epistola quadam.

181. Ultra hæc, in alia ad Joannem Hirsipalensem in fine: *Atque luminositer cuncta nobis oris vestri aperta sententia revelet*. Nec auctor Indiculi contentus fuit usurpasse tantum in lemmate hoc vocabulum; quinimmo passim eo utitur. *Eleazarus* (alicubi ait) in lib. 2. *Machabæorum luminositer docet*. Et alibi: *Et B. Joannes in sua epistola prima luminositer docet*. Nec minus Indiculi nomen Alvarus usurpat in epistolis, & *desideratum nobis amici Indiculi* misit. Ad hæc *Invectio* nomine, quasi sermonem ad aliquem factum dixeris, sæpissimè tam Indiculi auctor, quàm Alvarus aliàs utitur. In Indiculo hæc legas: *Cui rectè convenit illa in Israëlita gente exaggerationis invectio*. Et paullo post: *Et licet invectio accurata exerto opere in campum tota producat*. Et iterum post pauca: *Illecebrosa invectio non puduit*. Atque item: *Et contra reprehensionis invectioem stolidam*. Vix alius quàm Indiculi hujus auctor sic sæpe loquutus fuerit, quemadmodum in epistolis Alvarum loquutum legimus. In una earum quas ad Joannem scripsit: *Ut tota contra hæc certet invectio vestra*. Et in alia ad eundem Joannem bis intra pauca verba: *Nunquam enim sedatur responsio, nisi prius convincatur invectio*. Et: *Sit flexuosa catenula, & catenatim contentio flexuosa, quæ nec invectioibus eluditur, nec responsionibus terminatur*. In epistola quoque ad Romanum medicum: *Et invectioes adversariorum apologetico retunderem opere*.

182. Quamplurima sunt, in quibus idem utrobique sibi respondet auctor, quæ, ut de re qua de agimus non ultra dubitetur, subjungere operæ pretium est. *Sequiped* nominandi casu, & plurativo numero, Indiculo sunt ii, qui sequuntur pedibus: *Et pro dogmate eruditus, & Christi sequipedis*. Et infra: *Nos verò Evangelici servi Christi discipulorum rusticorum sequipedi*. Item de Machometi sectatoribus: *Quam impurissimi sectam impurissimè sequipedi ampliantes* &c. De iisdem mox: *Sequipedes fidei suæ*. Eodem modo loquitur una ex epistolis ad anonymum Episcopum quendam: *Et ideo mi sublimissime domine, Apostolorum vicarie, & rerum opificis Christi sequipede* &c. Phrasis est Indiculi, opus præci-

n In Notis ad vitam Eulogii in fine.

o Lib. 14. cap. 3.

p Petr. Pontius apud Moralem in Notis ad Eulogii Vitam, ubi proximè. Ramirezius ad Luitprandum. ann. DCCCLXVI. num. 309. Tamajus huc magis inclinat ad ann. DCCCLXIX. pag. 208.

q Anno DCCCLXVI. num. 309.

r Fortè ex cetero opere.

s In nostro legitur, convectatur, malè.

t In nostro cod. est sequipede.

præcidere pro finire . Fine debito opusculum præcidamus . Quemadmodum & epistolarum, quartæ scilicet ad Joannem Hispalensem, quo *sine talia præcidit dicta.*

183. Adverbio seu præpositione *tenuis* sæpè utitur hic, quem eundem credimus, scriptor . De beatis visione Dei fruentibus Indiculus ita loquitur: *Quietitudine jam letantes æterna, & Regi suo facie tenuis servientes .* Item *cælo tenuis*, pro, usque ad cælum. *Ita hi hodie abundantia perfectiori, ut sibi videntur, cælo tenuis perferunt.* Pari modo *facie tenuis*, pro apparenter. De Machometanis: *Pietatis speciem facie tenuis ostendunt .* Et postea: *Facie tenuis pietatem prætendentem.* Similiter in Eulogii Vita, quæ certè est Alvari, *Terrâ tenuis repens hætenus trabor.* Et in epist. 2. ad Joannem: *Verbo tenuis narrat.* Et in 4. ad eundem: *Et ipso nomine, facie tenuis, quid sit, apertius indicatur .* quasi dicat, patenter . Et in 5. ad eundem: *A terra altius cælo tenuis extendamus.* Et paulò post: *Astrologi cælo tenuis voluerunt pennis volare.* pro, usque ad cælum.

184. Simillimi etiam commatis sunt in Indiculo, *ut conatus adfuit .* Et in epist. 4. ad Joannem: *quantum posse mihi exstitit.* pro, ut potui. Deponentia verba, *opinari, adversari, præconari*, & alia hujusmodi, utrobique legimus activè formata . Indiculi hæc sunt: *Fortasse aliquis opinat fuisse vitandum .* Et mox: *Opinaverint multa.* Epistolæ 4. hæc sunt: *Tam leviter opinasse .* Auctor Indiculi ait: *Veluti furiosi præconant .* Et mox: *Clamant, replicant, & præconant .* Alvarus in confessione: *Peccata detestas .* Et infra: *Adversare conetur .* Indiculus: *Ex numero ejus revertent .* Epist. 2. *Deus hominem non dedignat .* Epist. 4. *Et nec dum apprehendisse conquierunt .* Et postea: *Per regulas non ordiuit Donati .* Euphrasie Græco vocabulo Indiculus utitur: *Euphrasie suâ mileno sectarum ritu conflavit .* Sicut Alvarus initio epist. 4. ad Joannem Hispalensem, quod corruptum est in meo exemplari, sed non in euphrasie nomine . *Emperie vestre sumentes euphrasia .*

185. Verbo *innumerofitatis* tam Indiculi auctor his, *innumerofitatis* licentiam tribuit, de licentia plures uxores habendi Machometanis concessa, quàm Alvarus epist. 15. ad Eleazarum: *Per diversitatum innumerofitates utuntur .* *Domui pro domus* In gignendi casu retinendū utrobique credimus; in Indiculo nempe: *Pudet namque insaniam illius domui sigillatim exponere .* & in epistola secunda: *Decorem domui vestre .* Alterius generis substantiva cum alterius adjectivis juncta, ut finiamus, passim, ita ut in epistolis, in Indiculo etiam leguntur. Ex Indiculo hæc selegimus: *Imitare decuit factum probabilem.* Item *conjugium quem &c.* Ex epistola 5. hæc: *Ad illum flectere articulum congruit, quod mentem macerat &c.* Ex 7. *Apostoli eum dictum .* Epist. 9. *Abundantiorem pretium .* Quæ grammatica est Alvari, difficillimè, cum aliis omnibus jam annotatis, duobus auctoribus communis; ut jam de Indiculi auctore amplius quærendum non sit .

186. Neque novæ amici nostri D. Josephi Pellizerii opinioni deferendum, qui ex eo

tantum quòd Alvarus in quadam epistola ad Eulogium scripta, sic incipit: *Luminosum vestri operis documentum*; suspicatur ad hoc Eulogii opus, quod *Indiculus luminosus* audit, respexisse videri . Planè errat vir eximius, mihiq; præcipuo semper honore excipendus: nam de *documento martyriali* Floræ & Mariæ sororibus virginibus nuncupato, quem librum Eulogius ei cum proxima retrò epistola invisendum remisera, Alvarus, solenni suo *luminosi* vocabulo utens, loquitur . Nec facilè in Eulogio talem sermonis, quæ in Alvaro est, licentiam reperiemus. Nec tanti ponderis est, ut nos urgere debeat, auctorem Indiculi haud meminisse Eulogii, talis viri, quæ eandem olim navaverat operam; cum potuerit Indiculus hic ab Alvaro scribi, antequàm Eulogius *Memoriale* suum *Sanctorum* confecisset . Constat enim formatum Indiculum anno DCCCLIV. uti prius annotatum fuit, *Memorialis* autem tertium saltem librum post DCCCLVI. Suum autem Indiculum modestè Alvarum suppressisse, ut nec ad Eulogii notitiam perveniret, non impossibile est.

187. At quod de Toletanis Episcopis Bonito & Wistremiro audivimus, Higuera ipsum, atque ejus, ut Alvari verbo utar, sequepedes torquebat maximè, tam utilis & docti opusculi auctore alium à Toletano fuisse Episcopo; & dummodo huic assererent, Wistremirus fuerit an Bonitus, pariter habuere. Mutilus certè Indiculus ad nos pervenit, cum non tantum illius partis, quam habemus, finis; immo totus alter, sive secundus liber, desideretur, ut ex his constat: *Et quam hæc universalis sit nostra credulitas, in secundo hujus operis libro majorum firmabit auctoritas .* Et alibi: *Ac in secundo libro doctorum sententias congregemus, nostrasq; operosas fabellas veracium stillatione firmemus .* Argumentum operis, defensio illorum qui Cordubæ sese martyrio non perquisiti obtulerunt, pro quibus & Eulogius decertavit; dein prophetiarum de Machometo & ejus nefanda hæresi explicatio . Sequitur in codice Cordubensi

188. *Confessio* ejusdem Alvari, quæ incipit: *Excelsè Deus, ineffabilis, &c.* ad exemplum Isidorianæ, demississimi ac vero pœnitentiæ malleo contriti animi signa præseferens manifestissima .

189. *Liber epistolarum*: quarum

I. Inscritbitur *ad Joannem, seu Flavium Joannem Paullus Alvarus*. Initium est: *Nôsti, dilectissime, fomitem dulcedinis .*

II. *Ad Joannem*, quem hîc primùm vocat *Spalensem*. Lemma: *Aurelio Flavio Joanni Paullus Alvarus*. Incipit: *Hactenus amicorum more .*

III. Est *Joannis Spalensis* cum hac epigrapha: *Aurelio Flavio Alvaro illustriq; viro minimi Joannis suggestio .* Vides, ut Joannes & Alvarus invicem se *Aurelium & Flavium*, honoris, ut credere primum est, causâ, non quòd ita appellarentur, vocent . Initium: *O magne domine .*

190. IV. *Ad eundem Joannem* Alvari est cum

cum iisdem nominibus . exordium corruptit vetustas . In meo exemplo legitur , non procul à vera lectione : *Enclocæ , emperie vestre sumentes eupbrasiam , immo energie percurrantes epitoma , jucunda facta est anima* . Libens legerim : *Englocæ emperie vestre sumentes eupbrasiam* . hoc est , *dulcissime peritiæ vestre sumentes* (in manibus) *eloquentiam* . Græcis ἐγγλυσται est *indulcoro , dulcedinem affero , ἐμπειρία peritia , prudentia* . Et forsitan his tribus Græcanicæ linguæ verbis exordiri epistolam , languescente jam eloquentia , non putidum fuit . Longior autem aliis hæc est epistola .

V. *Ad eundem* similiter inscripta . Incipit : *Post disputationem inscientiæ nostræ* .

VI. Est *Joannis ad Alvarum* . cuius hæc inscriptio : *Illustri , exinio , celsoque Alvaro , Joannes minimus omnibus , in cunctis extremus* .

VII. *Alvari ad Spera-in-deum abbatem* , cum hoc titulo : *Domino dilectissimo , & in Christo patri Spera-in-deo abbati , Alvarus cliens* . Initioque isto : *Præscius & omnipotens Deus &c* . Diximus in superiori capite 7. quissam Spera-in-deus abbas fuerit , quantumque eo magistro tam Alvarus quam Eulogius martyr Cordubæ in juventute profecerint .

191. VIII. *Responsio Spera-in-dei abbatis* mutila cum hac nuncupatione : *Illustrissimo mihi domino , ac venerabili , seu omni affectione Christi in charitate amplectendo , inclyo Alvaro Spera-in-deo* . Initium epistolæ : *Dum à tribulationibus* . De ea jam diximus in Spera-in-deo .

IX. *Alvari Romano medico* , cum hac epigraphæ : *Serenissimo omnium catholicorum domino meo Romano Alvarus* . Exorditur sic : *Anteriorum meorum* . In hac epistola mentio Romanorum Cordubæ , cuiusdamque principis , necnon & Servandi Comitis .

X. Sine titulo est , & videtur scripta cuidam Episcopo , quem vocat *Apostolorum vicarium* , & rerum opificis Christi sequipedem .

XI. *Alvari Saulo Episcopo* , cum hac epigraphæ : *Sanctissimo domino meo Saulo Episcopo (Sauli u Episcopi) Paulli Alvari* * suggestio . Post acceptam in extremo vitæ periculo absolutionem , ut jure debuit , jam liber ægritudine ad Saulum Episcopum absolvendus iterum à censuris , nescio quibus , canonico ritu per hanc recurrit epistolam .

XII. *Rescriptum Sauli Episcopi Alvaro* . Incipit : *Multa nobis erant* . Abnuvit absolvere Alvarum , remittitque eum ad eos , à quibus poenitentiam in morbo susceperat ; quod negat rectè factum præsentem in urbe Episcopo sine ejus licentia . Insuper Pseudo-Episcopi cuiusdam partibus adhæsisse Alvarum innuit .

192. XIII. *Epistola Alvari Saulo Episcopo directæ* . Exordium hoc : *Epistolam ex nomine vestro* . Improperat Saulo , quod cuiusdam homunculi , pacis perturbatoris , & hæresum fatoris , persuasione ac verbis , postulatam ab eo absolutionis officium negaverit . Item quod in pluribus veri Dei ministri partes non egerit .

XIV. *Alvari transgressori directæ* . Lemma est : *Dilecto mihi Eleazaro Alvarus* . Principium : *In primis , mi dilecte* . Gallus Eleazar

fuit natione , sed Hebræus fide ex Christiano : quare eum transgressorem appellat . Totaque est de promissionibus & prophetiis jam adimpletis venturi Messæ .

XV. *Rescriptum transgressoris Alvaro directum* , cum hac salutatione : *Dilecto mihi Eleazar* . Initium : *Scriptisti mihi* . Hujus tamen paucissimos versus superesse fecit alicujus forsitan religio , superstitioni proxima , ne Judæi scriptum legeretur . Verè enim quatuordecim versus , qui in pagina sequebantur , cancellavit possessor libri , foliumque integrum subsequens exsecuit , tandemque quatuor aliis versibus epistolam absolventibus paginam , quæ volumen continuabat , multavit .

XVI. *Alvari alia Eleazaro directæ* . *Dilecto Eleazaro Alvarus* . Initio isto : *Responsionis tue* . Retundit hæc Eleazari pro synagogæ erroribus argumenta . Scripta fuit anno DCCCXL .

XVII. Fragmenta duo epistolæ alterius Alvaro opposita ab eodem Eleazaro ; cum ea , quæ inde potuit sine dispendio aliarum Alvari , similiter hîc oblivioni sacrificaverit , libri possessor .

XVIII. *Alvari alia transgressori directæ* . Exorditur : *Consectam mendacio* . Lectu omnia in re Christianæ veritatis adversus perfidiam Judæorum dignissima .

XIX. *Transgressori Alvaro alia brevissima* .

XX. *Reciprocatio Alvari transgressori directæ* .

193. Ante has epistolas in codice nostro carmina quædam sunt post hanc inscriptionem : *Incipiunt versi* . Sequitur *carmen filomelaicum in filomela laudem* . *Fragmen alterius carminis* . *Disticha de gallo* . *Versi* (ita semper vocantur , non *versus*) *laudis vel precis* . *Versi Epimenides , egritudinis propriæ* . *Lamentum metricum proprium* . *Versi in bibliotheca Leovigildi* . *In Crucis laudem* . *Versi heroici in laudem B. Hieronymi* . Omnia hæc in exemplari nostro , & in codice Cordubensi . Præterea scripsit Alvarus , uti jam vidimus ,

194. *Vitam vel Passionem beatissimi martyris Eulogii presbyteri & doctores , qui passus est era DCCCXCVII. anno Incarnationis Domini DCCCLIX. sub Rege Mahomad die v. Idus Martii* , quam ex codice ms. Ecclesiæ Ovetensis , hoc titulo insignem , & quasi operum Eulogii prodromum , Morales edidit , & post eum Schotus in *Hispanie illustratæ* quarto volumine , cum Notis ejusdem Moralis .

195. Hanc consequuntur in eodem codice & editionibus , *Hymnus in diem S. Eulogii* .

Almi nunc redeunt

Festa polifera .

atque item epitaphium ejusdem . Omnia hæc , excepto postremo hocce vitæ Eulogii , latent adhuc . Neque D. Laurentius Ramirezius , neque D. Thomas Tamajus , nostrarum rerum diligentissimi , qui olim editionem meditati sunt , fidem suam liberaverunt . Fortè nos , si otium suppetat scholiis conficiendis , id præstabimus . Tribuitur quoque nostro Alvaro

196. *Liber scintillarum* , in codice membranaceo bibliothecæ monasterii S. Facundi (*Saba-*

u Repetitio videtur ejusdem rei .
x Suggestio non rectè in codice meo .

y Pag. 223

(*Sabagun* vulgò) in Hispania; ubi post S. Gregorii expositionem in Ezechielem, hic liber exstat cum hac inscriptione: *In Christi nomine, incipit liber Scintillarum Alvari Cordubensis collectus de sententiis sanctorum patrum. Scriptus dicitur v. Kal. Octobris era MCCXIII.* Opera exscriptoris hic laudatur, non tempus auctoris. Exempla duo alia Morales, qui & primum hoc vidit, laudat in relatione adhuc inedita suę expeditionis regio nutu ad visitanda tabularia & cimelia Gallicę, Asturiarum, & Castellę veteris initę, & in historia². Alterum exemplum servari ait Gotthicę scripturę antiquissimum in monasterio de la Espina Cisterciensis ordinis quinto decimo à Pincia urbe lapide, alterum in Mindoniensi urbe. Editum opus fuit Basileę absque auctoris nomine anno

197. Periere alia, scilicet ad Eulogium literę, seu cum eo velitationes icholasticę, quas tamen, & rithmicos versus, *etas* (ut jam ex eo posuimus) *muta abolenda, ne in posteros remanerent, decrevit.*

198. Meditabatur quoque adversus Alcoranum ex proposito scribere, ut ex his in diculi datur colligi: *Quę omnia in alio opere enucleatiüs & limatiore^a invectiōe, si Deus vitam concesserit, differemus.* Et postea: *Pudet namque insaniam ipsius domui^b sigillatim expone- re, nec expedit breviter aliqua ex multis de- ridenda jaculis impetere, cum nostris teneatur in mentibus tota quandoque fidelibus publi- care.*

199. De Alvari obitu nihil habemus certi. Neque enim vel titivilitio quidem aestima- ri debet quod Pseudo-Luitprandus dixerit^c, obiisse Cordubę sanctum virum patricium Alvarum iv. die mensis Maji, era CMVII. Christi verò DCCCLXIX. Quantumvis ei temerè credens Joannes Tamajus, Martyrolo- gio Hispano hac die uti Sanctum invexerit. Hęc sunt Toletanę apotheōses: nam & nu- per dictus Luitprandus^d, & symmista ejus Julianus^e, sanctum, & sanctitatis opinione Cordubę florentem, ore rotundo appellant. Oscitantiam Joannis Tamaji nunquam satis demirari possum, qui cum in elogio dixisset de Alvaro, fuisse, ut quidam credunt, S. Eu- logii fratrem; inde in Notis, seu actis ejus, hunc nostrum confundere non dubitavit cum Alvaro Eulogii fratre, qui, unā cum altero utriusque fratre Isidoro, in Germania pere- grinati sunt; de quibus Eulogius in epistola ad Wiliefindum Pampilonensem, ut in Eu- logio diximus.

200. Cęcus utique est qui non videt, Al- varum ipsum fateri, se non ullo sanguinis, sed uno familiaritatis & mutux consuetudi- nis vinculo, Eulogium habuisse sibi obno- xium. Clarissimè in Vita: *Aprimevo adolescen- tię flore charitatis dulcedine & Scripturarum amore, uno vinculo concordii innexti hujus vitę &c. duximus jugum.* Et infra, cum dixisset con- suevisse Eulogium abbatis Spera-in-dei fre- quentare domum; ibi eum (inquit) primum videre merui, ibi ejus amicitie dulci inbasi, ibi illi individua sum nexus dulcedine. Et quę se- quuntur. Putasne germanos fratres sic po-
Bibliotheca vetus Hispana Tom.I.

tuisse fortè fortuna invicem sibi notos fieri? Sed nonne ipse Alvarus peregrinationis me- minit fratrum Eulogii? *Nec ei suffecit mona- steria patrię suę (ait) inuifere, quin potiüs occa- sione fratrum suorum, qui ipsis diebus in Fran- cię finibus exsulabant, indemptam viam arri- puit.* Hęc in Tamajum non sine bile, cum actis Alvari colophonem ab eo hunc imposi- tum mirabundi ad animum advertimus: *Unum notabis, quòd licet fratres vocentur B. Eu- logii Alvarus & Isidorus; non carnis nexu, sed contubernii vinculo fuere.* Judicium hominis nu- gacitatibus dediti! qui verè semel in eas an- gustias detrusus, unum eundemque de duo- bus Alvaris conficiendi, videns fortè superio- ra, quę laudavimus, Alvari nostri Paulli cum Eulogio amicitie; non utique consan- guinitatis, testimonia, fratrem verè ger- manum Eulogii alterum Alvarum abdicare, & à cognatione illius ejicere non dubi- tavit.

201. Eulogii autem hęc, quę subijcimus, vindicias secundum naturalem utriusque, & Isidori & Alvari, cum Eulogio fraternitatem decerni præstabant. In epistola ad Wilie- findum, in qua de eorum in Togatę Gallię partes arrepto itinere agit, *adeò ut in exilio meo (inquit) nihil præter affectuosam peregrino- rum fratrum, & destituta familię præsentiam suspirarem.* Cujusnam familię? ostendit in- fra: *Igitur cum proprium revifere aruum, pie matris Elisabeib, seu sororum suarum Violę & Anullonis, juniorisquę fratris Joseph urperet affectus; cogis ut adhuc remaneam, nec sinis abire merentem; sed utroque vulnerem percussam cor meum tu jam mederi non poteras, cui & pe- regrinatio fratrum, & desolatio domesticorum, quotidianum afferebant lamentum.* At quantum- vis demus fratres ab eo utrumque appellari potuisse charitatis ob nexum, uti patrem, aut matrem, sororesquę, nec minus fratres sæpe alios, hoc tantum respectu, Eulogius idem vocasse legitur; hęc excusatio ad alium non pertinet, scilicet Alvarum, qui de Eulogio loquens in ejus Vita, uti jam diximus, *fra- tres Eulogii Isidorum & Alvarum ineptè, nisi germanos, appellasset.*

CAPUT IX.

De JOANNE Hispalensi verba Isidori Pacensis Episcopi, & Roderici Toletani eum exscriben- tis recta interpretatione ac declaratione do- nantur. An ille qui cum Alvaro Cordubensi literas commutavit? Transtulit optimo consilio Biblia in Arabicum. Nulla hoc tempore in Hispania vernacula, nisi Latina, Gotibica, aut Arabica, lingua. Ex occasione de altero JOANNE Hispalensi plurimum Arabicorum ope- rum interprete. Confunditur magnà injuriã Joannes Hispalensis hic Episcopus cum Tole- tano. Pseudo-Juliani novitas & oscitantia à Thoma Tamajo observata. Vanitas hęc fede- rat Hieronymo Higuera Pseudo-Juliani ar- chibecto. Cacit Almitran quidnam significet, nomen ab Arabibus Joami tributum apud Rodericum Toletanum. Thomę de Leon è
Yy Socie-

² Lib. 14. cap. 3.

^a Editum non rectè, li- mitatiore.

^b Ita pro domus, de qua supra egerat, idoli nimirum ejusdam.

^c Anno DCCCLXIX.

^d Anno DCCCLXVI. num. 290.
^e In Chron. num. 433.

Societate Jesu eruditissima circa banc rem epistola.

202. **Q**UO tempore vixerit magnus vir JOANNES Hispalensis Episcopus, non satis compertum habemus. At cum Alvari nuper memorati equalis & familiaris quidam, cui nomen *Joannes*, & cognomentum, à patrio forsan loco, *Hispalensis* fuit, qui cum eo plures commutavit literas, inter Alvari opera MSS. usque nunc superstites, non absque fundamento idem cum eo, de quo agere intendimus, existimari possit; placuit post dictum Alvarum viri celeberrimi memoriam hoc loco habere, ut aliquo habeamus. Notus is è Roderici Toletani historię lib. 3. cap. 4.

203. Sed priusquam ejus verbis utamur, Isidorum Pacensem audire oportet, cujus testimonium Rodericus exscripsit, atque iis, quę Isidorus per etatem non fuit adeptus, locupletavit; forsan inde documentum aliquod temporis, quo vixit Joannes, exculpere valebimus. Recens à captivitate Sarracenicā, hoc est erā DCCCLVII. vel anno DCCXIX. florentes literis & sanctitate quosdam viros historicus ille, qui semi-sæculo post hæc tempora vixit & scripsit, laudaturus, hæc habet: *Per idem tempus Frodoarius (ita legendum pro Fredericus, quod Sandovalius edidit) Accitanæ sedis Episcopus, Urbanus Toletanæ sedis urbis regię Cathedralis veteranus melodicus, atque ejusdem sedis Melantius archidiaconus, nimium doctrinā, & sapientiā, sanctitateque, & in omni secundum Scripturas spe, fide, & charitate, ad confortandam Ecclesiam Dei clari habentur.* Hęc Isidorus. Qui, qua etate huic incumbere operi, non alios adjungere potuit, à Roderico deinde adjunctos, ut semel occasione data, magna quædam doctorum & sanctorum hominum per aliquot sæcula micantia in tenebris captivitatis sidera posteritati relinqueret consignata. *Eo & tempore, quo Urbanus in urbe regia præsidebat, (ait) Ovantius archidiaconus Toletanus doctrinā, sapientiā, & sanctitate secundum Scripturas, spe, fide, & charitate præcipuus habebatur, & Frodoarius Accitanæ urbis religione & sapientiā prædicabatur insignis, & usque ad tempora Almohadum, qui Imperatoris Adepboni tempore inceperunt, in pace instituta Evangelica servaverunt.*

204. Sistendum hic, ut viam sternamus futuræ de tempore Joannis Hispalensis, quem statim Rodericus ad partes vocat, disquisitionis. Hęc eadem repetit in *Historię Arabum* cap. II. Rodericus adhuc magis Isidori verbis inherens: *Post idem tempus Frodoarius Accitanæ sedis Episcopus, & Urbanus Toletanæ sedis veteranus melodicus, & Euantius ejusdem Toletanæ sedis archidiaconus, doctrinā, sapientiā, sanctitate, in fide, spe, & charitate ad confirmandam captivam Dei Ecclesiam clari habentur.* Planè, ut hæc tria testimonia sibi & inter se convenient, fateri oportet Isidorum in errore cubare, dum Toletanum archidiaconum *Melantium*, & Rodericum in *Historia Hispanię*, dum *Ovantium* pro *Euantio*, quod

Gotthicum & vulgare nomen fuit, & rectè constitutum fuit in *Arabum historia*, nuncupant. Deinde ambiguum nobis haud est, minime Isidorum vel Rodericum de Urbano dicere, quòd *veteranus melodicus*, cantor nempe antiquus, Toletanæ fuerit hoc tempore Ecclesiæ, qui ad Episcopalem postea dignitatem ascenderit, quomodo Roderici verba ex *Arabum historia* Morali nostro significare visa sunt^f. In eo quippe respondere aliis alia hæc debent testimonia, ut de Urbano loquantur Toletano tunc temporis præfule. Rodericus enim ita intellexit Isidorum, dum ait: *Eo & tempore, quo Urbanus in urbe regia præsidebat, Euantius &c.* Quò trahi possunt recta interpunctione donati, tum Isidorus, si *per idem tempus Frodoarius Accitanæ sedis Episcopus, Urbanus Toletanæ sedis urbis regię Cathedralis*, scilicet & ipse Episcopus; tum in *historia Arabum* Rodericus, si *Frodoarius Accitanæ sedis Episcopus, & Urbanus Toletanæ sedis*, legatur. Tunc enim temporis, hoc est sub Maurorum ingressum, ac recenti captivitate, Urbanum Toleti Episcopum fuisse, quantumvis in catalogis desit, compertum aliunde habemus^g.

205. Sequitur apud Isidorum, *veteranus melodicus, atque ejusdem sedis Euantius* (non Melantius) *archidiaconus &c.* suspicabar aliquando de *Veterano* quodam ita nominato, qui melodicus, seu cantor esset Toletanus, hic agi; sed verè intelligendum esse hoc de eodem Urbano munus certissimum est; quasi dixerit Isidorus, Toleti præfulem agere Urbanum, qui prius fuerat cantor in eadem Ecclesia: nam si novus aliquis homo significatus his verbis fuisset ab Isidoro, Rodericus eum exscribens proculdubio laudasset. Proprieque de eo, quod exercuisset, munere ante Episcopatum, *veteranum* appellavit, uti miles multorum stipendiorum, postquam militare desinit, *veteranus* audit. Lucanus lib. I.

*Quę sedes erit emeritis, quę rura dabuntur,
Quę noster veteranus arci?*

Melodicus à melodia dictus cantor, seu præcentor, aut primicerius, uti hodie variis in locis variè munus vocant, quia cantorum choro præfesset, aut cantum dirigeret. *Melodimate* usus est Glaber Rodolphus^h. Pari distinctione notandus Rodericus est, & *Urbanus Toletanæ sedis veteranus melodicus*, seu *melodicus*, hoc est, tunc Episcopus, olim cantor Toletanus.

206. Pergit idem referre, horum antiquorum patrum institutionem & exemplum profuisse ad salutem Toletanis, & quarumcumque aliarum, quę sub Maurorum jugo gemerent, Hispanarum urbium civibus, usque ad Almohadum imperium, qui Alphonsi VII. nuncupati Imperatoris tempore, hoc est circa annum centesimum & quinquagesimum supra millesimum^k Hispaniæ inveci novę sætæ homines, & in Christianos Mist-arabes grassatores, veręque religionis exstirpatores secesserunt. Hęc est Roderici sententia de quatuor, & ultrà, sæculorum statu fidelium inter Sarracenos loquentis; & usque ad tempora Al-

^f Lib. II. cap. 7.

^g Morales lib. II. cap. 71. Mariana lib. 6. cap. 24. Garibajus lib. 9. c. 3.

^h Vossius *De vitis Lat. ser.* lib. 3. cap. 25. Macrus in *Lexico Ecclesiastico*.
ⁱ Hist. Hisp. cap. 4. lib. 3.

^k Mariana lib. 22. cap. 1.

Almobadum, qui Imperatoris Adepboni tempore inceperunt, in pace instituta Evangelica servaverunt. Tunc ait: Et in isto medio fuit apud Hispalim gloriosus & sanctissimus JOANNES Episcopus, qui ab Arabibus Cajet (sic legendum ex mss.) Almatran vocabatur, & magnâ scientiâ in lingua Arabica claruit, multis miraculorum operationibus gloriosus effulsit, qui etiam sacras Scripturas catholicis expositionibus declaravit, quas in formationem posterorum Arabice conscriptas reliquit.

207. Nullum ergo ex his quatuor sæculis constituere cerdò possumus Joannis ætati, sed ex his aliquid tantum. Quamvis proclivius sit existimare, non aliud ultra primum (quod pluribus placuit¹) sive secundum servientis Hispaniæ sæculum Joannem produxisse; atque ei animum injecisse, ut Arabica Bibliorum versione Christianis jam ferè arabizantibus, propriæque linguæ oblitis, præstò esset. Facile enim defuescit usus vernaculi sermonis populo ei, qui alterius idiomatis populo subest; naturaque dominæ gentis linguam, sive necessitate, sive adulatione, subjecta gens addiscere, tractuque non longi temporis vulgarem sibi facere solet. Præterea, ut Sarracenis ipsis lumen sacrarum accenderet Scripturarum, quo arrepto possent suæ sectæ densissimas tenebras veritatis face perrumpere atque dispellere.

208. Præterea Joannes Hispalensis, Alvari amicus, hoc sæculo, quod fuit captivitatis secundum, doctrina floruit multiplici; quod ex epistolis ejus ad Alvarum, & Alvari ad eum responsis constat, apud nos mss. uti in Alvaro jam diximus. In secunda epistola sic ad Joannem Alvarus: Numquid deest tibi rhetorum faceta facundia, aut dialecticorum, quæ ego novi, spineta contorta? ubi est liberale illud ingenium quasi tecum congenitum literarum? Exciderunt tibi philosophorum præcepta, & à mente elapsa est tot tantaque artium, quæ te excoluit disciplina; ut nec iratus fortè valeas conceptionem intrinsecus lævigare furorem? Idem alibi m: Virum prudentissimum & Romanæ dialecticæ caput. Necnon alio loco n: Scientiâ & liberalibus artibus illustratum appellat. Ut minimè dubitari possit, quin Joannes doctus vir fuerit, dignusque ad quem Joannis Hispalensis præfulis elogium à Roderico reportatum referri possit; cum ex conditione hujus temporis, quo amœbæis epistolis cum illo certabat Alvarus, ut videtur, adhuc privata, sublimiorem alteram Archiepiscopatus jam adeptus fuisset.

209. At, ut nihil dissimulem, contendi ab aliquo jure posset, Joannem, quando literas cum Alvaro commutabat, uxorem habuisse; si vera sunt quæ in Alvaro isto notabamus, eum scilicet non cœlibem fuisse, idque significari ex eo quod ad eum scribentes salutari suo nomine decorem ejus domus desiderent. Similiter enim ad Joannem Alvarus o: Oproper te decorem domus vestræ salutari. Ad quæ Joannes: Salutare (respondet) presumo per os vestrum omnem decorem domus vestræ. Salutat vos domina Froisinda cum filiis suis, qui sunt sani & incolumes, & tritici multitudine locupletes. Vix credam de sorore aut propinqua Bibliotheca vetus Hispana Tomo I.

fœmina, quæ Joanni aliqua commoraretur, sermonem hîc haberi. Quare, aut dicendum est, præmortua uxore sacris Joannem initiatum, ob virtutis ac doctrinæ meritum in antistitem fuisse Hispalensis patriæ suæ cooptatum; aut fortè alium Joannem quærendum hujus temporis, cui utique non ineptè possit, ex conjectura saltem, pontificale munus adaptari. Certè ad eum non inviti pergimus Joannem, cujus uterque, & Alvarus & Joannes hic, de quo agimus, sub nomine communis parentis recordantur. Alvarus p: Patrem nostrum communem domum Joannem salutari exspecto. Joannes ad Alvarum similiter: De trum vero ancillarum vestrarum migratione, ex ore patris communis audivi integrè. Omnia tamen hæc suspicari quàm asserere malumus, & in re obscura, faciem aliquam, unde possit imitti lux accuratioris indagationis, accendere.

210. Quantus autem vir fuerit Joannes hic Hispalensis, tum sacrarum, & Arabicæ doctrinæ peritiâ, tum quoque innocentia & sanctitate vitæ usque ad miraculorum experimenta probatæ, quas virtutes existimatio & fama etiam inter fidei hostes comitabatur, Rodericus noster Toletanus sublimibus verbis, & re dignis, posteritati notum fecit. Duo ergo hîc disquiremus. Primum de ejus operibus, præsertimque Bibliorum translatione: alterum de adscripto ei à Mauris Cajet Almatran cognomento.

211. Circa primum optimo consilio id factum consideramus, evanescente in dies linguæ Latinæ, hoc est vernaculæ Hispanorum, usu apud eos, qui Sarracenis Arabicè loquentibus in captivis urbibus convivebant, Joannem nostrum translatione Bibliorum in hanc linguam facta opportunè cavisse, ne aliquando sacris libris, quorum intellectum haberent, Mist-arabes nostri Christiani carere possent. Miraberis forsan, lector, me vernaculum gentis nostræ Latinum sermonem appellasse. Certè hunc, aut Gotthicum, fuisse eum oportuit, qui Sarracenorum adventûs tempore in vulgari usu erat: nam quod solet de proprio, & antiquissimo Hispanæ gentis, etiam post Latinæ seu Romanæ linguæ introductionem nondum eradicatione & abolito, inter nos jactari, suffragio id contendentibus nonnullis Pseudo-Luitprandi q, qui decem linguas, & inter eas veterem Hispanam, immo Celtibericam (bone Deus!) Catalaunicam, & Valentiam, & Pseudo-Juliani r, qui loquutos Mist-arabes cum Sarracenis Arabico, inter se autem Hispano consueto seu vetusto sermone ajunt, nullis idoneis rationibus, nullis ævi illius exstantibus documentis suaderetur. Quicquid autem testimoniorum de Hispanæ gentis lingua conceptorum producit ab iis qui aliter judicant s, ad sua tempora referendum est, quibus nondum Latina lingua Hispanæ usum detraxerat; quod sensim oportuit factum, non repentè, aut lata de eo lege. Et si Turdetani, hoc est, Bætis accolæ, jam Strabonis tempore Romanis moribus ita assueverant, ut ne sermonis quidem vernaculi memores essent, ut ille tertio libro ait; quingentis, & amplius postea annis subdita, vel Romanis,

p Epist. 5.

q Ad ann. 800.

r Ad ann. 800.

s D. Thomaz Tanaio ad Luitprandum ubi supra, D. Josepho Pellizario . . .

Y y 2 vel

1 Mariana lib. 7. cap. 3. Hispania Hist. de Sevilla lib. 3. cap. 3. Histor. generalis Hisp. 3. parte cap. 2. fol. 210.

m Epist. 4.

n Ibidem.

o Epist. 2. in fine.

vel Gotthis gens quæ potuit vernaculam illam partim jam oblitteratam retinere? Non autem hic est locus ultra de re inquirendi.

209. Existimamus ergo, contigisse potiùs Gotthis dominatoribus, ut Latino-Hispanum gentis nostræ sermonem præ Gotthico suo in vulgarem assumerent (quod Concilia, leges, & pristina quæque monumenta eorum ostendunt) quàm genti nostræ Hispanæ, quantumvis Gotthis subditæ, ut relictâ Latinâ vernaculâ cum dominatore mallerent populo Gotthicè loqui. Non tamen potuit inter Arabes linguæ suæ retinentissimos prævalere id, quod cum Gotthis nuper factum diximus. Oportetque idem nos de Christianis ejus temporis, Arabes inter degentibus, existimare, quod de commorantibus in Christianorum urbibus Hebræis oculis & auribus credimus, vernaculum nempe illis esse prædictarum urbium linguam, non Hebræicam, quæ tantum in scholis arte & industria ab his qui curiosi sunt legis addisci consuevit.

210. Hoc ergo Joannis Hispalensis fuit propositum, ut Christianis arabizantibus Bibliorum Arabica versione opitularetur. Quod eodem sæculo factum novimus à Rabbi Saadia, Gaon, sive *excellenti*, cognominato, & ab incerti nominis ac ævi alio: qui duo totum Bibliorum corpus, tum ab aliis ex parte, qui aut legem, uti Harit Ibn-Sina, qui in Laurentiana regia bibliotheca est, aut singulares libros, sive ex Hebræo, sive ex septuaginta duorum virorum Græca versione, interpretati sunt. De quo adiri possunt qui de translationibus hujusmodi indagaciones suas in publicum edidere. Quorum tamen nullus nostri Joannis operæ notitiam habuit. Sed hi omnes è Græco, aut ex Hebræo, Joannes autem noster è vulgari Latino, uti credimus, in Arabicum, transtulere.

211. Animum tamen cogitatio subit, affirmaverit nè Rodericus, fecisse Joannem Scripturarum versionem, an expositiones in Scripturas. Verba enim illius in æquivoco laborare quis non videt? *Qui etiam* (ait) *sacras Scripturas catholicis expositionibus declaravit, quas in formationem posterorum Arabicè conscriptas reliquit*. Si enim, ut vulgò existimatur, posteriora hæc verba de conversis in Arabicam linguam sacris libris intelligamus; fateri omnino necessarium videtur, expositionum quoque in sacram Scripturam diversum à translatione opus, tribuere ei prioribus verbis Rodericum. Quod facit, duo inter se distinguens opera is, qui ante duo sæcula scripsit *Valerium historiarum* vulgari linguæ, Didacus de Almela noster.

212. Ad translationem quod attinet, ejus exempla ad nostram ætatem conservata fuisse, atque non uno loco in Hispania exstare, Joannes ait Mariana x. Hispalensis Ecclesiæ armariis consignatam agnoscit Paullus Espinosa in hujus urbis historia y. Vellem tamen eos nobis dixisse, quibusnam Arabicæ linguæ peritis auctoribus, hanc interpretationem in schedis istis repertam, Joannis illam, neque aliam esse, ab impressis ei notis, aut nomine interpretis, asserere non dubitaverint. In

regia tamen Scorialensi exstare catalogo ejus refert *librum Evangeliorum versum in linguam Arabicam à Joanne Episc. Hispal. qui ab Arabibus appellatur Zaid Almatrud tempore Regis Alphonsi Catholici*. Hunc autem minimè volumus confundi per nos cum Joanne Hispalensi, notissimo quidem ob interpretationes quasdam ex Arabico in Latinum factas; astrologicorum maximè librorum, cujus tamen ætatem conditionemve ignoramus, inter etatis incertæ auctores inveniendi.

213. Ut ad posteriorem observationem de titulo *Cajed Almatran*, quem Joannes adeptus fuit à Mauris, transeamus; removendus in primis est quorundam error, qui hunc antistitem, Ecclesiæ Hispalensis decus maximum, cum Joanne alio Toletanæ sedis confundunt z. Verè enim Joannes hic *Servus dei* cognomento, ultimus, ut existimatur, Toleti Episcopus a, non tempore tantum, sed & sanctitatis opinione cum Hispalensi concurret nostro. Errorem autem agnovit D. Franciscus Pifa *Historia Toletana* scriptor, Alphonsum Margadum *Hispalensis historie* scriptorem ob id quod in catalogo hujus sedis antistitem Joannem prætermiserit, incuriæ exposulans.

214. In hoc æstu variantium de Joannis sede auctorum, quonam Toletanus logo-dædalus b sese arripi consenserit vento, scire aves? Hæsit quidem, nec toto alarum remigio derelinquere ausus fuit veritatem in Roderici verbis manifestam. Cupidine tamen ea præpostera in quoquo modo faventem Toletanis rebus sententiam pedibus & manibus eundi, minimè à se impetrare potuit, quin aliquem ventosissimæ fabricæ suæ angulum hocce mendacio conspurcasset. Cum enim re-cta tuens Pseudo-Luitprandus c, Joannem Episcopum Hispalensem sacras Scripturas de Latino in Arabicum transtulisse confessus fuerit; Pseudo-Juliano impositum fuit munus spargendi pulverem in cecutientium oculos, ne clarè viderent. Legitur enim apud eum d: *Apud S. Lucam Toleti sepultus est Joannes, non presbyter, sed Archiepiscopus Toletanus, dictus Arabicè Almetran* (de quo loquatur hac nota prodiit) *idest Primas. Habet epitaphium in pariete linguæ Arabicæ. Dicitur sanctus vir*. Hanc autem ad S. Lucæ Toleti templum inscriptionem Joannis cujusdam sepulcralem ad sæculum decimum tertium pertinere, ipsa ex eræ affixæ notâ convincit Notis ad Luitprandum Thomas Tamajus e.

215. Planè adulator profligatissimus Toletanæ Ecclesiæ concoquere non potuit, alii quàm Toletano datum olim Primatis nomen. Ita enim ei Arabicus *Cajed Almetran* sonabat titulus; de quo postea dicemus. Certè hic auctor, dum Toletanæ urbis & regni historiam conscriberet f, quæ inedita adhuc in quibusdam Hispaniæ bibliothecis asservatur, valdè sibi placuit in tenendis Joannis Toletani partibus. Id tamen non ullo veteris auctoris testimonio, cum Juliani posset, confirmavit; sed rationibus tantum, quas nihili habendas, ipsa earum ostensio demonstrabit.

216. Primò, verba Roderici Toletani sermo-

a Auctor Compendii historiæ vulgaris lib. 8. tit. 6. cap. 7. Alvarus Gomez apud Pifa in *Hisp. Tolet.* fol. 140. Higuera in *Hisp. Tolet.* ms. lib. 15. cap. 5.

a De quo Loaisa Notis ad Gundemari decretum in corpore Concil. Hisp. pag. 231. Tamajus ad Luitprand. anno cxcvi.

b Hier. Romanus de la Higuera.

c Ad ann. dccxviii.

d *Adversaria* 519. Constat Chron. num. 516.

e Ad ann. cxcxvi. pag. 231.

f Di. lib. 15. cap. 5.

t Hottingerus in *Thesauri philolog.* lib. 1. cap. 3. sect. 7. & in *Dissert. theologicæ-philologicæ*, dissert. 3. §. 56. Christ. Kortholt. *De variis Script. sacre editionibus* cap. 16. qui alios citat.

u Vassus in Chronico ad ann. dcccvii. Mariana lib. 7. cap. 3.

x Di. cap. 3. in fine.

y Lib. 7. cap. 3.

sermone vulgari Hispano ita vertit, ut non fuisse Hispali, sed in eam urbem venisse Joannem Episcopum, sonent. Si autem id non est insciis ac simplicibus fucum facere, deformareque in alienum sensum auctoris sententiam, verboque, de historia ludere; minime quidem injuriam ei à nobis factam deprecari audebimus. Rodericus hunc respuit interpretem, cum apertè dicat: *Et in isto medio fuit apud Hispalim gloriosus & sanctissimus Joannes Episcopus, qui ab Arabibus Cacid Almetran vocabatur*. Ridiculum verè, atque homine Latine docto indignum dicerem, si, *sue à Sevilla Hispanum, & fuit apud Hispalim Latinum*, unum atque idem Higeræ significasse contenderem: quò tamen hæc ejus translatio persuasionem quorundam forsan adiget.

217. Sed hanc tamen à se confictam, falsaque verborum Roderici versione munitam, Joannis à Toletò ad urbem Hispalim professionem, inani alia & vacua rei consideratione potius evertit quam confirmavit. Servabatur (inquit) Hispali Bibliorum codex à quodam Servando Hispalensi presbytero emendatissime scriptus, qui nunc in Toletana est Ecclesia. Hunc Servandus dono dedit cuidam Joanni, Archiepiscopi Hispalensis, ut nostro, ac declinantis Romanorum juris prudentiæ verbo utar, sobrino, qui postea fuit Carthaginensis, indeque Cordubensis Episcopus. Qui, Cordubensis cum jam esset antistes, ad Hispalensem Ecclesiam xx. die Decembris anni CMLXXXVI. misit eundem codicem, eadem conditione, ut nulli esset dareturve inde eum aliò deducendi facultas. Totum id ex nota eidem codici affixa constat, quam apud Higeram ipsum in Notis ad Luitprandi eram CMLXXV. five annum CMXXXVII. aliud agentem legere est.

218. Hoc nempe ut consuleret, ac sequeretur sic emendatum Scripturarum sacrarum exemplum, venisse Hispalim suspicatur Joannem Toletanus historicus. Suspicionem utique non improbaremus, si venisse eum aliunde constaret. Sed nec ea vero aliquo fundamento nititur. Immo nota ista, cui soli conjecturam suam superstruxit, ipsa est quæ eam emolitur. Diu enim antequam Servandianum id, quod laudamus, Bibliorum volumen Ecclesiæ Hispalensi datum fuisset à Joanne Cordubensi Episcopo sub ea non alienandi, mutuòve dandi, aut extrahendi conditione, Joannes Servus-dei Toletanus Episcopus, quem Arabicum sacræ Scripturæ interpretem fuisse Higeræ vult, mortem cum vita commutaverat. Creatus nempe Toleti præsul, five juxta ejusdem Higeræ computum 8 anno CMLX. five juxta Luitprandi ^h, anno CMXXXVII. five juxta Juliani ⁱ, (adeò non conveniunt testimonia hæc) anno CMLXVI. obiit ^k, aut CMLVI. aut ^l CMLXVII. aut tandem ^m CMLVI. Inter hunc autem ultimò dictum, atque eum annum, quo missus est liber Hispalim, tri-

ginta non minus alii intercesserunt. Ante quos defunctum vitæ Joannem Toletanum resurrexisse, atque Hispali Bibliorum versioni vacasse, fateri oportet eos, qui notam libro affixam Higeræ suspicioni favere contenderint.

219. Secundò ait, Joannis non ullam fieri mentionem in Episcoporum Hispalensium catalogis. Sed neque hoc urgeri nos argumento, maxime à Toletanis, facile permittemus, cujus Ecclesiæ præsulum catalogus in Joanne isto Servo-dei appellato deficit, cum aliunde constet plures ei Ecclesiæ præfuisse ⁿ. Deficit certè in Davide, aliàs Daniele, Hispalensium captivitatis tempore Episcoporum albus, quin meminerit Recafredi, cujus in Eulogii martyris Vita mentionem fecit Alvarus; quin etiam Stephani, quem in nota illa codicis Bibliorum Toletanæ Ecclesiæ memorati laudatum novimus, uti Paullus Espinosa ^o, & ante eum Franciscus Paciecus Hispalensis canonicus, eruditione vir præstanti, quem ipse laudat, observaverunt, cæteris ob incuriam omisissis adjungendum omnino hunc Joannem hujus Ecclesiæ præfulem optimo jure contendentes.

220. Producit tertio verba cujusdam nostræ gentis historici, qui *Compendium* (hic libri titulus) *historiarum* decimo quinto sæculo composuit, cumque ejus testimonio Alvari Genezii viri eximie docti atque facundi, Toletani canonici, huc inclinantis non levis mihi ponderis auctoritatem. Hæc tamen, & antiquioris eo, sed minus exculti sæculi, auctoris opinio cedere omnino debet manifestissimo Roderici Toletani, qui fundus est rei, testimonio; cui pro merito assurgunt, ita, ut nos, intelligentes, præter paucos jam dictos, omnes cæteri ^p, cum *Historia generalis Hispaniæ*, Alphonsi Regis cognomento sapientis jussu formatæ, anonymo auctore. Apud quem verba hæc Hispana legimus: *Otro si, en Sevilla era Obispo D. Joan, bome de Dios, y de buena y santa vida, &c.*

221. In regia Scorialensi bibliotheca vetus asservatur, uti diximus, codex cum hoc titulo: *Liber Evangeliorum versus in linguam Arabicam à Joanne Episcopo Hispalensi, qui ab Arabibus appellatur Zaid Almatrud* (ita legi ajunt) *tempore Regis Alphonsi Catholici*. Nec spernendum est quod Ambrosius Morales huic rei confirmandæ ex scriptura & pictura cujusdam Conciliorum codicis ejusdem bibliothecæ lib. 15. cap. 31. adducit. Advocandus etiam, adversus Higeram saltem, ejus emissarius Luitprandus, *Joannem Episcopum Hispalensem, qui sacras Scripturas ex Latino transtulit in Arabicum*, disertè laudans ^q. In quo tamen testimonio reprehendendum est quòd Frodoarium Accitanum Episcopum Toleti floruisse contenderit cum aliis, quos in ordinem reducit Ambrosius Morales libro 13. cap. 7. Jam tempus est ad Arabicum Joanni datum honoris ac dignitatis cognomentum transeundi.

n Thom. Tz-
majus ad Luit-
prand. anno
DCCCLXXI. pag.
205.

o Lib. 3. *Hist.*
Hispalensis cap.
3. in fine.

p Vassus ad
ann. DCCXVII.
Morales lib. 13.
cap. 7. & lib. 15.
cap. 31. Marti-
na lib. 7. cap. 3.
Pisa *Historia de*
Toledo fol. 140.

q Era
DCCCLXXVI. si-
ve anno
DCCCLVII.

g Lib. 15.
Hist. Tolet. cap.
4. in fine, &
cap. 5. in princ.
h Era CMLXXV.
five hoc anno.
i In Chron.
num. 502.
k Ita Hi-
guera d. lib. 15.
cap. 8.
l Luitprand.
ad hunc ann.
m Julian.
num. 502.

CAR-

CARTA DEL P. THOMAS DE LEON DE LA COMPAÑIA DE JESUS
de Granada al Doctor Martin Vasquez Siruela racionero de la Santa Iglesia de
Sevilla: en que se trata del nombre de Cacit Almitran, que dieron los
Arabes à Juan Arçobispo Hispalense en tiempo
de la captividad.

222. **N**O sabré encarecer quanto hê estimado su carta de V. M. tan llena de singulares noticias, y brotando por todas partes las luces de su insignie erudicion. Yo hê acreditado mucho el acierto de mi eleccion; y fino me hallára con el resguardo de quien llega à aprender, temiera el escribir en este punto. Pero con el seguro de que aun errando no erraré, pues es para ser enseñado; me atreveré à dezir lo que siento acerca de sus doctísimas interpretaciones de V. M. del nombre que los Arabes dieron al Arçobispo de Sevilla Juan, llamándole *Cacit Almitran*. Luego diré lo que juzgo de la obra que este Arçobispo escribió en Arabe; y si hizo traduccion de la Biblia: ya que nuestra desgracia hà querido, que per-

diendose el libro, quedasse esto expuesto ala conjetura. Y concluiré suplicando à V. M. como maestro en todo, se sirva de darme mas luz y noticia de algunos autores que cita, y yo no hê visto, por haver carecido del calor de personas de su mucha leccion y eleccion.

223. Començando por el nombre *Almitran*, pareceme que V. M. siente muy acertadamente: y que sin duda alguna significa lo mismo que *Metropolitano*. Expresalo assi el autor del *Nomenclador Copto-Arabico*, intitulado العلم الكبير *Scala magna*, que publicó en dos lenguas Orientales con translacion Latina el Padre Athanasio Kirchero nuestro amigo. En la باب, ò puerta septima, cap. 22. pone el orden de la Hierarchia Ecclesiastica entre los Orientales, como se sigue:

ΠΑΤΡΙΑΡΧΗΣ

البطريرك Patriarcha.

ΠΙΕΡΟΦΑΝΤΗΣ

كبير الانبيا Antistes. Major Prophetarum. Hierophantes.

ΠΡΩΤΟΣ

الاول Primus. Caput.

ΠΙΕΤΡΟΠΟΛΙΤΗΣ

المطران Metropolita. Decanus.

ΠΙΕΠΙΣΚΟΠΟΣ

الامتنق Episcopus, &c.

224. Del language Copto, tan vecino al Griego, se conoce la interpretacion cierta del Arabe: y del contexto se conoce que la primera persona que nombra despues del Patriarcha, llamandola *Kabir Anabia*, es el Protosyncello, que en lo antiguo tenia la futura sucesion del Patriarcha, como el Rey de Romanos en el Imperio. A cuya imitacion los Califas de Bagdad y Damasco usaron tambien en su vida señalar successor, llamando à estos tales *Serifes*, como nota Zonaras. Todos aprendieron el estilo de los Hebreos: entre los quales el summo Pontifice eligia su Vicario, ò successor; cuya jurisdiccion y autoridad era la segunda en aquella Iglesia: como consta del 4.º de los Reyes 25. 18. *Sarajam tulit sacerdotem primum, & Sophoniam sacerdotem secundum*. Y en Jeremias cap. 29. 25. *Dominus dedit te sacerdotem pro Joiaide, ut sis dux in domo Domini super omnem virum arreptitium, & prophetantem, ut mittas eum in nervum & in carcerem*. Siente Escaligero *Prologo ad Eusebium*, y con el Casaubono, que al tiempo de la Passion Anas, que se llama Principe de los sacerdotes, era Vicario successor, y como Πρωτοσύγκελλος de Caiphas: y añade: Πρωτοσύγκελλος apud Patriarchas Alexandrinum, Antiochenum, & Constantinopolitanum secundum proximè à Patriarcha locum obtinet: & olim ante Turcarum imperium erat Patriarcha designatus. Y en los Chronicos Turcicos año MDLXXXIV. *Melietius Protosingellus, Calogerus Græcus, & montis Sanctæ Catharinæ frater, qui Alexandrinus Patriarcha speratur, crediturque futu-*

rus. El llamar à este Protosyncello el autor de la Scala citado الانبيا, es por la amplitud de la palabra Arabe, que llama con nombre de Profeta al predicador, y al que explica lo oculto de la ley, como es notorio.

225. Despues en el texto citado se pone en tercero lugar al que nombra en Copto ΠΡΩΤΟΣ, y en Arabe, الولى, y sin duda ninguna, sino me engaño, es el Primado, y primero de los Metropolitanos: como dà à entender la palabra Copta, y tambien la Arabe en sus origenes. Confirma esto Fr. Pedro de Alcalá en su Vocabulista. *Primado. Alavili*. Y aunque este autor comunmente usa del language vulgar Arabe, porque fue su profesion; no por esso dexa de saber el escolastico y Ecclesiastico; como muestra en las palabras de Patriarcha, Obispo, Dean, y otras. Consistia el ser Primado entre los Orientales en preceder à los Obispos y Metropolitanos de su provincia; y en participar algunos honores y preeminencias de los Patriarcas. En los canones Arabes del Concilio Niceno, traducidos y comunicados por Juan Bautista Elias al P. Francisco Turriano, el qual los publicó, se dice en el canon x. del Arçobispo y Primado de Cesarea de Palestina (no de Philipo junto à Damasco, que hoy llaman Balbec) *vocetur ille Exarchus; idest major quam Archiepiscopus*. Tengo para mi que en el original por *Exarchus* està الولى. Y del Arçobispo de Seleucia de los Parthos, ò Mozal, en el canon xxxiii. dice: *Honoretur qui*

qui tenet sedem Seleuciae, quæ est de civitatibus orientalibus: qui debet etiam appellari nomine catholico: & possit is ordinare Archiepiscopos, sicut faciunt Patriarchæ. Y igualmente en el canon xxxvi. se le concede al Primado de los Ethiopes, que puede apellidarse catholico. pero negasele la potestad de elegir Metropolitanos. Y al Obispo de Hierusalem por reverencia de la ciudad santa, aunque estava sujeto al Primado de Cesarea, se le dà el titulo de Patriarcha y catholico. De donde se colige, que el nombre de catholico y patriarcha es uno mismo: y que con el igualmente que con el *Abuna Papa*, أو بابا se honran los orientales: como consta de la carta de los Nestorianos escrita en Mozal, y embiada con embaxada al Pontifice, y traducida del Syriaco por Andres Masia: el qual à la margen de las palabras Patriarcha, idest catholicus, dize: Syri indifferenter utrovis vocabulo utuntur, Patriarcha & catholicus. Ceterum Archiepiscopos vocant Metropolitanas, à Græcis mutuantur nomina. Y lo mismo nota Mireo in Notitia Episcopatum. Parece que el doctissimo Kirchero en el fin del Lexico Copto estrahio el nombre catholico escrito en Arabe: porque donde el escripto del original ms. puso ونقله غيريال ابن يفسد interpretat: Et translulit eum Gabriel filius Rescid cognitus in libro Kadlica. deviendo dezir: Patriarchæ, vel Patriarchali.

226. Infierese lo segundo de lo dicho, que el nombre de Patriarcha no solo le tienen los tres principales del Oriente; sino tambien otros Metropolitanos, como el de Cesarea, أو Caifar. Al de Hierusalem llaman los Jacobitas S. Patriarcha. Y fuele residir en Damasco, أو Schan. Y aun fuele ser Arçobispo de Damasco el mismo que de Hierusalem. Y assi se hà de entender lo que dize Pedro Bellonio lib. 1. Observ. cap. 21. Jam dictum est Patriarcham, qui Alexandriæ præst, Memphi habitare, alterum Damasci esse, tertium Constantinopoli, cui omnes Calojeri montis Aibou per omnia obsequuntur. No advirtiendole esto Escaligero, cuyas son las Notas à este autor, que imprimio Carolo Clusio; llegando aqui dize: Nihil falsius quàm Patriarcham esse Damasci. Isti sunt tantum Patriarchæ in toto orbe terrarum, Constantinopolitanus, Ρωμαϊκὸν Πατριάρχης, Antiochenus, τῶν Συρίων ἢ τῶν Μαραωνιτῶν, Alexandrinus, τῶν Κορδων, Armenius catholicus, & Papa Romanus. Claro es que no habita en Damasco Patriarcha que originalmente lo sea, como tampoco el catholico ò Patriarcha de Armenia mayor es mas que Primado con el renombre de Catholico, como el de Ethiopia, de Seleucia, y otros. Y aun juzgan algunos, que las dos Armenias en lo antiguo no tenían mas que Metropolitanos, à quienes consagrava el Arçobispo de Seleucia.

227. El autor citado de la Scala Copta, pone en quarto lugar del Orden y Hierarquia Ecclesiastica à los Metropolitanos μετροπολιτικς, y interpreta en Arabe المطران

Almetran. Con que salimos de qualquiera duda en la interpretacion deste vocablo: y aun yo vengo à conjeturar que en el lugar que V.M. cita de la paraphrasis al canon vi. Niceno, (no hè visto el libro) ha de escribirse no مطرابا Metraba, sino مطرانا Metrana. Y es grande la autoridad que tienen en la Iglesia Oriental, pues no puede el Patriarcha consagrarse, sino por mano de tres Metropolitanos. Y quando al pueblo de los Nestorianos, que son los del Patriarchado Antiocheno, falta este numero de Almetranes, embian al Pontifice Romano à pedir la consagracion de su Patriarcha; como sucedio año MDLII. y refiere Andres Masia citado.

228. Aunque esta dicha es la primaria y principal significacion del vocablo Almitran, pero tiene tambien deducida y derivada desta primera la significacion de anciano, decano. Y assi el traductor Latino en el lugar alegado de la Scala Copta buelve: المطران Metropolitanus, decanus. Y un Lexicon Arabe ms. que yo tengo contesta: المطران هو الشيخ Almetran, idest Senior. Y me parece que con esta significacion se engañò el autor (Juzgo que es moderno, y supuesto) que anda encubierto con titulo de Juliano Arcipreste. Dixole alguno que sabia Arabe, que Archiepiscopus Almitran era senior inter Archiepiscopos: y con la passion de la Primacia de Toledo aadiò este testimonio, siendo assi que el vocablo Ecclesiastico, con que en Arabe se nombra el Primado, es Alavili, como havemos dicho, y no Almitran. Ni yo creo que haya havido Arçobispo Toledano celebre nombrado assi. Acuerdome de semejante interpretacion de Miguel de Luna en la que hizo del pergamino que se hallò aqui en la Turpiana: porque hallò على جميع الكل Prefecto, ò Prelado sobre todos, interpretò Patriarcha de la Iglesia Santa. Y hizo Patriarchal la Iglesia de Athenas.

229. Passando de la significacion al etymo y origen de la palabra Almetran, tengo por cierto que se deduce del Griego, y està cercana la palabra μῆτρης, con que estos denotavan la ciudad metropolitana, como los Latinos con la de Matrix, Matrex, y Matra. Veo en el Chaldaico usada la palabra מטרוֹפּוֹלִין, como la pone Munstero en su Trilingue: pero no veo imitada la brevedad que buscò el Arabe por los Rabbinos: los quales llaman מתרין al lugar ò ciudad cabecera de algun dominio: מטשלתֹמֹקֹס, como dice el Aruch. No se si tiene alguna conformidad el significar el Syro con el vocablo مِسْبَرَا Misbra lo mas noble y grande con esta misma derivacion. Pero tengo por totalmente superfluo recurrir al language Persiano; quando vemos que del Griego se deducen los nombres casi todos, que usa el Arabe en el ordẽ Ecclesiastico, como البطريرك Albatrircb, Patriarcha. اقمقن Escop, Episcopus. الاغنيقس, Alaginoftes, lector. الدباقي Aldiacon, diaconus. الارشدباقي Alarscb diacon, Archidiaconus. Y otros muchos que pone el Nomenclador Copto-Arabico citado. Y del ultimo se puede corregir un vocablo que

que está viciosamente escrito en el Arçobispo D. Rodrigo lib.4. cap. 3. *Et quidam archidiaconus sanctissimus, pro quo etiam Dominus miracula operabatur, qui Archiques Arabicè dicebatur*. La general buelve : Y llamavante los Moros por su Arabigo Archiquis. Assi se imprimió . Hà de dezir : *qui Arsch diacon Arabicè dicebatur*. Y con esto no me difundirè mas en el sentido de la palabra *Almiran* : que ya està pidiendo perdon lo prolixo deste discurso .

230. Passando à lo que entiendo del vocablo *Cacit*, daráme V.M. licencia para proponer à su erudicion las razones que me persuaden à no asentir à lo que en la suya discurre con tan lindas noticias. Y generalmente no creo que el vocablo قيد, ò فايد, de donde el Español *Alcayde*, se use en lo Ecclesiastico entre los Arabes: y no quisiera que los lugares que V.M. trahe para comprobar lo contrario padecieran la equivocacion que yo imagino. Y primeramente de los originales, ò impressos ò manuscritos, del Arçobispo D. Rodrigo, que leen *Cacit*, y tiene vecindad con que se llame el Arçobispo de Sevilla Juan *Cajel Almitran*, hago poca confianza por la viciosa escritura que à cada passo usan en el Arabe, como en lengua que no entendian, los escrivientes: y quando la entendieran, no era possible sin amphibologia ajustar su pronunciacion à las letras Latinas, por la cortedad destas. Lo mismo digo de la historia general que mandò recopilar el Rey D. Alonso el Sabio, ò como quieren otros, D. Alonso el onceno: y estraño que diga V.M. trasladò della el Arçobispo D. Rodrigo, siendo al revès, que ella trasladò de D. Rodrigo.

231. Los demas lugares, donde se interpreta *Alcadius*, lo mismo, ò equivalente, à la palabra *Episcopus*, *Pomifex summus*, *Sacerdos*, recogidos de varios autores, que estan en el libro intitulado *Gesta Francorum* padecen la equivocacion que aqui dirè. *Alcadi*, ò *Cadi*, es entre los Turcos y Arabes orientales el *Juez* que sentencia las caussas segun sus leyes, remitiendo la execucion al *Bussà*, ò *Prefecto*. Estos *Cadies* son como *Ecclesiasticos*, y los eligen de los *Muderes*, ò doctores, y hay dellos varios grados y ordenes, y son superiores à todos: en los reynos y provincias, como Grecia y Natolia, hay un *Cadi Leseber*, que en Turquesco quiere dezir, *Juez supremo*. Y para esto hay apelacion de los juezes inferiores, y elige con plena potestad à los juezes inferiores de su distrito: como consta de Nicolao Nicolai del Delfinado lib. 3. cap. 14. Y dize que su dignidad entre los Turcos corresponde à la de los metropolitanos entre los Griegos. El supremo de todos estos juezes es el *Muphti*. Y assi no interpreta mal Megisero en su Diccionario Turcico-Latino, *Muphti*, *Papa*. Y George Douza en su Itinerario fol. 27. *Muphti eam apud Turcas auctoritatem obtinet, quam Papa apud Latinos*. Esta es la hierarquia del juzgado y estado Ecclesiastico entre estos infieles. Entre los Africanos hay otro orden.

232. Acercandonos al punto, el *Alcadi*, ò *Cadi*, no tiene que ver, ni en la palabra, ni en su sentido, con *Cajad*. porque *Cadi* se escribe en Arabe y Turquesco *قاضي*, y segun varios grados se puede traducir, *quasi Episcopus*, *Pontifex*, &c. pero el *قاييد* siempre es dignidad secular, *governador*, *general de guerra*, ò *consejero*. Y assi todos los Lexicos distinguen estas voces: y aunque escritos con letras Latinas tienen afinidad alguna, en el Arabe no tienen homonymia. Fr. Pedro de Alcalá aun con la cortadía de las letras Latinas los distinguio bastantemente: *Alcayde*, *Cajad*. *Juez*, *Cadi*. Y el Autor del libro intitulado *Perdida de España* por Aben-Tarich, que compuso, ò interpretò Miguel de Luna, distingue bien y à cada passo entre *Alcaydes* y *Cadies* Arabes lib.2. cap.2. hablando de Abilgualit: *Quando iba à la Mesquita, salia el Alguacil mayor; luego el consejo de guerra, y el consejo de gobierno de sus reynos. El Cadi, que es justicia mayor suya, el Alcayde capitán general de la mar, el Alfaqui mayor*. Y en el capitulo 3. hablando de Almançor: *Ninguno osava pedir ante él, ni ante los Alcaldes de su gobierno, cosa injusta: y el sabado, pasada una hora del dia, se asentava en su audiencia real en su estrado: y su Cadi ò justicia mayor se asentava un escalon mas abaxo con los memoriales que havia recibido, teniendolos vistos, y llamando à las partes que proponian su justicia: y juzgava el Cadi*. Y en el cap. 13. donde pone una carta de Abilgualit: *Hacemos saber à los Alcaydes gobernadores de nuestros reynos, y a los Caudillos, Virreyes, gobernadores de la gente de guerra, Alfaquies, Cadies, Musties mayores y menores de las Mesquitas, bermitaños de las religiones de nuestra ley*. Segun esto el autor del libro *Gesta peregrinantium* no interpreta mal *Alcadium*, *quasi Episcopum*. El que interpreta *Summum Pontificem* yerra: sino es que fuesse *Cadi Muphi*. Los *Califas*, como el *Walid*, mas son principes supremos seglares, capitanes generales, que no Ecclesiasticos. Y assi concluyo, que nunca he visto usada la palabra *قاييد Cajad* en lo Ecclesiastico, sino *قاضي Kadi*. Y no siento que està bien fundado el deducir deste vocablo el *Cacii Almitran*.

233. Lo que V. M. en la fuya añade, de que el vocablo **قايد** *Cajad* se halle *denotando santidad*, lo estrañè aun mas. Y pareceme que en la prueba que se trahe de Constantino Porphyrogennera, hay equivocacion, como en la passada. Trata este autor, ò Theophanes, à quien alega de Ali-Ben Abit Taleb, que casò con Fatima hija de Mahoma, y llamale unas veces *Alem*, otras **آلى**, *Ali*. con que el letor imagina que son dos fugetos, y son uno mismo. Pone la contienda de Ali y sus hijos con Moabia Califa: y el que hazia las partes de Ali dize que era de los que llaman los Arabes **Καδῆς**, τῶν ἐσθίων καὶ ἀγιασμένων. *Kadῆs hoc est fideles, sanctos*. Pero quien no ve luego que este **Καδῆς** es el Arabe **قديس**? como quando se dize: **قديس انطونيوس**. *Cades Ambunius, Sanctus Antonius*: ò assi mismo **قديس مرقوريوس** *Cades Marciris, Sanctus Mercirius*. Y en el vocabulario Copto-Ara-
bico

bigo lit. C (Buscase en este Vocabulario, como en muchos Arabes, començando por la ultima letra del vocablo, como en los nuestros por la inicial) **ΑΓΙΟΣ**, *ἅγιος*: قدس. Y este vocablo, assi proprio nombre como apelativo, es Hebreo: y significa siempre *santidad*. en que no me detengo.

234. Solo quiero advertir una correccion facil de un lugar del Nomenclador Copto-Arabigo, que arriba citámos: y es en la puerta 8. cap. 24. donde pone la interpretacion de algunos nombres Hebreos que se encuentran en la Biblia, como *Salim Themam* &c.

ΚΑΛΤΗC. القدس القدس. y el interprete buelve: *Caldas, Sanctitas*. Sin duda deve leerse:

ΚΑΔΗC قدس. Por que en la Biblia: ni en Hebreo, no hay *Caldas*, ni *Caldes*, que signifique *santidad*, sino *Cades*. De aqui se infiere que del lugar del Porphyrogeneta no tenemos argumento de que la palabra *Cajed*, ni *Cadi*, en Arabe denote *santidad*. Es verdad que Juan Meursio pag. 20. de las notas que hizo al Constantino, confundio el *καδης* *sanctus*, قدیس, con *καδης* *Judex*: y assi en conformidad de lo primero, y como una misma cosa con el, trae un lugar del Chronico Constantinopolitano, en que se dize que el Turco *καδης φιλαντας* *καδης πέλαι*. *Constituit in urbe gubernatores* *judicem*. Y otro de Malaxas en su historia de los Patriarchas, en que haze mencion del *Cadi*. Lo qual no tiene que ver con el vocablo de que usa Constantino, y significa *santidad*. Y todas las veces que se escriben nombres Hebreos o Arabes con letras Latinas, está expuesto a muchas equivocaciones, como es sabido.

235. De todo esto colijo que el nombre con que los Moros llamaron al Arçobispo de Sevilla Juan en su lengua, no fue *Cajed Almitran*: porque *Cajed* no es voz que se podia aplicar a un pobre sacerdote captivo: y tampoco da a entender concepto de *santidad*. Y assi me persuado que le llamaron *قسيس المطران* *Cacis Almitran*, sacerdote Arçobispo. Y fue facil en el texto original de *Cacis* hacer *Cacid*. Y a esto mirò el autor del Juliano Arcipreste en sus Adversarios num. 519. *Apud Sanctum Lucam Toleti sepultus est Joannes, non presbyter* (este presbitero, o *Cacis*, es el de Sevilla) *sed Archiepiscopus Toletanus, dictus Arabicè Almitran, idest Primas*. Y assi esto autor distingue entre el que se dezia *sacerdote Almitran*, y *Arçobispo Almitran*. Y en el que se llamò *sacerdote*, o *Cacis*, denota al de Sevilla. Y aunque este es mi parecer, siempre estará sugeto al que es tanto mejor, como el de V.M. Y esto lo he escrito para amigable conferencia. Y en la materia no hablaré mas.

236. En quanto a lo que escribio en Arabe este santo Arçobispo, yo no me persuado que haya version de la Escritura, ni que la traduxesse en Arabe: porque esto estava hecho mucho antes: y la usavan las Iglesias orientales de las Arabias: y se hà ido difundiendo con el imperio desta nacion. Y era superfluo emplearse en nueva version. Antes del falso Profeta Mahoma havia estas trans-

laciones assi del viejo, como del nuevo Testamento: y haze dellas mencion en su Alcoran. Y los Arabes, aun Mahometanos, las han tenido siempre en mucha veneracion. Y assi me parece que el *Almitran* de Sevilla haria algunas exposiciones en Arabe sobre esta version tan antigua, en orden a instruir los Christianos: y esto me parece denota el Arçobispo D. Rodrigo, *sacram Scripturam catholicis expositionibus declaravit*. Sin dezir palabra de version. Y si permaneciera el libro con la abundancia que dize Mariana, pues dize que havia muchas copias en España, salieramos de duda.

237. Bien veo que Luitprando y Juliano dizen que hizo version: pero estos dos libros los tengo por modernos, partos de un ingenio mismo, sin mas autoridad. Los demas se figuieron por mala inteligencia del Arçobispo D. Rodrigo, a que dio pie la historia general del Rey D. Alonso el Sabio. Los modernos que vieron la Biblia Arabe, y con notas, se persuadieron que assi estas como aquella eran de un mismo autor. Sucediome ver aqui caso semejante: en S. Francisco, donde fue Guardian y murio, busqué algunos papeles de F. Francisco de Guadix. Dixerome, con mucho gusto mio, que havia un libro grande en Arabigo. Traxeronmele, y luego en lo exterior vi una testificacion firmada de persona que fue compañero del dicho Padre Guadix: y dava fe como compuso aquel libro hallandose en Roma. Abierto, hallome con los Euangelios de la imprenta Medicea de Roma. Lo mismo pudo pasar. *εἰ περὶ μὲν τούτων ἄνεις*.

238. Mucha envidia tengo de la abundancia de libros modernos que me dizen tiene V.M. El Antonio Giggejo, cujo Tesoro de la lengua Arabe cita V.M. no le he visto: quisiera saber donde está inpresso, y de que nacion, para diligenciar el verlo, o haverlo. Tampoco he visto la paraphrasis del Concilio Niceno, o sus canones: como ni otro librito Arabe con notas de Juan Selden, contra la supremacia Romana, de que me ha dado noticia el señor D. Nicolas Antonio. Pareceme tambien que tiene V.M. Lexico y grammatica Persiana. Yo los deseo: y estoy aguardando el Pentateucho Persiano del Tavosio, y Arabe de Saadias. Y assi le suplico se sirva de avisarme donde estan inpressos, y por que autor.

239. Una Roma entera de perdones y remission hà menester carta tan larga como esta: y si *μέγα ἐκλίον ἐστὶ μέγα κακόν*; que será carta tan prolixa? respuesta tan dilatada? por el tiempo y *σπερματολογία*. De la una dilacion han sido la causa mis ocupaciones, de la otra tiene la culpa mi insuficiencia. Bien veo que la correccion devida hà de ser de las de una *littera delere potest*. Pero de mano de tan grande maestro mio, como reconozco en V.M. será aliento para la enmienda, y espuela para aprender. Guardeme Dios a V.M. como deseo y he menester. Granada y Octubre 28. de 1653.

D. Thomas de Leon.
Zz CA.

Hà hallado para el proposito desta carta que dize el señor Obispo presidente D. Diego de Castejon en la Primacia de Toledo to. 2. parte 3. cap. 1. 9. 1. pag. 545. hablado de Seniofredo, obispo de Toledo después de la captividad de la ciudad, que Salazar de Nidoza en un papel ms. hablado deste Prelado dize que los Moros le llamaron *Ceid Mudarrabim*, que significa en lengua Arabiga: el señor Primado.

CAPUT X.

ALPHONSO Regi cognomento Magno adjudicatur Chronicon, quod Sebastiani Salmanticensis nomen præsefert, Joannis Mariana D. Josephi Pellizerii, Joannis Tamaji, necnon & verborum ipsius Chronici auctoramento. Error & licentia in eo Pelagii Ovetensis. DULCIDII Salmanticensis Episcopi memoria, cui imputatur Chronicon, quod Æmilianense, sive Annales Complutenses, sive ex codice Albelcensi desumptum vocare solent. Ad quod credendum nulla quidem necessitas; immo nec probabilis inuitat conjectura. Carmen de Episcopis hujusce temporis in bocce Chronico servatum illustratur. Quædam de Castellæ veteris appellatione. D. Josephi Pellizerii cogitatis non assentimur.

240. **A**NNO hujus sæculi sexagesimo tertio habenas Hispanici, quod Christianorum tunc temporis erat, Imperii ALPHONSUS, hujus nominis tertius, cognomento Magnus, à rerum gestarum claritudine id promeritus, in manus sumpsit^s, tenuitque ad duodecimum usque sequentis^t, quadraginta quinque annorum Rex victoriosissimus. Scriptor & hic non temerè creditur, & historicus; auctor nempe cujusdam brevis Chronici Sebastiani cuidam directi, quod ab Hispaniæ per Machometanos excidio usque ad Ordonii I. Regis mortem, quæ anno DCCCLVI. contigit, quique Alphonsum hunc, de quo loquimur, filium successorem habuit, sæculi ferè res non inepto sermone prosequitur. Vulgò id Chronicon fuit non huic Regi, sed Sebastiani Salmanticensi Episcopo ab illis attributum, qui primi manibus schedas, quibus continetur, tractare, moxque foras cum aliis misere.

241. Primus, quod sciam, è recentioribus, qui Hispanas res illustraverunt, Sebastiani Salmanticensis, ut Chronici cujusdam auctoris, meminit Florianus Docampusⁿ. Eum tamen à Pelagio ad Alphonsum II. Castum gesta conscripsisse ait; ceteraque ejus Chronici, quæ ab Alphonso isto usque ad Ordonium sunt, ei, quod sequitur, Sampiri Asturicensis Episcopi, quem Zafirium ait aliàs dictum, Chronico adjudicat. Idem Florianus lib. 2. cap. 32. quum irruptionem quandam Pænorum & Gaditanorum in Turdetanos refert, horum ducem Baurium Caropum ait vocatum, sive, ut eum appellat Sebastianus electus Episcopus Salmanticensis in prologo suarum historiarum, Bocium Capetum. Qui prologus, & cum eo hujus hominis memoria, hodie nusquam est: uti alia quæ Florianus vidit unus. Ambrosius Morales, qui Florianus continuavit historiam, sæpius monet, usum se Chronico Sebastiani Salmanticensis; eique cuncta illa accepta fert, quæ in Chronico isto sub Sebastiani nomine typis, uti jam dicemus, edito continentur. Quod quidem dedit in publicum tandem è codice Ovetensis Ecclesiæ sub ejusdem Sebastiani nomine Prudentius Sandovalius Pampilonensis Episco-

pus, unà cum Isidori Pacensis, Sampiri Asturicensis, & Pelagii Ovetensis, Episcoporum, Chronicis.

242. Nec novus hic error, aut falsa persuasio de Sebastiani auctore; cum vel Pelagio Ovetensi Episcopo XII. sæculi chronologo, quo de statim dicemus, jam olim infederit. Nostis tamen diebus cum ad manus diligentissimi ac æquè doctissimi regii chronographi D. Josephi Pellizerii de Ossau & Tovar Cæsar-augustani, codex ille pervenisset manu exaratus, quem Sandovalius vidit unicum ad editionem suam conficiendam, fuitque olim amplissimi viri Garciæ de Lóaisa Toletani præsulis, necnon & Ecclesiæ Ovetensis, posteaque in summi quondam literis, pietate, integritate, prudentiâ viri D. Didaci de Arce Reinoso Placentini Episcopi, atque Hispaniarum Inquisitoris Generalis bibliotheca, quæ domi ejus relicta fuit, & à domino D. Ferdinando de Arce, summi Castellæ senatus consiliario, Didaci ex fratre nepote, Matrili possessa existisse dicitur; animadvertit, minus rectè adjudicari Sebastiani id Chronicon, in quo nihil aliud Sebastianus quam nuncupationis ei ab auctore factæ honorem, habuit. Quicquid enim ex Chronico isto, à Pelagii regno ad Ordonii I. regnum pertingente, insertum legitur *collectioni*, sive, ut appellavit Pelagius Ovetensis Episcopus auctor nuper laudatus, *libro Chronicorum ab exordio mundi usque eram MCLXX*. quo ipse in vivis erat, quem librum codex ille ms. continet, hac præambula Regis Alphonsi Magni, Ordonii filii & successoris epistolâ ad Sebastianum insignitur; quam hîc subjici non parvum operæ pretium existimamus.

243. * *Alphonsus Rex Sebastiani nostro salutem.*

Notum sit tibi de historia Gothorum, pro qua nobis per Dulcidium presbyterum notuit, pigritique veterum scribere voluerim, sed silentio occultaverim. Et quia Gothorum Chronica usque ad tempora gloriosi Wambani Regis Isidorus Hispanensis sedis Episcopus plenissimè edocuit, & nos quidem ex eo tempore, sicut ab antiquis & prædecessoribus nostris audivimus, & vera esse cognovimus, tibi breviter intimabimus.

244. Hujus fide epistolæ Sebastianum cedere Alphonso Regi, atque ei conscriptæ hujus partis historiæ laudem restituere debere, tum Pellizerius, tum Joannes Tamajus jure contendunt^y. Quos verè præcessit in agnoscendo magno auctore Joannes Mariana, qui contenta in eo Chronico Alphonso Regi attribuit, libro nempe 7. cap. 16. *Alphonsi Regis* (inquit) *Chronicon edificasse ait, & Alveldam nominasse*. Ad hæc respiciens Chronici verba in Ordonio Rege: *Et ad civitatem, quam ille (Muza Maurus) noviter miro opere instruxerat, & Alvelda nomine imposuit, Rex cum exercitu ad eam venit &c.* Item paullo inferius Mariana: *Amajam, quam Alphonsi Chronicon Amagiam-Patriciam vocat*. Ita dicta in eo legitur, dum urbes memorat, quæ olim ab Alphonso I. Catholico Mauris ereptæ, incolis-

x Edita fuit prius à Joanne Tamajo in *Martyr. Hist.* tomo 1. die xiii. Maji, posteaque à D. Josepho Pellizerio in fronte Dulcidii Salmanticensis Chronici, Barcinone anno MDCLXXIII. editi.

y Tamajus dicto loco, Pellizerius in observ. ad Dulcidii Chron. fol. 1. & seqq.

s Morales lib. 17. cap. 1. t Idem c. 33

n In Prologo Hist. Hispanie.

colisq̃ue nudatæ, sub Ordonio hoc Rege de-
nuò habitari cœperunt. Similiter fecit aliis
locis z, Alphonſi testimonio rebus narratis
quæſita auctoritate, præſertim cum de victoria
in Pyrenæis ſaltibus à Caroli Magni Regis
Francorum copiis, quod fama fert, Alphonſi
Caſti auſpiciis reportata dicendum ei fuit,
negandumq̃ue è Gallorum historiis id com-
probari poſſe, nec ex vita Caroli ab Eginhar-
to conſcripta, quod ex malitia inde detractum

a Lib. 7. cap. 7. (ait a) crederem, niſi idem conigiſſet Alphonſo
Regi, cui Magno cognomen fuit, in eo Chronico,
quod Sebaſtiano Salmantienſi Epifcopo paulò
poſt hæc tempora nuncupavit. Nec tacet eo uſum
codice Ovetenſis Eccleſiæ, quod ipſum cre-
dimus à Sandovalio exſcriptum. Prævie ſe-

b Lib. 7. cap. 7. pulſus (de Mauregado ait b) in D. Joannis,
ut Chronici, quod Alphonſi Magni nomine vul-
gatum eſt, Ovetenſe exemplum habet. Vulga-
tum dixit de nondum edito, cujus rei cauſa
ſam ignoramus. Joannes item Baptiſta Pere-
zius, vir in paucis eruditus & diligens, in qua-
dam Chronologia Regum Gothorum Hiſpaniæ,
quam præfixit collectioni à ſe factæ Concilio-
rum Hiſpaniæ ex MSS. codicibus deſumptorum,
ut Gaſparis Quirogæ, cujus erat domeſti-
cus, Conchenſis præſulis, nomine ad Grego-
rium Papam XIII. mitteret, ad lectorem præ-
ſatus, notat ſe priores Reges ex Iſidori, po-
ſteriores ex Wulſæ Epifcopi Chronicis de-
ſumpſiſſe; & tamen de Wambanis morte,
ſequentiumq̃ue ad Rudericum uſque Regum
rebus geſtis dicturus, Alphonſum III. Oveten-
ſium Regem in Chronico auctorem adducit.

245. Pro Alphonſo ſunt & alia argu-
menta præter laudatam epiſtolam. Nullum
ſcilicet Salmanticæ Epifcopum nomine Seba-
ſtianum hoc ſæculo vixiſſe. Integroq̃ue eo de-
ſolatam jacuiſſe urbem, donec anno ſeculari
CM. à Magno noſtro reſtaurata fuit, Dulci-
dioq̃ue in ſacris ſubjecta. Quicquid de Seba-
ſtiani ætate Prudentius idem Sandovalius ex-
quirat in fundationibus Benediſtinorum mona-
ſteriorum, dum in S. Æmiliani verſatur. Item
initio Chronici, de quo loquimur, auctorem
ſe non obſcurè Alphonſus Rex prodit. Ini-
tium dicimus, non ad Sandovalii editionem
reſpicientes, quæ acephalum protulit Al-
phonſi hoc, aliàs Sebaſtiani, Chronicon; ſed
ad MS. Pellizerii, & aliorum, qui uſi ſunt,
codicem, in quo à Roderici, Witizæ filii,
Gotthorum ultimi Regis, regno caput histo-
riæ ſumitur. Ibi de Roderici mortis loco hæc
legimus: De Roderico verò Rege nulli cognitum
manet cauſſa interitûs ejus. Rude namque no-
ſtris temporibus, cum Viſco civitas & ſuburba-
na ejus à nobis populata eſſent, in quadam ba-
ſilica monumentum eſt inventum, ubi deſuper
epitaphium ſculptum ſic dicit: Hic requieſcit
Rudericus ultimus Rex Gothorum. Quid cla-
rius potuit? Conſtat enim ex Sampiri conti-
nuatione, Alphonſum inter alias Viſenſem
urbem reſtaurâſſe. Urbes namque (ait de ejus
Imperio loquens) Portugallenſis, Bracarenſis,
Veſenſis, Flavenſis, Tudenſis, Chriſtianis po-
pulantur.

246. Neque enim Sebaſtianus præſuiſſe
dicendus inde eſt deducendis in hanc urbem
Bibliotheca vetus Hiſpana Tomo I.

colonis; quod falſa opinione præoccupatus
Morales credidit. Certè occaſionem errandi
tam ei quàm Sandovalio peperit, tum effi-
gies Sebaſtiani inſulati, Chronici hujus prin-
cipio è regione poſiti à Pelagio Epifcopo in
eo libro Chronicorum laudati MS. codicis,
tum multò magis auctoritas Pelagii ipſius
Ovetenſis, qui tribus ſeculis Sebaſtiano &
Alphonſo inferior hallucinatus & ipſe fuit in
exiſtimatione veri auctoris; quem errorem
etiam in aliis reddendo auctoribus, quod eo-
rum eſſet in enarratione partium, è quibus
collectionem hanc ſuam coagmentavit, ſe-
piùs commiſiſſe deprehenditur. Memini me
alibi de Iſidoro Pacenſi commentantem ver-
ba præſationis ejusdem Pelagii, quæ, unde
queque membra formati à ſe univerſalis hi-
ſtoriæ corporis excuſperit, ſuum lectorem
admonet, in medium adduxiſſe, ſphalmata-
que ejus opportunè notâſſe. Quæ verò huc
pertinent hæc ſunt: Et à Pelagio Rege uſque
ad Adephonſum Caſtum & Catholicum Regem
Gothorum Sebaſtianus Salmantienſis Epifco-
pus, ſicut à majoribus & prædeceſſoribus ſuis
inquiſivit & audivit, pleniffimè ſcripſit. Et ab
Adephonſo Caſto uſq; ad Weremundum Regem
podagricum Sampirus Aſtorienſis Eccleſiæ Epif-
ſcopus, ſicut à majoribus &c. de Gothis Re-
gibus, prout potuit, pleniffimè ſcripſit. Quibus
verbis, aliter quàm in editis eſt, dividi Seba-
ſtianum inter, veriùſve Alphonſum & Sam-
pirum, videmus. Cum præter Alphonſi Ca-
ſti, etiam Ramiri & Ordonii res geſtas Se-
baſtiano tribuat Sandovalii editio, quorum
utriuſque horum auctorem Sampirum Pela-
gius laudat. Verè autem agente Alphonſo ſe
ab eo tempore, quo Iſidori Hiſpalenſis Chro-
nicon deſinit, hiftoriam formâſſe, conſenta-
neum eſt haud prætermiſſe eum Ranimiri
avi, atque Ordonii patris geſta literis trade-
re, ſuoq̃ue commentario includere.

247. Ut redeamus ad auctorem, Pela-
gio potior eſt ipſius Alphonſi de ſe testimo-
nium, non in epiſtola tantum, ſed & in tex-
tu ipſo hiftoriæ non obſcurè præſtitum. Nec
ideo quòd iſto in loco hujus ſcriptionis ejus
meminimus, cogitandum eſt nos exiſtimâſſe
factam ab eo circa hæc tempora. Ad initium
quippe ejus regni, quod his annis contigit,
quos proſequimur, & Chronici materiam
Ordonii exceſſu abſolutam, dumtaxat reſpe-
ximus. Immo ſcriptum Chronicon, poſt-
quam Viſenſis urbs novis colonis ab Alphon-
ſo donata fuerit, quod factum ipſe ſibi jam
arrogat in ejus veſtibulo, dubitari non debet.
Initio regni contigiſſe id Mariana prodit d.
Morali poſt annum hujus ſæculi XCVII. aut
ſequentem, quorum altero recuperata fuit à
Maurorum manibus urbs Conimbrica, vide-
tur e. Nos ampliamus, contenti nunc admo-
nere lectores, non integrum Alphonſi Chro-
nicon eſſe id, quo utimur; ſed bona ſui par-
te, hoc eſt rerum Imperii Gotthici ab Wam-
bane per Ervigium, Egicanem, & Wicizam
continuataram, à Pelagio Ovetenſi mutila-
tum, ne, ut de ejus conſilio ſuſpicamur, nar-
rata, licèt jejunè, ab Iſidoro Pacenſi, de his
Regibus, in Chronico, quod huic Alphonſi

e Apud Pel-
lizerium ubi
ſuprà.

d Lib. 7. cap.
19.

e Lib. 15.
cap. 24. & 27.

præmisit in collectione seu centone suo, replicare videretur. Convenitque cum eo quod dicimus de ejus historiæ jactura, testimonioque ei præbito ab ipso Alphonso auctore, codex ille quo usus fuit hujusmet Chronici Joannes Baptista Perezus supra laudatus: nam eo utitur, Alphonsum advocans de Wambanis morte, ac de Egicæ, Witizæ, ac Ruderici tempore, & vitæ annis agens.

248. Quod attinet ad opus ipsum, quod exstat, non satis certus sum Alphonso esse telam, an Pelagii collectoris assumenta, quæ ibi statim à principio multa de arca reliquiarum sub ipsum Sarracenorum ingressum Overum exportata, posteaque de Ecclesia S. Salvatoris, aliisque in eadem urbe ab Alphonso Casto ædificatis, prolixè narrantur. Planè autem id quod de Pelagii martyris corpore in quandam earum Ecclesiarum præcursori Joanni Baptistæ dicatam solenni translatione relationi illi inseritur, quæ edita fuit sub hoc lemmate: *De arca reliquiarum è Toletis in Asturias translata*, Alphonso esse non potest, cujus tempore nondum puer hic Beatus fuerat passus: martyr enim factus fuit anno CMXXV. Quare Pelagii glossema putamus. Nisi dicendum potius sit omnia hæc Pelagii esse, Chronico Alphonso ab eo inserta, præ charitate illa, quâ, præsul Ovetensis cum esset, thesaurum arcæ illum ibi servatum posteris intimare desiderabat.

249. Sed an de Chronico isto Alphonso Regis, an de alio quovis, sive Latino sive Hispano, Prudentius idem Sandovalius intelligendus est, cum in historia foundationis monasteriorum sui ordinis Benedictini, loquens de monasterio S. Petri Caradignensis fol. 37. antiquissimam, quæ vix intelligatur, *Regis Alphonso Magni historiam* laudat? Vereor quidem ne isthæc fuerit integra, de qua solliciti sumus, ejusdem Alphonso historia. Certè illam Prudentius in Compostellana Ecclesia exstare ait.

250. Ne ab historicis discedamus, famâ clarus sub eodem Alphonso Rege Magno DULCIDIUS fuit Salmantinus antistes. Hic, dum adhuc Toleti esset presbyter, missus anno DCCCLXXXIII. fuisse legitur ab Alphonso ad Abub-Alithum Sarracenorum ducem, qui auspiciis Almundaris Cordubæ Regis, aliàs Mahomad, verè Mahomadis filii, Christianorum limites ingressus, pacis tamen conditiones idem offerebat. Cordubam usque venisse is dicitur, & isto pacis fœdere, corpora beatorum martyrum Cordubensium Eulogii & Leocitiæ secum in Ovetensem urbem transportasse: cujus rei exstat Samuëlis cujusdam ejusdem urbis civis relatio^f. At cum sequentibus annis Dulcidii Salmantice Episcopi memoriam quædam ejus ætatis monumenta conservaverint; vero quidem videtur simile, è presbytero eum in istius urbis Episcopum evectum fuisse.

251. Plura de Dulcidio amicus noster D. Josephus Pellizerius in opere paullo post laudando. Sed quod suspicatur, presbyterum Toletanum, quomodo in Chronico jam proferendo audit, fortè significare Toleti

Episcopum, vix est ut vulgaris eo tempore stylus loquendi confirmet. Cumque Salmanticensibus infulis aliquando credamus decoratum, non absque injuria Toletanarum infularum hanc translationem admiserimus. Neque exempla ab eodem adducta Episcoporum legationibus impensorum cogere nos debent, ut à propria verbi significatione recedamus. Interfuit Salmanticensis præsul Dulcidius & consecrationi templi maximi Compostellani; quo servatur S. Jacobi Majoris corpus venerandum; & Ovetensi Concilio, in quo indulgentiâ Joannis Papæ VIII. sedes hujus urbis in metropolitanam erecta fuit; quæ circa annum sæculare CM. aut huic proximum CMI. contigere: cujus rei Sampirus Asturicensis Episcopus testis est in Chronico.

252. At cujus nullum usque dum novimus, Dulcidii hujus scilicet, à posteritate & historia meritum asserere hac nostra ætate voluit, antea jam, sæpeque laudatus D. Josephus Pellizerius historicus regius, edito antiquo & optimæ notæ Chronico huic Dulcidio primùm ab eo adscripto, cum hac epigraphæ vulgaris linguæ Hispanæ: *Chronica de España de Dulcidio presbytero de Toledo, Obispo de Salamanca, y Embaxador del serenissimo Rey D. Alphonso el Magno tercero deste nombre, al Califa de Cordova el año DCCCLXXXIII. con las observaciones de D. Joseph Pellizer de Osan y Tovar &c. Barcinone MDCLXIII.* in 4^o. Codex ms. unde fuit exculptra hæc editio, Pelagii, toties dicti, Ovetensis Episcopi manu exaratus, à Pellizerio, qui penes se habet, creditur: quippe qui scriptus anno MCXLII. quo is florebat, characteribus Gothicis, quandoque ob ligaturam eorum obscuris seu inperceptibilibus. Huic similem alium possidet Josephus Moretus Jesuita, clarissimus hac nostra ætate *Navarrensiarum* historiarum scriptor, quem, eò quòd S. Æmiliani Benedictinorum monasterii olim fuerit, *Chronicon* ipse vocat, quoties id laudat, *Æmilianense*.

253. Tertium ex ejusdem monasterii archivo habitum, Matrili servat D. Gaspar Ivañez de Segovia, Marchio Acropolitani, noster in paucis amicus, eruditionis exquisitæ laude omnibus notus. Idque passim allegare Ambrosium Morelem sub diversis appellationibus sive notis, jam *Annalium Complutensium*, jam *codicis Albeldensis* nomine, observat idem Pellizerius^h. Titulum hunc præsefert Chronicon: *Incipit liber Chronica, seu Fabularium*. Initium: *Ab Adam usque ad diluvium anni MMCCXLII.* &c. Et post summariam omnium mundi generationum usque ad Alphonso Regis, Ordonii filii, annum xviii. Incarnationis Dominicæ DCCCLXXXIII. ætatumque sex mundi recensionem, orbisque totius brevissimam descriptionem, dividitur totum opus in *quatuor*, uti vocat, *ordines*, scilicet *Romanorum*, *Gothorum*, *Asturianorum*, & *Sarracenorum*.

254. Sed cum venia doctissimi viri, ac de universa Hispana historia optimè meriti, non ullum video argumentum, quod moveat, ne dum cogat, assensum nostrum ad convenienti-

g Morales
lib. 15. cap. 25.
& 26.

f Morales
lib. 15. cap. 14.
& 15.

h In Notis
ad Dulcidium
fol. 18. & in
biblioth. pro-
priorum ope-
rum num. 231.
fol. 73.

i Morales
lib. 15. cap. 14
& 15.

x. *Quæstionem*,
curiam tunc
Regum.

i Qui inter-
fuit consecra-
tioni Ecclesie
Compostella-
næ anno
DCCCLXXVI.
aliâs em. n. Mo-
rales lib. 15. c.
20. factam ait
anno em. San-
dovalius anno
DCCCLXXVI. in
Notis ad Episcop.
pag. 245.
m Subscri-
psit anno em.
cuidam regie
donationi. Mo-
rales lib. 15.
cap. 25.

n Non hic
S. Rudesindus
Episc. Iriensis
sequenti se-
culi. Morales
lib. 15. cap. 29.
& lib. 16. c. 36.

o Rudesin-
do Villa Min-
duniensis super
laudatâ Episcopo
concessit
Alphonso III.
locum de Du-
nio. Donationis
verba ad-
ducit Gonzalex
Davila in
Theatro Ec-
clesiæ. Mindo-
niensis pag.
412. Idem est
Bricconis Episcopus.

p Interfuit
eidem conse-
cratori Com-
postellanz Ec-
clesiæ anno
em. teste Sam-
piro Astori-
censi.

q Sic emen-
davi pro An-
fius. Vide
Sampiram, &
Morale dicto
cap. 25.

r Anno em.
jam præerat
Argimirus, qui
interfuit eidem
consecrationi.
s Vide Da-
vila in Thea-
tro Ecclesiæ. An-
riensis.

t Cui fortè
Gumaldus
successerat, de
quo Sampirus,
& Morales ubi
suprà.

u Hanc
Episcopum
Alvarum resti-
tuere se ait,
hucusq; igno-
tum, Burgen-
si Ecclesiæ Pelli-
zerius, putatq;
Castellam, à
qua Burgen-
ses Episcopi olim
audiebant Ca-
stella Episcopi,
dictam *Velegiam*, indeque
per corruptionem
verbi dictum
Castilla la vieja. Viri
doctissimi &
ingeniosissimi

dum de Dulcidio auctore. Nullum quidem, ut fatetur Pellizerius ipse, ab scriptura istorum codicum, quos jam diximus, in quibus absque auctoris nomine Chronicon hoc legitur. Atque idem dixeris de duobus codicibus unde Ambrosius Morales hanc rem mutuare se ait lib. 15. cap. 14. Immo auctor in fine illius de Dulcidio ad Cordubensem Regem ab Alphonso missi legatione, uti de quodam alio, loquitur; cum si Dulcidius ipse esset auctor, juxta sinceritatem illius sæculi potius sese missum fuisse, qui ista scriberet, quam aliter significaturus rem videatur. Sed, quod præcipuum apud me est, ea quæ in fine leguntur *ordinis Asturianorum*, de hac legatione excludunt mihi non obscure hinc Dulcidium auctorem. Propter quod etiam & Rex noster (ait) *legatum nomine Dulcidium Toletanæ urbis presbyterum cum epistolis ad eos* (Regis Cordubensis duces) *direxit Septembrio mense disurrente. Supradictus quoque Abdella* (Cesar-augustanz urbis dominus, qui à Cordubæ Rege defecerat) *legatos pro pace & gratia Regis sapius dirigere non desinit. Sed adhuc perfectum* (lego, non perfectum) *est quod Deo placuerit.*

255. Dulcidius Cordubæ aliquot mensibus, scilicet à Septembri usque ad finem anni, mansisse, nec nisi confecto negotio inde creditur discessisse. Siquidem sanctorum martyrum Eulogii & Leocritiæ corpora secum è Corduba exportavit, quæ Oveti excepta sunt nona Jan. die an. sequentis DCCCLXXXIV. qui dies anniversario ritu jam ab eo tempore translationis eorum solenni festo additus est; in quo antiqui Breviarii Ovetensis lectiones testimonium Samuëlis cujusdam gestæ rei præsentis adhibent. Nunc, rogo, quandonam ista scripserit de Dulcidio professione in Cordubam auctor Chronici; num antequam ab ea ad Christianos redisset, an post reditum? Si prius dixeris, qui Dulcidium credis auctorem, fatearis necesse est Cordubæ eum hæc scripsisse, dum exitus rei penderet, nec eum expectasse, quò magis certa proderet, in patriam reditum: quod parum est verosimile. Si posterius, cur non dixit quo mense redierit, ac rei successum, qui Sept. mense profectum sese Cordubam fuisse prius expresserat?

256. De alio igitur, non de se, agit scriptor Chronici, cui durante Dulcidii absentia, quominus in historia progredereetur, nescio quæ res impedimento fuerit. Sed nec argumentum, quo tanquam Achille suo amicus noster utitur, epistolæ Alphonfi Regis ad Sebastianum Chronici sui nuncupatoriæ, adeò validum est, ut eo solo statuere, quod aliàs non ulla juvat ratio, debeamus. Alphonfus ait: *Notum sit tibi de historia Gotthorum, pro qua nobis per Dulcidium presbyterum notuit, pigritiæque veterum scribere noluerint, sed silentio occultaverint.* Fatemur sensum esse obscurum, luxatæque verba esse, aut corrupta; sed quid vetat sic interpretari, à Dulcidio monitum fuisse Regem deesse post Isidori tempora, qui res Gotthorum gestas literis consignasset, idque pigritiæ veterum apud eundem Alphonsum tribuisse.

257. Nec ultrà, scilicet ad aliquod Dulcidii opus, hæc referri verba posse, reliqua Alphonfi persuadent. *Et quia Gotthorum* (inquit) *Chronica usque ad tempora gloriosi Wambani Regis, Isidorus Hispalensis sedis Episcopus* (erravit hic Alphonfus: appendices enim Ildephonfi & Juliani Toletanorum præsulum Isidori Chronicon usque ad Wambanis continuavere tempora) *plenissime edocuit. Et nos quidem ex eo tempore, sicut ab antiquis & prædecessoribus nostris audivimus, & vera esse cognovimus, tibi breviter intimavimus.* Si enim superiora de Dulcidio verba planè significarent, ut Pellizerio visum fuit, quicquam operis Dulcidiani de historia Gotthorum scripti; quidnam, quæso, Alphonsum movit, ut antiquorum incuriam, cui jam suppetias Dulcidius ierat, iisdem propè rebus narratis supplere is contenderet? Quare retorquenda est epistola adversus eos, magis quam excipienda pro iis, qui Dulcidio hic favent.

258. Sed quoquomodo id sit, anonymus auctor Chronici hoc ann. DCCCLXXXIII. id formavit; aliquis fortè ex his Episcopis, (nam & horum erat eo tempore hoc munus) qui in carmine seu *Notitia Episcoporum*, cum sedibus suis, quæ in eodem, de quo dicimus, Chronico, post eræ CMXV. res habetur, nominibus suis appellantur. his scilicet: *Regiamque sedem Hermenegildus tenet, Lajanus Bracaræ, Lucio Episcopus arce Recaredus, Rudesindus Dumio, Monduneto degens, Sifnandus Iriæ, sancto Jacobo pollens, Nautusque tenens Conimbriæ sedem, Candericus quoque locum Lamecensem, Sebastianus, quidem sedem Avriensem, Justusque similiter in Portugalense. Alvarus Velegiæ, Velemirus Oximæ, Maurus Legionæ, Ranulphus Astoricæ.*

CAPUT XI.

De PRUDENTIO, seu GALINDONE PRUDENTIO Trecenti in Galliis Episcopo. Galindonis nomen Hispanum. Hujus doctrinæ laudes, quam Hincmarus Rbemensis Episcopus magnâ injuriâ tanquam hæreticam damnavit. Godescalchi heresis. De prædestinationis negotio controversia ingens inter Gallos hujus ævi Episcopos. Lupi duo, Servatus, & Ferrariensis. Nulla Prædestinati, aut Prædestinatorum heresis contra Sirmondum causam suam agentis. Prudentii opera nunc tandem edita.

259. EJUSDEM Alphonfi Magni Regis Galliis imperante PRUDENTIUS, Hispanus natalibus, Trecentem in ea gente, ut Hispani aliàs alii, Ecclesiam obtinuit. GALINDONEM, seu GALINDUM, cognomento PRUDENTIUM, vocant eum Annales Bertiniani à ad annum DCCCLXI. ut inde magis confirmetur natione Hispanum fuisse, quod in iisdem legitur Annalibus, auctoris ferè æqualis, qui ad annum usque DCCCLXXXII. res in Francia gestas persequutus est. Hispaniensem quip-

cogitata magni habemus: hoc autem omnino improbamus. *Castilla la Vieja* ad Novæ differentiam, dum à Mauro-rum manibus sensim recuperaretur, dictam, certissimum omnibus haberi debet. Nec à Gregorio Argaizio in hoc discedimus, qui *Velegiam* in Galliciæ locum in monumentis Benedictinorū S. Martini Compostellæ urbis monasterii laudatum se invenisse ait; eumque locum hoc tempore donatum sede fuisse Episcopali ex carmine isto, quod percurramus, viso à se in Chronico, uti appellat, *Emilianensi*, ed quod servetur in hujus monasterii tabulario, non malè conjectatur, volum. 1. *Populationis Hispaniæ Ecclesiæ*, pag. 192. Nec satis capio, quem sensum habebat illa Pellizerii, *Brigæ* nomen Hispanæ linguæ antiquæ vernaculum corruptum in *Velegiæ* fuisse. quænam enim soni vicinitas aut similitudo hujc aniani dederit corruptioni? Adducit quoque is privilegium, ut vocant, Sancio Ramirezii Aragoniæ & Navarra Regis an. MLXXVI. five eræ MCXIV. in qua regnare dicitur hic Rex in Aragonia, & in Navarra, & in Castella, *Velegia*, & in Ripacurzia. Hic Pellizerii eruditionem & judicium desidero. Licet enim demus Sancium Regem à Naxa urbis dominio, quam cum toto regno possidebat tunc temporis Castellæ Rex Alphonfus VI. ne juri suo ad Naxensem regnum, quod Navarrensi adhaerent, renunciare videretur, se appel-

lisse; nullo quidem prorsus regnare se in Castella, Alphonsi legitimo regno, iactare potuit. Planè olim jam *Castella* nomen vulgare fuisse & *Chronico* Sampiri novimus, in quo legitur additisse Alphonsio Magno Legionis Regi, dum anno mccc. aut circiter, Oveten- sis Ecclesia in Metropolitana cõstitueretur, & ibi Conciliū haberetur. Ordarium *Castelle & Auscie* (legimus *Auce*) Comitum. Morales interpretatur lib. 13. c. 23. *Castelle & Visei*, quasi de Vicensi urbe agatur. Sed *Auce* est in editione Sandovalii, à qua lectione quantillum distat *Auce*? quæ verè urbs in eo tractu quæ *Castella* tunc audire poterat, ubi fuit Episcopus eodem tempore Joannes, cuius idem Sampirus meminit. A qua urbe *Auca*, uti sede, Burgenfis urbs Castellæ primaria, & magis appellationem, & non à Velegia obscura, & nullius nominis, tota *Castella* mutare debuisse.

x Vereor ne hic mendum subreperit in *Oxime* (si *Uxama*, sive *Oxina* hodierna est) vocabulo. Hæc enim urbs hoc tempore nondum sub ditionem venerat Christianorū Regum; nec nisi sub Ramiro II. qui anno cmxxvii. regnare cepit, incolis eam habitandam Gundisalvus Telliæ dedit. Sampiro auctore; cum Alphonsus Catholicus, à Pelagio tertius, cives ab ea omnes, cum à Maurorum cepisset manibus, ad montana deduxerit, ut Sebastianus, seu potius Alphonsus Magnus, in *Chronico* narrat, y Decessor Vincentii,

quippe hanc fuisse appellationem, Galindus Aragoniæ Comes II. Azenarii filius, è monumentis huiusce regni antiquis affatim notus^b, dubitare nos haud finit. Quid verò impedit ex eadem progenie cum Galindo nostro Prudentio fuisse? nam & vixisse pares, obitus Galindi Comitis post annum sæculare ostingentesimum, ut fama est, contingens, evincit manifestè. *Galindo* item *Enconis* apud Eulogium martyrem in epist. ad Wiliesindum Pampilonensem Episcopum istius regionis homo fuit; ad quem Eulogium scriptis scholiis Ambrosius Morales in tabularii Compostellanæ Ecclesiæ tribus vetustissimis diplomatibus affixum Galindonis nomen sese vidisse ait.

260. De patria incertus auctor *Rerum Frodoberti abbatis*, quem Barthius *Advers.* lib. 18. cap. 11. laudat, *Erat* (inquit) *per idem tempus præfatæ sedis antistes Prudentius nomine, natione Hispanus, pontificalis vitæ institutione clarissimus, in divinis rebus undecumque non mediocriter eruditus*. Immo & ipse Prudentius in carmine quodam ad codicem Evangeliorum prævio *Hispaniæ genium se, ac Celtas deductum*, ibique *altum* ait. *Apprimè literis eruditum virum* anonymus idem Bertinianus auctor appellat. Audivimus nuper anonymi elogium. Multus quoque est Lupus Ferrariensis in eo laudando. Inter recentiores Barthius *sui sæculi litteratorum facile principem* vocat lib. 44. *Adv.* cap. 19. ubi & subiungit: *Eruditissimum eum Episcopum fuisse clamant coetanei omnes, & imitatio optimorum auctorum eo ævo admodum rara*. Et lib. 18. cap. 11. *Corollarium, & scientiam antiquitatis* vocat.

261. Interfuisse legitur pluribus Galliarum Synodis Episcopus, Parisiensi anno DCCCXLVI. Turonensi IV. (aliàs Parisiensi ex observatione Philippi Labbei^c) ann. DCCCXLIX. Suëssionensi II. DCCCLIII. Ad eum directam S. Leonis Papæ IV. epistolam habemus in Conciliorum editionibus^d; meminitque Baronius non uno loco^e. Alia autem, quæ ad Nominojorum Priorem, uti vocant, Comitem scilicet Britannicæ gentis, à pluribus Episcopis, è quorum numero Prudentius Tricassinorum est Episcopus, directæ, quæ inter alias Servati Lupi edita demum à Baluzio fuit, ipsa est synodalis Concilii Turonensis, sive Parisiensis, cuius antea mentionem fecimus. Sed & ejusdem Lupi ad Prudentium aliam f indidem habemus; ex qua destinatum à Carolo utrumque novimus visitandis ac reformandis regni sui cœnobii: quæ quidem summæ amborum dignitatis, & apud Regem existimationis præcipua quædam nota est. Scribit & idem Prudentius cum Senonensis provinciæ aliis præsulibus epistolam 99. inter Lupi jam dictas, ad clerum & monachos Ecclesiæ Parisiorum de *Æneæ* Episcopi electione ab iis facta. Habitæ inter nostrum atque Rhemensem antistitem Hincmarum huius ævi celeberrimum consuetudinis memoria exstat in Flodoardi Rhemensis historiæ lib. 3. cap. 21.

262. De scriptis verò ejus calumniosè & iniquè censuit jam laudatus auctor *Annalium*

Bertinianorum. *Galindo, cognomento Prudentius* (inquit) *Tricassinæ civitatis Episcopus, natione Hispanus, apprimè literis eruditus, qui ante aliquot annos Gotescalcho Prædestinatio restituerat; post felle commotus contra quosdam Episcopos secum hæretico resistentes, ipsius hæresis defensor acerrimus, indeque non modica inter se diversa & fidei adversa scriptitans, moritur. Sicque, licet diutino labore fatigaretur, ut vivendi, ita & scribendi finem fecit*. Pensanda hæc sunt quæ de doctrina & scriptis præsumit: quæ quidem, uti diximus, calumniosè & iniquè dicta contra Prudentium, Gilbertus Maguinus & infra laudandus, & veritas ipsa jam explananda satis convincent.

263. Gotescalchus certè monachus monasterii Orbei diocesis Suëssionensis hoc tempore quosdam doctrinæ de prædestinatione Dei, redemptioneque Christi articulos in medium proposuit, multosque sectatores habuit, usque dum in Moguntino Concilio, cui Rhabanus præfuit, ejus urbis antistes, auditus fuit, atque damnatus^h. Idem à Gallicæ Belgicæ Episcopis in conventu apud Carisiacum anno DCCCXLIX. denuò in judicium vocatus, iterumque condemnatus, ad Hincmarum tunc Rhemensem Archiepiscopum fuit remissus, ut in custodia detineretur, ut ex epistola Hincmari ejusdem constat ad Nicolaum Papam I. quæ apud eundem Flodoardum legitur. Suscitasse hic dicitur ab Hincmaro Gotescalchus Prædestinatio antiquam hæresin, in Africa olim Galliaque damnatam, hoc est, Pelagianæ membrum, de qua idem multis agit Hincmarus *De Prædestinatione Dei & libero arbitrio* ad Carolum Calvum scribens. Cujus Prædestinatio seculæ, quam Gotescalchus propugnare credebatur Hincmaro, isthæc erant præcipua capita: I. *Deum prædestinasse quosdam ad vitam, pariterque alios ad mortem æternam*. II. *Deum non velle omnes homines salvos fieri, sed eos tantum, quos ad vitam prædestinavit*. III. *Christum non fuisse mortuum pro omnibus, sed pro his dumtaxat qui salvantur*. Tria hæc unius commatis sunt & ordinis; sed & quartum addidit, quod *Deitas triplex sit*.

264. Adversus has hæreses Hincmarus prædictus calamum strinxit duabus editis lucubrationibus, quarum prioris pro defensione capitulorum Carisiacensis Synodi adversus Gotescalchum, quæ Lugdunenses scriptis suis impugnaverant, nuncupatoriam epistolam servavit Flodoardus lib. 3. c. 15. Altera lucubratio integra exstat inter hujus Hincmari opera, cuius etiam Flodoardus capite proximè sequenti recordatur. In his Prudentium nostrum carpit eò quod Gotescalchanis de prædestinatione capitibus consentanea senserit in quadam epistola ad Wenilonem Senonensem, atque hujus provinciæ Episcopos, de ordinando *Æneæ* Parisiorum Episcopo: quam epistolam in præfatione hujus sui *De prædestinatione Dei* commentarii Hincmarus protulit, passimque toto opere traduxit.

265. Sed verè catholicæ sunt Prudentii sententiæ, indignæque Hincmari censurâ. Dicit enim. I. *Quosdam à Deo fuisse gratitudo*

qui Concilio Oveten- si interfuit anno cm. ex Sampi- ro.

2 Anno cm. jam erat Asto- ricæ Episc. Go- merus; ex eo- dem Sampiro.

a Hoc est, habitus ex Ber- tiniani mona- sterii codice tomo 3. *Hist. Francorum* pag. 212.

b Vide Blan- cam in *Ara- gon. veterum commentariis* tomo 3. *Hist. illustr.* pag. 196.

c Suriani in *Indicibus Aragon.* eodem tomo pag. 6. & lib. 1. *Hist. Aragon.* vulgaris cap. 4. Joann. Briz lib. 1. *Hist. de S. Juan. de la Peña* cap. 46. in fine.

d Tomo 8. Concile dition. Parisiensis an. mcccxxi. col. 58. & 61.

e Ibidem col. 30.

f Tomo 10. ad annum mcccxlvi. n. 23. & mcccxlvi. num. 19.

g Epist. 63. *Vindictarum differtatione historica*, seu *Vindictarum de Prædestinatione* c. 44.

h Exstat Rabani de hoc epist. apud Hincmarum *de Prædestinatione* cap. 2.

i Lib. 3. cap. 13. *Hist. Rhe- mensis*, & apud Baron. tom. 10. ad annum mcccxlvi. num. 5. & sequentibus.

prædestinatos ad vitam, quosdam imperscrutabili justitia prædestinatos ad pœnam. Sed statim id explicat: Ut id videlicet, sive in salvandis, sive in dammandis, prædestinaverit: quod se præsciebat esse judicando facturum, dicente Propheta: Qui fecit quæ futura sunt. Confule Suarezium lib. I. De prædestin. cap. 5. Macedum in doctrinæ S. Thomæ & Scoti collat. II. differ. 3. sect. I. II. Sanguinem Christi pro omnibus fufum credentibus; non verò pro his qui nunquam crediderunt, nec hodie credunt, nec unquam credituri sunt. Vide Lupum Ferrariensem in collectan. quæst. 3. De sanguine Christi, editum à Maguino cum aliis De prædestinatione auctoribus: qui Maguinus videndus etiam in dissertatione bistor. cap. 29. III. Deum omnipotentem omnes quoscunque vult, salvare; nec aliquem posse salvari, nisi quem ipse salvaverit: & qui non salvantur, non esse Dei voluntatis ut salventur. De voluntate antecedenti & subsequenti S. Thomas ad 1. Sent. dist. 46. quæst. I. art. I. & in I. parte quæst. 19. art. 6. ad I. Scotus I. parte in I. dist. 46. quæst. unic. §. ad primum. Macedus ubi proximè collat. 12. dissert. 2. sect. I. Quæ omnia rectum sensum & catholicum habent.

266. Planè inter Galliarum Episcopos, atque alios doctrinâ eximios theologos, magnis undique animis decertata hoc nono fuit sæculo *De prædestinatione Dei* disquisitio ista, Gotescalchi atque ejus causæ & confessionum occasione, commisitque parti eorum partem, provincias provinciis, viros viris. Hinc Rhabanus Moguntinus, Hincmarus Rhemensis, Pardulus Laudunensis, antistites; excitatusque à duobus ultimis ad dicendam de scripto sententiam tum Amalarius quidem, tum Joannes, Scotus cognomento, Erigena, Caroli Regis gratiâ florens, steterunt. Illinc Prudentius noster Tricassinus Episcopus, Lupus Servatus Moguntinus presbyter, alter Lupus Ferrariensis abbas (duo enim sunt, non unus ^x, quod Baluzius credidit) Ratramnus Corbejenfis monachus, S. Amolo, & S. Remigius ejus successor, Lugdunenses Archiepiscopi, Florus magister cum Lugdunensi tota Ecclesia, quorum sententiam Concilium Valentinum III. ann. DCCCLV. ^l & Lingonense paulò post celebratum ^m, confirmavere.

267. At hujus controversiæ omnes, quotquot sunt, scriptores, & utriusque partis propugnatores, si Hincmarum demas, qui ex operibus ejus à Jacobo Sirmondo jam editis innoverat, cum *Veterum auctorum qui sæculo nono De prædestinatione scripserunt* titulo Gilbertus Maguinus Galliarum Regi à consiliis, & in suprema monetarum curia præses, duobus voluminibus anno MDCL. à se collectos in publicum dedit; quorum posterius ita inscriptum voluit: *Vindicias prædestinationis & gratiæ, continentes historicam & chronicam synopsis, cum gemina dissertatione, & pacifica operis coronide*. Nempe doluerat eum, & alios Galliæ doctos viros, Jacobum Sirmondum Hincmari partibus addictum, in quo recentiorum societatis suæ *De gratia & auxiliis ejus*, seu *De prædestinatione* doctrinam adjuvare sibi visus fuit, *Prædestinatum*, sive *Prædestinatorum hæresis*, & libri *S. Augustino temerè ad-*

scripti refutationem, tamquam ab auctore, qui ante annos MCC. vixisset, editam, anno MDCXLIII. publici fecisse usus; & post biennium Hincmari *De prædestinatione* opus; anno autem XLVII. *Historiam Prædestinationis*, & alia inde similia adjunxisse.

268. Meram enim fabulam esse hanc Prædestinatorum hæresin, ac Semi-Pelagianorum inventum, integris lucubrationibus contenderunt, Sirmondo respondentes, cum Avvrazus theologiæ doctor Sorbonicus, Gallicè conscriptâ *censurâ Prædestinati* Sirmondiani, quæ in Latinum postea fuit translata, annoque MDCXLV. edita cum *Prædestinato* ipso; tum nuper laudatus Maguinus in *Gotescalchanæ controversiæ historica & chronica*, cujus meminimus, dissertatione; in qua prolixè doctèque Gotescalchum ab omni hæresis nota liberum contendit ⁿ, Prædestinationem hæresin Hincmari fuisse commentum asserit ^o, Hincmarum accusat obstinationis, calumniarum, crudelitatis ^p; Prudentioque sanctitatem, nec minùs catholicæ doctrinæ præconium, in his quæ hac in causâ elucbravit, multis consignat ^q.

269. Scripta verò hæc Prudentii, absque illo esset jam laudato Maguino, in tenebris adhuc latuissent; adeò ut neque summa Gerardi Joannis Vossii industria in colligendis hujus controversiæ Gotescalchanæ, uti Pelagianæ historiæ appendicis, momentis & monumentis omnibus adepta sit navatæ à Prudentio alicujus in re operæ notitiam ^r; nullus ex scriptorum Ecclesiasticorum celebratoribus, tam antiquis quàm recentibus, hujus viri recordatus sit; neque (ut de Magdeburgensibus Centuriatoribus, apud quos de nostro altum silentium, nunc taceam) inter sæculi noni, cui, atque decimo, illustrandis, peculiarem commentarium panxit Bæclerus, aliquem inter ejus ævi literis aut famâ illustres viros Prudentio locum dederit. Immo Nicolaus Faber, sive Andreas Duvallius, Trecentem Episcopum cum Floro magistro condudit ^s.

270. Planè, ut hujus doctrinæ meritum ab Annalium Bertinianorum, & quorumcumque aliorum similiter de re obscura, diuque per Gallias decertata, pro ingenio aut partium amore scribentium imputatione & impressione longè habeamus, abundè erit sanctitatis Prudentii Episcopi communis famæ testes advocare Democharem, Camuzatum, Ferrarium, Bollandum, Saussajum, Trecentemque ipsam ejus quondam Ecclesiam, quæ in catalogis suorum præfulum *sanctum* vocat, & uti mirabilium operum à Deo imitratorem cultu atque officio prosequitur ^t. Adjungimus Hincmarum ipsum adversarium, qui vel mortuum Prudentium, ante quàm is posteriorem *De prædestinatione* commentariû, qui superest, scribere aggressus esset, etiam quum doctrinæ ejus derogare intendit, *dominum Prudentium* cum elogio honoris sæpius vocat. Sed Bertinianus anonymus Hincmari metropolitæ sui velificatus partibus, non cum hoc tantum Prudentio, sed & cum Rothado Suëfionensi Episcopo, atque cum ipso Nicolao I. san-

ⁿ Per totam dissertationem priorem.

^o In *Confutatio. hist. Prædest. Sirmondi*, quæ est *Vindiciarum* dissertatio altera.

^p Primæ dissertationis cap. 46. & seqq.

^q Cap. 44.

^r Ut appareat ex *Hist. ejus Pelagianæ* lib. 7. par. 4.

^s In *Notis ad lib. Eccles. Lugdun. De tribus epistolis Vindiciarum* Maguini parte 2. pag. 170.

^t Vide D. Maguinum d. op. 44.

^x Maguinus in *dissert. hist. de qua infra* cap. 10. & *Vindiciarum* parte altera pag. 10.

^l Idem *dissertat. cap. 36.*
^m Idem *cap. 40.*

u Ad ann.
DCCCLVIII.
DCCCLXI.
DCCCLXV.
DCCCLXVII.

sanctissimo Pontifice, quos omnes Hincmarus sibi adversantes habuit, indignissime atque iniquissime agit^u. Nec verum est Prudentium Gotescalcho obstitisse unquam, diversave aut fidei contraria scripsisse, quod ajunt calumnioli annales prædicti. Quod satis, ne actum à Maguino agamus.

271. Scripsit ergo Prudentius de hoc argumento ea quæ subijcimus,

I. *Opusculum ad Hincmarum Rbemensem, & Pardulum Laudunensem*, scriptum anno DCCCXLIX. quod sua manu Jacobus Sirmondus descripsit ex ms. codice S. Arnulphi Metensis; nec tamen edidit, contentus data Maguino supradicto facultate exscribende ex isto ejus apographo præfationis, quam ipse publicavit^x. Incipit: *Domini prædicationibus*. Meminit hujus opusculi Rhabanus ad Hincmarum epistolâ^y, & Prudentius ipse auctor in opere statim laudando, Hincmarusque *De prædestinatione* cap. 34. Agit de hoc Maguinus *Vindiciarum* parte I. cap. 13. Cæterum excitato, Hincmari impulsu, ad scribendum contra Gotescalchum Joanne Scoto, seu Erigena, cujus *De divina prædestinatione* librum Maguinus idem primus in lucem protulit; idem noster Prudentius reposuit.

272. II. *De prædestinatione contra Joannem Scotum cognomento Erigenam, seu librum Joannis Scoti correctum à Prudentio, sive à cæteris patribus, videlicet à Gregorio, Hieronymo, Fulgentio, atque Augustino* (ita concepta est epigrapha) *ad Guenilonem seu Wenilonem Archiepiscopum Senonensem*. Incipit: *Blasphemias tuas, Joannes, &c.* Quæ duo Joannis & Prudentii scripta ex antiquissimo & integerrimo bibliothecæ Corbejensis ms. codice Maguinus publicavit desideratum à Barthio, ut videre est lib. 18. *Adversar.* cap. 11. Scripsit opus suum Prudentius anno DCCCLII. de quo Maguinus *Vindiciarum* part. I. cap. 19.

273. III. *Traкторiam* epistolam, quam per vicarium suum Arnaldum misit ad Senonensem Synodum pro ordinatione Æneæ Parisiensis Episcopi. Incipit: *Quantum ad meritum peccatorum*. Ordinandus nempe à patribus fuit Episcopus Parisiensis Æneas, quem debere, priusquam ordinaretur, profiteri, & subscribere quatuor propositionibus contendit, & obtinuisse creditur Prudentius, quarum contrarias Hincmarus in palatio Carisiaco à Rege Carolo & quibusdam Episcopis subscribi curaverat. Meminit Hincmarus ipse *De prædestinatione* cap. 5. Deque ejus historia consulere eundem Maguinum cap. 34. pretium erit operæ, qui hanc *Traкторiam* edidit *Vindiciarum* parte alterâ^z. De *traкторiæ* epistolæ vocabulo vide sis post Franciscum Ferrarium, Philippum Priorium *De literis canonicis* dissertatione, cum appendice *De traкторiis & synodicis*, ubi de hac Prudentii loquitur^a.

274. Omnia dogmata hæc confirmasse Nicolaum Papam, in annalibus Bertinianis legimus, auctoris licet Hincmaro addictissimi, nec minus Nicolao & Prudentio infensi, ad annum DCCCLIX. Necnon & ipse confir-

mat Prudentius in annalibus. Nam, ad alia opera non dogmatica ut jam transeamus, scripsit etiam noster

275. IV. *Annales, seu annale Regum Franciæ*, teste Hincmaro in epistola 24. ad Egilonem Senonensem Episcopum. *Qui etiam dominus Prudentius* (ait) *in annali gestorum nostrorum Regum, quæ composuit ad confirmandâ suam sententiam, gestis anni Dominicæ Incarnationis DCCCLIX. indidit dicens: Nicolaus Papa Pontifex Romanus De gratia Dei & libero arbitrio, De veritate geminæ prædestinationis, & De sanguine Christi, ut pro credentibus omnibus fusus sit, feliciter confirmat, & catholicè decernit. Quod per alium* (Hincmarus infit) *non audivimus, nec alibi legimus. Et mox: Ipsum autem annale, quod dico, Rex habet, & ipse est liber, quem coram vobis in Ecclesia ubi vos nobis commendavit, coram vobis ab illo mihi præstitum ei reddidi. Periit opus tamen, aut latet adhuc.*

276. V. *Præcepta* quoque ex veteri & novo Testamento in usum & utilitatem publicam excerpta servari ms. in bibliotheca Petaviana, testis est laudatus toties Maguinus *Vindiciarum* priore parte cap. 44. b

277. VI. *Pœmata* quædam, & alios versus, quos ex ms. codice Evangeliorum Tricassinæ ejus Ecclesiæ publicavit Nicolaus Camusatius in catalogo Episcoporum Tricassinorum sive Trecentium^c, dum de nostro ageret. Quoddam horum carminum, ut in codice prædicto Evangeliorum legeretur ab eo scriptum, Gaspar Barthius illustrat lib. *Adversar.* 18. cap. 11. hortatus Camusatium, & exoptans, ut quæ alia hujus nostri cum blattis hætenus rixantia haberet, publico non diutius invideret bono. Ab eodem habemus quoque

278. VII. *Vitam beatæ Mauræ virginis Trecentis* (cujus Maurolycus, Felicius, & Ferrarius in Martyrologiis meminere die XXI. Septembris) prosa oratione; quam idem Barthius vidit, emendationibusque atque explanationibus nonnullis enornavit lib. 44. *Adversar.* cap. 19. Ob hanc, non propter annales, de quibus non audierat Vossius, historicis annumeravit Prudentium lib. 3. par. 4. *De bist. Latin.* cap. 4.

279. Servantur mss. in bibliotheca Regis Galliarum^d Prudentii cujusdam *Collectanea ex cl. Psalmis*, quod non est alienum à nostri Prudentii more argumentum.

Obiit diem suum Prudentius, uti ex Bertinianis annalibus discimus, anno hujus sæculi sexagesimo primo.

x Parte 2.
Vindiciarum
pag. 6. & parte
1. pag. 107.
y *Veterum*
auctorum &c.
tomo 1. pag. 7.

z Pag. 176.

a Pag. 168.
edit. Paris.
MDCLXXV.

b Pag. 341.

c Fol. 161.

d Labbeus
in *Biblioth. mss.*
pag. 308.

CAPUT XII.

De RAS, seu RASE Cordubensi. Ejus historia, & Hispaniæ descriptio. Duplex hujus translatio. MACHOMETUS, seu MAFAMEDUS, ÆGIDIUS PETRI, & ANONYMUS quidam, incertæ ætatis scriptores. ABOBACAR, MAHOMAD, & ALTUS BUCAR historiæ apud Hispaniam scriptores Arabici. Ætas Rasæ non planè certa. Diversus hic à Rbase Persa, sed Hispaniæ incola, & Almanzor libri autore medico.

280. **N**ONO sæculo micare fama è literarum studiis, vel inter Sarracenos, qui jam Hispaniæ cives & propago facti fuerant, cepit. Primus enim eorum, quibus ex hac secta contigit (contigit autem pluribus) nomen suum albo scriptorum, quorum habemus opera, consignandum offerre, RASIS fuit, seu RASES, Cordubensis, Dalharabi, Marrochii, seu Africæ Miramolini (quomodo vocari cœpere ii, qui ex Arabia venientes Africanum constituere imperium) sive proprio verbo Amirolmumenini, quod Imperator credentium interpretatur, historicus, ut vulgò fertur. Hunc eo præcipuo argumento ad hocce tempus referri debere existimamus, quòd, Ambrosii Moralis testimonio in fine cap. 68. lib. 12. ex ejus historia, de qua postea dicemus, constet vixisse Rasim Cordubæ sub Abderraghmane, qui circa ann. DCCCXXI. susceptis regni habenis ad DCCCLII. vixit, & Mahomad ejus filii, qui exinde regnans ad annum usque imperii XXXV. superstes fuit.

281. An autem id Morales ex eo collegerit, quòd non ultra hos Cordubæ Reges historiam suam prosequutus sit noster Rases, his examinandum relinquimus, qui librum viderunt. Certè is nusquam eorum, quæ post hæc tempora contigere, auctor laudatur. Saltemque nobis sufficit non aliunde constare liquidò ulteriorem ejus ætatem. In quo cum eodem Morali convenit Roderico Dósmo Delgado Pacensi canonico, Philippique Regis II. chronographo, viro linguarum orientalium peritissimo. Quòcum stare nequit eorum existimatio, qui ad proximum huic decimum Christi sæculum Rasim, atque ejus obitum etiam ad undecimum, rejiciunt. Cujus rei examini præferenda est notitia ejus operis, quo famam suam posteris commendabilem reddidit.

282. Historia hæc est, seu *Annales Regum Sarracenorum, qui in Hispania rerum potiti sunt.* (commentarios *De rebus Hispaniæ* Joannes Mariana vocat lib. 8. cap. 8.) Quam præcedit, sequiturve Hispaniæ ipsius descriptio, auro contrà non cara, si fontes Arabicos, quâ linguâ scriptum opus fuit, adire possemus. Judicio enim eorum qui translationes videntur, pleraque optima, & alibi non reperienda, nobis hoc opus conservavit, præsertim (Morales ut ait) de tempore & eventibus Sarracenorum, in Hispaniam ingressus, totiusque ferè Gotthorum regni devastationis. *Bibliotheca vetus Hispana* Tom. I.

Distinctè magis Andreas Refendius, qui libro usus fuit, eumque bene notum habuit. Is igitur Rases (ait ad Bartholomæum Quevedum canonicum Toletanum scribens) *De montibus, fluminibus, & urbibus Hispaniæ, de principibus Hispanorum Regibus ante Romanos, de Romanis ac Gotthis nonnulla commodè, permulta ineptè, quo pacto ethnici scriptores atque poëtæ de rebus sacris divine Scripturæ quasi per somnium loquuti sunt, omnia fabulis involvemes. Ut tamen ad Sarracenorum Regum compertiora sibi tempora devenit, non contemnendus scriptor judicandus est.* Hæc scitè Refendius.

283. Perit tamen, si non in aliquo angulo adhuc obscurus lateret, historiæ textus Arabicus¹, incompertus etiam iis, qui Arabicè intelligentes ubique seduloque conquiverent. Ejus autem duæ exstant interpretationes, altera Lusitana, & altera Castellana. Prioris meminit Refendius nuper laudatus. *Versus est* (inquit^m) *in linguam Lusitanam ex Arabica per magistrum Machometum Sarracenum nobilem architectum.* Ut constat ex ipso quo usus fuit codice: ubi & interpretes adjungit: *Et scribebat mecum Ægidius Petri clericus domini Petri Joannidæ Portellensis, patris domini Joannis Avolini, aliàs Avoini, ejus, qui Marmellarium oppidum equestri militiæ Divi Joannis attribuit, quod ex genealogico Petri Comitis, Dionysii Regis Portugalliæ filii, opere constare, idem ait Refendius in libelli De Eboræ antiquitatibus cap. 11.* Quorum utriusque, ut videtur, operâ, Machometi Arabica exponentis, & Ægidii Lusitani explicantis, hæc versio prodit; quam & vidit Thomas Tamajus. At Castellanam, cum ipse, tum Morales ante eum, habuere. Laudat hic exemplum suum alicubiⁿ, an. MCCCXII. scriptum è Lusitano, ut suspicatur, conversi operis.

284. E quorum testimoniis æquum est ut scriptoribus nostris non tantum accenseamus tres hos interpretationis utriusque, MACHOMETUM scilicet, sive ut alibi (quod in idem recidit) appellat Refendius^o, magistrum MAFAMEDUM, atque ÆGIDIUM PETRI, seu PI-REZ, Lusitanæ, & ANONYMUM Castellanae, auctores; quorum ætas longè inferior hoc sæculo est, incerta tamen.

285. Sed & alios tres historiæ Arabico-Hispanæ scriptores, è quorum libris se profecisse Rases ipse non tacet. Hi sunt ABOBACAR filius Naranca, magister MAHOMAD, & ALTUS BUCAR, quod Ambrosius Morales itidem nos de historia ista docet^p, hunc postremum magni haberi apud Mauros adjungens. Quamvis verear, ne magister iste Mahomad, & ille interpretes similiter appellatus, unus atque idem homo sit; & Castellanus auctor anonymus Lusitanæ interpretationis partiarium auctorem citaverit.

286. At ex inscriptione ipsa libri manus exarati, qui apud Refendium fuit, obscurum ac dubium redditur id quod suprâ de ætate Rasæ diximus; immo abire hinc jubemur ad sequens sæculum. Ita enim habet ex Lusitano Latine conversa: *Incipit liber Rasæ, historici Dalbarab Murochiorum Miramolini, Cordubæ.*

^x Exstat epist. inter alia ejusdem Refendii opera Coloniz editæ mdc. sumptibus Mylii pag. 151. tomi 2. testimonium verò, quo utimur, pag. 164. & in Hispallust. tomo 2. pag. 106.

^l Ut notat Ludov. de la Cueva in los dialogos de las cosas notables de Granada. Thomas Tamajus ad Luisprand. pag. 140. ^m Ubi supra.

ⁿ In prologo ad hist. tomo 2. fol. 11. & lib. 12. cap. 68.

^o De auzia quit. Eboræ cap. 11.

^p Dis. lib. 12. cap. 68.

^e Mariana lib. 6. cap. 11.

^f Morales lib. 14. cap. 16.

^g Rodericus Tolet. in Hist. arabum cap. 19.

^h In lib. inscripto: *Discursos patrios de la ciudad de Badajoz.*

ⁱ In Prologo tomi 2. Hist. tit. De los libros antiguos &c. fol. 11.

q. Lib. 12.
cap. 68.

r. Hist. Afri-
cæ lib. . . cap.

s. Lib. 8. cap.

t. Epist. ad
Quevedum
pag. 174. edi-
tionis ejus ope-
rum.

dubæque Regis, quem ipsius jussu composuit. Quomodo & in codice Moralis legebatur ^q. Hunc autem regnasse sequenti sæculo, scriptumque circa annum CMLXXVI. hunc librum fuisse jussu ejusdem Dalharabi, ut rerum in Hispania à Mauris gestarum notitiâ imbueretur, Ludovicus Marmolius ^r, Africanarum historiarum bene gnarus, & cum eo Joannes Mariana ^s, scriptum reliquere. Immo Resendius ipse disertè docet ^t, regnare cœpisse hunc Maurusiorum Miramolinum, ut vocat, Dalharab an. Arabum CCCLXVI. qui respondet anno Christiano CMXC. Vocatur forsan Africanus Rex Maurorum, Cordubæ etiam Rex, in titulo libri, more consueto ejus temporis, ne videretur juri suo in Hispanias cedere, quantumvis jam à primis factæ expeditionis temporibus ii, qui olim duces auspiciis, vel Califæ Babylonis, vel Africæ Regis, provinciam sibi subjecerant, jugo excusso veteri plenam ejus dominationem usurpavissent. In his vadis hærare necesse est nobis, dum alius hanc solvat contradictionem. Neutiquam enim potuit homo idem Abderaghmanis & Mahomadi Cordubensium, & Dalharabi Marrochiorum Regum, qui plusquam centum annis disparati vivere, tempora contingere.

287. Planè Rases noster Cordubensis, historicus alius est à Rasi, sive proprio nomine Abubecar Muhamed, filio Zachariæ, qui vulgò quoque Rhafis, seu Razis, à *Rei*, vel *Rai*, vel *Raja*, Persiæ urbe, in qua natus fuit, vocari solet ^u. Cujus vitam alias inter Arabicorum scriptorum descripsit Leo Africanus, quem publicavit Hottingerus ^x. Hic tamen & ad nos pertinet: magnam enim vitæ partem egisse dicitur Cordubæ; non verò in ea natus est, uti credidit Petrus de Medina libro *De las grandezas de España*, falsus nomine, quod noverat historici Cordubensis esse. Cum enim, ut Leo refert, à patria cum patre in Bagdad civitatem venisset studii causâ, ibi remansit, & in medicina & philosophia singularissimus (verba Leonis ex Arabico Latina audis) effectus est. Post hoc profectus est ad Chaurum, ubi per aliquot annos egrotavit. Cujus famam cum intellexisset Elmanfor, secretarius major Pontificis Cordubæ, qui in omni facultate & scientia doctissimus erat, vocari jussit hunc Rasim, promittens ei mercedem magnam.

288. Antequam ultrâ progrediamur, notâ dignum est quod idem Leo alibi ^y *Vice-cancellarii, Consiliarii que majoris* in civitate Bagdad, seu Califæ Arabum principis, meminit: quod munus diversumne ab isto sit secretarii majoris, juxta cum ignarissimis novimus. Planè Hottingerus in notulis unicuique paginæ subjectis, Vice-cancellarii, & Consiliarii majoris hocce munus *primum Visirem* interpretatur. Valdè tamen suspicor pro Pontificis Cordubæ, legendum, principis Cordubæ. Nec enim tantæ auctoritatis esse potuit secretarius ejus, qui Maurorum Cordubensium sacris præesset, cujus nutum longè positus, atque ejus famæ medicus, relicta patriâ sequeretur. Cum autem Rasim recepisset litteras (Leo subjicit)

profectus est, & navim in Alexandria ingressus, ad Cordubam tandem pervenit. Elmanfor verò letatus est, dictumque Rasim magno affecit bonore, ei que habitationem, possessionem, ac servitores, & famulos tradidit. Eo tempore Rasim famosum librum composuit, quem Elmanfor nominavit, & usque nunc vocatur, Elmanforis liber. Dixit Ibnu-Hajan Lusitanie chronista, quod Rasim in suis causis nimis fortunatus existerat: adeoque permultas acquisivit facultates. Hinc refert quandam ejus factam in homine, qui cecidisse mortuus videbatur, curationem, caputque his verbis absolvit: *Et mortuus est Rasim anno CDI. in civitate Cordubæ, ætatis sue circa nonagesimum.*

289. Meminit hujus Rasim Gregorius Abulfarajus in *historia Dynastiarum* ^z, quam ex Arabico Latinam fecit Eduardus Pocockius ^a, *singulare sui temporis decus*, & sui sæculi Phœnicem appellans, inque omnibus disciplinis veterum versatissimum, præcipuè medicinâ. Principem Arabum alii vocant ^b. At obiisse ait anno Arabum CCCXX. qui respondet circumcirca anno Nativitatis Domini Scimus autem, inter hæc duo tempora annorum CCCXX. & CDL. eræ Arabum, Cordubæ rebus præfuisse, vicario quidem Issem Regis nomine, sed plena auctoritate, Mahomadum, Abenhamiri filium Alhagib, hoc est *Pro-regem* prius, postea autem *Almansor*, hoc est *Defensorem*, propter decertata multa feliciter prælia, nuncupatum.

290. Vicarius hic factus fuit anno CCCLXVII. & post præfecturam annorum xxvi. obiit anno CCCXCIII. uti docet Rodericus Toletanus in *Historiæ Arabum* cap. 32. Principatus hic cum regno Veremundi II. qui Legionis regnum ab anno CMLXXXV. usque ad CMXCIX. tenuit, magna ex parte concurrit. Et quid vetat hunc esse Almanforem, cujus auspiciis excellens iste medicus Rasim Cordubæ commoratus dicitur, librumque præstantissimum exarasse, inscriptum ejusdem *Almansoris* nomine? Convenit enim quod non ipse Rex, sed Regis vicarius fuit; quod quidem munus Joannes Leo forsan *secretarii majoris* nomine intellexit. Convenit etiam, quod Almanfor hic, à quo liber inscribitur, Rex appellari solet ab iis, qui de opere tractant; cum revera imperium ipse administrârit, reclusi Regis Issem illibata majestate munitus. Res mira! Vix est ut de Rasim ætate, rebus gestis, ac mortis anno, duo veterum aut recentiorum testimonia conveniant. Zacutus in præfatione *De principum medicorum historia* refert Ottonem Heurnium per epistolam eum admonuisse, Rasim cxx. annos vixisse, curasse autem centum. Quod ipsum de longæva ejus ætate admittit Joann. Antonius Vanderlinden *De scriptis medicis* ^c. Sed Pœnum vocat eum; nisi pro Persa error subreperit: & floruisse ait circa annum MLXX. Potuit quidem huc pertingere, si tam longævus decessit. Renatus Moreau ^d, sub Almanfore Rege vixisse ait circa annum CMLXVI. Theodorus Spizelius in *Specimine bibliothecæ universalis*,

z Pag. 194.

a Oxoniæ edita MDCLXIII.

b Amatus Lusitanus centur. 2. Cap. 6. *Elogia Avenais Arnaldi à Villa-nova & aliorum.* Vide apud Zacutum Lusitan. in præfat. *De principum medicorum historia.* Monardes medicus Hispal. lib. vulgaris lingue de la *pieña Beza.*

u De quo nomine Goli in Notis ad Alfragani elementa astronomica pag. 213.

x In Bibliothecario pag. 253.

y In vita Gazzalis pag. 262.

c In Abate-ter Rhæner.

d Ab eodem Vanderlinden citatus.

e Editio in
Bibliothecarum
arcanis re-
posita.

salis e, refert eum à Manzore in Bagdad
ablegatum, eo quòd in experimentis Chy-
micæ artis fidem huic promissam decoxisset.

291. Guido de Cauliaco in *proemio ad
Chirurgiam*, an *Rasis*, & *Albucaſis*, & *Azo-
ran* (credo *Abenzobar*) unus sit & idem ho-
mo, dubitare se ait. Planè insignis philoso-
phi & medici opus hoc *Almanzor* inscriptum,
decem tractatibus seu libris constans, unà
cum ejus aliis *Basileę* prodiit ex officina Hen-
rico-petrina anno MDXLIV. Hocce tran-
tulit, ut credimus, ex Arabico in Latinum
Gerardus Carmonensis Hispanus; quem er-
rore ferè vulgari Cremonensem vocant, de
quo suo loco.

292. Celeberrima quoque sunt opera
ejusdem *Rasis*, *Cominens*, hoc est Arabicè
Helbavi, sive *Elbavi*, aut *Achavi*, quod *to-
tum continens* sonat: quod quidem *Medicorum
fundamentum* Iben-Calican historicus Arabs
vocat f, correctum (an & translatum?) ab
Hieronymo Suriano Faventino, Brixie & Ve-
netiis editum an. MCDLXXXVI. & MDIX.
duobus voluminibus.

293. De *pestilentia*, ex Syrorum lingua
in Græcam translatum, & à Georgio Valla
in Latinam.

294. *Aphorismi* sex libris, & alia apud
Lindanum & Spizelium videnda.

295. Poterit & consuli in bibliotheca Lei-
denſi catalogus librorum, quos composuit
Ibn-Zacharia Rajeus, qui vulgò *Rasis* dici-
tur; item Gadamer Taurisius *De Rasis do-
ctrina & scriptis*, inter libros quos ex orien-
te advexit Golius quærendi.

296. Adjungimus opus contra Galenum,
quod laudat Raimundus Martini in *Pugione
fidei* I. parte cap. 14. Nos enim ex occasione
moræ, ac fortasse obitûs Cordubensis, Ra-
sem hunc medicum quoquomodo descripsi-
mus; atque item ut ab historia distinguere-
mus. Diverſus ab his duobus est *Rasis*, *Aben-
zohar* filius, Hispalensis medicus, decimi ter-
tii sæculi scriptor, de quo loco suo erit
sermo.

CAPUT XIII.

BENTO *Episcopus Cæsar-augustanus*, *commenti-
tius Pseudo-Juliani auctor Viæ S. Magni
Famenſis abbatis*. Hujus fabulosa in Hispa-
nia pseudo-historicorum mentio. BONITUS To-
letanus *Episcopus nullius operis auctor*. NI-
CANDER *Toletanus*, *Ambrosius est Nicander
sæculi superioris scriptor*; *cujus carmen de
Lauretana sacra domo dum Ancone ageret
scriptum, producitur*. GOTVILLA *Hibernus*,
noſter autem civis nullus homo. Francisci Car-
dinalis Barberini *bibliotheca*, quam *Roma
habet*, amplissima laudatur. HELECANIS, seu
HELECÆ *Cæsar-augustani Episcopi fragmenta
commentitia*. WISTREMIRO, & GUMESINDO,
Toletanis Episcopis, & THEODEMIRO *mona-
cho adscripta falsò opera*. *Historie Gregorii
Turonenſis libri undecimi quiscum auctor*. De
CLAUDIO BELLATORE & LEANDRO AGA-
LIENSI *Pseudo-Juliani inventiones*. *Ejusdem
S. Boniti Toletani distincti à Bonito Arver-
Bibliotheca vetus Hispana Tomo I.*

*nenſi fabula impudens, miserque cum Galeſi-
no lapsus*. Haubertini scriptores, COSTUS, seu
COSTINUS poëta, ROMANUS monachus, &
MARINUS. Hieronymi Romani de la Higuera
quoddam laudatur opus levissimum, unde
optimè colligi potest, eum *Toletanorum pseudo-
historicorum*, nec alium, architectum fuisse.
De Romanis Toletanis, & Marinis Gal-
licis absurde hujusmet Higuere cogitationes. De
duobus SEBASTIANIS, *Salmanticensibus Episco-
pis*, falsò huic sæculo adscriptis.

297. HABET, non minus aliis, hoc se-
culum, quos è scriptorum Hispa-
norum albo, quò temerè admissi sunt, deleri,
nostra interest; ne vel falsis præstare fidem,
vel alienis ditari velle videamur. Ex ficulno-
Toletanis mercibus huc pertinent

298. BENTO (credimus scriptum fuisse
LANTO, propter ea quæ infra notabuntur)
Cæsar-augustanus Episcopus Julianus in Chro-
nico ad ann. DCCCLXX. & Bento Episcopus
Cæsar-augustanus, vel Augustanus, auctoritate
Adriani Papæ refert in numerum Sanctorum
S. Magnum in oppido Lusitanie, ad Fauces.
Scriptis autem hic vir Dei eleganti stylo contra
Iconoclastas hereticos. Vix intelligas mentem
impostoris, Magnúsne, an Bento scripsisse
adversus imaginum hostes dicatur. Nos am-
bigentibus opitulabimur, super utrumque ex-
clamantes: periit frons de rebus! apud sim-
plices quosdam vera discere, ac impudentissi-
mis mendaciis oppleri aures tantundem est.
S. Magnus S. Galli discipulus, aliàs Magnoal-
dus, Faucensis in Alemannia ad pedes Alpium
Juliarum conditi à se monasterii, quod vel
nunc exstat, abbas; quem sæculo septimo
vivis exemptum Lanto Augustanus Episco-
pus, Simperti successor, consilio inito cum
Otkario Magontiacensi Archiepiscopo me-
tropolitano suo, & ceteris suffraganeis, ex
inferiori in sublimiorem & honorificentio-
rem locum transtulit, & in cujus honorem
Nitkarius Lantonis successor Ecclesiam B.
Magni à fundamentis erexit.

299. Is, inquam, notissimus Germanie,
& Faucium Alpinarum abbas, à Lantone
Augustæ in Suëvia clarissimæ urbis Episcopo,
honore, quem diximus, ob sanctitatis famam
religiosè tractus; de quo monumentis quam-
plurimis ab antiquitate venientibus admone-
mur, vestigiaque etiam nunc his locis servata
irrefragabilia testimonia sunt, ad Lusitanos,
& in iis confictum, quod nunquam fuit, Fau-
cium locum, transfertur. De Lantone Augu-
stano antistite fit Lanto Cæsar-augustanus;
scriptorque, sive is Lanto, sive Magnus, qui
nunquam fuit, contra Iconoclastas fingitur.
Hujus Magni vitam à Theodoro quodam
monacho ejus discipulo scriptam, cui adjun-
xisse quædam dicitur Ermericus Elewangenſis
monachus, edidit Canisius^b, Suriusⁱ, Gol-
dastus^k. Quam tamen non in omnibus pro-
bat, Sanctorum Benedictinorum res gestas
cum judicio exornans Mabillonius^l. Memi-
nit & in Vita S. Galli Walafridus Strabo^m,
Joannes Trithemiusⁿ, & ex Martyrologiis
vi. Septembris Notkerus, Molanus in addi-

g Num. 447

h Tomo 5.
Antiq. lect. Rom.
i vi. Sept.
k Aleman-
nicarum rerum
tomo 1.
l In Affis
SS. Benedictin.
sæculo 11. pag.
505.
m Loca co.
legit Mabillon-
ius pag. 508.
n Lib. 3. De
viris illust. S.
Bened. cap. 107.

Aaa 2 tio-

tionibus ad Ufuardum, Maurolycus, Galefinusque, & Ferrarius. Omnes ferè ii *Faucium* cœnobii & loci recordantur; qui *Fuesen* hodie audit, olim *Fuazin*, hoc est *pedes*, quod ad pedes Alpium Juliarum sit, notante Haiminsfeldio ° hujus tractus, atque item Ferrario, totius geographiæ viris peritissimis.

300. Lanthonis, aliàs Lanchonis, aut Danthonis, Augustani præsulis xvi. Gaspar Bruschius meminit *De Episcopatibus Germaniæ*, atque ex eo Molanus ubi proximè. Minimè gentium, Pseudo-Julianus ait p: falsa hæc omnia: in oppido Lusitaniæ ad *Fauces* apothéis hæc facta fuit à Lantone Cæsar-augustano, aliàs Augustano Episcopo. Augustam-Emeritam significari ait Higuera in Notis ad Luitprandum q. Nam & Luitprandum fabulæ hujus vadem habemus, ridiculo isto, & novitatem suam prodente, si recta videmus, testimonio.

301. *Ad Fauces Hispaniæ in Lusitania, vulgò Garganta-la-olla, Magnus, cognomento Joannes, abbas floret*. Thomas Tamajus inverso ordine nomen expressit in editione Matritensi: *Joannes abbas, cognomento Magnus*. In cujus loci Nota vir optimus & eruditus statim vidit vocabuli novitatem, quare eradendum *no Garganta-la-olla*, monuit; sed non animadvertens, quemnam intellexerit Magnum Luitprandi artifex, eò quod Juliani alterum de eo testimonium fortè non viderat. Joannem hunc Magnum Joannem existimavit *Biclarensem* dictum, de quo nos suprâ.

302. Novitatem quoque illud sapit in Juliani adductis verbis, quod auctoritate Adriani Papæ relatum à Lantone in numerum Sanctorum Magnum ait abbatem. Nullam quippe intercessisse Romani Pontificis auctoritatem, sed solum metropolitani Moguntinensis, & suffraganeorum ejus diœcesis Episcoporum, auctor Vitæ prodit. Non quidem Theodorus ille, cujus non in omnibus fidem constare Mabillonius nos docuit, sed Ermenricus Elewangelensis monachus, qui supplementum ad Theodorum, Lantonis ipsius Augustani Episcopi jussu, sese confecisse ait in editione Goldasti; quod supplementum frustra in Canisii & Surii quæras. Vero magis id videtur simile, quàm ut, non ex more illius evi, Pontificis Romani oraculum confuleretur. Præstabant id enim Episcopi in sua quisque diœcesi; quod jam ante aliquot sæcula fuit optimo consilio ad judicium Episcopi Episcoporum evocatum. Gaspar Bruschius adjunxit primus id, quod de Pontificis auctoritate hac in re interveniente, ab eodem Galefinus desumpsit, & ab hoc ultimo Pseudo-Julianus, Adrianum Papam disertè nominans, qui eo anno DCCCLXX. quo canonizatum (sic loquitur) S. Magnum ait Bruschius, universali Ecclesiæ præerat. Deliramenta helleboro curandi capitis de Bentone Cæsar-augustano Episcopo, & Magno in Fancibus Hispanis abbate, cum tædio, quia munus urgebat nos, tractata lubenter jam absolvimus.

303. Monuimus in superioribus hujus

sæculi opus *Indiculi luminosi* nuncupatione ab auctore donatum, Alvari esse, aut saltem videri, Cordubensis. Cujus judicii nostri rationem octavo capite hujus libri ostendimus. Quare Bonitum Archiepiscopum Toletanum hujus fuisse operis auctorem, & Luitprandum, qui sequaces suos id credere voluit, verum Luitprandum esse, uno atque eodem negandi verbo excipi debere asseveramus. Planus hic ait r: *Toletum fertur Indiculus luminosus, quem S. Bonitus scripsit Cordubæ*. Similiter Julianus in prologo sui Chronici; qui tamen intus Chronicon ipsum s Wistremiro etiam Toletano id attribuit, mendax is, atque eorum quæ finxerat, quod minimè oportuit, immemor. Rem jam expeditivimus in Alvaro.

304. At alterius cujusdam operis auctor sit Bonitus, si verum est quod alicubi legimus t, in bibliotheca Toletanæ Ecclesiæ servari *Apologeticum* Boniti in *Samsonis abbatis Cordubensis* adversus Hortigesium Malacitanum Episcopum *defensionem*. Sed non hic solus error est ejus viri, qui primatiale perpetuam Toletanæ almæ Ecclesiæ dignitatem propugnare fuit conatus; cum *Apologeticum* hocce nonnisi ejusdem Samsonis esse illud ipsum exemplum, quod ejus pars bibliothecæ est, confirmet. Non est hic locus refellendæ, immo exhibilandæ ficulnæ u de Bonito eodem Toletano & Arvernensi Episcopo (cui Arvernensis, seu Claromonte in Galliis cum esset, cappa de cœlo donata fuit) absontæ ab omni veri specie inventionis. Huic namque rei alias præparamus lucubrationes.

305. NICANDRUM quoque Toletanum quendam impingunt nobis, ad initium sæculi hujus, iidem isti duo mendaciorum & fabularum diribitores largi & liberales Luitprandus & Julianus. Ille ait x: *Hoc tempore Nicander poeta Hispanus Toleti floret*. Posterior autem sic y: *Nicander poeta Toletanus in Hispania in pretio habetur*. Admonebimus tamen in altera Bibliothecæ hujus parte z, Nicandrum hunc nono sæculo imputatum ab eo, qui se sub veterum nominum velo late-re posse credidit, non alium esse, quàm Ambrosium quendam Toletanum, qui de *Victorie* forsan cognomine Hispano *Nicandrum* se appellare amans, Florentiæ atque Anconæ in Italia; nostrorum avorum tempore, humaniorum literarum ac poëticiæ artis studio claruit. Facinus eo, quo debuit, irrisu modo nos ibi excepimus; ut exinde lectorem nostrum hac super re doceri satius sit.

306. Adjungemus tamen hoc loco Ambrosii hujus Nicandri quoddam carmen *De sacra ede Lauretana*, lectum nobis in mss. schedis quæ Alphonfi Ciaconii Dominicani *Pontificalis historiæ* scriptoris, olim fuere, servanturque hodie in archivo cœnobii S. Isidori Fratrum Minorum Hibernorum in hac Romana urbe, quod mihi Franciscus Haroldus amicus noster, ejus custos, bibliothecarius, & ordinis sui chronographus, benignè reseravit. Cum autem præstet remanere hoc typis editum, tineaque ac blattis subduci, ut ostensum redarguat ipso argumento suo paucorum sæcu-

o in Notis ad Ekkehardi casus cap. 1. *Rev. Aleman.* tomo 1. pag. 107.

p Num. 447.

q Ad ann. DCXXI.

r Ad ann. DCCCLXXI.

s Ad ann. DCCCLXXII.

t Primatus de Toledo 3. par. cap. 1. § 16. pag. 564.

u Julianus in Chronico num. 440. 441. 442. Luitp. ad ann. DCCCLIX.

x Ad ann. DCCCLXXII.

y Chron. num. 421.

z In Ambrosio Nicandro.

seculorum ætatis, quid de Nicandri auctoris ætate sentire debeamus, non abuti nos patientiâ lectoris huc inferentes arbitramur. En illud lectu sanè dignum ob elegantiam & argumenti pietatem.

307. *Hecastichon ædis Laurentinæ.*

*Littore quâ Adriaco surgit super æthera moles,
Est ubi perpetuo celebratum in sæcula cultu
Templum augustum, ingens, opulentum, & numi-
ne matris
Ætherie exposcit divini carmen Homeri.
Sed nos interea hæc gracili modulamur arena.
Pervigiles lychnos, foribusque adfixa trophæa
Hospes qui cernis, venerare, ac pronus adora;
Et crede hic habitare Deam, qui numine terras
Qui cælum, & stygii... abdita regna profundi.
Namque ferunt prisca (fama est certissima) patres
Longa Palesinæ quâ se confinia terrene
Ad Solymas vertunt, tenui muro undiq; cinctum
Oppidum, & angustis rara esse mapalia tellis.
Hic quondam humanam celato numine formam
Adsumpsisse Deû, & superùm commercia prima
Facta homini; non antè datum nam dicitur unquâ
Æthereas homini mortali ascendere sedes.
Inde etiam eligitur regali ex stirpe parentum
Virgo decora nimis, &.... pulcherrima vultu,
Cui Pater omnipotens natum demittat alendum:
Ad quam stellato præmisit vertice cæli
Unum ex aligeris, quibus est mandata tonamis
Cura sequi, interpres tanti qui fœderis esset.
Ille volat per inane secans vaga nubila pennis,
Virginis angustam donec descendit in aulam:
Quæ postquam ætherei, turbato pectore, Parris
Nuncium, & æternæ accepit communis vitæ,
Flagrantes accensa genas, suffusa decore,
Est inventa Dei mater, cui gaudia menses
Lætæ novem tulerunt; debinc partuque salubri
Edidit indutum mortali tegmine natum,
Qui regit immensi qui molem continet orbis.
Hic tamen obscuro textit velamine nostro
Numina sacra Dei, dum se puerilibus annis
Immensus cobibet, tenerisque sub artubus, illam
Inclusit mentem, potum quæ complet Olympum.
Ille etiam castæ dum pendet ab ubere matris,
Se monstrat verum esse Deum: nam littore ab Indo
Quâ felix sua vertit Arabs sola pinguis glebæ,
Tres virtute viros claros, qui gentis Eoæ
Imperium tenuere, trahit duce fidere ad ipsas
Infantis cunas, quem flexo poplite adorant.
Multaque præterea divina oracula vatium
Edita complentur, quæ quondam numine pleni
De puero cecinere. Latet tamen ille, peregit
Donec iuncta tribus tria lustra. Hinc protinus omni
Esse Deum varia ostendunt miracula mundo.
Nec minùs interea matri parebat, & ultrò
Obsequium nati præstabat, cujus in ævum
Esse dedit cunctis nomen venerabile terris.
Ejus ab auxilio tellus & sidera pendent;
Aligerum & varæ species super atria cæli.
Tramite à mortali completo banc substulit, atque
Corpore in astra tulit, ne tanti claustra pudoris,
Néve Dei domus ulli sint obnoxia tabi,
Virginem ab adueta terreni labe sepulchri
Intactam esse, cinis sacrum ne corpus haberet;
Sed nullo ut vivens fuit unquam crimine lesam,
Sic in morte foret melioris origine vitæ.*

*Inde aliud majus miseris mortalibus addit
Mirandumque magis, sese vertentibus annis:
Limina nam sacra, & subducto cardine portas,
Angustamque domum, matris mysteria tanta,
Cumque sua mole (auditu mirabile!) totam
Abstulit, inque alias super aëra transtulit oras.
Fæda ibi religio tota regione suborta
Tenebat sacre celebrandam Virginis aulam,
Inque alios usus vertebat: turpiter esset
Ut vanis domus ampla Deis, quos impia quondâ
Gens coluit, ritu celebrans simulacra nefando.
Non tulit hoc Deus ipse malû, sed dedecus arcês,
Ad populos tulit ille suos, radicibus imis
Parietibusque suis convulsam protinus eadem.
Prætereo, quibus ipsa locis confederit, alto
In Ricini donec Laureto constitit. Hæc est,
(Ne dubita) domus hæc, ubi tot miracula quondâ
Fulsere, atque Dei fuit olim filius infans.
Ergo alacer lætusque hoc sanctum limen adora
Cernuus, & templi jam postibus oscula fige,
Dum licet hanc spectare oculis, quæ vera videtur
Virginis effigies, sacro de stipite factam.
Quò magis id credas, neque me figmenta referre
Fortè putes, sincera fides si pectori inhaesit,
Verte oculos quocumque; liber: nam adfixa videbis
Nunquam audita prius miracula. Syrtibus ille
Naufragus evasit fluctibus, huic ensis adactus
Penè animum abstulerat, crucis effugit ille periclitû,
Fune ter abrupto excutit hic cervice securim,
Solvitur hic magno religatus pondere ferri;
Ast alius flammis ereptus, at ille per altum
Aëra præcipitans illaso corpore terram
Attingit; hic est febris fit liber, at illum
Eripuit miserum rabidarum à dente ferarum.
Sed neq; quàm multæ species, quæ nomina cunctis
Est numerus, nemo hæc numero comprehendere posset;
Quem qui scire cupit, fulgent quot nocte serena
Astra polo, quot vere rosæ, quot dicere tentet
Autumno poma, & quot spicis borreat æstas.*

308. GOTVILLA Hibernus huc pertinet, exterus quantumvis homo, Hispanus tamen incolatu, ac nostratis historiæ scribendæ merito, si verè is usquam inter mortales vixerit. Non enim nemo è nostris^b ait Gotville, qui anno DCCCL. florebat, Hiberni, apud nos degentis, opera duo extare, alterum, *Historiam Ranimiri I. Legionis seu Overi Regis*; alterum *De religione Gothorum*. Subjunxitque in rei fidem apud amicum nostrum D. Josephum Pellizerium regium historicum, à quo id accepimus, asservari hæc Romæ in bibliotheca Cardinalis Antonii Barberini, unà cum Juliani diaconi Toletani *Antiquitatibus Hispaniæ*, & quidem eo ipso pluteo & loculo, ubi Bibliorum Cantabrica quædam interpretatio custodiretur typis edita. Cum autem commorantibus Romæ nobis nihil antiquius fuisset, quàm certiores de hac re fieri, & tamen existimantibus, uti experientia nos docuit, errore quodam ad Antonii, pro Francisci Cardinalis Barberini, celeberrimam bibliothecam, nos dirigi; sedulò ibi accuratissimorum indicum, memoriæque Caroli Moroni bibliothecarii doctissimi, ad S. Laurentium in Damaso canonici, operâ adjuti, omnibusque excussis angulis, in biblicum quidem opus, hoc est, Novum dumtaxat Testamentum, Cantabricâ seu Vasco-

^b D. Ant. Fern. Alvarez de Miranda Legion. canonicus hæc duo opera citat in libro, *De la antigüedad de la milagrosa imagen de Cãpo sagrado.*

^a Fortè Hecastichon.
Licet enim nonaginta & octo tantum versus hic legantur, vero simile tamen est, duos ex iis vel temporis, vel exscriptorû injuria excidisse. CARDIN. DE AQUILA.

num vernaculâ conversum linguâ incidimus: Gotvillæ autem tam insignis historici, neque volam neque vestigium invenimus.

309. Est ne autem eadem larva hominis GULLITA Toletanus ille, cujus in deditionis urbis Toletanæ Mauris factæ relatione utitur Pseudo-Julianus ^c, quam in tabulario Sanctæ Justæ apud eandem urbem ait servatam? Vix credo. Hunc tamen Gullitam, incertum aliâs ætatis, cui adscribere eum voluit, chimericis atque confictis à Juliano auctoribus nunc contribuimus.

310. HELECANIS Cæsar-augustani Episcopi memoriam, non eo, quo decuit, jure, sed ut eâ abuteretur hominis famâ, renovavit superiore sæculo inventor aut corruptor Maximi, Cæsar-augustani similiter præfulis, Chronici, appensis eidem Braulionis, & hujus Helecanis, Maximi eadem in sede aliquando successorum, quibusdam additionibus; formati quidem reverâ iis ad persuadendum veterum testimoniis antistitum, quicquid fabulæ auctor de antiquis Ecclesiæ rebus, seu de ambiguis existimaret ipse, seu de planè falsis, aut inverosimilibus existimare alios, præcipueque nostræ gentis homines, avidissimè cuperet. Cæterum Heleca sub Alphonso magno Oveti Rege floruit, à sede sua, ut videtur, exsul, quæ Mauris suberat. Ferè enim omnis ejus viri memoria his monumentis cōtinetur, quæ in ditione Christiani resurgentis in angulo Hispaniæ isto regni exstant. Compostellanæ Ecclesiæ consecrationi eum cum aliis interfuisse (anno ^d CM.) Sampirus Asturicensis annotavit, apud quem *Elecca* editum est. Qui & prius, nempe DCCCXCIII. Ecclesiam sacraverat cœnobii, nunc Cisterciensium sodalium, *Vallis-Dei* ^e nuncupati, Asturiarum regionis, unâ cum Rudesindo Dumienfi, Naufo Conimbricensi, Sisenando Irienfi, Ranulpho Asturicensi, Argimiro Lamecensi, & Reccaredo Lucensi, cujus dedicationis eodem in loco durat monumentum lapidi incisum ^f.

311. Pseudo-Braulionis ac Pseudo-Helecanis additiones istas alio & alio modo partitioneque edidere Hispali Rodericus Carus, Cæsar-augustanam principem Joannis Calderonis editionem sequutus, & Matriti Franciscus Bivarius. Prior nempe omnia quæ sex primis segmentis, sive, ut loqui amant noviores, paragraphis subjiciuntur, Helecanis præferre nomen fecit; sex tantum illis in capite additionum Braulioni attributis. Posterior Bivarius saltuatim, nunc Braulionis, nunc Helecanis, prout res majori aut minori ab antiquitate in memoriam reducæ alterutrum fuisse ejus partis auctorem suadere videbantur, discessione à prioribus duabus editionibus pro arbitrio facta, nominibus consignavit.

312. Jure autem quod de Joannis Cæsar-augustani Episcopi sepultura §. 38. refertur, cum ibi eum fratrem suum scriptor appellet, non alio quàm Braulionis notari debuit nomine, qui verè Joannis germanus frater fuit. At omnia ista utriusque Episcopi sub titulis vernalia, è mercimonio sunt Pseudo-Toleta-

no, vereque, ut poëta inquit, *canore nuge*; defunctque in exemplo, quod habere nos è bibliotheca Marchionis Estepani, Maximi Chronici, cujus esse finguntur additiones, jam sæpius, cum de Dextri Chronico, ac de altero isto Maximi pro munere ageremus, lectores veri amantes monuimus.

313. WISTREMIRUM Toletanum Episcopum Gumefindi successorem scripsisse *adversus Claudium Taurinensem Iconomachum*, referenti Luitprando & crederemus, si fides ejus pridem non decoxisset.

314. THEODEMIRUM monachum literis monuisse, ut ab ea hæresi desisteret, eundem Claudium Taurinensem, carta res est, ut cap. 5. diximus; sed eum nostratem fuisse, ut cap. 5. diximus; sed eum nostratem fuisse, & apud nos Calagurri antistitem ^h, Julianus & Luitprandus nequaquam iis persuadebunt ⁱ, qui cras illis, hodie nihil credere certi sunt. Planeque deridendum sese in eo dat nobis, quod Theodemirum hunc Claudii hyperaspisten abbatem vocat, simulque Cordubæ martyrio ait coronatum: quod & apud Pseudo-Haubertum legimus ^k. Qui adjungit martyrii diem xx. Julii an. DCCCLI. cum Theodemirus is, qui hac die Cordubam suâ nobilitavit coronâ, monachus tantum & juvenis audiat à clarissimo ejus Sarracenicæ persecutionis historico Eulogio Cordubensi martyre lib. 2. cap. 6.

315. Nugivendus idem auctor de GUMESINDO Toletano antistite hæc habet ^l: *S. Gumefindus Archiepiscopus Toletanus adjecit Chronico S. Gregorii Turonensis, quæ dicuntur appendices*. Nempe Hispanus homo, inter Mauros ferè captivus, Gallicanarum rerum ita fuit gnarus & amans, ut contemptis propriis, Gallum historicum continuaret. Præterea hæc appendix liber est undecimus, qui non ullo notatus auctoris nomine, decem *Historiæ gentis Francorum* Gregorii Turonensis libris olim annexus legebatur. Certum quippe est Gregorium hos tantum scripsisse, ut & ipse in fine ultimi, & Sigebertus Gemblacensis ^m, docent. Nondum autem, cum Julianum architectatus est figulus Toletanus, de auctore hujus appendicis erat aliquid intimatum. Quem quidem esse Fredegarium Scholasticum vulgò hodie creditur. Confule sis Vossium *De hist. Lat.* lib. 2. cap. 22. & lib. 3. sub titulo *De anonymis incertæ ætatis* ⁿ, & ultimam hujus appendicis editionem in corpore *Scriptorum Francicæ historiæ* ^o, quam Andreas Chesnæus procuravit, ubi prologus ipse auctoris ostendit illum Gregorii historiam, quæ in Chilperico Rege desinit, usque ad sua tempora continuare voluisse, hoc est Francorum Regum res gestas prosequi.

316. Quamvis enim nonnulla de Gotthis Hispaniæ Regibus, quod & Gregorius fecerat, ipse quoque admisceat Francicis; hoc ex occasione, breviterque, ac per transennam, quod dici solet, corruptisque miserabiliter nostrorum Regum nominibus, exsequitur. uti cap. 33. & alibi, *Sisebendum*, pro *Sisebuto*; cap. 73. *Sencilam*, pro *Svinbila*; *Torremodum*, pro *Turismundo*; cap. 82. *Tolgam*,

^c In Chron. num. 376. pag. 89.

^d Uti docet Morales lib. 15. cap. 20.

^e Val de Dios.

^f Apud Moralem lib. 15. cap. 23. Bivar. ad Maximi ad. ditiones pag. 2.

^g Ad annum DCCCXLVI.

^h In Chron. num. 418. & 421. ⁱ In Chron. ad an. DCCCXL.

^k In Chron. ad annum DCCCXXIX.

^l Ibidem num. 417.

^m De script. Ecclesiæ.

ⁿ Pag. 753. ^o Tomo 1. pag. 740.

gam & Chindasindum, pro Tulga & Cindasvimbo; item Ricbisindum pro Reccefvimbo appellat. Eorundem item Regum famam non semel maledictis onerat, ut hæc omnia Francum auctorem, à Gotthisque alienæ gentis, non Gumefindum Hispanum, liquidè ostendant.

317. Nondum tamen mentiendi finis. Ludionem adhuc audiamus nostrum p. CLAUDIUS BELLATOR presbyter Bigastrensis, vel Murciensis, scriptor nobilis. At hunc quoque nos albo chimæricorum scriptorum inseramus.

318. LEANDRUM item Agaliensem abbatem scriptoribus annumerare opus esset, si vera de eo scripsisset planus noster. Hic de Bonito Episcopo Toletano, quem fingit natione Gallum fuisse atque Arvernensem civem, anno hujus sæculi quinquagesimo nono Ecclesiæ isti præfatum, *Peit Arvernos*, (inquit) *ibi per annum prædicat, & cappa cælesti propter humilitatem in æde S. Michaëlis donatur. Fuit alter Bonitus Arvernensis, vir sanctus, cujus memoria colitur xv. Januarii, hoc anterior CXL. annis. Et hujus recentioris vitam, plenam signis, scripsit Leander abbas Agaliensis, & aliterius Ægidius, & Gallus, qui nihil de donatione cappæ cælestis meminissent, quia junior donatus est post S. Ildephonsum fere CC. annis; Galli duos in unum Bonitum contrahunt. Habemus jam hinc Leandrum historicum S. Boniti Toletani, non Arvernensis Episcopi, patriam tamen ex hac urbe, quæ Clarus-mons (Clermont) hodie audit, in Galliarum regno. Cujus Leandri meminit iterum dicens: Leander abbas Agaliensis, vir eximius, Toleti floret.*

319. Consonat in BONITI re Luitprandus. At hoc novum est & evidens falsitatis & suppositionis horum auctorum, Luitprandi & Juliani, quod ipsi nobis incauti adversus sese ipsos exhibent, argumentum. Verè unus fuit Bonitus Arvernensis, isque suæ hujus urbis Episcopus; nilque ad aliquem Toletanorum præfatum, quibus idem nomen fuisse dicitur, è miraculosa Deiparæ Virginis apparitione, cappæ cælestis dono, pertinet. Gallis quidem constat Bonitum suum Arvernensem antistitem hoc munere ornatum fuisse, cujus natalem xv. die Januarii celebrant. Famæ in hoc, & non vanis documentis credunt. Verum est, nunquam in actis ab æquali conscriptis hujus rei mentionem haberi. Sed aliàs refertur. Legerat quidem apud Surium acta prædicta noster planus, cumque ab iis separatam videret apparitionis Marianæ relationem, nempe Vincentii Bellovacensis Episcopi testimonio nitentem, cupidinem usurpandi Arvernensis Ecclesiæ, Toletanæque adscribendi celeberrimum hoc miraculum facillè concepit, futurum sperans non ægrè se nostratibus persuasurum, quod æquivoco nominis, & ipsa sibi ambiguitatem quodammodo ingenerante rerum à Bonito gestarum historiâ, niteretur.

320. Bonitum igitur duplicem, Arvernensem utrumque civem, sed priorem in patria Episcopum, alterumque centum quadra-

ginta annis eo posteriorem Toletanum antistitem finxit; Arvernensique spoliato in possessionem gloriæ, quem miraculum cappæ cælestis exceptori suo pepererat, Episcopum Toletanum intrusit. At quia in relatione ipsa de miraculi loco monemur, Ecclesiâ scilicet S. Michaëlis urbis Arvernensis, in qua apparitio Deiparæ contigit, neque eo retardatus fuit insignis præstigiator, quin rem posse expedire sibi videret; scilicet conducto ad Arvernos usque Toletano antistite, ac per biennium in patria urbe detento; parum quidem animadvertens indignum prorsus sic eximio dono atque honore cælitus dispensato eum videri, cui tamdiu derelictæ, grex fidelium Toletanorum, pabulo ejus doctrinæ, & curâ regiminis, tot inter ærumnas, discriminaque, scandalaque à commissione Sarracenorum venientia, omnino egens, nullam noxiæ aut incuriosæ administrati muneris Pontificalis conscientiam iniecerat.

321. Planè autem hæc potuit, non omnino infelicitè, attentare impostoris rapacitas; quamquam tota ferè Gallorum de re existimatio, Bellovacensis auctoritas, atque eo adhuc antiquioris anonymi de Sancto Bonito hymnus à Joanne Bollandò adductus, contrà sit. In quo tamen miserrimè luto hæsit, caudamque, ut perdix solet, occultato tantum capite, omnium oculis, qui aucupio hujus generis nugarum delectantur, discoopertam reliquit, insignis æquivocatio est in laudandis auctoribus Vitæ S. Boniti Arvernensis Episcopi admixta. Ægidium quippe ait & Gallum hanc scripsisse. Imbibit miser à Galefino errorem, qui hæc habet: *Arvernensis S. Boniti Episcopi & Confessoris, cujus vita virtutum splendore insignis, beatorum patrum Adelphi & Eucherii jussu ab Ægidio & Gallo literarum monumentis consignata est.* Malè quidem is intellecto quod de Ægidio & Gallo in actis dicitur, in eandem secum erroris foveam sequacem præcipitavit. Non enim ea mens auctorum, cum de his loquitur, sed hæc potius. Anonymus auctorum scriptor jussis se in scribenda Boniti Vita, Adelphi & Eucherii (aliàs Eutherii) obsecundare ait, conquerentium hanc eo justius desiderari, quod jam luculento stylo scriptæ ab aliis *Vitæ Elidii & Galli*, ejusdem sedis Arvernensis Episcoporum, exstarent.

322. Verba ipsa præfationis auctorum subicere res ipsa postulat; quam quidem Surio invisam, à Galefino visam, sed non intellectam, Joannes Bollandus cum actis ipsis primus edidit: *Cum dies S. Theophaniæ immineret, & vigiliarum jam solennia celebrarentur, imperio vestro nostræ imputastis segnitie* (ita legi velim pro nullius sensus his: *imperii vestri nostræ imputantes segnitie*) *à beatissimi PP. Adelphi & Euterii, cur beati sacerdotis & confessoris Boniti prætermissa haberentur luce clariora, cum antistitem sedis confessorumque Elidii (ita, non Ægidii) & Galli luculento sint stylo prolata; & hæc dicentes jussistis, ut quamquam simplici & inculto sermone, meo eliciam stylo. Videlicet ita clara sunt, singularem auctorum descriptorem, non duos, hic loqui, itemque exem-*

p Ad ann.
DCCCXLVIII.
num. 417.

q In Chron.
num. 441.

r Num. 441.

s Ad ann.
DCCCXLIX.

t Collegit
auctores hujus
rei Bollandus
De actis SS.
tomo 1. Janua-
rii pag. 1069.
u xv. Janua-
rii.

x Lib. 7.
Spec. hist. cap.
97.

y In Actis SS.
Januarii tomo
1. die xv.

z Die xv. Ja-
nuar.

a Ubi supra:

exemplo descriptarum olim à nonneminè Elidii & Galli Episcoporum Arvernensium Vitarum, Adelphium Heteriumque apud hunc anonymum usos, quo stimulant eum ad elucubrandum de Boniti Vita, ut qui statim non agnoscat, fateaturque Galesinum deerrasse, Prometheumque Toletanum hunc caligantem viæ ducem incautè sequutum fuisse, indignus sit, adversus quem ratione agamus.

323. Nati enim sunt Arvernenses Episcopi, Bonito antiquiores, *Illidius* (sic vocat) ex Gregorio Turonensi *De vita patrum* cap. secundo. *Gallus* autem ex eodem, ejusdem operis cap. 6. & *historiæ Francorum* lib. 4. cap. 5. Qui Gregorius, Elidii & Galli encomiastes, sæculo sexto vixit. Tam à vero exorbitat hos Elidium & Gallum octavo saltem sæculo, quo Bonitus floruit, æquales fuisse, ac vitam ejus literis consignasse. Hæc sunt procacissimi veræ historiæ conturbatoris, immo religionis, adversus quam introductor Sanctorum suppositorum graviter peccat, non obscuri contemptoris facinora, justâ potiùs eorum, qui eidem religioni tuendæ invigilant, censurâ configenda, quàm critico tantum carbone notanda, nasove suspendenda.

324. Sed & fictitius ille Haubertus Hispanensis, quem nostra hæc ferax hujusmodi suppositionum ætas è fæce sua eduxit, Heroas quoque aliquot literarum supposititios, huic tamen sæculo adscriptos, commendare ausus fuit; è quorum numero est, quem vellet in chorum Christianorum poetarum intrusum, his verbis, anno DCCCXXI. *Costus, vel Costinus, poeta floret Flaviobrigæ.*

325. Cæterum Haubertum percurrans, in quendam incidi ROMANUM Benedictinum, ut ajunt, monachum, quem huic sæculo adjudicari oportebit, si revera is scripserit, non verò tantum exscripserit, *psalmorum* quandam *explicationem*, quæ in archivo monasterii *Æmilianensis*, sive *S. Æmiliani Benedictinorum*, apud nos exstare, Gregorius Argæzius ejusdem instituti sodalis auctor est. Ad cujus operis Gotthicis literis in pergamena charta exarati finem ita legi ait: *Explicitus est liber iste à Romano præposito sub era CMXIX.* Sed (bone Deus!) quantum sibi visus fuit Argæzius è codice isto profecisse, ut Hauberti sui somnia, quæ Luitprandus quoque Julianusque viderunt, ipse, ut Tertulliani verbo utar, non evacuaret.

326. Romanus certè hic, si & somniare quoque nobis lubet, Romanus ille erit supremus Ecclesiæ Pontifex, qui post infelicem Stephani VI. (aliàs VII.) mortem, Romanorum factione adversus Adelbertum Thuscæ Marchionem anno CM. creatus fuit, quatuor mensium Papa. Immo & Luitprandus meminit Marini & Romani Gallæcorum à Papa Joanne ad Adephonsum missorum, ad ann. DCCCXCVI. Sed Julianum audi: *Marinus & Romanus* (ait^d) *natione Galleci in Hispania, mittuntur ad Adephonsum Legionensem Regem, & à Joanne Papa Romensi venientes Legionem comiter excipiuntur à Rege.* Et paullo post: *Romanus Papa Gallicienfis*

(ita lego pro *Galvienfis*, quod nihili verbum est ad auctoris propositum) *Hispanus, quatuor menses sedet in solio S. Petri ex presbytero Cardinali: qui cum legatus esset in Hispania attulit ex Gallæcia multos equos Gallæcianos; eosque Papæ Joanni poscenti obtulit.* Eademque vitulâ arantem Haubertum: *Romanus monachus Æmilianensis Romæ creatus est Cardinalis.* Et infra: *Romanus monachus Æmilianensis in Gallæcia natus, valdè dominus meus, consecratur Papa. Sedet menses quatuor & dies XIX.*

327. Morem nempe gerere auctori & creatori suo Luitprandus Julianusque debueret. Hieronymum Romanum de la Higuera Toletanum intelligo, qui genus suum antiquis imaginibus ornare satagebat. Cujus rei firmissimum dat mihi testimonium ipsius quædam in schedis relicta lucubratio, quæ in eo tota est, ut in quatuor familiarum, quas ille contingebat sanguine, (*Higuera* scilicet, *Romanos*, *Peñas*, & *Cuellares*) origines inquireret. Hujus autographum apud se habet amicus noster D. Josephus Pellizerius, ipsa Hieronymi Romani auctoris manu per libri oram auctum & annotatum, cujus nobis benignè copiam fecit.

328. Rem tamen aliam ageremus, si præter id quod ad Romani Papæ hujus notitiam pertinet, refellendis hujusce genealogici commentarii nugis ulteriorem operam impenderemus. Nempe Baronium legens de Romani & Marini ejus, qui Joannem inter octavum & Adrianum III. sacris Romanis & universi orbis præfuit, Gallæciâ patriâ, nescio quid tubodoratus ad Romanorum familiam suam referri aptum, si non hi Pontifices è *Gallezio* Italiæ oppido, quod re ipsâ contigisse credendum est, sed è *Gallæcia* provincia Hispaniæ orti fingerentur, statim quicquid mortalium, quibus Romanis nomen fuisset, ex utraque orbis Christiani parte, Latina Græcæque in memoria hominum esset, Romanorum Toletanorum stirpem augere, atque ad ultimam antiquitatem deducere posse sibi persuasit.

329. Ex ungue leonem disce Romanum, Imperatorem Constantinopolitanum, qui nono sæculo vixit, è Gallæcia oriundum fuisse ait, cognominatum *Lecapenum*, à *Lecapeno* municipio, cujus in Hispana inscriptione quadam mentio est; atque hujus Romani filium nothum Basilium ab Stephano fratre fugatum ad nos venisse, dum Ramirus Rex Legionis III. rerum potiretur, necnon Toleti, sub Maurorum scilicet ditione, hærentem, matrimonio sibi in ea urbe, è Gallæcia tamen perductam, junxisse sibi nobilem feminam; unde Toletana effluerit Romanorum propago. Et tamen è Græcis historiis constat Basilium hunc Romani generis in exilio suo Hispano auctorem, non priusquam à Constantino Porphyrogenneta jussus fuerit castrari, permissum fuisse aliò abire.

330. Hujus Romani Lecapeni, ait postea, propinquos fuisse, de Romanorum & Marinorum Gallæcorum genere, supradictos Marimum & Romanum Pontifices, quorum posterior Constantinum habuit parentem, Marini

b Bollandus videndus in Notis ad Boniti vitam die xv. Januarii pag. 1069.

c In libro inscripto: *Publication Ecclesiast. de España y Chronicon de Hauberto* part. 2. tom. 1. pag. 604.

d In Chron. num. 458.

e Num. 460.

f Ad ann. DCCCXVIII.

g Ad ann. CML.

rini fratrem, qui duo Constantinus & Marinus, è Palumbo presbytero nati sunt. Palumbum ergo hunc suspicatur circa annum DCCCXL. Romam profectum, in aliquo Thusciz oppido (ad *Gallefium* respicit) mansisse; ibique Constantinum & Marinum, & ex Constantino Romanum atque alium Marinum natos, cui Romano impositum fuerit familiaris nomen. Atque ideo Panvinus dixerit, Marinum fuisse *Galleciensem Thuscum*, hoc est, è Gallæcia oriundum, in Thuscia tamen ortum: quod necessariò credendum esse ait, cum nullum in Thuscia Gallæciæ nomine fuerit oppidum.

331. Marinorum inde longa deducta serie, ad genus hoc pertinere credit Marinum Gallæciæ XVIII. Julii, Marinum Cæsareæ Cappadociæ, de quo Eusebius lib. 7. cap. 13. Marinum in Scythia v. Augusti, & alium in Africa x. ejusdem mensis, alium item Anazarbensis VIII. Augusti, necnon Marinum Leonis sodalem, aliumque Alvernæ XXV. Januarii, alium Romæ XXVI. Decembris, omnes martyres. Præterea & Marinum Mathematicum, Marinumque tempore Valeriani & Gallieni, & alium Justiniani tempore, præfectos, tandemque Marinum I. Papam, cum Romano, ejus ex fratre nepote, atque item Marinum secundum, Romani fratrem germanum, qui & ipse anno CMXLIII. ad summum Ecclesiæ Pontificatum ascendit, ex eodem Gallæco sanguine, Romanorumque ac Marinorum familiis fuisse affirmat. Vide hominis facilitatem, qui vel quod pueri sciunt, ipse nescit, Marinum nempe & Romanum propria virorum nomina esse, non autem familiarum cognomina; nec majorem inter omnes, qui Joannis aut Petri nomine vocantur, quam inter Marinos & Romanos cognationem debere considerari: quod multis comprobare exemplis superfedemus.

332. Planè ex *Gallefio*, quæ olim Falisca, & Faliscorum fuit metropolis in Thusciz partibus, ad Tiberim sita urbe, hodie *Galese*, quæ Ducatus familiaris Altempriorum titulus est, utrumque oriundum fuisse Papam communis est traditio. Cujus rei testis ex eodem oppido clarus sæculo superiore vir Antonius Massa *De origine & rebus Faliscorum* eruditus auctor, in fine libri: nec aliud significare Onuphrius voluit, quum *Galleciensem Thuscum* vocavit Marinum, & Baronius, quum hunc *Gallefio* oppido oriundum^h, Romanum verò patriâ *Galefianum* i appellat. Marinum autem II. Romanum patriâ fuisse refert. Nec prætereundum est, quod Raphaël Volaterranus & Marinum I. nullum agnoscit, nec Marinum secundum, uti neque Platina; sed hos duos Martinum II. ac III. vocant. Quorum priorem uterque Gallum, posteriorem Romanum patriâ, atque ex eadem hac urbe Romanum fuisse scribunt.

333. De Romano Lecapeno Imperatore Gallæco nonnihil dicemus, ejusque filio Basilio. Romani Imperatoris patriam subicere Græci auctores, non verò Luitprandus verus ille, cujus existat opus *De rebus Imperatorum & Regum* sui temporis. Hic enim *Bibliotheca vetus Hispana* Tom. I.

lib. 3. cap. 9. humili prosapia Romanum, ex Armeniorum gente oriundum fuisse refert. Nec Lecapenus fuit, ut ad Lecapensem pertinere possit Gallæciæ municipium, sed *Lecapenus* cognomento; quod Græcè à verbo *λαλῶν*, quod sonare, resonare, aut loqui; & *ἐκπῶν* nomine, quod immitem, servum, inhumanum significat, formatum videtur, ut complexum hoc *λαλαπῶν*, duriter aut horridè loquentem sonet.

334. De castratione Basilii hæc Zonaras de Constantino Porphyrogenneta loquens^l: *Filium autem Imperatoris Stephani Romanum juniorem, itemque Romani senioris filium Basilium ex ancilla procreatum, castravit*. Cedrenus item m: *Romanum Stephani filium castravit, eum, qui postea Augustifer factus est, itemque Basilium Romano seni è serva natum*. Joannes Curopalates: *Execuit Romanum Stephani filium, qui postea Sebastophorus fuit, itemque Basilium è serva natum Romano seni*. Tribus hisce Græcis historicis testibus de Basilii hujus Magni Romanorum Toletanorum propagatoris conditione præstaturum fidem speramus lectorem, potius quam Romano Higuera; qui apud Onuphrium lecto, inter Romani Imperatoris filios, Basilii nomine, hunc statim absque alio examine aptum natum existimavit, quem generis sui auctorem confingeret, tyranni nempe filium, atque è serva natum, & quod portentum magnum continet, virilibus exsectum. Sed nugarum satis. Occasione tamen hæc dicta sunt Romani Præpositi, à quo scriptus aut exscriptus liber *Explicationis Psalmorum*, in archivo monasterii Æmilianensis asservatum.

335. Inter falsò dictos scriptores & huic sæculo imputatos, duos ponimus Sebastianos Episcopos Salmantenses, priorem eum, qui vulgò inscribitur auctor Chronici, quod revera est Alphonsi Magni, ut suprà diximusⁿ, posteriorem alium, qui non rectè dicitur historiam scripsisse Ranimiri Regis II. Profluit æquivocatio hæc à Prudentio Sandovalio, qui in libro *Fundationum monasteriorum ordinis S. Benedicti in Hispania* o verba quædam in medium afferre è ms. historia, quam vulgus Sebastiano adjudicat Episcopo Salmantensi, quæ quidem narrationem continet memorabilis Ranimiri II. juxta Septimancam urbem reportatæ à Mauris victoriæ. Qui Sebastianus ab eo diversus necessariò fuerit, cui falsò imputatur Chronicon Alphonsi Magni: hic enim anno Christiano DCCCXCVIII. jam obierat. Fredefindus enim legitur hoc anno in publico instrumento quodam istius Ecclesiæ Episcopus. Cum Sebastianum alterum, de quo nunc loquimur, non ante annum CMLXXXV. vitâ functum, ex aliis antiquis monumentis Prudentius ipse Sandovalius comprobet. Quem tamen ut evincat historiæ hujus Ranimiri auctorem, vitam ei plusquam centum annorum adscribere cogitur. Et hunc ~~opus~~ errorem sequutus est in historia Salmantiniæ urbis lib. 2. cap. 3. Egidius Gundisalvi Davila. Sed cum hæc ipsa ab utroque oblata verba de prælio illo Septimancensi cõcepta, in Chronico Sampiri Asturicen-

l Tomo 3.
pag. 155.

m Pag. 124.

n Hujus lib.
cri cap. 10.

o In mona-
sterio S. Æmi-
liani fol. 54.
9. 26.

h Tomo 10.
ad annum
DCCCXXXII.
num. 11.
i Tomo 10.
ad ann. cm.
num. 8.
k Lib. 22.
Aut hropologia.

Bb b

fis

sis Episcopi, qui res gestas Ranimiri hujus II. Chronico isto comprehendit, hodie legamus; omnino dicendum est Prudentium Sandovalium nondum hocce Sampiri Chronicon, quod cum aliis postea edidit, tunc temporis attentè legisse, cum revera ejus in *Fundatione S. Benedicti de Sabagum* §. II. mentionem faciat.

CAPUT XIV.

De scriptoribus decimi sæculi. RAGUEL presbyter martyris Pelagii historicus: quod & præstitit Rosvitha virgo Saxonica. PETRUS DE MONSONCIO Compostellanus Episcopus an-
fletor orationis Salve Regina. Imbecillibus argumentis id contendere D. Laurentium Ramirezium à Prato. S. Bernardus adiunxit: ò clemens, ò pia &c. D. PETRUS GRAÑON monachus S. Æmiliani. SALVUS abbas Al-
beldensis.

336. ILLUSTRE fecere hoc decimum sæculum nō tam victoriæ plures aperto campo Sarracenis ereptæ, quàm Cordubensis triumphus almi pueri Pelagii martyris sub Habberraghmane Rege die Dominica sexto Kal. Julias eræ CMLXIII. qui annus est Christianus vicesimus quintus supra nongentesimum, reportatus. Ermoigii Tudenensis in Gallecia Episcopi nepos hic, pessimo secundum sæculi prudentiam consilio, sed caligante hac ad majoris luminis divinæ providentiæ conspectum, obses relictus fuit puer decem natus annos in Cordubensi urbe loco Ermoigii, jam captus olim in prælio, quo cum eodem Habberraghmane duo Reges, Legionis scilicet Ordonius II. Alphonfi Magni, Garfiasque Pampilonis, Sancii filii, juxta *Juncarias* p infelicitè præliaverunt. Post triennium autem ærumnarum & carceris invitatus à Sarraceno Rege blanditiis, & spe temporalem vitam prosperrimè transigendi, si nuncium veræ fidei remittere vellet, Pelagius sevè blandientes assultus eā constantiā repulit, ut paullò post ab efferato Rege membratim discerpi, atque in flumen projici iussus fuerit.

337. Martyrium hoc descripsit RAGUEL presbyter, fortè Cordubensis, qui ab iis, quorum in carcere sodalis martyr fuerat, ea se, quæ narrat, audivisse innuere videtur. Accedit alia causa scriptum hoc & scriptorem huic ætati accensendi; quod scilicet is referat corpus martyris, quo tempore literis hæc mandabat, in Ecclesia S. Genesii, corpus autem in S. Cypriani ejusdem Cordubensis urbis requiescere. Quæ ante annum hujus sæculi sexagesimum sextum, Ranimiri III. primum q, à quo receptum fuit à Cordubensis Regis manu venerabile corpus, scribi debere.

338. Habetur relatio hæc Raguelis in codice membranaceo ante sexcentos, ut creditur, annos scripto, quæ olim S. Petri Caradinenensis monasterii fuit, nunc verò in regia Laurentina bibliotheca asservatur, eò ab Ambrosio Morali translatus. Qui & in *Smarag-*

dino, sic vocato, Toletanæ Ecclesiæ *Sanctorali*, atque in alio Tudenensis Ecclesiæ, eandem se vidisse ait^r, dum venerandum hoc antiquitatis monumentum, unà cum S. martyris Eulogii operibus in publicum primus proferret. Auctor quidem nusquam sese in contextu prodit: in eo tamen, quem diximus, Caradinenfi codice affixa libri oræ hac nota: *Raguel presbyter doctor fuit hujus Passionis Cordubensis*, affatim indicatus. Cujus quidem notulæ antiquitatem, tum scripturæ forma, tum quòd pro auctore seu scriptore, doctor sit extra usum Latinitatis positum, confirmat.

339. Sed invicti martyris encomiaften alium, peregrinum licet, huc advertere non extra lineam erit saltare. Rosvitham five Rosvidam intelligimus, è Saxonia clarissimam virginem, in Canderfheimensi, alias Gandeshemenfi, non longè ab Hildesheim, cœnobio Deo sacram, quæ martyris almi agonem eleganti carmine circa hæc ipsa tempora comprehendit, docens se ab iis, qui affuissent, ea quæ in versus fideliter conjecerat, didicisse. Hujus clarissimæ sceminæ omnia opera Conradus Celtes edi curavit Noribergæ anno MDI. scilicet *Otonis Imperatoris Panegyricum*, quem & in quodam *Germanicarum rerum* volumine Justi Reuberi curâ edito habemus: *De laudibus Deiparæ Virginis*, & de aliis Sanctis, atque inter alia Pelagii nostri Passionem. Meminit Vossius *De bist. Latinis* lib. 2. cap. 41. post Trithemium in catalogo.

340. Ranimirus II. Rex Legionis anno hujus sæculi tricesimo quarto insignem à Mauris & Alberraghmane Cordubæ Rege victoriam reportavit; cui quidem prope Septimancense oppidum ad Durium amnem situm commisso prælio interfuisse dicitur, atque ejusdem Ranimiri res gestas descripsisse, SEBASTIANUS Salmanticensis Episcopus, alter hujus nominis, ex Benedictino monacho & S. Æmiliani cucullati abbate post memoratum prælium renunciatus. Hujus verba vulgaria facta ex hac *Ranimiri rerum historia* Ægidius adducit Gundisalvi Davila in *Theatro Salmantine Ecclesiæ*, quam nusquam vidimus. Ægidius verò Prudentio utitur Sandovalio in hoc asserendo Episcopo, quem propè centenarium obiisse an. CMLXXXV. diversumque esse, ac recentiorum Sebastiano altero, cui adjudicari falsò consuevit breve Chronicon Alphonfi Regis III. Magni.

341. Regnante in Legionensi nostro regno Veremundo (vulgus *Bermudo* appellat) secundo, Ordonii tertii filio, claruit, & Compostellæ factus fuit Episcopus, sanctus vir PETRUS, Martini filius, cognomento DE MONSORO, alias DE MONSONCIO, cujus hæc habetur mentio in *Historia Compostellana* adhuc ms. sive ejus tertia parte, cujus Girardus quidam auctor fuit. *Qui Beremundus* (ait de Rege ejus nominis, quem nuper laudavimus) *magnorum consilio accepto, prædictum Pelagium (Compostellæ Episcopum) à sede proiecit, & loco ipsius Petrum cujusdam Martini filium, monasterii Monsoncii sapientem monachum,*
ante-

^r In præfatione ad hanc vitam, unà cum S. Eulogii operibus, & *Hisp. illust.* tomo 4. pag. 247. & lib. 16. *Hisp.* cap. 5.

^s Pag. 231.

^p *Juncarias* vulgò.

^q Morales lib. 16. cap. 31. ex Sampiro Asturicensi Episc. in Ranimiro III.

^t Apud Ramirezium in Notis ad Luiprandum anno CMLX. n. 364. pag. 453. Anacurp. edit.

ante-altaris archibsterii abbatem venerabilem , à cunctis senioribus eligi decimum Episcopum , & consecrari precepit . Paullò tamen aliter in versione hujusmet historiæ Compostellanæ vulgaris Gallicæ linguæ , quam penes se habuit D. Thomas Tamajus de Vargas Philippi IV. chronographus , ut ipse refert , verbis adductis in Notis ad Luitprandi Chronicon " , ubi appellatur , D. Petro Martiz de Monforo monge muy sabidor , y de boa vida , que era abbad de S. Payo .

342. Hunc Petrum Compostellanum antistitem , vel Monfonicium , vel Monforium , in quo malè concordant nostri auctores^x , eundemque cum eo , quem multis virtutibus & miraculis clarum decima Septembris die Martyrologia exceperunt , Ufuardi nempe , & Romanum Baronii , auctorem fuisse vulgaris at suavissimæ ad Mariam Virginem Deiparam directæ orationis , sive antiphonæ *Salve Regina* , nescio unde docti , alios docuere Claudius de Rota^y , Antonius de Mochares^z , & his antiquior Guilielmus Durandus^a ; quamvis aliis placeat ea sententia , quæ Hermannò Contracto Suëvo , atque chronographo sæculi sequentis notissimo , faver^b . Pro Compostellano in aciem descendit Pseudo-Julianus^c , sed neque hic dissimulans genium sui auctoris . *Hymnus* (ait) *Salve Regina* , mater misericordiæ , *Græcè ab Apostolis compositus , translatus est de Græco in Latinum à sanctissimo viro Petro Episcopo Compostellano* . Cui tamen enunciatio velificari (post alios^d) Ramirezius credidit complexum illud : *mater misericordiæ* , pro matre misericordi positum ; quæ substantivi nominis gignendi casus pro adjectivo usurpatio cum Hebræorum & Græcorum sit , inde fulciri censuit è Græco aut Hebraico fonte orationem descendere . Quasi Latinus auctor non potuerit Latinam utriusque Testamenti versionem ob oculos habere , unde hanc , quamvis ab orientalibus linguis venientem , phrasin in ea frequentissimam imitari posset .

343. Nec validius hoc est alterum Ramirezii argumentum pro Pseudo-Juliani vanitate . Bernardum ait , Toletanum Archiepiscopum , quem auctorem existimat quatuor Sermonum super *Salve Regina* , Sancto Bernardo attributorum , seorsum tamen inter ejus opera , utpote aliùs Bernardi , à Gillotio Parisiis editorum , Apostolicam hujus cantici originem agnovisse , dum ita loquitur : *Dulce canticum ac nobilissimum melos , quod in honorem S. Mariæ quater in anno ordo noster devotissimè concinit , ad devotionem nostram discutiendam , fratres , assumpsimus ; quia speciali dulcedine multa refectum masticatione continua repetimus . Nam à summis labiis canticum illud effusum venit . Habet enim fundamentum . Fundamentum ejus in montibus sanctis . Fundamentum ejus in terra dulcedinis suavitas est . Et ubi hæc , nisi in montibus sanctis ? hoc est , in montibus nostris ; à sanctis compositum , à sanctis institutum , dignè etiam frequentabitur à sanctis* . Hæc Bernardus .

344. Nihil apertius dici potuit . Nempe hanc orationem , sive canticum , non à summis labiis precantium effundi ; (quare corri-

genda illa sunt : *nam non à summis labiis &c.* pro eo quod editur : *nam à summis labiis*) sed fundamentum habere in montibus sanctis , hoc est in interiori dulcedine , sive in mentibus nostris dulcedine perfusis . Quod quidem à sanctis , hoc est , à justis viris , compositum (quales illi sint) à justis etiam viris frequentari , hoc est monachis , ad quos loquitur , decet . Frustrà ergo Ramirezius de montibus sanctis , idest Apostolis , plura hîc coacervavit , vim etiam verbis inferens , & pro in mentibus nostris , subrogari debere , in montibus nostris , existimans ; nec , quod de Sanctis dicitur , ad Hermannum Contractum , similève alios ; sed ad Apostolos tantum pertinere contendens , verè ut à cæco ductus ipse in foveam caderet ; quæ de viro eruditissimo , sed his partibus nimium additò , sine ullo animi livore , sed ob unum veritatis studium , dicta sunt .

345. Adjungo libens : si canticum hocce Apostolicum opus credidisset S. Bernardus , vix ausus fuisset ea verba : *ò clemens , ò pia , ò dulcis Maria* adjungere . quod ab eo factum in Spirensi Ecclesia , cum Spirenses clerici hanc antiphonam coram eo , Apostolico tunc temporis ad Germanos legato , decantarent , Guilielmus Eifengreinus in Chronico refert Spirensi . Eodem ferè respectu ausus est hucusque nemo Dominicæ orationi quicquam vel pio conatu superstruere , aut in Symbolo Apostolorum , nisi in confessu Nicæno totius Ecclesiæ pro rei necessitate , quædam extensius exponere .

346. Neque opponas , quòd salutationi angelicæ quam vocant , Ecclesia addiderit Colophonem illum : *Sancta Maria , mater Dei* , &c. Ecclesia enim , sive aliquis , quem postea sequuta est Ecclesiæ approbatio , ut gratissima & convenientissima oratione Mariam Deiparam precaretur , angeli Gabrielis & Elisabethæ sacris verbis , quibus olim eandem Dei matrem salutavere , in unum compactis , subjecit precandi formam ; ut non solum salutationem & laudes , sed cum iis opem ejus apud Deum atque intercessionem invocaret . Quod nequit de oratione *Salve Regina* dici , quippe quæ absque conclusione illa invocatoria à S. Bernardo adjuncta , salutationem laudesque divæ matris , tandemque auxilii ejus atque intercessionis flagitationem , contineat . Hæc dicimus propositum nostrum sequentes removendi è medio præjudicia omnia , quæ à Pseudo-Chronicis ficulneis veræ historiæ nostræ fieri possunt . Nam quin , hoc pseudo-auctore è medio sublato , adhæreamus interim eorum sententiæ , qui Petro nostro hanc laudem tribuunt (quod Joannes Tamajus facit in Martyrologio x. die Septembris) nihil moramur . De eodem Compostellano Episcopo Petro loquutus , ac intelligendus mihi esse videtur Jacobus Philippus Bergomensis , improprio quamvis loco , nempe ad ann. MCXX. supplementi sui *Chronicorum* , & sub Callisto II. Papa , hujus mentione habita ; huc enim pertinere credimus , quòd nonnulla eum in laudem B. Mariæ Virginis composuisse adjunxerit . quod iterum infra notabimus .

u Pag. 248.

x Vide Ramirezium ubi supra pag. 452.

y Cap. 137. z Lib. 4. De Istit. Christ. Relig.

a In Rationali divinar. officiorum lib. 4. cap. 22.

b Magrus in Notitia vocabulorum Ecclesiæ. Verbo *Salve Regina*. Cardin. Bona. De divina Psalmodia cap. 16. in fine post Trithemium De vir. illust. Ord. Ben. lib. 2. cap. 84.

c In Chron. num. 510.

d Egid. Gonzalez Davila in Theatro Ecclesiæ Compostellanae tom. 3. Theatri Ecclesiæ Hispaniæ pag. 32.

c Morales
lib. 17. cap. 16.

347. Ante annum millesimum aut circiter, dominus PETRUS DE GRAÑON cœnobita erat in S.Æmiliani, ut vocant, monasterio, quo tempore Castellæ præerat Comes dominus Garfias Ferdinandi, aut ejus filius dominus Sancius; Legionensibus autem Alphonsus V. Veremundi II. filius. Reliquisse hunc Petrum in eo monasterio nunciatum nobis fuit volumina duo, *Leges Gotthorum & Regum* inscripta, quorum prius LXIII. posterius verò LXVII. capitibus absolvitur. In principio *elogium* posuit auctor *legum* XII. *Tabularum*, quas omnes carmine Latino comprehendit: deinde Imperatorum Romanorum, tandemque Gotthorum Regum leges, quod *Forum judicum* vulgò appellant, adjecit. Codex præ nimia vetustate aliquot jam foliis non legitur: quod injuria temperis malum antiquis libris inferre solet. Habemus id totum ex relationibus ad nos missis ab eodem monasterio.

348. Hujus quoque sæculi pars fuit, neque illaudabilis, SALVUS abbas Alveldensis monasterii; cujus breve *elogium*, unà cum Ecclesiasticorum scriptorum collectoribus, ad calcem Ildephonfi & Juliani editum legitur^f. Quod hinc transcribemus, addere contenti quæ ultra dicere habebimus.

349. *Vita Salvi abbatis Alveldensis, aliàs & Albaildensis, incerto auctore.*

Salvus abbas Albaildensis monasterii, vir lingua nitidus, & scientiâ eruditus, elegans sententiis, ornatus verbis, scripsit sacris virginibus regularem libellum, & eloquio nitidum, & rei veritate perspicuum. Cujus oratio nempe in hymnis, orationibus, versibus, ac missis, quas illustri ipse sermone composuit, plurimam cordis compunctionem, & magnam suaviloquentiam legentibus audientibusque tribuit. Fuit namque corpore tenuis, parvus robore, sed validè fervescens spiritus virtute. O quanta illius ex ore dulciora super melle manabant verba, cor hominis quasi vina letificantia! Obiit temporibus Garseani Christianissimi Regis & Theudemiri Pontificis, IV. idus Februarii, erâ millesimâ^h, sanâ doctrinâ præstantior cunctis, & copiosior operibus charitatis. Ac sic in prædicto cœnobio juxta basilicam S. Martini Episcopi & Confessoris Christi est tumulatus sorte sepulchrali. Ad cujus pedes discipulus Velasco Episcopus quiescit in pace. Hucusque vita, sive *elogium* Salvi.

350. Albelda locus est à Lucroniensi urbe duabus leucis distans, ubi monasterium S. Martino Turonensi Episcopo dicatum Sancius Rex Navarrae, Abarca dictus, anno CMXX. construxitⁱ. *Albaïda* dictum olim à Mauris, scilicet à Muza fundatore oppidum, ait Sebastianus Salmanticensis Episcopus, sive is Alphonsus Magnus Oveti Rex fuerit, in Chronico, de qua re loquuti sumus in libri secundi cap. 3. ubi de Gregorii Bætica Pseudo-Martyrologio egimus. Dulcius, sive alius, in Chronico à Pellizerio edito, *Albailda* vocat: unde non ex nihilo est, quod ita

conceptum loci nomen hoc in elogio Salvi legamus.

351. Obiisse hunc erâ millesimâ, vel anno Christiano CMLXII. Garseani hujusmet Abarce ac Theudemiri Pontificis temporibus, confirmat egregiè instrumentum quoddam illius ævi ex archivo abbatæ S. Prudentii Albeldæ proximæ habitum, quod Antonius de Jepes in *Amalium ordinis sui Benedictini* tomo 5. edidit^k, in qua hæc leguntur: *Item quia hæc nostra traditio, quæ facta est erâ non-gentesimâ octogesima octavâ* (hic est annus CML.) *regni gloriosi principis Garfiani, & Turæ Reginæ ejusdem genitricis, sancienda erat testibus veridicis; tunc adfuerunt in margine fluminis Iberi &c. venientes, idest Tudemirus Nagelensis Episcopus, Dulcitus Albeldensis abbas, Didacus Siliensis abbas, Munio de sancta Columba abbas, Stephanus Dercensis abbas de S.Æmiliano, Belasco Cironensis abbas, &c.*

352. Ubi duodecimo ante Salvi obitum anno, Garfiani Regis, Sancii, cognomento, Abarce, filii regnum, & Theudemiri, sive Tudomiri Pontificatum (scilicet Naxarensem) quorum duorum vitæ meminit auctor, literis videmus consignata. Velasco Episcopus, qui ad pedes Salvi tumulatus dicitur, fortè ille est Cironensis abbas^l, cujus mentio fit in eodem instrumento, ad Episcopalem dignitatem alicubi exaltatus. Sed Alveldensem hunc fuisse Episcopum, Salviq; Vitæ auctorem, credat qui Pseudo-Luitprando velit credere^m, apud quem ita legimus: *Velasco Episcopus Albeldensis n scripsit vitam Salvi* (potius Salvi) *abbatis Alveldensis, ejus discipulus, ad cujus pedes jacet. verbis ab eodem Salvi elogio desumptis: quæ quidem præsumpsisse Velasco ipse, dum adhuc viveret, elogioque finem imponeret sepulturæ loci, quam elegisset memor, fingitur. Nunc jam de Salvi operibus.*

353. *Regularis libellus* pro sanctis virginibus, sive ad eas directus, ante alia producit. Ms. exstat alicubi. Vidit enim, aut novit extare in codice quoddam hujus notæ Philip-pus Labbeus. Meminit enim in *novæ bibliothecæ librorum* mss. parte I. o. & hujus ei affixæ inscriptionis: *Sancti Salvi abbatis Alveldensis Regularis libellus virginibus inclusis, capitibus LXXVIII. cum præfatione ad sororem.* Vidimus quidem nos in quodam exemplo hujus *novæ bibliothecæ* hanc notulam his verbis affixam à docto viro Carolo Morono Barberinæ ditissimæ bibliothecæ præfecto: *Est B. Ælredi.* Vereor tamen id minùs rectè dici, cum opera omnia divi Ælredi Rhievallensis in Anglia Cisterciensium abbatissæ à Richardo Gibbono societatis Jesu ex vetustis mss. codicibus primum collecta, Parisiisque anno MDCLIV. edita, in manibus omnium sint. Certè Joannes Balæus in *Bibliotheca scriptorum Britannicæ*, alia inter invisa Gibbono, *De institutione inclusarum librum unum*, qui incipit: *Jam pluribus annis exigis à me, Ælredo tribuit quo respicere Moronus potuit. Sed cum conflet ex ejus Vita Salvum nostrum hunc voluisse lapidem, librique manu exarati pro eo sint,*

^k Scriptura
10.

^l Hodie S.
Andres de Ci-
ruña prope
Naxaram.

^m In Chro-
nici fine anno
CML. x.
ⁿ Ita le-
gendum pro
Alveldensi.

^o Pag. 15.

^f In editio-
ne Miræ pag.
102. & in edi-
tione Conci-
liorum Hispa-
niæ Loaisæ
pag. 774.
^g Deest hoc
in editione
Loaisæ.

^h Anno
CMLXII.

ⁱ Jepes tom.
4. *Annal. S.*
Bened. anno
CMXX. Morales
lib. 15. cap. 49.

sint, Balæum deferere, aliàs fidei lubricæ auctorem, aut de alio Ælredi ejusdem argumenti opere interpretari, non temerè possumus.

354. *Hymni, orationes, versus, & Missæ* sequuntur magna styli dulcedine & efficaciâ ad concitandos ad compunctionem legentium animos: quorum nihil ad nos pervenit.

CAPUT XV.

De commentitiis sæculi hujus decimi scriptoribus, JOANNE SERVO-DEI & BLASIO, præsulibus Toletanis. Pseudo-Luitprandi ridiculus lapsus in Ambrosii Moralis capiendo sensu. Eugeniæ martyris Cordubensis epitaphium. De BLASIO altero Toletano Episcopo, & ejus quadam epistola.

355. **I**N hujus quoque sæculi scriptorum artibus tres Toletani antistites, JOANNES SERVUS-DEI primus, BLASIUS, & JOANNES alter, SERVUS-DEI & ipse appellatus, necnon LUITPRANDUS Ticinensis diaconus, & HUBERTUS Hispalensis monachus: de quibus omnibus, præsertim duobus posterioribus (quod maximè oportet) distinctè atque accuratè tractabimus. Bonito præfule Toletano diem suum anno CMII. obeunti successorem datum ejus archidiaconum JOANNEM SERVUS-DEI, opere & nomine talem, prodit Luitprandus. Adjungitque librum scripsisse eum quòd *Filius Dei Christus vidit in cælo faciem Patris*. Nos nihil hodie credimus.

356. Ad BLASIUM Toletanum quod attinet, in supposititiis eidem Luitprando ascriptis *Adversariis* num. 39. hæc de eo leguntur: *In tabulario S. Justæ reperi carmen hoc compositum à domino Blasio Toletano Pontifice, præstantissimo illius sæculi poëta, quod iis addam:*

Eugenia hoc posita est tumulo celeberrima virgo, Sanguine quæ Christi est testificata fide. & post xxii. distichorum carmen, quod Eugeniæ Pelagiique martyrum Cordubensium laudes personat, alia hæc pro Colophone subnectit: Obiit sanctissima virgo & martyr Eugenia vii. Kal. Aprilis, feriâ iv. hebdomadæ dictæ in Passione; quam post duos annos assequitur sanctissimus juvenis Pelagius, ut creditur, natione Gallæcus, qui ducem & magistrum habuit ad martyrium sanctissimam Eugeniæ erâ CMLXI. anno xii. Abderramenis hujus nominis quarti, dicti cognomento Almanzor, begirâ verò CCCXII. Severissimus fuit hic Imperator, & multas in Christianos edidit strages, ac fidei Christianæ fuit hostis infensissimus. Sunt qui credant tum occisam Toleti Mariam Servam dei.

357. Sed, ut quicquid huc pertinet simul in conspectum demus lectoribus veritatis amantibus, muniverat auctor ad tricesimum nonum hoc *Adversarium* viam *Adversario* proximè præcedenti, cujus tenorem subjicimus: *Ætate parentum meorum anno Domini CMXXIII. Martii xxvi. passa est martyrium*

virgo sanctissima Eugenia, filia Christianorum Muz-arabum, in municipio Uticensi, quod in conventu Cordubensi vocârunt Marmolejos, jussu Regis, & Miramamelini Abderramenis ferissimi tyranni, fidei Christianæ causâ: & post carceres & supplicia datis cervicibus martyr effecta est Cordubæ sub Blasio vel Basilio Toletano Pontifice. Martyr est honorificè sepulta cum versibus acrostichis in marmore cælatis, & mirificè culta est, & etiam in Oveto, Toleti, & in Gallicia celebratur. Hujus sanctissimæ virginis & martyris Hispanæ reliquiæ delatæ sunt ad varias Hispaniarum partes, ubi conditæ sunt illi Ecclesiæ. Hactenus ille.

358. Pars hæc vera sunt; pars veris superinducta, & imposturæ meræ. Aream explanavit Ambrosius Morales, monitis piis quibusque viris de martyrio Sanctæ hujus Eugeniæ Cordubensis in fine editionis S. Eulogii martyris operum^p, & lib. 15. *Hist.* cap. 54. Narrat is circa annum Domini MDXLVI. Cordubæ propè vicum cui nomen est *los Marmolejos*, erutum lapidem candidum marmoreum è terra ab iis, qui scrobes jaciendis cujusdam domus fundamentis effodiebant, eumque tredecim versibus insculptum, quorum initiales literæ ab auctore hujus narrationis observatæ, *Eugeniæ martyris* nomen formabant; integræ ferè omnes, quantumvis bona versuum pars attritu forsan pedum olim consumpta fuisset. Hic præterquam quòd... GENIA MARTI... dictæ initiales literæ, quæ supersunt, præsefererebant, tribus elapsis facillè supplendæ, ipsa è contextura de martyre fœmina conceptam inscriptionem fuisse satis ostenditur. Aliquantisper autem remoratur lectoris assensum clausula carminis quæ talis est:

*Idem sub era novies centum jugulatur
... Sexages & uno, septem de Kalendis Aprilis.* Cui lacunulæ *rursus* adverbium aliquando Morales intulit. Sed non constat versus. Dices, non debuisse veram martyrialis diei notitiam versificatoriæ legi cedere. Admittimus libenter, quamvis Morales ipse in *Historia*, inspecto diligentius lapide, non parum melius, correctiorem inscriptionem sequutus, de ea judicavit. Sed *idem* (hoc est masculus) si *jugulatur*, quas hic Eugenia fœmina partes habebit? Puto scriptum, *item*, non *idem*; aut utrumque adverbium eandem rem poëtæ significasse rudiorè isto sæculo. Quicquid sit, Sanctæ Eugeniæ martyrio era nongentesima sexagesima prima, sive annus CMXXIII. dies autem septimo Kalendas Aprilis, in lapide assignatur.

359. Hucusque res vero nititur. Hinc jam in arena supposititiis auctor, qui Luitprandum se finxit, ædificare cœpit. Morales dixerat repertum sepulchri lapidem Cordubæ prope vicum cui nomen est *los Marmolejos*. At incuriosus horum lector existimavit oppidum propè Cordubam, cui *los Marmolejos* vulgaris nuncupatio est, quæque antiquæ geographiæ *Utica* esse creditur, significatum. Idque non melius intellexit Pseudo-Julianus in *Adversariis*^q. quo verè non potuit error alius manifestior & absurdior committi; ut res ipsa recentis, & ad verba Moralis cæcution-

^p *Hisp. illust.*
to. 4. pag. 345.

^o Ad annum
CMII.

^q Num. 333.

tientis oculi novitatem ostenderet. Quis inde non statim videt epitaphium à Morali publicatum ob oculos ejus fuisse, qui annotavit honorificè sepultam fuisse martyrem cum versibus acrostichis in marmore cælatis. Jam autem facile fuit fingere Blasium Toletanum ejus temporis præfulem laudatæ martyris triumphum celebrasse alio carmine, quod is, qui hæc simulabat, ut fucum faceret, domi composuisset. Palpum ergo sibi ipsi obtrusit auctor, dum præstantissimum sui sæculi poetam hujus carminis nomine Blasium appellavit.

360. Sed ne id prætermittamus, addidit *Adversario* 333. Pseudo-Julianus, S. Eugeniz corpus ab *Utica ad oppidum Cordobillam* delatum per Rodericum Didaci cognomento Campiatorem fuisse, ibique *Ecclesiam per Paschalem Episcopum Burgensem eidem Sanctæ consecratam*. Magno plausu excipiet hæc aliquis, quem forte fortunâ non effugerit titulus dedicationis lapidi insculptus, ac repertus hodie in Ecclesia S. Eugeniz, quæ est prope oppida *Cordovilla*, & *Aguilar de Campo*, in Burgenfi diocesi. hæc scilicet: *Ob honorem Salvatoris, & S. Eugeniz, & ceterorum Sanctorum, quorum reliquie condite sunt, Paschalis Episcopus Burgenfis consecravit istam Ecclesiam XVIII. Kalend. Februarii, sub era MCI.* quasi ea sit una ex his, quibus refragari nemo possit, probationibus, Juliani fident vindicantibus.

361. Sed si falli nolumus, quis non videt impostoris hanc fuisse mentem & consilium, ut ore fuorum auctorum ea quandoque diceret, quorum lapideæ hujusmodi, chartaceæ, aut quæcumque aliæ confirmationes in veteris ævi superstitionibus ad hoc usque tempus monumentis exstarent? Proinde his, qui hoc argumento utuntur, satius esset cum viris cautis & prudentibus sapere, quàm infusa hujusmodi & cassa nuce vaniora sectari. Et fortè vero magis consentaneum est, ædem hanc sacram S. Eugeniz martyri Romanæ, cujus partem corporis in monasterio S. Mariæ Benedictinorum sodalium Naxaræ urbis adservari, è tabulariis Ecclesiæ ipsius Morales docet, obstruens eorum ora, qui ad partes Cordubensis hujus alterius martyris accedere voluissent.

362. Blasio huic Pontifici successisse in Toletana Sede Bonitum III. huic autem Joannem Servum-dei cognominatum, è tripode sua nos docuit Pseudo-Luitprandus^r, falsi postulato Pseudo-Juliani collactanei sui oraculo^s, cui Blasii successor Visitanus fuit. Huic JOANNI SERVO-DEI, aliàs noto iis omnibus qui Toletanæ Ecclesiæ Pontificum catalogos in manibus habuere^t, Luitprandus hic, quem diximus, literarium quicquam attribuit^u; cui & Julianus consentit^x. Prior ait: *Sub hoc (Blasio) & in hoc anno, multi martyres passi sunt in Hispania, & nonnulli degeneraverunt à fide, qua de re exstat epistola elegantissima, zelo & fervore Dei plena, quam scripsit Sanctus Joannes Servus-dei Toletanus Primas ad omnes Hispaniæ Muz-arabes. Ut Primas & Patriarcha totius Hispaniæ, scripsit ad omnes Ecclesias Hispaniarum. Quem ego subdiaconus*

Toleti cognovi, ac virum sanctum, & spiritu Dei ferventem expertus sum Toleti. Epistola incipit: Multorum relatu. Scripsit & ad Marinum antequam esset Pontifex Toletanus; responditque ei Marinus Papa, missis etiam literis amoris & benevolentie plenius. Similia omnino Julianus y.

363. Certè mihi dubium non est, quin epistola ista ad nos pervenerit, cum Hieronymus Higuera in Notis ad Luitprandi hunc locum servari eam affirmet in archivo Ecclesiæ S. Clementis sanctimonialium Cisterciensium Toletanæ urbis. Qua enim fronte ausus esset, quod statim suppositionis convinci posset, fingere? Immo in historiæ ejusdem urbis & regni adhuc ineditæ lib. 15. cap. 6. epistolam ipsam producit, bonæ quidem notæ, quam cum aliis hujusmodi in bibliotheca laudatis Hispanorum opusculis in appendicem hujus partis conjicere mihi animus est. Silent de ea alii, cujus tamen fidem non convellimus, si ea, ubi est, fidem sibi adstruit. Quod à me non ægrè obtinebitur, si ea desint in apographo, quæ de primatu Hispaniarum, non hujus temporis titulo, bis repetuntur. Non ex eo tamen Luitprando & Juliano recens natis, eaque erudantibus, quæ iis in os architectus eorum ingessit, suffragari intendimus.

364. Luitprando jam & Hauberto examinandis dijudicandisque major quædam adhibenda est opera in sequentibus capitulis.

CAPUT XVI.

LUITPRANDUM *Ticinenfis Ecclesiæ diaconum, & Cremonensem Episcopum, hujus sæculi decimi, hominem Italum, magnâ impensâ Toletani Higuera factum Ecclesiæ Toletanæ subdiaconum fuisse, nostrarumque rerum scriptorem. Quædam vitæ ejus ostenduntur comparatione eorum, quæ Chronicon & Adversaria falsò ei conficta continent. De quibus latè in sequentibus capitulis.*

365. **L**UITPRANDUS diaconus Ticinenfis Ecclesiæ, & qui postea fuit Cremonensis in Italia Episcopus, unus ex illis est, quorum auctoritatis & nominis velamento usus Protheus multiformis Toletanus fictitiam historiam nostræ gentis, sinceræ ac veræ locum occupaturam, conficere se posse, in animum induxit. Sed cum, ex divino proloquio, ante oculos pennatorum frustra rete jaciatur; quantumvis bonæ fidei nonnullis, & patriæ amantibus, lenocinioque rerum allectis, dolosum aucupium, non sine quadam Hispanæ gravitatis jactura, quondam imposuerit; accenso jam hoc tempore defæcati judicii lumine, proposito ac spe sua cedere cœpit; moniti que tenarum insidiarum prudentiores, avertunt se aliò, hosque Sirenarum, ut sic dicam, cantus, veritatis malo ligati, surda aure prætereunt.

366. Fuit quidem Luitprandus non incelebris hoc sæculo historiarum scriptor, sed qui ex ipsis ejusdem libris necessariò comprobatur alius ab eo fuisse, quem Chronici cujusdam

^r Ad annum CMXXXVI.

^s In Chron. num. 467.

^t Videndi apud Tamajū in notis ad Luitprandum ann. DCCCLXII. pag. 205. u An. CMXLIV. x Num. 507.

dam, sive Chronicorum Dextri & Maximi continuationis auctorem, Toletanum subdiaconum, Toletique vitâ functum, nobis venditant. Atque, ut hinc aggrediamur veritatis vindicias, germanum Luitprandum à supposititio distinguentes, age, videamus quid de seipso scriptor Chronici, quid tum de eo Julianus, narraverint.

367. Apud Luitprandum legitur ad annum CMXXXVII. Bonito III. Toletano præfili Joannem Servum-dei successisse, & ad annum CMXLIV. velut ea continuans quæ ante septennium facta præmiserat, *Quem ego (ait) subdiaconus Toleti cognovi, ac virum sanctum & spiritu Dei ferventem expertus sum Toleti*. Julianus item in Chronico num. 503. sub anno CMXLVI. De Joanne Servo-dei & ipse loquens, *electus erat autem (ait) Bonitus III. ante hunc (Joannem) sed non inierat pontificalem dignitatem. Sub hoc (Joanne) fuit subdiaconus Eutrandus, vel Luitprandus, archidiaconus Ticinensis, historiæ scriptor baud ignobilis, & pariter poeta excellens*. Cui Juliani testimonio in Chronico ejus edito id ipsum conferre, quomodo Hieronymus Higuera in proœmio ad Luitprandi Chronicon id protulit, operæ magnum pretium erit. Ita scilicet: *Anno CMXLVI. Bonitus Toletanus Episcopus annis duobus. Sub hoc floruit Eutrandus sive Luitprandus, Ticinensis diaconus, Toletanus subdiaconus, & Traçtemundus presbyter post Episcopus Illiberitanus, ab eodem Bonito missus*. Viden' ut prævaricaretur testis, aliisque in editione, alius in ore sit Higuere? Sed transeamus ad alia.

368. Luitprandus item ait *Adversario* 48. se anno CMLX. per Tarraconem urbem transivisse, carmineque luisse in laudem S. Theclæ virg. & mart. cujus pars corporis in ea servatur; quo in carmine ita de se ait:

Ecce Luitprandus jam non novus incola terre Hispanæ, externam carmine letus adit.

Julianus item post peregrinationem Toletum rediisse archidiaconum Luitprandum, atque ibi mortuum ait. *Eodem anno (CMLXXIII.) venit Toletum Eutrandus subdiaconus, qui aliàs ibi fuerat, nobilis historicus; nec multò post moritur. In Ecclesia S. Justæ honorificè à Felice (Episcopo) sepelitur*. Distinctiùs autem de Luitprando Traçtemundoque actum fuit nobiscum in duabus epistolis quæ præponuntur supposititio Chronico, non minùs supposititiæ ipsæ, ut loco suo videbimus, quum de Chronico cenforiè agemus. Prior est dicti Traçtemundi Episcopi Illiberitani ad Luitprandum. Regimundi aliàs legitur. Posterior autem responsoria Luitprandi ad Traçtemundum ex Fuldenfi Germaniæ monasterio. Consolatur Luitprandum Traçtemundus in ærumna Germanicæ ejus peregrinationis, & ad patienter eam ferendam cohortatur. Berengarii enim Italiæ Regis sævitiam fugiens, ab Italia eò venerat. Inde ait degere se in oppido Granatenfi, Illiberitanæ civitati proximo, inter fideles Muz-arabes, eos confortantem, doctrinæque pabulo reficientem.

369. Accepisse item adjungit librum ejus,

idest, *rerum gestarum in Europa historiam, & præterea Antapodosis* (quasi distincta essent opera) *carmine prosaque contextam, ut fecit olim (ait) sapiens Boëthius in libro De consolatione philosophica: quem librum Boëthii Severini (memini) diligenter nos duo percurramus Toleti, cum ego presbyter essem, tuque subdiaconus illius sanctæ Ecclesiæ Toletanæ; quæ semper verè fuit filia primogenita Ecclesiæ sanctæ Romanensis, & cum Patriarchalibus post Romanensem meritò comparanda; cujus pastor totius est Hispaniæ primas & Patriarcha*. Importuna & putida adulatio impostorem prodit.

370. Obsecratur tandem Luitprandum, ut mittat inde ad se quosdam libros, scilicet, *Vitam S. Jacobi Hispani in Piceno sanctè mortui 1. Novembris*; ab omnibus martyrologiis illaudati. *Metasthenis item Persæ librum De monarchiis*, (jam diu est quòd viri docti observaverunt *Megasthenem*, non *Metasthenem*, hunc scriptorem appellatum, abortivumque Joannis Annii, sive alterius, ovum hunc esse, qui cum Berofo & aliis fuit editus) *ubi in Persarum (supple ordine, aut Regibus: deest enim) ponit Darium, Cyrum, Cambysen, Artaxerxem, post alterum Darium Longimanum*. Et, *sicubi in Germaniæ bibliothecis delitent, Dextri Marciq; Maximi scripta membranæ Chronica* (cur non & chartæ?) *quæ nunquam in Hispaniis reperire potui*. Petit hæc ad se ab eo descripta quamprimùm mitti, ac, ut de suo adderet, *ab anno DCXII. ubi finivit Maximus* (unde nam id noverat qui Maximi opus non viderat?) *usque ad sua tempora, hoc est ad annum CMLX. Usque ad nostra tempora, sive, ad hunc annum, verus auctor dixisset, de re præsentis loquens: fictitium verò ac recentem ostendit inepta hæc anni mentio*. Hæc summa Traçtemundi epistolæ. Sed quæ Luitprandi sequitur, non hujus tantùm, sed suam quoque fidem evertit, ut suo tempore constabit.

371. Quod ad rem præsentem attinet, dolet Luitprandus, quòd à Mauris durè haberetur Granatæ Traçtemundus. *Neque enim ita duriter, (addens) sed paullò melius agebamus quum Toleti quondam convivimus. Leniebat enim feroces barbarorum animos hinc præsulum Toletanorum singularis auctoritas, illinc verò mirabilis bonitas & patientia &c.* Et infra: *Porro Chronicon quod petis, in hujus bibliothecæ reperi vetusta membrana descriptum, adjeci que, ut jussum est à te, annorum seriem ad hæc usque tempora, idest ad annum CMLX. Et gratulor tibi, quòd cum Toleti, ubi sub sanctissimo præfule Toletano Bonito subdiaconus fui, in Italiam proficiscerer, aliquot historiæ libros mecum asportavi, in quibus ordine erat series collecta multorum Hispaniæ Episcoporum, quos & in hac bibliotheca reperi, jussu, ut credo, S. Caroli Magni Imperatoris ex Hispania allatos, quos, ut ajunt, sibi obtulerat sanctissimus Elipandus Episcopus Toletanus, postquam illum erroris sui de adoptione Christi seriò & verè penituit*.

372. Hæc de habitatione Toletana Luitprandi, subdiaconatuque in hac Ecclesia sub Bonito III. & ejus successore Joanne Servo-dei, Archiepiscopis, gesto. Quorum utique testi-

testimoniorum fidem sequutus Franciscus Bivarius Cisterciensis, in ea quâ ad Laurentium Ramirezium dedit, *cenfurâ Luitprandi operum*, editionis Plantinianæ præambulâ, objectis sibi ferè omnibus iis, quæ pro veris Italicis ejusdem Luitprandi genere & natalibus, transactaque ferè semper in patria vita, mox producimus; Hispanum tamen esse eum contendit genere, hoc est, Hispani hominis filium, qui captivitatis pertæsus in Italiam concesserit; allectum tamen patriæ desiderio Luitprandum Toletum venisse, quo loco Tractemundum familiarem habuerit. Censet quoque pro Hispano ejus genere eo motus, quod Abderraghamanem Sarracenorum in Hispania, hoc est Cordubæ, Regem, alicubi vocet *Regem nostrum*, nempe suum ac Tractemundi. Verba ejus audi rerum in Europa suo tempore gestarum lib. 5. cap. 1. Hoc tempore (ait) ut ipse pater bene nôsti, sol magnam & cunctis terribilem passus est eclipsim, sextâ feriâ, horâ diei tertiâ. Qua etiam die Abdaram (pro Abdarraghaman) Rex noster, à Radamiro Rege Christianissimo Gallicie in bello superatus est.

373. Hoc verè aliquid est, quod è noto ejus historiæ opere deducitur. Cætera vana, & sine cæmento aliquo, arenæ inædificata. Attamen & istud facillimo ruit nisu, si levi utamur correctione, *Rex vester*, pro, *Rex noster*, legentes; quomodo scriptum fuisse ostenditur similibus ex initio historiæ his verbis^a: *Sicut ab ipsis, qui vestri sunt tributarii Regis Abderraghamanis, potestis conjicere*. Ineptum enim, immo impium, fuisset, à Luitprando Regem suum Regem Sarracenum dici ex eo solum quod Toletanorum, apud quos olim is fuerat, Rex ille esset. Quin immo dominum suum vocat Ottonem alibi Luitprandus^b.

374. Neque peregrinationis Hispanæ quicquam, nedum generis, admittere videtur series rerum, quas de se ipse narrat, non illiberalis earum dispensator. Ann. CMXXIV. incendium contigit urbis Ticinensis, in qua natum credimus, quod is deplorat lib. 3. cap. 1. & 2. Anno CMXXVI. Hugo Provinciæ, sive Arelatensium Comes, regnum Italiæ suscepit; qui aliquo ex sequentibus, non diu tamen ab ingressu suo in Italiam, inter alios principes, quos conciliare sibi studiosè procuravit, Romanum Lacapenum Græcorum Imperatorem legatione adiit. Legatus is pater fuit Luitprandi, quem quidem nomine suo haud appellavit filius de re loquens. Subjungit tamen lib. 3. cap. 5. *Post reditum verò ejus, paucis interpositis solibus, languore correptus monasterium petiit, sanctæque conversationis habitum sumpsit, in quo post dies quindecim mortuus, me parvulo derelicto, migravit ad Dominum*. Post conjugis mortem Luitprandi mater secundo viro nupsit, quem Hugonis ejusdem nomine post aliquot annos nuncium ad eundem Lacapenum ivisse his verbis refert: *Quoniam meus vitricus, vir gravitate ornatus, plenus sapientiæ, Regis Hugonis fuerat nuncius, pigrum non sit mihi inferere, quod eum de Imperatoris sapientia & humanitate, & qualiter Russos*

vicerit, *audiri sepius dicere*. Contigisse hoc anno CMXLIV. ex Joanne Curopalate Baroniis notat^c.

375. Anno CMXLV. Hugo regno Italiæ cessit, Lothario filio suo pro se relicto, nomine tenus, revera in Berengarii manus regno tradito. Hugonis hujus in magna gratia Luitprandus vixit ob canendi peritiam, quâ pueros alios sibi æquales superabat, atque in ejus curia & comitatu semper versatus fuit. quod ipse satis innuit, dum initio lib. 4. *Hactenus quæ dicta sunt* (inquit) *sacerdos sanctissime, sicut à gravissimis, qui eâ creverant, viris audiri, exposui. Ceterum quæ narranda sunt, ut qui interfuerim, explicabo. Ea siquidem tempestate tantus eram, qui Regis Hugonis gratiam vocis mihi dulcedine acquirebam. Is enim euphoniæ magnopere diligebat, in quo me coequalium puerorum nemo vincere poterat. Quæ quidem consuetudo in aula, unde sibi præsentem rerum notitiam, quæ narraturum se deinde ait, quærere potuit, ab anno CMXXXII. aut sequenti, regni Hugonis sexto, septimove, initium proculdubio cepit. Horum enim priore anno (ut ex Sigeberto constat^d) Arnoldus Bajoariæ Dux à Rathe-rio Veronensi Episcopo invitatus Italiæ, Regem Hugonem aggressus fuit, qui non solum Arnoldum fugavit, sed & Ratherium cepit. Quod cum Luitprandus bellum fini consignasset libri tertii, exinde quæ narraverit, ut qui interfuisset iis, explicaturum se ait.*

376. Hoc jacto fundamento, nimirum interfuisse Luitprandum his omnibus, quæ deinde narrat, ab hoc scilicet anno usque ad CMXLVI. quo legationem Constantinopolitanam Berengarii nomine ad Constantinum Imperatorem ipse inivit, cujus narratione germanus historiæ ejus textus absolvitur, cap. scilicet 5. lib. 6. notantibus viris eruditissimis^e, rectè colligimus, non alibi quàm in curia Hugonis, aut saltem Ticini, vel in Italia ad minus, toto hoc tempore eum fuisse. Nec minus patenter idem Luitprandus innuit cap. 1. lib. 6. *se domi sub virici cura usque ad Constantinopolitanam istam expeditionem continuasse. Unde & consequens fit, minimè verum esse, quod sub Servo-dei Toletano Episcopo, qui ab anno CMXXXVII. usque ad CMXLVII. (auctore, si credimus, ipso Luitprando^f) Episcopatum tenuit, subdiaconum in Toletana Ecclesia egerit, aut, (quod Luitprandus ipse supposititius disertè ait) anno CMXLIV. sese Toleti laudatum Episcopum cognovisse.*

377. Sed germani Luitprandi res gestas prosequendo ab initio ipso Berengarii, quod anno contigit hujus sæculi XLV. servitio hujus Luitprandum parentes ejus mancipare; cujus secretorum conscium, epistolarumque signatorem egit; donec post longi temporis servitium ingratissimè ab eo, ut plures alii, atque inhumaniter fuit tractatus, ut libri 5. cap. 14. ipse refert. Quo etiam confirmatur præsentia Luitprandi per annos subseqentes annum CMXLVI. in Italia & curia Berengarii. Sed anno CMLI. venit in Italiam Otto

^c Hoc anno num. 3.

^d Hoc anno in Chronico.

^e Baronio ad annum CMXLIII. nu. 3. Bellarmino De script. Eccl. Vossio De H.L. lib. 2. cap. 40.

^f Dist. anno CMXXXVII.

^g Baronius hoc anno n. 1.

^a Lib. 1. cap. 1.

^b Lib. 6. cap. 2.

Otto Magnus Imperator adversus dictum Berengarium; sequentiq[ue] h[ab]e denuò ei tradidit Ital[ie] regnum sub fidelitate ejus administrandum; quod is tenuit plures adhuc annos, donec tyrannidis ejus impatientes Itali Ottonem iterum vocavere an. CMLXI. Qui quidem facillimo negotio Berengarium regno spoliavit; annoque sequenti Romæ à Joanne XII. Papa solenni ritu coronatus fuit Imperator.

378. Sed paullo post, descisciente ab Imperatoris partibus Joanne, venit Otto iterum Romam, Joannemq[ue] ibi comparere nolentē, coacto Episcoporum totius Ital[ie] Concilio Romana sede per sententiam pepulit. In quo quidem Concilio, quod celebratum fuit anno CMLXIII. inter alios Luitprandus factus jam Episcopus Cremonensis subscriptus legitur. Acta servavit scriptor quidem anonymus, qui Luitprandi ejusdem histor[ie] narrationis suæ telam subtexuit; aperteq[ue], uti suprà monuimus, alium se ab eo prodiit: quæ quidem acta ex eo Baronius ad Annales suos transtulit¹. Qui quidem Luitprandus, cum à Berengario ipse, domusq[ue] ejus, & familia, & cognatio, sævè atque impiè vexata essent, quod refert ipse in prologo libri 3. in Germaniam ad Ottonem se recepit, & apud eum in magna gratia fuit. Immo factus postea Cremonæ Episcopus, ivit legatus ejusdem Ottonis ad Nicephorum Phocam Græcorum Imperatorem, anno scilicet CMLXVIII. Quam ipse legationem peculiari libello descripsit, ab Henrico Canisio in *antiquis suis lectionibus*, posteaq[ue] cum cæteris ejus operibus Antuerpiæ edito.

379. Nihil autem plus extra conjecturæ aleam positum haberi debet, quàm unum atque eundem esse Luitprandum Ticinensem diaconum cum Luitprando Cremonensi Episcopo^m. Idem enim histor[ie], quam diaconus, & legationis, quam Episcopus exaravit, stylus, idem amor Græca verba quædam Latinis importunè, ut Græculus appareret, profectum orationi carmina, non ex lege histor[ie], inferendi. Præterea *legationis* auctor, se ipse prodiit, dum ad Nicephorum. hæc se verba direxisse ait: *Temporibus inquam beata memorie Constantini Imperatoris buc veneram, non Episcopus, sed diaconus, nec ab Imperatore aut Rege, sed à Berengario Marchione missus* (ita per contemptum Ital[ie] tyrannum vocat) & multò plura, & pretiosiora pallia emi &c.

380. Hæc cum ita sint, Luitprandum scilicet Cremonensibus Episcopum datum ante annum CMLXIII. fuisse; qui fieri potest ut Pseudo-Julianum non sibilo accipiamus, qui scribere sustinuit anno eodem CMLXIII. venisse Toletum Luitprandum, sive Eutrandum subdiaconum, qui aliàs ibi fuerat, nobilem historicum, & paullo post ibidem mortuum & sepultum fuisse? Absque hoc etiam, quis credat Italum hominem nulla coactum vi, aut cupiditate allectum, relictâ patriâ, urbem Sarracenorum habitatum venisse: nec semel quidem, sed iterum post tot annos rediisse, amore, ut credas, ductum subeundi

Bibliotheca vetus Hispana Tom.I.

jugum, quod necessitate cives compulsi vix tolerare poterant?

381. Ipsa quoque *Eutrandi* nomenclatura dissonat, quam unus Trithemius, fideq[ue] Trithemii novator Toletanus, tribuit ei, qui verè Germanico aut Longobardico nomine *Luitprandus*, sive *Liutprandus*, alicubi etiam *Litobrandus*, auditⁿ in omnibus mss. atque editis codicibus, tam ejus operum, quàm Sigeberti *De scriptoribus Ecclesiasticis* libelli, excepto uno ms. monasterii Viridis-vallis, quem Suffridus Petrus in editione Colonien[si] ejusdem Sigeberti, & aliorum similis argumenti scriptorum, laudat^o, cum Eutrandi nomen Græcum quoddam, Luitprandi verò, seu Liutprandi, Longobardicum sonet. Quibus assatim comprobatum ivimus utriusque Luitprandi, germani & nothi, res minimè inter se convenire.

382. Hujus verus fœtus est *Historia rerum ab Imperatoribus & Regibus Europæ gestarum*, cujus pars est *Antidosis*, nisi hoc nomen integro adaptemus operi, de quo infra; atque item *Legatio ad Nicephorum Constantinopolitanum Imperatorem pro Ottonibus Augustis & Adelbaida*, eorum uxore & matre, ab eo suscepta. Et, si Deo placet, liber *De Romanorum Pontificum vitis*. Quod plures non credunt. Huic tamen homini Italo, ex eo tantum quod historiam suam inscripserit Iliberitano in Hispania Episcopo, imputatum sponte credimus ab his, quibus propositum fuit sub antiquorum hominum persona hodierno in theatro fabulam veteris pseudo-historiæ pronunciare, quod in Hispaniam venerit, Toletiq[ue] in ea cum laudato Iliberitano Episcopo familiariter vixerit; &, quod majoris operæ est, de rebus Hispanis monumenta quædam, eaq[ue] insignia, & coram quibus vilia sint aurum gemmæq[ue], conscripserit. Chronicon (inquam) quod continuatio esse dicitur alterius Chronici Maximi Cæsar-augustani Episcopi, & *Adversaria*.

383. Utrumque opus Matriti primus edidit D. Thomas Tamajus de Vargas regius historiographus, adjunctis, ad Chronicon saltem, eruditis notis. Deinde D. Laurentii Ramirezii à Præto curâ & industriâ Luitprandus totus, quantus est, ex veteri & novo coagmentatus, ex officina Plantiniana fuit emissus, & per Europam communicatus. Esse tamen Chronicon & Adversaria recentioris manus opera, & ab eodem qui Pseudo-Dextrum cum Pseudo-Maximo, gemellos, uno eodemq[ue] abortu edidit, inventa, jamdiu est hominibus, tam nostris quàm exteris, qui semel ad animum reducere fraudem, persuasissimum. Id tamen rationibus evincere, cum aliunde, tum ex ipsa horum operum tela deductis, argumentum erit sequentis, & subjectorum illi capitum: dum interim & veluti per transennam id innuamus amicitiam Luitprandi ac Traſemundi (qui verè Recemundus est, Gotthico nomine) tunc fuisse contractam; quum hic ab Abderraghmane Cordubæ Rege ad Ottonem fuit missus legatus, uti ex Germano scriptore Joanne S. Arnulphi abbate eruditè ostendit altero *Differ-*

Ccc

tatis.

ⁿ Vossius
De H. L. lib. 2.
cap. 40. Tamajus in notis ad Luitprandum pag. 1.

^o In notula ad Sigeberti cap. 127.

^h Baronius
num. 2.

ⁱ Baronius
dicto ann. n. 1.

^k Baron.
eodem anno.

^l Luitp.
Cremon. memoriam lege dicto anno num. 12.

^m Ita docent Vossius De H. L. lib. 2. cap. 40. Miræus in *Antiquis de script. Eccles.* cap. 270. Baronius ad an. CMLXIII num. 3. Belarminus De script. ad an. CMLXVI.

tationum Ecclesiasticarum volumine D. Gaspar Ivañez de Segobia Marchio Mondexarenis & Acropolitani, convellendis & extirpandis fabulis veluti natus.

CAPUT XVII.

Preliminares duæ epistolæ ad Chronicon Pseudo-Luitprandi dupliciter oppugnantur: tum è contentis in eis erroribus, affectationibus, & parum verosimilibus. Primi generis sunt in priore Traſtemundi ad Luitprandum. Traſtemundi nomen Eliberitani Episcopi, ad quem directum legitur, pro Regimundo. Antapodosis titulus libri cujusdam Luitprandi, pro Antidosis, atque hujus ab historia distinctio falsa: cujus occasione locus difficilis Luitprandi historie hujus explanatur. In Adriani I. Papæ tempore lapsus. S. Jacobi Piceni supposita mentio. Affectationes notantur plures, novitatis indices. Inter absurda esse, ab extero & longè posito homine continuationem historie rerum Hispanarum expetere. Prioris hujus epistolæ non meminit Higuera in historia Toletana, posterioris Luitprandi ad Traſtemundum meminit. Confertur edita hæc epistola cum ea, quam in eadem historia Toletana, & in ms. quodam nostro ineditam legimus, ex qua varietate fraudem colligimus. Similibus ac prior vitiis hæc posterior Luitprandi responsoria scatet. Falsum commissum Servi-dei Toletani curæ & Heronii Bracarenſis, Episcoporum, extra suum tempus maxime. Absurdus aliis & affectationibus premittitur epistola.

384. **I**N Chronicon quod vocat nunc inquirimus; atque in primis epistolas ei præmissas. Harum altera est, ut nuper diximus, Traſtemundi Episcopi Iliberitani ad Eutrandum sive Luitprandum; altera hujus ad Traſtemundum: ejusdem utraque styli recentis. Has duplici quassabimus ac evertemus impressione. Priorem nobis suppeditabunt eæ ipsæ res, quas continent; posteriorem verò investigatio, excussio, & collatio eorum inter se locorum, unde non ita pridem istæ merces infaustis avibus erupere. Et quidem res ipsæ clamant, non illi tempori quod jactant, auctori, quem præfunt, congrua & convenientia dici; sed aut commissi erroris, aut affectatæ quorundam articulorum, quos falsos veræ historie impingere animus fuit, mentionis, aut inverisimilitudinis & absurditatis optimo jure postulanda.

385. Erroris inquam (de priore nunc Traſtemundi ad Luitprandum loquimur) primò. Regimundus enim, non utique Traſtemundus, Iliberitanus ille Episcopus appellatus legitur apud Sigebertum^p, Trithemium^q, reliquos, qui hujus nuncupationis meminere. Raimundum, quod idem nomen est, edidit Reuberus in Germanicarum rerum suis auctoribus, quos inter Luitprandi hæc historia; unde hoc nomen servavit in editione sua Ramirezius. Quod & habeo in ms. meo fragmentorum Dextri, Maximi, atque hujus

Luitprandi ex bibliotheca Estepani Marchionis, quo purum, aut sanè puriori proximum, ad nos pervenisse id, quod ex his superfuit Chronicis, existimari posse non semel aliàs diximus.

386. Traſtemundum, sive Traſtemundum, unus habere dicitur quidam catalogus præfulum Iliberitanorum, in quorum locum Granatenses successere, apud quos manet. In quem cum incurrisset Toletanus harum novitatum inventor, magnum antiquitatis vindicem existimandum inde se credidit, si corruptum, ut verosimile est, Episcopi nomen suorum assereret auctorum fide, & vulgare omnium aliorum Traſtemundi, uno contentus teste, damnaret. Unde enim huic catalogo tantum fidei, cui veterum quicquid monumentorum est, decedere debeat? Neque enim ullus nobis jactatur codex venerandæ antiquitatis catalogi hujus custos & conservator. Et si fabulis credimus, quæ tamen oracula sunt Apollinea his, quos oppugnamus, cum quadragesimus à S. Cécilio primo Episcopo in eo collocetur catalogo Traſtemundus, qui fit, ut in altero Hauberti Hispaleſis quinquaginta tres non minùs ab eodem S. Cécilio ad Samuëlem secundum, hoc est usque ad annum CMX. & aliquot annos ante Traſtemundi Pontificatum, recenseantur; & in novissimo Joannis Tamaji, martyrologi nostri^r, Traſtemundus septuagesimus primus à Cécilio martyre numeretur? I nunc, catalogis crede, quorum ignoratur auctor tempusque. Certè nos magno exemplo peccabimus, qui Haubertum Tamajumque Granatensi catalogo fidem dene-gandi duces sequimur.

387. Secundò, cum *Antidosis* nomine Luitprandus, aut historiam integram *Rerum in Europa gestarum*, aut illius partem, appellatam voluerit; epistolæ hujus maximus ac duplicatus error est, non solum *Antapodosis*, pro *Antidosis* enunciare; sed & opus istud ab historia distinguere. De nomine ab auctore proposito credamus ei, non alii, oportet. In prologo enim tertii historie libri, *Operis hujus titulum* (ait) *pater sanctifice, satis te mirari non ambigo. ais enim: Cum virorum illustrum actus exhibeantur, cur Antidosis ei inferitur titulus? Ad quod respondeo. Intentio hujus operis ad hoc respicit, ut Berengarii hujus, qui nunc in Italia non regnat, sed tyrannizat, atque uxoris ejus &c. actus designet, ostendat, & clamitet. At ne in Græco verbo contractum suspicari aliquando errorem possemus, Sit igitur* (inde ait) *eis præsens pagina Antidosis, hoc est retributio, dum pro calamitatibus meis &c. corum, id est impietatem, præsentibus futurisque mortalibus denudavero. Nec minùs etiam sanctissimis & fortunatis viris pro collatis in me beneficiis antidosis erit. In errore cubant Sigeberti editiones, quem & contraxit Joannes Trithemius, antapodosis subrogantes, nihili verbum ad auctoris propositum, quod & fatetur Thomas Tamajus^s, convincitque ipsa apud Sigebertum verbi explanatio; excusatione licet utatur Franciscus Bivarius, contendens utrumque, *Antidosis* & *Antipodosis* voca-*

^r Tomo 4.
die xvii. Aug.
pag. 494.

^s Notis ad
hanc epistolam
pag. 15.

^p De script.
Ecclef. c. 127.
^q De script.
Ecclef.

vocabulum in idem recidere; nam *Antipodosis* Rhetorum est figura, quæ fit cum media primis & ultimis respondent, & *correspondentiam* sonat. Atqui nunc non querimus, quid appellare potuerit opus, sed quid appellaverit.

388. Præterea distinxisse ab historia hanc *Antidosis* epistolæ auctorem ex his verbis constat: *Gratanter accepi librum tuum, idest Rerum gestarum in Europa historiam, & præterea Antipodosis tuam carmine prosaque contextam* &c. Distincta autem non esse opera Sigebertus disertè ait, historiam scilicet eum scripsisse *De gestis Regum & Imperatorum sui temporis, quam attulavit Antipodosis, idest retributionem*. Similiter Trithemius. Constatque ex laudato libri 3. prologo; quem tamen, nisi fallor, ineptè affixere huic libro transcriptores, cum quinto debuissent. Ratio palam est. Nihil enim de Berengarii rebus continet vel tertius vel quartus historiæ liber, quibus retributum Berengario pro malefactis, sive retaliatum ab auctore dici valeat. Quinti aliqua, & sexti ea quæ supersunt capita usque ad quintum, omnino Berengarium sonant. Quare acephalam, ut ex principio satis perspicuum est, historiam, remansisse quoque, aut saltem ad nos pervenisse mutilam, sine videlicet multatam, certo certius est; quemadmodum & continuasse eam, quæ in fine desideratur, partem, scelera omnia Berengarii usque ad ejus postremam ab Italia ejectionem, & Ottonis coronationem.

389. Sed quod in prologo ad *Antidosis* dicitur de loco exaratae à se hujus historiæ, certè mihi crux est, nec video hic sistere ullum Luitprandi rerum descriptorem. Denique quod in captivitate seu peregrinatione libellus hic conscriptus dicatur, præsens indicat exsulatus. cæpius quippe in Franconovord (Franc-fort hodie Franconia civitate) qui est viginti milliariis locus à Moguntia distans, in Paxu insula nongentis, & eo amplius à Constantinopoli milliariis, usque bodie (inquit) exaratur. Insula hæc Paxu, sive insulæ Paxæ, juxta Corcyram insulam in Ionio mari sunt, Paxu major, Antipaxu, minor, dictæ; quod appellere navim potuit qui Constantinopolin navarchus Luitprandum vestabat.

390. Sed qualinam ex duabus legationibus eò directis hocce conveniat, quo scriptioni vacabat, tempus, hoc opus, hic labor. Neutri enim convenit. Priori namque intentus Luitprandus in gratia vigeat Berengarii, cujus nempe nomine Constantinum adierat: tantum abest ut sub hoc tempus dehonestare queat (quod in prologo facit *Antidosis*) honorem hujus muneris exilii nomine, aut dominum adhuc beneficium, tyranni compellatione. Posteriores ad Nicephorum Phocam, creatus jam Cremonensis præsul, obivit Ottonis nomine, post pulsum regno, ac fortasse in orbitate mortuum, Berengarium anno CMLXVIII. cujus dignitatis nec vola apparet vestigiumve in hoc prologo. Et huic tempori adhuc minùs convenit lamentatio ejusdem prologi adversus Berengarium, tanquam præsentem, atque etiamnum rerum

Bibliotheca vetus Hispana Tom. I.

potientem tyrannum. Quare si prologum hunc, signataque in eo, cum cæptæ, tum continuatæ historiæ loca, non improbamus; necesse est mediam, inter duas prius memoratas, saltim usque ad Græciæ occidentales plagas ac mare Ionium, Luitprandi peregrinationem, quo tempore Berengarium fugiebat, hoc est circa annum sæculi quinquagesimum quartum, admittere: eo enim anno extinctus fuit Albericus Marchio Romæ tyrannus, cujus recentis obitus libri 3. cap. 13. auctor meminit.

391. Tertiò, legi se facere; Tractemundus ait, inter afflictos Muz-arabes Granatenses S. Pontificis Adriani epistolam, quam de hoc argumento ad Egilonem Illiberitanum Episcopum olim dederat: Quandonam? anno DCCXLVIII. respondebit hic ipse Luitprandus. Nam id contigisse hoc anno disertis in Chronico verbis monet. Tu verò huic nugatori nuncium remittes, quandocumque animo adverteris Adrianum Papam hujus nominis primum non ante annum DCCLXXII. creatum Pontificem fuisse. Quem anachronismum hic taxamus, licet non sit epistolæ; quia epistolæ auctor unus idemque cum Chronici auctore, etsi duo videantur, eadem vehuntur navi.

392. Quartò erroribus attribuo, quòd S. Jacobi Hispani confessoris in Piceno prima die Novembris sanctè mortui Vitam à Luitprando exscriptam ad se mitti Tractemundus exoptet. Hujus enim Sancti Jacobi confessoris nulla vel in antiquis vel in recentibus Sanctorum catalogis mentio.

393. Affectatio autem inculcandi absque idonea ratione ulla res, epistolæ novitatem, atque impotens desiderium auctoris ejus clamant asserendi ac stabiliendi momenta historiæ quædam, quæ vulgò credi summè voluit. Hujusmodi sunt distinctio facta inter municipium Eliberitanum atque oppidum Granatam, Cæcilii primi ejus Episcopi mentio, Præmatialis & Patriarchalis Toletani Episcopi dignitatis importuna intimatio, lecti à se unà cum Luitprando Boëthii *Consolationis* libri, dum alter presbyter, subdiaconus alter, Toletum agerent.

394. Et nonne talis nota illa est, pro asserendo vulgari Luitprandi nomine inscripto Chronico ineptè adjuncta, quæ petit ab eo Tractemundus, ut Dextri & M. Maximi Chronica exscripta ad se quamprimum è Germania transmittat, quæ nunquam in Hispania reperire poterat? Et de tuo (inquit) addas ab anno DCXII. ubi finivit Maximus, usque ad tua tempora, hoc est ad ann. CMLX. Potuistne designari expressiùs, addo & cum putidiori affectatione, Pseudo-Chronicon adhuc usque annum à ficulneo artifice continuatum? Certè verus Tractemundus, usque ad nostra, vel tua tempora, dixisset tantum, uti suprà notavimus.

395. Quid autem absurdi non continet à Luitprando extero homine tam longè ab Hispania dissito, Hispanum atque Hispaniæ incolam Tractemundum desiderare ac petere, ut Chronicon Hispaniæ plusquam tre-

Ccc 2 cen-

x Anno
DCCXLVIII. n.
224.

u Lexica
geographica
Ferrarii &
Baudrandi
consule.

centorum annorum, hoc est Maximi continuationem, tam citoque conficeret; cum præsertim ille civium Toletanorum veterum amicorum ope etiam Granatæ positus thesaurum illum ditissimum bibliothecæ templi S. Justæ, quem adeo frequenter laudare solet jactareque Julianus, excutere posset, sibi-que & aliis, præ quovis peregrino, quem penitus istud Toletano-ficulnum instruere haud poterat, morem gerere ac satisfacere?

396. Nec sine censura transigi debet quod Tractemundus inscribat epistolam Luitprando diacono Ticinensi & subdiacono Toletano, quasi aliquid apponeret diaconatus ordini subdiaconatus ordo, novæ neque tacendæ dignitatis. Subscriptio item illa: *Ecclesiæ Illiberitanæ peccator Episcopus*, inepta, nec in usu fuisse videtur; cum vulgaris plurimum illa esset, potius personæ respectu, non dignitatis. *Tractemundus peccator, Illiberitanæ Ecclesiæ episcopus*, aut *indignus episcopus*, quomodo frequenter in Conciliis legitur.

397. Adjungo his, Hieronymum Romanum de la Higuera hujusce tam operosæ ac multiplicis fabricæ, ut contendimus, architectum, nullam hujus prioris epistolæ mentionem fecisse in *Toletanæ urbis & regni historia* adhuc inedita; cum posterioris Luitprandi ad Tractemundum responsoriæ non solum meminerit, sed eam quoque vulgari sermone translatam libri... capiti inseruerit. Neque

item codicem meum Estepanum illam habere, qui hanc habet, eâ formâ, quam statim ostendemus.

398. Jam enim, ad responsionem Luitprandi venientibus ea manifestioribus adhuc signis falsam, sive, quod temperantissimè dicimus, majori ex parte auctam & adulteratam sese prodit. Si quid enim ex ea germanum, & Germanum, hoc est à Germania missum, superest, id totum è Latino vulgare fecit Hieronymus Romanus jam laudatus, partemque historiæ suæ Toletanæ esse voluit. Quibus Hispanis ejus translationis verbis omnino respondet epistolæ codicis mei Estepani textus: fortissimum ut hinc argumentum nascatur, hunc primum esse conceptum sive Luitprandi ipsius, sive, quod magis est, ejus qui Luitprandum fingens sub larva ista posteritatis exhibere se ausus fuit. Quod cum representari omnium oculis magnum rei præjudicium contineat; age, hinc triplici columnari ordine Hispanam primo loco Higuera translationem, secundo Latinum simplex Estepani codicis; tertio demum adulteratum & auctum Luitprandi vulgarium editionum textum dabimus. Quoque magis, etiam non accuratè collaturis, statim diversitas, & in ea patefcat dolus; quicquid vulgaris textus tertio loco ponendi à duobus aliis non abscedit, eodem charactere, quod verò abscedit, diverso alio edi curavimus.

399. Ex *Historia Toletana* libri 15. cap. 11. translatio Hispana epistolæ.

Codicis Estepani Dextri, Maximi, & Luitprandi Chronicorum epistola Latina.

Vulgaris Luitprandi Chronici Latina epistola.

Al santo Padre y señor Agismundo (ita nomen legitur) Obispo de Illiberia, toda salud.

Eutrandi Ticinensis Diaconi, & subdiaconi Toletani. Sancto patri Regimundo Episcopo Eliberitano Eutrاندus in utilis servus S....

Admodum Reverendo, & totius sanctitatis pleno Tractemundo Episcopo Illiberitano in Hispania Luitprandus, non meis meritis Ecclesiæ Ticinensis levita, salutem, & omnimodam observationem.

Gusto recibi (benditissimo padre, y señor digno de ser muy reverenciado) que haya venido à sus manos nuestra Antipodosis, en la qual unas vezes uso de verso, otras de prosa. Y no menos me fue agradable lo que al presente me mandays, que en la libreria del monasterio de Fulda, à donde desterrado me detengo, busque el Chronicon de Dextro, que continuò Maximo Arzobispo de Zaragoza à ruego del Obispo Agabado, y si me pareciesse, lo continuasse hasta nuestros tiempos. Porque me deziys que tenays gran falta de algunos libros, y que viviendo entre Sarracenos barbaros è

inbu-

Gratu mihi fuit (beatissime Pater, ac domine) quod Antapodosis nostra, in qua nunc carmine, nunc prosa ludimus, tandem ad manus tuas pervenerit. Nec minùs jucundum est quod modo jubes, ut in Fuldenfis monasterii bibliotheca, ubi nunc exsul commoror, quærerem tibi Chronicon Dextri, quod Maximus Cæsar-augustanus Episcopus rogatu Argebatii episcopi (deest continuavit) & si vacaret, ad nostra tempora pro-

du-

Gratum mihi fuit (beatissime Papa, ac domine multum observande) quod Antapodosis nostra, in qua nunc carmine, nunc prosa ludo, tandem ad manus tuas pervenerit. Nec minùs meo sedet animo, quod meam rerum gestarum in Europa historiâ perlegeris, quæ mihi quodammodo placere incipiunt, cum tibi viro recto doctoque quodammodo probari video. Sequererque tuam in hac parte sententiam, nisi scirem amorem interdum cecutire; quamquam te tam cæco judicio liberum faciunt integritas vitæ tuæ & amor veri, qui semper tuis intimis hæsit sensibus ab adolescentia. Postremo non minùs jucundum mihi fuit quod modo jubes, ut in Fuldenfis monasterii bibliotheca, ubi nunc exsul bibliothecarius immoror, quærâ tibi Chronicon Dextri, quod Marcus Maximus, monachus Benedictinus, postea Episcopus Cæsar-augustanus prosequutus. Et insuper obnixè petis, ut ad nostra tempora seriem an-

norum

inhumanos à duras penas alcanzays lo necessario para el sustento de la vida . Do-
 lime de vuestra suerte, que
 passays la vida con tanta
 aspereza ; mas puesto en
 tantas angustias y apretu-
 ras , una cosa sola os con-
 suela , que como buen pa-
 stor , estays para consolar y
 socorrer vuestras ovejas ,
 y que cada dia trabeys el
 alma en los dientes por su
 causa . El Chronicon , que
 me pediys , bullè en esta li-
 breria de Fulda escrito en
 un libro de pergamino anti-
 guo ; y añadile , como man-
 days , las cosas que suce-
 dieron en nuestros tiempos ,
 esto es basta el año de
 CMLX. Y buelgome , que
 quando parti de Toledo
 para Italia , à donde fui
 subdiacono en tiempo del
 santo Arzobispo de Toledo
 Bonito , truxe con migo al-
 gunos libros de historia , en
 los quales estava por su or-
 den la successiõ de muchos
 Obispos de España , los
 quales tambien bullè en esta
 libreria , que segun creo fue-
 ron trabidos de España a-
 qui por mandado del santo
 Emperador Carlo Magno ,
 que le ofrecio el santo Ar-
 zobispo de Toledo Elipandus
 despues de haver becho
 de veras y con efecto peni-
 tencia del error que tuvo
 cerca de la adoption de
 Jesu Christo becho bom-
 bre . Encomendad à Dios
 à este vuestro siervo destier-
 rado .

Finis epistolæ .

ducerem . Nam dicis
 laborare vos maximâ
 quorundam librorû
 penuriâ : inter barba-
 ros enim & inhu-
 manos Sarracenos nõ
 suppetit copia rerum
 ad vitam necessaria-
 rum , nedum ut ha-
 beatis bonorum li-
 brorum copiam . Do-
 lui quidem vicem
 tuam , quòd ita du-
 riter vitam exigas .
 Sed solatur in tantis
 angustiiis constitutû ,
 quòd sicut bonus Pa-
 stor ovibus tuis es so-
 latio , & auxilio , qui
 quotidie mortem sub-
 is omnium causâ .
 Chronicon quod pe-
 tis , in hac bibliote-
 ca reperi in vetusta
 membrana descriptû ;
 adjeci que , ut iussu
 sum , annorum se-
 riem ad hæc usque
 tempora , hoc est
 usq; ad eam CMLX.
 Et gratulor mihi ,
 quòd cum Toletano
 Bonito subdiacono fui ,
 in Italiam proficisce-
 rer , aliquos historiarum
 libros mecum aspor-
 tavi , in quibus ordi-
 ne erat series colle-
 cta multorum His-
 paniarum Episcoporum ,
 quos in hac biblio-
 theca , iussu , uti cre-
 do , S. Caroli Magni
 Imperatoris ex His-
 pania allatos , quos ,
 ut ajunt , illi obtule-
 rat sanctissimus Eli-
 pandus Archiepisco-
 pus Toletanus post-
 quam illum erroris
 sui de adoptione
 Christi seriò pœni-
 tuit . Feci quod ius-
 sisti , beatissime Pa-
 ter . An verò cona-
 tus responderit , tu
 videbis qui iussisti .
 Vale , & servum hunc
 exulem exsul Deo
 commenda .

Finis epistolæ .

norum perducam . Nam dicis maximâ vos
 laborare quorundam librorum penuriâ :
 etenim inter barbaros & inhumanos
 Sarracenos copia non suppetit rerum ad
 vitam transigendam necessariarum , nedum ,
 ut habeatis bonorum librorum supelle-
 ctilem . Dolui quidem vicem tuam (reve-
 rendissime pater) quòd adeò durè vitam
 exigas in hac urbe Baticæ non infima . Nec
 enim ita duriter , sed paullo melius ageba-
 mus , quum Toleti quondam convivimus . Le-
 niebat enim feroces barbarorum animos , hinc
 præsulum Toletanorum singularis auctoritas ,
 illinc verò mirabilis bonitas & patientia , au-
 ctoritas , (ut bene nosti) partim amplitudinis
 antiquæ adhuc remanente nitore , partim quòd
 ea niteretur favore Regum Orvetensium ca-
 tholicorum , qui literis crebris commedabant
 Toleti rem , auctoritatem , bonamque tracta-
 tionem , tum fidelium omnium , tum maximè To-
 letanorum antistitum . Eratque hoc (ut bene
 nosti) velut quoddam frænum , ne , quod liberet ,
 illis omnino licere putarent . Quod non accidit
 episcopis in Batica constitutis , quibus omnibus
 potentissimus Imperator præsidet . Sed soletur
 te (pater optime) in tantis angustiiis consti-
 tutum , quòd tu , ut bonus pastor , ovibus
 tuis & solatio & auxilio es , qui quotidie
 libenter mortem subis illorum causâ . Fac ,
 obsecro , ut libros eos Conciliorum & Episto-
 larum Decretalium , & nomina sanctorum
 martyrum Hispanorum ad sanctiss. Pontificem
 re & nomine verè Servum-dei transmittas .
 Porro Chronicon , quod petis , in hujus bi-
 bliothecæ reperi vetusta mēbrana descri-
 ptum , adjeci que , ut iussu est ab te , an-
 norum seriem ad hæc usq; tempora , idest
 ad ann. CMLX. Et gratulor mihi , quòd
 cum Toletano Bonito subdiacono fui , in Italiam
 proficiscer , aliquot historiarum libros me-
 cum asportavi , in quibus ordine erat series
 collecta multorum Hispaniarum Episcopo-
 rum , quos & in hac bibliotheca reperi ,
 iussu , uti credo , Caroli Magni Imperatoris
 ex Hispania allatos , quos , ut ajunt , sibi ob-
 tulerat sanctissimus Elipandus Episcopus
 Toletanus , postquam illum erroris sui de
 adoptione Christi seriò & verè pœnituit ,
 ad quem manifestandum Concilium Episco-
 porum suffraganeorum & abbatum collegit ,
 & coram omnibus , abjurato publicè errore ,
 fidem S. R. E. confessus est , ut tu melius nõ-
 sti . Igitur feci quod iussisti (beatissime pa-
 ter) an voto conatus responderit , tu vide-
 bis qui iussisti , & servum hunc exulem
 in oratione Deo commenda . Vale .

Incipiam tamen ab anno DCVI. erà
 DCXLIV. & ordinem in scribendo sequar ,
 quem sequutus est Maximus . Hinc per eras
 Hispanorum more , illinc per annos Christi ; ni-
 bil de Consulibus , aut de Egiris Maurorum ;
 perducamque hoc Chronicon nostrum usque
 ad annum CMLX.

Finis epistolæ .

400. Hucusque triplex epistolæ Luitprandianæ textus, Higuera Hispanus ex Latino, Latinusque, tum codicis nostri Estepani, tum vulgatus editionum. Vides jam, lector veriamans, Hispanam translationem non vulgatis, sed Estepanis Latinis adhærere semper, paucissimis exceptis. Unde necesse est ita primitus à recenti conceptu seu inventione epistolæ, quam Higuera servabat, eam fuisse formatam; immanè autem distare ab his Latinum duabus editionibus repetitum ejusdem epistolæ contextum; quo liquet manifestè secundarum hunc esse auctoris sui curarum, sive reformatæ compositionis scetum à prima sui editione verè alterum. Non conjecturâ hic opus est, sed oculorum examine his, qui *Toletanam* hanc *historiam* ms. in Toletano Jesuitarum collegio servatam adire velint, aut qui consulere exempla ejus, quorum aliquot Matrili in excellentissimi Comitiss Villumbrosani non ita dudum demortui, magni Castellæ senatûs præsidis, bibliotheca est, aliudque apud Comitem de Mora olim fuit.

401. Egregieque id confirmamus ex eo quod Didacus Murillo Franciscanus, *Historiæ Deiparæ Virginis de Pilari* auctor, qui ante publicatum Luitprandi Chronicon, paulò post sparsam apud nos inventionis famam, communicataque à Hieronymo Romano inventore quibusdam ejus familiaribus amicis, & inter hos laudato Murillo, ex eo nonnulla, historiam prædictam in publicum edidit, non hanc laxiorem & longiorem, quæ postmodum edita fuit, epistolam, sed breviorē illam, & pressiorē, quam ex codice Estepano nostro produximus, de Luitprando agens, & hoc ejus opere, apologetico suo prologo intexuit. Quam inde Rodericus Carus in *Notas ad Dextri Chronicon* ¹, & Franciscus Bivarius in commentarium suum ad idem Chronicon transtulere; id quod revera fuit, sequentes, non decepti, neque mutilam, quasi integram (quod Thomas Tamajus ait ²) repræsentantes.

402. Manifestatâ jam epistolæ hujus à se ipsa diversitatis, indeque resultantis falsi suspicionis, aut veriùs comprobationis exceptione, verbis ejus censoriam admovere virgam non gravabimur. Planè iisdem ea urgetur vitii falsò, affectatè & absurdè dictorum, quibus altera. In primis falsa sunt, *Antipodosis* nomen, diversitasque ab *Historia*, uti jam diximus. Falsum quod precetur *Tractemundum*, ut, quod ait, *libros hos Conciliorum & epistolarum decretalium, & nomina sanctorum martyrum Hispanorum ad sanctissimum Pontificem, re nomineque verè Servus-dei, transmittat*. Nam si Servus-dei (ex testimonio ipsius Luitprandi supra posito ³) anno CMXLVII. in vivis esse desiit, Luitprandus autem hæc scribebat in Germaniæ exilio, post historiam conscriptam, legationemque Constantinopolitanam priorem, contractamque Berengarii adversus se indignationem: quæ omnia, ut è superiori vitæ ac rerum ejus narratione constare cuius poterit, annus, ut minimùm, nongentesimus

quingagesimus quartus præcessit. Si duo hæc, inquam, uti verissima admittimus, alterutrum affirmare nos oportet, aut supposititiam & falsam esse epistolam, aut Servus-dei tamdiu post mortem consignari hos, quos memoravit, libros Luitprandum voluisse. Neque enim eò idoneè recurret aliquis, ut ignoraverit Luitprandus Servi-dei mortem post tam longum tempus: siquidem ipse in *Chronico*, cujus antea mbula est epistola, Servi-dei obitum anno prædicto, & Visitani loco ejus subrogationem, referat. Meridiana luce clariora hæc sunt.

403. Falsum quoque & contradictorium est quod ait in fine: *Post hæc misi hæc Heronio (sive Heromo ^b) Episcopo Bracarenfi*. Additionem ad Chronicon Maximi usque ad annum CMLX. intelligo. Quidnam enim aliud? Confirmat quidem id dictum idem Luitprandus in *Adversario* 32. *Ego Chronicon meum (inquit) quod miseram Tractemundo, etiam transmissi partem illius Heronio Bracarenfi semper Pontifici sanctissimo, & scripsi illi sequentem epistolam*. Sed & ipse (quod cæcitatem & incogitantiam clamat impostoris) tenore ipso epistolæ ad Heronium directæ, quam subjungit, sese falsum & immemorem planissimè ostendit. Epistolam Toleti datam erâ CMLXXXI. finis ejus docet. Hic est annus hujus sæculi quadragesimus tertius, quo in vivis erat Joannes Servus-dei Episcopus Toletanus, cujus nomine salvere jubet Heronium. Hic tamen annus tot annis præcessit exilium Luitprandi Germanicum, & inventionem in Fuldensi bibliotheca Chronicorum Dextri & Maximi, continuatæque ab hinc, ubi finivit Maximus, ab eo historiæ, ut non nisi à væcordi & insano homine annus iste subscribi potuerit epistolæ, cum qua tum prædictam continuationem ad Heronium mittit, tum quoque remissæ jam ejusdem ad Tractemundum meminit. Miserum, qui nec verum dicere, nec fallere novit!

404. Absurda & incredibilia sunt, Luitprandum in responsione ipsa epistolæ Tractemundi misisse ad eum trecentorum annorum non breve jejunumque, aut unius gentis, sed prolixum, & exterarum quoque rerum successibus locuples Chronicon: quod non sine jugi studio ac diligentia confici valuit multorum mensium. Absurdum, quod *Overi* Reges adhuc appellatos finxerit, qui vel *Gallicie*, vel *Legionis* ferè ante sæculum appellabantur, ut constat ex Joannis Papæ epistola ad Alphonsum Magnum apud Sampirum, & ex his quæ Ambrosius Morales non semel cum aliis notavit c. Absurdum, ac temerè dictum est, iccirco vexari à Mauris Granatenses Christianos, quia potentissimus Imperator, cum hæc Luitprandus scriberet, Episcopis omnibus in Bætica constitutis præsideret, quasi Abderraghman Almanzor, de quo intelligit, sub ditione sua non haberet omnes Hispaniæ urbes, quæ Mauris in Bætica, & eo, quod nunc est, Castellæ regnum, parebant. Absurdum est, quod mittere se ait ad Tractemundum cum aliis *nomina sanctorum Martyrum Hispanorum*, quasi hoc aliud, aliquid-

^b Ita editum fuit Anversie, cum in Matrili editione hæc clausula desit.

¹ In prologo.

² Pag. 25.

³ Scilicet anno CMXLVII.

^c Lib. 15. cap. 37. & 42.

cujusve pretii futurum esset, misso Dextri Chronico, quod merus albus est Hispanorum martyrum. Nec injuriosus audiam, absurdum jam prædictis aliud subjungens, quod scilicet in continuatione sua sequuturum se ait annos Christi, & eras Hispanorum, *nihil de consiliis*, aut Hegiris Maurorum adjecto, quasi consulum ratio & computum eo adhuc tempore, quo ipse sumit in manus Maximi telam, hoc est anno Domini DCVI. adhuc in usu esset.

405. Affectationes intolerandæ sunt, & impotentiam genii auctoris produnt, sub persona ipsa manifestare se quodammodo gestientis. Evincunt id cuncta quæ veteri telæ, ut vidimus, assuuntur: quod scilicet, ubi Maximus Cæsar-augustinus Episcopus Chronici auctor olim laudabatur, adjecta fuere *Marci* prænomen, & *monachi Benedictini* conditio, juxta perpetuum infixumque Toletano ludioni propositum de Marco Benedictino cum Cæsar-augustano antistite Maximo, uti jam loco suo notavimus, coagulando. Item importuna Toletanorum, præsulum pristinae auctoritatis & nitoris mentio, quæ Mauro-rum etiam dominantium ferocitatem quodammodo leniebat. Nec minus, quod fingat ad Tractemundum unà cum cæteris transmissum Conciliorum & epistolarum decretalium volumen; ad id respiciens, quod sub Isidori Mercatoris collectione pro antiquo & germano diu venditatum fuit; cuique jam hodie ab aliquo eruditorum, quasi legitimo antiquitatis monumento, vix applauditur. Denique putidissime inculcatur Elipandi poenitentia, & Concilium ab eo Toleti coactum: quod non ignorare Tractemundum insulsa illa, sæpiusque totâ epistolâ repetita parenthesi (*ut tu melius nosti*) Luitprandus ipse agnoscit. Sed jam ad ipsum Chronicon impressionem transferamus.

C A P U T XVIII.

Chronicon ipsum, ut in fragmento manuscripto quodam nostro exstat, viginti trium annorum tantum, cum edito & vulgari confertur: unde additiones & interpolationes deinde factæ falsi convincuntur, sublata & mutata notan-

In Estepano est

Toleti nascitur præclaris parentibus Ildephonsus, qui postea fuit Toletanus Episcopus.

Quæ quis non videt eo consilio addita fuisse ad simpliciorum narrationem, ut fides epigrammatis de Stephano & Lucia parentibus S. Ildephonso à Juliano tribuci^c, utque fa-

^d In Collect. carminum ad calcem operum pag. 146.

409. In Estepano.

Erâ DCLII. anno DCXIV.

Mortuo Aurasio imitus sufficitur in sede Toletana Helladius.

tur. Historie Toletane auctor Higuera usus fuit, cum banc scriberet, fragmento nostro, non Chronico integro vulgato.

406. **A** Nimadvertendum est ante omnia, in codice meo Estepano, qui judicio nostro vera, aut vero proxima, Dextri, sive alterius, Maximique Chronica representat (qui ille ipse est, quo Hieronymus Higuera, cum *historie Toletane* incumberebat formandæ, unico fruebatur & utebatur, toties ut inculcamus) legi fragmentum satis breve continuationis ejus ad Maximi Chronicon, quæ Luitprando tribuitur.

Nempe incipit ab anno DCVI. hoc modo:

ERA CÆSARIS.

ANNUS CHRISTI

DCXLIV.

DCVI.

Toleti nascitur præclaris parentibus Ildephonsus, qui postea fuit Toletanus Episcopus.

Toleti Synodus cogitur.

DCXLV.

DCVII.

Mabometus virus erroris sui infusus in Hispanias venit. Cordubæ, Hispali, Toleti incipit seminare. Ab Aurasio pellitur Toletus.

Vitricus catholicos persequitur, &c. usque ad annum DCXXIX. & quam subjiciamus clausulam.

DCLXVII.

DCXXXIX.

Svinbila regno pulsus moritur, sublatoque Helladio, Rege jam Sisenando, succedit Justus archidiaconus, & Joanni Cæsar-augustano Bravlio.

407. Quibus verbis fragmentum Maximo appensum, viginti trium annorum tantum, absolvitur. Idque maxima ex parte à prioribus his vulgatæ editionis annis diversum: quippe in quo vel singula capita, pluribus demptis, additis, mutatis interpolata, vel ex integro inter mista alia, leguntur. Quod facile is deprehendet, qui in calce hujus partis bibliothecæ appendices veterum aliquot monumentorum, & in his hocce cum Dextri & Maximi Chronicis Estepani exempli consulere velit.

408. Exhibebimus autem hic, lectoris compendio, unum aut alterum exemplum. Interpolatorum scilicet primum esto caput ipsum fragmenti.

In vulgatis verò

Toleti nascitur S. Ildephonsus clarissimis parentibus Stephano & Lucia xviii. die Decembris, in domo quæ nunc est Toleti Muz-arabum nobilium. Ille verò postea fuit Toleti Episcopus.

ma à de Mendozarum Comitum de Orgaz ab Ildephonfina stirpe descendendum origine testimonio isto Luitprandi confirmarentur?

^e Tamajus in Notis ad hunc locum.

In vulgaribus.

Erâ DCLI. anno DCXIII.

Mortuo Aurasio, sanctissimo doctissimoque pontifici succedit in sede Toleti S. Helladius, vir eximius, & pius, monachus Benedictinus. Ætate jam ingravescente ad superos evocatur.

Viden?

Viden' ut monachatum Helladii & quorumcumque aliorum summorum hominum Benedictinum vindicandi cupiditas, toto Chro-

nico, & consecraneorum Luitprandi Chronicis perpetua & emicans, vestigia sui manifesta huic loco imprefferit?

410. In Estepano.
Erâ DCLX. anno DCXXII.

Maximus ex monacho Cæsar-augustinus Episcopus habetur clarus.

Prius ignorabatur Maximum prænomen Marci habuisse, monachumque ordinis Benedictini fuisse, atque isto anno adhuc vivere, quippe qui anno DCXXIV, mortuus sit,

In vulgaribus.
Erâ DCLX. anno DCXXII.

Marcus Maximus monachus prius Benedictinus, & post Episcopus Cæsar-augustinus, celebris post mortem habetur.

ut infra ad hunc annum refertur. Quibus omnibus posteriores curæ (utinam sapientiores!) renunciavere.

411. In Estepano.
Erâ DCLXII. anno DCXXIV.

Reversus Hispali Ildephonsus. Eum Helladius diacocum facere volebat. Ille verò cedens seculo vitam agit in cænobio Agaliensi, quod in suburbio Toleti est, ut nōsti, septemtrionem versus, non procul à flumine Tago, & à Prætorienſi templo S. Leocadiæ circiter 300. passus distat, quod ego dum fui Toleti frequenter inſiſi.

In vulgaribus.
Eadem erâ & anno.

Reversus Hispali cū esset Ildephonsus Toletum, eum archidiaconum suum Helladius facere volebat. Ille verò secedens sedulo vitam agit in monasterio Agaliensi, quod in suburbio Toleti est septemtrionem versus, non procul à Tago flumine, & à Prætorienſi templo S. Leocadiæ extra muros in planitie; quod ego, dum Toleti fui, frequenter inſiſi. Est etiam alterum, Agaliensis bujus quasi colonia, ad pagum Benalgoriam à Mauris dictum, tribus miliaribus à Toletis distans. Sed in priori, quod non procul eremitorio S. Susannæ prope Tagum fuit, S. Ildephonsus vitam egit. Quod, ut dixi, inſiſi, quum fui subdiaconus Toleti sub Bonito I. bujus nominis Toletano Archiepiscopo, prius abbate Agaliensi.

412. Insignem factam accessionem vides, lector, restrictiori de Ildephonso & monasterio ejus narrationi. Legebatur scilicet prius: *diacocum facere volebat*. hoc est, sacris ordinibus eum initiare. Placuit postea: *archidiaconum facere volebat*. hoc est, eâ dignitate in Toletana eum Ecclesia ornare. Legebatur prius: *cedens seculo*, quasi diceret, religioso statui tunc primum se mancipasse Ildephonsum postquam Toletum rediit. Placuit postea hæc verba sic mutare: *secedens sedulo*, fortasse ut intelligeremus, à puero in urbe Hispali, dum apud S. Isidorum detineretur, jam olim monachum esse professum. Quam item ea quæ deinde sequuntur de Agaliensi monasterio, & ejus colonia, quodam altero, utrobique Tractemundo ingesta, qui conscius rei erat, putida sunt & inepta! Nimirum inculcata, ut recens harum nugarum artifex sententiam suam de antiquo loco hujus monasterii sub mangonio Luitprandini nominis venditaret.

413. Plura quoque veteris scripturæ iussa sunt loco cedere, nusquamque apparere: exempli gratiâ:

Ex erâ DCXLV. anno DCVII.

Vitricus catholicos persequitur.

Erâ DCXLVII. anno DCIX.

Synodus Lucensis in Hispania. Illi præfuit Aurastius.

Erâ DCLXII. anno DCXXIV.

Tonantius Palentinus Episcopus moritur.

Erâ DCLXIV. anno DCXXVI.

Kalendis Januarii Fulgentius Astigitanus moritur.

Erâ DCLXVII. anno DCXXIX.

Suimbila regno pulsus moritur, sublatoque Helladio, Rege jam Sisenando, succedit Justus archidiaconus, & Joanni Cæsar-augustano Braulio. & alia his similia præteriri indigna.

414. Quædam & in alium ferè sensum, quam olim fuerant, reformata observabis.

Erâ DCLII. anno DCXIV.

Sanctus vir Vincentius Episcopus Carthaginensis Romæ moritur.

Erâ DCLVI. anno DCXVIII.

Civitas Assota Episcopis destituitur. Et postea erâ DCLXI. Sedes Assotæ Bigastrum transfertur.

In vulgatis.

Vincentius Carthaginis Spartariæ Episcopus moritur.

In vulgatis editionibus.

Assota civitas in Contestanis, & in confinio Batestaniæ, quæ quondam sedes Episcopalis fuit, destruitur. Et mox: Sedes Assotana Bigastrum, quæ Murcia est (in Tamaji editione, quæ Mentua) transfertur. Sed de his satis.

415. Alio

415. Alio etiam ariete non minùs robusto & valido quassatur Chronicon, atque eo quidem ejusdem Luitprandi vi & humeris librato. Illum intelligo Luitprandum, qui primùm è Germania in Hieronymi Romani pervenit manus; quoque usus hic fuit in exornandis *Toletanæ suæ historiæ* rebus. Planè hujus historiæ cap. I. libri II. hæc verba leguntur de Maximi Chronico, & Luitprandi continuatione, quæ è vernaculis Latina damus: *Et his finem imposuit Chronico suo Maximus Cæsar-augustinus. Utemur autem nos, quousque pertingeret, continuatione, quam Eutrandus fecit Toletanus subdiaconus, ac Ticinensis alme Ecclesiæ diaconus, multa vir doctrinæ & literis; quamvis hæc valde sit, ab eo quod is reliquit, deficiens ac diminuta.* Non potuit magis aperte designari fragmentum nostri codicis, nec reprobari vulgatum Chronicon, omnibus idem numeris, si approbasset fidem suam, absolutum. Et jam sæpiùs monuimus, cum hæc Higuera scriberet, supellestem omnem Chroniconum & Adversariorum quatuor auctorum, Dextri, Maximi, Luitprandi, & Juliani, è Germania, & forsan aliunde, ad se transmissorum, in sinu & ulnis fovere, atque eorum, per totam hanc historiam, testimonia producere. Colligemus & ea loca ejusdem historiæ, quibus vel silentur ea quæ in vulgatis sunt, minimè verò in codice nostro; vel quæ ex Luitprando referuntur, non secundum vulgarium editionum, sed secundum nostri codicis tenorem.

416. Lib. II. cap. 2. mentionem facit habiti Toleti Concilii tempore Witterici Gotthorum Regis, cuius (ait) *Eutrandus*, sive *Luitprandus*, meminit, absque eo quod ultra quicquam adjungat. Verba ejus accipe quæ representat codex meus: *Toleti Synodus cogitur*. ad eram nempe DCXLIV. sive ann. DCVI. Hujus autem rei non ullum vestigium in vulgariis.

417. Paullò post in eodem capite 2. de Gundemari electione in Regem Gotthorum ac Witterici successorem agens, *Electio-nem* (ait) diximus, quia *S. Isidorus & Luitprandus ita simpliciter de hujus successione loquuntur, ut nec notare prætermisissent, si is per vim aut tyrannidem intrasset.* Habeo quoque pro certa re, coronatum eum in Toletano templo ab *Aurasio Pontifice*, uti decessores ejus duo fecerant. Ecce Luitprandi verba ad eram DCXLVIII. *Mortuo Toleti Witterico subrogatur Gundemarus.* Simplicius nihil enunciaripotuit. At quod Higuera, dumtaxat ex more antecessorum Regum, circa coronationem colligit, id ipsum jam in vulgato expressum legitur Luitprando: *Mortuo Witterico succedit Gundemarus. Ab Aurasio Toletano, ut olim Imperatores Græci à Patriarchis Constantinopolitanis, inungitur in aede SS. Petri & Paulli Toleti.*

418. Nec ultra dictam eram DCLXVII. sive annum DCXXIX. ab auctore hujus historiæ ulla fit Luitprandi mentio, cuius nempe fragmentum apud eundem existens adhuc annum usque pertingebat. Nusquam autem historia meminit earum rerum ad To-

Bibliotheca vetus Hispana Tom. I.

letanam urbem pertinentium, quæ in vulgatis nunc præsentia, in nostri tamen codicis fragmento desiderantur. Nempe erà DCXLIV. *S. Adelphii Toletani & Metensis Archiepiscopi* mentio. Erà DCXLIX. *A-deo-datæ monialis Benedictinæ Toletanæ*, ad quam *S. Gregorius* scripsit. Erà DCLX. templi *S. Thyrsi martyri à S. Leandro Hispalensi Toletana in urbe dicati.* Huc usque è laudata historia, & ex eo, quod fuit apud historicum, Luitprandi fragmento desumpta, à nobis contra vulgare hujus Chronicon, ut logici loquuntur, ad hominem argumenta.

CAPUT XIX.

Topicis quibusdam locis genius & propositum Pseudo-Luitprandini ostenditur Chronici. Primum equivoco nominum vel virorum aut locorum abusus, exteros homines, Conciliaque Hispaniæ attribuit. Exempla in SS. Magno, & Columbano, & Gallo, in S. Faro Galliarum moniali. In Concilio Augustano. Quandoque etiam sine occasione equivoci. Exempla in Verano & Ostano Episcopis, A-deo-dataque, ex epistolis S. Gregorii Papæ nota virgine.

419. **D**ABIMUS nunc veluti quoddam specimen totius Chronici, atque ejus inventoris consilium tanquam in speculo representabimus, capita colligentes, sive topicos quosdam locos credulis imponendi lectoribus, quos maximè auctor persuadere voluit, fartosque testosque ab omni recentiorum opugnatione, judicio suo, veluti quodam trabali clavo affixo, relinquere.

420. Audisti sæpiùs, cum circa Dextrum & Maximum nostra hæc lucubratio versaretur, de præcipuo consilio Hieronymi Romani de la Higuera. Consilium, inquam, magnificandi Toletanam omnem rem, in primisque Ecclesiasticam; primatiale perpetuam & Patriarchalem amplissimè, suisque contentæ opibus Ecclesiæ, dignitatem, collatis undique argumentorum copiis, vindicandi atque asserendi; Hispaniam quoque honoribus & viris illustribus, quomodocumque quesitis, atque aliunde extortis, ditandi atque illustrandi, Benedictinumque omni laude majorem ordinem, sive jure sive injuriâ, mirisque modis extollendi. Nec enim commodius & aptius poterat ei, quam procurabat Toletanis rebus à se confectis haberi fidem, consule-re, quàm prodigalitate ista spargendi atque ejiciendi per omnium provinciarum, urbium, locorum, sodalitatum, ut ita dixerim, sinum, vetera ista & pretiosa virorum eminentissimorum, rerumque olim piè aut magnificè gestarum gaze. Huic scilicet consilio intentus multipliciter sibi munire hanc viam contendit. Locos jam ostendimus, ad quos inventiones & cogitata ejus omnia facile reducuntur.

421. I. Virorum sanctitate illustrium, qui aliò natales referunt, in Hispania constituit, sicuti & res gestas; equivoco nominum aut locorum abusus. Quod ipsum facit in exteris Conciliis Hispaniæ tribuendis.

II. Etiam absque equivocis, locorum aut

Ddd

nomi-

e Hispana verba: *Y con esto da fin à su Chronico Maximo Cæsar-augustano. Servi-remos, en lo que alcansare, de la continua-cion que hizo Eutrandus sub-diacono de To-ledo, y diacono de la S. Iglesia de Pavía, per-sona de muchas letras y doctri-na, aunque estè muy falso y di-minuto de lo que èl lo dexo.*

f Se junta-ron à Concilio en la ciudad de Toledo, del qual haze men-cion Luitpran-do, Eutrandus, su dexir cosa particlar de él

g Hispana verba: *Y hñ di-cho esto de la eleccion, porque S. Isidoro y Luitprando hablan tan sen-sillamente de su successon, que si fuera por tyrannia ò fuer-a no lo dexa-ran de dexir. Tambien ren-go por cosa cier-ta se coronò en la S. Iglesia de mano de Au-rasio, como sus dos antecessores ha-vian hecho.*

nominum prætextu, virorum sanctitate illustrium in fastis Ecclesiasticis celebratorum patriam, aut mortem Hispaniæ adjudicat.

III. Rebus apud nos in historia controversis ambiguisque solvendis ac determinandis iudicem sese invocatus & importunus ingerit, affectationem ubique novitatemque manifestans.

IV. Iis autem quæ non satis expressa sunt in veteribus monumentis lucem declarationemque gestit inferre; quò locis personisque à se nominatis honorem & splendorem, sibi-que fident ab obnoxiis conciliet.

V. Eventibus, quorum in veteribus inscriptionibus apud nos exstantibus obscurior aliqua memoria superest, clariorem pseudo-historiæ faciem immittere conatur.

VI. Carmina à se composita pro sustinendis suis fictionibus, nomine antiquorum inscripta signataque commendat, quò tutius fallat.

422. Uniuscujusque horum locorum seu capitum exempla quedam, non omnia, sed conspicua magis, subicere est animus. Ludit, inquam, in equivoco nominum, vel virorum, vel locorum; ut aliarum gentium homines sanctitate celebres in martyrologiis laudatos, ad nostram gentem referat.

423. Primum exemplum S. Magnus esto, S. Galli discipulus. Locus huic datus fuit in fastis Ecclesiæ die Septembris vi. Bedæ scilicet in antiquis; Maurolyci, Galefini, Ferrariique in recentioribus. Galefinus adjunxit: *Ad Fauces S. Magni confessoris &c. Fauces*, hodie *Fuessen*, oppidum est Suæviæ, non obscurum, ajente Philippo Ferrario^h geographiæ totius peritissimo, *ad Lycum fluvium ad montium angustias constructum, inter Campidoniam, à qua quinque millibus passuum Germanicorum distat, & laude cum opp. Tirolensis Comitatus occurrens, ubi cænobium Faucense celebre Constantiensis diocesis*. Unde hic in elogio suo ita: *Apud Fauces in Suævia S. Magni primi Faucensis abbatis*. Et Joannes Trithemiusⁱ: *Abbas, ut fertur, in Faucibus &c.* Sed quid adhuc his duorum sæculorum egemus testibus, cum Vita existeret S. Magni à Theodoro scripta ejus sodali, & ab Hermenrico Elewangenensi monacho emendata & distincta^k; in qua disertè narrat historicus cap. 7. lib. 2. B. Magnum ab Episcopo Augustanæ urbis Wichperto rogatum, quo in loco morari vellet, *domino auxiliante*, respondit, *directus sum ad locum qui vocatur Fauces, ubi propè sunt fontes alpium Juliarum &c.*

424. Ibi construxisse monasterium, eique præfuisse constat ex his quæ sequuntur. Nam & caput 12. ejusdem 2. libri ita incipit: *Beato itaque Magno morante in cænobio, quod sibi paraverat ad Fauces, per viginti quinque annos magnas virtutes ibi operatus est*. Nec inde discessit toto vitæ tempore, ut ex cap. 13. aperte constat. Hanc Vitam à se scriptam unà cum Magni cadavere Theodorus discipulus sepulchro indidit. Cui quidem appendicem adjunxit Hermenricus Elewangenensis monachus, Lantonis Episcopi Augustani jussu, qui B. Magni corpus multis venerandum signis suo

tempore cum libro vitæ inventum, sublimiorem ad locum transtulit. Hæc veritas est ab æquali scriptore posteris tradita. Confirmat Ekkhardus San-Gallensis monachus in libro *De casibus monasterii S. Galli*^l, his verbis: *In quam (Ecclesiam) S. Magni brachium Adalberone Episcopo dante, & prosequente, de Faucibus sumptum &c.* Ad quem locum Melchioris Haiminsfeldii notam consule. Quam quidem veritatem impetere frustra conatus fuit Luitprandus, ista concipiens m: *Ad Fauces Hispaniæ in Lusitania, vulgò Garganta-la-ola, Magnus, cognomento Joannes, abbas floret*.

425. Nec eo contentus auctor, Lantonem etiam Augustanæ in Suævia urbis nobilissimæ decimum sextum Episcopum in Cæsar-augustæ seu Emeritæ-Augustæ Episcopum transformare voluit, Juliani auctoris Luitprando gemelli his verbis usus n: *Bento (potius Lanto) Episcopus Cæsar-augustanus, vel Augustanus, auctoritate Adriani Papæ (nulla hujus rei in Vita mentio, nec illius temporis hæc fuit sollemnitas) refert in numerum Sanctorum S. Magnum in oppido Lusitanæ ad Fauces*. Et tamen corruptum hodie legi hoc testimonium ex Higuere nota ad Luitprandi superius liquet. Eo enim laudato, Lantonem hunc Emeritæ-Augustæ fuisse Episcopum tempore captivitatis monet. Hæc tamen suspiciunt qui exorandis hisce nugis se addixerunt, viri aliàs doctissimi, Thomas Tamajus ac Laurentius Ramirezius, nec hîcere contrà audent. Joannes quoque Tamajus, qui curiosè omnia collegit, nihilque doli suspicatus, quicquid scriptum reperit Sibyllæ folium credit, & in meris fabulis cum vero conciliandis ingeniosulum se ostendere satagit: dum ait, utriusque oppidi, & Suævici & Hispanici, *ad Fauces* dicti, fines Magnum lustrasse, acta ejus in hunc sensum compingens.

426. Æquè tamen falsum est id quod de SS. Columbani, & Galli, quos magistros sequutus fuit S. Magnus, in Hispanias adventu, appulsuque ad Brigantium portum Gallæciæ, quæ tunc parebat Gunzoni Duci, visitataque ab iis Ecclesia in castro Arbone, Lucensi Episcopo à S. Gallo repudiato, quæ tunc *urbs Martia Constantiensis* à Constantio Augusto dicta est, uti etiam montes Asturum *alpes Rhetice*, ex Juliani ludicris Adversariis^o refert. Omnia enim hæc auctor ex actis S. Magni extorta fabulæ suæ deservire voluit. In cap. 4. libri 1. fluvii, oppidique quod *Brigantium* olim nuncupabant; postea *laci Brigantini*, & *Arbone* loci mentio fit, *Perrexerunt ergo ad lacum Brigantium*, (auctor Vitæ ait): *in cujus litore invenerunt locum antiquum destructum, qui vocatur Arbona &c.* Et cap. 8. *Non post multum verò temporis beatus Gallus divina pietate convalescens; postquam filium Ducis Gunzonis à dæmonio liberavit, oblatusque sibi ab eodem principe Constantiensis Ecclesiæ Pontificatum humiliter recusavit &c.* Omnia hæc leguntur non minus disertè in Vita S. Galli abbatis auctore Walafrido Strabo apud Surium xvi. Octobris.

427. Alphabetariis pueris nota dicimus, sed quæ inculcari oportet. Brigantinus, sive Acro-

l Tomo 1.
Rerum Alemā-
nicarum pag.
13.

m Erā dclxx.
anno dclxxi.

n In Chro-
nico num. 447.

h In Notis
ad hunc diem
in martyrolo-
gio suo.

i De vir. il.
lustr. ord. Bened.
lib. 3. cap. 107.

k Rerum
Alemānicarum.
tomo 1. pag.
190. & apud
Benedictum
Gononum in
Appendice vi-
tarum PP. occi-
dentialis pag. 456.

o Num. 168.
269. 270. 271.

Acronius lacus, nunc *de Constanza*, & ipsa celebris urbs Constantia, sicut & Brigantium (hodie *Bregentz*) & Arona (nunc *Aron*) oppida ad ejus oram, ipsa illa sunt, quorum in S. Magni actis memoria exstat; quin ad Brigantium nostrum portum, *la Cornua* nunc, seu *Betanzos*, & Aronæ fictitium Hispanicum locum recurrere opus sit, auresque dare fabulæ. Lucum-Augustam Gallæciæ urbem in Martiam Constantiensem, & Asturum montes in *Reticas alpes* ^p, transformant. Quod nonnisi Julianæ geographiæ periti sciunt ac refellere supervacaneum.

428. *Fara*, aliàs *Burgundo-fara*, sanctimonialis Gallica, illustris est in memoriis hujus gentis omnibus. Siebertus ^q. *Virgo Christi Fara claret in Francia, cujus sanctitatem imitatus frater ejus Faro, ex Comite clericus, & ex clerico factus Meldensium Episcopus, claret*. Ideo Galliæ, Meldensiq; territorio frequenter martyrologi Faram assignant, Ufuardus ^r, Vincentius Bellovacensis ^s, Equilinus ^t Trithemius ^u, Andreas Saussajus ^x, & in primis Romanus die VII. Decembris: *In pago Meldensi S. Phara virginis*. Omnes viderunt acta ejus & S. Faronis germani fratris Meldensis Episcopi; atque hæc ultima apud Surium XXVIII. Octobris. Itemque S. Eustachii Luxoviensis monasterii abbatis, à Jona Bobiensi monacho æquali scripta, ut mox dicemus.

429. Ex omnibus his monumentis liquidum redditur, Faram, aliàs Burgundo-faram, uti se ipsa in testamento vocat, Agnerici Burgundionis ac Leodegundæ nobilissimorum patrum prolem, germanos habuisse, si S. Faronis acta sequimur, Faronem ipsum, Walbertum, & Chalnoaldum, si testamentum ipsius Faræ, quod è tabulario Faremonasteriensis (vulgò *Faremonstier*, seu *Farmon-tier*) monasterii exceptum Sani-Marthani fratres publicavere ^y, Faronem, Chagnulphum (eundem cum Chalnoaldo) Burgundum (forè eundem qui Walbertus) & Agnetrudem. Fara autem Deo sponso sibi electo, contrà licet nitente Agnerico patre, in religioso habitu sese tradidit, Eustachio, sive Eustacio abbate Luxoviensi, S. Columbani discipulo, magnæ doctrinæ & sanctitatis viro consilium & auxilium præbente. Ipsaque sibi & sodalibus, quas magno numero undique collegit, monasterium Eboriacum ædificavit in Brieigio pago (unde *Prige* cœnobium vocavit Beda lib. 3. *Hist. Eccles. Anglorum* cap. 8.) quod hodie exstat, abbatia ordinis Benedictini in diocesi Meldensi provincie *Bria*. Omnia ex actis constant.

430. Monasterium verò ita describunt laudati San-Marthani fratres ^z, & Augustinus Lubinus ^a. Meldensis autem urbs, Meldi Plinio, Melda etiam, ad Matronam, seu *la Marne* fluvium, *Meulx*, sive *Meaux* hodie, à quo pagus (territorium significat) Meldensis, non ab Ufuardo tantum, ne diversum iisse eum existimes, sed & in testamento jam laudatæ sanctæ virginis Faræ, *Meldensis* audit *civitas*. Cujus quidem fratres ejus germani Walbertus, & post eum *Bibliotheca vetus Hispana* Tom. I.

Faro, Episcopi fuere, *urbs Melodorum* eadem dicitur à Jona in Vita S. Eustachii Luxoviensis. Jona hic Segusianus patriâ, monachus fuit Bobiensi monasterii à S. Columbano fundati, in quo vixit sub Attala Columbani successore & aliis abbatibus, de quo plura Bollandus, sive Antuerpienses Jesuitæ, Sanctorum strenui vindices, in Vita S. Attalæ x. & S. Eustachii xxix. Martii. Idem enim scripsit acta SS. Columbani, Eustachii, Attalæ, Bertulphi abbatum, & sanctæ nostræ Burgundo-faræ, perperam Bedæ attributa, & in hujus operum tomo 3. edita. Cuncta hæc suis diebus edidere memorati patres. Vitam autem Burgundo-faræ ex editionibus Bedæ ac Surii emendatiorem dedit Joannes Mabillonius inter *Acta Sanctorum ordinis Benedictini* ^b, qui potius est liber *De virtutibus & rebus mirabilibus in Eboriacensi monasterio à Fara fundato tempore illius factis*. Id quod indicat eâ adhuc in vivis agente scriptum à Jona fuisse. In vita autem S. Eustachii refertur monasterium ab illo ædificatum Faræ in paterno ejus solo inter Mugram & Albam fluvios, de quibus Mabillonius in Notis. Meminit horum omnium fratrum Carolus Le-Cointe in annalibus Ecclesiasticis Francorum ^c.

431. Huic tamen æqualium scriptorum roboratæ monumentis, recentiorumque nulli non certæ historiæ Burgundo-faræ, seu Faræ virginis in Gallia natæ, in Gallia sub Luxoviensi abbate Eustacio monasterii Eboriacensis, non longè à Meldensium urbe, fundatricis, & in Gallia tandem ad superos evocatæ, opponere ausus fuit nomina supposita Luitprandi & Juliani. Audi sis lector hominis inventum. Luitprandus ait ad eram DCLXXVII. ^d *S. Fara virgo Benedictina fugiens patrem Tudem venit. Ab Episcopo Tudensi Anastasio edificatur monasterium. Moritur anno DCL. Et Julianus in Chronico e*: *In Gallæcia oppido Meladensi, vel Melducensi, sancta Fara virgo Benedictina monialis sub Heraclio Imperatore. Et alibi f*: *Monasterium sanctæ Faræ prope Tudem ad Aquas-calidas diruitur à Mauris an. DCLXX. ubi Meldensem Galliæ urbem in Meladense, seu Melducense Gallæciæ oppidum, Eustacium Lexoviensem abbatem in Anastasium Tudensem Episcopum, eo fine inter subscriptiones Conciliorum Toletanorum hujus ævi quæsitum, veluti Circes virgulâ transformatam legimus.*

432. Cui statuminando multiplici errori cum idem Higuera, tum Joannes Tamajus, symbolam unusquisque suam contulere. Prior scilicet laudato Placentinæ Ecclesiæ pervertito martyrologio, ex eoque his verbis: *Tudæ in pago Meladensi S. Faræ virginis*. Ad hunc codicem sese referunt Sandovalius in *Historia Tudensi* ^g, & Joannes Tamajus in martyrologio ^h, & in Vita S. Epitacii ⁱ, atque item Thomas Tamajus in Notis ad Luitprandum. Nullus autem vidit, sed à solo Higuera hoc laudatum Placentinum fuisse martyrologium constare poterit ex notatis alibi ^k ab eodem Sandovalio, qui in fontibus ipsis Higuera ipsius viventis ebibit hos latices. Mos autem fuit illi, dicta sua commendatis

Ddd 2

hu.

^p Alpes de quibuscumque montibus ac de Pyrenæis dici notavere Lipsius ad *Trajanum Pameyrum*. Scalliger lib. 2. *lect. Aufoniam*. cap. 16. Joseph Maria Suarez in *Dias. de Symymia diversor. locorum & fluminum* pag. 44. Quid tamen id ad Reticas?

^q Anno DCXX. in Chronico.

^r VII. Decembr.

^s Lib. 123. *Hist. per. cap. 15.*

^t Lib. 1. *ca. sal. cap. 39.*

^u Lib. 3. *De vir. illustr. ord. Bened. cap. 15.*

^x In martyrologio. Gallie. VII. Decembris.

^y 4. Tomo *Gallie Chrif. lit. F. verbo Faremonasterium.*

^z Ubi proxi-

^a In Notis historicis ad martyrum Romanum, tabulâ 3. Gallie, verbo: *In Pago Meladensi* pag. 74.

^b Seculo XI. pag. 438.

^c Tomo 3 ad ann. DCLXXII. à num. 12.

^d Anno DCXXXIX.

^e Num. 326

^f Adducitur à Thoma Tamajo in Notis ad locum Luitprandi pag. 56. non tamen apparet in edito Juliani Chronico.

^g Fol. 34.

^h Tomo 6. die VII. Decemb. pag. 566. i Cap. 2. num. 24. fol. 137.

^k Hist. Tudensis fol. 18.

hujusmodi manuscriptis libris Hispanarum Ecclesiarum confirmare. Sed utinam soli. Nam & Joannes Tamajus è libro suo Auli Hali poematum, qui omnes *Martyrologii Hispani* (quàm nobis pudendi!) paginas implet, quique illi cuncta, quæcumque voluit, subministrare consuevit, epigramma nobis protulit, quo Faram gente Gallecam, Tude monacham, Anastasio Tudenſi Episcopo cœnobium eidem construente, atque ejus in eo gloriosam mortem, adstruere voluit ejusdem farinæ cum historicis nostris poeta. Adi, si tanti est, Sandovalii & Tamaji loca & nomina in Gallecis quæſita, de quibus ne labasceret omnino dictorum fides, Luitprandianis & Julianæis conformia illa esse argutati sunt. Verè enim tædet nos hic ultrà morari.

433. Nec dum finis Luitprando in ludendo & ludificando lectores uno spectro nominis. Erà CMLXXXIX. ita legimus: *Concilium habitum in Hispania in urbe Cæsar-augustana, dictum vulgò Augustanum, viginti quinque Episcoporum*. Infandum hoc est prorsus, nedum falsò ac ridiculè excogitatum: quo de cùm non auderet ultrà loqui addictus partibus, sic Thomas Tamajus censuit: *De quo seriè & verè veterem judiciorum formulam pronuncio, N. L. Audiamus tamen Higuerae notam. Manuducet ea nos quò tendimus. Concilii Cæsar-augustani (ait) cujus hic meminit Luitprandus, meminit Onuphrius an. Domini CMLI. & sic gestum fuit sub Joanne Toletano Pontifice*. Onuphrius sanè ipsi his verbis non spontè ilulit * * * * * Augustanum Concilium, hoc est in Augusta Germaniæ urbe coactum, intelligens, de quo sic Hermannus Contractus eodem anno CMLI. *Synodus viginti quinque Episcoporum apud Augustam Vindelicam coram Ottone Rege colligitur*. Melius anno CMLII. uti est in Chronica, ut vocant, *Austriaci* Matthæi Mareschalci de Bappenheim canonici Augustani, quam edidit Freherus¹. *Synodus xxv. Episcoporum sub Ottone Rege colligitur*. Exstatque eadem Synodus in Conciliorum editionibus ^m cum præfatione, in qua nomina eorum qui interfuerunt, Italiæ, Galliæ, Germaniæque Pontificum sub ditione Ottonis degentium referuntur. Incauto tamen homini visum fuit licere sibi ex Augustana Cæsar-augustanam conficere, quasi unico Panvinii testimonio ita brevi fides ejus, & loci, quo celebrata fuit, constituta esset.

434. Ejusdem commatis est, quòd S. Veranum episcopum Tarraconensem laudat in Carpetania tractuque Aurelianensi exulem erà DCCLXXXII. ⁿ Cui consonat Julianus in Chronico o. Ad quæ annotatores tractum Aurelianensem territorium oppidi *Oreja* in regno Toletano intelligunt, eque Tarracone, vexationes Maurorum evitaturum Episcopum Veranum, in Toletum urbem, tanquam in asylum se contulisse ajunt, aliaque apud Joannem Tamajum videnda^p, cum solenni Auli sui Hali carmine. Inde autem fabulæ locus, quod xix. Octobris die in Martyrologio Romano sic legatur: *In territorio Aurelianensi depositio S. Verani Episcopi*. Quem inter plures hujus nominis indicare ausus non

fuit Baronius^q. Sed quid *Aurelianensis tractus* nomen cum *Oreja* oppido? cùm Aureliæ in Hispania nullus meminerit geographorum, neque in priscis monumentis ullum vestigium exstet?

435. Similiter S. Ostanus episcopus fingitur Aucensis in Hispania, interfuisseque Concilio Ovetensi, ac decessisse in tractu Bivarienti xxx. Julii. Luitp. erà CMXXXIII. Quibus adjungit glossographus ejus Julianus, *Bivar* intelligendum esse, Didaci Roderici cognomento Campiatoris patriam. Unde occasio, quæris? quòd scilicet hac die apud Ufuardum, ex quo Romanus desumpsit, legatur memoria *in territorio Vivariensi Ostani presbyteri & confessoris*. De quo Galesinus & Molanus ad Ufuardum, ubi ait ejus exstare acta. Equilinus certè, non presbyterum, sed episcopum appellans in fine catalogi^s, ubi cæteratim de his agit, quibûsde nil ultrà quàm nomen, minimè verò res gestas noverat, occasionem dedit fabricandi apud nos Aucensem Episcopum, qui nunquam fuit, eum ipsum, quem presbyteri tantum titulo notum, Ufuardus, octavi sæculi auctor, posteris commendavit. Nec Ovetensi Concilio, quod celebratum fuit sub Alphonso III. Rege anno CMI. interfuit Ostanus aliquis Aucensis episcopus: omnes enim eò venientes nominat Sampirus Astoricensis, atque inter alios Joannem Oensem, qui dubio procul Aucensis est.

436. Eòdem hæc ambitio præpostera de mortalibus exteris Hispaniæ formandi cives, impulit ad S. Gregorii epistolarum libros. Cumque ibi habiles & paratas huic rei nuncupationes quasdam invenisset, more suo egit, tumque A-deo-datam, nec non Dulcidium, ad quos literas dedit sanctissimus Pontifex, aliò, idest ad Italos, pertinentes, genti nostræ inseruit. A-deo-data fœmina fuit Deo devota, cui inscriptæ sunt libri 7. epistola quinquagesima quinta, & libri 8. sexagesima secunda, quemadmodum commendatoria ejus est ad Venantium Lunensem Episcopum libri 7. epistola vicesima octava. In hac ultima Venantium adhortatur Gregorius, ut apud matrem Fidentiam causam agat A-deo-datæ, ut scilicet (quod innuitur) alimenta subsidiave alia ei præstet, ut in habitu religioso se exhibere possit; sin minus sponte facere velit, A-deo-datam in judicio tueatur, eamque in omnibus habeat commendatam.

437. Luna urbs in Thuscæ Liguriæque confinio ad Macram fluvium hodie excisa, in cujus locum Sarzana successit, quemadmodum Lunensis vicem jam intravit Sarzanensis Episcopus. Unus ex his Venantius fuit, agnitus, uti talis, ab Ughello in *Italia sua sacra*^t; ad quem Gregorius Papa, tanquam ad proprium Fidentiam, fortasseque & ejus filia A-deo-datæ antistitem, officii excitatorias dedit prædictas literas. Sed certum quoque est A-deo-datam in Sicilia, in urbe scilicet Lilybetana (urbs episcopalis olim fuit Lilybæum ad promontorium ejusdem nominis, nunc *Marsala*) monasterium fundasse, atque in eo abbatissam egisse. Id enim constat ex duabus aliis

^q In Notis ad hunc diem.

^r Anno DCCCXCV.

^s Lib. II. cap. 130. num. 183.

^k In Chron. eccl. ecclesiastico.

^l Inter alios German. rer. auctores pag. 311.

^m In ultima edit. Paris. volum. 9. col. 635.

ⁿ Anno DCCLXIV. o Num. 382.

^p Tomo 5. Mart. die XIX. Octob.

^t Tome 1. col. 894.

epistolis 63. & 64. ejusdem Gregorii, quarum prior ad Decium Episcopum Lilybetanum, & altera ad Hilarium notarium inscripta legitur. Accedit, quod ad A-deo-datam Gregorius ait ^u se commississe causam Decii Episcopi (cujusnam aliis quam ejusdem Lilybetani?) Joanni Episcopo, & Leontio glorioso, qui mihi Joannes Syracusanus, aut alter Panhormitanus est Episcopus, & Leontius ex-consul in Sicilia per hoc tempus jus dicens, ad quos frequentes sunt Papæ sanctissimi datæ literæ ^x. Abi nunc, & aures Luitprandi nugis præbe. *A-deo-data virgo sanctissima Toletana* (inquit ^y) *monialis Benedictina flores, ad quam bodie S. Gregorius scripsit*. Simile credimus, quod de Dulcidio ait paullo inferius ^z. *Dulcidius diaconus Caesar-augustanus floret, quem S. Gregorius in epistolis mirum in modum commendat*. Nulla quidem ad Dulcidium Gregorii epistola; nec vacat, utrumne aliqua de Dulcidio sit, querere.

CAPUT XX.

Luitprandus pro nostratibus venditat eos qui famâ sanctitatis alibi claruere. Exemplum primum in S. Babila martyre. Higuera & Joannis Tamaji codices suspectissimi. Secundum in Raymundo Metellinensi pastore, qui Raymundus verè fuit ordinis Calatravensis institutor, Cisterciensis monachus. Tertium in Anacirardo Augie-droitis monacho. Quartum in Cornelio Proculo & Cornelio Basso, qui ex lapidibus inscriptis notî dumtaxat sunt. Quintum in Genesio martyre. Arelatenfî Genesio dicata, non alicui Hispano, qui non fuit, videri omnia hujus nominis apud nos templa.

438. **T**AXABIMUS aliis adhuc hominis cupiditatem, in adscribendis Hispanorum Sanctorum albo iis qui verè nostrates non sunt. Solet enim eos, quibus Hispani veteres locum aliquem dicavere sacrum, Hispaniæ cives statim asserere. Babilas Pontifex fuit Antiochenus & martyr die Januarii xxiv. Græcorum omnium patrum, nec semel Latinorum, monumentis celebratissimus; apud nonnullos tamen distinctus ab altero *Babila* ludi magistro; de quibus, ne actum agam, adiri Baronius ^a & Bollandus hac die poterunt. Babilam certè Pontificem S. Eulogius noster in his laudat (*Memorialis Sanctorum* lib. 1.) qui sponte martyrio se obtulerunt, quemadmodum & SS. Sebastianus, Thyrsus, Adrianus, Eulalia, & alii. Hunc, nec alium, existisse Babilam Baronius contendit.

439. Sed cum novisset prope *Odon* oppidum agri Matritensis eremitorium *de San Babiles* nuncupatum exstare, gratum se oppidi hujus incolis facturum existimans si anxietate illa res querentium gestas Babilæ Antiocheni, & alterius fortasse ludi magistri, abusus, postremum hunc, nothum à Baronio martyrem reputatum, vindicaret, notisque loci ac temporis modique martyrii illigatum assereret; his verbis imposuit, quicquid intimabitur, facile credituris: *Per hæc tempora S. Babilas Episcopus Virinensis & Pampilonen-*

sis (utrobique enim prædicavit) animo videndi captivos & miseros Muz-arabes Toletum venit, & inde ad Odonem oppidum, & prope in eremitorio (audisne?) pueros docet primas literas, & venit cum duobus fratribus, qui sunt eremite, & postea omnes martyrium patiuntur. Malè editum fuit Virinensis, pro Irinensis, quomodo appellatum fuisse aliquando Pampilonem, sem Episcopum, ab Iruna vernaculæ linguæ appellatione, quæ bona urbs sonat, certa res est ^c. Julianus eandem ludens fabulam d: S. Babilas Episcopus Pampilonensis capta Pampilone venit in Carpetaniam, & prope populum Odonem docet pueros, & cum illorum LXXX. à Sarracenis patitur martyrium xxx. Octobris.

440. Vellent ita factum, qui larvatis his auctoribus non minus quam Pythagoræ auditores ejus, deferre amant, ac duplici argumento pro Babila hoc Hispano utuntur. Primum est ^e Sanctum Eulogium nostrum *Memorialis Sanctorum* lib. 1. hunc inter eos laudasse, qui martyrio sponte se obtulerunt. Sed hoc plumbeum est telum: nam & Sebastianus, & Adrianus, & Thyrsus exteri MM. unà laudantur. Secundum est, cultum olim proprio, ut vocant, officio Babilam in Hispania, quod in breviario Isidoriano legitur. At nos id quoque argumenti in contrarium torquemus; cum hymnus officii prædicti ad Antiochenum episcopum Babilam dirigatur, uti notavit Joannes adversus Thomam Tamajum ^f. Ait enim:

Formam exempli Babilas antistes &c.

Et postea:

*Hic vir virtute fidei munitus
Antiochenam rexerat arcem,
Sprevit profanum atris à sanctis
Numerianum*

Unde proclive est credere, huic, quem peculiari memoria Ecclesiæ nostræ facti dignati sunt, eremitorium istud, quo de loquuti sumus, fuisse olim dicatum; frustra quæ alium nos querere nostrum civem, quem antiquitas ignoravit; nec, si fuisset, Antiocheno, id est extero, postposuisset. Huic etiam sponte adjudicamus Ecclesiam *de San Babil*, juxta oppidum *Sanguesa* in regno Navarræ, cujus meminit Garibajus lib. 21. *Hist. Hispan.* cap. 6.

441. Contendit tamen, ut solet, Joannes Tamajus uno partium studio, tertium Babilam apud nos fuisse, ab Antiocheno episcopo, qui cum tribus, & à ludi magistro ejusdem urbis, qui cum octoginta quatuor pueris mactatus fuit; quorum utriusque Menologium Græcorum quarta Septembris die meminit, diversum; eundem tamen cum LXXX. pueris martyrio impensum; profert quæ & hic manuscriptum suum codicem, atque ex eo hymnum, qui pro omnibus Luitprandi Julianique mendaciis fidei jubet, versibus sribiligne sua verum auctorem suum prodentibus. Falsus quoque est Luitprandus in distinguendo, tanquam diversi fuerint loci, *Pampilonem* ab *Iruna*, si vera scribit Garibajus, Cantabricarum & Navarræarum originum callentissimus, lib. 22. cap. 16. & alibi. Nullam igitur, spero, fidem his nugis præstabunt qui semel animadverterint consilium homi-

^c Oihenartus in *Noritia Vasconia* lib. 2. cap. 2. pag. 77. Garibay lib. 23. *Comp. Hist. Hisp.* cap. 9. d Chron. num. 413.

^e Utitur ^z. Tamajus *Mart. Hisp.* tom. 1. die xxiv. Januarii pag. 277.

^f Ibidem pag. 275.

^u Epist. 75. lib. 7.

^x Vide indicem epistolarum.
^y Ad ann. DCXIV. five crâ DCXIII.

^z Erâ DCXII. five anno DCXIV.

^a xxiv. Januarii.

^b Chron. ad ann. DCXV.

hominis occasione sibi data sacræ alicujus ædis obscuræ ambiguae nuncupationis, pro insinuandis fabulis suis pia impietate, ut sic dicam, turgentibus, abutendi.

442. Eodem ille confusus æquivoco nominis, è duobus sanctis unum atque eundem facere pro ludo habuit. Celebratur nempe apud Bellovacensem Ecclesiam Apostoli, ut vocant, sui atque primi Episcopi S. Luciani, qui cum S. Dionysio in Galliam venerat, octava die Januarii martyrium. Nunc non quærimus quisnam Dionysius annuntiaverit Gallis, aut quo tempore, Christianum Evangelium. Quicquid enim sit, acta Luciani martyris ab Odone I. ejusdem urbis Bellovacensis præfule, ut fama est, sub Carolo Calvo scripta, dubitare non sinunt de ejusdem, cum agone, tum agonis sociis, nempe Maximiano (alias *Messiano*) & Juliano, de quibus accuratè Bollandus in Notis diei viii. Januarii, qui & xv. Septembris, & xvi. Octobris factam fuisse horum trium sociorum corporum quandam translationem ex veteribus mss. martyrologiis observat.

443. Diversus omnino est ab hoc Luciano Bellovacensi Lucianus martyr Vicensis Cataloniæ urbis, qui cum Marciano sodali triumphavit in Decii persecutione. Quorum similiter acta germana, ut videtur, sinceræque antiquitatis, ac solennis tunc temporis formæ in conscribendis hujusmodi religionis causis consignata notis, in Vicensis ejusdem Ecclesiæ breviario, & in antiquissimo libro *Sanctorali*, veteri gentis lingua, quâ utuntur & Galli Provinciales, conscripto, & alia valde antiqua relatione in archivo Ecclesiæ jam dictæ conservata ad manum habuit, quæ in historia sua *Cataloniæ Sanctorum* h repræsentaret vir æquè doctus ac pius Antonius Vincentius Dominicus ordinis Prædicatorum, ex eoque Hieronymus Pujades in Chronico suo ejusdem Principatus lib. 4. cap. 55.

444. Et tamen haud veritus fuit, tanquam omnes umbra essemus, hæc Pseudo-Luitprandus effutire verba: *Sancti Luciani Pontificis & martyris, comitis sancti Dionysii Arcopagite, ossa Bellovaco ad urbem Vicensem translata sunt*. Eodem scilicet fallendi genio, quo gemellus ejus Pseudo-Dexter animabatur, quum scriptum reliquit ad an. CCCVIII. *Reliquiæ sancti Luciani Episcopi Vicum transferuntur*. sexcentis tamen & amplius annis ante memoratam à Luitprando translationem. Hæ sunt, quibus mendaces deprehenduntur, notæ. Frequenter enim *mentiri solet iniquitas sibi*, de quo sacræ nos literæ admonent.

445. Neque contentus annominationis hoc velamento abuti, absque ullo etiam, nostræ gentis cœlites ex alienarum gentium cœlitibus facit, aut qui nusquam noti sunt, pro notis laudat. Paullum scilicet Jaccetanum Episcopum. *Memoria* (inquit) *S. Paulli Episcopi Jaccetani, qui Romam dum visitat, cum aliis duobus sub Decio martyrium patitur sexto Idus Februarii*. Oculos nempe habuit ad hunc diem viii. Februarii in martyrologio Romano, in quo Romæ SS. martyrum Paulli, Lucii, & Cyriaci memoriam ex codice monaste-

rii S. Cyriaci restituit Baronius. Quem Paulum Galestinus Episcopum fuisse addidit. In Florentini antiquo martyrologio, *Roma*, legitur, *depositio S. Paulli Episcopi*. Vide sis ibi Florentinum, & in opere magno *De actis Sanctorum* Bollandum. Qui omnes conquerruntur nusquam de loco Episcopatus significari. Quâ datâ portâ ruit noster, & Jaccetanam urbem (*Jaca* nunc in Pyrenæis, & Aragoniæ regno) tanquam ex cortyna pronuntiavit.

446. Cœlestinum, SS. Saturnini & Neopoli Romanorum martyrum socium, laudat Baronius, & Galestinus iii. die Maji. Alibi taceatur locus, nempe in martyrologio Florentini, de quo plura hic in Notis. Hunc fingit Pseudo-Luitprandus, in Hispania fuisse consularem, ejusque memoriam apud nos floruisse.

447. *Anacirardum* (ait m,) *eremitam ex Germania venisse in Lusitaniam, & in ripa fluminis Tago prope civitatem Scalabim sanctè vixisse, reversumque ad Italiam, non longè à lacu Tigurino vulneribus confectum, & martyrizatum iv. Februarii*. Fingit hic se hujus rei haud conscium Higuera, & Anacirardum eundem facit cum Lietphardo, cujus Molanus die iv. Februarii meminit; aut certè alterius quàm Higuera illa nota est huic loco affixa. Nam Luitprandi gemellus Julianus, parum mutato nomine *Hancarardum* vocat, atque eadem de illo refert, adjiciens singularia hæc: *Manent aliqua vestigia adventus hujus sancti abbatis in Lusitaniam in oppidis ejusdem provincie Ataugia & Meinardo*. Cujus observationis interpretationem si quærimus, Joannes Tamajus succurrit *Atouguia* oppidum prope Scalabim, sive *Santaren* civitatem Tago adjacere, in quo subodoratus fuit *Augia majoris*, sive *Reichenaugia*, quod Germanicè *divitem insulam* sonat, insignis monasterii, hoc vestigium nominis, quod insinuaverat falsus ille chronologus; atque item ait prope idem oppidum esse vallem de *Bollardo* dictam, hoc vocabulum vix distare à *Meinardo* subjungens, quod verum & vulgare magis sancti eremitæ nomen fuit.

448. Sed relinquo libens non insanis lectoribus Tamajanam hanc conjectationem alpinis frigidioribus nivibus dijudicandam. Planè hujus sancti Helvetici eremitæ ac martyris Meinradi, aut Meginradi, monachi prius in Augiæ-divitis monasterio, deinde eremi Nigræ-sylvæ viginti sex annorum incolæ, tandemque à duobus latronibus interfecti, supersunt acta anonymi auctoris, quem Bennonem, secundum hujus eremi incolam, non temerè judicavit Bollandus. Hæc acta, cum Surius aliquantulum mutata, tum Christophorus Hartmannus in annalibus suis Einsidensis S. Meinradi monasterii, quod in eodem loco ejus martyrii postea fuit erectum, tum demum Bollandus nuper laudatus in actis sanctorum xxi. Januarii die, publicavere. In quibus disertis verbis habemus notatum, eremitam nostrum priorem à se petitum juxta Tigurinum, seu Turicinum lacum, eremi locum septem annis habitasse, indeque inte-

1 Ad eram
DCLX. ann.
DCCXII.

m Ad eram
DCCCLXXXVIII.
ann. DCCCL

n In Chron.
num. 416.

8 Bede,
Ulwardus, Ado,
Martyrol. Ro-
man. & alii à
Baronio lauda-
ti die viii. Ja-
nuarii, & à
Bollando ead-
em. Sauffay
in Martyr. Gal.
lic. Vincentius
Bellovacensis
lib. 10. Spec.
Eist. cap. 25.
& 26.

h Fol. 99.

i Ad eram
DCLX. ann. DCCXII.

k Ad eram
DCLX. ann. DCCXII.

rius per quatuor milliarius spatium secessisse in aliam eremi vallem, in qua usque ad mortem solitarius vixit. Verba hæc sunt: *Ibi dum per septem annos superni Regis militiam exegisset, multitudinem populi ad se venientis ferre non valens, mutavit locum, atque à prædicti laci litore quatuor millibus distantem reperit planitiem inter montes accessu valde difficilem. Ibi adjuvantibus viris religiosi, & maxime quadam abbatissa Heiluviga nomine, necessaria voti sui construxit habitacula, atque in eodem loco quod erat reliquum vite permansit.* Quam sit hoc verosimilius migratione Luitprandiana & Julianæ Meinradi ad Lusitaniam, in qua tunc temporis Christiani Gallæciæ sive Oveti Reges Alphonfus Castus, aut Ranimirus I. aut Ordonius I. qui æquales Meinrado vixere, cum Sarracenis bellum gerebant, inter quos vix sperare potuit Christianus homo vitæ quietæ ac solitariæ copiam, prudentes judicent.

449. Eadem temeritate quovis famæ detrimento coercenda, è priscis Romani ritus ac temporis ethnicorum inscriptionibus excitat Christianos, & Apostolicos viros, & martyras Toletanus fabulator. Nonne enim talia sunt, Cornelium Proculum, & Cornelium Bassum à discipulis S. Jacobi conversos Pontifices martyresque factos, celebrari Antiquariæ in Bætica, quod in Luitprando legitur? In quo habitus fuit respectus ad inscriptionem duplicem, quarum alteram M. Cornelius Proculus Livie Augustæ, alteram Cornelius Bassus Cajo Cæsari, Pontifex uterque Cæsarium, quomodo se appellant, dedicavere, quasque vel nunc gemini præferunt lapides Antiquariæ urbis.

450. Et cuinam alii noti sunt SS. Maria, Joseph, Victor, & Theodorus, Castrum Octavianum in Catalonia MM. quorum ad ann. DCCLXXXV. & Genesius Cordubæ passus sub Nerone, cujus ad annum DCLXVIII. Luitprandus mentionem habet? Certè hunc secundum enixè admodum, propter frequentem Genesii martyris nuncupationem in Hispanis quibusdam Ecclesiis, non jure abrogatâ sive Arelatenfis sive Romani Genesiorum memoriâ, Hispanum asserere civem & martyrem Higuera contendit. Nam & ad partes venit non semel Julianus t laudata æde sacra Toletana Genesii martyris Cordubensis, à quo habemus Hispanum fuisse, & militem legionarium in castello Nunetenfi (Nuez, juxta Toletum, ad radicem montis de Altamira dicti) celebrarique ejus festum xx. sive, ut legendum est, xxv. die Augusti: corpus autem ejus è Corduba Alarcurrim, indeque Toletum, fuisse translatum.

451. Hæc omnia in *Adversariis* u. Quibus apertè hunc distinguit à Genesio alio Anastasii socio, xi. die Octobris in Rutenio Hispaniæ (Dexter Mantuæ Carpetanorum ait ad annum CCCLIII.) martyre. Cujus in *Adv.* 326. meminit. Atque iccirco non debuit vir clarissimus D. Laurentius Ramirez à Prato ad Franciscum Bivarium de Genesio scribens, omnia hæc Juliani testimonia de eodem Genesio accipere, differentiamque

diei martyrii corrigere velle, de quo Bivarius in responsione cum admonuit, variationem Juliani ad conditionem *Adversariorum* quæ tumultuariam observationum formam continent, rejiciens. Quicquid tamen is dicat de quatuor Genesio, i. Arelatenfi, ii. Romano, iii. Barcinone nato, Mantuæque Carpetanorum cæso, cujus acta profert, iv. demum Cordubensi, de quo nunc agimus; certissimum haberi debet, non alteri quàm i. Arelatenfi exceptori sive notario publico oblatum ab Hispanis cultum in dedicatione Ecclesiarum fuisse. Quod maxime de Toletanæ urbis ac territorii, quo Mantuo-carpetana, seu Matritensis curia comprehenditur, sacris ædibus à Genesio martyre nuncupatis, fateri oportet. Ad Toletanorum enim res & usum præcipuè spectare quicquid in Gotthicos Ecclesiastici ritus libros ab Isidoro Hispalensi Hispaniarum doctore vulgò appellatos, cum ab ipso, tum ab aliis Toletanis Episcopis fuit conjectum, indeque desumendum antiquorum in solvendis sacris his officiis propositum, nemo inficiabitur.

452. Atqui non de alio quàm de Genesio Arelatenfi in breviario & missali Gotthico ad vicesimum quintum Augusti diem fit mentio: ubi præstat officium proprium hujus martyris cum hymno, unde hæc ad rem nostram exscripsimus:

*Genesius igitur ille juvenculus,
Civis eximius Arelatis oppidi,
Ætatis peragens floscula primula
Injuncto paret ordini.
Exceptor igitur dum nitesceret,
Ac jussa tabulis publica scriberet,
Afflatus subito munere cælico,
Quo vota cumulat pia,
Extemplo officium abnuat impium,
Et ceris renuit imprimere manum,
Cælestis cupiens effici accola
Vitæ, votisque, moribus. &c.*

Et putas ne ad alterum olim directum cultus solennis officium, alteri autem Genesio dicata fuisse sacra templa, non Matriti tantum, Toleti que, aut Cordubæ; sed & Hispali, & Salmanticæ, ac forsan alibi? Credant Bivarius, Ramirezius, Tamajus, (qui carmen quoddam Cypriani sui Cordubensis hypobolimæ adducit) Argaziusque superstitione his falsis historiæ numinibus assurgentes; non cæteri, quibus intimatum jam sæpius fuit devitare hos scopulos, quibus jam ferè universæ antiquitatum nostrarum auctoritatis navem allisimus.

CAPUT XXI.

Luitprandus in dubiis quibuscumque apud nos historię articulis, personarum objectâ plerumque distinctione, judicem se controversiarum, & Apollineum oraculorum auctorem vendicare solet. Exempla.

453. **A**LIA etiam fuit mens & propositum personati Luitprandi, quæ attentè considerantibus non raro se prodit. Vide.

a Cap. 2. Vitæ, seu Actorum.

p Ad erant
DCCXXIV. ann.
DCLXXXVI.

q Tamajus
in Notis hujus
loci.

r Sive eram
DCCXXIII.

s Sive eram
DCCV.

t In Chron.
num. 1376. &
Adv. 149. 389.
481.

u 149. & 481.

Videlicet ut quædam historiæ nostræ dubia controversæque, nec satis distincta, vel declaratione vel multiplicatione personarum resolveret. Quo callido consilio consequuturum se speravit, ut veluti alter Deus historiæ, in hoc vindice dignis, juxta Horatii præceptum, appareret nodis

CAPUT XXII.

• Exemplis hæc comprobare animo hæserat auctor. Sed tamen iis destituitur; fortè quòd cum caput hæc in opportunus aut expeditus tempus distulisset, immaturâ morte præventus, illud absolvere minime potuerit. Plura tamen hujus rei exempla variis locis adducta, auctoris propositum asserit umque firmare poterit. CARDINALIS DE AGUIRRE.

De PSEUDO-HAUBERTO Hispalensi. Gregorii Argaizii Benedictini in hoc, atque item Dextro, & Maximo illustrandis, & in lucem promulgando Liberati alio Chronico, frustra impensa opera. Pseudo-Haubertini Chronici auctor quis. Non statim & omnibus quæ in lucem uti vetera mittuntur, credendum. Germana nostrorum historicorum opera, non nisi è publicis archivis aut antiquis libris, qui prostant, exsculpta, aliter ac Dextri, Maximi, & similium, Hauberti quæ & Liberati. E codice ipso quem pro Hauberti Chronico venditabat confictor, suppositionem ejus apparere. Catalogus Haubertinus Episcoporum Hispaniæ examinatur. Desunt in hoc illi, quorum in Conciliis Hispaniæ conservata fuit memoria: quod exemplis Valerensis, Seguntinæ, Complutensis, ac Legionensis Ecclesiarum comprobatur. Quædam de Legionensis hujus Ecclesiæ Episcoporum tempore. Item exemplo Iriensis Ecclesiæ, cujus Episcopos curiosè collegit Compostellana historia. Aliarum item, quarum Episcopos in Chronico laudatos in catalogo prætermittit. Additiones ad Hauberti catalogum in simile examen vocantur.

454. ALTERA fabula est, Luitprandianæ similis, quam ludit ætate nostra famæ gentis suæ Hispanæ sibi quæ ipsi æquè inimicus homo. Atque ea quidem digna visa est, cujus inventionem & promulgationem sollicitè, atque adeò plenè, referamus, simul quæ falsitatis, documenta aliqua (siquidem omnia velle, Augiæ esset stabulum purgatum velle) in medium producamus.

455. Apparuit ante aliquot annos novum, invisum hætenus atque inauditum, ac velut è cimmeriis tenebris caput extulit, Chronicon HAUBERTI HISPALENSIS monachi Benedictini, duabus partibus, quarum prior à creatione mundi usque ad gratiam; posterior à Virginis partu ad annum CMXIX. inscribitur. Edidit hoc Chronicon Gregorius Argaizius Benedictinus sacræ Theologiæ Magister, ordinis quæ sui chronographus, duabus quoque partibus, 1. & 2. quas unum volumen seu volumen conficere voluit. Sed neque his contentus, quasi fabulosarum omnium historiarum cinnum dare illis, qui hujusmodi nugæ consueverant, enixè propriè quæ suscepisset, Hauberto alligavit veteres illos in criticum theatrum jam eductos, & à doctis tractos quasi supposititios & ficulneos, rerum Hispanicarum temeratores, Pseudo-Dextrum, Pseudo-Maximum quæ, ac demum alium similem his Liberatum: quos dumtaxat, loco quem-

que suo, in examen vocavimus. Nempe titulo usus generali vulgaris linguæ: *Poblacion Ecclesiastica de España*, jam quatuor justis voluminibus, sive duabus partibus, in quatuor tomos divisus.

456. Primo volumini hanc affixam legimus inscriptionem: *Poblacion Ecclesiastica de España, y noticia de sus primeras bonas, ballada en los escritos de S. Gregorio Obispo de Granada, y en el Chronicon de Hauberto monje de S. Benito, ilustrado por el Maestro Fr. Gregorio de Argaiz, &c.* * Continet hæc in primis vitam & notitiam Hauberti, atque ejus scriptorum; deinde *Catalogum martyrum qui in persecutione Diocletiani & Maximiani in Hispania sunt passi*, ordinatum à Gregorio Granatensi (Iliberitanum dicere interpretis voluit) Episcopo, cum Argaizii Notis seu Commentario. De quo catalogo Gregorii, ut fingitur, Bæticis, satis multa nos in scriptoribus quarti sæculi, quo Gregorius floruit, nec inutiliter, observavimus. Sequitur jam in hoc volumine, quod descriptum imus, *Catalogus Ecclesiarum Hispaniæ cathedralium*, & notitia Episcoporum qui eis præfuerunt, auctore Hauberto monacho, aucto tamen eorum numero ex aliis auctoribus, scripturis, & Conciliis. Adjunguntur *additiones ad Hauberti catalogum* ex ejus Chronico desumptæ. Subjicitur inde *Hauberti Hispalensis Chronicon, pars I. à creatione mundi usque ad gratiam*. Incipit: *Deus trinus in personis*, &c. Sequuntur Notæ Argaizii prolixæ.

457. Secundo volumine altera pars Chronici ejusdem à Virginis partu usque ad annum CMXIX. & appendicis loco *Walambosi Merii additio* ad superius Chronicon, & ad utrumque auctorem Notæ, comprehenduntur.

458. Tertium volumen, totius ut ludicri systematis conspectum demus, *Dextri Chronici translationem Hispanam cum Notis*. Quartum quæ tandem similem aliam Chronici Marci, ut appellant, Maximi versionem, & ad hanc Notas, & post apologetica quædam auctoris adversus hæc omnia impugnantes scripta, Chronicon *De rebus Hispaniæ* novissimè inventum *Liberati Gerundensis monachi & abbatis Pampilonensis S. P. N. Benedicti*, duabus partibus, ab anno scilicet mundi usque ad annum DCX. de quo jam antea egimus, continent.

459. Ut ordine procedamus, opus erit de Hauberto in primis agere, inde in opera hujus inquirere. Haubertus ab iis, quibus obscurum nomen luci vitæ quæ consignare cura fuit, Hispalim patriam habuisse dicitur, idem Germanis parentibus ortus, qui cum Caroli Magni auspiciis Hispaniensem adversus Mauros expeditionem sequuti essent, in hac urbe sub infidelium jugo inter Christianos mansere. Unde tamen Haubertus ibi natus anno DCCCXL. ejus quæ fratres germani post parentum obitum, ob evitandas iniquas Maurorum vexationes sese proripientes, & in Gallæcia, sub Alphonsi III. cognomento Magni tempora, veluti in portu suscepti, Benedictinum ordinem amplexi omnes sunt in Dumiensi monasterio; quorum

* Matrii apud Gregor. Rodriguez. MDCLXXII. fol. y Pag. 1.

z Pag. 77.

a Pag. 117.

b Pag. 212.

Gaudebertus ætate aliis grandior, Dumienfis Episcopus, Guilielmus ejusdem monasterii abbas, Haubertus autem insignis chronographus, deperditarumque Hispaniæ historiæ verè restaurator & vindex, fuere. Totum id voluit artifex Pseudo-Hauberto credi, cujus Chronicon his, quæ sequuntur, verbis absolutum legimus: *Cum hæc scriberem regnabat in Legione Ordonius, Cordubæ Abderachmen, in Castella & Auce Didacus senex, concurrente era Caesaris CMLVII. Et ego Haubertus Hispalensis monachus Dumienfis in monasterio Dumienfi accepi habitum Benedictinum anno Domini DCCCLXXVII. Fui patriâ Hispalensis ex genere Germanorum, qui venerunt ad Hispanias in societate Imperatoris Caroli Magni. Scripsi istud Chronicon in monasterio meo in Gallaecia ætatis meæ LXXIX. annorum.* Hæc de se ille, qui spectari in scena sub Hauberti persona voluit.

460. Jam ad opera ejus venientes, ac de iis quærentes admoneri opus est, tam Chronicon Hauberti, quàm ejus catalogum, è manibus prodissse D. Antonii de Lupian Zapata, ut quondam jactabat, Valentini, Segobricensis, qui ante aliquot annos in Ebuso insula (*Ibiza* vulgò) obiit Ecclesiæ, quæ ibi est, præfectus. Hunc quasi erubesceret, atque ominosum esset, proprio appellare nomine Argazius veritus fuit: descripsit tamen referens^c, curiosum quendam fuisse hominem, cui impositum fuerat Burgenfis almæ Ecclesiæ antiquitates literis consignare, qui Burgis ipsis commorabatur. Quem cum sibi valde obnoxium, beneficiisque devinctum haberet Joannes Samaniegus Benedictinorum S. Joannis ejusdem urbis abbas, facile ab eo trium horum veterum monumentorum, quæ ab originali (sic loquitur) codice is exscripserat, exemplum impetravit; à quo Joanne Samaniego id ipse Argazius rei auctor habuit.

461. Quæ quàm sicca & jejuna sint de re tam gravi, & cui fidem omnino haberi voluit, nemo non videt. Exemplum nempe ignoti, nec auditi hætenus, operis historici, sacris, Ecclesiasticis, politicis eventibus, sanctorum hominum, aut Christi martyrum, antea ignoratorum, religiosorum ordinum originis & progressum, integræque tot sæculorum Hispaniæ historiæ notitiâ illustris, unius anonymi testimonio, qui extractum à se ab originali tantum dixit, nec, unde extraxisset, locum, quem excutere, aut codicem, quem consulere possemus, indicavit. Exemplum hoc, inquam, nobis pro germani ac veri scriptoris vetustate commendato, & in archivi alicujus codice diu servato exemplari, cui veritas ipsa testimonium dicat, quasi per vim intruditur. Et impii, & maligni, & antiquitatis hostes sunt, qui novas, nec ullo fidei sigillo commendatas merces, pro adulterinis averfantur. Quem avertendæ calumniæ locum, Hauberti causâ, integro ac benè docto opusculo^d Andreas Garfias de Molina Jurisconsultus (latere sub hoc nomine verum auctoris nomen, qui D. Franciscus Andreas de Palacios & Molina est, Argazius ipse agnovit^e) adversus assertorum præsumptionem *Bibliotheca vetus Hispana* Tom. I.

tractavit. Cui quidem Argazius idem, inter alias sui nominis & Hauberti defensiones, quæ volumini quarto systematis memorati leguntur, nescio quæ ludicra magis & universalialia, quàm stricta, & succi plena, modestiæque viro religioso & historico digna reposuit.

462. Cum enim Hauberti accusator legitime postulasset monstrari sibi, & omnibus veri amantibus, studiosisque patriæ, famæ, & honoris, quisnam homo, & è quibus latebris processisset, quam testimoniorum probabili saltem fide, quibusnamque signis documentisve, sive contestationibus venerandæ ejus, quam jactabat, ætatis, se illum esse, quem præferebat, ostenderet, idque jure à se peti gravissimis & firmissimis ex utroque jure petitis argumentis confirmasset, nil ultra Argazius Hauberti defensor, quàm modestum accusationis tenorem dicacitate & factis, historico non minus, quàm oratori magnopere fugiendis, excipere: & cum opposita solvi fuit necesse, paralogismis uti, nec unquam ad rem devenire, sed nugis iterum strepere, disertiisque omnia conturbare. Nihil harum solennitatum, quæ jure expetuntur, in editione legitima instrumentorum causis deservientium, desideratum fuisse ait in publicatione veterum illorum auctorum, quos edidere in lucem, instrumentorumve, quibus in tabulariis monasteriorum repertis nostræ historiæ vindices Stephanus Garibajus, Ambrosius Morales, Hieronymus Zurita, Joannes Mariana, Antonius Jepsius, usi fuere. Atque ideo editorem Hauberti non ferendam injuriam pati, cui fides, nisi ea præstiterit quæ nusquam ab aliis exposci consuevissent, abrogatur.

463. Deinde tamen, ne videretur silentii expositus, celare adhuc velle hominem, à quo Hauberti accepit Chronicon, alibi fatetur g, D. Antonium Lupian Zapata eum esse, qui è bibliotheca monasterii S. Dionysii Parisiensis codicem originale, in quo descriptum id Chronicon fuerat, dolo clepsisset, quique anxio se esse animo restitutionis cum Argazio ipso non dissimularet. Ab hoc singularia prius quædam Chronici fragmenta, postremoque integri exemplum, quod typis editum dedit, habuisse ait. Nec dum tamen inventoris bonam fidem, auctorisve legitimitatem in tuto positam animadvertens, accepto commodum è Gerundenfi urbe Liberati cujusdam alio Chronico per eos dies invento, in quo Haubertus, liberque hic ejus, laudantur; tanquam ad triarios rediisset res, atque admodum laboraretur, defensionem instaurat. Sed hac una impressione contentus inane victoriæ triumphum canit. Hæc tota vis Argazii, quæ excepit ea, quibus Hauberti causâ premitur, argumenta.

464. Quæ quàm infirma sit ac debilis, paucis ostendam. Liberatus, ut hinc initium fiat, supposititius est auctor, nullamque sibi, ne dum aliis, fidem exculpere adhuc potuit, rectè sentientium judicio, ut loco suo notavimus. Hac igitur commendatione & auctoritate depulsum Chronicon nil aliud quàm

f Pag. 87. Appendix.

c In Vita & Notitia Hauberti initio primi tomii.

d Discurso historico contra el intitulado Hauberto Hispalense, cuyos apocryfos escritos sacò à luz el maestro Fr. Gregorio de Argaz &c. Matriti MDCLXXIX. in 4. e 4. Tomo de la Poblacion de España sub titulo: Respuesta à los lectores &c. pag. 88. post Maximii Chronicon.

g In Appendix dice quadam tomii 4. cui titulus: *Imposuras, y engaños del P. Fr. Hieronimio de S. Pablo contra Dextro, Maximio, Hauberto, & Luisprando* &c. pag. 19.

E e e

tot

tot sæculis inauditi atque illaudati auctoris nomen, furtoque sublati ab inventore suo Parisiensis codicis, unde origo ei, confessionem, quamplurimaque inserta inverisimilia, incredibilia, certis & compertis adversa, plenaque omnia ferè affectationis & assentationis, paucis aliàs certis & jam notis, ut & falsa vera crederentur, admista, retinet.

465. Et magnâ quidem injuriâ Argæizius queritur se, quàm alios similium librorum publicatores, severius tractari. Omnes enim illi quos in exemplum appellavit, vel priscos rerum nostrarum auctores in tabulariis Ecclesiarum & monasteriorum repertos in dias luminis oras pertraxerunt, vel schedas veteres, aut regia diplomata in iisdem contenta confirmandis iis, quæ proposuissent, sincerè laudaverunt. Codices tamen, unde sunt auctores, cæteraque documenta ab iis descripta, vel in iisdem locis, vel in Laurentina regia bibliotheca servati, adiri possunt, omnemque falsi suspicionem à videntium & contrectantium mentibus expellere. Archiva publica ii nominavere, quò ire possent, qui nonnisi oculis credunt, & aliqui forsan hoc jure usi sunt. Non ierunt? Juri suo quilibet renunciare potest: interim tamen præsumptio stat pro iis, qui eam conditionem incredulis obtulerunt. Nemoque tam suæ famæ prodigus credendus est, quem citandi falsos testes, qui interrogari possunt ipsi, vassania impetat. Hæc omnium, qui anecdota in vulgus dant, præcipua & anticipata cura est fidei promulgatis quærendæ, laudare locum, sive hominem, à quibus acceperunt, eorumque auctoritatem sinceritatemque in primis commendare; ne aut in locum facile subrepere, aut ab homine exire mendacia & falsa potuisse videantur.

466. Edita fuere primùm in lucem à Sandovalio quinque Episcoporum Chronica, seu totidem Hispanæ historiæ fontes; sed viderant ea prius in eodem, ex quo deducta sunt, codice antiquissimo, atque in aliis, seniores nostri, quæ ipsa sibi testimonium antiquitatis & sinceritatis perhibent. Edidit Morales S. Eulogii martyris opera, à D. Petro Poncio à Leone Placentino Episcopo in codice quodam Ovetensis Ecclesiæ vetustissimo reperta, sibi que ab eo communicata; quibus, utpote nulla ex parte non germanum sui auctorem præferentibus, omnes nostrates, exteri, docti, indocti, statim acquievere. Dedit foras Dulcidii, ut credidit, Salmantini Episcopi Chronicon Pellizerius, veterem librum, quem ostendit omnibus, manu exaratum describens. Esto auctor ejus non sit; attamen nullus hucusque eorum, qui Pellizerio nomini sunt infensi, Chronico ausus est notam suppositionis aut interpolationis impingere. Exiit è manibus D. Thomæ Tamaji Paullus Emeritensis diaconus, sed ad octo non minùs exemplaria Gotthica, Latina, collatus, ipseque suæ præstruendæ auctoritati sufficiens. Prætermitto alia.

467. Secus omnia in his, qui ab uno fermè, sæculo protruduntur nobis alius post alium auctores. Dextrum, hydræ hujus pseudo-

historicæ princeps caput, quibusdam suis amicis Higuera primus ostendit. Addidit inde Maximum. Quos duos Joannes Calderonius Cæsar-augustæ foras dedit; sponte forsan Higuera ipsius, qui tamen ausus non fuit ostentare se horum editorem. Et nullus quidem poterat citari locus, quò rem nusquam visam videre cupientibus eundum esset. Fingitur ergo Fuldenis codex ab ea bibliotheca olim subreptus venisse in nescio cujus Wormaciensis manus, indeque descriptum exemplum Thomam Torr-albam habuisse; ne Fuldam peti, aut aliò quovis posset pro veritate examinanda. Immo nullus exemplum Germanicum ad Higuera missum vidit unquam, aut ab eo in aliqua ordinis sui bibliotheca relictum legimus, ut saltem id in causa interrogaretur. Dexter olim notus fuit, constanterque historici operis scriptor: deperditum tamen hoc fuisse, sæcula omnia silentio clamant. Et tamen nuper inventum ac resurgens cordati ex omni gente & lingua ferè omnes jam loco monstri habent.

468. Luitprandum D. Thomas Tamajus edidit, deinde D. Laurentius Ramirezius, viri magni; sed Higuera fidem, & Wormaciensis illius inventionis fabulam sequuti; atque eum Luitprandum, qui à vero & germano, quantum ortus ab occidente, distat.

469. Julianum Petri diaconum Toletanum adjunxit paullò post idem vir doctissimus Ramirezius, sed ex eadem ficulnea penu, ut latè propriis locis annotavimus.

470. Eodem animatus præclara Hispaniæque decora fingendi genio Joannes Tamajus Salazarius, primo loco Auli Hali *De adventu S. Jacobi* carmen ex Alvari Gomezii *Talibristie* optimis, suisque, alteriusve rus olentibus versibus interpolatum (quod cum ad Auli hujus tempora deveniemus, palam omnibus fiet) publici juris malis avibus fecit.

471. Deinde martyrologium Hispanum fabulis eorum, quos nuper appellavimus, auctorum ferè constans, aliis adhuc è Gotthico libro, qui nusquam inter ejus, aut excellentissimi viri D. Didaci de Arce Reinoso schedas aut libros fuit post amborum mortem inventus, descriptis versibus Juliani, Cypriani, & aliorum, & Legendariis variarum Ecclesiarum, quæ penes se esse jactabat, magna bonorum omnium offensione, ac veritatis injuriâ, atque adeò gentis nostræ duraturo ad posteritatem omnem, nisi è medio tollatur causa, dedecore, totum quantum est, oppletum & suffarcinatum adjecit.

472. Hunc ponè sequens Lupianus Zapata, furtivi codicis experta olim in Dextro vanitate subnixus, Haubertum, nec nomine notum, prodigiosi hujus Chronici auctorem domi suæ fingere ausus, eo solùm antiquitatis testimonio commendatum à se ad Argæizium dimisit, quòd è bibliotheca Sancti Dionysii Parisiensis olim à se subreptus fuisset. Et tamen ad hujusmodi inventionibus fidem præstandum, tanquam invidi & irreligiosi, quinimmo ut patriæ ferè hostes, urgemur; sed ab iis qui animam pro sale habent, & quid assentatorem & amicum, favorabile

ac

ac iustum suffragium interfit, planè distinguere nesciunt.

473. Hæc illa causa est Hauberti, quam totâ oris & calami, Tertulliani ut verbo utar, contumeliâ, toties, & adversus tot adversarios, Argaius orat, assertoremque ac vindicem veræ Hispanæ gloriæ sese magnificè venditat. Sed bonum factum. Hispana gens diu his adulatorum delinimentis quasi effœminata, jam movet lacertos, seque in libertatem sentiendi, & quæ sua non sunt respuendi, vindicare amat. Calle isto ad famam niti, non Hauberti, aut similibus vestigia prementes, debemus.

474. His generaliter de vanitate inventionis præmissis, nos jam accingi opus est ad Hauberti *Catalogum Hispaniæ Ecclesiarum*, & *Episcoporum notitiam* è catalogo verorum scriptorum deturbandam. Hoc opus maiorem partem chimæra est, & in cerebro editoris natum, nullo habito ad veri similitudinem respectu, omisissis plerumque his Ecclesiarum episcopis, quos aliquando his præfuisse, liquidò, nempe ex Conciliorum subscriptionibus, aliisque certissimis monumentis, constat. Immo, ut ex falso ipso Haubertum falsi accusamus, prætermisissis etiam his Episcopis, quorum sui illius auctores, & quos præ oculis semper habuit, Dexter atque ejus affeculæ meminerunt.

475. De conciliaribus patribus vis ne id, quod primo loco diximus, experiri? Adi, lector, decimum septimum caput, quod *De Valeria sive Valerensi Episcopo* tractat; qui destructa à Mauris sede pridem defecit. Videbis laudatos

Favilam anno Domini DXCIII. Intelligi electum.

Sebastianum monachum Gallum, anno DCXXI.

Gregorium anno DCXLIX.

Gaudentium anno DCLXXX.

At ex Conciliorum constat subscriptionibus Magnentium interfuisse Concilio Toletano sub Gundemaro Rege anno DCX.

Eusebium interfuisse Concilio Toletano

iv. anno DCXXXIII. Sisenandi Regis tempore, & v. ann. DCXXXVI.

Tagontium Concilio Toletano viii. anno DCLIII. sub Reccesvintho.

Stephanum Concilio Toletano ix. sub eodem, anno circiter DCLV. ac x. sub eodem, anno sequenti.

Quatuor hi defunt in Hauberti catalogo, qui verè Valerientes Pontifices fuere. Immo Gaudentius, qui dicitur anno DCLXXX. Pontificatum suscepisse, subscriptus legitur xi. Concilio Toletano anno DCLXXV. aut circiter, sub Wambane congregato; nec non & jam inter antiquiores duodecimo, quod habitum fuit anno DCLXXXI. sub Ervigio.

476. Sume nunc in manus Seguntinos præfules è cap. 18. leges huic Ecclesiæ præfuisse

Audericum anno DLXXXVIII.

Protogenem anno DCX.

Joannem anno DCXLVI.

Bibliotheca vetus Hispana Tom. I.

Undericum anno DCLVI.

Joannem anno DCCXI.

Consule nunc subscripta Concilii Seguntinorum Episcoporum nomina, & colliges intermedio isto tempore centum & viginti trium annorum

Protogenem interfuisse Cœcilio iii. Toletano sub Reccaredo an. DLXXXIX. (qui ab Hauberto non ante ann. DCX. collocatur in sede) & alii Concilio sub Gundemaro anno DCX. (quem primum ejus Haubertus constituit)

Idiscium i Conciliis iv. v. & vi. ab anno DCXXXIII. ad ann. DCXXXVIII.

Ubidericum Conciliis vii. viii. ix. ac x. ab anno DCXLVI. ad an. DCLVI. qui primus ei ab Hauberto assignatur obitæ dignitatis annus.

Egicam Concilio xi. anno DCLXXV.

Ellam Concilio xii. xiii. & xiv. ab anno DCLXXXI. ad ann. DCLXXXIV.

Gundericum Concilio decimo quinto anno DCLXXXVIII.

477. Hactenus Conciliorum ætas, quæ stare possit contra catalogi fabulosos Episcopos. At qui Protogenem præcefferunt nullis aliis documentis egent ad ostendendum se non minis quatuor dictis Haubertinis ejus collegis supposititios esse. Sed observatione haud indignum est, an. DCCXXXIX. Eulogiū martyrem, & post hunc an. DCCLXIX. Sacerdotem ultimum Episcopum Seguntinorum ab Hauberto laudari. E quibus duobus Eulogius martyr non est Cordubensis ille, qui Toletanus præful electus in patria coronatus fuit. Contigit enim ejus martyrium anno sequentis sæculi LIX. At Sacerdotis Haubertina laus, quantum (bone Deus!) repugnat magno historico & antiquario Juliano! In Chronico is: *Venit sanctus Pontifex Sacerdos Lugdunensis (ait) ad Regem Arbanagildum Wisigotthorum missus à Regibus Gallis, & factus est Segontinus ab eodem Rege. Vir sanctus obiit iii. Idus Septembris anno Domini DLXX. Ejus caput asservatur ab eadem sede, corpus verò Lugduni.* Sed planè tam falsum est Sacerdotem Lugdunensem antistitem, de quo agit Gregorius Turonensis in *Vitis Patrum* cap. 8. tempore isto in Hispania factum Seguntinum Episcopum, de quo aliàs, quàm aliquo tempore aliquem fuisse, cui nomen esset *Sacerdoti*, huic Ecclesiæ impostum.

478. Capite 20. de Complutensibus agitur Episcopis. Primum eorum Julianum ponit, secundum Petrum, tertiumque Asturium anno CD. Huic ne, an S. Ildephonso fidem præstabimus, qui de Asturio ait, propter devotionem erga sanctorum MM. Justi & Pastoris reliquias à se inventas, cum Toletanus esset Pontifex, sedem suam Compluti fixisse? Inde adjungens: *ut antiquitas fert, in Toletano sacerdos novus, & in Compluto agnoscitur primus.* Majorem ego uni Ildephonso, quàm centum Haubertis fidem præstari debere ajo. Sequuntur in catalogo Haubertino alii, quos inter quærens Toletanarum Syn-

Ecc 2 odo-

Ad marginem autographi hæc notæ exstat ipsius auctoris manus apposta: Adjungendum hinc breviter quicquid de codice Zapata & Chronico propria ejus manu passim cancellato & interpolato notat Pellizerius Acropolitani Marchio, & alii. CARD. DE AGUIRRE.

i Alias Idiscium.

Num. 299.

i Vide Galliam Christianam tomo i. m In censura nostra ad Julianum.

odorum patres , frustra eris . Defunt enim

1. Præfidius, qui Synodo sub Gundemaro interfuit anno DCX.
2. Hilarius , qui Concilio iv. anno DCXXXIII. & v. ann. DCXXXVI. & vi. anno DCXXXVIII. & viii. anno DCXLVI.

479. Davila , alias Dalila, collocatur quidem sub nomine Dadilæ , sed , quo non debuit , tempore : nam initium ejus ponitur anno DCLV. cum ante biennium , hoc est anno DCLIII. Concilio subscripserit Toletano viii. idque vicesimo secundo loco , cum non minus quinquaginta duo Episcopi ei interfuerint . Unde certò colligitur jam dudum huic Ecclesiæ præfuisse .

3. Aciscus, qui Conc. xi. an. DCLXXV.
4. Gildemerus , cujus locum tenuit in Concilio xii. anno DCLXXXI. celebrato Annibonius presbyter .
5. Agricius , qui xiii. an. DCLXXXIII. ac xiv. anno sequenti.
6. Spasandus, qui xv. an. DCLXXXVIII. ac xvi. anno DCXCIII.

480. Deest quoque præter hos sex, qui duo ferè sæcula vixere , fuisseque Complutenfes Episcopos ambiguum nemini esse potest , Venerius quoque , cujus meminit S. Eulogius martyr in epistola ad Wiliesindum Pampilonensem Episcopum, ubi ait : *Et cum ab antistite Complutenfi Venerio dignè susceperer &c.* Quamvis enim duos Venerios in catalogo videre sit , neuter eorum ad nos pertinet . Primus enim anno Domini DLVIII. multò superiori ætate ; secundus verò Venerius aliquot post conscriptam Eulogii epistolam annis creatus dicitur præsul , scilicet anno DCCCLVIII. cum constet datam fuisse epistolam anno hujus sæculi LI. ut ex nota ei subjecta liquet . Nec dicas latuisse Haubertum Toletanorum Conciliorum codices duo enim reponam : primò, ex ignorantia ista excusaretur quidem , si hos tantum non memorasset . Nequit tamen excusari , quòd ab his , qui certò Episcopi fuere, eodem tempore alios memoravit . Non enim potuere simul conciliares & Haubertini Ecclesiæ præfuisse . Secundò, negamus latuisse eum Toletanorum Synodorum notitiam . Eà enim utitur , & conciliares omnes laudat auctor in quibusdam Ecclesiis ; veluti in Segobiensi cap. 25. Aucensi cap. 52. & aliis .

481. Legionensis Ecclesiæ præfules recensentur cap. 57. quod operæ pretium erit percurrere . Unus fortè Decentius ex Haubertinis veritati congruit historiæ . Ejus enim nominis Episcopus interfuit Eliberitano Concilio sub Sylvestro Papa & Constantino Imperatore . Ad Ecclesiam Legionensem quod attinet , quamvis in codicibus Ecclesiarum Toletanæ atque Ovetensis sub Wambanis Gotthorum Regis nomine *Descriptio sedium Hispanicarum* referat Episcopali dignitate Legionem floruisse , nec ulli metropoli unquam suppositam fuisse , eique proprios, scilicet veteres à Suëvis Regibus præscriptos, assignat limites ; nobis valdè dubium redditur quòd ca-

thedra illic Episcopalis fuerit sub Gotthorum saltem imperio . Nec enim vel uni ex Toletanis Conciliis nationalibus , quibus nullus non Episcopus intererat , subscriptus legitur Legionensis aliquis . Concilium item apud Lucum ⁿ anno DLXIX. hoc est, erà DCVII. quo Gallæciæ , sive Suëvorum ditionis Ecclesiis omnibus designati limites fuere , adeò nullam habet Legionensis mentionem , ut potiùs *Legio* (nisi alia sit) quam super Urbico Wambanis divisio appellat , inter ea oppida , quæ Asturienfi seu Asturicensi Episcopo subicerentur , locum sortita fuerit .

482. Deest etiam Legionensis præsul & Ecclesiæ memoria in quadam divisione Constantino tributa , quæ servatur in codice Ecclesiæ Toletanæ , & in collectione Conciliorum edita fuit à Loaisa^o , quam quidem Toletanus antistes , ut Valentinam urbem recens sub Jacobo Aragoniæ Rege à Mauris recuperatam suæ metropolitice ditionis olim fuisse comprobaret , in causâ produxit . Nam quæ descriptioni memoratæ Ecclesiarum & diocesium nota subjicitur , nempe hujus tenoris : *& sub uno sedes Hispanienses absque provincia Tingitania usque ad mare Oceani , qui eas circumdat , sedes LXXXII. exceptis Legionis & Oveti , quæ nulli unquam metropoli fuerunt subditæ ;* affigi potuit à recentiore aliquo , qui vetus hocce monumentum descripsit . Oveti enim nomen tunc natum & auditum fuit , cum edificari hæc urbs à Froilane 1. in loco Oveti nuncupato cœpit , de quo Ambrosius Morales lib. 13. cap. 19. Exemptionis autem prerogativa excusare non potuit Legionensem Episcopum , quominus is Synodis nationalibus interesset . Et si hunc excusaret , Lucensem quoque similis exemptionis honorem actum à Suëvorum tempore , ut in eadem divisione Episcopatum P. Wambani Regi attributa refertur , excusare debuisset . Quod secus contigisse videmus nam Lucenses Episcopi, Euphrasius Conciliis xii. xiii. & xv. Potentiusque xvi. Toletanis interfuere . Nec ignoro duplicem Lucum fuisse, *Augusti* dictum unum, *Asturum* alterum , à Ptolemæo , de quo alibi erit agendi locus .

483. Obstat hucusque dictis quòd apud Pseudo-Maximum legitur initio Chronici ad ann. CDXXXII. Isidorum seniores dedicasse hoc anno librum *Allegoriarum Orosio Episcopo Legionis septimæ Gemine in Hispania* . Sed hic Episcopus mera est fabula Pseudo-Maximi . Quem tamen Haubertus omittens , qui Maximum Dextrumque ; anteambulones & magistros habuit , vel se incuriositatis & negligentiae , vel Maximum suum falsitatis insinuat . Obstat inde quòd Adaulphus Legionensis Episcopus interfuisse Lucensi Concilio, Theodemundi Suëvorum in Gallæcia Regis tempore coacti , referatur in divisione ista Wambanis Regis apud Lucam Tudensem⁹ . Sed hæc non esse ex divisionis tenore , sed Lucæ ipsius , qui eam Chronico suo intexuit , probare possumus ex vero exemplo ejusdem divisionis , quam ex libris Toletanæ atque Ovetensis Ecclesiarum , uti diximus , Loaisa edidit, ubi hæc Adaulphi memoria desideratur .

484. Ob-

ⁿ In Collect. Concil. Hisp. pag. 128.

• Pag. 131.

^p In collectione Conciliorum Hispaniæ pag. 136 & 137.

^q In Chronico erà dcciv.

484. Obstat item quòd in eadem, ut videtur, divisione legimus: *Legio, quam condiderunt Romanæ legiones, quæ antiquitus Flos fuit vocata, & per Romanum Papam gaudet perpetua libertate, & à nostris prædecessoribus exstat sedes regia, atque alicui metropoli nunquam fuit subdita, teneat per suos terminos antiquos per Pyrenæos montes, & per Penam Ubeam &c.* Sed & ista non esse Wambanis divisionis, sed alterius recentioris è Legionensium Regibus, exinde liquet, quòd nonnisi post sedem regiam in Legionensi urbe firmatam, scilicet ab Ordonio II. Rege, scripta sint: nullus enim Suëvorum aut Gotthorum, quos Wamba laudare potuit, ac prædecessores suos appellare, huic civitati hunc honorem detulit. Et quis non observat barbarismum Latini sermonis, seu potius Hispanismum, ibi: *teneat per suos terminos*, quæ non fert sermo Latinus Gotthorum temporis, sed Hispana pura puta est phrasis barbari temporis: *tenga por sus terminos*.

485. Deveniendum ergo est ad recentiora Asturiarum & Oveti, hoc est renatæ à captivitatis excidio Hispaniæ Regum tempora, si Legione quærimus Episcopos; quorum in diversis ævi veteris monumentis memoria superest. At neque horum catalogus Haubertinus, vel non rectè, meminit. Sed antequam eos notemus, Haubertinum catalogum Mirono, Cypriano, Syriano, Felice, Quirino, Zunidio, Episcopis Legionensibus, jure multabimus. Hi enim ab anno DCCCLXIII. usque ad DCCCXLVI. vixisse ibi dicuntur. Quo annorum spatio Legio urbs non modò absque Episcopali dignitate, sed & absque civibus fuit. Constat id quod dicimus ex Sebastiani seu Alphonso I. Catholico (regnare hic coepit anno DCCXXXIX.) legitur plurimas civitates à Mauris oppressas, in hisque Legionem, cepisse. cumque omnes Arabes supradictarum civitatum interfecisset, Christianos secum ad patriam, hoc est ad Asturias, & finitima loca, unde processerat, duxisse.

486. Desolatæ ergo urbes istæ mansere usque ad Ordonii hujus nominis I. regnum, cujus initium ab ann. DCCCL. desumendum est^s, quod idem auctor ait de Ordonii expeditionibus agens, *civitates desertas, ex quibus Adephonsus major Chaldaeos ejecerat, ille repopulavit, idest, Tudem, Astoricam, Legionem, Amajam-Patriciam*. Scio de hac re contendisse olim cum Mauro Castella historiarum vulgaris S. Jacobi Apostoli auctore Prudentium Sandovalium Pampilonensem Episcopum^t, cujus partes jure sequimur cum antiquis. Non enim Cixila Episcopus in suburbio Legionensi degens, cujus in donatione quadam cujusdam Hermigildi eidem an. DCCCXXXVI. facta, & ab utroque visa, fit diserta mentio, deturbare nos ab statu debet. Cum neque in ea discatur, cujusnam esset is Ecclesiæ Episcopus, neque suburbium Legionense vicina urbi ædificia, quos burgos hodie, aut Hispano vocabulo *arravales* dicimus; sed quicquid esset in territorio, etiam longè distitum, juxta illius ætatis usum, significat; quod pluribus *Bibliotheca vetus Hispana* Tom. I.

adductis exemplis Sandovalius confirmat. Nec dicas Legionenses durasse Episcopos excisa etiam sede. Quorsum enim defuncto ei, qui cum desolaretur urbs in vivis erat, nec dignitatis titulo spoliandus fuit, alium & alium subrogari, nomine tenus & absque urbe aut populo, antistitem?

487. Sed veniamus jam ad eos, qui in Hauberti desiderantur albo, aliunde noti, sive eos etiam qui non suo tempore ab eo laudantur.

Pelagius, qui erà CMVI. sive anno DCCCLXVIII. obiit, in Ecclesia S. Claudii ejusdem Legionensis urbis sepulchrum habet cum hac inscriptione: *Hic requiescit fidelissimus Christi servus Pelagius Legionensis Episcopus erà CMVI. in mense Augusti*. Qui prius post reparationem urbis forsitan fuit.

488. Maurus (Pelagii an successor?) in carmine illo antiquo laudatur, quod in Chronico Dulcidii Salmanticensis præfulis nomine inscripto legitur, quòd de multis supra egimus^x. Ejus auctor in carmen retulit eos, qui sedibus tunc temporis exstantibus, hoc est anno DCCCLXXXIII. præerant; è quo hic versus est:

Maurus Legione, Ranulphus Astorica.

489. Hunc, si placet, Maurum Vincentius excepit, qui anno CMI. Alphonso III. Magni tempore Concilio interfuit Ovetensi pro consecratione hujus Ecclesiæ convocato. Cujus Sampirus in Alphonso rebus meminit. Nisi Concilium hoc Ovetense, non anno isto, quod Morales credidit^y, sed anno DCCCLXXVII. quod Sandovalius^z, celebratum fuerit. Hoc enim posterius si admitimus, Maurum Vincentius præcesserit.

490. Horum ei, qui ultimò vixerit, successerit per me Sisnandus, qui anno CMV. more illius sæculi, donationum instrumenta publica confirmabat^a. Sisnando autem Frunimius, qui cum provincialibus suis Episcopis, ut idem Sampirus ait^b, consecrari fecit novam Legionensem Ecclesiam in palatio intra urbem, Ordonii II. Regis jussu, anno circiter CMXVII.

491. Sed Mauri quidem catalogus Haubertinus haud meminit, Sisnandi congruè meminit. Non ita de Vincentio Frunimioque. Ait enim Vincentium factum Episcopum anno DCCCLXXVII. Non autem hic potuit hoc anno jam Episcopus, Maurum, qui anno DCCCLXXXIII. eidem Ecclesiæ præerat, successorem habere: siquidem ipse Vincentius ad annum usque CM. superfuisset dicitur.

492. Capite 63. Irienses enarrantur Episcopi, quorum qui monumentis aliis conveniunt, minùs aptè collocati reperiuntur, pluresque desiderantur, aliunde noti. Ait Haubertus: *Episcopi Iria-flavienses ineperunt (affectatum simulatoris barbarismum!) tempore Romanorum. Primus eorum sedit Amandus monachus solitarius ann. Domini CCCXCVIII. cui successerunt, Felix ejus archidiaconus anno Domini CDXIX. Acacius anno Domini CDXLIX. Abundantius anno Domini CDLXV. Quæ malè constant. Hic Acacius*

Ecc 3 sepul-

u Teste Egidio Gundisalvi Davila in *Theatro Ecclesiæ Legion. tom. 1. Theatri Eccles. pag. 382.*

x Ubi de Dulcidio lib. 6. cap. 10.

y Lib. 19. cap. 21.
z In Notis ad Episcopos pag. 245.

a Apud Sandovalium ibid. pag. 249.
b In Ordonio II.

^r Morales lib. 13. cap. 9.

^s Morales lib. 13. cap. 55.

^t In Notis ad Episcopos, ubi de prælio apud Clavigium pag. 211.

sepulturam habet in Ecclesia hujus oppidi, el *Padron* hodie nuncupati, sic inscriptam: *Acatius Episc. Iriensis erā CDLXXXVIII.* ^c Qui annus est CDL. significatque obiisse hoc anno. Falsus ergo est Haubertus, qui successorem ejus Abundantium non ante annum CDLXV. huic sedi præfectum prodit.

493. Deest apud Haubertum Lucretius, cujus meminit Iriensis hæc inscriptio ^a: *Domus Episcoporum inchoavit Lucretius septimus Episcopus Iriensis, perfecit Andreas, Miro regnante, erā DCX.* ^c Haubertus Adree mentionem habet, Lucretii autem minimè. De Andrea sic: *Andreas Barcarius Græcus monachus Benedictinus in monasterio Dumienfi anno Domini DLXII.*

494. Arduum opus est persuaderi nos velle Dumienfi monasterio à Martino Dumienfi exstructo convenire Benedictinum institutum, uti observavimus in ejusdem Martini notitia ^f. Andreas tantum audit, absque ullo cognomine, inter subscriptiones patrum Concilii Bracarenfis vulgò I. cui interfuit anno DLXI. atque item II. anno DLXXII. Sed & hic, quem revera fuisse Iriensem Episcopum aliunde noscitur, pessimè & ipse collocatur ab Hauberto, quasi munus suum anno DLXII. occeperit, cum ante annum prædicto Bracarenfi Concilio I. tempore Theodemiri Regis Suëvorum celebrato, tertius ordine subscribendi, octo inter præfules Gallæciæ, hoc est unus ex senioribus, & jam aliquot annorum Episcopus, nomen suum apposerit. Et quid si non hocce, sed anno DXXXVI. Synodus ista, qua de loquimur, Bracarenfis habita sit, quod quibusdam placet ^g? Sed annum verum Synodi contra Moralem ^h, Marianam ⁱ, & Baronium ^k, qui DLXIII. credidere, rectè deduxisse mihi videtur Franciscus Padilla in *Historia sua Ecclesiastica Hispania* cent. 6. cap. 32.

495. Post Andream ponitur Didacus Rusticus, initiatus muneri an. DLXXXVIII. & post hunc Amatus anno DXCVIII. Sed inter hos fuit annus DLXXXIX. coacti sub Reccaredo Gotthorum Rege nationalis Concilii Toletani III. in quo Arianæ hæresi dictum à tota Gotthorum ditione exsilium fuit. Huic tamen non Didacus (inauditum hisce temporibus hominis nomen) neque Amatus, sed Dominicus Iriensis legitur Episcopus subscriptus tricesimo octavo loco inter octo & sexaginta.

496. Sequitur in Haubertino catalogo Petrus monachus Benedictinus, deinde Samuël abbas, quasi anno DCXXXVII. suscepto munere. Attamen anno DCXXXIII. hoc est ante quatuor annos, interfuerat Samuël Concilio IV. Toletano sub Sisnando Rege.

497. Catalogus prosequitur: *Eodem anno Gotthomaro intrusus.* Hic Gotumarus, sive Gottomarius, interfuit anno DCXXXVIII. Synodo VI. Toletanæ, & anno DCXLVI. aliàs DCLI. Synodo ejusdem urbis VII. Parum autem videtur simile vero sub catholicis & piis principibus Cinthilane & Cindasvinto intrusioni Gotumari tot annis assensum præstitum fuisse.

498. Inde catalogus: *Sindigus monachus anno Domini DCXLVI.* Ignorantiâ & stupiditate magnâ hic homo contributus fuit hujus Ecclesiæ Episcopis, qui anno DCLIII. ut procurator & diaconus Vincibilis Episcopi Ecclesiæ Iriensis inter subscribentes Toletano Concilio octavo nomen suum professus legitur.

499. Hunc excipit in catalogo *Adulphus cognomento Felix anno DCLXXXVIII.* Perperam. Ildulphus, qui cognomento Felix, interfuit Bracarenfi Concilio III. Sed Concilium hoc habitum fuit ante tredecim annos, nempe DCLXXV. Immo, si idem cum hoc Ildulpho Felix ille sit, qui subscripsit Toletano XII. neque ei convenit Haubertinus in hanc sedem illius ingressus anni prædicti, cum Synodus hæc habita fuerit anno ejus sæculi octogesimo primo. Hic ipse Felix tertiæ decimæ Synodo anno DCLXXIII. interfuit, ac decimæ quintæ anno DCLXXXVIII. In quo rumpitur Toletanorum Conciliorum filum, ne ultra progredi hoc possimus ducere. Sed eorum qui post Felicem in catalogo recensentur, notitia, falsi & ipsa convincitur à legitimo instrumento, cui nemo fidem abnuere poterit.

500. Anno DCCXCVI. hanc suscepisse gubernandam Ecclesiam dicitur Theodemirus, cum appellatione *sanctissimi & doctissimi monachi Benedictini.* Post hunc Andreas, alius Theodemirus, Joannes, Athaulphus, Basius, Sisnandus, Petrus, alius Sisnandus, Hauberto æqualis & amicus, omnes ferè monachi, usque ad annum CM. Mera somnia. Verum namque Iriensium Episcoporum post Hispaniarum excidium ordinem & successionem ex historia seu Chronico Compostellano habemus nota. Hanc sub Veremundo II. circa annum millesimum, Episcopi duo, Nunnus Mindonienfis, & Hugo Portuensis, composuere. Quos rerum Iriensis & Compostellanæ, in quam Iriensis translata est, Ecclesiarum scriptores accessisse ad volvendum hoc pensum, ejus argumenti, cui sese addixerant, instructissimos, nemo sanus ambiget.

501. Planè historia hæc est optimæ apud nos fidei, de qua suo nobis loco erit agendum. E qua, inedita etiam nunc, fragmentum subjecimus, quod veluti oriens sol Haubertinas tenebras, non ejus tantum partis quæ captivitatis hæc tempora continet, sed & quodammodo superiorum etiam Gotthicæ ac Romanæ ætatum in catalogo enarratarum, dissipat ac resolvit. *Tunc Pelagius Fafilaz Asturias invasit,* (contigit hoc circa annum DCCXVIII. ¹) *sub quo Emila Hyllienfis* (corruptè scriptum pro *Iriensis*) *decimus Episcopus fuit.* Hinc jam catalogi Haubertini redarguitur fides, apud quem usque ad Pelagii tempora, sive annum DCCXX. Irienses antistites non minus viginti laudantur. *Postea* (sequitur) *Regibus nominatis Asturias obtinentibus, scilicet ejus filio Fasila, & Adephonso Petri Ducis filio, & Froila filio ejus, & Aurelio, & Silone, & Mauregato, & Veremundo, cunctis defunctis, Adephonsus Castus in regno eligitur in era DCCCXXVIII.* ^m Scri-

pturæ

¹ Morales lib. 13. cap. 2. in fine.

^m Anno DCCC.

^c Apud Davilam in *Theatro Compostellano Ecclesiæ* tom. 1. pag. 30.

^d Ibidem pag. 31.

^e Anno DLXXII.

^f Lib. 4. cap. 3.

^g Vaseo in *Chron. ad hunc ann. DXXXVI.*

^h Lib. 11. cap. 57.

ⁱ Lib. 5. cap.

^k Tomo 7. ad annum DLXIII.

n Morales
lib. 13. cap. 29.

pturæ hoc mendum videtur, cum aliunde constat sequenti anno Alphonsum electum. Post Emilam Romanus undecimus Episcopus fuit. Post Romanum Augustinus duodecimus Episcopus fuit. Post Augustinum Honoratus decimus tertius Episcopus fuit. Post Honoratum Kindiulphus quartus decimus Episcopus fuit. Post Kindiulphum Theodemirus quindecimus Episcopus fuit, tempore Regis Adephonsi Casti. Sed cum Dominus voluit revelari & notificari sepulchrum beatissimi Jacobi Apostoli Theodemiro viro nobilissimo & sanctissimo, notum fuit Regi Adephonso clarissimo viro & sanctissimo, & tota sponte cum summa reverentia venit causâ orandi ad beatum Jacobum Apostolum, & ibi cum lacrymis & assiduâ orationibus multa obtulit dona; & tamen cautum ei fecit per

Sioniam, & per Lesteum, & per villam Atrucci secus Ecclesiam S. Michaelis, & inde in Tamare; & honorem & dignitatem Hylliensis Ecclesiæ B. Jacobo, & Theodemiro, & successoribus suis perpetualiter contulit; & Theodemirus quindecimus, factus est primus Pontifex in sede B. Jacobi Apostoli diebus Caroli Regis Franciæ & Adephonsi Hispaniæ Casti Regis.

502. Caremus nos hujus historiæ exemplo: hoc tamen ejus pistacium dedimus ex eo quod D. Josephus Pellizerius, amicus, dum in vivis esset, noster, atque historicus regius, possidebat. Sed quò magis appareat Hauberti falsitas, opponemus hic Haubertinos Iriæ Flavie Episcopos iis, de quibus nos docuit Compostellana historia.

o Produxit
ille in obser-
vat. ad Dulcidii
Chronicon fol.
30.

Ex Hauberto.

Leonosindus anno DCCXIII.
Torcatus DCCXX.
Felix DCCXLV.
Sagisimundus anno DCCLIX.
Julianus DCCLXXXI.
Theodemirus anno DCCXCVI.
Andreas DCCCXV.
Theodemirus alius anno DCCCXL.

503. Hic, præterquamquòd utriusque veræ ac falsæ Irienfis Ecclesiæ præfulum historiæ diversitas Haubertum damnat, unus etiam, in quo utraque convenit, Theodemirus ineptè ab eo collocatus indigentia arguit impostorem. Corpus enim sanctissimi Apostoli Jacobi à Theodemiro repertum Iriæ fuit anno, uti diximus, DCCCXXXV. quo anno nondum fuisse hujus sedis Episcopum, sed nonnisi post quinque alios creatum, Hauberto credere debemus, si fidem ei habemus.

504. Parum quoque vidit confessor catalogi in Sisnando Episcopo Iriensi, qui revera fuit, præeratque anno DCCCLXXXIII. ut constat ex quadam donatione Alphonfi III. Magni p, necnon & anno DCCCLXXXV. & ann. DCCCXCIII. Horum namque priore anno laudatur in Dulcidiano, sive alterius carmine, ad medium ejus Chronici, quo notati sunt Episcopi, qui hoc tempore in vivis erant, sic:

Sisnandus Iriæ S. Jacobo pollens.

posteriore autem interfuit consecrationi Ecclesiæ monasterii Vallis-dei in Asturiis, quod antiquissimis characteribus portæ ejusdem inscriptum fuit q. Duos autem Sisnandos Haubertus laudavit; quorum nulli convenit id quod ex memoratis instrumentis comperitissimum est, nec negari potest. Nam prior Sisnandus per biennium, ab an. DCCCLXXVII. ad DCCCLXXIX. posterior non ante annum CD. ultræve, sedi præfuisse dicitur.

505. Percurremus hinc leviter, ac veluti suspenso pede, quosdam notatos à nobis aliud agentibus defectus valde notabiles in catalogo isto Haubertino, cum Chronici ejusdem auctoris, & cum pseudo-historicorum, quibus adhæret semper, enunciationibus comparato,

Ex Compostellana historia.

Emila.
Romanus.
Augustinus.
Honoratus.
Kindiulphus.
Theodemirus, cui revelatus fuit S. Jacobi corporis locus.

necnon & ad verorum monumentorum obruzam examinato.

506. Cap. I. Toletanos inter Episcopos Durcius deest; quem sororum novem, Cateii & Calisæ filiarum, à Dextro & Juliano tot locis celebratarum, fratrem germanum, Toletique Pontificem atque martyrem, idem Haubertus in Chronico ad annum CLIII. fuisse refert; ignoratum certè ficulneis illis, qui sorores tantum commendaverunt, laudatoribus.

507. Deest quoque S. Spiridion, quem tam Pseudo-Dexter r, quàm Pseudo-Gregorius Bæticus s, Toletanum antistitem (quantumvis Argæizius criticum agere velit t) apertè profitentur. Et hic est ille inclytæ famæ Cyprius Episcopus, qui Conciliis Nicæno ac Sardicensi, diu post exantlatum Oreti apud nos anno CCC. martyrium, interfuit. Vide in commentario Dextri, quonam modo hunc contradictionis æstum Bivarius eluètari frustra conetur.

508. Cap. 14. In Valentinis præfulibus desiderat Pseudo-Julianus Pantaleonem & Marcellum suos, de quibus in Chronico circa annum DCCXV. u

509. Cap. 27. In Tarraconensium albo Felix Haubertinus in Chronico ad annum CXXV. cum magnanimitate virique Apostolici laudatus elogio, nomen suum adhuc querit.

510. Cap. 28. In Barcinonensibus Frodoïnus non conspicitur, ad quem S. Cyprianus martyr scripsit.

511. Cap. 32. Primus Gerundensis Episcopus S. Narcissus ponitur martyr ad annum CCLXX. Et nihilominus anno LXXII. Cuthalium Gerundensem Episcopum obiisse Tritii in Vasconibus, apud Chronicon Hauberti legimus, itemque Paullum anno CXXXIX. martyrium subisse.

512. Cap. 42.

r Ad ann.
ccc. pag. 327.
s In Catalo-
go mart. n. 134.
t In Notis
hujus catalogi
tom. 2. De la
poblacion Ec-
cles. de España
pag. 72.

u Num. 405.
& 411.

p Aptud Sandoval. in Notis
ad Episcopos
pag. 147.

q Sandova-
lius ibidem
pag. 191.

512. Cap.42. In Dertusensibus cur inter Rufinum atque Eutychium M.M.S.Quartus locum non meruit, quem Haubertus ipse ad ann.CXXIV.diem suum obiisse refert?

513. Cap.43. Cæsar-augustanorum numerum augere debuit ante alios Heleca, qui circa annum DCCCXCIII. in vivis agebat; qui numerum auget, magno compendio historię fabulosę, quam admiratur Haubertus, eorum scriptorum, qui ficulnei proprio nomine, hoc est paterno, audiunt.

514. Cap.47. Pampilonenses recensentur antistites, à quorum serie Basilius abest, aliàs in Chronico laudatus ad annum CXXIX.

515. Caput 50. Calagurritanis assignatum memoriã caret S.Nolati, Ovidii, ac S.Tolerantii martyris, quos Hauberti Chronicon ad annos CXXVII.CXXXIV.& CXXXIX. adjudicavit Episcopos Julię Nassicę, quam eandem cum Calagurri existimasse Haubertum Argaizius admonet ^x.

516. Caput 52. de Aucensibus est; qui quidem ab Asterio ad Ioannem per tria fere sæcula iidem ipsi sunt, quos Prudentius Sandovalius, priusquam Hauberto hanc molam versare placuisset, curiosè collegerat ^y. Et tamen Ovecus aliàs deest, quem ab anno DCCCL.usque ad CM.floruisse idem observavit, alibi tamen ^z, Sandovalius.

517. Caput 54. Uxamensium Episcoporum est. Ibi tamen frustra quæsieris Astorgium in Chronico laudatum ad ann. XC. Pertinet enim ad hanc Ecclesiam, juxta id quod Argaizius notavit.

518. Capite 58. de Britoniensibus agitur. Hęc olim fuit in Asturibus aut Gallæcis sedes Episcopalis, in cuius locum Mindoniensis subrogata dicitur ^a. In ea claruit sanctitatis & mirabilium operum laude ^b Gundisalvus præsul circa annum DCCCLXXXVIII. Reticitur tamen in catalogo Haubertino.

519. Capite 61. Asturicenses enumerantur. Deestque Marinus, cuius Chronicon meminit ad ann. CXX. Ranulphus item in carmine Dulcidiano Episcoporum anni octingentesimi octogesimi tertii memoratus ^c; necnon Gundisalvus, qui anno CMV. in vivis agebat ^d.

520. Cap. 64. Auriensium ordinem augere debuerit Adulphus anno DCCCXX. ^e & Sebastianus anno DCCCLXXXIII. ^f huius Ecclesię præfules; quod ex veteribus scripturis constat.

521. Caput 65. Tudenfes continet; quorum primus Identius ad ann. rejicitur CCCXCVI. cum in Chronico jam ad CXL. Trovus Episcopus Tydiensis laudetur.

522. Cap.66. Inter Portuenfes Dulcidianum, aliàs memoratum, carmen suum requirit Justum anno DCCCLXXXIII. Portuensem Episcopum.

523. Caput 67. Dumiensibus datum Rudecindo caret, eodem ann. DCCCLXXXIII. juxta Dulcidianum carmen in vivis agente.

524. Caput 68. Bracarensium continens longissimam seriem, Potamii initium anno DCLVII. constituit pessimè, qui superiore CCLVI. in Concilio Toletano X. depositus fuerat, subrogato in locum ejus Fructuoso

Dumienfi. Desideratur etiam Lajanus ex carmine Dulcidiano nobis jam notus, nondum tamen, cum Haubertus in tam seria re ludebat.

525. Cap.69. de Lamecenfibus agitur: è quorum numero fuit Canderius hic prætermisus, at in eodem carmine Dulcidiano nomen suū professus. Argimirus item monachus omnium postremus, an. DCCCXCVIII. initiatus falsò dicitur, qui jam an. DCCCXCIII. huic sedi præerat ^g.

526. Cap.71. Inter Conimbricenses Naustus desideratur, cuius Dulcidianum Carmen, & quædam vetus inscriptio meminit ^h.

527. Cap.79. Cauriensium ordo caret Jacobo mentione, quem anno CMV. vixisse contestantur veteres memorię ⁱ.

528. Caput 80. magnā injuriā è catalogo Abulensium Quiricus & Paullus exemptos se fuisse clamant; quos inter primos ejus Ecclesię antistites primi Christiani sæculi Haubertus in Chronico laudavit ^k.

529. Cap.85. In Italicensibus Eulalius deest, qui Concilio Toletano III. subscripsit: item Cambra deest, cuius mentio est in Concilio Hispalensi II. canone tertio, quod celebratum fuit anno DCXIX. Epertius quoque Toletano quarto subscriptus an. DCXXXIII. & aliis usque ad octavum anno DCLIII. post viginti integros annos creatus perperam dicitur. Spera-in-deus interfuit Toletano XII. anno DCLXXXI. ab Hauberto intactus. Cuniuldu, qui subscriptus legitur decimo tertio sequenti post biennium, ac decimo quinto quinquennio ab hinc habitis, post Mancium, qui electus dicitur anno DCC. pessimè collocatur.

530. Cap.88. Malacitanorum Theodulphus desideratur, qui Concilio Hispalensi II. anno DCXIX. interfuit.

531. Cap. 90. Astigitanorum numerum augere debuit Deus-datus; quem anno Christiano LXXVI. migrasse de vita in Chronico ait Haubertus.

532. Caput 91. ad Cordubenses pertinet; in quo legitur S. Agapius monachus Benedictinus anno Domini DLXXXVII. is nempe, qui Toletano III. & Hispalensi I. interfuit; cuius tamen monachismo Haubertinæ relationis validè resistunt verba hæc Hispalensis Concilii secundi anno DCXIX. celebrati: *Septimo examine relatam est nobis venerandissimum quendam Agapium Cordubensis urbis Episcopum frequenter presbyteros destinasse, qui absente Pontifice altaria erigerent, basilicas consecrarent. Quod quidem non est mirum id præcepisse virum Ecclesiasticis disciplinis ignarum, & statim à seculari militia in sacerdotale ministerium delegatum.* Quandonam etenim monachus fuit, qui è milite creatus Episcopus fuisse dicitur? Nec non è catalogo deest Honorius, qui eidem Hispalensi secundo subscripsit. Et hæc de Episcoporum Haubertino catalogo, in quem inspicere ii poterunt, quibus cupidini hanc adornare Spartam, neque Augiæ purgare stabulum tædio fuerit.

533. Sed audio jam Argaizium operæ nostræ his impensæ genuinum insigere, meque in

g Ex inscrip-
tione apud
Sandoval. in
Notis ad Epi-
scop. pag. 191.
h Sandoval.
ibidem.

i Sandoval.
pag. 249.

k Ad ann.
DCCXVI.

x In Notis
ad annum
DCCXXVII. pag.
160. col. 2.

y Histor. del
Rey D. Alonso
el VI. fol. 43.

z In Notis
ad Episcopos
pag. 138.

a Sandoval.
Notas à los
Obis. pag.
114.
b Idem pag.
247.

c Sandoval.
ibid. pag. 191. &
248.

d Sandoval.
pag. 249.
e Idem pag.
170.

f In carmine
Dulcidiano.

infectæ *Additionum ad catalogum præfationis* accusare. Ibi enim admonuit Haubertum, post hunc absolutum usque ad annum CMXIX. Episcoporum catalogum, novas curas & industriam applicuisse formando Chronico, cujus occasione non modò Episcoporum, sed & Ecclesiarum ingentem, præter sibi jam notum & enarratum, invenisse numerum. Unde sibi quasi Adversaria, seu rhapsodiam fecit, tam intactarum prioribus curis Ecclesiarum, quam ignotorum etiam earum, quas tetigerat, præsulum. Harum ergo Argaizius *Appendicem* formavit *additionum ad Hauberti catalogos* titulo inscriptam, veluti supplendis his ex auctore ipso catalogis, & satis iis faciendo, qui defectus eorum animadvertissent.

534. Sed hæc responsio nihili est. Cum enim tam catalogus Ecclesiarum, quam Chronicon, ad annum decimi hujus sæculi undevicesimum æquè pertingat, easdemque utrique commentario temporis fines auctor præscripserit, non ulla congrua reddi potest ratio, cur secundis curis inventum, dum navaret operam Chronico, locupletiolem sedium atque antistitum ordinem veteri catalogo inferre prætermiserit; maximè cum tres alios annos post undevicesimum prædictum, supervixerit; si fides habenda est ejus continuatori ac discipulo Walambofo Merio Dumienfi monacho, qui Hauberti obitum an. CMXXII. contigisse ait. Demus tamen prætermisisse. Age nunc, Argaizi, ostende nobis vel unum Episcopum earum Ecclesiarum, quas catalogus continet, ordini adjungendum è novis curis. Fallor, aut non dabis.

535. Novis igitur curis contigit Ecclesias hætenus inauditas, fereque dixerim fictitias, observare plurimas, earum verò quæ notæ essent, & in catalogum contributæ, nec ullum fortè deprehensum, aut ea studii contentione de novo observatum, quo veterem catalogum locupletare posset, Episcopum, annotare. Quod omni caret veri specie; ipsaque sua imputata Hauberto nova & major industria fidem ei derogat. Impossibile enim est, quin Chronico incumbens, dum Conciliorum Hispanorum materiem ac tempora refert, ex eorum subscriptionibus nomina patrum nota habuerit, qui in catalogo Episcoporum plerumque desiderantur. Uti impossibile est, quin ea falsa sint, quæ in catalogo notata veris historiis adversantur. Excuset ergo, quicquid volet, Haubertum suum Argaizius. Nunquam ejus industriam jure commendabit, qui in medio posita & cuicumque obvia omisit; aut fidem asseret, qui, ut loco suo observatum fuit, contraria veris historiis, certisque atque irrefragabilibus antiquorum monumentorum testimoniis in referendis Ecclesiarum Hispanarum suis Episcopis, uti vera & certa narravit.

536. Sed sigillatim ex *Appendice* ista observare & examinare aliqua lubet, nonnullo operæ pretio.

537. Sub titulo *Agon*, & *Agonzillo* docet nos Argaizius oppidum hocce esse Calagurritani sacri territorii ad Iberum flumen, in quo

Paulus Apostolus, atque ejus discipulus S. Quartus, Euangelium ethnicis annuntiaverunt, cathedralemque Ecclesiam constituerunt; hujusque rei auctorem Dextrum laudat. Planè nihil de hoc loco aut Ecclesia is, quem pro Dextro venditant. De sancto Quarto hæc tantum in ejus Pseudo-Chrysgico leguntur¹ ad ann. L. *Manet in Hispania S. Quartus, qui obiit anno LXXVI.* Et ad ann. CV. num. 4. ^m *S. Quartus Apostolorum discipulus bis Hispaniam peragrat, semel post Jacobum, iterum relictus à Paulo. Berela (quæ nunc Bætyrus, aliis Batica, vel Gonciolum in Hispania dicitur) in Bætonibus, miraculis nunc claret.* Forfan sedes Quarti, S. Pauli discipuli, quæ revera Berythus Phœnicie urbs fuit, agente Dorotheo in Synopsi ex Hippolyti libello *De LXXI. discipulis Domini*, non solum Berela, & Bætyrus, & Gonciolum, sed & Agon, eodem tempore, hoc est Romanorum apud nos dominantium, priusquam urbium vocabula barbarorum inundatio evertere posset, appellata est.

538. Neque aliquis dixerit, Gonciolum, cujus oppidi Ptolemæum meminisse in Bætonibus propè Salmanticam Franciscus Bivarius alicubi notat^o, idem esse cum Agone, sive *Agonillo*. Nam in primis deceptus fuit Bivarius; cum Ptolemæus neque Goncioli, neque Salmanticæ, neque Bætonum usquam meminerit. Præterea ex Gonciolo, si fuisset, Ptolemæi, non utique *Agon* corruptè derivasset, quo nomine semper Haubertus utitur, sed potiùs *Agoncilium*, quod usurpare Haubertus debuit, quò magis Gonciolo, Dextri potiùs quam Ptolemæi, verisimilia tribueret. Mirè quidem in hoc sancto Apostolorum discipulo ludit Julianus^p; cujus verba mirè etiam Argaizius alibi deformat^q. Planè Dextro Argaizius imputat quod in eo non legitur.

539. Hujus Agonensis Ecclesiæ primum, quem novit Haubertus, antistitem, Ugerinum fuisse deinde ait Argaizius, laudatis his Hauberti ex Adversariis seu rhapsodiæ illius verbis^r: *Ugerinus Episcopus Agonensis vel Muriliensis obiit.* Aliam sanè appellationem ejusdem sedis, quæ Bætyrus, & Bætica, & Gonciolum, & Agon audit, Muriliam existimarem, nisi me doceret Argaizius quatuor in Hispania Ecclesiis cathedralibus Quartum præfuisse^s, Berytensi, quam *Alberite*; Agonensi, quam *Agonzillo*; Varea, quam *Varea*; & Muriliensi, quam *Murillo*, interpretatur. Quartus enim qui vocaretur, quater esse debuit Episcopus. Ad populum phaleras. Fortè Argaizius Lucroniensis, potiùs quam Pseudo-Haubertus Hispalensis, pium esse gnarus patriam colere, per totam urbis suæ viciniam Episcoporum sedes spargere voluit. Namque *Agon*, *Alberite*, *Clavijo*, *Lecora*, *Murillo*, *Viguera*, *Varea*, quibus oppidis hunc honorem adjudicat, duabùsve, tribùsve, aut quatuor ad summum leucis à Lucronio urbe distant.

540. Et est ne hoc secundum sanctorum patrum divinitus inspirata decreta (ut Leo Magnus ait Pontifex^t) quæ vetuere ne viculis, & obscuris, & solitariis municipiis tribueretur sacer-

l Pag. 100

m Pag. 208

n Baronius
111. Novemb.
Equilinus lib.
10. cap. 16.

o Ad Dextrum
anno L
pag. 100.

p In Chronico
num. 84.
q In hac
Appendice sub
titulo Varea
sect. 214. pag.
195.

r Quasi ad
ann. cccviii.
pertinentibus.

s Vide sectiones
harum
Additionum.
97. 164. & 214.

t Epist. 87.

¶ Concil.
Laodic. cap. 56.
Concil. Africa-
no cap. 42. Sar-
dicensi cap. 6.

× Vide Card.
Brancacci *Dis-
sertationem* in-
ter alias *De*
Regulis SS.
PP. Romæ
MDCLXXII.

*sacerdotale fastigium, ne honor, cui debent ex-
cellentiora committi, ipse sui numerositate vile-
sceret?* Quod in conciliaribus explicatur con-
stitutionibus ^u, *ne in vico aliquo, aut in modica*
civitate, cui sufficiat unus presbyter, ordinetur
Episcopus. Decreta SS. Patrum à Leone lau-
data, non solum ordinationes Nicænæ atque
aliarum Oecumenicarum Synodorum sunt, de
quo haud dudum viri docti disputarunt^x; sed
potiore jure quicquid viri Apostolici recenti
adhuc Ecclesia, & ab Apostolis ipsis instructi
stabiliverunt. Quorum è numero S. Quartus,
minimè Pauli magistri sui præceptum non
exsequi potuit, qui ad Titum scribens, *reli-
qui te Crotæ* (ait) *ut ea quæ desunt corrigas, &*
constituas per civitates presbyteros (hoc est, Epi-
scopos) *sicut & ego disposui tibi.*

541. Quis autem audebit civitatis, am-
pliorisve alicujus, quàm obscurissimorum vi-
corum appellationes iis locis tribuere, quorum
geographicorum, historicorum, Ecclesiastico-

rum librorum nullus, præter unum Hauber-
tum nullius fidei hominem, unquam memi-
nerit? Prætereo quod de Vincentii martyris
Ecclesia Muriliensi, prima inter Hispanias
Collegiata, quamque Petrus hujus Ecclesiæ
Episcopus anno CCCLXXXI. fundasse dici-
tur, in iisdem *Adversariis* legitur Hauberti,
magni nostri Apollinis, cui planè in doctissi-
mo sæculo, & post excisa & incensa omnia
ferè à Mauris vetustatis monumenta, perspi-
caciissimum esse obtigit minutissimarum quo-
que rerum, quæ olim apud nos accidis-
sent, indagatorem ac præconem clarissi-
mum.

542. De Concilio Agone habito adversus
Vigilantiæ hæresin, non adversus Priscilliani-
starum, ut Argæzius vulgari verbo interpre-
tatur, anno CCCXCIII. nihil dicere opus
est, cum æquius & proclivius sit sola refuta-
tione unicum, atque eum luxatæ, immo nul-
lius fidei, testem repellere.

Finis Tomi Primi.



no 3112-

no 3152

119





